



Հարգելի՛ ընթերցող.

ԵՊՀ հայագիտական հետազոտությունների ինստիտուտը, չհետապնդելով որևէ եկամուտ, իր կայքերում ներկայացնելով հայագիտական հրատարակություններ, նպատակ ունի հանրությանն ավելի հասանելի դարձնել այդ ուսումնասիրությունները:

Մենք շնորհակալություն ենք հայտնում հայագիտական աշխատասիրությունների հեղինակներին, հրատարակիչներին:

Մեր կոնտակտները՝

Պաշտոնական կայք՝ <http://www.armin.am>

Էլ. փոստ՝ info@armin.am

ՀԱՅ ԴԱՍԱԿԱՆՆԵՐԻ
ԳՐԱԴԱՐԱՆ

**ՎՐԹԱՆԵՍ
ՓԱՓԱԶՅԱՆ**

ԵՐԿԵՐ

Երևան
«Սովետական գրող»
1987

Կազմեց՝ Ռ. Գ. ՍԱՐԳՍՅԱՆ
Առաջաբան՝ Ա. Կ. ՕՆԱՆՅԱՆ

Փափագյան, Վ.

Փ 311 Երկեր: (Զրույցներ, պատմվածքներ, դրամա)
(Վրթանես Փափագյան [Կազմ.՝ Ռ. Գ. Սարգսյան, Առաջաբանը՝ Ա.
Կ. Օհանյան].— Եր.: Սովետ. գրող, 1987.— 696 էջ.— (Հայ. դաս.
գ-րան:

Հերթական հատորը ներկայացնում է հայ գրականության դասականի գրույթ-
ները, պատմվածքները և «Ժայռը» դրաման:

4702080100 (180)
705 (01) 87 (14.87 «Տ»)

ԵՄԴ 84 27—4

Մի հայացք նետելով Վրթանես Փափագյանի կյանքի պատմության վրա, հեշտ է համոզվել, որ այն իր մեջ խտացնում է ընդհանրապես հայ գրողի տիպական ճակատագիրը. ճիշտ է՝ ծայրահեղացված արտահայտությամբ:

Ծնվել է Փափագյանը մեր ժողովրդի վաղնջական բնօրրանում՝ Վան քաղաքում՝ 1864 թվականի ապրիլին: Բազմանդամ և ծայրը ծայրին հագիվ հասցընող մի ընտանիքի գլուխ էր նրա մտավորական հայրը, որին անողորմ կարիքի մտրակն ստիպում էր պատկառելի գերդաստանը քարշ տալ բնակավայրից բնակավայր, երկրից երկիր, և որն, այդուհանդերձ, ամենուրեք նպաստիչ հետք էր թողնում տեղի մշակութային կյանքի վրա, խիզախ պայքար մղում ֆեոդալական նախապաշարումների ու քարացածության դեմ՝ այդ պայքարի մեջ ներքաշելով նաև իր ուսուրերին ու դուստրերին: Մեսրոպ Փափագյանը ժամանակի հայկական մի շարք պարբերականների գործուն թղթակից էր, հրապարակագիր, բանաստեղծ, դրամատուրգ, իր հեղինակություններում արժարժում էր լուսավորական գաղափարներ, ջատագովում հայ ժողովրդի ռուսական կողմորոշումը: Նրա ամփոփական նախաձեռնությամբ ստեղծվեցին հայկական դպրոցներ, այդ թվում օրիորդաց՝ Արևմտյան և Արևելյան Հայաստանի, ինչպես նաև Պարսկաստանի մի քանի հայաշատ գյուղերում ու քաղաքներում: Նա հիմնադիրը դարձավ նաև պարսկահայ թատրոնի, որի խաղացանկում տեղ էին զբաղեցնում ազգային ու համաշխարհային դրամատուրգիայի ակնառու երկեր: Ազգանպաստ այդ գործունեության ճանապարհին էլ նա խավարմունքի ձեռքով ընկավ իբրև նահատակ՝ հրավիրելով միջազգային մամուլի ու դիվանագիտական աշխարհի ուշադրությունը: Մեսրոպ Փափագյանի որդիներից մի քանիսը զոհվեցին ազատագրական կռիվների բարիկադների վրա, իսկ նրա աղջիկներից երկուսը նշանավորեցին իրենց անունը հայ թատրոնի պատմության մեջ՝ առաջին անգամ բեմ բարձրանալով Թավրիզում և Ալեքսանդրապոլում: Կնոջ վերաբերմամբ շքապատում թագավորող բարոյական թանձրացյալ նախապաշարմունքի պայմաններում նման քայլը լուրջ վտանգներով հղի էր, և, ուրեմն, հասկանալի պետք է լինի հասարակական խտելի կարծիքին դեմընթաց գնալու Փափագյան դուստրերի վճռականության արժեքը: Հասարակական գործունեության ակնհայտ ջիղով օժտված էր նաև Մեսրոպ Փափագյանի կինը՝ Անթառամը, որի անվան հետ կապվում են պարսկահայ մշակութային կյանքի որոշ իրադարձություններ:

Ահա այսպիսի ընտանիքում ծնվեց ու դաստիարակվեց Վրթանես Փափագյանը: Ժառանգելով ծնողների հատկանիշները՝ ազնվություն, շիտակություն, խիզախություն, նվիրաբերում ժողովրդի շահերին, ինքնուրույնություն, նպատակայնություն, աշխարհաճանաչողություն ու ինքնակատարելագործման բուն

© «Սովետական գրող» հրատարակչություն, կազմելու առաջաբանի և ձևավորման համար, 1987 թ.

մղումներ և այլն, նա ժառանգեց նաև հարազատ օջախի կարիքավորության բերք, հպարտ արհամարհանքը բարեկեցիկ կյանքի նկատմամբ:

Փափագյանի նախնական կրթությունն ավարտվում է, երբ նա ընդամենը 15 տարեկան էր: Մի քանի տարի սովորելով Ագուլխի և Թավրիզի դպրոցներում և, որպես արտակարգ գիտելիքներով աչքի ընկած աշակերտ, բացառության կարգով ընդունվելով Էջմիածնի Գևորգյան ճեմարան ու այստեղ էլ սովորելով մեկ տարի, նա նյութական ծանր վիճակի և հիվանդության պատճառով հրաժարվում է հետագա ուսումից և կյանք մտնում: Հասուն տարիներին գրած նամակ-ինքնակենսագրականում Փափագյանը դառնությամբ վերհիշում է. «15 տարեկանից հետո ինձ թողել են իմ բախտին, և որքան արկածալից է եղել իմ կյանքը, որպիսի՝ երեքուն դրություն, որպիսի՝ վշտեր ու տանջանքներ. անթոթությունն ինձ հետևում էր մինչև վերջ, իմ կյանքի ամբողջ ընթացքում»: Հիրավի, հենց այդ հասակից ճակատագիրը նրա ձեռքն է տալիս աղքատ թափառականի ցուպը: Վաղ պատանեկության այդ տարիներին նրան կարելի էր հանդիպել մերթ Պարսկաստանի մայրաքաղաքում, մերթ Թիֆլիսում ու ծննդավայրում, մերթ էլ Բաքվում ու Կոստանդնուպոլսում: Պետությունների ու աշխարհամասերի սահմանները նա հատում էր առավելապես ոտքով ու միայնակ: Քաղցը, հույսը և կյանքը ճանաչելու մոլեգին մղումը այս զարմանալի և տարականոն ուղևորին անդադար տեղից տեղ են նետում, հակում իր խառնվածքին անհարիր ամենատարբեր աշխատանքների, մերձավոր շփումների տանում այլևայլ ազգերի ու ցեղերի հետ: Նա գիշերներ է լուսացնում ամայի տարածություններում, մեծ քաղաքների պուրակներում, անձանոթ ու հյուրընկալ գյուղական խրճիթներում, թափառիկ ցեղախմբերի սայլերում: Դրանք նրա առաջին համալսարաններն էին, ուր նա աշխարհաճանաչողության և իմաստնության դասեր էր առնում:

Ծավոք, ժամանակները ջնջել են Փափագյանի հասարակական-քաղաքական գործունեության շատ էջեր՝ դրանք դարձնելով առայժմ անվերձանելի: Լոկ կողմնակի սուղ վկայություններն ու ժլատ ակնարկներն ի մի հավաքելով հնարավոր է դառնում վերականգնել նրա երևելի կյանքի առավել նշանակալից դրվագներից մի քանիսը:

Վաղ տարիներից Փափագյանն իրեն նետեց հայրենի երկրում ծավալված ճակատագրական իրադարձությունների հորձանուտը: Դրանք այն ժամանակներն էին, երբ մի կողմից գլուխ բարձրացնող կապիտալիստական հարաբերությունները բերում էին նահապետական բազմադարյան հոգեբանության անողորմ ու անդարձ փլուզումներ, իսկ մյուս կողմից պատերազմների ու ցեղասպանության հրդեհներում հայտնված Արևմտյան Հայաստանի տոհմիկ բնակչությունը եղերական արագությամբ դատարկվում էր հազարավանդների իր բնօրրանից: Երկրում այլք տվող ազգային-ազատագրական և հեղափոխական

շարժումները հայոց աշխարհի կենսագրության մատյանում հոշակում էին նոր դարագլուխ, դրսևորում ազատ ապրելու ժողովրդի վճռականությունը: Այդ իրադարձությունների բովում կոփվեցին Փափագյանի կյանքն ու գործը: Հայ գրողը մարտիկ եղավ, արժանի՝ իր ժամանակի բարձր պահանջներին:

1885-ին, 21 տարին չբոլորած, Փափագյանը հայտնվում է Կոստանդնուպոլսում, ուր մնում է մոտ մեկ տարի: Վերջին հինգ տարիներին Երևանի, Թիֆլիսի և Պոլսի թերթերում ու ամսագրերում մի շարք հեղինակություններ տպագրած և արդեն որոշակի ճանաչման արժանացած գրող-հրատարակագիրն այստեղ՝ Բյուզանդիայի երբեմնի մայրաքաղաքում, մի խումբ հայ ուսանող երիտասարդների հետ, որոնց մեջ էին Արշակ Ֆերվաճյանն ու Կարապետ Փաշայանը, ստեղծում է մի ընկերություն, որը, իր իսկ խոստովանությամբ, «ծածկաբար հեղափոխական էր, բայց երևույթով՝ գրական»:

Առավել լուրջ էր Փափագյանի մասնակցությունը Կարինի (Էրզրում) «Պաշտպան հայրենյաց» կազմակերպության ընդհատակյա գործունեությանը, որն, ինչպես հայտնի է, նպատակադրվել էր զինված ապստամբությամբ Արևմտյան Հայաստանն ազատագրել թուրքական լծից: Մոտ երեք տարի ուսուցչություն անելով հնագույն հայկական այս քաղաքում (1887-ի հունվար—1889-ի աշուն), Փափագյանը կապեր է հաստատում 1882-ի վերջերին ջախջախված «Պաշտպան հայրենյաց»-ի այն ղեկավարների հետ, որոնք, 1886-ին ազատվելով բանտից, հավաքում էին կազմակերպության բեկորները՝ պայքարը շարունակելու համար: Հիմքեր կան ենթադրելու, որ Փափագյանը լուրջ հանձնարարություններ է ստանում գավառների հետ կապեր ստեղծելու համար, այդ նպատակով ուղևորություններ կատարում Մանազկերտ-Արճեշ-Վան-Ռուսան-Խիզան-Բաղեշ-Մուշ երթուղով: Ինչևէ, վերակազմյալ կազմակերպության հետ կապված հետագա դրամատիկ իրադարձություններն ստիպում են Փափագյանին հատել ոռոսական կայսրության սահմանը, ապաստան գտնել նախ Բաքվում, ապա Թիֆլիսում: Այստեղից էլ 1891-ի վերջերին նա ուղևորվում է Ժնև՝ բարձրագույն կրթության:

Ըվելցարիայում Փափագյանն ապրում է մոտ երեք տարի: Ավարտելով Ժնևի համալսարանի գրականության և հասարակական գիտությունների բաժանմունքը, նա 1894-ի ամռանը վերադառնում է Թիֆլիս: Օրջոնիկիձե քաղաքում ապրող Փափագյանի դստեր՝ Անահիտ Փափագյանի մոտ պահպանվում են գրողի ինքնակենսագրական անտիպ գրառումները, ուր, ի թիվս այլ ուշագրավ փաստերի, հիշատակություններ կան նաև Ժնևյան միջոցում Փափագյանի քաղաքական կապերի վերաբերյալ: Դրանք գումարվելով հայտնի այլ փաստերին, երևան են հանում մեր գրողի համալսարանական լիարյուն կյանքը:

Վտարանդի քաղաքական անձերի, կուսակցությունների ու խմբավորումների յուրատեսակ կենտրոն էր այդ տարիների Ժնևը, ուր իրար էին բախվում

մարդու իրավունքի պաշտպանության և ճնշված ժողովուրդների ազատագրության տարաբնույթ ուսմունքներ: Այն նաև մշակութային խոշոր օջախ էր: 1892 թըվականի տվյալներով Ժնևի երեք համալսարաններում սովորող 736 ուսանողների կեսից ավելին եկվորներ էին այլ երկրներից՝ ռուսներ, գերմանացիներ, հրեաներ, բուլղարներ, սերբեր, լեհեր, իտալացիներ, ֆրանսիացիներ, ամերիկացիներ և այլն, որոնք ունեին իրենց միությունները, ակումբները, գրադարանները: Հայ այլև, որոնք ունեին իրենց միությունները, ակումբները, գրադարանները: Հայ ուսանողների թիվը հասնում էր 16-ի: Ասիական իրականություններից հայտնվելու մասն էր 18-ի: Փափազյանը բուն թափով սկսում է յուրացնել քաղաքակրթության հին ու նոր արժեքները, խորամուխ լինում հասարակագիտական ուսմունքների մեջ, մասնակցում քաղաքական բանավեճերին: Այդ տարիներին գրած նամակները ցուցադրում են նրա կենդանի հետաքրքրությունը մասնավորապես սոցիալիստական գաղափարների նկատմամբ, որոնց տարբերաց արտահայտությունների մեջ հատակ կողմնորոշում ունեւ հայ գրողը: Հակոբ Հակոբյանին ուղղված մի նամակում, օրինակ, կան այսպիսի տողեր. «Մի ընդհանուր շարժում տիրել է ամբողջ Եվրոպայի վրա. սոցիալիզմն սկսում է բարձրանալ...»: Այնհաստից «Կոմունիստական կուսակցության մանիֆեստի» առաջին նախադասությունը հիշեցնող այս խոսքին հետևում են դատողություններն այն մասին, թե կրոնավորությունը, բուրժուազիան, արիստոկրատիան «զգալով, որ իրենց բանը բուրժ է լինելու», սկսել են առերևույթ կերպարանափոխվել, «հարմարվել» սոցիալիստական վարակիչ գաղափարներին՝ «սարսափելի կերպով ծնունդով սոցիալիզմի մոքերը»: Փափազյանը հատկապես զայրույթով է խոսում անարխիստների մասին, որոնք «ավազակի պես... մասնավոր մարդկանց տները դիմափառներով օդն են հանում և փողի համար մարդիկ են սպանում» և, «որոնց դեմ այժմ ընդհանուր հալածանք է սկսվել ամբողջ Եվրոպայում», քանի որ սրանք «փչացնում են» մեծ «գործը»: «Ուրիշ անգամ քեզ ընդարձակ կզրեն սոցիալիզմի, նրա զարգացման ճյուղերի, զանազան կուսակցությունների և յուրաքանչյուր կուսակցության առաջարկությունների մասին» — խոստանում է նա Հակոբյանին: Այս տարիներին Փափազյանը հիմնավորապես ուսումնասիրում է Մարքսի և Էնգելսի աշխատությունները:

1894-ի կեսերին ավարտելով Ժնևի համալսարանը, Փափազյանը վերադառնում է Անդրկովկաս: Այստեղ առաջին քայլը նրա մասնակցությունն է «Հայ բանվոր հեղափոխականների առոցիացիա» ընդհատակյա կազմակերպության աշխատանքներին: Անդրկովկասի այդ առաջին բանվորական կազմակերպություններից մեկը, որ հիմնադրվել էր Թիֆլիսում՝ 1892 թվականին, իր տպագիր օրգանների՝ «Ազատ Հայաստան» և «Կոիվ» պարբերականների միջոցով պրոպագանդում էր ազատագրական գաղափարներ, ընթերցողներին ծանոթացնում մարքսիստական-հեղափոխական գաղափարների հետ: Ամեն ինչից երևում է, որ Փափազյանը «Առոցիացի» և նրա օրգան «Ազատ Հայաստանի» գրքու-

թյանը տեղյակ էր դեռևս Ժնևից և սեփական նկատառումներն ուներ սրանց ծրագրի ու գործունեության վերաբերյալ: Ըվելցարիայից վերադառնալուց անմիջապես հետո նա ստանձնում է «Ազատ Հայաստանի» խմբագրի պարտականությունը: Կարճ ժամանակ անց, պատմագիտության կողմից տակավին վերջնականապես չպարզաբանված պատճառներով, «Առոցիացի» մեջ տեղի է ունենում պատակտում. Փափազյանը, հիմնադիր անդամներից մի քանիսի, այդ թվում՝ Սարգիս Խանոյանի հետ առանձին ֆրակցիա է ստեղծում և հրատարակում «Կոիվ» լրագիրը: Հիմքեր կան ենթադրելու, որ տարվա երկրորդ կեսին Փափազյանի ուղևորությունը Անգլիա կապվում է «Առոցիացի» կազմում սկիզբ առած վերոհիշյալ տարածայնությունների հետ, և Փափազյանը առաջարկներ անելու է գնացել հնչակյանների լոնդոնյան կենտրոնին: Հավանաբար այստեղ էլ կարծիքների համեմաշխությունն ձեռք չի բերվել, և Փափազյանը 1894-ի հոկտեմբերի 31-ից արդեն Պարսկաստանի մայրաքաղաքում է, ուր նա խմբագրում է տարվա սկզբին Հովհաննես խան-Մասեհյանի հիմնադրած «Ծավիղ» շաբաթաթերթը: Նա կտրուկ կերպով փոխում է շաբաթաթերթի ուղղությունը, դարձնում այն արմատական գաղափարների դրոշակակիր, բուն շարժումներ առաջացնում պարսկահայ իրականության մեջ: «Ծավիղի» էջերում, առաջիններից մեկը հայ իրականության մեջ, Փափազյանը անդրադարձավ Ֆրիդրիխ Էնգելսի մահվանը՝ համարելով այն մարդկության մեծագույն կորուստներից մեկը:

1890-ական թվականների կեսերից Փափազյանը ցարական ժանդարմերիայի ուշադրության կենտրոնում է: 1898-ի սկզբներին ռոտմիստր Բրունը գեկուցագիր է գրում իր վերադասին, թե Փափազյանի վրա սահմանված գաղտնի հսկողությունը շարունակվում է: 1903-ի նոյեմբերի 13 թվակիր մի այլ գրությամբ Թիֆլիսի պահնորդական բաժնի պետը գեկուցում է ժանդարմական դեպարտամենտի դիրեկտորին, որ նշանավոր հեղափոխական Աշոտ Խունարյանը «մերձավոր կապերի մեջ է հայ գրող Վրթանես Մեարոպի Փափազյանի հետ», և որ Փափազյանի հեղափոխական մականունն է Писарь: Այս առթիվ Փափազյանի տանը խուզարկություն է կատարվում: Դրանից առաջ մի այլ խուզարկություն կատարվել էր նրա աստրախանյան բնակարանում, ուր նա ապրում էր 1902-ի օգոստոսից մինչև 1903-ի սեպտեմբերը:

1912-ի հունվարի 30-ի նիստով Սանկտ-Պետերբուրգի Դատաստանական պալատը որոշում է «դատական հետապնդում հարուցել» Փափազյանի նկատմամբ, և վերջինս ուրիշի փաստաթղթով հեռանում է արտասահման՝ խույս տալով բանտարկությունից: 1914-ին Փափազյանը Կոստանդնուպոլսում է: Եղեռնի օրերին Երիտթուրքերի կառավարությունը նրա նկատմամբ մահվան վճիռ էր արձակել, բայց նա արդեն հեռացել էր Ռուսաստան:

Փափազյանը վախճանվեց 1920-ի ապրիլի 26-ին: Դա անեղծվածային մահ

պարակ էր իջնում ու ապացուցում այդ մարդկանց սակավատեղյակությունը՝ դիմելով նույնիսկ վավերագրերին և գտնելով, որ ընդհանրապես գոյություն չունի գեղարվեստական չափազանցումի այն տեսակը, որը գերազանցեր արևմտահայ իրականության ողբերգության սահմաններն ու խորքը: Կարելի էր շրջանցել անարդարացիությունը և զսպել վիրավորվածության զգացումը, կրք չբռնանք վերաբերում էր սեփական վաստակի գնահատությանը, սակայն իսկախոսքը վերաբերում էր սեփական վաստակի գնահատությանը, սակայն իսկական գրողը կարող է լինել՝ հասարակության և ժողովրդի ճակատագրական խրճ-հների հանդիպելիս: Փափազյանի գրական ծառանգությանը մերձեցող լուրսների հանդիպելիս: Փափազյանի գրական ծառանգությանը մերձեցող լուրսների հանդիպելիս: Փափազյանի գրական ծառանգությանը մերձեցող լուրսների հանդիպելիս: Փափազյանի գրական ծառանգությանը մերձեցող լուրսների հանդիպելիս:

Արդեն «Հմմտ» վեպում կան իրավիճակներ, որ գրողը խիստ քննադատության է ենթարկում այն կուսակցություններին, որոնք իրենց հռչակել են բռնակալության դեմ ծավալված պայքարի առաջնորդներ, մինչդեռ հիմնավորվել են եվրոպական խոշոր կենտրոններում՝ հայրենիքից տասնյակ հազարավոր մղոն հեռավորության վրա և միմյանց դեմ սկսել են «ամոթալի կոխի», իրենց ապահով ու տաքուկ տեղերից են միջամտում մորթուով ժողովրդի ճակատագրին: Վտարանդի խոսքը չի կարող կողմնացույց դառնալ մահացու փո-

բորիկների վրա տարբերվող հայրենական անդել նալի համար,— եզրակացնում է գրողը: Տեսական այդ հարցարարումը «գործնական» հողի վրա է դրված «Հաջի-բեկ» վեպում, ուր Փափազյանը ցույց է տալիս այսպես կոչված պրոպագանդիստների կործանարար «գործունեությունը» Արևմտյան Հայաստանում: Ցանկալին ներկայացնելով իրականության տեղ, ծաղիկայ այդ պրոպագանդիստները շրջում են լիվված երկրի գավառներում ու քաղաքներում, գոյություն չունեցող գեներալի ահռելի պաշարների ու ամեն վայրկյան ոտքի ելնելու պատրաստ ազատագրական ընդհատակյա բանակների վերաբերյալ հեքիաթներ տարածում ժողովրդի մեջ: Չեն հասկանում, որ դա մահվան խաղ է կրակի հետ: Ռոնահարված արժանապատվության դարավոր կուտակումները հատուցման քաղցի ողջ ուժգնությամբ փարվում են այդ պատրանքներին, մղում տարերային, անկազմակերպ, մեկուսի, անժամանակ ըմբոստության, և հաշվեհարդարի յաթաղանն իջնում է անպատրաստ, խաբված գավառների գլխին ամենայն կատաղությամբ: Դա կործանարար ուղի է, հարկավոր է մեծ, տևական, անձնուրաց նախապատրաստական աշխատանք, որպեսզի ի վերջո երկիրը դառնա մի հզոր ու շեշտակի բռունցք,— եզրակացնում է Փափազյանը:

Հսկայական է Փափազյանի նպատեղ տարբեր պետությունների գերիշխանության տակ գտնվող, տնտեսական ու քաղաքական տարբեր պայմաններում ապրող և պետական սահմանների ուժով միմյանցից անջատված հայ ժողովրդի հատվածների միջև մերձեցման, մշակութային կապերի ամրապնդման ասպարեզում: Իր հեղինակությունները նա տպագրում էր և՛ արևմտահայ, և՛ արևելահայ մամուլում ու տպարաններում, ընթացիկ կյանքի, լեզվի, գրականության, պատմության հրատապ խնդիրներին նվիրված բազմաթիվ հոդվածներով ու էլույթներով ճանաչել տալիս միմյանց, հոգևոր կամուրջներ նետում նրանց միջև: Հիշենք՝ Փափազյանն առաջինն ստեղծեց հայ գրականության պատմությունը՝ սկզբից մինչև իր օրերը, ուր հավասար չափով տեղ էր հատկացված նաև արևմտահայ գրականությանը: Բացառապես նրա ջանքերի շնորհիվ էր, որ հրապարակ իջավ «Հայ գրողներ» ընդարձակածավալ երկհատոր ժողովածուի երկրորդ հատորը, ուր ամփոփված էին ընտիր մնուցներ արևմտահայ բոլոր հայտնի գրողներից՝ այդ գրողների համառոտ կենսագրությամբ:

Իր գեղարվեստական գործերով նույնպես Փափազյանը մեծապես նպաստել է հիշյալ կապերի ամրապնդմանը՝ հավասար չափով արտացոլելով հայության հատվածների կյանքը:

Այժմ տեսնենք, թե ինչ խնդիրներ է նա արձարծում արևելահայությանը նվիրված իր երկերում:

Այսպիսի տարբերակումն անհրաժեշտ է՝ փարատելու համար հնարավոր երկմտանքը: Հայաստանի ընթացիկ կյանքն արտացոլող Փափազյանի երկերում քաղաքական մթնոլորտի ենթադրելի նույնության փոխարեն ուշադիր ըն-

բերցողը կնկատի միջավայրի, հարաբերությունների այնպիսի պատկերներ, որոնք խորքի մեջ հակադիր են, միմյանց բացասող: Արևելյան Հայաստան աշխարհագրական հասկացողությունը հայ բնօրրանի այն հատվածն էր, որ զբտնդւում էր Ռուսաստանի տիրապետության տակ: Այստեղ էլ գործում էին կապիտալիզմի ոգեկոչած սոցիալական կեղեքումների ու հոգեբանական այլասերման պրոցեսները: Սակայն հայոց աշխարհի մեծագույն մասի՝ թուրքական լծի տակ գտնվող Արևմտյան Հայաստանի համեմատությամբ Արևելյան Հայաստանը, այդուհանդերձ, շատ կողմերով ցուցաբերում էր իր պատմական առավելությունները: Թուրքիան, որ, Մարքսի արտահայտությամբ, գտնվում էր «ֆեոդալիզմի ամենատորիսն և բարբարոսական փուլում»՝ այստեղից բխող բոլոր հետևանքներով, հայ ժողովրդի ազատասիրական ձգտումներին ու բացահայտ ոռոսական կողմնորոշմանը պատասխանում էր պետականորեն ծրագրված ցեղասպանության հետևողական իրագործմամբ՝ այդ նպատակի համար օգտագործելով ոչ միայն սեփական զորքը, այլև կայսրության տարածքներում բնակվող վանդալական ժամանակների բարոյականությանը հավասարիմ ցեղախմբերի վայրենի բնագոյները: Արևմտահայ գյուղերի ու քաղաքների համար նվազ մղձավառչային չէին թուրք խուժանի ֆանատիկ-թալանչիական արշավանքները, «խուժան, որի հետ համեմատած հոռմեական կայսրության ժամանակների խուժանը իմաստունների ու հերոսների հավաքածու էր» (Մարքս): Այսպիսի համատարած սարսափներ Արևելյան Հայաստանում չկային: Կար ոռոսական առաջավոր միտքը և՛ ոռոս մեծ մշակույթը, որոնց հետ անխազելիորեն կապված էր հայ ժողովրդը՝ դրանց առնչելով իր քաղաքական իդեալների կենսագործումը: Վերջապես Փափագյանի երկերի վերոհիշյալ պրոբլեմատիկ զանազանությունը թելադրված էր ահա այս ճշմարտությամբ: Հայ գրողը ոռոս գրականությունը համարում էր գեղարվեստական յուրատեսակ չափանիշ, արտակարգ բարձր գնահատում դրա մարդասիրական-ազատասիրական ոգին: Իր թարգմանություններով, ինչպես նաև գրական բազմաթիվ տեսություններով Փափագյանը հայ հասարակականությանը ծանոթացնում էր այդ գրականության ականավոր դեմքերի՝ Պոլշկինի, Բելինսկու, Չերնիշևսկու, Լև Տոլստոյի, Սալտիկով-Շչեդրինի, Նեկրասովի, Դոստոևսկու, Մաքսիմ Գորկու, Լեոնիդ Անդրեևի և այլոց երկերին: Փափագյանն ուներ երկու Ռուսաստանի հստակ ըմբռնումը:

Կարելի է վստահորեն ասել, որ Փափագյանի առավել կատարյալ գործերը քաղված են հենց Արևելյան Հայաստանի կյանքից: Եվ դա հասկանալի է: Ծնունդով արևմտահայ, նա կյանքի մեծագույն մասն անցկացրեց այստեղ ոռոսական կայսրության սահմաններում, գրում էր արևելահայ լեզվով, մտտիկիջջիվում և հասուն գրողի թափանցող հայացքով իմաստավորում գյուղացու, բանվորի, մտավորականի, արհեստավորի կյանքի հանգամանքները, խոհերը, դասային փոխհարաբերությունները: Ըստ որում հասունացել էր ոչ միայն նրա

գրողական վարպետությունը, այլև աշխարհայացքը: Սակայն մինչ այդ նրա ստեղծագործական օրգանիզմում սկսում է տրոփել ևս մի գլխավոր երակ, որը, եթե կարելի է այսպես արտահայտվել, առանձնահատուկ ավյուն է մատակարարում Փափագյանի հետագա ողջ ստեղծագործությանը, բազմազան և բացառիկ լայնահայաց դարձնում նրա գեղարվեստական երկերը:

Համալսարանն ավարտելու տարին՝ 1894 թվականը, Փափագյանը բեկումնային է համարում իր ստեղծագործության համար և հետևյալ կերպ բնութագրում իր երկերի ոգին՝ Գևորգ Խատիսյանին գրած մի նամակում. «Այդ թվականից հետո սկսվում է գրական գործունեությանս երկրորդ շրջանը... Այժմ աս ճնշումներ, զրկանք, վիշտ ու տառապանք գնում են որոնելու թուրքահայերից դուրս և գտնում են նրան ամեն քայլափոխում... Այստեղ ընդհանուր, հանրամարդկային վշտերն են, որոնք զրչիս նյութ են դառնում, լավկանությունը վրոշնդվում է, նրան հաջորդում է հետզհետե մեծացող մի ուղղություն, որ կոչվ, քրքիշ, կատաղություն, ըմբոստություն է քարոզում: Իմ վեպերի հերոսները այլևս չեն սպանվում կամ մեռնում անօգնական ու տանջված, այլ, զսպանակի նման շատ ճնշվելուց, ավելի են ուստնում և... բողոքում են եղած անիրավությունների դեմ, ձգտելով բարձրի, ձգտելով լավին ոչ թե արտասուքի միջոցով, այլ բռունցքի և ճիրանների»: Ինքնաբնութագրական այս խոսքերով գրույթ նկատի ուներ առաջին հերթին իր այլաբանական գրույթները:

Հիրավի, սկսած 90-ական թվականներից, նա ստեղծում է ավելի քան 50 այդպիսի գրույթներ, որոնք և՛ գեղարվեստական, և՛ գաղափարական հայտնություններ էին հայ գրականության համար: Դրանց արժեքը ակնատու է նաև ժամանակի համաշխարհային գրականության զարգացման միտումների ընդհանուր ֆոնի վրա: Փոքր ժանրի այդ գործերը լրացնելով իրար, մի կողմից սիմվոլիկ պատկերներով ընդհանրացնում էին դասային փոխհարաբերությունների բազմադարյան ընթացքը, իսկ մյուս կողմից նորագույն իրադարձությունների հրաբուխներից արտածում մարդկության հասարակական ներդաշնակության ուղիները: Գիտական կոմունիզմի ուսմունքն այդ գրույթների լավագույն մասով խորհրդանշական ձևի մեջ իրացվում էր որպես աշխարհայացք, որպես պատմական լավատեսության գեղարվեստական վավերագիր: Տնտեսապես հետամնաց արևելյան երկրի գրողը, հասնելով հասարակագիտական ամենաարմատական ուսմունքի բարձունքը, գեղարվեստական խոսքը ծառայեցնում էր նորագույն պատմության խորքային երևույթների բացահայտումներին՝ Արևելքի իմաստուն գրույթների մասնակի այլափոխությամբ հայտնագործելով պատկերավոր մտածողության մի նոր ու հեռանկարային աշխարհ:

Ուսանելի են փափագյանական գրույթների գաղափարական դինամիկան և կառուցվածքային համակցումները: 1891 թվականին ստեղծված «Մարդագայ» գրույթում գրողը գեղարվեստական փայլուն գյուտով նախ խաթարում է դասա-

կարգային առկա փոխարարությունների նկատմամբ ընթերցողի վարժվածությանը ինտերգրան՝ Մարդագայի աննախապաշար ու արդար դատաստանի առաջ կանգնեցնելով սոցիալական անարդարությունը: Այս ի՞նչ անհեթեթություն է,— մտորում է ճակատագրի կամքով գազանների մեջ մեծացած և ապա բռնությանը կալվածատիրոջ ազարակում բանվորության դատապարտված մարդը,— ո՞վ է սահմանել, որ բարիքներ ստեղծող զուրկ մնա, իսկ նրա աշխատանքի պտուղները վայելի մակաբույծ սեփականատերը: Պատումի ուլբերգական ընթացքն ավարտելուց հետո Փափագյանը երազանքի ճանապարհով թոխչք է կատարում դեպի ապագա անդասակարգ հասարակարգը, ուր «թշվառության ու գրկանքի» վերհուշը ներկայանում է իբրև «մի վատ երազ, մի կոշմար», և ստեղծարար աշխատանքը երջանկություն է պարզևում մարդկանց ու շենացեում աշխարհը:

«Կլոր սատվածներ» գրույցով Փափագյանն ի ցույց է դնում բոլոր չարիքների հիմքը. դժբախտությունն սկսվեց ունեցվածքի անհավասար բաշխումից՝ տասնից ինը զուրկ մնացին: «Դիտակ» գրույցն արծարծում է բազմադարյան անարդարությունների հոգեբանական գործոնը՝ հանդուրժողականությունը:

«Անհազը» գրույցով գրողը հուշակում է նորագույն պատմության գլխավոր ճշմարտությունը. ժողովուրդների ճակատագիրն ի բարին տնօրինելու կոշված բոլոր հասարակաժխտական ուսմունքները վաղուց ապացուցել են իրենց անճարակությունը: Մարդկային պեծուփ թշվառությունը վերացնելու միակ ճանապարհը կեղեքիչների ոչնչացումն է: Իսկ արդեն «Կորսված արդարության» մեջ խոսք է գնում այն ժամանակների մասին, երբ կեցության ճգնաժամային դարը մարդկանց մեջ կարթնացնի հասարակական հեղաբեկումների վճռակաճությունը: Հասարակության ծով արցունքների միջից ծնված **հողքն** է, որ կլեքադարձնի մարդկանց երկրից հեռացած **Արդարությունը**: «Գնա՛ քայլի՛ր,— հողքին է դիմում **Արդարությունը**.— կուտակի՛ր արցունք, կուտակի՛ր վշտեր, մեծացի՛ր որպես օվկիան, կատաղի՛ր որպես հեղեղատ, և այն ժամանակ ես կգամ իմ սրով և իմ կշեռքով...»:

Նույն 90-ական թվականների կեսերից Փափագյանն ստեղծում է նաև պայքարի մարտիկների սիմվոլիկ կերպարները: Նրա ստեղծագործության նախնական աստիճանում դրանք միայնակ ըմբոսներն են, որոնց ողբերգական վախճանը գրողը հանձնում է բանաստեղծական պանծացման ոլորտներին: Մահը անազատ կյանքից գերադասող այդ ըմբոստ հերոսներն իրենց անձնագոհությանը հաղթում են վեհերոտ հոգիների ստրկական սարսափը՝ հաստատելով հեղափոխական գաղափարների վարակիչ ուժը: Ահա «Առյուծի մահը» գրույցի ավարտը: Վանդակի մեջ նետված առյուծը կատաղել է: Գազանապահները շիկացած երկաթներով փորձում են զսպել ու խաղաղեցնել նրան, սակայն առյուծի վճիռն անդարձ է: «Առյուծը ժողովեց իրեն, հետո ոստնեց.

— Մեռնե՛լ ազա՛տ...— գոչեց նա:

Եվ երկաթը վժժալով՝ նրա կուրծքը մղվեց: Առյուծը գալարվեց, երկնքին նայեց, անապատն երազեց, անտառին հառաչեց և հրաշեկ երկաթը կրծքին, աչքերն ազատության, մեռավ քաջի պես, բայց ազա՛տ օդում, ազա՛տ երկնքի տակ...»: Համանման ավարտ ունի նաև «Ըմբոստի մահը»:

Հիշատակված գործերը դարավերջի հայ պրոլետարական գրականության նախակարապետներն են: Հետագա պատմական իրադարձությունները արմատապես փոխում են Փափագյանի գրույցների ոգին ու տրամադրությունը: Սոցիալական պայքարի վերելքին սկսնդետ հետևող գրողը սլլախոսական **նոր հարակցումներով** անցում է կատարում արդեն դեպի մասսաների դասակարգային մարտերի արտացոլումը, հեղափոխական ուսմանտիկայի դիրքերից պատկերում այդ մարտերի հաղթանակը: «Առվակը» (1903), «Վիշապ» (1903), «Անտառը շարժվում է» (1905), «Զարթնել է առյուծը» (1905), «Զոհակ» (1906) գրույցները, «Ծով» (1909) այլաբանական խոհը և այլ երկեր ասվածի ապացույցներն են: Ըստ որում՝ ամենաուշագրավն այն է, որ բանահյուսական կամ գրական հայտնի սիմվոլ-կերպարներն ընդունելով իբրև նախատիպեր, Փափագյանը դրանք անցկացնում է իր աշխարհայացքի բովով, ընդհանուր առմամբ պահպանելով նախատիպերի մթնոլորտը, կատարում առաջին հայացքից անձնան թվացող սլնկախի «սրբագրումներ», որոնք փոքր ծավալի այդ գործերում բեկում են դասակարգային մաքառումների բազմադարյան վերուվարումները, առավել բնորոշ օրինաշափությունները և ապա դրանց վերջնական հաղթանակը կապում բանվոր դասակարգի առաջապահ դերի հետ:

«Վիշապ» գրույցը նախնական նյութ է ունեցել աղբյուրի ակունքում նստած, ժողովրդին ծարավի դատապարտած և երկրի գեղեցիկ մատաղահաս աղջիկներին կլանող վիշապի վերաբերյալ թափափկ պոեմն: Այստեղ էլ վիշապի դեմ պայքարը պատկերված է հազարամյակների պատմական կտրվածքով, մինչև որ դարձյալ ասպարեզ է գալիս հրեշին սպանողը. «Հուժկու մի մարդ էր,— պատմում է Փափագյանի գրույցը,— կաշվե գոգնոցով, կոշտացած խշոր ձեռքերով և ձեռքին մի մեծ կուսն բռնած...»: Ծահագրգիռ մի խորաթափանցությանը գրույցի իմաստը ճիշտ կուսնեց Սանկտ-Պետերբուրգի մամուլի գործերը կոմիտեն, որը Դատաստանական պալատի դատախազին հղած գրությանը մետոյալ կերպ էր մեկնաբանում «Վիշապի» ենթատեքստը. «Այդ հեքիաթի միտքն այն է, որ վիշապը՝ ժամանակակից պետական և հասարակական կարգը, կործանարար է ժողովրդի համար, և որ սրա ազատարարը հանդիսանում է բանվորական պրոլետարիատը»:

Փափագյանի այս գործերն օժտված են գաղափարագեղարվեստական հրակայական ուժով, ընդլայնում են հայ պրոլետարական գրականության շրջանակները:

Այժմ վերադառնանք արևելահայ գյուղաշխարհի կյանքը պատկերող Փափազյանի երկերին: Գրականության մեջ լայնորեն հայտնի են «գյուղափրկիչ» մտավորականների կերպարները, որոնք զսպում են ամեն տեսակ տգրուկներին և հայ շինականին առաջնորդում դեպի երջանկության հանգրվաններ: Գյուղաբնակացիների հոսանքի միամտությունը և նոր ու զգաստ հասարակահայեցության անխուսափելի հաղթանակն անսխալ է բնութագրել Փափազյանը: Հոգվածները ից մեկում նա գրում է. «Ժողովրդասիրական (նարողնիչեստի) զգացմունքներն ու ուղղությունը այն ժամանակվա տիրապետող շիղն էր հայ մտավորականության մեջ: Ամենքը գյուղով էին հետաքրքրվում, գյուղում իդիլիաներ էին երագում... Դրախտ կար այնտեղ ոտնակոխ արված, և արծեր, պետք էր նրա համար զոհել ամեն լավ ուժ, լավ շարժում, որովհետև քաղաքը դարձել էր ապականության, խաբեության, հարստահարության և աղքատության կենտրոն միայն:

Եվ ուսահայ հեղինակներն իրենց գրիչը նվիրում էին գյուղին, ուր նրանք գտնում էին սիրուն, պարզ, հովվականորեն մաքուր կյանք և ժողովուրդ, ուր նրանք տանում էին առաքյալներին՝ գյուղի խավարը ցրելու, գյուղացուն վաշխառուներից ազատելու, պաշտոնյաների անիրավություններից փրկելու համար: Գյուղ չվերադարձող գյուղացի ուսանողը հոչակվում էր թուլամորթ, դավաճան, «նոյան ազուս», որ դիակներ է գտնում քաղաքներում և այլևս չի վերադառնում իր հոր տունը, իր հայրենիքը շենացնելու...

Անցան տարիներ: Հաջորդեցին փոթորկոտ ժամանակներ: Ամեն ինչ ենթարկվել սկսեց վերագնահատության...

Գյուղը, գյուղական կյանքն ու գյուղացին էլ ենթարկվեցին ՆՈՐ, ԱՎԵԼԻ ՍԱՌՆԱՍԻՐՏ, ԱՆԱԶԱՌ ԵՎ ՎԵՐԼՈՒԾԱԿԱՆ ՌԻՍՈՒՄՆԱՍԻՐՈՒԹՅԱՆ: Այդ ուսումնասիրությունները կատարվեցին բազմակողմանի կերպով և մանավանդ՝ իրենալիզմի վարդագույն ակնոցները հանած հայացքներով...»:

Հայ դասական դրամատուրգիայի գլուխգործոցներից մեկում՝ «Ժայռ» դրամատի, Փափազյանը կանխամտածված կրկնում է այսպես կոչված «առաքելական» գրականության գեղարվեստական հայտնի կառույցների էքսպոզիցիոն կաղապարը, որպեսզի տիպական կոլիզիայով ու հանգուցալուծմամբ հակադրվի իր նախորդների գաղափարական առաջադրույթներին:

«Ժայռը» ամենից առաջ դարասկզբի հայ գյուղի անասի թշվառության, այնտեղ կատարվող սանձարձակ սպորիկությունների գեղարվեստական ցնցող պատկեր է: Վաշխառուական կապիտալի ու սրան ծառայագրված իրավաբանների կամայականությունները, իսկ ապա՝ այդ կամայականությունների զոհը դարձած ընչազուրկ գյուղացիության անհնարին կացությունը դրամայում ստեղծում են ողբերգական իրավիճակ, որի պայմաններում անհերթ է երևում

իրավահարաբերությունների վերակառուցման ամենայն խաղաղաբարո փրկածրագիր:

Մտակվայի համալսարանի իրավաբանական բաժնի շրջանավարտ Ալեքսանդր Մանուկյանը վերադառնում է հայրենի գյուղաքաղաք և երդվում օրենքի անունով ու թելադրությանը «պաշտպանել անմեղներին, թիկունք դառնալ հարստահարվածներին»: Նվիրյալ ու անհողորդ «առաքյալը», որ սկզբնապես հայտարարում էր, թե «Օրենքը որ կա, ամենքի համար է», այնուհետև, բախվելով իրականության հետ, հայտնաբերում է ուրիշ ճշմարտություն՝ օրենքը զորեղի օգտին է: Այս եզրակացությանը «Ժայռի» հերոսը հանգում է աստիճանաբար ու անխուսափելիորեն: Գրողը հոգեբանական նման շրջադարձի համար ստեղծում է տիպական նախադրյալներ, որոնք միաժամանակ պարունակում են ներքին բանավեճի զորեղ լիցքեր՝ «առաքելական» գրականության գաղափարա-գեղարվեստական սկզբունքների դեմ: Վերջիններիս մեջ, նախ, «գյուղափրկիչ» երիտասարդ մտավորականի գլխավոր հակառակորդը՝ վաշխառուն, հողից ու արմատներից կտրված ոմն չարիք էր: Ժողովրդի թշնամի լինելով հանդերձ, նա նաև պետության թշնամին էր, հետևաբար, կամա թե ակամա, շահերի նույնության պատրանք էր ստեղծվում իշխանության և սոցիալական ներքնախավարի միջև, իսկ առաքյալը վերջին հաշվով դառնում էր թե մեկի և թե մյուսի նույնացված ձգտումների արտահայտիչն ու կենսագործողը: Ահա թե ինչու Փափազյանի առաքյալ հերոսի նախորդները չափազանց հեշտությամբ էին հաղթանակ տանում ներքին կեղեքիչների դեմ: Որպես կանոն այդ հերոսներին անձանոթ էին անելանելի հանգամանքները, ողբերգական իրավիճակները: Երբեմն, ճիշտ է, պատահում էր, որ «առաքյալները» ձախողվում էին, սակայն ձախողման պատճառը զուտ հոգեբանական էր՝ թուլամորթություն, փափկասիրություն և այլն: Փափազյանը նկատում է գաղափարական վրիպանքի այդ վճռորոշ կետերը և դրանցից էլ սկսում իր բանավեճը: Ազնիվ մղումների կենսանապարհին, մեղադրվելով «հեղափոխական» գործունեության մեջ, Ալեքսանդրը ձերբակալվում է: Ցրվում են բոլոր պատրանքները՝ իրենց տեղը զիջելով պատմականորեն հավաստի և ժամանակի հասարակական մտայնությանը հոգեհարազատ մտայնությանը:

Փափազյանը հավելումներ է բերում նաև կեղեքիչի ավանդական կերպարի մեջ: Գրիգոր աղայի մեջ գրողը ամենից առաջ ցուցադրում է նրա դասակարգային արմատները, շահերի այն նույնությունը, որ գոյություն ունի նրա և պետական սիստեմի միջև: Ապա, ստեղծելով վաշխառուի դասեր՝ Թերեզայի հըմայիչ կերպարը, Փափազյանը ապացուցում է, որ երբ հրապարակի վրա է դրվում ընտրությունը հարստության և հարազատի ճակատագրի միջև, բուրժուայի բնազդները նրան մղում են դեպի դասակարգային շահը:

Գյուղացիության կերպարները կերտելիս ևս Փափազյանը հարազատ է

մնացել ժամանակի: Գոյն: Նրա գյուղացիները առավել չափով վեհերոտ են, է՛համիտ, տատանվող, պայքարից հեռու կանգնած: Նահապետական գյուղացու, է՛նեհեհ մատնանշած, «անողնաշարություն» ու «կարծրացած երկչոտություն» Փափազյանը պատկերէ է համոզիչ իրավիճակներում: Գրողը պատկերէ է նաև նոր բարձրացող երիտասարդ ընթաստ գյուղացու կերպարը (Սեբոբ), որն արդեն թիկունքում գգոյն է նոր տրամադրությունների աջակից շունչը: Այս կերպարի, ինչպես և դրամայի տարածքով մեկ սփռված ակնարկումների ու թափանցիկ հուշումների միջոցով գրողն առաջադրում է արդեն սեփական դեղատոմսը՝ կործանել ամենայն գեղեցիկն ու արդարը ճգնող ժայռը՝ միապետականությունը: Այնքանա՞նք, չնայած իր անձնուրաց վճռականությանը, ոչ միայն որևէ արդյունքի չի հասնում գյուղաշխարհի թանձր խավարը ցրելու և վաշխատուներին գալելու ուղղությամբ, այլև ինքն է դառնում իր իսկ ձեռնարկումի գոհը: «Գյուղատիրիչ առաքյալների» առջև կանգնած է ամբակուտ մի ժայռ՝ ժամանակակից հասարակական կարգը, — հուշում է Փափազյանը, — որը հնարավոր չէ տապալել խաղաղաբան անհատների ջանքերով: Միակ էլքը հավաքականությունն է՝ աշխատավորական մասսաների մարտական դաշինքը:

Առաքյալների պատկառման այս ջիղը շարունակվում է նաև «Գյուղից» շարքում, որը վստահ կարելի է համարել 20-րդ դարակարգի արևելահայ գյուղի նորոգված ցավն ու ընդգլուցող պատկերող ամենաակնառու գրքերից մեկը: Ուր պատմվածքներից բաղկացած այդ շարքը, որ ստեղծվեց 1904—1905-ի ընթացքում, «Ժայռի» և այլ գործերի հետ հեղինակային միևնույն մտահղացման արդյունք է՝ գյուղաշխարհի սոցիալական վիճակի ու տրամադրությունների պատկերումը ռուսական առաջին հեղափոխության նախորդակին: Դա սգահ ու կամայական, հարբեցող ու վրիճառու, մանրախնդիր ու բութ ցածրաստիճան իշխանավորների հաղթարշավի թագավորություն է, որտեղ հնօրյա բարոյականության հետքն անգամ չի մնացել, հանցանքի ու պատժի հասկացողությունը ձևակերպման ենթակա չէ: Անկուսի այդ տեղության մթնոլորտը հագեցված է անմխիթաբ հառաչանքների աղաղակներով, բայց և տարերային անվեհեր ըմբոստացումներով: Դանակը սպիրին է հասել, տեղի է ունենում մտքերի հեղափոխական խմորումը: Հաջորդային պլոտով և փոխանցվող կերպարներով Փափազյանը «Գյուղից» պատմվածքաշարում պատկերում է արևելահայ գյուղի սոցիալական ու բարոյական կյանքի ընդերքային գրգռները: Բնորոշ է այդ իմաստով շարքի ամենագործող պատմվածքներից մեկը՝ «2ոչո-քարը»:

Կորած-մոլորած հայկական խոլ գալխո՞ ստիպողական անդորրը պայթում է սովորական անիրավություններից մեկի ժամանակ՝ լայն ու տևական արձագանքներ թողնելով լեռնաշխարհի բոլոր անկյուններում: Ծրշակա բոլոր գյուղերն իր վաշխատուական ցանցի մեջ առած Հաբեթ աղան օրերից մի օր, պարտքերը հավաքելու աղմկոտ մի պահի, հերթական ապտակն է իջեցնում պարտա-

պաններից մեկի՝ Հասարցի Սողոմոնի երեսին, լախր ճայհոյանքներով վիրավորում սրա մարդկային արժանապատվությունը: Եվ տեղի է ունենում անակրնկալը. ապշահար գյուղացիների աչքի առաջ գայլացած լեռնականը գտին է փոում լկտի վաշխատուն: Հաբեթ աղան, իհարկե, չպիտի կուլ տար այդ խայտառակությունը: «Այդ ձմեռ Սողոմոնն ու ընտանիքը, բոլոր եղբայրները մնում են համարյա անթի: Աղան ամեն կերպ աշխատում է և փողի ուժով հաջողվում է հասցնել նրանց այդ դրության: Խլում է տավարը, խտոր, կալի արդյունքը: Սողոմոնի կինը կրած տանջանքներից մեռնում է: Պատկերում իրադարձությունների ողբերգական ընթացքը, Փափազյանը ցույց է տալիս, որ համատարած հակօրինություններն սպառում են գյուղացիության հանդուրժողականության պաշարները, նրանց մղում ըմբոստության ու վրիժառության: «...Մի խորունկ գայրույթ, վառվող կատաղություն» համակում է Սողոմոնին ու նրա երեք եղբայրներին: «Հարկավոր էր քանդված օջախի վրեժն առնել, գավառն ամբողջ ազատել կլանող հրեշի ձեռքից, վիշապի ակունները խլել...»: Մի գիշեր նրանք խուժում են Հաբեթ աղայի տուն, վառում բոլոր մուրհակները, պաշտպանվելիս սպանում վաշխատունն ու հեռանում հայրենի լեռները: Ապա՝ կառավարական զինված ջոկատներից հալածական, մի քանի ամսվա թափառիվ խուսափողական կյանքից հետո պաշարվում: Եղբայրներից մեկը գնդակահար է լինում փոխհրաձգության ժամանակ, երկրորդը, վիրավորված, գործում-ջախախտում ժայռերի վրա, երրորդը իր մահկանացուն կնքում է բանտում, իսկ Սողոմոնը, տասնամյա որդու հետ իրեն նետում է 2ոչո-քարից և պաշարման մեջ մեռնում արյունաքամությունից: Ժողովուրդը, պատմում է Փափազյանը, խոր համակրանքով էր վերաբերվում ըմբոստ եղբայրներին, օգնում նրանց, իսկ հետագայում լեզենդներ հյուսում նրանց մասին:

Սոցիալական աղաղակող անարդարությունների դեմ Փափազյանի հերոսներն իրենց որոշարկված տեսակետներն ունեն: «Մարդու պես չի ապրվում... մարդու պես ապրելու տեղը չի», — ասում է «Կույրը» պատմվածքի հերոսը: Իրենց ինչպե՞ս վարվել: «Աշխարհումս մարդիկ երկու են լինում՝ գայլ ու ոչխար. դեհ, իհարկե գայլը ոչխարին կուտի».— բարձրաձայն մտորում է «Սերմնացան» պատմվածքի հերոսը: «Դուք էլ ոչխար մի լինեք. մարդուս իրան ձեռքին է այդ», — խորհուրդ է տալիս գրուցակիցը: «Բայց ինձ լսիր: Ասե՛նք ես ուզում եմ ճանապարհ գնալ. փուշ է, ջարդում եմ, քար է՝ դեհ եմ չարտում, բաս որ սարը գա, ո՞նց անեմ. կարա՛մ քանդել...»: «Ոչ մե՛նակ, բայց միասին և համատ ախտանքով կարող եք նրա տակը փորել...»: «Գրի՛ր, արյուն՝ գրիր» պատմվածքի հերոսը գեղագիտական դասեր է տալիս շինականի կյանքով զբաղվող գրողին. «Գրի՛ր, ահա այդ ամե՛նը գրիր: Բայց թանաքով մի՛ գրիր, այլ գյուղացու կարմիր արյուն՝ վրը — տանջվո՞ղ հոգու, ծվատվո՞ղ սրտի բուսոր հյութովը... Արտասուք շարժելու համար չգրես: Լա՛ց... ինչո՞ւ... Անմտություն

է լացը: Գրի'ր, որ կատաղեցնե'ս ամենքին. գրի'ր, որ գայրո'ւյթը մոռնա, ծովի ալիքների պես էլնե ու իջնե, լեռնե'ր դղրդացնե... Այդպե'ս, միայն այդպե'ս գրիր»:

1905-ի հեղափոխությանը նախորդող տարիներին և մանավանդ հեղափոխության ընթացքում Փափազյանը գեղարվեստական երկերով, հրապարակախոսական ու գրաքննադատական հոդվածներով բորբոքում է մասսաների հակակառավարական տրամադրությունները և տոգորում նրանց հեղափոխական լավատեսությամբ: Նկարագրելով կայսրության տարածքն ընդգրկած դասակարգային հուժկու մարտերի դրվագները, մասնավորապես Մոսկվայի փողոցների բարիկադային կոիվները, հայ գրողն արծարծում է կենսական այնպիսի խնդիրներ, ինչպիսիք են՝ գորքի մեջ ծայր առած հակակառավարական տրամադրությունները, փոքր ազգերի, հատկապես հայ ժողովրդի մասնակցության անհրաժեշտությունը հեղափոխական պայքարին, գրողի սրբազան պարտքը՝ ամենագործուն մասնակցություն ունենալ ծավալված իրադարձություններին և ապա, իբրև եզրակացություն, ցարիզմի անխուսափելի կործանման համոզմունքը: Իսկ երբ գալիս են պատմական փորձության տարիները, երբ պարտված հեղափոխության ավերակների վրա իր գիշատչական խրախճանքն էր սկսել միապետությունը, Փափազյանը հետևողականորեն ու աննահուճք դատապարտում է հուսալքությունը, մտավոր այլասերումը, քաղքենիական նվնվոցը և հրնչեցնում հրե օրերի մոտալուտ գալստյան հավատը: «Մավարը մշտատև չի կարող լինել,— մտորում է Փափազյանի հերոսներից մեկը,— և արշալույսը վաղ թե ուշ անշուշտ պիտի ծագեր... Չպետք է երբեք հույսը կտրել: Չէ՛ որ կային բարձրություններ. մարդիկ կարող են ցրվել, մանրանալ, բայց գաղափարը խո չէ՛ մեռնում...»:

Փափազյանի՝ իբրև գրողի ու մտածողի կերպարը լիարժեք չի լինի, եթե չըջանցվի հսկայական այն տեղեկությունները, որ նա հայ իրականություն բերեց աշխարհի բազմաթիվ ժողովուրդների գրականության, պատմության, մշակույթի, հասարակական-քաղաքական կարգերի, գիտական նորագույն հայտնագործությունների վերաբերյալ և այլն: Հենց միայն նրա մշակած սյուժեներն ընդգրկում են աշխարհագրական վիթխարի շրջագիծ, ուր տեղ են գրադեցնում տասնյակ ու տասնյակ ժողովուրդներ՝ Մերձավոր ու Միջին Արևելքից մինչև Եվրոպա, Հարավային Ամերիկայից մինչև Հնդկաստան ու Չինաստան:

Վրթանես Փափազյանի ստեղծագործության լավագույն էջերը չեն հնանում ժամանակների հողովույթում: Գրողի արվեստն այսօր էլ հմայում է ազգային կյանքի ու հոգեբանության, դարաշրջանի բարձր գաղափարների արտացոլման կենսունակ տարերքով:

ԱՇՈՏ ՕՂԱՆՅԱՆ

Զ Ր Ո Ւ Յ Ց Ն Ե Ր

ՄԱՐԴԱԳԱՅԼ

(Homo homini lupus)

1

Ազարակում բնակվող մանուկը՝ պարտեզի մեջ թողված, վազվզեց թիթեռների ետևից, անցավ ցանկապատից, անգիտակցաբար առաջ գնալով մտավ անտառ... և մոլորվեց:

Թփից թուփ, ծաղկից ծաղիկ հեռացան թիթեռները, մտան խորքերը: Մանուկն էլ նրանց ետևից: Սիրուն ծաղիկներ այնքա՛ն կային, որ շնկատեց էլ, թե ինչպե՛ս անցել էր մեծ տարածություն և մտել մի անծանոթ տեղ:

Արևը մայր էր մտնում, երբ իրեն գտավ խիտ մացառներով ծածկված մի քարայրի կողքին: Մեծ ժայռ էր, մեջը փորված, իսկ մուտքը ծառերով հովանավորված:

2

Քարայրում բնակություն էր հաստատել գայլի մի ընտանիք: Մի հայր, մի մայր և երկու ձագուկներ:

Ձագուկները ընտանիքի ուրախությունն էին կազմում: Ինչե՛ր ասես, որ չսարքեին շարանճիները: Գլորտվում էին հողերի մեջ, կնձկնձում, իրար խածնում, ծիծաղելի ոստյուններ անում ժամերով, Հայրն ու մայրը, լավ ընթրիքից հետո, նստում էին քարայրի առաջ և դիտում լակոտների խաղը:

— Հապա՛, Սա՛մ, ցատկի՛ր, բարձր... — ձայնում էր հայրը իր որդուն, — և շո՛ւտ...

Սամը ցատկում էր: Երկու ոտները գետնից կտրում, մարմնին ծուռ գիրք էր տալիս ու մկանունքները ձգում: Բայց որովհետև շա՛տ գեր էր, իսկույն ցած էր գլորվում, կնձկնձում և դե՛հ... ծիծաղիր որքան կուզես: Իսկ Սիդը՝ Սամի նիհար բույրը, երբ եղբայրն ընկնում էր, վազվզում էր նրա շուրջը և շարացնում նրան:

Առավոտներն առհասարակ, մի օր մայր-գայլը, իսկ մյուս օր հայրը, հերթով, գնում էին կերակուր որոնելու: Փառք ասածո՞, շատ էլ դժվար չէր լինում աշխատանքը: Ով գիտենա աշխատել, կարող է ուտելիք գտնել: Գայլերի հասարակության մեջ, ի վնաս ուրիշների, հարստությունը դիզող և ոտները պարզած պորտաբուծություն անողներ չկային. այնպես որ զբոսով չէր լինում: Երջակայքում ագարակներ, անտառում որսեր շա՛տ: Հո՛փ... մի ուլ կամ մի գառ, մի ճագար կամ մի նապաստակ, և այդպես, մի քանի հատը բավական էր լինում ընտանիքի ամբողջ օրվա ապրուստի համար: Ավելորդն ի՞նչ էին անելու. մի՞թե բավ չէր կուշտ լինել և պահանջներին գոհացում տալը:

Հայր-գայլը, ասենք, մի քիչ մեծ ստամոքս ուներ, բայց ավելի ուժեղ էլ էր ու ճարպիկ: Կեսօրիններից հետո, երբ քաղցում էր, մի քանի ժամ դուրս էր գնում և թփերի տակ գտնում էր ուտելու բան:

Զմեռը մոտ չէր դեռ. այնպես որ գայլի ընտանիքը երջանիկ օրեր էր անցկացնում խիտ անտառի խոր քարայրի մեջ:

Բայց այդօր, երբ ագարակի մանուկը մոտենում էր քարայրին, տանտեր Սարհոնը դեռ չէր վերադարձել կեսօրվա պտուղտից, չնայելով, որ մութն իջնում էր անտառի մեջ: Տիրուհին՝ Զեբը, անհանգիստ էր. շատ էլ ախորժակով չէր, որ գիտում էր փոքրիկների խաղերը: Անհանգիստ, սպասող ակնարկներ էր ձգում քարայրի դռանը:

— Դե՛հ, քիչ հանդարտ, երեխայք,— ձայնեց նա վերջապես, — լռեցեք, տեսնենք հայրիկը չի՞ գալիս:

Սիդն ու Սամը վազեցին դեպի դուռը:

— Տեսնենք հայրիկը չի՞ գալիս, — ասաց Սիդը:

— Տեսնենք, — կրկնեց Սամը:

Ինչ ասել կուզի, որ վազելու մեջ Սամը ետ մնաց: Ոչ միայն ետ մընաց, այլև երկու անգամ գլորվեց ու թողեց, որ բույրն առաջ անցնի:

Նրանք դուրս եկան քարայրից:

Սիդը թփերը դեն տվավ, վազեց մի մացառի միջից և դեմառդեմ գալով մանուկին, վախեցած կանգ առավ:

— Վա՛յ, — գոչեց նա, — մի գազան...

— Մի գազա՛ն, — կանչեց նրա ետևից Սամը, — մի ճշմարի՛տ գազան:

— Նայի՛ր:

Մաղկեփունջը ձեռքին, կանգնել՝ գայլուկներին էր դիտում մանուկը: Գայլ երեք չէր տեսել. շուն կարծեց նրանց:

Բայց Սիդը, երբ զարմանքից ուշքի եկավ, մի ճիշ արձակեց և ետ փախավ. Սամը գլորվելով հետևեց նրան: Երկուսն էլ հեալով ներս ընկան քարայրը:

— Մայրի՛կ... գազա՛ն, — աղաղակեցին նրանք:

Մայր-գայլը սկզբում չհասկացավ. հետո, երկու ուսույունով կտրեց տարածությունը, ցնցեց մացառներն ու զարմացած մնաց:

— Ա՛, — ասաց նա՝ տեսնելով մանուկին, — մի փոքրիկ Օձ է՛:

— Օ՛, ի՛նչ մեծ շուն, — մտածեց մանուկը և վախեցավ:

Սիդը հասել էր մոռը:

— Տեսա՛ր, մայրիկ, ի՛նչ մեծ գազան է՛:

— Սա դեռ ձագուկն է, աղջիկս, — ասաց մայրը, — պիտի սպանել սրան, քանի չի մեծացել: Սա աշխարհիս ամենախորամանկ ու զծուծ անասուններից մեկն է. ինչքան լավություն անես, այնքան վնաս կտա քեզ:

— Չսպանենք, մայրիկ — գոչեց Սիդը, — տուր մեզ խաղանք:

— Ինչե՛ր ես խոսում, աղջիկս, — վախեցավ մայրը. — սա քեզ, իրավ է, առաջ կգգվի, խաբեությամբ մոտ կգա, բայց հենց որ առիթը գտնի, կխեղդի և վրադ էլ կծիծաղի. սա մեր թշնամին է. պիտի ուտել սրան...

— Զէ՛, մայրիկ, — խնդրեց Սամն էլ, որ այդ միջոցին հասնում էր. — քաղցած չենք, պահենք սրան, հետը կխաղանք:

Տիրուհի Զեբը շատ անգութ կին չէր, այդ օրն էլ քաղցած չէր, կուշտ կերել էր: Ամեն մարդ գիտե, որ երբ գայլը կուշտ է լինում, նա այլևս ոչ ոքի չի վնասում: Մարդի պես խո չէ՛, որ ուտելուց եթե տրաքվելիս անգամ լինի, իր նմանին էլ դեռ կպատառտտի:

Մանուկը սիրտ էր առնում, տեսնելով, որ իրեն վնաս չեն հասցնում: Մոտեցավ, կուցավ դեպի Սիդը և սկսեց փայփայել: Զեբի սիրտը շարժվեց:

«Աստվածները վկա, — մտածեց նա, — այս Օձուկը դեռ մանուկ է և շար չի երևում»:

Սիդն էլ սիրեց Օձուկին: Լիզում էր նրա ձեռքերն ու երեսը: Քիչ-քիչ Սամն էլ մոտ եկավ: Օձուկը նստեց խոտերի վրա, Սամը մի քանի ուսույունով ուզեց նրա ծնկներին ելնել, հետո գլորվեց, Սիդին ծիծաղեցրեց, և Զեբը մոռացավ, որ մի վտանգավոր թշնամի շոյում էր իր զավակներին:

Օձուկն էլ տեսավ, որ մեծ շունը՝ Զեբը, իրեն չէր վնասում: Փայտաց վախախառն բռնող մի ժպիտով.— դա մարդկային ոգու նշանն էր— սիրտ առավ և սկսեց խաղացնել գայլուկներին:

«Ի՞նչ կա,— մտածեց բարի գայլուհին.— մանուկներս սիրեցին Օձուկին. կպահանջեմ ինձ մոտ և կսովորեցնեմ, որ մեծանա էլ, մեզ հետ բարեկամ մնա...»:

Բայց ի՞նչ պետք էր անել տանտեր Սարհոնին, որ նա Օձուկին իր ստամոքսը շմտցնեք...

3

Այդպես էր մտածում բարի Զեբը, երբ քարայրը ծածկող մացառնեբը շարժվեցին, և հսկա Սարհոնը փոշոտ, հեալով՝ ներս ընկավ:

Գզգզված էր նա. այնքան հոգնած, որ ոչինչ չնկատեց:

Գնաց մի անկյուն և ընկավ ցած:

Վախեցավ Զեբը, վազեց դեպի նա:

— Ի՞նչ է եղել քեզ, սիրելիս,— հարցրեց սարսափած:— Այդ ի՞նչ փոշի է վրադ. հագուստդ ինչո՞ւ է բզիկ-բզիկ եղել... վա՛յ ինձ, արյուն կա ոտներիդ վրա. ո՞ւր էիր, ի՞նչ պատահեց:

— Թող քիչ շունչ առնեմ, կին դու,— մոմոաց Սարհոնը հոգնած ձայնով.— մահվանից ազատվեցի. քիչ մնաց, որ ինձ այլևս շտեսների:

Սամն ու Սիդը հորից վախենում էին և դրա համար էր, որ երբ Սարհոնը ներս ընկավ, նրանք թողին Օձուկին ու մի կողմ քաշվեցին: Իսկ Օձուկը մի տեսակ սարսափ զգաց տանտիրոջ մեծ հասակից և արյունով լիքը աչքերից, ետ-ետ քաշվելով գնաց մի մուկ խորշ ու կծկվեց այնտեղ:

— Խոսիր, մա՛րդ,— ճշաց գայլուհին,— ասա՛ տեսներդ որտե՞ղ էիր, ի՞նչ է այդ վիճակդ:

Այն ժամանակ Սարհոնը, որ աչքերը քիչ փակել էր և մեջքի վրա գետին փռվել, բարձրացավ, կոթնեց պատին ու ասաց դողդոջուն ձայնով.

— Պատմեմ, թե ինչո՞ւ այսպես եղա. քիչ մնաց ինձ սպանելին այսօր: Գնացի անտառի խորքերը, թփի տակից մի շաղ նապաստակ գտա և ընթրիքս արի նրանով. հետո, որովհետև կշտացել էի, ընտրեցի մի գով տեղ ջրի եզերքում և քիչ թեք ընկա: Սքանչելի էր եղանակը, փշում էր մեղմ քամին, կշկշկում վազում էր ջուրը, մարգերի ախորժելի կանաչությունը զմայլեցնում էր: Ես վայելում էի բնության գեղեցկությունը և հանգիստ սրտով պատրաստվում էի մրափելու... երբ հանկարծ, ինձնից ոչ շատ հեռու լավեց մեր սոսկալի թշնամու ձայնը. մեր այն ցեղակիցներից

մեկի, որոնց Օձերը զինեցին մեր դեմ. մեր այն ցեղակիցները, որոնք այնքան ստորացան, այնքան ընկան, որ ոչ միայն սողոսկում են Օձերի ոտքերի տակ, ոչ միայն լիզում են նրանց զարնող ձեռքը, այլև մեզ, իրենց եղբայրներին, ամեն ռոպե մատնում են օտարին... Պնակալեզ-չան ձայն էր, որ լսվեց: Վեր թռա. հարկավոր էր պաշտպանվել: Բայց լավ գիտես, կի՛ն դու, որ հազար անգամ ավելի դժվար է ազատություն հուսալ, երբ մատնվում ես եղբորդ ձեռքով: Պնակալեզը գտել էր իմ տեղը և գալիս էր: Աշխատեցի փախչել. ինձ նկատեցին, ետևիցս ընկան խմբով, կծեցին, պատառոտեցին... Հազիվ դուրս պրծա, և ահա տեսնում ես վիճակս...

Ասաց Սարհոնը և նորից աչքերը փակեց: Իսկ Զեբը զայրույթից դողում էր:

Մի ռոպե խորին լուռություն էր, որ թագավորեց քարայրում: Հետո գայլը նորից բաց արավ աչքերը և մրմնջաց բողոքող ձայնով:

— Օ՛, այդ մարդի՛կ, այդ Օձե՛րը... Ի՞նչ էի արել ես նրանց: Մի՞թե իրավունք չունենք մենք էլ վայելելու բնությունը. մի՞թե ամեն բան միայն նրանց է պատկանում և ուրիշ ոչ ոքի:

— Մարդկանց անգթությունը,— ասաց Զեբը,— հայտնի է, պարզ է. այդ ոչինչ. բայց ի՞նչ ասել մեր պնակալեզ եղբայրների մատնության մասին:

— Է՛հ, կին դու, չե՞ որ նրանց էլ մարդն է, որ զինել է մեր դեմ. այդ մարդ-օձի պես անգութ, անսիրտ և զազան արարած չկա աշխարհում... Ո՛չ, չկա... և նրանց պիտի ոչնչացնե՛լ...

Այդ ժամանակ միայն գայլուհին հիշեց փոքրիկ մանուկին. հիշեց և սարսափեց: Ի՞նչ պիտի աներ, եթե ամուսինը զգար նրան. չէ՞ որ պիտի բզկտեր: Օձուկին նա սկսել էր սիրել և չէր կամենա նրա մահը. Սիդն ու Սամը կմեռնեին, եթե Օձուկին մի վնաս հասնելու լիներ:

— Զե՛, մա՛րդ,— ասաց նա ամուսնուն.— մարդը այնքան մեղավոր չի դրանում. ոչնչացնելու արժանի մեր այն պնակալեզ եղբայրներն են, որոնք մատնում են մեզ: Առանց նրանց մատնության Օձը ե՞րբ կարող է մեր տեղը գտնել, մեզ հասնել, մեզ վնասել: Նա ի՞նչ է որ... քանի՛-քանի՛ օձերի դու ինքդ պատառոտել ես:

— Իրավ է,— մոմոաց Սարհոնը.— մարդը, չնայելով իր խորամանկության և շարասրտության, շատ թույլ է և վախկոտ. մի գայլ նրանց հինգ-վեցին կպատառոտի, եթե այն անիծյալ Կարմիր-հրեշը (կրակը) շունենան իբր զենք:

Զեբը քիչ շունչ առավ. ամուսինը մեղմանում էր. այժմ ժամանակ էր մանուկի գոյությունը հայտնելու:

Եվ որովհետև ինչ ուզենա կինը՝ կարող է անել, և որովհետև տղա-
մարդը վայրկյաններ կան, երբ պատրաստ է կնոջ ասած հիմարություն-
ներին անգամ հպատակվել— մի ժամից հետո այնպես եղավ, որ Օձուկը
ներկայացավ բարայրի տիրոջ:

Սա նախ մի խոժոռ ակնարկով գննեց նրան, հետո դարձավ կնոջն
ու ասաց.

— Քիչ ավելի մեղմ դեմք ունի: Բայց մեծանա թե չէ, նույն գազա-
նը կդառնա: Ինչ որ է. թող մնա մեզ հետ, տեսնենք ինչ կլինի:

Եվ փոքրիկ Ֆանուկը մնաց անտառում, գայլի ընտանիքի մեջ ու մե-
ծացավ այնտեղ:

4

Մնաց մեծուկն անտառում շատ և շատ տարիներ, գայլի ընտանիքի
մի անդամը, Սիդի և Սամի եղբայրը եղավ և մեծանում էր նրանց հետ:
Գայլուկները չէին վախենում նրանից: Պատահում էր մեկ-մեկ, որ
քնազգաբար, սարսափով ետ էին քաշվում, երբ նա երևում էր, բայց քիչ-
քիչ այդ խորթութունն էլ վերացավ. գոնե երկու կողմից էլ չզարգանալով
անգործ վիճակի մեջ մնաց. իսկ մանուկն սկսեց գայլերի լեզուն սովո-
րել:

Զերը նրա հետ լավ էր վարվում. մինչև իսկ սիրում էր նրան, որով-
հետև Օձուկը ճարպիկ էր, մագլցում էր ծառերի վրա, անուշահամ ձվեր
գտնում, փափկամիս թռչուններ որսում և նրանցից գայլուկներին համեղ
կերակուր պատրաստում:

Տանտեր Սարհոնն էլ սկսեց քիչ-քիչ սիրել նրան:

— Սա Օձուկ չէ,— ասում էր նա հաճախ,— Օձուկը այսպես բազց
ու բարի չի կարող լինել:

Այդպես, գայլի ընտանիքը իր նոր անդամի հետ շարունակեց երջա-
նիկ կյանք վարել երկար տարիներ: Ոչինչ չէր վրդովում նրանց երջան-
կութունը. մի քանի թեթև դեպքեր շուտով մոռացվում էին, և մանուկն
էլ մոռանում էր, որ ինքը օտար է ընտանիքի համար:

Սկավ աշունը:

Անտառը սկսում էր մերկանալ, լուր ու գույնը փոխել: Անձրևային
օրերին հաջորդում էին մթին գիշերները, բայց լավ օրերն էլ պակաս չէին,
մանավանդ, դեռ սկզբի ամիսներում:

Գայլի ընտանիքն ավելի շատ և ավելի հեշտությամբ էր որս գտնում,
զբա համար էլ գիշերները դուրս գալու պետք չունեի: Մնում էր նա քա-
րայրի խորքում, և եթե լուսին կար նրա առջև, հայրն ու մայրը մի կողմ

էին նստում, իսկ մանուկները խաղեր էին սարքում և օդը ուրախ աղմու-
կով լցնում:

Մի երեկո էլ, երբ մթնել էր, և բուրբը ընթրիքի նոր էին նստել,
հանկարծ բարայրի դռան առաջ փայլեցին երկու աչքեր, և լավեց մացառ-
ների խշրտոց:

— Ո՞վ է այդ,— ոռնաց Զերը:

— Բարեկամ է,— լավեց մի խոպոտ, անախրոժ ձայն, հետո առաջ
եկավ մի մեծ դեմք:

— Մեծ խորհրդի Կարմիրն է,— ավելացրեց ձայնը մոտից:

Սաբհոնի դեմքը խոժոռվեց: Այդ բոլոր գայլի գալը լավ բան չէր. գու-
շակում: Բայց ոչինչ անել չէր կարելի, որովհետև Կարմիրը գայլերի Մեծ
խորհրդի մեծափառ զգիրն էր, նրա սուրհանդակը:

— Համեցե՛ք, ներս մտիր, Կարմիր,— ասաց Սարհոնը,— համեցե՛ք
ընթրիքի:

— Ո՞չ, շնորհակալ եմ,— ասաց Կարմիրը դռան մոտից,— ես նոր
եմ ընթրել... Բայց ինչ-որ Օձի հոտ է գալիս այստեղից:

— Այդ ոչինչ, Կարմիր,— խոսեց Սարհոնը,— երևի շատ կուշտ շեռ
ընթրել այսօր... ներս եկ, տեսնենք, Կարմիր, ի՞նչ լուր ես բերում մեզ:
Կարմիրը ներս եկավ: Բորենու նման ցից ու զզզված մազերով,
խորամանկ, գողի պես նայող աչքերով փոքրիկ գայլ էր նա:

— Գիտե՞ս, Սարհոն,— ասաց մտնելիս,— ես Մեծ խորհրդից եմ
ուղարկված. ժամանակ չկա կորցնելու: Մեծ խորհուրդը գումարվել է Կլոր
բլուրի վրա և քեզ իր ատյանն է կոչում:

— Ի՞նձ, իր ատյանը... ինչո՞ւ,— հարցրեց Սարհոնը այլայլված,—
ես ոչինչ չեմ գործել հասարակաց օրենքների դեմ:

— Ես իրավունք չունեմ քեզ պատճառը հայտնելու,— ասաց Կար-
միրը լուրջ և խորհրդավոր դեմքով.— հանուն օրինաց՝ քեզ կոչում են
Մեծ խորհրդի ատյանը և...

Եվ ստացավ նա մի խորխտ կերպարանք:

— Եվ ի՞նչ,— ընդհատեց նրան Զերը ծաղրական դեմքով,— չլինի՞
ինձ էլ են կոչում այդ Մեծ խորհրդի վսեմաշուք ատյանը:

Մեծաշուք պատգամավորը վիրավորվեց մի կնոջ այդպիսի ծաղրա-
կան ձևերից:

— Ո՞չ,— ասաց նա կծու ձայնով,— այդպիսի տեղերում կանայք
գործ չունեն... կանայք ձայն չունեն...

— Հողը գլխներիդ,— գոչեց գայլուհին,— առանց մեզ դուք ձայն
կարո՞ղ եք ունենալ:

Կարմիրը, երևի մտածելով, որ կնոջ հետ զլուխ դնել պետք չէ, մա-

նազանդ իր պես մի մեծանձն պաշտոնյայի համար, աշխատեց հեզնող ժպիտ կազմել դեմքի վրա, նայեց Զեքին, ապա Սարհոնին դարձավ և ասաց.

— Հը՛... Մեծ հորհրդի հրամանը... մի՞թե չես ուզում գալ:

— Գնա՛նք,— պատասխանեց գայլը ոտքի ելնելով,— ամեն գայլ պատավոր է հպատակվել իր դրած օրենքներին... Առա՛ջ ընկիր...

Կարմիրն առաջ անցավ, քայլեց մինչև դուռը, ապա կանգ առավ, դարձավ և ասաց.

— Գիտե՞ս ինչ, Սարհոն եղբայր, գործից երևում է, որ Օձուկին էլ հարկավոր է հետներս վերցնել. ի՞նչ հարկավոր է ինձ նեղութուն տալ նորից գալու:

— Օձու՛կ,— գունատվեց Սարհոնը, — ո՞վ է այդ:

Կարմիրը գլխով մանուկին ցույց տվավ:

— Ի՛նչ,— բացականչեց Զեքը.— հորհուրդը գիտե՞ նրա մասին:

Կարմիրը պատկառանք ազդող կերպարանք կազմեց և գլուխը ցցելով ասաց.

— Սարհոն եղբայր և դու, տիկի՛ն, մի անգամ ընդմիշտ պիտի գիտե՛նալ, որ Մեծ հորհրդից ծածուկ ոչինչ չի մնում:

Ապա թողնելով խոսելու այդ ձևը, ավելացրեց.

— Դև՛հ, կանչիր Օձուկին, և գնանք:

— Վա՛յ ձեր գլխին,— ոռնաց Զեքը առաջ գալով,— կորսվիր դու էլ ու Մեծ խորհուրդդ էլ...

— Տիկի՛ն...— մռնչաց բարկությամբ հորհրդի ներկայացուցիչը,— Սարհոն եղբայր, կնոջդ լռեցրու և գործված անարգանքը դադարեցրու... հանուն օրինաց...

— Շո՛ւտ, դուրս կորիր, քսու,— որոտաց նրա վրա գայլուհին և մոտ վազեց:

Կարմիրը, որ ետ-ետ էր քաշվել, դուրս ցատկեց, Առյուծի լեղի՞ էր կերել, որ մի կնոջից չվախենար:

— Աստված իմ, տիկին,— ասաց նա,— ինչո՞ւ ես բարկանում, ես իմ պաշտոնս եմ կատարում:

— Կորիր... էլ ստվերդ թող չերևա այստեղ:

— Գնանք, եղբայր, գնանք,— գոչեց Կարմիրը Սարհոնին և շտապով առաջ ոտնեց:

Ու երկու գայլերը շուտով անհետացան մթության մեջ:

Կլոր բլուրը, որ գտնվում էր անտառի մեջտեղը, մի լերկ տափաբակ ունեք իր գագաթի վրա: Այդտեղ էր, որ հավաքվել էր գայլերի Մեծ հորհուրդը:

Մոտ հարյուր գայլ էին: Ետևի ոտների վրա, դունչները ցցած, շրջանակաձև նստել էին, մեջտեղը մի մեծ կրկես բաց թողել և խորհում էին:

Մեկը միայն, որ նախագահ էր, մտել էր շրջանի մեջ, գնում էր, գալիս, երբեմն կանգ առնում, դունչը բարձրացնում ու մի երկար ոռնոց արձակում: Հազիվ նա այդ վերջացնում էր, բոլորը միասին արձագանք էին տալիս նրան:

Ահա թե ինչու մն էր բանը: Նախագահը ճառախոսում էր գնալով-գալով և որովհետև, ըստ գայլերի, երևի շատ լավ էր խոսում, անդադար ծափահարում էին նրան, այսինքն՝ ոռնում էին:

— Քաջ գայլե՛ր, քաղաքացիներ...

— Բրավո՛, բրավո՛...

— Այսօր մենք ժողովվել ենք մի մեծ, շատ մեծ գործի առիթով, որ մեր ընդհանուրիս շահերին է պատկանում...

— Ո՛ւ, ո՛ւ ո՛ւ...

—... Թշնամին մեր մեջն է, նա օձի պես սպրդել է, շան պես հաճելի լինելով, գրավել է մեր եղբայրներից մեկի, մանավանդ մի թույլ, ողորմելի կնոջ սիրտը...

— Ա օ՛ օ՛ օ՛...

—... Ցավալի է, որ մեր եղբայրները այսքան երկար ժամանակ նենգ օձին տաքացնում են իրենց ծոցում. մի օձի, որին արժե ուտել միայն. ուտե՛լ, այո՛... կտրտել և ուտել...

Այստեղ, անշուշտ, պատկառելի նախագահը ուզեց մի կատակաբանությամբ համեմել իր լուրջ ճառը, ուստի մի ժպիտ կազմեց դեմո՞ի վրա և ավելացրեց.

—... Ուտե՛լ... իհարկե. այդպիսի՛ համեղ պատա՛ռ. այդ անիծածնեքի միսը շատ համով է լինում:

— Աո՛ւ, աո՛ւ, աո՛ւ...

Բոլորի բերնի ջրերը ծորալ սկսեց. ոչ ոք ծիծաղեց, Ուտե՛լ, ա՛հ... Եվ ո՞ր գայլը այնուհետև կհակառակեր պատկառելի նախագահի այդպիսի համոզիչ ճարտարախոսությանը:

Երկար, բավական երկար խոսեց մի ճառ, որում նա գործադրեց ճարտարախոսության և հոնտորության բոլոր ձևերը, տրամաբանական բոլոր օրենքները: Օրինակ, երբ կամենում էր շեշտել մի խոսք, առջևի

ոտների վրա ցատկում էր, երբ ուզում էր ազդու անել, պոչն էր ցցում դեպի լուսինը, իսկ երբ կամենում էր մի լավ ոճ գործածել, ասում էր. «Ուտել, կտոր-կտոր անել, մտերը ծամել» և կամ՝ «Հանուն ընկերական ապահովության, կոտորել նրան և բաժանել խորհրդի անդամների մեջ...»:

Իսկ եթե բան է, ասում էր, թե՛

«...Իհարկե, մեծ մասը թողնելով նախագահին, որ նեղություն է կրում...», — իսկույն մի խուլ շշուկ էր բարձրանում: Ծառախոսության այդ ոճը վաղուց հնացել էր. ինչպե՛ս էր թույլատրում իրեն նախագահը գործածելու նրան:

— Աո՛ւ, աո՛ւ...

Ահա այդպես զբաղված էր Մեծ Խորհուրդը, երբ Կարմիրն ու Սարհոնը հասան բլրին:

Կարմիրն առաջ անցավ, երկու ոստյուն գործեց, խոնարհվեց նախագահի առաջ և ասաց.

— Ժողովի հրամանը կատարեցի, ահա Սարհոնը:

— Թող գա, թող գա, — ձայնեցին բոլորը:

Եվ Սարհոնը մտավ շրջանի մեջտեղը: Երկար ժամանակ էր, որ նա ոչ միայն Մեծ Խորհրդին չէր ներկայացել, այլև շատ գայլերի հետ կտրիլ էր իր հարաբերությունը: Դրա համար էլ մի րոպե բոլորը լռությամբ դիտեցին նրան: Այնուհետև նախագահը նստեց ետևի ոտների վրա և ասաց մեծափառորեն.

— Սարհոն եղբայր, Մեծ Խորհուրդը գումարվել է այսօր և քեզ իր ատյանը կոչել: Գալլ եղբայրները քո անձիդ դեմ ոչինչ չունեն, եթե անհանգիստ աչքով չդիտեին այն անիծյալ, մեր ցեղին թշնամի գազանին, որ մտել է մեր մեջ: Դու նրան պահում ես, կերակրում. նա արդեն մեծացել է, շուտով կսկսի Կարմիր-հրեշը գործածել, և այն ժամանակ գիտե՛ս, թե ինչ է նշանակում այն թշնամին, որ մեր տունն ու տեղն է ճանաչում, որ մեր լեզվին ու օրենքներին է ծանոթ... Խոսի՛ր, ի՞նչ ես մըտադիր անել:

— Այո, խոսի՛ր, — ձայնեցին բոլորը:

Սարհոնը զգաց, որ Օձուկի բանը բուրդ է: Գայլերը ուտելու փափագ ունեին, և մանուկի փափուկ մորթը գրգռել էր նրանց ախորժակը:

Նա ստիպվեց նախ համառոտապես պատմել մանուկի մուտքը իրենց մեջ, հետո պարզեց նրա մեղմությունը, նրա՝ իր մանուկների բարեկամ դառնալը...

— Գալլ եղբայրներ, — վերջացրեց նա, — ես չեմ կարծում, որ դուք այնքան անգութ լինեք՝ զարնելու համար մի անգին անձի. չէ՞ որ այդ

Օձուկը այնքան վարժվել է մեր մեջ, որ այլևս մոռացել է, թե ուրիշ հասարակության է պատկանում, մոռացել է, որ մեզ թշնամի է:

Հազիվ թե վերջացրել էր, երբ մի երիտասարդ անդամ վեր թռավ, խոսք ուզեց և սկսեց ճառել ժառանգականության մասին, որով և հաստատեց, թե Օձուկը իր պապերից ժառանգած լինելով դեպի գայլերը թշնամություն, վաղ թե ուշ նրա մեջ վերարտադրվելու էր եղած բնազդը:

Նրա ճառը ազդեցություն թողեց. բայց այդ միջոցին գայլերի մեջ հեղինակություն ունեցող մի հին պատերազմիկ առաջ եկավ և ասաց.

— Ձիներք այդ Օձուկին իր եղբայրների դեմ մեր օգտին, ինչպես ոո մարդիկ զինել են մեր եղբայրներին՝ շներին, մեր դեմ և մատնիչնեո դարձրել նրանց:

— Կեցցե՛, կեցցե՛, աո՛ւ..., — ոռնացին ամեն կողմից:

— Բայց, գա՛լլ եղբայրներ, — խոսեց նորից Սարհոնը, — դա մի այնպիսի ցածություն կլիներ, որին միայն մարդիկ են ընդունակ, իսկ մեկ, գայլերիս, դա պատիվ չի բերի: Ի՞նչ կասե մեր ապագա սերունդը, էթե իմանա մեր այն աստիճան թուլությունը, որ ստիպված ենք եղել այդպիսի ստորությունների դիմել... Ո՛չ, եղբայրներ, թող միշտ մեր անունը անաղարտ մնա մեր սերունդների համար: Մենք անոթի շենք մնա երբեք և ոչ էլ կոշնչանանք. մեր ձեռքերը և ուժը մեզ միշտ կերակրել են ու պաշտպանել. չլինենք մարդկանց պես...

— Այո՛, այո՛, — ձայնեցին շատ երիտասարդ գայլեր, — Սարհոնը ազնիվ գաղափարներ է հայտնում. մենք համամիտ ենք նրան:

Բայց որովհետև ինչ երիտասարդությունը լավ է գտնում, ծերությունը՝ վատ, որովհետև հնի և նորի, ծերության և երիտասարդության կոփվը դրսևթյուն ունի բոլոր արարածների մեջ, դրա համար էլ իսկույն ծեր գայլերը հնամյա պատերազմիկի կողմը բռնեցին Սարհոնի դեմ, և ահա հասարակությունը բաժանվեց երկու կուսակցության:

Մերերը պնդում էին, որ հանուն խոհեմության, զգուշության և ընկերության հարատևության պետք է լռեցնել «ձվից նոր դուրս եկածներին» և փոքրին էլ, քաղաքականորեն, իբր զենք գործածել թշնամիների դեմ:

Երիտասարդները, ընդհակառակը, գոռում էին և անտառն էին թընդացնում իրենց աղմուկով, որ հանուն ճշմարտության, որ ազգությունը շոճի երաժշտության և սիրո պես, հանուն ազնվության, որ համամարդկային է, պետք չէ այդպես անել:

Համենայն դեպս Օձուկը վտանգից ազատվել էր: Նրան էլ չէին ուտելու, և այդ շատ ցավ ազդեց Մեծ Խորհրդի նախագահին, գլխին և մյուս պաշտոնյաներին, որոնք միշտ լավ ախորժակ ունեին:

Բարկությունից նախագահը ատամները կրճտացրեց Օձուկի ապա-
հովությունը կամեցող երիտասարդների դեմ և գոռաց.

— Ուտենք Օձուկին, ոչնչացնենք նրան. ահա խոտվություն սկսեց
սերմանել մեր մեջ:

— Ո՛ւ, ո՛ւ,— ձայնեցին քաղաքագետները,— կենդանի թողնենք և
իբր զենք գործածենք մեր թշնամիների դեմ:

— Ո՛ւ, ո՛ւ,— մեջ մտան երիտասարդները,— կենդանի թողնենք և
ազնվությամբ վարվենք նրա հետ:

— Գետինն անցնեք ձեր ազնվությամբ,— ոռնաց նախագահը և
անցավ ծերունիների կողմը: Պաշտոնյաներն էլ նույնն արին իրենց պաշ-
տոնի բերմամբ. բացի դրանից, շնայելով, որ երիտասարդ էին, բայց
ավելի լավ ախորժակ ունեին, քան լավ գաղափարներ:

Բարձրացավ դժոխային աղմուկ անտառի մեջ. կարգ չմնաց. ամեն
աք խոսում էր: Վիճում էին, իրար դեմ քայլելով՝ պոչները թափ տալիս,
ապա ետ դառնում և իրենց կողքինի ականջը խլացնում:

— Խո՛ւք կուզեմ...

— Արձանագրե՛լ բողոքս...

— Ի կա՛րգ, պարոննե՛ր...

Ո՞վ էր լսողը. մարդիկ կարգ-կանոն գիտե՞ն, որ գայլերը գիտենան
կամաց-կամաց, որովհետև կուսակցական, մանավանդ ուժեղ ձայ-
նարկությունների զորությունը երիտասարդների կողմն էր, ծերունիները
սկսեցին ետ քաշվել:

— Գնանք, գնանք, իզուր ժամանակ ենք կորցնում,— նշան տվավ
հին պատերազմիկը:— Ժողով հո չէ՞. ամեն մի երեխայի խոսելու են
թաշնում:

— Այնպես չէ՞,— մոտեցավ նրան մի ուրիշ ծեր,— ժամանակս խիստ
փչացել է. ո՞վ էր տեսել, որ այդպիսի կաթնակերները ծերերի դեմ խո-
սեն:

— Է՛հ, իհարկե, այլևս գայլությունը կսկսի վատասերվել,— դիտեց
մի երրորդ ծեր:

— Զարմանալի է,— դիտել էր տալիս մի ուրիշը,— ինչո՞ւ է նախա-
գահը լռել և վճռել չի տալիս ժողովից բոլոր այդ աղմկարար երեխանե-
րին. էլ ոչ ծերերի պատիվ մնաց, ոչ կարգ-կանոն... Թե ես կլինեի նախա-
գահ...

Եվ այդպես, կամաց-կամաց ծերերը հեռացան: Բլրի վրա մնացող
երիտասարդներն էլ կես ժամի շափ գոռգոռացին, աղմկեցին, սպառնացին
և նրանք էլ գնացին:

Բլուրն ամայացավ:

Այդ միջոցին էր, որ թփի տակից դուրս եկան Զեբը և Օձուկը, որո՛նք
ժողովի կեսին հասել և պահվել էին թփի ետևում և այնտեղից լսել էին
ամեն բան:

— Տեսա՞ր,— ասաց Զեբը՝ դառնալով Օձուկին.— ես քեզ շասացի՞,
որ նրանք, բացի դատարկ խոսելուց, ոչ մի հավաքական վճռի ընդունակ
չեն. շասացի՞, որ պիտի կովեն և առանց վճիռ տալու ցրվեն... Հողեմ ես
դրանց գլուխը...

Մանուկը չպատասխանեց: Խորունկ մի մտածություն համակել էր
նրան: Այդ օրը շատ նոր բաներ էր լսել: Բառեր, մանավանդ, որոնք հան-
կարծակիի էին բերել նրա միտքը:

Ի՞նչ բան էր այդ «մարդ» կոչված արարածը, որի եղբայրն էին հա-
մարում իրեն: Ուրեմն ինքը գայլերի հասարակությանը չէ՞ր պատկա-
նում. ուրեմն ուրիշ եղբայրնե՞ր ուներ...

Այսպես աղոտ, շատ աղոտ ու շփոթ կերպով սկսեցին վերարտադր-
վել նրա մեջ խառնակ պատկերներ: Սկսում էր հիշել ծառեր, շենքեր,
տարօրինակ, ոչ-գայլային դեմքեր... և, այլևս ոչինչ... Օ՛, որքա՛ն վա-
ղուց էին դրանք:

Գրթե չէր լսում Զեբին:

— Մայրիկ,— ասաց նա հանկարծ,— ի՞նչ բան է այդ մարդ կոչվող
արարածը, որին ինձ եղբայր էին համարում և որոնց դեմ էին ուզում
զինել ինձ:

Զեբը այլայլվեց: Պահ մի պատասխանել չկարողացավ. հետո բռնեց
նրա թևից և ասաց.

— Գնանք, որդիս, գնանք այստեղից. մի մտածի այդ տխմարների
խոսքերի վրա... դու ուրիշ եղբայրներ չունես... Ոչ, այդ ասածդ արարած-
ները քո եղբայրները չեն... Նրանք շար, խորամանկ, իրար անգամ պա-
տառող հրեշներ են... քո մայրը ես եմ...

— Գիտեմ, գիտեմ, բայց...

Եվ Օձուկը հառաչեց: Ոչինչ էր հասկանում: Դառնությունը սեղմում
էր կոկորդը, զգում էր, որ սրտից մի լար կտրվեց, և որ ինքը այդ հա-
սարակության անդամը չէր այլևս, որ ինքը մարդ էր...

Բայց ի՞նչ էր ուրեմն «մարդը»...

Եվ թողեց մանուկը անտառն ու քարայրը, մի օր հեռացավ գայլերի
հասարակությունից ու գնաց փնտրելու իր եղբայրներին, իրեն նման
մարդկանց:

Զգիտեք ուր էին նրանք, որ անտառի կամ որ քարայրի մեջ: Գնում էր փնտրելու: Միտում ասում էր, որ կարողանալու էր գտնել:

Քայլեց երկար: Երկու օր անընդհատ անցավ անտառների, կտրեց դաշտեր. երբորդ օր, գիշերը հասավ մի մեծ գետի մոտ և հանգստանալու նստեց մի ծառի տակ: Որովհետև հոգնած էր, պառկեց, քնեց և երազեց:

Երազեց, որպես թե մի մեծ այգու մեջ էր գտնվում, ուր ման էին գալիս իր նման երկու ոտքերի վրա քայլող արարածներ... Մի մեծ տուն, սպիտակ պատերով, երևում էր այգու մեջ. գետնի վրա վառվում էր խարույկը, որից ծխի ծուռումուռ սյունակը խտորեն բարձրանալով, նստանում-հալվում էր օդի կապտուխյան մեջ... Նա ուրախ էր, որ գտնվում էր վերջապես յուրայինների մեջ, ապրում էր նրանց հետ: Վաղուց անցած-գնացած պատկերներ խառն ու աղոտ կերպով, իրար խճողված, հրեշային կերպարանքներ ստացած, գալիս, մշտաշարժ հյուլների պես, պատվում և ոչնչանում էին նրա առջև...

Հանկարծ զարթնեց ու վեր թռավ: Մի քանի ձայներ ընդհատել էին նրա քունը: Երբ քնատ աչքերը տրորեց, քիչ մնաց ուրախությունից ու զարմանքից գծվեր: Վայրենի ուրախության մի ճիչ դուրս թռավ կրծքից... Մարդիկ էին այնտեղ կանգնած, իր կողքին, իր առաջ:

Այո՛, մարդիկ: Տխուր, խորշոմուտ երեսով երեք դեմքեր, որոնք խոշոր փայտերով զինված՝ շրջապատել էին նրան, իսկ հեռվում կանգնած մի ավելի հաստափորն ու կաթնլիկը հրամաններ էր արձակում: Սկսեց ազահուլթյամբ, խորին հետաքրքրությամբ դիտել: Եվ ամեն հիշողություն վերանորոգվեց իր մեջ:

Նրան շրջապատողները կալվածքի բանվորներն էին, իսկ հաստափորը՝ կալվածատերը:

Առավոտյան շուտով, երբ վերջինս, բահերով զինված երեք բանվորների հետ, այցելում էր իր արտերը, ծառի տակ տեսել էր այդ մերկանգամ, բրդատ, խառնիխուն մազերով ու սոսկալի դեմքով արարածին:

Մարդ էր իհարկե. մարդ, բայց վայրենի: Եվ որովհետև այդ դեպքը պատահում է աշխարհի այնպիսի անկյունում, ուր այդ տեսակ թշվառ արարածներ հազվադեպ չէին — աղան մտածեց զարթեցնել նրան և տեսնել, թե ի՞նչ պետք էր անել հետը:

Բանվորները ետ քաշվեցին, երբ «վայրենին» բարձրացավ: Շատ էր նմանում գազանի: Նրա տեսքը վախ պատճառեց բոլորին: Բայց երբ աղան հեռվից տեսավ, որ «գազանը» շարություն չունի դեմքի վրա, հարձակման նշաններ չէր ցույց տալիս, ինքք ստացավ զորեղի հովեր և գոչեց:

— Ո՞վ ես դու և ի՞նչ իրավունքով ես մտել իմ հողերի մեջ: Մանուկը ոչինչ չհասկացավ, բայց հուզվեց: Մարդկային ձայնը, նայելով, որ դուր չեկավ, սրտին խփեց: Զ՛ է որ իր եղբայրն էր իրեն խոսք ուղղում: Փորձեց խոսել, ճիգ գործեց և կոկորդից միայն խուլ ընդհատ ճիչեր ու ոռնոցներ արտադրեց:

— Համր է, — վճռեց աղան:

— Համր է, — արձագանք տվին բանվորները:

Զգաց մանուկը, որ իրեն չհասկացան, որ ինքը նրանց պես խոսել չէր կարողանում: Հասկացավ, որ օտարացել էր նրանց համար, և որ իրենից վախենում էին իր նմանները: Ըմբռնեց այդ, սիրտը սեղմվեց, և արտասուք իջան արյունով լի աչքերից:

Աղան հասկացավ, որ վայրենին խեղճ, համր մի արարած պիտի լինի, ո՞վ գիտե, որ կողմից եկած, ինչ արկածների ենթարկված:

Եվ ուշադրությամբ զննելուց հետո նրա կազմվածքն ու մկանունքները, մտածեց. «Ուժեղ է. լավ բանվոր կարող է լինել և քիչով էլ գոհ կլինի. երեք մարդու գործ կարող է կատարել»:

Հետո հրամայեց գործավորներին՝ տանել նրան կալված ու կերակրել:

Այդպես էր, որ մանուկն ընկավ իր նմանների մեջ: Ուրախ էր, խիստ ուրախ: Տեսավ նորից տուն ու այգի, կրակ ու ծուխ, որոնց նա երազի պես էր հիշում. տեսավ, թե ինչպես էին ապրում մարդիկ և ինքն էլ աշխատեց «մարդ» դառնալ:

Մյուս օրը տարան նրան արտ և ձեռքը տվին բահն ու բրիչը: Զգիտեք ինչ էին ուզում անել տալ իրեն: Սովորեցրին, որ պետք էր գործել, բահ զարնել, հողը հերկել, վարել, բուսցնել և նրա արդյունքովը լցնել աղայի մեծ ամբարները:

Սկսեց աշխատել ուրիշ երեք բանվորների հետ: Դեռ ոչինչ չէր հասկանում: Ուրախ էր, որ իր նմանների մեջն էր: Անում էր, ինչ ուզում էին, ուտում էր, ինչ տալիս էին, իսկ եթե տվածովը չէր կշտանում, գիշերները դուրս էր գնում, որս գտնում և անոթությունը հագեցնում:

Դեռ չգիտեին նրա որսերի մասին. աղան չէր իմացել, ուստի և մանուկը կարողանում էր ստամոքսին գոհացում տալ:

Ապրեց նա այդպես բավական ժամանակ: Մոռացավ հետզհետե Սարհոնին ու Զերին, Միդին ու Սամին, քարայրն ու անտառը, մոռացավ ազատ օդն ու կյանքը: Աշխատում, գործում էր մինչև երեկո: Սկսեց քիչ-քիչ խոսել մարդկանց պես և որովհետև ոչ մի տեղ չէր գնում, համոզ-

վեց, որ մարդը այդպես է ծնվել, այդ է նրա կյանքը, և որ իրեն նման մարդիկ ստեղծված են գործելու միշտ աղայի համար:

Բայց մի օր ամեն բան փոխվեց: Մի երեկո, երբ տուն էր եկել և ուզում էր քնել, հանկարծ հրաշալի ձայներ հասան ականջին. ձայներ, որոնք դուրս էին գալիս աղայի բնակարանից:

Նա չէր մտեցել երբեք այդ սենյակներին. մի տեսակ պատկառանքով էր նայել նրանց վրա. արգելել էին մոտ գնալու, և այժմ չէր հասկանում ոչինչ: Բայց գիշերը մութ էր, և սենյակների բաց լուսամուտներից դուրս ժայթքող լույսը գրավեց նրան:

Մածուկ, սողոսկելով մոտ գնաց, բարձրացավ, ներս նայեց ու շացավ: Մի՞թե այնտեղ եղած արարածները մարդիկ էին, Եվ եթե նրանք էին մարդիկ, ապա իրենք ինչ էին, ի՞նքն ինչ էր...

Այս միտքը տակնուվրա արավ նրան: Ուրեմն դեռևս իր եղբայրների մեջ չէր գտնվում, նրանց մեջ չէր, որ ընկել էր: Զգում էր, որ այնտեղ, սրահում եղած սպիտակամորթ, լույսով ողողված արարածները պիտի լինեին իր եղբայրները և ոչ թե այն թշվառները, որոնք ամբողջ օրը արևի տակ սևանալուց, քրտնելուց, տանջվելուց հետո երեկոյան մի կտոր շոտ հաց էին կրծում և քնելու գալիս մի բուռ հարդի վրա:

Մտախոհ՝ հեռացավ նա սենյակներից և երկար թափառեց աննպատակ: Զէր կարողանում որոշել՝ ի՞նքն էր անասուն, թե՞ այդ սրահի արարածները մարդիկ չէին, այլ ավելի բարձր արարածներ: Այդ անհավասարությունը նա չէր ըմբռնում:

Եվ երբ քնելու էր գնում, հարցրեց բանվորներից մեկին.

— Ովքե՞ր են սրահում. մարդի՞կ են...

Բանվորը ծիծաղեց դառնությամբ:

Իհարկե մարդիկ էին, խո գայլեր չէին:

Մարդի՞կ... ուրեմն ինքը որո՞նց մեջ էր ընկել, ուրեմն բանվորներն ի՞նչ էին: Խաբվե՞լ էր արդյոք: Եվ իսկապես, մի՞թե այդ թշվառ արարածները նման էին այն վերևի առողջ, զվարթ, ժպտուն դեմքերով և շքեղ հագուստներով անձերին, որոնք նստել էին անուշ կերակուրներով սեղանի առաջ, վայելում էին երկնային երաժշտություն...

Երկա՞ր, շատ երկար մտածեց, և դառնությունը համակեց նրան:

Երկրորդ օրը այդ միտքը շհեռացավ նրանից: Գործում էր, բայց մտածում: Կեսօրվա մոտ նորից մոտ գնաց իր ընկերներից մեկին և հարցրեց.

— Իսկ դո՞ւք, մե՞նք... մի՞թե մենք էլ մարդիկ ենք:

— Իհարկե,— պատասխանեցին նրան:

— Ինչո՞ւ ուրեմն նրանց նման չենք, նրանց կերածը չենք ուտում,

նրանց պես զվարթ չենք, մաքուր չենք, հանգիստ չենք և չենք զվարճանում... միմիայն գործում ենք...

Ընկերները չպատասխանեցին իսկույն: Նրանցից մեկը քիչ մտածեց, հետո գրուխը շարժեց և մոմաց.

— Նրանք աղաներ են... Աստված այդպես է արել:

Նրանց խոսակցությունը լսեց մի ծերունի բանվոր ևս, դադարեց գործելուց, բահը ցցեց հողի մեջ և տխրությամբ ասաց.

— Դու ասում էիր, բարեկամ, թե ինչո՞ւ մենք նրանց նման չենք անում... Շատ պարզ է. որովհետև նրանք չեն գործում, իսկ մենք գործում ենք. և այն էլ այսպես գործում...

— Բայց ինչո՞ւ նրանք չեն գործում... — հարց տվավ մանուկը:

— Որպեսզի մեզ նման չլինեն,— մեջ մտավ մի ուրիշը:

— Որովհետև,— պատասխանեց ծերունին,— անդադար մենք գործում ենք նրանց փոխարեն և ապրեցնում նրանց...

Եվ լռեցին: Մանուկն էլ լռեց: Նրա մեջ մտածողություններն ավելի խոր վերլուծող բնավորություն ստացան, և նա հարցից հարց մոլորվում էր եզրակացությունների մեջ:

Ինչո՞ւ ուրեմն իրենք գործում էին նրանց փոխարեն. մի՞թե այդպես պետք է լիներ: Զէ՞ որ ինքն էլ կուզենար նրանց պես սպիտակ լինել, փափկամորթ, մաքուր հագնված, լավ սենյակների մեջ ապրել, լավ կերակուրներ ուտել, զվարճանալ, երաժշտություն լսել...

Այո՞, եթե մարդ էր, ուրեմն իրեն էլ հարկավոր էր այդ բոլորը. իսկ եթե մարդ չէր և իրավունք չուներ դրանց, ինչո՞ւ ուրեմն ազատ կյանքը թողել, եկել էր նորից անասունի կյանք վարում. ավելի վատ, քան գայլերի կյանքը...

Երկրորդ երեկոյան, երբ վերադառնում էր գործից, էլի մոտ գնաց սրահներին, էլի խոսակցության, ծիծաղների, երաժշտության ձայներ վրդովեցին նրան:

Ներս նայեց: Սրահը լիքն էր: Նստել էին մի մեծ սեղանի շուրջ. ուտում էին և խմում, իսկ լույսն ու երաժշտությունը լցրել էին սրահը թրթումներով:

Այո՞, մարդիկ այնտեղ էին և ոչ թե ցածրում: Սխալվել էր. պետք էր իր նմանների մոտ գնալ:

Եվ վճռական քայլերով բարձրացավ նա սանդուղքը, դեն շարտեց դռն մոտ իր առաջը կտրող ծառաներին ու համարձակ սրահ մտավ:

Նրա փոշոտ, սև ու կոպիտ դեմքը, նրա հագուստն ու հանկարծակի մուտքը սարսափահար արին հյուրերին: Բարձրացան բոլորը սեղանից և իրար խառնվեցին:

Մանուկը մի քիչ մոտից դիտեց թռչունների պես վախեցող այդ արարածներին, հետո երկու բայլ էլ առաջ գնաց և ասաց.

— Հանդարտեցե՛ք. ես վնաս չեմ տալ ոչ ոքի. չէ՞ որ ես էլ մարդ եմ, ձեր եղբայրն եմ... Այո՛, ձեր եղբայրն եմ, այդ ինձ գայլերն ասացին. մա՛րդ եմ ես էլ...

Կալվածատերը, որ ճանաչել էր իր «վայրենուն», մոտ գնաց նրան սպառնալից դեմքով և գոչեց.

— Ինչպե՞ս համարձակվեցիր դու, անպիտան գործավոր, մտնել աղափղ սենյակը... Դո՛ւրս կորիր... Մտռաներ, դուրս ձգեք այս անկիրթին...

— Սպասեցեք,— ասաց մեղմությամբ մանուկը,— մի երկու խոսք ունեմ, ասեմ և հետո ես ինքս կերթամ:

Բոլոր հյուրերը, որոնք այլևս չէին վախենում, որովհետև մի գործավոր էր մտնողը, մոտեցան և ականջ դրին:

— Խոսիր,— ասաց խստությամբ տանտերը:

— Ասացեք խնդրեմ,— հարցրեց մանուկը,— դուք մարդիկ եք, այնպես չէ՞:

Բոլորը ծիծաղեցին. այդպես տրված բնական հարցը կամ զարմանք և կամ ծիծաղ է առաջացնում:

— Մարդիկ եք, այդ ես տեսնում եմ,— շարունակեց մանուկը,— բայց նկատում եմ հետևապես, որ ցածում, ինձ հետ բնակվող արարածները, ինձ հետ գետնի վրա քնող, չոր հաց ծամող և անդադար տանջվող մյուս էակները մարդիկ չլիտի լինեն, այլ՝ անասուններ... Այդ այդպես է, բրովհետև նրանք երբեք, ոչնչով նման չեն ձեզ: Նրանք տխուր են, դուք զվարթ. նրանք լալիս են, դուք ծիծաղում եք. նրանք աղտոտ են, դուք մաքուր. նրանք՝ մերկ, դուք՝ շքեղ հագնված. վերջապես նրանք ուտում են շոք հաց և տանջվում են ամբողջ օրը, իսկ դուք վայելում եք այդպիսի կերակուրներ և երբեք չեք գործում... Մի՞թե մենք էլ մարդ չենք:

— Դուք էլ մարդ եք, խելառ,— գոչեց մի երիտասարդ.— բայց ո՛ւ մեզ նման:

— Ո՛չ ձեզ նման... Այո՛, այդ ճիշտ է: Ես այդ տեսնում եմ: Բայց որովհետև մարդ ենք, ուստի և հարկավոր է ձեզ նման լինել: Ինձ ասացին, որ մենք պիտի աշխատենք՝ ձեզ ուտեցնելու համար: Համաձայն եմ, աշխատենք, բայց միասին ուտենք. ինձ էլ տվեք իմ աշխատածը. ես էլ եմ ուզում ձեզ պես խնդալ, զվարճանալ, լավ ուտել, հագնվել...

— Խենթ է,— ձայնեցին մի քանի երիտասարդներ:

— Վտանգավոր մարդ է...— դիտել տվին քիչ ավելի հասակավորները:

— Ոչ խենթ է և ոչ էլ վտանգավոր,— մեջ մտավ տանտերը,— դեռ անկիրթ է. իր անտառներն է հիշում... ծառանե՛ր, տարեք սրան և կրթեցե՛ք...

Եվ բռնեցին մանուկին, իչեցրին ցած, կապեցին մի ծառի... ու կրթեցին...

8

Պառկել էր նա արյունաշաղախ՝ մի մութ սենյակում, խոնավ գետնի վրա:

Եվ տխուր էր ու մոռյալ: Ա՛խ, որքա՛ն երջանիկ էր նա, երբ գայլերի մեջ էր, ուր նրան ոչ ոք չէր նախատում, ոչ ոք նրանից առավելություն չուներ, ոչ ոք նրանից չէր խլում իր աշխատածը և կամ նրան այդպես արյունաշաղախ դրության մեջ չէր նետում:

Ու լաց էր լինում, ոռնում գայլի պես:

Ո՛չ, ավելի լավ է դարձյալ գայլերի մեջ գնալ. վերադառնալ այնտեղ, իր բարի Ձեքին, իր Սիդին ու Սամին տեսնել, նրանց հետ ապրել: Այստեղ նրան սիրող չկար. այստեղ միայն տեր ու ծառա, զրկող ու զրկվող, բռնացող ու ստորուկ էին բոլորը... Բոլորն էլ թշվառներ էին, որոնք սիրել չգիտեին, չէին էլ կարող սիրել:

Այո՛, թողնել պետք էր մարդկանց և գնալ դարձյալ գայլերի մեջ:

Բայց մանուկին բանտարկել էին, ուզում էին կրթել, նեղ մթնոլորտի, ծառայականության և հնազանդության վարժեցնել, մոռացնել ազատ օդն ու «վտանգավոր» փափագները:

Եվ մանուկը բարձրացավ, ցնցեց իր վրա փակած դուռը, ոռնաց, գոռաց, օգնության կանչեց և բաց անել խնդրեց...

Դրսից լսողները ցավելով ասում էին.

— Խենթացել է խեղճը:

Իսկ նա ազատութի՛ւն էր ուզում, իր անտա՛ռը փափագում:

Ու մի ուժգին հարվածով տապալեց դուռը, դուրս թռավ ուրախության աղաղակը բերանին և սկսեց հեռանալ բնակությունից:

Բայց նրա ետևից պնդում էին: Շուտով թափվեցին վրան ամեն կողմից: Նա պաշտպանվեց ձեռքերով, խփեց շատերին. արյունն աչքն էր կոխել, հարվածեց իր բռնողներին:

Եվ ընկնում էին նրա հարվածների տակ... Ինչո՞ւ էին արգելում ազատ ման գալու և գնալու՝ ուր կուզեր. ինչո՞ւ էին ուզում բանտարկել իրեն:

Այլևս չէր ուզում իր շար եղբայրներին, որոնք միմիայն ցավ ու վիշա

էին պատճառում, միմիայն տանջում էին նրան: Ո՛չ, ավելի լավ էր գնալ գտնել գայլերի հասարակութիւնը դարձյալ...

Քայց շուտով շրջապատեցին նրան շատ խմբեր՝ բրերը ձեռքերին. բռնեցին, տեղացին հարվածներ նրա վրա, հետո շղթա զարկին ու նորից տարան մի խոր և մութ ծակի մեջ փակեցին:

Հոգնել էր կովի մեջ, մենակ էր բռնութեան, ստրուկների, խուժանի գեմ և ընկճվում էր:

Եվ լսում էր, որ մարդկային ամբոխը դրսից ոռնում էր քաղցած փայլերից ավելի վատ.

— Սպանեցե՛ք վայրենուն, մա՛հ մարդասպանին...

Գիշերն անցկացրեց մանուկը գրեթե ուշագնացութեան մեջ: Ոչինչ չէր հիշում: Չէր կարողանում շարժվել իսկ... Կցանկանար մեռնել, ազատվել. չէր ուզում այդպիսի կյանքը...

Չիմացավ, թե ինչպես մյուս օրը զարթնեցրին իրեն, ձեռքերը շղթայեցին ու դուրս տարան:

Մեծ ամբոխ էր հավաքվել նրա ճանապարհի վրա: Խուժանը ձեռքերն էր բարձրացնում, ոռնում..., և նրա ականարկը միմիայն զզվելի, ստրկական կամ շար գեմքերի էր հանդիպում:

«Ա՛յս է մարդկութիւնը...», — մտածեց նա ու ցնցվեց: Մի՞թե ինքը դրանց եղբայրն էր. դրանց նմա՛նը...

Երկար շխտեցին սրահի մեջ: Շուտով բռնեցին նրան, ձեռքերը ետեւից կապեցին և տարան մի լայն հրապարակի վրա, ուր կար կեռ ցիցը կանգնեցրած:

Հանդիսավոր կերպով, շրջանաձև պատեցին այդ ցիցը, հետո մի սև հագած անձ փսփսաց խոսքեր նրա ականջին՝ մի ինչ-որ նոր կյանքի մասին խոսելով, և մեկը ձեռքի բռնած չվանը անցկացրեց նրա վզից, ստիպեց բարձրանալ աթոռի վրա, մի ուրիշն էլ չվանը տարավ ու կապեց բարձր ցցին:

Եվ լուռ էին: Միայն ա՛յդ ժամանակ լռել էր խուժանը:

Մանուկը տեսավ նրանց գազանային շար արտահայտութիւնը, եղբոր տանջանքներով զվարճացող, գազանից ավելի շնչին արարածների ցանկութիւնը:

Նրանց արյունարբու, նախճիրային ոգին նկարված էր տեսնում դեմքերի վրա...

Ու հանկարծ զգաց, որ գետինը խուսափում էր ոտքերի տակից, որ մի բան խիստ կերպով սեղմում էր կոկորդը: Խեղդվում էր, շունչը կըտրվում...

1891

Ուզեց գոռալ... և նրան թվաց, որ մի հսկա ձեռք վայրկենաստես կորզում էր իրեն, սլացումով բարձրացնում, գնում էր մի ըսպեաշափ և, ճղելով ամպերը, տանում էր հեռու, շա՛տ հեռու...

ԶԳԱՅՆԱԶԱՓ

Փոխադրություն

Մի ծեր բրահմին մի երեկո տուն էր վերադառնում: Վերջալույսի ժամանակ էր, երբ նա մոտեցավ քաղաքին:

Հանկարծ նկատեց երկու մանուկների, որոնք կուշ էին եկել մի վրանաձև շորի տակ: Մոտ գնաց ու առանց տեսնելու, աշխատեց լսել նրանց խոսակցութիւնը:

Մանուկներից մեկը՝ մի փոքրիկ աղջիկ, լաց էր լինում ու հաց ուզում. քաղցած էր: Մյուսը՝ մի տղա, որ քիչ ավելի հասակավոր էր քրոջից, մըխիթարում էր աղջկան, առարկելով, որ մայրիկը շուտով կգար ու հաց կբերեր:

Եվ իսկապես, քիչ հետո մայրիկը եկավ հոգնած ու դժգույն: Գալուն պես հանեց զամբյուղից մի հաց ու դրեց մանուկների առջև:

Աղջիկը իսկույն հացի վրա ընկավ ագահութեամբ, իսկ տղան իր հացը երկու կտոր արեց. մի կտորը ծածկաբար թաքցրեց մի անկյունում, իսկ մյուս կտորը ուզում էր բաժանել իր մոր հետ, և որովհետև մայրը մերժեց ուտել, այն ժամանակ ինքը կերավ ամբողջը:

Տղայի այդ վարմունքը հետաքրքրեց բրահմինին, և նա վճռեց մյուս օրը գալ և տեսնել, թե տղան արդյոք պակաս քաղցած էր աղջկանից:

Մյուս օրը կեսօրից հետո նա քաղաքից դուրս եկավ և գնաց դեպի վրանը: Առանց աղմուկ հանելու մոտեցավ: Միևնույն բանը տեսավ. փոքրիկ աղջիկը լաց էր լինում ու հաց ուզում, իսկ տղան աշխատում էր նրան մխիթարել: Վերջապես, երբ տղան տեսավ, որ աղջիկը ձայնը չի կտրում, հանեց երեկվա պահած հացը ու տվավ քրոջը: Քույրն առավ, ուզեց բերանը տանել, բայց իսկույն էլի գետին ձգեց ու ասաց.

- Բայց չէ՞ որ քո հացն է:
- Ես քաղցած չեմ, ի՞նչ եմ անելու:
- Ես էլ չեմ ուզում:
- Ինձ էլ պետք չէ:

Եվ հասցը մնաց գետնի վերա: Մանուկներից ոչ մեկը չէր ուզում դիպ-
չել հացին:

— Այդ լավ է, — մտածեց Բրահմինը, — հացի այդ կտորի շնորհիվ
աղջիկն այլևս մինչև երեկո հանդարտ կմնա և չի լալ:

Ու երբ Բրահմինը տուն էր վերադառնում, մտածեց առաքինության
մասին: Մտածեց ու գտավ, որ առաքինությունը ծնում է զգացմունքնե-
րից:

Հետո էլ մտածեց, թե արդյոք չէ՞ր կարելի կշռել մարդկային զգաց-
մունքների աստիճանը մի գործիքով, ինչպես որ շափվում է տաքության
աստիճանը:

Եվ որոշեց շինել մի զգայնաչափ:

Վերցրեց որբի արտասուքից մի քանի կաթիլ, լցրեց մի ասրակյա
բարակ խողովակի մեջ ու զնաց դեպի վրանը: Այնտեղ նա խողովակը
գրեց տղայի սրտի վրա, և երբ արտասուքը սկսեց եռ գալ, նա նշանակեց
խողովակի վերա եռման կետը 100 թվով: Հետո նա գտավ, մի խորթ մայր
և նրա՝ դեպի իր խորթ որդին ունեցած զգացմունքը շափելով նշանակեց
0:

Եվ այդպես դեպի վեր ու վար բաժանումներ անելով, զգայնաչափը
պատրաստ էր:

Բայց պետք էր գտնել արտասուքի տառելու կետը որպես շերմաչա-
փի մեջ սնդիկի՝ իրեն սառեցման կետը կա:

Դրա համար էլ Բրահմինը ամբողջ քաղաքում, հետո էլ ամբողջ աշ-
խարհում սկսեց ման գալ իր գործիքով և փնտրեց ամենախիստ շարագործ-
ներ: Ոչ մի դեպքում արտասուքը չէր սառում:

Բրահմինը դրանից հետո եզրակացրեց, որ բնություն մեջ արտասուքի
սառեցման աստիճանը երևի չէր գտնվում:

Ու դադարեցրեց իր հետախուզությունը:

Հանձարեղ գյուտի հոշակը տարածվում էր ամեն կողմ: Հարուստ և
աղքատ, խելոք կամ հիմար գալիս էին Բրահմինի մոտ, Ամեն ոք կամե-
նում էր իմանալ իր զգացմունքների աստիճանը: Մի հարց, որ առանց
գործիքի գծվար է լուծվում:

Վերջապես եկավ և մի կին:

Այդ կինը իր ամբողջ կյանքը անց էր կացրել եկեղեցուն ծառայելով
Հայտնի էր որպես մի խիստ ջերմեռանդ անձ և ոչ ոք չէր կասկածոմ
նրա առաքինության վերա:

Եկավ նա, թեև գիտեր, որ իր կյանքովը, որը նա աստօուն էր նվի-
րել, իր զգացմունքները այնքան վսեմացրել էր, որ բոլորի սխալներն արհա-

մարճելով, ինքը միայն արժանի էր մեն-մենակ տիրապետելու երկնային
բոլոր վարձատրություններին:

Այդպիսի բացարձակ բարոյականի տեր անձը ուրեմն և պետք չէր ու-
նենալ իր զգացմունքների քանակությունը գիտենալու:

Բայց նրա ուզածն այն էր, որ մի անգամ ևս կարողանար ակներև
կերպով փայլեցնել իր բարձր առաքինությունը ամբոխի առջև:

Եվ նա հպարտությամբ մտեցավ գործիքին... արտասուքը վաշրկե-
նապես ցած իջավ և... սառեց:

Բրահմինը հիացած, ուրախ, վեր թռավ ու օրհնում էր կնոջը: Նա
խկույն նշանակեց սառեցման կետը և նրա կողքին էլ արձանագրեց սույն
խոսքերը.

«Առաքինությունը վատթարության աստիճանի»:

Կինը կատաղեց: Տաճարի շեմքի վերա բարձրացավ ու այնտեղից
մեծ ձայնով գրգռեց ամբոխին, սատանայական գյուտերի դեմ և խոր-
հուրդ տվավ, հանուն ամենամեծ փառացն աստուծո, ոչնչացնել զգայ-
նաչափը:

Բարեպաշտները գրգռվեցին, «սուրբ» կրակով վառված հարձակում
գործեցին Բրահմինի տան վրա և փշրեցին գործիքը:

Զգայնաչափը այլևս չկար:

Եվ հենց այդ օրվանից է, որ այլևս չկա մի կշիռ մարդկային առա-
քինությունների և զգացմունքների համար...

ՄԵԾ ՓԱԿԱՆՔ

Դիլիջանից մինչև Ալեքսանդրապոլ տրոյկայով գնացի. ընկեր վերց-
րի Պարսկաստանից եկող մի պարսիկ, և որովհետև լավ էի վարվում
հետը և քաղաքավարությամբ, նա իրան երախտապարտ էր զգում, իր
հովանոցով ինձ արևից պաշտպանում կամ իր խոսակցություններով ինձ
զբաղեցնում: Ինչպես երևում է, պատմիչ էր. լիքը բերնով էր արտաա-
նում նախադասություններ կամ բառեր և պատմածի մտքի համեմատ էլ
շեշտված միմիկաներ ուներ:

Զգիտեմ ինչպես եղավ, որ նա ինձ պատմեց այդ զրույցը. կարծեմ
այդ այն ժամանակն էր, երբ ես ցանկություն հայտնեցի իջնել. ճանա-
պարհից դուրս գտնվող մի հանքային ջրի մոտ գնալ, և երբ գնացինք,
գտա, որ իզուր ժամանակ էինք կորցրել, որովհետև ջուրը ոչինչ բան էր:

Այդ բանից հետո մենք կառք նստեցինք, և պարսիկը, մորուքը շփե-
լուց հետո, վարդապետական ձայնով ու շեշտելով արտասանեց.

«Յանկալի առարկան նման է շիրմի բաց՝ բայց դռան վրա մեծ փականք...»:

Հետո քիչ լռեց և ավելացրեց երազողի պես.

— Ով Մանի, քո մտքերդ էլ քո քսան կանգունաչափ ձեռքովդ դժած գծերի պես ուղիղ են...

Ու լռեց: Ես, իհարկե, ոչինչ չհասկացա: Մանի առասպելական նկարչի մասին գիտեի. գիտեի նաև, որ նա կարողանում էր ձեռքով քսան կանգուն երկարության և մի թափով գիծ քաշել այնքան ուղիղ, որքան կլինի քանոնով գծվածը:

Բայց աֆորի՞զմը:

Խնդրեցի բացատրել: Ամենայն սիրով ընդունեց խնդիրս պարսիկը և պատմեց ինձ սույն գրույցը:

* * *

— Նկարիչ Մանին, — պատմեց նա, — մեռնելուց առաջ մտքումը դրեց մի լավ բան նկարել և հետո մեռնել:

Այդ մտքով էլ նա սկսեց ման գալ և նկարի նյութ որոնել: Ուզածն էր մի նոր, ցանկալի, տարօրինակ նյութ:

Մտավ խոր ձորեր, պրպտեց յուրաքանչյուր խուլ անկյուն, մագլցեց լեռներն ի վեր, աչքի տակ տվավ շատ տեսարաններ: Բայց որովհետև շատ տեսել էր, շատ էլ զննել և ոչինչ չէր խուսափել նրա աչքերից, ուստի և չէր կարողանում գտնել մի առարկա, որ լիներ նոր օրինակ և որ գրգռեր նրա ցանկությունը:

Եվ նա տխրում էր: Անտառի ոգին, լեռների հյուրիներն ու ծովի ձուկ-կանաչք, նույնիսկ անկարող եղան նկարչին մի նյութ տալ, մի նյութ թե-լագրել: Իզուր նա ոտքի տակ էր տալիս ամբողջ աշխարհը. ոչինչ նոր բան, ոչինչ ցանկալի, ոչինչ հմայող:

Եվ նա տխրում էր ու հուսահատվում:

* * *

Այդպես սրտաբեկ թափառում էր նա Շիրազի դաշտերի ու լեռների մեջ, երբ հասավ մի գերեզմանատան, մտավ այնտեղ, մի շիրիմ նկատեց և կանգ առավ:

Մեծ շնք էր այն՝ բարձր պատերով: Բայց ինչ-որ գարմացրեց նկարչին, դա այն ահագին խոշորությամբ կողպեքն էր, որ դրված կար շիրմի փակված դռան վրա:

Դռան ճակատին էլ արաբական տառերով դրված էր՝ «Մտիր այստեղ, և կգտնես՝ ինչ որ փնտրում ես»:

Մեծ նկարիչը զայրացած բացականչեց.

— Ո՞ր տխմարն է արդյոք գրել այս տողերը. մի՞թե գերեզմանի մեջըն է միա՛խ, որ մարդ կարող է գտնել իր որոնածը:

Հետո ծիծաղեց և ավելացրեց.

— Դա անշուշտ մի մեռնողի խոսք է. չկարողանալով ապրել, կամեցել է մահը ցանկալի դարձնել:

Ասաց ու մեջքը դարձրեց հեռանալու: Բայց ակամայից միտքը միշտ այն տողերին էր, այն վերտառությանը:

Մի քանի րոպե մտածելուց հետո մի քանի քայլ մոտեցավ դեպի մեծ կողպեքը, նայեց նրան ու ասաց.

— Ձարմանալի է. ինչո՞ւ են փակել շիրմի դուռը, և հետո ի՞նչ մտքով են դրել դռան վրա այնպիսի մեծ կողպեք, որ միա՛խ դնում են բանտերի կամ գանձարանների վրա:

Եվ նա նորից վեր նայեց ու կարդաց.

«Մտիր այստեղ և կգտնես ինչ որ ուզում ես»:

— Մտնենք, — մտածեց նա, — գուցե, իրավի, մի նոր բան կա թաքնորված այդ մեծ կողպեքի ետևում. թշվառություն կամ գերություն՝ ուն արդյոք, թե՞ գանձ կամ իշխանություն...

Շարժեց կողպեքը, շատ ծանր էր, վերցրեց մի մեծ քար և նրանով սկսեց ծեծել փականքը:

Հետաքրքրությունը հետզհետե համակում էր նկարչին, նա ցանկությունից դողում էր:

Երկար շարշարվեց և երեկոյան դեմ վերջապես շարժվեց փականքը, հանկարծ փշրվեց մեծ կողպեքն ու շիրմի դուռը կրնգան վրա դառնալով՝ լայնություն բացվեց:

* * *

Ցած ձգեց քարը, մի քայլ արավ. ներս մտավ նկարիչը և զարմանքի մի մեծ աղաղակ արձակեց:

Դեմուղեմի պատը բաց էր լիովին, և այդ բացվածքիցը երևում էին Շիրազի տներն ու այգիները:

Շիրիմը միա՛խ երեք պատ ունեւր. ետևի պատը շէր իսկ շինված: Իսկ շիրմի ներքին տեսքը ապացուցանում էր, որ այդտեղ առաջին ոտ կոխողը նկարիչը չէր:

— Ինչպե՞ս... ինչո՞ւ այդ այլանդակ գործողությունը:

Շինել մի շենք միայն երեք պատով, ետևի պատի տեղը բաց թողնել և ապա դռան վրա էլ մի մեծ փականք դնել. ինչո՞ւ:

— Լավ ծաղրվեցի,— ճակատը կնճռեց արտիստը,— և սակայն դրան ճակատին գրվածքը չկատարվեց, որովհետև փնտրածս ահա չեմ գտնում:

Հազիվ թե ասել էր այդ, երբ աչքն ընկավ պատի վրա քանդակված սույն երեք տողերին, և նա կարդաց.

«Ամեն ինչ նոր է աշխարհիս վրա, սակայն ոչինչ նոր չէ:
Ձեռք բերելու դժվարությունը առարկան ցանկալի է դարձնում:
Մի անգամ ձեռք բերված՝ նա դառնում է սովորական»:

Մանին ընկղմվեց մտածության մեջ. այդ տողերը խիստ ազդեցին նրա վրա:

Գտել էր փնտրածը, բայց և չէր գտել, որովհետև, եթե գտներ, փնտրածն այդ չէր լինիլ: Ուրեմն փնտրում էր մի այնպիսի բան, որ չպիտի գտնվեր:

Հասկանում էր այժմ:

Գուրս եկավ շիրմից, գնաց տուն, ձեռքն առավ վրձինը և նստավ կտավի առաջ:

Նկարեց շիրմը երեք պատով, ետևի բացվածքովը, նկարեց դուռը և դրեց նրա վրա խոշոր երկաթյա փականքը:

Հետո փոխանակ գրելու շիրմի վրայի խոսքերը, գրեց սույն տողերը.
«Ցանկալի առարկան նմանում է այս շիրմին. բաց, սակայն դռան վրա մեծ փականք»:

ԼՈՒՐ-ՂԱ-ԼՈՒՐ

(Քրդական պոեմ)

Այնտեղ, Սև-ջրի չքնաղ եզերքներին էր, որ ապրում էր Հասուն:

Երկրի սիրուն և քաջ պատանին էր նա: Ոչ մի մարդ նրան չէր կարող գինաթափ անել: Ավազակը սիրտ չուներ նրա հոտի շուրջը ման գալ, և ոչ իսկ, գայլը՝ ոչխարի կողքին քարշ գալ: Հասուն որջան բարի էր գեպի լավը, այնքան էլ անգութ էր դեպի շարը:

Սիրուն էր Հասուն, նոր ծագող արևի պես չքնաղ: Երկրի աղջիկների լեռը գնում էր նրան տեսնելիս: Հապա նրա նվագե՞լը: Նրա սրնգից հասած ձայները կարելի՞ էր, որ հրեշտակներն ունենային՝ այնքան գրա-

վիչ, այնքան սիրահույզ: Ձայներ, որոնք հոսում էին մեկամաղձիկ, քրջ-բըշում էին որպես հեզիկ վտակ. դայլայլում՝ որպես սիրահար ստիակ:

Մարդ թե անասուն, այդ ձայնը լսելիս, ակամա մոտ էր գալիս, քարանում և աշխատում էր չկորցնել ո՛չ մի խազը, ո՛չ մի գեղգեղանքը:

Նստում էր Հասուն ժայռերի գլխին, աչքերը ուղղած լա՛յն հորիզոնին, Սև-ջուրը գալարապտույտ՝ ոտքերի տակին, զղզղուն գեփյուրը խաղում ճակատին:

Եվ նա նվագում էր:

Պետք էր տեսնել, թե ինչպե՛ս ոչխարներն այն անմիտ՝ լմուռացել էին ուտելը, մոտ էին գալիս:

Հասուն քարերին էր դողացնում, Սև-ջրի ալիքները հուզում, բնությունըն էր քարացնում, գեփյուրին ողբացնում, ամեն ինչ շարժում, հրեշտակների նախանձը գրգռում:

Այդպես էր Հասուն:

Էլ ինչպե՛ս ոչխարները շնազանգեխն նրա երգի ձայնին:

Ինքը չէր շարժվում, ոչխարներին նվագով կանչում էր մոտը:

Արածացնելու համար՝ «Բերիկը», ջրելու համար՝ «Խոզաթը» և հեզ անասուններին շուրջը ժողովելու համար՝ ածում էր «Ոչխարի կողը»:

Ոչխարները լսելուն պես թողնում էին ամեն ինչ, անցնում ամեն բան, գալիս Հասույի շուրջը հավաքվում:

Ապրում էր Հասուն այդպես երջանիկ, հեռու մարդկանցից, բնության գրկում, լեռների կրծքին: Երջանիկ էր նա որպես մի իշխան՝ սիրված իր հոտից, նվիրված իր երգերին:

* * *

Բայց մի օր Հասուն տեսավ աղայի միակ աղջկան: Տեսավ ու սիրեց: Սիրուն էր Ջալիսեն: Կախարդիչ՝ աչքերը, սարվի էր բոյը, կամար՝ ունքերը, գողտրիկ՝ թշերը:

Ջալիսեն էլ տեսավ Հասույին, Ջալիսեն էլ սիրեց Հասույին: Տխրեց խիստ Հասուն: Կորցրեց աշխուժություն, կորցրեց զվարթություն: Օրերով պտույտ էր գործում պալատի շուրջը, մինչև իսկ եթե ոչխարն ալետել ուտելու խոտ չգտներ: Աչքը աշտարակին, նվագում էր տիրազին. սիրողը սրճֆի մեջ դնում ու արտասվում:

Ջալիսեն էլ տանջվում էր: Թաքնված վարագույրի ետևում, աչքը Հասույից չէր հեռացնում, ոչ էլ ականջը՝ նրա նվագից: Ո՛չ ուտում էր և ոչ էլ խմում. տանջվում էր միայն:

Երկուան էլ գիտեին, որ շատ հեռու են միմյանցից, որ աղայի աղջիկը հովվի կին չի լինի:

Բայց սերը աստծո կրակն է, շատ զորեղ կրակ: Նա կտրում, անցնում է ամեն հեռավորություն, թափանցում է ամեն խորություն:

Սերը ո՛չ հեռավորություն է ճանաչում, ո՛չ էլ խտրություն:

* * *

Հեռատես էր աղան ու խի՛ստ խորամանկ: Շուտով նկատեց Հասոյի սերը: Բարկացավ, կատաղեց, ուզեց սպանել հանդուգն հովվին. բայց խոհեմ էր, չուզեց իր տան անունը կոտրել հավիտյան և մի հովվի արյունը մտնել ընդունայն:

Բայց ի՞նչ կասեին, եթե իմանային, որ մի չոբան նրա աղջկա ետեփիցն է ընկել: Պե՛տք էր Հասոյին հեռացնել. հեռացնել ինքնակամ, զոհ խորամանկության: Պետք էր այնպե՛ս մի խաղ սարքել, որ Հասոն ի՛նքը թողներ հեռանար և մեկ էլ այդ կողմերը չվերադառնար:

Մտածեց աղան երկար, մտածեց ու գտավ հնարք:

Մարդ ուղարկեց, կանչեց Հասոյին և ասաց նրան.

— Գիտեմ, Հասո, — ասաց շար աղան, — գիտեմ, որ սիրում ես դու իմ աղջկան: Քաջ տղա ես ինքդ, լսել եմ, լավ էլ ածում ես սրինգ: Աղջիկս քեզ կտամ, միայն կդնեմ մի պայման:

Լսել եմ, որ ոչխարները քեզ հնազանդում են և սրինգիդ ձայնից գրավված՝ քեզ մոտ գալիս են:

Գետնից մինչև այդ բարձր աշտարակը, — տեսնո՞ւմ ես նրան, — դնել կտամ փայտյա սանդուղքը. դու կնստես այնտեղ՝ բարձրում, ոչխարները կժողովվեն ցածրում: Ահա պայմանը: Եթե դու բարձրից, սրինգդ հնչեցնելով, կարողացար ոչխարներին սանդուղքի վրայով քեզ մոտ վեր հանել, այն ժամանակ աղջիկս քեզ հալալ, ա՛ռ ու վայելիր:

Ապա թե ոչ՝ խայտառակ եղիր, ինչ ունես-չունես հավաքիր և քանի շուտ է՝ այս կողմերից հեռացիր: Մի հովիվ աղայի փեսա չի լինի, այդ էլ խելքիցդ հանիր...

Հասոն ժպտաց, խոր գլուխ տվեց.

— Տե՛ր ես, աղա, — ասաց. — ասածիդ համաձայն եմ:

Եվ շինել տվեց աղան փայտյա սանդուղքը: Իննսունևինն աստիճան ուներ նա: Հասոյից ծածուկ կոտրեց նրա մեջտեղի մի աստիճանը, կոտրածը նույն կերպով դրեց իր տեղը այնպես, որ ոչինչ չէր երևում, բայց մի թույլ սեղմումն հերիք կլինեիր փայտը ձգելու և մի աստիճանից դե-

պի մյուսը՝ մի գազաշափ տեղ բաց թողնելու: Այսպիսով էլ ոչխարներին անցնելը անհնար դարձնելու:

— Օ՛, չա՛ր էր աղան. հպարտ էր, հպա՛րտ:

Այդ խայտառակությունն արեց շար աղան: Հասոյին աշտարակի ծայրը հանեց, Ջալխեին՝ պատշգամբի վրա, ու ասաց հովվին.

— Ահա Ջալխեն, խրախուսվի՛ր. հալալ է քեզ նա, թե ասածս արիր: Ջալխեն տեսավ Հասոյին, ժպտաց նրան, կարմրեց և նշան արավ: Իմացավ հովիվը, որ Ջալխեն էլ սիրում էր իրեն: Սիրտն ուրախությունով լցվեց: Առավ սրինգը, բերնին դրեց, քոլոզը ծռեց, նվազն սկսեց:

Թնդաց սար ու ձոր, շարժվեցին ծառեր, դողացին քարեր: Հուզվեց շար աղան, խելահեղ՝ Ջալխեն. քիչ մնաց թռե՛նք ու ցած գնար, ոչխարի պես ընկներ Հասոյի ոտքերը:

Շարժվեցին ոչխարները, մոտեցան սանդուղքին ու սկսեցին միմյանց ետևից բարձրանալ աշտարակն ի վեր:

* * *

— Լո՛, լո՛, լո՛, Սև-ջրի չոբան, սար ու ձոր մղկտացնող ջիվան, գազան մեղմացնող, քար ու ծառ հուզող չոբան: Ինչո՞ւ հիմարի պես հավատացիր աղային, ինչո՞ւ բարձրացար ծայրն աշտարակի: Զո՛ւր դառնայիր մորդ փորում, Հասո՛: Երանի շիտնեիր այս աշխարհը, որ լի է աղաներով: Երանի շտեսնեիր արևի փայլը, որ քեզ այրեց, խորովեց, Սև-ջրի ալիքները, որ քեզ տրորեց, շամբի օրորվելը, որ քեզ կախարդեց:

Լո՛, լո՛, լո՛... Մի՞թե քուրդն այնքա՛ն անազնիվ եղավ, որ սերք ծաղրեց: Մի՞թե նրա խիղճը կորավ, աստվածը մոռցավ: Խեղճ Հասոյին ինչո՞ւ շեյթանի բաժին արավ, աշխարհը լաց ու սուգի մեջ դրավ... Լո՛, լո՛...

* * *

Հա՛ բարձրանում էին ոչխարները, հրում միմյանց. սրնգի ձայնից դուրթված՝ մոռանում էին տակի անդունդը: Աչքերը Հասոյին ուղղած՝ բարձրանում էին:

Աշխարհը զմայլած՝ դիտում էր: Չար աղան քար էր կտրել, Ջալխեն մինչև կես մեջքը կռացել, ձեռները Հասոյին պարզել՝ գոշում էր.

— Ես բռնն եմ, Հասո՛, բռնը հավիտյան: Ես քեզ սիրում եմ. այնքա՛ն եմ սիրում, որքան չէր սիրում Լեյլան Մեջլունին: Ես քեզ սիրում եմ,

4— Վրթ. Փափազյան, Երկեր

աքնաքան և սիրում, որքան չի սիրում թիթեռը ճրագին, սոխակը վարդին, աշխարհն արևին և բույսը հողին:

Դո՛ւ ես իմ ճրագը, դո՛ւ ես իմ վարդը, դո՛ւ իմ արևն ու դո՛ւ իմ հողը...

Լսում էր Հասոն, սիրտը խշխշում: Ածում էր, ածում էր, նվագն ուժով-
ցընում:

* * *

Հասավ ների՛ այծը կոտրած աստիճանին, զգաց, որ մահը աչքի
առաջն է, բայց դյուրված էր, ոտքը դրեց փայտի վրա:

Շարժվեց փայտը, լսվեց մի մայուն, և սիրուն ներին, պտույտ գոր-
ծելով օդի մեջ, գնաց ջախջախվելու անդունդի քարերի վրա:

Մղկտաց Հասոն:— Հեյ վա՛խ, իմ սիրո՛ւն ների,— կանչեց սրտա-
բուխ: Բայց աչքը երբ Զալխեն ընկավ, մոռցավ ներին: Սրինգը դրեց
բերին և սկսեց ածել:

Ոչխարները տեսան ներիի վիճակը. կանգ առան, մտածեցին ես
գնալ, բայց դյուրված էին, առաջ գնացին:

Փորձեց առաջին ոչխարը, ետ-ետ քաշվեց, առջևի ոտքերը բարձ-
րացրեց և ուզեց թռնել: Մի մայուն արձակեց և գնաց այժի ետևից:

— Վա՛խ, վա՛խ, իմ անմե՛ղ ոչխար,— մղկտաց Հասոն:

Նայեց Զալխենին, մոռցավ ոչխարին, ուժ տվավ նվագին:

Փորձեց երկրորդ ոչխարը. մինչև իսկ թռավ, բայց կպավ աստիճա-
նին, մի պտույտ գործեց, խղճուկ կերպով մայեց և գնաց դեպի խոր ան-
դունդը:

— Քե՛ք, անցե՛ք, իմ սիրո՛ւն ոչխարներ,— երգում էր Հասոն.—
Քե՛ք, իմ թավամա՛ղ գառնուկներ, եկե՛ք ձեր տիրոջ մոտ:

Ոչխարները է՛լ չէին շարժվում, ետ-ետ էին գնում:

Կատաղեց Հասոն՝ բացվածքը չէր տեսնում: Որքան սեր ուներ ու
զգացմունք, ներշնչեց սրնգին, գեղգեղանքներով քարացրեց բնությունը...
բայց ոչխարները ետ-ետ էին գնում:

Ամաչեց աղան իր գործից, կիսամեռ եղավ Զալխեն հուսահատություն-
ներից:

Փոխեց Հասոն եղանակը:

Այժմ ինքն էլ չգիտեր՝ ինչ էր նվագածը:

Դադրել էր քամին, կանգնել էր ջուրը, լռել ամեն ինչ:

Ո՞վ չի լսել «Լուր-դա-լուր»-ը, որին չի դիմանա ոչ մի քար սիրո՞ւ

Որին լսելով՝ կթրթռա սիրող սիրտը, կմարի: Որին լսելով՝ կգժվի սիրող
աղջիկը. կգժվի և դեպի սիրածը կսլանա:

Սքանչելի է նա, երգերի փառքն է նա:

Հրեշտակների մրմունջը, Հասոյի հոգին է նա:

* * *

Շարժվեցին ոչխարները, գլորվեցին շատերը:

Շարժվեց և Հասոն, կռացավ, տեսավ բացվածքը:

Հասկացավ ամեն ինչ, նայեց աղային:

Զգաց, որ Զալխեն կորած էր իր համար, ինքն էլ աշխարհի համար:

Շարժվեց Զալխեն էլ, նայեց աղային, նայեց Հասոյին:

Զգաց, որ Հասոն կորել էր իր համար, ինքն էլ աշխարհի համար:

Եվ լռեց ամեն ինչ...

«Լուր-դա-լուր»-ը դադարեց, նրա խաղի վերջին թրթռումը գնաց
մեռնելու օդի մեջ...

Հետո... լսվեց մի ճիչ:

Ու երկու մարմիններ արագ պտույտ գործելով օդի մեջ, գնացին
միասին ջախջախվելու անդունդի խորքում... և միմյանց գրկում:

Հասոն ու Զալխեն էին դրանք...

ԱՅԻՇԱ

(Պարսկական պոեմա)

Լսում են պատմիչին: Կկզած, նստոտած զանազան անկյուններում
ականջ են դնում: Պատմիչը հուզված է: Նստում է նա, կանգնում, բարձ-
րացնում է ձեռքի փայտը: Եվ նրա ձայնը դողդողում է, կերկերում:

Նա պատմում է.

«Պետք է որ գեղեցիկ լինի Մարգարեի դրախտը,— ասում է նա,—
բայց գեղեցիկ է նաև Շիրազի հովիտը:

Որքա՛ն առատ են այնտեղ վարդի թփերը, նրանց շուրջը պտույտ
գործող սոխակները. որքա՛ն բաղցր՝ նրանց դայլայլիկները: Որքա՛ն
սողոսկող վճիտ առվակներ կան այնտեղ. հովիտն ակոսող և խորհրդա-
վոր միայնության մեջ ընկղմած բլրակները քանի՛-քանի շքեղ անկյուն-
ներ ունին...

Պարզվում է ահա լայն հովիտը, զարգարված երփներանգ ծաղիկնե-

1 Առաջնորդ աթ

րով, բծավորված վարդի թփիկներով: Հողային բլրակների մի խումբ դեպի դաշտն է խոնարհվել, մեջքը ցից լեռներին տվել, կուրծքը կաթնահամ ջրերի մեջ թաթախել և ստորոտի շքեղ անտառներով զարդարել:

Վարդի և սոխակի երկիր, սիրելու և երազելու անկյուններ, ծաղիկների հոտով բացվող վայրեր, արդյոք քո ծոցումը չէ՞ր, որ առաջին մարդը սիրեց... և տանջվեց...»:

* * *

Այդ սքանչելի բլրակների մեջ էր, որ տարիներից ի վեր վտակների հոսելուց կազմվել էր Թոքնաբաղ գետը և Թոքնաբաղը, երկար գնալ հոգնելուց հետո՝ ձևացրել էր մի շքեղ ավազան:

Տարիներից ի վեր ջրերը մի ծոց էին գտել, գումարվել ու կուտակվել, հրավիրել ընկերներին, իրենց մեղմ կարկաշունով գրավել ու մեծացրել էին շրջանը և կանչել ավազանի մոտ սոխակներին, որոնք հովտի վարդերի սիրուց տոգորված, նրանց փշերից ծակծկված, սովորել էին գալ և հովանալ այդ ջրերի մեջ:

Գաշտի թռչունները, սուլացող քամին բերին իրենց թևերով վարդի սերմեր, փոսեցին ավազանի շուրջը. վտակները կշտացրին նրանց իրենց ցատկոտող կաթիլներով և քիչ հետո վարդե մի պսակ էր, որ կազմվել էր ավազանի շուրջը. պսակ, ուր հավաքվում էին սիրահար սոխակները, ուր սիրում էին և տանջվում սիրուց:

Լցվում էր ավազանը, կյանք տալիս շրջակայքին: Գետը սահում գնում էր նրա երեսի վրայից, սոխակները երգում, թևերով բախում նրա ջրերի մակերևույթը և խաղում նրա վետ-վետ ալիքների հետ:

Գեռ ոչ մի մարդ չէր խանգարել այդ լռիկ անկյունը իր պիղծ ոգով, կործանիչ շնչով:

* * *

Բնակվում էին հովտում լեռանց ոգիներ: Չքնաղ հյուրիներ էին նրանք: Մի աննման էլ թագուհի ունեին:

Նայեցեք գիշերով լեցուն լուսնին, ցերեկով՝ շքեղ արևին: Մտեք Մարգարեի դրախտը խուզարկեք, Քրիստոսի արքայութունը տակնուվրա արեք. բնության գեղեցկությունները ի մի ձուլեցեք, բայց բուրբ մեջ ոչինչ չեք գտնիլ նման Այիշայի վառ գեղեցկության:

Նրա աշխույժի առջև սառցակույտ էր հալվում, և սոխակները հա-

ճախ նրան մի աննման վարդ կարծելով, պար էին բռնում նրա շուրջը, օղբ լցնում իրենց բոցավառ սրտից բխած խանդոտ դայլայլով:

Ամեն ինչ խոնարհվում, հալվում էր Այիշայի գեղի առջև. բնությունը ողջ ապուշ կտրած արձանանում էր, երբ Այիշան նրա միջովն անցնում էր...

Այդպես էր նա, որ սիրում էր երբեմն դուրս գնալ, իր գեղի առջև խոնարհված սրտեր տեսնել և զվարճանալ: Հաճախ միայնակ պտույտ էր գործում Շիրազի հովտում, թափանցում մինչև ամենախուլ անկյունը:

Եվ ահա մի օր դեմ առ դեմ եկավ ավազանին: Կանգ առավ: Ձմայլելի ուշինչ չկար շատ, բայց որքան խոր էր նրա հատակը և արդյոք որքան հետաքրքիր կլինեիր թափանցել նրա մեջ, տեսնել ջրակույտի մի առատ հոսանք:

Երկար ժամանակ էր, որ նա վառ ու բուռն հոսանքներ չէր տեսել: Բայց նա սիրում էր այլ վառ գույներ, արտահայտություններ...

Տեսնել օրինակ մի կրակ, որ մի քանի րոպեի մեջ բուռն կերպով լափում է մի մեծ շենք: Բոցը սուր լեզվակներ կազմած սուրում է դեսուզեն, վառվում են քարեր, փլում պատերը, հալվում, դղրդում է գետինը, փոշին ու կրակը խառն, փոթորիկի պես կործանում են ամեն ինչ և, ապա, մի րոպեից հետո... էլ ոչինչ: Վերջանում է ամեն ինչ: Կրակից մնում է միայն մի կույտ, որ թեև պլպլում է, թեև դեռ փայլում, բայց հանգիստ է, հոգնած և կիսամեռ... շուտով կմեռնի, այլևս ոչինչ հետաքրքիր բան չունի իր մեջ:

Գեղեցիկ հյուրին մտածում էր այդ բուրբը: Ավազանի միակերպ ալիքներն էր դիտում. ձանձրալի դառավ հոսանքը, այդ միակերպ շարժումը:

Չփորձե՞լ արդյոք մի ծակ բանալ ներքևից, լայնացնել նրան, հետո թողնել, որ թումբը տակից մաշվի, փլչի. շուրջ հոսի, գետինը բռնչա, փրփրի, ցատկոտի, փոշու սենյակներ կազմի, անհամար շատրվաններ ձևացնի, ողողի ամեն ինչ, վշվշա, ոռնա, սուլի ու գոռա...

Որքան մեծ տեսարան կլինեիր այդ:

* * *

Եվ փնտրեց նա մի անկյուն, ուր փուխը լինեիր հողը՝ Իջավ և փորեց: Տենդային հուզումով պեղում էր նա: Սոխակները զգալով կործանումը, ճշում էին, վարդի թփիկները արմատներով դողում:

Քանի փորում էր, այնքան հանդարտում էր նա: Բոպեներ եղան, որ նա կանգ առավ: Այն միտքը, որ գուցե հետևանքը վատ լինեիր, եր-

բանն հասնելու էր նրան: Արդյոք արածը չէ՞ր կործանիլ, չէ՞ր ոչնչացնիլ ամբողջ ավազանը:

Բայց ո՞չ,— մտածեց նա,— ի՞նչ պիտի լինի: Մի բանի ժամ բուռն հոսանք, հետո ամեն ինչ կվերջանա. հոսող վտակները էլի կլցնեն նրան: Կփակեր նորից անցքը, ջրերը էլի մի անգամ կլցվեն և կսարսեր նրա պատերը նորանոր հուզմունքներից: Իսկ ավազանը շատ լիքն էր. ինչ որ լիքն է, նա դատարկվելու էլ պատրաստ է: Վաղուց նա արդեն կրծում էր իր հատակը և մի անցք փնտրում ժողոված խանդը դուրս տալու:

Պատերը կակղել էին. հեղուկը հոսել էր ուզում. կաշկանդված ուժը ազատություն էր փնտրում: Կուզենար նա հոսել, հոսել, գգվելով ու ցողելով ամեն ինչ, ժպտելով արեգին, խնդալով կյանքին:

Պեղում էր Այիշան: Ճշում էին սոխակները, ցնցվում վարդերը:

* * *

Ահա հուզվեցին ջրերը, ահա կազմվեց հորձանք, դողաց ավազանը, սարսեցին պատերը: Լսվում էր մի խուլ մոմոց, որ հետզհետե աղմուկի էր փոխվում:

Այիշան գունատվում էր. աղմուկի փոխվող մոմոցը նրան վախ պատճառեց: Զրբրի շարժումը, որ դրդեցնում էր իր շրջանակը, պահ մի կասեցրեց նրան: Նա կանգ առավ՝ ետ քաշվեց:

... Բայց որքան հրաշալի կլինեի տեսարանը, եթե հոսանքը մեկենիմեկ դուրս ցայտեր: Հսկայական մի շատրվան, որ հովհարաձև կտարածվեր դեպի առաջ, կթրջեր-կողողեր ամեն ինչ, և խուլ մոնչյունը դաշտը կթնդացներ:

Որքան սիրուն տեսարան կլինեի այդ:

Տեսնել, թե ինչպես ավազանի մեջտեղը գոգանում է, ջրերը միմյանց ձեռնելով կենտրոնանում են մի շրջանի մեջ, արագությամբ պտույտ գործում, գնում են, վիժում, ոստոստում, ցայտում...

Եվ հուզվում էր նրա կուրծքը. բուռն ցանկությունը դողացնում նրան: Պեղելու էլ պետք չկար. ջրերը միմյանց հրելով լայնացնում էին բացվածքը, պեղում ու վիժում:

Մի հարված ևս... և նա ետ ցատկեց:

Մի ահեղ մոնչյուն ու մի մեծ շատրվան այնքան արագությամբ հաջորդեցին միմյանց, որ կարող էին մի բերդ կործանել:

Դղրդում էին լեռներ, ողողվում էր դաշտը: Հորձանք էր կազմվել, խոտոս էր սկսում, մի կաթիլ անգամ հանդարտ չէր մնում: Ամենքը

միմյանց բախում, իրար հրմշտկում և ճեղքված անցքից դուրս էին թռչում:

Այիշան սառեց: Հզոր տեսարանը քարացրեց նրան: Իսկ ջրերը մոնչում էին, վիժում ու վիժում, դաշտն էլ նրանց ծծում-անհետացնում էր, թշվառ ավազանը կաթ-կաթ դատարկվում:

Մի բանի բուպե— էլ ոչինչ չմնաց, եթե ոչ մի սառն ու տխուր, անգույն թացություն:

Այիշայի առջև կանգնած էր նրա հաճույքի զոհը, որի վերջին կաթիլներն էր քամում... միշտ ցատկատող, միշտ էլ հուզված վճիտ կաթիլներ:

Ու փուլ եկան ավազանի պատերը. Թոքնաբաղը ետ քաշվեց, վարդերը տխրագին կոացան և արտասովթաթախ մեռան փլատակների վրա...

Այն օրից Շիրազը կորցրեց իր ջուրը, գետը չոչացավ, հովիտը մերկացավ, սոխակները լռեցին, վարդերն էլ նրանց սոր չգրգռեցին:

* * *

Այս էր, որ պատմեց պարսիկ պատմիչը, երբ ես մոտեցած լսում էի նրան:

Եվ երբ վերջացրեց, խոնարհեց գլուխը: Եվ խիստ տխուր էր նա, գունաթափ, նկուն...

Պատմիչ, թշվառ պատմիչ, դու չէի՞ր արդյոք հաճույքի այդ զոհը, քո սիրտը չէ՞ր արդյոք Շիրազի հովտի փլած ավազանը...

ԵՐԿՈՒ ԹՌՉՈՒՆ

Պատշգամբի վրա էր կախված նրանց վանդակը: Երկու հատ էին. արու և էգ: Երկուսին էլ բնից հանել, վանդակի մեջ էին մեծացրել:

Խնամում էին, շատ լավ կերակրում, ամեն օր տեղը մաքրում: Իսկ վանդակը զարդարում էին կանաչ ծղոտներով, հացաբույսի փնջերով:

Երբ մեծացան, սկսեցին երգել: Իհարկե՞ ո՞չ լավ, ո՞չ զվարթ, բայց երգում էին: Եվ գիտակից չէին, որ իրենց երգը վշտալից շեշտերի մի մեղեդի էր, ստրկական կրծքերից բխող ողբի համերգ:

Եվ նրանց լսողները հուզվում էին, տխրությամբ համակվում ու սսում:

— Օ՛, խեղճ թռչուններ, սիրուն դեղձանիկներ...

Այդ կերպով էին գգվում նրանց, գովասանում համերգը: Եվ եղավ, որ մի օր վանդակի դուռը բաց մնաց. մի ամբողջ օր բաց:

Չարմացան թռչունները, երբ տեսան այդ. զարմացան և իրար նայեցին: Երկուսի մտքի մեջ էլ ծնել էր, որ այդ լայն բացվածքից կարող էին դուրս գնալ և այլևս գերի չմնալ:

Դո՛ւրս գնալ, Բայց ո՞ւր. ի՞նչ կար արդյոք այդ անհուն տարածության մեջ, այդ պսպղուն, շողշողուն աստղերի կողմը, այդ արծաթաօծ լույսի տակ:

Շարժվեցին, թառից ցած իջան միմյանց ետևից և մոտ գնացին գունակին: Բայց չհամարձակվեցին դուրս ելնել. գլուխնին միայն քիչ դուրս հանեցին և վեր նայեցին:

Որբա՛ն աստղեր... Իսկ լուսի՛նը, նրա սփռած լույսի մեջ երկցող տների ցից-ցից տանիքնե՛րը, քամուց շարժվող ծառերի կատարնե՛րը...

Դուրս չե՛լնե՞լ արդյոք:

— Գնանք, — շշնջաց էգը:

Բայց շարժվեցին տեղից. վախենում էին: Երկուսն էլ հիշեցին վանդակի կողքից սուրալով անցնող մեծ հրեշ թռչուններին ու նրանց անհագ, վայրենի հայացքները: Հիշեցին մանավանդ խորամանկ կատվին:

Եվ սակայն բաց դուռը գրավում էր, ազատ օդը, շողշողուն երկինքը փորձում էր նրանց...

* * *

— Պիո՛ւ, պիո՛ւ, կի՛վի, կի՛վի...

Ճնճղուկ էր. երբե՛ք վանդակ չտեսած, պապերով ու նախնիքներով գերության շենթարկված ճնճղուկ:

Կանգնել էր պատշգամբի ձողին և վանդակի ներսն էր նայում:

Այդ ի՞նչ էր — երկու թռչուններ էին այնտեղ, և այն էլ ազնվականներ, դեղին մեծութուններ:

Եվ տես մեկ ինչպե՛ս կծկվել-կպել էին իրար՝ երկաթե վանդակի մեջ պարփակված: Կերակուր էլ ունեին: Ապա մեկ տեսնենք ի՞նչ են ուտում այդ գերի մեծութունները:

— Կի՛վի, կի՛վի...

Եվ նա թռավ վանդակի գլխին ու նստեց երկաթե ցանցավոր տալիքի վրա:

— Բարև, ձե՛րդ ազնվութուններ. ինչո՞ւ եք կծկվել այդ շրջանակի մեջ:

Դեղձանիկները վեր նայեցին: Ոչինչ. ճնճղուկ էր միայն. ստոր տեսակի լեռնական մի թռչուն:

— Ա՛հ, ա՛հ, — շարունակեց ճնճղուկը, — այդ ի՞նչ ազնիվ կերակուրներ էլ ունիք. վանդակի մե՛ջ այդպիսի կերակուրներ...

Այն ժամանակ դեղձանիկ-արուն վեր նայեց և ասաց.

— Մենք կուշտ ենք. այս կերակուրը զզվեցրել է մեզ. կուզե՛ս, եկ կեր:

— Շնորհակալ եմ, — ծիծաղեց ճնճղուկը, — երբեք չէի ցանկանա վանդակ մտնել, նույնիսկ եթե ինձ թագավորութուն տային այնտեղ... Մի՞թե դուք հանգիստ եք դրա մեջ... Ես իմ ազատ օդն ու լեռները չեմ փոխի ձեր ամբողջ հանգստության հետ:

— Մի՞թե այդքան լավ է լեռներում և դրսում, ճնճղու՛կ, — հարցրեց էգը ներսից:

— Լա՛վ... — ծիծաղեց զվարթությամբ ճնճղուկը, — ո՛չ միայն լավ է, այլ հրաշալի, տիկին: Մեկ նայեցեք է՛է... Բարձրում, երկնքի կասյտության մեջ այդ սևին տվող արտույտները տեսեք ինչպե՛ս են ճախրում, ինչպե՛ս ճլվում, պարում... Չե՛ք զգում ծաղիկներից՝ զեփյուռի ժողոված ու բերած բուրմունքը: Իսկ արև՛ը, տեսեք ինչպե՛ս պայծառ ու տաք՝ լուսավորում է, ամեն բանի կյանք ներշնչում...

— Իսկ եթե հանկարծ զեփյուռը փոթորկի փոխվի՞, արևը ծածկվի և անձրև տեղա՞...

— Բա՛հ... երևի ձեր փայլուն հագուստների մասին եք հոգում: Մի՞թե ծառի խոռոչ, ժայռի ստորոտ և կամ այլ թաքստոց քիչ կա: Ապա ծխնելույզների գազաթնե՛րը, ապա բույնե՛րը — այնքան տաքուկ, այնքան փափուկ ու ապահով...

էգը թոթվեց իրեն և մոտեցավ դունակին:

Այն ժամանակ ճնճղուկը նկատեց, որ վանդակը բաց էր:

— Տե՛ր աստված, — աղաղակեց նա, — հիմա՞ր եք դուք, ա՛հա դուռն էլ բաց է, ինչո՞ւ եք ուրեմն կծկված մնացել, դո՛ւրս եկեք, գնանք ինձ հետ ընկերներիս մոտ, այնտեղ՝ ձորում, սիրուն առվակների եզերքին, թփիկնե՛րի տակ լողացեք, զովացեք, ազատ օ՛դ շնչեք...

— Ուրեմն այդքան լավ է, հա՛, այնտեղ՝ ձորում, — հարցրեց նորից էգը:

— Բայց այո՛, տիկին: Մի՞թե չէիք կամենա, օրինակ, մեկ բարձրա՛նալ մի ծառի վրա, նստել տերևների շուքի տակ, ապա թափահա՛յել թևերը, սլանալ վեր, օդը ճղել, օրորվել-ճախրել, իջնել արտը, մտնել հացահատիկների մեջ, կտցահարել-կշտանալ և երբ հոգնած ես, գալա՛-

լվացվել ցատկուտող ջրվեժի փրփուրներով և հետո անցնել-մտնել ծաղիկների տակ ու ննչել ստվերներում...

Արու դեղձանիկը, որ կծկված իր տեղում, լսում էր լեռնական ճրնճ-դուկի բանաստեղծական ոգևորութունը, ասաց հեգնորեն.

— Իսկ եթե հանկարծ ուրուրը պնդե ետևիցդ, և դու սոսկումը կրծքումդ, խելքդ կորցրած, ընկնես ամեն կողմ և պահվելու տեղ չգտնե՞ս...

— Երևի վանդակի մեջ շատ մնալով՝ կորցրել եք տեսողութունը,— գոչեց ճնճղուկը.— մի՞թե աչք չունեք տեսնելու, որ թշնամին հեռվից գալիս է. մժղուկ խո չէ՞, որ շնկատվի, հրեշտային մեծությամբ մի բան է... Տեսար թե չէ, կծիկդ ծալիր և լեռներդ քաշվիր. քի՞չ թաքստոցի տեղ կա ամեն կողմ, ամեն ծառի խոտոշի մեջ, ամեն ժայռի խորքում: Մի րոպե— և վտանգն անցել է. այնուհետև դուրս կգաս, մի լավ կծիծաղես և կսկսես ուտել, պարել, ազատ օդ ծծել ու ճախրել...

— Այո, այդ բոլորը լավ,— խոսեց նորից հոռետես արուն,— միայն մոռանում ես, ուսմի՛կ կարճամիտ, որ կարող եմ արտերը քաղված լինել և դու օրերով տաք արևի տակ կթափառես՝ առանց ոչինչ գտնելու, ծաբավից կպապակվես՝ առանց ջուր տեսնելու...

— Օ՛հ, ձերդ ազնվութուն,— ծաղրեց ուսմի՛կ ճնճղուկը,— չէ՛ի՞ր կամենա, որ այդպես ժամանակ ուսմիկներս գնայինք և մարդկանց դիզած կալերից ձեզ համար հացահատիկներ բերեինք և հազարավոր աղբյուրներից էլ ջուր...

* * *

... Եվ էգ դեղձանիկը, որ մինչև այդ ժամանակ անհոգությամբ լսում էր, հանկարծ մի ուսույնով դուրս թռավ վանդակից ու նստեց ճնճղուկի կողքին:

Ինչպե՞ս բարբախում էր սիրտը, ինչպե՞ս դողում էր նա:

— Օ՛, օ՛...— գոչեց ներսից սարսափած արուն: Ծնճղուկն էլ մի վայրկյան խոսել չկարողացավ:

— Թշվա՛ռ,— աղաղակեց արուն իր ընկերոջը,— այդ ի՞նչ արիր ջո՛ւտ, նե՛րս եկ, քանի կատուն չի հասել:

էգը բնազդամբ կծկվեց, շուրջը նայեց և կպավ ճնճղուկին:

— Մի՛ վախենա, տիկին,— ծիծաղեց ճնճղուկը,— կատուն այստեղ չի հասնի. և հասնի էլ, ի՞նչ կարող է անել:

— Ինչպե՞ս թե ինչ...

— Այո՛, բավական է քիչ զգուշ լինել և շրջահայաց. տեսար կա-

վին, թո՛իր դեպի վեր, և ամեն ինչ վերջացել է: Գազանները դեպի վեր թռնել չգիտեն. նրանք միշտ գետնի վրա են սողում... մենք ի՞նչ գործ ունենք գետնի երեսին:

— Իրավ է,— ասաց տիկինը,— և ի՞նչ լավ էլ է այստեղ. ազա՛տ... ո՛ր կողմ ուզենաս կթռչես... Ե՛կ այստեղ, ընկեր, դո՛ւրս եկ մեզ մոտ:

— Աստված ո՛չ անի,— գոչեց արուն ներսից,— ասել են, որ կնոջ խելքն էլ ուսմիկի խելքի պե՛ս կարճ կլինի — այժմ ճիշտ դուրս եկավ: Պիտի տուժես հիմարութունդ, կի՛ն դու, բայց ուշ կլինի:

— Օ՛, ձերդ վախկոտութուն,— քրքջաց ճնճղուկը,— մնացե՞ք ուրեմն ձեր երկար խելքով՝ վանդակի մեջ, իսկ մենք մեր կարճ խելքով՝ կերթանք ազատ ապրելու... Այնպես չէ՞, տիկին, կգա՛ս:

— Գնա՛նք:

Ու թռան:

— Պիո՛ւ... պիո՛ւ,— կանչեց բարձրից ճնճղուկը,— ե՛կ, ե՛կ մեզ հետ...

Բայց արու դեղձանիկը վանդակի մեջ կծկված նայում էր դեպի վեր սլացողներին և սարսափից դողում:

Քիչ հետո մի վերջին «կի՛վի, կի՛վի» ևս լավեց, և ապա երկու թլուռուններն անհետացան երկնային կապտության խորքում:

Եվ մնաց արուն վանդակի անկյունում կծկված, աչքերն ազատ անհունության դարձրած, դեպի անծանոթ, աներկաթ և անվանդակ հայրենիքը: Եվ այդպես անշարժ, կերակրի ու ջրի մոտ կուշ եկած՝ երազում էր, տրամաբանում... միմիայն երազում, տրամաբանում...

Երեկոյան դեմ տանտիկինը տեսավ բաց դռնակը, տեսավ, որ էգը խուսափել էր, ազատութուն ստացել:

— Չա՛ր,— գոչեց նրա հասցեին:

Հետո զննեց փիլիսոփայաբանող, տրամաբանող ու հանգստութուն սիրող արուին՝ կծկված վանդակի անկյունում:

— Տխմա՛ր...— ասաց արհամարհանքով և վանդակի դուռը փակեց:

* * *

Այս գրույցը մի տիկին պատմեց ինձ:

1896

Անապատի մեջ արշավող, անտառը թունդ հանող և ազատութիւն մեջ մեծացած խրոխտ առյուծը թակարդի մեջ ընկավ:

Անտառից ելած՝ որս էր որոնում, շուրջն ահ սփռելուն համար մտովին հրճվում, երբ հանկարծ գլորվեց-ընկավ ու մի ցանցի մեջ իրեն բռնված գտավ: Մի ցանց ահռելի, համարաբար շարժվող, կծկվող-գալաբուն, որ մի բոպեի մեջ կաշկանդեց նրան, քաշեց, հավաքեց ու կծիկ դարձրեց: Ոչ մի շարժում իսկ գործել չէր կարող. մի խումբ կոշտ կապեր, սարդի ճանկերով, պարզվեցին դեպ նա, և առյուծն ընկավ խճճված ու կապված...

Մոնչաց, կատաղեց, բուռն ճիգեր գործեց, ուստոստեց, կապերը կծոտեց, որշափ ուժ ունեւ՝ գալարվեց, տանջվեց, բայց ո՛չ շղթան փշրեց, ո՛չ էլ ցանցը պատռեց...

* * *

Անտառի քաջը, կենդանիների արքան գերի էր այլևս: Իր կյանքում երբեք կապեր չէր տեսել, արգելքի առաջ գլուխ չէր ծռել, կտրել էր նա դաշտ, ձոր, անապատ անհուն, անցել էր անտառ, գետեր սրբնթաց, մագլցիլ լեռներ... աշխարհն ամբողջ ոտնատակ տվել, ազատ օդի մեջ ապրել անկաշկանդ, ազատ էր ծնվել, ազատ էր սնվել և ահա այժմ կծկված, գալարած, ցանցով խճճած, գետնին պինդ գամած, անհասկանալի կապերով սեղմված, չէր էլ ըմբռնում, թե ի՞նչ էր եղել, ինչո՞ւ բանտարկվել և կամ ո՛վ էր նրան այդպես խղճուկ, դառն դրուսթյան մեջ ձգել:

Մոնչաց, ուստեց, ժամերով ձգնեց, ապա հուսահատ, աչքերը փակած, գլուխը կրծքին, բաշն իջեցրած՝ սկսեց խորհել:

Ի՞նչ էր այդ ուժը — իր ուժից շատ բարձր, այդքան խորամանկ և այդքան ճարպիկ. ո՞ւմն էր ահռելի այդ շանթող ձեռքը, որ աներևութ պարզված դեպի նա, անտառի հերոսից կծիկ էր շինել ու անշարժ, գերի՝ դաշտի մեջ գամել:

Եվ նա վեր նայեց: Մի թեթև ու թույլ խշրտուք լսեց, ապա իր ցանցից մի քայլ հեռվում մի մարդ նշմարեց: Մարդն էր այն. շնչին արարածը, որից տասնյակներ նա պատահոտել, բզկտել էր հաճախ և որն այժմ այնտեղ, ցանցի կապը ձեռքին, նայում էր խրոխտ որսին, նայում հրճվանքով, ծաղրում արքային, ծաղրում հսկային:

Ելավ, ուզեց ուստեց, հանդուգն ծաղրողին մի պատառ շինել, փշրել:

տրորել... բայց մարդը կապը ձգեց, և ցանցը կուշ եկավ, ավելի սեղմվեց ու առյուծի ջանքերն ի դերև հանեց:

Օհ, ի՞նչ անկում, ինչպիսի՜ վիճակ: Խաղալի՜ք լինել մարդու ձեռքի մեջ, ենթարկվել ծաղրի, հեռու անտառից, խլված անապատից, ազատ վայրերից, ստորացուցիչ կապերի մատնված, անհու՛յս ու գերի՜...

Եվ առյուծը դառնացած լացավ աղիողորմ: Ու նրա լացից անտառը դողաց, ժայռերը հնչեցին, դաշտը թունդ ելավ...

* * *

Օրերով մնաց առյուծը ցանցի մեջ. նրան կեր տվին, բայց ոչինչ բերանը չառավ. նրան շրջապատեցին, բայց նա լուռ մնաց. լուռ, հուսահատ և մահվան ցանկացող...

Մի օր էլ մի մեծ վանդակ բերին դավաճան ցանցի կողքին, առյուծին ստիպեցին ելնել, շիկացած երկաթներով առաջ մղեցին և նկուն դարձրած՝ վանդակի մեջ առին:

Այժմ կապ չկար, բայց երկաթե ամուր ձողերով կազմած շորս բարձր պատեր կային:

Առյուծը փորձեց բացվածքների միջով նեղնալ՝ դուրս սահել. գլուխը դեմ տվավ, հսկա ուստյուններով ձողն ի վեր թռավ, կատաղի քայլերով վանդակի մեջ վազվզեց, հնարք որոնեց, դրսում երևացող ազատ երկնքին կանչեց, ազատ տարածությունը տենչաց, ապա ամբողջ վանդակը ցնցեց, դղրդացրեց... բայց տեսավ, որ զուր էր, ամեն ջանք ունայն, և որ գերի էր, բռնված, կաշկանդված...

Տխուր ու տրտում՝ նստեց վանդակի ձողերի առաջ, ոտները ծալեց, պոչը հավաքեց, գլուխը թաթերի վրա առավ և աչքերն անհագ տենչանքով լիքը, սևեռեց հեռու՝ իր անապատին, իր գոռ անտառին, ուր երեկ դեռևս հպարտ ու խրոխտ՝ անցնում էր ազատ, ուր երեկ դեռևս իր լայն թոքերով շնչում էր, փռնչում:

Ահա այն ժայռը, այն մեծ լերկ բարը, որի կատարին կանգնել էր ժամերով, արևի տակ հանգչել, հեռուները դիտել, իր սուր աչքերով որսեր որոնել և արհամարհոտ՝ ոտքերի մոտից սահող մողեսները զննել, զեռունների փոքրությունը ծաղրել...

Ա՛հ, որքա՛ն կուզենար այժմ այդ մողեսների պես փոքր լինել, սահել վանդակի ձողերի միջով, գնալ-ապրել միշտ խուլ խոռոչներում, ավազանների մեջ, շնչին բան դառնալ, առյուծ չլինել, միայն թե ազատ, ազատ կապերից, վանդակից, բնության ծոցում ուզած տեղն ապրել, ուզած տեղը մեռնել...

Վերջապես վանդակը շարժեցին, շատ օրեր գլորեցին առաջ, ապա ինչ-որ երբորուն տախտակի վրա ամրացրին և մեծ ջրի վրա լողացնելով՝ տարան քաղմամարդ մի երկիր հանեցին:

Առյուծն այդ բոլորը տեսավ զարմացած: Մովի ալիքների, կապույտ տարածութան առաջ զմայլած մնաց, իր անապատը կարծեց: Հետո, վանդակի շուրջը ժողովվող ժխորին նայեց քամահրանքով, իմացավ, որ մտքըն էին իրեն մի անծանոթ տեղ, ուր ոչ անտառ կար և ոչ անապատ, ուր հորիզոնն իսկ վանդակի էր նմանում. փակված, կարճ սեղմված, և օդը ճնշող, թանձր, հեղձուցիչ:

Շշմած, մեքենայաբար կերավ՝ ինչ տվին, արեց՝ ինչ ուզեցին: Էլ չմոնչաց, էլ չկատաղեց, միայն կծկված վանդակի մի անկյունում՝ ժամերով անշարժ, միտքն իր անապատին, երազը՝ անտառին և լայնարձակ օդին, դառն հեկեկանքով լացավ ու մեռնել ուզեց:

Այդպես էր, որ նրան տարան, շրջեցրին քաղաքներ, նորից ջրեր անցկացրին, նորից մոռյլ, խեղդիչ երկիրներ և վերջիվերջո մի անտառանման այգու մեջ մտցրին, վանդակը բարձրացրին, ստիպեցին նրան անցնել մի ուրիշ, ավելի մեծ ու կլոր շրջանի մեջ, դուռը փակեցին, մի կտոր միս էլ ներս ձգեցին, թողին ու հեռացան:

Առյուծն այժմ գազանանոցում էր:

Ի ցույց էր դրված մի մեծ ու կլոր բարձր վանդակում, ուր մինչև իսկ, կարծես նրան ծաղրելու համար, փոքրիկ քարերից շնչին, խաղալիքի նմանող ժայռ էին կազմել մոտը սյունի պես կերտված, ցանցառ տերևներով, մանրիկ ճյուղերով ճղճիմ ծառ տնկել, ծառի տակը՝ ջրի ավազան, վանդակի հատակի վրա՝ ծովի շոր ավազ...

Առյուծը շուրջը նայեց, զզվանքով տեսավ իր ազատ հայրենիքը ծաղրող այդ ծառն ու ժայռը, պոչով փշրեց առաջինը, ոտքով կտորեց երկրորդը և դուրս նայեց: Դիմացը՝ պատեր, հեռուն՝ ուրիշ վանդակներ էր. ապա մոռյլ ծառեր և նրանց տակը պտտող նայողներ, որոնք երբեմն մոտ էին գալիս բերանները բաց, դիտում և կամ ահաբեկ՝ ետ-ետ էին քաշվում...

Եվ հանկարծ այդ բոլորի մեջ լավեց մի ծանոթ և խոպոտ մոնչյուն, որ լուսանքով գոչում էր.

— Ողջո՛ւյն անկյալ վեհափառության...

Դարձավ: Տասը քայլ հեռու, նո՛ւյնպես վանդակում, ձողերի ետևից գլուխն երերցնելով, շարամիտ վագրն աչքերը հեգնությամբ լի՝ իրեն էր նայում: Երբ նրանց ակնարկները միմյանց հանդիպեցին, արյունարբու գազանը ոռնաց ու ասաց.

— Ողջո՛ւյն, անապատի հզոր դու արթա, գոռ անտառների, ազատ ժայռերի մեծ հսկա. եկել ես մեզ ընկե՞ր. մեզ՝ շնչիններիս, մեզ՝ ստորներիս բախտակից եղել... Ողջո՛ւյն, անկյալը վեհափառություն...

Ապա մի մեծ շարախնդաց, դիվային ծիծաղ լավեց նրա վանդակից, հետո քրքիջն անցավ մի երրորդ վանդակի, որտեղից ինձք ատամները բացած, փայլուն աչքերով նայում էր հեգնությամբ... Եվ այդպես, քրքիջը բացեց, վանդակից վանդակ մտավ, և մի րոպեի մեջ առյուծն իրեն գտավ շրջապատված շնչին անասունների, գերի գազանների, գայլերի, նույնիսկ կապիկների ծաղրով ու հեգնություններով:

— Ահ, արթա՛, խոնարհ մեր ողջույնը,— կանչում էր ինձը:

— Ողորմած եղիր, հզո՛ր թագավոր, որ համարձակվում ենք քեզ ընկնը լինել,— ոռնում էր գայլը:

— Մենք կապիկներս քեզից հզոր ենք,— ճշում էին անճոռնիները,— որովհետև ուրախ ենք և կատակում ենք...

Ու ծաղր, հեգնություն, քրքիջ, աղաղակ ամեն կողմից տեղացիներնված հզորի անպաշտպան գլխին:

Առյուծը մոնչաց, ոստնեց դեպի ձողերը, ուզեց դուրս ելնել, տրորել-չարդել այդ հեգնողներին... բայց բախվեց ձողերի, գազանապահի հրաշեկ երկաթն այրեց նրա թաթը, և նա նկուն, կատաղի, գլուխը թաթերի մեջն առավ և ուզեց մեռնել:

Դրան էր այդ բոլորը. դառն, անտանելի: Մեռնելը խիստ լավ էր: Կուզենար տեսնել իր արյան կաթիլ առ կաթիլ քամվելը, իր անդամների կտոր առ կտոր բզկտվելը, կուզենար թաթերը փշրել ձողերի վրա, սիրտը հոշոտել, կորզել, դուրս ձգել:

Գիշերն էլ եկավ մոռյլ ու խոնավ: Ծաղրն ու քրքիջը սաստկացավ, մեծացավ:

— Ա՛հ, մեռնելուց վախենո՞ւմ ես,— գոչում էր վագրը,— վանդակի մե՞ջ ես, փառավոր արթա՛...

— Ա՛հ, դու թշվա՞ռ ես, առյու՛ծ ահալից,— մլավում էր ինձը...

— Քե՞ն է, թքել առյուծի վրա,— ճշում էին կապիկները...

Առյուծը գլուխը կոացրեց, քաշվեց քարերի ետևը, աշխատեց մթու-
թյան մեջ ընկղմվել և այդ ծաղրող ձայները շլսել:

Ո՛չ, պետք էր դուրս գնալ. ինչ որ էլ լիներ, մեռներ կամ ապրեր—
պետք էր դուրս ելնել, ոտքի տակ տալ, տրորել ամեն բան, ամեն արա-
րած, միայն մի բան, մի վայրկյան ազատության մեջ լինել, այնտեղ
էլ մեռնել...

Եվ նա մոտեցավ վանդակի դռան, խուլ մոնչյուններով քաշեց ձո-
ղերը, ցնցեց ամեն բան ու գերբնական մի ուժով, հուսահատ ճիգով
փշրեց դռան շղթան և դուրս թռավ իր դիմացը բռնված հրաշեկ եր-
կաթի վրա...

Գազանապահն էր այն, մի սպառնալից, կրակած ձողակով, որ մո-
տենում էր նրան և հնչեղ ձայնով ներս հրավիրում...

Առյուծը ժողովեց իրեն, հետո ուստնեց:

— Մեռնե՛լ ազատ... — գռչեց նա:

Եվ երկաթը վժժալով՝ նրա կուրծքը մղվեց:

Առյուծը զալարվեց, երկնքին նայեց, անապատն երազեց, անտա-
ռին հառաչեց և հրաշեկ երկաթը կրծքին, աչքերն ազատության, մեռավ
քաշի պես, բայց ազա՛տ օդում, ազա՛տ երկնքի տակ...

1896

ԱՆՀԱԳԸ

(Փիլիսոփայական գրույց)

«...Եվ տեսա, որ մարդկությունը խորին
կեղծության մեջ է սնանկում և ցրանով
երջանիկ համարվում.

Եվ տեսա, որ այդ ահավոր կեղծու-
թյունը անկեղծության դիմակով է ապա-
կանությունը ափրում.

Եվ մահու չափ վշտացա...»:

Մի հիմ գրեթ:

1

Այնտեղ հեռու, Արաբիայի մի անդորր անկյունում, սրանից շատ ժա-
մանակ առաջ, ապրում էր մի իմաստուն: Երիտասարդության տարիներ
ընկալեցնելով նա կյանքի մեջ, փորձել էր նրա քաղցրությունը, նրա

թույնը և երկար ուսումնասիրել—հետախուզելուց հետո եկել էր այն եզ-
րակացություն, թե քանի մարդուս գոյության վերջնական նպատակը ան-
հայտ մնա, խուսափի մեր հասկացողությունից, այնքան կյանքը մնա-
լու է միշտ այսպես դառն ու տանջալից:

Ինչո՞ւ ապրել, ինչո՞ւ ծնվել և ինչո՞ւ մեռնել. ի՞նչ էր այդ բոլորի
նպատակը: Ինչո՞ւ աշխարհի, տիեզերքի գոյությունը. դեպի ի՞նչ նպա-
տակի էր ձգտում տիեզերային այն հորձանքը (tourbillon), որի
յուրաքանչյուր հյուսիս ճախրում է, շարժվում անընդհատ, անհանդարտ
և հավիտյան...

Ինչո՞ւ մարդուս — իրեն գոյությունը, մահն ու ձևափոխությունը:
Այդ բոլորը ի՞նչ վերջնական նպատակի է ծառայում: Դեպի ո՞ւր է գնում՝
գոյության հորձանքը — այդ բազմակնճիտ, միմյանց արտադրող, միմ-
յանց ոտնատակ անող ու կլանող, միմյանց ծնող ու մեռցնող օրգա-
նական էությունը...

Այդ և այդպիսի այլ հարցեր տանջում էին իմաստունին, որովհետև
ոչինչ չէր գտնում, ոչինչ չէր թափանցում: Որքան աշխատում էր ինք-
նախաբեություն մտածել, որ այդ բոլորը այսինչ կամ այնինչ նպա-
տակի համար էր, բայց երբ վերլուծում էր «այդինչ» կամ «այնինչ»
նպատակը, գտնում էր, որ դրանք ոչ թե նպատակներ էին, այլ միջոցներ
միայն՝ հասնելու դեպի մի անհայտ, խորհրդավոր ու անհասկանալի
նպատակի. միջոցներ, որոնք երկար քննելուց հետո և ո՛չ իսկ գլխավոր
էին թվում, այլ շնչին, հաճախ ստորացուցիչ և բուսական...

Ի՞նչ անել ուրեմն. շապրե՞լ: Բայց մի՞թե եթե մեռներ՝ պիտի հաս-
կանար: Ո՞վ կարող էր երաշխավորել, որ մեռնելուց հետո պիտի ունե-
նար փնտրելու, խուզարկելու տենչանք կամ հոգեկան գոյություն. և
կամ եթե նյութական մարմնից դուրս գնար, հոգեկան էություն մը, կարո՞ղ
պիտի լիներ հասկանալի մեծ ու խորհրդավոր նպատակը:

Որ այդպիսի մի վերջնական նպատակ պետք է լիներ — դրա մեջ
նա համոզված էր. որովհետև չէր կարող ըմբռնել, թե ինչպե՞ս կարելի
էր, որ այդ ներդաշնակավոր, որոշ օրենքների ենթարկված հորձանքը
չունենար մի կետ նպատակ, և որ այդ բոլորը գոյություն ունենար ան-
նպատակ, դիպվածով միայն...

Եվ երբ մտավ իմաստունը այդպիսի բնագանցական խնդիրների
մեջ, պահ մի կասկածեց, թե գուցե ոչ մի նպատակ գոյություն չուներ:
Բայց դա մի ակնթարթ միայն տևեց, որովհետև համոզված էր, որ այդ
այդպես չպետք է լիներ, որ կար մի վերջնական, ծայրագույն նպատակ,
և որ այս բոլորը ձգտում էր դեպի նա, գործում էր՝ նրան հասնելու հա-
մար...

Բայց ո՞րն էր այդ նպատակը. ինչո՞ւ ուրեմն թաքնվում էր նա, եթե կար. ինչո՞ւ ո՛չ իսկ հասկացողութեան համար մատչելի էր լինում, ո՛չ իսկ մտովին հնարավոր էր լինում երևակայել:

Եվ երբ խորապես գիտակից եղավ դրան, մահացու տանջանք զգաց:

Մոլորված, ընկճված, այդ ծանր հարցերի տակ ծյուրում էր, երբ նրան խորհուրդ տվին գնալ պոստել, օդ ձօնել և իր տանջանքը մեղմացնելու համար ճանապարհորդել:

Լսեց իմաստունը: Ո՞վ գիտե, մտածեց նա, գուցե հիվանդ եմ և դրանից է, որ այսպիսի փիլիսոփայական հուսահատեցուցիչ մտքերով ճնշվում եմ: Փորձեմ զվարճանալու. գուցե, ստամոքսս հափրացնելով, տրամաբանական այդպիսի թռիչքներ շանեմ աչլեւ և բավականանամ անտրամաբանութեան մեջ բույսի պէս աճելու:

Ու գնաց: Մի կողմից էլ մտադրեց ճանապարհին հանդիպած այնպիսի անձերից, որոնք նրա ուշադրութունը կհրաժիրեն իրենց վրա, հարցնել այն բանի մասին, որն իրեն հուսահատեցնում էր:

Քայլեց նա շատ երկար ու մի ամսից հետո հասավ մի սուրբ երկիր, ուր կանաչ, կապույտ ու սպիտակ փաթթոցավոր գլուխներ վխտում էին քաղաքների փողոցներում, ուր միեմարների ծայրերը համբուրում էին երկնքի վրայից սահող ամպերը և ուր վանքեր և ուխտատեղիներ ավելի շատ էին, քան աղոթողներ և ուխտավորներ:

Սրբ քաղաք էր մտնում, կամուրջի վրա մի մեծ իրաբանցում տեսավ և ձիավորների հանգիպեց, որոնք երկար գավազաններ ձեռքերին՝ սրարշավ գալիս էին և գոչում.

— Ծանապարհ, ճանապարհ...

Քիչ մնաց ոտքի տակ գնար: Ետ թռավ ու կպավ կամուրջի թմբին: Մի րոպեից հետո, երբ 10—15 ձիավորներ անցել էին, անցավ նաև ոսկեզօծ ու շքեղ մի կառք, որի մեջ բազմել էր երկար մորուքով պատկառելի սպիտակազգեստ ծերունի՝ մի ձեռքին ոսկեծուլ կոթով գավազան, մյուսում՝ սաթե վարդարան: Եվ ծերունու վարդագույն նուրբ շրթունքները շարժվում էին, աչքերը կարծես մոռացել էին այս աշխարհը...

— Ահա մի սուրբ կրոնավոր, — մտածեց իմաստունը և հարցրեց, թե ով էր անցնողը:

— Մի՞թե չգիտես, դա հավատացյալների մեծ կրոնապետն է, մի իմաստուն մարդ:

— Իմապոտ՞նու:

— Այո՛, չկա մի բան, որ չիմանա:

Իմաստունը մտածեց, թե արդյոք չգիտե՞ր այդ կրոնավորին Հարցնելու այն բանի մասին, որն իրեն տանջում էր:

Իմացավ, թե որտեղ էր ապրում մեծ կրոնապետը և ընտրելով երկրչյան ժամանակ, օր-կարողանար ավելի երկար խոսել ծերունու հետ, զնաց նրա պալատը:

Ամբողջ փողոցը լիքն էր ամեն կարգի ու տեսակի կրոնավորներով, որոնք կկզած ապարանքի այս-այն պատի տակ, սենյակի մեջ, ուտում էին, խմում և զվարճանում: Նրան շարգելեցին, և նա հասավ այն բակը, ուր շինված էր իմաստուն կրոնավորի առանձնարանը:

Ներս մտավ: Կրոնապետը, մի քանի ուրիշ խնդրարկունների հետ մեծ քաղցրությամբ խոսելուց հետո, դարձավ իմաստունին և հարցրեց սիրալիր.

— Իսկ դո՞ւ, որդի, դո՞ւ ինչ ունես հարցնելու:

Իմաստունին դուր եկավ այդ համեստութունն ու սիրալիրութունը. սիրտ առավ, մի վայրկյան ամփոփեց միտքը և ապա այսպես խոսեց.

— Ո՞վ պետ հավատացյալների, — ասաց նա, — ես գալիս եմ հետու տեղից: Կյանքս ամբողջ անցուցի կյանքն ու մարդիկ, բնությունն ու իր գաղտնիքները, իր օրենքներն ու ներդաշնակութունը ուսումնասիրելու մեջ և այսօր, երբ գրեթե գիտեմ ինչ որ կարելի էր գիտենալ, գտնում եմ, որ դեռ ոչինչ չեմ հասկացել: Սա հուսահատական չէ՞...

Կրոնապետը թափանցող ակնարկով նրան նայեց երկար ու ասյա շփելով մորուքն ասաց.

— Դու իրավունք ունես. այդ հարցը տանջել է նաև ինձ. դրանից հուսահատական բան չկա, երբ մարդ գիտե, որ ինքը ոչինչ չգիտե. երբ երկար հոգնելուց, իր ամբողջ կյանքը զոհելուց հետո տեսնում է, որ ուսել է միայն սովորելը և դեռ նոր պիտի սկսի հասկանալ. այն ժամանակ միայն, երբ այլևս հոգնել է, մաշվել...

— Այդպես չէ, հայր իմ. — միջահատեց նրան իմաստունը, — այնքան սպանիչ չէ, երբ տեսնում է, որ՝ դեռ նոր պիտի հասկանա, այլ երբ տեսնում է, որ շարժի հասկանա, երբ իր ամբողջ էությամբ ուսանելու նվիրվելուց հետո գալիս է այն եզրակացութեան, թե իզուր էին այդ բոլորը, որովհետև ոչինչ չէր կարողանալու հասկանալ և թե իր բոլոր տանջանքը միայն նրա համար էր, որ համոզվի, թե ոչինչ չգիտե, և, որն ավելի սպանիչ է, ոչինչ էլ չի կարողանալու գիտենալ:

— Այդ էլ ճիշտ է, որդիս, — ասաց կրոնապետը, — մարդս ինչ-որ կուզի, թող անի. չէ կարողանալու ըմբռնել աստվածային գաղտնիքները...

— Ներեցե՞ք, հայր, — միջահատեց նորից իմաստունը, — իմ ամբողջ վիշտը նրանումն է, թե ինչո՞ւ չեմ կարողանում կամ ինչո՞ւ մտաբա

չէ հաջողում ըմբռնել, գորեղ երեակայությամբ անգամ ենթադրել գաղտնիքը, թե ի՞նչն է արգելք լինում այդ կարելիությանը, ինչո՞ւ է, որ կարելի չէ լինում թափանցել, հասկանալ...

Կրոնապետը գլուխը խոնարհեցրեց, երկար և լուսթյամբ դարձրեց վարդարանի հատերը, օրորվեց ու մտածեց, հետո գլուխը նորից բարձրացրեց ու ասաց խուլ ձայնով.

— Միայն մի խրատ կա քեզ տալու, որդյակ, միայն այդ խրատը...
Ու աչ ձեռքը դեպի երկինք բարձրացնելով, ասաց.

— Դիմիր բարձրալին, և նա թող կամ լուսավորե քո միտքը և կամ խավարեցնե. որ կամ գտնես ինչ որ փնտրում ես, կամ թե շունենաս փնտրելու այդ փափագը... Դիմիր աստծուն, նվիրիր քեզ նրան, և տեք ընդ քեզ...

2

Նվիրվել աստծուն...

Արդյոք այդ նվիրվելը պիտի հասկացնե՞ր նրան, ավելի՞ գիտակցական ու ավելի՞ բարձր մտային մթնոլորտի պիտի հասցնեք և արդյոք զա՞ պիտի լինեք փնտրածը գտնելու միջոցը:

Եվ ինչպե՞ս նվիրվել: Հազնել քուրձ, քաշվել մի խղիկ, ծոմ պահել, տանջել իր անձը, զրկվել ամեն բանից և ինքն իր մեջ ամփոփելով խորհել միայն երկնային մտացածին բաների վրա՞:

Ու երբ երկար մտածեց իմաստունը, գտավ, որ աստծուն նվիրվել՝ նշանակում էր ձգտել դեպի նա, այսինքն դեպի ամենակատարյալ մի նպատակի:

Բայց չէ՞ որ հենց դա էր փնտրածը:

Ուրեմն հարկավոր էր փորձել. բայց ո՞չ թե մենակեցությամբ ու ձգնությամբ, այլ ձգտելով դեպի նա, տանել իր հետ իր ամբողջ շրջապատողներին էլ: Հավատալ և հավատքի բերելով բոլորին, գործել միահամուռ ուժով՝ հասնելու այդ նպատակին:

Ու տխուր էր նա, երբ իջավ այդպես դեպի աստծուն նվիրվելու նպատակը և սկսեց խորհել դեպի նրան հասնելու միջոցների վրա:

Այնուամենայնիվ զնաց նա ժողովրդյան մեջ ու սովորքրեց աստվածը: Սովորքրեց գիտենալ և գիտենալու համար էլ ուսանել՝ այսինքն կասկածել, զննել, վերլուծել ու բաղադրել: Սովորքրեց լինել անկեղծ ու համեստ, սովորքրեց ո՞չ թե վախենալ աստծուց, այլ սիրել նրան, ո՞չ թե նրան ստրուկ համարվել, այլ որդի, ոչ թե պատիժ մտածել, այլ վարձատրություն և ձգտել նմանվելու այն երևակայական մարդ-տիպարին,

որ հրեշտակ է կոչվում և որին իսկապես գուցե նման դառնա ապագա մարդը նույնիսկ Ֆիզիկապես, այսինքն մի գլուխ և մի գույգ թևեր՝ նրանցով սրանալ-կտրել թափանցելու համար անհասկանալի, հեռավոր և ծայրագույն նպատակը: Սովորքրեց հրեշտակ լինել այդպես:

Եվ քարոզեց նա այդ կրոնը: Մի կրոն, որի միջից դուրս նետեց կեղծիքն ու ստրկությունը, վախն ու պատիժը, շարիքն ու լրբությունը, պատվարն ու մտավախությունը: Մի կրոն, որի տաճարը բնությունն էր, Ս. գիրքը՝ բնության օրենքները, սեղանը՝ գիտակցությունը և պատարագը՝ գործունեությունը...

Ու մարդիկ լսում էին նրան ապշած, սրտի խորքից վրդովված ճշմարտության զուտ խոսքերով, անկեղծ ցուցմունքներով:

Եվ երբ անցնում էր նա երկիրներից, ուսուցանում էր փարիսեցիների դեմ, սովորեցնում պարզություն ու սեր, գիտակցություն և քննադատություն... հանկարծ, մոլլայական ամբողջ դասակարգը, կատաղած այդ «հերետիկոսի», հերձվածողի, խոռվարարի և աղանդավորի դեմ, մի օր, երբ նա ոգևորված սրաթուխ երազներով, ապագա մաքուր և երջանիկ կյանքի մասին էր խոսում, բռնեցին ու տարան բանտ:

Բանտի մեջ իմաստունը բավական երազեց. բայց երբ դուրս եկավ իր էքստազային վիճակից և հանգստացավ, սկսեց խորհրդածել իր դրության մասին: Ինչո՞ւ էին բռնել իրեն, ինչո՞ւ բանտարկել: Որովհետև նա գործել էր կեղծության դեմ և գործել էր համարձակ ու անվախ, համոզված լինելով, որ այդ էր միակ ճանապարհը դեպի կատարյալը ելնելու, դեպի բարձր ձգտելու... Ա՛խ, որքան խոր կերպով վարժ էր կեղծիքի՝ աշխարհն ու մարդկությունը, մինչև իսկ վարժ՝ կեղծիքն իբր անկեղծություն ընդունելու և ապշել էր, հուզվել, երբ լսել էր նրա քարոզած որոշ անգույն ու անդիմակ ճշմարտությունները:

Եվ այն դասակարգը, որ դարերից ի վեր հեղաշրջել էր անկեղծությունը՝ կեղծության, պարզ ճշմարտությունը խեղդել էր բարդ ստությունների մեջ — այդ դասակարգը, զգալով վերանորոգչին՝ ուզեցել էր ազատվել նրանից:

Անշուշտ այդպես էր, որ բռնել էին նազովրեցուն, դրա համար էր, որ խաչել էին նրան — ստության ու կեղծիքի դեմ քարոզող և անկեղծության ու ճշմարտության մեծ զոհին: Եվ անշուշտ, նազովրեցին, երբ գնում էր դեպի խաչը, նույնն էր մտածել. խորհել էր, որ խաչվում էր հանուն ճշմարտության, հանուն ամենակատարյալի...

Անցել էին դարեր, շատ շատերը նույն կերպով խաչվել էին ու տանջվել, որովհետև ցեխի կուլտի միջից համարձակվել էին դեմ ելնել այն

յոթնագլխյան հիդրային, որ կեղծութան կրակի մեջ սպանում է ամբողջ մարդկությունը...

Այդպես էր խորհում իմաստունը՝ նստած իր բանտի խոնավ հատակի վրա, երբ դուռը ճռճոաց, երևաց մի աղոտ լույս. և մի ծերունի առաջ եկավ դեպի նա:

Հավատացյալների մեծ կրոնապետն էր՝ լապտերը ձեռին, տխուր, դժգույն և դողդոջուն:

Երբ մոտեցավ, երկուսն էլ իրար նայեցին: Երկար ժամանակ էր անցել միմյանց տեսնելուց ի վեր, և կրոնապետը խիստ ծերացել էր, գրեթե զառամել:

— Ողջուն, ծերունի,— խոսեց իմաստունը,— քեզ երկրորդ անգամն է տեսնում եմ. տարիքիցդ առաջ ծերացել ես:

Նստեց ծերունին գետնի վրա, իմաստունի կողքին ու դողդոջուն ձայնով ասաց.

— Ես ծերացել եմ, այո, ով իմաստուն. իսկ դո՞ւ... դու երիտասարդացել ես: Տեսնում եմ աչքերիդ մեջ այն կրակը, որը չի՛ մարում բանտի խավարի մեջ իսկ և որ լույս է սփռում այնտեղի խորշերում. այն կրակը, որ գոյանում է խորին համոզմունքով և անկեղծությամբ հաշվատացած իդեալի գոյությունից: Դու հավատացել ես. անկեղծությամբ հավատացել նպատակին, քո բոլոր կյանքի մեջ կեղծություն չես դրել գործունեությունդ մեջ ստություն չես ամփոփել և դա քեզ կյանք է տվել... Չգիտես, իմաստուն, թե որքան է մաշում մարդուն՝ գիտակցական կեղծիքն ու ստությունը, երբ մարդ գիտե, որ կեղծում է, գիտե, որ ստում է և այնուամենայնիվ ստիպված է կեղծել ու ստել: Գիտես, որ խաբեբայություն է այսինչը կամ այնինչը, և ստիպված ես կյանքիդ ընթացքում կատարել նրան ու մինչև իսկ զգույշ լինել շտապվելու, կատարել ու պնդել նրան, պնդել ու քեզ համոզված ձևացնել նրա ճշմարիտ լինելու մեջ... Չգիտեմ, որդի, դու ի՞նչ հասկանո՞ւմ ես, թե ոչ...

Իմաստունը ծնոտը ձեռքերի մեջ առավ, նայեց դժգույն ալեորին և պատասխանեց.

— Քեզ ես հասկանում եմ... Չե՞ս եկել արդյոք իմ տեղը խնդրելու, իմ շղթաներին ընկերակցելու...

— Այո՛, հասկացար ինձ... օրհնյալ լինես... այո՛, շատ ապրեցի մաշող ստության փառքի մեջ, երանի թե կարողանայի մեռնել գոնե մարդը ճշմարտության շղթաների տակ...

Ու երկուսն էլ լսու, երկուսն էլ վշտալից էին: Մեկն իր վշտով մյուսն իր նմանի տանջանքով:

Վերջապես իմաստունը ոտքի ելավ, դարձավ կուշ եկած ծերունուն և ասաց տխրությամբ.

— Ե՛տ առ ուրեմն խրատդ, հավատացյալների պետ, որովհետև նրան ինձ տալու ժամանակ իսկ՝ դու լավ գիտեիր, որ կամ հարկավոր էր շղթա վաստակել և կամ կեղծել... Ես չկեղծեցի. նվիրեցի ինձ ամենակատարյալի, պատվար դրի անհունության մեջ մոլորվող իմ խորհրդածության, կասկածի և վարանման առաջ, ծառայեցի ո՛չ թե իմ մարմնի գոհացման, այլ հոգեկան բարձրության՝ հասկանալու համար, և տեսա, որ հոգեկան անգոհությունը խենթություն, հիվանդություն է համարվում... «Կեր, խմիր, զվարճացիր միշտ,— ասում էին ինձ,— և ո՛չ կխորհես, ո՛չ մտային խորհրդածական տանջանք կունենաս, ո՛չ կկասկածես և ո՛չ էլ մտային սլացումների կձգտես»... Դու ինձ սխալ ճանապարհի վրա դրիր, ծերունի:

Ու թոթափեց իրեն իմաստունը. և նորից փնտրողության անհատակ վիճ գոյացավ նրա մտածողության մեջ: Նորից ձգտումն դեպի ծայրագույն նպատակի ըմբռնողությունը, նորից հարցական մեծ նշան, էնիգմա, նորից կասկած...

Ու մի րոպեի մեջ մարեց նրա աչքերի կայծը, կնճռտվեց նրա ճակատը: Եվ նա տխուր էր, հուսահատ: Ինչո՞ւ այդ բոլորը, դեպի ո՞ւր և դեպի ի՞նչ նպատակի էր ձգտում տիեզերային հորձանքը, այդ բոլոր թե՛ կեղծ, թե՛ անկեղծ, թե՛ սուտ և թե՛ ճշմարիտ մոլեգրին շարժումը, առաջադիմությունը, եռանդագին պտույտը...

Եվ թե ինչո՞ւ էր թաքնվում նա՝ որին ձգտում էր ամեն ինչ. ի՞նչն էր նրան ծածկում, անհասկանալի դարձնում...

3

Նրան ազատեցին բանտից: Մեծ կրոնապետը հազիվ կարողացավ հանել կրոնավորության ճիրաններից՝ խենթ հռչակելով միայն:

Ու գնաց իմաստունը գլխիկոր, շվարած: Ամեն ինչ այլևս կեղծ էր թվում նրան: Նա ահանատես էր եղել ավազակների, որոնք տաճարների դռներն էին համբուրում և բարեպաշտ հռչակվում. հարստահարողների, որոնք աստուծո սեղանի կանթեղի մեջ յուղ էին լցնում, և մոլաների, որոնք այդ բոլոր խաբեբաներին ու կեղծքիչներին օրհնում էին, նրանց բարեպաշտությունը հռչակելով և աստուծո պաշտամունքը նրանց ծառայեցնելով...

Եվ տեսել էր նա, որ ժողովուրդն ամբողջ գոհ էր այդ փոխադարձ, սխտեմատիկական կեղծիքով, գոհ՝ խաբեության մեջ, սովոր նրան,

շնչում էր նրանով, մեծացել էր ու սնվել նրա մեջ, ու ճշմարտությունը սարսափեցնում էր նրանց, անկեղծությունը մահացնում...

— Այս ժողովուրդը ո՛չ թե օգ է շնչում, այլ կեղծիք և սուտ, — ասաց իմաստունը և գնաց դեպի անապատ, հեռու ամբոխից, զզված նրա կեղտերից:

Երկար նա քայլեց, շատ երկար. վայելեց անապատի միայնությունները, որոննց, խորհեց, օրերով իրեն նվիրեց խնդրի լուծումը գտնելուն, բայց քանի խորհրդածում էր, քանի վերլուծում, քանի որոնում էր, քանի հարցը բրբրում, այն էր զգում, որ ոչինչ չէ գտնում ու ոչինչ չէր գտնելու...

Սվ մի օր, երբ աննպատակ քայլում էր ամառի տեղերում, դեմառդեմ եկավ մի քարավանի, որ իջել արմավենիների տակ՝ հանգչում էր: Երկու աղաներ էին, 5—6 ծառաներ: Տերերից մեկը, որ մի պատկառելի ծերունի էր, հրավիրեց իմաստունին մոտ գնալ, նստել իրենց սեղանի մոտ և հանգստանալ զովացուցիչ ըմպելիներով:

Ու երբ զովացրել ու կշտացրել էր նրան, այսպես ասաց.

— Ներիր, դերվիշ, եթե հարց տամ քեզ, թե ինչո՞ւ համար ժամանակդ անցես ես կացնում՝ թափառելով այս անապատի մեջ. արդյոք կարծում ես, թե աստված ամառի տեղերի մե՞ջն է, և դու նրան կգտնես ազոթքներով ու ճգնությունով. կամ արդյոք կյանքը քեզ համար այլևս ոչինչ չարժե, և դու կյանքի համար ոչ մի օգուտ չունես. թե՞ արդյոք դու մի հուսահատ մարդ ես, որ ոչ մի նպատակ չունի և ապրում է մինչև մեռնելը՝ աննպատակ ու անտարբեր...

Իմաստունը, որ լսում էր ծերունուն, դառն ժպիտ դեմքին՝ թողեց, որ նա վերջացնեն և ապա պատասխանեց.

— Իսկ դու, ծերունի, — ասաց նա, — դու, որ կյանքը տեսել ես և երկար վայելել, ասա ինձ, ունե՞ս նպատակ և եթե ունես, ո՞րն է այդ վերջնականապես ինչի՞ ես ձգտում, ի՞նչ է բո ապրելու, գոյությունդ նպատակը...

Ու նրա աչքերի մեջ փայլեց գիտենալու և իմանալու փափագի մի այնպիսի բուռն կրակ, որ նրան լսողները վախեցան: Վախեցան այդ ահավոր և խորին փափագից, այն անհագ ու անվերջ ցանկություն անշեջ կրակից:

— Ասա ինձ, — շարունակեց իմաստունը, — դու, որ կարծում ես, թե միայնության ու ինքնամոռացության մեջ չէ նաև երջանիկ անգիտության ապավենը, դու, որ մղում ես ինձ նետվելու կյանքի մեջ, կարծո՞ւմ ես, թե կարող ես ցույց տալ ինձ ծայրագույն նպատակը և նրան դնալու ուղիղ ճանապարհը... խոսիր:

Բայց ծերունին շփեց մորուքը և փոխանակ ոգևորվելու, փոխանակ քաջությունը պատասխանելու և վառված գիտակցության կրակով՝ անհույս իմաստունին ուսուցանելու — կորացրեց գլուխը և մեղմ, խալ ձայնով ասաց.

— Մեծ և խոր, անհուն է և անսահմանափակ բո փափագը, դերվիշ, և իմ գիտցած, իմ գտած նպատակը շա՛տ փոքրիկ է, շա՛տ շնչին դրա համեմատությամբ...

— Ահ, այդպե՞ս, — բացականչեց իմաստունը, — ուրեմն դո՞ւ էլ բավականացել ես միջոցներից մեկը ընտրելով իբր նպատակ. քեզ խաբել ես և նրանով ոգևորվել, մտածությունդ անհունությունը պատվարել ու փոքրիկով գոհ եղել: Ասա տեսնենք բայց, ո՞րն է գոնե ա՛յդ միջոցը, որին դու նպատակ ես անվանել: Աստծուն նվիրե՞լն արդյոք. գնալ կեղծիքի մեջ փառքի, կամ ճշմարտությունով խենթության անվան և շղթայի՞ արժանանալ. հանուն Մեծ-անհայտի խաբե՞լ, ստե՞լ և ստություն մեջ ընկղմելով շրջապատդ՝ օգտվե՞լ նրա կուրությունից և մարմինդ պարտրել ու ճարպացնե՞լ և կամ այնքան խաբել, որ խաբեությունը նվիրագործելով իբր ճշմարտություն համարել... Օ՛, դրանք ես տեսա, փորձեցի և գտա, որ մեծ նպատակը, վերջին, ծայրագույն նպատակը խուսափում է, թաքնվում մեզներից, որովհետև մի բան արգելք է գառնում մեզ հասկանալու, գիտենալու նրան...

Երկրորդ տերը, որ մի երիտասարդ էր, սակայն բովվածի ու փորձվածի դիմագծերով և որ լուծված լսում էր իմաստունին, հանկարծ մի թեթև շարժում գործեց, ընդհատեց նրան և ասաց.

— Մի խո՛սք, դերվի՛շ:

Նրա ձայնը մեղմ էր, բայց խոր և թափանցող. իմաստունը կանգ առավ և լսեց: Այն ժամանակ երիտասարդը, ճակատն ակոսած մտախոհական կնճիռներով, խոսեց ծանրությամբ.

— Իսկ այժմ, — ասաց նա, — ասա՛ ինձ, ով իմաստուն, որոնող ու անհագ դերվիշ, ասա՛, դու, որ տանջվում ես այդքան՝ չգտնելով, թե ո՞ւր է գնում այս բոլորը, կարո՞ղ ես ասել գոնե, թե որտեղից է եկել նա, ինչից գոյացել և թե վերջապես ինչպե՞ս, ինչո՞ւ և որտեղից է էություն ստացել առաջին հյուլեն...

Իմաստունը մի քիչ լուծվածք նայեց երիտասարդին, հետո ձեռքը նրա ուսին դրավ և ասաց.

— Տանջվի՛ր, երիտասարդ ընկեր, տանջվիր դու էլ. երկուսիս հարցը նույնն է, երկուսս էլ դեպի նույն անըմբռնելի նպատակն ենք գնում, շնայելով, որ դու փնտրում ես ծագումը, իսկ ես՝ վերջը: Բայց երկու ծայրերը մոռենում են իրար. ամեն ինչ ինձ թվում է, որ կլոր է բռու-

Քյան մեջ, նյութ կամ մտածութիւն. եթէ վերջը փնտրես՝ ծայրին ես հասնելու, ծայր ու վերջ՝ միևնույն կետից են բաժանվում և միմյանց հակառակ գնում: Ամեն ինչ պտույտ է գործում, մի անհուն, անըմբռնելի պտույտ, որի մեջ ո՛չ ծայր է երևում, ո՛չ վերջ, ո՛չ սկիզբ, ո՛չ վախճան, այլ միայն անսկիզբ ծագում, անվախճան տևողութիւն... Բայց ինչու՞ այդ, ի՞նչ մի վերջնական նպատակի համար — ահա այդ է գլխաւոր առեղծվածը, մի՞ փնտրիր սկիզբ, այլ նպատակ. մի՞ որոնիր սկիզբ — չե՞ս գտնելու — այլ փնտրենք քեզ հետ, թե այդ պտույտը ինչու՞ է գործվում, ի՞նչ մի ծայրագույն նպատակի համար...

— Գու բնագանցագետ (մետաֆիզիկ) ես, — ասաց երիտասարդը բարձրանալով, — և քանի փնտրես, այնքան պիտի խորասուզվես առեղծվածների, անհասկանալի ու բնագանցական եթերի մեջ և ոչինչ չես գտնելու, ոչինչ իմանալու... որովհետև բնութիւնից դուրս ես գնում:

— Իսկ դո՞ւ, — ժպտաց իմաստունը, — դու, որ բնագետ ես, կարծում ես քանի փնտրես, այնքա՞ն պիտի լուծես բնութիւնի գաղտնիքները և հասկանալի եթերի մեջ մի բան գտնե՞ս, մի բան իմանա՞ս: Գու կարծում ես, որ պիտի հասկանաս, որովհետև բնութիւնից դուրս չե՞ս գնում...

— Ինձ թվում է, որ, — ասաց երիտասարդը, — բնութիւնը դեռ շատ և շատ գաղտնիքներ ունի իր մեջ՝ զբաղեցնելու արարածներին հավիտենապես և ժամանակ չտալու, որ նորա դուրս գան անհունութիւնի մեջ՝ ժառանգութիւն բաներով զբաղվելու: Ծանաշե՞լ ես, օրինակ, հենց այն աշխարհը, որի վրա կյանք ես վարում, այն օրենքները, որոնք այդ աշխարհն են կառավարում, փոփոխութիւն ենթարկում, նրա արարածների վրա ազդում, աճեցնում, մեռցնում, ձևափոխում և կերպարանափոխում... Ծանաշե՞լ ես այն հողը, որի ծնունդն ենք մենք, առանց որի չենք կարող ապրել մենք և որի մեջ ենք վերադառնալու մենք. այն բազմաթիւ տարրերը, որոնցից բաղկացել ենք մենք և որոնցից առնված լինելով, պիտի էլի լուծվենք ու նրանց խառնվենք. ճանաշե՞լ ես այն վերի պսպղողուն աշխարհները, այն արևը, որոնք փոխադարձ ազդեցութիւնով երազել են տալիս մեր անհունապես միմյանցից կատարելագործված մուրաշնների և նրանց վրա գտնվող միմյանցից կատարելա օրգանական կյանքի մասին... ճանաշե՞լ ես նույնիսկ այն նյութը, որից առաջացել են տարրերը՝ քիմիական դեռևս շատ խորհրդավոր պրոցեսներով, և որը իր անընդհատ շարժողութիւնը, անընդհատ կերպարանափոխութիւնը, ով գիտե՞ս, ապագայում քանի՞ հարյուրավոր տարրեր, քանի՞ հազարավոր քիմիական բազադութիւններ և հետևապես քանի՞ միլիոնավոր տեսակ էակներ կլեցնի բնութիւնի մեջ. այն նյութը, որ մայր է ամեն ինչի... ճա-

նաշե՞լ ես այդ բոլորը, որ թողած դրանք, որոնում ես, թե ինչու է թաքնվում այդ նպատակը: Այդպես չէ, իմաստուն: Արարչին կամ արարագործութիւնի նպատակը ճանաչելու համար ամենից առաջ հարկավոր է լավ ճանաչել արարածը. հենց որ լավ և կատարելապես ճանաչեցինք արարածին, նպատակը, ինչ որ էլ լինէր նա, ճանաչելի է դառնալու: Եթէ լավ ճանաչենք նյութը և նրա բոլոր հատկութիւնները, պիտի կարողանանք ուրեմն ճանաչել և նրա ուժը... Արդ, չե՞ս գտնում, ով իմաստուն, որ մի անգամ նյութը և ուժը գտնված ու ճանաչված, կարող է իսկույն ճանաչվել նաև նրա ձգտման, շարժման նպատակը...

Ծանաշել նյութը, այսինքն մեզ շրայատող իրերը, ճանաչել նրանց էութիւնը և կազմութիւնը, ապա նրանց էութիւնն ու կազմութիւնն ուժը — ահա միակ միջոցը՝ ըմբռնելու համար այն նպատակը, որ մնում է անըմբռնելի... Բայց թե ե՞րբ կլինի այդ, էականի ո՞ր երջանիկ տեսակի ժամանակ, քանի՞ միլիոն դարեր հետո — չգիտեմ: Ես փնտրում եմ, տանջվելով փնտրում, հաճախ հուսահատվում եմ, սակայն փնտրում եմ ու միշտ փնտրում. ես հետևում եմ այն արհեստին, որի գործը փնտրելն է, ես հետևում եմ գիտութիւն, աշխատում եմ իմ շրջապատողներին էլ նրան հետևողներ դարձնել և հավատում եմ, որ դա՛ է ա՛յն միակ ճանապարհը, որ մարդկութիւնը պիտի հասցնէ հասկանալու կետին...

Այլ լռեց: Նրա տանջված դեմքը պարզվել էր, և ոգևորութիւնը գծվել էր ևսկառի վրա, շնայելով, որ գիտեր, թե ինքը իր համար ոչինչ չէր փնտրում, որ ինքն իր համար չէր ոգևորվում և որ իր բոլոր ուժն ու միտքը ծառայեցնում էր միմիայն ապագային, երբ իրենից ոչինչ չէր մնալու: Այլևս, եթէ ոչ մի աննյութ էութիւն — մտային արտադրութիւն մի հշուտ...

Իմաստունը, որ նայում էր երիտասարդ իդեալիստին և լսում նրա ոգևորված խոսքերը, թողեց, որ մի քանի րոպե խոր լուութիւնի մեջ միայն ծառերի տերևները ստասփեն, թռչունները ճլվլան, հետո մտախոհ զբոլովը բարձրացրեց ու ասաց.

— Այո, երիտասարդ գիտուն, որ բնութիւնն ես ուզում ուսումնասիրել և գիտութիւնն ես համարում ծայրագույն նպատակը ըմբռնելու միակ միջոցը, այո, դու շատ կետերում իրավունք ունես. բայց իրաւունք չունես արհամարհելու այն բուն փափագը, որ ձգտում է որոնելու արարածի գոյութիւն իրավունքը՝ մտածութիւնի ճանապարհով, և որ գիտութիւնի մեջ չէ գտնում ծայրագույն նպատակը ճանաչելու ճանապարհը...

— Ծայրագույն նպատակ, — միջհաստեց նրան երիտասարդ բնագետը, — ոչ, ես չեմ արհամարհում այդպիսի որոնողների ջանքը, այլ

անհետևանք աշխատություն միայն համարում... Մայրագույն նպատակը, «վերջնական» կետը գտնելու համար նախ պիտի համոզվել, որ կա նա... կա՞ նա. և եթե չկա, կարելի՞ է, որ չլինի: Հասկանալի՞ է այդ ոչ-էությունը... Օ՛, դրա համար հարկավոր կլինի ապրել այնքան, որքան գոյություն կունենա նյութը, այսինքն ապրել անվերջ, զննել ու դիտել անվերջ, տե՛նչալ, սովորել և... տանջվել...

— Գիտենալով, որ միշտ տգետ ես, միշտ ոչինչ չգիտես և շեռ կարող գիտենալ... — ավելացրեց իմաստունը տխրություն խոր շեշտով և ծանրացած գլուխը խոնարհեցրեց կրծքի վրա:

Ծերունի ճանապարհորդը այն ժամանակ շարժվեց և խոսեց այսպես.

— Լսեցեք այժմ, թե ինչ կխրատե երկուսիդ էլ մի ծերունի, որ ավելի երկար է ապրել, քան դուք, ավելի երկար է տանջվել, քան երկուսդ... Լինելով երկրի ծնունդ, մնացեք երկրի վրա, ու թող ձեր մտածությունն ու որոնելու տենչանքը թափառեն այնտեղ, ուր դեռ շատ և շատ բան կա ուսումնասիրելու, զննելու... Բոլոր երևույթները գոյանում են որոշ օրենքների մի շղթայից, որի միայն մի քանի օղակն է մեզ ծանոթ. օրենքների մի շղթայից, որի մի ծայրը երկրիս վրա է և մյուսը կորսվում է անհունության մեջ: Եթե ուզում եք տեսնել նրա վերջին կետը, ցատկել անհնար է, զնացեք օղակ առ օղակ. թող ձեր միտքը որոնե օղակների հաջորդական շարքը և նրանց վրայից, որպես աստիճաններով՝ թող բարձրանա դեպի կատարյալը: Մի ոստնեք. ուսումնասիրեցեք երկիրը, որի ծնունդն ենք մենք, ուսումնասիրեցեք մարդկությունը: Մարքեցեք նրա ուղին, նվիրվեցեք միմյանց օգնելու, միմյանց բարձրացնելու գործին և այդպես միահամուռ ուժով որոնեցեք իմաստությունն ու ճշմարտությունը... Նվիրվեցեք ձեր նմանների բարելավության, բարձրանալու գործին — ահա այն միակ միջոցը, որ պիտի տանի ձեզ Եսակա՛նալու կետին... Եվ օրհնյալ լինեք դուք ձեր անհագ, որոնող ձգտումներով, օրհնյալ լինի նաև նա, որ այդպես կորհնի ձեզ...

Ասաց պատկառելի ծերր ու, թիկն տալով բարձերին, ակնարկը սևեռեց անապատի անհունության:

Ամեն ինչ լուռ էր շրջակայքում. տերևներն իսկ չէին սոսափում, քամին հեղվում, հորիզոնի վրա ավազի ծուռումոռ սյունակներ էր հորինում և դեպի օդը տարածում. իսկ արևը կոացած՝ արնագույն շողք էր սփռում ավազի անծայրածիր տարածության վրա...

Այդ միջոցին էր, այդպիսի խոր լուռության մեջ, որ հանկարծ մի ահեղ մոնչյուն թնդացրեց օազիսն ու անապատը: Զիհրը խրխնջացին, ծառերի տերևների տակ թառած թռչունները ճչացին, և օազիսի խորքերից հաս-

նող այդ կատաղի մոնչյունին հետևեց մի մարդկային երկար սրտապատառ աղաղակ, ապա մի քանի հրացանաձգություն:

— Մի դժբախտություն... — գոչեց երիտասարդը, վազելով ձայնի կողմը, — առյուծի մոնչյուն էր դա:

Եվ աշխուժով դեմ գնաց դեպի նրան եկող ծառան:

Օազիսի խորքում, ծառերի հովանու տակ, կար մի խոր ընկած աղբյուր: Անապատի բնակիչները գիտեն, որ այդպիսի աղբյուրների մաս հավաքվում են երբեմն անապատի գազանները, իրենց ծարավը հագեցնելու կամ պարզապես զովություն ունենալու համար. և երբ երեք ծառաներ լավ զինված՝ իջել էին ջուր վերցնելու, աղբյուրի մեջ գտնվող մի վիթխարի առյուծ հարձակվել էր նրանց վրա, տապալել մեկին, ճանկերը մղել նրա մեջքի մեջ և անշուշտ պիտի պատահոտեր, եթե մյուսները չաղաղակեին և գնդակ շտեղային նրա վրա: Մի քանի գնդակ թիկունքում՝ առյուծը դուրս էր ցատկել և անհետացել՝ թողնելով իր զոհին գետնի վրա արյունաշաղախ:

Հազիվ թե ծառան պատմել էր այդ, որ երիտասարդ բնագետը արագությամբ դարձավ իրենց նստած տեղը, կորզեց մի փոքրիկ արկղ և գոչեց ծառային.

— Շուտ առաջնորդիր ինձ դեպի վիրավորը:

Եվ երեք ճանապարհորդները գրեթե վազելով իջան աղբյուրի խորքը: Այնտեղ, գետնի վրա տարածել էին վիրավորին և մի քանի ծառաներ, հանած նրա շորերը, վերքն էին լվանում:

— Շատ լավ եք արել, — ասաց երիտասարդը, — մնացածը թողեք ինձ:

Հետո շոքեց վիրավորի մոտ, ափով ջուր հանեց աղբյուրից, շարունակեց խնամքով լվալ, արկղիկից դուրս բերեց դեղեր, դադարեցրեց արյունհոսությունը, կապեց-փաթաթեց վերքը, և երբ վերցրին վիրավորին վրանը տանելու, զնաց նրա ետևից ու նստեց սնարի մոտ:

Ու մոռացավ այնուհետև հորը, իմաստունին և ուշադրությունը կենտրոնացրեց միմիայն վիրավորի վրա: Եվ նրա դեմքը արտահայտում էր խնամքոտ հոգատարություն. ճակատի վրա ակոս կազմեցին արգահատական խորշումներ, և նա, բժշկական մի գիրք բաց արած, կարդում էր, նորից կրկնում այդպիսի վերքեր դարմանելու խրատները:

Միայն երբ ծերունի հայրը հարցրեց, թե ինչպես կլինեք հիվանդը, պատասխանեց.

— Վտանգավոր է, եթե տաքությունը բարձրանա...

Եվ այլևս չնայեց նրանց. մոռացավ նրանց գոյությունը:

Այն ժամանակ ծերունին դարձավ իմաստունին և ասաց.

— Գնանք այլևս, մենք ավելորդ ենք այստեղ, քանի որ ոչնչով չենք կարող օգնել վիրավորին:

— Իսկ երիտասարդը:

— Այլևս նրան ոչ ոք չի կարող պոկ տալ հիվանդի սնարից, մինչև որ ապահով չլինի, թե կամ պիտի ազատի նրան, կամ ձեռք քաշի: Դա է նրա պարտքը...

Ու դուրս գնացին: Իմաստունը հուզված էր, սրտի մինչև խորքը հուզված: Զխոսեց նա այլևս ո՛չ մի բառ: Գիշերը անցկացրեց մի արմա-վենու տակ՝ փռված մեջքի վրա և անհունության մեջ պլպլացող աստղերը դիտելով ու երիտասարդ բժշկի արածի վրա մտածելով:

Երկու անգամ, կեսգիշերից անց, գնաց նա վիրավորի վրանը և գտավ երիտասարդին միշտ նստած, արթուն, հոգատար և ուշադրությամբ հե-տևող վիրավորի քնելուն, շարժումներին և հիվանդության ընթացքին:

Չհամարձակվեց խոսել և ո՛չ մի բառ: Երկրորդ անգամին բժիշկը գլուխը բարձրացրեց, նայեց իմաստունին մի վայրկյան, ժպտաց և տեսց.

— Պիտի ազատեմ սրան...

Եվ ազատեց: Մյուս առավոտ դուրս եկավ նա վիրավորի վրանից գլարթ դեմքով, բայց հոգնած և, երբ տեսավ ընկերներին, ասաց ուրա-խությամբ.

— Ազատված է...

Ապա ժպտաց երջանկությամբ, ընկավ անկողնի վրա և քնեց:

Այն ժամանակ ելավ իմաստունը, երկար զննեց երիտասարդ իդեա-լիստի երանավետ դեմքը, մի նշանավոր գործ տեսնելուց հետո հան-դիստ ու երջանիկ քնողի դիմագծերը, բարևեց ծերունուն և առավ իր գովազանը:

— Գնո՞ւմ ես, իմաստուն,— հարցրեց նրան ծերունին,— ի՞նչ անե-լու ես գնում, նորի՞ց թափառելու և միայնության, անապատի և կամ գըլ-թի մեջ ճշմարտություն ու նպատակ որոնելու...

Իմաստունը դարձավ, մի ըուպե կանգ առավ և ասաց.

— Ո՛չ, ծերունի, գնում եմ մարդկանց մեջ և պիտի փորձեմ իմ նմանների վշտերը ամոքելու միջոցը գործադրել. գուցե այդ է այն ճանապարհը, որ ես որոնում եմ. գուցե դրա մեջ գտնեմ մխիթարու-թյուն, գոհացում և կամ գուցե այդպիսի վսեմ շրջափակով կարողա-նամ փակել նպատակախույզ խորհրդածությունս անդունդը:

— Օրհնյալ լինես,— բարձրացրեց ձեռքը նրա վրա ծերունին,— ի-մաստությունը քեզ հետ, գնա՛, նվիրվիր ջո նմաններին, սփոփի՛ր նրանց ցավերը, և թող ջո իսկ տանջանքը թեթևանա դրանով:

նվիրվել իր նմանին...

Արդոք այդ նվիրվելը պիտի հասկացնե՞ր նրան, ավելի գիտակ-ցական ու ավելի՞ բարձր մտային մթնոլորտի հասցներ և արդյոք դա՞ պիտի լիներ փնտրածը գտնելու ճանապարհը:

Եվ ինչպե՞ս նվիրվել:

— Չգնա՞լ-գտնել թշվառին, հասկանալ նրա թշվառության պատ-ճառը, կովել այդ պատճառի դեմ, վերացնել նրան:

Չգնա՞լ-գտնել զրկվածին, փնտրել-ճանաչել զրկողին և ոչնչացնել նրա զենքը:

Չգնա՞լ-տեսնել հարստահարվածին, մարտ մղել հարստահարողների դեմ, թիկունք դառնալ ընկճվածին, բարձրացնել ընկածին, գիտուն դարձ-նել տգետին, լույս տալ խավարամտին, հանել ցեխի մեջ ապրողին, բուժել վիրավորվածին...

Եվ կամ չկովե՞լ արդյոք զրկողի, մարտնչել բռնավորի, ճակատ տալ մահվան դեմ և ազատել մանուկին տգիտությունից ու կեղտից, խլվո-ղին՝ խլողից, վիրավորվածներին՝ վիրավորողների ճիրաններից...

Եվ գնաց նա, շատ տարիներ զոհեց գիտություն ուսանելու, հետո մտավ թշվառների, ցավագարների մեջ: Մեկին մխիթարեց, քաջալերեց, բողոքելու հորդորեց, մյուսին դարմանեց, վերքերն սփոփեց...

Այնքան էր զբաղմունքը և այնքան էին մարդկային վշտերը, որ մո-ռացավ ամեն բան, նվիրվեց միայն դրան:

Բայց ցավերն ու զրկանքները ավելանում էին, աճում ու բազմա-նում. շատանում էր թշվառների թիվը, կուտակվում էին զրկվածներն ու անթոթությունից, կեղտի, տգիտության մեջ վիրավից՝ մեռնում էին. և ի-մաստունի ջանքերը, այդ բոլորից գոնե մի՞ հյուլեի դեմն առնելով՝ ապարդյուն էին անցնում: Հարստահարությունն ու անիրավությունը հե-ղեղ էր դառնում և մարդկությունը կլանում:

Եվ նա տեսավ, որ մարդկության մի փոքրիկ մասը ապրում էր մյուս մեծ մասին կլանելով, գոփել-գլլելով. գտավ, որ այդ մեծ մասը այնքա՞ն հարվածված, այնքա՞ն ստրկացած է, որ ոչխարի պես տանում է թշվա-ռությունը, ճանճերի պես կոտորվում, իր վաստակը ուրիշին տալիս և չի տրտնջում, չի բողոքում, այլ իր որդիներին իսկ հանձնում է որպես նրանց գործակից...

Եվ զայրացավ իմաստունը արդար բարկությամբ, աստվածային կրակով վառված գեն ձգեց իր ամոքիչ, շատ շնչին օգուտ տվող բոլոր դարձանները, պարզեց իր երկար հասակը, օւռաջ անցավ, ճշմարիտ

գիտութիւնն ու անկեղծութիւնը որպէս դեղ գրեց իր դրոշակի վրա ու մտալ հալածված ու հարստահարված ամբոխի մեջ: Հարվածեց աչ ու ահալ թառած անզղբի, որոնք կրծում են մարդկութեան սիրտը, սարգերի, որոնք ծծում են ընկերութեան հյութը, գործողի վաստակը և որոնք ճարպացած՝ պաշարել են ընկերութեան առաջադիմութեան ճանապարհը:

Հարվածեց նա մարդու ցավեր հասցնող, մահացնող պարագիտների, մատը դրեց այն վշտերի և վերքերի վրա, որոնք ավելի շատ գոյանում են եղբոր կողմից, քան օտարի, և նա գայրուցթով գոռաց որ ո՛չ թե ուրիշ արարած է մարդուն թշվառացնում, այլ մարդն է մարդուն ուտում, հոշոտում, չպատառոտում և հարստահարում, և որ, եթե այդ շիներ, մարդկութիւնը վաղուց ի վեր ազատված կլիներ գազանների կամ այլ արարածների հարվածներից, տիրապետած կլիներ բնութեան երեւոյթներին, ըմբռնած կլիներ նրա շատ գաղտնիքները և իր ճակատագրի տերը եղած:

Գոռաց ու գոչեց նա համարձակ, որ սգիտութիւնն ու խավարը, վիշտն ու թշվառութիւնը մարդու համար գոյացնում է ի՛ր ընկերը, ի՛ր զրացին, ի՛ր եղբայրը, և որ այդ եղբայրասպան, եղբայրազավ վարձանքն է միակ պատճառը բոլոր կեղտերի, անիրավութիւնների և թշվառութիւնների...

Բայց նրան ծաղրեցին, նրա «միամտութեան» վրա ծիծաղեցին, անձնանկիրութեանն էլ «խենթութիւն» անունը դրին:

— Ինչի՞ դեմ ես կռվում,— ասացին նրան,— չէ՞ որ գոյութեան կռիվը անհրաժեշտ պայման է առաջադիմութեան, կատարելագործութեան, իսկ գոյութեան կռիվը ունի այդպիսի հետևանքներ. ուրեմն և այդ բոլորը բնական է:

— Մի՞թե այդ բոլորը բնական է,— աղաղակեց նա,— մի՞թե աշխատանքը կեղծութեան ու անիրավութեան պետք ունի, մարդկութիւնը ստութեան ու միմյանց պատառոտելու պահանջ՝ որպիսզի գոյութիւնն ունենա, առաջադիմի...

— Այո՛, — պատասխանեցին նրան,— արարածները միմյանց ուտելով գոյութիւնն ունեն, եղբայրները միմյանց զրկելով են աճում, իսկ այդ անելու համար հարկավոր է կեղծութիւն, սուտ և անիրավութիւն...

— Մի՞թե ես մոլորված եմ,— մտածեց նա հուսահատաբար,— մի՞թե դարձյալ խաբվեցի...

Եվ այդպես, իմաստունը իր ոգևորութեան մեջ հանկարծակիի գալով շփոթվեց և չգիտեր ինչ անել: Գիտեր, զգում էր, որ մարդկանց ասածը ճիշտ չէր և որ այդ՝ այդպես չպիտի լիներ: Նա լավ գիտեր, որ նյութական հավասարութիւնը կարող էր վերջ տալ բոլոր անիրավու-

թիւններին և անօգուտ գործիքի փոխել կեղծութիւնն ու ստութիւնը, բայց նրա հուսահատ շվարմունքը գոյանում էր այն հանգամանքից, որ եղած գրութեան արդար անվանողը, բնական գտնողը նույնիսկ իրենք— զրկվածներն էին, իրենք— հարստահարվողներն ու թշվառները:

— Զգիտեն, թե ինչ են անում...— ցոլաց հանկարծ նազովրեցու խոսքերը նրա մտքում,— հարկավոր է ուրեմն հասկացնել իրենց գրութիւնը, հարկավոր է ապացուցել, որ հնարավոր է ավելի լավ գրութեան հասնել, ապրել որպէս մարդ:

Եվ ահա այդ միջոցին էր, որ մի ոչ իմաստուն մտտեցավ նրան ու ասաց.

— Իզուր ես կռիվ մղում դանակների դեմ, պետք է դանակ բռնող ձեռքերը գոսացնել:

Ասաց և անհետացավ, թողնելով իմաստունին ապշութեան մեջ:

— Ով անհատակ իմաստութիւն,— աղաղակեց նա,— որքան անսպա՛ռ ես դու:

Հետո քայլեց, կանգնեց հրապարակի վրա, հավաքեց իր շուրջը բոլոր վիրավորներին և ասաց.

— Դարմանեցի ես ձեր վերքերը, բայց վաղը էլի դուք վերք կստանաք: Փշրեցի ես շատ դանակներ, բայց նրանց բռնող ձեռքերն էլի կշինեն դանակներ. փշրենք այդ ձեռքերը:

— Փշրենք ձեռքերը,— ոռնաց ամբոխը, թնդացրեց հրապարակը, փառաբանեց իմաստունին: Բայց երբ դանակ բռնող ձեռքերը մոտ եկան և կամենալով մի անգամ ընդմիջտ ազատվել «խենթից», բռնեցին իմաստունին— ամբոխը ցրվեց ու նրա խոսքերով ոգևորվողները թողին նրան ու փախան:

Ու գնաց իմաստունը շղթայի մեջ կապկպված ու մտածեց Հիսուսի վրա:

Անշուշտ այդպես էր, որ բռնել էին նրան՝ անհավասարութեան ու կեղծիքի դեմ քարոզողին: Եվ անշուշտ, երբ բռնում էին նրան, «օվսաննա» կանչող ամբոխը նույնպես ցրվեց, մոռացավ մեծ մխիթարչին:

Միայն մոռացա՞վ... Բայց ոչ. ահա ներկայանում է նրա առաջ Գողգոթան, խաչը, նրա ստորոտում շարժվող այն ամբոխը, որ քիչ առաջ «օվսաննա» էր գոչել, իսկ այժմ նույնքան ոգևորութեամբ ոռնում էր. «Ի խաչ, ի խաչ հան զդա»:

— Ի շուր, ի շուր խենթին:

Ոռնում էր ամբոխը իմաստունի ետևից և քարեր ու ցեխ շարժում նրա վրա: Զէին սպանել, այլ դուրս էին վռնդում քաղաքից:

Եվ այժմ գնում էր նա գավազանը ձեռքին, վերարկուի մեջ փաթաթված. վազում-փախչում էր իր ետևից արծակվող քարերից, որոնք շարդում էին նրա թիկունքը, վիրավորում գլուխը. փախչում էր քիչ առաջ փառաբանող և այժմ ծաղրող ու հայհոյող ամբոխից:

— Հի՛վ, հի՛վ... քարկոծեցեք խոռվարարին, ցեխ նետեցեք խելագարին:

Ու գնաց նա տխուր, հոգնած, դուրս փախավ քաղաքից, վազեց հեվալով, խուսափեց քարերից և ծաղրից. և այդպես խոր խոցված դառնությամբ լցված, ուշաթափ՝ ընկավ մի ծառի տակ:

Իսկ երբ ուշքի եկավ, գտավ, որ իրեն դրել էին մի պատմուճանի վրա, և երկու հոգի նստել գլխի վերևը: Մեկը երիտասարդ, մյուսը՝ ծերունի: Երկուսն էլ վշտացած, թախծալից, դեմքերով, երկուսն էլ լուռ և մտախոհ:

Ճանաչեց նրանց. ծերունի փիլիսոփան էր և բնագետ որդին: Երեքի հայացքներն էլ մի ընկալում էին մնացյալ միմյանց վրա. երեքն էլ երկար ժամանակ չէին տեսնվել և շատ փոխվել էին: Ծերունին զառամել էր, երիտասարդը ալեխառն դարձել և իմաստունը՝ արևակեղ ու մաշված:

— Այդ դուք եք, — ասաց վերջապես իմաստունը, — ճանաչեցի ձեզ այդ դուք եք, որ ինձ դրիք սխալ շավղի վրա և ինձ ըմբռնել տվիք, թե իդուր է նվիրվել իմ նմաններին, որովհետև նրանք սիրում են ապրել ցեխի և կեղծության մեջ, և այդպիսի կյանքի դեմ խոսողներին հալածում են, ծաղրում ու քարկոծում... Նայեցե՛ք ինձ: Կյանքիս շատ տարիները նվիրեցի օգտակար դառնալու իմ նմաններին, ուսումնասիրեցի նրանց ցավերը, գտա վերքերը, մատու դրի նրանց վրա, բարձրաձայն քարոզեցի հարստահարողների, զրկողների, խլողների և մանավանդ կեղծողների դեմ. ոչինչ չժածկեցի, մերկ ճշմարտությունը հրապարակի վրա դրի և... վիրալիցներն ու զրկվածները, հալածվածներն ու խաբվողներն էին, որոնք ծաղրուծանակ դարձրին ինձ, քարեր նետեցին իմ անկեղծության վրա, պղծեցին մերկ ճշմարտությունը, թրեցին նրա վրա, նրա մերկությունը անբարոյականության հետևանք հուշակեցին և գոչեցին ինձ:

— Կորիք քո անկեղծությամբ ու ազատախոսությամբ. մենք ավելի լավ ենք զգում մեզ կեղծության և ստույգության մեջ, կորիք...

Ու վոնդեցին... Դուք մոլորեցրիք ինձ. այդ չէր իմ փնտրածը՝ լուռ էին ծերունին և երիտասարդը և ոչինչ չէին կարողանում ասել:

— Նվիրվել իմ նմաններին... — շարունակեց վշտացած ձայնով իմաստունը, — ես այդ արի, բայց տեսա, որ այդտեղ հարկավոր էր կեղծություն, ստորություն. հարկավոր էր խաբել անկեղծաբար ու լրբաբար կեղծել, նույնիսկ հանուն իդեալների, հանուն ճշմարտության՝ անա-

մոթաբար կեղծել. տասին կեղեքել, մեկին օգնել. մարդկանց կողոպտել և աստծուն նվեր տալով բարեպաշտ հուշակվել. հասարակական մի շնչին գործ կատարել և բարեգործ անունով հուշակվել. տասով զջլել, մեկով խլվողների աչքը շլացնել... խաբել, խաբել ու խաբել...

Ո՛ր, այդ չէ իմ որոնած ճանապարհը: Մի՞թե մեծ նպատակին հասնելու համար այդ է միջոցը, ինչ որ մարդկությունն է բռնել — այսինքն միմյանց պատահոտելու, միմյանց խաբելու, միմյանցով կերակրվելու այդ մոլեգին ուղղությունը:

Ի՞նչ է ուրեմն այդ մեծ նպատակը, որին գնում են այդպիսի կեղտոտ շավղով:

Եվ շնայելով, որ հոգնած էր, այդ ասելուց հետո օտքի ելավ, առավ գավազանը, պնդեց կոշիկի կապերը, պահ մի կոթնած ծառին՝ նայեց երկու անձների վրա և պատրաստվեց գնալու:

Այն ժամանակ ծերունին ասաց մեղմ ու թախծալից ձայնով:

— Գնա, որդիս, ճշմարտության ճանապարհը փշոտ է, խիստ փշոտ, և այդ փշերը աճում են ու ոռոգվում նրանց վրայից քայլողների կարմիր արյունով, բեղմնավորվում նրանց մեջ ընկնող նահատակների աճյունով:

— Իսկ այդ ճշմարտությունը, — աղաղակեց իմաստունը, — այնքա՞ն վեճ է, որ կարելի լինի առանց հուզվելու դիտել դեպի նրան գնալու աղտոտ ճանապարհները, որ կարելի լինի այդ նախճիդները արդարացնել, բնական համարել, առանց զզվանքի ու սոսկումի ալանատես լինել և նրա դեմ խոսողներին խենթ, աննորմալ համարել... Ո՛ր, հազար անգամ ոչ այդ չէ այն ճանապարհը, որ ինձ հարկավոր է՝ գտնելու համար բարձրը, մաքուրը և ճշմարիտը:

Եվ երբ ասաց, ողջունեց ու հեռացավ:

Ու մի վայրկյանում մարեց նորից նրա խանդը, ավելի և ավելի կնճովեց ճակատը, կորացավ մեջքը: Նորից անհուսություն, փնտրողության անհատակ վիճը բացվեց նրա մաքրի մեջ, նորից հարցական մեծ նշանը, սոսկալի փափազը:

Հալածված, հուսահատ, մտային կրկնապատկված տանջանքով, ավելի քան երբեք՝ որդնողության փափազով տոչորված, թոզեց իմաստունը բնակությունները և հեռացավ նորից ամայությունների մեջ:

Գնում էր նա առանց կանգ առնելու, առանց հոգնելու: Չէր ուզում կանգնել այնտեղ, ուր նշմարում էր մի նշույլ իսկ սողունության, քա-

ապկուսի մտային պատվարների մեջ ամփոփված գեոունների և ուր նա տեսնում էր միշտ նույն կեղծութիւն մեջ բոված ու նրանով միայն սըն-վող, միմիայն լափող արարածների...

Քայլում էր միշտ առաջ, և նրա մտածութիւնը մոլորվում էր միակ մեծ հարցի անհասկանալիութիւն շուրջը:

Ինչու՞ այդ բոլոր սոսկալի ստեղծագործութիւնը, այդ զզվելի, եղբայրասպան, եղբայրակեր մորիկը, այդ խառնը. ինչպե՞ս էր պարզվելու նա ապագայում, ինչի՞ն հանգելու, ի՞նչ կիրպարանքներ գոյացնելու և ավելի հեռուն— դեպի ո՞ւր գնալու:

Այսպես տանջված ու մոլորված մտային բարձրութիւնների վրա, կտրեց նա դաշտ ու հովիտ, անտառ ու ծովեզր, գնաց ու գնաց, պատմութիւնը չի հայտնում, թե որքա՞ն ժամանակ գնաց, բայց երկար քայլելուց հետո հեռվից, վերջալույսի կարմրորակ լույսի տակ, մի բարձրութիւն վրա նկատեց մի ամբողջ՝ շրջապատված գեղածիծաղ ծառաստանով:

— Դարձյալ սողունների բնակարան,— մտածեց նա զզվանք և ուզեց ծոել ճանապարհը. բայց ներքին մի անբացատրելի ուժ մղեց նրան դեպի ամբողջը, և իմաստունը, երբ մթնում էր, իրեն գտավ ամբողջ դռան առաջ:

Ոչ մի մարդկային էակ չէր երևում. ոչ էլ ծառաստանում, ուր վճիռ առվակները մի զովութիւն էին սփռում, ուր ծաղկանոցները օդն էին լցնում՝ իրենց անուշահոտութիւնով, և շքեղ ծառերի տակից երևում էին երբեմն սիրուն եղնիկներ, նայում իմաստունին և անհետանում:

Մտավ իմաստունը այնտեղ, բայց սաղարթախիտ բարձր ծառերով հովանավորված լուռ և խորհրդավոր ծառուղիների միջով և ոչինչ չլսեց՝ եթե ոչ, միայն բազմազան թռչունների ճովողիւն և ջրի մեղմիկ, անուշ կարկաչ:

Ոչ մի մարդկային էակ. միայն բնութիւնն էր իր խուլ, անորոշ շշուկով, թռչուններն իրենց գողտրիկ դայլայլներով, ջուրն իր մեղմիկ, հանգստացնող ու ջղերը հանդարտեցնող շշուկով ծառուղիներն իրենց խորհրդավոր լուռութիւնով և մթնաշաղախ լույսով, օդն իր զովութիւնով, միայնութիւնն իր այդ բոլոր զարդերով, որ իջեցրեց իմաստունի վրա մի երանավետ սփոփանք, ամոքիչ անդորրութիւն: Ընկավ նա կանախ խոտերի վրա, ավազանի կողքին, ուռենու տակ ու երջանիկ՝ որ մի վայրկյան գոնե կարող պիտի լիներ ազատ մնալ հոգեկան տանջանքից — լախ թռքերով ծծեց բնութիւն մեջ սփռված բուրմունքն ու թարմութիւնը...

Եվ ահա ուռավ նրա սիրտը. և երգեցին թռչունները, մրմնջաց ջուրը, սոսափեցին տերևները, ու իմաստունի այտերն ի վար գլորվեց նրա

անհուն տանջանքի, ահավոր փափագի, անհատակ անգոհութիւն և ըմբոստացող ոգու ու գիտակցութիւն արտահայտութիւնը՝ ամփոփված արցունքի խոշոր ու վճիռ կալծակների մեջ...

Որքան դա՛ն էին այդ կաթիլները, որքան կիզի՛չ: Ավանդութիւնը ասում է, որ իմաստունի տենչալից որոնողութիւն այդ հեղուկ արտահայտութիւնները գլորված լինելով խոտի վրա, վայրկենապես այրել, մոխիր էին դարձրել նույնիսկ հողը, գետինը:

Այդպես մնաց նա երկար, տարածված ավազանի եզրի վրա, երջանիկ՝ վայրկենական թուլութիւնով, որով հանգստութիւն, անդորրութիւն էր գտնում: Եվ երբ դադարել էին թռչունների երգերն, ու զովքամին սաստկանում էր, սթափվեց, մտտ գնաց ջրին ու լվաց երեսը:

Գեղեցիկ էր գիշերը, լողում էր լուսինը երկնակամարի կապտութիւն մեջ, պահում սպիտակ ամպակույտերի տակ, նորից առաջ սրանում և անդրադառնում էր ավազանի ջրերի խորքերում: Իմաստունը նայեց այդ խորքերին՝ կոացած ջրի վրա դիտեց երկնքի անհունութիւնը, որ ավելի խոր ու անհատակ էր թվում ջրի մեջ... և ահա նորից գոյացավ նրանում այն բոլոր տանջանքն ու տենչանքը, որ ծնում էր անբավական ոգուց, գիտենալու անհուն փափագից...

Այդ միջոցին էր, որ հեռու, մեծ ավազանի դիմացի ափին, նկատեց նա մի երիտասարդի՝ ընկողմանած խոտերի վրա: Լուսնի լույսը թուլատրում էր տեսնելու, թե որպիսի հանդարտ դառնութիւնով արտասվում էր թշվառը, աչքը երկնքին հառած, անշարժ ու մարմնացած հուսահատութիւն նման:

— Ահա մի ուրիշ տանջվող,— մտածեց իմաստունը,— արդյոք նա՞ էլ է որոնում գիտենալ այն, ինչ որ իմ թշվառութիւնն է կազմում, ինչ որ խոր է որպես անդունդ, անըմբռնելի՞ որպես գոյութիւն շունեցող մի բան...

Ու առաջ գնաց դեպի նա: Երիտասարդը լսեց իմաստունի ոտնաձայնը, դարձավ, սրբեց արտասուրը և կիսովին բարձրացավ:

Ողջունեց նրան իմաստունը: Երիտասարդը զարմացած՝ ընդունեց նրա ողջունը, հրավիրեց նստել իր կողքին և սասց.

— Բարի լինի գալուստդ իմ ամբողջ մեջ, ով գերվիշ. տեսնում եմ, որ մի խոր տանջանք ալոսել է քո ճակատն էլ այնպես, որպես ոչ մի վիշտ չէ կարող անել. տեսնում եմ, որ կյանքից ու մարդկութիւնից զզված, դժգոհ՝ ծնված լինելուց, դժգոհ՝ բնութիւն գոյութիւնից, դժգոհ՝ եղած ցեխային կյանքից, ինքնամոռացութիւն միայն ապավինած մի իմաստուն ես, որ գնում ես այնտեղ, որտեղ ոտներդ են տանում, տեսնում ես այն, ինչ որ աչքերդ են ցույց տալիս, և քո մեջ կամքն ու փա-

փազը գոյութիւն չունեն որպես անօգուտ, ավելի տանջանք ու ավելի ցավ պատճառող ավելորդութիւններ...

Նստեց իմաստունը նրա կողքին, նայեց երկար այդ սիրուն և վըշտաւից երիտասարդին, ժպտաց ու ասաց.

— Քո հոգու դրութիւնը նկարագրեցիր, երիտասարդ, բայց ոչ իմը որոշ շափով վշտակից ենք, որից հետո դու ուրիշ ճանապարհով ես գնում, ես՝ ուրիշ: Դու զզվել ես կյանքից ու մարդկութիւնից, դժգոհ ծնված լինելուցդ, բնութիան գոյութիւնից, եղած ցեխից ու ինքնամոռացութիան ես ապավինել: Գնում ես այնտեղ, որտեղ ոտներդ են տանում, ցուրտից ես ապավինել: Գնում ես այնտեղ, որտեղ գոյութիւն չունեն բեզ համար... Բայց ե՞ս... Ես և փափազն ու կամբը գոյութիւն չունեն բեզ համար... Բայց ե՞ս... Ես ավելի թշվառ եմ, քան դու, որովհետեւ, եթե ես զզվել եմ կյանքից, այդ չի՛ նշանակում, որ մահ եմ փնտրում: Եթե զզվել եմ մարդկութիւնից, չի՛ նշանակում, որ խուսափում եմ նրանից: Ես խուսափում եմ նրա այդ չի՛ նշանակում, որ խուսափում եմ նրանից: Ես խուսափում եմ նրա կեղծ, ցեխային դրութիւնից, բայց ես փնտրում եմ լավը... Եթե դու ինքնամոռացութիւն ես տվել բեզ, ես ավելի ցավակցութիւն արժանի եմ, որովհետեւ չեմ կարող ինքզինքս տալ ինքնամոռացութիւն: Ընդ եմ, հակառակն, ես տանջվում եմ հենց նրանով, որ իմ մեջ, քանի գնում է գիտակցութիւն փափազն ու տենչանքը, փնտրողութիւն ցանկութիւնը մեծանում է, խոշորանում, ամբողջ էութիւնս կլանում... Ես ուզում եմ մեծանում է, խոշորանում, ամբողջ էութիւնս կլանում... Ես ուզում եմ գնացած տեղս գիտենալ, ապա գնալ ավելի հեռուն և այսպես ճանաչել անհունութիւնը: ուզում եմ գտնել այս բոլորի, այս շարժման, այս գոյութիւն վերջնական նպատակը, այս բոլոր մարդի հանգրվանը... Իմ մեջ ոչ միայն կամքն ու փափազը գոյութիւն ունեն, այլ հենց դրանք են, որ կազմում են իմ բոլոր տանջանքը: Ես կամենում եմ և փափազում — և ահա թե ինչու եմ տանջվում, ինչու տռչորվում...

Երիտասարդի աչքերը ցամաքեցին:

— Ո՛վ թշվառ իմաստուն,— գոչեց նա,— դու բո զշտով մխիթարեցիր ինձ: Ես կարծում էի, թե չկա աշխարհիս վրա տանջանք, որ իմինիս հավասարվի և որ կարողանա գերազանցել սրտի տանջանքին: Բայց սխալված եմ եղել: Կա մտային տանջանքը և դա, օ՛հ, սոսկալի է: Դա նմանում է հետզհետե արծարծվող, միշտ բորբոքվող և երբեք չմարող կրակին, որ դրված է ուղեղի վրա, և ո՛չ ուղեղն է սպառվում ու ո՛չ կրակը: Մտային տանջանքի մարմնացումը կովկասյան լեռների վրա կապված հսկան է, որ գիտակցութիւն կրակն է գողացել երկնքից և որ տանջվում է, որովհետեւ կամեցել է, փափազել...

— Դու հասկացար ինձ,— ասաց իմաստունը,— բայց անիծյալ փնէս, որովհետեւ զգում եմ, որ դու մի նոր խստութիւն ես տալու իմ

այս տանջանքին, որպես կրոնապետն ու այն երիտասարդ բնագետը ավին — մեկն իր հավատքով, մյուսն իր հուշով...

Ու վեր կացավ՝ խուսափելու այնտեղից, գուշակելով, որ այդ երիտասարդը մի նոր կծու սլաք է մղելու իր վերքի մեջ, մի նոր վիշտ ազդելու և կուտակված դառնութիւնը ավելի ծխացնելու:

— Կա՛նգ առ,— կանչեց նրան երիտասարդը,— կա՛նգ առ, իմաստուն, փոքրոգի մի՛ լինի. եկ և քամի՛ր բաժակդ մինչև մրուրը, և թող վերքդ բոլորովին խստանա, մտային տանջանքդ խորանա, լայնութիւն ստանա, պարփակի ամբողջ մարդկութիւնը, և թող դառնութիւնդ լուստա ավելի կատաղաբար, խանձե ամեն բան: Ինչի՛ց գիտես, որ այդպիսի խորացած դառնութիւնները չեն, որոնք պիտի պատեն գիտակցութիւն վրա պարզած քողը: Ինչի՛ց գիտես, որ այդպիսի զորեղացող մտային տանջանքը, ըմբոստացող ոգիները չեն, որոնք ոստենելու-անցնելու են խոշորոտները, որոնք իրենց զուխների փշրվելու գնով, ոտնատակ տալով մարդկութիւնը փտեցնող ճահիճը, իրենց տանջանքով շորացնելու են նրանց և գիտութիւն դրոշը կանգնեցնելու ապագա դալարագեղ, լույսով ողողված ասպարեզի վրա...

Իմաստունը կանգ առավ: Ո՛վ էր ուրեմն այդ երիտասարդը, որ այդպես համարձակորեն հարձակվում էր նրա փոքրոգութիւն վրա, որ հոր-գորում էր նրան տանջվելու, որոնելու, ըմբոստանալու և հետևաբար՝ միշտ թշվառ, միշտ ապերջանիկ մնալու...

Չկարողացավ տեղից շարժվել:

— Ո՛վ ես դու, երիտասարդ,— ասաց նա,— արդյոք դու ինձնից ավելի շա՛տ ես ապրել, ավելի շա՛տ ուսել և ավելի՛ հասկացել. և ի՞նչ ես ապրել, որ հասել ես այդ բարձրութիւն. տանջանքի ի՞նչ մեծ բովից ես անցել, որ համարձակվում ես ինձ փոքրոգի անվանել: Խոսի՛ր, ի՞նչ ես կրել դու, որ ավելի փորձառու ես գարձել, ավելի իմաստուն՝ քան ես:

Երիտասարդը դառնութիւն մը էի աչքերով նայեց իմաստունին և ասաց.

— Սիրել եմ. ահա թե ինչ:

6

Իմաստունը զգետնած էր: Երբեք չէր մտածել կրքերի այդ ամենամեծի վրա, որ տանջանքների ամենամեծ աղբյուրն է փորձառութիւն ամենամեծ բովը: Երբեք նա չէր սիրել, և երբեք չէր ճաշակել սիրո քաղցրահամ դառնու-

թյունը, անուշ տանջանքը՝ Եվ այժմ, մի վայրկենում, երիտասարդի մի խոսքը բաց էր անում նրա առաջ մի նոր աշխարհ։

Արդյոք դա՞ էր ուրեմն տիեզերային շարժման, մրկային ամբողջ պտույտի վերջնական նպատակը. ա՞յդ, թե՞ գուցե նրա գոյություն պատճառն էր միայն, նյութի ձևափոխության, բեղմնավորության, ուժի կուտակման և արդյունքների միակ արտադրիչը։

Արդյոք այդ խանդալից կի՞րքն էր, որ ստեղծել էր ու ստեղծում էր, որ քանդել էր և որ քանդում էր ամեն ինչ, որ շինում էր և ավերում, ստեղծում էր և ոչնչացնում և փոխնիփոխ արարչի կործանիչի դեր կատարում բնության մեջ...

Եվ երբ մտածում էր այդ բոլորը, նայեց երիտասարդին և տեսավ նրա վշտակոծ դեմքը, նրա քայքայվող հոգու դրությունը։ Եվ իմացավ, որ սերը իր ստեղծիչ բազուկը փոխել է կործանիչի այդ մատաղ սրտում, և որ խարխիվում էր նյութը, որովհետև կաթ առ կաթ դուրս է գնում նրա միջից նրան կապակցող ուժը, նրան կենդանի, շարժուն պահող խանդը...

— Խոսիր, — ասաց նա վշտալից, — պատմիր, բարեկամ, քո պատմությունը, և թող ինձ տեսնել, թե արդյոք սե՞րն է այն մեծ նպատակը, որին փնտրում է իմ անհանգիստ միտքը, և որը միշտ խուսափում է իմ հասկացողությունից. արդյոք դա՞ է, որին ես անկարելի էի համարում գտնել, թե՞ դա ոչ թե նպատակն է, այլ ճանապարհ դեպի նրան գնալու... Պատմիր, թե ինչո՞ւ ես մնացել մեն-մենակ այս ամբողջի մեջ, արտավալից, վշտակոծ ու քայքայված...

Եվ երիտասարդը սկսեց պատմել։

— Հարուստ հոր զավակ եմ, — ասաց նա, — և այս ամբողջն ու ծառաստանը, այլև շրջակա շատ հասույթավոր հողեր իմն են։ Ոչինչ չի պակասում ինձ. ո՛չ շքեղություն և ո՛չ զվարճություն։ Երիտասարդ եմ, որպես տեսնում ես. հիվանդ էլ չեմ, և կար ժամանակ, որ իմ զվարթ և ուրախ տրամադրությունը պարզում էր ամեն մտայլ ճակատ, գեղածիժող դարձնում այս ամբողջն ու պարտեզը և զվարթություն սփռում բոլոր ինձ շրջապատողների մեջ։

Այսպես միշտ զվարթ ապրում էի ես այն ժամանակ իմ ամբողջում, և ոչինչ չէր պակասում, երբ մի օր, որսի ժամանակ անտառի մեջ հանդիպեցի դրացի իշխանի աղջկան, և մենք երկուսս էլ սիրահարվեցինք միմյանց։

Երևակայել այնպես սեր, որպիսով մենք կապվեցինք միմյանց, որ չես կարող, իմաստուն։ Այդ տեսակ սեր երևակայելու համար հարկավոր է լինել տաք կլիմայի բուռն զավակ, երբեք սիրած չլինել. հարկա՞

վոր է ունենալ բնությունն ամբողջ սրտի մեջ, էությունն ամբողջ իր կրթերի գերի...

Սիրել այդպես՝ ես չեմ երազում նորից, որովհետև երկրորդ անգամ անհնար է. նույն խորությունը, նույն բուռն, գրեթե խենթային թռիչքը չի ունենալ։ Մենք սիրում էինք միմյանց — ի՞նչ հարկ մի ածականով նվագեցնել այդ բառի սաստկությունը. սիրել — դա նշանակում է ապրել ու շնչել միմիայն սիրո առարկայով, նրա ազդած տանջանքով հավիվելու հավիվելովն երջանիկ լինել, աստվածանալ։ Սիրել — դա նշանակում է անձնապես գոյություն չունենալ, այլ ի մի ձուլվել սիրած առարկայի հետ և հավիտենապես սավառնած երազային աշխարհի մեջ, աստղալից և երջանիկ երկնքի խորհրդավոր միայնության տակ՝ օրորվել այնտեղ, հեռու բոլոր շշուկներից, ինքն իր մեջ, ինքը նրա մեջ ամփոփվել և այդպես շոգիանալ, ցնդել...

Ու լուց պահ մի, և հայացքը երկնքի կապտության մեջ մոլորվելու սլացավ. դեմքը փայլում էր գերաշխարհային էքստազով ողողված, կարծես մարմնից դուրս ցայտող ֆոսֆորային մի լույսով, որ պարզ կերպով գծագրում էր նրա շքեղ գլուխը ունենիների ձգած մութ ստվերի վրա։

Իմաստունը ապշել էր. կարծում էր, թե սուրբի ալմազ էր գտնվում։ Երիտասարդի գլխի շուրջը փայլող նուրբ լույսը մի տեսակ խորհրդավոր երկյուղածություն ազդեց նրան, և նա պատկառանք մի քայլ ետ քաշվեց։

— Սիրել... — շարունակեց երիտասարդը, — դա նշանակում է ամեն բան. նշանակում է նաև ոչինչ։ Դա նշանակում է ապրել մեռնելով, տանջվել հաճությամբ, թունավորվել նեկտարով. դա նշանակում է և՛ բարձրանալ մինչև աստված, մինչև անհունություն, և՛ իջնել մինչև ցեխի մրուրը, մինչև ապականություն. դա մի խառնուրդ է երկու հակասությունների, որ մարդուս միակ մեծությունն է կազմում, նրա կյանքի միակ ձգտումը, միակ նպատակը...

— Միակ նպատակը... — բացականչեց իմաստունը։

Երիտասարդը սթափվեց, ցնցեց գլուխը, նայեց իմաստունին և ասաց.

— Ա՛հ, ներիր, իմաստուն. ես մոռացա, որ այստեղ ես երազում էի։ Ինձ թվում էր, թե ետ էի գնացել երկու ամսով առաջ, երբ ես ու նա, այս ունենիների տակ, կանաչ խոտերի վրա, միմյանց գրկում հավում էինք. երբ մենք լուռ էինք, և մեր շրթունքները միմյանց հոգին էին ծծում ու մեր սրտերն լռելիայն ասում էին միմյանց ամեն բան. այնպիսի զգացումների մասին խոսելով, որ բերանը անզոր կլինի արտահայ-

տել: Սիրողները, երբ լուռ են, նրանց սրտերը լռելյայն խոսում են մի-
մյանց հետ. նրանք իրար հասկանում են առանց բերան բաց անելու:
Եվ մենք լուռ էինք, ժպտուն՝ երկնքի պես, զվարթ՝ արեգի նման, վճիտ՝
որպես առվակ ու կենսախնդությամբ լի, ամեն ինչ մոռացած, ամեն ինչ
բուռն մեջ առած, միայն մեր մեջ և մեզ համար... Հիշում եմ. մենք սի-
բուսում էինք միմյանց այնպես, որպես սիրել կարող են միմիայն թիթեռ-
ները լույսին, մի բուսակից հետո գոյացող՝ մահվան գիտակից և նրան
արհամարհող...

Բայց... ասա ինձ ուրեմն, իմաստուն, մի՞թե ճիշտ է, որ բնության
մեջ ամեն ինչ վերջ ունի, որ ամեն ինչ փոփոխական է, որ ոչինչ հա-
րատե չկա: Ճի՞շտ է ուրեմն, որ այդքան զզվելի է բնությունը, և մենք
իզուր նրան բանաստեղծացնում ենք, նրանով ոգևորվում:

Իմաստունը լուռ էր. ոչ մի բառ չարտասանեց: Երիտասարդը մի
վայրկյան նայեց նրան, հետո թափահարեց ձեռքը.

— Բայց ես էլ գիտեմ այդ, — ասաց նա, — ինչո՞ւ եմ հարցնում:
Այո, չկա մի ճշմարտություն, որ դրա պես ճիշտ լինի, որ դրա պես
անխախտ ու հավիտյան լինի: Ոչինչ հարատե չկա բնության մեջ, ամեն
ինչ փոփոխվում է, և այդ օրենքն է միայն, որ անփոփոխ է... Ամեն
ինչ վերջ ունի. խորությունները լցվում են՝ լեռ դառնում, խենթային
թախքների թևերը կտրտվում, կրթերը նվազում ու կոշտանում, և սերն
էլ, որպես ամեն ինչ՝ դադարում է, փոխվում, ոչնչանում...

— Չեմ կարծում, — խոսեց իմաստունը, — ոչինչ չի ոչնչանում աշ-
խարհի վրա:

— Ես այդ էլ գիտեմ... Բայց չգիտեմ, թե ի՞նչ դարձավ ուրեմն
մեր սերը. ի՞նչ դարձավ այն զգացմունքը, որ նրա մեջ ավելի բուռն
էր, քան իմ մեջ. ավելի կրքոտ, ավելի պահանջող և կրակոտ...

— Բուռն, կրքոտ, պահանջող ու կրակոտ լինելու համար էր, որ
նա դադարեց, — ասաց իմաստունը, — կրակը լափեց յուզը, սպառեց:

Երիտասարդը ոտքի ելավ այն ժամանակ, և երկու տանջվողները
սկսեցին քայլել լճափն ի վար:

— Պատմե՛մ քեզ ամեն ինչ, իմաստուն, — ասաց սիրահարը, երբ
հասել էին մի մթին ծառուղու մեջ, — պատմե՛մ քեզ այդ և գուցե դու
մեկնես ինձ այն, ինչ որ խուսափում է իմ հասկացողությունից... Ես
գիտեմ, թե նա ինչո՞ւ է դադարել ինձ սիրելուց, բայց չգիտեմ, թե ի՞նչ
հարկավոր էր անել, որպեսզի նա չդադարեր և այնքան սիրեր ինձ,
որպես սկզբում էր, սրանից երկու ամիս առաջ:

— Նա այստե՞ղ է, — հարցրեց իմաստունը:
Երիտասարդը գլուխը ցնցեց: Որքան որ նա քիչ առաջ գտնվում էր

ոգևորված դրություն մեջ, այնքան այժմ ընկճված էր, թույլ, գունատ,
և այլևս լույսի ո՛չ մի նշույլ չէր ողողում դեմքը. ընդհակառակն, լույսի
աղոտ մի ճառագայթ մեռյալի կերպարանք էր տվել նրան:

Կոթնած իմաստունի թևին, քայլում էր հիվանդի պես:

— Գնաց... — խոսեց նա, — երբեմն միայն երևում է այստեղ, որ-
պես այցելու մի հիվանդի, որին խղճում են, որպես մի զոհի, դեպի
որք մի անդիմադրելի խղճահարություն են զգում. զնաց, գուցե էլի գա-
մ, ես նրան ամեն անգամ ընդունում եմ ոգևորված, նորից կենդանա-
ցած. բայց երբ ներս մտնելով առողջությունս է հարցնում, գթալից աշ-
քերով ինձ նայում, երբ ձեռք բռնած՝ խնամոտ համակրանք է ցույց
տալիս, և երբ մտածում եմ, որ նրան ինձ մոտ պահելու համար պետք
ունեմ չափավորել զգացումներս, ծածկել տանջվող ուղեղիս գրությունը,
երբ տեսում եմ, որ իմ վիճակը նրան ավելի է տանջում, և նա խղճում
է ինձ — զգում եմ, որ նա ավելի է խուսափելու ինձնից... Ես հասկա-
նում եմ, շատ լավ հասկանում նրա հոգու դրությունը: Ինքն իրեն հան-
ցավոր է զգում իմ վերաբերությամբ, զգում է, որ ես իր զոհն եմ և
քանի ավելի շեշտվում է նրա մեջ այդ գիտակցությունը, այնքան մե-
ծանում է նաև ինձնից խուսափելու պահանջը... Հարկավոր է ուրեմն
ծածկել նրանից ամեն ինչ — դրությունս, զգացածներս — և ահա այդ է,
որ շեմ կարողանում անել. այդ անընդունակությունն է իմ թշվառության
միակ պատճառը...

— Կեղծել չգիտես ուրեմն:

— Կեղծե՞լ... Մի՞թե կարելի է սիրո մեջ կեղծություն դնել. սիրել
կեղծելով. և ինչո՞ւ համար: Ինչո՞ւ այդ միակ տեղում, այդ միակ հան-
գամանքում գոնե անկեղծ լինել, ինչո՞ւ գիտակցաբար կեղծել: Որպես-
զի ընդհատվի՞: Ինչո՞ւ ուրեմն խայծեր սարքել, խաղեր ստեղծել: Ո՛չ,
ես կեղծել չեմ կարող: Եթե երջանիկ եմ — դա երևում է իմ դեմքից, իմ
վարձանքից, իմ խոսքերից: Ես հոգիս բաց եմ անում իր բոլոր մութ
խորշերով և լուսավորում նրանց իմ խոսքերով, նրա ամենաթաքուն ան-
կյունը պարզում իմ վարմունքով. ես թաքցնել չեմ կարող զգացածներս
նրա առաջ, որին սիրում եմ, որի համար եմ միայն շնչում... Ես ան-
ջաղառ և անընդհատ արտահայտում եմ իմ սերը, իմ զգացումները,
որովհետև հոգուս մեջ այդպես է, որովհետև թաքցնել, ծածկել և սա-
կավ առ սակավ տալ չեմ կարող: Նրանով լիքն է սիրոս, գուրս է հա-
սում, և ես մինչև հատակը ցույց եմ դնում նրա առաջ ինչ որ ունեմ,
ինչ որ շնչում եմ, ինչի համար որ ապրում եմ. ես անդադար և ան-
ընդհատ ցույց եմ տալիս նրան, որ սիրում եմ և որ առանց նրան շնչել

չեմ կարող... Այդպես եմ անում, այդպես խոսում՝ որովհետև այդպես էլ զգում եմ...

Իմաստունը, որ գլուխը կախած լսում էր, բարձրացրեց հայացքը և մտալը որպես մարմնացած թախիժ՝ դարձավ դեպի թշվառը:

— Երիտասարդ, — ասաց նա, — դու թշվառ ես, որովհետև անկեղծ ես եղել, զգացումներիդ անկեղծ արտահայտությունը նրանց խանդոտության հետ միասին, սառեցրել են կնոջ կեղծություններ սնված զգացումների, կեղծության կարոտ, կեղծություններ միայն շարժվող սիրտը: Եթե ուզում ես ապրել, պարտավոր ես կեղծել, խայծի խաղ սարքել այդ կնոջ հետ, ցույց տալ, որ այլևս չես սիրում նրան. քանի խուսափես կնոջից — այնքան կինը կվազե քո ետևից. քանի պնդես նրա ետևից, այնքան նա կխուսափի... այսպես եմ եզրակացնում ես այդ բոլորից, և թող անիծյալ լինի սերն էլ... Սերն էլ չէ այն ճանապարհը, որ կարող է առանել դեպի իմ որոնած նպատակը. դու փշրեցիր մի լար էլ իմ սրբուհից — մի վերջին լարը. ես գիտեի, դու մի նոր ուժգնություն տվիր վերջիս. անիծյալ եղիր դու էլ... Թող ինձ. ես դեռ ոչինչ չեմ գտել, ոչինչ չեմ հասկացել, եթե ոչ՝ որ ամեն ինչ կեղծ է և անտանելի:

Ու ետ քաշվեց, փաթաթվեց վերարկուով, նայեց երկնքին և ուզեց հեռանալ:

Երիտասարդը տխրությամբ պարզեց նրան իր ձեռքերը:

— Կանգ առ, խնդրում եմ, — գոչեց նա, — կանգ առ, դու բոլորովին սպանում ես ինձ քո վշտով:

— Կամենո՞ւմ ես, — շարունակեց իմաստունը մի նոր ուժգին դառնությամբ, — կամենո՞ւմ ես ապրել այսպիսի աղտոտ կազմակերպության մեջ, երջանիկ լինել այնտեղ, երջանիկ համարվել, այդ տեսակ սիրուհու վերագտնել, այսպիսի մարդկության մեջ անուն հասնել... կամենո՞ւմ ես. այն ժամանակ մի ճար է միայն մնում քեզ — կեղծի՞ր...

Ասաց արհամարհությամբ արաբացի իմաստունը և արագ քայլերով, առանց ետ նայելու՝ դուրս գնաց ծառաստանից ու հեռացավ ամբողջ...

7

Քայլեց նա և քանի առաջ էր գնում, այնքան ավելի թանձրացած կերպով վերարտադրվում էր նրա մտային տանջանքը, վիհը և անըմբռնելի ապագան. այնքան էլ ավելի ուժգնանում էր նրա դառնությունը:

Քայլեց նա ավելի քան երեք՝ ընկճված, Տանտալոսի պես պապած կած շրթունքը՝ մտովին երևակայած առվակին ուղղած — առվակ, որ

միշտ խուսափում էր. ցանկացող ձեռքերը մտովին երազած պտուղների տարածած — պտուղներ, որոնք միշտ ետ էին քաշվում, բարձրանում, կախ ընկած անհունության մեջ, փայլուն որպես ո՛չ մի աստղ, ցանկալի՝ որպես ո՛չ մի բան...

Եվ այդ մտային ցանկալի երազները քանի գնում՝ հեռու, շատ հեռու էին թվում նրան:

Եվ ահա տեսավ ու համոզվեց նա, որ ահավոր հրեշկեղծությունը մտել է աստծուն պաշտելու, իր նմանին նվիրվելու և սիրո զգացմունքների մեջ, որ նա փակում է դեպի բարձրն ու վսեմը գնալու ուղին, որ նա մտել է ամեն, բացարձակապես ամեն բանի մեջ. ամենաշնչին թաքուն խորշերից սկսած մինչև ամենալայն տեղերը գրավել, որ սարդի է նա մարդկանց՝ միմյանց հետ ունեցած հարաբերությունների, մտերիմ ընկերների, միմյանց շեքմ սիրողների, միմյանց մեռնելու շափ նվիրվածների, ինքն իր մեջ, երկու նոր հանդիպածների, երկու ամենահին բարեկամների, հայր ու որդու, ամուսինների... ամենքի մեջ այնպես, որ նա բնություն դառնալով, մեծ մասամբ աննշմարելի եղած պահանջ է դառնում. և որ շկա բացարձակ անկեղծություն, որ բացարձակ անկեղծ լինել կամեցողը ոչ միայն դժբախտ կլինի, կատվի, կհալածվի, մենակ կմնա, քաղցած կմեռնի, խենթ կնկատվի, կբարկոժվի և կդառնանա, այլ որ նա շուտով կհամոզվի, թե կեղծություն է մարդկային այսպիսի փշացած ընկերության մեջ կապ պահող շղթան, որ կեղծություն է թաքնված այդ առերևույթ երջանկությունների, մարդասիրության, բարության, ազնվության, ոգևորության, իդեալականության և բոլոր այլ «վսեմ» անվանված հատկությունների, նույնիսկ «անկեղծության» տակ...

Եվ եկավ իմաստունը այն եզրակացության, որ մարդկությունը երջանիկ կլինի և կհասնի վսեմ ու բարձր ապագային այն ժամանակ միայն, երբ հիմնովին տապալվի կեղծության վրա կանգնեցրած այս կազմակերպությունը, և երբ բացարձակ անկեղծությունը լինի ամենաստվորական, տիրող բարոյականը...

Այն ժամանակ ահա մարդս կարող պիտի լինի հասնել այն խորհրդավոր նպատակին, որը նա այժմ չի տեսնում, որի մասին նա ոչինչ չգիտի և — քանի այդպես կեղծ է — չպիտի գիտենա, չպիտի հասնի...

Ու խոնարհեց գլուխն իմաստունը՝ ավելի քան երբեք ճնշված սրբուով, վշտացած հոգով, ու նման Տանտալոսի, որ կամեցել էր անմահության գաղտնիքը խլել աստվածներից և դատապարտվել էր մշտական ծարավի, հավիտենական քաղցի տանջանքին — նրա մտքի մեջ բացվեց նորից անհատակ փնտրողության անդունդը, և գոյացավ տոշորոզ ծարավ, անհագ քաղց...

Հավատի, անձնվիրութեան և սիրտ ազդեցութիւնը խախտվել էին նրանում. գտել էր, որ դրանք չեն դեպի փայլուն ու բարձր ապագան տանող շավիղները, որովհետև բոլորն էլ թանձրապես փակված են կեղծութեան զզվելի տիղմով — բայց և զգում էր, որ այդպես շպիտի լինելը, որ դա բուն կերպով անբնական, բռնութեամբ ուղղութիւնը ծռած, ճանապարհները տիղմով լցրած, խայտառակ ու խողային դրութիւն էր, և որ մեծ ապագան այնտեղ հետու, չնայելով դեռ երազային աշխարհների մեջ՝ բայց կար, բայց պիտի մոտենար, և որ նրան տանող ճանապարհները մաքրող միակ զենքը անկեղծութիւնը կարող էր լինել, բացարձակ անկեղծութիւն, ամեն բանի մեջ անկեղծութիւն, պարզութիւն և ուղղամտութիւն...

* * *

... Եվ ահա հանկարծ, անապատի և ամառային մեջ շարժվել սկսեց ամեն ինչ. բնութիւնն ամբողջ շքեղ, վարդագույն լուսի ողողումով համակվեց և սքանչելի շշուկով միացած կարծես՝ խոնարհվեց դեպի իմաստունը:

Ու մի քնքուշ ձայն, եկած երազային, ապագա աշխարհներից, կանչեց նրան.

— Եկել են օրերը. քայլիր և սովորեցրու...

— Մինչև ե՞րբ... — բացականչեց նա:

Եվ ապագայի ձայնը կրկնեց նրան.

— Քայլիր, դու անմահ ես...

Այն ժամանակ փաթաթվեց իմաստունը իր վերարկուով, մի նոց ուժով ուղևորված՝ պնդեց կոշիկ կապերը, մտավ մարդկանց մեջ ու խոսեց բարձրաձայն՝ անկեղծութեան և գիտակցութեան մասին:

Եվ մարդիկ, որոնք լսում էին նրան, ավելի խորապես հուզվեցին իմաստունի համոզման ձայնից և ապագայի վարդագույն փայլով:

Այդպես անմահ՝ քայլում է նա մինչև այժմ, միշտ պապական, միշտ լի մեծ ապագայի հասնելու բուն ձգտումով, անկեղծ ու մաքուր գալիքի համար տենդային սպասողութեամբ համակված և որոնողութեան բուն ցանկութիւններով տոգորված:

Քայլում է նա և հավատում, որ պիտի գան այն մեծ օրերը, երբ ո՛չ հավատքն է կեղծութեան շնորհիվ իբր եղբայրասպանութեան ահռելի զենք գործածվելու, ո՛չ իր նմանին նվիրվելու գործը և ո՛չ էլ սերը...

Եվ երբ մարդիկ տեսան այդ, իմացան, որ կօժկասլան լեռների վրա շղթայած — երկնքից գիտակցութեան կրակ գողացող Պրզմեթեոսը:

հունական Տանտալոսն ու արաբական իմաստունը սիմբոլներ են այնպիսի նահատակների, որոնք ձգտում են միևնույն բարձր նպատակին, ըմբոստանալով եղած ապականութեան դեմ. որոնք քայլում են փշերի վրայով, տանջանքների միջով, որոնք երբեք զոհ, երջանիկ չեն ներկայով, այլ ապրում են ապագայով և որոնց դիակներն ընդհանուր է, որ իբր պատվանգանի՝ կանգնելու է երջանիկ օրերի և բացարձակ անկեղծութեան թագավորութիւնը...

1897

ԻՆՉՈՒՄՆ ԷՐ ՈՒԺԸ

Հեռու Հնդկաստանում կար մի թագավոր, որ շատ էր սիրում մեծ շենքեր կանգնեցնել, պալատ ու մզկիթ, պարտեզ, մադրասա, աշտարակ ու բուրգ... Ո՛չ միայն սիրում էր կառուցել, այլև գնալ դիտելու գործավորների աշխատանքը և քաջալերել, նվերներ ցրել, ժամերով կանգնել ու գործը զննել:

Մի օր էլ, երբ վեզիրների հետ մի կողմը կանգնած, դիտում էր, թե ինչպես գործավորները քար էին շալակում ու կքված, քրտնաթոր վերև բարձրանում, նկատեց, որ նրանցից մեկը առանց օգնութեան խոշոր քարերը մենակ շալակում, ուրախ ու զվարթ, երգը բերանին, հա՛ բարձրանում էր, անդադար կրում:

Հուժկու չէր այդ աշխատավորը և ոչ լայնալանջ, բայց մինչ մյուսները տնջում էին ծանրութիւնների տակ, մինչ հուժկուները հագիվ շարժվում էին և տխուր ու մռայլ, դանդաղ քայլեր անում, նա արագութեամբ ու մեծ դյուրութեամբ քարն էր շալակում, զվարթ մի երգ հնչեցնում և ժպտը դեմքին՝ դեպի վեր ելնում:

Թագավորը զարմացավ. ապշեցին նաև մեծ վեզիրները: Ո՞վ էր այդ մարդը, որ տանում է ամենամեծ աշխատանքը՝ ժպտն երեսին, զվարթ երգ բերին և որ ո՛չ մի գանգատ ու կամ մի հառաչ՝ չէր հանում կրծքից: Ինչո՞ւմն էր նրա ուժը, զվարթութիւնը. դիմացկունութիւնը: Ի՞նչն էր նրան ուժ տվող, այդ տկար մարմնին տոկուն դարձնող և շատ քաջերից, լայնալանջերից ավելի գործունէյա, ավելի աշխույժ ու կտրիճ անող:

— Խոսի՛ր, ո՞վ վեզիր, — դարձավ թագավորն իր փոխանորդին, — բացատրիր տեսնեմք. ինչո՞ւմն է այդ գործավորի ուժի, զվարթութեան և սովորելութեան խորին գաղտնիքը. ինչի՞ց է, որ մյուս, այդ բոլոր հուժկու մարդիկ տնջում են, հառաչում ավելի թեթև, մանր գործերից, իսկ դա

այդքա՛ն թուակազմ, այդքա՛ն ողորմելի, սակայն միշտ զվարթ և միշտ արագազան...

Վեզիրը լռեց, շատ խոր մտածեց և չկարողացավ ոչինչ պատասխանել:

— Խոսեցեք և դուք, իմ խորհրդականնե՛ր,— դարձավ թագավորը մյուս վեզիրներին,— ձեզնից ով ասի այդ գաղտնիքը, կլինի իմ սիրելին և իմ մտերմը:

Բայց ո՞վ կարող է ասել այն, ինչ որ միայն աստված գիտեր և ինքը՝ գործավորը:

— Տե՛ր իմ,— խոսեց մի վեզիր,— հրամայիր նրան ավելի ծանր գործ տալ, տեսնենք նա նույնպես կերգե՞ գործելիս և այդպես ուրախ քարեր կկրե: Գուցե նա ավելի և շատ ուժով է, քան երևում է:

Ու թագավորը հրամայեց, որ քարյա սյունի մի պատվանդանը գործավորը կանգնեցնե:

Սա մոտ եկավ, նայեց խոշոր քարին, կանչեց աստուծո մեծ, հզոր անունը, ժպտաց, կուսցավ և մի շարժումով գլորեց նրան սյունի ստորոտը: Հետո սրբեց քրտնաթոր դեմքը և միշտ երգը բերնին՝ քարձրացրեց և դրեց սյունի տակ:

Բոլորն ապշել էին: Այդտեղ մի բան կար, մի գաղտնի ուժ անշուշտ, որով օժտվում էր շնչին գործավորը և որից, ըստ երևույթին, ոչ արքան ուներ և ոչ վեզիրները:

Մոտ կանչեց արքան քաջ գործավորին, փող տվավ, գովեց և ապա հարցրեց.

— Ինչո՞ւմն է ուժդ, կտրի՞ճ գործավոր:
— Չգիտեմ, արքա,— ժպտաց կտրիճը,— ես այսքան գիտեմ, որ երջանիկ եմ, ո՛չ մի վիշտ չունեմ. գործում եմ ուրախ, ապրում եմ ուրախ...

Արքան այդ խոսքերից ոչինչ չհասկացավ ու հրամայեց իր վեզիրներին խորհրդի ժողովվել, մտածել, փնտրել և գործավորի ուժի գաղտնիքը գտնել: Եվ դրա համար հինգ օր ժամանակ տվավ:

Մինչ խորհում էին ամբողջ տերության այդ խելոք մարդիկ, վեզիրներին այլևորը, որ լսել էր գործավորի ասած խոսքերը, հրաման խնդրեց հեռանալ, մինչև երեկո Հասանի (այդ է գործավորի անունը) գործը դիտելուց հետո, մոտեցավ նրան, ապա ընկերացավ և կամեցավ հյուր լինել նրա տանը:

— Տե՛ր իմ,— ասաց Հասանը.— ես մի աղքատ մարդ եմ, մի խրճիթ ունեմ. վայել է, որ դու նյութեղ մտնես և փ.մ. չոր, խղճուկ ընթրիքին մասնակցես:

— Հոգ չէ, իմ որդի. ես ուզում եմ տեսնել խրճիթդ ու կինդ, զավակդ ու կյանքդ. ուզում եմ տեսնել, թե իրա՞վ վիշտ չունես և երջանիկ ես, իրա՞վ միշտ էլ զվարթ ես, միշտ երգը բերնիդ:

Եվ ծերունի վեզիրին Հասանը տուն տարավ: Երբ ներս էին մտնում, դռան առաջ երևաց մի շքնաղ երիտասարդ կին, որ սիրալիր ժպիտը դեմքին, մի հրեշտականման մանուկ էլ գրկին, ընդառաջ եկավ, գրկեց ամուսնուն, անկեղծ ու սիրով համբուրեց նրան, գիրկը տվավ մանուկը, հետո միշտ զվարթ՝ ներս տարավ նրանց, ընթրիքը բերեց և այնպես խնամքով, այնպես մեծ սիրով կերակրեց, գգվեց իր ամուսնուն, որ ծերունի վեզիրը երբե՛ք իր կյանքում այդքան չէր հուզվել:

Եվ երբ ընթրեցին մեծ զվարճությամբ, հայրը վերցրեց մանուկին, նրա հետ խաղաց, նրան զվարճացրեց. մանուկն՝ իր անմեղ, զվարթ ծիծաղով խրճիթը լցրեց, վեզիրին դուրսեց, իսկ կինը, այդ սիրող, պաշտող, շքնաղ ամուսինը այնքա՛ն գորովով, այնքան ջերմ սիրով զբաղեցնում էր հոգնած ամուսնուն, որ մեծ վեզիրը գուցե զմայլած.

— Վկա է աստված, վկա մարգարեն, որ այսքան պատվական ու սիրող կին երբե՛ք չեմ տեսել:

— Եվ այսքան իր կինը պաշտող ամուսին էլ,— ավելացրեց կինը՝ զուխն ամուսնու կրծքի վրա դրած.— ամուսինս ինձ սիրում է. մենք երջանիկ ենք, զոհ և անտրտունջ. աշխարհի անիրավությունները մեր դրոնից ներս չեն մտնում, վախենալով սիրուց, համերաշխությունից. ցավերը խուսափում են, վշտերը հալածվում. մեր բժիշկը սերն է, մեր փրկիչը սերն է...

— Վկա է աստված, կին դու,— խոսեց վեզիրը,— վկա նրա մարգարեն, որ դու իրավունք ունես. չկա ավելի մեծ բժիշկ, չկա մեծ քաջալերիչ, քան սերը, անկեղծ ու վառ, մշտատև սերը, որ իր ժպիտով հերոս է շինում, քարեր է փշրում, արգելքներ ջարդում և որի առաջ աշխարհն անզոր է, ցավը մի թզուկ... Իրավունք ունես, կին դու. ես ա՛յժմ հասկացա, թե մարդու ուժը ո՛րտեղից էր: Ուժը սիրո՞՞ ծնունդ է, և սերն է միակ այն մեծ ուժը, որ կարող է լեռները շարժել, աշխարհը փոխել, բոլոր անիրավություններն անզոր դարձնել և ամեն մի փուլ՝ վարդի փոխանակել...

Ասաց, հիացած ելավ, գնաց և ամեն բան պատմեց հզոր արքային: Արքան զարմացավ և չհավատաց: Չէր տեսել երբեք անկեղծ սեր, որովհետև երբեք չէ՛ր սիրվել, այլ միշտ վախ ազդել. չէր իմանում նրա ուժը, որովհետև նրան չէին սիրել, այլ շողոքորթել:

— Խելթդ կորցրել ես, տխմա՛ր ծերունի,— գուցե նա,— մի՞թե կարծում ես, որ Հասանի ուժը հենց դրանումն է: Ո՞վ է ավելի սիրված, քան ?— Վրթ. Փափազյան, Երկեր —97—

ես. չէ՞ որ այս բոլորը խոնարհվում են ակնարկիս առաջ, չէ՞ որ ես կանայք ունեմ և շատ սրբիներ. մի՞թե պիտի ասես, որ նրանցից ոչ մեկն ինձ չի սիրում...

Մերումին խոնարհվեց, կյանքիցը վախեցավ և խոհեմությամբ՝ լուռ կացավ:

— Գնա՛, գնա՛, — արհամարհանքով հեռացրեց նրան արքան, — դու կրազող ես, դու ձեռացել ես... և կտեսնես, որ սխալվում ես: Ահա ես կհրամայեմ, որ այդ կնոջն ու որդուն հարեմք բաշեն. կինը եթե ասածիդ պես գեղեցիկ է, ինձ կպահանջեմ, և պիտի տեսնես, որ դրանով ոչինչ չի պակասիլ Հասանի ուժից:

Ու հրամայեց:

Հինգ ձիավորներ իսկույն Հասանի տունը շրջապատեցին, դուռը կոտրեցին, ներս մտան գիշերով, ամեն բան տակնուվրա արին և Հասանի կնոջն ու որդուն հարեմք բարձր տվին:

Մյուս օր առավոտ արքան կանգնած էր նույն շենքի վրա, երբ Հասանը տեսավ որ արտասովոր՝ գործելու եկավ:

Ամենքը ժողովված նրան էին սպասում: Կոացավ Հասանը, ուզեց էլ մի մեծ քար շարժել տեղից և չկարողացավ. փորձեց ավելի փոքրը, բայց թևերը կարկամել էին, ծնկները ծավվեցին, փոքր քարն անգամ տեղից շարժել չհաջողվեց:

Ու բարձրացավ նա, հուսահատաբար ձեռքերը ցած թողեց, հետս կծկվեց գետին և աղիղորմ ու սրտապատառ՝ հառաչեց, ասաց.

— Ա՛հ, էլ ուժ չմնաց...

1897

ԿՆՈՐ ԱՍՏՎԱԾՆԵՐ

„Le veau d'or est toujours debout
On en sense sa puissance“¹.

«Ճառուտ» (օպերայից)

Երկրագնդի խորքերում, այնտեղ, ուր գտնվում է դժոխքի թագավորությունը, սատանայապետ Բեհեզզեբուղի ահավոր պալատի առաջ, մեծ իրարանցում կար:

¹ «Ոսկյա հորթը միշտ կանգուն է, և խնկում են նրա զորությունը»:

Ամբողջ դժոխքն այդօր տակնուվրա էր: Հազարավոր մեծ ու փոքր սատանաներ, ճշալով ու աղմկելով, հրապարակ էին խուժում ամեն կողմից: Պետք էր տեսնել, թե ինչպե՞ս հանկարծ բացվում էին բոցավառ անդունդներ, նրանցից դուրս վիժում ամեն տեսակի այլանդակ հրեշներ՝ կատաղի գժերի պես ոռնալով:

Այդ բավական չէր. դժոխքն ամբողջ հիմունքներով ցնցվում էր և դուրս նետում իր խորշերից բոլոր դևերին, դեկիներին, բոլոր բուս, նենգավոր ոգիներին, որոնք սուրսափահար, միմյանց կոխոտելով՝ լցվում էին պալատի առաջ:

Իսկ ի՞նչ դրուժյան մեջ էին սատանայապետը, նրա պալատականները, այլև խորհրդականները, որոնք վախից լեղապատառ՝ միմյանց գլխի վրայից ցատկելով, միմյանց տապալելով՝ շտապում էին ապաստանել գահի տակ:

Հուզումն սկսել էր վաղուց: Կրաբերներն ամեն կողմից հասնելով՝ հետզհետե սպառնալից համբավներ էին բերում դժոխքի արքային, և սա, գունատ ու շվարած, ժողովել էր շուրջը ստորերկրյա թագավորության իմաստուններին ու գիտուններին և խորհրդի նստել:

Մինչ այդ, սատանաների ամբոխը պալատի առաջ ավելի սովորալում էր և բարձրածայն պահանջում, որ թագավորը դուրս գար, երևար և շտապեր փրկելու ստորերկրյա աշխարհը վերահաս վտանգից:

Բայց ի՞նչ էր եղել ուրեմն: Երկրաշա՞րժ էր, ջրհեղե՞ղ, թե՞ գուցե հեղափոխություն:

* * *

Ահա թե բանն ինչու՞մն էր:

Վերևում, մարդկանց մեջ, հայտնվել էին ինչ-որ նոր մտքեր, որոնք մեծացել՝ ուզնությամբ կործանում էին ոսկյա և արծաթյա բոլոր կուռքերը, մեծ ջանասիրությամբ փշրտում էին նրանց, ոտնատակ տալիս, որորում և արհամարհում:

Կուռքերի փշրվելու հետ՝ մարդիկ հալածում էին իրենց միջից շարության ոգիներին էլ և դյուրությամբ ազատվում ո՛չ միայն սատանաների լարած թակարդներից, այլև հավասարության և արդարության սուրը ձեռքներին՝ ոչնչացնում էին ստորերկրյա իշխանության բոլոր գործակալներին:

Փոքր մի ևս — և շարությունը պիտի մնար անզեն ու անզոր...

Դե՛հ, դե՛ր ասացեք, էլ ինչպե՞ս դժոխքն ու նրա բնաճիչները կարողանային հանգիստ մնալ:

Սատանայությունն ամբողջ՝ ջանք էր գործ դրել վերականգնելու ոսկ-

յա հորթն ու նրա երկրպագութիւնը: Հնարքներ էր մտածել՝ անհավասարութեան ուժը պահպանելու: Մինչև իսկ մարդկութեան կեսը զինել էր մյուսի դեմ, սակայն ամեն տեղ պարտութիւն էր կրել: Հենց որ ընկնում էր ոսկյա հորթը— սատանաները ջարդված, գլխիկոր, հուսաբեկ և ահալից՝ փախչում էին և այժմ ահա հուսահատ՝ համոզված էին, թե հասել էր այլևս դժոխքի վերջին օրը:

Սատանայապետը պարզ տեսնում էր, որ գահը երերում էր, որ իր բանն էլ բուրդ էր և որ ոսկյա հորթի անկմանը հետևելու էր շարութեան իսպա՛ռ ոչնչացումը: Դրա համար նա մեծ ժողով էր գումարել դժոխքի խելոք ոգիներից և հարցը նրանց վիճաբանութեան ենթարկել:

Բայց օրերն անցնում էին, վերևում ոսկյա հորթերը միմյանց ետևից փշրվում, շար ոգիները բազմութեամբ լեղապատառ խուսափում էին, և սակայն ներքևում, արքայական մեծ խորհուրդը ո՛չ մի հետևանքի չէր հասել: Մյուս կողմից էլ պալատի առաջ մեծանում էր ամբոխը և աղմուկով դղրդացնում դժոխքը:

* * *

Վերջապես Բեհեզգբուղը գունատ, կատաղի, ելավ ժողովից, հրամայեց բանալ պալատի դռները և դուրս եկավ ժողովրդի հետ խոսելու: Դժոխքը թնդաց սատանաների հուսալից աղաղակներից, երբ սատանայապետի ահեղ դեմքը երևաց:

Պահ մի խոր, անշնորհ լուսթյուն տիրեց, որից հետո Բեհեզգբուղը ցցեց հասակը և դառնալով սպասող ամբոխին, սկսեց խոսել այսպես.

— Սիրելի՛ սատանաներ... — ասաց նա, — այսօր մեզ համար կյանքի և մահվան խնդիր կա, այսօր վճռվում է մեր թագավորութեան և ձեր բուրբիդ վիճակը. եթե մի հնարք չգտնենք, չի՛ անցնի մի քանի օր, և կոշտ շանան վերևում բոլոր ոսկյա կուռքերը, իսկ դա կոշտացնի և մեզ: Այնտեղ, երկրագնդի երեսին, շնորհիվ ոսկյա հորթին, մեր իշխանութիւնն ապահովված էր և մեր եկամուտն առատ: Բայց ահա հայտնվել է այժմ արհամարհանք ու անարգանք դեպի այդ հորթերը. նրա՛յ առաջ այլևս չեն խոնարհվում, նրանց այլևս չեն ուզում զո՛ տալ իրենց ամբողջ զգացմունքները, միտքն ու հոգին: Դա սոսկալի է մեզ համար: Այժմ ոտների տակ են առնում ոսկյա հորթերին, թքում ու ցեխոտում են նրանց... և դողում է մեր գահը, խարխվում մեր թագավորութիւնը, թուլանում է մեր ազդեցութիւնը: Իմ խորհրդականներն ու գիտունները չկարողացան հնարք գտնել այդ ավերածութեան դեմ. այժմ հույսս այն է, որ գուցե ձեր մե՛ջ գտնվի մի հանճարեղ գլուխ և մեզ մի միջոց առաջարկի:

— 100 —

— Լա՛վ իմացեք, — շարունակեց նա ներշնչող ձայնով, — որ ձեզնից նա, ով հնարը գտնի ոսկյա հորթի պատիվն ու հարգանքը վերականգնի, լու մարդկանց մեջ, ո՛չ միայն կդառնա անմահ բարերար ամբողջ սատանայութեան, այլև կլինի իմ փոխանորդն ու սիրելին, անունն էլ կրակե տառերով կգրվի սատանայական տարեգրութեան մեջ... Դե՛հ, մտածեցեք, իմ ճարպիկ հպատակներ. պեղե՛ք ձեր ուղեղը, և թող խոսի հնարք գտնողը: Բայց շտապեցեք. մի քանի օր ևս, և արդեն ուշ կլինի...

Ասաց Բեհեզգբուղը և շատ քիչ հույս դրած իր հպատակների ուղեղի վրա, իր նախաճաշը պահանջեց:

Ամեն սատանա, փոքր թե մեծ, արու թե էգ, քիթը կախած, մատը ճակատի վրա, սկսեց հնարք որոնել: Տիրել էր խորին լուսթյուն: Սատանայական միտքը երկունքի մեջ էր:

* * *

Հազի՛վ Բեհեզգբուղը նախաճաշը վերջացրել էր, որ մութ անկյունից դուրս պրծավ ամենափոքրիկ մի սատանա, ճարպիկ ուստյունով թրուով բոլորի գլխի վրայից և եկավ ցցվելու գահի առաջ:

— Ձերդ խավա՛ր մեծութիւն, — ասաց նա, — ես մի միջոց ունեմ առաջարկելու:

— Ի՞նչ, ճղճի՛մ սատանա, — ծիծաղեց սատանայապետը, — խոսի՛ր տեսնե՛նք: Բայց զգուշացիր. եթե հիմար բան ասես, այնպես կշարտեմ քեզ, որ մարդկանց լավ հատկութիւնների պես կտափակես և աննշմարելի կմնաս հավիտենականութեան մեջ...

Ճղճիմ սատանան դողաց այդ սպառնալիքի առաջ և կակազելով ասաց.

— Ձերդ խավա՛ր մեծութիւն, ես մտածեցի, որ ոսկյա հորթի անկման պատճառը մի մարդ է, որ այժմ հայտնվել է վերևում և որ... որ...

— Ահ, այդպե՛ս... — քրքրաց սատանայապետը հեգնութեամբ, — դու այդպե՛ս կարծեցիր, անմիտ... Դու հիմար ես և չգիտես դեռ, որ մի միակ մարդը չի՛ կարող կախարդական գավազանի ազդեցութեան տակ՝ փոխել մտքերը... Դու այդ չգիտես, ուրեմն գնա՛ և սովորիր...

Հետո պոչը շարժեց և ճղճիմ սատանային այնպես շարտեց, որ նա մինչև այսօր էլ աննշմարելի՛ սլանում է հավիտենականութեան մեջ:

Նրա դառը վիճակը կասեցրեց շատերին, որոնք պատրաստվում էին խոսելու: Եվ այդպիսով, երկա՛ր, ոչ ոք ձայն չէր հանում:

— Այս ի՛նչ է, — գռչեց Բեհեզգբուղը կրակ կտրած, — մի՞թե բթացել են սատանայական մտքերը...

— 101 —

Եվ ահա հանկարծ, որտեղից որ էր, մի էգ սատանա դուրս սպիղից
ամբոխի միջից, եկավ կանգնելու արքայի առաջ, խոր գլուխ տվավ ու
ասաց.

— Ողջ լինի նորին խավար մեծութունը...

— Ի՞նչ, ա՛յ կին,— գռչեց արքան,— հնա՛րք ունիս առաջարկելու
եռսիր ուրեմն. բայց աշխատիր հիմար բան շասել:

Կին-սատանան ժպտաց և այսպես խոսեց.

— Թող դատապարտվեմ ես մա՛րդ դառնալու, եթե առաջարկս ան-
միտ լինի: Իմ ցույց տված միջոցի շնորհիվ մարդկութունը ոչ միայն
կսկսի նորից երկրպագել ոսկյա հորթին, այլև կավելացնի իր մեջ շարու-
թյունը և ուժ կտա մեր շահագործության:

— Իրա՞վ... խոսի՛ր ուրեմն: Ի՞նչ պիտի անել:

— Երկու բան միայն: Նախ՝ ոսկյա հորթը պիտի մանրացնել և երկ-
րորդ՝ նրան ձևափոխության ենթարկել:

— Պարզ խոսիր, կի՛ն դու,— դեմքը կնճռեց արքան,— բացատրի՛
միտքդ:

— Այս րուպեիս, ձերդ խավար մեծութուն... մինչև այժմ ոսկյա
հորթը խոշոր բան էր. ոչ ոք չէր կարող նրան սեփականացնել. այժմ պի-
տի մանրացնել նրան. հայել և նրանցից ձուլել այնպիսի՝ կլոր, փոքրիկ
աստվածներ, որ մարդիկ կարող լինեն իրենց գրպանների մեջն ունենալ:
Գիզել արկղերի մեջ, նրանով էլ զնահատել և գնել ամեն բան... զգաց-
մունք, միտք, կյանք... Փորձեցեք, օրինակ, այդ կլոր աստվածներից մե-
բուռ դնել մարդկանց տասից մեկի գրպանը, և պիտի տեսնեք, որ մյու-
սին իսկույն պատկառանքով և գետնի փոշիները լիզելով՝ կերկրպագեն
ունեցողին... այդպիսով ոսկյա հորթը նորից կկանգնի, և նրա պաշտա-
մունքն այնքան մեծ կլինի, մարդիկ այնպե՛ս գազանաբար կպատառոտեն
իրար՝ այդ կլոր աստվածներն ունենալու համար, որ մեզ կմնա միմիայն
զոհե՛րը հավաքել և հրճվել...

Կեցցե՛ն սանդարամետք,— որոտաց Բենեդեկբուդն ուրախությամբ,—
կեցցես և դու, կի՛ն: Ե՛կ մոտս. դու իմ թագուհին կլինես և արժանավոր
փոխանորդս...

Եվ անմիջապես փուռերը սկսեցին մեծ ջանասիրությամբ ու ահա-
գին քանակությամբ կլոր աստվածներ պատրաստել: Հետո, սատանանե-
րը դուրս խուժեցին մարդկանց մեջ և տասից մեկի գրպանը լցրին այդ
աստվածներով:

Կլոր, դեղին աստվածների ազդեցությունը շուշացավ հայտնվելու

Չունեցողները, մի խորհրդավոր մղումով, կանգ էին առնում, երբ անց-
նում էր ունեցողը, և գետնի փոշին ու կեղտը լիզելով, երկրպագում էին
խեղարհությամբ:

Իսկ դժոխքն ու նրա ոգիները ցնծում էին, որովհետև շուտով վերե-
վում մարդիկ սկսեցին գազանների պես իրար պատառոտել, շարությունն
ավելի մեծացավ ու տարածվեց և ստորերկրյա աշխարհի համար անհա-
մար զոհեր պատրաստեց...

Այդ օրվանի՛ց ահա, ոսկյա հորթը կլոր փոքրիկ աստվածների փոխ-
ված, շա՛տ ավելի պատկառանքով է խնկվում մարդկության կողմից. իսկ
շարության ոգին, շնորհիվ դրան ավելի ուժ ստացած՝ ապականում է ինչ
օրվա՛վ է, ինչ որ բարի՛ է...

1898

ԸՄԲՈՍԻ ՄԱԼԸ

Անտառը հուզված էր, հուզված մեծապես:

Խուլ, աճեցուն, զայրագին մի շշուկ գրավել էր նրան: Հսկա կաղնի-
ները բուռն շարժումով կոտանում էին դեպի հացիներ, թեղին ու լորին
վրդովված՝ շշնջում էին, Թփերն անգամ, անճոռնի բաղեղներով գալար-
ված, ոտները ճահճի մեջ, զաղջ հողի վրա պառկած՝ անհանգիստ էին...
Անտառն ամբողջ հուզված էր: Անսովոր մի դեպք էր տեղի ունենում այդ
բազմադարյան ճահճային աշխարհում, ուր ծառերը մինչև այդ՝ աճում
էին, մեռնում, ուտում էին, ապրում, գիշության մեջ բորբոսնում, պարա-
զիտներով լցվում, բաղեղներով կաշկանդվում և ուր բոլորը գոհ էին,
ոչնչի չէին ձգտում:

Բայց ահա մի օր ծառերից մի քանիսը պատռել էին ամեն պատու-
տակ, տնցել ամեն ճահիճ, և արմատները, փոխանակ ըստ վաղեմի ավան-
գության դեպի ձորն ի վար իջեցնելու, սկսել էին դեպի լեռն ի վեր պար-
զել: Այդ անսովոր էր, խիստ անբնական, և անտառն ամբողջ իզուր չէ՞
հուզվել:

Ի՛նչ... արհամարհել պապենական սովորությունը, թողնել ճահիճն
ու ձորերը, ճգնել ազատվելու պատուտակներից և որ գլխավորն է՝ դեպի
լե՛ռը մազցել: Ինչի՞ նման էր այդ:

Նոր ծառերը սակայն, անվրդով, անզգա կարծես այդ բոլոր հուզ-
ման՝ անցել էին գիշությունը, անցել գծված սահմանը, գնում էին դեպի
վեր՝ ոտներով ծառերի վրայից, արհամարհելով արգելքները, պատռե-

լով հողի կուրծքը: Եվ որը առավելն է, այդ ամբողջ նոր ճյուղավորութ-
յան ծայրում սկսել էր ծնվել մի առողջ, առույգ և հպարտ ուստերով ծառ,
որ վեհությամբ նայում էր արևին, իր ոտների մոտ փռված հին անտա-
ռին և իր հպարտ շարժումով կարծես ծաղրում էր ճահճի մեջ ապրող հին
ընկերներին:

— Դարձե՛ք, խելահեղնե՛ր,— գոչում էին հները:

— Խենթացել են,— գոռում էին կաղնիները:

— Կոչնչանան,— շշնջում էին թփերը:

Իսկ նոր ծառը բարձրանում էր, անհագ բարձրանում և բոլոր այդ
աղմուկի վրա ժպտում ու զվարճանում:

— Բայց այդ ո՞ւր ես գնում, մոլորվա՛ծ,— կանչեց վերջապես մի
հսկա կաղնի.— Ի՞նչ գործ ունես այդ բարձրությունների վրա, ուր տիրում
է սառնամանիք, ուր քամին սոսկալի է, ուր ջուր չկա և ուր ժայռերը կոշ
են, ճանապարհը դժվար...

— Բարձրանում եմ,— ժպտաց նոր ծառը:

— Բարձրանո՞ւմ ես,— ապշեց մեծ կաղնին,— խենթ, ի՞նչ կա
բարձրանալու մեջ, եթե ոչ՝ միմիայն կորուստ: Ավելի լավ չէ՞, որ իջես
դեպի ձորը, գետակի ափին, ուր ստվեր կա, առատ ջուր, անդադար հող
և ուր քամին անզոր է, կայծակն՝ անհասանելի...

— Բարձրանում եմ,— համառեց ծառը և մի րոպե իսկ կանգ չառավ:

— Դու կոչնչանաս,— կանչեցին ծառերը:

— Բարձրություն վրա...

— Կայծակին զո՛հ կլինես:

— Լեռների ծայրին...

— Դու անոթի՛ կմնաս, ծարա՛վ, պապակվա՛ծ:

— Բայց բարձր կլինեմ...

Ու բարձրանում էր, անհագ բարձրանում:

Անտառն ամբողջ այժմ լուռ, դողդոջուն, դարձած դեպի բարձրացող
ծառը, սրտատրոփ դիտում էր նրա քայլերը, ուրախանում նրա հաճախ
ապարդուն ճիգերի վրա, շարամտորեն ժպտում, երբ նա մի խոշոր ժայռի
գեմ էր առնում, և նենգամիտ, կծու խոսքեր նետում, երբ ծառը պապակ-
ված ու հոգնած՝ կանգնում էր շունչ առնելու և կամ, երբ քամին զորեղ
տարուբերում էր նրան այս-այն կողմ, ծոռում-գետնին էր քսում, կա՛
տերևներն ու ճյուղերը միմյանց խառնելով՝ գլխին դիզացնում...

Փշում էր քամին, այրում էր արևը, անձրևն ու հեղեղները թրջում էին
նրան, ամպերը զլխին որոտում, փոթորիկը նրան ժայռեծայռ խփում,
կայծակը նրա շուրջը շանթիչ գծեր պարզում... և սակայն ծառը համառ,
անդրդվելի ելնում էր, ելնում և մշուշոտ, բարձր կատարների ձգտում...

* * *

Եվ երկար, երկար տանջվելուց հետո կես ճղակտոր, տերևները
կորցրած, հոգնած, ուժասպառ, խաղալիք քամիների, որոտումների տակ,
կայծակի գծերի մեջ, անձրևներով թրջված՝ հասնում էր բարձր կատա-
րին: Այժմ նա մշուշին ցած էր թողել իր՝ ճահճների մեջ մնացած ըն-
կերներին ծածկելու. այժմ նա արևին էր տարածում իր թևերը, բայց
այժմ քան երբեք նա մենակ էր, անբնկեր, հեռու գետակից, հեռու ձորա-
կից:

Եվ չէր ափսոսում: Այստեղ, բարձրության վրա հանգչած, զմայլվում
էր նա հեռավոր հորիզոնով, փայլուն արևի տակ ողողված լեռների կա-
տարներով: Անձրևը նրան ջուր էր տալիս, լեռան հողը՝ սնունդ: Այնտեղ
նա երազում էր իրենից մի նոր, բարձր կանգնած սերունդ ստեղծել, բրու-
նել կատարը, արևի լույսի մոտ լինել, ամպերի խոնավությունից հեռու
կենալ և ճահճային պատվանդանից միշտ ազատ մնալ:

Իսկ ցածի անտառը նայում էր դեռ նրան ծիծաղելով, նայում էր մե-
նավորին, խենթուկին ու ասում.

— Կոչնչանա. կայծակը կփշրի նրան, քամիները կկործանեն հան-
դուգնին...

Գալիս էին քամիները, փշրում նրա ճյուղերը, ցրիվ տալիս տերև-
ները. գալիս էր անձրևը, մերկացնում էր նրա ոտը, ճկուն արմատները
հեղեղների տակ ողողում. գալիս էր և կայծակը, աղմկում, վժժում, շրջա-
կա ժայռերը ցնցում, այս-այն թփիկն այրում-սևացնում և գոչում ծառին.

— Հանդո՛ւգն, ո՞ւր ես եկել ինձ մոտ, կայրեմ քեզ:

— Այրի՛ր,— ասում էր ծառը,— կայրվեմ այստեղ, բայց կայրվեմ
բարձրության վրա...

Այդպես էլ եղավ:

Մի շարագուշակ փոթորկալից գիշեր քամիները ճղակտոր արին
ծառին, հեղեղը մերկացրեց արմատները, և այրող, նախանձոտ կայծակն
եկավ վժժալով ու նրա կրծքին խփեց...

Ծառը բռնկվեց, սկսեց այրվել:

— Այրվո՞ւմ է...— քրքջաց ներքևից ճահճային անտառը:

— Նրա վերջն այդ էր,— ասում էին թփիկները:

— Տեսա՞ր, հանդո՛ւգն արարած,— կանչեց մեծ կաղնին,— մեռնում
ես այժմ ահա...

— Բարձրության վրա՞...— մրմնջաց ծառը:

Եվ խոր ու խավար գիշերվա մեջ նրա բոցը փայլում էր հեռից՝ մի
կրակոտ աստղի նման: Ծարձատում էր նա, ծուխ-մուխ արձակում, իր

մահը խնկում. մահ այդքան շքեղ, այդքան բարձր. և հողը նրա շուրջը կարծես տեղ էր բաց անում, ընդունելու իր ծոցի մեջ նրան, որ բարձրի՛ ձգտեց և բարձրութեան վրա՛ էլ մեռավ...

1900

ԱՐՁԱՆԸ

Հրապարակի վրա, այնտեղ, ուր մարդիկ միշտ ժողովվում են, կաղ- նի ծառի տակ, մերկ կնոջ մի պղնձյա արձան կար կանգնած:

Մերկ կնոջ... բուրբովին մերկ մի գայթակղութուն այն պատկառելի մարդկանց, որոնք մերկ ոչինչ տեսնել չեն սիրում:

Թե որտեղից էր այդ արձանը և որի կերտած, կամ թե ինչ միտք ունենր և ինչու թողած— ոչ ոք չգիտեր:

Ոչ ոք չէր հիշում նրան այդտեղ դնելու օրը: Վաղուց էր, շատ վա- ղուց: Պատկառելի մարդիկ, երկար ժամանակ և գրեթե միշտ, նրա մո- տովն անցնելիս երեսը դարձնում էին, որ «անամոթ» արձանը շտեսնեն. կանայք՝ երբեք չէին անցնում նրա կողքից. անցնողն էլ «անբարոյական» տիտղոսն էր ստանում: Երբեմն միայն հետաքրքրության համար, հեռվից և այն էլ գաղտագողի էին դիտում արձանը:

Եղան տարիներ, որ հասարակությունը քանիցս կամեցավ փշրել արձանը, անամոթությունը մեջտեղից վերացնել: Վեճ ու կռիվ, անծօք կրո- նավորներից, բողոք պառավներից,— ոչինչ չազդեց արձանին: Միշտ այնտեղ, իր համարձակ մերկութեամբ պատվանդանի վրա անդրդվելի կանգնած, ակնարկն անհունության, կարծես հեգնորեն ժպտելով, թող- նում էր, որ մարդիկ կատաղեն, բուռնցք ցույց տան, դավեր լարեն և սա- կայն անզոր նրա դեմ՝ նորից գան և շուրջը ժողովվեն:

Բայց ի՞նչ էր ուրեմն այդ մերկ արձանը, ո՞վ էր նրան մեջտեղ բե- թել, այդպես բաց տեղ դրել և ինչու՞ ամեն ջանք նրան ոչնչացնելու՝ մնում էր ապարդյուն:

Արձանը պաշտպաններ ուներ: Թե ո՞վ էր նրան այնտեղ կանգնեց- րել— այդ հայտնի չէր. բայց թե ո՞վ էր նրա պաշտպանը— դա ակններ և էր:

Կաղնին պատկանում էր ժողովրդին: Վաղուց ի վեր, նվիրական դարձած, սերունդից սերունդ ավանդաբար մնացել էր մի համոզմունք, որ եթե ծառը կտրվի կամ մերկ կնոջ արձանը տեղից շարժվի, կռիվն ըն- տանիքների մեջ պիտի մանի և հետզհետե ամենքին անբախտացնի:

Այդ ավանդութունը, հաստատված էր մանավանդ նրանով, որ, ինչ- պես հենին էին պատմում, մի անգամ մի ազդեցիկ մարդ կամեցել էր արձանը ոչնչացնել. բայց երբ շարժել էր նրան իր տեղից, նույն գիշերն իսկ երկու սիրելի որդիները կռվի էին բռնվել և իրար սպանել:

Դրանից հետո էլ ո՞վ կհամարձակվեր ձեռք տալ արձանին: Ոչ միայն ձեռք տալ չէին կարող, այլև, ով հրապարակի շուրջն էր, նվիրական պաշտք էր համարում հսկելու, որ արձանը չանհետանար:

Եվ այդպես, մերկ կինը, բարձր ի գլուխ, հաստատ իր պատվանդա- նին, մագերը թիկունքի վրա շքեղապես փռած, ակնարկն երկնքին, այդ- տեղ էր տարիներից ի վեր, անվրդով՝ լուստանքների դեմ, տնդրդվելի՛ սպառնալիքների առաջ:

Գայլերը շատ ոռնացին, նրա դեմ, բարոյագեաներն անդադար պըն- դեցին, որ գոնե պետք էր հագցնել նրան, եզվիտներն առաջարկում էին մի ասճար շինել և արձանին մեջը ծածկել— բայց ժողովուրդը չթողեց: Ավա՛ած էր, թե պետք էր թողնել արձանին այն դրություն մեջ, ինչպես կար. ժպնող միայն պետք էր սրբել և այդպես մերկ՝ հրապարակի վրա պահել...

* * *

Մի գիշեր, չգիտեմ ինչպես եղավ, անհայտ շարագործներ— ասում են, որ գայլեր ու բարոյագետներ էին դրանք— անգթաբար կորզեցին արձանն իր պատվանդանից և, առանց այլևայլության, մոտակա ջրհո- րը նետեցին:

Պետք էր տեսնել սոսկումը, երբ ժողովուրդն առավոտյան զարթնե- լով, տեսավ, որ արձանը չկար:

Քաղաքն ամբողջ տակնուվրա եղավ: Գայլերը հրճվում էին, մինչ երիտասարդները կատաղած ամեն կողմ ընկան՝ շարագործներին փտրելու: Սոսկումն ընտանիքների մեջ էլ մտավ: Ամենքը ըստ և առ ըստ, սրտա- տրոփ սպասում էին դժբախտությունների, ժանտախտի. կամ այլ ազնախ:

Արձանին խիստ մոտ ապրում էր նախապետական մի մեծ ընտանիք: Տան նահապետը ողջ-առողջ էր, կրթ արձանն անհետացավ: Նույն օրն իսկ սակայն անկողին ընկավ, ապագա աղետների սոսկումը կաթվածա- հար արավ նրան և նա գիշերը մեռավ:

Տան մեծ որդին կատաղած՝ բարոյագետներից մեկի հետ կռվի բռ- նելից և արյունաշաղախ՝ նրան տուն բերին: Եղբայրները վրեժի ելան. բարոյագետի բարեկամները պաշտպանվեցին... Եվ չէր անցել մի ամբողջ օր արձանի ջրհորն ընկնելուց, որ հրապարակի շուրջը գտնվող տան

ընտանիքից շորսի մեջ վեց-յոթ սպանված, շոր-հինգ վիրավորներ էին հաշվում:

Մինչ այդ մի խումբ երիտասարդներ, ժողովված ջրհորի եզերքին, մտածեցին արձանը դուրս հանել և նորից իր տեղը կանգնեցնել:

— Ո՞վ կարող է այդ ծանր բանը ջրհորից վեր հանել առանց փըշ-բելու,— գոչեց մեկը:

Փորձեցին նախ կառուղ ունելիքներ նետել, բայց արձանն իր ծանրությամբ իջել էր ջրհորի տակ և դեռ կիսովին էլ խրվել հողի մեջ:

Մնում էր մի մարդ ներս կախել, արձանը գտնել, չվաններով կապել և ապա փորձել վեր հանելու:

Երկար խորհելուց հետո՝ մեկին իջեցրին: Ջրհորը խոր էր, ջրով լի: Երիտասարդը ջրի մեջ ընկղմեց, բայց հազիվ խեղդվելուց ազատված՝ խնդրեց, որ իրեն վեր քաշեն:

Ջուրը սառն էր, գորտերով լի, և արձանը շատ խոր, անմատչելի:

Մտավ մի ուրիշը, ավելի հանդուգնը: Գնաց ջրի մեջ, հասավ հատակին. շոշափեց, բայց արձանի նշույլ անգամ չտեսնելով՝ ետ եկավ:

— Կորսված է, արձանը չկա:

— Կորսված է...

Ինչպիսի՞ սոսկում էր, որ պատճառեց այդ լուրը քաղաքին: Բանն այն է, որ մերկ կնոջ անհետանալով գծտություն սկսեց ժողովուրդյան մեջ ևս: Ամբողջ քաղաքը սկսեց իրար անցնել: Մարդիկ միմյանց վրա քաշեցին, իրար հարվածեցին, հայհոյեցին, կռիվ, արյուն և շարիք...

— Արձանը պիտի գտնել, երևան պիտի հանել... — մտածեցին խելքները: Երիտասարդները նորից փորձեցին: Վիճեցին, վիճեցին, հանելու կերպի վրա երկվացան, կուսակցություններ կազմեցին, ապա արձանի հանելու նպատակն երկրորդ պլանի վրա անցավ և տեղի տվավ անձնական հաշիվներին...

Վերջապես բոլորը ձանձրացան և մի առ մի հեռացան ոչ միայն ջրհորից, այլև թողին արձանի մասին մտածելը:

Եվ մնաց թաղված արձանը ջրհորի հատակում, շարիքներն էլ մարդկանց սրտերում: Քաղաքը դարձավ ապականության մի վայր, ուր մարդիկ վարժվում էին միմյանց դեմ դավեր լարելու, միմյանց ոչնչացնելու եղբայրն եղբոր դեմ էր ելնում, որդին իր հորը, կինն իր ամուսնու և ճգնում էին իրար դավել, խարդախել: Ամեն ոք, բնականաբար սաստիկ ետասեր, ինքնամոլ, սաստիկ աղտոտ հոգով և աղտոտ սրտով՝ իր շուրջն ավեր էր սփռում անձը պահպանելու համար, թշվառություն էր սերմանում՝ ինքը միայն երջանիկ լինելու համար. սակայն ամեն ոք անապահով էր այլևս, ավազի վրա էր կանգնեցրած նրա հանգստությունը:

Արձանի մասին վաղուց արդեն շատերը մոռացել էին. նրանից մընացել էր միայն ժանգոտ պատվանդանը, Ջրհորն էլ, թողած անխնամ, համարվելով փշացած, թունավոր ճահիճ էր դարձել նախ, գորտերով լրջվել, ապա շորացել էր և հուսկ ուրեմն աղբակույտ եղել:

Մնում էր միայն կաղնին, այդ հին կաղնին՝ այժմ ծերացած և ճղակոտոր...

Այդպես անցել էր երկար ու երկար տարիներ, երբ մի օր հանկարծ մի տարօրինակ բան կատարվեց քաղաքում:

Հեռու, քաղաքի վերջին ծայրում, ամենքից ատված, ամենքից կասկածավոր նկատված մի ընտանիք կար: Մի ծերունի, որի անցյալը ոչ ոք չգիտեր, մի լուրի պառավ և երեք որդիք, կտրիճ տղամարդիկ, որոնք հայտնի էին քաղաքին որպես գաղտնի որսորդներ, տարօրինակ նիստուկացով, գրեթե անտառների մեջ մեծացած, դաժան ու լուռ, կոպիտ ու վայրենի:

Ոչ ոք նրանց հետ հարաբերություն չուներ: Ծանապարհին նրանց հանդիպողը վախեցած կամ երես էր դարձնում և կամ շտապում էր հեռանալ:

Ահա այդ նույն ընտանիքը մի օր հանկարծ խմբովին քաղաք մըտավ, եկավ վարձելու հրապարակին մոտ գտնվող մի խրճիթ և բնակություն հաստատեց այնտեղ:

Երեք որսորդներն անտառից իջան և, նոր բնակարանում հայտնվելուց հետո այլևս որսի չէին գնում: Ընդհակառակն, իրենց ծնողների հետ կաղնու մոտ էին ժողովվում, խոսում էին մեղմ ձայնով, երկար ու տաք, ապա արձանի պատվանդանն էին գննում, ջրհորի շուրջը պտտում և նորից լուռ՝ տուն մտնում, դուռն ետևից պինդ փակում:

Քաղաքացիք սկսեցին սաստիկ հետաքրքրվել այդ տարօրինակ երեվոյթով: Նախ հեռվից, ապա գաղտագողի գիշերները, մոտենալով խրճիթի փակված լուսամուտին, աշխատում էին տեսնել, թե ինչով էին զբաղված նրանք: Երբեմն այդ լրտեսները տեսնում էին խրճիթի մեջ մեծ կրակ վառված, լսում էին մուրճի ու սալի ձայն... և բոլորն այդ էր:

* * *

Բայց մի առավոտ, արշալույսը բացվելուն պես, հրապարակի շուրջն եղողները խորին ապշությամբ տեսան, թե ինչպես խրճիթի դուռը բացվեց, նախ դուրս եկան իրար ետևից երեք եղբայրները՝ բահերն ուսերին, կացինը ձեռքերին, իսկ հետո մայրը, ուտելիք առած և հայրը՝ մուրճ և ունելիքներով...

Եվ այդ թափորը լուռ դիմեց դեպի ջրհորը:

Քաղաքն իրար անցավ: Խնչ, մի՞թե այդ խենթերն ուզում էին արձանը վեր հանել:

Գայլերը նորից սկսան ոռնալ. բարոյագետները, որոնք այժմ հաստափոր, կուշտ և ազդեցիկ անձեր էին դարձել— աղմուկ հանեցին, պառավները սկսեցին անեծք տեղալ, եղվիտները՝ բանադրանք...

— Մի՞ թողնեք,— գոռում էին գայլերը,— մի՞ թողնեք արձանը հանելու:

— Սպանեցեք այդ անբարոյականներին,— ասում էին բարոյագետները,— դրանք ուզում են նորից այն մերկ կնոջը անամոթաբար հրապարակի վրա դնել:

Բայց եղբայրներն անվրդով՝ ջրհորի մոտ կանգ առան և սկսեցին փորել: Հայրը բահերն էր սրում, մայրը՝ քաջալերում:

Մինչև երեկո, առանց կանգ առնելու, դուրս տվին քաղաքացոց կուտած աղբն ու ցեխը, ջրհորը երևան հանեցին, ապա սկսեցին պեղել:

Երեկոյան մթնելուն պես, նույն կարգով տուն մտան: Գիշերը նորից լսվեցին մուրճի ձայներ, և քաղաքացիք մյուս օրը նորից տեսան նրանց ջրհորի մոտ:

Եվ այդ տեղեց շատ օր.— շաբաթներ, ամիսներ, մինչև որ եղբայրները բոլորովին դուրս տվին ջրհորից ամեն ապականություն և հաստակին հասան:

Սակայն արձանը դեռ չէր երևում, Տիղմը կոշտացել էր, գետինն ամրացել, արձանին իր մեջ շատ պինդ էր պահել:

Այդ բոլորը ոչինչ, եթե դրսից էլ արգելքներ չլինեին: Գայլեր, բարոյագետներ և կեղտի մեջ իրենց ավելի հանգիստ զգացող անձեր գիշերով աղբ էին լեցնում երիտասարդների փորած տեղը, երբեմն էլ դրսից քարեր էին շարտել տալիս նրանց վրա և միշտ ծաղր կարկտում նրանց գլխին:

Նղբայրներից մեծը սկսում էր ընկճվել այդ բոլորից: Բազուկները թուլանում էին, բահը ձեռքի մեջ դողում: Միջնակը, դուրսբարոքը էր սկսել էր գայրանալ. հալածողների մշտատև լուտանքներից գրգռված կովի էր ելնում նրանց դեմ, քարերին քարով պատասխանում, ժամանակ կորցնում, գործին վնասում:

Մնում էր կրտսերը: Սա էր միայն, որ հանդարտ, գլուխը կախ ձգած բահում էր միշտ: Ո՛չ տիղմի ամրության դեմ էր հուսահատվում, ո՛չ լուտանքները լսելու դնում և ոչ իսկ տեղացող քարերի կամ ծաղրի գեմը պաշտպանվում:

Փորում էր, պեղում անընդհատ և տոկունությամբ: Եվ այնքան փորել

այնքան սառնարյուն իր գործին նայեց, որ վերջապես արձանը երևան հանեց կարծր տիղմի տակից, շուրջը լավ մաքրեց ու ջանաց տեղիցը շարժել:

Արձանն այժմ գտնված էր. մնում էր վեր հանել, տպնել պատվանդանի մոտ և այնտեղ կանգնեցնել իր բոլոր մերկությամբ:

Մեծ եղբայրը հաշմված, գործին անընդունակ էր դարձել, միջնակը հալածողների դեմ կովի մեջ՝ ընկել էր. հայրը ծերացած՝ բահն իսկ սրել չէր կարողանում, իսկ մայրը հոգնած, ձայնը սպառած. այլևս խրախուսակա՞ն խոսքեր չէր անում...

Մենակ, այժմ բոլորովին մենակ էր մնացել կրտսեր եղբայրը: Մի՞թե պիտի հաջողվեր նրան միակ իր ուժով արձանը վեր հանել:

Եվ նա չկասեց: Շարժվեց, հողիցն ազատեց, մեջքը դեմ տվավ, մրկանունքը ձգեց, արձանը շալակեց ու սկսեց ջրհորն ի վեր ելնել:

Քաղաքն ամբողջ ժողովված նայում էր նրան: Ամենքը սառել էին, ապշել. գայլերն իրենց ոռնոցը կտրել էին, բարոյագետները չէին համարձակվում ձայն հանել: Կամքի մեծ ուժը եթե չէր հաղթել, գոնե լռեցնում էր, հալածողներին պատկանելի հեռավորության վրա պահում:

Ահա շալակեց... բարձրանում է...— հետևում էին երիտասարդի արածին.— ոտն առաջին աստիճանի վրա դրեց... բերում է...

Լուռ, ամբողջապես ուժը կենտրոնացրած, քրտնաթոր, արձանը մեջքին, ոտները հաստատուն և ծանր դնելով, գլուխը կախ և առանց ոչ ոքի նայելու, երիտասարդը բարձրանում էր համարաբար:

Ահա այժմ նա շորս աստիճանի վրա է: Քիչ կանգ է առնում շունչ քաշելու, քրտինքն է սրբում, հետո է և նորից ոտքը բարձրացնում:

Էտե է ամբոխը, սոսկումով լեցված: Լուռ է քաղաքը, լուռ՝ բնությունն իսկ. և այդ խորունկ լուռության մեջ լսվում է միայն բարձրացողի շնչառության ձայնը. խուպուտ, ուժեղ մի ձայն, որ թանձրացած շնչառության հետ՝ դուրս է գալիս ջրհորի խորքից:

Եվ նա ելնում է: Ամբոխն այժմ տեսնում է նրան՝ դրսից ներս լցվող աղոտ լույսի մեջ, հին հսկաների նման մկանուճքներն ու երակներն ուռցրած, կարմիր, շքեղ գլուխը ողողված լույսով, հանդարտ ելնում է ու ելնում: Եվ մեջքի վրա արձանը՝ փողփողեցնում է մաքրված թևերն ու մարմինը:

Արձանն երևալու հետ՝ ետ-ետ են քաշվում ամենքը դողդոջուն ու սրտատրոփ:

Եվ սպասում են: Սհա երևաց ելնողի գլուխն արձանի մեծ գլխի հետ:

Հետո, երկու գլուխները միմյանց կպած, ծանր, համրաբար, գետնի տակից, ոգու պես բարձրանում են։ Ամբոխը հեռվից նայում է սոսկումով։

Այժմ արձանը լույս աշխարհումն է։ Բայց նրան իր ուսերի վրա կրորդը հոգնած է, աչքերը մթազնել են, երակները պայթելու շափ ուռել, ծնկները դողում են, մեջքը շարդվում է։ Այնուամենայնիվ չի կամենում նա բաց թողնել վեր հանած գանձը...

Բայց երբ վերջին աստիճանին հասած՝ ոտքը դնում է գետնի վրա, ծալվում են այլևս ծնկները, երերում է հերոսը, արձանը բաց թողնում և ինքն էլ երեսի վրա՝ փռվում նրա կողքին...

Վազում է ամբոխը սոսկման ճիշը բերնին, վազում են ամենքը, հերոսին բարձրացնել են աշխատում...

Բայց նա մեռել է։ Արձանը լույս աշխարհ է հանել, տիղմից ազատել, դրել է իր պատվանդանի վրա և մեռել նրա կողքին...

ԿՈՐՍՎԱՏ ԱՐԳԱՐՈՒԹՅՈՒՆ

Մի անգամ Արդարությունն անհետացավ հանկարծ։

Ասենք, նա հաճախ էր կորսվում։

Խուսափելով իրեն ծյուրող, պատնիպատ խփող, լլկող անձերից, հաճախ նա փախչում էր լեռները, պահվում աշխարհիս հեռավոր անկյուններում։ Բայց ամեն անգամ, այսպես կամ այնպես, հաջողվում էր նրան գտնել, բռնել, վանդակի կամ սնդուկի մեջ դնել, ուզածին պես գործածել... շարչարել։

Այս անգամ սակայն, չգիտեմ ի՞նչ հնարքով, Արդարությունը հաջողվեց լավ անհետանալ։ այնպես լավ թաքնվեց, որ մարդիկ աղոթքով եզվիտություն մեծ չէին կարող հասնել նրան գտնելու։

Սկսվեց մեծ իրարանցում։ Առանց Արդարության դժվար էր ապրել, մանավանդ որ նրա անհետանալովը բազմանում էին մարդկության «օգտակար» շատ հաստատություններ և շատ աղտոտություններ, որ պիտիք են՝ կեղծավորություն, անիրավություն, խաբեություն, արյունահեղություն և այդպիսի շատ այլ թույլներ, որոնց այնքան լավ դիմակավորում էր Արդարությունը։

Եվ ահա Արդարությունը փնտրելու ելավ նախ մի պատերազմիկազմական։ Շատ զորք ժողովեց, վաշտ ու գունդ կազմեց և երգվեց, որ Արդարությունը ո՞ր ծակը մտած լինեք, պիտի հանեք, ձեռքն ու ոտը կապած պիտի մեջտեղ բերեք։

Այդ պատճառով իսկ, ոտնակոխ տալով նա գյուղ ու քաղաք, արյուն

սփռելով դաշտ ու ձոր, ջարդեց, սրամաշ արավ ամեն ինչ, տակնուվրա դարձրեց ամեն բնակություն, և այդպես առաջ էր գնում՝ հուսալով բռնել Արդարությունը։

Նրանից հետո ճանապարհ ընկավ Արդարությունը որոնելու մի շատ հարուստ մեծատուն։ Ոսկի ու արծաթ, զարդ ու զարդարանք բարձեց ուղտերի և, վստահ իր ոսկու վրա, տնից դուրս եկավ։ Ասում են, որ մի քանի հատ էլ սիրուն կանայք վերցրեց, որ ոսկու փայլի վրա գեղեցկության հրապույրն էլ ավելացնեք։

— Կտեսնեք,— պնդում էր նա,— Արդարությունը ոսկովս պիտի գնեմ, կանանցով պիտի գրավեմ և, սնդուկիս մեջ դրած՝ պիտի մեջտեղ բերեմ։

Այդպես էր ահա, որ բոունցքն ու ոսկին գնացին Արդարությունը որոնելու... Եվ դեռ գնում են։

Թ՛ող գնան։

* * *

Տեսնենք այժմ, թե ո՞վ էր այն երրորդ անձը, որ խեղճ ու կրակ, ցնցոտիք հագին, ճակատը վշտերով խոր-խոր ակոսած, մտածեց ելնել Արդարությունը որոնելու։

Ասենք ազնվականը սուր ունեք, հարուստը՝ ոսկի։ Իսկ սա ի՞նչ ունեք, ինչով պիտի գտնեք Արդարությունը։

Քշվառն էր դա։ Բոլոր ընծաների փոխարեն էլ տարածն էր մի շնչին սրվակ, որ ամուր կերպով սեղմել էր կրծքին և համառությամբ ճանապարհ ընկել։ Բանն այն է, որ սրվակը լցրել էր մի շտված հեղուկով։ Որբից մի արցունք, ընկածից մի հառաչ, գործավորից մի դառը քրտինք... Մի խոսքով, վշտերի արցունքներից մի-մի կաթիլ ժողոված, լցրել էր շիշը, պինդ փակել և կարծում էր, թե տարածն անշո՛ւշտ պիտի գրավեք Արդարությունը։

Ու քայլում էր։ Անցնելով մեծ-մեծ քաղաքներից, խուլ, հեռավոր գյուղերից, քայլում էր անխոնջ, ձորեր ցած իջնում, լեռներն ի վեր ելնում, ամեն քայլափոխին էլ կանգ առնելով՝ գոչում։

— Ո՛ւր ես, Արդարություն։

Արդարությունը չկար։ Ո՛չ երևում էր, ո՛չ էլ ձայն տալիս։

* * *

Անոթի, ծարավ, հոգնած, վշտալից, երկար թափառեց թշվառն ամեն ուղղությամբ, սրտի վրա սեղմած ունենալով սրվակը, որի հեղուկը սկսել

էր եռալ ու տաքանալ: Արդարութիւնը սակայն չխղճաց նրան էլ. ո՛չ երեւակաց, ո՛չ էլ գոյութիւնը հայտնեց:

Վերջապես, երբ հուսաբեկ և ուժասպառ հասել էր լեռան կատարին, նստեց մի ժայռի վրա և սկսեց մտածել, թե իզուր էր Արդարութիւնն որոնելը, քանի որ խուսափում էր նա թշվառից անգամ:

Եվ երբ այդպես մտածեց, բարկացած հանեց ծոցից սրվակն ու խլիփեց ժայռին:

— Գնա՛, ոչնչացի՛ր,— գռչեց նա,— իզուր են բոլոր վշտերն ու արցունքները. Արդարութիւնը թշվառին չի՛ սիրում...

Բայց հազիվ թե սրվակը փշրվել էր, լսվեց մի ահեղ որոտում. հոսած արցունքներից թանձր ծուխ բարձրացավ, փրփրեց, ոլորվեց, և նրա միջից, ահաբեկ թշվառի առաջ, դուրս ցցվեց մի ահեղ հսկա:

Սարսափած թշվառն ընկավ երեսի վրա:

— Ելի՛ր— կանչեց հսկան մեծածայն,— ելի՛ր և մի՛ վախենա:

— Ո՞վ ես դու, ահե՛ղ ոգի,— հարցրեց թշվառը:

— Ե՛ս,— գռչեց հսկան,— ես Բողոքն եմ, որ ծնա այդ թափած արցունքներից և որ պիտի աշխարհ բերեմ անհետացած Արդարութիւնը... Նայի՛ր...

Ապա արշալույսի կարմրորակ լույսի մեջ ցցվեց հսկայի վեհ հասակը, դարձած դեպի բարձրութիւնները, ուր սկսել էր մի փոթորիկ և ուր գետինն ամբողջ դողում էր դրոյզումով:

Եվ հեռուն, հսկայի պարզած ձեռքի կողմը, մի կուլտ մաքուր ամպերի բացվածքից, երևան եկավ թաքնված Արդարութիւնը՝ խորունկ, տխուր հայացքով, առանց կշեռքի, առանց մեծ սրի¹:

— Ե՛կ, Արդարութիւն,— կանչեց Բողոքը,— ես ծնվել եմ, և իմ ձայնը թող քեզ համար կշեռք ու սուր դառնա. ե՛կ, Արդարութիւն...

Բայց Արդարութիւնն անշարժ ու տխուր՝ նայեց նրան, նայեց թռչվառին և ասաց.

— Դեռ ո՛չ... դեռ դու փոքր ես. գնա, քայլի՛ր, կուտակի՛ր արցունք, կուտակի՛ր վշտեր, մեծացիր, որպես օվկիան, կատաղի՛ր որպես հեղեղատ, և այն ժամանակ միայն ես կգամ իմ սրով և իմ կշիռով...

Ապա ամպը սահեց, և Արդարութիւնը նորից անհետացավ իր անմատչելի բարձրութեան մեջ...

¹ Հետո Արդարութիւնը նկարվում էր որպես մի դիցուհի, աչքերը կապած, մի ձեռքին սուր և մյուսին՝ կշեռք:

* * *

Այդ օրվանից ահա՛ պատերազմիկ գորեղն արյունի մեջն է որոնում Արդարութիւնը, հարուստը՝ ոսկու, և թշվառը, նստած իր վշտերի մոտ, արցունքներով մեծացնում է Բողոքին, որ նա՛ վերակուշե աշխարհում կորսված Արդարութիւնը...

1902

ԱՌՎԱԿԸ

Հետո Արևելքում, կարծեմ Հնդկաստանում (գրույցն այդ մասին որոշ ոչինչ չի ասում)— կար մի հզոր, հարուստ թագավոր: Ապրում էր նա, ինչպես ամեն արևելյան իշխան, ճոխ ու փառավոր և թողնում էր, որ շուրջը թշվառութիւնը հպատակներին մաշեր, միայն թե իրեն պալատ ու կանայք չպակսեր, հետևորդն ու իշխանն ապրեր առատութեան մեջ, կյանք վարեր շոալլ, միշտ հաճոյալից:

Ուներ նա պալատներ՝ միմյանցից ընդարձակ, շքեղ պարտեզներ՝ միմյանցից գեղածիժաղ, օակայն և միշտ շինում էր, տնկում էր նորը և նրանց համար՝ իր հպատակների ո՛չ քրտինքն էր խնայում, ո՛չ էլ ջանքն և ուժը:

Ասում են, որ արքան սիրում էր անընդհատ շինել. և շինել միմիայն պալատներ՝ իր բնակութեան, պարտեզների իր վայելչութեան համար:

Ու շինում էր: Ի՞նչը կարող էր նրան արգելք լինել: Հո՞ղն էր պակաս: Մի՞թե տերութեան հողի կեսն իրենը չէր— իր որսի, պալատների, կանանց ու պալատականների համար, բնակարանի և պարտեզների ընդմիշտ հատկացրած:

Եինոզ ձեռքե՛ր էին պակաս: Մի՞թե իր հպատակների ուժն ու ջրոտինքը նա չէր գործածել: Եթե ուզենար, չէ՛ր կարող նույնիսկ նրանց դիակներից պատեր կանգնեցնել կամ նրանց արյունը շաղախի գործադրել:

Կաներ: Արևելյան արքաները ինչե՛ր ընդունակ չեն անելու:

Եվ ահա նա մի օր մտածեց այնպիսի մեծ ու շքեղ պարտեզ շինել, որի մի ծայրից մյուսը գնալու համար օրեր պետք լիներ. մեջը՝ բույս, ծառ, պտուղ կամ բանջար, թռչուն ու գազան այնքան շատ լիներ, պահ-վեր-պահպանվեր, որ իր հաճոյքի համար, ուզած ժամանակ, ձեռքի տակ գտնվեր:

Մտածեց ու արավ: Առաջ քշել տվավ հպատակներին դեպի ընտրած հողը, տնկեց ու շինեց, հետո տեղերից ծառեր բերել հրամայեց, փառմեց

բաժանմանքներ, կանգնեցրեց շենքեր... Այդպես, տարիներով, երկրի ամբողջ ուժը գործադրեց իր հաճույթի համար միայն:

Ու պարտեզը շինվեց մե՛ծ շքեղությամբ, անծայր մեծությամբ: Հրամանովը պեղված ու բերված ջրերը ոռոգում էին նրան, ջրվեժները զովացնում օդը, բազմաթիվ շատրվաններ՝ անուշ խոխոջով, մեծ-մեծ լճակներ՝ սիրուն փայլումով հիացնում էին ամենքին:

Եվ արքան հպարտ՝ շրջում էր նրանց մեջ, հրճվում իր գործով:

* * *

Բայց եղավ մի օր, որ շատ հեռավոր, անհայտ լեռներից եկավ մի առվակ, ով գիտե ինչպե՛ս, որտեղից, ներս սպրդեց, գտավ հզոր արքայի հողերն ու մտավ նրա կառուցած մեծ պարտեզի մեջ:

Իմաց տվին արքային նոր հյուրի գալստյան մասին:

Քազավորը ծիծաղեց հրճվանքից:

— Ինչ կա,— ասաց նա,— բարի լինի գալուստը. իմ գործե՛րն են գրավում այդպես. թող գա վտակն ու ջրի պարտեզը:

Տեղ տվին առվակին: Ճանապարհը հարդարեցին, թողին, որ հոսեր նա, ծորար պարտեզի միջով, մտներ-ոռոգեր ծառերը դալար, շշնջար բուսերի հետ, գգվեր ծաղիկներին...

Բայց տե՛ս, թե ի՞նչ եղավ հետո:

Բանն այն է, որ անկոչ հյուրը սկսեց քիչ-քիչ մեծանալ:

Աննշմարելի նախ՝ առատացավ, գետակի փոխվեց, և ապշած արքան ու պալատականները մի օր էլ տեսան, որ աննշան, հեռու տեղերից եկող այդ հյուրը սկսել էր ի՛նքը միայն ողողել ամբողջ պարտեզը, ծածկել ջրովե՛ծ, շատրվան, հետո մինչև իսկ դուրս սողալ պարտեզից և գնալ հպատակների արտերին ջուր տալ:

— Վա՛յ,— գոչեց թագավորը,— հյուրին շա՛տ երես տվինք, այժմ մեծանում է և սահմանն անցնում:

Եվ իրավ, նոր հյուրը խոշորանում էր միշտ, վազքն արագացնում, շուկը մեծացնում, հոսում էր արագընթաց՝ պարտեզի միջով, ապա կամաց-կամաց ամեն ինչ ողողում, տակովը տալիս, շենք ու ծառի շուրջ լճեր գոյացնում, խեղդում-տապալում և գնում էր խաղաղությամբ ջրելու հպատակների արտերն ու պարտեզ:

Եվ մինչ արքայի պալատ ու այգի այդ ջրի տակ թաղվում փլում էին, գրսում հպատակների կյանքն այդ միևնույն ջրով աճում էր, բարվոքվում:

Արքան սկսեց բարկանալ: Բայց քա՛նի բարկանում էր, առվակն այնքան աճում էր, խոշորանում և գետի փոխվում:

— Վոնդե՛լ այդ անկոչ հյուրին, դո՛ւրս նետել նրան իմ հողից, իմ տերությունից...

Հրաման տալը հեշտ էր իհարկե, միայն թե ինչպե՛ս կտրել մի գետի առաջ, որ հոսում էր արագավազ, մեծանում անընդհատ, իր համար հող գրավում և տիրապետությունը տանում-տարածում:

Արքան հրամայեց ամեն միջոց գործ դնել, միայն թե գետ դարձած առվակին հողից վոնդել, պալատն ու կայքը նրա ողողումներից ազատ պահել:

Հավաքվեցին իշխան-պալատական, զորք ու զորավար փորձեցի՛ն գետի հեղեղատը փոխել, հսկա ամբարտակներ դեմ տալ նրա ընթացքին, հեռունբերում ցրել նրա ուժը, գոնե կտոր-կտոր սնել: Բայց առվակը գալիս էր սահմանի այն կողմից, և երբ այս կողմն ամբարտակներ դրին, հոսող ջուրն ուռավ, անցավ ամեն բանի գլխով, փլեցրեց նրանց ու ավելի կատաղի, ավելի ուժով հոսեց՝ ողողեց պալատ ու պարտեզ, շենք ու ամրություն...

Այն ժամանակ արդեն արքան լուր ուղարկեց դրացի երկրին:

— Երկրիցդ,— հրամայեց ասել նա այն երկրի արքային,— մի անամոթ հյուր է եկել ինձ, որ նախ փոքր էր, հետո մեծացավ և այժմ ողողել է ամեն ինչ, քանդել պալատներս: Կամ նրա դեմը փակի՛ր և կամ ճանապարհը փոխի՛ր, դեպի անապատը դարձրու:

Դրացի թագավորը նրբ լսեց այդ, ծիծաղեց, տարավ եկողներին իր հողերը ցույց տվավ և ասաց.

— Ինքներդ տեսեք այժմ. իմ պալատներն էլ այդ միևնույն հյուրը ողողել է, քանդել. փորձեցի և ես փոխել նրա հեղեղատը, ամբարտակ դնել, բայց նա ամեն արգելք տապալեց և այժմ լիճ է շինել պալատներս, իր սեփականությունը դարձրել երկիրս: Նա չէ բխում հողերիս միջից, որ աղբյուրը փակեմ և երկրիցս դուրս վոնդեմ. գալիս է նա ուրի՛շ երկրից, իմ սահմանի այն կողմի լեռներից:

Այն ժամանակ հզոր արքան մարդիկ ուղարկեց մյուս տերություն մեջ, ապա ավելի հեռուն, և այդպես շարողացան հասնել առվակի ակունքին, որ բխում էր շա՛տ հեռու, անհայտ լեռներից, մեծանում էր անցած տեղերում, ողողում ամեն երկիր, պալատնե՛ր քանդում, դաշտեր ծաղկեցնում:

Ջրույցը չէ պատմում, թե վերջն ինչ եղավ: Միայն ավանդությունն ասում է, հզոր թագավորը շինեց մեծ-մեծ ամբարտակներ և թումբեր գետի դեմ, բայց բոլորին էլ առվակը ջարդեց ու անցավ:

Եվ քանի նրա դեմ թումբ էին դնում, նա այնքան ավելի ուժ էր կու-

աակում, ապա փլեցնում, ջրի աակը ծածկում ամեն պալատ ու պերճու-
թյուն:

Եվ աչօր, եթե այն հզոր արքայի պալատի ու պարտեզի տեղը լճե-
րն կանգնած և կամ ճահիճներ— դրանց անողն ա՛յն փոքրիկ առվակն է,
որ անհայտ աշխարհներից գալով՝ հող է միշտ գտնում իր ճանապարհ
համար, մեծանում է, գետի է փոխվում և երկրի մեջ իր թագավորութ-
յունը կանգնեցնում:

Թումր կամ ամբարտակ, փոխանակ կասեցնելու նրան, ավելի կատա-
ղեցնում են, ավելի ուժ տալիս: Եվ նա քայլում է միշտ, ո՛չ միայն պա-
լատների գլխովն անցնում, այլև մտնում—սպրդում է ամեն մի պարտեզ,
ամեն ծառաստան և իր ջրերի տակ թողնում ա՛յն ամենը, ի՛նչ արքայա-
կան է կամ իշխանական...

1908

ՎԻՃԱՊ

1

Վաղուց, երևի շա՛տ դարերից ի վեր, այն մաքուր և հորդառա-
ջուրը, որ բխում էր լեռներից, գնում էր ոռոգելու ստորոտի դաշտերը և
դարձնում նրանց հարուստ անտառներ, պարարտ, արդյունավետ արտի
ու գեղածիժող մարգագետիններ:

Քաղաքի նմանող մի գյուղ ծաղկում էր ջրի ափերին: Մառաստան և
այգի զարդարում էին նրան. երկիրը, լի ցնծությամբ, արտադրում էր շա-
բարիք. մարդիկ երջանի՛կ էին այնտեղ. հավասարապես վայելում էին
ջրի բաշխած հարստությունը, ճաշակում նրա արդյունքը:

Վաղուց, գուցե դարերից ի վեր էր, որ այդ մաքուր ու հորդառա-
ջուրը ո՛չ ցամաքում էր, ո՛չ դադարում, ո՛չ էլ պակասում: Գարնանը
հորդանում էր, քիչ պղտորվում, սակայն տարվա ամեն եղանակին կա-
նա, հոսում էր անընդհատ, խաղում ափերի հետ, ոռոգում նրանց:

Բայց երկար շտեկց այդ:

Մի օր հանկարծ խուլ հուզումն առաջացավ նրա ափերի վրա: Մար-
դիկ իրար անցան, խմբվեցին, գետը զննելու իջան և վճռեցին, որ չորս
սկսել էր նվազել:

Թեև սակավ առ սակավ, բայց արագ կեթացով նվազում էր նա, ափե-
րք թողնում և բոլոր արտերին ու մարգերին ոռոգելու չէր բավականա-

նում: Այդպես եթե գնար, մի քանի տարուց հետո ջուրը ո՛չ միայն կես
կարող էր լինել, այլև գուցե բոլորովին դադարեր:

Այն ժամանակ ի՛նչ պիտի լիներ գյուղացիների դրությունը: Զե՛ որ
արդեն սկսում էին շորանալ արտերը, բերքը նվազում էր, այգիները, ջուր
լռնենալուց, ծարավից խամրում էին, ծառաստանները կորցնում էին աճե-
լու ուժը, և մարգագետիններն այլևս չէին ծալում առաջվա պես՝ իրենց
թավշանման շքեղ կանաչով:

Ամբողջ երկիրը կարող էր ոչնչանալ: Պետք էր մի ճար մտածել, ջրի
սպառվելու դեմն առնել:

Բայց դրա համար, ամենից առաջ, հարկավոր էր նոր փորձանքի
պատճառը որոնել ու գտնել:

Եվ ահա հավաքվեցին գյուղացիները խորհրդի. ապա բաժանվեցին,
լեռներն ելան ջրի ակունքը գտնելու, այլև հետազոտելու ն՛յն ամեն ճյու-
ղերը, որոնցից գետը հորդանում էր և մեծանում:

Մեծ գետ էր այն: Բուն ակունքը սկիզբ էին առնում մի մութ և ժայ-
ռոտ սարի կրճքից. ճանապարհին, մոտ 4—5 տեղ էլ, զանազան լեռնե-
րից գալով խառնվում էին նրան՝ խոշոր ուրիշ վտակներ, իսկ լեռնաշղղ-
թայի ստորոտում, խոր ձորակի մեջ, այդ ամենը միացած՝ ձևանում էր
մի ջրաշատ գետ:

Այդ բոլորը գիտեին գյուղացիների այն խմբերը, որոնք հետազոտու-
թյան ելան:

Առաջին խումբը բռնեց բուն ակունքի ճանապարհը. մյուսը ձորը
մտավ, մտածելով, որ գուցե լեռներից խոշոր ժայռեր էին գլորվել, փա-
կել ջրի ընթացքը և փոխել հեղեղատը:

Երրորդ խումբը քայլեց գլխավոր ճյուղն ի վեր, դեպի լեռնաշղթա-
լի ծործորները, իսկ երկու մյուսները, բահերով ու թիերով զինված, գնա-
ցին մաքրելու մյուս ճյուղերի ակունքը, ենթադրելով, որ լցվել էին նրանք
ավազով և կամ փուխր բլուրներ փլած՝ նրանց ընթացքն էին շուռ տվել:

Մինչ այդ, դաշտի բնակիչները լուրերի սպասելով նկատում էին, որ
ո՛չ միայն ջուրը չէր մեծանում, այլ ավելի և ավելի էր պակասում:

Խմբերից շատերն այդ միջոցին, հոգնեցուցիչ, տաժանելի ճանապարհ-
ներով քայլեցին վտակներն ի վեր: Ո՛չ մի հողաթումբ չէր փլվել, ո՛չ մի
ժայռ չէր գլորվել, և ջրերի հեղեղատները չէին փոխվել: Նկատեցին միայն,
որ նույնիսկ վտակները փոքրացել էին, իսկ թե ո՛րտեղ էին անհետա-
նում ջրերը կամ ի՛նչպես, ի՛նչ ճանապարհով— ոչ ոք իմանալ չկարո-
ղացավ:

Տասնհինգօրյա երկար շրջագայությունից հետո բոլոր խմբերը կենտ-
րոնացան ակունքի մոտ և խորհրդի նստան:

— Ակներև է,— խոսեց մեկը,— գետի ջրերը պակասում են. բայց թե ինչպես կամ ո՞ր երեսն գնում, մենք այդ իմանալ չկարողացանք:

— Ինձ թվում է,— խոսեց մի ուրիշը,— որ վտակների տակ անդունդներ են գոյացել և կլանում են ջրերին:

— Պտույտներ պիտի լինեին և կամ մի այլ նշան,— առարկեց մի երկրորդը,— մինչդեռ ո՞չ մի այդպիսի նշան չկա:

— Այո՛, չկա. բայց կա ա՛յն փաստը, որ ջրերը կլանվում են և մի ամբողջ հասարակության ծարավ թողնում:

— Գուցե անհայտ շարագործներ, ստորերկրյա, վարպետությունը շինված ճանապարհներով գողանում են ջրերը,— հայտարարեց մի փորձառու գյուղացի:

— Այդպես բանի նշան էլ չկա:

Ու երկար վիճում էին նրանք, թե ու դեմ կարծիքներ, զանազաններ. թաղրություններ առաջադրում: Առաջարկում էին ցնորական, երեխայական, առժամանակյա շատ միջոցներ, սակայն իսկույն էլ գտնում էին, որ դրանցից ո՛չ մեկը երկարատև լինել չէր կարող, եթե նույնիսկ հաղող վեհին մի տարի, հսկայական ուժ գործ դնելով, ամբարել ջրերը, դաշտերին բավականացնել: Այնուամենայնիվ գետն անընդհատ պակասում էր և կարող էր լիովին չորանալ:

Երբ այդպես տաք վեճի մեջ էին, հանկարծ մի երիտասարդ, որ հայտնի էր հայրենակիցների մեջ որպես այլանդակ մտքեր արտահայտող ու երկվակյող մի «խենթ», գոչեց այն կողմից.

— Լսեցեք ինչ կասեմ ձեզ, եղբայրներ: Մեր ջրերը կլանողը ո՛չ այլ է, ո՛չ այն: Դա մի վիշապ է, որ բույն է դրել լեռներում և հետզհետե ցամաքեցնում է մեզ կյանք տվող աղբյուրները. մի վիշապ է դա— ահա ճշմարտությունը:

Բարձրացավ ընդհանուր քրքիշ, հետո ծաղրի կարկուտ թափվեց խենթի գլխին:

Բայց սա անվրդով, հետզհետե ավելի հաստատուն ու վճռական ուժով էր.

— Կրկնում եմ ձեզ, եղբայրներ. մի վիշապ է այն, որ մտել է մեզ լեռների մեջ: Շուտով եղած ջուրն էլ կցամաքեցնի. պիտի տեսնեք: Կլանելով ջրերը՝ ինքը կմեծանա, նրա ծարավը կաճի, խմելու փափազը կավելանա և այլևս ջուր չգտնելով, կգա մեր արյունը խմելու...

Այդպես խոսեց «խենթ մարդը», և նրա եղբայրները ո՛չ միայն ծաղրեցին, այլև նախատեցին, ջանացին լռեցնել, հետո ծեծեցին ու ստիպեցին, որ դադարեի հիմարություններ ասելուց:

Բայց նա գոչում էր համառությամբ.

— Վիշապ է այն, եղբայրներ, ասում եմ ձեզ: Քանդեցեք ակունքը և կտեսնեք. հետազոտեցեք, խորքերը մտեք և պիտի հասկանաք... Մնվել է նա, կարճամիտ եղբայրներ, և ծնվել է մե՛ր միջից, մեղնի՛ց է ծնվել...

— Մեզնի՞ց է ծնվել,— գոչեց գյուղի իշխանը բարկացած,— ասում ես մեզնի՞ց: Խենթ, ասա տեսնե՞նք, մի հիմարություն էլ ասա և հայտնի մեզ, թե ի՞նչ կին է այն, որ վիշապ է ծնում. կամ որտեղի՞ց, ինչո՞վ ծնավ նա:

Ու ծիծաղում էին, որովհետև ո՛չ ոք չէր լսել, որ մարդկանցից կարող էր վիշապ ծնվել և այդ վիշապը, մի ամբողջ գետ կլանելուց հետո, կարող էր ելնել ու մարդկանց արյունը խմելու գալ:

— Խոսի՛ր,— գոչեցին գյուղացիք խենթին,— տեսնե՞նք, գուցե բո՛ մայրն է ծնել այդ երևակայական վիշապին, եթե միայն նրան ծնողը բո՛ հիվանդ ուղեղը չէ: Խոսի՛ր, ի՞նչից է ծնվել նա:

— Չեր քրտինքից...— ասաց խենթը և այնուհետև այլևս չխոսեց:

Եվ ինչո՞ւ խոսեր: Միմյանց ետևից միայն այլանդակություններ էր ասում: «Քրտինքից ծնված վիշապ»: Դա մի այնպիսի խենթ միտք էր, որ հավերժ ծիծաղն անգամ կշարժեր, ի՛նչ մնաց խելքը գլխին, փորձառու, շատ բան տեսած գյուղացիների և պատկառելի իշխանների:

Ահա այդպես էր, որ վիշապի գոյություն միտքը ծագեց մարդկանց մեջ.

Թեև գետն արդեն կես էր եղել և սպառնում էր շուտով մի առվակ դառնալու, սակայն գյուղացիք շարունակեցին ծիծաղել երևակայական վիշապի վրա և ջրի նվազելը համարում էին որևէ բնական պատճառի արդյունք:

Բայց «խենթը մի քար գլորեց, հազար խելոք չկարողացան հանել»: Այդպես էլ եղավ: Վիշապի գոյության գաղափարը, որքան և խելոք մարդիկ ծաղրեցին նրան, համակեց ժողովրդի «պակասամիտ» դասի միտքը: Տարիներ հետո, երբ մեծ գետն այլևս չնշին առվակ էր դարձել, երբ ծաղկած քաղաքի նմանող գյուղը կես էր դարձել և գեղածիծաղ այգիները, դաշտերն ու մարգերը չորացել էին, գտնվում էին դեռ «խենթանման մարդիկ», որոնք ջրի պակասելու և ոչնչանալու մեջ հանցավորը համարում էին վիշապին:

Քիչ էր գտնվում, իրավ է, բայց կար: Որևէ գաղափար շուտ չի մրտնում ամբողջ մեջ. բայց երբ մտնում է, շուտ չի դուրս գալիս:

Կտնվեցին մարդիկ, որոնք վերջիվերջո վճռեցին գնալ դեպի ակունքը:

փորել, խորը մտնել, ստուգել վիշապի գոյությունը և եթե կար՝ սպանել ու մեռնող երկիրը կենդանացնել, նրա անցյալ ետուն կյանքը վերականգնել, Իսկ խենթը, որը դեռ կենդանի է, որ դեռ պնդում է վիշապի գոյության մասին, հանձն առավ նրանց գլուխն անցնել և հարստահարողի դեմ կռվի գնալ:

Ամբողջ գյուղը հետևեց նրան: Ոմանք՝ որովհետև դնացողների հայրերը կամ եղբայրներն էին, և շատերը՝ որովհետև այդ հետազոտությունը հետաքրքիր էր:

Եվ գնացին որոնողները, քայլեցին երկար, օրերով ու շաբաթներով, հասան ջրի գլխավոր ակունքին՝ այն խոժոռ լեռների և մեծ ժայռերի ստորոտը: Հետո բահերն ու բրիչները ցած դրին, նստեցին ծրագիր կազմելու...

Երբ խենթը տեսավ, որ մարդիկ նստում են ծրագիր կազմելու, կանգնեց նրանց մեջ և ասաց.

— Օ՛, ո՛ւ, եղբայրներ՛ր, մի նստեք հանգստանալու, քանի դեռ վիշապը կենդանի է. մի՛ ժողովվեք երկար՝ ծրագիրներ կազմելու համար: Հարցը շատ պարզ է: Մնվել է վիշապը, որ կլանում է մեր ջուրը և մեզ թողնում է ծարավ: Պիտի պեղել նրա եղած տեղը և նրա գլուխը պիտի ջախջախել: Սրանից պարզ ու կտրուկ միջոց չկա: Ոտքի՛ ելեք և գործը սկսենք:

— Բայց չէ՞ որ, — ասաց մեկը, — հարկավոր է հաշվի առնել նաև մեր ուժերը, տեսնել, թե կարո՞ղ ենք ջախջախել վիշապին: Գուցե նա շատ մեծ է և գորեղ և կարող է մեզ բոլորիս կլանել:

— Այո՛, — ասաց խենթը, — երբ նա նո՛ր էր ծնվել, սպանելը շատ ավելի հեշտ էր: Բայց ահա երկա՛ր ապրեց և գիրացավ մեր ջրով: Այժմ նրա ստամոքսն ավելի մեծ, կլանող բերանն ավելի լայն է դարձել. շատ դժվար է ոչնչացնել նրան՝ առանց զոհեր տալու, առանց արյուն թափելու:

— Տեսնո՞ւմ ես, — խոսեց մի գյուղացի, — ուրեմն մեզ ավելի երկար պետք է խորհել, ծրագիրներ կազմել և կռվելու պատրաստվել այդ հրեշի դեմ:

— Այո, բայց մինչ գուք կխորհեք ու ծրագիրներ կկազմեք, նա կորեղանա, ամբողջ ջուրը կկլանի և մեզ բոլորիս ծարավ կթողնի: Նա աճում և գորեղանում է ժամ առ ժամ, նույնիսկ բուսեց առ բուսեց:

— Ի՞նչ արած, — առարկեցին շատերը, — պիտի խորհել, մտածել... Ու շարունակեցին խորհել, մտածել:

Խենթը մնաց մենակ: Նրան շլսեցին, նրա շտապեցնելը ժիծաղելի դասն:

Բայց նա մենակ առավ բրիչն ու բահը, իջավ լեռների խորքերը և որոնեց:

Գյուղացիք հեռու նստած՝ խորհում էին ու ժպիտը դեմքերին դիտում խենթի արածը:

— Եթե իսկապես հրեշ կա, — ասում էր մեկը, — անպատճառ, իր շնչովն անգամ լինի, վայրկենապես կոչնչացնի այդ խենթին:

— Միծաղելի կլինի տեսնել, թե ի՞նչ այլանդակ դեմք պիտ ստանա խենթը՝ դեմառդեմ գալով վիշապին:

Իսկ խենթը փորում էր, աշխույժով փորում: Նրա բրչի հարվածից դողում էր լեռը, թնդում էր գետինը: Եվ ժայռերի խորքում լսվում էր խուլ մոնչյուն, որ, քանի խենթի հարվածներն արագանում էին, այնքա՛ն մեծանում էր:

— Հրե՛շն է... — գունատ և դողողուն գոչեցին գյուղացիք, ետ-ետ գնալով:

— Զգո՛ւյշ լինենք, — խրատեց մեկը, — ավելի լավ է հեռու կանգնենք և նախ տեսնենք, թե ինչպե՞ս կվարվի խենթի հետ...

— Մի պատառ կանի նրան, — ասաց երկրորդը:

— Մի վայրկյանում կհոշոտի. չե՞ք լսում, թե ինչպիսի ձայներ են լսվում խորքերից:

Եվ իրավ, մոնչյունը սաստկանում էր, գոչարվից դառնում:

Հրեշը բարկանում էր, որ համարձակվել էին այդպես խորքերը մըտնել և իրեն անհանգիստ անելու գալ:

Բայց խենթը պեղում էր: Նրա բրիչը ժայռեր էր դեսուդեն նետում, քարեր գլորում և սուր ծայրով մտնում մինչև հրեշի բնակարանը:

Եվ այդպես, մինչև երեկո, առանց դադար առնելու, փորեց խենթը, պեղեց, բրչի հարվածներ տվավ:

Եվ երբ երեկո էր դարձել ու վերջին կարծր քարն էր ջարդում նա, կանջները գրեթե խլացել էին վիշապի զայրագին աղաղակներից:

Գյուղացիք սարսափած, գունատ և սրտատրոփ՝ հեռվից նայում էին այդ բոլորին. ոչ ոք սիրտ չարավ մի քայլ անելու, խենթին օգնության ձեռք տալու: Ամեն ոք իր կաշվիցն էր վախենում, ամեն ոք կամենում էր վտանգից հեռու լինել՝ թեկուզ ծարավ, թշվառ ու կիսամերկ մնալ միշտ:

Եվ երբ բրչի մի ուժգին ու ծանր հարվածի տակ գլորվեց վերջին ժայռը, ահաբեկ գյուղացիների առաջ երևան եկավ հրեշի այլանդակ, սոսկալի գլուխը, որ բերանը դեմ էր տվել բոլոր ջրերին և անկշտում կլանելով ուտում էր, հաստանում:

Իսկ եթե դեռ հոսում էր քիչ ջուր, դա էլ նրա շրթունքների անկյուններից դուրս ելնող թափցուկն էր միայն՝ հրեշային գարշ լորձուքի հետ խառնված:

Վիշապը երբ տեսավ բրիչը ձեռքին և իր գլխի վերևը կանգնած խենթին, մոնչաց, կովային աչքերը ոլորեց զայրալիր և գոչեց որոտածայն.

— Հեռո՛ւ, հանդու՛գն, թե չէ՝ կոչնչացնեմ... Քեզ նման խենթերի ես շատ եմ կուլ տվել ա՛յն ժամանակվանից ի վեր, երբ առաջին մարդը ճնշեց իր եղբորը, խլեց նրա ունեցածը, երբ կայենը սպանեց Աբելին... Գնա՛, քանի չեմ փոշիացրել քեզ, անմի՛տ: Քեզ նման խենթերը թեև գրտնում են ինձ, բայց չե՛ն կարող ոչնչացնել: Ինձ վնասել կարող է միմիայն այդ ամբոխը ահա, որ այժմ ահաբեկ՝ դողում է ոտքերիս առաջ...

Եվ շարունակեց կլանել ջուրը:

Խենթը բարձրացրեց բրիչը, ուժգնությամբ օրորեց և բուռն թափով նետեց դեպի հրեշի գլուխը:

Բրիչը սուլեց, գնաց քերթելու գաղանի գլխի կաշին, բայց ուժգնությամբ կպավ կողքի ժայռերին, շարդոտեց նրանց և հեռվում դիտող գյուղացիներից շատերին վիրավորեց:

Այդ որ տեսան գյուղացիք, զայրացան, հուզվեցին, հետո խմբվեցին, քարեր վերցրին և քարկոծեցին խենթին:

Իսկ հրեշը մի մեծ քրթիչ արձակեց և ասաց.

— Տեսա՞ք, մարդիկ. տեսա՞ք, որ այդ խենթերն ինձ դեմ կովելով՝ միմիայն ձե՛զ են վնասում: Քարկոծեցե՛ք այդ տխմարներին. ձեր թշնամիներն են, ձեզ մոլորեցնողներն են դրանք... Մինչդեռ ե՛ս եմ ձեզ կերակրողը, ձեր բարերարը... Եվ որովհետև եկել եք այժմ ինձ խնդրելու, ահա խոստանում եմ, որ է՛լ ավելի բարի կլինեմ դեպի ձեզ, ծարավ չեմ թողնիլ, որովհետև շրթունքներս անկյուն ունեն և անկյուններից ձեզ բավականացնելու, ձեզ ծարավութունից չմեղցնելու չափ ջուր թափվում է...

Եվ գյուղացիք դողալով՝ լսեցին հրեշի այդ բարեսիրական խոսքերը:

Քարկոծեցին, լեռների բարձունքները քշեցին խենթին, հետո ծունկի եկած՝ շնորհակալ եղան վիշապից և ուրախ՝ վերադարձան գյուղ:

— Խոստանում եմ,— ավելացրել էր հրեշը,— ձեզ ծարավ չպիտի թողնեմ. շրթունքներիս անկյունները քիչ ավելի կբանամ, երբ դուք չափազանց ծարավութուն կզգաք:

Ու այդ խոստումը, պիտի խոստովանել, մե՛ծ ազնվությամբ կատարում է նա մինչև այսօր: Շրթունքները երբեմն քիչ ավելի է բաց անում՝ մեղմացնելու համար ա՛յն ծարավներին, որոնք տառապանքներից պատրաստ են խենթանալու:

Այդ օրվանի՛ց ահա, ամբոխը պաշտում է հրեշին որպես բարերարի: շինում է նրա համար տաճարներ, իսկ նրա դեմ խոսող խենթերին քշո՛ւմ է դեպի լեռների բարձունքները...

Այստեղ կվերջանար արդեն դրույցը, եթե պետք չլիներ մի դեպք ևս պատմել:

Այդ ա՛յն է, որ մի օր հայտնվեցին մարդիկ, որոնք երազ էին տեսել, որ մոտ է, իբրև թե, հրեշի ոչնչանալու օրը և որ նրանք երազի մեջ տեսել էին հրեշն սպանողին անգամ:

Ու նկարագրում էին այդ սպանողին. որ իբր թե հուժկու մի մարդ էր կաշվե գոգնոցով, կոշտացած խոշոր ձեռքերով և ձեռքին մի մեծ կռան բռնած...

Պատմում էին այդ երազատեսները նույնպես, որ իբր թե կաշվե գոգնոցով հսկան մեծ քայլերով գնում էր դեպի հրեշը. և վիշապը լսելով նրա քայլերը, կծկվում էր ու ճգնում ավելի՛ խորը մտնելու... Կարծես վախենում էր:

1903

ՍՍԱՄՈՔՍԻ ՀԱՄԱՐ

Սև, բարդ կույտերով լեռների գագաթին, հեռու, ամպերի սպիտակ քողի տակ, ծերպ-ծերպ քարերի, ժայռոտ բարձրութունների խոր լուսթյան և խաղաղության ծայրագույն կետին, խորշանման ծործորի կողին՝ բույն էր դրել մի սրաթռիչ արծիվ:

Այնտեղ էր նա դարերից ի վեր կատարների ժառանգական տեր, անդունդների վրայից թևերի մի թափահարումով անցնող, լերկ ու մեծ ապառաժների վրա կանգուն ու երբեք, սերնդից-սերունդ չէր իջել դեպի ցած և տեղերի գոյության մասին չգիտեր անգամ:

Ապրում էր անվորդով, գերծ որսորդներից, թշնամիներից:

Ներքևի որսորդները գիտեին նրա մասին: Երբեմն, երբ անոսրացած օդի մեջ պսպղում էին լեռների կատարները, և երկնային մաքուր կապտութունը մանիշակագույն ստվեր էր տալիս խոր հովիտներին, տեսնում էին նրանք այն սև լայն բիծը, որ, երբեուն ու սավառնող, լողում էր արևի դեմ, ամպերի քողը ծակում սլանում, հետո անշարժ դիտում անդունդների խորքը և դարձյալ սլանում դեպի բարձրերը:

Եվ մտածեցին որսորդները լեռների բարձր կատարների այդ արծիվն որսալ, խորհեցին բարձրութունների այդ մենակյացին վար՝ դաշտն իջեցնել, զրկել կատարներից, անդունդի խորքը հասցնել, ապառաժների ստորտը լզել տալ:

Արծիվը չիմացավ այդ, ինչպես ամեն լեռ չի տեսնում անդունդ. մե. ծուխունը չի իմանում, քն ի՞նչ է նյութում իր դեմ շնչինությունը, աղվ. նին չի հավատում օձի գոյությանը:

Ու փորձեցին որսորդները վերելքներ սարքել, կատար առ կատար շնոները մազլցել. փորձեցին նեո ու հրացանով արծվին հարվածել, սա. կայն ո՛չ կարողացան նրա բույնը ելնել, ո՛չ էլ նետն ու հրացանը. հա. ջողվեց արծվին հասցնել:

Փորձեցին որսորդները կատարը պաշարել, արծվի ելումուտին հսկել, հանկարծական հարձակումներով նրան կաշկանդել, սակայն նա, գոռո. ու վսեմ, սավառնում էր նրանց գլխից ու գնդակներից շատ բարձր, և կարծես այնտեղից, գլուխը ծռած արհամարհանք՝ սողունների ջանքն էր ծաղրում, ճիզը քամահրում:

Եվ այն ժամանակ կատարվեց այն, ինչ որ գործադրվում է այս աշ. խարհում՝ արծվի իջեցնելու, առյուծի կաշկանդելու, ինչ որ հաջողվում է մտային թռիչքների թևերը կտրտելու, ըմբոստ ու մեծ ոգիների ընկճել. ոչնչացնելու:

Որսորդները թարմ դիսկներ գտան, նրանցից կտորներ նախ մի ժայռի վրա դրին, ուրիշ կտորներ ավելի ցածր և յայպես դիակների աստի. ճաններ շինեցին, որի մի ծայրը ցած՝ տիղմի մեջ էր հանգչում:

Արծիվն այդ տեսավ, երկար վարանեց, շուզեց ցած իջնել, բայց... անոթի էր, առաջին կտորի վրա ընկավ, ճիրանները մղեց ու հրճվանք. կերավ:

Եվ այդ իսկ առաջին քայլն էր, որ մղեց նրան երկրորդ քայլն և իջնելու, հետո երրորդը, ապա չորրորդը...

Ու որսորդները ծիծաղեցին գոհությամբ: Մեծությունը իջնում էր ստամոքսին պաշտելու, վսեմությունը ստամոքսի սանդուղքն առած գտր. վում էր դիակների վրայով...

Եվ իջավ արծիվը օրեցօր. այլևս չէր սավառնում նա ամպամած բարձրությունների վրա, այլևս բարձր կետ չէր նա ցածրերի համար: Հե. տությամբ կշտանալը սկսեց մարել նրա մեջ բարձրերը թռնելու պահան. ջը, և նա թևերը քիչ-քիչ ավելի սակավ բաց արավ, հետո թռնելն էլ մո. աացավ— ցատկել սովորեց:

Եվ այժմ, թևատարած մեծ վսեմությունից սկսում էր ձևանալ մի ակ. ճոռնի հսկա, որ դիակների ճարպով վիզն էր հաստացնում, փորը մեծաց. նում, աչքերը հափրացնում:

Ու որովհետև հաստանում էր— կորցնում էր նաև թռնելու ցանկե. թյունը: Ու որովհետև իջնում էր և իջած տեղում ավելի առատ կեր դը. նում— արդարացնում էր իր փոխվելը, բնական գտնում իջնելը, մոռանում:

Մինչև իսկ արհամարհում էր կատարներն ու սիրել սկսում ցած տեղերը. ծանր օդը, հարթ տարածությունը...

Եվ որսորդները ծիծաղեցին: Մեծությունը իջնում էր ստամոքսին եր. վրայագնելով, վսեմությունը ստամոքսի սանդուղքներով՝ գլորվում էր դիակ. ների կողքին...

* * *

Եվ այն աչքերը, որ վարժ էին երբեմն անոսր օդի բարձրությունների մեջ պապղացող հսկա լեռների կատարների վրա սավառնած հպարտ թռչունը տեսնել, այն հայացքը, որ հիանում էր երկնային մաքուր կապ. տության մեջ այդ երբրուն մեծությունը դիտելով— մի օր էլ տիղմի մեջ գտան արծվին ճարպացած, արծվին լեշացած...

Գծուծ որսորդների ոչ թե գնդակները, այլ ստոր գավազանները ջար. դել էին փորը կշտացնելու համար բարձրությունից իջած մեծությանը և լեշ դարձրել նրանից:

Հետո, երբ օրեր անցան, նրանից խրտվիլակ շինեցին և մի հեշտակ. յաց խոզի պալատը զարդարեցին...

Այսպես էր, որ ընկավ արծիվը բարձր կատարներից և այդ այն օրը, երբ մտածեց ստամոքսը կշտացնելու համար թևերը ծալել և իջնելու առա. ջին քայլն անել...

1904

ԱՆՏԱՌԸ ԾԱՌԺՎՈՒՄ Է...

1

...Եվ այդ սթանչիլի հովիտում, առատաբուխ ջրերի, կապուտակ վե. ձովակների, ծաղկավեպ բլրակների կողերին, հին, անհիշատակ ժա. մանակներից ի վեր, աճել-սփռվել էր մի շքեղ, խիտ անտառ:

Կաղնին ու թեղին, լորին ու բոխին ճյուղ ճյուղի միացրած, արմատ. ներով հողը պինդ գրկած, անհամար ճյուղավորությամբ, բյուրավոր բն. ձյուղներով տարածվել էին հեռունները, երկիրը բեղմնավորել, սև-պա. րնթա հողով պարուրվել և ապրում էին գոռոզ ու ազատ՝ մեծ երկնքի տակ, ջեբմացնող արևի մեջ, սնուցանող անձրևով ուռճացած, զովացած: Դեռ այդ քիչ էր: Գնում էր, շարժվում անտառը, մապղցում բնակա.

րանը շրջապատող քարաժայռերի վրա, ճեղքում նրա կուրծքը, անցնում, պտույտ գործում խոժոռ ու կնճռոտ կույտերի միջոցով, իր սերնդյան նոր շառավիղներով ճգնում էր մի թիզ հող իսկ չթողնել անբնակ, մի քայլ իսկ չձգել անմշակ:

Ու անտառը շրջապատող կույտերը ճակատնին կնճած՝ դիտում էին այդ, ատամ կրճտացնում նրա շարժուն, կենսունակ գոյության վրա:

Չոր, լերկ ապառաժներ էին դրանք: Ոչինչ չէր բուսնում այնտեղ բացի մամուռից. ո՛չ մի թուփ, ո՛չ մի արարած, բացի անարգ մողեսներից: Անձրևն ու արևը խանձում-մրկում էին նրա կողերը, բամիճ անարգել ծեծում-ջարդում գլուխները, և նրանց գոյությունը միմիայն անտառին էր օգտակար լինում՝ ստվերում էր, պահպանում դժնդակ ցըրտից:

Այդպե՛ս էր բնության մեջ՝ երկրի այդ անկյունը:

Ժայռը զայրանում էր անտառի վրա, անշարժությունը ատամ էր կրճտացնում քայլող կյանքի դեմ. իսկ անտառը, այն հովասուն, շքեղ, սաղարթալից ծառերով անտառը աճում էր, ժպտում արևին, հրճվում իր կյանքով, մեծանում, խտանում, գնո՛ւմ էր գնո՛ւմ և ապառաժների դեմ կազմիններ ցցում, նրանց ճեղքերում վարդ, ծաղիկ սփռում:

* * *

— Մաղրո՛ւմ են մեզ դրանք... — մոնչաց վերջապես վիթխարի կատարը, — ծաղրում են. նրանց յուրաքանչյուր ժպիտը մեզ է հայհոյում:

— Զարդե՛նք հանդուգններին, — գոռաց ծանգոտ ապառաժը, — ուզում են մեր սրտերը պատռելու ելնել:

— Գրավե՛նք հովիտը, — խորհուրդ տվին մամուռ քարերը, — այնտեղ հողը փափուկ է, օդն ավելի մեղմ, ջրերն առատ...

Երկար վիճեցին, երկար սպառնացին, ճահճին՝ անտառը ողողիլու հրավերը կարդացին, գազաններին՝ ծառերը ոչնչացնելու խորհուրդները չնչնեցին:

Բայց անտառն այն շքեղ, ամեն առավոտ զարթնում էր մի նո՛ր, ավելցած ուժով, աճում էր-գնում բեղմնավորության հսկա քայլերով:

Այնտե՛ղ էր թուփն իր երգը հնչեցնում, սոխակը լուսադեմին դալ լալով ողջունում, կենսապարար զովությունը՝ մեծ սաղարթների տակ անուշ, քաղցր բուրում, թավիչ մարգագետինը արևի տակ պսպղում:

Նո՛ւյնիսկ այնտեղ էր, որ վտակները ժայռերից խուսափելով՝ հանգիստ էին որոնում, ուրախ-զվարթ խոխոջում, յուրաքանչյուր ծառի ընձյուղի արմատը գգվում...

Այդ արդեն անտանելի էր քարաժայռերի դաժան կույտի համարս Ամեն ինչ՝ ծաղիկ, ջուր, նույնիսկ մողեսն ու մամուռ, կռանում էին դեպի անտառը. կարծես խուսափում էին ժայռերից, ուզում էին գնալ ապրելու թարմ կանաչներում, զով ստվերների, դալար ճյուղավորության տակ: Վիթխարի կատարը դողում էր զայրույթից, ճահճը մի կողմից ճրգնում էր իր զագիր բորբոսը անտառին հասցնել, գազանները մի այլ կողմից փորձեցին նոր ընձյուղները տրորել, ջարդել...

Ու ամեն ինչ, ամեն անարգ ուժ ի մի գումարված՝ մտածեցին վերջապես կասեցնել շարժվող կյանքի ընթացքը:

Ու հաշողվեցան:

Ինքը անտառը, իրերի բերմամբ, գուցեև իր շարաբախտ դիրքի պատճառով, և կամ, ո՞վ գիտե, տնավեր ներքին դավաճան երկպառակությունք՝ թուլացավ, ջլատվեց և ժայռ ու գազանի, ճահճ, զեռունի կերակուր եղավ:

Եկավ աշնանային ժանգ սփռող եղանակը. բարձրացան խորշակներ, ժայռերը իրենց մեջ կուտակած ջրերը բաց թողին, գազանները կատաղի ուժով բանակ կազմեցին, ճահճը մեծացավ, բորբոս-զեռունով մոտեցավ կյանքին...

Հետո, հովերը ծառերին միմյանց դեմ հանեցին, զարկին, ծեծեցին, ճյուղը ճյուղով ջարդեցին, արմատները բացին, թուլացրին, կաղնուն լորենու վրա տապալեցին, բոխին՝ հացենու տակը ճգմեցին...

Եվ երբ քարաժայռերը շարքիջներով այդ ավեր ողջունեցին, վիթխարի կամարը ցնցվեց, դարձավ լերկ ապառաժներին ու գոչեց ահեղ.

— Հառա՛ջ, ժամանակն է այժմ վերջ տալու այդ ատելի, շարժվող կյանքին...

Եվ ահա մեկե՛ն դղրդաց գետինը, լեռ ու ապառաժ ցնցվեց-օրորվեց, քար ու քարաժայռ շարժվեց-տատանվեց, մեծ որոտումով ոսանեց, կատարը ծուխ-բոց արձակեց, մոխիր, խանձող ու այրող կրակ դուրս ժայթքեց և այդ բոլորը, ահավոր դանդաղությամբ, թանձր խավարի մեջ իջավ, անտառի վրա ընկավ, տակովն արավ ծառ ու ճյուղ, ծաղիկ և ընձյուղ: Զարդեց, տրորեց, մրկեց ու ծածկեց նրան քարի կույտերի, փոշու, հողի, տիղմ ու ավազի մեջ...

Թուղունները ահաբեկ՝ փախան, հեռացան, ուրախ կարկաչով հոսող ջրերը կամ ցամաքեցման և կամ ճապաղ փախուստով՝ շտապեցին գետնի խորքը ապաստանել:

Այլևս ո՛չ մի ստվեր. զովությանը հաշորդեց շոր անապատը. բարոտ, ամալի, արևի տակ տառապող ամլությունը գրավեց ամբողջ հովիտը:

Ճակները հուզված՝ ջանացին կռիվ մղել, ծեծել հեռացնել զտրվող Վրթ. Փափազյան, Երկեր

ժայռերը, մարե՛լ կատարի հոսանուտ կրակը, և, մինչև այդ խաղաղ ժայտող ջրերը, անբնդհատ կովի ելան ապառաժների դեմ, ճգնեցին փշրել նրանց կողերը, ուժ տվին՝ լզելով մաշելու նրանց կոշտ ներկայությունը, բայց չարադեմ ժայռերը ավելի խոր մղվելով՝ իրենց տակ մեռցրին, ոչնչացրին ամեն դալարիք, ամեն կյանք կամ շարժողություն...

Այդպես էր ահա, որ անտառն այն շքեղ՝ տրորվեց ժայռերի ուժի տակ, Այդպես էր ահա, որ այն սքանչելի հովիտը սև ու ահավոր քարերի անապատ դարձավ, ծովակների շուրջը քարերի շղթաներով կաշկանդվեցավ, և շրջակա ծաղկավետ բլուրների վրա շոր ամայությունը եկավ, բնակվեցավ...

Եվ այդ դեռ բավ չէր. ճահիճն էլ մյուս կողմից մոտեցավ, դիմագրելու ուժ չունեցող անտառի կուրծքը մտավ, եղած ծառերին իր գարշ բորբոսով պատեց, զեռունների և գորտերի ձայներով ամեն թուշուն ու սոխակ հանեց, դուրս նետեց:

Վարդը մեռավ բորբոսից, ընձյուղները արմատախիլ, տխուր շարքերով, քարերի ճեղքերում իրենց գերեզմանը գտան, և մշտադալար թարմ կանաչությունը հաջորդեց տիղմով ու բորբոսով կանաչած՝ հոտած մի ճահիճ:

Եկա՛ն նաև գազանները: Խմբովին եկան: Զարդեցին, փշրեցին, ոտնատակ արին, ամեն ինչ տրորեցին և հովասուն վայրերը շոր խոլունների ասպարեզ շինեցին, ուր այնուհետև գայլերն էին միայն ոռնում, բորենիներ թափառում և խոզերը՝ հողը քրքրում...

Անտառը հաղթվել էր, ընկճվել-ոչնչացել, և գեղեցիկ հովիտը լեռի անապատի փոխվել...

2

Երկա՛ր, անհաշիվ երկար տարիներ տոնեցին ժայռերն իրենց հաթուկությունը, վայելեց ճահիճը՝ իր տիրապետությունը, տրորեցին գազաններն՝ իրենց անկյունը:

Երկա՛ր, անհաշիվ տարիներ սուրաց ավազախառն քամին հովիվ վրայով, ծովակները ալեկոծեցին իրենց ափերը, մռնչացին, լացին, փշրվեցին քարերի շրջանակի դեմ:

Երկա՛ր, անհաշիվ տարիներ մողեսներ ու օձեր աղտոտեցին հովիտը իրենց զզվելի երգերով:

Աբուր խանձեց, անձրևը ծեծեց, ավազը շերտեր կազմեց, ճգնեց անցյալից ոչ մի հետք չթողնել, և ամեն ոք կարծում էր, որ անտառը վերջնականապես մեռել-ոչնչացել էր ու այլևս չպիտի կարողանար շարժվել:

Սակայն այդպես չեղավ:

Լեռնային երկրներում, նույնիսկ ամենակարծր գրանիտային աշխարհներում, հաճախ տեղի են ունենում այնպիսի դեպքեր, որ նույնիսկ բնության՝ տարօրեն երևույթների վարժ անձը մնում է ապշած:

Ջրերից, բուսականությունից հեռու, միապաղաղ խոշոր ժայռերի մի ամենաշնչին ճեղքը մտնելով, անձրևի կաթիլներից սնունդ ստացած, տարիներով խուլ աշխատանքից հետո, սակավ առ սակավ կուրծքը ճեղքում է վեր են պարզվում այնպիսի ուժով մեծամեծ ծառեր, որ կատարելապես անհասկանալի է մնում, թե ո՞ր աստիճան հսկա ուժ էր պետք այդ բուրբուննել կարողանալու համար:

Բուսական աճեցողության ուժը, հիրավի, եթե նա գոյություն ունի նույնիսկ փոքրիկ սաղմերով, ո՛չ միայն չի մեռնում, այլ ոչինչ, բացարձակ ոչինչ չի կարող ճնշել նրան, ժամանակի ընթացքում փշրել-ծակելու ամեն արգելք, բարձր պարզելու իր ճյուղավորությունը և իր բեղմնավոր սերնդյան պատվանդան շինելու լեռ ու ապառաժ...

Սակայն հաղթողներից ո՛չ մեկը չգիտեր այդ: Ո՛չ այն վիթխարի կատարը, որ ծուխ ու կրակով մրկեց ամեն ինչ և կարծեց մեռցնել անտառը, որ քար-ապառաժով փշրեց ամեն ընձյուղ և մտածեց ոչնչացնել շարժումը. ո՛չ ճահիճը գիտեր, որ բորբոս-զեռունով պատեց անտառը և ջանաց փտուկությունով կանգնեցնել կյանքը, և ո՛չ էլ գազանները գիտեին, որոնք տրորեցին ամեն ծառ և հուսացին անապատ շինել կյանքի փոխարեն:

Բայց հենց վիթխարի կատարի մոխիրն ու կրակը, միացած ճահճի սփռած փտուկյան, գազանների տրորած, խոփվ դարձրած տերևների հետ, խնամեցին, ամեն վտանգներից ազատ պահեցին մեռնող անտառի աճողության ուժը և երկար, շատ երկար ժամանակներից հետո ապշուցյալմբ զգացին, որ այնտեղ՝ խորքերում, քարերի տակ, ժայռերի թողած փոքրիկ ճեղքերի մեջ, ճահճի կուտած փտուկյան խավերում՝ կատարվում էր մի նոր բան:

Չնչին, վտիտ և փոքրիկ արարածներ այս-այն կողմից գլուխ էին գոլթա պարզում, ամենափոքր կաթիլից սնանվում, ստվերից զովանում և նուրբ կանաչություն անապատը կենդանացնում...

— Խնչ է այն, — գոչեց ապշուցյալմբ լերկ ապառաժը, — կարծես կանաչ բաներ են լույս ընկնում:

— Ոչինչ բան, — քրքջաց կատարը. — ճգմեցե՛ք կամ անուշադիր՛ր թողեք:

— Թող աճեն, ի՞նչ կա, — ասացին քարերը. — մեզ հովանավորում

են, զարգարում միայն: Ի՞նչ են այդ շնչին արարածները, որ մեզ ուշադրության առարկա դառնան...

Ու թողին: Ժպիտը դեմքերին՝ ժայռերը դիտում էին փոքրիկ արարածների բազմանալը. ճահիճը մինչև իսկ ուրախացավ, որ ինքն էլ բուսնելու ընդունակ է. իսկ գազանները արհամարհությամբ անցնում էին նրանց կողքով:

— Հիմար բաներ են, թողեք աճեն՝ որքան կուզեն...

Եվ աճեցին, բարձրացան, արմատները խորը մղեցին, լուռ, առանց աղմուկի պարզվեցան ամեն ուղղությամբ, ժայռերի տակ մտան, ճեղքերից, խորշերից գլուխ դուրս պարզեցին, հետո մեկե՛ն, բուռն մղումով այնպես առաջ գնացին, որ ինչքան քար կար՝ ճեղքվեց, ինչքան ապառաժ երկու կտոր եղավ...

Անտառը շարժվում էր:

Գարնանային անձրևներից հետո եկան հյուսիսային, աճեցնող օրերը. մանր ճյուղավորությունները դուրս պարզվեցին ուժգնությամբ, արմատները հսկա ուժով դեն գլորեցին իրենց ճնշող քարերը, ապա ուռելով՝ փշրտեցին, գրեթե հող շինեցին ապառաժները, ճահիճը տեղի տվավ ահաբեկ, գազանները սոսկումով ետ քաշվեցին նոր ծառերի դուրս պարզած փշերի առաջ, հովիտը մեկեն կենդանացավ, առունները հոսեցին, ծովակները՝ ժայռերին ծեծելով, տակը փորելով՝ փլեցրին ու ջրով ծածկեցին...

Ու այս ամենը այնքան արագությամբ կատարվեց ու մեծացավ այնուհետև, որ վիթխարի կատարը սոսկումից կծկվեց. ժայռեր շարժված շտապեցին թաքնվելու աճող խոտերի տակ, գազանները առանց ետ նայելու՝ դուրս թռան հովիտից, ճահիճը սմբած՝ իր վերջին բորբոսը տարավ կծկվելու հեռավոր ժայռերի ստորոտում:

Այնուհետև այլևս անհնար դարձավ շարժվող անտառի առաջն անել:

Յուրաքանչյուր ծառ, յուրաքանչյուր թուփ և ծաղիկ բյուրավոր ընձյուղներ արձակեց ամեն ուղղությամբ. կաղնին, լորին, բոխին, հացենիի դեն շարտեցին իրենց նեղող քարերը, ծակեցին-անցան ժայռերը. ոտնատակ առին, իրենց արմատների յուրաքանչյուր թելով փշրտեցին, հող շինեցին նրանց, և այնտեղ, ուր շատ տարիներ առաջ գազաններ էին ունեում, գորտն էր կոկոսում, մողեսը թափառում, այժմ բազմաթիվ վտակներ, ավելի առատ քան առաջ, եկան ոռոգելու ծառ ու ծառաստան, վարդ ու ծաղիկներ:

Այնտե՛ղ, ուր շոր անապատը ավազն էր ոլորտում օդի մեջ, այժմ ծառերի տերևներն էին սոսափում, և ճյուղերի միջից թռչուններ էին դարձալում:

Այնտե՛ղ, ուր քամին սուրալով խանձում էր ամեն բույս, այժմ թարմ զովության մեջ աճում էին շուշանն ու նարգիզը, պուտն ու մանուշակը:

Այնտե՛ղ, ուր ժայռերն իրենց հաղթանակն էին տոնում, ճահիճն իր զազիր բորբոսը հոտեցնում, գազանն իր ատամներով կտրտում, անցնում, այժմ սև հող էր գոյանում, խիտ, կենդանի, շարժուն անտառի մեծ տարածություն էր պարզվում, և կյանքը ժպտում էր, ժպտում խնդազին, աճելով ավելի բարձր, ավելի ուժեղ, քան ամեն ժայռ կամ կրակ ցայտող կատար...

Անտառը դարձյալ շարժվում էր. աճողության ուժը հաղթել էր. ոչինչ էր կարողացել անհետացնել նրան. ո՛չ ծայր, ո՛չ ճահիճ և ո՛չ գազաններ...

Եվ այժմ, այդ սքանչելի հովիտում, առատաբուխ ջրերի, կապուտակ, վեա ծովակների, ծաղկավետ բլրակների կողերին, հին, անհիշատակ ժամանակներից ի վեր աճող անտառը դարձյալ իր հողն է բռնել, դարձյալ ճյուղ ճյուղի միացրած, արմատներով հողը պինդ գրկած, անհամար ճյուղավորությամբ տարածվում է հեռունները և ճգնում է մի թիզ իսկ շթողնել անբնակ, մի քայլ իսկ՝ անմշակ:

Այսպես է լինում: Լեռնային երկրներում, նույնիսկ գրանիտային աշխարհներում հաճախ տեղի է ունենում այնպիսի դեպքեր, որ նույնիսկ բնության՝ տարօրեն երևութների վարժ անձը մնում է ապշած...

1905

ԶԱՐԹՆԵԼ Է ԱՌՅՈՒԾԸ

1

Վանդակի մեջ կաշկանդած առյուծը զարթնել էր: Զարթնել ու կատաղել:

Ազատության տենչից, կապանքներից, երկարատև տանջանքներից ու անվերջ ճնշումներից՝ մոնչում էր զայրալից, ամեն ինչ փշրել սպառնում, վանդակ ու շղթա, պատնեջ, գազանապահ՝ խորտակել պատրաստվում:

Գազանապահներն իրար էին անցել: Ո՛չ զայրացկոտ նրանց աղաղակները ընդունակ եղան առյուծի մոնչունից բարձր հնչել, ո՛չ սպառնական շարժումները, ո՛չ էլ գլխավոր գազանապահի շիկացած, կայծեր արձակող ձողը:

Կատաղել էր առյուծը, արյունն աչքը կոխել. վանդակը ցնցում էր

Բաթերով, պահապաններին զարհուրեցնում որոտման աղաղակներով...

Մրկում էին, այրում վանդակի մի ձողը խորտակել ճգնող նրա թաթերը՝ ոստնում էր դեպի ուրիշ ձող. այրում էին նրա մարմինը շիկացրած երկաթով՝ մոնչում էր ավելի բարձր. ահուաներով փշրելու հարձակվում ամեն դեմք, գազանապահների մոտ բերած ամեն զսպող միջոց...

Եվ պահապանները շվարած, գունատ ու այլալուծ՝ չգիտեին ինչ անել այլևս, ինչպես զսպել զարթնած հսկային:

— Բերեք շատ ձողեր, շիկացրե՛ք, մարմինն այրեցեք, նուրբ մասերը մրկեցեք, զսպե՛ք վայրենուն... — աղաղակում էր գլխավոր գազանապահը, — մի՛ խնայեք ոչինչ, միայն լուեցրեք...

— Շիկացրած երկաթով կուրացնենք աչքերը, — առաջարկեց մի լավ պահապան, — ապա թե ոչ՝ նա դուրս կնետվի, մեզնից ոչ ոք այլևս նրա ճանկերիցը չի ազատվի...

Բայց աչքան էլ դուրսին չէ կուրացնել առյուծին, զարթնած առյուծին:

Քանի շիկացրած ձողը մոտենում էր, այնքան առյուծը մեծ ոստումներ էր գործում, պատերը ցնցում, վանդակն ամբողջ կործանել սպառնում:

Քանի գոռում էին նրա վրա, ներս պարզված գավազաններով ծածում, շարդոտում՝ այնքան հսկան ավելի էր զայրում, կծկվում էր մի վայրկյան, ուժերը կուտակում, ապա այնպիսի թռիչք գործում, որ պահապան ու գազանապահ՝ լեղապատառ փախչում էին, ծակուծուկ թափվում...

— Պետք է վերջապես մի ճար մտածել, — ասաց գլխավոր գազանապահը:

— Փորձենք քաղցրութունով... — խոսեց օգնականը, — համոզենք խրատներ...

Պահապաններից մեկը լուռ՝ ծիծաղեց այդ լսելիք. բայց ոչ ոք նրան չտեսավ:

Եվ գազանապահները միահամուռ՝ եկան վանդակի առաջ, սկսեցին քաղցր խոսքեր, համոզողական, խրատական ձևեր...

— Լավ, քնքո՛ւշ, խելք առյուծս, — սկսեց մի պահապան, — Ի՞նչ է եղել քեզ, վանդակդ՝ բավական լայն, կերակուրդ՝ իր ժամանակին. եթե հլու մնաս՝ պետք չունես պտտծի... Հանդարտիր, սիրուն գազանս. չ՛ որ խելոք էիր դու, հնազանդ, հլու... և երախտագետ ու շնորհակալ...

— Լսի՛ր դու, առյու՛ծ, — առաջ եկավ գազանապահը, — այս վարմունքդ վշտացնում է ինձ՝ քո խնամակալին, քեզ պահապանողին... Ամո՞թ է, ամո՞թ... Ի՞նչն է պակաս քեզ. կերակուրդ՝ արյունատ լավ միս, ջուրդ՝

թեև քիչ լեղի, բայց խո չէ՛իր հրամայի, որ մեր խմած ջրից քեզ բաժին հասնեք... ո՛չ, լավ մտածիր, քաղցր ջուրը անասունների համար չէ... Եվ վերջապես պիտի խելքի գաս, այսպես չի՛ կարելի. քնել շես թողնում մեզ, ո՛չ էլ՝ անվրդով...

— Է՛յ, աղմկող անասուն, — կանչեց իր կողմից գլխավոր գազանապահը ու մի քայլ մոտ գնաց, — պիտի ձայնդ կտրե՞ս թե ոչ. հանդարտի՛ր. թե չէ, աստված էլ գիտե, վանդակդ սեղմել կտամ, շղթաներով ոտներդ կապել... Ապա՛, քիչ լուր տեսնե՞նք... Ի՞նչ է ուզածդ: Զլինի՞ մեզ նման ազատ ապրել ցանկացար հանկարծ... Ինչպե՛ս չէ... անասուն ես և անասուն էլ պիտի մնաս՝ պահապանը գլխիդ, ձողը միշտ կողքիդ... Ա՛ դու ինձ չե՞ս լսում. այս խոսքերք, որով պատվեցի քեզ, գեռ չհամոզեցի՞ն, որ անիրավ ես դու... Շղթանե՛ր ես ուզում, ձող, գավազանե՛ք...

Առյուծը, սակայն, ո՛չ միայն չէր համոզվում, հանդարտվում, ո՛չ միայն չէր լսում, այլ շրջապատող ճառախոս բռնավորների շարժումները նրան ավելի կատաղեցնում էին, ու նա ցնցում էր, ցնցում, վանդակի ձողերը ծամում, տեղահան անելու շատ քիչ էր մնում...

Ու գազանապետները գունատ, վախով ետ փախան, իրենց խոր մառան իջան և խորհրդի, մտածելու նստան:

Ի՞նչ անել: Առյուծը հանդարտելու ո՛չ մի միտք չունեք, ո՛չ խրատն էր ազգում, ո՛չ սպառնալիք: Վայրկյան առ վայրկյան կարող էր ձողերը փշրել, կատաղի՝ գուրս նետվել ու նրանց մի առ մի հոշոտել, շարդել:

Կյանքի և մահվան խնդիր էր գոյացել: Սպանել գազանին՝ նշանակում էր զրկվել ոռճիկներից, զրկվել եկամուտից, վայելքից, ընդմիշտ կորցնել հարստութունն, անաշխատ կյանք, գազանապահական, տիրելու հաճույք, իշխելու իրավունք:

— Պետք է ուզածները տալ, միջոցը դա է, — ասաց գազանապահի խելոք օգնականը, — տալ եթե ոչ բռնորը, գոնե մի քանիսը. վանդակն օրինակ՝ լայնացնել, կերակուրը շատացնել, ձողք թաքցնել, շղթաները հեռացնել... Այո՛, միմիայն լայնացնել, թաքցնել, հեռացնել... Ո՛չ ավելի և ո՛չ էլ պակաս: Հարկավոր է այդ ամենը իրական կատարել առայժմ: Առայժմ՝ այդ է իմ խորհուրդը...

Գլխավոր գազանապահը մտածեց, երկար մտածեց. սակայն պահապանները լեղապատառ ներս ընկան, ձողերից մեկի փշրվելը ազդարարեցին, և նա ստիպվեց հրամայել, որ առյուծի ուզածները տան՝ վանդակը լայնացնեն, կերակուրը շատացնեն, ձողերը թաքցնեն, շղթաները մառան իջեցնեն...

Եվ ա՛հ այդպես էր, որ պահապանները զիջան ու ահեղ գազանի ուզածները արին:

Տվին ուզածները:

Վանդակը բաց արին, առյուծին բակը հանեցին, շղթաները դղրդու-
նով տարան՝ մառանն ածեցին. վերացրին ծեծը, թաքցրին պատժող ձո-
ղը, առատ միս առաջը նետեցին, այլև հայտարարեցին, որ նա կարող էր
այնուհետև գոռալ ու երգել՝ ինչքան կամենար:

Գա արդեն «շնորհներին» մեծագույնն էր: Ծճմարիտ է, վանդակից
հետո բարե պարսպով լայն բակը կար դեռ, փշրելու անհնար վանդակ.
սակայն առյուծն առայժմ գոհ էր. կարող էր վազել, ուստենլ, մոնչալ,
երգել...

Որքա՞ն ուրախությամբ էր, որ նա դուրս նետվեց, թավայեց գետին,
ուրախ կանչեր արձակեց, ախորժակով կերավ կերակուրը, խմեց աովակի
ջուրը, երկնքին ժպտաց, արևին ողջունեց և խրոխտ ձայնով ամբողջ օրը
երգեց...

Գազանապահներն ու պահապանները, նախ հեռու բռնեցին իրենց,
հետո զգուշաբար, վախախառն ժպիտներով փորձեցին դուրս ելնել, առյու-
ծին երևալ, նրան պահպանելու հոգսը իրենց վրա առնել:

Առյուծը մի կողմ կծկված՝ նայեց նրանց խիստ կասկածվոր, հար-
ձակման դիրք ընդունեց... Բայց երբ տեսավ, որ իրեն չեն դիպչում, ար-
գելք չեն լինում ուզածն անելու՝ միամտվեց ու թողեց, որ իրենց պարտքը
կատարեն. սրբեն բակը, մարրեն աովակը, թփերը զննեն, բակի տերը
գառնան այնպես, որպես առաջ էր:

Գազանապահ-պահպան, ամենքը այլևս այն չէին, ինչ որ առաջ էր.
խրոխտ չէր հնչում նրանց ձայնն այլևս, ոչ էլ զայրալից, հրամայողական:
Ժպտում էին շողմաբար, ներողամտական դիրք ընդունում... Մի խոսքով
մեղրի նման քաղցր էին դարձել, սպասավորների դերի մեջ մտել:

Այդպես էր ահա, որ առյուծը սեղմ վանդակից պարսպապատ բակի
ելավ, ուտելու ազատություն ստացավ, կանչելու և մոնչալու իրավունք:

Այդպես էր ահա, որ խարանող ձողն այլևս շերեաց, գավազանները
թաքնվելու գնացին, շղթաները մառանն իջան:

Մյուս օրն արդեն գազանապահ ու պահպան ավելի վստահություն
առած՝ մի քանի քայլ մոտ եկան առյուծին, ու նրանցից յուրաքանչյուրը
պարտք համարեց մի ճառ խոսել հսկային:

— Ահա վերջապես, առյուծ, ուզածդ ունեցար: Վանդակդ՝ լայնածա-
վալ, բաց երկինքը՝ վրադ, հողն ու բույսը, թուփն ու ծառը, քաղցր ջու-
րըն էլ կողքիդ, շղթաներդ՝ մառանում, շիկացող ձողը, գավազանները՝
հեռացրած... Հույս ունենք, որ այսուհետև կհանգստանաս, խելոք կմնաս
և քեզ պահպանողներին չես վշտացնի...

Գլխավոր գազանապահն այնուամենայնիվ, պաշտոնի բերմամբ, ահ-
հրածեղտ համարեց քիչ ավելի ներշնչող դարձնել քարոզը. քարոզ՝ խառն
հանգիմանություններով, զգուշության հրավերով:

— Լսի՛ր, գազա՛ն դու, — ասաց նա խրոխտ, — տվի՛ ինչ ուզում էիք:
Մենք գտանք, որ քո բարեկամության համար՝ տալն անհրաժեշտ էր...
Գիշեր և ցերեկ քո երջանկության համար հոգս անելով, խորհեցի՛նք, թե
հարկավոր էր: Բեռ առատ կերակուր և փանգապի՛ լայնություն... Զանա-
ուրեմն այդ շնորհներին արժանի լինել և մեր հայրական սիրտը չվշտաց-
նել... Զանա, որ պետք շունենաս այլևս վանդակ ու ձողի, շղթա-գավա-
զանի... աշխատիր արդարացնել քեզ վրա դրած հույսերս...

Առյուծը լսում էր: Լսում ու խորհում: Կծկված պատի տակ, լուռ, զգու-
շավոր... Եվ երբ գլխավոր գազանապահն ու իր քարոզները հեռացան՝
ժպտաց, բաշը թափ տվեց ու ասաց.

— Այդ պարոնը երևի չգիտե դեռ, որ առյուծի ճանկն ընկածն այլևս
ետ խել չի կարելի...

Միամիտ են լինում առյուծները, ինչպես ամեն զորեղ արարած: Ո՛չ
խորամանկության մասին գաղափար ունեն, ո՛չ ճարպիկության, ո՛չ էլ
թակարգների:

Եվ դա է պատճառը, որ առյուծին շատ ավելի հեշտ է թակարդ ձգե-
լը, քան աղվեսների:

Սակայն հսկան, տարիներով շունեցածը ձեռք բերելուց արբշիտ՝ թռթ-
վեց իրեն, վազվզեց, մոնչաց, երգեց...

Անցան շատ օրեր: Գազանապահ ու պահպան՝ բակի մեջ եղած
ազատ առյուծից այլևս չէին վախենում: Մտածում էին. «Բարկացել էր՝
անցավ»...

Ու մոտենում էին: Մինչև իսկ մի օր էլ պահպաններից մեկը մոտ
եկավ գավազանը ձեռքին, որպես թե հենց այնպես, հենվելու, ձեռքում
խաղացնելու էր վերցրել:

Առյուծը ցնցվեց, տեսնելով փայտը, նայեց պահպանին. սակայն
սա ժպտում էր սիրալիք և սկի էլ զենքը գործածելու մտադրություն չէր
ցույց տալիս:

Մի ուրիշ օր էլ, առյուծը, երբ քնից զարթնած՝ հորանջում էր, լուսա-
ծաղը ողջունում զվարթագին՝ աչքն ընկավ բակի մի կողմում փայլող սոս-
կալի առարկային... և կարկամեց:

Ի՞նչ էր այն, ձողը չէ՞ր... Այո՛, ձողն էր. փայլուն երկաթը, որ կար-
մըրած՝ հազարավոր վերքեր էր թողել իր առյուծային մարմնի վրա՝
մոռթն էր այրել, թաթերը հոշոտել...

Ձողն էր: Պատին կոթնեցրած, փայլուն, սպառնագին...

Գազանապահը մաքրում էր նրան... Այդպես, գործածելու կերպարանք չունենք, կրակ էլ չկար, կարմիր չէր երկաթը, կայծեր չէր արձակում:

Զգույ՜՛ ելավ առյուծը թփերի միջից, մի քանի քայլ առաջ գնաց, կանգնեց, նայել սկսեց:

Ձողի ներկայությունը, թեկուզ ոչ շիկացրած՝ նրան անհանգստացնում էր: Ձէ՞ որ թաքցրած էր, ընդմիջտ հեռացրած:

Գազանապահներն իսկույն նկատեցին, որ առյուծը կես սպառնազան, ջրոտ զգուշավոր՝ գննում էր ձողը:

Ու սիրալիր ժպիտ դեմքերին՝ գլխավորը խոսեց.

— Ձո՞ղն է քեզ անհանգստացնում... Ինչո՞ւ սակայն. եթե շարունակ չանես՝ նա քեզ վնաս չի տա... Հանգի՛ստ եղիր դու...

Առյուծն ըստ երևույթին՝ քիչ միամտվեց ու գնաց ճաշելու:

Այստեղ մի երկրորդ փոփոխություն նրան խոր ազդեց:

Կերակ, ճշմարիտ է, դուրս բերած միսը... սակայն ինչ-որ հոտ էր բուրում, խիստ գարշելի հոտ. եղածն էլ՝ շատ քիչ:

Մոռեց, թաթերով նետեց այս-այն կողմ... սակայն գազանապահ ու պահապան, ձողը բակի մեջ թողած՝ շտապել էին հեռանալ, այլևս չուրեալ:

Առյուծը զայրացավ, դես ու դեն վազեց, կանչեց, բողբոջեց... բայց մնաց անոթի: Գնաց ջրի կողմը՝ գտավ անվակը պղտորած, ցեխախառն, աղտոտ... և լեզի:

Ու խորապես հուզված՝ մտածել սկսեց:

3

Այդպես, մի առ մի, անզգալի դարձնելու հոգատարություններ՝ խլով էին նրանից այն բոլորը, ինչ որ զիջել էին՝ հսկայի կատաղությունից սարսափած:

Նախ՝ գավազաններն երևան եկան. հետո՝ ձողը, ապա՝ կերակուրը նախկինը դարձավ, հոտած արյունոտ... ջուրն էլ մի՛ կողմից. լեզի էր կտրել, հին խմած ջրից, ցեխոտ ու աղտոտ...

Եվ ի լրումն ամենայնի, մի օր էլ հանկարծ զարթնելով, տեսավ, որ բակից հեռացրած վանդակը իր տեղն էր եկել դարձյալ:

Սարսափահար մոտ գնաց, գննեց զգուշավոր, տեսավ, որ ձողը փոխել էին, հաստակուռ դարձրել, վանդակն էլ հաստատուն՝ քարե հիփի վրա դրել:

Այդ նույն օրը նա ախորժակ չունեցավ ուտելու, զվարճանալու և կամ երգելու:

Կծկված մի անկյուն՝ խորհում էր եղածների վրա, նայում վանդակին, պատին կոթնեցրած ձողին, նայում անցուդարձ անող գավազանահիր պահապաններին...

Ամենքը կարծես նրան էին նայում մի տեսակ հեգնող ժպիտով, շարագուշակ, լիրբ արտահայտությունով:

Կարծես ամենքն ուզում էին ասել.

— Սպասի՛ր մեկ... քեզ ցո՛ւյց կտանք, թե ո՞րն է ազատությունը: Խորհում էր առյուծը դառնություններով, կծկված հեռավոր իր խուլ անկյունում: Սիրտը ճնշվում էր:

Տխուր, գրեթե լաց լինելու չափ կոկորդը դառնացած՝ մնաց նա միջև երեկո անշարժ, թաց աչքերը երկնքին ու արևին, ներքին դողով բռնված, զվարթությամբ մոնչալու սիրտ և ուտելու ախորժակը կորցրած:

Մի ազամ միայն փորձեց ջուր խմել: Պապակում էր: Թեև անվակը պղտոր էր, լեզի, սակայն նա խմեց երկար և գնաց կծկվելու իր թփերի մեջ:

Գիշերը քնել չկարողացավ: Վատ երազներ ու մղձավանջը տանջեցին նրան: Քանի՞ անգամ վեր թռավ՝ կարծելով, թե ճնշում են կուրծքը, առջերը շղթայում, շիկացած երկաթը աչքերի մեջ կոխում...

Ու երբ արևի առաջին ճառագայթներն երևացին՝ զարթնեց, վեր թռավ, այսպես մտածեց.

— Ո՞ւհ, որքա՛ն վախկոտն եմ. կարծես առյուծ չլինեմ...

Եվ դեմքը կնճռած՝ ողջունեց բացվող արշալույսին, մինչ միտքը գործում էր հետզհետե արագ, տազնապալից վճռականությամբ...

Զկերպով միսը: Բարկություններն նետեց դեպի գազանապահի տունը. մոտ եկող պահապաններին սպառնազան մոմոցներով դիմավորեց և ստիպեց նրանց ետ քաշվելու: Գլխավոր գազանապահին էլ այնպես կատաղի ակնարկ նետեց, որ սա շտապեց թաքնվել...

Հետո, հետզհետե վճռական, կարծես իր որոշումն արած, թեև քիչ վարանոտ, քիչ էլ դողդոջուն՝ մոտ գնաց վանդակին, պատեց շուրջը արհամարհարար՝ պոչով ծեծեց նրա պատերը և երբ շիկացնելու սահմանն անցավ՝ մոտով անցավ՝ թաթով խփեց նրան ու դղրդյունով գետին տապալեց...

Գազանապահներն ու պահապանները հեռվից, գազտագողի դիտում էին այդ ամենը, գունատվում, վախենում:

Առյուծը հասկացել էր նրանց շար միտքը:

— Ձէ՛,— ասաց գազանապահի օգնականը,— հարկավոր է կտրուկ

և անմիջական, զսպող միջոցներ. այս գիշեր իսկ, առանց հետաձգելու... Առյուծը զարթնել է...

Եվ նույն գիշեր գործը սկսեցին: Բոլոր գազանապահները դիմված գավազաններով, պահապանները՝ ծանր-անբակտիկ շղթաներով, գլխավոր գազանապահը՝ շիկացրած ձուղով, խիստ զգուշությամբ՝ քնած առյուծին մոտ գնացին:

Հարկավոր էր անշուշտ առյուծին նորից իր վանդակի մեջ սեղմել և այս անգամ շղթաներով ընդմիջտ կապոտել:

Առյուծը քնել էր: Այլևս չէր վախենում, որովհետև վճռել էր անսիրտ:

Քնել էր հանգիստ, որովհետև իմացել էր, թե ինչ էին պատրաստում իր համար: Ազատությունների տրված օրից իսկ նա միշտ կասկածել էր և այժմ պարզ տեսնում էր, թե ինչպես մի առ մի ետ էին խլում վարպետորեն, գծուծ ձևերով...

Գազանապահների համար գոյության հարց էր առյուծի՝ վանդակի մեջ լինելը: Առյուծը ազատ վանդակից՝ պիտի ձգտեր ազատվել նաև շրջափակից: Իսկ դա՝ նշանակում էր ոչնչացումն ամեն պահապանի:

Ու քնել էր՝ վստահ իր ուժի, վստահ՝ ձգտումների արդարության, քնական լինելու վրա...

Ահա, մոտ են գնում գազանապահներն ու պահապանները քայլ առ քայլ, զգուշ, սողալով... Շղթան նրանց հետ շարժվում էր առաջ, շիկացած ձողը փայլում էր կայծարձակ ու սպառնազին:

Բայց, կա մի խոշոր սխալ, որից զուրկ չէ ոչ մի գազանապահ և կամ առյուծի պահապան:

Առյուծը քնում է, իրավ է, սակայն քնում է այնքան հսկող քնով ու այնքան թեթև, ինչպես այն ամեն առյուծ, որի ազատությանը սպառնալ կարող են յուրաքանչյուր բոլոր...

Թեթև շշուկ, նույնիսկ իրեն ամեն կողմից շրջապատող սև ոգիների մղած օդը՝ զարթնեցրեց նրան:

Չշարժվեց. աչքը կիսովին բաց արավ, նայեց շուրջը, տեսավ բըռնավորներին...

Ու ոստնեց...

Գորդաց գետինը, ցնցվեց ամեն ինչ ու տապալվեց, մոնչյունով օդը լցվեց, ճիչ ու աղմուկ, հաղթվողի ողբը հաղթականի աղաղակների հետ՝ իր կծվությամբ օդը քեղրտեց... ապա լավեց դռների փշրտվելն, ու մի հսկա բան դուրս թռավ շրջափակից և մոնչյուն սփռելով ամեն կողմ՝ սլացավ դեպի արձակ տարածությունը...

Շրջափակի մեջ ո՛չ մի գազանապահ, ո՛չ մի պահապան ողջ չէր մը:

նացել, գլխավոր գազանապահի սիրտը հոշոտած, օգնականի գլուխը՝ չախջախած... արյուն ու դիակ...

Եվ այնտեղ, արձակ տարածության մեջ սլացող առյուծի դիմաց, անամպ երկնքի վրա լուսածագն էր ելնում կարմրորակ, շքեղ...

Կանգ առավ հսկան մի ժայռի դիպին, բաշերը հովին, ազատության վսեմ մաղթանքն ուղղած բացվող արշալույսին:

Ու նրա խրոխտ ձայնը թնդացնում էր լեռ ու դաշտ, ավետելով ջրնջումն շրջափակների, անկումն գազանապահների, ձող, շղթաների...

1905

ՁՈՂԱԿ

(Պարսկական լեզուն)

1

Վաղո՛ւց, շա՛տ վաղուց— պատմում է պարսկական շատ հին գըրույց— դարեր ու դարեր առաջ, Իրանի երկրին եկավ ու տիրեց մի աշխարհակալ: Բռնակալ էր նա՝ անգութ, շտեմված, որ, լավ հայտնի չէ, անապատի՛ էր ծնունդ, թե՞ Ասորիքի բորբոսնած ճահճի:

Եկավ ու տիրեց: Գահընկեց արավ Ջումշուդ արքային, ճնշեց բմբոստների, արյան մեջ խեղդեց ձայնը բողբոջների և գահը հաստատեց՝ օգնությամբ մի խումբ պնակալիզների:

Իրանն այնուհետև՝ դարձավ սոսկումների հսկա մի դժոխք: Մայրից ծայր՝ արյուն ու դիակ, ծովից ծով՝ ողբ ու աղաղակ:

Բռնակալն այլևս տեր երկրին, նրա ժողովրդին բացարձակ իշխան հույսկվեց կյանքի և մահվան: Սահման չկար այլևս ո՛չ բնահաճույքի, ո՛չ էլ նախճիրային զարշ բնազդների: Իրանն անտեր արտի պես տնկվեց ու կոխվեց, ավերակների կույտի փոխարկվեց:

Բայց ահա հետո ինչեր կատարվեց:

2

Չէր անցել դեռևս տիրապետության առաջին տարին, որ բռնակալը հանկարծ հղիացավ, երկունքով բռնվեց և ուսագլխերից երկու վիշապ ծնեց: Զվվիլի օձեր էին դրանք, որոնք մեծանում էին բույս առ բույս՝ բու-

սած բռնակալի թևերի վրա: Մեծանում էին, հրեշների կերպարանք ստանում, Ֆշշում էին, սուլում, ահ-սարսափ սփռում:

Բռնակալն այնուհետև դարձավ անձեռնմխելի: Ուսագլխերին կանգուն երկու թիկնապահները հսկում էին միշտ նրա մեծ անձը:

Այլևս ո՛չ ոքից նա վախ չունեցավ. ո՛չ էլ կասկածեց, որ երբեկից կարող են նրան տապալել և կամ հրամանը ոտնակոխ անել:

Եվ այդպես էլ էր: Եթե կային դեռ ըմբոստ ոգիներ, վիշապների ծնունդը համրացրեց նրանց: Եթե կար դեռ հույս՝ անարգ լուծը թոթափելու, թիկնապահների ահը ջնջեց նրան էլ: Թշվառ ժողովուրդը կծկվեց, գալարվեց, սկսեց վարժվել ու հնազանդվել...

Բռնակալի անունը— գրույցը չէ ստում ինչո՞ւ— Զոհակ կնքեցին. Աժդահա Զոհակ:

3

Ժամ առ ժամ, բույս առ բույս վիշապները մեծացան, ժայռանման գլխի տեր դարձան, բերան՝ անդնդաչափ, ժանիքները՝ սուր, երկար ու կարիչ. մարմինը՝ գալարուն, ճկուն և, որը սոսկալին է, խոշոր, շատ խոշոր, անհազ ստամոքս:

Եվ ահա պետք եղավ նրանց կերակրել, որովհետև սպառնում էին բռնակալին հոշոտել, ողջ արքունիքն ու դրանիկներին պատռել-կլանել: Փորձեցին ամեն կերակուր՝ թե բուսեղեն, թե կենդանական: Վիշապները բոլորը մերժեցին և միմիայն ուղեղ, ուղե՞ղ պահանջեցին:

Ուղեղներ՝ մարդկային թարմ, դեռևս բարբախուն ուղեղներ էր պետք նրանց: Առանց այդ անդի ապրել չէին կարող: Ուրիշ ոչինչ չէին ուտում, միմիայն ուղեղներ:

Եվ եթե մի օր նրանք ուղեղ չուտեին, պիտի դառնային՝ իրար հոշոտեին, բռնակալության գահը կործանեին:

Դրա համար էր ահա, որ Զոհակն ու դրանիկները ամեն օր ուղեղ գրտնելու հոգսի մեջ էին:

Դժվար ոչինչ չկար: Երկիրը բազմամարդ էր, երիտասարդներով, թարմ ուղեղներով առատ: Բռնել էին տալիս տասնով, հարյուրով, վիշապների առաջ գլուխները շարդում, ուղեղները հանում և անհազ ստամոքսները լցնում— կշտացնում:

Այդպես էին իշխում ահա երկրին՝ Զոհակ բռնակալը և գահը ամրապնդող երկու թիկունքները՝ ահեղ օձերը:

Ժողովուրդը վիշապներին էլ անուններ տվավ: Աչ թևի վրա բուսածին Բյուր կոչեց, ձախին Բուր: Թե ի՞նչ լեզվով է այդ— զե՞նտ կամ փեհլե՞ր— զնա ու գիտցիր...

4

Եզավ՝ ինչ որ լինում է անխուսափելի: Շուտով հրեշների շուրջը կազմվեց մի ամբողջ բանակ դրանիկների. սովար արքունիք, մատակարարներ, գլուխ շարդողներ, դժգոհ անձերի լացն արգելակողներ, բողբոջների լեզուն կտրողներ, թարմ ուղեղների վարպետ որսողներ:

Ապա, երկրի խորքերում հայտնվեցին կամ ուղարկվեցին ճարպիկ գործակալներ, որոնք օր ու գիշեր մտածում էին ուղեղ հասցնել ամենակարող Բյուրին, հաստափոր Բուրին: Մտածում էին նրանց կերցնել-կշտացնել, բռնել- շողբորթել, երկիրը տանջել և հրեշների շնորհիվ՝ իրենց ստամոքսն էլ լցնել-հավորացնել:

Այդպես էլ լինում միշտ: Որտեղ ճահիճ կա, այնտեղ էլ՝ գորտեր, անթիվ զեռուններ:

Ուղեղ ուտելն այնուհետև վարակիչ դարձավ. ուղեղը՝ համով կերակուր, միակ գիրացնող: Ուղեղ գտնելը՝ երկրի թարմ գլուխներ շարդելը— միակ իդեալ, միակ զբաղմունք ողջ արքունիքի, պաշտոնեուժյան, սպասավորների, արբանյակների...

Ոչ մի երիտասարդ այլևս այն լայնատարած, շքեղ Իրանում՝ ազատ չէր մնում: Վաղ թե ուշ՝ պիտի վրա հասնեին, մեկ-մեկ բռնոտեին, գանգերից պիտի լեռներ կազմեին, իսկ ուղեղներից համովը՝ երկու վիշապին, փորք պատառները՝ իրենց վիշապացած ստամոքսներին կերակուր տալին... Ու դարձյալ գային, դարձյալ տանեին, անվերջ սպառեին...

Իրավ է, եղան հանդուգներ,— ասում է գրույցը,— եղան, որ փորձեցին Բյուրին կամ Բուրին անոթի թողնել, այդպիսով նրանց ուժը ջլատել: Զարկին գործակալներին, զարկին, սպանեցին. սրան ոչնչացրին, նրան անհետացրին, բայց ո՛չ գործակալը պակսեց, ո՛չ էլ արբանյակներ: Ապանվածների տեղ նորերը ուղարկեցին՝ ավելի անգութ, շատ ավելի անհազ:

Հետո,— ասում է դարձյալ այդ նույն լեզունգը,— մեծ-մեծ ջանքերով, դավաբարությամբ՝ Բյուրին հարվածներ հասցրին, Բուրին գանակոծեցին: Բայց Բյուրը կատաղեց, կերած ուղեղների թիվը շատացրեց: Իսկ Բուրի՝ ծեփից ախորժակը գրգռվեց, և նա շատ ավելի թարմ ուղեղներ փնտրեց...

5

Քյոպեա, երկա՞ր տանջվեց անբախտ Իրանը, անունդ գառնալով երկու օձերին, քմահաճույթի զոհ՝ հրեշ Զոհակին:

Ազի անապատից մինչև եզերքները Սպիտակ ծովի (պարսիկ անունն

էր դա Կասպից ծովի) տուն չկար, որ ազատ լիներ բռնակալների արևոտ ձեռքերից կամ վիշապների անարգ գործակալներից:

Իրանցու որդին ծնվելու օրից գիտության օղ ուներ վզին: Գիտեին տղան, որ վաղը-մյուս օրը՝ նրա ուղեղը կեր պիտի դառնար Բյուրին կամ մեծավոր Բուրին:

Բայց ահա մի օր— հայտնի չէ, թե ե՞րբ, ինչպե՞ս— Մայրագույն տանջանքը թեև խուլ, գաղտուկ, բայց հղիացած՝ Բողոքը ծնեցրեց:

Ոչխարը՝ առյուծ էր դառնում, ճիրաններ հանում, մոնչում ու երկիրը ցնցում: Բռնակալության ծնած երկու վիշապների դեմ՝ տանջանքի ծընած Բողոքն էր գլուխ բարձրացնում:

Երկու ոսոխներ, որոնք անշուշտ շուտով միմյանց պիտի բախվեին: Իրավ է, երկրի մի մասը լուռ, եղածն իբր ճակատագիր էր կարծել ու համակերպվել: մի մասն էլ, կինն ու որդին առած, փախել, թաքնվել, բայց լեռ ու անտառի մեջ կայծեր ցուլացին, միմյանց մոտենալու ձգտում ցույց տվին:

Եվ խուլ ու աճեցուն, վարակիչ թափով, կայծերն այն ցուլում՝ ծայրից ծայր անցան, երկիրը գրավեցին:

Այստեղ՝ մի աղաղակ, այնտեղ՝ դառն գանգատ, բունն դժգոհություն, ազատ լինելու վախկոտ գիտակցություն... և այդ բոլորը միմյանց ուժ տալով՝ սլանում էին այս-այն ուղղությամբ, զոհերի առաջ նոր հորիզոն գծում, տանջվող սրտերի մեջ հույզեր առաջ բերում, հույսեր զարթնեցնում:

Բայց ի՞նչ կարող են անել հատ ու կտոր կայծերը անկարգ, խառն և ետված և այն էլ՝ տարիներով արմատ բռնած, հաստ ու սուր փշերի, դաշտին:

Խանձել սրա-նրա ծայրը, նույնիսկ հատ-հատ փուշ խլել ու վառել, դա փրկություն չէ: Պետք է բոլոր կայծերը ի մի հավաքել, շանթող, մեկն հարվածող մեծ խուրձեր կազմել, բունն ու կատաղի, վսեմ թափերով՝ փշի մեծ դաշտը կրակի առնել, խանձել-տուչորել ու մոխիր դարձնել: Պետք է մեծ շարիքը արմատով պոկել, անհետ ոչնչացնել:

Բորբոսնած ճահիճը այդպես են շորցնում, գարշ գեռուններից ընդ-մշտ ջուրը մաքրում:

Տատասկոտ արտը այդպես են այրում, բուսած փուշերը արմատների հետ՝ խլում-դեն ձգում:

Ստրկացած ժողովրդի շնորհիվ հզփացած բռնակալության այդպես են ջնջում, այդպես հարված հասցնում:

Մինչ այդպես Իրանն ամբողջ տանջվում էր, հուզվում, մինչ մի կողմից արյունն էր հոսում, մյուս կողմից Բողոքը մեծանում, հեռու, ծովեզրյա անտառի խորքում, Ջոհակի և երկու օձերի լուրը նոր էր դեռ հասնում:

Այնտեղ, այդ թավուտ, ծանր անտառի մեջ կար աշխատավորների փոքր մի ժողովուրդ:

Պղնձագործների, երկաթագործների, ածխագործների և դարբինների մի խումբ էր այդ, որոնց մեջ էր ապրում վաղուց ի վեր հուշակ ստացած դարբին Ֆրեյդունը:

Վարպետ Ֆրեյդունին Իրանի երկրի աշխատավորները լավ էին ճանաչում: Թեև ծեր, վաղուցվա դարբին, բայց դեռևս առույգ էր նա, ուժեղ, ջլապինդ:

Նրա կռանի տակ սալն էր դղրդում, զորեղ հարվածներից անտառը թունդ ելնում: Ե՛վ ճարպիկ վարպետ, և՛ ծեր-փորձառու, և՛ հսկա՛, ուժե՛ղ: Վարպետ Ֆրեյդոնին էր աշխատավորների սիրած խորհրդատուն, նրանց առաջնորդը որևէ գործում: Վարպետ Ֆրեյդունը պատգա՛մն էր ներանց, սիրված՝ իբրև հայր:

Իր դարբնոցի մեջ միշտ թևերը սոթած, յոթ որդիներին շուրջը բոլորած, կոռու-կոփում էր զվարթ երգը բերնին: Երկրագործների՝ բահ էր մատակարարում, փայտահատների՝ հատու կացիններ և որսորդների՝ ծանր տապարներ, շամփրող սուր տեգեր:

Եվ երջանիկ էր նա իր հնոցի առաջ, կռանը ձեռքին, կտրիճ զավակների հետ: Կտրիճներ, որոնք հոր պես՝ մի-մի հսկաներ, ջլապինդ բազուկներով պողպատն էին գալարում, երկաթը ծոռում, աշխատավորների համար արոր, խոփ կռում ու կյանքին ժպտում:

Ջոհակի ճանկը դեռ անտառ չէր մտել, աշխատավորների հանգիստը վրդովել: Բյուրն ու Բուրը կարծես նրանց մասին ոչինչ չէին լսել: Գոնն նրանց արբանյակներն ու գործակալները մինչ այդ՝ չէին երևացել ուղեղների տարել:

Վարպետ Ֆրեյդունը լսել էր օձերի մասին: Գիտեր նա նույնպես, որ Իրանը բռնակալի ձեռքին էր, և որ նրա ուսագլխերին բուսած երկու վիշապները երկրի մեջ եղած թարմ ուղեղների որսի էին ելել:

Լսել էր, գիտեր, բայց չէր հավատում, հեթաթ էր կարծում, տգեա ու վախկոտ դաշտեցիների շինած մի զրույց, անմիտ ու անհամ:

Չէր կարծում երբեք, մտքովն իսկ չէր կարող անցնել, որ երբևիցե ինքը՝ վարպետը և կամ իրեն շրջապատող կտրիճ աշխատավորները մի 10— Վրթ. Փափազյան, Երկեր —145—

որ չէ՝ մի օր կարող էին լինել երկու օձերի և մի հրեշի ստրուկ-հպատակ
Զէր իսկ մտածում, որ այսօր-վաղը հերթը իրենց էլ պիտի գար, սի-
րած զավակներին երկու վիշապների կեր պիտի տար, անտառը պիտի
ողջ ամայանար, դարբնոցում կոանի ձայնը դադարեր, աշխատավորների
զվարթ երգը լոնր և շուրջը ամբողջ՝ ավեր, հրդեհ, աղեխարշ հառաչ սը-
փըովեր, ստրկութունը գար-տիրապետեր:

Զէր իսկ մտածում, բայց Բյուր ու Բուրի գործակալների աչքից ոչինչ
չէր վրիպում: Հերթը անտառին էլ հասավ:

Ամառվա մի օր ուղեղ որոնողների զինված մի մեծ խումբ անտառը
մտավ և ամենից առաջ հենց Ֆրեյդունի դարբնոցի դիմաց կանգ առավ:

7

Ապշեց ծերունին, կոանը ցած նետեց, երբ Բյուրի և Բուրի պահանջը
ասվեց, ահեղ Ձոհակի հրամանը լսեց:

Հրամանը խիստ էր. խիստ էր և կտրուկ: Աշխատավորներն ևս իս-
կույն քսան մարդկային թարմ ուղեղ ունեցող գլուխ պիտի հանձնեին և
ամենից առաջ իր՝ Ֆրեյդունի, անդրանիկ որդու գլուխը պիտի լիներ:

Կոանը ցած թողեց, գործակալների երեսին նայեց:

Ի՞նչ, ուրեմն ճի՞շտ էր: Օձերն այն հրեշավոր՝ գոյութուն ունեին,
երկիրն ուրեմն ամբողջ՝ Ձոհակ բռնակալի ճիրանի մե՞ջն էր և իր ու մյուս-
ների որդիները պիտի տանեի՞ն, վիշապների առա՞ջ նետեին, գանգե՞րը
փշրեին, ուղեղներով նրանց ստամո՞քը պարարտացնեին:

Գործակալները սակայն երկար չպասեցին: Ֆրեյդունի ավագ որդուն
գետին տապալեցին ու շղթա զարկին: Ապա դեսուդեն ընկան, ամենա-
կտրիճ երիտասարդներից քսանը ընտրեցին, կապկպեցին. հետո, սուգ
ու շիվանը հետքերի վրա՝ առին-գնացին...

Առին-գնացին, բայց անտառի մեջ թե ի՞նչ թողեցին— դժվար չէ ան-
շուշտ երևակայելու, կաց, ողբ, աղաղակ, հուսահատութուն՝ հաջորդեց մի-
մյանց: Այլևս չսովեց մի զվարթ երգ. այլևս ո՛չ մի կոանի հարվածին ան-
տառը արձագանք չտվեց, կյանքը կանգ առավ: Մարդիկ միմյանց կո-
րուստները նախ լացին, հետո Ֆրեյդունի շուրջը հավաքվեցին, խորհուրդ
ներ հարցրին:

Բայց դարբինը վշտաբեկ, գլուխը խոնարհ, ապուշ հայացքով, բա-
զուկները թույլ, ծնկները կթոտած՝ լուռ նստել էր իր հնոցի առաջ, մեծ
սայի վրա: Վեց որդիները ուժ չունեին ո՛չ արտասովելու, ո՛չ էլ կոծելու

Փութը թռչնել էր. հնոցի մեջ կրակը հանգում, շեկ երկաթները սա-
ռում-սևանում, այլևս ո՛չ մի կայծ այնտեղ չէր ցոլում, և մոխիրը սառ-
նորակ ելնում էր, ելնում, կրակը ծածկում...

Մինչ այդպես էր ահա անտառի մեջ, այնտեղ՝ Ձոհակի պալատում
տեղի էր ունենում հրձվալից խնջույք: Անտառի խորքից բերած երիտա-
սարդներին միմյանց հետևից գետին էին փռում, գանգերը ջարդում և
ուղեղները Բյուր ու Բուրին կերակուր տալիս:

Թարմ ուղեղներ էին, բարբախուն, արնոտ: Երկու հրեշները սաստիճ
գոհ էին, վաղուց էր, ո՞ր նրանք այդպես անուշ ուղեղ ո՛չ տեսել էին և
ո՛չ էլ կերել: Գործակալները վարձատրվում էին, արբանյակները՝ շթա-
նշաններով կտրծքը զարդարում:

Բյուրը նոր ուղեղների համը այնքան հավանեց, որ հայտարարեց, թե
այնուհետև իրեն պետք է միայն այդպես կերակուր:

Բուրը Ֆրեյդունի որդու ուղեղը այնքան աննդարար գտավ, որ կտրուկ
հայտարարեց, թե ապրել կարող է միմիայն այդպիսի— աշխատավոր-
ներից հանած՝ անուշ պատաններով:

Եվ մյուս օրն իսկ, ուղեղ որոնողների խումբը դարձյալ անտառ մը-
տավ և Ֆրեյդունի դարբնոցի առաջ կանգ առավ:

Երկար շխտեցին: Թշվառ ծերունու երկրորդ որդուն ևս գետին տա-
պալեցին ու շղթա զարկին: Ապա դեսուդեն ընկան, քսան երիտասարդներ
ընտրեցին, առան և սուգն ու շիվանը հետքերի վրա՝ շուտով հեռացան...

Առին-գնացին, բայց անտառի մեջ թե ի՞նչ թողեցին— դժվար չէ
անշուշտ երևակայելու: Ծիչ ու աղաղակ, փախուստի միտք, ամայի տներ,
ավեր գործարաններ...

Երբ Ֆրեյդունը բեկված սրտով՝ դառնապես լացավ, բայց երբ որդե-
կորույս աշխատավորները նրան շուրջն առին ու խորհուրդ հարցրին, նա
այսպես խոսեց.

— Իմ խեղճ եղբայրներ, մենք մտածում էինք, որ մեր ծնածը մերն
էր, վաստակածը՝ մերը: Բայց ահա անարգ բռնակալութունը և նրա թի-
կունք երկու վիշապները խլեցին մեզից մեր որդիները ու տեղը թողին
ավեր, կոծ, վշտացած սրտեր, անզավակ մայրեր... Արդյոք այդքան զո-
հեր նրանց գոհացրի՞ն, թե՞ վաղն էլ գուցե դեռ գան, իմ երրորդ որդուն—
ապա շորորդին, ձեր որդիներից մինչև ետին՝ տանեն այնտեղ գլուխները
ջարդեն, ուղեղներով իրենք գերանան, մեզ՝ զավակներից մշտապես
զրկեն...

Ոչ ոք չգիտեր այդ: Ամենքը պահ մի հուսացին իրավ, որ գուցե
հրեշներին այդքանը հերիք լիներ, որ գուցե այլևս ազատ մնային, զոհեր
չտային:

Այնպես չէ՞, որքա՞ն միամիտ էին: Երևի Բյուրի, մանավանդ Բուրի
ստամոքսների մասին թեթև գաղափար անգամ չունեին...

Երրորդ որդուն ծեր Ֆրեյդունը երրորդ օրն իսկ ստիպվեց հանձնել Անխան կերպով նրան նույնպես գետին տապալեցին, առան-գնացին:

Դարբինը փորձեց բողոքել, կանչեց աղաղակեց— բայց իբր պատասխան՝ հափշտակողների ծիծաղը միայն շարժեց:

Ծիծաղ, հայհոյանք, մտրակի հարված... և վիշապների գործակալները, հետքերի վրա ճիչ ու աղաղակ, երիտասարդներին առան ու տարան: Հետևյալ օրը հերթը հասավ նաև չորրորդին: Ֆրեյդունը հուսահատորեն լացավ, փորձեց աղաչել, նրանց գուժը շարժել... բայց գործակալները նրան ծեծեցին, ուշաթափ արած՝ վայր գլորեցին և հետգհետե, այնուհետև, ամեն օր գալով, տարան հինգերորդ, վեցերորդ որդուն:

Ֆրեյդունը գիտցավ, որ այլևս գուժ չկար, ոչ էլ Բյուր և Բուրի ստամոքսներին՝ չափ: Անտառի մեջ թաքնվեց և սպասում էին. կամ զոհ էին գնում, կամ փախնում-թաքնվում: Արհեստանոցները փլատակ դարձան, մուրճերը կանգ առան, երգերը լռեցին, հնոցների կրակները՝ հանգան-մարեցին...

Այդ սոսկումների մեջն էր ահա, որ Մայրագույն Տանջանքը նորից հղիացավ և ծնեց այն ահեղ որդին, որին վիճակված էր մեծ հարվածը տալ, բռնակալության գահը տապալել:

Երկրում ցոլացող կայծերը իրար գտան մեկեկ, ի մի ձուլվեցին, խորձեր կազմեցին ու սպառնազին անտառը դղրդացրին...

Այդ սոսկումների մեջն էր ահա, որ ծեր Ֆրեյդունի աչքերը ցամաքեցին, բոցեր արձակեցին: Դարբնոցում նորից հնոցը վառվեց, վաղեմի վարպետը կաշվե գոգնոցը կապեց, կռանը ձեռքն առավ և սպառնազին՝ նոր երգ հնչեցրեց:

Ու խոր գիշերվա մեջ թունդ ելավ անտառը նրա գոռ կոչից.

— Ելե՛ք, դուք, բոլոր աշխատավորներ, — կանչեց նա ուժգին, — ճնշված — տանջվողներ, ելե՛ք, հասել է ժամը, կամ ամենքս մեռնենք և կամ բռնակալության գահը տապալենք...

Ասաց ծեր բանվորը, բուռն շարժումով կորզեց իր գոգնոցը, փայտի ծայրը գցեց, դրոշակ շինեց, կռանը ձեռքն առավ ու առաջ ընկավ:

Մայրից ծայր, ծովից ծով հնչեց իսկույն պատերազմական մեծ աղաղակը, կայծերը ժողովվեցին, աշխատավորները ելան թաքստոցներից, կաշվե գոգնոցի մոտ գումարվեցին, խրոխտ — սպառնազին մեծ խումբ կազմեցին. առաջին թափով իսկ՝ եկող գործակալներից մինչև ետինը կոտորեցին ու առաջ անցան:

Ու ստվարացավ ստրկության խայտառակ օդը փշրող աշխատավորների կովող բանակը ու մեծացավ հազար հազարներով...

Մի հեղեղ էր դա. հեղեղ սասնական, որ ամեն կողմից փլած ի մի հավաքվեց, թումբեր տապալեց, իր անցքի վրա՝ ամեն շղթա փշրեց-ոչընչացրեց, քայլեց ու գնաց հսկա քայլերով, բախեց բռնակալության արյունոտ կուրծքը, փոթորկի նման մոնչաց, ձյան հյուսի պես գլորվելով խոշորացավ, ոստնեց...

Կաշվե գոգնոցը եղավ այնուհետև երկրում, ծայրից ծայր ծածանվող դրոշմ: Նրա տակը հավաքվեցին բոլոր աշխատավորները, ճնշվող-տանջվողները...

Ու հարձակվեցին այն գերագույն և անդիմադրելի ահավոր ուժով, որ ունենում է ազատության շնչով տոգորված ամեն ժողովուրդ: Ուժ, որին ոչինչ, ոչ մի բան արգելք չէ այլևս, որին ո՛չ մի դսպում, ո՛չ մի պատվար խոչընդոտ չէ այլևս:

Ընկավ Ջոհակը. բռնակալության խայտառակ գահը երեբաց, իսպառ ոչնչացավ: Ընկան Բյուրն ու Բուրը, և այնուհետև, ծագող լույսի մեջ, Իրանը նորից կյանք առավ, գլուխ բարձրացրեց, նորից ազատության երգը հնչեցրեց:

Երգ, որ դարեր ու դարեր ապրում է, երգվում, կապրի ու կերպվի:

Սակայն զրույցն այստեղ դեռ չի վերջանում: Ֆրեյդունը, — ասում է լեգենդը, — կաշվե գոգնոցը դրոշակ դարձրած, մի մեծ բանակի գլուխ անցած՝ մաքրեց երկիրը ավազակներից, հարստահարողներից, հալածեց Ջոհակին և երկու օձին, քչեց ու տարավ, Դեմավենդ լեռը հանեց:

Այնտեղ նա բռնեց հրեշներին, շղթայի առավ և փակեց նրանց մի խոր բարայրի մեջ:

Ջոհակն ու վիշապները, — ասում է զրույցը, — շատ կատաղեցին, լեռ դղրդացրին, կամեցան ելնել, նորից՝ նոր Իրանը մրկել ու վառել, բայց բարայրի բերանում տնկած կաշվե գոգնոցը և այնտեղ ցցված դարբին Ֆրեյդունի տեսքը՝ նրանց այնքան զսպեց, մինչև որ այլևս նրանց մի օր բռնեցին և եռուն ծծմբային հորի մեջ ձգելով՝ իսպառ անհետացրին...

Կաշվե գոգնոցի շուրջը ակներ շարեցին և նվիրական՝ որպես մի գրոշ, թանգարան դրին, հաջորդ սերունդներին ավանդ կտակեցին...

(Պատկերներ)

Միայն ու անդու շշուկով լի համերգը դեպի ափերը օրորելով, վե՛տ վե՛տ ալիքների կայտառ ոստումները միմյանց վրա հանած, անհոգ ծալքերի և շերտավորումների պշրանքներ բմահաճորեն վերջալույսի տակ գունավորելով— փովում է ծովը անծայրածիր ու ծիծաղախիտ, ծովը ծավալուն ու վաստակաբեկ, խոնջացած ծերունի հսկայի նման պատկանելի:

Լուռ և խաղաղ է նա, շնչառումը կանոնավոր— քնացողի պես, շարժումները դանդաղ— հոգնածի նման: Ո՛չ կոհակներն են ծառանում սպիտակ փրփուրներով, ո՛չ ակոսացող ծալքեր են գլորվում և միմյանց վրա նետում ճերմակ բաշերի աճեցուն շարքեր, ո՛չ էլ անհամար ալիքներն իջեում-եկնում սողոսկուն՝ ջրերի խորքերն իջեցնելու համար հուզմունք ու վրդովմունք:

Հանգիստ է ծովը, լուրջ և խոհուն: Եթե երբեմն մեզմիկ շշուկով պարբերաբար ափերն են լիզում նրա ջրերը և ճապաղ տարածումով ավազը լվանում— հսկայի կենսունակության անվերջ խանդն է այն, որ ապրում է միշտ մեն մի կաթիլի մեջ:

Ու սպասողական խոհեր կազմած իր լայն դեմքի վրա, ինքնամոփումի և լուռ մտածումների խորշումները ճակատին, աչքերը հառած, անդորր է ծովը: Անդորր՝ բնության այն լռիկ վայրկենի պես, երբ տերի և ցողունի արձանացումը սոսկում է ազդում, երբ օդի մեջ սավառում է մրբկի զարհուրելի ուրվականը անշշուկ ստվերի նման, և երբ մթնալորտի խեղդիչ անշարժությունը գալիք փոթորիկի պայթումն է զգացնել տալիս:

Անշարժ պառկած է և ակնարկը ժայռերին է: Հոգնել է հսկան, շուն է առնում իր լայն կուրծքի ելեկներով և մեծ թոքերի խուլ շնչկոցով...

Այգպես է հանգչում ծովը և այդպես նա սպասում է ներքին ուժերի վերստին կուտակմանը, որպեսզի նորից ելնե ապառաժների դեմ, փոթորիկ հարուցանե պատվարների հանդեպ:

Այգպես է նույնպես պահ մի լիովին կարծես մնշում, սակայն իրպես՝ ուժերն է կազդուրում և դիզացնում այն ժողովուրդը, որ շղթաների նշման և բռնակալության գարշանքների գիտակցություն ունի, այլև գարթնումի անզուսպ տենչանքը...

Եվ ահա հեռուն, հորիզոնի վրա երևան են գալիս մանրիկ, շնչին կոհակները վե՛տ-վե՛տ: Զրերը, տարածության հեռավոր ծայրերիցն սկսած, նոր հովերի դրդումից հուզված, կաթիլներին են ներշշում գարթումի ազդանշանը: Երերվում են, ցնցվում, անհամար թմբիկների փոխված՝ իրար ընկերանում, խուճապալից վազքով միմյանց ետևը շարվում, յուրաքանչյուր կաթիլի շարժումն են ժողովում, ամեն մի շարժման շշուկն ու շփումը ի մի ձուլում և առաջ նետվում...

Ու զանազան կողմերից գալիս են ահա արագ հավաքված, ահեղ շառաչունի որոտ գոյացրած, հսկա մեծության հասած սպառնալից, մթին զանգվածներ, գալիս են անդիմադրելի, հաստատ ընթացքով, փրփրազեղ ու կատաղի...

Զարթնել է հսկան, կնճռել է դեմքը, խոր ակոսներով ճակատն է խորշոմել և զայրագին շարժումներով կոխվել վերսկսել: Մշտական, համառ մի կոխվ, որ անպատվար աճեցումի փափագն է խանդալից, անկաշկանդ ազատության ձգտումը անսպառելի:

Գալի՛ս են... գալի՛ս են ծալքերը միմյանց մղող աճապարումով: Ծովի խրոխտ և մարտակոչ դեմքի կնճիռներն են դրանք:

Վազում են ջրերը՝ իրար զորեղացնող շառաչուններով. շուրջը համակ՝ պատերազմական աճեցուն որոտ է հնչում. որոտ, որ նետվում է դեպի ժայռերը, թնդացնում է ապառաժները:

Ու դողում է շրջապատում ամեն ինչ. ափերը կարծես կծկվում են, որպես շափազանց շնչին, շափազանց արհամարհելի շրջափակեր: Ծովային բույսերն էլ ոգևորությանը, հովին տված իրենց դիմակները, հետոն կարմիր, մոտիկից կանաչ— հանկարծակի պարզվող դրոշների պես ծփում են եռանդագին, ողջունում հսկայի զարթնումը, վերսկսած պատերազմը:

Ծովը ոտքի է ելել: Մարտնչողի անհողողդ համառությամբ գնում են նրա շղթայազեքծ ջրերը, մոնչում են ահեղագոչ, մեն մի կաթիլն այնտեղ շարժման մեջ է, շերտավոր փրփրումներով երախներ են բացվել ամեն կողմից, և նրանց ետադարձ շարժումը՝ թափը ուժգնացնելու համար բնական քայլն է, խոյացումը մեծացնելու զորեղ շեշտը...

Երբ շարժվում է ծովը, երբ զարթնում է նա և զայրանում— ոչինչ չկա, որ նրա ընթացքին ընդդիմանալ հանդգնի: Համակ ըմբոստացումն

Ա

է նա. ամենազոր, ամեն բան տապալող, աղաղակովը վսեմ և ուժովը ան-
նկուն ըմբոստացում:

Եթե պահ մի ետ է քաշվում նա ափերից, խոր դեպք ներս է գծում
խոնարհ ու գետնաբարշ, կծկված և անաղմուկ— այդ պահը նրա ուժերն
ամփոփելու և հանգստության ժամն է:

Ու քանի դեպի խոր ու ներս են քաշվում ջրերը անմոռնչ, այնքան
մեծ ուժգնությամբ, այնքան բարձր դիզացած ու կատաղի՝ գալու են նը-
րանք քանդիչ ու ավերիչ զորություններ, շղթաներ փոշիացնող հարվածնե-
րը ջախջախիչ դարձրած:

Այդպես է ծովը: Տեղատվություն մեծություն՝ մակընթացություն վիթ-
խարիություն է առաջացնում:

Այդպես է նաև պահ մի տեղի տվող, հաղթահարված և ուժասպառ այն
ժողովուրդը, որ խոյացման ուժգնության համար պետք ունի կազդուրվե-
լու, պետք՝ հանգչելու, ուժերը ժողովելու...

* * *

Մովը հմայիչ, ծովը ծփուն և գեղաժիծաղ, լուսնի շողքերի տակ դո-
ղահար ննջող մանուկի գեղեցկության, կույսի երեսին ժպտող, ծովը
շողշողուն՝ պատկերն է կենսուրախ, եռանդուն և հրապուրիչ այն ժողո-
վուրդի, որ ազատ է իր ձգտումների մեջ, ազատ՝ իր մտածությունների և
ազատ՝ իր թոշիքների մեջ:

Մովը՝ մի մեծ լաթի պես դողահար ու անկենդան, ցրտի մեջ սրթըր-
թացողի ողորմելիությամբ և քնածի ապշությանբ— պատկերն է ստրկու-
թյան, տգիտության և արատների մեջ սնված ու ծվենների փոխված հա-
սարակության, որ ճահիճների մեջ է որոնում իր կյանքը և շղթաների
մեջ ծյուրվելն է իր հեռանկարը. ժողովուրդ անգետ, անճաշակ, բիրտ և
ստրկահոգի:

Բայց ծովը կնճռոտ, հարձակման համար ետ գալարվող, ծովը՝ այ-
նուհետև կատաղի և փրփրալից երախներից մոնչլուն արձակող, ծովը՝
զարհուրելի զանգվածով ժայռերի վրա նետվող— պատկերն է՝ այն ազ-
նիվ ժողովուրդի, որ գիտակցության թուլաների շնչով ծառանում է և իր
իրավունքները, արդարություն ու ազատությունը կորզում, հափշտակում...

Նստիր ծովի մոտ և ուսիր նրանից այն ամենը, ինչ նրա ջրերն են
պատմում, ինչ ալիքներն են մոնչում:

Մով և ժողովուրդ— երկուսն էլ միևնույն շարժումներն ունեն, միև-
նույն թափը... և միևնույն ապշությունը:

Զգիտեմ ինչպես— և շփոթաղեք, դա մի մեծ հարց է— կոպիտ, հաս-
տափոր, կլանող աղան ձեռք բերեց բազմաթիվ հավեր ու աքաղաղներ,
մեծ բակի մեջ ցանկապատ քաշեց, հավային խոշոր մի գաղութ հիմնեց
և բազմացնելով շահագործում էր նրանց:

Մարդիկ լավ գիտեն, թե հավն ու աքաղաղը ինչի են գործածում:
Պահում են, բազմացնում, կերակրում, գիրացնում ու մի գեղեցիկ օր
մորթելով՝ եփում են, ուտում:

Մրանից սովորական բա՞ն:

Բայց մտեք մի քիչ էլ հավի դրություն մեջ: Երևակայեցեք, որ ձեր
ընկերների հետ միասին հավաքել-լցրել են ձեզ մի մեծ շրջափակում,
ցանցած և պատերով պարփակել, երբեմն միայն թույլ են տալիս վազ-
վըղելու, խաղալու— այն էլ միայն գիրացնելու մտքով— և հետո, հան-
կարծ, ձեր աչքի առջև գալիս բռնում են ձեզնից մեկին,— ձեր մորը կամ
բորջը, սիրելուն կամ ընկերներին, քիչ հեռու, հենց ձեր քթի տակ՝ գետ-
նովն տալիս, ոտները հավաքում, թևերը ծալում և փայլուն դանակը վը-
ղին շողացնում...

Եվ նա ճշում է, օգնություն կանչում, ձեզ է ձայն տալիս... իսկ ար-
յունը շատրվանի պես դուրս է ցայտում նրա կտրած վզից, գետինը կտր-
մըրացնում. և գլուխը մարմնից բաժանված, շարժուն, հուսահատ արևա-
նունքով, փոշիների մեջ գլորվելով՝ գալիս ընկնում է առաջդ. մինչ
նրա սիրելի մարմինը տապալակում է իր արյան մեջ, ոստոստում, թփրթ-
տում, գալարվում է, կծկվում...

Այդ բոլորը տեսնում ես դու բակի մեջ կանգնած, վշտից քարացած,
վախից դողալով, անկարող՝ նրան օգնելու, ճիչ արձակելու և գիտակից,
որ մի օր էլ մյուս սիրելուդ, բորջդ, բարեկամիդ են այդպես անելու, քեզ
իսկ մորթելու...

էլ ի՞նչ սիրտ կմնա քեզ մոտ, ի՞նչ քաղցր ընկալ, ի՞նչ սեր, զգաց-
մունք, եթե ոչ՝ միայն անեծք բեռության դեմ, լուսանք ու կսկիծ, վիշտ
բյուրեղացած, կիդիչ տառապանք:

Կարծում եք հավը կամ աքաղաղն այդպես չե՞ն զգում: Իրավ է, գուցե
լինեն հավեր— և շատ էլ կլինեն— որ սերնդից սերունդ տեսած լինելով
այդ բոլորը՝ վարժվել են, մորթելն ու տանջանքը կյանքի մի պայմանը
համարել և գուցե, երբ հերթը գա իրենց, գնան դանակի առաջ անմոռնչ,
խոնարհ, հպատակ ճակատագրին:

Բայց ի՞նչ... նայիր մեկ, երբ մորթողը դանակը ձեռքին, թևերը բեր-
ած՝ մտնում է հավերի մեջ. նրանցից ո՞ր մեկը չի ճշում կամ չի խու-
սափում. ո՞ր մեկը հուսահատաբար չի զարնվում կոճղերի, քարերի,
սուր-սուր փշերի և ո՞ր մեկն արդյոք իր աղաղակներով, աղեխարշ ձա-
նով օդը չի լցնում. և երբ բռնվում է, երբ դանակը վզի կեսը կտրել է-
ի՞նչ կա ավելի հուզիչ, ավելի ճնշիչ, քան նրա աղաղակը, լացն ու գան-
գատը...

Կարծում եք մյուսները, որոնք այդքան անշարժ կանգնած են և աչ-
քերը պայթելու շափ բացած, քարացած հայացքով կծկված նայում են-
լն՝ զգում... Մոտից նայեցեք. ինչպես են դողում սարսափահար. յուրա-
քանչյուր անդամն ու մասը դողում է արագ, սոսկալի կերպով, և նրանց
աչքերը շեն կարողանում հեռանալ մորթվողի տանջանքից, հոսող արու-
նից:

Զգում են, գիտեն: Գիտեն, որ ազատվելիք չունեն, որ իրենք ծնվում
են ուտելու համար: Բայց, ինչպես մարդկանցից շատերը, նույնպես և
հավերը, ճակատագրական են համարում դա. անխուսափելի, բոլորովին
բնական:

Եվ ծնվում են, մեծանում, ապրում ու մորթվում. մորթվելիս՝ ճշում,
ազդակում, իսկ մինչև մորթվելը՝ ոչ ոքի մտքովը չի անցնում ազատվելի
մի ճար մտածել:

Եվ ինչպե՞ս անել, երբ վաղուց կորցրել են բարձր թռնելու ընդունա-
կությունը, երբ նրանց տերն ունի միջոց ճնշելու, հուպ տալու, բանտար-
կել պահելու, իսկ իրենք, վաղուց-չգիտեմ ե՞րբ, որ ժամանակից— պաշտ-
պանվելու ամեն ընդունակությունից զրկվել՝ դառել են ստրուկներ խղ-
ճալի մտքով, գծած զգացմունքով, վախկոտ սրտերով և ազատության
ցանկությունը ընդմիշտ կորցնելով:

Բ

Բայց ահա մի օր հեռավոր երկրներից մի տարօրինակ աքաղաղ
հայտնվեց աղայի հավային մեծ գաղութում:

Այդ այսպես եղավ:

Մի առավոտ, երբ բոլոր հավերն ու աքաղաղներն ազահաբար կը-
ցահարում էին բակի մեջ սփռված հատիկները, հանկարծ լավեց թևերի
ուժգին թափահարություն, և ցանկորմից ներս ընկավ մի երկարահասակ
թռչուն: Հավերը ճշալով ետ փախան ու, շրջան կազմելով, հեռվից սկսե-
ցին գիտել նորեկին, որ մեջտեղ կանգնած, ուշադրությամբ զննում էր
բուրդին:

Կարմիր, փայլուն փետուրներով, երկար վզով և երկար ոտներով երի-
տասարդ աքաղաղ էր: Այնպիսի խոշոր ճանկեր ունեք, որ աքաղաղների
զողալով էին դիտում: Սոսկալի էր մանավանդ բուրձ մատի ժանիքը:

Հավերն այլևս չէին համարձակվում մոտ գնալ հատիկներին, իսկ
աքաղաղները մի վայրկյան շփոթությունից հետո սկսեցին կամաց-կա-
մաց առաջ քայլել:

Նորեկը զննում էր նրանց, և նրա դեմքի վրա գծվում էր խղճացող
արտահայտություն: Բայց այդ երկար շտեկեց. հանկարծ լարվեց նա օտ-
ների վրա, մի գորեղ կուկուրիկու արձակեց և այսպես խոսեց.

— Բարե, բարեկամներ, չեմ եկել ձեր կուտը կամ կանայքը խլելու, մը-
տադիր չեմ ձեզ հետ կուվելու: Ինձ այստեղ բերողն այն միտքն է, որ ձեզ
հետ բարեկամանամ: Վաղուց է, որ իմ հայրենիքում, մեր մեջ, լսում ենք
ձեր տառապանքի, ձեր գերության և թշվառության մասին: Մենք եղբայր-
ներ ենք և ինձ դժվար է տեսնել, որ դուք այդ աստիճան ստրկացած, ան-
մոռնչ զոհ եք գնում անկուշտ աղային... Ես եկել եմ ձեր մեջ՝ ձեզ հետ
խոսելու. և պիտի տեսնեք, որ ինձնից ոչ մի վնաս չեք ստանալ. ու եթե
լսեք ինձ, ձեզ կպատմեմ շատ հետաքրքիր բաներ մեր այն հայրենիքի
մասին, ուր ո՛չ շրջանակ կա, ո՛չ աղա և ո՛չ էլ մորթող...

Այդ խոսքերը մի տեսակ ապշուժյան մեջ ձգեցին բուրդին: Աքաղաղ-
ները թշնամաբար էին նայում նրա վրա, բայց նորեկը ոչ նրանց կուտին
ձեռք տվավ և ոչ էլ՝ կանանց: Սկզբում ոչ ոք չէր մոտենում նրան. դո՞ մի
բանի օր տևեց. բայց շորս օրից հետո նա բարեկամացավ բուրդի հետ:
Այնքան բարի էր, որքան որ գորեղ էր: Հավերը բուրդին սկսեցին սիրա-
հարկել նրա վրա. իսկ աքաղաղները քծնախառն վախով էին մոտ գա-
լիս նրան: Այդպես է. ստրուկ մեծացածը՝ առանց վախի, հարգանք չգիտե-
կի մեկին հարգանք է ցույց տալիս— դա վախենալուց է: Զէ՞ որ է առ
մարդիկ, որոնք պաշտում են ժայռեր, որովհետև վախենում են նրանցից.
Կենդանիներ, որովհետև սոսկում են նրանց հարձակումներից:

Սակայն հավերը քիչ-քիչ սկսեցին զգացած վախն էլ փարատել և
այժմ պտտվում էին նորեկի շուրջը: Նորեկը նրանցից ոչ ոքի չդիպավ, և
դա զարմացրեց աքաղաղներին: Բանն այն է, որ նորեկը ոչ միայն ձեռք
չէր տալիս կանանց, թողնում էր կուտն ուտելու, այլ մինչև իսկ ինքն էր
հրավիրում նրանց՝ մասնակցելու իր գտած որսին և մեծ բաժինն էլ նրանց
էր թողնում:

— Այդքա՞ն բարություն:

Ամբողջ գաղութն ապշուժյան մեջ էր: Ո՞վ էր ուրեմն այդ վեհաճան
ու գորեղ նորեկը, որ ոչ բռնանում էր, ոչ օգտվում իր ուժից, այլ մինչև
իսկ որսում էր նրանց համար, պաշտպանում նրանց, խորհուրդներ տա-

Վրո: Մի քանի անգամ նույնիսկ միայնակ կո՛րով տվա՛վ ուրուրի դեմ և ար-
յունաթաթախ անելով՝ բշեց նրան:

Աղան իհարկե տեսավ նորեկին, դարմացավ, թե որտեղից էր բնկե-
նա իր գաղութի մեջ, բայց չհալածեց, այլ թողեց, որ մնար և իր հպա-
տակների մեջ լավ ու գորեղ սերունդ առաջացներ:

Բայց նորեկի տարօրինակությունն այդ չէր միայն: Երբ գիշերվա
մութը պատելու պես բոլորը կծկվում էին թառի վրա, նա սկսում էր
պատմել հրաշալի բաներ օտար, անծանոթ, սիրուն աշխարհներից: Պատ-
մում էր, թե որտեղից էր ինքը, թե ինչ երկրի, ինչ ժողովրդի զավակ էր
և թե ինչպես կային հավեր և աքաղաղներ, որոնք ապրում էին առանց
ցանկապատի, առանց աղայի և որոնց ոչ մորթում էին և ոչ էլ շարչա-
րում:

— Այնտեղ, հեռու, — պատմեց նա մի երեկո էլ, — շատ և շատ հե-
ռու, կա մի շքեղ երկիր, բարձրաբերձ լեռներ, մեծ-մեծ անտառներ, ուր
ապրում են մեզ նման հավեր ու աքաղաղներ՝ անվանդակ, ազատ շրջա-
վայրերում: Ծնվում են նրանք, մեռնում առանց մորթվելու և ուրիշների
կերակուր դառնալու: Այդ երկիրը հափշտակիչներին անմատչելի է...

Եվ ստրուկ հավերն ու աքաղաղները լսում էին նորեկին զմայլմամբ
ու չէին հավատում:

— Քաղցր է այնտեղի կյանքը, — շարունակեց նա, — առանց շրջա-
վակի, առանց աղայի, ուտում ես՝ ինչ աշխատում ես. ծնում ես զավակ-
ներ, տալիս ես նրանց ծծելու ազատ օդ՝ թողնում ես մեծանալու և բազմա-
նալու: Ամեն ոք իր կյանքի տերն է. ամբողջ բնությունը քոնն է, դու՝ բը-
նության մի մասը. ուրուրը չի համարձակվում իջնել նրանց մեջ, ձագերը
խել, կանանց վախեցնել: Կոշտ-կոպիտ աղան այսպես չի գալիս դա-
նակը ձեռքին, բռնում-մորթոտում յուրաքանչյուրին:

— Իսկ ինչպե՞ս գնալ այդ երկիրը, — հարցրեց մի աքաղաղ:

— Դրանից հեշտ բան չկա, — պատասխանեց նորեկը, — ահա, տես-
նո՞ւմ եք այդ գետակը. ես ձեզ կառաջնորդեմ. կրնկենք դրա ջրերի մեջ
հոսանքը մեզ կտանի մի տեղ կհասցնի, և եթե այն երկրների շենք հաս-
նիլ, գոնե ազատ կապրենք և շրջափակից ու մորթվելուց հեռու կլինենք:

— Իսկ եթե խեղդվե՞նք:

— Ի՞նչ կա. չէ՞ որ մի օր այստեղ անպատճառ պիտի մորթեն մեզ.
ավելի լավ չէ՞ փորձել ազատվելու և մեռնել ազատ: Բայց գուցե հոսան-
քը մեզ տակովը շանի, գուցե մի ցամաք տեղ հասնենք. թող լինի օտար
տեղ, բայց հեռու այս գերությունից...

Ասաց, լռեց և նայեց բոլորին:

Հավերը ամենքը լուռ էին: Նրանցում զարթնում էր երազելու, լավ

օրեր գանկալու ընդունակությունը: Իրավ, ինչ լավ կլինենք դուրս գնալ
հեռու, շատ հեռու, ազատ լինել, ազա՛տ ապրել...

Ողջ գիշերը քնել չկարողացան. ջղային դրություն մեջ էին. գետա-
կին էին նայում, միմյանց հետ խորհում ու վիճում:

Բայց աղան գիշերը լսել էր նրանց կշկշոցը, անհանգստության մեջ
էր դիտելու:

— Այս ի՞նչ է, — զարմանում էր նա, — հավերս անհանգիստ են. այդ
օտար, վայրենի աքաղաղը փորձանք է բերելու գլխիս. շատ են ժողովվում
նրա շուրջը... Չէ՛, վաղն և եթե նրան պիտի հեռացնել այստեղից:

Լուսադեմի մոտ՝ օտար աքաղաղը հանկարծ վեր թռավ, կուկուրիկու
ձայնեց, հավերին շուրջը ժողովեց և գոչեց.

— Գնա՛նք, ուրեմն, եղբայրներ, ժամանակն է, հետևեցեք ինձ, և
ազատվենք գերությունից...

Ապա ոստնեց ցանկորմի վրա, ցած նետեց իրեն, վազեց համարձակ,
գետակը մտավ, խրախուսեց հետևողներին, կանչեց և հոսանքի մեջ ըն-
կավ:

Մի քանի հավեր և աքաղաղներ հետևեցին նրան ու ջուրը մտան:
Երկուրը, տեսնելով հոսանքի պտույտը. ահաբեկ ետ դարձան, մեկը քա-
րացավ վախից և կանգնած մնաց ջրի եզերքին, մի ուրիշն էլ չկարողա-
նալով սրտապինդ մնալ — խեղդվեց, իսկ օտար աքաղաղն ու տասնի շափ
գերիներից՝ քաջաբար տվին իրենց հոսանքի ընթացքին և շուտով անհե-
տացան մյուսների աչքերից...

9

Անցան շատ օրեր: Աղան գուշակեց բանն ինչումն էր. բարկացավ,
կատաղեց ցանկապատից դուրս եկող, բայց վարանողներին խսկույն մոր-
թոտեց, ուշադրությամբ զննելով՝ կասկածավորներին գաղութից գատեց՝
սպանեց, մի քանիսին էլ առանձին փակեց: Ապստամբությունն այդպի-
սով խեղդել մտածեց: Մյուս կողմից էլ մնացողների կուտը ավելացրեց և
եթե նրանցից մեկին մորթել էր կամենում, այլևս մյուսների առաջ չէր
գործում, այլ առանձին, որ տեսնողների մեջ հուզում շառաչացներ:

Մի խոսքով, ամեն ջանք ի գործ դրեց և օտար աքաղաղի թողած
ազդեցությունը ոչնչացնել աշխատեց:

Գաղութը քիչ-քիչ սկսեց հանդարտել: Այլևս վախվախելով և անկյուն-
ներում էին խոսում հավերը օտար աքաղաղի և նրա հետ խուսափած ըն-
կերների մասին: Եղան շատերն էլ, որոնք հաստատում էին, թե ազատ-

վաղները անշո՛ւշտ խեղդված կամ կորսված պիտի լինեին և կամ եթե հասած լինեին որևէ տեղ՝ անօթությունից պիտի կորսվեին:

Բայց մի օր ահա թե ինչ պատահեց: Երեկոյան դեմ էր... գաղութի մեջ բոլորը խումբ առ խումբ հավաքված՝ կուտ էին ուտում և զվարթորեն խոսակցում, երբ օդի մեջ լավեց մի շշուկ, հետո հանկարծ երևաց մի մեծ ուրուր, համարձակ սլացավ, հափշտակեց մի գեր վառեկ, շնայելով հավերի ու արքադադների ճիչերին, նրանց վազվզելուն, կանգ առավ մի թափ վրա և հեզնորեն սկսեց նայել նրանց:

— Շը՞, ի՞նչ է... — ձայնեց նա սարսափած թռչուններին, — վաղուց է, որ ինձ չէիք տեսել, չէ՞ և կարծում էիք, թե այլևս ազատվել էիք իմ ձեռքից... Երևի զարմացաք, որ հանդգնեցի ցած իջնել, ձեր որդիներից մեկին հափշտակել և այժմ էլ այստեղ, ձեր մեջ կանգնած, ծիծաղում եմ ձեզ վրա: Ողորմելիներ: Մի՞թե կարծում եք, թե չգիտեմ՝ ինչեր են անցել այստեղ: Չէ՞ որ այլևս չկան՝ ոչ այն օտար քաջ աղաքաղը և ոչ էլ ձեր, եթե ոչ քաջ, գոնե սրտոտ ընկերները...

Միամիտ եղեք, ես նրանց տեսա: Եվ այդ էր պատճառը, որ իրա ձեզ մտտ և այսուհետև ամեն օր կտեսնեք ինձ: Այսուհետև օրը մի վառեկ, իսկ երբեմն էլ, եթե շատ քաղցած լինեմ, երկու վառեկ իմն է: Ձեր աղան ձեզ լավ է չաղացրել, որ լավ էլ ուտի: Ես ընկերանում եմ նրան վերջինի մեջ. միասին կուտենք ձեզ... Ապա՞ թե մեկն ու մեկը սիրտ անեք ինձ վրա հարձակվելու, հա՛, հա՛, հա՛, — քրքջաց նա շարությամբ, — չէ՞ որ բալորդ էլ ողորմելի վախկոտներ եք: Այ, ինչպիսի դողում եք. չէ՞ որ ձեռքացրեն ու այն օտար հանդուգնը այնտեղ, հեռու են այժմ, ազատ, և այլևս չեք տեսնիլ դուք նրանց:

Այո, պարոններ, տեսա ես. մի արանելի լեռան վրա են, ազատ օդի մեջ բույն են դրել և ապրում են. ոչ ուրուր կարող է մտտ գնալ և ոչ էլ աղա. մինչդեռ դուք, որ այդքան «խելոք» գտնվեցիք, այսուհետև երկու ասող կունենաք, — ես և աղան... Դեհ, մնաք բարև, էլի խելոք եղեք, միշտ այդպես խելոք...

Ասաց, մեկ էլ ծիծաղեց, բաց արավ թևերը և օարսափից սառած գաղութի միջից բարձրանալով՝ հեռացավ իր որսի հետ:

Նույն գիշեր ոչ քո շքեց: Ոչ ոք կուտ չկերավ. ամենքը խոսում էին ուրուրի պատմածների մասին: Մի քանի արքադադներ ու հավեր իսկույժ միացան և ողջ գիշեր դատելուց, մտածելուց ու վիճելուց հետո մյուս առավոտ տասը հոգի դուրս ուստեցին և մյուսների աչքի առաջ ջրի մեջ ընկնելով՝ անհետացան...

Աղան սարսափեց, տեսավ, որ տասը հոգի էլ խուսափել էին:

— Անիծյալ օտար արքադադ, — գոչեց նա: Եվ վճռեց մորթոտել կամ

հեռացնել գաղութից բոլոր նրանց, որոնք բռնվելիս կամ իր ներկայությամբ՝ ավելի հանդուգն էին երևում:

Բայց թե՛ այդ սարսափի միջոցը և թե՛ ուրուրի ամենօրյա այցելությունը, փոխանակ մեռցնելու վտանգավոր մտքերը, ավելի գրգռեց և քիչ օրից հետո հինգ հոգի ևս փախան:

Մնացածներն էլ գրգռված, խումբ առ խումբ հավաքվում էին ամեն կողմ, հաճախ աղալի դեմ ցույցեր էին անում, և աղան ստիպված էր ամեն անգամ մեկին կամ մյուսին զատել, ոտները կապած հեռացնել գաղութից, մորթոտել, արտորել:

Այդ դրությունն աղալին մշտապես մտատանջության պատճառ գարձավ այնուհետև: Ի՞նչ անել. օտար արքադադի թողած ազդեցությունն ի՞նչպես ոչնչացնել, արմատախիլ անել:

Եվ գիտե՞ք ինչ արավ:

Մի օր նրան այցելության եկավ հավերի բնավորությունը լավ հասկացող մի ուրիշ աղա և երբ լսեց իր պաշտոնակցի գանգատը, ծիծաղեց ու ասաց.

— Երևում է, ընկեր, որ հավերին լավ շեռ ճանաչում: Իմ գաղութն էլ, չգիտեմ ինչպես, ենթարկվեց վտանգավոր մտքերի ազդեցությանը, բայց ես շուտով կարողացա առաջն անել... Հավերդ կարդալ գիտե՞ն:

— Կան գիտցողներ էլ:

— Շատ լավ. բայց շատ չկարդան. հաճախ գրքերն են ներս բերում այդպիսի մտքերը... Նախ, նրանցից, այդ բո հավերից, մի քանի ամենաազդեցիկներին և հանդուգններին շնորհիբ առանձին արտոնություններ. օրինակ, պաշտոններ հիմնիր, մեկի վրից մի ժապավեն կախիր, մյուսի ոտքիցը՝ բոժոժ, երրորդի կատարը ոսկեզօծիր... Այս այսպես: Հետո նրանց վերակացու նշանակիր մյուսների վրա. ամենաազդեցիկին՝ բնդհանուր կառավարիչ, նրանից պակասներին՝ ոստիկաններ, ավելի պակաս ազդեցիկներին՝ տիտղոսներ շնորհիբ, իսկ ամենաճարպիկներից հիմնիր մի գաղտնի, վերահսկող մասնախումբ և մի մոռանալ, այդ բոլորին էլ զանազան նշաններով պատվիր, որոշիր մյուսներից ու մանավանդ ավելի լավ կերակրիր. եթե տեսնես, որ սկսեն հափշտակել հպատակներից՝ մատների միջով նայիր, աչք խփիր...

Դու երևի ինձ հասկանում ես:

Աղան սքանչացումով սեղմեց իր ընկերոջ ձեռքը և մյուս օրն ևնթ գործարկեց նրա խորհուրդը:

Գիտի ասել, որ ճարպիկությամբ ձեռնարկեց գործի:

Նախ, բռնվածներից ամենահանդուգնի վրից կապեց մի փայլուն, գոյեզդույն ժապավեն, ոտներից էլ՝ մի-մի հնչեղ բոժոժ. հետո լավ կուտ

ազավ, խոստացավ միշտ այդպես կերակրել և կառավարիչ կարգեց նրան մյուսների վրա:

Ապա սահմանեց աստիճանավորներ՝ առանձին արտոնություններով և շրջակես, լիովին հետևեց ստացած խորհրդին:

Սկզբում ամբողջ գաղութը զարմացած էր. նոր պաշտոնյաները չէին հասկանում: Հետո իշխելու, ընկերներից հարգանք ու հնազանդություն ստանալու փափազը զարթնեց նրանց մեջ և, հուսկ ուրեմն, նրանք սկսեցին իրենց սեփականացնել բաշխվող կուտի ամենալավ մասը, պատժել՝ ում կամենալ, սաստել, խլել՝ ում փափագել. և չէր անցել մի քանի ամիս, որ գաղութը ոչ միայն լիովին հանդարտվեց, այլև ամենից աղաս ու հանդուգն մտածողները դարձան ամենից բռնավոր իշխողներ, գրողին տվին աղատ մտքերն ու իդեալները և մինչև իսկ սկսեցին ծաղրով հիշատակել օտար քաղաղի և փախած ընկերների մասին...

Դրա վրա ավելացրեք և այն, որ մի օր, աղայի հրամանով և նոր պաշտոնյաների համաձայնությամբ, մի թուղթ կախվեց գաղութի մեջ, որի վրա գրված էր այսպես.

«Չհամարձակվե՛լ ազատության մասին մտածելու. այդպիսին մյուսներից ավելի շուտ կմորթվի...»:

— Չհամարձակվե՛լ... — ճշացին պաշտոնյա քաղաղաները, — թե չէ՛ մյուսներից ավելի շուտ կմորթվեք:

Եվ խելոք քաղաղաները, երբ կարդացին այդ, բարվոք համարեցին ավելի ուշ մորթվելը՝ ազատության փոխարեն, որպես իդեալ ընդունել, և այնուհետև էլ ոչ ոք չհամարձակվեց ազատության մասին երազել...

Ախ, դուք խելո՛ք, խելո՛ք քաղաղաներ...

ՊԱՅՏԱՐԻ ՀՈԳԻՆ

Հիսուսն էշի վրա նստած Երուսաղեմ էր իջնում: Հանդեսը փառավոր էր, բայց էջը կաղում էր: Պատճառն այն էր, որ խեղճ անասունը բարոտ տեղերից անցնելու ժամանակ՝ մի պայտը կորցրել էր:

Եվ ժողովուրդը պատմում է, թե Հիսուսը բավական շփոթված էր, տեսնելով, որ գրաստը գայթեկով ու կաղալով էր գնում, տեղ-տեղ էլ սպառնում էր նրան ցած նետելու:

Բայց հանկարծ, որտեղից որ էր, ժողովրդի միջից դուրս թռավ մի պայտար, կանգնեցրեց Հիսուսին, կռացավ արագությամբ, բարձրացրեց

գրաստի ոտը և մի քանի րոպեի մեջ այնպե՛ս լավ պայտեց նրան, որ Քրիստոսը ժպտաց գոհունակությամբ ու ասաց պայտարին.

— Ապա՛, պայտար, խնդիր ինչ կամենաս, և ցանկությունդ կկատարվի:

Ասում են, որ Հիսուսին աներևութապես ընկերակցող հրեշտակներից մեկը կոացավ պայտարի ականջին և փսփսաց, որ նա երկնային արքայությունը խնդրեր: Սակայն մարդը շատ էլ իդեալիստ չէր. բացասական կերպով գլուխը շարժեց և ասաց Քրիստոսին.

— Տեր, ես մի խեղճ պայտար եմ. մի տուպրակ, մի աթոռ ունիմ և տանս կողքին էլ՝ մի ընկուզենի. Յանկանում եմ, որ աթոռիս վրա նստողը՝ տուպրակիս մեջ մտնողը և ընկուզենու վրա ելնողը՝ չկարողանան պոկ գալ, դուրս գալ և իջնել, մինչև որ անունովդ չհրամայեմ ես նրանց:

Հիսուսը ժպտաց, օրհնեց նրան և ասաց.

— Թող կատարվի քո ցանկությունը:

Եվ անցավ գնաց:

* * *

Ապրեց պայտարն երկար տարիներ իր խրճիթի մեջ, ընկուզենու տակերի տակ, հանգիստ ու առատ: Մենակ էր թեև, ունեցածն էր մի աթոռ, մի խղճուկ տուպրակ և գործիքներ, բայց եկամուտը լավ էր, և նա շատ էր սիրում կյանքը:

Հենց այդ էր պատճառը, որ մի օր խրճիթի դռանը նստած, երեկոյան հովը վայելելիս, երբ տեսավ հեովից դեպի իրեն եկող հոգեառ հրեշտակին. սիրտը թունդ ելավ, սկսեց դողալ և մտածում էր, թե ինչպե՛ս ազատվի այդ անկոչ հյուրից:

Բայց հրեշտակը մոտ եկավ, ողջունեց, ժպտաց ու ասաց.

— Դե՛հ, պայտար՛, բավական ապրեցիր. այժմ ելիր, վերջին աղոթքդ կատարիր, որովհետև հոգիդ տանելու եմ:

— Օ՛հ, իմ հրեշտա՛կ, — հառաչեց պայտարը, — մի՞թե այդպես շուտով հարկ է կյանքը թողնել. ես դեռ ապրել եմ ուզում. նայիր մե՛կ, ինչպես լավ է այս բոլորը — բնությունն ու հովը, լեռներն ու դաշտերը...

— Այո՛, խոսք չունիմ, լավ է. բայց ի՞նչ արած, պայտար, ճակատագիրդ այդ է, հարկ է հոգիդ տալ:

Չէ՛, տեսավ պայտարը. որ ո՛չ խնդիրքը և ո՛չ էլ բանաստեղծությունը օգնեց իրեն: Պահ մի տխուր մտածեց, հետո մեկե՛ն, մտքի ծայրահեղ լարումի շնորհիվ, մտաբերեց օգտվել Հիսուսի տված շնորհներից:

— Լավ ուրեմն, հրեշտակ,— ասաց նա քաղաքավարութեամբ,— հրամանե՛, նստիր քիչ այս աթոռի վրա, մինչև ես աղոթքս կատարեմ: Եվ շոքեց աղոթելու: Հրեշտակը հոգնած էր, նստավ աթոռի վրա: Նստավ—նստավ, զգաց, որ բռնվել էր: Ըիզ գործեց ելնելու, թևերը թափահարեց, բայց զարմացած տեսավ, որ ջանքերն իզուր էին, և որ նա լավ բռնված էր:

— Այս ի՞նչ է, պայտար, ի սեր աստծո,— գոչեց նա սարսափած,— ես մեխված եմ կարծես. ազատի՛ր ինձ...

— Է՛հե՛, պարո՛ն հրեշտակ, ազատե՛մ քեզ,— ծիծաղեց պայտարը,— ի՞նչ արած, որ այդպես եղավ, ճակատագիրդ այդ էր...

Հրեշտակն աղաչեց, խնդրեց, պաղատեց և վերջ ի վերջո հոգին պայտարին թողնելու գնով ազատվեց ու սոսկումով շտապեց երկինք:

Պայտարն ազատված էր այս առաջին անգամը: Ազատ շունչ առավ և օրհնեց այն րոպեն, երբ մտածել էր Հիսուսի էջին պայտել:

* * *

Մինչև այդ, հոգեառ հրեշտակը ճանապարհին գունավորվելով, սոսկման թելադրության տակ խնդիրը մեծացնելով, պատմեց ամենքին պայտարի արածը. և երկինք հասած, գունաթափ՝ կանգնեց աստծո առաջ: Աստված ծիծաղեց, խիստ զվարճացավ,— ասում է ժողովուրդը,— բայց իրավունք չտվավ ուժ գործադրելու:

— Եթե կարող եք,— ասաց նա,— խորամանկութեամբ հոգին առեք գործ դրեք հնարքներ, բայց երբե՛ք ուժ:

Եվ այն ժամանակ դժոխքի շար ոգիների մի խումբ, մի խորամանկ խումբ, հրաման խնդրեց պայտարին գնալ և նրա հոգին առնել, պայմանով միայն, որ այդ հոգին դժոխքը տարվեր:

— Շատ լավ,— հրամայեց աստված,— եթե կարողանաք՝ առանց ուժի երա հոգին հանել, թող ձե՛ր բաժինը լինի:

Եվ ահա տեսավ պայտարը, որ մի խումբ սև, այլանդակ ոգիներ, միմյանց գլխի վրայից ոստնելով, միմյանց առաջը կտրելով՝ գալիս էին գեպի իր կողմը:

— Հո՛, հո՛...— մտածեց նա,— այժմ դեերն են գալիս: Հիսուսի պայտարը չլինեմ ես, եթե հրեշտակին խաբելուց հետո սրանց գլխին էլ մի խաղ չխաղամ:

Ու կեղծավոր, խոնարհ, աղերսալից կերպարանք ստանալով՝ շտապեց դիմավորել սև ոգիներին:

— Ա՛յ դու անամթ, աներե՛ս պայտար,— ձայնեց հեռվից խմբա-

պետը,— ինչպե՛ս ես համարձակվում հոգիդ ամուր բռնել և հոգևոր հրեշտակին խաբել... Դե՛հ, այժմ հրաման է աստծուց, որ այդ խորամանկ հոգիդ մեր ձեռքը հանձնես... Տղերք,— դարձավ նա իր հետևորդներին,— հեռու կացեք այդ աթոռից և տեսնենք ինչպե՛ս սա իր հոգին չի տալ:

Այդ ճառից հետո սև ոգիները խրճիթ լցվեցին, պայտարին շրջապատեցին, ճիչ ու աղմուկով ականջ խլացրին և հոգին պահանջեցին:

Պայտարը թեև սկզբում շատ վախեցավ, բայց երբ գեերի ճիչն երկար տեց, սրտապինդ դարձավ և գոչեց.

— Փոքր-ինչ ցա՛ծ խոսեցեք, պարո՛ն դեեր, ականջս խլացավ... Ի՞նչ է ձեր ասածը. հոգի՛ս եք ուզում: Շատ լավ, խոսք չունիմ. սակայն դուք ինչ՞ով կարող եք հաստատել, որ աստծուց եք ուղարկված և ոչ թե ինքնազուխ եկողներ եք:

— Սրա՛ն նայեցեք,— աղաղակեց մեկը,— համարձակվում է կասկածել. ուզում է մե՛զ էլ խաբած լինել:

— Բոլորովին ոչ,— ասաց պայտարը,— եթե դուք հաստատեք, որ աստված է ձեզ ուղարկել, համեցեք, հոգիս ձեզ տամ:

— Ինչպե՛ս հաստատենք, անմի՛տ,— հարցրեց խմբապետը,— զրե՛նանք վկայակա՛ն բերենք քեզ:

— Բայց ո՛չ, շատ հեշտութեամբ կարող եք հաստատել: Ես մի տոպրակ ունիմ. ա՛հա, տեսե՛ք. եթե բոլորդ կարողացաք այնքան փոքրանալ, որ առանց ձեռք, ոտք կամ գլուխ դուրս թողնելու տեղավորվեք նրա մեջ, դա ինձ համար ապացույց կլինի, որ աստված է ձեզ ուղարկել. ապա թե ո՛չ կորեք զնացեք և աստծու անունը թող ոչնչացնե՛ք ձեզ...

Ասաց, ձեռքերը մեջքին դրավ և հպարտ սպասեց:

— Տղերք, սա տխմար է,— ճշաց խմբապետը,— ինչ կա դուրին մեզ համար, քան փոքրանալը: Մենք շե՛նք միթե, որ տասնյակներով տեղավորվում ենք մարդկանց սրտերի մեջ և ապրում այնտեղ... Դե՛հ, եկեք այս տխմարին ցույց տանք մեր ուժը...

Ու մտավ տոպրակը: Մյուսներն էլ՝ ետևից: Այլևս ո՛չ մի ձեռք, ոտք կամ գլուխ դուրս չմնաց:

— Հը, տեսա՞ր,— ձայնեց ներսից խմբապետը:

— Տեսա,— քրքրաց պայտարը: Հետո մեծ մուրճն առավ և փառավոր կերպով սկսեց ջարդել նրանց կողերը:

Դեերը ճշացին, ճիզ գործեցին դուրս թռնելու տոպրակից, բայց իզո՛ւր. բռնված էին և լա՛վ բռնված:

Աղաչեցին, լացին, հառաչեցին և խնդրեցին. բայց պայտարը այնքան ձեռք նրանց, մինչև որ թևերը թուլացան.

— Թո՛ղ մեզ,— գոչում էին դեերը,— թո՛ղ գնանք, հոգիդ քեզ մնա,

չե՛նք ուզում այդ անիծած հոգիդ. տանենք, որ դժոխքը տակնուվրա՝
անի...

Այն ժամանակ պայտարը հանուն Հիսուսի՝ արձակեց նրանց, և դե-
վերը լեղապատառ, ճիչ ու աղմուկով, այնպե՛ս շուտով կծիկը դրին, որ
պայտարի քրքի՛չն անգամ չլսեցին:

Պայտարն ազատված էր այս երկրորդ անգամն էլ: Ազատ շունչ ա-
ռավ և նորից օրհնեց ա՛յն ըուպեն, երբ մտածել էր Հիսուսի էջը պայտե-
նվ երկար ժամանակ ո՛չ երկնքի և ո՛չ էլ դժոխքի պատգամավորնե-
րից մեկը սիրտ արավ մի երրորդ փորձ անել և պայտարի հոգին տանե-
լու գալ:

Ժողովուրդը պատմում է սակայն, որ բավական ժամանակ անցած,
դժոխքի մի ամենախորամանկ զավակ, լավ խորհելուց հետո, հրաման
խնդրեց աստծուց մի փորձ ևս անել և պայտարի հոգին առնելու գնալ:
Հրամանը ստացավ: Կեղծության դիմեց, հրեշտակի կերպարանք
առավ և իջավ պայտարի մոտ:

Պայտարը հասկացավ, որ այս անգամ մի շատ խորամանկ և հան-
դուզն ոգու հետ գործ ունի, որովհետև եկվորը ո՛չ աթոռին էր մոտ գը-
նում, ո՛չ տոպրակին և ո՛չ էլ խրճիթն էր ուզում մտնել:

— Հոգիդ տուր,— կրկնում էր նա և համառությամբ մնացել էր
դրսումը կանգնած:

Հրավիրեց նրան պայտարը նստելու, խրճիթ մտնելու, բայց ոգին
ժպտալով գլուխը թոթվեց:

— Ո՛չ,— ասաց նա,— ինձ խաբել չես կարող. հոգիդ տուր և վեր-
ջակետ դնենք բոլոր խորամանկություններիդ:

Պայտարը խորհեց քիչ, հետո ցույց տալով, որ այլևս ճար չունի,
չլատվածի և հուսաբեկի նման ասաց.

— Էլ ի՛նչ արած, պարո՛ն հրեշտակ, քեզ խաբել չի լինում. հոգիս առ
տար: Բայց թո՛ւյլ տուր ինձ մի վերջին անգամ աղոթել: Հետո, գիտե՛ս,
ես շատ վախկոտ եմ. թո՛ւյլ տուր ինձ շոքել այս ընկուզենու տակ և երբ
ես վերջին խոսքն էլ ասեմ, ելիր ծառի վրա և այնտեղից հոգիս առ ու
տար:

Ու սկսեց այնպես լալ և հեկեկալ, որ խորամանկ ոգին ուրախա-
ցավ, թե հաղթել էր: Ելավ ընկուզենու վրա, նստեց ու սպասեց:

Բայց հազիվ թե նստել էր, զգաց, որ խաբվել էր: Քիչ մնաց ուշքից
գնար: Որքան աշխատեց պոկ գալ, անհնար եղավ:

Չաղաչեց այլևս: Կռացավ դեպի պայտարը և ասաց.

— Խաբեցիր ինձ ևս, պայտար, հոգիդ քեզ մնա թող. միևնույնն է,

դու ինձ ընդմիշտ ոչնչացրիր, որովհետև կյանքումս ես չէի խաբվել այդ-
պես. թող տուր ինձ գնալ...

— Ահա այդպե՛ս...— հպարտացավ պայտարը,— հանուն Հիսուսի
ցնա և պատմիր ընկերներիդ, որ հեշտ բան չէ Քրիստոսի պայտարի
հոգին հանելը...

Եվ ելավ ոգին ու հուսահատ, կաղնիկաղ հեռացավ: Իսկ պայտարը
հպարտ, ապահով այլևս, սկսեց կյանք վարել և բոլոր հոգեառների վրա
ծիծաղել...

Այստեղ կանգ է առնում ժողովրդի գրույցը և այստեղ էլ սկսում է
գրողի հանդգնությունը: Նրան թվում է, թե գրույցը լրացած չէ, քանի որ
պայտարը վերջ ի վերջո անշուշտ հոգին տվավ, մեռավ:

Բայց ինչպե՛ս, ո՞վ էր ուրեմն հոգեառը, ո՞ր հանդուգնը և ո՞ր խո-
րամանկը, որ արավ այն, ինչ չէին արել երկնքի և դժոխքի ոգիները:

Ահա թե բանն ինչու՞մն էր:

Մի օր պայտարը մտածեց այլևս մեռնակ չմնալ, տուն ու տեղ լինել
և կին ունենալ:

Ու գտավ այդ կինը: Գեղեցիկ, գրավիչ, կոկիկ մի կին էր, որ խրճիթ
մտնելուն պես, ըստ կանացի սովորության, սկսեց ամեն ինչ տակնուվրա
անել: Նախ հնացած աթոռը փշրեց ու վառեց, հետո տոպրակից թոնիրի
սրբիչ կտրտեց շինեց, իսկ ընկուզենուն, գտնելով շատ հնացած ու տգեղ,
կտրտեց-ձգեց...

Խեղճ պայտարը առյուծի լեղի՞ էր կերել, որ կարողանար գիճադրել
կնոջ:

Եվ կինն այնպիսի՞ դրության մեջ դրեց այնուհետև թշվառ պայտա-
րին, որ սա սրտնեղած, տանջված, դառնությունով լցված՝ ինքը խնդրեց
աստծուն՝ իր հոգին առնել...

Եվ աստված նրա հոգին առավ: Իսկական հոգեառը, այսպիսով, միայն
կինը եղավ...

ԵՆԻՉԵՐԻ

(Թուրքաառայերի կյանքից)

Ա

Օսմանյան պատմութիւնը փոքր-ինչ ուսումնասիրողին անգամ հայտնի է Սուլթան-Մահմուդի այն ահարկու զորքի գունդը, որը կոչվում է ենիչերիներ զունդ:

Այնչափ արհաւիրք ձգեց իր ժամանակին այս գունդը, նրա յուրաքանչյուր զինվոր այնպիսի սոսկալի բարբարոսութիւններ արավ, ժողովուրդը նրա ձեռքից այնչափ տաժանելի շարշարանքներ կրեց, որ մինչև ալսօր էլ, երբ կամենում են նկարագրել մի արյունարբու, անօրեն, բարբարոս, կատաղի հրեշ՝ ասում են՝ «ենիչերի»:

Ամենքին հայտնի կլինի նաև նրանց կատարածը, որը տեղի ունեցավ Կ. Պոլսի Աթ—մեյդան կոչվող հրապարակում, ուր և այժմ գտնվում է ենիչերիներ զունդ: Այդ մյուզնում կարելի է տեսնել նրանց մոմեղեն արձանները իրանց բնական հագուստներով, գենքերով, իրանց վայրենի և սոսկում ազդող դեմքերով, շրջապատած իրանց ներգիլե ծրխող աղային:

Երբ մարդ մտնում է այդ սրահը, երբ մտնելուն պես դուռն դեմուգեմը տեսնում է ենիչեր աղասիի խոժոռ դեմքը և կարծես թե կատաղութիւնից ղողղողացող շրթունքները, որոնցից դուրս եկած բառերը թափել են գետի շափ անմեղ արյուն, երբ տեսնում է նրան նստած հրպարտութիւնը օթոցի վրա, մեջքը տված մետաքսյա բարձերին, մի ձեռքին ներգիլեի փողը, մյուս ձեռքը մեջքի լայն գոտում խրած դաշու-

նի կոթին, երբ տեսնում է նրան շրջապատող այդ կատաղի դեմքերով ենիչերները, կարծես լսում է աղայի հրամանը «վուրու...» (զարկեք) և ենիչերիների ականջ խլացնող աղաղակը... սոսկում է և վախենում, կարծելով թե ահա նրանցից մեկը զվարճութեան համար իր դաշույնի սուր լինիլը կփորձե իր վերա...

Այդպես էին ենիչերիները. ժողովուրդը նրանց վրա, նրանց բարբարոսական կյանքից բազմաթիվ մանր և սոսկալի պատմութիւններ է պատմում, և պատմութիւնը լավ նկարագրում է, թե նրանք ինչպես օրը ցերեկով և Կ. Պոլսի փողոցների մեջ կողոպտում, անպատվում ու սպանում էին:

Գավառների մեջ անգամ, շատ տաճիկներ օրինակ առնելով ենիչերիներից, որոնց երբեք չէին տեսել, մի-մի լայն գոտի էին կապում մեջքից, մի քանի գենք էին առնում, գլխին փաթաթում էին ծվեններից ենիչերական փաթոթը, ձեռքին մի գավազան, գիշերները դուրս էին գալիս փողոցը, ահագին աղաղակներ արձակելով դռներ էին փշրում, կողոպտում էին, առևանգում, սպանում և անպատիժ մնում:

Այդպիսիներն էլ կոչվում էին ենիչերի:

Բ

1860 թվականներում, երբ Կ. Պոլսի ենիչերիներից արգեն մի հատ անգամ շէր մնացել և սակայն գավառական ենիչերիները դեռևս շարունակում էին դռներ փշրել և կողոպտել համարձակութեամբ տները և առևանգել հայ աղջիկներին՝ էրզրումի, Կարսի դուռն կողմերում, այժմյան քաղաքի միջի մեծ զինվորանոցի փողոցներից մեկում կար մի խոր և մեծ տուն:

Այս տունը պատկանում էր էրզրումի նշանավոր հարուստ Գրիգոր աղային, որը մի շաբաթ առաջ մեռնելով, թողել էր իր բոլոր ունեցածը իրան երկու որդոց, Սեդրակին և Խաչատուրին:

Սեդրակը և Խաչատուրը կամ ավելի ճիշտ է ասելը՝ Խաչատուրը և Սեդրակը, երկուսն էլ ամուսնացած էին, միայն թե Խաչատուրը, որը մեծն էր, արգեն հինգ տարի էր, որ ամուսնացել էր և մի սիրուն որդի էլ ուներ, իսկ Սեդրակի ամուսնութիւնը դեռևս երեք ամիս էր և նա տներ կին, էրզրումի գեղեցկուհիներից մեկը:

Տան մեջ այնչափ խաղաղ էին անկրում հարսները իրանց սկեսուրի հետ, և այդ սկեսուրը իր որդիներով այնչափ աղքատասեր, բարեսիրտ հարուստներ էին, որ ամբողջ թաղեցիք սիրում և հարգում էին նրանց, բոլոր ծխատեք քահանաները նախանձում էին տեր-Մարտիրոսին, որը

նրանց ծխատեր քահանան էր... Բոլոր աղքատները օրհնում էին նրանց, որոնց տունը երբեք մի պարեն չէր մտնում, որից իսկույն բաժին լուսննային թաղի և մինչև իսկ հեռու կողմերի հայցող աղքատ ընտանիքները: Տան տիրուհին, խաչատուրը և նույնիսկ Սեդրակը, ամեն այն ժամանակվա հայի պես, շատ բարեպաշտ մարդիկ էին. ամեն օր գործ, մանակվա հայի պես, շատ բարեպաշտ մարդիկ էին. ամեն օր գործ, գնալուց առաջ, երկու որդիք իրանց կանանց և մոր հետ եկեղեցի էին գնում, աղոթում էին շերմնոտանդությամբ, առատությամբ նվերներ էին տալիս եկեղեցուն և զատկական լուսագնի ժողովելու ժամանակ, շատ լուսագին տվողների մեջ էին գտնվում նաև Գրիգոր աղայի որդոց անունները, որոնք կարողացել էին եկեղեցու մեջ Հաջի խալֆայի կամ Ղազարոս տիրացուի բարձր ձայներով:

Կանայք եկեղեցուց ետ դառնալուն պես զբաղվում էին տան գործերով, և երբ երեկոյան տղամարդիկ տուն էին գալիս, նրանք ժողովում էին միասին մի սեղանի շուրջը, զվարթ խոսակցություններով ընթրում էին, հետո փոքր-ինչ միմյանց հետ կատակներ էին անում փոքրիկ Գրիգորի հետ (որը իր պապի անունն էր կրում) փոքր-ինչ էլ խաղում, ապա միասին ոտքի կանգնած բարձրաձայն աղոթում էին, և յուրաքանչյուր ոք իր սենյակն էր գնում քնելու:

Նրանց կյանքը միշտ այսպես էր, և դեռևս ոչ մի դժբախտություն չէր եկել կոտրելու նրանց երջանիկ կյանքը, և նրանց հարստությունն օրից օր ավելանում էր:

Մի երեկո, երբ տղամարդիկ ներս էին մտել, և երբ ճրագները վառվել էին արդեն, հանկարծ մի խուլ աղաչական լավեց փողոցի մեջ:

Սեդրակը իսկույն կամեցավ դեպի փողոցը վազել, տեսնելու համար, թե այդ ինչ աղաղակ էր, սակայն խաչատուրը՝

— Սեդրակ,— ասեց,— փոխանակ փողոցը ելնելու, շուտով ծառայի հետ փողոցի դռան մոտ գնացեք և նիզերը ամրացրեք...

— Հա,— ասաց Սեդրակը գունաթափվելով,— ենիչերիի աղաղակ էր...

— Այո՛,— դիտեց մայրը,— այդ անիծածները էրգրումը բանգեցին, աստված էլ թող բաղաբը պաշտպանելու պարտք ունեցողներին բանգե...

Սեդրակը ծառայի հետ գնացին և փողոցի դռան նիզերը ամրացրին: Ընթրիքը շուտով պատրաստվեցավ, և ընտանիքի անդամները նրատեցին ընթրելու, երբ հանկարծ նորից լավեց նույն աղաղակը և այս անգամ ավելի մոտից... դռան ետևից մի ուրիշ ավելի մեծ աղաղակ և հանկարծ փողոցի դուռը մի բուռն հարվածից այնպես զղրզաց, որ թիմնաց փշրվեք:

Բոլորը գունաթափված ոտքի թռան:

— Մեր դուռն էր,— հարցրեց կակազելով խաչատուրը:

Մայրը ձեռքով պատին կոթնեց և զլխով դրական պատասխան արվավ: Հարվածը կրկնվեց և այս անգամ լավեց մի խուլոտ ձայն, որը գոչում էր թուրքերեն:

— Բացե՛ք, թե չէ դուռը կփշրեմ... բացե՛ք, վնաս չպիտի տամ, մի կտոր հաց պիտի ուտեմ ու հեռանամ:

— Ինչպե՞ս դրացիներից ձայն հանող չկա,— մոմոաց Սեդրակը բարկությունից գունաթափվելով:

խաչատուրը վախեցած նրան նայեց:

— Որդիք,— հագիվ կարողացավ խոսել մայրը արտասովախառն ձայնով,— անիրավը դուռը կփշրի և այն ժամանակ վայ մեզ... գնացեք բացեք, գուցե իր ասածի նման միայն մի կտոր հացով բավականանա...

Սեդրակը կատաղությամբ բուռնցքները սեղմած շորս կողմն էր նայում:

— Անիծյալ կյանք,— մոմոաց նա,— մի հատ զենք չկարողանա ունենալ մարդ իրան պաշտպանելու համար:

Ընտանիքի մեջ ամենքը գիտեին Սեդրակի դյուրագրգռությունը, ուստի ավելի դրա համար էր, որ վախենում էին դուռը բանալու. եթե հանկարծ հանդուգն երիտասարդը մի անխոհեմություն աներ, ենիչերին իսկույն պիտի կատաղեր, կովի պիտի բռնվեին և այն ժամանակ միշտ վնաս կարող էր առաջանալ. կամ ենիչերին կոտորածների անելով կհեռանար, և կամ Սեդրակը նրան կսպաներ... ահա միայն այդ ժամանակ կառավարությունը մեջ կմտներ, և Սեդրակը հավիտյան կկորսվեր իրրև մարդասպան... ո՞վ էր նայողը, թե հանցավորն ով է, մի՞թե իրավունք ուներ մի գյավուր ձեռք բարձրացնել մի մյուսուլմանի վրա...

Գ

Ենիչերին, որը մի ավազակային վայրենի դեմքով տաճիկ էր և հայտնի չէ, թե որտեղից ձեռք ձգել, խմել էր մի բանի գավաթ օդի, շարունակ քաջցիներ էր տեղում դռան վրա և կկորդը պատռելու չափ բարձր ձայնով անասելի հայհոյանքներ էր տեղում և սպառնում էր ամեն ինչ բարոբանդ անելու և ամենքին հավի պես մորթելու:

Նա զինավորված էր պաղ զենքերով, այսինքն ուներ միայն մի երկար սուր կողքից կախած և մի կեռ դաշույն մեջքի լայն գոտիի մեջ խրած, իսկ ձեռքումը կրում էր մի ահագին զլխով կարճ ցուպ, որով նա ամենայն ուժով խփում էր դռան:

Վերջապես խաչատուրը դողդոջուն քայլերով մոտեցավ դռան և դուռը բաց արավ:

— Ներեցեք, աղա,— իսկույն ասաց նա,— քնել էինք և շէինք լսում:
— Հըմ,— փոքր-ինչ հանդարտվեց ենիչերին,— քնել էիք, շներ,
մի՞թե ես այնպես ցած ձայն ունեմ, որ բոլոր թաղեցիներին, եթե սատ-
կած իսկ լինեն, ես իմ ձայնովս չկարողանամ նրանց վեր թոցնել:

— Ի՞նչ ասել է, աղա,— վրա տվավ հաշատուրը,— այնպես ձայն
ունիս, որ քիչ մնաց մեր տունը քանդվեր քո ձայնից... բայց համեցեք
ներս, աղա, տունը քոնն է, հրամանդ ի՞նչ է, իսկույն ծառաներդ պատ-
րաստ են կատարելու:

հաշատուրի այդ ստրկական ձայնը, խոսքերը և շարժմունքը փոքր-
ինչ մեղմացրին բարբարոսին. նա ներս մտավ, ուղղակի սենյակն անցավ
և, նստելով ամենավերին գլուխը, բարձերի վրա, հրամայեց, որ իրան
հաց բերեն ուտելու: Իսկույն հաշատուրը դուրս եկավ, և Սեդրակի հետ
ներս բերին արդեն պատրաստ սեղանը. ենիչերին սկսեց ագահությամբ
ուտել և երբ լավ կշտացել էր, դառնալով հաշատուրին ասեց.

— Գլավո՛ւր, ձեր կանայքը համով կերակուր են եփել, ուզում եմ
տեսնել ձեր կանանցը...

Սեդրակը գունաթափվեց, բայց զսպեց իրան:

— Կանչե մորս,— ասեց հաշատուրը նրան:

Եեղճ կինը դողողալով ներս մտավ և շոքեց ենիչերիի առջև:

— Գլավուր կնի՛կ,— ասեց նրան ենիչերին հպարտությամբ,— հա-
մով կերակուր ես եփել, բայց դու արդեն շատ պառավել ես, իհարկե,
հարսներդ եփած կլինեն:

— Այո՛, աղա՛, իմ հարսներս են եփել:

— Հարսներդ եմ ուզում տեսնել,— ասաց ենիչերին և աչքերը փայ-
լեցին անզուսպ կրքերից...

Սեդրակն իրեն կտրտում էր բարկությունից:

— Սեդրակ,— ասեց հաշատուրը,— ներս բեր հարսներին, թող
անօրենը տեսնե, հոգ չէ, ինչը կպակսի հարսներից, թող տեսնե և գուցե
կորսվի երթա:

— Անկարելի է,— մոմաց Սեդրակը տեղից շարժվելով,— ես
հարսներին չեմ բերի այս պիղծի առջև:

— Մարդու լեզու խոսեցե՛ք,— գոռաց ենիչերին,— շուտով հարսնե-
րին բերեք տեսնեմ և նա տեղից շարժվեց:

Այն ժամանակ հաշատուրը ոտքի ելավ և դուրս գնաց. Սեդրակն էլ
նրա ետևից և երբ երկուսն էլ մտել էին մյուս սենյակը.

— հաշատուր ախարար,— գոչեց Սեդրակը,— եթե ուզում ես, բո-
կնոջը տար, իսկ իմ կնոջ ես չեմ թողնի:

— Հիմար մի լինի, Սեդրա՛կ,— ասաց հաշատուրը,— ենիչերի՛ն

իմացավ, որ երկու հարս է, ի՞նչ կլինի կնոջդ երեսը տեսնելով, բայց
գուցե այլևս պատճառ չունենա ու կորսվի երթա...

Հարսները որչափ կարողացան երեսները ծածկեցին, բայց ներս
մտնելուն պես ենիչերին նկատեց Սեդրակի կնոջ գեղեցկությունը և այն-
պես գրավվեցավ, որ այլևս չկարողանալով համբերել, հարցրեց.

— Ո՞ւմն է այս կինը:

— Իմն է,— ասաց Սեդրակը:

— Քոնն է, շատ լավ, ես այս գիշեր այստեղ ձեզ հետ կմնամ և երբ
մի մյուսվման կա տան մեջ, տան ամենից գեղեցիկն պիտի ծառայե նրան
զվարճացնելու... դե, ելեք, գլավուրներ, դուրս գնացեք և այս սիրուն
կինը թող իմ անկողինս փռե... Սեդրակը և նույնիսկ բոլորը այնպես
բարացած մնացին, որ այլևս խոսել չկարողացան, իսկ հարսը վախեցած
սեղմվեցավ սկեսուրի կողքին.

— Չլսեցի՞ր, գլավուրնե՛ր,— գոչեց որոտածայն բարբարոսը,— շուտ
դուրս գնացեք և թողեք ինձ մոտ այդ կնոջ:

— Բայց աղա...— կմկմաց հաշատուրը:

— Սուս...— որոտաց ենիչերին,— դուրս, թե չէ քոլորիդ հավի պես
կմորթեմ:

Եվ նա այնպես կատաղությամբ սուրը քաշելով օդի մեջ տատանեց,
որ նախ տան տիկինը, ապա մեծ հարսը, հետո հաշատուրը դուրս փա-
խան սենյակից:

Սեդրակը միայն մնաց, որ վճռականությամբ մոտեցավ իր մեռնելու
պատրաստ սաստիկ դողացող և գետին ընկած կնոջ:

— Հը՛,— ժպտաց ենիչերին նրանց մոտենալով,— ի՞նչ է, կի՞նդ
է այս, հոգ չէ, շատ սիրուն է, և դու կարող ես պարծենալ, որ մի կին
ունեիր, որը բոլորովին գրավեց Մեհմեդ շավուշին... Ես արդեն ցերեկով
տեսել էի կնոջդ և երեք օր է քոնն չունեմ... այժմ կթողնես ինձ, էգուց
նորեն միշտ թող քոնը լինի, ի՞նչ կա, որդիս, ի՞նչդ կպակսի... մի վա-
խեմ. դե՛հ գնա...

Այս բոլորը նա այնպիսի բնական ձայնով ասաց, որ կարծես սո-
վորական մի բան էր անելիքը:

— Ա՛յ... մի ուրիշ բան, տղա,— շարունակեց ենիչերին,— եթե
ուզենա կինդ իր անօրեն հավատը թողնել և ճիշտ կրոնն ընդունել... ևս
համաձայն եմ նրան իմ հարեմս տանելու և քեզ էլ մի լավ քսակի ոսկի
տալու...

Սեդրակը խեղդվում էր, եթե ուժը հաղթեր, անպատճառ կխեղդեր
նրան, բայց ենիչերիի հսկա հասակը, ջլապինդ բազուկները և զենքերը

արդեն դողացնում էին նրան, որը երբեք արյուն չէր տեսել, կոխվ չէր արել և գենք չէր գործածել:

— Բայց այդ մասին առավոտյան կխոսենք...— շարունակեց ենիչերին,— ա՛յժմ ահա բեզ...— և նա առաջարկեց նրան մի ոսկի,— այժմ դնա քնիր, հոգ չէ, այսօր էլ մենակ քնիր...

Սեդրակն անշարժ, կնոջ ձեռքը բռնած, իր մարմնով նրան ծածկած, ենիչերիին էր նայում...

— Խնչ,— գուցե ենիչերին դեմքը խոժոռելով,— տվածս փողը չե՞ս առնում, չե՞ս էլ ուզում դուրս գնալ... չէ որ փողդ կը թափեմ... հա՛յդե, անհավատ... կորսվիր դուրս...

Սեդրակն անշարժ մնաց:

Ենիչերին կատաղեց, բռնեց Սեդրակի ոտքերից և գլխից, արագությամբ և առանց ուշադրություն դարձնելու նրա հուսահատ աղաղակներին, տարավ նրան դեպի դուռը և շարտելով դուրս՝ գուցե...

— Գնա՛, երիտասարդ ես, խղճում եմ բեզ...

Սեդրակը պահ մի ցավից ընկած մնաց, ապա ոտքի ելավ և մոռնեց:

— Ո՛չ, ավելի լավ է մեռնել, քան այսպես ապրել:

Պահ մի մտածեց, ծոծրակը քորեց:

Այդ միջոցին ներսից լսվեցավ իր կնոջ ճիչը...

Արյունը գլխին զարկավ, մի ոստյունով թռավ դեպի խոհանոցը, հափշտակեց այնտեղից փայտ կտրտելու կացինը և սլացավ դեպի սենյակը... Բայց այնտեղ կանգ առավ գունաթափ... դողողում էր, խեղճը երբեք զենք չէր բռնել ձեռքը...

Հանկարծ ներսից լսեցավ մի սուր և աղիողորմ ճիչ...

— Նա է,— մոռնեց Սեդրակը,— և մինչդեռ հաշատուրը, որը ամեն բան տեսնելով գունաթափ դեպի նա էր վազում, երիտասարդը ներս սլացավ...

Ենիչերին գիրկն էր առել սարսափահար կնոջը և քակում էր նրա հագուստները... նրա կեղտոտ շրթոնքները հպել էին մարած կնոջ այտերին...

Սեդրակի աչքերը մթնեցին, առյուծի պես մոռնելով մի ոստյուն գործեց դեպի ենիչերին և բարձրացրած տապարը կատաղությամբ իջեցրեց նրա գլխին...

Սրահը թնդաց ենիչերիի ձայնից, որը բաց թողեց կնոջ, մի բալլ արավ և փովեցավ գետին...

Սեդրակը կատաղությամբ ցատկեց դեպի նա, խոպոտ մոնչյուններ արձակելով սկսեց արագությամբ և ամենայն ուժով տապարով հարվածներ տեղալ ենիչերիի գլխին և մեջքին:

Այդ միջոցին սենյակն էին թափվել հաշատուրը, մայրը, հարսը և ծառան, որոնք որքան աշխատում էին Սեդրակին ետ քաշել՝ անկարելի էր փնտմ:

— Սեդրակ, մեր տունն ես քանդում...— գոչում էր խեղճ մայրը...

— Սեդրակ, սպանեցիր...— գոչում էր եղբայրը:

— Սեդրակ, հերիք է...— ասում էր մեծ հարսը...

Իսկ Սեդրակը, աչքերը մեծ-մեծ բացած և արյունոտ, մաղիք ցից, ձեռքերը և դեմքը արյունով ողողված, կատաղի մոնչյուններ արձակելով տապարի հարվածներ էր տեղում արդեն ամեն կողմից ջախջախված ենիչերիի դիակի վրա և մոռնում էր...

— Թողեք... Թողեք զարնեմ...

Վերջապես բռնեցին նրան և հրը կամենում էին տապարը ձեռքից առնել՝ հանկարծ նա տապարը վերջին անգամ ուժգնությամբ նետեց դիակի վրա, մի անգամ ևս կատաղի և արյունոտ աչքերով նրան նայեց, հետո իր շորս կողմը... և մի այնպիսի դառն, այնպիսի սոսկալի ծիծաղ արձակեց, որ ամենքը վախեցած թողին նրան և ետ քաշվեցան...

Սեդրակը խենթացել էր...

Դ

Հազիվ թե գալիս է ավագ հինգշաբթին, և ահա քահանաները այլևս հանգստություն չեն ունենում, որովհետև ամեն կողմից նրանց մոտ են թափվում խոստովանողները... նրանք պիտք է իսկույն հազորդություն տան մանուկներին, հետո մեկ-մեկ խոստովանեցնեն իրանց մոտ եկող մարդկանց և, որը տաժանելի է նրանց համար, մյուս օրն էլ առավոտյան շուտով պիտի շարունակ երկու օր խոստովանեցնեն կանանց և աղջիկներին, որոնք արդեն տեղ են գրավել եկեղեցու մեջը և շուրջը, միամյանց հրմշտում են, իրանց խոսակցություններով ակառն են խլացնում և շատ անգամ այնպես կոխվներ սարքում եկեղեցու մեջ, որ քահանաները թողնելով իրանց խոստովանանքը, ստիպվում են միջամտել, կոկորդ պատռելու շափ գողգողալ և կոխվը աշխատել հանդարտեցնելու:

Եթե շլինեին զատկական ելքը օրվա առատ եկամուտները և ոչ մի քահանա հանձն կառներ այդ տաժանելի աշխատությունը, որը տարին երկու անգամ կրկնվում է հրգրումում:

Ավագ հինգշաբթի օրվա առավոտը, ժամերգությունը վերջացնելուց հետո, երբ քահանաները կամենում էին նախ տուն երթալ հաց ուտելու, որ հետո և սկսեն խոստովանությունները... փրկոնը ցած առնելու ժամանակ աշակողմյուն դասում լսվեց մի կովի ձայն:

Կովում էին երկու քահանաներ, և իրանց կոխվը հետզհետե հրավի-
րեց այդտեղ բոլոր մյուս քահանաներին և կոխվը ընդհանուր դարձավ:

— Իհարկե,— գոչում էր տեր-Մարտիրոսը տեր-Պետրոսին,— հարուստ
ծուխերը բոլորը քոնն են, էլ ցա՞վդ ինչ է... ասում ես քիչ ծուխ ունես,
հը, թե բաշ ես, արի ծուխներս փոփոխանք, ես իմ ծուխերից երեքը կը-
տամ, դու քոններիցը մեկը տուր...

— Ինչո՞ւ չէ,— ասեց տեր-Պետրոսը ժպտելով,— ո՞րն ես կամենում:

— Այ, ես քեզ կտամ Մատուրենց, Փիլանենց, տեր-Կարապետենց,
դու ինձ տուր Տիարպեքիրցենց...

— Ինչպես չէ,— ծիծաղեց բարձրաձայն,— ձեռքերդ բաց մեջը դը-
նեմ... ծուխներիցդ տասը տաս, ես Տիարպեքիրցենց չեմ տալ...

— Տեսա՞ր... լավ, ուրեմն տեր-Ազարենց տուր...

— Ինչե՞ր ես խոսում,— գոչեց տեր-Պետրոսը,— թե՞ խենթացել ես,
ասա, ո՞ր հիմար քահանան տեր-Ազարենց պես ծուխ ունենա և ձեռ-
քիցը բաց թողնե... ա՛յ եթե կուզես քո ծուխերիցդ հինգ ծուխ տուր, ես
քեզ կտամ Մարդաքանենց...

— Հը,— ծիծաղելով մեջ մտավ այդ միջոցին տեր-Մկրտիչը,—
լսել ես, որ նրանց գործերը վատ են գնում նրա՞ համար...

— Այն չէ, բայց սա Հաջի Կարապետենց լսել եմ, որ ծախում ես,
քանի՞ կտաս,— ասեց տեր-Գրիգորը:

— Մախո՞ւմ է, հա՞, ծախո՞ւմ ես,— գոչեցին բոլորը,— քանի՞, քա-
նի՞:

— 200 ղուրուշ կանխիկ:

— Շատ թանգ է,— գոչեց տեր-Մարտիրոսը,— 150-ի կտա՞ս...

— Ես 180 կտամ,— մեջ մտավ տեր-Անդրեասը...

— Ես 190...— գոչեց տեր-Գրիգորը...

— 200 ես տվի գնաց,— ասաց տեր-Մկրտիչը և, բռնելով տեր-Պետ-
րոսի ձեռքը, թոթվեց:

— Փո՞ղը,— հարցրեց վերջինս:

— Հիմա տնից գալուն կբերեմ:

Այդ միջոցին եկեղեցին մտավ մի միջահասակ քառասնամյա մարդ,
գունաթափ դեմքով և կոր քամակով... Մոտեցավ սեղանին, աղոթեց մի
քանի րոպե արտասովելով և ապա դառնալով քահանաներից տեր-Մար-
տիրոսին, ասեց զողոզուն ձայնով.

— Տեր-հայր, կարո՞ղ ես ինձ խոստովանեցնել...

— Ինչո՞ւ չէ, խաչատուր աղաս,— ժպտաց քահանան,— բայց պառ-
բա՞ստ ես:

— Այո,— մրմնջաց խաչատուր աղան:

— Սաղմոս կարդացե՞լ ես:

— Ամբողջ գիշերը...

— Շատ լավ... Հը՞մ, եթե կուզես...— և նա դեմքը ծոմուեց,— ինձ
կրենե՞ս, որ տուն երթամ և հաց ուտեմ գամ... շուտ կգամ, դու աղոթիր...

— Շատ լավ,— ասեց մեղմությամբ խաչատուր աղան և գնաց սե-
ղանի առջև, շոքեց այնտեղ և գլուխը ձեռքերի մեջ առավ:

Տեր-Մարտիրոսը շտապով մեկնեցավ:

— Ինչո՞ւ շտապի,— ասեց տեր-Պետրոսը ցած ձայնով մյուսնե-
րին,— այնպիսի ծուխ է, որ եթե բողբոջին ծախե, սա միայն իրան կապ-
րեցնե:

Եվ քահանաները ցրվեցին:

Եկեղեցու մեջ մնաց միայն խաչատուր աղան, որը գլուխը միշտ
ձեռքերի մեջ առած, անշարժ, գլուխը խոնարհեցրած, աղոթում էր, և
նրա թափած արցունքի կաթիլները մատների միջից գլորվում էին սե-
ղանի առջևի պաղ քարերի վրա...

Ի՞նչ աներ խեղճ մարդը, որ աղոթելու և արտասովելու պետք էր
զգում եկել շոքել աստուծո առջև, կատարում էր իր խոստովանությունը...
Ամբողջ կես ժամ նա այդ դրություն մեջ մնաց և միայն իր արտասովա-
թաթախ երեսը այն ժամանակ բարձրացրեց, երբ քահանան հաց ուտե-
լուց վերադառնալով, մոտեցել էր նրան և ասում էր.

— Ելի՞ր, խաչատուր աղա, գնանք խոստովանեցնեմ:

Եկեղեցու մի սնի տակ նստեց քահանան, խաչատուրը շոքեց նրա
առջև, կարդաց «մեղան» և մի խոր հառաչանք արձակեց, երբ քահանան
ասեց.

— Որդի, գործած մեղքերդ ասա...

խաչատուրը զողոզուն ձայնով ասեց մի քանի մեղքեր և հանկարծ
կանգ առավ:

— Էլ չկա՞...— հարցրեց քահանան:

— Ո՛չ,— ասեց խաչատուրը հազիվ լսելի ձայնով:

— Ուրեմն արձակում տամ,— և նա ձեռները պարզեց...

Հանկարծ խաչատուրը մի շարժում գործեց, ուզեց խոսելու՝ չկարո-
ղացավ, ուստի ուժգնությամբ բռնեց քահանայի ձեռքերը:

Քահանան ակամա մի ճիչ արձակեց. խաչատուրը մեռյալի պես գու-
նաթափ, զողոզում էր և քիչ էր մնում ցած ընկներ.

— Տեր-հայր...— գոչեց նա վերջապես մի բուռն ճիգ գործելով:

— Հիվա՞նդ ես, որդի...

— Ո՛չ, ո՛չ,— ընդհատեց խաչատուրը,— դեռևս մի բան պիտի խոս-

տովանվեմ քեզ, բայց տես, խոստացիր որ ինչպես վայել է քահանայի, խոստովանանքս քեզ մոտ գաղտնի պիտի մնա մինչև հավիտյան...

— Այդ ի՞նչ խոսք է, որդի,— ասեց քահանան,— իզուր ես այդպիսի խոսքեր ասում. արդեն քահանայի պարտքն է ամեն խոստովանանք մինչև հավիտյան գաղտնի պահել... մեր օրենքի մեջ սաղ-սաղ վառում են այն քահանային, որը խոստովանանքը դուրս է տալու...

— Աստված կարգիդ միշտ հաստատ պահի,— ասեց հաշատուրը փոքր-ինչ միամտելով,— այժմ լսիր... սրանից տասը օր առաջ, մի գիշեր մեր տուն մտավ մի ենիչերի... կերավ, խմեց... — բայց դրանով չըբավականացավ և ուզեց, որ մեր Սեդրակի կինը իրեն հանձնենք...

— Վայ անօրեն, վայ,— գռչեց քահանան սոսկում հայտնելով:
— Լսիր... սուրը քաշեց, խլեց, Սեդրակին սենյակից դուրս շարտեց և առավ կինը իր գիրկը... մենք փախանք բոլորս. բայց Սեդրակը, որը, ինչպես գիտես, փոքր-ինչ գյուրագրգիռ է, լսելով իր կնոջ ճիչերը... խրչեց տապարը և ներս վազեց... Ախ, տեր հայր, մինչև որ ես հասա... Սեդրակն արդեն ջարդել էր ենիչերի գլուխը...

Եվ լռելով գլուխը կուրծքին կախեց ու սկսեց արտասվել:
Քահանան պահ մը քարացած մնաց այդ սոսկալի խոստովանության վրա, բայց իսկույն ամփոփեց իրան և ասեց...

— Վատ բան... ուրեմն Սեդրակը այսօրվանից խենթացավ:
— Ախ— այո, տեր հայր,— ասեց հաշատուրը,— խենթացավ... կինն էլ այժմ մեռնելու մոտ հիվանդ է... Աստված մեզ այցելե...
— Իսկ ենիչերի դիակը ի՞նչ արիք,— հարցրեց քահանան:
— Դիակը... մեր բակի մեջ թաղեցինք...

Տիրեց պահ մի լուռություն, որից հետո քահանան ասեց ծանրությամբ.
— Թեև վատ բան է այդ, հաշատուր, բայց եղածը եղած է, լավ արիր, որ երկար խոստովանեցար... Աստված գուցե ձեր տան մեղքը ջնջի... ոչ ոքի չխոսեք, զգուշ կացեք, ապա թե ոչ, տնով-տեղով կկորսվիք... Այժմ արձակում տամ քեզ... դու ձեռքերդ արյունի մեջ չես թաթախել, դու այդտեղ անմեղ ես...

Եվ քահանան մտազբաղ տվավ արձակումը.

Ե

Տեր-Մարտիրոսը խիստ մտազբաղ էր:
Ո՞վ գիտե ինչ էր մտածում նա, մինչև իսկ նրա պաշտոնակիցները եկատեցին, որ նա մի քանի օր էր, շարունակ աղոթքները սխալ էր

կարդում, մեկը մյուսի փոխարեն... հեռու էր քաշվում խմբից և շատ անգամ գնում էր Ղավազից դուրս— դաշտերում թափառելու...

— Խեղճը հիվանդ է... — ասում էին պաշտոնակիցները:
Բայց հանկարծ տեր-Մարտիրոսը փոխվեցավ, նրա տխրությունը բոլորովին անցավ, նա այժմ զվարթ էր, նրա դեմքն այժմ փայլում էր, նա սկսեց նորից խոսել, կատակներ անել, մինչև իսկ խմել:

Սակայն իր այս զվարթության մեջ իսկ նա տարօրինակ էր: Որովհետև զվարթությունից թեթևացել էր, դեմքը փայլում էր այնպես ուրախ, որ կարծես մի մեծ գանձ էր գտել, կատակներ անում էր սովորականից ավելի, ծիծաղում էր իր սովորության հակառակ ավելի բարձրաձայն և տևողական ու խմում էր ավելի և ավելի շատ, այնպես որ մի օր սրբազան առաջնորդը հանդիմանեց նրան ասելով.

— Տեր-Մարտիրոս, թեթևացել ես, ի՞նչ ես գտել, որ այդպես զվարթացել ես... եթե գանձ ես գտել, ինչո՞ւ ես մոռանում քո առաջնորդին:
Սակայն տեր-Մարտիրոսը և ոչ իսկ ուշադրություն էր դարձնում ներան: Իր պաշտոնակիցները մի օր սոսկացին, տեսնելով, որ տեր-Մարտիրոսը այլևս հավատում է իրանց և հասույթը կիսելու ժամանակ, փողը առանց համբելու գրպանն է լցնում:

— Խենթացել է... բոլորովին խենթացել... — ասում էին նրանք: Մի օր տեր-Մարտիրոսը հանկարծ Գեուլբաշին գնաց և վարձեց քսան հատ մշակներ և որմնադիրներ. տարավ տուն, հրամայեց իր կնոջ և որդվոցը, որ քաշվեն դրացիի տունը և տունը սկսեց քանդել տալ... հետո կանչեց մի ճարտարապետ-որմնադիր և սկսեց նրա հետ մի պլան կազմել մի երկհարկանի փառավոր տուն շինել տալու համար...

Երբ պաշտոնակիցները այդ լսեցին, ապշած նախ իրարու նայեցին, և ապա տեր-Պետրոսը ասեց.

— Տեսնո՞ւմ եք անիծյալին... կամ գանձ է գտել և կամ փողերը պահում էր և այժմ երևան է հանում...

Որչափ կուզեին թող զանազան կարծիքներ տանեին, իրողությունն այն է, որ տեր-Մարտիրոսը իսկապես մի մեծ գանձ էր գտել... իսկ թե ո՞րտեղից, այդ կպարզի հետևյալ նամակը, որ նա երեկոյան, քաշվելով իր սենյակը, գրեց...

Ահա այդ հետաքրքիր նամակը.
«Միրելի հաշատուր աղաս...

«Տուն եմ շինում և առայժմ 100 ոսկու պետք ունիմ, հույս ունեմ, որ կվճարես այդ՝ շնչին գումարը. միամիտ կաց. խոստովանանքդ միշտ գաղտնի պիտի պահեմ, փողը պիտի ուղարկես կարծեմ: Խոստովանահայրդ Մարտիրոս քահանա»:

Երբ այս նամակը խանութում ստացավ Խաչատուրը, նախ ապշած բերողին նայեց, որ քահանայի որդին էր, հետո մի անգամ ևս կարգաց, գունաթափվեց, պահ մի մտածեց, ապա մի խոր ախ քաշեց և քահանայի որդու տոպրակի մեջ լցրեց լուսավառ 100 ոսկին...

Եթե Խաչատուրը այն սոսկալի դեպքերից հետո գունաթափվել էր բոլորովին, մյուս առավոտյան, երբ հայելիի մեջ նայեց, տեսավ, որ մազերի կեսը սպիտակել են... մի խոր ախ ևս քաշեց, առավ վերարկուն և տանից դուրս գնաց մոռալով...

Մինչև քահանայի նոր տան շենքը վերջանալը, տեր-Մարտիրոսը իր նոր գանձարանից շուրջ 500 ոսկի էր առել...

— Հըմ,— ծիծաղեց նա,— չնչին գումար... կաթիլ ծովյոց... այժմ սկսենք բուն գործին...

Եվ նա այս անգամ մի անգամից 1000 ոսկու մի նամակ գրեց իր գանձատան... Գանձատունը այս անգամ ապստամբեց, բայց խորամանկ տեր-Մարտիրոսը առավոտյան շուկայից արդեն թուղթ և թանաք գնել էր առատորեն, ուստի ժպտալով նստեց և գրեց.

«Միրելի Խաչատուր աղաս.

Մինչև շորս օր ժամանակ եմ տալիս քեզ, որ 1000 ոսկին ուղարկես. խոստովանքի՞ցդ ես վախենում, մի վախենա, ոչ ոքի չեմ ասի, այդ արդեն քեզ խոստացել եմ, բայց 1000 ոսկին էլ չպիտի մերժես գաղտնիք պահողից: Հա, լավ միտս ընկավ. Երթեում մի նոր հողի մոտ մի մեծ և սիրուն արտ ունես, լսեցի, այդ արտն էլ, իբր նվեր շն՞ս տա քեզ շատ սիրող խոստովանահորդ...»:

Չորս օրից հետո 1000 ոսկին տեր-Մարտիրոսին եկավ արտի թղթերի հետ և ահա իսկույն շուկայում տարածվեց, որ Գրիգոր աղայի որդին, Խաչատուր աղան ծախել է իր բոլոր հողերը և այժմ գործերը շատ վատ գրոթյան մեջ են... Իհարկե վատ դրույթյան մեջ կլինենին. հե՞շտ է մի վաճառականին և այն էլ էրզրումի պես մի փոքրիկ քաղաքի վաճառականին, մի քանի ամսվա մեջ կորցնել 1500 լիրա...

Եթե նամակը կրկնվեր, Խաչատուրն այս անգամ ստիպված էր տունը և խանութը ծախել...

Մի շաբաթից հետո, մի օր, երբ Խաչատուրը եկեղեցու սեղանի առջև աղոթում էր լալագին, մոտեցավ նրան տեր-Մարտիրոսը և կոպտությամբ նրա երեսն ի վեր.

— Խաչատուր, պարտատերերս ինձ շատ են նեղացնում, շն՞ս կարող մի հազար ոսկի էլ ճարել ինձ համար...— և մոտենալով ականջին,— մի վախենա, ասեց,— խոստովանանքդ միշտ գաղտնի է մնացել...

Այս դեպքերից մի ամիս հետո, մի շաբաթ օր, երբ սրբազան առաջնորդը եկեղեցուց վերադարձել և օթոցի մեջ ընկղմած սուրճ էր խմում, ծառան ներս մտնելով հայտնեց, որ մի ծերունի թախանձագին խնդրում է տեսնել սրբազանին:

— Խնչպես է հագնված,— հարցրեց սրբազանը:

— Գրիգոր աղայի տղան է, Խաչատուր աղան:

— Հա՞,— ժպտաց սրբազանը,— թող ներս գա:

Մի քանի րոպեից հետո սենյակն է մտնում մի շատ խեղճ հագնված, կորաբամակ, խորշոմուտ ճակատով, գունաթափ և բոլորովին սպիտակ մազերով ծերունի...

Որչափ փոփոխություն... առույզ, սև մազերով և զվարթ դեմքով Խաչատուրը այժմ եղել էր մի խղճալի ծերուկ, հենված փայտի վրա, փայտ, որը նա դրեց մի անկյունում, արտասովազին մոտեցավ սրբազանին, շոքեց, համբուրեց նրա աջը և գոչեց դողդողուն ձայնով.

— Սրբազան, եկել եմ քեզ մի հարցմունք անելու, քեզ նեղություն չպիտի տամ, շուտով պիտի երթամ...

— Խոսիր, որդի,— ասաց սրբազանը,— խասիր, ի՞նչ է ցավդ:

— Ցա՞վ,— ժպտաց դառնությունով ծերունին,— ես ցավ չունեմ այլևս, ի՞նչ մնաց ինձ ցավելու... ցավ չունեմ, սրբազան. այլ մի հարցմունք...

— Ասա՛:

— Հարցնում եմ. մեր եկեղեցու մեջ օրենք կա՞, որ քահանան իրան խոստովանածը ասե ուրիշի. եթե կա— ես իմ հավատս ուրանամ, եթե չկա— նորեն կուրանամ... պատասխանիր, սրբազան, ասա ինձ, օրենք կա՞, թե չկա... կերթամ կփորձեմ պաշտել մահմեդականների աստվածը... կերթամ մահմեդական կլինեմ, մի փաթոթ կփաթաթեմ գլխիս, ենիչերիի հագուստ կհագնեմ, դոնե-դուռ կընկնեմ, կզարնեմ, կփշրեմ, կառևանգեմ, կսպանեմ և ապա կերթամ կաղոթեմ նրանց աստծուն... հարգել մեր եկեղեցական օրենքները և ծեսերը... ո՞վ է այդ հանգուցը... սրբազան... ասա ինձ մեր եկեղեցու մեջ կա՞ օրենք, որ քահանան իրան խոստովանածը հայտնե. եթե կա— այս րոպեիս կերթամ մահմեդական կլինեմ. եթե չկա— նորեն կերթամ...

Նա լռեց, արտասուքը առատորեն հոսում էին նրա աչքերից, և սրբազանը ապշած, չգիտեր ինչ պատասխանել:

— Այո,— շարունակեց ծերունին,— մենք գանգատվում ենք թուրք ենիչերիներից, որ նրանք կողոպտում են, անպատվում են, սպանում

են... մինչդեռ խեղճ հիմարներս չգիտենք, որ մեր ենիշերիներն ավելի սոսկալի են. եթե ենիշերին պիտի անպատվեր իմ հարսին զոռով, այժմ մեր ենիշերիի շնորհիվ հարսս պիտի գնա իր պատիվը ծախելու իր կամքով... հա՛, հա՛, հա՛... ապրելու համար, որովհետև Գրիգոր աղայի որդիները այլևս օրվա հացի կարոտ են և եթե չեն մուրում, դրա պատճառը դեռևս մեզ մնացող ամոթն է, որին ոչ ոք կարող է խլել մեզնից...

Սրբազանը շփոթվել էր. չգիտեր ինչ ասեր. շարժվեցավ տեղից և կմկմալով ասեց.

— Որդի, ասածներիցդ ոչինչ չեմ հասկանում... պարզ խոսիր, եղածը պատճիր ինձ, ցավերդ ասա ինձ...

Սերունին լռեց, պահ մի առաջնորդին նայեց, սրբեց արտասուքը, ստացավ մի հուսահատ լրջութուն և ասեց.

— Ուզում ես իմանալ, սրբազան... շատ լավ, ուրեմն լսիր

.

Մեր տուն մտավ մի օր մի թուրք ենիշերի, կերավ, խմեց, հետո եղբորս կնոջն ուզեց... եղբայրս էլ չդիմացավ իր կնոջ ճիշերին, զարկավ, սպանեց ենիշերիին և ինքն էլ խենթեցավ... այս է բոլորը... սրբազան, մի մարդ սպանվեց մեր տան մեջ, մի խեղճ, շատ խեղճ ենիշերի... այս է թուրք ենիշերիի պատմությունը... Այժմ լսիր, ես քեզ կպատմեմ մի ուրիշ ավելի սոսկալի, ավելի կատաղի արարածի մասին, որ մի հայ է, սրբազան, մի քահանա է, սրբազան, մի քահանա, լսո՛ւմ ես, մի քահանա:

Սիլ նա այնպես որոտում էր կատաղությամբ, որ նրա աչքերը կարծես պատրաստ էին դուրս թռչելու ականակապիչներից. նրա քամակն ուղղվել էր, նրա գունաթափ դեմքը կապտել և նրա շրթունքները ամառային տերևի պես դողդողում էին...

Սրբազանը վախենում էր, բայց զսպեց իրեն:

— Այո՛, մի քահանա, — մոնչեց ծերունին, — որը լսեց իմ խոստովանությունը, սրբազան, և օգուտ քաղելով դրանից, կողոպտեց ինձ ոտից մինչև գլուխ...: Խաշատուր աղայից շինեց ինձ մուրացկան Խաշատուր և ստիպեց իմ հարսներին, իմ մորը այսօր տան մեջ անոթի անցկացնել... էգուց հարսներս պոռնկության կերթան և մայրս՝ գերեզման... խեղճ ենիշերի, ի՞նչ էիր դու տեր-Մարտիրոսի առջև... թող գայիր և նրանից սովորեիր ենիշերություն...

Հանկարծ լռեց, ոտքի ելավ, առավ իր գավազանը, պահ մի լռությամբ նրա վրա հենած սրբազանին նայեց և շարունակեց.

— Սրբազան, պատմությունս իմացա՞ր... ահա ասում եմ քեզ, որ

վաղը պիտի գամ իմ հարցերիս պատասխանի համար, կրկնում եմ, եթե մի եկեղեցու մեջ օրենք կա, որ քահանան իրան խոստովանածը ուրիշին պատմե... ես թողնում եմ այդպիսի հավատը և գնում եմ այնպիսի հավատ ընդունելու, որ շունի խոստովանանք, որ նրա միջոցով մի ամբողջ տուն քանդե... Իսկ եթե չկա... նորեն գնում եմ ուրիշ հավատ ընդունելու...

Սիլ դուրս տալով դեպի դուռը գնաց. բայց այնտեղ հանկարծ կանգ առավ, դարձավ, նայեց սրբազանին և ասաց դառն ժպիտով.

— Հա՛, եթե ուզում ես իմանալ, թե ի՞նչ եղավ խենթացած եղբայրս, հարցրու տեր-Գրիգորին, որը այսօր թաղեց նրան...

Սիլ դուրս գնաց, հանդարտ քայլերով իջավ սանդուղքներից ու մըտավ գերեզմանոց...

Երբ անցնում էր բակից, ամեն ոք լսեց, թե ինչպես այդ ծերունին գոռաց կատաղի ձայնով.

— Թե կա, կուրանամ, թե չկա — նորեն կուրանամ:

Սիլ մի դառն քրքիջ արձակելով մտավ գերեզմանատուն...

Այն միջոցին, երբ ծերունին դուրս էր գնում, սրբազանի մոտ մըտավ տեր-Մարտիրոսը, մի քսակ ձեռքը բռնած:

— Համարձակ, — ասեց նրա ականջին սրբազանի ծառան, համարձակ եղիր և տուր ոսկիները, թե չէ բանդ բուրդ է:

Սրբազանը դեռևս գտնվում էր մի տեսակ ապշության մեջ:

Այդ ապշությունից նրան հանեց տեր-Մարտիրոսը, որը դողդողալով մոտեցավ նրան, բռնեց նրա աջը և համբուրեց:

Սրբազանը սթափեցավ:

— Ո՞վ է, — գոչեց և ապա տեսնելով տեր-Մարտիրոսին, դեմքը խոժոռելով վեր թռավ և գոչեց.

— Դո՞ւ, և դեռ համարձակվում ես...

— Ի՞նչ անեմ, սրբազան, — ասեց քահանան կեղծավոր ձայնով, — ես շատ ժամանակ է եկել եմ, բայց ինձ ներս չթողին, հարեց նա և սրբազանի մոտ դրավ տոպրակը...

— Ի՞նչ է այս, — հարցրեց խոստովանյամբ սրբազանը:

— Ձեր խոնարհ ուրդուց մի 500 ոսկի նվեր իր սրբազանին...

Սրբազանը շոշափեց տոպրակը... նա թոթափեց իրան, և դեմքը պարզվեց:

— Իրա՞վ է, տեր-Մարտիրոս, — ասեց նա, — իրա՞վ է, որ դու այդ խեղճերի հետ այդպես ես վարվել...

— Ի՞նչ մեղքս պահեմ, սրբազան, — ասեց քահանան հանցավորի ձայնով, — որդիներս հաց էին ուզում...

— Խոստովանանքը որի՞ն էս հայտնել...

— Ծ՞ս, սրբազան, քավիցի, ես հարգել եմ մեր սուրբ եկեղծցու օրենքը, իմ բերնից երբեք խոստովանանքը դուրս չի ելել... կայրվեր իմ լեզուն, եթե այգպես մի բան անեի...

— Հըմ,— ծիծաղեց սրբազանը,— բավական խորամանկ ես եղիլ տեր-Մարտիրոս, բայց գիտե՞ս, ծերունին վաղը պիտի գա պատասխան ստանալու... աղմուկ պիտի հանե...

— Դրա հարը ես մտածել եմ, սրբազան. Սարգսին հրամայեք, որ երբ ծերունին գա, վունդե և ներս շթողեն, թող ասե, թե ծերուկը խենթ է և կարող է սրբազանին վնասել...

— Ըստ սասցիր,— դիտեց սրբազանը,— դրանով կազատվինք աղմուկից... և դառնալով դեպի դուռը ծառային կանչեց:

Սարգսին իսկույն ներս վազեց:

Սրբազանը կրկնեց նրան տեր-Մարտիրոսի խոսքերը:

— Այլևս պետք չկա, սրբազան,— դիտեց ծառան:

— Ինչո՞ւ,— գոչեցին երկուսն էլ:

— Ծերուկը խենթացավ. նրան գերեզմանատունից, ուր նա կամե նում էր եղբոր գերեզմանը քանդել, տուն տարին...

Ծրկու կրոնավորները մի խոր և ազատ շունչ առին...

— Ազատվեցանք... — ասեց տեր-Մարտիրոսը:

— Խիղճս էլ ազատվեց... — մոմոաց սրբազանը...

Է

Մի օր մի գերեզման փորեցին և Գրիգոր աղայի կնոջ, Խաչատուրի մոր դագաղը մի քանի մշակներ նրա մեջ դրին...

Ասում են, թե Սեդրակի կինն է այն նշանավոր պոռնիկը, որին Հեուլլուկ թաղի բնակիչները քիչ մնաց քարկոծեին և, որը Պոլիս գնաց դրանից հետո...

Արդյոք տեսնող եղել է նրան Ղալաթիո պոռնիկատների մեջ... Իսկ մինչև 1868 թվականը դեռևս Ծ. Պոլսի ս. Փրկիչ հիվանդանոցի խենթանոցում կարելի էր տեսնել մի սպիտակ հագած ծերուկ խենթի, որն իրեն հանձնված աղբի տակառը շալակելով հանդերձ, գոչում էր միշտ կատաղի ձայնով.

— Թե կա՛, կուրանամ, թե չկա՛ — նորեն կուրանամ...

Խաչատուրն էր, որին մի օր հանկարծ հիվանդանոցը բարձրացրին՝ վերցնելով պատի տակից, ուր նա ընկել էր, մի քանի օրից հետո պատանքով փաթաթեցին, դրին նաշի մեջ... Չորս խենթեր շալակելով գա-

գաղը վազեցվազ դեպի գերեզմանատուն տարան, ուր քահանան մի քանի աղբիք կարդաց նրա վրա, և խենթերը իրենք խենթական երգերը երգելով, հազով ծածկեցին նրան...

1880 թ.

Ծ Ա Հ Ն Ա

Ա

Բացի զինվորական, հողային, կալվածական, անասնական և այլ բոլոր տուրքերը առնելուց՝ Թուրքահայաստանում, օսմանյան կառավարությունը առնում է նաև տուրք խոտից, ցորենից և առհասարակ բոլոր այն արմտիքներից և քանջարեղենից, որոնց արտադրում կամ ժողովում է հայ գյուղացին:

Դրա համար կառավարությունը շունի հատուկ պաշտոնյաներ. մի խումբ որոշյալ գյուղերի տասանորդը աճուրդով նա ծախում է տաճիկ կամ հայ աղաների, որոնք առանց մոռանալու, որ իրենց ապրեցնողը այդ գործն է, օրենքին ակննչ չեն դնում, կամայական տասանորդներ, քսանորդներ և շատ անգամ երեսնորդներ են նշանակում բերքի վրա, հունձերի ժամանակ գյուղերն են լցվում և ցորենի բեռներ ու խոտերի դեզեր են սարքում, որը հետո գուտ ոսկիի են փոխում և կազմում են իրենց վաշխառական ապագա արհեստի սկզբնական դրամազուտիսը...

Այդ տեսակ տասանորդահավաքները կոչվում են «շահնա»:

Շահնաներից շատերը՝ գնելով տերութունից այդ տուրքերը, իրենք ավելի թանկ գնով ծախում են մի ուրիշի, այդ ուրիշն էլ՝ մի ուրիշի և այդպիսով գյուղացիների տուրքերից օգտվում են շատ շատերը, որոնց համար տերութունն իսկապես պետք է մի հրապարակ շիներ, այնտեղ կախաղաններ տնկեր և կախել տար նրանց. հրապարակին էլ «շահնայական հրապարակ անունը տար, այնպես, ինչպես որ հայ գյուղացիք շահնայական ռայխաներ (հպատակներ) են անվանվում...

Շահնայական առևտրով զբաղվում են նահանգական քաղաքի մեջ բնակվող մի քանի որոշյալ աղաներ: Գնում են, ծախում, աճուրդի դնում իրենց գնած իրավունքները և դրանից կազմում են փառավոր գումարներ, որոնց շնորհիվ նրանք օրը մինչև երեկո թափառում են սրճատներում և փողոցներում առանց մի գործի, առանց մի աշխատության...

Ով որ մտել է թուրքահայկական մի որեիցե քաղաք, նա անշուշտ

հանդիպած կլինի բազմաթիվ թուրք աղաների, որոնք սրճատնից սրբա-
ճատուն են ման գալիս և ծխելով, խաղալով, զբոսնելով են անցկացնում
իրենց օրերը: Չիմացողին զարմանք է պատճառում այդ անգործ աղա-
ների խումբը. հարց է ծնում, թե ինչով են ապրում նրանք, ինչով են
կարողանում այդպիսի շքեղ պալատներ, կնիկներով լիքը հարեմներ,
համադամներով լիքը սեղան ունենալ, ինչով են նրանք կարողանում
անդադար ապրել, գնչու կանանց հրավիրել պարելու, խնջույքներ տալ,
ձիեր ու կառքեր ունենալ, շքեղ կյանք վարել և, սակայն, տարվա մեկ
ամեն օր միշտ անգործ և անաշխատ զբոսնել...

Բայց գիտցողը իսկույն իմանում է, որ դրանք սկզբնական-ուզղակի
կառավարության հետ հարաբերության մեջ մտնող շահնաներ են, որոն-
ցից գնում են երկրորդական շահնաները— գյուղացի աղաները և ծախում
են երրորդականներին— զավառի արյուն ծծող վաշխառուներին և ան-
դադար գյուղից գյուղ վազող արյունկզակ տաճիկներին և հայերին...

Նահանգական քաղաքների շրջականերում գտնվող գյուղերի շահ-
նայությունը ունի յուր դժվարությունները: Պետք է գիտենալ շողորթիկ,
ժպտելով ու ժպտեցնելով կողոպտել, խորամանկություն մերժել սկսե-
լով՝ մեկին տասը առնել, գանգատելու արգելք լինել և ըստ ժամանակին
կարողանալ սկզբնական շահնաներին կաշառել, որպեսզի ըմբոստ գյու-
ղացոց գանգատները (որը շատ հազիվ է լինում) չհասնեն Բարձրագույն
Դռան...

Հենց դրա համար է, որ քաղաքներին մոտ գտնվող գյուղերի շահ-
նայությունը գտնվում է միայն մի քանի հայտնի անձանց ձեռքում. ոչ ոք
չէ համարձակվում խլել նրանց ձեռքից այդ առևտուրը, եթե չէ կամենում
յուր ամբողջ ունեցածը կորցնել:

Իսկ քաղաքից միայն 20 ժամ հեռու գտնվող գյուղերի շահնայու-
թյունը կարող է ունենալ ամեն անձ, եթե ունի փոքր-ինչ փող և ընդու-
նակություն լզելու սկզբնական շահնաների ոտքերը: Մի անգամ այդ գոր-
ծը ձեռք ձգելուց հետո այդ տեսակ շահնան կարող է անել այն բոլորը,
ինչ որ կթելադրի իրեն իր խելքը... Կողոպտել, եռապատկել տուրքերը...
ընծաներ առնել, տուրքերը ժողովելու պատճառանոց անդադար գյուղերը
մտնել խմբերով, խնջույքներ սարքել նրա հովասուն ծառերի տակ, գյու-
ղացոց կանանց յուր կրթերին ծառայեցնել և ապա ծիծաղել գյուղացոց
արած անօգուտ գանգատների և բողոքների վրա...

Հայ գյուղացին շատ լավ է ճանաչում այդպիսի շահնաների, գիտե-
լու անօգուտ գանգատը շահնայի կատաղությունը և թշնամությունը
գրգռելու միայն ընդունակ են, գիտե, որ յուր ձայնը ոչ միայն փաշային և
Բարձրագույն Դռան, այլև տուրքերի մի հասարակ պաշտոնեի ականդի

անգամ չի հասնի, գիտե, որ դատապարտված է կողոպտվելու, անպատրվ-
վելու, ունեցածը տալու...

Նվ նա ստիպված է շահնայի ոտքերի տակ սողալ, յուր ամոթխած
կնոջը նրա առջև պարել տալ, նրա հետ գյուղը թափած տաճիկ պարու-
պորդների և պոռնիկների առջև գլուխ ծռել ու կերակրել... Ստիպված է
համբերել, երբ շահնան յուր կամեցած տուրքը նշանակում-առնում է,
նրա տան մեջ ուտում-խմում, օրերով մնում է և ընծաներ առնելուց հե-
տ մի կեղտոտ հայհոյանքով և նրա խեղճ դրության վրա ծիծաղելով
է վարձատրում... զվարճանում է նրա շարժարանքներով, դոհացնում է
յուր հետի պոռնիկներին և բռնե՛ր կապած՝ հեռանում է գյուղից...

Հայ գյուղացին կրում է այս բոլորը, որը դեռևս կաղմում է իրեն հաս-
նող բազմազան թշվառությունների միայն մի մասը...

Այդպիսի շահնաներից էր նաև Հյուսեյն էֆենդին, որ յուր ձեռքի
տակն ուներ ամբողջ Խնուս գավառի հայաբնակ Քաղքիկ, Աղջամէլիք,
Մարուֆ, Բուռնագ և Յահյա գյուղերի տասանորդները թե՛ արմատից
և թե՛ «կորնգեան» կոշվող խոտից:

Հյուսեյն էֆենդին բնակվում էր Խնուսի մեջ:

Բ

Քերդաբաղաբի միջից անցնող Արածանի գետափին էր գտնվում
Հյուսեյն էֆենդիի երկհարկ բնակարանը:

Գայմազամն անգամ բարեկամ էր նրա հետ, որովհետև Հյուսեյն
էֆենդին կարինի նշանավոր շահնա Մահմուդ աղայի պաշտպանչալն էր.
Մահմուդ աղան էլ՝ Մուստաֆա փաշայինը և սա էլ՝ եպարքոս Սայիդ
փաշայի:

Հյուսեյն էֆենդին ևս սիրում էր գլխավորումին, որովհետև երկուսն էլ
երիտասարդներ էին և համարյա թե ամեն երեկո տների մեջ մեծամեծ
խնջույքներ էին սարքում ի ձայն գնչու կանանց «սրնգի և թմբիկ»...
ամեն երեկո գավառի միջից իրենց մոտ պարել տալու էին հավաքում
թուրք պոռնիկներին, միասին էին առևանգում մի որևիցե հայ աղջիկ և
Հյուսեյն էֆենդին շատ անգամ ինքը գայմազամին շաբաթական քեֆե-
րի տեղ և առիթ էր մատակարարում հայ գյուղերի մեջ:

Դեռ քսանևհինգ տարեկան էր. բավական առողջ կազմվածքով, սպի-
տակ դեմքով, սև խոժոռ աչքերով և ավելի հայկական, քան թե թրքական
մի խոշոր քթով: Հագնում էր երկնագույն մահուդից մի լայն շալվար,
մեջքին ուներ փաթաթած թիրմայի շալից մի լայն գոտի ևս, որի մեջ
ցցված ուներ արծաթյա կոթով կեռ դաշույնը. գոտիից վեր փողփողում էր

նրա ոսկեթելով ասեղնագործած թավշյա բաճկոնը և այդ բոլորի վրա նա կրում էր երկնագույն մահուդից լայն վերարկուն: Գլխին կրում էր երկաթյա ֆես, որի վրա փաթաթել էր երկու հատ մետաքսյա թաշկինակներ: Հյուսեյն էֆենդին սիրում էր լավ հագնվել և այնպես կեղտոտ ու ժլատ չէր, ինչպես էին ննուսի յուր մյուս պաշտոնակիցները:

Կարծեմ սրանից շորս տարի առաջ, մի ամառնավերջի օր էր, երբ ննուսի փոստան եկել էր, և ծառան Հյուսեյն էֆենդիի ձեռքը տվեց էրզրումից եկած մի նամակ:

Շահնան (ինչպես վայել է կոչել նրան) դեռ նոր զարթնած յուր լիթե գիշերազգեստով նստած սուրճ էր խմում, երբ նամակը ստացավ, ուստի և առանց բանալու կողքին դրեց, եկող ծառային հրամայեց մի ժամից հետո ձին թամբել և առանց շտապելու, մեծ շառաշյուն գործելով շարունակեց թանձր սուրճի խմելը:

— Մահմուդ աղայից կլինի,— մոմուց նա խորամանկ ժպտով, երևի մի քանի ուրիշ գյուղեր ևս ունի ծախելու...

Եվ փակեց Ղուրանը, որ բաց դրված էր մյուս կողքին:

Երբ գավաթի մեջ մնացորդ թանձր սուրճը միայն մնաց, Հյուսեյն էֆենդին նամակը ծանրությամբ բաց արեց և կարդաց:

Մահմուդ աղան էր գրողը: Գրում էր, որ էրզրումը հետզհետե ձանձորալի էր լինում իրեն, որ կամենում էր փոքր-ինչ գավառական քաղաքներում և գյուղերում պոուլյտ գործել, խնդրում էր, որ Հյուսեյն էֆենդին իրեն համար քեֆի տեղ որոշեր, որպեսզի գոնե մի շաբաթ կարողանար փոքր-ինչ զվարճանալ ննուսի ծառայարդ և խոտավետ գյուղերից մեկում:

«Միտելիդ իմ,— ավելացնում էր Մահմուդ աղան,— ես հետո բերում եմ էրզրումի քանոն ածող Հաջիին, նույնպես և քլարինեթ ածող և լավ երգող Աղաբաբին, իսկ դու այդտեղ ունեցիր գնչու կանայք, որպեսզի ամեն ինչ կատարյալ լինի. իհարկե, չես մոռանա նաև մի քանի հատ լավ կանայք ունենալ... Մի խոսքով, օղին և գինին և քեֆը անպակաս լինի, որովհետև հետո ունիմ նաև Պոլսից նոր եկած բարեկամներեց մեկը...»:

— Հըմ,— ժպտեց Հյուսեյն էֆենդին նամակը փակելով,— Մահմուդ աղան զվարճանալ է ուզում... Նայե՛նք, աստված տա, որ թանկ չնստի իրեն իր քաշելիք քեֆը...

Փոքր-ինչ ծխելով մտածեց, հետո դանդաղությամբ հագավ հագուսար և դուրս գնաց բակը, ուր ծառան սանձից բռնած առաջ բերեց մի նժույգ:

— Ո՞վ պիտի գա հետո,— հարցրեց Հյուսեյնը ձի հեծնելով:
— Մուստաֆա չավուչը, էֆենդի՛...

— Պատրաստ է:

— Դրսումը սպասում է ձերդ բարձրության (ղաթը ալինիզե):
էֆենդին շարժեց սանձը, դուրս եկավ բակից, ընկերացավ դռան վտապասող մի սևադեմ դինյալ ծառայի և արշավակի մեկնելով գոչեց.

— Մուստաֆա չավուչը:
— Հրամայիր, էֆենդի:
— Յահյա գյուղի ճանապարհը գիտե՞ս:
— Գիտեմ, էֆենդի,— պատասխանեց չավուչը, որը իր ձին մոտեցրեւ, տիրոջը ետևից արշավում էր, սլահելով մի պատկառելի հեռավորություն:

— Գիտե՞ս ինչ կա, Մուստաֆա չավուչը,— ասաց էֆենդին առանց գլուխը դարձնելու և շարունակելով արշավել,— էրզրումից մի քանի լավ բարեկամներս ինձ մոտ հյուր են գալիս. այիտի նրանց համար լավ քեֆ և քեֆի տեղ պատրաստել:

— Հրամանք ես, էֆենդի:
— Լա՛վ... Ի՞նչ ես կարծում, Յահյա գյուղը հարմար չէ՞:
— Այդ 28 տնով գյուղը:
— Այո՛, քեհյայի պարտեզի մեջ, եկեղեցու կողքին:
— Հը՛մ... հյուրերդ չձանձրանան:
— Ինչո՞ւ կձանձրանան... օղին և գինին շատ կլինի, գնչու կանայք

էլ դու կպատրաստես, հասկացա՞ր:
— Հրամանք ես, էֆենդի:
— Ածողներ պետք չեն, բարեկամներս իրենք բերում են, իսկ դու չմոռանաս քաղաքից բերել ամեն պարագաները:

— Հաց և մի՞ս էլ:
— Հիմար ես, չավուչը,— ծիծաղեց էֆենդին,— 28 տուն չէ՞ կայող մի քանի հոգու համար մի շաբաթ հաց և միս մատակարարել:

— Երավունք ունիս, էֆենդի, ես հիմար եմ...
էֆենդին լուռությամբ պահ մի ևս արշավեց և ապա նորեն խոսեց.
— Մուստաֆա չավուչը:
— Հրամայիր, էֆենդի:
— Գիտե՞ս, որ կալերի ժամանակն է:
— Գիտեմ, էֆենդի:

— Ուրեմն Ալիին, Օմարին, Ֆերրաչին և Հասանին գյուղերը կուղարբեկես, որ հսկեն գյուղացոց վրա... Շատ անհավատ (քաֆիր) են այդ հայերը, եթե հսկող չլինի, ցորենի կեսը կգողանան...
— Ընչու է, էֆենդի:
— Կասես նրանց, որ շատ աղմուկ չհանեն. իսկ դու մի քանի ուրիշ

ծառաներ հետո առած՝ մի երկու հատ վրան կկանգնեցնես Յահյա գյուղի քեհյայի պարտիզում։ Լսեցի՞ր։

— Լսեցի, էֆենդի։

Հյուսեցն էֆենդին և ծառան քաղաքից ելած, մի նեղ ճանապարհով արշավում էին։

— Այժմ մենք Քաղբիկ ենք գնում... այնտեղ է մեր ցորենից շատը... այս տարի այնտեղի բերքը ինչպե՞ս է։

— Շատ լավ է, էֆենդի։

— Ավելի լավ, բայց պետք է իմ երթալս, որովհետև այդ գյուղացիք շատ գող են, շատ էլ դողաացող, հետո, երբ արդյունք քիչ լինի, դուց Օմարին ոչինչ չտան... քեհյայի տունը երթանք։

— Հրամանք ես, էֆենդի։

էֆենդին մի շինված պապիրոս հանեց արծաթյա տուփի միջից և՝

— Կրակ տո՛ւր,— ասաց ծառային։

Մառան կայծքարով վառեց արեթը՝ տալով էֆենդիին՝

— էֆենդի,— ասաց լրբենի մի ժպիտ դեմքին,— եթե ձեր դ բարձրությունը կամենա... հը՛մ... քաղաքում մի գյուղուր կին կա...

— Իրա՛վ,— ժպտեց էֆենդին,— ո՞րն է, որ ես չգիտեմ։

— Նոր է եկել, էֆենդի, առաջ էրզրում էր։

— Գեղեցի՞կ է։

— Շատ գեղեցիկ։

— Ինչպե՞ս է եղել, որ նա եկել է հնուա։

— Երկար պատմություն է, էֆենդի։

— Կարճ պատմիր։

— Ա՛յ, այսպես է եղել, էֆենդի. սրանից տասը տարի առաջ, դեռևս Ալմաստը մի սիրուն աղջիկ էր, բայց մի օր նրանց տունը իջավ մի պուսեցի հայ փաստաբան, վեց ամիս այնտեղ բնակվելու միջոցին խարեց աղջկան, թե ինքը կամենում էր նրան իրեն կին անել. իսկ երբ գոհ եղավ, թողեց էրզրուների փախավ... նա արդեն Կ. Պոլսում կին էլ ուներ, ու չորս էլ որդի...

— Այ բեզ ծիծաղելի բան,— ծիծաղեց էֆենդին,— հետո՞։

— Ամենքը իմացան այդ դեպքը, էֆենդի, որովհետև Ալմաստը աշխարհք բերեց մի սիրուն աղջիկ... այնուհետև, իհարկե, ոչ ոք չուզեց նրան առնել... մայրն էր դայակ է, ամեն կող ման է գալիս։ Ալմաստը իբր աղախին մտավ անգլիացոց ամուրի հյուպատոսի մոտ։ Դեռևս երեք ամիս առաջ նրա սենյակի լուսամուտից ցածում հավաքվող ժողովրդից էր այնուամ, որ եկել էր կոնսուլի աճուրդի գրված իրեղենները գնելու... մեկն էլ գնեց Ալմաստին. կոնսուլի ծառան էր այդ... գնեց և այժմ բա-

նեցնում է. ասում են, բավական փող է շահում այդ ծերունին... այժմ հնուա են...

— Ա՛յ լավ բան,— ծիծաղեց էֆենդին,— անպատճառ այդ ծերունին հայ է։

— Հրամանք ես, էֆենդի։

— Գիտեի,— ժպտեց էֆենդին,— մյուսուլմանը այդպես բան չի անի։ Գյուղուրները միայն գիտեն այդպիսի բաներով առևտուր անել... լմառանաս այդ Ալմաստին, բայց ծերունին թող աչքիս չերևա...

— Անհող կաց, էֆենդի... իսկ պզտիկ աղջի՞կը։

— Շա՛տ փոքր է։

— Ինը տարեկան է։

— Է՛հ, դեռ փոքր է, մի երկու տարուց հետո...

Պահ մի լուսթյամբ արշավեցին։ Չավուշը ետ քաշվել ծխում էր, իսկ էֆենդին յուր երկու կողքում փուլող արտերն էր դիտում։

Գ

հնուա գավառի հարավային մասի կարևոր գյուղերից մեկն էր Քաղբիկ գյուղը, շինված ապառաժների միջավայրում— բնության վայրենությունների մեջտեղը, կողքին ունենալով Ս. Դանիել գետակը, որը ոռոգում էր Ախրըզեման դրախտանման ընդարձակ մարգագետինը, բարեբեր դաշտերը և հաճախ հորդելով, շատ անգամ լրացնում է շահանների կատարած անգթությունները՝ սրբելով և յուր հետը տանելով կալերի կեսը...

Բայց դաշտերը այնչափ ընդարձակ, այնչափ արգավանդ են, որ գյուղացիք շատ տարի չգիտեին ինչ անել իրենց ցորենը... Տալիս էին շահանային տասնապատիկ, մի կողմ էին դնում իրենց ձմեռվա պաշարը, աշնանային և գարնանային սերմացուն, իսկ մնացյալը բեռներ կազմած՝ քաղաք էին իջեցնում ծախելու, տալիս էին տուրքերը, տալիս էին մասնավոր պարտքերը... Ունենում էին նրանք այդչափ բերք, մանավանդ այդ տարին, որովհետև մինչև իրենց սահմանն այլևս մի թիզ անմշակ չէին թողել— մինչև իսկ ցանել էին Ախրըզեման մարգագետնի մի մասը, պուկելով այնտեղի այլազան անուշահոտ ծաղիկները և աչք առնելով կրելու Հյուսեցն էֆենդիի հայհոյանքները, որովհետև այդ էֆենդին սիրում էր մարգագետինը, նրա միջի ծաղիկների հոտը և համարյա սեփականացրել էր նրա միջից արտադրված խոտը և բանջարները...

Այս տարի քաղբիկցիք ունեցան շատ առատ բերք. հնձեցին, կալսեցին, ցորենը դիզեցին, հարդը ժողովեցին և ուրախությամբ սպասում

էին շահնային, որ պար ցորենի տասանորդը առնեն և թողնեն իրենց մնացյալ բերքը մեծ քանակութեամբ քաղաք տանել:

Առաջին երեք օրում գյուղացիք ուրախ էին. նստան հաշիվ տեսան, որ կունենան ավելորդ փող իրենց ընտանիքի համար հագուստ գնելու: ուստի և իջան քաղաք, նրանցից յուրաքանչյուրը գտավ յուր ծանոթ վաճառականը, պատմեց նրան յուր հողի առատ բերքի մասին, գնեց հագուստ և խոստացավ փողը վճարել տասն օրից հետո:

Որովհետև ամենաշատը տասն օրից հետո շահնան կգար, յուր տասանորդը կառնեն և թույլ կտար գյուղացիներին իրենց բերքը քաղաք տանելու, հոգ անգամ չէին անում, երբ տեսան, որ շահնայի ծառան մի փայտե դաջ (կնիք) ձեռքին եկավ, դիզել տվավ ցորենը և հարդը և ամեն կողմից դաջեց (կնքեց):

Անցավ մի շաբաթ, շահնայի ծառան թեև գյուղի քեհնայի տանը ընկած ուտում-խմում էր, բայց դեռևս ոչ շահնայակալն մասն էր վերցնում և ոչ էլ թույլ էր տալիս դեզերը շարժելու:

— Օմար շավուշ,— ասում էին գյուղացիք,— ախր ժամանակն է ցորենը ժողովելու... Աստված մի արասցե, եթե անձրև դա, մենք էլ աղան էլ կվնասվենք...

— Ես ի՞նչ անեմ,— պատասխանում էր ծառան,— աղային պիտի սպասենք, այդպես է հրամանը...

Գյուղացիք կարեցին իրենց ապառիկ հագուստները, հագան (գուցե շուտով էլ մաշեցին), պարեցին, երգեցին, ամեն անգամ, երբ խոշոր դեզերի շուրջը պար բռնեցին՝ շնորհակալ եղան աստուծուց և համբերութեամբ սպասեցին շահնային:

Չէ՞ որ անպատճառ պիտի գար աղան. ոչ ոք կասկած չէր տանում:

— Երևի աղան զբաղված է,— ասում էին մի քանիսը:

— Երևի երգում է գնացել,— ասում էին ուրիշները:

— Երևի հիվանդ է,— ասում էր քահանան:

— Զբոսնում է,— ժպտում էր վարժապետը:

Ճշտութեամբ այն էր, որ Հյուսեյն էֆենդիի բարեկամները նվազածուններով հանդերձ երգումից ելել իջել էին Յահյա գյուղի վրանների ապկը և լեռները թնդացնել էին տալիս Աղաբաբի քարինեթով և իրենց ազմուկներով:

Քանոնչի Հաջին ածում էր մեղկ եղանակներ, թուրք կանայք և Ալմաստը պար էին բռնել եկեղեցու կողքի այդ շքեղ պարտիզի մեջ. Աղաբաբը կլկլացնում էր յուր նշանավոր «աղամ-աղամ»-ով սկսող և Ուոֆա կոչվող եղանակը, Մահմուդ աղան թիկն տված բարձրի վրա, շրջապատված ներգիլի ծուխով, ձեռքում թանձր սուրճը, գտնվում էր մի տեսակ

պազուտ արբեցութեան մեջ. պոլսեցի էֆենդին տաքացած՝ «շարքի»-ներ էր երգում յուր սիրամարդի ձայնով, քանոնչի Հաջին «մեխախանե» էղա-կակով և իր զիլ ձայնով պարտեզի պատերի մոտն էր հավաքում գյուղացիներին, որոնք պատկառանքով և գաղտագողի զվարճանում էին աղա-ների այդ շքեղ քեֆով... և որովհետև Երեկոյան ժամերգութեան ժամանակն էր, գյուղական քահանան աշխատում էր ավելի շատ ցած ձայնով իր երգեցողութունը կատարելու աղոթատեղիի մեջ, որպեսզի մյուսույ-մանների քեֆը խառնել չկարողանա «գյավուրական աղոթքներով»...

Ինքը— պարտիզի տերը, աղաների բարեհաճ կամբով, եկել նստել էր վրանի բաց դռան առջև ծնկների վրա, գյուղացիների տները դատարկում էր՝ կարագ, սեր, մեզը և այլն բերելով. պարտիզի դրսում գյուղա-կում էր՝ կարագ, սեր, մեզը և այլն բերելով. պարտիզի դրսում գյուղա-ցիներից մեկը մի ոչխար մորթել, խորովածի շիշերն էր դարձնում կրակի վրա, մի այլ կողմում գյուղացի կանայք փլավ էին եփում, իսկ խոր-ճիթի կտուրների վրայից կամ պարտիզի ցած պատերից մյուս գյուղացիք աշխատում էին տեսնելով գոնե մասնակցել այդ քեֆին, որ ահա մի շա-բաթ էր. որ սկսվել էր և անընդհատ շարունակվում էր:

Շուտով մի քանի գյուղացիք գետնի վրա— ծառերի տակ լիճեցին կարպետներ, դրին ափսեններ և ընթրիքի պատրաստութեամբ տեսան ըստ հրամանի Հյուսեյն էֆենդիի...

Պարը դադարեց, կանայք տեղ բռնեցին հյուրերի կողքին, Ալմաստը Մահմուդ աղայի մոտ, Հյուսեյն էֆենդին հրամայեց քեհնային, որ գյուղացիներով մի պար կազմե իրենց ախորժակը բանալու համար:

Շուտով քեհնայի մի խումբ գյուղացիների լեցրեց պարտիզի մեջ. Աղաբաբը գիտեց գյուղական պարերգներ ածել. շրջանը կազմվեց, և աղաները պարը դիտելով սկսեցին ուտել:

Նախ մաստիկայի զավաթները հինգ-վեց անգամ պտտեցին սեղանի շուրջը. կլանվեց մի քանի շիշ խորոված, որից հետո Մահմուդ աղան ժպտելով ասաց Հյուսեյն էֆենդիին.

— Չեմ մոռանա այս քեֆը... ամեն ինչ կատարյալ է այստեղ...

— Էլ ուրիշ ինչ որ հրամայեք, կկատարվի,— ասաց Հյուսեյն էֆենդին խոնարհաբար,— միայն թե դուք միշտ գոհ լինիք:

— Շատ գոհ եմ... տեսնում ես, որ ավելի քեֆից, քան թե գինուց արբել եմ... բայց,— ավելացրեց նա դեմքը թթվեցնելով,— այս կանայք այլևս զգվելի եղան...

— Եթե կհրամայեք, ուղարկեմ քաղաքից նորերը բերելու:

— Ո՛չ, ո՛չ...— ասաց Մահմուդ աղան և այնպես մի ակնարկով նրան նայեց, այնպես խորհրդավոր մի ժպիտ ցույց տվեց, որ Հյուսեյն էֆենդին ամեն ինչ հասկացավ, ինքն էլ ժպտեց, բայց փոքր-ինչ մտածեց և՛

— Շատ դժվար է, աղա,— ասաց լրջութամբ:
— Հենց դրա համար շատ քաղցր կլինի,— ծիծաղեց աղան:
— Տեսնենք,— մոմուաց էֆենդին մտազբաղ:
— Բայց տե՛ս,— սպառնաց մատով աղան,— սիրունը պիտի լինի...
— Տեսնենք:
— Տեսնելու բան չկա,— նորեն ժպտեց աղան հուզմամբ,— այսօր պետք է գտնես... քեհյային հրամայիր...
— Վախենում եմ աղմուկ հանեն, և ձայնը փաշային հասնի:
Մահմուդ աղան ուղղվեց, նստեց, ձեռքը գրեց Հյուսեյն էֆենդիի քնին և ասաց խրոխտ ձայնով.
— Մի անգամ ընդմիջտ գիտցիր, Հյուսեյն, որ Մահմուդ աղան, եթե ցանկանա, Մուստաֆա փաշան «չէ» չի ասի...
— Գիտեմ, գիտեմ, աղա՛,— շտապեց ասել էֆենդին,— բայց...
— Ի՞նչ բայց է այդ,— դեմքը խոժոռեց աղան,— մերժո՞ւմ ես ինձ, որ այնքան լավություն եմ արել քեզ:
— Շնորհակալ եմ, աղա՛... քա՛վ լիցի, որ մերժեմ. բայց հետո ինձ կենդացնեն:
— Քո նեղությունդ կվարձատրեմ... կուզե՞ս, որ ամբողջ կնուսի շահնայությունը, նույնն է թե կնուսը, լիովին քեզ տամ...
Հյուսեյն էֆենդին ուրախությունից դողաց:
— Աղա՛,— գոչեց դողդոջուն ձայնով,— ինչո՞վ եմ արժանի:
— Կամքս կատարիր,— ասաց մեծանձնութամբ աղան,— և ամբողջ կնուսը քոնն է...
Այդ միջոցին պուսեցի էֆենդին, որը սեղանից ելած պարտիզից դուրս էր գնացել, մի բարձրաձայն քրքիջով ներս մտավ պարտեզը՝ քարշ տալով յուր հետ գյուղական ծերունի քահանային, որն աղաչում և արտասվում էր:
— Լո՛ի՛ր, գյավուր փափա՛գ...— որոտաց նյա վրա էֆենդին,— խո քեզ չե՞ն մորթելու... մի գավաթ օղի խմիր և գնա:
Եվ քարշ տալով նրան՝ մոտեցրեց բազմոցներին:
— էֆենդինե՛ր,— ծիծաղեց նա,— ձեզ մի ջնեկվեր եմ բերել...
Հրեց քահանային առաջ, հետո հրամայեց Աղաբաբին մի լավ պարերգ ածել և գոչեց.
— Պարի՛ր, փափա՛գ, թե լավ պարես, մի ղուրուշ և մի գավաթ օղի էլ կտամ քեզ...
— Աստու՛ սիրուն,— աղաչեց քահանան արտասովալից ձայնով,— խնայեք իմ հասակիս, ևս պարել չգիտեմ...— և հեկեկաց:

— Չայնդ, գյավու՛ր... սուտ ես ասում, ինչո՞ւ ձեր եկեղեցու մեջ այն մեծ շորը վրադ ձգած պար ես գալիս միշտ... դե՛հ, շո՛ւտ, պարի՛ր, սպա թե ոչ, մորուքդ ածիլել կտամ...
— Պարի՛ր, պարի՛ր, քահանա՛,— ծիծաղեց Հյուսեյն էֆենդին,— պարիր, որ փող ստանաս:
— էֆենդի, գլխիդ ղուրբան,— գոչեց քահանան, ես պար գալ չեմ իմանում...
Պուսեցի էֆենդու համբերությունը հատավ, նա բռնեց քահանայի մորուքից, ոտքի կանգնեցրեց, հետո «ա՛յ, ա՛յսպես» գոչելով սկսեց կատաղի շրջաններ գործել տալ նրան և երբ խեղճ ծերունին ուժասպառ գետինն էր ընկնում, էֆենդիի ձեռքում թողնելով յուր մորուքի մագերից մի մեծ փունջ.
— Տեսա՞ր...— գոչեց էֆենդին մի ճիշ արձակելով դեպի նա,— այդպես կպարեն, ախմախ... դե՛հ, վեր կաց, այս գավաթը դատարկիր և կորսվիր այստեղից...
Եվ այս ասելով, տվեց նրան մի գավաթ մաստիկա...

Դ

Հյուսեյն էֆենդիի խնջույքը, որը տևեց ամբողջ տասն օր, վերջացավ Քանոնի Հաջին, քլարինեթ ածող Աղաբաբը, որոնք երկուսն էլ հայեր էին, լավ ընծաներ ստանալով՝ էրզրում մեկնեցան, Մահմուդ աղան մեծամեծ խոստումներ անելով Հյուսեյն էֆենդիին, շնայելով յահյացոց գործած աղմուկին, գյուղը թողեց իրեն մի գիշեր զվարճացնող «գյավուր աղջիկը» և հեռացավ, խոստանալով մյուս տարի նորից գալ այդ կողմերը:
Հյուսեյն էֆենդին շատ ուրախ տրամադրություն մեջ էր գտնվում, սակայն մի քանի օր հանգիստ առավ և ապա թե մտածեց Քաղբիկ գնալ՝ տասանորդները հավաքելու:
Դեզերը կնքելուց ուղիղ մի ամիս հետո Հյուսեյն էֆենդին յուր Մուստաֆա շավուշի հետ Քաղբիկ մտավ:
Անձրևային եղանակները սկսվել էին, և գյուղացիք, որոնք արդեն սկսել էին տիրել և վախենալ, թե ահա կնուսի սովորական հեղեղման անձրևները և գյուղի կողքի ս. Դանիել գետակը ամեն ինչ մի քանի ժամվա մեջ կոչնչացնեն, քիչ հույս առան, երբ շահնան եկավ: Իրար անցան, քեհյայի սենյակը պատրաստեցին և ուրախանում էին, որ շուտով պիտի կարողանային իրենց բերքը կալերից վերցնել:
Հյուսեյն էֆենդին քեհյային հրամայեց, որ սաչերը և ձի կամ եզ պատրաստեն. հետո շափեց, մի կողմ դարսել տվավ յուր մասը և ամբողջ գյուղի

մեջ որքան սայլ, ձի, եզ կամ էջ կար՝ բեռնելով, իր շավուշի հետ քաղաք ուղարկեց:

Գյուղացիք սպասում էին, որպեսզի իրենց սայլերը և տավարները վերադառնան, ուստի և իսկույն իրենց տոպրակների ծակերը կարեցին և գիշերը հանգիստ քնեցին: Մյուս առավոտ տոպրակները կլցնեին ցորենով:

Կես-գիշեր էր արդեն, երբ հանկարծ մի աղմուկ բարձրացավ գյուղում. ամենքը դուրս թափվեցին. լաց, կոծ տիրեց ամեն կողմ, գյուղացիք իրենց կորցրել էին:

Երկինքը սև ամպերով ծածկվել, որոտում էր, անձրևի մի հեղեղ ծեծում էր և լցնում կալերը, իսկ ս. Դանիել գետակը բարձրացել՝ դեպի կալերն էր գալիս...

Յորենի դեզերը հետզհետե ցածանում էին և հացահատիկներ ու հարդ խառն՝ լողում էին կալերի մեջ կազմված լճակների երեսին...

Հուսահատություն տիրեց ամենքին, թիակներ բերին, տոպրակները լցնել աշխատեցին... Եվ գետը շոշափում էր դեզերը...

Հյուսեյն էֆենդին հանգիստ քնել էր քեհյայի սենյակում...

Երբ լուսացավ, գետը արդեն ծածկել էր կալերը: Գյուղացիք ձենները ծոցերին շրջապատել էին մոնշող գետակը... ոմանք իրենց մազերն էին փետում. մյուսները շոքել աղոթում էին արտասովալից, և տղամարդիկ տխրությունը դիտում էին գետի երեսին լողացող հացահատիկները և խոտի խուրձերը, որոնց տակից շուրը հագիվ էր երևում...

Եվ տղայք կիսամերկ ճշում և շներն անգամ միաձայն այնպես ունում էին, որ սարսուռ էր ազդում...

Հյուսեյն էֆենդին այդ բոլորը տեսնելով՝ իսկույն ձի նստավ և քանի կարող էր շտապով հեռացավ գյուղից:

Իսկ երբ սայլերը և տավարները վերադարձան, գյուղացիք բեռնելու այլևս ոչինչ չունեին...

Ուտելու պաշար իսկ շատերին չէր մնացել, և եթե այդ դրությունը շարունակվեր, եղած տավարներն էլ կսատկեին ձմեռը, որովհետև գետը խոտերի դեզերից շատերն էլ տարել էր...

* * *

Մյուս տարի եթե մտնեիք Քաղքիկ, նրա հարյուր տան փոխարեն միայն 43-ը կգտնեիք ողջ... մյուսների ավերակների մեջ թափառում են ցերեկը շները, իսկ գիշերը՝ բուերը...

Իսկ իրենք՝ քաղքիկցիք, պանդխտության գավազանը ձեռք առել և Պոլիս էին անցել...

(Հիշողություններ Թուրքահայաստանից)

Քյոփրի-քյոյի մեջ քարավանը կանգ առավ. մալականները արձակեցին Ֆուրգոնի ձիերը¹. Ես, ճանապարհին մոտ գտնվող այդ սրճատան առջև, բաց օդի մեջ կարպետս պարզեցի և խնդրեցի, որ ինձ թեյ տան:

Քյոփրի-քյոյը գտնվում է Հասան-Ղալայից մի քանի ժամ հեռու, մի սիրուն ձորակի մեջ. իսկ Հասան-Ղալան, ինչպես գիտեք, Թուրքահայաստանի Բասեն գավառումն է, էրզրումից վեց ժամ հեռավորությամբ:

Թեյից հետո բարձին կոթնեցի և ծոցիցս հանեցի առաջին հանդիպած թուղթը՝ նրանով փոքր-ինչ ժամանակ անցկացնելու համար:

Այդ թուղթը «Մշակ» լրագրի մի հին համարն էր. բացի և նորեն կարդում էի քան անգամ կարդացածներս:

Նկատելով իմ մորուքը, կանոնավոր հագուստս, սրճատան կողքին գտնվող դարբնոցում նստած վեց գյուղացիք հետզհետե մոտեցան, կարպետից դուրս կանգնած մի քանի թուրք լուծյամբ դիտեցին ինձ, և վերջապես նրանցից մեկը վախկոտությամբ հարցրեց:

— Հրամանքդ, էրզրումցի՞՞ ես, տիրացու:

Վեր նայեցի, խոսողը մի բավական կոկիկ հագնված միջահասակ անձ էր, թավ կլոր մորուքով և բասենցու հագուստով:

— Այո,— ավելի լավ համարեցի ես այդպես պատասխանել:

— Ռուսե՞թ կերթաս կը:

— Այո՞...

Եվ շարունակեցի կարդալ: Գյուղացին շարուխը հանեց կարպետից դուրս, ներս եկավ և ծնկան վրա շոքեց մի քայլ ինձանից հեռու, նրա օրինակին հեռեցին և մյուսները. այլևս ավելորդ համարելով կարդալս, նստեցի և կամենալով գյուղացիների հետ փոքր-ինչ խոսել, թերթն սկսեցի ծալել:

— Ատիկ ռուզնամե՞² է, տիրացու,— հարցրեց գյուղացին հեռաքերբությամբ:

— Այո... իսկ դու կարդալ գիտե՞ս:

— Հայ-հո՞յ... — գոչեց մի ուրիշը, — մեր տիրացուն է, Աստվածաշունչը չբի պես կարդա կը...

— Հայերեն է, կուզե՞ս կարդալ,— հարցրի տիրացվին:

¹ Երբեմն կարսից մալականները Ֆուրգոնը բերում են էրզրում. ճանապարհ կա:
² Լրագիր. տանկերեն բառ է:

— Աշեմ,— ասաց նա,— կարմրեց և թերթը ձեռք առավ, պահ մի էրա գլխին երևեցող սև տառերով «Մշակ» բառը հեգեց, հետո հանկարծ մի աղաղակ արձակեց և բռնելով իր մոտ նստող գյուղացու կողքը՝ գոչեց.

— Աշե, բավոր Սարգիս, աշե, ասիկ ալ անկից է, աշե, «Մշակ» է գրած...

— Հա՛, տո,— գոչեցին բոլորը և միմյանց մոտ սեղմվեցան:— Մշակ-աղայի գրածն է ատիկ...

Ես զարմացա. այդ գյուղացիք որտեղի՞ց գիտեին «Մշակը»:

— Զանիդ ղուրբան, տիրացու,— գոչեց գյուղացիներից մեկը,— ասիկ Մշակ-աղան է տվեր քեզի:

— Հատ մ'ալ Մկլուն ունի, անոր Մշակ-աղան է տվեր,— ասաց մի ուրիշը,— ո՛ր է, Մկլո, հանն սա հայու բուզնամեն... անանկ ոնդիկ-ոնդիկ՝ բաներ կան մեջն օր²:

Մկլուն ծանրությամբ ձեռքը ծոցը կոխեց, հանեց այնտեղից մի կարմիր կապոց, բաց արավ և պատկառանք ինձ պարզեց մի շորս ծալած, 79 թվականի դեղնած «Մշակ»:

— Կարդա՛, տիրացո՛ւ,— խոսեց նա լուրջ դեմքով,— Մշակ-աղան է տվեր ինձի... քեզի ալ ան է տվեր ա՛...

— Արծրունի՞ն է տվեր քեզ.

— Արծրունի՞ ով է. Մշակ-աղա, ըսի. կարճ բոլով, սանկ երկար մորուքով մարդ է, աչքերուն գյուղլլով... սանկ խոշոր-խոշոր աչքեր... ես անոր ղուրբան...

— Գրիգոր Արծրունին է այդ.

— «Զէ» ըսի ա՛... Մշակ-աղան է կրսեմ... այ, պատմեմ լսե՛, տիրացո՛ւ...

— Պատմիր. ե՞րբ էր այդ.

— Ռուսի երթալեն նտըը... ոռւը երթալեն նտըը, աս անիրավը ալ զուլում³ չթողուց, որ չթափիր մեր գլխուն. կրսեին «դուք բերիք Մոսկոֆին» ու կրթալենին, կսպանենին, կվառենին, կբախցունենին... ո՛ր մեկն ասեմ... մեր գյուղն ալ եկան, մի՛տդ է, բավոր Սարգիս, չէ՞ որ քու դեզերն ալ կրակի տվին... էհ... օրվա հացի կարոտ մնացինք, ալ ո՛չ արտ, ոչ անասուն, ա՛լ մայր, հայր, կնիկ յա զավակ չէր մնացեր...

Նա ձեռքի կարմիր թաշկինակով սրբեց թրջվող աչքերը:

— Հա՛...— շարունակեց փոքր-ինչ հետո,— ելա, ըսի Ռուսեթ երթամ

աշխատելու... գացինք Թիֆլիզ, ի՞նչ երկնցնեմ, հալալ հաց մը չկերա, կուշու մը բուն չեղա. օր մը շտեսա... օ՛ր եղավ, տիրացու, որ փորս անոթի, ես ալ հիվանդ ընկած էի... Աստված խղճաց ինձի, քիչ մը աղեկցա, ոտքի ելա... ըսին Մշակ-աղային գնա... գացի. ղուրբան ըլլամ ես անոր, ինձի փարա տվավ, ինձի... Աստված տվավ որ ողջ հասա. շի՛ն դիլի է՛ աղեկ ենք... Աստված Մշակ-աղան իր մուրազին հասցնե...

— է,— հարցրի ես,— այդ թերթը ի՞նչ օգուտ տվավ քեզ, ինչո՞ւ ես պահել:

— Ասի՞կ... կարդամ կը, անանկ ոնդիկ-ոնդիկ բաներ կան մեջն օր... մեզ վրա խոսի կը, մեզի սիրտ կուտա կը... մեռնիմ ես ասոր սըրտին... Բասենի մեջ ո՛վ չի ճանչնար Մշակ-աղային:

— Իսկ ուրիշ լրագրիներ էլ տեսե՞լ եք.

— Թուրքերե՞ն:

— Ոչ, հայերեն:

— Ըշտե ասիկ ի՞նչ է, ասիկ հայերեն չէ՞...

— Բայց չէ՞ որ ուրիշ հայերեն թերթեր էլ կան:

— Հա՛,— գոչեցին բոլորը զարմացած,— մենք գիտեինք, թե ասիկ է հայու բուզնամեն.

— Ադամ²...— գոչեց մեկը մյուս կողմից,— տիրացուն հանաք կրնե կը... Մշակ աղային դայրի³ ալ ի՞նչ պիտի ըլլա...

Ես նրանց հետ փոքր-ինչ սկսեցի խոսել «Մշակի» մասին, հետո հանեցի պայուսակիցս պատկերների ալբոմս և ցույց տվի նրանց Գրիգոր Արծրունու պատկերը, բոլորը շրջապատեցին ինձ, այժմ շուրջ քսան հոգի էին, մինչև իսկ դարբինն իր գործը թողել՝ մոտեցել էր Մշակ աղայի պատկերը տեսնելու:

— Հա՛...— ըշտե ասիկ է Մշակ-աղան,— գոչեց հուզմամբ գյուղացին, հափշտակեց պատկերը, նայեց, երկար նայեց և զգուշությամբ ետ տալով ինձ, ասաց.

— Ըշտե աղիկ է որ կա...

— Տո՛,— գոչեց դարբինը գլուխը մի գյուղացիի թևի տակից ներս մտցնելով,— ատիկ սրբազանի նմանի կը...

— Հապա՛,— գոռաց տիրացուն,— ես լսել եմ, Հայրիկի աղբոր մանչն է...

1 Լավ-լավ:

2 Որ:

3 Նեղություն, ուժ, բռնություն:

1 Առայժմ:

2 Մարդ:

3 Բացի:

— Ի՞նչ կըսես, տո,— մեջ մտավ մի ուրիշը,— ասիկ սրբազան է... աշե, ինչ մորուք ունի, ինչ աչքեր...

— Կըսես խոսի կը,— ասաց շորորդը:

էս պատկերը երկար ժամանակ ձեռք-ձեռք պտտեց, հետո ինձանի խնդրեցին թույլ տալ, որ տանեն գլուղը:

— Մեկ սհաթից ետ դարձնենք կը,— աղաչեց գլուղացին:

— Լավ,— ասացի,— տարեք, բայց չփշացնեք:

— Խարա՞ք ընենք,— գոռաց նա,— որո՞ւ, Մշակ աղայի՞ պատկերը... տո, հեռու կացեք... Մկլո, ձեռքդ ետ քաշե... ոչ ոք ձեռք չտա, ես օանկ բռնեմ կը, բոլորդ աղաչեցեք...

Պատկերը մի ժամից հազիվ վերադարձրին և պիտի ասեմ, շատ մաքուր, մինչև իսկ փաթաթել էին սաղմոսի մի թերթի մեջ:

Երբ ձիերին կերակուր տվին, և փչում էր երեկոյան զով քամին, լծեցին, և մենք ճանապարհ ընկանք. ես ֆուրգոնից բավական հեռավորությամբ ոտքով գնում էի և շորս կողմից պարարտ արտերը դիտում:

Բավական տեղ քայել էի, երբ ետևիցս մի ձայն լսվեց, որ հեռվից կանչում էր.

— Տիրացո՞ւ, հե՛յ, տիրացո՞ւ...

Կանգ առի. գլուղից դեպի ինձ էր վազում մի երիտասարդ և թևով սրբում էր ճակատից հոսող քրտինքը: Երբ մոտեցավ, փոքր-ինչ կանգ առավ, շունչ քաշեց և ասավ՝

— Ներե, տիրացո՞ւ,— ասաց աղաչավոր ձայնով,— գլուղի մեջ ըսին, որ դուն Մշակ-աղային բովը կերթաս կը... ղուրբան քեզի, Մշակ-աղային ըսե, որ մենք շատ խեղճ ենք, մեզի շատ նեղութուն կուտան, մեր հոգին հանեն կը... ղուրբան քեզի, ըսե, որ սաղ ունեցածնիս կուտանք, շենք խալըսի՛, ըսե որ, մեր հավատը կը ֆֆրե՞ն՞... մեզի... ար, ի՞նչ ըսեմ, տիրացու, ըսե-ինչ որ կտեսնաս...

Ես շվարեի էի:

— Ըսին ինձ, որ դուն Մշակ-աղային տեսեր ես,— ավելացրեց ես հուզմամբ,— ի՞նչ կըսե Մշակ-աղան, ե՞րբ պիտի խալսինք աս նեղութուններեն, ե՞րբ հալալ հաց ուտենք...

Ճշմարիտ... մինչև այժմ փնտրում եմ, թե արդյոք ի՞նչ պետք է պատասխանեմ նրան...

1890 թ.

1 Ազատվի:

2 Հայհոյում են:

Կառքը տափարակի վրա իջել՝ գնում էր մխրճվելու ծառազարդ գյուղերի շարքի մեջ: Խճուղին փոշոտ, բարդիներով հովանավորված, պարզվում էր այգիների միջով: Երկու կողմում խիտ տնկած ծառեր էին, լայն առվակներ և միմյանց միացած անծայր ցանկապատեր: Աջ ու ձախ՝ խաղողի այգիները տարածվում էին անվերջ ու անընդհատ. ո՛չ մի բաց տարածություն. ամեն կողմ թփեր, կարճիկ դեղձիններ, ապա՝ առու և ջուր, ուռենի և բարդի, կաթնագույն կանաչ տերևներով փշատենիներ, այլև ցանկապատերից դուրս կոացած խոշոր թթենիներ:

Ցուրտ էր: Աշնանային պաղ քամի էր փչում ձյունոտ լեռներից: Ծառերի տերևները թրատված կարծես՝ հուսահատ պտույտներ էին գործում օդի մեջ, ապա իրար վրա ընկնում՝ դեղնած ու թոշնած: Ամայութունն էր սկսում. ծառալից հարթության այնքան ահռելի և տխուր ամայութունը: Արագիլների բներն արդեն դատարկ, ցնցոտիների նման, կախ էին ընկել բարդիներից. միայն ագռավներն ու ճնճղուկները մնացել թռչուններից, կոնչում էին ու ծլվլում մերկ պուրակների մեջ:

Փոշի էր սակայն, անտանելի փոշի: Ծանապարհի վրա դիզված կար կն՝ թղաչափ. ձիերի ոտների տակից ամպեր էին ելնում ու մեր կառքը շրջապատում: Ո՛չ բերան կարելի էր բանալ, ո՛չ աչք: Սպիտակում էինք դիտվին:

Օձիքս բարձրացրել, աչքերս գոցել, գլուխս ոգնու նման ներս էի բռնել ու տրտնջում էի.— զզվելի է այս, խայտառակ բան է...

Ծանապարհորդակիցներիցս այն, որ կողքիս էր նստել, մշեցի «խրմբապետը», գանգատս իրավացի էր գտնում, բայց անօգուտ: Փոշու դեմք տանել չէր կարելի: Ուր ճանապարհ կա, այնտեղ փոշի կլինի:

Գիմացս նստող գլուղացին ծիծաղում էր վրաս:

— Փոշին ի՞նչ կանի որ... հող ա, է՛լի... հողը ի՞նչ վնաս կտա: Հողիցը լավ բան կա՞ աշխարհումս: Հողն ա մեզ կերակրողը. թող մի քիչ էլ բերաններս լցվի. ի՞նչ կա որ...

Ու բերանը բաց, փոշու մեջ թաղված, դեռ ծխում էլ էր:

Կես ժամ այդպես, փոշու ամպերի մեջ. գնում էինք, մինչև որ մոտեցանք Գետաշենին:

Գյուղի մոտ փոշին դադարեց: Բաց դաշտ կար քիչ. ցեխ էլ էր. մի առվակ էր ճապաղվել, փոսերը լցրել և խճուղին փշացրել:

Անցանք մի հին կամուրջից, որ գողաց մեր կառքի տակ: Ապա բամ-

բակի արտերի միջով սլացանք և, վերջապես, ջրի խշխշոցի ձայնը ավտեց, որ միայն մի պտույտ էր մնում գյուղի ջրաղացին և գյուղին հանելու համար: Առաջին խանութների առաջ կառքը կանգ առավ: Չիբրին պետք էր քիչ հանգստություն տալ: Կես ճանապարհն արել էինք:

2

Չիչա:

«Խմբապետն» իսկույն վար ցատկեց և խանութ մտավ: Գյուղացին հետեց նրան: Դռան առաջ կանգնածներն, անշուշտ, ճանաչում էին մշցուն: Անցնելիս՝ բարեկեցին բավական ակնածու շարժումներով: Մի բանիսները մոտեցան, ձեռք տվին ու միացան նրան:

Թվաց ինձ, որ «խմբապետի» անցյալ գործունեության հմայքը մնացել էր դեռ այդ տեղերում: Ինչ որ էլ լիներ, մարդը նրանց համար կովի էր հարձակվող թուրքերի դեմ, պաշտպանել էր գյուղերը: Փաստն այն էր, որ հարգանք էր վայելում դեռևս ու որոշ դիրք ուներ:

Մենակ մնացի կառքի մեջ:

Խանութպանը եկավ և թեյ առաջարկեց: Մերժեցի: Դարձա հակառակ կողմը և այգիներն ու ջրաղացը դիտել սկսեցի:

Առվակն էր նախ, մեջը փնջացող մի գոմեշ նստած, այլև լողացող բադերի մի փոքրիկ խումբ: Մյուս եզերքին գյուղացիներ կային: Զրաղացը գործում էր եռանդագին: Ել և մուտ կար այնտեղ: Գնում-գալիս էին այլուրոտ մարդիկ. տուպրակները դռան մոտ՝ բառնալու էին սպասում՝ ցցերի կապած մի քանի էջերի վրա:

Այգիներումն էլ շարժում կար: Խաղողի թփերն էին հողով ծածկում՝ ձմեռվա սառնամանիքից պատսպարելու համար:

Դեպի վեր գյուղի մեծ փողոցն էր. խճուղու մի մասը, որ երկու կողմերում խանութներ ուներ և տներ: Անցնում էին ճանշող սայլեր, փողի հանող եզներ, ձիավորներ... Միմյանց հետևից շարված՝ ընթանում էին խոշոր կիսասայլեր ու տանում էին իրենց վրա երերացող թաց, ծորուն տակառները: Խաղող էին կրում դեպի քաղաք՝ կոնյակի գործարանի համար:

Ու ճանապարհի վրա փոշին սավառնում էր գորշ թանձրությամբ հեռու և ծածկում, քողավորում ամեն ինչ...

Քիչ դիտելուց հետո այդ ամենը, սկսեցի սրտնեղվել: Վրդովվում էի, որ կառապանն ու ընկերներս հանգիստ նստել էին ներսը և ճանապարհը շարունակելու մասին դեռ չէին մտածում:

Դարձա խանութի կողմը: Դուրը փակ էր: Աղմկալից խոսակցության

չփոթ ձայներ էին միայն ականջիս հասնում: Վճռեցի քիչ էլ համբերել, սպա բարկանալ և ձայն տալ:

Այդ միջոցին էր, որ կառքի ձախ կողմից մոտ եկավ ալեխառն մազերով մի գյուղացի, պատկառուն ձևերով բարեկեց ինձ ու հարցրեց.

— Կառքի մեջ տեղ չի՞ լինիլ ինձ համար ևս:

Ձենեցի մարդուն: Կնճոտ և արևակեզ դեմքով անձ էր, համեմատաբար լավ և մաքուր հագված: Կարճահասակ էր, մաշված, թախծոտ և զբուշավոր հայացքի տեր:

— Որտե՞ղ ես գնալու, — հարցրի:

Առաջնոց կոշված գյուղիցն էր: Այնտեղ էր գնում:

— Միայն մի տեղ կա, բայց պետք է նախ կառապանի հետ խոսիլ: Ժպտեց: Եթե միայն այդ էր, ուրիմն կարող էր նստել: Կառապանը ուրախ կլիներ. միայն թե փող տային նրան: Պիտի տար:

Ետ քաշվեցի և թողի, որ ելնեի: Կողքիս շնստեց: Ձանաց տեղ բռնել դիմացի նեղ նստարանի վրա: Չառարկեցի: Գիտեի, որ վերջ ի վերջո այնտեղ պիտի նստեի: Դժվա՛ր թե «խմբապետը» զիջել կամենար իր տեղը:

Տեղավորվելուց հետո հանեց ծխատուփը, գլուխը խոնարհ՝ մի գլանակ շինեց և, երբ վառում էր, հարցրեց մեղմությամբ.

— Ընկերներդ գյուղացիներ են:

— Միայն մեկը:

Իսկ ե՞ս. ո՞ր գյուղի ուսուցիչն էի արդյոք: Չէր հիշում, որ տեսած լինեի ինձ, թեև շրջակա բոլոր գյուղերին լավ ծանոթ էր: Արդյոք նո՞ր նշանակված էի: — Վարժապետ չե՞մ ես:

Վարժապետ չէի: Ապա ի՞նչ...

Վախեցած և հուզված ինձ նայեց: Հետո մեկե՛ն, կարծես հասկանալով ինչ-որ խորհրդավոր մի բան, սկսեց կծկվել և ավելի՛ պատկառոտ դիրք ստանալ: Մի տեսակ երկյուղ համակեց նրան: Այլևս չէր նայում ինձ: Վարժապետ չէի. հաճույքի համար զբոսանքի ելնելու օրեր չէին, վաճառականի նմանություն չունեի, ո՛չ էլ պաշտոնյայի... Ուրեմն...

Կռահեցի: Անշուշտ ինձ ներկայացուցիլ կամ նույնիսկ անդամ համարեց մի զորեղ մարմնի: Դեմքս ու հագուստս բավական նպաստավոր էին: Երևի «կազմակերպության» լիազորն էի, «կոմիտետի անդամ» գուցե, օվ գիտե, ինչպիսի լուրջ հանձնարարության համար էի գնում իրենց կողմերը: Կարող էի նույնիսկ ընդհանուր քննիչ լինել: Ինչո՞ւ ոչ:

Ու չէ՛ր հանդգնում այլևս խոսակցության մեջ մտնել: Կպել էր կառքի թիկունքին, կծկվում էր նեղլիկ տեղում, ուզում էր կարծես փոքրանալ, չնշմել... Ծնկները ծնկներին կպչելու ժամանակ անգամ դողում էր և

եա քաշվում: Վա՛տ էր գրու՞թյունը: Զգիտեր ինչ անհլ ապացուցանելու համար, որ մեծապես պատկառում էր իմ մեծութունից, իմ անհայտ ամենազորութունից: Խղճալի բան էր: Պետք էր խոսել. սիրտ տալ, համարձակութուն ազդել: Եվ, վերջապես, չէ՞ որ հասկացնել պետք էր, թե ես ո՛չ որևէ «կազմակերպության» շանթիչ առաքյալն էի, ո՛չ քննիչ և ո՛չ էլ ամենազոր ներկայացուցիչը: Խոստովանում եմ, հաճույթ զգացի փոքր-ինչ, որ ինձ այդպիսի «մեծութուններ» էին վերագրում, և դիմաց ստրկային գալարվող ցույցեր էին տեղի ունենում: Ափսոսո՛ւմ էի, որ գուցացու կարծած մարդը չէի: Դրա համար էր, որ թողի հմայքը շարունակվեր պահ մի:

- Քաղաքի՞ցն ես գալիս, թե՞ այստեղ էիր.— հարցրի քիչ հետո:
- Ո՛չ, աղա, ա՛յստեղ էի եկել. քիչ գործեր տնեհի:
- Ի՞նչ կա, չկա ձեր կողմերում:
- Ի՞նչ պիտի լինի, աղա՛, հրամանքդ մեզնից ավելի լավ գիտես եղածը:

Երկու անգամ էր, որ «աղա» էր կոչում ինձ: Պետք էր վե՛րջ դնել գրան: Ժամանակ էր քիչ-քիչ հասկացնել, որ իր ենթադրած մարդը չեմ: — Աղա չեմ ես,— ասացի ժպտուն:

Գյուղացին էլ ժպտեց: Երեսիս նայեց խոնարհ, հպատակային սկի նորկով ու ասավ.— Աղան ձեզնից ինչո՞վ է ավելի: Մեր աղան դուք եր Աստված անպակաս պահի: Դուք որ չլինեք...

- Ապա քիչ լռեց և ավելի մեղմ, անհամարձակ՝ հարցրեց.
- Հրամանքդ Խանաբադ չե՞ս իջնելու:
- Ո՛չ,— ասացի ես,— ուղղակի Խորշիդու եմ գնում:
- Բայց ընկերդ այժմ Խանաբադ է. երե՛կ եկավ այնտեղ:
- Ընկե՞րս,— զարմացա ես, ի՞նչ ընկեր:
- Լիազորը:
- Լիազո՞րը...

Եվ այլևս ստիպված եղա լիովին փարատել հմայքը, հայտնել, որ ես «կազմակերպության» մարդ չէի, ո՛չ նրանից ուղարկված և ո՛չ էլ որևէ «լիազոր» ընկեր ունեի այդ կողմերում:

Սկսեցի պարզել գյուղերը գնալու նպատակս: Բանահավաք էի և ուսումնասիրող: Օգտվում էի տոն օրերից և այդպիսի պատվյաներ հաճախ անում՝ գյուղացիների կյանքը ուսումնասիրելու համար: Մտադիր էի թի ավելի խորապես, ավելի լա՛վ ծանոթանալ գյուղի հետ: Եղած ուսումնասիրությունները ինձ չէին բու՛հացնում: Պիտի շանայի ծանոթանալ գյուղացոց ցավերի, ցանկութունների և մանավանդ նրանց հոգու և զգացմունքների հետ: Պիտի այդ ամենը հավաքել ու գրել. գրել ու հր-

արթակելի, որպեսզի մարդիկ իմանային: Իմանային ու խորհեին: Ըմբռնեին, թե գյուղումն էր այն դժոխքը, որ նկարագրում են մեր ծերերն ու պառավները: Ըմբռնեին, որ գեհնեն ամբողջ՝ գյուղերումն էր: Մազե կամուրջը, կպրե կարասը. բոլորն էլ ահա այդ ծառերի տակը. տանջող սատանաներն էլ այդտեղ էին, ու նրանց ո՛չ թիվը կար, ո՛չ համարը...

Այդ ամենը ինձ ասել տվավ գյուղացին իր հարցերով. հետախուզող, պատճառները գիտնա՛լ ցանկացող հետաքրքրությունով:

Ու երբ խոսում էի, լսում էր լարված ուշադրությամբ: Դեմքը պարզվեց, ծառայական սիրալիրության ժպտին փոխարինեց կնճռոտ, բայց վառ հետաքրքրությունով բորբոքված արտահայտություն: Կուացած դեպի ինձ, անձկությունով լի համարձակ ակնարկը վրաս, լափո՛ւմ էր կարծես բերեցս ելած խոսքերը:

Եվ երբեմն շուրջն էր նայում: Լսող չկա՞ր արդյոք: Վախենում էր: Ամենքից և ամեն բանից վախենում, վախեցնում էր նրան նո՛ւյնիսկ «հասկացող մարդու» հագուստը... Ու ի՛նքն էլ խոսեց այնուհետև:

Այո, դժոխքը գյուղերումն էր գերազանցորե՛ն: Դժոխքը՝ իր մազե կամուրջներով, կպրե կարասներով ու տանջող դեերի բանակներով... Թող գա՛ն, ապրին, մոտի՛ց շոշափեն այն «սրտացավ մատածողները». Թող գյուղացու հետ կյանք վարեն, որպեսզի տեսնեն, զգան ու շո՛րտանան...

Կեզտ, տգիտություն, ծայրահեղ թշվառություն, այլև արատների անվերջ, ահավոր շարքեր, ապա կեղեքումներ և անպատմելի վշտեր— ահա գյուղերին վիճակված ու անընդհատ հաջորդող բարիքները ի վերուստ, աչից ու ձախից, ամեն կողմից, նո՛ւյնիսկ բնությունից...

Շունչ առնել չեն տալիս, ո՛չ: Դադար է՛լ չկա: Վաղ արշալույսից մինչև ուշ գիշեր տանջանքի ու վշտի սև ամպերն են ծանրանում գյուղի երկնքի վրա: Գարնան սկզբից մինչև ձմեռվա վերջը աճեցուն կեղեքումներն են գյուղի, գյուղացու հասույթները, ժառանգաբար, սերունդներ մաշող և բթացնող հասույթներ...

Ու ամբողջ բանակներ են կազմված՝ գյուղի հյուսիս ծծելու համար: Աշխարհն ամբողջ, կարծես խոսքը մեկ արած, գյուղերի վրա է նետվել: Անգղներ են, լե՛շ են համարում գյուղացուն, գիշատում են, բզկատում: Ազաավներ էլ կան. սև ազաավներ. իրե՛նց բաժինն են կտցահարում: Բայց, նախ, աչքերն են ուտում, որ գյուղացին չտեսնի: Ու չի տեսնում գյուղացին: Նայում է, բայց չի՛ տեսնում...

Գրի՛ր, ահա այդ ամենը գրի՛ր: Բայց թանաքով մի՛ գրիր, այլ գյուղացու կարծիք արշու՛նով.— տանջվող հոգու, ծվառվող օրտի բուսք հյուսվող... Արտասուք շարժելու համար չգրես: Լա՛ց... ինչո՞ւ... Ան-

մտաւթյուն է լացը: Գրի՛ր, որ կատաղեցնես ամենքին. գրի՛ր, որ զայրույթը ձոնշա, ծովի ալիքի պես ելնն ու իջնն, լեռնն՝ որ դրդեցնեն...

Այդպե՛օ, միայն այդպե՛ս գրի՛ր...

3

Այս ամենը գյուղացին խոսեց ի՛ր լեզվով, իր արտահայտութիւններով և պատկերացումներով, կցկատուր, դողող բորբոքումով: Ու խուսելու հետ՝ մոայլվում էր դեմքը, ակոսվում ճակատը: Պապիրոսներ էր, որ ծխում էր: Չէ՛ր էլ նայում ինձ: Ակնարկը երբեմն շինած պապիրոսին էր, երբեմն հեռուն:

Այդ միջոցին խանութի դուռը աղմուկով բացվեց, և դեպի կառքը ելան «խմբապետը», Բարեղամը (այդպես էր գյուղացու անունը), հետևելից էլ՝ կառապանը:

Վերջացրել էին ուրեմն: Գնալու էինք:

«Խմբապետը» կամուրջի վրայից էլ մի բանի բառ նետեց խանութի առաջն ելնող խանութպանին, հետո, երբ մտտեցավ, նկատեց մեր նոր ընկերին և կանգ առավ.

— Վա՛յ,— ասաց զարմացած,— այդ դո՞ւ ես... էս ո՞րտեղից: Այստե՞ղ էիր:

Հետո դգայի կերպով զսպեց իրեն, սառը կերպարանք ստացավ և տեղ բռնեց կողքիս:

— Գևորգն է,— ձայնեց Բարեղամը,— ասին, որ ըստեղ ես, բայց չճավատացի. հմի գե՞ղն ես գնում:

Կառապանը նրան նայեց, ժպտեց, իր տեղը բարձրացավ և բավականացավ միայն ասել:

— Հիսուն կոպեկ կանենմ:

— Կա՛մ, բը՛ր,— պատասխանեց նրան Գևորգը,— հետո Բարեղամին էլ մի բան ասաց և տեղ տվավ:

Փոշի հանելով մեկնեցինք:

Մինչև գյուղից դուրս գալը կառքը սաստիկ աղմկեց քարերի վրա: Նորդուորդը ցնցում էր անվերջ: Ծանապարհը փշացած էր:

Ոչ ոք չխոսեց: «Խմբապետը» ծխում էր, փողոցում եղած գյուղացիներին էր նայում և մեկ-մեկ ողջունում: Գևորգը այգիներն էր դիտում: Բարեղամն էր այդ միջոցին ուշադրության արժանի: Տարորեն շարժումներ էր գործում: Մեկ «խմբապետին» էր նայում՝ ժպիտը դեմքին, մեկ Գևորգին և կարծես սպասում էր, որ նրանք մի բան պիտի սկսեին: Արդյոք վե՞ճ, կո՞ւմ:

Հատ երևույթին, մշեցին ու մեր նոր ընկերը իրար հետ շփումներ էին ունեցել: Գուցե թշնամիներ էին: Բայց գյուղացին աննշան մարդ չէր երևում: Անշուշտ, որոշ դիրք ուներ շրջանում, և «խմբապետը» իր ատելութիւնը դեպի նա կոպիտ ձևերով ուղղակի արտահայտել չէր հանդրգնում: Հասարակ գյուղացի խո չէր, որ գոռար վրան անպատիժ, հայհոյեր, սպառնար կամ նույնիսկ ծեծեր:

Զսպում էր իրեն առայժմ և օրինականութիւն սահմանից չէր դուրս գալիս:

Այդ բոլորը եզրակացրի ես՝ զննելով թե՛ նրանց դիրքն ու միմյանց նետած հայացքները և թե՛, մանավանդ, Բարեղամի շափազանց պերճախոս դիմազոծերը:

Այդ մարդը կարծես կրկեսի անհամբեր հանդիսական լիներ, որ բուն շարժումներով բողբ էր արտահայտում, թե ինչո՞ւ էին ուշացնում բմբջամարտութիւնը, ինչո՞ւ իրար վրա չէին նետվում կովողները, գոնն կծու խոսքերով չէին նետահարում հեռվից, մինչև որ մոտենային ու միմյանց բռնահարեին...

Եվ երբ գյուղից դուրս ելած՝ կառքը սկսեց փափուկ հողի վրա թափվել, երբ մշեցին դարձավ դեպի Գևորգը, պետք էր տեսնել Բարեղամի գոհունակութիւն լայն ժպիտը...

Ձեռքերը շփելով, տեղավորվեց նա իր անկյունում և պատրաստվեց լսելու Վարազույրը բացվել էր. վերջապես...

— Կա՛մ որ պատահեցինք, Գևորգ,— խոսեց «խմբապետը»,— ուզում էի վաղը հենց քեզ տեսնելու գալ:

Գևորգը նրան նայեց սառը դեմքով, քիչ լռեց, հետո ասաց.

— Համեցեք գնանք:

— Չէ՛, այսօր չեմ կարող... Գուցե մի բանի օրից:

Ապա փորը-ինչ լուռ մնաց, կուլ տվավ թուրք, որ հուզմունքից կուկորդն էր լցվել, և ասաց թեկակի դողացող ձայնով.

— Գամ, որ վերջացնենք էն գործը:

— Ո՞ր գործը...

Նայեցի Բարեղամին: Ժպիտն ավելի էր լայնանում: Գոհ էր: Անշուշտ, հենց այդպես էր սկսվելու:

Ու կուցած դեպի նրանց՝ սպասեց: Այդ բոպեին շատ նման էր նա այն մոլի մարդուն, որ երկու աքաղաղներ միմյանց դեմ հանել՝ անհամբեր սպասում է կովին:

Ոչինչ չէի հասկանում: Սպասում էի ես էլ:

Սակայն լարվող տրամադրութիւնը սառում էր: Բարեղամը երկի

զգաց այդ: Պետք էր գրգռել: Վարագույրը, իրավ է, բացվել էր, բայց ներկայացումը կարծես պիտի հետաձգվեր:

— Գիտե՞ս բանը ինչումն է, պարո՞ն,— դարձավ նա ինձ՝ ժպտը գեմքին,— ահա 3—4 ամիս է, որ էս երկուսը կոճիվ են տալիս մի կտոր հողի վրա: Շատ-շատ որ լինի՝ մի արշին լայնությամբ տեղ հազիվ լինի:

— Մի արշին հողի համար...— զարմացա ես:

— Բանը նրանումն է,— շարունակեց ծիծաղել Բարեղամը,— որ կրովապատճառ այդ հողը ո՛չ սրանն է, ո՛չ էլ նրանը:

Գևորգը, որ չէր նայում խոսողին, բայց, անշուշտ, ուշադրությամբ տկանը էր դնում, դարձավ ինձ և ասաց զսպված ձայնով.

— Այո՛. ո՛չ իմն է և ո՛չ էլ դրանը: Հասարակությանն է...

— Հա՛...— շարունակեց Բարեղամը մի՛շտ գրգռել շեշտով ու ժպտով,— էս մարդը, մեր «խմբապետը», պսակվել է Ավագնոցումը մի որբեայրի կնոջ վրա, հետն էլ մի տղա: Հիմի, ինչպես ամե՛նքն են անում, նա էլ ուզեցել է իրա հողը շատացնի, հասարակության հողիցը մի քի «ե ալլն անի»... բայց արի տես, որ Գևորգը արդեն մի առու է քաշած լինում, էդ հողի լավ մասը ինքն է «ե ալլն» արած լինում վաղուց...

— Այո՛,— հաստատեց Գևորգը անվրդով,— տասը տարի կլինի ծառեր էլ ունեմ վրան տնկած:

«խմբապետը», գլուխը կոացրել էր՝ կովի մեջ նետվելու պատրաստվող այծի պես, նայում էր Բարեղամին և սպասում: Մոսկալի էին նրա աչքերը, որոնց նա տակեվանց ոլորում էր մե՛կ Բարեղամի, մե՛կ Գևորգի վրա ու բեզբերի ծայրերին էր պտտեցնում բթամատով և միջամատով մեկ աջ ծայրը, մեկ՝ ձախը:

Բարեղամը նկատում էր այդ, բայց դեռ բավական տաքացրած չէր համարում: Եվ շարունակեց.

— Հա՛...— տասց նա,— է՛ն էի ասում... է՛սպես, մեր «խմբապետը» թախք գնում է և ուզում հողի այդ կողմից— Գևորգի բռնած կողմից— ուղիղ գծով մի քիչ տեղ «զավթել»: Դրա համար հարկավոր էր անցնել Գևորգի կտրած առուն ու բավական երկարությունով հեռուն՝ պատը դնել: Շատ չեմ ասում— մի 5—6 լարաչափ լավ հող, դոշազ Արամս ուզում է Գևորգիցը թոցնի...

— Հողը Գևորգի՞նն է...— զսպված բարկությամբ ասաց Արամը:

— Իմը չի,— խոսեց Գևորգը,— ճշմարիտ է: Բայց առաջ ե՛ս եմ գողացել-վեցրել: Ուրիշ շատերն են ինձ պես արել: Ինչպես ես չեմ խլել նյդ շատերից, այնպես էլ թույլ չեմ տալ, որ խլեն ինձնից:

— Ինչպե՞ս...— պոռթկաց «խմբապետը».— դու չե՞ս թողնի... Կտեսնենք, կտեսնենք...

— Հողը ո՛չ իմն է, ո՛չ էլ քոնը,— շարունակեց Գևորգը,— հասարակությանն է, Սհակենց Գարբիելին ու Մկրտչանց Ասլանին մի նայիլ դու. նրանցն էլ պրծավ, ի՛մն էլ... Ինչ որ խլել ենք հասարակությունից, պիտի ետ տանք... Քեզ ես չե՛մ տալ, պատդ քաշել չե՛մ թողնիլ, բայց եթե հասարակությունն ուզի, ետ կտամ ամբողջը ու վրան տնկածս ծառերն էլ կե՛վիրեմ ուսումնարանին...

— Փի՛...— արեց զարմացած Բարեղամը,— էնքան ծա՛ռ...

Մոռացել էր գրգռելու միտումը: Գյուղական կծծիությունն էր զարթնել մեջը:

— Գիտե՞ս,— դարձավ նա ինձ,— մոտ 300 բարդի ծառ է, ամեն մեկը մի հաստ գերան, ամենապակասը 10 մանիթ կաժենա հատը...

Ու հիացումով համակված՝ ասաց Գևորգին.

— Ես իմ աստվածը, Գևորգ, թե ճիշտ այդպես ես վճե՛նիլ իշխան մարդ ես... Չէ՛, Արամ, էլ պրծար, պրծար: էլ ավելորդ է խոսելիդ, ձեռք քաշիր հողիցն էլ, ու, թե խելք ունիս, էսպես իշխան մարդու հետ մի թշամանալ...

Բայց «խմբապետը», հակառակ Բարեղամի առաջարկության, նրա վերջին հորդորիցը շատ ավելի գրգռվեց: Գույն առավ-տվավ, կարմրեց, կատաղությունից փնչացրեց, ջանաց զսպել իրեն պահ մի, բայց հանկարծ զոռաց կատաղությամբ.

— Ե՛ս... ես մա՛րդ չեմ լինիլ, եթե հենց վաղվանից... վաղվանից պատ քաշել շտամ ու արգելողի էլ քիթն ու պոռունկը շարնոտեմ...

Գևորգը, որ սկզբում քիչ ետ էր քաշվել, «խմբապետի» ձայնիցը վախեցած, ժպտը դեմքին ուղղվեց նորից իր տեղում և ասաց.

— Վա՛ղն ես ուզում... համեցե՛ք, ինչ կլինի որ... լավ էլ կանես... Հենց վաղը կենտրոնի լիազորը խանաբաղից մեր գյուղն է գալու՝ կտեսնի արածդ...

Կարծես մի դուլ սառը, շատ սառը ջուր էր այն, որ հանկարծ շուտովի «խմբապետի» գլխին:

Հանկարծ կանգ առավ, իր բուն թափի մեջ սառեց և արձանացավ: Հետո սաստիկ գունատվեց, շրթունքները անձայն դողացին պահ մի, ապա ողորմելիորեն կմկմաց.

— Ի՞նչ... ինչպե՞ս... ի՞նչ լիազոր, ո՞վ...

— Ինքը հենց կենտրոնի անգամը...— շարունակեց Գևորգը,— հրեն խանաբաղում քննություն են անում ձեր գործի մասին... էգուց էլ Ավագնոց են գալու... Դու էլ համեցի ու էն պատը քաշի հասարակության հողի վրա, իմ քիթն ու պոռունկն էլ արնոտի...

Բայց մշեցիին այլևս չէր լսում, անշուշտ լլսեց այդ հեզանքն ու ծաղրը:

Հանկարծակիի էր եկել. ու ստակում էր միայն նկարված դեմքի վրա: Ինչպե՞ս, կենտրոնի լիազորը, քննությունն իր գործի և առանց իր գիտնալու՞ն:

Այդ ինչպե՞ս էր եղել, որ ինքը չէր իմացել: Չէ՞ որ քաղաքիցն էր գալիս, տեսնվել էր այնտեղ կենտրոնի մարդկանց հետ ու նրան ոչինչ չէին ասել գնացող քննիչի մասին:

Եվ, իհարկե, մտովին անիծում էր իր անփութությունը, քաղաքում այնքան երկար մնալը:

Ինչու՞ դո՞նե չէր լրտեսել և իմացել: Մի՞թե կենտրոնին հաջողվել էր անգամ այնպե՞ս ուղարկել քննիչ, որ շորս-հինգ օր առաջ չէր իմացվել:

Այն էլ ինքը, «խմբապետ» Արամն անգամ չէր իմացել. ինքը, որ այնքան բարեկամներ ու կապեր ունեւր, որի համար ոչինչ ծածուկ չէր մնում կազմակերպության արածներից:

Այդ րոպեին այդպիսի փոթորիկներ էին հուզվում անշուշտ մշեցու գանգի մեջ:

Եվ, երևի, այդ փոթորկալից մտածությունների արդյունքն էր, որ նա մի րոպե էլ կասկածեց, թե չլինի ես ևս քննիչ լինեի, մի երկրորդ քննիչ, որ հատուկ իր համար էի գնում, իր հետ ճանապարհորդում և խորամանկությունով թաքնվում էի ինչոր «բանահավաքի» դիմակի տակ...

Այդ սոսկալի միտքը մի երկրորդ հարված էր, որ ուժգնապես կծկեց նրան:

Սմբեց մեկեն, նայեց իմ ժպտուն դեմքին՝ հարվածի սպասող վախախառն ակնածություններ, հետո, կմկմալով, խոսքն ուղղեց ինձ.

— Ի՞նչ կա որ... ես չեմ վախենում... Ամենքը, ամենքն էլ գիտեն, որ ես մաքուր մարդ եմ... Ա՛յ, Բարեղամն էլ գիտես:

— Ե՞ս,— հախուռն կերպով վրա բերեց իր կողմից ևս սաստիկ վախեցած Բարեղամը,— ես ոչինչ չգիտեմ... Ես ի՞նչ գիտեմ որ... Ես ոչնչի չեմ խառնվել ու չեմ էլ խառնվում... Չգիտեմ, ևս առհասարակ ոչինչ չգիտեմ... Չեոք քաշեք ինձնից...

Եվ երեսը դարձրեց: Եթե հնարք ունենար, պատրաստ էր երդվելու անգամ, որ «խմբապետին» ո՛չ ճանաչել է և ո՛չ էլ ճանաչել է ուզում:

— Ինչի,— խոսեց արդարացողի ժպիտով «խմբապետը»,— կենտրոնը չգիտի՞, որ դրանք սուտ են, որ ես ո՛չ ոչխար եմ փսխացրել և ո՛չ էլ... Դ՛րանք բոլորը իմ թշնամիների, Գալուստի ու Կարապետի տարածած ստերն են, որ ինձ դուրս հանել տան շրջանիցը...

Բայց ոչ ոք չպատասխանեց նրան այլևս: Լուռ մնաց Բարեղամն անգամ: Մտախոհ էր դարձել: Չէր ժպտում: Դեմքը կնճռած՝ անհանգիստ: շարժումներ էր գործում նստած տեղումը:

Ըստ երևույթին, լիազորի գյուղերը գալը նրան էլ էր հանկարծակիի բերել և վրդովել:

Խանաբաղում, փողոցի մեջտեղը, մի խանութի առաջ կառքը նորից կանգ առավ:

Արամը, որ գյուղին մոտենալիս անհամբեր էր դառնում, դեռ կառքը բոլորովին չկանգնած՝ ցած նետվեց և ասաց Բարեղամին.

— Դու չե՞ս գալիս:

— Չէ՞, ես գյուղն եմ գնում, գործ ունեմ:

Ապա դարձավ կառապանին.

— Հը՞, Սահակ, այստեղ խո չե՞ս կանգնելու:

— Հինգ րոպե. էս կապոցը տամ Արտեմին:

Հետո քաշեց, ոտերի տակից մի տոպրակ հանեց և մտավ խանութ: Բարեղամն ու Գևորգն էլ իջան: Մնացի կառքում մենակ ու նայում եմ: «Խմբապետն» էր ինձ հետաքրքրում:

Աչքերովս հետևեցի նրան:

Արագ քայլերով գնաց նա դեպի մի այլ խանութ և այնտեղ, դռան առաջ կանգնած գյուղացիներին ձեռք տալուց հետո, մի երկու խոսք փոխանակեց:

Այնուհետև թողեց նրանց, մեծ քայլերով անցավ փողոցը, մտավ մի նեղ կիրճի մեջ և անհետացավ:

Երևի լիազորի տեղն էր հարցրել և շտապում էր գնալ տեսնելու:

Ուրեմն, ճիշտ էր, լիազորը գյուղումն էր և քննում էր ինչ-որ աղտոտ գործ, որի մեջ խառն էր ոչ միայն «խմբապետ» Արամը, այլև, ըստ երևույթին, Բարեղամը:

Այդպես էի մտածում և մեքենայաբար դիտում էի փողոցի մեջ անցած-դարձածը, երբ հանկարծ նկատեցի, որ դիմացից դեպի խանութներն էին գալիս երեք քաղաքացիներ:

Այո՛, քաղաքացիներ էին, և այն երկուսը օրիորդներ, մեկը պարոն:

Մխավել անկարելի էր: Հագուստն ու շարժվածքները որոշ էին:

Ու ո՛չ միայն պարզ էր այդ, այլև այն որոշվեց, որ կարծես դրանք ծանոթներ լինեին ինձ:

Գեռ հեռու էին: Մտտենում էին, և ես, կառքից դուրս կուացած, աշխատում էի ճանաչել:

Եվ, այո, երեքն էլ ծանոթներ էին: Բայց ի՞նչ գործ ունեին այդտեղ Պատույթի՞ էին ելել արդյոք:

Օրիորդները՝ Սաթենիկն ու Վարդուհին էին, պարոնը՝ մի ուսանող, որ միջոցներ շունենալու համար, այդ տարի չէր կարողացել շարունակելու գնալ և սպասում էր որևիցե տեղից օգնություն, փողի...

Առայժմ նա ասպետություն էր անում մեր քաղաքի շափաղանց ասպետների օրիորդներին: Ընկերակցում էր, վերարկունին էր բռնում, ծիծաղելի բաներ պատմում, որ չձանձրանան... Մի խոսքով, անում էր ախամենը, ինչ կարող է ստեղծագործել զավառական կնախնդիր ասպետը՝ թե՛ հաճույանալու համար և թե՛ ժամանակն անխնայ սպանելու:

Մի խոսքով, Լևոնն էր դա, օրիորդներն էլ՝ Սաթենիկը և Վարդուհին: Երեքն էլ ծանոթ, երևելի, երեքն էլ նոր ոսկի երիտասարդության ծաղիկներից— հնչեղ, համարձակ ծիծաղով, ազատ կյանքով ու ամեն «կապ» արհամարհող սկզբունքներով:

Զգարմացա: Սովորական բան էր գյուղերը պատույթի ելնել այդ խմբի համար: Տարօրինակն այն էր, որ չէին երևում մյուս ընկերները՝ օրիորդ Արուսյակը, պարոններ Սարգիսը, Մկրտիչը, Մուշեղը: Զկար մանավանդ խմբի համն ու հոտը, այն սոսկալի, խոշոր ատամներ, բայց քաղցր ձայն ու քաղցր բնավորություն ունեցող «Ախպեր մարդը»— սրամիտ Սուրենը:

Ինչո՞ւ էին այդպես ջլատված ու բաժանված: Ի՞նչ էին անում այդտեղ մենակ:

Մտտենում էին խոսակցելով: Սաթենիկը քրքշում էր: Լևոնը, որ նեղ շավղի պատճառով հետևից էր քայլում, օրիորդների վեբարկուններն ուներ աչ կուանը և շարունակում էր, անշուշտ, ծիծաղելի մի բան պատմել նրանց:

Կառքից քիչ հեռու Վարդուհին էր առաջինը, որ կանգ առավ և նայեց իմ կողմը: Նայեց, փոքրիկ ձեռքերն իրար խփեց ու բացականչեց.

— Բայց սա խո պ. Երվանդն է... Սաթո, Լևոն, պ. Երվանդը...

Երեքն էլ վազեցին դեպի ինձ:

— Օ՛յ, օ՛յ, պ. Երվանդն է...

— Հա՛, հա՛, պ. Երվանդը. այս ո՛ւր է գնում փոշուցը ջաղացպան դարձած պարոն Երվանդը:

Պետք եղավ իջնել: Թոթվեցի ինձ, երկու ձեռքերովս եռանդափն թափ տվեցի կիտված փոշին շորերիցս ու մազերիցս և սեղմեցի շարձըճիների ձեռքերը:

Ցամաքի այն մասը, որ կորակտուց հրվանդանի ձևով պարզվում էր դեպի լիճը, իր աչ կողմի վրա ուներ կիսակլոր մի խորշ: Զրբրը այդ խորշի մեջ սահում էին հանդարտ և հաղիվ լսելի մրմունջով ողողում էին սուրճների ստորոտները: 10—15 ժառ է ընդամենը. գյուղի ամբողջ բուսականությունը այդ էր: Եվ, անշուշտ, դրա համար է, որ Սահակ հայր-սուրբը միշտ այդտեղ էր իր ճաշն անում: Հետո, ջրից քիչ ավելի հեռու, փոռ էր տալիս կարպետը, ներքնակը և, գլուխը բարձին դրած, պառկում էր քնելու Ամենահանգիստ անկյունն էր հիրավի. ո՛չ կալ անողների աղմուկն էր հասնում այդտեղ, ո՛չ էլ փոթորիկը լճի շառաշյունը: Մեկ-մեկ՝ շներ էր հաչում, երբեմն էլ զիլ աղաղակ, պառկելուն պես էլ՝ գետնի տակից կարծես հնչող հեռավոր և խուլ մոնչյունը ծովի և ահա բոլորը: Քնելը չէր խնդարվում. վարժվել էր:

Այդ շարաթ օրը, սակայն, գյուղացիք մի քիչ ավելի տանջեցին հայր սուրբին: Կալի ժամանակներ էր. վանքի պտղին ժողովելու համար պետք էր եռանդուն գործունեություն: Փոքր-ինչ անհոգություն ու հապաղում և կզգի միաբանությունը կարող էր սովի մատնվել ձմեռը: Սահակ վարկապետը, ասենք սկզբից, վարպետ էր այդ գործի մեջ: Սևանա վանքը նրանից լավը ո՛չ գտնել կարող էր, ո՛չ էլ տեսել էր: Թող վանահայրն ու միաբանները մնային կղզիի վրա, աղոթեին ու քնեին ուզածնին շափ, հոգ չէր: Նա հենց որ Ցամաքաբերդ կամ Գոմաձոր էր ելնում, նավակ նավակի ետևից, պաշարով լի՝ հասնում էին կղզիի ափը, և բռնավորվածների խոսքը մտնում էր Դրսի տունը: Վարդապետը իր գործը լավ գիտեր, զուգացրինքին էլ լավ էր ճանաչում. ու մասնագետի հաճույքով էր, որ սկսում էր վիճել, համոզել, գոռոռալ և սպառնալ: Երկնքի ամբողջ օրհնությունները տրամադիր ուներ առատ տվողների համար, դժոխքի անեծքների կարկուտը՝ ժլատների:— Այսպես էր, որ այդօր էլ կալից կալ, տնից տուն էր պտտվել, ժողովել էր, բռնել, ուղարկել, նավակներ լցրել և վերջապես հոգնած՝ պետք էր զգացել հանգստանալու: Ծաշը, կղզիից դուրս ելնելու օրիցը սկսած՝ վատ չէր. վառեկ, ձվածեղ, Աշտարակի ընտիր գինի: Կերած-խմած՝ նա հաճույքով մեկնել էր ստները, երեսը դեպի լեռները գարձրել և պատրաստվում էր քնելու: Վազը կիրակի էր. ո՛չ կալ ուրեմն և ո՛չ պտղի: Փառք աստծո, ազատ էր այժմ եկեղեցի գնալուց,

աղոթքներից, մանավանդ գիշերային այն անտանելի ժամերգութիւններին, որոնք այնքան անգթորեն թրատում են մարդու քունը, ո՛չ ուժ խնայելով, ո՛չ էլ՝ հանգստութիւն: Ազատ էր ոչ միայն դրանցից, այլև երեք ամիս, գուցե ձմեռն էլ այդ տարի, շնորհիվ նոր վանահոր թուլութեանը՝ կարող էր մնալ դուրս՝ չստիպվել օրը միայն մեկ անգամ ճաշելու, այն էլ լոբի, սիսեռ ու ոսպ: Դե՛հ, այդպես ուտելուց հետո գնա և օրը 5—6 ժամ աղոթիր, 20 անգամ հորանջիր, 2 անգամ խոստովանիր շեղած մեղքերդ ու ձանձրացիր մահու չափ: Վարժվել էին մարդիկ, շաղոթեին, ի՞նչ անեին, էլ ուրիշ ի՞նչ կար անելու: Վանահայրը հաճախ բացակայում էր և՛ հսկումներից, և՛ գիշերային ժամերգութիւններից: Աշտարակի գինին էր մեղավորը:

Ինչ որ էլ լիներ, նույնիսկ հոգու փրկութեան համար— մեղա աստծո— սակայն Սահակ հայր-սուրբը սրտի խորքիցը անկեղծորեն կուզենար դուրսը մնալ, մանավանդ երբ գարունը սկսում էր այդպես անուշ ժպտել լեռներին և ձորերին, երբ նրա տեսքն ու բուրումը գինովցնում էր մարդու, մոռացնել էր տալիս հոգի և թեկեր տալով՝ պտտացնում էր հեռու Եվորքան ձանձրալի էին թվում այդ բոլորի առաջ՝ այն լերկ ժայռերը կղզի, այն հնացած եկեղեցիներն ու մութ խուցերը, որքան անտանելի մռայլ դեմքերը, անշարժութիւնն ու մեռելութիւնը. մինչ այդտեղ, գյուղի մեջ, գարնան հետ բացվում էր ամեն ինչ, ամեն օր նոր շարժում, վեճ, կռիվ, կյանք... Գնա մտիր տները, խառնվիր մարդկանց, խոսի՛ր, խնդա, նայիր այն ծիծղուն կանանց զվարթ դեմքերին՝ առանց քաշվելու, խոսակցիր, ծպտա, մի վախենար. ինչ կա, մարդ չե՞ս դու էլ: Ի՞նչ անենք, որ վարդապետ ես. միշտ աղոթել կարելի՞ է. ի՞նչ օգուտ ախր, եթե բերանովդ աղոթում ես, իսկ միտքդ ուսնում է կղզիից ու տաճարից, ծովից ու ճրգնարանից հեռու, սրանում է... հենց, օրինակ, դեպի այն լեռան կողմերը, որոնք այդքան շքեղորեն զարդարվել են կարմիր խիլայով և ոտներն են լվանում ծովի մեջ: Ի՞նչ ծաղիկներ են, հիրավի. պուտ չե՞ր, այո, պուտ էր, խոշոր ու թխիկ՝ սիրուն կանանց գիրուկ այտերի նման: Ավելի հեռուն այն դաշտերը դեղնորակ, մեջտեղը լայն ճամփան՝ ճերմակ շեշտով, որ օձապտույտ սրանում է կանաչ տարածութիւնների կուրծքի վրայից: Ավելի վար, դեպի Մասիսը՝ սեկն են տալիս գյուղախմբերը, ծպտում են շքեղ հովիտները, որոնց դալարիների ծայրին պարում է սյուզը ծփումներով. ծաղիկներն էլ միահամուռ չափով ծափահարում են վայելչութեամբ: Ո՛չ, թող թույլ տրվեր իրեն վայելելու այդ ամենը, իր սիրած ծովախորշի մոտ գալ, պառկել ուռենիների զով ստվերի տակ, և հայացքը սեռած արոտներին, ծաղիկներին, կյանքին, լեռներին՝ ննչլ անուշ վայելքով:

Երևի, սակայն, վիճակված չէր այդ վայելքը Սեանա անապատի կենսալից վարդապետին: Հազիվ փոքր-ինչ գոցել էր աչքերը, որ ստիպված եղավ վեր թռնել ու նստել: Ծիշտ ուռենիի տակ էին ժողովվել 5—6 գյուղացիներ և նրանցից մեկն էլ ձեռքի մտրակի կոթովը բռնում էր վարդապետի կողմն ու գոչում. «Հայր-սուրբ, վեր կաց»: Վեր կացավ, հիրավի, և սրորեց աչքերը. ի՞նչ էին ուզում, նավակնե՞րն էին արդյոք ընկղմել, թե՞ կղզիի մեջ մի աղետ էր պատահել: Անձանոթը գլխարկը հանեց, կոացավ, հայր-սուրբի ձեռքը համբուրեց և ասաց. «Մառա եմ... Ախտայից եմ գալիս ձիով. տեր-հայրը ուղարկեց... Վեհափառը այս երեկո Ախտա կհասնի, վաղն էլ այստեղ»:

Սահակ Վ. գունատվեց և մի վայրկյան կարծեց, թե գետինը շարժվում էր: «Ի՞նչ ես ասում, այ տղա, ի՞նչ վեհափառ»: «Վեհափառը քանի՞ հատ է որ,— ժպտեց գյուղացին.— մեր հոգևոր տերը 2 օր է՝ էջմիածնից դուրս է եկել. Սեան ուխտի է գալիս»:

Գյուղի մեջ արդեն տարածվել էր կաթողիկոսի գալը, և հետզհետե վարդապետի մոտ էին հասնում քահանան, հետո գյուղի իշխանները: Գար ի՞նչ տեսներ ծերունին. կղզիին ավերակներն ու «խուց» կոչվող որլե՛րը, թե՞ անմաքուր մնացած և ժանգի մեջ կանաչած ջահերն ու աշտանակները, մոմերից այրված և ծուխից փշացած պատկերները, կեղտի մեջ սևացած գրքերը: Ինչ որ լիներ, անհրաժեշտ էր իսկույն գործի ձեռնարկել: Ամենից առաջ, պետք էր լուր հասցնել կղզին. հետո Դրսի տունը, գյուղի եկեղեցին պատրաստել, հյուրասիրութեան համար պետք եղածները գտնել, 1—2 ձիավոր ժողովել և վեհափառի դեմը գնալ: Այդ բոլորը մտովին ծրագրելը մի վայրկյանի գործ եղավ վարդապետի համար: Հետևյալ վայրկյանին նա շուրջը նայելով՝ ստուգեց, թե այնտե՞ղ էին ծառերը: Մի կողմից պատվերներ տալով, մյուս կողմից էլ շնորհակալով ոչ մի մանրամասնութիւն, սիրտը ճնշված մտածում էր, թե արդյոք ի՞նչ պիտի անեին կղզիում. պիտի կարողանային այն ապուշները մաքրել տալ ամեն ինչ, գոնե թաքցնել աղտոտութիւնները, ջնջել ավերածութիւնների հետքերը, մի կերպով աննշմարելի դարձնել անհոգութեան և անխնամութեան հետևանքները: Երևի, վանահայրն էլ պիտի որևէ լուր, հրաման, կարգադրութիւն ուղարկեր իրեն: Եվ հրամանը եկավ. «Թող Սահակ հայր-սուրբը ժողովի մարդիկ, առնի իր հետ քահանան և Ախտա երթա՝ դիմավորելու վեհափառին: Կղզիում ամեն ինչ պատրաստ կլինի, միայն թե թող գյուղից մի ձեռք մաքուր և լավ անկողին ուղարկեն կղզի, հետո մի ոչխար՝

հետևյալ օրվա ճաշի համար. թող հայր սուրբը մտածի և վաղը հասցնի իշխան ձուկ էլ...»:

Վարդապետը մտածեց մի վայրկյան, հետո կտրուկ շարժումով կանչեց գյուղապետին, և 10 վայրկյան չէր անցել, որ 10 կտրիճներ լցվեցին նավակների մեջ և եռանդուն աղաղակներով օահեցին դեպի կղզին՝ աշխատությանց օգնելու համար: Բերկրությամբ դիտեց նրանց մեկնիքը, մի քանի ռուպե նայեց նավակների ետևից և գլուխը տխրությամբ շարժելով՝ մտավ եկեղեցին, որ մի վերջին ակնարկով զննե արդեն մաքրած ու պատրաստած սեղանը և սպասները: Այսպես էր, որ այդ 1770 թվականներին, Սևանում պատրաստություն սկսեցին տեսնել ընդունելու համար Սիմեոն կաթողիկոսին:

Վանահայր Հովհաննես վարդապետն էլ իր կարգին շարունակում էր հրամանները իր շուրջիններին. «էլ աղոթք բան չեմ իմանում. թող մինչև Վեհափառի գալը ամեն աղոթք դադարի: Դուրս տվեք ինչ որ կա: Խուցերից դուրս բխիր ամենքին. լվացեք, սրբեցեք. կեղտ չմնա ոչ մի խաշի, ոչ մի գրքակալի ու սփռոցի վրա: Իմ ունեցած-չունեցածը Սահակ վարդապետի խուցը տարեք հենց այժմյանից. իմ խուցը՝ Վեհափառին: Բաղ և ճաշարան, արտաքնոց ու շտեմարան ո՛չ մի կեղտ, ո՛չ մի անկարգություն, հասկացա՛ք: Վեհափառը ամեն տեղ մտնելու է, ես գիտեմ նրան: Կղզիի վրա ամեն կողմ միայն ավերակ էր տեսնվում, աղբակույտեր, տակնուվրայություն և անփութություն. և այն տարիներից ի վեր. ինչո՞ւ մաքրել և ո՞վ մաքրեր. նոր վանահայրերը սկզբում մի քիչ խիստ էին լինում, հետո իրենք էլ ենթարկվում էին ընդհանուր դանդաղկոտություն: Այժմ բացվել էին դռներ ու ճոնչում, խուցերից մուկ նրբանցքի մեջ սկսել էին երևալ գունատ ու մազոտ դեմքեր, որոնք վախեցած ոչխարների պես երբեմն կիսվում էին մի տեղ, ակնապիշ մնում, հետո իսկույն ցրիվ էին գալիս: Վանահայրը մի խոշոր գավաթ գինի էր պարպել և դուրս սլացել: այլևս նրա ձայնն էր, որ մինչև արևի մտնելը լսվում էր զանազան կողմերից. մեկ՝ նրբանցքի խորքին, մեկ՝ տաճարի կամարների տակ, հաճախ հայրենական հայհոյանքներով համեմատ անունների հեղեղ ժայթքելով: Մուկ էր, երբ հասան գյուղի երիտասարդները: Հայր-սուրբը ավելի աշխուժացավ, իրենց խուցերը բռնեց միաբաններին և գործը հանձնեց գյուղացոց: Ու փոշի, աղմուկ, ծիծաղ, վազք, իրարանցում, կարպետ թափ տալու ճայթյուն: Մուկի փոթորիկն էլ մեկ կողմից շառաչում էր և կատաղի ալիքները պայթեցնում ժայռերի կողերին: Մուկը ծանրորեն ինտում էր կղզիի վրա, ջրերը լերդ-կանաչ գույն էին ստանում և թաղվում խավարի մեջ: Յուրտ քամի էր բարձրացել Մաշտոց լեռներից:

Գիշերը բավական հառաչացել էր, երբ վանահայրը մի վերջին

պատյալ արավ՝ տեսնելու, թե ի՞նչ էր կատարված: Որոնում էր մտովին, թե արդյոք ոչինչ չէ՞ր մոռացված. ուռնիների տակի աղբակույտերը թափել էին ծով. իսկ վե՞րը, ս. Առաքելոցի տաճա՞րը, նրա շո՞ւրջը, ապա ճգնավոր Ղուկասի ո՞րջը: Չէ՛, վաղը առավոտ շուտով մեկ ելնել պետք էր վերը, ճգնավորին իմացնել կաթողիկոսի գալը և պատվիրել, որ նա էլ մաքրեր իր խուցը:

Տասնյակ տարիներից ի վեր, բլուրի գագաթին, Առաքելոց ավերակ եկեղեցիին կից՝ քայքայված խուցերից մեկի մեջ— ուղղակի գետնափոք մի որը— ապրում էր դեռ Սևանի հնամյա մի միաբան: Վարդապետ չէր, պարզ ճգնող, որ ոչ մի կերպ չէր համաձայնում վար իջնել: Պարթևահասակ, նիհար մի ծերունի էր՝ երկար, ալիխառն մորուքով, գլխի մազերը խոփվ դիզացած, հագուստը հրոսկավորական պարզ պարեգոտ, որ արգեն բոլորովին գույնը ձեռնը էր, ոտքերն էլ բորբիկ: Ղուկաս ճգնավորն էր այն. միշտ նույնն էր և իր որջին մեջ: Ի՞նչ էր անում, երբ մինակ էր. ոչ ոք չգիտեր: Հաճախ որջում չէր լինում, այլ կղզիի ծայրերի մեջ: Բայց բոլոր ժամերգություններին գալիս էր, ցերեկ կամ գիշեր, գիտեք ժամանակները, և տաճարի դուռը բացվելուն պես ներս էր մտնում, կանգնում էր մի սյունի տակ, չոքած աղոթում էր, ապա լուռ համբուրում էր սեղանը, խորունկ խանարհություններ անում նախ վանահոր, հետո յուրաքանչյուր միաբանի և զնում: Ծաղը նրան տանում էին վեր. այդ՝ նրա միակ առանձնաշնորհությունն էր, որ երբեք չէր խախտվում: Չէր խոսում և կամ շատ քիչ էր խոսում, կցկտուր բառերով, երբեմն անկապ:

Ահա այդ մարդուն էր, որ հիշեց վանահայրը: Հիշելով ճգնավորին, պատկերացրեց նրա որջի ներսը: Մաքո՞ւր էր արդյոք: Տախտակյա մի թախտ, վրան հնամաշ կարպետ. կողքին՝ սեղանի նման ցածկեկ մի բան, վրան միշտ բաց մնացած մի գիրք, կարծես թե աստվածաշունչ պիտի լիներ. հետո հողե ջրածիկ, հողե գավաթ, ուրիշ ոչինչ: Մաքուր էր: Գիրքն էր մի քիչ աղտոտ, դեղնած ու սևացած: Մտածելով այսպես, վանահոր ալքե ընկավ խուցի պատուհանին, որի մեջ երևում էին սև կազմով խոշոր 2-3 գրքեր. նույնպես աղտոտ էին և սև: Ետտ էր տեսել այդպես գրքեր, ճգնավորի մոտին էլ այդպես էր: Մի՞թե Սահակ հայր-սուրբը կարգում էր: Ո՛չ: Ո՞վ գիտե երբվանից մնացել էր ու մնում էր այդտեղ. չէ՞ որ վանքի մեջ գրքեր կային:

Հանկարծ մի կայծակ կարծես փայլատակեց մտքի մեջ և ցնցեց վարդապետին. Գրքե՞ր, վանքի գրքե՞ր... Իրավ, ո՞ւր էին: Հիշեց... Ինչպիսիք՝

միամիտ մոռացություն... Քիչ էր մնում, որ վաղը կարգալույծ լինելու
ուպանալիքի տակ գտնվեր. ճանաչում էր Սիմեոն կաթողիկոսին, գիտեր,
թե ինչեր ընդունակ էր անել՝ ինչ-որ հին, անպետք գրքերի համար: Օրհ-
նը վիս դու, Սահակ վարդապետ, որ խորշի մեջ պահել էս այդ գրքերը:

Չէր անցել տասը վայրկյան, որ տաճարի դռան առաջ ժողովվեցին
լուսարարը, գիշերապահը, հորեն արեղան և վանահայրը: Մառան դո-
գոջուն՝ ձեռքի ջահովը լուսավորում էր փոքրիկ մի տարածություն: Մանր
գուռը ճռնչաց լուսթյան մեջ, և լուսարարի ետևից ներս մտան: «Փա-
կեք դռները և աղմուկ մի հանեք»,— հրամայեց վանահայրը և ուղղվեց
գեպի խորանը: Քիչ հետո ամենքը կանգ էին առել փոշոտ և այլանդակ
խառնուրդով դիզացած մի կույտի առաջ:

Վանքի հին ձեռագիրներն էին, ո՛վ գիտե, ո՛ր տարվանից լցրած
այդ անկյունը՝ կազմած, առանց կազմի, կտրտված ու բրբրված, մոմոտ
և յուղոտ, աղտոտ՝ սևացած կողերով, դեղնած էջերը բաց, պոկոտած,
ծալծլած ու ճմրտկած: Կոտորածի դաշտ լինել կարծես: Գրքե՛ր... ո՛վ
էր բանի տեղ դնողը Սևանի մեջ, ո՛վ էր հետաքրքրվողը: Ուտելու բա՛ն
էր, արծա՛թ էր, թե՛ ոսկի. ոչ մեկը: Հին գրքեր էին, անպետք ու անօգուտ
քնկած, կարդացո՞ղը ով էր: Ժամերգության համար կային նոր գրքեր.
էլ այդ աղտոտ բաներին ի՞նչ պետք կար: Միաբաններից էլ եթե կար-
դացող գտնվեր, ունենում էր իր աստվածաշունչը, ավետարանը կամ
Նարեկը... Ու լցրել էին, վաղուց լցրել էին այդ ամենը խորանի մի ան-
կյունը, հին աշտանակների, պատուոված շապիկների, նույնիսկ պատից
թափված ծեփի կտորների հետ խառնիխուռն: Խորանի աղբանոցն էր.
այնտեղ էին կիտվում մոմի կտորները: Մուլ լուսարարն էր՝ խորանը
ավելելով՝ հողն ու փոշին հաճախ այդ մութ կողմն էր ժողովում: Պատա-
հում էր, որ երիտասարդ և նորեկ միաբաններից մեկը հետաքրքրվում էր,
թե ինչ կար դիզացած հոն. զգուշությամբ առնում էր առաջին գիրքը, բաց
էր անում և ճգնում էր կարդալ: Հայերեն տառերի էին նման, բայց շատ
այլանդակ, խոշոր, բառերը իրար կպած և գիրերն էլ քառակուսի, կար-
ծես իրար մոտ շարված աղյուսներ լինեին... չէին կարդացվում... Եվ
նետում էր վար, ոտքով մութ կողմը մղում և անցնում: Իբր թե կաշիի
վրա գրած գրքեր լինեին. ավանդություն, անշուշտ առասպել. այդպես էին
համոզված: Փորձել էին մինչև անգամ, պատռել էին կտորներ ու տրորել:
գրքի ծայրերը վառել էին՝ որ հասկանան, ապա նետել բոլորը խառնուր-
դի մեջ և անցել...

Ահա այդ կույտի առաջ էր, որ կանգ էր առել վանահայրը և մտա-
հոգության մեջ էր, թե ի՞նչ պետք էր անել: Էջմիածնումն էլ կարգաբան-
ցից. կաթողիկոսը ձերուսական տղայամտությամբ, անշուշտ, ժողովել

էր տվել և իր սենյակումն էր պահում: Եթե ավետարաններ էին, ի՞նչ
պետք կար հնացածների, քանի որ նորերը տպվել էին: Հիշում էր, թե մի
անգամ նա պատժել էր Կարապետ վարդապետին, որովհետև սա Մոդ-
նիում ինչ գիրք որ գտել էր՝ միջի գունավոր պատկերները պատռել էր և
իր խուցի պատերը զարդարել, իսկ մյուս թերթերը օջախ ձգել ու վառել:
«Գիտես դու, անիծյալ,— կանչել էր Հայրապետը,— գիտե՞ս, որ այդ
գրքերի ամեն տողը քեզի պես 10 վարդապետի հետ չէին փոխիլ. ինչ-
պե՞ս ձեռքերդ չգոսացան՝ այդ սրբապղծությունը անելու ժամանակ:
Անիծյալ լինիս դու...»: Եվ թշվառը սոսկալով հոգևոր պետի անեծքից՝
լոթել ու թողություն էր խնդրում: «Կորսվի՛ր,— ձայնել էր նրան,— գնա
վերարկուդ հանիր և տնտեստուն իջիր կովերի մոտ. դուն վարդապետ
չես, այլ նախարպան, շոբան...»: Ահա ուրեմն այդ նույն անձն էր՝ գրա-
մուլ, հին գրքերը երեխայի պես սիրող ծերունին, որ պիտի գար, տաճար
մտներ, խորան անցներ, դեզը նկատեր...

— «Գրքեր կա՞ վանքում,— պիտի հարցներ, անշուշտ».— «Չեմ
տեսել, վեհափառ»: «Բայց պետք է լինի, շատ պետք է լինի. կարելի՛ բան
է, որ այսբան տարվա վանք...»: «Չի մնացել, Հոգևոր տեր. ինձնից առաջ
եղած վանահայրերը... միաբանների տգիտությունը...»: Այսպես կասեր,
բայց այդպես ասելու համար՝ դեզը գոյություն չպետք է ունենար: Այդ
միջոցին էր, որ Խորեն արեղան կուսցավ գեպի նա և մըմնչաց. «Մովը նե-
տներ, հայր-սուրբ, լավը այդ է...»: Վանահայրը դարձավ և նրան նայեց:
Երիտասարդ, կոշտ կրոնավորը հասկացել էր իր մտահոգության պատ-
ճառը և ահա դարմանն էր առաջադրում: Այլևս մտածելու ժամանակ
չկար: Դարձավ դեպի գիշերապահը և հրամայեց երթալ և երկու մեծ
տոպրակ բերել...

Կեսգիշերը մոտ էր, երբ տաճարից ելնելով, դեպի կղզու արևելյան
սուր ծայրն ուղղվեցավ մի տարօրինակ գիշերային թափոր: Առջևից ծան-
րաբայլ գնում էր Խորենը, երբուն ջահը ձեռքին: Լույսի նեղ շրջանի մի-
ջից՝ քայլում էին սև տոպրակների տակ կքված գիշերապահն ու Միսաքը,
իսկ նրանց ետևից՝ թափորը փակում է վանահայրը, որի կնճոտ դեմքին
կիսաստվերը միայն երևում էր աղոտ շամանդաղի տակ: Համարաբայլ և
լու՛ թափորը անցավ ծովափն ի վեր և մտավ ծառաստանի մեջ: Կատաղի
էր զեռ ծովը. ալիքները մեծ շառաշով երբեմն լիզելու էին գալիս մինչև
ծառերի արմատները: Գիշերը խավար էր, ջրերը սև ու ծփուն, և ֆոսֆո-
րային կապտավուն բաշերը խորության մեջ իրար էին մղում հապճեպով:

Մառաստանից դուրս ելնելով՝ թափորը սկսեց մազլցել մի նեղ շավիղ
և բավական բարձրացավ: Վերը, մի խոշոր ապառած կիսովին դեպի ծովն
էր կացել. արեղան կանգ առավ: «Թափե՛ք...»,— հրամայեց վանահայրը:

Ստաւաները տոպրակները պառակեցրին ապառաժի ծայրին, տակից բռնեցին ու մեջի եղածը շուռ տվին դեպի ծովը: Աղոտ լույսի մեջ երևացին սեխառան թրթռուն կտորներ, որոնք պահ մի երերացին օդի մեջ, հետզտընվեցին ժայռերի և թավալղոր գնալով՝ ճղփացրին ջուրը: Լսվում էր մետաղի ձայն էլ, երևի կոտորված պղնձյա աշտանակներ էին: Եվ այլերների շառաչուեն ու քամիի սուլոցը խլացրին ամեն ինչ... Ու թափոր սկսեց համրաքալլ դառնալ հուղարկավորութունից լուռ վերադարձող գերեզմանափորների նման:

Երբ ջահի լույսը անհետացել էր ծառաստանի մեջ, ժայռերի վերեկից լսվեց հանկարծ մի թեթև խշրտոց. խիճեր ու քարեր գլորվեցին դեպի շտվիղը. հետո երևաց մի սև ստվեր, որ արագությամբ մտ գնաց ապառաժին, պառկեց նրա վրա ու մինչև կես մեջքը կոպացավ դեպի ջրերը: Մի քանի լուռ բոպեններից հետո ելավ և շուրջը նայեց: Երկար, լայն մորուքի ու խոփ մազերը ծփացին. պարեգոտի քղանցները ճայթիցին ու մտրակեցին օդը: Ծգնավորն էր:

4

Ընդունելութունը բավական հաջող եղավ: Ցամաքաբերդից գնացող ձիավորները մեծ շուքով գլուղ մտցրին կաթողիկոսին: Թեթև նախաճաշ սպասում էր ուսիների տակ: Մերունին կերավ խորժակով և նավ նրտեց: Կեսօրվա մոտ էր. ծովը հանդարտ էր ու գեղածիծաղ. անապակ ջրերի խորքում քարերն անգամ տեսնվում էին ու համրվում: Եվ ինչպիսի անգորր խաղաղություն՝ շքեղ լեռների մեջ պսպղացող, ծաղկավետ բուրբերի լանջքին պառկած այդ կապույտ տարածության վրա: Կղզիի և գլուղի գունդակները մերթ մեղմ ու մերթ սուր խաղեր էին նետում աջ ու ձախ և հովիտների մեջ սփռում հայոց կաթողիկոսի այցելության ավետիսը: Երկու միաբան-նավավարները թիավարում էին մեծ աշխույժով: Նույի շուքով ընդունեցին Հայրապետին՝ կղզիին վրա: Երեք նավակներն էլ գատարկվեցին: Ընկերացել էին ախտեցիք և ցամաքաբերդից: Ափ հանեցին 3 ուխար և առատ պաշար:

Մեծ հետաքրքրությամբ էր, որ կաթողիկոսը, տաճարից ելնելուց հետո, երբ նստել էր խուցում, թողեց իր աչքը, որ համբուրելու գար յուրաքանչյուր միաբան: Քանի զննում էր այդ դեմքերը, կնճռոտվում էր ճակատը: Նույն դեմքերն էին, ինչ որ տեսնում էր ամեն տեղ, սկսած էջմիածնից մինչև հետին վանքը. կոշտ, տգիտությամբ փայլող ողորմելիներ վերարկուի մեջ: Ոչ մի նշույլ աստվածային այն կայծի, որ խելամուծութունն ու հոգու բարձրութունն է վառում որոշ հայացքների մեջ: Խամբած,

ապակյա աչքեր՝ ուխարային վախով լի: Այստեղ էլ ուրեմն ուտում էին միայն, խմում և քնում, թուփակների պես էլ կրկնում աղոթքներ, որոնց միտքը գուցե և էին ըմբռնում: Ոչ իսկ ծովի շշուկի, ջրի ալիքների, հովի շշուկների և ծառերի սոսաժյունի շափ կարողանում էին պատմել այն աստծու փառքը, որի անունով լցվել էին վանքերի մեջ: Ուտում էին աշխարհը, բթացնում էին զգացմունքներ, շահագործում էին և՛ հավատք, և՛ միթիթարություն: Դառնանում էր ծերունին. էջմիածնից մինչև այդտեղ ոչ մի լավ դեմք չէր նշմարել, այն դեմքերից, որոնք հույս են ծագեցնում սրտերի մեջ և մտածել տալիս նոր-նոր արշալույսի մասին:

Երեկոյան դեմ բարձրացավ դեպի բլուրը և այցելեց Առաքելոցի ավերակ տաճարին: Ընկերանում էին վանահայրը և մի քանի ախտեցիներ: Գուցա ճգնավորի որջի մոտ կանգ իսկ շառավ: Ծգնավոր... Այդ էր պակաս: Մի խոտակեր պաուշ, անշուշտ, որ սպասում էր մահվան, աշխարհը իրանից ազատելու համար: Բարեպաշտ... և ով բարեպաշտ չէր վանքերի մեջ: Ահա օրինակ Մակար վարդապետը էջմիածնում. հացով ու ջրով բավականանում էր և օրնիբուն աղոթում. սահմանել է, որ օրական հազար ծունր պիտի կրկնել. ուրեմն ամբողջ օրը աղոթք և ծնրագրություն: Աստծո ամբողջ արթայությունը նրան, նույնպես և այս ճգնավորին: Իսկ ազգի՞ն ինչ, եթե անոնք երթային բազմելու արթայության մեջ, շահած լինելով այդ երջանկությունը գյուղացիների քրտինքով, նրանց հացովն ու նվերներովը:

Տաճարի մեջ կանգ առավ սյուների տակ և երկար մնաց ավերակների առաջ. խարխուլ, ամալի, քարուքանդ՝ աղվեսների բույն, թռչունների ապաստան, մողեսների և օձերի ասպարեզ: Քամին սուլում էր կիսաքանդ կամարներից ներս, պտույտ էր գործում մինչև խավար խորշերը և դուրս նետվում բաց դռներից: Մնացել էր հրաշալի քանդակներով դուռը: Երկար նստեց նրա առաջ և ջանաց կարդալ արձանագրությունները: Հանկարծ դարձավ դեպի վանահայրը. «Ո՛րտեղ են պահված կղզիի ձեռագիրները», — հարցրեց խստությամբ: «Ձեռագիր չի մնացել, վեհափառ»: «Ձի մնացել. իսկ ի՞նչ են եղել. չէ՞ որ կային. այդ ես լավ գիտեմ»: «Ձրկան, վեհափառ, շատ եմ փնտրել. ինձնից առաջ եղած վանահայրերը... միաբանների տգիտությունը...»:

Կաթողիկոսը ավելի կնճռեց դեմքը և դարձավ Ցամաքաբերդից եկած մի ծերունիի, որ քիչ հեռու կանգնել՝ լսում էր նրանց: «Ասա, ծերուկ, — հարցրեց նա, — վանքի մեջ ձեռագիրներ չե՞ն եղել»: «Եղել են, շա՛տ...»: «Լավ քննել եմ, վեհափառ»: Կաթողիկոսը դեմքը շուռ տվավ, պահ մի նայեց հորիզոնին և դարձավ վար իջնելու: Ժամերգությունից հետո հրամայեց մի կարպետ տանիլ ուսիների տակ, պատվիրեց, որ ամեն ոք իջ

գործին երթար և երկար մնաց: Ընթրիքը բերին. հագիվ քանի մը կտոր խորոված կերավ, օրհնեց և ոտքի ելավ: Հետո, երբ մենակ էր մնացել, առավ գավազանը և քայլեց դեպի կղզու այն ծայրը, ուր ալիքները պայթում էին ծայրերի դեմ և փրփուրով ծածկում ափը:

Բայց այդ ի՞նչ էր. ո՞վ էր այն այլանդակ արարածը, որ ապառաժի տակ կծկվել էր, ի՞նչ ուներ ծնկներին և ափերին մեջ, որ զննում էր ակնապիշ: Միաբաններից էր արդյոք: Կանգ առավ ու դիտեց. աչքերն էլ լավ չէին տեսնում. մանավանդ որ մթնշաղը վրա էր իջնում:— Ո՞վ է այնտեղ»,— ձայնեց վերջապես, Մարդը գլուխը բարձրացրեց, նայեց Հայրապետին և, ոտքի ելնելով, ասաց. «Ձեռքդ ինձ տուր, Միմեոն վարդապետ, եթե ուզում ես այստեղ գալ...»

Միմեոն վարդապետ... այդ ինչ խորունկ և հեռավոր ձայն էր, որ հնչեց ականջին: Կենդանի արարած էր, թե անդրաշխարհային մի ստվեր, մի հին հիշողության մարմնացումը գուցե: Մեքենաբար պարզեց ձեռքը, ուսանեց փոքրիկ տարածությունը և նստեց նրա կողքին: «Մոռացել եմ ինձ, վարդապետ,— ասաց մարդը.— ես Ղուկասն եմ, ճգնավոր Սևանի, զանգակահարը էջմիածնի»: «Կաց, մի՞թե դու դեռ կենդանի ես, ո՞ր էիր, որ զքեզ շտեսաս»: «Վերը»: «Ահ, այն քո ո՞րչն է. ինչո՞ւ վարը չես բնակվում»: «Պետք չէ՛... գազան են... պետք չէ՛. այնտեղ լավ է, մենակ»: «Իսկ այդ ի՞նչ է ձեռքիդ մեջ»: «Գրքի կտոր... շատ գտա... նստել եմ և որսում... ջուրն եմ մտնում և հանում քարերի արանքից... ուզո՞ւմ ես՝ այս կտորն էլ քեզ տամ»: «Ինչպե՞ս թե որսում ես,— սոսկաց ծերունին.— ջրի՞ց ես որսում. բայց ի՞նչ գործ ունին ջրի մեջ որ»: Ծգնավորը ծովը ցույց տվավ: «Մո՞վը, ինչո՞ւ ծովը, ո՞վ ձգեց»:— Ու սարսափահար, դողողուն՝ ոտքի ելավ: «Նրա՞նք ձգեցին... տվին, որ ծովը պահի... շատ էր... երկու մեծ տոպրակ... լողացին, գնացին հեռու... պիտի որսամ ամեն օր... կարգամ, լավ բան է...»:

Կաթողիկոսը խորապես վրդովված՝ սկսում էր հասկանալ այլևս. և քանի հասկանում էր, այնքան մեծանում էր կատաղի մի զայրույթ սրտի մեջ: Ու մեքենաբար թրջված, կակղած մագաղաթի թերթերը մոտեցրեց աչքերին ու կարդաց.

«Ողորմի՛մ քեզ, եկեղեցի Հայաստանեայց, խրթնացեալի բարեզարթութենե բեմբին, ի քաջէն զրկեալ հովուէ...»:

— «Խորենացի... մոնչաց նա,— ահ, Խորենացին, մագաղաթ... անիծյալներ, անիծյալներ...»: Ապա բռնեց ճգնավորի ուսից, ցնցեց ուժգնությամբ և բացականչեց. «Ո՞վ էր այս անողը, ասա, ո՞ր ապի-րատը...»:— «Ամե՛նքը, ամե՛նքը...— խոսեց ճգնավորը.— Դու մի՛ բարկանալ. ամե՛նքը... բավական որսացի ես, վերն է, տար էջմիածին...»

դրանց էլ տար, բշիբ այստեղից... գազաններ են... Ես կզարնեմ կոշնակը, ժամը կասեմ մենակ... մենակ լավ է...»:— Ու լռեց:

Ահ, ավազակները, ավերող անպիտանները, որոնք ստեղծել չգիտնալուց գատ՝ գիտե՛ն ոչնչացնել ամեն ստեղծագործություն, որոնք ոչ իսկ պահապան շների ազնիվ հատկությունը ունենին, պահպանել ավանդ ստացած առարկաները: Ահա ուրեմն, թե ինչ էին եղել վանքի գրքերը, հնամյա այն ձեռագրիները, որոնք ո՞վ գիտե ինչպիսի թանկագին կտորներ ունեին իրենց մեջ, ինչպիսի՞ հիշատակարաններ. ահա թե ինչպես էին ծիծաղում ազգի անցյալի և ցեղի ստեղծագործության արդյունքների վրա. օտար ավերածությունը ի՞նչ արժեք ուներ՝ դրանց տգիտության հետ համեմատելով: Եվ մագաղաթը իր ձեռքին մեջ ճարտկելով, մյուսովը գավազանը սեղմած շղաձգորեն, ակնարկը մթնացող հորիզոնին, ակամայից հիշեց Խորենացու ողբի կտորները. «Վարդապետք տիմարք... Կրօնաւորք կեղծաւորք... Աշակերտք հեղզ առ ուսումն...»: Ոչ իսկ պահպանել գիտեին հայ միտքը: Ի՞նչ անել, ի՞նչ կարելի էր անել, ո՞ր մեկին անել. ամեն-թր այդպես էին, ամեն տեղ նույն բանն էր: Պատիժը չէր օգնում, ավելի էր խստացնում այդ բիրտ մարդկանց. հորդորը չէր ազդում, չէին ըմբռնում: Օտարը ավերում էր, քանդում. հարազատը լրացնում էր պակասը: «...Ծղէ ես որպէս բու՛հի վերայ աւերակաց»: Ո՞րտեղ էր կարդացել, ի՞նչ կտոր էր այդ:

— «Նստինք»,— մրմնջաց նա: Եվ նստեցին իրար կողքի, ժայռի վրա: «Դու մի՛ բարկանալ,— շնչաց ճգնավորը.— Իզուր ինչո՞ւ ես նեղանում: Կթափեն. չթափեն՝ ի՞նչ անեն: Կիտված էր ավանդատունը, շատ վաղուց կիտված. որ պետք չունին՝ ինչո՞ւ պահեն...»:

Ու լռեց. կաթողիկոսն էլ շխոսեց: Եվ քով քովի՝ մնացին իրենց մտքերի հետ, իջնող մթնության և մշուշի մեջ: Նրանց ստվերները դեռ երկար գծվում էին ծայրերի գլխին: Մովը փոթորկում էր միշտ. ալիքները ուժգին թափով պայթում էին ծայրերի կողին. մութը իջնում էր ու իջնում...

Քերա, 1914, օգոստոս

ԾԳՆԱՎՈՐ ԵՂՈ

Ա

— Չէ՛, այսպես չի լինիլ... Վարենք մենք, հնձե Հասան բեգը. ժողովենք մենք, շարլարվենք մենք, «կոռի-բեգիրի» դիմանանք մենք, Հասան բեգը հանգիստ՝ մեջքը բարձին տա ու մեր քրտինքը ուտե, մեր կանանց քաշե ու ելնե մեր ամեն բանը ծաղրե...»

— Մեզ ասե թե՛ «Քրիստոս էլ ինձ նման ավազակ էր՝ խաչեցին»...
— Գոռա թե՛ «Հայր գլխավոր է, գլխավորն ո՞վ է, որ սիրուն կի ունենա, տավար ու եզ ունենա»...

— Հանգիստ ապրի...
— Գլխավորը ստեղծված է, որ մյուսուվանին ծառայե...

Այս խոսքերը տեղի էին ունենում սրանից մի քանի տարի առաջ՝ Մաշի Չուխուրա կողմի գյուղերից մեկում գտնվող՝ մի մեծ տան սենյակում, ուր հավաքված նստել էին 30—40 ծերեր և լսում էին երիտասարդների այդ կատաղի խոսքերը:

— Ձո՛ւ, — գոռաց մի ուրիշ երիտասարդ, — օրը ցերեկով գա ձեռք-ցրտ կովս խլե ու ինձ էլ ապտա՞կ խփե... ա՛խ, թե որ հայրս չազալը լռելու, տես ես ինչպես նրա մեծ փրզուլը ականջը կթողնեի...

— Ձո՛ւ, ձո՛ւ, ձո՛ւ, — գոչեց ծանրությամբ ծերունիներից մեկը՝ երիտասարդին դառնալով, — լեզուդ քեզ քաշե, դո՞ւ ով, այդպես մեծ խոսքերն ով. դու էլ նահատակ լինելո՞ղ ես մեղսեղ բերում, էլ չես մտածում, որ եթե մի շարժում գործես քեզ պաշտպանելու, առաջ քեզ և ապա ամբողջ ընտանիքդ կտոր-կտոր կանն անօրենք. գիտե՞ս, թե՛ որտեղ ես, ի՞նչ ես կորցրել, ի՞նչ ես որոնում... ո՛ւր է իրավունք, արդարություն. բախրը Հաշի Թայիրի՛ փեշերի տակ են թաքնվել. քանի-քանի հրաշքով մարդու նմանող մյուսթեսերի՞ֆներ² փորձեցին իրավունքը և օրենքը այդ փեշերից ազատել, բայց Հաշի-Թայիրը հեռագիր տվավ յուր գիտցած տեղը, մաշայով Մշո երկրից թողրեց այդ «երեսխաններին» և օրենքը այս անգամ բարձ շինելով՝ գլխի տակը դրավ ու այս ու այն բեգի ձեռքը մի-մի սուր տվավ: Չենդ կտրի ու մեզ, փորձվածներին լսիր. հալա, քանի կարող ենք՝ քար-ճար կանենք, որ մեր կրոնն ու ունեցածը պահենք, երբ չկարողացանք... է՛հ, հալբաթ հային էլ աստված կա...

— Կավ է ասում Ատոմը, — դիտեց մի ուրիշ ծերունի, — երթանք այդ անիծածի մոտ, նորեն աղաչենք, ոտքերն ընկնենք, իր մարգարեն իբեն հիշեցնենք, բալթի մեզ ողորմա:

— Տեր, ողորմյա, — գոչեց մի ուրիշ ծերունի, — դեռ երեկ էր, որ անձվածի ոտքն էլ լիզելու իջանք. էլի՞՞ գնանք:

— Իզուր է, — մեջ մտավ շորորոզ ծերունին, — Հասան բեգը զգվել է մեր աղաչանքներից. նա երեկ ինձ ասում էր. «Գլխավորներ, ձեր աղաչանքները զգվեցրին ինձ, ձեր գյուղն էլ ձանձրացրեց ինձ, բերեք 500 ոսկի տվեք, ես ելնեմ երթամ գյուղիցը»...

¹ Մուշի մեջ մի հայտնի շնյի ավազակագետ, որ շատ ազգեցիկ մարդ է հայտնի Մուսա-բեգի աներն է, մինչև այժմ կենդանի և երկիրը տակնուվրա է ածում:

² Գավառապետ:

— Հա՛, — գոչեցին բոլորը ուրախացած, — փա՛ռք աստուծո, մեռնեմ զորությանդ, աստված:

— Ոտացդ հողն եմ, Մշու Սուլթան ս. Կարապետ:
— Քզի դուրբան, Առաքելոց վանք:

Եվ ընդհանուր գոհաբանական աղոթքները սենյակը լցրին այնպես, որ աստված, եթե խուլ էլ լիներ, կլսեր այդ ջերմ աղոթքը...

Երիտասարդների վայրկենական կատաղությունը իջավ. ամեն մարդ այժմ սկսեց յուր հողի և արտի մասին մտածել:

Իսկ վճարվելիք փո՞ղը:

— Հե՛յ, մարդիկ, — բացականչեց հանկարծ մի ծերունի, — ամենքս էլ ուրախացանք՝ լսելով, որ Հասան բեգը վերջապես հաճում է այլևս մեր կովերը չխլել, մեր ցորենի դեգերը չայրել, մեր գեղեցիկներին շտուկանգել. բայց այդ բոլորը անելու համար ախր նա բարեհաճում է 500 ոսկի վարձ էլ ուզել... Մեր գյուղը սաղ ծախես, դրա կեսը չի արժիլ. մեզինց ո՞ր մեկը ունի մեկ ոսկի պատրաստ փող. 500 ոսկին ո՞րտեղից պիտի գտնենք, որ Հասան բեգի ավազակությունը գնենք, տանք նրան, խնդրենք, որ բարեհաճի այլևս ավազակություններ չանել և հեռանալ գյուղից:

Ուրախության մեջ ոչ ոք չէր մտածել դրա վրա և այժմ, երբ ծերունին հիշեցրեց, ամենքի զվարթ դեմքերը իսկույն տխուրի փոխվեցին:

Պարզ էր այս անգամ, որ ավազակի ձեռքից ազատվել անկարելի էր. հի՛նք հարյուր ոսկի և մի շնչին, աղքատ գյուղից: Մի քաղաք էլ չի կարող տալ թուրքահայաստանում այդ գումարը յուր փաշային, բան է, եթե հանկարծ նա կամենա այդ փրկանքով ազատել յուր ձեռքից քաղաքը:

Երկար խոսեցին խառնիխուռն՝ նախ մեղմ, ապա գոռգոռալով, հետո կովելով. մի քանի խումբ մինչև անգամ բռունցքներով սկսեցին խոսել... Վերջապես երիտասարդները կամաց-կամաց սկսեցին սենյակից դուրս գնալ՝ թողնելով այնտեղ միայն ծերունիներին:

Սրանք նախ փոքր-ինչ լուռությամբ ու մորուքները շփելով՝ մտածեցին, հետո սկսեցին միմյանց հետ ցած ձայնով խոսակցել:

— Եղբայրներ, — վերջ ի վերջո ասաց մեկը, — ուրիշ ճար չկա. կամ պետք է լռել ու դիմանալ և կամ այդ գումարը ճարել, տալ: Շունք թեև մեկ հատ է, բայց աստված մի արասցե, որ մեր ջահիլներից մեկը մտածի հանկարծ նրա վրա քար գցել, մեկ էլ տեսար իսկույն՝ մի փոքրիկ պատճառի սպասող՝ մյուս շները գյուղը կթափվեն ու քար քարի վրա լին թողնիլ, մեր գյուղի թողը կբարձրացնեն:

— Այդ այդպես է, — դիտեց երկրորդը, — բայց դիմանալ անկարելի է. պիտի մի կերպով փողը մեջներս հավաքենք և տանք անօրենին ու

աղաւթները նրա ձեռքից, մինչև որ տեսնենք՝ մի ուրիշ ավազակ էլ երբ կդա կնստի մեր գլխին:

— Ես էլ այդպես եմ ասում,— մեջ մտավ քեհյան՝ վճռական կերպով,— հարյուր տուն ենք. ամեն մեկիս 5 ոսկի կընկնի. ճարենք ու տանք, շատ երկար խոսեցին. վերջապես վճռեցին 5-ական ոսկի ճարել ու ավաղակին տալ:

Փոքր-ինչ իրենց դրուձյան մասին խոսեցին, փոքր-ինչ աստծուն գանգատեցին, փոքր-ինչ ախուժախ քաշեցին, թրջեցին իրենց մորուքները, հետո ոտքի ելան, բարևի փոխարեն տխրութեամբ միմյանց նայեցին, գլուխները թափահարեցին և վշտից հարբածների պես հեռացան:

Բ

Գյուղի մի հեռավոր անկյունում, մի խումբ ծառերի մոտ, կար մի տնշուք խրճիթ, ուր բնակվում էր ծերունի Վրթնոն յուր ընտանիքի մի քանի անդամների հետ:

Ինքը շատ ծեր էր, ուստի և՛ եկեղեցի գնալուց ու արտում յուր Եղո որդու աշխատանքի վրա հսկելուց բացի՝ ուրիշ գործ չէր կարողանում կատարել: Յուր կինն էլ այդպես. միմիայն եկեղեցի էր գնում և տուն դառնալով՝ հսկում էր յուր հարսի տանու գործերին և կամ թե փոքրիկ թոռը գիրկը առած՝ անդադար խաղացնում էր, նրա առջև մոռանալով յուր հասակը, երեխայի պես ծիծաղում, խաղեր էր սարքում և զվարճացնում էր թոռնիկին:

Բավական հանգիստ ապրում էին. մի լուծ եզ ունեին, որով իրենց հողից կարողանում էին օրական պարենը ձեռք գցել. մի կով ունեին և ուրիշ ոչինչ. էլ ի՞նչ պետք է սակավապես գյուղացու համար:

Վրթնոն երջանիկ էր, որովհետև գոհ էր յուր վիճակից և ուրիշի ունեցածին չէր նախանձում. բարեպաշտ էր մոլեռանդի չափ. այդպես էլ նա կրթել էր յուր որդուն. մի այդպես էլ հարս էր գտել նրա համար, և տան մեջ նարեկի «Ի խորոց սրտի խոսք ընդ աստուծոյ» վերնագիր կրող գլուխները անդադար անգիր կերպով կրկնվում էին: Շարականները նրանց երգերն էին, վարք սրբոցը՝ ձմեռնային երկար երեկոների զբաղմունքը. երբեք եկեղեցուց ետ չէին ընկնում ժամերգութեան ժամանակ. բահանան նրանց տնիցը անպակաս էր. օրհնում էր հացը, երբ սկսում էին թխել. կարասը՝ եթե մեջը մուկ էր ընկել և թասը՝ եթե կատուն ջուր էր խմել մեջիցը:

Սղոն, երբ փոքր էր, մի քիչ ծառայել էր քաղաքի մի աղայի տանը, ուր և սովորել էր կարգալ. այնտեղից յուր հետ նա գյուղն էր բերել Վարք

սրբոց, ժամագիրք, ավետարան և սաղմոս: Եթե նրա արտը վարող լինեիր, և ինքը՝ վարժված, նրան անպատճառ գյուղի վարժապետ կանեին, բայց Եղոն շատ համեստ էր, գիտեր, որ ինքը վարժապետ չէր կարող լինել: Չէր հպարտանում իսկ, որ կարգալ-գրել գիտեր:

Այնչափ բարեպաշտ էր, այն աստիճան կատաղի կերպով հալածում էր խմողներին, խաղացողներին, անբարոյականներին, այնչափ պարսաժում էր կյուրակի օրը գործողներին, պաս շպահողներին, որ արժանապես նրա անունը դրել էին ճգնավոր Եղո:

Եվ իսկապես որ Եղոն ճգնավոր էր: Նա մի կաթիլ գինի կամ օղի բերանը չէր դնիլ. զզվում էր ծխախոտից. աչքերը խոնարհեցնում էր, երբ անցնում էր օտար կնոջ առջևից, փախչում էր, երբ մի տեղ կյուրակի օրերը գյուղացիք նստած՝ նոր մոդա ընկած խաղի թղթերով «սկանբիլ»¹ էին խաղում: Կասկածանքով էր նայում այն մարդուն, որին քիչ էր տեսնում եկեղեցում... բացարձակ ճշմարտախոս էր և արդար:

Ամենքը սիրում էին նրան. ամենքի հետ վարվել գիտեր. ամենքին խրատներ էր տալիս, որովհետև խելոք էլ էր:

Իսկ առողջութիւնը.— նա հիշեցնում էր Մուշից դեպի Ռուսաստան կամ Կ. Պոլսի նոր պանդխտութեան գնացող երիտասարդների՝ իրենց երկար հասակներով, ջլապինդ բազուկներով, լայն թիկունքներով և դուրս ցցված առողջ կուրծքերով:

Եղոն այդպես էր: Նրա ձեռքից վախենում էր գործը. նրա համար դժվարութեան չկար: Յուր ջլապինդ բազուկներով նա եզին՝ կոտոշներիցը բռնած՝ ուղղութեան էր բերում և տանում լծի տակ. երբ շունչ էր առնում, կարծես փոնչում էր. խրճիթը մտնելիս պետք է սաստիկ ծովեր, որ սև մազերով ծածկված գլուխը առաստաղին շխիբեր:

Գեղեցիկ էլ էր. սև, համարյա միացած, խիտ հոնքերի տակ փայլում էին նրա՝ բարութեամբ լցված՝ մեծ, սև աչքերը. կոր, մեծ քիթը չէր տեղացնում նրա լիքը ու թուխ դեմքը, որ ավելի թխանում էր խիտ մորուքից և սրածայր հաստ ընչացքից:

Եղոն օրը մինչև երեկո գործում էր առանց հոգնելու, ամբարում էր ձմեռվա համար և երեկոյան գնում էր տուն, ուր նա զվարճանում էր երեխայի հետ, կատակում էր յուր սիրուն կնոջ հետ, որին նա անհուն սիրով սիրում էր և որից նույն կերպով էլ սիրվում էր: Զբաղեցնում էր յուր ծերունի ծնողներին, որոնք կաթոգին սիրում էին իրենց մի հատիկ թոռուն՝

¹ Մի տեսակ տանկական թղթախաղ է:

² Երկարահասակ և սիրուն:

մանչին... և երջանիկ էր նա այդպես՝ յուր արդար գործի և խաղաղ ու սիրելի ընտանիքի մեջ:

Սակայն նրանք ցավ էլ ունեին, և այդ ցավերից ամենաանտանելին էին հարկահանները և գյուղի ավազակ բեզը:

Հարկահանը «զափթիհ»-ներով գյուղն էր մտնում, ուտում էր, խրմում, թափում, կոտորում, հետո հավաքում էր հարկը թե՛ կուզ այդ տարի գյուղացին և ո՛չ մի իսկ տավար ունեցած կամ ցորեն քաղած լինեք, թե՛ կուզ սաղ տավարը կոտորված և արտերը այրված լինեք: Վերջին ունեցածները առնում էր, եթե հակառակում էին՝ ծեծել էր տալիս ժողովում՝ քաղաք տանում, բանտի մեջ օրերով փոեցնում, և կամ տանում՝ ձգում էր վաշխառուների ճանկը, ուր խեղճ գյուղացին գրավ էր դնում հողերը և գոհացնելով հարկահանին՝ տրտում, տխուր վերադառնում էր գյուղ:

Այստեղ նրան սպասում էր ավազակը, որը գալիս խլում էր կովը և կինը— միայն այդ էր մնացել գյուղացուն...

Որչա՛փ ուզախ կլինեք, եթե յուր կյանքն էլ խլեին հետը: Ցավեր էին դրանք, ցավեր, որից ազատ չէ ո՛չ մի թուրքահայ գյուղացի, ո՛ր մնաց խեղճ ձգնավոր Սողոմ:

Եվ երբ մյուս օրը Սողոմ եկեղեցի գնաց աղոթելու, երբ նա աղոթում էր աստծուն, որ աստված խղճա իրենց, վերցնե նեղությունները, խնայե փոքրերին, երբ նա բավական աղոթած՝ կարծես ուզում էր հավատալ, որ աստված պիտի լսեր իրեն, հանկարծ բա՛նանայի ձայնը գիպավ ականջին, որը ասում էր.

— Ավազակը ուզում է հեռանալ գյուղիցս, որդի՛ք...

— Շնորհակալ ենք,— աղաղակեց Սողոմ,— շնորհակալ ենք, որ դու լսեցիր...

— Բայց— ընդհատեց նրան քահանան՝ շարունակելով,— հեռանալու համար նա 500 ոսկի է պահանջում գյուղից...

— Ա՛խ, աստված...— մրմնջեց Սողոմ գլուխը խոնարհեցնելով:

— Ուտախ,— շարունակեց քահանան,— ամեն տան վրա 5 ոսկի նըշանակվեց, որ մի շաբաթվա մեջ այդ տանն գյուղացիտին տան. 500 ոսկին պետք է ժողովի, ավազակի բերանը ձգվի, որ երթա...

— Որտեղի՞ց տանք...— գոչեցին գյուղացիներն ամեն կողմից:

— Այ՛ո՛, ո՛րտեղից...— մրմնջեց Սողոմ և նրա՝ դեպի գետին դարձրած՝ աչքերից՝ երկու կաթիլ արցունք գլորվեցին այտերի վրա:

— Ես գիտե՞մ, որդի՛ք,— մեջ մտավ քահանան,— ես էլ պիտի տամ էլ ի՞նչ անենք, կամ պիտի լռենք և դիմանանք, որն անկարելի է և կամ պիտի ամեն ունեցածներս ծախենք և ճարենք. 5 ոսկին:

Եվ լռեց:

Սողոմ ոտքի ելավ, առավ շարուխները, ձեռքը բարձրացրեց, որ եկեղեցուց հլնելիս վերջին անգամ խաչակնքե, բայց բարձրացրած ձեռքը ցած ընկավ... մի քանի երիերուն քայլեր արեց, երեսը սեղանին դարձրեց, փորձեց աղոթել:

— Տե՛ր,— ուզեց ասել, բայց ձայնը կտրեց և դուրս թռավ եկեղեցուց, հուսահատություն մտեց մի քարի վրա և մտածեց.

— Ո՛ւմ աղոթեմ, էլ ո՛վ պիտի լսե մեզ...

Սոսկմամբ ընդհատեց մտածությունը վախենալով հետևող խոսքից. ընկավ ծնկան վրա և դառնապես արտասվելով ասաց.

— Ների՛ր, աստված իմ, քիչ մնաց մոռանալի քեզ... ա՛խր, աստված, դու էլ շա՛տ լռեցիր, է՛, շա՛տ անգութ մնացիր. չէ՞ որ մենք էլ մարդ ենք, մե՛զ է՛լ դու ստեղծեցիր, մենք էլ հավատացինք քո որդի Հիսուսին, մենք էլ անդադար աղոթում ենք քեզ և սկզբից շնորհակալ լինում մեզ անելիք բարություններիդ համար: Դե՛հ, բարի՛ աստված, խղճա՛ մեզ, գթա՛ մեզ, ողորմի՛ր մեզ: էլի՞՞ երթանք վաշխառուին, էլի՞՞ հողերնիս գրավ դնենք. այս անգամ էլ ե՛րբ կարող եմ այդ անօրենի պարտքը յուր կրկնակի տոկոսներով վճարել, հողս ու ընտանիքս նրա կեղտոտ ձեռքերից ազատել...

Գլուխը ձեռքերի մեջ առավ. արտասուքը խեղդում էր նրան:

էլ չգիտեր խե՛ղճ Սողոմ, որ իրեն պես շատե՛րը շոքել էին եկեղեցու շուրջը և իրեն պես և իրենից ավելի արտասվելով խոսում էին իրենց բոլորովին շլտող աստծու հետ...

Գ

Ամեն վաճառական մի տեղ ունի շուկայում, ուր նա առևտուր է անում, բայց վաշխառուն ամեն տեղ է և սակայն մի որոշ տեղ չունի: Այդպես էր և Մարտիրոս աղան—Մուշի հարուստներից մեկը, որ միշտ շուկայումն էր լինում, սրա-նրա խանութում նստում ժամերով, խեղճ գյուղացիներ էր գտնում, փող էր տալիս և մուրհակ առնում:

Նա լավ գիտեր մուրհակ գրել. այդչափը տաճկերեն գրել գիտեր: Մուրհակը Տաճկաստանում գրվում է ամեն թղթի վրա, միայն պետք է տաճկերեն գրել (թեև հայերեն էլ կարելի է, բայց այդ ավելի լավ է) և տակը մի մարկա կպցնել, որի վրա պետք է ստորագրի պարտք առնողը: Նոտար չկա, որ կարդալ չգիտողը պարտք առնողը կարողանա իմանալ, թե պարտք տվողը ճիշտ գումարն է գրել, թե՛ ավելի:

Գրանից այնպես լավ օգուտ են քաղում վաշխառուները, որ մեծամեծ հարստություններ են դիզում և բազմաթիվ գյուղեր ավերակ դարձնում:

Վաշխառութիւնից լավ բանուկ առևտուր չկա այժմ Թուրքահայաստանում, որովհետև հարկերը միշտ շատանում են, և գյուղացին փող չունի վճարելու համար զինվորական, հողային և այլն հազար ու մեկ տուրքերը... տուրքեր ու տուրքեր...

Մ'ըր տանի ծախելու յուր ապրանքը գյուղացին, եթե ավազակները չթալանեն ու թողնեն, որ ծախի:

Ահա նա ունենում է մի ոչխար քաղաք տանելու համար: Ծախում է ոչխարը և ստանում է մի քանի դուրուշ: Սակայն յուր կնոջ մերկ մարմինը ծածկելու համար նոր շոր պետք է առնի: Գյուղացին մոռանում է ոչխար ծախելու բուն նպատակը այդ պետքի առաջ և առնում է շորերը: Երբ հաշվում են, գյուղացին վճարում է ունեցածը, բայց բանից դուրս է գալիս, որ 100 դուրուշ պարտք է մնում վաճառականին:

— Կտորները ե՛տ առ,— ասում է գյուղացին,— ես էլ փող չունիմ:
— Հոգ չէ,— ժպտում է վաճառականը,— ես քեզ հավատում եմ, դու մեր Կիրակոսի տղան չե՞ս, քեզ մինչև 5—600 դուրուշ դուրբան լինի... առ է՛լ տամ... բայց շատ կլինի, մեղք ես, հետո դժվար կվճարես...

Հրե՛շը... ձգել է թակարդը և այժմ բարեհաճում է խղճալ նրա վրա: Գրում են պարտամուրհակ, գյուղացին ստորագրում է ո՛չ թե 100, այլ 150 դուրուշ մուրհակ, և այդ նկատում է այնտեղ նստած մեկը...

— Այդ ի՞նչ ես արել,— ասում է նա:
— Լո՛ր, — փսփստում է նրան վաճառականը,— ես քեզ կշահեցնեմ: Գյուղացին վեր է կենում գնալու և, հանկարծ հիշելով, թե ինչու համար էր քաղաք եկել, հուսահատաբար կանգնած է մնում:

— Ի՞նչ կա, բարեկամ,— ասում է վաճառականը,— չլինի՞ թե եկել էիր «վերգի»¹ համար փող գտնելու...

Խորամանկն այժմ է հիշեցնում:

— Ա՛խ,— գոչում է գյուղացին,— էլ կ'նչ անեմ, առանց փողի մնացի:

— Հոգ չէ,— ասում է նրան վաճառականի մոտ նստած «մեկը»,— ես քեզ կտամ ինչքան կուզես:

Գյուղացին հրեշտակ տեսնել է կարծում:

Մի ժամից հետո նա գյուղ է դառնում հարկի համար 2 ոսկի ճարած, բայց յուր հողը վաշխառուի մոտ 5 ոսկիի համար գրավ դրած...

Այսպես ուրեմն վաճառականը և վաշխառուն՝ միացած հարկահանի հետ՝ տալիս են գյուղացուն առաջին կործանիչ հարվածը... Այսպես է փնտում, երբ գյուղացին մի բան ունի ծախելու: Իսկ երբ չունի, դատարկ

ձեռքով քաղաք է մտնում մի գառ իբր նվեր առած յուր հետ՝ տալու համար այն հրեշ վաշխառուին, որը պիտի կործաներ իրեն...

Այդպիսի վաշխառուներից մեկն է Մարտիրոս աղան, բայց նա շատ անգամ էլ տանն է գտնվում, որովհետև հաճախորդ շատ ունի և պետք է նրանց գոհացնել:

Առավոտ էր, և Մարտիրոս աղան նստել գրում էր մուրհակներ՝ մի քանի գյուղացուց համար, երբ սենյակի շեմքի վրա երևեցավ մի սիրուն դեմք:

— Վա՛յ,— գոչեց Մարտիրոս աղան,— այդ դո՞ւ ես, ճգնավոր Եղո՞՛, մտի՛ր, մտի՛ր, աչքիս վրա եկար, այդ ի՞նչ է ձեռքիդ:

— Մի գառ է, աղա. քեզ ընծա եմ բերել:

— Շատ շնորհակալ եմ... Դե՛հ, գառը տար ծառային և ներս արի տեսնենք, անպատճառ մի փորի ցավ կունենաս:

— Իհարկե,— մոմոաց Եղոն շարուխները արձակելով,— գյուղացին մինչև փորի ցավ չունենա կգա՞՞ քեզ մոտ:

— Վա՛յ,— գոչեց նեղացած վաշխառուն,— ուրեմն ես վա՞տ մարդ եմ, որ ինձ մոտ միայն փորի ցավի համար գան... հը՞, վա՞տ մարդ եմ:

— Ինչո՞ւ ես հարցնում, Մարտիրոս աղա,— ասաց Եղոն,— դու գիտես, որ ես ճիշտ խոսող մարդ եմ:

Վաշխառուն գունաթափվեց, լոնց, սակայն և մոմոաց շարունակելով մուրհակ գրել:

— Կեցի՛ր,— մոմոաց նա անխելի ձայնով,— հիմա քեզ ճշմարտախոս կշինեմ...

Մուրհակը գրեց, ստորագրել տվեց, հետո փող տվեց գյուղացուն և դառնալով Եղոյին.

— Ճգնավո՛ր,— ասաց,— ի՞նչ հրաման ունիս:

— Հրաման չունիմ, աղա,— խոսեց Եղոն,— այլ խնդիր... մեր գյուղի ավազակը գյուղից հեռանալու համար փող է ուզում 500 ոսկի. ամեն մեկիս 5 ոսկի է ընկել վճարելու...

— Գիտեմ այդ,— ընդհատեց վաշխառուն նրա խոսքը,— է՛, ի՞նչ ինչ:

— Չեմ ասում թե՛ այդ քեզ ցավ է պատճառում,— ժպտեց դառնությամբ Եղոն,— ոչ, ես եկել եմ, որ 5 ոսկի փող ուզեմ պարտք:

Վաշխառուն բարձր քրքիջ արձակեց:

— Հա՛, հա՛, հա՛,— գոչեց նա,— վատ մարդն էլ փող կունենա՞... ես վատ մարդ եմ, եղբայր,— ավելացրեց նա լրջությամբ— վատ մարդը փող չի ունենալ:

1 Տուրք:

— Մխալ ես, աղա,— ժպտեց Եղոն,— մեր երկրի մեջ այժմ միայն ավազակները փող ունեն։

— Ուրեմն ես ավազակ եմ,— բարկացավ վաշխառուն,— հա՞, ես ավազակ եմ... դե՛հ, էլ ո՛ւր ես նստել, ելիր զնա ավազակի մոտից, հայ-դե՛... սորան նայեք, ճշմարիտ է խոսում ճգնավորս, ինձ ավազակ է ասում... ելիր նայի՛նք...

Այդ միջոցին սենյակը մտավ քահանան, Եղոյի գլուխակալ քահանան, որ մինչև մեջքը ծովելով, մի ստորաբարձ ծիծաղ դեմքին, բարեկեց տեղիցը անգամ շարժվող վաշխառուին և գնաց նստելու վերի անկյունում վաշխառուից փոքր-ինչ հեռու։

— Բարի եկար, տեր հայր,— դարձավ նրան աղան,— տեսնո՞ւմ ես ձեր ճգնավորին. ճշմարտախոս է, ինձ ավազակ է ասում։

— Վա՛յ, վա՛յ,— գոչեց քահանան Եղոյին դառնալով,— մեղա ասա՛, որդի... Մարտիրոս աղան՝ ավազակ... որի՞ն կողոպտեց, փառք աստուծո, բոլորիս բարեբարություն է արել և միշտ անսւմ է... Ջահիլ է, աղա,— դարձավ նա աղային,— նշանակություն մի տալ խոսքերին. Եղոն վատ տղա չէ, նա արդար տղա է, նորեն քո հովանիդ պուկաս մի անիլ վրայից։

— Հոգ չէ, ես կներեմ,— խոսեց վաշխառուն,— և կտամ քեզ, Եղո, հինգ ոսկի մեկ տարի ժամանակով, հինգ ոսկիի համար էլ մեկ ոսկի տուկոս կառնեմ։

— Շատ չէ՞, աղա,— հարցրեց Եղոն,— առաջին անգամ 4 ոսկիի համար միայն կես ոսկի տուկոս առիր... սակայն հոգ չէ, գրիր մուրհակը։

— Գու կարծեմ հայերեն կարգալ գիտես, այնպես չէ՞։

— Գիտեմ, գիտեմ,— մեջ մտավ քահանան,— ինձնից լավ գիտեմ։

Եվ վաշխառուն գրիչն առավ ու տաճկեբեն գրեց մուրհակը, հողերն էլ Եփեսթիլալե-ի՛ տակ առավ, ստորագրել տվեց և հինգ հատ լիրա տվեց Եղոյին։

Հետո, շատ հետո, երբ արդեն 5 ոսկին 30 ոսկի էր դարձել, Եղոն խնայեցավ, որ մուրհակի մեջ 10 ոսկի է գրված։

Եղոն միամտվեց, սակայն հոգին խիստ տրտում էր և երբե՛ք աղոթքը չէր գալիս միտքը։

Երբ դուրս էր գալիս անից, քահանան նրա ետևից հասավ և միասին գնացին դեպի գյուղը՝ խոսակցելով։

1 Իսթիլալը մի պայման է, որով պարտատերը գրավում է պարտապանի կայքը, եթե վերջինս փողը չտա ժամանակին. համաձայնությունից է կախված Իսթիլալ անելը։

Այդ խոսակցություններից մի քանի խոսք էր միայն միտք պահել Եղոն, երբ տուն մտավ։

— Ի՞նչպես վճարեմ այս փողերը, տեր հայր,— հարցրել էր Եղոն քահանայից։

— Ո՛րդի,— ասել էր քահանան,— երկիր վարելով դու հազիվ կարող ես վաշխառուիդ ընծան մատակարարել, որովհետև ամեն մի բերքիցդ եթե ընծա շտանես նորան, այն ժամանակ աղան գանգատ կտա, և կերթաս բանտի մեջ կփտես և կամ թե հողը ձեռքիցդ կերթա։

— Ի՞նչպես,— գոչեց զարմացած Եղոն,— իսկ մի տարի ժամանակը...

— Այդպես բան աղան սովորություն չունի գրելու յուր մուրհակի մեջ։

Եղոն թակարդն էր ընկել. գլուխը ծռեց և մոմաց։

— Ապա ի՞նչ անեմ։

— Գնա Կ. Պոլիս. ասում են, այնտեղ աշխատանք կա. աշխատիր և ուղարկիր, իսկ երբ բացակա լինես, վաշխառուդ իրավունք չունի ձեռք պագնելու հողիդ մինչև որ ետ դառնաս։

Դ

Կ. Պոլսի Պահճե-կափու կոչվող մի եվրոպական ափի նավահանգրստում փովող թաղի մեջ՝ մաքսատունից ոչ շատ հեռու գտնվում է Ջեֆեր-բեյ խան անունով հինգհարկանի գեղեցիկ հյուրանոցը, որի ներքին հարկը կազմում են փառավոր մթերանոցներ և խանութներ։

Ցերեկները այդ մթերանոցներից՝ մի կողմից ելնում են ապրանքների մեծամեծ հակեր և մյուս կողմից՝ մաքսատունից գալով լցնում են պակասած տեղը։ Ամեն կողմից գալիս են մշակները, որոնք ուսերի վրա առած ճոճող ամուր կլոր փայտը անց են կացնում նրա վրա հակը և, շափավոր ու կանոնավոր քայլերով, ճոճեցնելով փայտը բեռի հետ՝ տանում են ապրանքներ այս ու այն կողմ։

Հուժկու են այդ մշակները իրենց փափուկ կոշիկ հագած և սրունքները լերկ ոտներով, բաց, շլապինդ բազուկներով. երկարահասակ են, մեծ թթերով, գեր զեմքով և վառվռուն սև աչքերով, սակայն միօրինակ ծանր աշխատությունը մաշել է նրանց. միայն մի քանի տարի են կարողանում այդ ծանր ճոճանակները կրել իրենց լայն ուսերի վրա, որոնք, լինելով սկզբում այնչափ ուժով, հետզհետե թուլանում են և թուլացնում իրենց հետ ամբողջ ձեռքը։

Մշեցիք են դրանք։

Դեռ այդ պատվալուր մշակութունն է... պիտի տեսնել նրանց մաքսատան մեջ հակերը մեջքներին, կորաքամակ, կեղտոտ հագուստով, հետըզհետե մաշվող կերպարանքով:

Պիտի տեսնել Ղալաթիայի կողմը խաների մեջ ընկած մշակներին իրենց կրեկիքներով (մի տեսակ բարձի նման շինվածք է այդ, որը միշտ մեջքի վրա ունին և որին են հենեցնում բեռը), պիտի տեսնել Պալազ բազարում, Թախտե-Կալեում, ուր նրանք ընկած են ամենակեղտոտ անկյուններում. սրճատունների մեջ— Սիրքեջիում, խաների մեջ— ամեն կողմ և գինետունների անկյուններում— Ղալաթիա և Սամաթիա և Ենի-Կափու և Կում-Կափու...

Պիտի տեսնել նրանց՝ ոտաբորիկ, երբեմն գլխաբաց, ջրհան գործիքը ուսերի վրա դրած՝ փողոցում վազելիս և որոտաձայն գոռալիս, երբ մի որևիցե տեղ հրդեհ է լինում: Եվ ո՞վ է այն ջրհանակիրը, որ կարողանա մշեցու պես ջուր խփել, կրակը մտնել, ազատել ամենայն պարզությամբ անձեր, անգնահատելի մնալ և նորից երթալ կրծելու յուր մի կտոր ցամաք հացը՝ ընկած մի խանի կամ մի սրճատան անկյունում: Այդտեղ նա, եթե դեռ նոր է Կ. Պոլիս մտել, մտածում է յուր հայրենիքի վրա... Ժամերով զբաղված է յուր հիշողութուններով և չէ կարողանում քնել, չոր անկողին— գետնի վրա ընկած և գլխին բարձ արած յուր կոշու անհարթ «կրեկիքը»... կամ կարող է տնից ստացած նամակը հազարերորդ անգամ, գուցեև արտասվում է...

Այդ այդպես է լինում, երբ պանդուխտը մենակ է և դեռ նոր է. իսկ հինը գտնում է ընկերներ և գիշերը անցկացնելու համար առաջ գնում է մի գինետուն, ուր նա՝ մոռանալու համար իրեն տնից լուր բերող տխուր-տխուր նամակները՝ խմում է անհագաբար և հետո գնում է յուր օրական աշխատանքի վերջին մնացորդն էլ պոռնկատան տալու...

Այդպես է լինում պանդուխտը այդ անդունդի տիղմերի մեջ և, եթե հաշիվ բռնվի, չկա 100-ից 10-ը, որը ծանոթ շլինի գինետունների ու պոռնկատունների հետ, որ մտաբերելիս լինի անցյալ պարզ կյանքը և զբաղվի յուր հիշողութուններով...

Աշունը յուր վերջին էր մոտենում. մի գեղեցիկ օր էր դեռևս, երբ «եայիրիե» ընկերության Վոսֆորի վրա պտտող շոգենավակներից մեկը՝ Պոյուր-դերե գնալու ժամանակ՝ անցավ նեղուցի մեջ մտնող մի շոգենավի կողքից, շոգենավի, որի ափերի վրա հենած ապշորեն ամեն կողմ էին նայում զգզված, այլանդակ ու կեղտոտ հագուստներով բազմաթիվ առողջ, գեր և երկարահասակ մարդիկ:

Պանդուխտների վերջին շոգենավն էր, որը կես ժամից հետո կանգ առավ մաքսատանից փոքր-ինչ հեռու, խարխախ ձգեց և սպասեց, որ մաք-

սատան պաշտոնյաների ներս մտնելուց հետո ազատվի այդ վխտացող բազմութունից:

Հազրվ թե շլակի ձայնը կտրվեց, որ շորս կոշմից շոգենավի մոտ հասան բազմաթիվ նավակներ, որոնցից շոգենավ ցատկեցին նավաստիներ և, շատ անգամ ուժով, նավակների մեջ լցրին ճանապարհորդներին՝ ափը տանելու համար: Կեղտոտ անկողիններ, ծվենների կտորներից փաթած կապոցներ և մի քանի հատ կտավն շապիկներ էին, որ պատիվ ունեցան նայելու մաքսատան նավամատուցի վրա Օսմանյան մաքսային պաշտոնյաները, որոնք այդ անելուց հետո մեկ-մեկ նրանց թողնում էին, որ անցնեն, և մշեցիների, վանեցիների ու շատախցիների այդ ահագին բազմութունը միմյանց ետևից շարված սկսեց դուրս գալ մաքսատան մյուս դռնից՝ Պահճե-Կափուի լայն փողոցի վրա:

Ոչ որ նրանց վրա ուշք չէր դարձնում. ամենքը սովորել էին ամեն տարի և տարին հինգ-վեց անգամ կրկնվող այդ խղճալի տեսարանը տեսնել:

Կային, որոնք շփտեին, թե ուր գնան և շվարած կանգնել, մնացել էին դռան առջև. կային, որ հենց մաքսատան բակի մեջ էին ցած դիել իրենց թեթև կապոցը և նստել՝ իրենց բարեկամներին էին սպասում, և կային, որոնք փողոցեկողոց ընկած փնտրում էին իրենց ծանոթների բնակած խաները ու մթերանոցների դռները. իսկ շատերը արդեն՝ իրենց դիմավորող հայրենակիցների հետ համբուրվելուց հետո՝ իրար տղեղացած, նիհարած, երկարացած կամ ծերացած էին գտնում և իրենց տան մասին միմյանց բարձրաձայն հարցմունք անելով գնում էին զանազաձ կողմեր:

Ամենքը քաշվեցին: Նավամատուցի վրա մնում էր միայն մի երկարահասակ մշեցի, որ շվարած կանգնել և յուր շորս կոշմն էր նայում. շփտե՞ր ո՞ւր գնար, ի՞նչ աճեր, որի՞ն դիմեր. նրան միայն ասել էին՝ «Գնա Կ. Պոլիս, այնտեղ քեզ համար գործ կգտնես»՝ և ահա նա եկել էր հազար ու մեկ նեղութուններ քաշելով, տասնևվեց օրվա ճանապարհը ոտով մի ամսվա մեջ գալով... եկել մտել էր Կ. Պոլիս... Տեսնում էր նա յուր տեղից Ղալաթիայի երկաթե կամուրջը, որի վրա ման էին գալիս հազարավոր մարդիկ, տեսնում էր ջրի վրա ամեն կողմ նավեր, շոգենավեր, այս-այն կողմ սլացող նավակներ... տեսնում էր դիմացը հետզհետե բարձր դիրք ստացող Ղալաթիան յուր հոկայական շենքերով... ամեն կողմ՝ խառնուրդ, անցուղարձ. ամեն կողմից զանգակների, շլակների, մարդկանց, կառքերի և այլն խլացնող ձայներ, անտանելի աղմուկ:

Եվ այդ բառսի մեջ ո՞ւր գնար նա, ինչպե՞ս գործ գտներ, որի՞ն դիմեր. գիշերն էլ մոտենում էր, — որտե՞ղ պիտ քներ...

— Ի՞նչ ես կանգնել այստեղ, կորսվի՛ր,— լսեց նա յուր ակնկի
ետեկից և տեսավ յուր առջև մաքսատան ծառայողներից մեկի դժժան
կերպարանքը:

Վախեցավ ու քայլեց: Գնում էր, առանց իմանալու, դեպի դուռը և
երբ դռնից դուրս եկավ, հանկարծ շլացած կանգ առավ, որովհետև մի
տեղ էր Պահճե-կափուրի ամենարանուկ գլխավոր փողոցը, որտեղից ան-
նում-դառնում էին բազմաթիվ կառքեր և սլացող ձիաքարշ երկաթուղու
երկհարկանի կառքը:

Այդ հրեշտակի բանը ի՞նչ էր, որի մեջ այդչափ բազմություն էր ց-
վել և որ միայն մի ձի կարողանում էր քաշել ու արագությունը տանել:

Մեծամեծ մթերանոցներ, որոնց դրսի կողմում ապակյա դարանի-
րի մեջ շարված էին զենքեր, զանազան տեսակ շլացնող փայլուն բանի-
ր, որոնք որչափ գեղեցիկ էին և որ երբեք չէր տեսել նա:

Հանկարծ զգաց, որ մեկը բռնում է թևից. նայեց. կողքին կանգնած
էր յուր նման հագնված մի ծպտող մշեցի, որը, քաշելով նրա թևից,
ասում էր.

— Գնանք, ճգնավոր, այստեղ մի՛ կանգնիլ:

— Կարապետ... — գոչեց նա, ճանաչելով յուր հայրենակցին և չի-
մազին համբուրվելով նրա հետ, — այդ դո՞ւ ես, ա՛խ, ի՞նչ լավ եղավ...
չէի իմանում ինչ անեմ... Տեսնո՞ւմ ես, այս բոլոր փայլուն բաները, ա-
մուկը, կառքերը, փառահեղությունները, Կարապետ, այդ բոլորը վախե-
ցում են ինձ:

— Վախենալու ոչինչ չկա, զնանք մեր խանը, սրան Ստամբուլ կո-
սեն, դեռ ինչե՛ր պիտի տեսնես:

Նրանք քայլեցին դեպի վեր՝ Ենի-Ջամիի կողմը:

— Ստամբուլի պես քաղաք կա՞, — խոսեց Կարապետը, — բայց թող
մնա դեռ դրանք... այս ինչպե՞ս եղավ, որ դու էլ եկար մեր կողմերը...
կամաց, մի՛ քիչ ետ քաշվիր, թրամվան քեզ կկոխես...

— Թրամվան ո՞րն է:

— Ա՛յ, այդ երկու հարկանի կառքն է, որ գալիս է:

Մկավ ձիաքարշ կառքը և սլանալով անցավ ճիշտ մեր երկու հայա-
տանցիների կողքից՝ սաստիկ վախեցնելով նորեկին:

— Վախեցա՞ր, — ծիծաղեց Կարապետը, երբ կառքը անցել էր,
վախենալու ոչինչ չկա, նա այդ երկաթի գծերից դուրս չի գալ երբեք:

Ճզելով բազմությունը, հովելով և հրելով՝ հազիվ կարողացան նը-
բանք հասնել Ջաֆար-բեյ խանի մոտ, ուր տանում էր Կարապետը նը-
բեկին: Մոտենալով դռան մոտ եղող մի մեծ ու դատարկ սենյակի՝ նրանի
մերս մտան:

Այդ սենյակի պատերի տակ զանազան տեղերում դրված էին նորեկի
ձեռքումը բռնածի նման 5—6 կապուցներ, որոնցից մեկի վրա նստեց
կարապետը, պատվիրեց նորեկին, որ իրեն կապուցն էլ դնե գետին ու
նստե, և ասաց ծիծաղելով.

Ա. — Վա՛յ, ճգնավոր եղո՞ւ, վա՛յ, դո՞ւ էլ Ստամբուլ. է՛, բարի եկար, լավ
առողջ ես, տեսնում եմ, մաշալլահ, բոյդ ու կուրծքդ ասլանի բոյի ու
կուրծքի են նմանում, իսկ ե՞ս... —

— Դու էլ ինձ նման էիր, Կարապետ, — ասաց տխրությունը եղան, —
բայց այժմ փչեմ՝ ցած կընկնես, այդ ինչո՞ւ ես այդպես եղել...

— Կացիր, մի քանի ամիս թող անցնի, քեզ էլ կտեսնենք. սրան
Ստամբուլ կասեն, այս քաղաքը առողջ մարմին, լայն թիկունք, հուժկու
բազուկներ չի սիրում. այդ ի՞նչ է, կուպիտ — խըմբըլ... պետք է լինել
նորը, բարա՛կ, սիրուն, մեջքը բարա՛կ... բարակ... վիզը բարա՛կ... այ,
թող նայեիր, քեզ նման սկի մարդ կա՞ր, չէի՞ր տեսնում, թե ինչպես շա-
տերը քեզ էին նայում... արև անսովոր բան է այստեղ քեզ նման մի
մարդ տեսնել... «տուտու»²-ները, «հանըմ»³-ները այդպես «չենեվեր
խըմբըլի»⁴ չեն սիրում... ա՛յ էֆենդի՛ն, եթե այդպես մնաս, քեզ տուն չի
ոտարվիլ, միս կամ հաց տանելու՝ «տղաչըը կվախենան կող, հանըմ
էֆենդին կմարի կոր վախեն»... —

Ողոն ապշույթյամբ լսում էր այս տարօրինակ ճառը և ոչինչ չեր հաս-
կանում. միայն այն հասկացավ, որ Ստամբուլում չէր կարելի առողջ ու
հուժկու լինել:

— Վա՛յ, — գոչեց նա, — ապա ի՞նչ անեմ:

— Հե՛շտ է, ծիծաղեց Կարապետը, — մի երկու ամիս ճոճահեղավոր
բեռ կկրես և այնուհետև «նազիբ խըմբըլ»⁵ երբ լինես — սիրուն ես բա-
վական — քեզ «հանըմ էֆենդին» միշտ կհրամայե, որ տուն երթաս, տան
համար բան-ման առնես, «տղաչըը խաղացունես, քիչ մ'ալ իրեն խնդաց-
նես բու խոսքերովդ»... այն ժամանակ ահա փող կաշխատես, մանա-
վանդ եթե միշտ զվարթ եղար, էֆենդիի դժոխային հայտնաբերեթե
պատասխանելու փոխարեն նրա զարնող ձեռքը լիզեցիր և «հանըմ էֆեն-
դի»-ի բմահաճույքներին գոհություն ավիր: Ես երաշխավորում եմ, որ

1. Գոյեցիք զավառացիների նախառնու համար նրանց կոչում են խըմբըլ, որ չը-
շուակում է «անճար, անշնորհ, հիմար, կուպիտ»:
2 Տիկին, մորաբույր:
3 Տիկին (պատվավոր):
4. Թեպետև խըմբըլ, հնկա խըմբըլ:
5 Բարակ (НЕЖНЫЙ):

եթե այդպես լինես, պարտքդ էլ կտաս ու քո վաշխառուիդ էլ մի քանի լիրա կկարողանաս տոկոսով պարտք տալ:

— Ախր ես դրանց ոչ մեկին էլ չեմ իմանում:

— Կսովորես կամաց-կամաց: Էգուց ես էֆենդուն կասեմ, դու էլ մեկ մեջ կմտնես և «համբալ» կլինես. հետո կամաց-կամաց երբ ծանոթանաս շատերի և ամեն բանի հետ, կհասկանաս— դու խելոք ես— կիմանաս, թե ինչ պիտի անես... աշխատիր դա լեզուդ էլ փոքր-ինչ փոխելու, «զիմ հաց», «լե», «հմլա»՝ այպիսի խոսքերը թող և «կոր, նէ, ասանկ, ատանկ գործածիր, քո աղայիդ էլ միշտ «էֆենդի» ասա, գրագրին «պարոն»: Վերջապես «նազիբ» եղիր, բարակցի՛ր, բարակցի՛ր...

Եղոն, որ տխրությամբ գլուխը կախել էր, ընդհատեց նրան, նայեց տխուր աչքերով և ասաց դառնությամբ ու վախկոտ ձայնով.

— Կարապետ, սոսկալի է, ես վախենում եմ այդ բոլորից...

— Հիմար ես, բարեկամ,— ծիծաղեց Կարապետը,— վաշխառու պարտքը, հայրենիքում կինդ, ծնողքդ ու որդիքդ՝ հաց և այստեղ փորդ՝ կշտանալ են ուզում... ո՛չ ոք քեզ հաց չի տալ... լսի՛ր ինձ, քանի կարող ես բարակցի՛ր, որչափ բարակես՝ այնչափ շատ փող կաշխատես:

Երբ Եղոն մենակ մնաց, գլուխը ձեռքերի մեջ առավ և դառնությամբ արտասվեց. հետո ծունկ չոքեց, աղոթեց և ասաց.

— Աստված ի՛մ, ինձ սիրտ տուր և օգնիր, առանց քեզ կորսվելու եմ...

Սրբեց արտասուքը և մրմնջեց.

— Իու արտասուք, մի՛ պակսիլ աչքիցս, առանց քեզ՝ մոռանալու եմ: Խեղճ ճգնավոր Եղո... վերջին աղոթքն էր այդ և վերջին արցունքները, որ նա թափում էր հիշելով յուր հայրենիքը և ծնողքը, որդին ու կիները:

Ե

— Յա՛ Մշու Սուլթա՛ն սուրբ Կարապետ,— գոչեց առաջին անգամ Եղոն, երբ բեռան փայտի մի ծայրը ուսի վրա առավ:

Եվ դրանից հետո նա օրը մինչև երեկո բեռ էր կրում:

Որչա՛փ ուրախացավ նա, երբ առաջին անգամ ստացավ յուր մի շաբաթվա աշխատանքը, երբ այդ փողը նա կապեց, կապկապեց յոթ թաշկինակի մեջ՝ դրեց ծոցը և երբ զգաց, որ վաշխառուին հասանելի հի՛զ ոսկիից աշխատեց ու տվեց մի քանի «մեջիդ» (նրա համար՝ ոսկե-նալ նշանակում էր վճարել պարտքը): Որչափ տրտում էր, երբ պետք էր լինում այդ փողից ուտելիքի տալ: Եվ ինչ էր այդ ուտելիքը— մի կտոր հաց ու պանիր:

— Աստված ի՛մ,— գոչում էր,— այս ուտելը չլինեիր:

Եվ հետո, երբ մտածում էր, որ առանց ուտելու չէր կարելի.

— Հոգ չէ՛,— ասում էր,— միայն հաց ու պանիր կուտեմ...

Այլևս կյուրակին, տոնը և պաս օրը նրա միտքը չէր ընկնում, չկար նրա համար, նա միշտ վաշխառուի մասին էր մտածում:

Եվ ընկերները միշտ ծիծաղում էին նրա վրա:

— Ծգնավոր Եղոն փող է ծողովում,— ասում էին նրանք:

Անցավ երեք ամիս: Տոն էր այն օրը, երբ Եղոն դեպի «երկիր»— հայրենիք ուղարկեց վեց ոսկի, մեկը՝ ծնողներին ծախսելու և մյուսը 5-ը՝ պարտքը տալու:

Այժմ հանգիստ էր և այլևս վաշխառուի վրա չէր մտածում: Ընկերները ամեն երեկո զբոսնելու էին գնում, իսկ նա պառկած, մտքով յուր հայրենիքը— յուրայինների մոտ էր թռչում. աղոթում էր և աղոթելով քնում: Սակայն այսպես շմանաց միշտ. մի օր, երբ ընկերները գնում էին զբոսնելու և երբ, ամեն անգամվա պես, փորձեցին Եղոյին էլ իրենց հետ տանել, նա շքնդիմացավ և գնաց նրանց հետ:

Ընկերները զարմացան:

Մտան մի գինետուն և օղի ուզեցին. խմեցին և Եղոյին առաջարկեցին:

— Ինչո՞ւ եք խմում այդ անպիտան բանը,— հարցրեց Եղոն:

— Խմի՛ր, Եղո,— գոչեց Կարապետը,— մեր քեֆը այս է, պանդուխտը Կ. Պոլսում քեֆ անելու միայն այս միջոցն ունի... խմիր ու մոռացիր...

— Մոռանա՞լ, ի՞նչը, տո՞ւնը, տե՞ղը, ծնո՞ղքը...

Հանկարծ մեկը կռացավ դեպի նա և ասաց.

— Ցավերը...

— Այո՛, ցավերը,— մոմոաց Եղոն և մի ումպով դատարկեց օղին, հետո շանթահարի պես գավաթը ձգեց և ընկավ գետին:

Նրա ծոցից մի թուղթ դուրս թռավ.— նամակ էր:

Նամակը բացին.

«Սիրելի որդիս,

Վեց ոսկին ստացանք, հինգը վաշխառուին տվինք, բայց վաշխառուն 5 ոսկի ևս ուզում է տաս ոսկիի տոկոսի հետ. ասում է, թե քեզ 10 ոսկի է տվել: Մեր կովը քաշեց տարավ, այլևս ցամաք հաց միայն ունինք ուտելու, սակայն հոգ չէ այդ մեզ համար: Գարձի՛ր, որդի, մաքրե՛ք մեռնելու մոտ է և քեզ տեսնել է ուզում, կինդ լաց լինելուց չի դադարում. դարձի՛ր, որդի...»:

Այս էր գրում հայրը Եղոյին:
Կարդացին, օգիի գավաթները ցած դրին լուսթյամբ՝ ընկած Եղոյին շալկեցին և դուրս գնացին գինետունից:

Այլևս Եղոն նույն Եղոն չէր. նիհարեցել էր և բարակցե՛լ... դեղնել էր և թուլացել. միշտ տխուր էր. երեկոյան արտասուքով բարձն էր թրջում և այլևս չէր կարողանում աղոթել. միայն հուսահատաբար վեր էր նայում և մոմոում.

Աստված մոռացել է հային...

Նոր իմացավ, որ բուրբը, որոնք իրեն շրջապատել էին — իրեն հայրենակիցները, առաջ մի-մի Եղո էին եղել և ունեցել էին մի-մի հոգեաւ հրեշտակ հայրենիքի մեջ:

Եղոն սկսեց խմել և խմել անհագաբար...

Աշխատածը օգիի էր տալիս...

Եղոն և յուր թշվառ ընկերները գինետան մեջ ձեռք-ձեռքի տված հայրենական պարեր էին պարում, տխուր երգեր երգում, հետո նորից խմում և մի-մի նստարանի տակ ընկնում՝ քնում...

Ցերեկը աշխատում էր՝ մոռանալու համար, գիշերն էլ խմում՝ նույն նպատակի համար:

Մի քայլ էր մնացել, և ընկերները այդ քայլն էլ անել տվին Եղոյին:

Մի գիշեր Ղալաթիա տարան, մի տան մեջ շրջապատված մի բանի հասարակաց կնիկներով՝ խմեցին, գինովցան և Եղոյին ձգեցին մի կնոջ գիրկը...

Այս բուրբը քաշեց Եղոն:

Ուղիղ մի տարի էր, որ նա Կ. Պոլիս էր, այժմ նրան այլևս «կոպիտ խրմբըլ» չէին ասում, այլ «նազիբ խրմբըլ»... էֆենդին նրան էր տալիս տուն տանելու իրեղենները և Եղոյի հետ, որ մի տարի առաջ մի կնոջ երես իսկ չէր նայում, այժմ «հանրմ էֆենդին» կատակներ էր անում, պատմել էր տալիս Մշո սովորութունների մասին, նրա կնոջ վերաբերմամբ հետաքրքրվում էր և «մարելու շափ» ծիծաղում:

— «Խնդալես կճաթիմ կոր...» — ասում էր:

Խղճալի Եղոն ծիծաղում էր «հանրմի» հետ և նրան յուր կնոջից ավելի սիրուն էր գտնում...

Եվ մի օր Եղոն մի երազ տեսավ, մի սոսկալի երազ... Քնել էր մի գինետան անկյունում, և ահա «հանրմ»-ի նկարագրած «փերի»-ներից մեկը մոտեցավ նրան, առավ յուր գիրկը, գգվեց, համբուրեց, հետո բարձրացրեց նրան օդի մեջ, տարավ, սլացավ դեպի հեռու, հետո կանգ առավ, բաց թողեց նրան ահագին բարձրությունից և նրա ետևից մի այնպիսի դիվական քրթիչ արձակեց, որ նա սոսկաց... բայց շարժվեց, որով

հետև ընկել էր մի փափուկ, խիստ փափուկ հողի վրա... և այդ հողը թեև պահպանել էր նրան ջարդվելուց, սակայն այրում էր նրան, այրում էր կրակի պես... վեր է թռչում, թափ է տալիս վրայից հողը, սակայն միշտ այրվում է... և այրվում է սիրտը...

Նայում է նա յուր շորս կողմը... Երևում են տներ, իսկ յուր ընկած տեղում ոչինչ չկա, միմիայն մի կտոր քանդված պատ, որի վրա նստած մի ալեխառն ծերունի արտասվում է դառնապես:

Սոսկալով ճանաչում է Եղոն յուր գյուղը... և այդ տաք հողը, որի վրա նրան ձգել էր դիվային «փերին», յուր տան մոխիրն էր...

Եվ արտասովոր ծերունին՝ յուր հայրն էր:

Վաղեց դեպի նա, շտեսավ նրա մոտ յուր մորը, կնոջը և որդուն:

— Հայր, գոչեց նա, — ո՞ւր են նրանք:

Ծերունին նրան նայեց տխրությամբ և մատով մյուս կողմը ցույց տվեց: Եղոն նայում է՝

Ընկած է գետնին կնոջ դիակը մոր դիակի վրա, և որդին նստած խազում է յուր մոր մազերի հետ...

Ճշաց և վեր թռավ:

Այս անգամ նա զարթնեց, վեր կացավ ու նստեց:

— Ո՛հ, ինչ սոսկալի երազ, — մոմոաց նա, — արդյոք «երկրում» ինչ է եղել, երկա՛ր ժամանակ է, որ ոչ նամակ եմ գրում, ոչ էլ ստանում...

Դուրս եկավ գինետունից. մի զով գիշեր էր. մոտեցավ ջրին, լվացվեց, հետո դեպի բնակարանը գնաց, մտավ սենյակը և նստեց անկողնու վրա:

— Սոռացա հորս, մորս, կնոջս և որդուս... մոռացել էի... ո՞վ գիտե՞լ 'նչե՞ր է եղել այնտեղ:

Մի գավաթ ջուր խմեց, բերանը շատ դառն էր խմած օգիից:

— Թո՛ւ, — թքեց նա, — անիծյալ օդի, որ Եղոյին շուն շինեցիր, որ Եղոյին մեռցրիր, որ Եղոյին ծնողասպան, աստվածուրաց, ազգուրաց դարձրիր, որ Եղոյին հրեշտակից դեկի փոխեցիր...

Սկսեց հուզված ձեմել սենյակի մեջ:

— Ի՞նչ է այս, ո՞վ արավ ինձ այսպես... Ես այն Եղոն եմ, որին հարգում, սիրում էին յուր մաքրության, ճշմարտախոսության, ճնողապիտան համար... ես այն Եղոն եմ, որ կնոջիցս բացի ուրիշ կին չգիտեի... թողել մաքուր օդով երկիրս... թողել սիրուն կինս, թողել հայրս ու մայրս... պատճառ եղող, թող աստված բո տունը քանդե:

Նստեց, անկողինը փռեց և շորերով ընկավ անկողնի վրա ու աչքե՛րը փակեց: Կես ժամի շափ նա այդ դրության մեջ լուռ ընկած մնաց...

Հանկարծ կատաղությամբ վեր թռավ, սեղմած բռունցքները բարձրացրեց և՝

— Այո՛,— գռչեց,— երթա՛լ պետք է... երթա՛լ և... վրեժ առնել...

Զ

Երկու օր հետո Եղոն Տրապիզոն գնացող մի շոգենավ նստեց:

Նավը նստելուց առաջ նա երկա՛ր, շատ երկա՛ր տեսակցություն առնեցավ մի վառվռուն երիտասարդի հետ, որը մաքսատան մեջ հանդիպել էր նրան, հարցրել էր, թե ո՞ւր է գնում, իմացել էր նրա ցավերը, և, քաշելով նրան մի կողմ, ժամերով խոսել էր նրա հետ, հետո նրանք համբուրվել էին, երիտասարդը շտապմամբ մատիտով մի թղթի կտորի վրա մի քանի տող գրելով տվել էր նրան և ճանապարհ էր ձգել՝ ասելով.

— Թուղթը Մուշ կտաս տիրոջը...

Նվ երբ Եղոն շոգենավ մտավ, հետաքրքրվեց, երիտասարդի տված թղթի կտորը բաց արեց և կարդաց.

«Միրելի Հրանտ

Հետաքրքրվիր գրաբերովս, ցավերը իմացիր և խրատ տուր:

Առշավիք»:

— Այո՛,— մոմոաց նա՝ թուղթը ծախելով և կողքից կախված հասարակ պայուսակի մեջ դնելով,— այո՛, քիչ մնաց հուսահատվեի, և այդ երիտասարդը կյանք տվեց ինձ... Ղուրբան քեզի, սիրուն տղա, սուրբ Կարապետը թող քեզ քո մուրազիդ հասցնե...

Երեք օրից հետո Տրապիզոն իջավ, խառնվեց Կարին ոտքով գնացող մարդկանց կարավանի հետ և, քաններորդ օրը ս. Կարապետի գերեզմանը համբուրելուց հետո, քանմեկերորդ օրը Մուշ հասավ:

Այնտեղ նրա ականջին դիպան սոսկալի լուրեր:

Ամեն կողմ քուրդերը սկսել էին կոտորել և թալանել. էլ մի կտոր «Հալալ» հաց ուտել անկարելի էր: Բայց քուրդերից ավելի սոսկալի էին հայ վաշխառուները, որոնք իրենց՝ սուրից ավելի մահարկու՝ մուրհակները ձեռքներին, խլում, կողոպտում էին և մուրացիկ մնացողների վրա էլ կուշտ-կուշտ ծիծաղում: Նրանք լրբությունը մինչև այն աստիճանի էին հասցրել, որ սոկոսի փոխարեն համարձակվում էին գյուղացիներից նրանց գեղեցիկ կնիկներին կամ հարսներին պահանջել մի քանի օրվա համար...

Նա ինքը, Եղոն, Մշո շոկայի մեջ, յուր ականջներովը լսեց, թե ինչպես մի վաշխառու գոռում էր իրեն աղաչող մի գյուղացու վրա:

— Եթե փող չունես, կնոջդ շալվարը ծախիր...

— Լի՛րք վաշխառուներ... քուրդերից լի՛րք...— մոնչում էր Եղոն:

Կ. Պոլսից առած տոմսակի տիրոջ— Հրանտին գտավ և տվեց նրա տոմսակը:

Հրանտը կարդաց, նստեցրեց յուր մոտ Եղոյին, երկա՛ր խոսեցրեց նրան, գիշերը յուր տունը հյուր տարավ, մինչև կես-գիշեր էլ ինքը խոսեց և մյուս առավոտ շուտով դեպի գյուղը ճանապարհ դրեց մտախոհ Եղոյին:

Կեսօր էր, երբ Եղոն գյուղը մտավ և վազեց դեպի տուն:

Բակը ներս մտնելուն պես ապշած մնաց:

Տունը բոլորովին դատարկ էր, և նրա շեմքի վրա նստած երևում էին միայն ծերունի հայրը, որը գրկեց նրան, լաց եղավ նրա կուրծքի վրա, և որդին, որը եկավ ընկնելու նրա գիրկը և գռչեց.

— Ո՛ւր է մայրիկը...

— Այո՛, հայր,— գռչեց Եղոն,— ո՛ւր է մայրս, ո՛ւր է կինս, վերջապես խոսի՛ր, ինչու այսպես թորշոմել և սաստիկ ծերացել ես, ինչո՛ւ որդիս այսպես նիհար և կեղտոտ է... խոսի՛ր, հայր...

Ծերունին սրբեց դեմքը և ալեխառն մորուքը, կամեցավ շարտասվել, սակայն նորից արտասվեց և ասաց.

— Ա՛խ, որդի՛, մայրդ մեռավ քեզ օրհնելով... իսկ կինդ մեռավ քեզ անիծելով, որ թողիր իրեն մենակ, որ ձգեցիր իրեն գազանի ճանկը, որ գնացել ու մոռացել էիր մեզ... կինդ անիծեց քեզ, որովհետև նա արագ տեց յուր պատիվը... չկարողացավ քեզ հավատարիմ մնալ... և դրա պատճառը դու էիր...

Եղոյի աչքերը մթնեց, քիչ մնաց ընկներ, երեբայց և հարցրեց դուրջուն ձայնով.

— Այդ ի՞նչ ասացիր, հայր...

— Ասացի, ինչ որ եղել է, ո՛րդի... Լսիր, պատմեմ քեզ ամեն ինչ: Երբ հինգ ոսկիդ տվինք վաշխառուին, նա արդեն մեր կովը քաշել տարել էր և, երբ ետ պահանջեցինք, ասաց, որ դեռ հինգ ոսկի և տասը ոսկու տոկոսն ևս պարտ ես իրեն... Անցան ամիսներ, շոր հաց ուտելով ծերուտեցիք ևս պարտ ես իրեն... Անցան ամիսներ, շոր հաց ուտելով ծերուտեցիք մայրդ մեռավ, իսկ կինդ գնում դրացիներից կաթ և մածուն էր խնդրում, որ չլինի թե ես էլ մորդ պես լինեմ, և ինքը անօգնական մնա... բուն, որ չլինի թե ես էլ մորդ պես գնաց և գիշերը տուն չեկավ: Երկրորդ օրը նրան Բայց մի օր կինդ դուրս գնաց և գիշերը տուն չեկավ: Երկրորդ օրը նրան տուն բերին ջախջախված: Գիտես մեր աղբյուրի մոտի ձորը... Նրա գլխից նա իրեն ձորն էր ձգել և իմ գրկիս մեջ մեռավ, անիծելով քեզ և պատ-

մելով, թե ինչպես վաշխառուն բռնաբարեց իրեն.. Կինդ մի սուրբ կին էր, շուգեց ապրել ակամա քեզ անհավատարիմ գտնվելուց հետո և իրեն սպանեց:

Եղոն ձեռքերով մազերը բռնեց և գոչեց կատաղի ձայնով.

— Մինչդեռ ես, ե՛ս լիրբս, ե՛ս կեղտոտս, ամեն օր անհավատարիմ էի գտնվում իմ պաշտելի կնոջս... և այստեղ մի վաշխառու, մի գծուծ, ստորաբարշ կենդանի գա պղծելու... աստված իմ, ինչու այս բոլոր դժբախտությունները միասին ուղարկեցիր... Խենթանա՞մ... արչո՞ւն թափեմ, հետո երթամ բա՞նտ պառկեմ... Իսկ հայրս, որդիս...

Եվ վեր թռավ տեղիցն, արագությամբ դուրս եկավ տնից, հետո գյուղից ու վազեվազ դեպի քաղաք գնաց:

Երեկոյան հասավ քաղաք, գտավ Հրանտին, շնչասպառ ներս ընկավ, ամեն բան նրան պատմեց ու փովեց գետին...

Հրանտը ժպտում էր:

— Ես արդեն դրանք գիտեի,— ասաց նա,— վե՛ր կաց, Եղո՛, եկավ ժամանակը, որ դու վրեժդ առնես...

Ու վեր կացրեց Եղոյին ու խոսեց նրան:

Է

Մի կյուրակի օր էր. Եղոն եկեղեցի մտավ, աղոթեց սրտագին, խոստովանվեց, շերմեռանդությամբ հաղորդություն առավ, պաշեց, պաշպեց բոլոր պատկերները, նկեղեցու ամեն մի քարը և զվարթ դեմքով գնաց եկեղեցուց:

Հագել էր յուր մորթապատ «քեզախիկը»¹, յուր «տրեխները», գլխին մի նոր «քոլոզ»² էր դրել՝ «յազմած»-ներով փաթաթված, մեջքին փաթաթել էր Կ. Պոլսից բերած լայն ու մեծ շալը և ձեռքին բռնած ուներ մի բարակ փայտ:

Արագությամբ անցավ մի քանի փողոց, կանգ առավ մի գեղեցիկ շինութան առաջ և դուռը ծեծեց:

Բաց արեցին: Երբ որ իմացավ, թե Մարտիրոս աղան վերևը «օղան» նստած էր, առանց տրեխները հանելու վեր գնաց և ուղղակի ներս մտավ:

Մարտիրոս աղան դեռևս գիշերազգեստով (եկեղեցի իսկ չէր գնացել) նստած էր. օթոցի վրա: Մի կողմից «ներգելեն» էր քաշում և մյուս կողմից յուր կողբին զրված մի արկղիկից մուրհակներ էր հանում, կարգում էր և գրով թվեր էր գրում մի թղթի վրա:

Ոտքի ձայնը լսելով, նա ընդհատեց զբաղմունքը և վեր նայեց: Երբ տեսավ Եղոյին, սարսուռաց, գունաթափվեց և հագիվհագ կարողանալով զապել իրեն՝ ասաց.

— Ա՛յ բարով եկա՛ր, հազա՛ր բարով, ճգնավոր Եղո՛, համեցե՛ք, համե՛ցեք, արի նստիր այստեղ... ինչպե՞ս ես, ո՞ղջ ես...

— Աստված կյանք տա, աղա՛,— ասաց Եղոն նստելով:

— Է՛, ե՛րբ ես եկելի:

— Եթեկ եկա, աղա՛,— խոսեց Եղոն ժպտելով:

— Հա՛, շա՛տ լավ, շատ ուրախ եմ, որ ինձ շես մոռացել, շինի՞ թե մտածում ես, որ ինձ պարտք ունիս, ո՛չ, ո՛չ, թեև մուրհակդ ետ չեմ տվել, սակայն...

— Հոգ չէ, աղա,— ընդհատեց նրան Եղոն, այդ մուրհակը, եթե պարտք չունիմ, հիմա կարող ես տալ... տուր տեսնենք...

— Հա՛, ուզո՞ւմ ես, այս բոպեխս, տղա՛ս,— գոչեց աղան և արկղիկի միջից՝ փնտրելով հանեց մի մուրհակ և պարզեց Եղոյին:

Բայց Եղոն շոռավ մուրհակը, այլ ժպտելով ասաց.

— Լա՛վ, աղա՛, կարելի՞ է կարդաս... ուզում եմ իմանալ թե՛ այդ մուրհակի մեջ իմ պարտքս որքա՞ն է...

— Ինչպե՞ս,— գոչեց զարմացած և գունաթափ աղան,— ինչպե՞ս թե որքան է... վեց ոսկի էլի... չե՞ս հիշում:

— Ինչպե՞ս չէ, աղա,— ասաց Եղոն՝ միշտ յուր հեգնական ժպտով դեմքին,— բայց ախր հայրս գրում էր, թե՛ դու ասել ես, որ քեզ 10 ոսկի եմ պարտական...

— Ե՛ս, ե՛ս եմ ասել, քա՛վ լիցի. եղբա՛յր, ինչե՛ր ես ասում... ա՛ռ, առ մուրհակդ, երեխայական բաներ մի խոսիլ:

— Լա՛վ լա՛վ, աղա, մուրհակը կառնեմ, բայց...

Ասաց Եղոն և, արագությամբ սենյակի դռան կողմը ցատկելով, դուռը փակեց, հետո դառնալով ապշած վաշխառուին, երկու քայլ արեց դեպի նա և ասաց դառն ձայնով.

— Աղա՛, հինգ ոսկին առնելուց հետո, կովն էլ քաշեցիր տարար և ծնողացս ցամաք հացով միայն թողիր... այդ բավական չէր... կնոջս և բանաբարեցիր...

Վաշխառուն՝ գունաթափ՝ մուրհակները թողեց և տեղիցը վեր թռավ: — Ի՛նչ է այդ,— ասաց Եղոն,— ո՛ր ես շարժվում տեղիցդ. նստիր և լսիր ինձ... նստի՛ր,— ավելացրեց նա և, յուր հուժկու ձեռքով բռնելով նրա ուսիցը, մղեց նրան օթոցի վրա,— այժմ, կրկնում եմ, կինս բռնաբարեցիր և նա ինքն իրեն սպանեց... ազատվեցար էլի՞... խոսք չունիմ... խոստովանվո՞ւմ ես, որ այդ արել ես...

¹ Կարճ վերարկու, բանկոնաձև.

² Սրածայր թաղյա գլխարկ

³ Մետաքսյա թնշկիճակ

Սղոն արագութեամբ հեռացավ և քաղաքից դուրս՝ կես ժամ հեռա-
վորութեամբ գտնվող Սեպ քարի մոտ գնաց, ուր տեսավ մի ձիավոր: Մո-
տեցավ, բարևեց և տվեց նրան թղթերից մեկը... Ձիավորը կարգաց, ի-
ջավ ձիուց, տվեց նրան յուր ձեռքի հրացանը, համբուրեց նրան և ասաց.
— Տեր ընդ բեզ...
Սղոն աշտանակեց, ձիու գլուխը սուրբ Կարապետի կողմը դարձրեց,
գլուխը բանալով աղոթեց, աչքերից երկու կաթիլ արցունք էլ յուր հայրե-
նիքի հողի վրա կաթեցրեց, խաշակներեց և
— Յա Մշո սուրբ Կարապետ,— գոչեց:
Սվ մտրակելով ձիուն՝ անհետացավ բլուրների մեջ:
Արևը, որ մինչև այդ ժամանակ ծածկված էր ամպերի տակ, դուրս
ելավ և Մշո դաշտը լուսավորեց յուր պայծառ ճառագայթներով...

ԱՐԴԱՐ ԴԱՏԱՍԱՆ

Ա

«Կ. Պոլսո Աղլիեի՝ ատյան ամսույս 25-ին, ժամը 10-ին հրամայում է ձեզ ներկայանալ յուր դատարանը և վկայել Ա...Ֆ...յանի գործի մա-
սին...»:

Այսպես էր գրված այն թղթի վրա, որ ներկայացրեց ինձ մի հնամաշ
հագուստով «զափթիկ» և կոպտութեամբ հրամայեց, որ ստորագրեի: Ի՛նչ
արած, ստորագրեցի և որովհետև հենց այդ օրն իսկ ամսի 25-ն էր, կես
ժամից հետո Աղլիեի դատարանը մտա:

Սա մի մեծ շենք է Այա-Սոֆիա մզկիթի մոտ կառուցած և բովան-
դակում է յուր մեջ օսմանյան օրենքի տրամադրած բոլոր ատյանները—
սկսած հաշտարարից (բիդայեթ) մինչև վճռաջինջ վերջնական ատյանը
(թեմիզ):

Մի երկայն նրբանցքի երկու պատերի վրա երևում էին բազմաթիվ
թանձր վարագույրներով ծածկած դռներ, որոնց յուրաքանչյուրի վրա մի-
մի բան էր գրված. նրանցից մեկը արտաքնոցն էր, ուր մտնում-ելնում
էին ջրի ամանով և թևերը սոթած, ֆեսը ծոծրակի վրա դրած, ոտները
բոբիկ ու կուրծքը բաց էֆենդիներ, վսեմաշուք բեյեր... Արտաքնոցի
կողքին քննիչների սենյակն էր, որո մեջ տեղ-տեղ նստած էին մի քանի
այլ տաճիկներ, մի ծունկը ծալել, փայլուն թուղթը ոլորած նրա վրան

զրել, առջևում նստեցրած զանազան անձերի հարցեր էին առաջարկում և
գրում, շնորհակալով երբեմն ճաշակել մոտը գրված սուրճից, հաց ու պան-
րից, խմել ահագին ամանից ջուր, թքել մոտը գրված հողե ամանի մեջ,
ծխել ոտների տակը գրված պապիրոսներից, կատակներ անել փոքր-ինչ
հեռու տեղ նստած այլ քննիչների հետ, և որովհետև այդ անընդհատ
քննություններից ձանձրանում էին, այնչափ դյուրագրգիռ էին եղել, որ
շատ անգամ իրենք առիթ տալով քննվողին մի անհանգիստ շարժում
գործելու՝ բարկանում և սկսում էին փողոցային խոսքերով հայհոյել:

Քննիչների այդ սենյակը, ուր մտա ես տեսնելու, թե ինչ կար այն-
տեղ, ամենակեղտոտ սենյակն էր. մի անկյունում ընկած է ցեխոտ ավե-
լը, մի ուրիշ անկյունում քննիչների արտաքնոց տանիքը կեղտոտ հողի
ամանը, մի այլ կողմ սրճամաններ, հացի կտորներ, հատակի վրա ամեն
մեծութեան թղթի կտորներ, պապիրոսի մնացորդներ, կոտրած աթոռ-
ներ, միստերներ, բարձեր, հնութունից բոլորովին գզգզված կապույտ
օթոցներ և այդ բոլորի վրա ավելացրեք պատուհանների աղոտ լույսը
խափանող փոշիապատ, կարմիր, կտրտված վարագույրները, որոնցից մի
քանիսը ընկել էին նստած քննիչների մեջքի վրա և փոշիով ծածկել նրանց
վերարկուները: Քննիչներից միայն մեկը կար, որ փոքր-ինչ կանոնավոր
էր հագնված— ծխում էր և մի կողմից ձևակերպական հարցեր էր առա-
ջարկում յուր առջևը նստած վախից դողացող մի հայի. իսկ մյուսները
կուրծքը բաց, մազերը շանրված և դիզացած գլխի վրա, երեսին կեղ-
տոտ, կոշիկները գետնի վրա ընկած, գուլնագույն գուլպաները ծակ-ծակ
և այդ ծակերից երևեցող ոտքերի մատները այնպես կեղտոտ էին, որ
մարդ կարծում էր, թե այդ քննիչները սև ոտներ պիտի ունենային:

Ի լրումն ամենայնի, մի վառարանի երկայն խողովակ դիմացի պա-
տից իջնելով՝ պարզվում էր մինչև մեջտեղ և այնտեղից իջնում ուղղակի
քննիչների գլխի վրա. որովհետև գարունը եկել էր, ուստի վառար-
անը վերցրել էին և որպեսզի հետագա ձմռան նորից նեղություն
չկրեին խողովակները տեղավորելու՝ նրանց տեղնուտեղը թողել էին
առանց մտածելու, որ ծովային քամին լուսամուտից երբեմն ներս մտնե-
լով՝ շարժում էր նրանց և թափթիվում էր միջի մրուրը կամ գրասեղան-
ների, կամ քննիչների մեջքի և կամ հատակի վրա:

Սենյակում կային շորս քննիչներ, շորսի առջևն էլ՝ պատկառանքով
նստել էին քննվողներ և վախժխելով պատասխանում էին քննիչի ձևա-
կերպական հարցերին և վերջինս էլ առանց նրանց երեսին նայելու՝ կամ
ուսում էր, կամ խմում էր, կամ ծխում և կամ մի քանի խոսք գրում յուր
ձեռնակ վրա գրված փայլուն թղթի վրա և ձգձգացող եղեգնյա գրչով, որով
երբեմն էլ խառնում էր քիթը կամ ականջը....

1 Արդարագատություն:

Սլ որովհետև նրբանցքի մեջ պատերի տակ բազմած, լուսամուտների մեջ պալլած կամ ման եկող մարդիկ ազատությամբ երբեմն ելումուտ էին անում այդ սենյակների մեջ, ես էլ համարձակություն ստացա և քննիչների սենյակից դուրս գալուս պես մտա նրա կողքի սենյակը, որի վրա ոչինչ չէր գրված, սակայն ներսից ձայներ էին գալիս:

— Դատաստանի սրահն է այս անպատճառ,— մտածեցի ես:

Ի՞նչպես չէ. ներս մտնելուս պես ապշած կանգ առա: Սենյակի մի կողմում կապված մի կեղտոտ թախտի վրա ընկողմանել, նստել, պալլել և պառկել էին ծառաներ, զափթիեններ, շավուշներ, մի տեսակ ծիծաղելի զարդերով «լիվոնե»-ներ հագած դատաստանական ծառաներ և թախտի մի կողմում նստել էր սև սավանով ծածկված մի սպիտակ դեմքով թըրքուհի, որ խոպոտ ձայնով մի բան էր պատմում, և այդ բոլոր մարդիկ քրքիչներով ծիծաղում էին:

Նրբ ինձ տեսան, թըրքուհին աշխատեց սավանի ծայրով դեմքը ծածկել, սակայն ժպտելը չմոռացավ, ծառաները առանց տեխնիկից շարժվելու՝ կողքից ինձ նայեցին, և Օսման շավուշը, որ ընկողմանել էր մի կեղտոտ բարձի վրա՝ գոռաց ինձ.

— Այդ դո՞ւ ես, էֆենդի՛, համեցե՛ք, համեցե՛ք...

Օսման շավուշը ծանոթ էր ինձ, երբ բիթայիթի բեխի՛ աղջկան դասալու էի գնում, շավուշն էր միշտ, որ բաց էր անում բեխի դուռը և սենյակն էր բերում փոքրիկ դաշնամուրը, որի վրա բեխի տասներեք տարեկան աղջիկը հինգ օրվա մեջ անպատճառ կամենում էր «թաքսիմ բաթի» եղանակը կատարելապես ածելով զմայլեցնել յուր ընկերուհիներին:

— Ներողություն— ասացի ես Օսման շավուշին,— ես սխալվեցա, կարծեցի, թե դատարանն եմ մտել:

— Չես էլ սխալվել,— ծիծաղեց շավուշը,— իսկական դատարանը աստուեղ է... արի նստիր և տես, թե նազանի էբեն² ինչպես է ճիշտ պատմում այն գործը, որ քննվեց կես ժամ առաջ և վճիռ տրվեց:

— Ի՞նչ գործ է այդ,— հարցրի ես:

— Ի՞նչ,— գռչեց մի զափթիե,— չե՞ս լսել Սադըբ էֆենդիի կնոջ գործի մասին:

— Որ ամբողջ Պոլիսը դղրդեցրեց,— ծիծաղեց մի ուրիշը:

— Չեմ լսել,— ասացի ես:

— Դե՛հ, նազանի էբե՛,— դիմեց Օսման շավուշը թըրքուհուն,— պատմիր ծայրից. թող էֆենդին իմանա. մեր բեխի աղջկա խոջան է...

— Մեր Քյուչուբ հանըմի խոջա՞ն է,— գռչեց նազանի էբեն և դեմքը բար արեց ու ժպտեց. զազրելի դեմք ուներ այդ տաճիկ կինը, թեև մեծ-մեծ սև աչքերը փայլում էին խիտ ներկով սևացրած հոնքերի տակ. այտերը ներկով սպիտակացրած էր, բերանը լայն և առջևի բոլոր ատամները կոտրած ու սև. վերին շրթունքի վրայից երևում էին նույնիսկ բեղեր, իսկ ծնոտի վրա մի բանի հատ սև, երկայն մաղեր, ձեռքերը, որով դեռ, իսկ ծնոտի վրա մի բանի հատ սև, երկայն մաղեր, ձեռքերը, որով բռնել էր ետ քաշած սավանի ծայրերը, երկայն պուրջայով սպիտակացրած և կմախքի նմանող մատներով ճանկերի էր նմանում... այնուամենայնիվ ուներ երկայն սև մաղեր, որոնցից մի հյուսը բաց՝ կիսովին բերել սփռել էր կրծքի վրա:

— Նա է,— ասաց Օսման շավուշը:

— Բարի եկար, էֆենդի,— խոսեց էբեն «թեմենդե» անելով:

— Շնորհակալ եմ,— ասացի,— դու ո՞րտեղից ես ճանաչում բեխի՛ աղջկան:

— Բա՛հ,— ծիծաղեց ծառաներից մեկը,— բաղաբում կին և աղջի՞կ է մնացել, որ նազանի էբեն շճանաչի... Որքան ապօրինի ծնունդներ լինում են, նազանի էբեն գիտե...

— Այն էլ գիտե,— մեջ մտավ ուրիշը,— թե որ պալատից, ո՞ր կինը յուր ապօրինի զավակը շուրը ձգեց կամ խեղդեց և կամ ուղարկեց ձգելու Սուլթան Բայազիդի մզկիթի առջև:

— Ուրեմն շա՞տ են լինում այդպիսիները,— հարցրի ես:

— Ուզածիդ չափ,— ծիծաղեց էբեն,— դեռ երեկ էր, որ մի շերքեղի կնոջ տղան Սուլթան մեծիտի ջամիի մոտ դրի...

— Լա՛վ, լա՛վ,— գռչեց Օսման շավուշը,— սա Սադըբ էֆենդիի կնոջ գործը պատմիր մեզ:

— Պատմեմ,— ասաց էբեն հանգստությամբ, տեղավորվելով թախտի վրա և դառնալով ինձ.— էֆենդըմ, սրանից հինգ օր առաջ Պոլսուր գրեթեց ետ դառնալով տունս էի մտնում, երբ մի երեսը ծածկած կնիկ, որ կանգնել էր դռանս մոտ, դեմս փակեց և հարցրեց.— Նազանի էբեն դո՞ւ ես...— Ծս եմ,— ասացի,— ի՞նչ ես ուզում, դու ո՞վ ես...— և ձեռքս պարզեցի, որ երեսի «րուբենտը» բարձրացնեմ, բայց նա ձեռքս ետ մղեց և ասաց.— Ներս մտնենք, ես կասեմ, թե ով եմ: Միծաղեցի, ինձ հետ այդպիսի դեպքեր շատ է պատահում, կամ մի որևիցե փաշայի կնիկ կլինեք և կամ մի պալատի աղախին, որ հրավիրում կլինեք ինձ մի

1 Հաշտարար ատյանի նախագահ:
2 Գայակ, տատմայր:

ապօրինի գալազի շուրը ձգելու, ջամիի դուռը տանելու և կամ խեղդի աղբանոցը ձգելու...

Սարսուռացի ես, երբեք հավատալու չէր գալիս, կարծում էի, թե այ տարօրինակ կիներ «Հազար և մեկ գիշերներ»-ից մի հեքիաթ է պարզ մում ինձ:

— Ներս մտանք,— շարունակեց էրեն ժպտելով,— կիներ դեմքը բայ արեց, և ես տեսա, որ Սադրը էֆենդիի կնոջ աղախինն է... Բոլորին նա նաչում եմ ես...— Հը՞, ի՞նչ կա,— հարցրի ես,— խանումդ չի՞նք... րից ուզում է այստեղ գալ...— Ո՛չ,— ասաց աղախինը,— խանումդ վանդ է և քեզ է կանչում:— Հենց հիմա՞:— Հենց հիմա: Ծարն ի՞նչ, Կրամա ծածկեցի և աղախին հետ Սադրը էֆենդիի տունը գնացինք... Խանումը հիվանդ էր. մի սիրուն աղջիկ էր ծնել. տվեց ձեռքս և հրամայեց, որ Սուլթան Բայազիդի դուռը տանեմ ձգեմ. ես խղճացի,— ախր խանում,— ասացի,— ի՞նչ կլինի, թող այս աղջիկը քեզ մոտ մնա, մարդ կկարծի, թե իրենն է...— Տա՛ր,— գոռաց խանումը,— ի՞նչ մտրտաբան է որդի ունենալ, ոտքդ կկապվի, էլ շեռ կարող ման գալու գնալ... Ես ի՞նչ գիտեմ էլ ինչե՛ր շասաց: Երկու ոսկի էլ փող տվեց, ես էլ փաթաթեցի մանկան հերամիս մեջ և մութ էր, երբ որ անցնում էի շահադի բաշի կողմը... տեսնեմ մի գյավուր մշակ կոտրած փայտ է շալակի ցած է իջնում Բեգեստանի կողմը: Այդ միջոցին էլ ետ նայելով, տեսա, թե ինչպես մեկ փոխի ետևիցս գալիս էր... հըմ,— ծիծաղեցի ես,— կարծում է, թե մի փաշայի ծպտած կնիկ եմ ու սիրականիս տունն եմ գնում, լավ, այդ հեշտ էր, փոխար ինձ մոտենալուն պես կհանաչեր և կթողներ, բառ մանուկը... Թարսի պես պզտիկն էլ սկսում էր ճշալ. հենց պատի տակից անցնելով մանկան գյավուրի շալակի վրա դրի ու սկսեցի եռ դառնալ... Փոխիսը դեմս եկավ, ճանաչեց ինձ, ես ասացի, որ դայակության եմ գնում. փոխիսը անցավ և լավ տեսա, թե ինչպես շփոթված գյավուր մշակին բռնեց ու մանկան հետ մոտիցս անցավ... Բայց փոխիսը սատանա էր. տեսել էր, թե ինչպես ես էի դրել մանուկին գյավուրի շալակի վրա, ուստի և ասաց,— Նազանի էրե, այս տղան որի՞նն է:— Սադրը էֆենդիինն է,— ասացի ու ծիծաղելով մեկ ոսկի տվի նրան:— Լավ,— ասաց փոխիսը, հետո գյավուր մշակին դարձավ ու գոռաց.

— Անհավատ շուն, այս տղան որտեղի՞ց ես բերում:

Խեղճ մշակը շփոթվել էր.— վալլա՛հ, աղա՛...— կմկմաց...— Փոխիսը նրա վզակոթին մի քանի հատ խփեց, հետո հրեց նրան, մանկան գիրկը առավ և գոչեց.— հա՛յրե, «փոխիս իդարեսին»՝ երթանք... էրե՛—

ասաց ինձ մոտենալով.— Սադրը էֆենդիի հանքմի՞ն ասա, որ Ալիի չավուրի համար հինգ ոսկի պիտի ուղարկել... և հետագայով մշակի ու մանկան հետ... Անացածը գիտե՞ք բուրդ է՞:՝

— Ո՛չ,— գոռաց Օսման չավուրը,— էֆենդին չի իմանում, ասա բուրդը:

— էլ ի՞նչ ասեմ. գյավուր մշակին բանտարկեցին, բայց նա էլ լսել էր փոխիսի վերջին խոսքերը և Սադրը էֆենդիի անունը... Կադին հրամայեց գյավուր մշակի դատաստանը խսկույն կտրել և հինգ տարի բանտ վճեց նրան ու շուտով բանտարկել տվեց, որ Սադրը էֆենդիի անունը չիլի... ամենքը գիտեն, սակայն պաշտոնապես ոչ ոք չի իմանում...

— Այսինքն չի ցանկանում իմանալ— ավելացրի ես:

— Ես ի՞նչ գիտեմ,— ծիծաղեց էրեն,— ինձ էլ կանչեցին, որ ասեմ թե ծնածը քանի օրվան էր, ևս էլ խուլավ գիտեի... բայց կադին էլ գիտեի, փոխիս մյուսիսն էլ... ամենքն էլ գիտեին...

— Ուրեմն մշակին դատապարտեցի՞ր,— հարցրի ես:

— Նոր ներսումը հինգ տարվա բանտարկություն վճռեցին նրան, ասելով, թե մշակը մանկան տանում էր ծովը ձգելու:

— Իսկ քեզ ի՞նչ արին:

— Ի՛նձ, ոչ ի՛նչ, կադին մի կողմ քաշեց. և ասաց, որ ձայնս կտրեմ. ես իմ գործը լավ գիտեմ, որ ամենքին ասեմ, էլ ո՞վ ինձ կվստահե:

— Բաս ինչո՞ւ մեզ ասացիր.— հարցրեցի ես:

— Դու Քյուլջուրը հանրմի խոջան ես, նրա համար, իսկ սրանք ոչ ոքի բան չեն ասիլ, որովհետև իրենց գործին էլ վնաս կլինի... պաշտոնից կզրկի կադին... այսպես է մեզանում. դատարաններում գաղտնիքը պահել պիտի գիտենալ...

— Իսկ Սադրը էֆենդիի կի՞նը,— հարցրի ես:

— Երեկ տեսա, նավակի մեջ Քեհաթխանն էր գնում, ուր վրան էր արկել տվել և նվազածուններ էր բերել մի քանի օր քեֆ անելու համար...

Գ

Սառանբրի այդ սենյակից դուրս գալուց հետո փոքր-ինչ դանդաղությամբ դիտեցի ամեն կողմ սրբազան հայերին ու տաճիկներին և երբ կամենում էի մի ուրիշ սենյակ մտնել, բաց լուսամտոցից երևցող բակի միջի մի տեսարան կանգ առնել տվավ ինձ: Դեպի մեր կողմն էր գալիս մի բազմություն, բաղկացած ամեն տեսակ հագուստներ հագած հայերից:

— Այո՛, առաջին անգամն էր... Նրա համար լավ էլ նկատեցի ամեն ինչ։

— Շարունակեք, շատ հետաքրքիր եք պատմում։

— Լա՛վ... երբ զինվորը բացատրում է թո ով լինելի, մյուզիրը գրի կոթով ականջն է խառնում և հանկարծ դառնալով քեզ շոշում է։

— Ի՞նչպես համարձակվեցիր կոշիկներով ներս մտնել։

— Բայց... — թոթովում ես, — ախր կրկնակոշիկներս հանել եմ...

— Լո՛ր, — որոտում է քեզ վրա նա, — Ի՞նչպես ես համարձակվեցի պատասխանել...

— Ախր... ասում ես, հատակը փռված էլ չէ...

— Անհավատ, խնդր, թերե՛ս, — որոտում է նա, — այդ անհավատին կափու ալթիսին ձգիր, մինչև կանչես...

Աշխատում ես պատասխանել, բայց մյուզիրը աչքերը ոլորում և գոշում է։

— Հա՛յդե, սիքտի՛ր՛, ասքյար, դրավազակոթին...

Եվ զինվորը մի հարված է տալիս վզակոթիդ, հետո քեզ դուրս հրում և հրելով տանում մինչև կոշիկների տեղը և երբ այնտեղ կոշիկները հանում ես, հրելով քեզ տանում է մի փոքրիկ խրճիթ, դուռը բաց անում, կոխում է ներս և փակում այնտեղ... այժմ էլ գտնվում ես մի ցած առաստաղով երկու մարդու կանգնելու շափ մի տեղ, որը մի կոտորտած ապակիներով ցած լուսամուտից է միայն լուսավորվում. այդ սենյակում բացի մաքրութունից, ամեն ինչ կա... դեռ այս մեր կանգնած տեղը ողորմութուն է նրա առջևում... հատակը հող և վրան դեղձ սենյակի ավրած աղբերը և ավելցուկները, ամեն կողմ թացութուն և նույնիսկ մարդկային աղբեր... ինչ արած, այնտեղ բանտարկվածներին շնն էլ թողնում բնական պիտույքների համար դուրս գնալու, ստիպված ես կանգնած տեղդ լցնե լև թրջել... Նստարան իսկ չկա... հոտը անտանելի է. մի անկյունում կծկվել նստել է մի ինչ-որ սևադեմ դերվիշ, որին ընկերացրին քեզ։ Դերվիշը յուր փայտյուն աչքերով այդ մութ անկյունից քեզ է նայում, հետո վեր է կենում և միզով նկարներ է գծում հատակի վրա, հետո կրժում է յուր ձեռքին բռնած սևիս կճեպը, մոտենում լուսամուտին, դարձնում է յուր հնութունից կեղտոտած շապկի օձիքը, բաց է անում կուրծքը և սկսում է միջատներ կտվել... Զգվում ես, աշխատում ես մի մաքուր անկյուն հեռանալ, բայց ոտքերդ ընկնում են մարդկային աղբերի կույտերի մեջ... և բորիկ ես... ձեռք քաշիր գուլպաներիցդ... Հոգնում ես, ուզում ես նստել՝ չես կարող — տեղ չկա... կոթնում ես պատին...

պատը թաց, կեղտոտ, կարծես աղբով ծեփած լինի... Եվ այդ բոլորը կրում ես երբեմն ժամերով, մինչև որ մյուզիր էֆենդին հիշե քեզ և հրամայե ներս տանել սենյակը... Գալիս է զինվորը, բաց է անում դուռը, մայն ներս տանել և ներս մտնում մյուզիրի մոտ... և ահա թո քեզ դուրս է քաշում և ներս մտնում մյուզիրի մոտ... Մյուզիրը ծերոզ դարձելի հետքեր են ձգում անցածդ ճանապարհի վրա... Մյուզիրը չէ նկատում, սակայն դրագիրները նկատում են, քիթերին են պահում, հայնդում են. մյուզիրը կատաղում է, ինքը յուր ձեռքով մի քանի հատ հասցնում է վզակոթիդ, եվրոպական գլխարկովդ սրբում ոտներդ, հետո թիթի բռնելով մի քանի հարցեր է առաջարկում և գոռում՝

— Հա՛յդե, սիքտիր, մուրտա՛ո...

Եվ զինվորը քեզ տանում խառնում է բակի մի անկյունում մի ուրիշ ավելի կեղտոտ, բայց մեծ սենյակում միմյանց վրա լցված բազմության մեջ... Այս այսպես է... Հետո քեզ բերում են այստեղ... նայիր ինքդ, հավան՛ում ես այս նախագավիթը, ուր սպասում են բոլոր վկաները, հրավիրվածները և շատ անգամ հանդիսատեսները՝ դատարան մտնելուց առաջ...

Ես շորս կողմս նայեցի։

Մի բավական մեծ խրճիթ էր այդ և, ինչպես ասացի, հնադարյան կաղնյա դռով և վանդակապատ անփեղկ միակ լուսամուտով։ Պատերը և առաստաղը այնպես սև էին, որ դժվարանում էի որոշել, թե ինչն՛վ է ծեփված. խոնավութունից ցեխ էր կազմվել սենյակի վերին կողմը, իսկ մի անկյունում դիզված էր զանազան իրերից կազմված աղբի կույտը. որի վրա կռացած՝ քրքրում էին երկու հրեաներ, հետաքրքրությամբ դիրք տում էին կտրտված թղթերը, ժողովում էին ամեն երկաթի կտոր, շորի մնացորդ և նույնիսկ կոտորտած տաճկական գրիչներ՝ ու գրականներն էին կոխում։ Հույները տաքությամբ վիճում էին մի անկյունում, ալբանացիք կոխում։ Հույները տաքությամբ վիճում էին մի անկյունում, ալբանացիք կոխում։ Գետնի ցեխից բուրգեր, պատեր և տներ էին շինում և ցեխոտ տի տակ՝ գետնի ցեխից բուրգեր, պատեր և տներ էին շինում և ցեխոտ ձեռքերին հագուստի փեշերով սրբում. իսկ մի արաբացի աշխատում էր օդի միջից անցնող ճանճերը բռնել և երբ հաջողվում էր՝ կտրատում էր խեղճ կենդանիների թևերը և ապա դնելով պատի վրա՝ ժպտը երեսին դիտում էր նրանց օրորվելով քայլերը...

Օղբ այնպես ապականվել էր այդ բազմության արտաշնչությունից, որ ինքզինքս ձգեցի լուսամուտի մոտ, ուր և ինձ միացան խոսակիցներս։

1 Անձամբ ստուգել ցանկացողները թող բարձհաճեն մի գործ ունենալ տաճկացի դատաստաններում և այն ժամանակ կտեսնեն, որ մեր նկարագրածը դեռևս շատ մեղմ է։

— Իսկ այստեղից մեզ ո՞ւր կտանեն,— հարցրի ես նրանց:

— Չգիտեմ,— ասաց մեկը,— կարծում եմ, որ դատաստանի սրահը կմտցնեն:

Այդ միջոցին զինվորը մոտեցավ լուսամուտին և իմ անունս տվեց: Երբ դուռը բացվեց, և ես դուրս գնացի, մի ուրիշ զինվոր բռնեց թևիցս և գռեց:

— Հա՛յդե, վեր գնանք, քեզ ուզում են:

Սանդուխների մոտ կրկնակոշիկներս հանեցի և պահ տվի կոշկապահին՝ վարձը կանխիկ վճարելով, իսկ սրահի դռան առջև հասնելուս պես՝ զինվորը կանգնեցրեց ինձ և պահանջեց, որ կոշիկներս էլ հանեմ...

— Գուպայո՞ւմ մնամ:

— Իհարկե, այդպես չի կարելի ներս մտնել:

Այստեղ ևս մի կոշկապահ կար, կոշիկներս էլ նրան պահ տվի. հետո ինձ մտցրին մի փոքրիկ խուց, անունս գրեցին, և երբ ես շվարած կանգնել էի՝ մի գրագիր բռնեց թևիցս, բաց արեց մի դուռ և ինձ ներս մղեց այնտեղ:

Ես գտնվում էի դատաստանի սրահում:

Դ

Քառակուսի մեծ սենյակ էր մեջտեղից երկուսի բաժանված փայտե ցանկով. մի կողմում պայտաձև սեղանի շուրջը նստել էին վեց անձինք. զլխի կողմի նստողը կոշտ գծագրությամբ, սպիտակ փաթտոցով, երկայն վերարկուով՝ նախագահն էր, որը մի ձեռքը դրել էր յուր աջ կողմում գրված օրինաց գրքերի վրա՝ ձախտվը դարձնում էր համրիչի հատերը ու շրթունքները շարժում լուսթյամբ. — աղոթում էր նստած տեղը: Նրա աջ կողքին բազկաթոռի վրա նստել էր արբեցողի աչքերով և մուշտակ հագած մի նիհար ու գունաթափ էֆենդի՝ մի ծունկը բարձրացրել, նրա վրա էլ դրել էր թուղթը և գրում, իսկ մյուսները մի-մի թղթի կտոր ձեռքներին կամ կարդում էին և կամ բարձրաձայն հորանջում ու բերաններն աջնչափ մեծ բանում, որ խոչափողի ծակերը տեսնվում էին: Այդ սրահումն ևս պատից դուրս պարզված կար մի վառարանի խողովակ, որը եկել կտանում էր դեպի նախագահի գլուխը: Պատերի վրա ամեն կողմից կախված կային տոպրակներով թղթեր, իսկ հատակի վրա թափված թղթի կտորները եթե հավաքեին՝ մի կողով կլցնեիր, որի կեսը կլինեիր պանրի կտորներ, պապիրոսի մնացորդներ, թուրքաց եղեգնյա գրչի կտրվածքներ և այս-այն կողմ լուսամուտից փչող քամիից թռչկոտող՝ եղեգնի միջից դուրս եկած օձանման միջուկներ... Մի անկյունում ընկած էր մի

նոր կոտրած հնամաշ բազկաթոռ, իսկ մյուս անկյունում ցցած էր եղեգնյա գրչի կողերի 5—6 տրցակներ:

Երկրորդ մասը, ուր տարան մեզ և մեր ետևից փակեցին ցանկի վանդակը, սենյակի ամբարն էր, այո, ամբարն էր, որովհետև այստեղ սկսած կոտրած փայտերից, ավելից, վառարաններից, շայնիկներից մինչև հրեմաձ գորգեր, կարպետներ, թղթեր, արձանի կտորներ՝ դարաված և խառնիխուռն ձգված էին ամեն կողմ, այնպես որ մեզ մնում էր կամ կանգնած մնալ կպած ցանկին և կամ նստել այդ կույտերի վրա:

Եվ ես նստեցի մի գորգի վրա ու այնտեղից սկսեցի դիտել դատաստանի երկճյուղյան այդ սրահը և վեց դատավորներին:

Ցանկի դռան, սեղանի մոտ և սենյակի դռանը կանգնել սպասում էին զօնո՞ւմ հագուստներով և ոտաբոբիկ զինվորներ:

Միծաղելի էր, ճշմարիտ, տեսնել այդ թեք ընկած, դերձակի նման լոքած, հորանջող, քնելու պատրաստ դատավորներին, տոպրակազարդ պատերը, դարևոր կեղտից սևացած առաստաղը, աղբով ծածկված հատակը, անկյուններում դիզված տրցակները ու կոտրած աթոռները և ի լրումն ամենայնի մեզ՝ ցանկի ետևից նայող հանցավորներինս, մեզ, որ տեղ էինք բռնել փայտերի, գորգերի և զանազան իրեղենների կույտերի ծայրին, ու այնտեղից սպասում էինք, որ մեզ հերթով սեղանի մոտ կանչեն...

Այդ միջոցին հանկարծ դատարանի լուսամուտից երևացող Այա-Սոֆիայի մինարեից լսվեցավ մի զիլ ձայն, որ գոռում էր.

— Ալլահ աբպե՛ր...

Կեսօրվա ազանն էր այդ, մահմեդականաց երկրորդ աղոթքի ժամանակը:

Սրահի դատավորները իսկույն դադարեցին հորանջելուց, նախագահը ծանրությամբ վեր կացավ աթոռի վրայից, բայցեղ դեպի դուռը և անցավ զինվորի բաց արած դռնից դեպի մի ուրիշ փոքրիկ սենյակ, որի դուռը շկողպեց զինվորը, և մենք տեսանք, թե նախագահը ինչ արեց այնտեղ:

Նա ձեռքը երեսին քսեց ծանրությամբ, հորանջեց, հետո դռան մոտ պզգեց, այնտեղ դրված ջրով լվաց երեսը, երկու մատներով թրջեց սափրած գազաթը, թևերը վեր բշտելով մինչև արմունկը, թաթախեց ջրի մեջ, հետո ոտների գուլպաները հանեց, ջուր քսեց բթամատի և ցուցամատի միջանցքին և այդ բոլորը անելուց հետո՝ նա լոքեց սենյակի մեջտեղում փռված մի կարպետի վրա և սկսեց աղոթել:

Սրահի միջի անդամներն ևս դուրս գնացին, և սրահը դատարկվեց. զինվորը վար բաշեց ցանկի դուռը, կողպեք դրեց վրան, փակեց կաղիթ

անյակի դառք, հետո սրահից դուրս եկավ, նրա դուռն էլ կողպեց, և մենք մնացինք բանտարկված դատաստանի սրահում:

Պիտի ասեմ, որ ցանկի ետևում կայինք ավելի քան քսան անձինք և նույնիսկ երկու կանայք, որոնք սավանի մեջ փաթաթվել՝ կծկվել էին մի անկյունում:

Քուրբ սկսեցին խոսակցել, հետո մի-մի նստելու տեղ գտան, իսկ ես ոտներս նախ պարզեցի, հետո մեջքս էլ, ապա թև գլխիս տակ դրի... կամաց-կամաց աչքերիս կոպերը փակվեցան և քնեցի...

Չգիտեմ որքան ժամանակ էր, որ քնել էի, երբ մի խուպոտ ձայն դիպավ ականջիս. ես վեր թռա, շարժեցի թմրած թևս և ուղեցի տեսնել, թե ո՞վ էր այդ խոզի ձայն հանողը:

Պարոն նախագահն էր, որովհետև դատափորձերը արդեն եկել իրենք տեղն էին բռնել, դատավարությունը արդեն սկսել էր, և նախագահը փաթեթը ծռած, դեմքը կատաղի, հայհոյանքի լուտանք էր, որ թափում էր սեղանի մտտ կանգնած երկու անձերից մեկի գլխին.

— Գլավուր, խնզր, թերե՛ս... — գոռում էր նա, — ի՞նչպես ես համարձակվում քո արած հանցանքը այս մյուսուլմանի, «հաղի դինք» պաշտող մարդու վրա բարդել և նրան դատի էլ ենթարկել...

— Վալլահ, աղա՛... — ասում էր խեղճը գլուխը քորելով, — ախր նա գլուխս պատռեց, ահա, տեսեք... — և նա ցույց էր տալիս ճակատի վրա բացված լայն վերքը, որի վրա արյունը թանձրացած մի կարմիր թաղանթ էր կապել:

Գեպը այս էր, ինչպես որ հետո հասկացա:

Քալըք բազարում մի թուրք մտնում է մի հայ կերակուր եփողի խանութ և «շքեմբե շոքբասի»¹ է ուզում 40 փարայի. հայը լցնում է մի աման և դնում է նրա առջև, սակայն միտքը ուրիշ տեղ եղած լինելով՝ մոռանում է հաց բրդել մեջքը. թուրքը բարկանում է և ամանը կերակուրով շարտում է հայի գլխին. բարեբախտաբար կերակուրը ողողում է հայի միայն հագուստը, իսկ ամանը մի մեծ վերք է բաց անում նրա ճակատի վրա: Թուրքը այդ քաջագործությունը անելուց հետո ուզում է փախչել, սակայն հայը մի ուստիկան է կանչում և թուրքին բռնել տալիս: Ուստիկանական վաբուլությունը բարվոք է համարում հային էլ թուրքի հետ բանտարկել մինչև դատի օրը, և ահա նրանց բանտարկվելուց մի ամիս հետո գործը սկսում էր... Այդ դատն էր, որին մենք ներկա լինելու պատիվը ունեցանք:

Թուրքը հայտնել էր, թե հայը իրեն ապտակել էր, ուստի և ինքն էլ կերակուրի ամանը շարտել էք նրա գլխին, որովհետև բարկությունից

իրեն չէր կարողացել զսպել. բացի դրանից սեպուհ պարտավորություն էր համարում հայտնել, որ «անիծյալ գլավուրը վերքը ստանալուն պես համարձակվել էր մոռանալ իրեն և հայհոյել մարգարեին ու «հայիկ դիներ»...

Այս վերջին հայտնությունը սատիկ զայրացրել էր դատավորներին, և նախագահը պարտք էր համարել դատարկել հայի գլխին յուր հայհոյանաց տուպրակը...

— Լո՛ր, — որոտաց հայի վրա նախագահը, — գիտե՛ս ինչ մեծ հանցանք ես գործել — «քյուրեգի»¹ արժանի հանցանք... Սա զարմանում եմ, թե մեծն աստվածը, փառավորյալ մարգարեն ինչպես իսկույն չի արմատահան արել այդ պիղծ լեզուդ... Բայց աստված անիմանալի է, և նրա մարգարեն՝ իմաստուն, նա թողնում է յուր շերմ հավատացյալներին՝ պատժելու իրենց հայհոյողին... Ի՞նչ եք ասում, տյարք դատավորք, — դարձավ նա անդամներին, — մի՞թե արժանի չէ այս գլավուրը հավիտենական բանտարկության...

Ենդճ հայը աշնան տերևի պես գունաթափ՝ դողում էր. նա երերաց և կմկմաց.

— Ախր սուտ է ասում, ես չեմ հայհոյել, վկա ունիմ ..

— Մ՞ով են վկաներդ, — հարցրեց դատավորներից մեկը:

— Երկու վկա ունիմ...

— Երկու չի կարելի, — գոռաց նախագահը, — երեք պիտի լինին, և նրանցից երկուսը՝ մյուսուլման... ունի՞ս այդպիսի վկաներ...

— Ո՛ր, բուրն էլ հայ են... խանութումս տաճիկ չկար այն ժամանակ:

Գատավորներից մեկը ժպտեց, ես էլ ժպտեցի, որովհետև միամիտ հայը չգիտեր, որ տաճիկ վկա գտնելու համար պիտի նախ ոչնչացնել տաճիկ դատավորները, որոնք ամեն ջանք գործ են դնում, որ տաճիկ վկաները ատյան չհանեն, երբ վկայությունը հօգուտ մի հայի է:

Ենդճ հայի բանը բուրդ էր, որովհետև օր չէր լինում, որ տաճիկները մեղապարտությունից ազատվելու համար հայհոյանաց հանցանք չբարդեին հայերի վրա. և միշտ այդ կերպով հաշողվում են թե դատապարտությունից ազատվել և թե հային միշտ հանցավոր հանել ու բանտարկություն և տուգանքների ենթարկել...

Այս այսպես է. հետաքրքրվողը կարող է ստուգել:

Քիչ հետո հային վեց ամսվա բանտարկություն վճռեցին. խղճում էին...

¹ Թրակարտություն:

¹ Փորստից շինած սուպ:

— Գնա՛,— ասացին ինձ, երբ վկայութունս տվի, և ես դուրս գնացի սրահից. կոշիկներս հագա ու ցած իջա սանդուխներից:

Երկայն նրբանցքից անցնում էի, երբ այնտեղի լուսթյունը, դռներից մեկի առջև ժողովված բազմութունը ինձ դրդեց մոտենալու:

Այդ դռան վրա գրված էր «Ծղեռնադատ նախնական ատյան»:

Դռան վարագույրը ետ էր քաշված, և մի հոծ բազմութուն՝ միմյանց վրա խոնված դիտում էր ներսը: Կարողացա թևերի տակով ներս մտնել և այս անգամ ես գտնվում էի փոքր-ինչ ավելի մեծ, մաքուր, մեծ լուսամուտներով մի սրահի մեջ: Կարմիր վարագույրները ծածկված լինելով մի խորհրդավոր լույսի մեջ տեսա բարձր ամբիոնի վրա եռանկյունի կանաչ սեղանը, որի զլխին նստել էր նորից մի սպիտակ փաթոցավոր «կադի», և նրան շրջապատել էին հինգ-վեց շատ կոկիկ հագնված պաշտոնյաներ:

Կանոնավոր մի սրահ էր, ատյանի առջևում մի վանդակ կապած, սրահի մեջ նստարաններ, դռան ճակատին սուլթանի «թուրան», ատյանի երկու կողքին փաստաբանների համար բարձր սեղաններ և վերը՝ ամբիոնի մի անկյունում, զանազան դեսպանների համար սիթոններ, որոնց մեկի վրա նստել էր պարսկական զլխարկով պարսից դեսպանի հայ թարգմանը:

Խոր լուսթյուն էր տիրում սրահում, և «քաթիպ-էֆենդին»¹ ոտքի կանգնած կարդում էր ձեռքին բռնած թուղթը, իսկ դատավորները կամ խազխզում էին իրենց առջևը դրված թղթերի վրա և կամ ժողովուրդն էին դիտում:

Ես տեղ բռնեցի մի նստարանի վրա և դիտում եմ:

Տասնհինգ բուսե տեղեցի այդ «լահիհեն»², որից հետո նախագահը գուշեց:

— Հյուսեյն Խալիլ օղլին և Ահմեդ Նազիմ էֆենդին թող առաջ գան: Ատյան մտան մի հասակավոր, պերճ հագնված տաճիկ և նրա ետևից՝ մի կեղտոտ դեմքով կտրտած հագուստով պարսիկ, որի մի թևը վզից անցկացրած թաշկինակի մեջ էր դրված. այդ պարսիկը նմանում էր մի մըշակի, իսկ թուրքը՝ մի հարուստ բեյի:

Եվ այդպես էլ էր. թուրքը Հիսար-Բուրնիի կաշի գործարանատերն էր, իսկ պարսիկը՝ նրա ամենահասարակ գործավորներից մեկը:

Բուրնիս հետաքրքրում էր այն, թե ի՞նչ դատ ունեի այդ ցնկոտ պարսիկը նշանավոր գործարանատեր Ահմեդ Նազիմ էֆենդիի դեմ: Բանից դուրս եկավ, որ պարսիկի թևը մի մեքենայի տակ էր ընկել և մինչև արմունկը ջախջախվել էր, և այդ այսպես էր եղել:

Ամսի 2-ին Ահմեդ Նազիմ էֆենդին յուր գործարանին այցելության էր գնացել. մոտենալով շոգեշարժ մեքենային, տեսել էր, որ ռեզուլատորը լավ չէր բանում (այնչափ տեսել էր, որ փոքր-ինչ հասկանում էր) և Հրամայում է յուր մոտ կանչել գերմանացի մեքենագործին, սակայն մինչև նրա գալը նա դառնում է մեքենայի մոտից այդ ժամանակ անցնող պարսիկ մշակին և հրամայում է, որ մեքենան յուղե: Պարսիկը տեսած լինելով, թե ի՞նչպես են յուղում, առնում է եղամանը և մոտենում է մեծ անիվին...

— Այդտեղ չէ՛, հիմար,— գոչում է էֆենդին և հրում է պարսիկին դեպի ռեզուլատորը, բայց պարսիկը այդ բուռն հրելուց քիչ է մնում ընկնի, ուստի կոթնում է մեծ անիվի առանցքին. առանցքը վայրկենապես ետ է մղում նրա թևը և ձգում դեպի մեքենայի թևը, որը և դառնալու ժամանակ այնպես խփում է նրա թևին, որ մինչև արմունկը ջախջախվում է:

Պարսիկին տանում են հիվանդանոց, ուր նրա թևը կազդուրվում է, բայց մնում է հաշմանդամ: Հիվանդանոցից դուրս գալուց հետո նա դիմում է էֆենդիին և խնդրում է նրան գոնե ճանապարհածախս տա Պարսում է էֆենդին և խնդրում է նրան գոնե ճանապարհածախս տա Պարսում է, ու կաստան դառնալու, բայց (պարսիկի ասելով) էֆենդին հրամայում է, որ նրան վռնդեն, ծառաները գլորում են նրան յալը-ի պատշգամբից՝ դեպի ծովը, ուր նա հազիվ կարողանում է խեղդվելուց ազատվել՝ կառչելով ափումը ցցված նավակը կապելու ցցին:

— Եվ, — ավելացրեց պարսիկը, — պատշգամբում էֆենդին ու յուր խանումը կանգնել՝ քրթիչներով ծիծաղում էին ինձ վրա...

Պատմեց պարսիկը ու լռեց:

— Վկաներ ունի՞ս,— հարցրեց նախագահը պարսիկին:

— Այո, ունիմ...

— Շատ լավ, գնա դուրս մինչև կանչեմ:

Պարսիկին դուրս արին, նախագահը ծառային հրամայեց ներս բերել վկաներից մեկին: Ներս եկավ մի ուրիշ պարսիկ, որ նույն կեղտոտ թև վկաներից մեկին: Ներս եկավ մի ուրիշ պարսիկ, որ նույն կեղտոտ թև և կտրտված հագուստն ունեի, սակայն դեռևս կոտրած թև չուներ, թեև նույն գործարանի գործավորներիցն էր: Դատավորը հարցրեց նրա անու-

1 Գրագիր:
2 Տեղեկագիր:

1 Բուֆորի վրա դեպի ծովը պարզված պատշգամբով շենքեր են ամսովա բնակությունների համար:

նք, արհեստը, հայրենիքը, տարիքը, և մի րուպե լուելուց հետո հանկարծ հարցրեց.

— Դու ո՞ր դեպքի վկան ես, թեք կոտորելու, թե յալըի տեսարանի...

— Յալըի տեսարանի, ահա այսպես եղավ. մենք երկուսս...

— Լո՛ր, — գոռաց նրա վրա կաղին, — դեռես քեզ չհարցրի դրա մասին, երբ հարցնեմ, այն ժամանակ պատասխանիր:

Պարսիկը լեց և գլուխը խոնարհեցրեց:

— Ինչպե՞ս եղավ, — հարցրեց կաղին փոքր-ինչ լուռությամբ հետո. Լսողների ծիծաղը շարժեց կաղիի այդ ընթացքը. պարսիկն իսկ ապշույթյամբ նրան նայեց և կմկմաց.

— Աղա, հարցնո՞ւմ եք:

— Իհարկե, հիմա՛ր, չե՞ս լսում, որ հարցնում եմ:

— Կարո՞ղ եմ պատասխանել: — բարձրացավ ընդհանուր ծիծաղ, իսկ պարսիկը ապուշ աչքերով բոլորին էր նայում:

— Պատասխանի՛ր, — գոռաց դատավորը:

— Այսպես եղավ. երբ Հյուսեյնին հիվանդանոցից բաց թողին, և մենք նրա թեք մի թաշկինակով կապեցինք վզին, ելանք գնացինք Ահմեդ էֆենդիի տունը, որ փող ուզենք Հյուսեյնի համար, երթա իրեն, այնտեղ հայր ունի, մայր ունի, երկու էլ տղա ունի. իմ հարևանս է. ես տեսել եմ և ճանաչում էի նրան...

— Դեպքը պատմիր, — միջահատեց նրան դատավորը:

— Պատմում եմ, էֆենդի...

— Որ գնացիք էֆենդիի մոտ, ի՞նչ եղավ:

— էֆենդին գոռաց ու մեզ վճռեց. ես փախա մտա նավակը, իսկ Հյուսեյնին ծառաները շուռ տվին ծովի մեջ. հագիվ...

— Լա՛վ, — միջահատեց նորեն կաղին, — ե՞րբ էր այդ:

— Մի երկու շաբաթ առաջ:

Կաղին գրագրին դարձավ և հրամայեց գրել:

— Երեկո՞ էր, թե՞ առավոտ:

— Երեկո էր:

— Ժամը բանիսի՞ն:

— 10-ը կլիներ. ո՞վ գիտե. կարելի է 11-ն էր:

— Մո՞տե՞ս էր:

— Երբ տուն էի վերադառնում՝ մթնում էր:

Տիբեց փոքր-ինչ լուռությամբ, որո ընթացքում կաղին ժպտելով մի քանի խոսք փսփոսաց յուր կողքի գատավորի ականջին և ապա նույն ժպտելով Ահմեդ Նազիմ էֆենդիին — նստարանի վրա փառավորապես բազ-

ժած և հեղնորեն ժպտող գործարանապետին նայեց և դառնալով նորեն պարսիկին՝ հարցրեց.

— Յալըի պատշգամբ շա՛տ բարձր էր չրից:

— Շատ բարձր չէր:

— Քանի՞ արշին կար:

Պարսիկը փոքր-ինչ մտածեց և հետո ասաց.

— Երկու-երեք արշին կար:

— Նավակը ձե՞րն էր:

— Այո, բայց նավակը հեռու էր կապած, և նավավարը պիտի մոտ բերեր, երբ կանչեինք:

— Ինչո՞ւ ցամաքային դռնով չգնացիք:

— Ուզեցինք ծովի կողմով գնալ:

— էֆենդիի կինը ի՞նչպես էր, բարձրահասակ էր:

— Ոչ շատ, — ասաց պարսիկը, — բայց գեղեցիկ էր և...

— Լո՛ր, — գոռաց նրա վրա կաղին, — այդ մասին երբ չեմ հարցնում, մի պատասխանիր... Գնա, լավ...

Մի ժամից հետո վճիռ տրվեց այսպես.

«նկատելով, որ վկա Մուրատը ասում է, թե երեկո էր, և ինքը ես-վիլը բնութիան ժամանակ ասել էր կեսօրից հետո.

Նկատելով՝ որ վկան ասում է, թե ժամը 10-ից 11-ը կլիներ, իսկ եսվիլը՝ 9-ից 10-ը.

Նկատելով՝ որ յալըի բարձրության մասին վկան երկու-երեք, ես-վիլը 4 արշին էր ասել և կառավարության կողմից չափված լինելով 1 1/4 արշին է երևացել.

Նկատելով՝ որ Ահմեդ Նազիմ էֆենդիի կնոջ համար վկան ոչ շատ բարձրահասակ, ինքը եսվիլը բարձրահասակ է ասել, իսկ ստուգված է, որ միջահասակ է.

Նկատելով՝ որ և այլն...»:

Այնքան «նկատելով», որ սկսեցի սոսկալ, թե այդչափ «նկատելով-ներն» ո՞րտեղից գոյացան հանկարծ:

Ի վերջո վճռվեց. Ահմեդ Նազիմ էֆենդին բոլորովին արդար, իսկ վկան՝ Մուրատը յուր սուտ վկայության համար մի ամսվա բանտարկության:

Հանկարծ ուռածափոր գործարանատերը ոտքի ելավ, փոքր-ինչ փրկեց և ասաց զորեղ ու բարձրաձայն շեշտով.

— էֆենդիներ, արդարադատություն եմ խնդրում ցնկոտ պարսիկի դեմ, որ համարձակվեց ինձ — Ահմեդ Նազիմ էֆենդիի դատաստան բարձր ալ և ժամերով նստեցնել այս տախտակյա նստարանի վրա... Ամեն

հով աշից ձախ ցած հոսեցրեց քրտինքը, և երբ ճակատը քիչ սպիտակեց էր, ասաց.

— Դեռ կա... քսան մանեթ էլ կա:

Ակոն լոեց և բահը մղեց մարգանեցի մեջ:

Խեղճ Մկո. մինչև երբ պիտի կարողանար այդ գումարը վճարել Զէ՛ որ քսան ուրբի վճարելու ընթացքում նրան ապրել էր պետք, տուն փող ուղարկել... Ուրեմն էլի պարտք պիտի աներ, էլի պիտի հաշիվներ ունենար: Խեղճ Մկո:

Այդ մտածելով, Ակոն նայեց Մկոյի սև դեմքին:

— Կուզես իմ օրականից քիչ վերցրու,— խոսեց նա պահ մի հետո:

— Դու քի՛չ պետք ունես,— մոմոաց Ակոն,— Սրապիտն աղայի ան-

հատնում պարտք մոռացե՛լ ես:

Եվ երկուսն էլ միաժամանակ բահերը խրեցին մարգանեցի կույտի մեջ:

Այդ միջոցին հեռվում կանգնած մի շոգենավի վրայից լսվեց նախ Գանգակի և իսկույն հետո սուլումի ձայն:

— Կեսօ՛ր,— գոչեց մեկը ցածից:

— Կեսօ՛ր...— ասացին միմյանց ետևից ամենքը և տեղնուտեղ ցած գցեցին կողովները:

Շոգենի էին, սաստիկ հոգնել: Ցած դրին կողովները և նրանց կողքին էլ նստան:

— Հաց ուտենք,— ասաց Ակոն:

— Անտթի չեմ,— առարկեց Մկոն,— բայց գնանք, նավամատուցի վերին ծայրը ելնենք. սիրում եմ ծովին նայել, դիտել հեռու. շատ սիրուն է տեսարանը, ծայր շունի...

Աչքերը տրորեց, թևով մի այտը սրբեց ու դուրս թռավ վագոնից՝ վերի պատի վրա: Ակոն հետևեց նրան: Ամեն կողմ, իրենց կողովների մոտ նստուտել էին և հանգստանում սև թշվառները: Մեկը ընկողմանած մարգանեցի կույտի վրա, մյուսը՝ մեջքի վրա փռված այրող արևի մեջ տաք բարերի վրա, մի ուրիշը թիկն տված վագոնին... Ջուր չկար լվացվելու. ծովը խոր էր, ջուրն էլ աղի: Ստիպված էին սև մնալ ու իրենց մի կտոր ցամաք հացը սև ակոսներով խածնել ու փռու հետ կուլ տալ:

Վագոնի մի անկյունից Ակոն հանեց թաշկինակով կապած հացը. երկու եզրերորդները հեռացան դեպի նավամատուցի ծայրը. հով տեղ չկար. արևի տակ, կիզիչ բարերի վրա նստեցին և պահ մի լուռ՝ սկսեցին ուտել:

Ալիքները գալիս ումբի պես պայթում էին՝ խփվելով կարծր պատին: Հեռվում մի քանի փոքրիկ առագաստանավեր բուռն կերպով օրորվում էին և կայմի ծայրով ջուրը համբուրում: Ալիքներից կազմվող փրփուրն գծերը միմյանց հրում, միմյանց վրա ելնում, փոքրերին կլանում. մեծից կլանվում, ի մի էին ձուլվում և գալիս ծեծում էին ամբարտակը: Այդ մոնշյունի միջոցներում լսվում էին ծիծառների ձայներ և շոգենավի ճնշված շոգու նուրբ սուլումը:

— Ցած չի գնում,— ասաց Մկոն կուլ տալով հացի մի կտոր.— բազա անապատի պես շոր է:

— Փոշին է արել. իմն էլ այդպես է. կուզե՞ս, ջուր բերեմ:

— Ո՛չ, նստիր, ջուրը շատ տաք է:

Եվ շարունակեցին ուտել:

— Որքա՛ն շքեղ է ծովը,— խոսեց դարձյալ Մկոն քիչ հետո՝ աչքը, ծովի հորիզոնին ուղղած:

— Այո՛... բայց ալեկոծություն կա:

— Այդ ոչինչ. շոգենավը դրանից չի վախենա:

Ակոն քիչ լոեց, հետո խորունկ շեշտով ասաց.

— Ի՛նչ լավ կլինեիր, եթե մեզ էլ տաներ շոգենավը: Մկոն ծիծաղեց:

— Ո՛ւր տանեիր,— ասաց նա.— Եվրոպա՞, Պոլի՞ս

— Տրապիզոնի մոտից է անցնելու:

— Կանգ չի առնի այնտեղ:

— Կկանգնի. առավոտյան ես դեկավարին հարցրի. թուրքերեն գիտեիր:

— Է՛, ինչո՞ւ հարցրիր, միտքդ ի՛նչ էր:

— Հենց այնպես,— ժպտաց Ակոն,— ուրախացա, որ Տրապիզոն կանգ է առնելու:

Մկոն կտրեց մի շերտ հաց, հետո տխրությամբ և մեղմ ասաց.

— Երեխա ես, Ակո:

— Ի՛նչ անեմ... Զէ՛ որ Տրապիզոնից են երկիր գնում: Երկրի ձայնը խոսեց իմ մեջ... Ի՛նչ լավ կլինեիր, եթե այդ շոգենավը մեզ վերցնեիր, իբրև ամբարների մեջ կոխեր, այդ մարգանեցի հետ թեկուզ ներս լցնեիր, միայն երկիր տաներ մեզ...:

— Լավ կլինեիր, այո... շատ լավ... բայց պարտքե՛րը... բացի դրանից էրթայինք երկիր, ի՛նչ անեինք...

— Է՛հ,— ասաց հուզմամբ Ակոն,— աստված է վկա, որ այստեղ

Նորից երկրում է, նորից իր գյուղում, պարտեզի մեջ, կնոջ, որդիների մեջտեղ:

...Հանկարծ աղմուկը ընկնում է գյուղը: Յած է ձգում գոալը: Մած բիամբ գունատ՝ վեր է թռչում, երեխայքը կաշում են մորը: Ի՞նչ կա, ի՞նչ է եղել:

Ոչինչ. հարկահանն էր, գյուղ էր մտել, տուրք էր ժողովում և մըտ-բակներով, սվիններով ժողովում...

է՛հ, այնուհետև էլ ի՞նչ կյանք, էլ ի՞նչ նշանակութուն ունի այդ սիրուն երկրի տեսքը, կլկլացող առվակները. էլ ինչո՞ւ այդքան սքանչելի, անուշաբույր ծաղիկներ, էլ ինչո՞ւ զով քամին, պարարտ արտեր, գեր տավար... էլ ինչո՞ւ կին, որդիք... Զէ՛ որ այդ բոլորը վերցնում, ապակահում, կոխտում, պղծում, քանդում են հարկահանները, վաշխառուները, քրդերը, աղաները...

էլ ինչո՞ւ այդ բնությունը, երբ նրա վայելողները իրենք չեն, այլ քանակիսիները, որոնք ո՛չ աշխատում են, ո՛չ գործում, ո՛չ նրա հարգը պահեն և գալիս հափշտակում են, պղծում ու ավերում...

էլ ինչո՞ւ պարտեզ մշակել, երբ նրա արդյունքը հարկահանի կոկորդըն է անցնում. ինչո՞ւ արտ ցանել, երբ նրա ցորենը շահնայի գրպանն է ունեցնում. ինչո՞ւ մարգագետինը խնամել, երբ նրա խոտը տուրքի է դնում, իսկ կովն ու տավարը քրդի խնջույքին ծառայում: Ինչո՞ւ ուրեմն տունուտեղ շինել, երբ նրանք մի խումբ կանոնավոր կամ անկանոն հաճույքները լուսավորելու համար այրվելու էին: Ինչո՞ւ, մի խոսքով, աշխատել ու տքնել, երբ ոչ աշխատանքիցդ մասն ունիս և ոչ էլ քրտինքիդ տերն ես... Ինչո՞ւ ուրեմն աշխատել, ինչո՞ւ...

էլ ի՞նչն է կապում իրեն այդ բնության, այդ երկրի հետ: Հո՞ղը. չէ՛ որ չեն թողնում նրան առանց պղծելու. օջա՛խը. չէ՛ որ բոլորի կրակը մարեցին՝ տավարը. չէ՛ որ նրա կաթն էր իր բերանը մտնում և ոչ էլ կարողանում էր խնամքների փոխարենը ստանալ. եկեղեցի՛ն. մնա՛ց մի եկեղեցի, որ չբանդվեր: Ի՞նչը ուրեմն. կի՛նը, որդի՛քը... Ի՞նչպես իմանար, որ մինչև այժմ իր կնոջը չեն բռնաբարել, չեն առևանգել և որդոց գլուխները ջախջախել՝ քարերի խփելով...

Ի՞նչն էր կապում նրան ուրեմն այդ երկրի հետ... Ինքն էլ չգիտեր Մի բան քաշում էր նրան այնտեղ. թեկուզ ոչ մի սեփականություն չունենար, թեկուզ իր գլխին կանգնած՝ խփեին ու ձեռքիցն առնեին իր յուրաքանչյուր բուստի վաստակը...

Բայց նա կուզեր իր հայրենի երկրի մեջ գտնվել, իր գաշտի ջուրը խմել, իր պարտեզի ծաղիկները հոտոտել, իր լեռների խոտերով կերակրվել, իր կնոջ ու որդիների հետ տանջվել...

Մի ձայն, մի խոր, հոգու լարերը հնչեցնող, աղիքները գալարող սիրտը արյունոտող ձայն կանչում էր նրան: Երկիրը կանչում էր. երկրի ձայնը անընդհատ հնչում էր ականջին. ծովը, քամին, ծառը, բույսը, նույն-ձիակ սև փոշին բերում էր այդ ձայնը, մղում նրա հոգու շղերի մեջ...

Այո, գնալ, գնալ այնտեղ, գնալ իր հողի վրա տանջվել, իր երկրի մեջ շնչել, այնտեղ մեռնել, միայն այնտեղ...

Վեր կացավ նորից: Քնել չէր հաջողվում նրան. քրտինքը ծորում էր, ծորում, և նա, աչքը ծովին, ալիքներն էր դիտում, ականջը ձայնին պարզում, երկրի քաղցր գրավող, կոշող ձայնին...

Տանջվե՛լ... Այո՛, իհարկե, այնտեղ տանջանք կա: Բայց մի՞թե այնտեղ սակավ էր տանջվում: Սև փոշու մեջ կրում է, կրում. կեսօրին տաք արևի տակ մի կտոր ցամաք հաց ուժով մղում-անց է կացնում չորացած կեկորը, երեկոյան մի աման կեղտոտ ու անհամ կերակուր ուտում սև և մութ սրճատանը, մենակ, տխուր՝ պառկում է հոտած օդի մեջ, հիվանդություն և ախտ շնչում...

Աշխատածը ի՞նչ է. մի քիչ փող. դրանով ոչ միայն վեց ամիս կրած հիվանդության ժամանակվա պարտքը պիտի վճարել, այլև ուղարկել երկիր՝ վաշխառուին մեղմացնելու, բնտանիքին հաց տալու...

Տանջվել, այո՛, կնոջ ու որդոց կարոտը քաշել... Ի՞նչ էր շահել այնտեղ. չէ՛ որ երկու տարի շարունակ տանջվել էր, ուրիշների գրպանը տեղ. չէ՛ որ երկու տարի շարունակ տանջվել էր, տքնել, ոչ կանոնավոր կերել և ոչ էլ խմել: Երբ, իսկ ինչը մաշվել էր, տքնել, ոչ կանոնավոր կերել և ոչ էլ խմել: Ինչո՞ւ այս բոլորը. ինչո՞ւ դատապարտված լինել միշտ տանջվելու. մի՞թե իրենց վիճակված է այդ. բայց ինչո՞ւ, ի՞նչ մեղք են գործել, որի՞ն գրկել, որի հացը կտրել, ո՞ւմ կողոպտել...

Ա՛հ, կողոպտե՛լ, գողանա՛լ... Զէ՛ որ միմիայն կողոպտող, գրկող և գողացողներն են, որ կարողանում են ապրել, հարստանալ, առանց տանջանքի կյանք վարել և իրենց պես հարյուրավոր թշվառների բանեցնել փոշիների մեջ...

Զլինե՛լ արդյոք այդպես. կողոպտել, գրկել, զոհերի ճիշը երկինք հասցնել, շարագործության սյունների վրա պալատներ կանգնեցնել: Ո՛չ, ամեն մարդու բանը չէ այդ. դա մի առանձին արհեստ է, կաթի հետ ծծվող ու հոգու հետ ելնող արհեստ... Իսկ իրենք՝ նա և իր երեմանները, դատապարտված են նրանց զոհը դառնալու, նրանց երջանկության հիմքը կազմելու...

Պառկեց նորից: Աչքերը փակվում էին. ա՛խ, եթե կարողանար մի բուստ բնել, մոռանալ բոլորը: Բայց արևը տաքացնում էր նրա գլուխը և քնելը անհնար դարձնում: Նեղվում էր, անախորժ քրտինքով ծածկվում...

Պառկեց նորից: Աչքերը փակվում էին. ա՛խ, եթե կարողանար մի բուստ բնել, մոռանալ բոլորը: Բայց արևը տաքացնում էր նրա գլուխը և քնելը անհնար դարձնում: Նեղվում էր, անախորժ քրտինքով ծածկվում...

Քեր աղեղ շինեց, շարժեց անդամները, գլուխը թևերի մեջ առավ և էլի սկսեց մտածել:

...Ուրեմն, այնտեղ անհնար էր ապրել, այստեղ էլ... էլի, երբեմն թվում է, որ այնտեղ լավ է: Գիտես, որ երբ այնինչը մոտ է գալիս, խըփելու է. պատրաստվում ես՝ կամ մեջքդ ես դեմ անում կամ բռունցքդ... Իսկ այստեղ: Սողոսկում են քրտինքիդ մոտ և երբ կարծում ես, թե աշխատել ես մի բան, մեկ էլ տեսար՝ չկա, ոչինչ չմնաց... Եվ շատ ավելի տանջվում ես, քան այնտեղ... էլ ինչո՞ւ ապրել ուրեմն. արդյոք աստված նրանց ավելորդ չէ՞ր ստեղծել...

Հանկարծ ցատկեց, նստեց և կռացավ դեպի ջուրը: Անդունդը, երեքուն անդունդը քաշում, կարծես կանչում էր նրան:

Բայց շուտով սթափվեց. մի մեծ ալիք բարձրացավ և ջրի բուռն հոսանքով լվաց նրա գլուխը:

— Ինչե՞ր էի մտածում,— ժպտաց նա.— մի՞թե ուզում էի ինձ ջուրը ձգել: Ինչո՞ւ. ձկներին կերակո՞ւր... Ի՞նչ ծիծաղելի ճակատագիր. որ կողմդ դառնաս, մեռած կամ կենդանի՝ կերակուր ես ուրիշներին...

Ջուրը քիչ զովացրած լինելով նրա գլուխը, այս անգամ նա քիչ մնաց ննջեր, բայց էլի՝ միտքը գնաց երկրին, էլի՝ ալիքները հնչեցին և երկրի ձայնը ականջին հասցրին...

Հիշեց, որ երկրից վատ լուրեր էին գալիս, սոսկալի բաներ էին պատմում: Արդյոք ի՞նչ դրուժյան մեջ էր այժմ իր գյուղը: Ամեն ինչ անշուշտ ավելի քան երբեք՝ տակնուվրա. ո՞չ մշակություն կլինեք, ո՞չ տավար մնացած, ո՞չ արտ, ո՞չ կայք... Խլում են, թալանում, այրում և սպանում... Կենդանի՞ է արդյոք Մարիամը և ո՞ր քրդի հարեմում, իսկ Ռիո՞ն, Գաբո՞ն, ո՞ր թփի տակ արդյոք իրենց վերջին շունչն են արձակում... Իսկ ժերունի մա՞յրը...

Եվ այդ բոլորի հետ, իրենք այս կողմը, տանջվում են, պակաս արյունոտ հաց չեն ուտում, պակաս չեն թալանվում, մեռնում...

Ուժգնությամբ ելավ նստեց և արյունոտ աչքերը պտտացրեց շոք կողմը:

— Ինչո՞ւ ուրեմն,— մտածեց նա ուժգնությամբ,— ինչո՞ւ այս բոլորը չկրել գոնե այնտեղ, երկրում, յուրաքանչյուրի մոտ... Ինչո՞ւ այնտեղ, նոցա հետ շտանջվել. ինչո՞ւ չգնալ իրենց հողի վրա տքնել, երկրի օդը ջնչել և այնտեղ էլ մեռնել...

Եվ որովհետև խոստացել եմ քեզ, ահա պատմում եմ: Գուցե պատմածս քեզ այլանդակ թվի, սակայն, պատմում եմ այն, ինչ որ եղել է և, աստված է վկա, որ շատ էլ մի մեծ հաճույք չեմ զգում դրանով. անցյալը, մանավանդ, հին վերքերը քրքրող անցյալը, պեղել՝ կես վիրավորվել է նշանակում:

...Փարիզ էի գնում. այն ժամանակ ես իրավաբանության ուսանող էի: Ամառը մեզ մոտ՝ Կովկասում, անցկացնելուց հետո հոկտեմբեր ամսին վերադառնում էի. դասախոսությունները շուտով սկսվելու էին և դրա համար էլ հազիվ վիճենայի մի կայարանը հասած, իսկույն կառք բռնեցի դեպի մյուս կայարանը գնալու. այդպես անելու ստիպեցի նաև մի մալարուս ընկերուհուս, որ նոր էր գնում Եվրոպա և Օդեսայում խնդրել էր ինձ օգնել իրան:

Հասնելով վեստբահնը¹, մի անկյունում ցած դրի բեռս, խնդրեցի ընկերուհուս սպասել և վազեցի տոմսավաճառի մոտ երկուսիս համար էլ տոմսակ առնելու:

Ահա այստեղ էր, որ ծանոթացա Աննայի հետ:

Կոթնած տոմսավաճառի առջևի կայանքին սպասում էի իմ հերթին և մտքով Փարիզ էի. ոչ ոքի ուշադրություն չէի դարձնում, երբ տեսա, որ մեկը ինձ հարցնում էր.

— Ներեցեք, պարոն, Փարիզ եք գնում դուր:

Դառնում եմ. մի ուս օրիորդ էր, թևով հենած կայանքին:

Երկարահասակ էր, սիրուն. կապտագույն աչքերը խիստ արտահայտիչ էին, մի ամբողջ խոր աշխարհ կար նրանց մեջ... դեմքի վրա խաղում էր մանկական խիստ քաղցր, դրավիչ ժպիտ. թշերը կարմիր էին, դում էր մանկական խիստ քաղցր, դրավիչ ժպիտ. թշերը կարմիր էին, զոդարիկ: Մազերը կարճ և բաց թողած. երկու բունքերից դեմքի վրա իջել՝ ծածանվում էին երկու խոպոպներ. գլխին ուներ մեջտեղից ակոխեցրած՝ տղամարդի մի փափուկ գլխարկ, որ սքանչելապես սազում էր նրան:

Շարժվածքների մեջ թեև կար ուս ինտելիգենտ կնոջ, մանավանդ ուսանողուհու ազատություն, բայց այդ այն հախուռն, անբնական շար-

1 Վիեննայից դեպի արևմուտք տանող երկաթուղիների կայարանը:

ժուռներին չէր, որոնք իրանց այլանդակությամբ ինձ միշտ անտանելի են եղել:

Նա պարզ էր և բնական. ոչ մի կապկային վարմունք, ձեռքերով ոչ սղոցել, բարձրաձայն կեղծ քրքիշ, բռնազբոսիկ միմիկաներ, բոլորը՝ «ազատամիտ կիին» ձևանալու համար... նա դրանցից չուներ. ինչպես հետո էլ նկատեցի, մինչև իսկ ոչ ֆրագլոր էր և ոչ էլ ամենագետ:

Հենվել էր կայանքին, ժպտում էր և պատասխանիս սպասում:
Նայեցի նրան մի վայրկյան. չեմ հիշում ինչեր անցան իմ մեջ, բայց զգացի, որ այդ արարածը ձգում էր ինձ դեպի իրեն, հմայել էր ինձ:

— Այո՞, օրիորդ,— ասացի ես աղջկա պես կարմրելով,— Փարիզ եմ գնում:

— Դուք ուսանող եք, ինչպես տեսնում եմ,— խոսեց նա,— իսկույն գուշակեցի... մեր երկրիցն էլ եք, քանի որ ուսեք են խոսում... ասացեք խնդրեմ, քանի՞ արժե արդյոք տոմսակը այստեղից մինչև Փնև, գիտե՞ք արդյոք:

— Փնև՞... այո... 38 ֆրանկ արժե, բայց դուք Փարիզ՞ եք ուզում գնալ, թե Փնև:

Մանուկի պես գլուխը շարժեց, խոպոպիբը ետ ձգեց և իր դյուբիլ ձայնովը պատասխանեց.

— Ըմ... այսինքն... գիտե՞ք ինչ, իսկն ասած ես ինքս էլ դեռ չգիտեմ ուր գնալ:

Ինչ եզրույթություն էր այդ. ահագին ճանապարհից մինչև Վիեննա էր եկել և չգիտեր ուր գնալ:

Մտեցա նրան, և խոսակցություն սկսվեց մեր մեջ. սկսեցինք զբոսնել սրահի մեջ:

— Այսպես ուրեմն,— ասացի ես,— չգիտե՞ք դեռ, թե ուր եք գնալու:

— Ո՛ր այդպես,— պատասխանեց,— գիտեմ, որ գնալու եմ բժշկություն սովորելու. բայց ահա հարցը... դուք ի՞նչ եք կարծում, որտե՞ղ է լավ դրված համալսարանը, Փնև՞, թե Փարիզ:

Զգիտեի ինչ պատասխանել. մի բոպե լուռ կեցա. բժշկական ուսանող չէի և Փնևի մասին էլ, համարյա թե, ոչինչ գիտեի:

— Գիտե՞ք ինչ,— պատասխանեցի վերջապես,— դուք մի դժվար հարց տվիք. իմ կարծիքով միշտ Փարիզումն է, ուր ամեն ինչ լավն է... բայց ես ոչինչ չգիտեմ բժշկական ֆակուլտետի մասին... գիտեմ միայն, որ ունենք աշխարհնշակ պրոֆեսորներ, որպիսիք են Շարկո, Բիբո, Պիեր Փանև...

Կարծես թե ուզում էի համոզել, որ ինձ հետ գար: Այդպես էլ էր:

չի ուզում, որ հեռանար ինձանից: Իմ առարկությունս վրա օրիորդը սկսեց մտածել, իսկ ես զգալով հանկարծ, որ կարող է նա գուշակած լինել իմ «ետին միտքը», ուզեցի սխալ ուղղության վրա դնել նրան և մի քիչ էլ ինքս ինձ մոտ արդարացնել:

— Սակայն, օրիորդ,— ավելացրի քիչ հետո,— դուք գիտեք էլի, ես չեմ ուզում պատճառ դառնալ, որովհետև... ասում են, որ Փնևի համալսարանն էլ լավ է... բայց Փարիզը, գիտե՞ք... Փարիզը ուրիշ բան է...

Աշխատում էի որչափ կարելի էր անտարբեր ձևանալ:

— Իսկ եթե,— շարունակեց սառնությունս,— ես ուզում եմ ուսանել, ես տուրիստ չեմ:

— Ուրեմն Փարիզ եկեք,— վրա տվի իսկույն,— շնորհամ ասելու նաև, որ Փարիզումն էլ էժան կարելի է ապրել... այո՞, բավական էժան:

— Օրինակ, քանիսո՞վ կարելի է ապրել,— հարցրեց Աննան:
Անունը Աննա էր. այդ ես իմացա, երբ սկսեցինք զրոսնել. նա անվանեց իրեն և իմ անունս էլ ինքը հարցրեց:

— Այսպես,— պատասխանեցի նրա հարցին,— ամսական ամենաքիչը 50 ուրլի պետք է, մոտ 125 ֆրանկ:

— Օ՞, մի՞թե,— բացականչեց նա և կանգ առավ:
Կարծեցի, թե ուրախացավ էժանության վրա. ես էլ ուրախացա, մտածելով, որ ահա համոզվեց ինձ հետ գալու:

— Ես կարծում էի,— ավելացրեց նա,— որ ամսական 30 ուրլիով կարելի էր ապրել, այդպես էին ասել:

— Օ՞,— գոչեցի ես— 30 ուրլի՞, այսինքն՝ 75 ֆրանկ և ոչ իսկ 100, դա անկարելի է:

— Եվ սակայն ինձ այդպես ասացին,— վերջացրեց նա տխուր շեշտով,— ինձ ասացին, որ Փարիզումն իսկ այդքանով կարելի էր ապրել:

— Շատ կարելի է,— մոմոացի ես,— եթե նեղ ապրվի:

— Ուրեմն կարելի՞ է,— ժպտեց նա երեսիս նայելով,— ես շուտ չեմ, շատակեր էլ չեմ. ես միայն սովորել եմ ուզում:

Լռեցի: Վճռողապես ասված այդ խոսքերը նրա կամքի ուժի շարժում էին ցույց տալիս, և ես հիացել էի:

Նա էլ լռեց և մտածության մեջ ընկավ: Սկսեցի աչքիս տակով քիչ գննել նրան: Սիրուն գողտրիկ դեմքի վրա, ունքերի մեջտեղում, գոյացել էին երկու ուղղահայաց աղոսներ, իսկ կապտագույն բիբերը բարձրացել էին շարժում Աննան:

Նայում էի և զննում նրա մետաքսանման գորշ մազերը, սիրուն վալիսուշ հասակը, վարդագույն աննման շրթունքները, որոնք վարդի թեր-

թերունքների պես բացվել՝ երկու շարք առողջ ատամներ էին ցույց տալիս:

Լիովին գրավվում էի նրանով, զգում էի, որ այլևս նրանից բաժանվել չէի կարողանալու և, ո՞վ գիտեր, պատրաստ էի ինքս ժնկ գնալ, եթե Փարիզ գալու չլիներ:

Մի քանի րոպե մտածությունից հետո, հանկարծ կանգ առավ նա, արագությունը հանեց գրպանից դրամապանակը, որ լիքն էր դրամով, ավելի ինձ և ասաց.

— Խնդրեմ՝ երկու տոմսակ գնեցեք մեզ համար:

— Փարիզի՞:

— Այո, Փարիզի. մեկն էլ ընկերուհուս համար, որ ահա ցածում սպասում է. առեք և բերեք ինձ, ես այնտեղ կլինեմ:

Ընկերուհին Վարշավայի մի կաղ ոսուհի էր (ավելի շուտով հրեուհու էր նման). դժգույն, հիվանդոտ, ձկան պես լուակյաց. բացի պետք եղած, բուսական կյանքի վերաբերյալ բառերից, նա ոչ մի խոսք չէր արտասանում. ամբողջ օրը վազոնի լուսամուտի մոտ նստած, լուռ լսում էր մեզ, դուրսն անգամ չէր նայում մեզ հետ, երբ մենք հաճախ հիանում էինք լեռնային տեսարաններովը: Խելոք աչքեր ուներ, որոնք անգույն և անփայլ՝ ծածկվում էին սպիտակ ակնոցի տակ: Սկզբում պատկառում էի այդ աղջկանից. ինձ թվում էր գիտուն, որովհետև ես հաճախ մտածել եմ, որ ճշմարիտ գիտունները նրանք են, որոնք ամենից ավելի լռել գիտեն. բայց այդպիսի դեպքում չէ՞ որ համբեր գիտուններ են դուրս գալիս:

Մենք, ես ու Աննան, ոչ համբեր էինք, և ոչ էլ գիտուններ, այնպես որ ամբողջ ճանապարհի ընթացքում խոսակցում էինք: Ինչի մասին ասես, որ շխտեցիք: Սկսած սոցիոլոգիականից մինչև գիտական հոգեբանության ամենախոր հարցերը, մանավանդ, սպիրիտիզմի մասին: Բավական վիճեցինք այն հարցի մասին, թե ինչ դիրք են խաղում բնական գիտությունները սոցիոլոգիական հարցերի մեջ: Աննան նրանց դերը ըմբռնել չէր կարողանում (ես չէի զարմանում, որովհետև համալսարանի մեջ այդպիսի պրոֆեսորներ անգամ կային): Ես աշխատում էի նրան ըմբռնել տալ խոսելով էվոլյուցիայի, դարվինիզմի, լամարկիզմի և այլնի մասին:

Աննան շատ կարդացել էր, բայց հարցերից՝ ընդհանրացումն գոյացնելու դեռ չէր հասել. մի քիչ էլ սխալ ուղղությունը էր քայլել: Ծշտությունը նա նշմարում էր. բավական էր նրան մի քանի կտրուկ հարցեր տալ, բերել նրան ճանապարհի վրա, մի մղում (impulsion) և ահա այդ հրաշալի սրամտությամբ աղջիկը այնպիսի խորաթափանց եզրակացությունների, այնպիսի առողջ վճիռների՝ էր հասնում, որ ինձ զմայլեցնում էր:

Նրա պակասությունը միայն այն էր, որ հեշտությամբ էր կորցնում մտածության թելը, եթե մի դիպված խախտեր նրան: Այդ իսկ պատճառով էլ նա սաստիկ նեղանում էր, եթե ես միջահատում էի նրա դատողությունը կամ չէի կարողանում իսկույն ըմբռնել, թե ի՞նչ է ուզում ասել:

— Խնդրեմ, — ասում էր նա նեղացած, — գերմանացոց պես եղեք. մի միջամտեք ինձ և սպասեցեք մինչև որ ես կատարելապես վերջացնեմ ասելիքս:

Բայց ինքն իսկ չէր պահպանում իր խրատը, երբ ես էի խոսում. անդադար ստիպում էր ինձ՝ ներողամիտ լինել իր վերաբերությանը:

Մեր խոսած լեզվի հատկությունն էր դրա պատճառը. իսկույն հասկանում էինք միմյանց, դեռ նախադասության կեսը չհասած: Գերմանացիք սպասում են մինչև վերջացնելը, որովհետև ուրիշ կերպ անել չեն կարող. նրանց լեզվում նախադասությունը կարող է լիովին հակառակ մտքի փոխվել՝ վերջումը մի խոսք միայն դնելով. մի nicht կամ gehabt բավական է, որ ամբողջ նախադասության դրական միտքը բացասականի կամ ներկա ժամանակը անցյալի փոխվի:

Այսպես, Աննայի հետ ամբողջ օրը խոսում էինք: Ավելի շատ խոսում էր նա՝ քան թե ես. պատմում էր ամեն բան. իր երկրի մասին, իր մտադրությունների մասին. հետո հարցնում էր ինձ Փարիզի ուսումնողների կյանքը և՛՝ երբ իմացավ, որ ես հրեա չեմ, այլ հայ, ծիծաղելով ասաց. — Ես մի քանի հայ ուսանողների եմ ճանաչում Մոսկվայում. նրանք լավ մարդիկ չէին. ինձ ասել են, որ հայերը առհասարակ սաստիկ վաճառական, գծուծ մարդիկ... աշխարհիս երկրորդ տեսակ հրեաները... խնդրեմ չնեղանաք, ես իմ լսածս եմ միայն ասում... բայց ես տեսնում եմ, որ դուք լավ մարդ եք... չեմ շողոքորթում:

Երևի որ իսկապես ես նրան լավ էի թվում, որովհետև ոչ միայն ճանապարհի շրջանվեց ինձնից, այլև Փարիզ հասնելիս, երբ նրան առաջարկեցի իմ տան մեջ գտնվող սենյակը վարձել, ընդունեց:

Տեղավորվելուց հետո ամբողջ օրը այդպիսով կամ ես նրա սենյակում էի և կամ նա իմ. խոսում էինք, հետզհետե ավելի և ավելի մտերմանում. կարդում էինք միասին, վիճում, ժողովների և երեկույթների միասին զնում, համալսարանում նա իմ դասերիս հաճախում էր ու կողքիս նստում, ես նրա դասերին էի հաճախում և կողքին նստում:

Մի խոսքով՝ սիրում էինք միմյանց, բայց դեռ ոչինչ չէինք խոստովանվել:

Եվ երբ հիշում եմ, թե որպիսի այլանդակ եղավ մեր խոստովանությունը...

Ես հրաժարվում եմ այսօր այլևս գրել: Ինչ օգուտ քրքրել հին վեր-

քերքը ինձ պետք է մոռանալ նրանց և ես ավելի պեղում եմ հիշատակ-
ներս:

Մի երազ էր, որ տեսա. այժմ զարթո՞ւն եմ արդյոք... չգիտեմ այդ...
տանջվում եմ... հիշում եմ Աննային, հիշում այդ հրաշալի հրեշտակա-
նման ազնիվ աղջկան, հիշում եմ նրա և իմ տանջանքները և... ներք
ինձ, բարեկամս, որ գրիչս ցած գնեմ... գոնե այսօրվա համար:

2

Ցուրտ է. ձմեռային մի երես կտրող քամի է բարձրացել. ֆրանսերեն
գրան կոչում են bise. իսկապես, որ բիզ է, ծակծկում է մարմինը. եր-
բման թվում է, թե սառույցի կտորներով ապտակում են քեզ:

Վառել եմ վառարանս և դուրս շեմ գալիս. կարդում եմ, երազում եմ
կրակի բոցի առաջ, բազկաթոռիս մեջ ընկղմած:

Աննային եմ մտածում... շարունակե՞լ արդյոք գրելը:

Որքան դժվար բան է եղել խոստում կատարելը. եթե խոստացած
չլինեի, մի կարծիլ, թե կուզենայի խոսել-գրել:

Բայց ահա հիշում եմ այսօրվա պես այն երեկոն, երբ կատարվեց
խոստովանությունը:

Ժամը 7-ն էր, այսօրվա պես մի սառը քամի էր փչում դրսում. ես
նստել էի վառարանիս մոտ, աչքերս կրակին հառած մնացել էի, երբ
գուռը մեղմությամբ բացվեց:

Աննան էր. մտավ, գլխարկը շհանած մոտեցավ վառարանին ու
ասաց.

— Լավ տաք է այստեղ, սակայն, գնանք ինձ մոտ, տանտիկինը ան-
շուշտ վառած կլինի իմ վառարանն էլ:

Հետո դուրս եկավ. ես էլ ետևից: Երբ իր սենյակը մտանք, գլխարկը
հանեց, վառարանի մեջ փայտ դրեց, հետո գրպանից դուրս բաշխով սե-
ղանի վրա ձգեց Մոսկվայից ստացած 10-րդ նամակը: Մի ամիս էր, որ
Փարիզ էր և 10-րդ նամակն էր, որ ստանում էր նա միևնույն անձից... և
պարբերաբար, շաբաթը երկու անգամ, ամեն անգամ երկու կամ երեք
թերթերից բաղկացած:

Մինչև այդ օր չէի համարձակվել հետաքրքրվելու, թե եմ մի խուլ կաս-
կած կրծում էր ուղեղս. երբ 10-րդ նամակը ձգեց սեղանի վրա, այլևս
չդիմացա և հարցրի դողդոջուն ձայնով.

— Լավ շուտ-շուտ նամակներ եք ստանում. ումնի՞ց է արդյոք, հո-
րի՞ց:

Մեջքը դարձրած, պահարանի վրա մի գիրք էր փնտրում իմ այդ

հարցը տված ժամանակ. երբ լսեց, ուժգնությամբ դարձավ, թափանցիկ
հայացքով զննեց ինձ և ասաց.

— Իմ մի բարեկամից է:

— Բարեկամ,— ասացի ես աշխատելով անվրդով մնալ,— տար-
օրինակ բարեկամ... բարեկամները այդքան շանասեր չեն լինում... ինչ-
որ սիրո հոտ է գալիս դրանցից:

Միծաղում էի այդ ասելու ժամանակ, իր սխալը հասկացող մարդու
մի բռնազբոսիկ ծիծաղով: Նա մրսած մատներով խոպուպիկը ետ տվավ,
մոտեցավ սեղանի մոտ, կոթնեց նրա վրա, նայեց դեմքիս և յուրաքան-
չուր բառը շեշտելով ասաց.

— Իսկ եթե այդպես լինե՞ր. մի՞թե դա հանցանք կլիներ:

— Ինչո՞ւ հանցանք,— ժպտեցի ես բռնազբոսիկ կերպով,— երբեք...

բայց ո՞վ է այդ պարոնը, ձեր նշանածն է, չէ՞:

Չպատասխանեց իսկույն, վարանում էր. նամակները ժողովելով
պահարանի վրա, հետո աչքը վառարանի վրա հառեց և ասաց կոպիտ
ձայնով.

— Ամուսինս է... բայց ձեզ ի՞նչ... այդ ձեր գործը չէ:

Վեր թռա տեղիցս, սկի չէի սպասում մի այդպիսի պատասխանի և
լգիտեի հավատալ, թե ոչ: Այդ միջոցին նա մեկենիմեկ դարձավ ու աչ-
քերը սեևոց վրաս:

— Ուրեմն դուք ամուսնացած եք,— թոթովեցի ես:

— Գրեթե,— ասաց խուլ ձայնով,— հետո լամպը մոտ քաշեց, բուռն
մի ճիգ գործեց, թոթվեց իրեն, կնճռեց ճակատը և հարեց վճռապես.

— Լսեցեք ինձ... ինձ թվում է, որ դուք ինձ սիրում եք... արդյոք
էի՞շտ է նկատածս:

Չէի սպասում այս անակնկալ հարցին և կարկամեցի. չկարողացա մի
բառ իսկ արտասանել:

— Ես այդ տեսնում եմ,— շարունակեց նա,— և չեմ ուզում ձեզ
տանջել. բանի շուտ է պիտի մեռցնել ձեր մեջ ծնող այդ զգացումը. ես
կարող եմ ձեզ հետ բարեկամ, շատ մոտ և լավ բարեկամ լինել, բայց սի-
բիլ... ո՞չ, ես ամուսնացած եմ, ես... մի խոսքով ձեզ չեմ կարող և չեմ
ուզում սիրել:

Ասաց, բարձրացավ տեղիցը, հեռացավ դեպի մի մութ անկյուն և
այնտեղից սկսեց դիտել ինձ կիսովին գուլիսը թաքցրած իր ուսի վրա
ծածկված շալում:

Այդ հայտնությունը այնպես խիստ ներգործեց վրաս, որ վեր կացա
երեքալով, կոթնեցի դարանին, ցած էին ընկնում, դուռը բացի և շփտեմ
ինչպես հասա սենյակս և ինձ ձգեցի բազկաթոռիս մեջ:

Ոչ մտածել էի կարողանում և ոչ էլ շարժվել. ցավ անգամ չէի զգում, հարվածը շատ խիստ էր եղել և մի առժամանակվա համար թմրեցրել էր զդերս:

Բայց երբ կես ժամ անցավ և քիչ-քիչ զգալ սկսեցի, սարսափելով տեսա, որ պաշտում էի Աննային, որ առանց նրան այլևս ինձ ապրել անհնար էր և որ... ես մի թշվառ էի, մի դժբախտ... զգացածս ցավը այնքան խիստ էր, դառնությունը՝ առատ և հուսահատությունը՝ կատարյալ... Մթան մեջ նստած, չէի ապրում այլևս, կսկիծ էի զգում, լալ չէի կարող, լալ՝ մի քիչ մխիթարվելու համար:

Հանկարծ զգացի, որ ճրագս վառվեց, հետո երկու թևեր գրկեցին ինձ և մի շերմ, շատ շերմ համբույր սթափեցրեց ինձ:

Աննան էր: Գրկել էր վիզս, գլուխը ետ ձգած և աղաչավոր կերպաբանքով շոքել էր առջևս...

— Աննա՛, — գոչեցի ես վայրենի ձայնով, — այդ դո՞ւ ես... մի՞թե ինձ սիրում ես ուրեմն:

Ինձ էր նայում դառնությամբ, մի հանցանք գործողի ակնարկով. կրճտացնում էր ատամները, մոտենում էր ինձ ջղաձգորեն:

— Ո՛ր, ո՛ր, — մոմոաց նա, — քեզ էլ չեմ սիրում, բայց չեմ ուզում, որ քեզ շարշարես և ինձ էլ տանջես... Օ՛, դու ինձ շա՛տ, շատ ես տանջում...

— Ինձ չե՞ս սիրում, — բացականչեցի, — ուրեմն ի՞նչ գործ ունիս այստեղ. հեռացիր, գնա և թող ինձ կրեմ իմ վիշտը:

Գրկեց ինձ, ընկավ կրծքիս վրա և համբուրեց: Համբուրում էր ու կրկնում.

— Զկարծես, սակայն, որ քեզ սիրում եմ, ո՛ր... ոչ քեզ և ոչ էլ նրան. ես ոչ ոքի սիրել չեմ ուզում:

Զէր էլ լաց լինում, բայց տանջվում էր ամբողջ էությամբը: Գեմքը փոփոխվում էր, աչքերը պտտվում, ջղաձգությամբ գալարվում էր գրկիս մեջ, քաշում էր ինձ դեպի իրեն, մոտենում շրթունքներին, կատաղի համբույրներ էր դրոշմում նրա վրա... Եթե չէի հարցնում, թե սիրում էր ինձ, թողնում էր, որ իրեն գգվեի, իսկ եթե հարցնում էի, իսկույն ետ էր մղում ինձ և գոչում, որ չէր սիրում ինձ, չէր ուզում և չէր կարող:

Եվ սակայն տանջվում էր ծնկներին մոտ, գալարվում գրկիս մեջ: Երբեք մի կին դրանից ավելի հայտնի նշաններ չէր կարող արտահայտել շերմ, տոփոտ կրքի — սիրո:

Իսկ ես մի ծայրահեղությունից մյուսն էի ընկնում, հույս էի ստանում, հուսահատ լինում: Իր երկու փոքրիկ ձեռքերով բռնում էր թշերս:

երկար, երկար նայում աչքերիս, սիրալի կերպով զննում դեմքիս բոլոր մասերը, հետո հանկարծ կատաղի կերպով ընկնում գիրկս և... այնպիսի քիմ համբույրներ էր տալիս ինձ, որ սարսուռ էր ազդում ամբողջ մարմնը, ետ էիս... Այդ բոլորի միջոցում հանկարծ թողնում էր կիսատ համբույրը, ետ էր քաշվում, խլվում-հեռանում գրկիցս, ճակատը շփում, ունքերը կիտում, նայում էր շուրջը նոր զարթնողի աչքերով, հետո դառնում ինձ և գոչում.

— Հեռացի՛ր, գնա՛... կարծում ես, թե սիրո՞ւմ եմ քեզ, սխալվում ես... այո՛, ես քեզ չեմ ուզում:

Ընդհատում էր, ձեռքը կոկորդին տանում, օձիքը քաշում խեղդվող պես, ինձ նայում մի վայրկյան, հետո հանկարծ հարձակվում վրաս, բռնում թևերիցս, մի րոպե դեմքս զննում և նորից համբույրներ, նորից...

Ախ, աստված իմ, որպիսի նյարդային հիվանդոտ տեսարաններ էին այդ բոլորը:

Մի ժամ ամբողջ Աննան տանջվեց այդպես, տանջեց ինձ իր հետ և միշտ կրկնեց, որ չէր սիրում ինձ, որ չէր ուզում սիրել:

Վերջապես քիչ հանդարտվեց, հոգնածի պես ընկավ դիվանի վրա, քաշեց ինձ յուր կողքին, բռնեց ձեռքս և ասաց մեղմ, դադարածի ձայնով.

— Լսիր, ճշմարիտ եմ ասում, գիտե՛ս. ես քեզ սիրել չեմ կարող:

— Որովհետև ուրիշի ես սիրում, այնպես չէ՞, — դիտեցի ես կծու կերպով:

Ցնցվեց, դարձավ և այնպես նայեց ինձ, որ քիչ մնաց շոքեի և նեբողություն խնդրեի կասկածիս համար: Մոտեցա, խաղաղատանք գրքկեցի և քաշեցի դեպի ինձ:

Ետ մղեց, տանջվողի պես կնճռեց դեմքը, բարձրացավ տեղից և մոտ քնաց լուսամուտին, այնտեղ դեմքը կպցրեց լուսամուտի ապակուն և մնաց պահ մի:

Սկսել էր ձյունել դրսում, քամին նրանից խոշոր հատեր բերում շարտում էր ապակիների դեմ:

— Այո՛, — մոմոաց նա առանց ինձ նայելու, — չեմ ուզում...

Հետո թողեց լուսամուտը, մոտ եկավ սեղանին և շարունակեց.

— Եթե քեզ սիրեմ, նա կմեռնի, անշուշտ կմեռնի... ապրել չէ կարող այլևս, այդպես է նա, հասկանո՞ւմ ես:

— Հասկանում եմ, — պատասխանեցի ես — ահա թե բանը ինչումն է. նրան խոսք ես տվել և չես ուզում խախտել խոստումդ. ապա թե ոչ, սիրո մեջ իրեն զոհել իր շփրածին...

— Ո՞վ ասաց, որ ես նրան չեմ սիրում, — միջահատեց Աննան բար-

կուսումը,— նախ թող այդ կծու հեգնութեան վիշտը, զգվելի է... և երկրորդ՝ ես չեմ ասել, որ նրան ատում եմ. ճշմարիտ է, ես նրան չեմ սիրում այնպես, որպես... բայց չեմ ատում, չէի ուզիլ, մանավանդ, որ ես մեռնեմ... իսկ նա կմեռնի, եթե ես ուրիշին սիրեմ. արդեն տանջվում եմ երբ նկատում է, որ ես այլևս չեմ ուզում նրան:

Նստեց, շալովը փաթաթեց մի թևը, առավ մի գիրք ու սկսեց ջղայնութամբ թղթատել նրան. հետո կանգ առավ ու շարունակեց կցկտադ կերպով ու հետզհետե հուզվող ձայնով:

— Երկու տարի է,— ասաց նա— երկու տարի, որ պաշտում է ինձ... այժմ, այդպես սիրել անհնար է, մի երազիլ, որ այդքան դու կարող ես ինձ սիրել. առանց ինձ ապրիլ չէ կարող, շնչել չէ կարող... Կազմե էր գնացել մի վեց ամիս և շաբաթը երկու անգամ երկար նամակներ էր գրում... այդքան ջերմութիւնը սառեցնում է ինձ... քանի սառն եմ վարվում, նա այնքան ավելի պաշտում է ինձ... կմեռնի, անշուշտ, կմեռնի, եթե իմանա, որ ուրիշի եմ սիրում... հպատակվում է ճակատագրին, եթե իրենից ստույգ եմ, բայց կսպանեմ նրան, եթե սիրեմ ուրիշի... այդ նա չի կարող տանել, լավ գիտեմ:

— Ուրեմն իրեն չես ասիլ,— միջահատեցի ես.— չէ՞ որ այլևս չես սիրում իրեն. այդ հայտարարութիւնը գոնե նրա անձնասիրութիւնը գրգռելով կարող կլինեմ մոռացնել տալ սերը, այդ հայտարարութիւնը նույնպես քեզ ազատ կկացուցանեմ...

— Ա՛խ, ինչե՛ր ես ասում... ասե՛լ նրան. ինքը լավ է զգում, տանջվում է, խիստ տանջվում... ամեն նամակի մեջ գանգատվում է, որ սառն եմ գեպի իրեն, որ սպանում եմ իրեն իմ բացակայութեամբ, իմ սառնութեամբ... «Առանց քեզ,— ասում է նա,— ամեն ինչ չոր է, չոր և դատարկ». գանգատվում է, որ չգիտե, թե ի՞նչ հանցանք է գործել իմ դեմ... հանցանք... ի՞նչ հանցանք, հրեշտակի պես տղա է, ազնիվ, մաքուր... չգիտեմ, ես էլ չգիտեմ, թե ինչո՞ւ այլևս չեմ սիրում նրան:

Ասաց Աննան և գլուխը խոնարհեցրեց տխրութեամբ ձախ թևով լայն բաց արած շալի մեջ: Այդպես նա մնաց լուռ մի քանի րոպե, հետո գլուխը հանեց և շարունակեց.

— Գուցե միմյանց հետ շատ ենք եղել՝ նրա համար...— ասաց այլը ճրագին հառած,— գուցե սովորական է եղել... անազնավորում է արածըս, գիտեմ, բայց ուղղակի նրան ասել, որ ուրիշին եմ սիրում—այդ չեմ կարող, գիտեմ, որ կսպանեմ նրան: Երկու հուլիսով այդ չեմ անում. մտածում եմ, որ գուցե ապագայում ես կարող լինեմ էլի սիրել նրան, երբ բավական ժամանակ հետո մնամ նրանից... մյուս հուլիս այն է, որ ես ինքը գուցե ինձ հետու ունենալով՝ մոռանա, վարժվի ինձ կորցնելու

մտքի հետ և հաշտվի ճակատագրի հետ... այժմ, երկուսից մեկը: Երբեմն ուզում եմ, կամենում եմ նորից սիրել նրան, բայց չեմ կարողանում, սառնութիւն եմ զգում դեպի նա... կարծես կշտացել եմ նրանից ու չգիտեմ, գուցե մի տարի այստեղ մնալուց հետո սկսեմ սիրել նրան. սիրելու տղա, սիրուն, ազնիվ, զարգացած... միայն թե շատ հաճախ է խորհուրտղա, սիրուն, ազնիվ, զարգացած... միայն թե շատ հաճախ է խորհում իր զգացմունքների մասին... ճանձրացնում է. վախենում եմ, որ այդպիսով լիովին արգելք լինի ինձ վերստին սիրելու իրեն: Մնում է շատ սակավ գրել նրան և սառը գրել... այժմ, այդպես պիտի անել:

— Իսկ եթե ուղղակի, կտրուկ կերպով մերժեք նրան,— դիտեցի ես,— դա չի սպանիլ նրան. սպանում է անորոշութիւնը, իմ կարծիքով:

— Է՛հ,— պատասխանեց Աննան արհամարհանքով,— այդ ճիշտ չէ. մարդ գերադասում է ավելի անորոշութեան մեջ մնալ այդպիսի դեպքերում: Ճիշտ է, որ քանի անորոշութեան մեջ է, ձգտում է որոշութեան մեջ մտնելու և տանջվում է առաջին դրութիւնից, բայց երբ ամեն ինչ որոշվում է և այդ որոշութիւնը նրա համար աննպաստ է լինում, այն ժամանակ նա հազար անգամ երանի է տալիս իր նախկին անորոշ դրութեանը, սր նա գոնե հույս կարող էր տածել... նույնիսկ եթե այդ հույսը հավիտենապես միմիայն հույս մնար... այժմ, հույսն է, հույսը միայն, որ այս կյանքը մեզ փոքր-ինչ տանելի է անում:

Պահ մի լռեցինք երկուսս էլ. նա դիտողութեամբ գլուխը ձեռքին կրթնեցրած, նայում էր ճրագին:

Քիչ լուրթիւնից հետո վստահութեամբ և մեղմ ձայնով հարեցի. իմ կարծիքով երբ այլևս չես սիրում մեկին, պիտի հայտնել: Ինչո՞վ մեղավոր ես, եթե այլևս չես սիրում նրան...

— Դու ինձ չես հասկանում,— գոչեց Աննան նեղացած ձայնով,— Կոչան գիտե, որ ես իրան չեմ ատում, որ ես կուզեի սիրել իրան, բայց ես ինքս տեսնում եմ, որ նրան սիրելու զգացմունք չկա իմ մեջ այլևս... ես ապագայում՝ չգիտեմ. գիտեմ միայն, որ նա ինձ գոթի պես է սիրում... մի քալ չէ ուզում անել առանց ինձ... նրան ասել, որ ոչ միայն հույսը կտրեի, որ իրան սիրելու եմ, այլև, որ ուրիշին եմ սիրում... ո՛չ, հազար անգամ ոչ, նա չի դիմանալ դրան, իսկույն կմեռնի... թոքախտը վաղուց է, որ պահանջում է նրա օրերը...

3

— Թոքախտը վաղուց է, որ կրծում է նրա օրերը,— ասաց Աննան սխուր, խորապես մելամաղձոտ շեշտով:

Հուզվեցի: Թոքախտավորը մի այնպիսի պատկանելի դժբախտ է, որին պարտավոր եմ խնայել բոլորը: Ընկածին այլևս չեն զարնուցվում

— Այո՛,— շարունակեց Աննան,— առանց այն էլ նա զգում է, որ էլ չեմ սիրում իրան, և մաշվում է, մաշվում:

Ասաց, մեքենայորեն բարձրանալով մոտեցավ ինձ, կանգնեց առջև, ժպտեց գունաթափ ժպտով, հետո բռնեց ձեռքս և սկսեց սեղմել: Քուղ տվի, ես էլ սկսեցի ժպտել:

— Ի՞նչու ես ժպտում,— ասաց նա ջղաձգությամբ ձեռքս սղմելով,— չե՞ս հավատում, կարծում ես, թե դիտմամբ եմ այդպես ասում:

Քողեց ձեռքս և նստեց կողքիս:

— Աստված իմ,— գոչեց նա— դու ինձ չես էլ հավատում...

Որպիսի հուսահատ կերպով արտասանեց նա այդ բառերը, հետո հախուռն կերպով ընկավ առջև և դեմքը թաքցրեց թևերիս վրա:

Կոացա, բռնեցի գլուխը. շրթունքներս կպցրի մազերին և ասացի.

— Իմ խեղճ Աննա:

Ցնցվեց, վեր թռավ:

— Ինչպես,— գոչեց նա— խե՞ղճ... ուրեմն դու ինձ խղճո՞ւմ ես այժմ էլ. դու ինձ չես հասկանում, ո՛չ, դու այն չես, ինչ որ կարծում էի:

Ես ժպտացի հեգնորեն, ընդհակառակն, հասկանում էի իրեն իմ կարծիքով և կարծում էի այն ժամանակ, թե այդ ջղային աղջկա արածը ոչ այլ ինչ էր, եթե ոչ կոկկոտություն:

Բայց նա դողում էր. ջղային մի տենդ պաշարում էր ամբողջ օրգանիզմը: Մոտեցավ նա վառարանին. քանի տաքանում էր, այնքան ավելի ակներև կերպով դողում էր. ատամներն անգամ մեծահնչուն կերպով կափկափում էին:

Փաթաթվում էր շալով, մոտենում էր կրակին:

— Ցուրտ է...— մոմոաց նա,— ցուրտ... զարմանալի է, այո՛, որքան դողում եմ... և սակայն դու դեռ չես հասկանում... աստված իմ:

Մի պտույտ գործեց վառարանի շուրջը. հետո կանգ առավ. դողում էր սաստիկ: Վերջի վերջո մի քանի անգամ ձեռները կրակին տարավ ու երբ մի քանի անգամ ունեխրով խառնել էր կրակը, դարձավ կիսովին ինձ առ ասաց.

— Ժամը քանի՞սն է:

— Տասներկուր... թեյ կուզե՞ս:

— Ո՛չ, քնամ պառկեմ: Թեղ տուր ինձ, դողում եմ. դու ինձ պիտի հավատաս, չէ՞ որ ես քո մոտ երբեք չեմ ստել... թեղ տուր, այդպես այժմ քնանք ինձ մոտ, բայց շուտով վերադարձիր, ես ուզում եմ պառկել... Իսկ դու ինձ անպատճառ պիտի հավատաս:

Թեև տվի նրան և տարա իր սենյակը. այնտեղ նա, փոխանակ թև թողնելու, սեղմեց և ասաց մրմնջելով.

— Մնա՛, դեռ մի՛ քնալ... նստիր ինձ մոտ, ահա այստեղ... մոտ նստիր. տուր ձեռքդ... Օ՛, տաք ես դու, իսկ ճակատդ... էլի տաք է, ուղեղդ շատ է գործում:

Նստեց դիվանի վրա, նստեցրեց ինձ կողքին, բռնեց ձեռքս, շոշափեց ճակատս, հետո երկար նայեց դեմքիս, կաթոգին ժպտեց և կամաց մոտ եկավ. գլուխը իջեցրեց թևիս վրա ու մոմոաց հազիվ լսելի ձայնով.

— Օ՛...— մոմոաց նա,— աստված իմ, որպես լավ է, այո՛... էլ չեմ դողում. դու շատ լավ, շատ լավ տղա ես... խելոք... ես կուզեի քեզ համբուրել, քեզ սիրել...

Կոացա դեպի նա և ուզեցի համբուրել:

Հանկարծ ցատկեց, ետ մղեց ինձ ու գոչեց.

— Օ՛, ո՛չ, ետ քնա... ես չեմ կարող:

Սկսեց հրել ինձ ուժգնությամբ և կատաղությամբ շարունակեց.

— Դո՛ւրս քնա... դուրս քնա այժմ, թող ինձ, քնա՛:

Դուրս քնացի, չգիտեմ ինչու: Աննան հիվանդ էր, պետք էր նրան թողնել, այդպես դատեցի այն րոպեին, գուցե սխալ գործեցի, բայց դուրս եկա և տանտիկնոջը ուղարկեցի նրա մոտ:

Տանտիկինը հանվեցրեց նրան ու պառկեցրեց, և երբ դուռն ետևից նրան հարցնում էի Աննայի մասին, լսեցի, որ Աննան անկողնի միջեց ասում էր գրեթե զառանցելով.

— Անպիտանություն է այս... ուզում է Կոլյային սպանել, չի հավատում ինձ... աստված իմ...

Բարեբախտաբար տանտիկինը չէր հասկանում նրա խոսած լեզունը

4

Աննան հիվանդ մնաց մի ամբողջ շաբաթ: Ներս մտնել նրա մոտ, չէի կարող, անկողնի մեջ էր: Իմաց տվի իր ընկերուհուն և մի քանի ուրիշ ուսանողուհիների, որոնք, գալիս և խնամում էին նրան:

Ջղային ցնցող տենդ ուներ:

Երբ առողջացավ, մի առավոտ, իր սովորութան համեմատ, աղանջ բախելու դուռս բաց արավ և մեղմությամբ ժպիտը դեմքի վրա.

— Բարեւ,— ասաց նա,— որքան ժամանակ է չեմ տեսել քեզ, ինչպե՞ս ես:

Եվ աթոռն առնելով նստավ դիմացս:

— Լավ եմ,— պատասխանեցի,— իսկ դո՞ւք. հույս ունիմ, որ այժմ լավ եք:

Քոթափեց իրեն, բարձրացավ, սիրալիր ժպիտով ձեռքը ինձ պարզեց և ավելացրեց.

— Նո՛ւ, ցտեսութիւն, երեկոյան, իսկ այժմ թողեք մեզ կապկպելու Դուրս գնացի. ամբողջ օրը գծի պես էի, գլուխս տեղը չէր. փողոցներում ման էի գալիս առանց նպատակի, դասախոսութիւններ լսեցի առանց մի բառ հասկանալու. շատերը ինձ հիվանդ կարծելով՝ առողջութիւնս էին հարցնում:

Ժամը տասին եկավ Աննան:

— Ներիր, բարեկամ, որ շեմ կարող երկար կանգ առնել այդ ետի՞ ժամերի վրա, ուժ չկա:

Խոսեց Աննան, թեյ խմեց. շատ սիրալիր էր, գորովանոք էր դիտում ինձ. զգալի կերպով ճիգ էր գործում անվրդով մնալու. թույլ չտվեց անգամ համբուրելու իրեն, և եթե ես մոտենում էի, նա մեղմութեամբ ետ էր հրում ինձ և քիչ նեղացած, բայց մեղմութեամբ ասում.

— Նո՛ւ, ինչո՞ւ, ինչո՞ւ, բարեկամս, երբ ասացի, որ շեմ ուզում, որ ինձ սիրես... ո՛չ, մոռացիր ինձ, մոռացիր...

Ժամը 11-ին գնաց: Հեռանալուց առաջ բռնեց ձեռքս, սեղմեց շղաձգութեամբ, երկար նայեց աչքերիս, հետո արտասովալից աչքերով կպավ կրծքիս, թույլ տվեց, որ համբուրեմ իրեն, ինքն էլ ինձ համբուրեց և ասաց մրմնջալով.

— Եթե ապրեմ, բարեկամս, գիտցիր, որ միշտ մի անկյուն կունենաս այստեղ:

Յույց տվեց սիրտը, խլվեց գրկիցս և արագութեամբ դուրս փախավ: Խնդրել էր, որ կայարան շքնամ, բայց գնացել էի:

Աչքին շերեացի, հեովից տեսա, թե ինչպես բազմաթիվ ուսանողներ և ուսանողուհիներ սեղմեցին նրա ձեռքն ու բարի ճանապարհ մաղթեցին:

Նա ժպտում էր տխուր, գունաթափ ժպիտով. նայեց բոլորին, աչքերով փնտրեց մեկին՝ ինձ էր փնտրում, հետո ախ բաշեց և մտավ վագոն:

Երրորդ զանգն էր հնչում:

Լուսամուտից էլի նայեց. փնտրում էր. քիչ մնաց երևան գալի, վազեի դեպի նա, բայց գնացքը շարժվեց և տարավ իր հետ իմ Աննային, իմ պաշտելի Աննային...

Ամիսները անցան. ոչ մեռած էի, ոչ կենդանի. ստվերի պես պտտում էի. ամեն մի կին տեսնելուն պես հեովից, կարծում էի, թե Աննան էր:

Ոչ մի լուր չկար նրանից: Խնդրել էի, որ մի նամակ գրեք, բայց ասել էր, որ չի գրի և չգրեց:

Եվ ահա մի օր եկավ մի լրագիր, որի մեջ տպւած էր խոլերայի դեմ կռիւղ նահատակւած զինվորների, ուսանողների և ուսանողուհիների անունները:

Սրտատրոփ կարդացի. ախ, շատերն էին մեռել. բավական շատերը զոհ գնացել:

Եվ իմ Աննան, իմ Աննան էլ դրանց թվումը:

Հեռու, մի գավառի հեռու անկյունում մեռել էր նա իր գործի մեջ. նահատակվելով յուրայինների համար:

Եվ այն օրից, բարեկամ, հաճախ տեսնում եմ ես այդ նահատակին, որ սիրում էր ինձ. այդ շքնաղ ոգուն, որին պաշտում էի ես. տեսնում եմ հաճախ, հեռու... ամպերի վրա թառած, Ռաֆայելի նկարած հրեշտակներից մեկի պես գլուխը թևերի վրա, ոսկեզօծ լուսով թաթախուն. և իր երկնային դյուրիչ ժպիտը՝ գողտրիկ, սիրուն դեմքի վրա:

ՉԻՄՍԻ

Կայարանի մայթի վրա էլ են շարվում ամեն առավոտ, այդ աղտոտ հագուստով թշվառ կոշկաչինջները: Սանդուղքների գլխից սկսած, նրանք բռնում են մայթի մի մասը: Առաջին տեղը բռնում է լայն դեմքով մի հայ. նրանից քիչ հեռու՝ 5—6 հույն պատանիներ, որոնցից երկուսը անդադար կովում կամ վիճում են. մեկը համր է և «չիստի» բառը կանչելու փոխարեն «ա՛, ա՛, ա՛» է անում, իսկ շորրորդը, որի գծագրութիւնները ժամանակից առաջ շափահաս եղած մանուկի գծեր են, անցորդներին է գննում ուշադրութեամբ, մանավանդ՝ կանանց:

Մենակ այնտեղ չէ կոշկաչինջների տեղը: Նրանք Բաթումի անցուդարձ ունեցող բոլոր փողոցների անկյուններում կան. անցնելիս նայում են կոշիկիդ և, եթե նրան մաքուր շտեմեն, խլացնում են ականջդ իրենց կանչերով. հաճախ իսկ իրենց արկղիկը ուսի վրա, խոզանակով ծեծում են նրան և ետևիցդ են գալիս՝ անդադար «չիստի» կանչելով:

— Չի՛ստի...— լավեց կողքիցս, երբ բարեկամիս հետ կայարանի մայթի վրա էինք:

— Կողքիդ նայիր,— ասաց բարեկամս— կոշկաչինջը հայրենակիցդ է: Նայում եմ և այդ գեր դեմքով հայի մեջ տեսնում եմ վաղուցվա ծանոթ փրկիստիա Մանուկին: Տասը տարի առաջ, ուսին մի մեծ սակառ, քարը էր գալիս նա Թիֆլիսի փողոցներով և «Գարայաչի բո՛ւլկի» էր աղափակում. իսկ այժմ կայարանի մայթի վրա և Բաթումի փողոցներում ման գալով, խոզանակով արկղիկն է ծեծում ու «չի՛ստի» ձայնում:

Երևի փիլիսոփա Մանուկին վիճակված էր միշտ քարշ գալ և միշտ ազազակել. ապրել էր պետք: Անցյալ օր էլ մի Մարտիրոսի ցույց տվին ինձ, որ նավամատուցի վրա նստած, շճանաչվելու համար գլխարկը մինչև աչքերը իջեցրել, ակնարկը միշտ գեպի ցած, կոշիկներ էր սրբում, «չիստի» գոչում: Վենետիկի դպրոցից էր այդ Մարտիրոսը, և ով ինձ ներան ցույց տվավ, պատկանանքով էր խոսում նրա մասին:

Ապրել է պետք. ստամոքսը ոչ փիլիսոփա է ճանաչում և ոչ էլ Վենետիկի դպրոց. նա միայն ուտել է ուզում:

Նայեցի Մանուկին: Նա էլ ինձ տեսավ, ճանաչեց. հայացքը ուրիշ կողմ դարձրեց և դադարեց «չիստի» կանչելուց:

Մոտեցա ու ոտքս դրի նրա արկղիկի վրա: Հանեց լուսթյամբ խոզանակները, երեսիս շեր նայում, վարտիքիս ծայրերը դարձրեց ու սկսեց սրբել:

— Որտե՞ղ էիր այսքան ժամանակ,— հարցրի մեղմությամբ:

Ցնցվեց, բայց առանց վեր նայելու կմկմաց.

— Կոշիկ եմ սրբում:

Երկուսս էլ լռեցինք: Հույժ պատանին, որ մի լավ գննել էր ինձ, այժմ վիզը երկարացրել, աշխատում էր զրպանիս եղած գիրքը գննել:

— Գիտե՞ս,— խոսեցի քիչ հետո,— Թիֆլիսից եմ գալիս, այնտեղ էյնաթենց Տիգրանին տեսա...

— Է,— արեց նա:

— Բուզիկ էր ծախում... Ի՞նչ է եղել նրանց. սնանկացե՞լ են:

— Ճաշք փողերը հատա՞վ արդյոք,— ավելացրեց նա,— ոտքդ քիչ պինդ կոխիր... աստված արգոք իր գատաստանք կատարե՞ց վերջապես. խո գիտես նրա եզրոր արածները:

— Լսել եմ:

— Լսածդ ի՞նչ կլինի որ... պիտի տեսնել, իր վրա փորձել նրա արածները երկնքին սյուն եղան, սյո՞ւն...

— Բո փողե՞րն էլ է կերել:

— Իհարկե... բայց քիչ. ինձ շատ խաբել չկարողացավ. դրա համար էլ ինձ մատնեց, քիչ մնաց բռնել տար երկրում:

— Ես շատ եմ լսել նրա մասին,— ասացի ես,— բայց զարմանում եմ, թե ինչպես կարող է մարդ այսպես ժամանակ և իր գառն քրտինքը աչքերը բաց ուրիշի ձեռքը տալ:

— Չավիր՝ ի՞նչ կանես. մոտն ես գործում, փողը իրեն շես տա, կասի՝ «ինձ շե՞ս հավատում. դե՛հ, որ շես հավատում, փնա, ինձ մոտ էլ մի ծառայի»: Ի՞նչ կարող ես անել: Չափում ես, կշռում և մտածում ես

«Չառամ, ինձ դուրս կանի. թե որ տամ, գուցե խղճա ու շուտի... ուրեմն տամ, գուցե շուտի...» և տալիս ես:

— Առանց ստորագրությա՞ն:

— Ստորագրությո՞ւնը որն է. «ներան շե՞ս հավատում. գո՞ղ ես համարում, որ ստորագրություն էլ ես ուզում. քանի՞ քեզպեսների փող կա նրա մոտ. 10—15 տարի է սաղ վանեցոց ու աշխարհին էլ հայտնի է, որ էյնաթենց կարապետը փող ուտող մարդ չէ, որ...»: Ահա թե ինչ կասի քեզ: Բացի դրանից, շատ էլ ստորագրություն եղավ, ի՞նչ կարող ես անել. Գատ բանալը հե՞շտ բան է. չէ՞ որ եթե հարյուր մանեթ առնելիք ունենաս, երկու հարյուր էլ դատի ծախս պետք է քեզ... Երկիր փող ուղարկելու համար ստորագրությո՞ւնը որն է:

— Քե՞զ ինչ է արել նա:

— Ինձ շատ բան չի արել... Կոշիկներդ, գիտե՞ս, հալից ընկել են, կրունկները փոխել տուր... Ուզեց շան պես դատածս, մի քիչ ունեցածս ձեռքիցս խլել՝ չկարողացավ, շտվի, վարպետ եղա. մոտիցն էլ շուտ դուրս եկա: Ինձ և մյուսներին, օրինակ, ասել էր, որ իր տված բուլկիներից քանի հատ որ մնաց ամեն երեկո, պիտի ետ առնել: 3—4 օր լավ էր... մեկ օր էլ բարկացավ. «Շան որդիներ,— ասաց,— ձեր քարթու հացերը ե՞ս պիտի սաղացնեմ. հոգիներդ դուրս գա՛ ման եկեք ու ծախեք»: Ասում էր. «ման եկեք»... Առավոտյան ժամը վեցից, երբեմն հինգից մինչև 11, կեսօրից հետո 4-ից մինչև 9-ը էլ տեղ չէր մնում. առանց կանգնելու՝ ման էինք գալիս. ձայներս կտրվում էր գոռալուց. թափառական հոնամ պես և մի րոպե մի դռան շեմքի վրա նստել չէինք կարող... «բալե, բալե»,— գոչում էր մեզ մեր ստամոքսը. «բալե»,— ձայնում էր աղան... և մենք բալլում էինք, անդադար քայլում... ըշտե այսպես ենք ապրում մենք... Մյուս ոտքդ բեր, աս լմնցավ:

Պահ՝ մի մեզնից ոչ ոք չխոսեց. ես տվի մյուս ոտքս, նա ներկը քսեց և երբ խոզանակով սկսեց շփել, շարունակեց.

— Ըշտե ասանկ, աղաս... օրը մինչև երեկո, վեց ամիս անդադար քալեցի ու քալեցի, գոռացի ու կանչեցի, հացպանրից ու երբեմն էլ ասորի կամ պարսիկ խոհարարների աղտոտ կերակուրներից զատ բան չկերա... քիչ փող ետ ձգեցի:

— Որքա՞ն:

— Հիսուն մանեթ... լավ փող էր, կարող էի երկիր վերազառնալ, մի

թեթե գործ բռնել:

— Է, ինչո՞ւ չվերադարձար:

— Հիվանդացա, ունեցածս էլ կերա ու մի քիչ էլ պարպե արք. շատ էի «բալլել»...

րանք ձգելու անգամ չէին մտածիլ, որովհետև տնտեսագետ էին երևում. չէ՞ որ միշտ քարերի վրա էին նստում:

Ոտքերի կոշիկները՝ տրեխներ, պատած էին հաստ կաշու կտորներով, որովհետև քարերին շատ էին շփում ոտքերը: Նստել էին ոտները պարզած դեպի առաջ. դնում էին քարի մեծ կտորը, ոտքերով բռնում, իսկ կռանով ջարդում. ջարդելուց հետո ոտներով հրում և ետ տալիս, ահա նրանց պարբերական ամբողջ գործողությունը:

Կիզիչ արևը այրում էր նրանց մեջքը ետևից. երևի միշտ էլ այդ դիրքով էին նստում նրանք, որովհետև նրանց լերկ վիզը ետևից հասել էր Լեզգային սևության: Սև էր դեմքերն ու ձեռքերը. դեմքը թշվառներին հատուկ խոր կնճիռներով լիքը, աչքերն արյունով լցված, թթերի կաշին պոգոճկված, այտերը այրված, ձեռները հողոտ ու կոշտ, ոտների ոլոկներն աղտոտ ու թուխ:

Երբ ես զննում էի այդ բոլորը, իմ մեջ հարց ծագեց, թե արդյոք որքանո՞վ են վճարվում նրանք այն փոքրիկ ջարդված քարից պիրամիդի համար, որոնցից ամեն ոք կարող է տեսնել խճուղիների կողքին: Հետո էլի մի հարց գոյացավ այդ հարցից, այն է, թե օրական արդյոք քանի՞ պիրամիդ կարող էին ջարդել երկուսը միասին: Մտաբերեցի, որ մի քանի տարի առաջ էլ այդ հարցը հետաքրքրել էր ինձ, հարցրել էի, գիտե՞ի, աշխատեցի հիշել, բայց մոռացել էի:

Նայում էի անընդհատ: Նկատեցի իսկույն, որ կտրտվող քարերը լավ կարծր էին. պետք է, որ որձաքար լինեին, բայց կային և գրանիտի կտորներ, որովհետև դետուղեն էին ցայտում հաճախ կրիտալային կազմվածքներ, որոնց մուգ՝ 5—6 հարվածներ հազիվ էին կտոր-կտոր անում:

Ո՛հ, ի՞նչ դժվար գործ էր: Արևի տակ, այդպես անհարմար կերպով նստած և անդադար միևնույն տաղտկացուցիչ գործը: Ինձ եթե մի պիրամիդի համար 10 ուրբի իսկ տային՝ չէի անիլ:

Այստեղ հիշեցի, որ բարեկամիս ծառան խմելու սառը ջուր մատակարարելու համար, պահ մ'առաջ երկու վեղորոններ կախ էր արել մի կոր ճկուն փայտից, լցրել էր նրանց ջրով և վերադառնում էր մի վերստ հեռու աղբյուրից: Հնում էր քրտնաթոր, ծնկները կքվում էին և ես մտածում էի, թե որքան սոսկալի բան կլինեիր, եթե ինձ ստիպեին այդ գործը կատարել: Բարեկամս ասում էր, որ 100 ուրբի էլ տային, ինքը չէր անիլ այդ: Կուզենայի, որ նա դուրս գար, և ես նրա ուշադրությունը հրավրեի քար փշրողների վրա: Անշուշտ, նա այդպիսիների հարյուր անգամ տեսած կլինեիր. տեսած կլինեին շատերը, միշտ էլ տեսնում ենք. բայց ոչ մի ծամանակ առանձնապես կանգնած, գոնե ես, չէի գիտել այդ տեսարանը:

Հետաքրքիր մի տեսարան էլ չէ, ոչ էլ գեղարվեստական. սարսափելի է միայն. արևը մի ճեղքից քիչ խփելու ժամանակ իսկույն ամեն հնարք գործ դրի, որ վարագույնները գնդասեղով և այլն միացնեմ ու ճառագայթի մուտքն արգելեմ. իսկ ինձնից քիչ հեռու, առավոտյանից ի վեր, 7 ժամ անընդհատ կատարյալ արևի մեջ քար են փշրում երկու խղճալի արարածներ:

Արդյոք ի՞նչ պիտի ստանային ամբողջ օրվա այդ տանջանքի համար: Խոսում էին. սկսեցի լսել, որ գուցե հարցիս պատասխանը իմանալ հաջողվեր ինձ:

Լսելու համար քիչ ծովեցի դեպի փողոցը:

Այդ միջոցին էր, որ մի սուր ձայն լսվեց:

— Բուզկի,— աղաղակում էր մեկը, որ մի մեծ սակառ աչ ուսին, կքված նրա ծանրության տակ, ձեռքի փայտը իբր հենարան գործածելով, բարձրանում էր փողոցն ի վեր, անցնելով ճիշտ քար փշրողների կողքից:

— Բուզկի՛,— կրկնեց նա ակնարկը մեքենայորեն քար փշրողներին գարձրած:

— Ի՞նչ,— հարցրեց պարսիկներից մեկը և մուրճը ցած դրեց,— բուզկի... դա ի՞նչ բան է:

Հաց ծախողը կանգ առավ նրանց կողքին:

— Հաց է,— ասաց:

— Բաս հացը այդպե՞ս կծախեն:

Մյուս պարսիկն էլ դադարեց, մուրճը գետին դրեց ու դառնալով ընկերին նկատեց անհամբերությամբ.

— Չես հասկանում, Մահմեդ, դա շայի հաց է:

— Ցույց տուր, նայենք,— ասաց Մահմեդը հաց ծախողին:

Վերջինս երևի հոգնել էր և մի փոքրիկ առիթի էր սպասում, որ սակառ ցած դնի: Ցած էլ դրեց, բայց երեսի ծածկոցը չհանեց:

— Բաց, տեսնենք,— հարեց Մահմեդը պարսկական հատուկ համարձակությամբ,— տեսնենք ինչ տեսակ հաց է:

— Խո չեք առնելու, էլ ինչո՞ւ բանամ:

Մյուս պարսիկը վիրավորվեց:

— Ինչից գիտես, որ չենք առնելու, ա՛յ, հա՛յ:

Հայ էր ծախողը. կոացավ և սակառի ծածկոցը ետ քաշեց.

— Ահա տեսեք,— ասաց,— բուզկի է էլի:

Սակառը լիքն էր բուզկիներով, նոր էին եփված ու մի շատ անուշ հոտ փշեցին պարսիկի թթածակերի մեջ. շատերի երեսի կարմրության հոտ փշեցին պարսիկի թթածակերի մեջ. շատերի երեսի կարմրության վրա մարգարիտների պես փայլում էին շաքարավաղի հատիկներ:

— Էս ի՞նչ տեսակ հաց է,— մատը դրեց մեկի վրա Մահմեդը,— և ինչ փափուկն էլ է. սա ուտո՞ւմ են:

— Իհարկե,— ծիծաղեց ընկերը:

— Չայի հետ են ուտում,— ավելացրեց ծախողը,— շատ համովն է:

— Մեկ նայիր այստեղ, է, Շիրին,— դրոշեց ընկերոջը Մահմեդը և ուզեց ձեռքն առնել մի բուլկի:

— Չեոք մի տալ, կփշրես,— արգելեց ծախողը:

Պարսիկը ձեռքը ետ քաշեց, հետո ուզեց մուրճը ձեռքը առնել, բայց էլի թողեց և մի տենչալի հայացք ձգելուց հետո սակառի վրա ասաց.

— Փա՛հ, փա՛հ, ինչ լավ հացեր են է՛հ՛:

Ծախողը ծանրությամբ սկսեց ծածկել բուլկիների երեսը:

Մահմեդը ցուցամատի վրա բուլթով մի եղնկաշափ ցույց տալով.

— Մի այսքան կտրի տուր,— ասաց,— տեսնեմ ինչ համ ունի:

Մյուս ընկերը ծախողը դեմքին լսում էր. չէր էլ ջարդում. երբեմն միայն կռանը տափակեցրած հեռվից մոտ էր քաշում քարի թռչկոտած կտորները:

— Ինչպե՞ս կարելի է,— պատասխանեց ծախողը և սակառն ուրի վրա ձգեց,— չէ՞ որ կփշանա:

— Մի այսքան, էլի՛,— պնդեց Մահմեդը,— խո ավելի չեմ ուզում. գուցե եթե լավն է՛ առնեմ:

— Շատ լավն է, չե՞ս տեսնում, որ շաքարով է շինված:

— Շաքարը երեսն է, խո մեջն էլ չէ:

— Մեջն էլ է շաքարով:

— Բույ... — զարմացավ Մահմեդը,— մե՞ջն էլ:

— Իհարկե,— ասաց ծախողը,— յուզով էլ:

— Բույ... իսկ ի՞նչն է կարմրեցնողը:

— Յուղն է և ձուն:

— Չո՞ւ էլ կա մեջը:

— Կաթ էլ:

Մահմեդը ընկերոջը նայեց, նրա աչքերը մեծացան փափազից, թթի ծակերը լայնացան ու վերի շրթունքը բաժանվեց ցածրինից. ախորժակը խիստ գրգռվել էր:

Ծախողը մի քայլ արավ գնալու: Մահմեդը անձկանոք նրան նայեց և սակառին: Շիրինը տեսավ այդ, մի վայրկյան կնճռեց ճակատը, հետո դարձավ ծախողին ու ասաց կտրուկ ձայնով.

— Մեկը քանի՛:

— Հինգ կոպեկ,— պատասխանեց ծախողը և կանգ առնելով կիսովին դարձավ: Կարծեց, որ առնելու էին:

— Բո՛ւ,— բացականչեց Մահմեդը իսկույն. անհետացավ դեմքի անձկալի արտահայտությունը,— այդքան թա՛նկ,— կրկնեց նա, հետո մտքը ձեռքն առավ և մեղմ ձայնով ավելացրեց:

— Չեմ ուզում, գնա. դեհ, գնա, էլի՛:

Հաց ծախողը նրան նայեց մի քիչ, հետո.

— Գնում եմ էլի,— ասաց,— ինչո՞ւ ես բարկանում:

Հեռանալ սկսեց:

— Երեք կոպեկով չե՞ս տալ,— գոռաց նրա ետևից Շիրինը:

— Ո՛չ, չեմ ուզում, թող գնա,— վրա տվեց Մահմեդը, կատաղու-

թյամբ մուրճը քարին խփելով:

— Ո՛չ, պակաս չի լինիլ,— գոռաց հաց ծախողը, որ հեռանում էր:

Նա գնում էր դեպի դիմացի տունը, երևի այնտեղ նստող աստիճանավորին սուրճի համար հաց տալու:

Շիրինն էլ էր տաքացել և բարկությամբ յուր մուրճը քարի կտորներից էր խփում: Քիչ հետո դարձավ և նայեց Մահմեդին, հետո հաց ծախողի ետևից գոռաց.

— Երկուսին յոթ կոպեկ տամ, բեր:

Այս անգամ Մահմեդը ձայն չհանեց: Հաց ծախողը հեռացավ և մըտավ մեծ տան մեջ:

— Արդյոք ովքե՞ր են ուտում այդ տեսակ հացը,— խոսեց Մահմեդը:

— Ովքե՞ր,— պատասխանեց Շիրինը,— շատ պարզ է, աստիճանավորներ և հարուստներ:

— Մոռացավ կրոնավորները,— մտածեցի ես:

— Իսկ մեզ պես աղքատները,— շարունակեց Շիրինը,— դրա համն էլ առնելու իրավունք չունին:

— Հինգ կոպեկ.— մոմոաց Մահմեդը,— ինչքան էլ փոքր էր, մի բրտուն կարելի էր առնել միայն:

Սկսեցին պահ մի լուռությամբ քար ջարդել, որից հետո Մահմեդը նորից խզեց լուռությունը.

— Քաղցած չե՞ս,— հարցրեց նա Շիրինին:

— Ուտեմք:

Մուրճերը ցած դրին. Շիրինը վերցրեց կարմիր թաշկինակով կապած հացը, բաց արավ, տարածեց քարերի վրա և սկսեցին հաց ուտել:

Միայն ցամաք հաց էր, Մահմեդը ախորժակով էր ուտում և հաճախ նայում էր դեպի աստիճանավորի տունը, ուր մտել էր բուլկի ծախողը:

— Տեսնես ինչ յուզով կլինի շինած,— ասաց նա մեկն,— կարգո՞ւմ:

— Գծվե՞լ ես,— պատասխանեց Շիրինը,— կարագ յուզով էլ հա՞յ կթխեն... դմակ յուզով կլինի:

Եվ լռեցին: Շոգը սաստիկ էր. անցուզարձը դադարել էր. հրեմն միայն ցածի փողոցից երևում էին եզան սայլեր:

— Մեր երկրում այդպես բաներ չեն թխում,— ասաց նորից Մահմեդը:

— Այո՞, բայց ուրիշ ավելի լավ քաղցրեղեններ կան. միտդ չէ՞, թե նովրուզի օրը ինչեր չեն լցնում խանութներում. փախլավանե՞ր, ինչ լոխումնե՞ր:

— Բայց մենք, գյուղացիներս, խո այդպես բաների համը չենք առնում. դրանք քաղաքացոց համար են:

Շիրինը քիչ լռեց, հետո մեկենիմեկ ասաց.

— Իսկապես, Մահմեդ,— կուզե՞ս մի հատ առնենք:

— Ձէ, չէ— շտապեց պատասխանել Մահմեդը,— օրական 45 կոպեկ աշխատանք անենք, գիժ խո չե՞մ, որ 5 կոպեկ փողը մի բրտում հացի տամ... բաս պարտքե՞րս ով տա, որդիների՞ս ով կերակրի:

Լռեցին: Մահմեդի տրամաբանությունը էլ առարկություն վերցնել չէր կարող ըստ երևույթին:

Կերան ինչ որ կար: Շիրինը թաշկինակն թոթափեց, կոխեց ծոցը կոանն առավ ու ասաց.

— Դե՛հ, վերջացնենք, քիչ մնաց:

Հաց ծախողը երևի ուրիշ կողմով էր դուրս գնացել աստիճանավորի տնից և կամ թե հենց նրա տակի մառանումն էր բնակվում: Երեկ ես նկատել էի, որ այդ մառանում կանայք և մանուկներ կային:

— Երևի լավ առևտուր ունի... հը՞, Շիրին,— հարցրեց դարձյալ Մահմեդը:

— Իհարկե. հատը 5 կոպեկով, որ օրական 20 հատ ծախե, այդ բեղ մի ուրլի. քի՞չ փող է:

— Լավ աշխատանք է, ասոված վկա... մեր մի երկու օրվա աշխատանքը:

Այդ միջոցին բարեկամիս ծառան դուրս եկավ պատշգամբ և ասաց ինձ.

— Աղա, խորովածը պատրաստվեց, համեցեք:

— Երանի այդ հարուստներին,— ասում էր ցածում Մահմեդը,— այդպես լավ հացեր են ուտում միշտ...

— Ու այսպես էլ արևի տակ չեն այրվում...— ավելացրեց գառնոթյամբ Շիրինը և սրբեց ճակատի ծորող զրտինքը:

վեր կացա ներս մտնելու:
վերջին խոսքը, որ լսեցի, դա Մահմեդի խոսքերն էին, միացած մի խորհառաշի հետ:

— էհ...— ասում էր նա խորին տխրության շեշտով,— երևի մեր ճակատագիրն այդ է... տեսնել և չկարողանալ վայելել:

ԳԻՇԵՐԱՅԻՆ ԺԱՄԵՐԳՈՒԹՅՈՒՆ

մ

Տըլը՛նգ, տըլը՛նգ, տըլը՛նգ...
Ջարթնում եմ: Ձյունի սպիտակությունն ու աղոթարանի լույսը լուսընկալի պես հում լույսով ողողել են սենյակս: Մոտ եմ գնում լուսամուտին և փողոց նայում: Աստղերից շատերը դեռ պսպղում են երկնակամարի վրա. խոր լռություն է տիրում. ձյունի սպիտակությունը լուսավորել է վան քաղաքի խաչ-փողանի այդ մեծ ծառուղին. ծառերը ծանրաբեռնված ձյունով՝ ճյուղերը խոնարհել են գետին, և փողոցի ձախ կողմի կածանով քայլող միակ անձն այդ միջոցին Հայնկույսներ եկեղեցվաժամկոչ Սահակն է:

Քայլելով սերտ ձյունի վրա, թևից քաշ արած տանձենու տախտակին ուժգին հարվածներ է հասցնում նա փայտյա մուրճով, հետո գլուխը ցցում և զիլ ձայնով երգում.

— Ո՛վ բարեպաշտ ժողովուրդ, ժամ հրամմեցեք...

Ու... տըլը՛նգ, տըլը՛նգ, տըլը՛նգ...

Որքա՛ն քաղցր ձայն ունի անպիտանը և որքա՛ն ոգևորությամբ է երգում: Երբ վերջացնում է, կանգ է առնում յուրաքանչյուր դռան առաջ, բարձրացնում է կոանը և երեք ուժգին հարվածներով բախում:

Այդ նույն պահին լսվում են հեռավոր թաղերից խուլ, այլևայլ շեշտերով հրավերներ, կոչնակի ձայներ և դռների բախումն:

Տըլը՛նգ, տըլը՛նգ, տըլը՛նգ...

Հաղնվում եմ: Չնայելով, որ ցուրտ է, իջնում եմ փողոց և առվի վրա կուցած՝ սկսում եմ լվացվել: Ամայի, մշուշային լույսով փողոցի մեջ մեկ-մեկ երևում են մարդիկ, ճռնում են դռներ, նրանցից դուրս են գալիս մանուկներ, որոնք խշրտացնում են ձյունը, քայլում ձյունից սըրթ-սըրթացող ծառերի տակից և իջնում դեպի ձորակի եկեղեցին. ժամկոչը վերջացնում է և կամ հոգնել է դռներ ծեծելուց և իր ծանր կոշիկները քարը տալով անցնում է մեր դռան առջևից:

— Բարի լույս, Սահակ ախպիր,— ձայնում եմ նրան՝ կկզած առվապարի եզրին:

— Աստու թարին... արդեն զարթնել ես:

— Կոչնակիդ ձայնը թողնում է քնել, — ժպտում էմ ես. — բայց ես շատ եմ սիրում դրա ձայնը. այնպե՛ս քաղցր է հնչում քնի մեջ:

— Ադեն զարթնել է, — հարցնում է նա՝ կամենալով անցնելու շատ, առանց պատասխանի սպասելու, վերսկսում է.

— Ո՛վ բարեպա՛շտ ժողովո՛ւրդ...
Որքան գեղգեղ գիտե՛՛ հնչեցնում է:

— Չայնդ խոզոտվել է, հա՛...
— Իհարկե կխոզոտվի. ցուրտը շե՛ս զգում:

— Մտիր մեկ տաքացիր, թոնիրը վառված է կարծեմ:

Եվ ժամկոչը, ցրտից զլված ձայնն իր վերին աստիճանին հասնելուց հետո, կանգ է առնում:

— Ադեն զարթնել է, — ավելացնում եմ ես, — վերից լսում էի, թե ինչպես նարեկ էր քաղում:

— Աստված օրհնի աղին, շա՛տ ջերմեռանդ է. սաղ նարեկը անգիր գիտի...

Ու մտնում է ինձ հետ: Մի քանի դուռ էր մնացել բախելու դեպի վեր, շատ էլ կարևորներիցը չէին:

Տանտունի դռան առաջ ոտները թափ է տալիս Սահակը և հետևում ինձ: Թոնիրը ներսում վառվում է և մի մեծ բոց գալարում դեպի երդիկը: Կողքին, մի դռնակի վրա նստել, բարձին թիկն է տվել իմ հյուրընկալ Մկրտիչ աղան ու մեծահնչուն ձայնով սուրճ է խմում կում առ կում: Ամեն կումից հետո երկար փողով պապիրոսը բերնին է դնում, մեծ քանակությամբ ծուխ ներս քաշում, զլուխը բարձրացնում, վիզը երկարացնում և քթածակերից ու բերնից դուրս է վիժում ծխախին մի ամպ: Մանր, պաշտոնական և խիստ մտախոհ կերպարանք ունի Մկրտիչ աղան: Խորշոմուտ ճակատ, արևակեղ ոսկրոտ այտեր և փաթոթավոր մեծ ֆես, երկար ֆարաշա ու ծալապատիկ նստած դիրք: Նրանից քչ՛ ճեռու, մի աղջիկ ավում է հատակի կարպետն ու աշխատում, որչափ կարելի է, քիչ ձայն հանել: Տանտիկինը հեռու անկյունում մի քանի մանր-մունր մանուկների է հագցնում, մանուկներ, որոնք տկտր նստած կամ կանգնած՝ կիսամթան միջից շողացնում են աչքերը: Սենյակի մի կողմից լույս է տալիս ձեթի կանթեղը, որ դրված է պատին խիստ փոքրիկ պատվանդանի վրա՝ բարձրում: Եթե թոնրի բոցը չլիներ, այդ լույսը միայն մի փոքրիկ շրջան հազիվ կարող էր լուսավորել: Սենյակը մեծ է և բարձր: Վերից մի երդիկ միայն կա, այն էլ ծածկված զմբեթածե վանդակով և ապակու փոխարեն՝ պատած յուղոտ թղթերով. բակի վրա նայող պատը շատ բարձրից ունի երկու միջնադարյան, յուղոտ թղթով պատած լուսա-

մուտներ: Եվ դրանք են տանտունի լույս տվողները: Դրա համար էլ հեռավոր անկյունները մնացել են կատարյալ խավարի մեջ: Ինչե՛ր ասես, որ այդ անկյուններում դարսված չլինեն. կործած կաթսաներ, բարձր դիճաճած անկողիններ, հետո կարասներ, կուժեր...

Թոնրի շուրջն է միայն, որ քիչ կանոնավոր է: Բարձր սաքու՝ կարպետներով պատած, մի քանի ներքնակ, մի քանի բարձ և մի աթոռակ: որի վրա են դրել աղայի ֆինջանի ափսեն և պապիրոսի մոխրամանը: Խարույկի լույսը թոնրից ելած՝ կիսովին լուսավորում է այդ բոլորը, սուր լույսի և սուր ստվերի կոնտրաստներ գծում աղայի դեմքի վրա. կրակը ֆլեշում է, լավում է ավելի շոր-ոթիմային հարվածները, աղայի սուրճ խմելու երկար շառաչունը...

Դրում կատարյալ լուսթյուն է. երբեմն միայն, մի աքաղաղ կանչում է հավաքի խորքից, նրան հեռվից արձագանք է տալիս մի ուրիշը՝ ծանգոտ ձայնով, ապա հեռավոր տըլընգոցներ և այդ բոլորից հետո, ներսից, մթան մեջ ստվերի պես երևցող տանտիկնոջ խոր հազը...

Սահակը դռան կողքին է թողնում կոչնակը, կոշիկները հանում և ինձ հետ թոնրին մոտենում:

— Բարի լույս, Մկրտիչ աղա:

— Ա՛յ, աստու թարին... այդ ո՛վ է հետինդ:

— Ժամկոչն է:

— Հա՛... դե լավ. այս կողմ հրաման, որդիս, եկո կողքիս նստե՛

Դու էլ, Սահակ, եկո քիչ մը տաքցիր, մրսած կլնես: Ցուրտ է, հա՛:

— Հա՛, հրամանք ես, լավ ցուրտ է: Արարք զնացող սխկայեցիք մեկ-մեկ հոխա՛ սառցի քուլաներ ունեին իրենց բեղ ու մորուսի վրա:

— Դաշտում, իհարկե, ավելի ցուրտ կլինի, — ասում եմ ես:

Ավելածությունը դադարում է. սիլուետների պես, կիսամթան մեջ, շարժվում են մանուկները:

— Մանավանդ Սխկայի կողմը, — դիտել է տալիս ժամկոչը, հետո ձեռքերը պարզում կրակին և՝ «Օ՛Ֆ, ինչ լավ կրակ է...»:

— Կնի՛կ, — դառնում է աղան տանտիկնոջ, — ժամկոչ ախպոր մեկ օդի, թող ներսի կրակն էլ վառվի...

Միծաղում ենք, Տանտիկին-խաթունը մոտ է գնում պատի միջի պահարանին, հանում օղու շիշը, մի փոքրիկ պնակով էլ շամիչ, լցնում է բաժակը օղիով և պարզում ժամկոչին: Սա առնում է, բարեմաղթում, խմում, շամիչը երկու հատ վերցնում, սրբում է բեղերն ու ասում.

— Ուխա՛յ... աստված շեն պահի. լա՛վ տաքացա:

— Մեկ էլ տուր, կնի՛կ,— հրամայում է աղան:

Ժամկոչը այդ երկրորդը առանց բարեմաղթելու է կոնծում, թևով սրբում է բերանը և որպես թե սկզբում մի բան էր ասել և կիսատ թողել, շարունակում է.

— Հա՛, է՛ն էի ասում... էդ տնավեր սխկայեցիք... այնքա՛ն տեղից, էս ցուրտ-դիամաթին, ծանր-ծանր, իրենց էշերի քայլերով քաղաք են գալիս թե ի՛նչ... մեկ իշու բեռ փթիր՝ կամ երկու ջվալ պտրտուր՝ պիտի ծախեն... Տնավերներ, 5—6 ղուրուշի համար այդքան տանջվել կլինի՞: Հալա մեկ-երկու ժամ էլ այս ցրտին, ոտները վեր-վեր անելով, Արարուց մեյդանի վրա պիտի սպասեն, մինչև որ ժամավորն ելնի և պտրտուրն առնի...

— Թե որ ծախվի էն էլ,— մեջ եմ մտնում ես,— շե՛ս տեսել, որ շատերը շեն կարողանում ծախել մեյդանի մեջ և էշն առաջ արած՝ մինչև երեկո փողոցներն են շափում և գոռում...

— Խա՛, խա՛, քե մեռնեմ... շան կյանք է, ողջ օր ու գիշեր տանջվեն, ցուրտ ուտեն, հիվանդանան, մի երկու ղուրուշ վաստակեն, էն էլ տանեն կամ պարտատիրոջ տան, կամ նյուֆուս առնողի բերան լցնեն:

— Թե որ մենակ նյուֆուս լինի...,— ասում է աղան մոայլ դեմքով,— ապա ուրիշ հարկե՞րը, ապա կաշառքնե՞րը...

Բոլորս լուռ ենք: Կրակը ճարճատում է, բոցը իջնում և արնեզույն լալսի մի շրջանով ներկում մեր դեմքերն ու թոնրի եզրերները:

«Ձայն հառաչանաց, հեծության սրտի, ողբոց աղաղակի... քեզ վերջնծայեմ... ստեղծող ամենի...»,— լսվում է այդ լուռության միջից աղալի մեկամաղձոտ, սրտի խորքերից դուրս եկող վշտալից խուլ ձայնը: Հետո, երբ մի բուպե ամենքս լուռ մնացած, ակնապիշ՝ կրակն ենք դիտում, նա դառնում է ժամկոչին և հարցնում.

— Պատարագիչն ո՞վ է այսօր, Սախակ:

— Տեր Եղիշեն:

— Ամբիծք էլ ունի՞ք:

— Հրամանք ես, երկու հատ:

Նորից լուռություն: Կայծեր են դուրս սլանում թոնրի խորքից, միմյանց ետևից պնդում կարծես և սենյակի վերին, մութ տարածություն մեջ ճաթոտում, կորչում:

Աղջիկը դեռ ավելում է, բայց շատ հեռու. հագիվ երբեմն լսվում է ավելածություն շոր ձայնը:

1 Կովի աղբից շինած վառելիք:

2 Ոչխարի աղբը, որ շորացնում են և վառում:

— Տեր Հովսեփին կասես,— խոսում է աղան,— որ ժամից հետո դու մեկ մոտ ճաշի. թող ամբիծքը ուրիշներին թողնի:

— Հազրո որ էսօր ամբիծքն ուտի և էգուց էլ ձեր ճա՛շը...— ասում է ժամկոչը.— ինչո՞ւ իզուր կորցնի ամբիծքները:

Բոլորս ժպտում ենք: Նա նկատում է այդ:

— Խա՛շ, ապա...— շարունակում է նա,— դուք շե՛ք իմանում, թե որքա՛ն ծանր է տերտերների համար, կորցնել մի ամբիծք, թեկուզ թագավորի ճաշին անգամ հրավիրված լինի: Կտեսնեք, ա՛յ...

— Չէ՛, ժամկոչ,— պնդում է աղան,— տեր Հովսեփը կգա. ի՞նչ կա, իր բաժին ամբիծքը թող տուն ուղարկի: Ասա, որ մի լավ քյալագյոջ ենք եփել շորթանով:

— Քյալագյո՞շ...

Եվ ժամկոչի բերնի ջրերը շատանում են:

— Հը՛մ...— մոռում է նա,— ինչ լավ բան որ լինի, իսկույն տերտերին են կանչում... ժամկոչը շոռու ցավ ուտի...

— Լա՛վ, լավ,— ժպտում է աղան,— քո բաժինն էլ կտա խաթունը:

— Աստված շե՛ն պահի... Դե՛հ, տաքացա. գնամ. ժամ օրհնելու ժամանակ է. հիմա տերտերները եկած կլինին, մանավանդ ծուռ տեր Ստեփանը, որ հոգիս մինչև այստեղս է հասցրել:

Կոկորդն է ցույց տալիս և սկսում կոշիկները հագնել:

— Խա՛ գետ...— շարունակում է նա,— մինչև այստեղս է հասցրել Ամենից շուտ է գալիս, դուռը շխկոցով բաց է անում, կոշիկները հանելով՝ թնի տակ է դնում, գծի պես վը՛ղզ... վազում դասը: Վա՛յն եկել է ինձ, եթե ժամ օրհնելու զանգը իսկույն շխփեցի:

— Չէ՞ որ նրան դադարեցրել են քահանայագործությունից:

— Հմ... ո՞վ կարող է նրա վրա: Ամեն օր կովում է տեր Հովսեփի տեր Եղիշի հետ... տեր Վարդանի հե՛տ խո... աստված ազատի— շուն ու կատու են: Ժամի կես տեղում, մեկ էլ տեսար, սա նրան, նա սրան. էլ բան չի մնալ, որ շասեն. է՛հ էհ, ո՞րն ասեմ... դե՛հ, մնաք բարին, սա՛ղ լինիք...

Եվ բաց է անում դուռը:

— Չմոռանաս, Սախակ,— կանչում է աղան:

— Չե՛մ մոռանալ. մնաք բարին:

— Բարի եկար:

Ժամկոչը բաց արած դռնից երկնքին է նայում:

— Հո՛, հո՛,— ասում է նա,— հիմա լույսը բոլորովին կբացվի. անք Ստեփանը կրակ գրել՝ եկեղեցին վառում է ով գիտե, թե որ տեր Վարդանն էլ եկել է, է՛լ աստված ազատի...

Անհից էի վերադառնում և անցնում էի հայկական մի գյուղի միջով Գիշերը սաստիկ անձրև էր եկել. այնքա՛ն սաստիկ, որ շատ պատկու իսրճիթներ փլցրել էր: Փողոցներից հեղեղներ էին վազում բազմաթիվ Երկիրքը միաձուլյ կապարագույն ամպերով ծածկված էր. դեռ էի մեկ-մեկ անձրևում էր:

Լույսը նոր էր բացվել: Կանչում էին մի քանի ուշ մնացած աբաղադներ, դողանջում էին եկեղեցու զանգակները: Խրճիթների երդիկներից սկսել էին ծխի սյունակներ խիստ ծանրությամբ բարձրանալ և տարածվել տանիքների վրա:

Ձիուս սանձը քաշեցի. և ո՛չ իսկ արագ քայլել էր հնարավոր. փողոցներում առվակներ էին գոյացել:

Գյուղի վերջին խրճիթին էի հասել, երբ նրա դուռը ճոնչաց, գոմի ներսում կովի բառաչը լսվեց, մի քանի մանուկների ճիչեր ականջիս հասան և առաջս դուրս եկավ մի ալեգարդ ծերունի, բահն ուսին:

Մի վայրկյան ինձ նայեց, հետո պատերի տակով անցք փնտրեց քայլելու:

Քիչ հետո գյուղից դուրս էինք եկել: Ես էլ նրա քայլերով սկսեցի գնալ Դեմուղեմ, ալիքածև բարձրանալով, մինչև մշուշալից հորիզոնն էր տարածվում սև լեռնաշղթան: Նրա կուտակված տարածությունը վերևից թաքնվում էր մառախուղի մեջ և ցածի կողմից ճղփում թացությունով: Ձյուն էլ, թվում էր որ կար, բայց շա՛տ հեռու. ամպի սպիտակ շերտեր լինեին կարծես: Թանձր, սևագույն-սպիտակախառն մշուշը ծանրացել էր նաև ձորերի և հովիտների, լեռների և բլուրների շուրջը: Տեղ-տեղ ցանցածև, երկնքից գետին իջնող շեշտակի գծերը ցույց էին տալիս, որ խիստ անձրև էր տեղում զանազան կողմերում: Երևում էր, որ ամպերը դեռ շատ ջուր ունեին և այդ գծերը պիտի քայլեին: Մշուշի բուլաները թափվում էին բլրակներն ի վար, քարը գալիս, ցրվում դեպի դաշտերը... և արտաների կանաչ խոտերը, արտերի ցորենի հասկերը կուացրել էին գլուխները՝ կաթիլների ծանրության տակ:

Ծերունին սկսել էր ավելի հանդարտ քայլել: Նրա հնամաշ տրեխներից ջուրը հոսում էր գուլպաների մեջ, ոտը թրջում: Խոնավությունը թափանցում էր բաց կուրծքը և վերարկվի վրա մշուշից կաթիլներ էին դիզվում:

Անցնելով, մի առ մի դիտում էի երկու կողքի արտերը: Շատերի միայն մի քանի ակոսներն էին ավերվել և մեջտեղում լճակներ գոյացել: Մի քանիսները լիովին ողողվել էին: Զրի հոսանքները արմատախիլ

էին արել, քշել, տարել ցորենի դալար ծիլերը և հավաքել ակոսների մեջ: Յես էր գոյացել ամեն մի փոքր շավիղի վրա. ամեն մի փոսի մեջ պղտոր կարմրագույն ջուր էր կիտվել և շատ հասկեր լողում էին նրանց երեսների վրա, որպես խեղդվածներ:

— Վա՛խ, վա՛խ, — արեց ծերունին: Ու առաջ գնաց:

Բայց վնասն ընդհանրապես շատ մեծ չէր երևում: Հողը դիմացել էր. կրկում էին բուրրովին շփուցած արտեր անգամ. ծիլերը դիմացել էին և այժմ զվարթությամբ ցցել էին սկսում իրենց գլուխները. միայն թե կալին այնպիսիները, որոնք ոտաբորիկ էին դարձել, — արմատը մերկացրել էր: Զուրն էր այդպես շինել նրանց:

— Է՛հ, փառք աստծո, — խոսեց ծերունին՝ տեսնելով դրանք, — շատ էլ վնաս չի եղել:

— Քո արտն էլ այդպես կլինի, ծերուկ, — սրտապնդեցի նրան: Անխոս՝ գլուխն երեբցուց: Կասկածում էր. հայացքը միշտ դեպի հեռուններն էին: Այդպես քայլելով մենք հեռացանք գյուղից և հետո ծովեցիք դեպի լեռները:

Մովելիս՝ ծերունին մի բուլակ կանգ առավ և աշխատեց հեռվից նըշմարել իր արտի դրուժյունը:

— Ո՞րն է արտդ:
— Այն բարձրինը:
Ինչ-որ ջրի հեղեղատներ էին հոսում այնտեղ, ջրակույտեր փայլեղում: Միգուցե այդ ջրերը նրա արտի միջովն են անցել, ամեն ինչ սրբել, տարել:

Ծերունին գոմատվեց:
— Տունս քանդվել է... — մրմնջաց նա:

— Մի՞թե վնասվել է:
— Չգիտեմ դեռ, — ասաց նա խեղդված ձայնով, — գուցե աչքերս չեն տեսնում... ծերացել եմ...

Առաջ գնացինք: Մոտենում էինք: Քայլելն ավելի դժվարանում էր. վերևից գրեթե ցեխի հեղեղ էր, որ իջնում էր ցած, խառն՝ ծիլերով, ցողուններով...

Ծերունին հետ էր. շունը կտրվել էր: Քիչ էլ քայլեցինք: Է՛լ կանաչ չէր երևում, է՛լ ոչինչ. ցեխի հեղեղ և ջուր էր, որ տեսնում էինք. ավերիչ ապականիչ հեղեղ...

Մի քանի քայլ անելուց հետո կանգ առավ ծերունին և բահը ուսից ցած թողեց:

Իր արտի կողքին էր: Թշվառ արտ...

Վերևից, փոսերի մեջ պոյացած ջրերը պատռել էին իրենց թումբերը, ուժգնությամբ ցած հոսել և գրեթե սրբել էին արտը: Տեղ-տեղ օաղիաների պես մնացել, իրենց մերկ արմատներն էին ցույց տալիս՝ ցորենի ծիլի կղզյակներ: Երկար, կանաչ երկար շերտեր միմյանց վրա, արմատախիլ, ջարդված, հոգեվարք, սահել էին ամեն ուղղությամբ և թաթախվել ցեխով: Ումանք մինչև վիզը խրվել, ուրիշները հազիվ էին երևում:

Հողն ամբողջ կանաչել էր նրանց դիակներով...

Եվ անձրևը տեղում էր, տեղում ու իր խոշոր կաթիլներով ճղփացնում լճացած ջրերը:

Ընկավ բահը ծերունու ձեռքից, աչքերը մթնեցին, ծնկները կթոտեց և նա տեղնուտեղը, իր ընտանիքին կերակրող ցորենի դիակների կողքին նստեց ու գլուխը ձեռքերի մեջ ծածկեց...

Ձիս բռնեցի և հեռացա: Մխիթարական ո՛չ մի խոսք ասելու սիրտը չունեցա:

Եվ երբ հեռվից ետ նայեցի, տեսա թշվառ ծերունուն միշտ նույն դիրքի մեջ, նստած իր ավերված արտի կողքին, գլուխը ձեռքերին և ալեզարդ մազերը տեղացող անձրևի տակ...

ԶՎԱՐՄԱՑԱՆԸ...

1

Լուսնկա գիշեր էր այդ օրը: Ընթրել վերջացրել էինք, հորս աչքերը փակվում էին, ես ու Կարապետը օդան էինք ուզում ելնել, երբ գրսում զամփոը սկսեց կատաղի կերպով հաչել:

Հայրս վերցրեց պատին դեմ տված ցուպը և դուրս թռավ. մենք էլ հետևեցինք նրան:

— Աս ո՛ւր եք... — լսվում էր շան ձայնի հետ, — սա բյոֆեկին ձայնը չկտրե՞ք... աս ի՞նչ կատաղած գազան է, ծո՛...

Քյուլթյուկչին էր, այն պոլսեցի երիտասարդը, որ մեր գյուղն էր եկել, ընկույզի կոճղեր գտնելու համար:

Հայրս ազատեց նրան Բառոյի ձեռքից և ներս բերեց:

— Ո՛ւֆ... — արավ երիտասարդը ներս ընկնելով, — ինչ ալ խոշորն է, քիչ մնաց բզկտեր ինձի:

Ապա մեզ դարձավ ու բարևեց: Հորս հետ դեռ ծանոթ չէր: Մանս-թացրի:

— Հա՛, հա՛յրդ է, բարիկուն, աղաս, ինտո՞ր ես, աղե՛կ ես... դե՛հ, վեր երթանք:

Եվ ելանք: Հոստը միշտ ետ էր նայում՝ շան հարձակման ազդեցու-թյան տակ լինելով դեռ:

— Միամիտ եղիր, — ասաց հայրս, — Բառոն խելոք շուն է:

— Ենելո՞ք... ամա՛ խելոք. ըսիր ու ընցար. քիչ մնաց ուտեր պիտի ինձի: Դե՛հ, ըսեք նայինք, ինտո՞ր եք: Գիտնաք՝ որքա՛ն ուրախ եմ ձե-զի տեսնելուս, աղա՛մ (մարդ). 6 օր է պայթեցա բե՛... Ոչ ինձի կհաս-կանան, ոչ ալ ես իրենց. եթե ժամերին շըլլար, հիշ չպիտի կարծեի, թե հայ եմ... Աղվոր օդա ունիս, աղաս:

— Կնի՛կ, հաց բեր, — կանչեց հայրս՝ դեպի ներքև կոանալով:

— Հա՛ց, — ասաց պոլսեցին, — դեռ չե՞ք ընթրած:

— Մենք ընթրել ենք, — պատասխանեցի, — ձեզ համար է:

— Ինձի՞ ... Ձէ, խխար, անանկ ընթրիք մը ըրի, որ փաշան անգամ չի կրնար երազել... Մո աս ի՛նչ երկիր է. յուրը ջրի պես, սերը մածունի պես, գինին աղվոր, անուշ... Ի՛նչ բնություն, ի՛նչ անտաններ, ջրեր, ձոր, պարտեզներ...

— Նստեցե՛ք, — հրամցրի նրան և հորս էլ հասկացրի, որ պոլսեցին ընթրել էր:

— Ուրեմն թող գինի և մազա բերե, — հրամայեց հայրս:

Նստեցինք մինդերների՝ վրա: Սկսվեց մի սովորական խոսակցություն, գինու կուտիկը (հողե թաս) պտտեց, և երբ երկրորդ անգամ պոլսեցին գատարկում էր նրան, թաշկինակով ճակատը սրբեց ու ասաց.

— Խիստ տաք է, ռես Սարոյի այգին աղեկ էր. հոն էինք նստեր ընթ-րելու. կանաչ խոտ, սիրուն զովություն մը...

— Մենք էլ ունենք այդպես այգի, — ասացի ես:

— Հա՛, ապա ո՛ւր ենք նստեր հոս. հայդե նայի՛նք, երթանք այ-գին... Հոգ մի ըներ դուն, տղաս, — դարձավ նա հորս, — ամեն բան մենք կփոխագրենք, դե՛հ, ելեք երթանք...

Հայրս, որ մի տեսակ ներողամիտ ժպիտով գիտում էր զվարթ երի-տասարդին, թույլ տվավ ելնելու:

— Լավ, — ասաց նա ելնելով, — գնանք:

Ու ոտքի ելանք. ես մինդերները վերցրի, Կարապետը՝ ճրագը, պոլ-սեցին շտապեց գինու պոզիկը վերցնել և իշանք դեպի այգին: Եղբայր-ներս ու բույրերս քնից վեր թռած՝ հետաքրքրությամբ դիտում էին մեր արշավանքը:

Գնացինք ընկույզենու տակ, հոսող առվակի եզրին տարածեցինք

1 Փոքրիկ գոշակներ (ներքեակ):

ներքնակները, և երբ բոլորս տեղավորվել էինք, պուսեցին գինի լցրեց և գոչեց.

— Ըշտե տեսա՞ր մի. հոս մարդ կրեա ուտել ալ, խմել ալ, բռռալ ալ Շատոնց է, որ քեֆ մը չի ըրեր... երգ մը պիտի երգեմ որ...

Եվ սկսեց մի զորեղ, հնչուն ձայնով կանչել. նախ մեր շունը, ապա դրացունը ոռնալ սկսեցին. մյուսներն էլ արծազանք տվին նրանց, և աղմուկն ընկավ գյուղը:

Դրացիները սկսեցին զարթնել, նախ մտտենալ այգուն, ապա ներս մտնել և ամենայն պարզությամբ, ժպիտը երեսներին՝ տեղ բռնել հոր կողքին: Սա ընդունում էր ամենքի ողջույնը, բացատրում, թե ինչպես զվարթ մարդ էր «բյուսթյուկչի» էֆենդին ու բոլորին էլ գինով հյուրասիրում:

Շուտով երևաց նաև ոես Սարոն: Լուրը արագությամբ տարածվել էր գյուղում: Կես ժամվա մեջ գյուղի կեսը հավաքվել էր մեր շուրջը: Մթան մեջ ամեն կողմ շարժվում էին շապկանց ու կիսամերկ մանուկներ, կանանց ստվերներ՝ պատերի ու ծառերի ետևից:

Շուքի միջից մի առ մի երևան էին գալիս երիտասարդներ էլ, որոնք վարակվելով պուսեցու զվարթությունից, սկսում էին խմել. հետո շոր փայտեր ժողովեցին, կիտեցին, կրակ տվին ու մի մեծ խարույկ կազմեցին ընկուզենու կողքին:

Սկսելով մասնավորապես, քեֆը ընդհանուր կերպարանք էր ստանում: Պուսեցին ամենքին զվարճացնում էր, ամենքի հետ խոսում, կատակում, գինի հրամցնում և վաղեմի ծանոթի պես՝ նրանց վիճակի մասին հարց տալիս:

Գյուղի մեջ տարածվել էր, որ մեր այգում քեֆ կար: Խարույկը մեծանում էր, բազմությունը ավելանում:

Խոսում էին, վիճում, գոռոռում. գյուղի շները հաշում էին, և գիշերապահները մի առ մի մտնում էին այգին պահ մի զվարճանալու:

— Հայդե նայի՛նք, — գոռում էր բյուսթյուկչին ավելի և ավելի ոգեվորվելով, — քեֆ ըրեք, բարեկամներս, վաղը ձեր ընկուզենիները պիտի գնեմ. քար ալ ըլա մեջը՝ պիտի գնեմ... խմե՛ք... Կարապետ էֆենդի, կենացըդ. ի՛նչ ես լուռումունջ նստեր, քե՛ֆ ըրե...

2

Ահա այդպես էր, որ սկսեցինք զվարճանալ ամառնավերջի մի շքեղ գիշեր՝ մեր պարտեզի ամենագեղեցիկ մի անկյունում:

Այդտեղ էր գրեթե ամբողջ գյուղը. ձերուսիները մի կողմ հավաքված, կիսամթան մեջ, քահանան իրենց կողքին՝ խոսում էին, ծիծաղում: Ան-

դաքեզ երիտասարդներին էր. ամենքի մոտ կար պողկեղով (հողե աման) գինի, մազա... քիչ հետո գտնվեց նաև սրնգահարը, և ահա սկսվեց երգ ու պար: Պուսեցին ուրախությունից կորցրել էր իրեն:

Պարի համար վեր թռան տաս-տասնհինգ հոգի, ձեռք ձեռքի տվին, փողհար մեջտեղ անցավ: Սկսելով ծանր, հանդարտ ու շորոր՝ ըստ սովորականին, ժողովողական կաբալը աստիճանաբար աշխուժանում էր, թեթևանում, ոստոտուն դառնում: Պարողները ոգևորվում էին միմյանց ձեռքից բռնած՝ մեծ կիսաշրջանով ցատկոտում էին նրանք խարույկի շուրջը:

Քիչ-քիչ կայտառացան ու մեծացան ոստումները, դեմքերը լուսավորված խարույկի մթնշաղախ կարմիր լուսով, վառվտուն ջղերը ուռած, քրտնաթոր, աչքերը շողշողուն ու շարժուն, նրանք ծռնվում էին, ոստոտում կատաղի արագությամբ և խռպոտ ու ընդհատ ձայներով երգում...

Եվ այդ պարը երկարում էր, աճում ու մեծանում: Կռանում էին գլուխներ, բարձրանում, մարմինները ճկվում, ոլորտվում ամեն ողողողությամբ, ոտները բարձրանում ու իջնում, և շղթան օձապտույտ շվանի պես ձգվում էր՝ սահում ճաթճթող խարույկի շուրջը...

Ո՛չ ես էի խոսում, ո՛չ Կարապետը: Մեզ գրավել էին էքստազի հասած կատաղի պարն ու պարողների վայրենի շարժվածքները: Պուսեցին ապշած նայում էր. սկզբում փորձել էր մասնակցել, բայց երկու անգամ բարձ էր եկել գետնի վրա, իսկ հետո նրան դուրս էին շարտել շղթայի միջից...

Եվ ահա այդ ժամանակն էր, որ հանկարծ մի գյուղացի, հուզված ու շլշապառ ցատկեց շրջանի մեջ մտավ և սրան-նրան նայելով գոչեց.

— Ո՛ր է ոեսը:
Փողհարը կանգ առավ, պարողները դադար առին, շրջանը խորտակվեց: Եվ մինչ ամեն ոք իր քրտինքն էր սրբում, ոես Սարոն մոտեցավ եկող գյուղացուն.

— Ինչ կա, Կարո՞, — հարցրեց նա:

— Շուտ, — գոչեց գյուղացին, — գնանք, — հարկահանը գյուղ մտավ... Այդ լուրը կայծակի ազդեցություն թողեց. մի րոպե ամեն ինչ քարացավ, հետո ամենքը վեր ցատկեցին: Համփանները՝ իսկույն ցրվեցին, ոեսը երկու ոստյունով դուրս թռավ այգուց, և պարողները անհետացան գեպի մութ կողմերը:

— Տղերք, — կանչեց հորեղբայրս, — շուտ խարույկը մարեք, քանի հարկահանը չի իմացել...

՝ Գյուզական իշխանները:

Եվ օրինակ տարու համար, մտեցավ ճրագին ու մի շնչով հանգրծել
Ամեն որ հասկացավ, թե հորեղբայրս ի՞նչ էր ուզում ասել: Մի րո-
պեի մեջ խարույկը հանգավ: Հայրս և մի քանի գյուղացիներ եղածները
ներս տարան, լուսթյուն տիրեց, և հինգ բոպեից հետո այգում ոչ որ շմաց:

Պլսեցին սառել էր. ոչ պակաս զարմացած էր նաև Կարապետը
— Աս ի՞նչ է, ծո՛ւ,— գոռում էր քյուլթյուկչին,— աս ի՞նչ խայտաւա-
կություն է, ինչու ցրվեցան, ի՞նչ է եղեր... Ըսեք, ճաթիմ պիտի հիմա...
Հայրս անհանդարտ՝ նայում էր շուրջը, և երբ ամեն ինչ վերջացել էր,
ու լուսթյունը այնպես տիրել, որ կարծես գյուղն ամբողջ ննջում էր, հորի
եղբայրս ասաց.

— Վայ է, եթե ոեսը պատմի նրան այս քեֆի մասին. էգուց մեկին
տասը պիտի տուժենք:

— Բայց ինչո՞ւ,— հարցրեց Կարապետը,— ի՞նչ ունեք վախենալու
Հարկահանը ի՞նչ իրավունք ունի ձեզ արգելել քեֆ անելու:

Հորեղբայրս դառնությամբ ժպտաց:
— Իրավունք չունի,— ասաց նա,— բայց էգուց երբ գործի սկսի,
բոլորիս հոգին էլ կհանի... — «Քե՞ֆ էիք անում,— կասի,— ուրեմն ու-
նեք՝ որ անում եք. դե՛հ, քանի որ ունեք, տվեք ուրեմն»... Եվ երևակայի
մնացածը ինքդ...

Հորեղբայրս իրավունք ուներ: Դառն փորձերը սովորեցրել էին նրան
այն, որ մենք իրավունք չունենք մի՛ բոպե անգամ մոռանալ մեր ցավերը,
մեր դահիճները. իրավունք չունենք մի բոպե անգամ զվարճանալ, վա-
խենալով, որ շատ ծանր ու թանկ շնտեր այդ մոռացությունը...

— Այո,— շարունակեց հորեղբայրս,— դրանց մոտ ձիծաղել անգամ
ազատությամբ չես կարող. կկարծեն, թե հարուստ ես և ինչ որ ունես՝
ձեռքիցդ կառնեն: Ձեռ կարող մի մաքուր շապիկ, մի նոր կոշիկ հագնել...
Ա՛հ, նոր կոշիկ... Անցյալ տարի չէ՞ր, որ Կալոյնեց Առաքելը կալերի ծա-
մանակ նոր կոշիկ էր առել ու չէր համարձակվում հագնել, որովհետև
շահնան (հարկահանը) գյուղումն էր: Ամբողջ տառն օր ոտաբորիկ էր
ման գալիս՝ մինչև շահնայի գնալը...

Գնանք, գնանք, մենք էլ ցրվենք, կարող են մեզ հավաքված տեսնել
և դա էլ թանկ նստեցնել...

Եվ ցրվեցինք, թողնելով պլպլալու՝ քիչ առաջ բոցեր արձակող և այժմ
հոգեվարքի մեջ ընկած խարույկի մնացորդը...

Ահա այդպես էր, որ զվարճացանք մենք ամառնավերջի մի շքեղ գի-
շեր, մեր պարտեզի ամենազեղեցիկ անկյունում...

Պեզի Աղթամար էինք գնում աշնանային մի զով գիշերով: Գյուղից
կլած, ծովափի ավազաների մեջ կանգ էի առել և սպասում էի բահանա-
լին, որի հետ խոսք էինք արել միասին ճանապարհորդելու:

Վերջապույսն էի դիտում վանա ծովի վրա: Զուրը լերդ կանաչ էր
կրթել. կոհակները միմյանց հրելով հեռանում էին դեպի խորքերը և
փրփուրի գծեր կազմում. հեռվում երևում էին եզերքների գյուղերը, ծա-
փառածները. մի այլ կողմում Աղթամար կղզու կեսն էր, հորիզոնի մի
կողմի վրա՝ Կտուց անապատը, իսկ մյուսի՝ Առտեր կղզին, որ մի մեծ օձ
թռչունի նման՝ երբեմն կարծես ընկղմում էր ջրի մեջ և երբեմն դուրս
ցցում իր ժայռոտ լերկ գանգը:

Մայր մտնող արեգակն այդ միջոցին աղոտ ճառագայթներով խա-
զում էր ջրերի հետ ու լայն, լուսավոր ուղի գծում մինչև ափը. նրա դեմ-
քը նման էր հրաշեկ գնդակի, որ հետզհետե ընկղմվում էր փրփրալից
սև ջրի մեջ և լուսավորում գլխի վրայի ամպերը, նրանց եզերքներին
վարդագույն աննման ժապավեններ կազմում և դիմացի մի այլ ամպի
էլ բոցավառ ու անշարժ խարույկի տեսք տալիս:

Նավավար Թորոսն այդ միջոցին նավակի քիթը ցցել էր ափագի
մեջ և մի քանի գյուղացիների օգնությամբ նավակն էր մտցնում ոչ-
խորները:

Մինչ այդ՝ արեգակը հետզհետե ընկղմվում էր, ամպերը մեղմաց-
նում էին իրենց բոցը, լուստ շառավիղը աղոտանում էր, ծովը թանաքի
գուն ստանում, կոհակները մեծանում էին, ֆոսֆորային կայծեր արձա-
կում և միմյանց մղելով՝ գալիս շառաշյունո՛ւ! փովում էին ոտներդ տակ:
Եվ մոտեցրե թաքնվում էր խաղարի մեջ, Կտուցը անորոշ կերպարանք
ստանում ու եզերային ծառերը և գյուղերը նմանում էին մուսյլ սովեր-
ների:

Մի ձայն սթափեցրեց ինձ: Քահանան էր. ձեռին բռնել էր մեծ կա-
պոց, ապա մի հողե աման:

— Գնանք, որդի,— ասաց նա,— նավ մտնենք:
Ու մտանք: Պատրաստ էր: Քահանան քղանցքը ծալելով ուլորեց,
մեջքի վրա ցցեց, կապոցն ու գինին ցած դրավ ոտների մոտ: Հետո, երբ
ես կաթնած կայմին՝ նայում էի սև ջրերին, դարձավ դեպի արևելք և կար-
դաց:

— Տե՛ր, ուղղեա մեզ զգնացո մեր...

Եվ այդ խուլ աղոթքը, խառնվելով կոհակների շառաշյունին, նավակի ծփման ու թորոսի՝ պարբերաբար նավակից շերեփով ջուր դուրս քափելուն, մի խոր տպավորություն էր սփռում շուրջը:

Բարձրում, գյուղի մեջ, տեղ-տեղ պլպլում էին ճրագներ, հեռո՛ւ անտառի ծայրերում, երևում էին նախորդների և ածխագործների կրակները. իսկ անտառի ստորոտներն ընկղմվել էին խավարի մեջ:

Վերջապես շարժվեցինք: Թորոսը դադարեց ջուր դուրս քափելուց, հրամայեց առագաստ պարզել և թռավ ափի վրա, որպեսզի նավակը ջուրը մղե:

Մովի տարածության հորիզոնից սկսում էր երևալ լուսնի կեղևը՝ արծաթազօծ կողերով հայելու նման, և լույսի մեջ ողողել դողդոջն ջուրը:

— Միրուն է, չէ՞, մեր ծովը,— ասաց քահանան,— մարդ նայելուց չի կշտանում... Բայց շատ էլ կատաղի է անիժածը... Աստված անի, որ փոթորիկ չբարձրանա...

Հետո դարձավ նավավարին և գոչեց.

— Թորոս, փոթորիկ կունենա՞նք:

— Չէ՛, տե՛ր-հայր:

Մեջքը դեմ էր տվել նավակին: Ասաց, ուժ տվավ, սահեցրեց դեպի ջուրը և ապա ցատկեց նրա մեջ ու դարձավ նավաստիներին:

— Առագա՛ստը...— աղաղակեց նա:

Ու նավակը շրջան գործեց, պատռեց ջուրը. առագաստը արագությամբ բարձրացած՝ ուռավ, մենք ծովեցիներ մի կողմի վրա ու առաջ սլացանք:

— Յա նարեկա սուրբ ճգնարան,— ասաց Թորոսը, քոլոզը հանեց, խաշակնքեց, հետո նորից դրեց և, որպես թե խոսքը կիսատ էր թողել, դիմեց քահանային.

— Չէ՛, տե՛ր-հայր, աստծու ողորմությունով փոթորիկ չենք ունենա. բայց ալեկոծության խոսք չունեմ, քիչ-միչ...

Նավակը սլանում էր և հետքերի վրա պայծառ գիծ թողնում. երբեմն կողը այնքան ծռում էր, որ ձեռքս կոխում էի ջրերի մեջ և թույլ տալիս, որ մատներիս ծայրերից կաթկթեն շողշողուն շիթեր:

Կղզիներն անհետացել էին. խավար խորքի մեջ ափն էր, այսինքն, ներքովք և Գրգուռ լեռների կույտը և հեռվում Միփանը իր ձյունափայլ կատարով: Փշում էր ծովային զով, գրեթե ցուրտ քամի:

Քահանան ցրտից սկսել էր դողալ, մեկմեկու վրա գինու բաժակ էր դատարկում ու մոմոմ.

— Կարծես ցուրտ է, հը՞... չե՞ս ուզում, վարժապե՛տ:

Ու ինքն էր խմում: Ես էլ խմեցի. մի բաժակ էլ Թորոսը կոնծեց, հետո բարձրացավ դեպի մեզ իջնող ցանցաձև հովանոցը և ծածկեց նրան մի կտավով:

— Խմեցե՛ք...— բացականչեց քահանան տաքացած,— կեր, արբե ուրախ լեր... առ, առ սա փոխինդից... մի տաղ էլ ասա՛՛ լսենք. կարգացվող մարդ ես, ազգային տաղեր շա՛տ կգիտենաս...

Եվ ես, նայելով իմ հայրենի ծովին, հիշեցի հայ բանաստեղծի խոսքերը.

— Չա՛յն տուր, ո՛վ ծովակ...

Ու երգեցի. ձայնս տարածվում էր ջրերի վրա դեպի հեռուները և կարծես դողդողում էր թարմ օդի բարձրերում:

Մովի ալիքները մեծանում էին, նավակը սկսում էր մեծապես շարժվել: Քիչ հետո քահանան պտոկեց, իսկ ես մի տեսակ անշարժության մեջ, աչքս լուսնի շողքի տակ սրթարթացող կապույտ ջրերի վրա հառած՝ խորասուզվեցի երազների մեջ...

Թորոսի ձայնը սթափեցրեց ինձ:

— Կմրես, վարժապե՛տ,— ասում էր նա.— քնի՛ր. հիմա մեծ ալեկոծություն կսկսի:

— Քունս չի տանում, իսկ ալեկոծությունը սիրում եմ:

— Ուրեմն այստեղ ինձ մոտ արի, որ ալեկոծություն տեսնես... ք

նստելու տեղ կա: Բայց ծածկոցդ վերցրու, որ մեջը փաթաթվես:

Վերցրի ծածկոցս և Թորոսի կողքին տեղավորվեցի:

— Կատաղի ծով ունենք,— խոսեց Թորոսը,— անցյալ տարի հենց այս կողմերումն էր, որ մի Ավանցու նավակ ընկղմվեց և մոտ քառասուն հոգի խեղդեց:

— Քառասո՛ւն...

— Մեջն էլ մի քահանա կար ու երկու կանայք: Աղթամար ուխտի էին գնում խեղճերը... Տե՛ս, վարժապե՛տ, քիչ դեպի աջ նայիր. այդ ալիքները տեսնո՞ւմ ես. մեծանալու-մեծանալու են և ծովը օրորեն... ըհը, եկան... չվախենաս...

Հեռվից, իջնելով ու ելնելով, թանձր կանաչադույն մի քանի խոշոր կոհակներ, հավաքվելով ուրիշ շատերի հետ, մեծացան ու հուզված, սլացան դեպի նավակը: Մի ընդհանուր շարժումով ջրերը նավակի շրթս կողմից ետ քաշվելով՝ փոսացան, ապա նորից դիզացան եկող կոհակների հետ, և երբ նավակը շյուղի պես նրանց կատարի վրա էր թռնում:

պայթյունով ճայթեցին նրա կողին ու ջրի մի լեղի անձրև տեղացին մեզ վրա:

— Այս առաջինն է, — ասաց Թորոսը և ղեկը դարձրեց: — Դեռ սա ի՞նչ է որ, — շարունակեց նա, — այնպե՛ս սոսկալի սարեր են կազմում, այնպե՛ս կատաղաբար, երկու ածղահաների նման, միմյանց վրա գահավիժում ու թավալում, որ, աստված մի՛ արասցե, եթե նավակը մեկ ընկնի, փշուր-փշուր կլինի... Բայց փոթորիկ չենք ունենա... Հրամանդ առաջին անգամ՝ մենք մեր ծովի վրա...

— Առաջին անգամն է:

— Շնորհքը կտեսնես մի քիչ... Անցյալ օրն էր, որ տակովն արավ հինգ նավակ՝ բոլորն էլ ցորեն և ոչխար բարձած: Մի ամբողջ գյուղի տունը գրեթե ավերեց, ունեցած-չունեցածը ջուրը թափեց...

— Ծախելո՞ւ էին տանում:

— Այո՛, վան էին գնում... Նավավարներից երկուսը ազատվել են, մյուսները խեղդվել:

— Ձե՛ր գյուղերից էր:

— Ոչ... Ալշավազից էին. լուրը երեկ բերին մեզ... Բայց, վարձապետ, չէ՞ որ ալշավազոց ցավերն էլ մերինների նման են. մեր սիրտն էլ են դաղում նրանց դժբախտությունները... Անցի՛ր ձախ կողմս, որ էլի շթրջվես:

Անցա ձախ կողմը: Նորից մի ալիք պայթեց նավակի կողի վրա և լվաց նրա ցուլեր:

— Այո, — շարունակեց Թորոսը, — ծովն անգամ զուլումանում է մեզ: Մրանից տասն օր առաջ հարկահանի ցորենաբարձ նավակները ճանապարհ ընկան: Մի զարմանալի՛ բան էր... Առաջին օրը ծովը փոթորկից տրաքում էր. բայց հանկարծ հանգարտեց, և անիրավությանը հավաքված ցորենը տեղ հասավ անվնաս... Այդ դեմքը ծուռ մուրտառին տեսնում ես...

— Ո՞վ:

— Կուսինը... Այնպես լուսավորել սկսեց, որ կարծես թե ծաղրում էր մեզ: Իմ նավակը բերնեբերան լցրել էին... Ուտան իջանք. մի հատիկ խակ չկորսվեց. հարկահանի ոտքը ուրախությունից գետնին շէր դիպչում...

— Դիպված... — ասացի ես:

— Դիպված... — գոչեց Թորոսը բարկությանմբ և աջ ձեռքի թիակը գեմ տվավ. — դիպված... Ինչո՞ւ այդ դիպվածը ջրոտանում է, երբ մեք տորդար քրտինքն է մեջտեղ գալիս, երբ մեր ցորենն է գնում, մեր ուշադրենքը... Չէ, վարժապետ, մենք մի անխթոված ազգ ենք...

— Այդպես մի խոսի, Թորոս, մենք ի՞նչ ենք արել, որ անխթոված լինենք:

— Չգիտեմ. հավատա, որ չգիտեմ... Ապա ինչո՞ւ ամբողջ տարին ապրում ենք, սիրտ ենք մաշում, դողում ենք, երբ երկնքի վրա ամպ չկա, ուրախությունից գծվում, երբ անձրև է գալիս, ահագին կոիվներ ենք սարքում միմյանց մեջ՝ մի հասկ ցորենի համար, մեր բերնից կտրում ենք, մեր երեխայոց մերկ թողնում, արևի տակ ճենճերվում, խանձվում ենք, ձեռքներս կոշտանում... Քամում ենք, հավաքում, աշխատում ենք մի խիլ անգամ շկորցնել և հետո... հետո գալիս են մի սյուրու գալիս, մի խիլ անգամ շկորցնել և հետո... հետո գալիս են մի սյուրու գալիս, մի խիլ անգամ շկորցնել և մեծ մասը տանում, իսկ մյուսը, երբ ուզում ենք խիլում են մեր գլխին և մեծ մասը տանում, իսկ մյուսը, երբ ուզում ենք գործադրել — ծովն է կուլ տալիս... է՛հ... — արեց, հուզմամբ դարձրեց ղեկի բռնատեղին և նայեց լուսնին:

— Ձեզ ո՞վ է ասում տվեք՝ ինչ-որ ուզեն, — ասացի ես, — եթե մեծ մասը շտաք, այս փոքր մասի՛ ջրի մեջ կորսվելը, որ պատահամաք է չինում և ո՛չ միշտ, ձեզ շատ չի վշտացնի:

— Չտա՛լ, շտա՛լ... Մի քանի տարի է, որ քեզ նմանները այդպես են գոռում... Չտա՛լ... Ինձնից ավելի համարձակ, ինձնից ավելի ընդդիմադրող չկա գյուղում... Եվ ինձնից ավելի վնասվողն էլ չկա: Գյուղագիրք անգամ ինձ անվարկեցող են կոչում, նախատում են... անունս «ծուռ» են դրել. հարկահավաքին էլ ասում են՝ «բանի տեղ մի դնի, Թորոսը հանաք չի»... Եվ հարկահանն էլ ինձ «կատակով» ավելի է նեղացնում, ինձնից ավելի վերցնում, հետո նույն տեսակ «կատակով» նավակս լցնում և հրամայում, որ ձրի փոխադրեմ... Աստված է վկա, քանի՛-քանի՛ անգամ ուզեցի նավակը ընկղմել, ցորենն էլ ու շահնային էլ ջուրը թափեզ, ինձ էլ հետը, բայց... այս անխթած կրծքի տակ սիրտ կա, խիղճ կա... Եվ երկու ուժգին հարված տվեց կրծքին, որից դուրս թոսավ մի խոթ

հառաչ:

— Իմ ձեռքս չէ՞... — շարունակեց նա, — ա՛յ, որ ղեկը այսպես դարձնեմ, ալիքները դեմ կգան ու կփշրեն ամեն ինչ: Ո՞վ կիմանա... Ես էլ լողալով կամ կազատվեի կամ ոչ... շատ էլ մեկ ազատվելու պետք էլ լողալով կամ կազատվեի կամ ոչ... Բայց վերև աստված կա, որ դատանի, կմեռնե՛ր՝ այդ ավելի լավ էր... Բայց վերև աստված կա, որ դատանի է մեզ, այստեղ խիղճ կա: Ո՞ր մեկին ջրով անես, ո՞ր մեկին հատում է մեզ, այստեղ խիղճ կա: Ո՞ր մեկին կազատվե՞նք այդ անիրավունեցածը ջուրը թափես. ինչո՞ւ, դրանով կազատվե՞նք այդ անիրավունեցածը ջուրը թափես. ինչո՞ւ, դրանով կազատվե՞նք այդ անիրավունեցածը ջուրը թափես... Այս ալիքները տեսնում ես. հավատացած եմ, որ եթե նավակիս փշի ուշադրենքը Մկրտիչ աղայինը՝ վաշխառուինը չլինեին և ինձ կամ մի գյուղացու պատկանեին, իսկույն նավակը շուռ կգար, կփշրվեր... Բայց անիրավ ապրանք է, և պիտի տեսնես՝ ողջ տեղ է հասնելու: Մի պատկարաս չունե՛ս, վարժապետ...

Շինեցի ու տվի: Վառեց, բուռն շնչով մի քանի անգամ ծխեց և դեմքը խոժոռ, վշտերով ակոսված, լուսնի տխուր փայլի տակ՝ դեպ հորիզոնն ուղղած, մնաց լուռ ու մտախոհ...

Ու նաժակը սրանում էր, ճեղքում սև ջրերը և ծփում մեծ ալիքների վրա...

1897

ԱՐՅԱՆ ԲԾԵՐ

1

Խնուսի լեռների մեջ, մի բարձրավանդակ կանաչ տափարակի վրա, գինեբրուկների արմատը գգվող վճիտ առվակի եզերքին հանգչելու իջանք:

Մթնում էր: Գարնանային ցուրտ երեկո էր:

Վերարկունները գետնի վրա տարածեցինք, չոր մացառներից խարույկ կազմեցինք ու պայծառ, բայց անլուսին երկնքի տակ ընկողմանած՝ քիչ շունչ առանք:

Հովիտ էր, բարձրավանդակ փոքրիկ հովիտ, որ իր մի եզրով զահավանդ էր կազմում դեպի դաշտը, իսկ մյուս բերանը բաց էր անում դեպի ահռելի անդունդ, ուր ջրվեժ առ ջրվեժ ոստոստում-վիժում էր գարնանային հեղեղներից մեծացած մի պղտոր գետակ:

Դեմ առ դեմ լեռը սանդուղաձև ելնելով մարում էր մշուշի մեջ. նրա կրճքի վրա, դեպի դաշտը կուսացած՝ սևին էին տալիս անտաշ մանր քարերից բաղկացած շենքերի մնացորդներ, որոնք այժմ անտեր՝ փուլ էին եկել, գլորվել դեպի ցած ու քարադեզեր կազմել:

Այդտեղ էր ահա, որ հանգչել էինք ուզում:

Երբ քիչ տեղավորվեցինք ու հաց կերանք, մեզնից մեկը, որ սրինգ էր ածում, նստեց ու սկսեց նվագել: Թիկն տված, հայացքս փուլ եկած շենքերի ավերակներին, լսում էի մելամաղձոտ գիշերերգը, որ խոպոտ հեկեկանքներով՝ հայրենիքի աղետներն էր արտասվում, նրա թշվառությունը ողբում...

Իսկ լեռը, քանի գնում էր, ստվեր էր մեծացնում ու հովտի կեսը մթության մեջ առնում: Երբեմն հեռվից լսվում էր բուփ տխուր վայունք, ապա հանկարծ, դաշտի կողմից ականջիս էին հասնում հեռավոր անդրհային ուռնոցներ, որոնք քսամանցուցիչ շեշտերով օդն էին պատում:

խարույկը մի կողմի վրա պլպլում էր, ճաթճթում էր ու հետզհետե իջնում ու աղոտանում. կշկշան առվակն էլ կարծես երբեմն լուռ էր ու թաքնվում և երբեմն՝ շշուկով՝ դուրս նետվում-գալարվում դեպի հեռուն և իր հետքերի վրա մի տխուր մրմունջ տարածում...

Հանկարծ մեզ հետ վերցրած գամփոց սկսեց կատաղի կերպով հալի և հարձակվել հովտի մութ կողմի վրա:

Սրինգը լռեց, ընկերս վեր թռավ և հրացան ի բռին՝ առաջ գնաց գամփոռի ետևից, իսկ մենք հեռացանք խարույկի լույսից և մթան մեջ սպասեցինք:

Ճանապարհի վրայից լսվում էին ձայներ, ճիշտ կլիներ ասել՝ հառաչներ, լաց... Կարծես մանուկներ էին, որոնք ճչում էին, աղիողորմ կերպով ողբում:

— Ո՞վ է այն, — կանչեց ընկերս:

Եկողները կանգ առան, ու լուռթյուն տիրեց:

Մանուկներին՝ թվում էր, որ սաստում էին լռելու. մինչ իսկ ձեռներով փակել էին ճգնում նրանց աղաղակող բերանը:

— Գյուղացիներ են, — ասաց ուղեկիցներից մեկը, — կին ու տղան են հետևերը:

— Իսկ եթե քրդեր են և գյուղերից թալան են տանում, — առարկեց մի ուրիշը:

— Լույսի՛ եկեք, ո՞վ է, — գոռաց մեր գլխավորը, — լույսի մեջ եկեք, ապա թե ոչ՝ կհրացանեմ:

Այն ժամանակ խմբից բաժանվեցին մի քանի հոգի և առաջացան դեպի լույսը:

Գյուղացիներ էին, հայ գյուղացիներ, մեջքերի վրա կապած տոպրակներ, կքված նրանց տակ: Գունատ էին, փոշոտ, մանավանդ ցեխոտ. հազիվ կարողանում էին ոտքի վրա կանգնած մնալ:

— Յամա՛ն, աղաներ, — ձայնեց իսկույն նրանցից մեկը, — տեսնում եմ, որ հայ եք, թողեք այս գիշեր ձեր կողքին ցած ընկնեք, հանգստանանք, կոտորվեցինք քաղցից, հոգնությունից... սաղ օրը քայլում ենք:

— Ո՞ր եք գնում, — հարցրի ես, — և որտեղի՞ց եք գալիս:

— Ես գիտե՞մ, — ասաց ծերունին և լռեց. մյուսը խոսեց նրա փոխարեն: Մի երիտասարդ էր խամրած աչքերով և թույլ կեցվածքով, ուժ չկար վրան:

— Մենք էլ չգիտենք, — ասաց նա. — ցածի գյուղերից ենք, գնում ենք այնտեղ, ուր մեզ չեն սպանի, չեն շարշարի:

Դաշտից էին, այն գյուղերից, որոնց երեկ էր, որ քրդերը այրել, կոտորել ու ավերակ էին դարձրել: Խնուսի փշրված, արյունով կարմրած

գժբախտ գյուղերից էին. ո՞վ գիտե, գուցե միակ ողջ մնացածները, որոնք լեռներն էին ընկել հուսահատ ու հալածված...

— Էլ բան չթողին,— շարունակեց խոսողը,— ողջ դաշտը արյունի մեջ է. ամեն ինչ հիմնահատակ արին... Եվ դեռ այրում էին, կոտորում...

— Ա՛խ, երանի մենք էլ մեռնեինք...— մրմնջաց ծերունին տխուր օւ խոր հառաչով:

Մթան մեջ մնացողները տեսնելով, որ իրենց առաջնորդներին վնաս չենք հասցնում, իրենք էլ մտաբացան ու մտան լույսի մեջ, և այդ ժամանակ աչքս ընկավ մի աղեխարշ տեսարանի վրա:

Ոտաբորբիկ ու կիսամերկ կանայք՝ ցեխաթաթախ ծնկներով ու շորերով, աղտոտ, մի-մի ծծկեր մեջքներին, մի-մի մերկ լակոտ էլ փեղեկից կախ՝ գալիս էին շրերի միջով: Կարծես անկողնից էին հանել այդ բոլոր մերկ թշվառներին և քշել, ցեխն արել: Ու մեջքի վրայի մանուկները զնգում էին, քարշ եկողներն այլևս արցունք չունեին, հեկեկում էին, խուճայներ արձակում, և նրանց ոտները, կպած քարերի ու փշերի, արյունովել էին, հոշոտվել, մարմիններն էլ բծավորվել, ցեխից սևացել...

Ահա և տղամարդիկ, անզեն, անգլխարկ, կիսամերկ, ցեխոտ օւ արյունոտ, խլել են, ինչ որ կարողացել են՝ մի վերմակ, մի կապոց, մի բուռ հաց կամ ալյուր և մազապուրծ փախել կոտորածից: Չեն խոսում. ոչ ձայն է մնացել և ոչ էլ սիրտ:

Պահ մի մտածեցի հարցուփորձ անել, տեղեկանալ, թե ինչ դրուժյան մեջ է դաշտը, թե որքան էին հարձակվողները, ինչ թողին անավեր, ո՞վ կենդանի մնաց... բայց ավելորդ բան. մի՞թե գուշակել դժվար էր:

— Ինչպե՞ս ազատվեցիք,— հարցրի ծերունուն, երբ բոլորն էլ նրստել էին:

— Հրաշքով...— մրմնջաց նա:— Ծահիճն անցանք. մինչև կես մեջք ցեխի մեջ, մուժն էր՝ շտեխան մեզ... Ավտոն մնաց. շատ էր խրվել, շկառազացավ ելնել... չգիտեմ ինչ եղավ...

— Իսկ գյուղը...

— Վառվում է... Կրակը մեծանում, գնդակները սուրում էին, ճիշերը մեզ հասնում... Կրակի լույսով տեսնում էինք փախչողներ, ընկնողներ, հարվածողներ... Ու փախանք, սոսկումից ետ էլ չէինք նայում:

Տեղ տվինք նրանց մեր կողքին: Ինչ որ ուտելու ունեինք, նրանց բաժին հանեցինք, ծածկոցներ ճարեցինք կանանց ու մանուկների համար, և երբ միմյանց վրա թափված քնեցին, բոլորս տխուր էինք, լուռ ու ճնշված. ամենքս դեպի խոր՝ Ննուսի դաշտն էինք նայում, ուր մի անորոշ կարմիր լույս լուսավորում էր հեռավոր տարածությունը և ուր, ով գիտե, այդ պահուն որպիսի՞ հրդեհ կար, որքա՞ն դիակ, որքա՞ն արյուն...

Եվ երբեմն այդ տիրող լուռության մեջ, արյունալից խորքերից անդրեզային սրտապատառ աղաղակներ էին հասնում մեր ականջին, որոնք թրթռում էին օդի մեջ և որպես մշտատև, բայց անօգուտ բողոք՝ գնում էին մարելու երկնքի խորուժյան մեջ...

2

Երկու օր հետո դաշտ իջանք, հալածվածներին դրինք մի ճանապարհի վրա և մենք գնացինք ուրիշ ճանապարհով: Ստիպված էինք այդպես անել:

Հետո կտրեցինք երկիրը, անցանք ծխացող, ավեր գյուղերից. մեր քայլերի առաջ, մեր անցքերի վրա շատ տեսանք եղկելի խմբեր, որոնք սոսկումը կրծքերում փախչում էին ցանուցրիվ, խուսափում ընդհանուր սարսափից՝ կորցրած ինչքը, սիրելիները, կորցրած խելքն ու միտքը:

Մի ամբողջ ամիս ուրիշ ոչինչ չէինք տեսնում, մեր ջղերը սկսել էին միշտ նույն սոսկումներով վարժվել: Ինձ վրա այնպես ցնցող ազդեցություն էին թողնում այդ տեսարանները, որ կորցրել էի հանգիստ, ախորթակ, քուն և խոսելու կարողություն ու գնում էի դիակների միջով, քաշում արյունի մոտով, փլատակների կողքով՝ որպես երագի մեջ...

Բայց ահա վերջապես սահմանագլուխը, որից հետո այլևս շունչ էի աննելու: Ուրախ, որ ազատվել էի այն բոլոր տեսարաններից, մի տեսակ հաճույքով փաթաթվեցի վերարկուիս մեջ և վերջին գիշերը պատաստվեցի անցկացնել այդ սպանդանոցային երկրի հողի վրա:

Հագիվ թե աչքերս փակել էի և թեթև կերպով ննջել, որ մի նոր ուժով պատկերացան մտքիս մեջ բոլոր տեսածներս՝ հավաքված, միմյանց կցված ու թափորի պես անցնելով առջևիցս...

Գիշերը մուժն էր ու լուռ: Ցածում միայն, լեռան ստորոտի մոտ գտնվող շամբի եղեգներն էին շնչում թախծալից և մեկ-մեկ էլ մի ինչոր գիշերային թռչուն՝ պատռում էր օդը և նրա բարձունքներում մի սուր խաղ նետելով սլանում-անցնում: Շուրջս տարածված քնում էին ընկեր-ներս սև կույտերի նման, իսկ գլխավորը գլուխը դրած մի քարի վրա, հրացանը գրկած և ծածկված գիշերային խոնավության դեմ՝ անձայն ննջում է:

Քնել չէի կարող այլևս, կոշմարը գրգռել էր ինձ, և ականջիս միջից չէր կտրվում ցնցող ողբերի հիշատակը:

Եվ ահա հանկարծ, այդ լուռության և ամայության մեջ կարծեցի լսել մի ճիշ, որ նմանում էր մանկան լացի: Ակամա դարձա: Զայնը ավելի պարզ լսվել սկսեց, սուր շեշտի բարձրացավ ու մեկեն լռեց:

Գլխավորն էլ երևի լսել էր, որովհետև ուստյունով վեր թռավ ու գոչեց:

— Ո՞վ էր այն:

— Դու է՞լ լսեցիր, — հարցրի ես:

— Լաց էին լինում, կարծես... — ասաց նա:

Ու նստեց: Նրանց էլ երևի տանջում էին կողմարներ: Չայնն էլ շըսվեց, երևի երկուսս էլ երազել էինք միայն, այդպես ժամանակ և այդպես ամայի տեղում ո՞վ կարող էր լինել:

— Կուզե՞ս ճանապարհ ընկնենք, — ասացի գլխավորին, — եթե գիշերով գնանք, վաղն առավոտ սահմանը կանցնենք:

— Ո՞չ, — ասաց նա, — տղերքը հոգնած են, թող քնեն: Դո՞ւ ինչու չես քնում:

— Չեմ կարող. ինձ թվում է, թե շուրջս էլի կոտորում են, այրում: Գլխավորը մուսյլ՝ գլուխը քարի վրա դրավ և աչքերը փակեց:

Բայց հազիվ թե մի վայրկյան լուռ էինք, որ ցնցվեց, վեր թռավ ու ասաց.

— Ո՞չ, երազ չէ սա... Լաց են լինում այնտեղ՝ հեռու... լսում եմ ահա նորից:

Եվ ցույց տվավ բլրակի մյուս կողմը:

Ես չէի լսում:

— Ականջդ գետնին դիր:

Կուացա ու կպա գետնին: Մի թույլ ճիշ, կարծես անդունդների խորքից գալով, խողտացրեց ականջս:

— Այո՞, — ասացի, — լալիս են. մանկական ձայն է:

Ու երկուսս էլ ելանք: Գլխավորը զարթնեցրեց ընկերներիցս մեկին, պատմեց եղածը, խնդրեց զգույշ քնել, և երկուսս միասին գնացինք դեպի ձայնը: Երկար շփնորեցինք. քանի մոտ էինք գնում, որոշ կերպով լավում էր լացի ձայնը. հատած ու ժանգոտ մանկական ձայն, որ լուռ գիշերվա մեջ սարսուռ էր ազդում:

Բուրբը շրջելուն պես, առվակն ի վեր գնալով, հասանք մի կանաչ հարթության:

Մի քստմանցուցիչ տեսարան փակեց մեր ճանապարհը: Զրի եզրին, արյան լճակների մեջ, խողխողված ընկել էին մի քանի դիակներ... Ապա քիչ հեռու՝ երկու կանաչք, մեկը սպանված պառավ, մյուսը երիտասարդ՝ ուշագնաց և սոսկալի դրության մեջ, տանջած ու ձգած, և դրանց կողքին երկու մանուկներ, որոնցից 3—4 տարեկան աղջիկը ընկած մոր կրծքի վրա՝ հեկեկում էր, իսկ մյուսը, մի տասնամյա տղա, կանգնած սարսափահար դողում էր ու գծվածի պես գոռում, ճշում...

Կնոջն ուշքի բերինք և մանուկների հետ տարանք մեզ մոտ: Բուրբը զարթնել էին, բուրբի կրծքից դուրս թռավ մի խոր ցավակցական ու սոսկումի բացականչություն:

Կրակի լույսով տեսա կնոջը: Իր գունատության մեջ գեղեցիկ էր նա. բայց որքա՞ն վշտալից, որքա՞ն տանջված: Հիշեցի իսկույն, որ տեսել էի թե՛ նրան և թե՛ մանուկներին:

Մի վայրկյան շմտաբերեցի, թե որտե՞ղ: Ընկերներիցս մեկը ավելի շուտ հիշեց:

— Ա՛խ, — կոչեց նա, — Խնուսի լեռների մեջ հանդիպած թշվառներիցն են:

Նրանք էին. նույն երիտասարդ կինը և իր մանուկները: Միայն դրանք էին մնացել այն մեծ խմբից, որոնք ճողոպրել էին Խնուսի գյուղերից:

— Ուրեմն մի ամիս է, որ թափառո՞ւմ եք, — հարցրի:

— Այո, — ասաց կինը, — ուզում էինք սահմանն անցնել, ազատ հողի վրա ելնել... հասել էինք, բայց երեկ մեզ վրա տվին մի խումբ ու կոտորեցին...

Հուզմունքից շարունակել չկարողացավ և արտասվեց: Արտասուք լուներ. դեմքն էր ծոմոկում սրտաճմլիկ կերպով և խոպոտ ձայներ հանում...

— Ի՞նչ պիտի անես այժմ, — հարցրի:

— Զգիտեմ... Ինչո՞ւ չթողիք մեռնեինք այնտեղ. այժմ ես էլ ի՞նչպես ապրեմ, ի՞նչ երեսով արև տեսնեմ...

Մանուկները կպել էին նրան ու հեկեկում էին:

Կուացավ ու ջղաձգությամբ սկսեց համբուրել աղջկան:

— Տարե՞ք մեզ, տարե՞ք ձգեք, ուր որ կուզեք, — շարունակեց նա, — ես կյանք չեմ ուզում, բայց սրանց համար կապրեմ, կգործեմ. տարե՞ք մեզ...

Հետո կծկվեց ու էլ չխոսեց:

Կրակը մարեցինք, ելանք ձի հեծանք. մեզնից մեկը գավակն առավ կնոջը, մյուսները՝ մանուկներին: Ամբողջ գիշերը ճանապարհ գնացինք և լուսածագին սահմանն անցանք ու դրինք նրանց մի գյուղի մեջ:

Թշվառ կինը ջերմի մեջ էր. ստիպված էինք գյուղացոց խնամքին հանձնել նրանց և անցնել:

Ահա այդպես էր, որ երկրորդ անգամ հանդիպեցի այն խմբին, որից ողջ էին մնացել միայն մի լվված կին և երկու որբուկներ...

Անցան ամիսներ: Կովկասը լցվում էր լացի երկրից դուրս հոսող գաղթականներով ու փախստականներով. ամեն մի քաղաքի դռները, եկեղեցիների առաջ երևում էին ցնցոտիներով խմբեր՝ կին, մարդ, որբեր, որունք ձեռք էին պարզում, հաց խնդրում, պատսպարան հայցում:

Որ քաղաք որ մտնում էի՝ թշվառ հայրենակիցների էի հանդիպում: Մարդիկ, որոնք իրենց երկրում տասնյակ ազգատներ էին կերակրում, այժմ նստած ձրի ճաշարանների նստարանների վրա, գլուխները կախ, որ չճանաչվեին, արտասուքը կուլ տալով ուտում էին մի կտոր հաց՝ անոթութունից շմեռնելու համար:

Որ եկեղեցու առջևից որ անցնում էի, դռների առաջ տեսնում էի ծանոթ դեմքեր, կանայք, մանուկներ՝ ողորմելի, գլուխին ծռած, աղաչալոր և մուրացկանության դիմելուն համար ամոթից ու ցավից կարմրած, զգեանած...

Ահա և բարեգործական ընկերության մի գրասենյակ: Քանի՜-քանի՜ տասնյակ տղամարդ ու կին, մեծ մասամբ թշվառացած, ընկճված, շվարած ու մոլորված, կիտվել են փակված դռան առաջ, կուչ եկել պառի տակ և սպասում են ճաշ կամ մի քանի կոպեկ ստանալու համար... Եվ ահա դուրս է գալիս քարտուղարը. բոլոր ընկճվածները պատկառանք ետ են քաշվում, աղերսագին՝ ուռած պարոնին նայում, աղաչում են, հաց խնդրում, իրենց խնդիրներին պատասխան հայցում և լսում են քարտուղարի կաշաղակային ճիշդ:

— Գնացե՛ք, կորեք այստեղից, ի՞նչ եք զահլես տանում. գնացե՛ք գործեցեք...

Այո՛, «ազգասերի» զահլեն էլ է գնացել այդ աղերսներից, թշվառություններից. նա այլևս կոպտություններ վոնդում է ընկած եղբորը, որ ոչ մի ժամանակ ետ չէր դարձրել հայցողին՝ այն օրերում, երբ ունեցել է, երբ կարողացել է օգնել:

Շատ բան տեսա. ավելի խոսք և բառեր լսեցի իբր ցավակցություն նրանց դրություն, քան գործ և օգնություն...

Եվ ահա մի օր, երբ անցնում էի մի մեծ դռան առջևից, լսեցի բակից մանկական երգի ձայն: Ներսում ժողովվել էին ծառաներ, աղախիներ և անցորդներ, պատշգամբներից կուսցել էին ժպտուն և զվարթագին սիրուն աղջիկներ ու պարոններ. զվարճանում էին մի սրտաճմլիկ տեսարանով:

Նրկու մանուկ էին. մեկը հասակավոր տղա, մյուսը հինգ տարեկան աղջիկ: Նրկուան էլ գրեթե ոտաբորիկ, ցեխի մեջ և ցրտի դեմ մի ամա-

ռային շորով պատսպարված: Տղան զողողալով երգում է մի քրդական երգ, մի տխուր, մեղամաղձիկ պար, իսկ աղջիկը կրկնում էր նույնը և ուսուսում, դառնում իր վրա: Պարում էր. արտասուքը հոսում էր նրա աչքերից մրսած այտերն ի վար. ձեռքերը կծկել էր թևերի տակ, վեր ու վար էր անում ոտները, կանչում, ողբում ու պարում:

Մոտ գնացի. տղայի ձայնը զարթեցրեց իմ մեջ տխուր հիշողություններ: Ճանաչել էի:

Խնուսի լեռների փախչող խմբից մնացած որբերն էին: Բայց ո՞ր էր նրանց մայրը. չէ՞ որ խոսք էր տվել ապրել և անտեր շթողնել իր զավակներին:

Հարցրի: Մեռել էր, չգիտեին՝ ինչի՞ց. գիտեին, որ մեռել էր և իրենք ընկել էին սրա-նրա ձեռքը, քաղաքից քաղաք և այժմ ստիպված էին հաց ճարել: Նրանց երգ էին սովորեցրել և ուղարկել մուրալու:

Եվ որբուկները ցատկոտում էին, երգում, պարում ու... արտասովում:

1897

ԿԸՇԼԱՆ՝

1

...Երբ Ոստան հասա, զեպի Սպիտկո վանքն ելնող ճանապարհի վրա ծիրանինների ստորոտում հանգչող մի երիտասարդի հանդիպեցի: Ռուսիացի էր: Մեր ծանոթությունը շուտ կատարվեց: Նա էլ էր գնում վանքը՝ Աղթա-նարի կաթողիկոսին այցելելու: Վեհափառը մի քանի օրից ի վեր էր, որ Ռուսանի այդ վանքն էր եկել՝ Արտոս լեռների մեջ ամառն անցկացնելու համար:

Լավ էր, որ ընկեր գտա. ապա թե ոչ՝ անտանելի էր դառնալու մենակ բայելը այդ շոգին ու փոշոտ ճանապարհով:

Խոսակցելով, ծխելով, հաճախ հանգչելով, կարողացանք երեկոյան դեմ բավական բարձրանալ: Բարեբախտաբար ամպերի խոշոր կտորներ անցնում էին երկնքի վրայով և անցողակի, բայց թեթևացնող ստվերներ սփռում մեզ վրա:

Նախիրը վանքն էր վերադառնում, երբ մենք մի փոքրիկ ձորակ էլ կտրեցինք և հասանք Շամիրամա առվին:

1 Թրքական զինվորների համար ձեռնարկի բնակարան: Զինվորանոց:

Տեսարանը շքեղ էր. արևը մայր էր մտնում. ցածում՝ Ոստանի հովիտը, և հորիզոնի վրա՝ կապուտակ ծովը, առաջներս Արտուսի լեռնաշղթան՝ կանաչագեղ ու շողշողուն, և պուրակներ, որոնք ձգվում-հասնում էին մինչև բարձր գագաթները: Ահա և վանքն իր փոքրիկ գմբեթավոր մատուռով և կողքին գտնվող հին, ընդարձակ միակ բնակարանով: Ապա մի ընդարձակ ծառաստան-պարտեզ, որոնց ստվերների տակով հոսում էր սքանչելի վճիտ ջրերով Շամիրամա առուն:

Նախիրն այդ միջոցին հասնելով՝ իջնում էր վանքի առաջ: Ամեն կողմից լսվում էին բառաչ, մկկոց. հովվական շները հաշում էին, նախորդները ցուպերը բարձրացրած՝ աշխատում էին ոշխարներին դեպի գոմն անել, շոշորները (կաթ կթողները) փայտյա կուշերով դինված՝ վազվզում էին տավարի մեջ: Վանքն էին վերադառնում նաև հնձվորներ, կալսողներ, հոտաղներ, որոնք բոլորն էլ շրջակա գյուղերի բնակիչներից էին և եկել էին զուբարայով (ծրի) բանելու վանքի համար: Կրեկոյան վանքն էր նրանց ընթրիք տալու: Շներն իսկույն մեր հոտն առին և խմբովին հաշելով՝ վազեցին դեպի մեզ: Մի նախորդ առաջ եկավ, հայածեց գամփրոններին և պատկառանք տարավ մինչև մառանը:

— Կաթուղիկոսը որտե՞ղ է:

— Այգում նստել է... Ահա Ղազար հայր-սուրբը:

Մի երկար վարդապետ, որ ախոռից դուրս եկել՝ դեպի պարտեզն էր ուղղվում, որ նկատելով մեզ, կանգ առավ ու սպասեց:

Մոտ գնացինք:

— Աստված օգնական:

— Աստված պահապան, որդիք, եկել եք ուխտի՞:

— Այո, հայր-սուրբ, եկել ենք նաև վեհափառին խոսելու:

Վեհափառը այգումն է, առաջնորդե՛մ ձեզ:

Ու նա առաջ ընկավ: Շատ հեռու չէր: Կայն առվի եզերքում, մի ուռենու հովանու տակ փռել էին գորգ: Նրա վրա էր, որ դերձակի պես բազմել էր Աղթամարի խաչատուր կաթուղիկոսը: Մի միջահասակ, թխիկ, վիզը կարճ ու կապուտաչյա երանելի: Ոտները ծալած, առջևը մի ֆնչան սուրճ, աջ ձեռքին դեղին մեծ սաթերից շինած մեղեսիկ, նայում էր հեռուները:

Սրբ նկատեց մեզ, ուղղվեց, շարժվեց ու ասաց.

— Համեցեք, էֆենդիներ:

Մոտեցանք աչն առինք, հետո նստեցինք գորգի եզերքին և կաթուղիկոսի հրամանով՝ Ղազար վարդապետը ետ գնաց, որ մեզ համար սուրճ պատվիրի:

— Բարի եկաք, ուխտներդ ընդունական... — այսպես սկսեց վեհափառը, — հրամանքնիդ ուսիացի՞ եք:

— Ոչ, վեհափառ, — պատասխանեցի, — ես վանեցի եմ:

— Հա՞... որոնցմե՞ն ես:

Հորս անունը տվի. չէր ճանաչում, բայց լսել էր:

— Իսկ աս աղա՞ն, — հարցրեց նա ընկերոջս ակնարկելով:

— Պարսկաստանցի է, անունը Կարապետ:

Այնուհետև սկսեց մի երկար խոսակցություն այն մասին, թե ես ինչո՞ւ եմ գբաղվում, քնկերս ինչո՞ւ վ, թե ինչու ենք եկել այս կողմերը, կամ որ ճանապարհով եկել և այլն, և այլն:

Քիչ հետո երևեցավ մի գյուղացի՝ ձեռքին երեք ֆնչաններ և մի սըրճաման: Կոշիկները հանեց գորգից դուրս, պատկառանք մոտեցավ վեհափառին, շոքեց, դրավ նրա առաջ ֆնչաններից մեկը և սուրճ լցրեց, հետո դարձավ ինձ ու ընկերոջս և նույնն արավ: Ղազար վարդապետն էլ եկավ շուտով ու շոքեց վեհափառի կողքին, մի ոտք ետ:

Այդ բոլոր ժամանակում կաթուղիկոսը միշտ մի տեսակ կասկածանքով և ուշադրությամբ էր զննում ընկերիս, իսկ ինձ վրա սակավ էր նայում, և երբ վարդապետը վերադարձավ, այն ժամանակ հանկարծ ասաց.

— Հրամանքնիդ ուրիշ ժամանակ այս կողմերում եղե՞լ եք: Կարապետը չիտթվեց մի քիչ:

— Ոչ, — ասաց, — այս կողմերում չեմ եղել:

— Ես էլ չեմ եղել, — պատասխանեցի ես:

— Գիտե՞ս, — դարձավ ինձ կաթուղիկոսը, — քիչ մնաց կարծե՛ի, թե աս աղան մեր կողմերը թափառող բոշ-բողազ ուսիացիներեն է:

— Այդ ի՞նչ ուսիացիներ են, վեհափառ:

— Հըմ, հըմ... — արեց կաթուղիկոսը, — ի՞նչ ըսեմ, էֆենդիս, տարի մըն է, որ խել մը բոշբողազներ ընկեր են մեր գյուղերը. քանի մը օր առաջ ատոնցմե երկուքը ձիերու վրա հեծած՝ դրսի տուն եկան... Ալլահ-իլումն, գեշ մարդիկ չէին երևնար, նվեր տվին վանքին, սակայն, այլան-իլումն, զեշ մարդիկ կընեին. վտանգավոր խոսքեր... Կատղեցուցին զիս, համդակ խոսքեր կընեին. վտանգավոր խոսքեր... Կատղեցուցին զիս, համբերություն չթողին... Անանկ չէ մի, Ղազար վարդապետ, — դարձավ նա բերութուն շթողին... Ինչ որ է, Ղազար վարդապետ, — դարձավ նա հայր-սուրբին, — միտքդ չէ՞, թե գյուղացիներուն ինչեր էին սովորեցուցեր:

— Հրամանք ես, վեհափառ... չեմ կարծեր, որ ասոնք անոնցմե ըլլան:

— Աղեկ, իհարկե, ես ալ չեմ կարծեր... Ինչ որ է, վարդապետ, անոթի ենք, աս աղաներն ալ անոթի պիտ ըլլան, իսթունը բան մը պատրաստե՞ր է...

— Հրամանք ես, Վեհափառ, որտե՞ղ հրաման կրենք ճաշելու հո՞ւ, թե ներսը:

— Ներսը, ներսը, ես կսիրեմ աչքովս տեսնել թո՞ւրեն ելնող կերպուրներուն պուտուկներուն ու անոնց հոտն առնով:

Այս խոսքերը ասելով նա ոտքի ելավ ու ծանրությամբ առաջ ընկավ: Մի գյուղացի, որ հեռվում սպասում էր, մեր ելնելուց հետո մոտ գնաց և ժողովեց գորգն ու բարձր:

Այսպես ահա ծանոթացանք Աղթամարի կաթուղիկոսի հետ, որ երբ վերջով անցավ մառանի պատերին կպած բազմաթիվ խոնարհվող և իր աչին մոտեցող գյուղացիների միջով ու մեծ տանտունը մտավ: Վանի միակ սենյակը՝ այդ տանտունը մի ցած առաստաղով ահագին սենյակ էր, պատերը թոնիրներից արձակված ծուխից սաստիկ սևացած: Միայն վերեի մասն էր, թոնիրների կողքին, որ լուսավորված էր երկու ձեթի ճրագներով, որոնք դրված էին միմյանցից երկու բայլ հեռավորությամբ կանգնեցրած ճրագկալների վրա: Մութ մասը, որ մի ընդարձակ տարածություն էր կազմում և ուներ շատ խավար խորշեր, զբաղեցրած էր հազար մի տեսակ կարասիներով:

Այնանոց տեսնվում էին յուղի, պանրի, դավորմայի, գինու և այլ կարասների շարքեր, ալյուրի երկու մեծ դարան, դիզացած ցախ ու փուլ, մինչև իսկ աթար: Պատերից, օճորքից, ամեն կողմ կախված ու գրված կային շշեր, մաղեր, ավելներ... Մի խոսքով, ինչ ուներ-չունեք վանքը, կիտած էր այդտեղ:

Կաթուղիկոսը նստեց փոված մինդերի վրա. Ղազար վարդապետը շոքեց նրա ետևից՝ կողքում, իսկ մենք տեղավորվեցինք ավելի ցած: Բիլ հեռու կիսամթան մեջ, պատի տակ, լուռումունջ եկան նստելու հետը հետև 10—12 գյուղացիներ, որոնք իրենց ակնարկը չէին հռոպցնում կաթուղիկոսից և հետևում էին նրա յուրաքանչյուր շարժմանը: Երբ նստեցինք, տնտեսուհին մոտեցավ և սիրոց տարածեց:

— Հա, հա՞ց ենք ուտելու, — ասաց վեհափառը, — շատ աղեկ, անթի եմ: Ի՞նչ ունիս, հաթուն, լավ թան շինե՞ր ես:

Պատավ տնտեսուհին յազմայի վերին ծայրը մինչև աչքերն իրեցրեց, ցածից էլ բերանը ծածկեց և գլխով գրական պատասխան տվավ:

— Դե, աստված օրհնեք թե՛, շուտ ըրե՛... է, աղաներ, — դարձավ մեզ, — ըսեք, նայինք, շատ տեղ պտտեցա՞ք...

Երբորդ անգամն էր, որ նույն հարցն էր տալիս:

— Այո, վեհափառ, — պատասխանեցի ես:
— Ս. Եղիշեի գերեզմանն էլ գնացի՞ք... Չարխափան ս. Նշան:

— Ոչ դեռեա՛:

— Հա՞... է, վաղը գնացեք, տեսեք մեյմը ս. Եղիշեի գերեզմանը ես նորոգել տվի. որ տեսնես՝ կհավնիս. անհավատ ես նե՛ չես հավնիր... Նե, հե, հե, գիտես, աղաս, — դարձավ նա ընկերոջս, — անունդ շնորհե՞ս... մոռցա:

— Կարապետ:

— Հա, Կարապետ աղա, գիտե՞ս, ես քեզի փոռտ կարծեցի. ինչ որ է. անոր հայրը կճանչընամ... հրամանքդ պարսկաստանցի՞ ես ըսիր, չե՞...

Ու վեհափառը այդպես կցկտուր, մեկ հարցից մյուսը, մեկ մտքից մյուսը ցատկելով՝ մեզ չէր նայում, այլ տնտեսուհու արածներին էր հետևում, ձեռքերով ուղղում էր առջևը դրած հացը, դեն հրում սևացած կաթներն ու զննում, թե որքան սոխարած էին ածում թանի երեսի վրա:

— Այո՛, պարսկաստանցի եմ, — պատասխանեց ընկերս:

— Հրամանքդ ասոր ընկերն ես, չե՞... Խաթուն, ձուկ չունի՞ս աս երեկո:

Խաթունը մի բան փափսաց մոտը նստած գյուղացուն:

— Հոգևոր տեր, — բացատրեց վերջինս, — ձուկը փչավի համար է պահված, բայց եթե կհրամայես...

— Չէ՛, չէ՛, թող աս երեկո ձուկ չըլլա, թանը տուր... Ղազար վարդապետ, գինի ունի՞ս:

— Հրամանք ես, վեհափառ:

— Լավ... հըմ, հա, ինչ ըսի՞ր:

Ընկերոջս էր ուղղում հարցը և գդալը ձեռք առնում:

Տաք թանը, վրան կապույտ ծաղկի թերթերունքներով խառն սոխարած՝ մեքեղ եկավ:

— Ես ոչինչ չասացի, վեհափառ:

— Հը՛մ... ըսի՞ր, — ու դգալը պարզեց, — ես ըսի կարծեմ... հա հրամանքդ ասոր դասընկե՞րն ես:

— Ո՛չ, վեհափառ, ես ուրիշ ուսումնարան եմ սովորել, Մոսկվա:

— Մոսկով. հոն ա՞լ հայոց դպրոց կա:

— Կար, այո, կազարյան ճեմարանը:
— Հա, լսեք եմ... ապրիս, որդիս: Դեհ, սկսենք... «Ճաշակեսցուք խաղաղությամբ, օրհնյալ է տեր ի պարզևս յուր, ամեն»... Համեցե՞ք մոտեցե՞ք...
Հետո, երբ մի քանի դգալ խմել էր, շարունակեց.

— Հա, ըշտե կուգես նե՝ քեզ ալ տեղ մը վարժապետ ընենք, լմենա երթա... սակայն և մի դգալ էլ խմեց, նայե, չըլլա թե սա անհավատական մտքերեն լեցնես տղայներուն գլուխը... հը՛մ (մի դգալ ևս)... Սատանայի գոյություն ուրանաս... կրոնավորներուն պարսավես...

Հետո դգալը ձգեց և սկսեց բրդել թանի մեջ:

— Հրամանքդ ալ աղվոր ձայն ունի՞ս:

— Ոչ, ես ձայն չունիմ:

— Չունի՞ս... ձայնավորությունն ալ չիտես:

— Ոչ, վեհափառ, չգիտեմ:

Կաթուղիկոսը կանգ առավ, մի ակնթարթ զարմացած դիտեց Կարապետին, ապա դգալն առավ, մի խոշոր պատառ կլլեց ու գոչեց.

— Բոաֆ բե՛!... ապա ի՞նչ գիտես: Նայինք... ճարտասանություն, ստավածաբանություն, տրամաբանություն:

— Ո՛չ,— ժպտաց Կարապետը:

Կաթուղիկոսը ապշած էր: Դգալը օղի մեջ պահեց և դարձավ Զաքար վարդապետին: Իսկ սա գլուխը միայն թափահարեց և լուռ՝ դադարեց ու տելուց:

— Ես,— շարունակեց Կարապետը,— գիտեմ պատմություն և բնական գիտություններ:

— Կեր, կեր, թանը պաղավ,— ասաց կաթուղիկոսը,— ատոնց բոլորդազ բաներ են... ատոնք գիտություննե՞ր են... Այ, աստվածաբանություն, բարոյախոսություն... հաթոն, ուրիշ ի՞նչ ունիս, ձավրե փլա՞վ է և փածո... հա՞, դեհ, բեր, օրհնվիս դու...

3

Մի քանի րոպե այնուհետև լուռ ճաշեցինք: Հեռու կիսամթան մեղ օինիի շուրջը բոլորած գյուղացիք ևս դադարել էին փսփսալուց, ուտում էին և անդադար մեզ դիտում: Եթե կաթուղիկոսը պատահամար նրանց կողմն էր նայում, իսկույն ուղղվում էին աշակերտների պես, կծկվում և և ակնարկները խոնարհեցնում:

Մինչև մի քանի գավաթ շխմեց և մի լավ շկերավ, վեհափառը այլևս չխոսեց. մենք էլ լուռ էինք:

Չավրե փլավից հետո գյուղացիներից մեկը շարժվեց, քուղը հանեց, ձեռքին բռնած հողե կուռիկը՝ մոտեցավ և ասաց կաթուղիկոսին.

— Հոգևոր տեր, օրհնիր... Մեզ էլ արձակիր գնանք այս գիշեր:

¹ Զարմանալի բան:

Կաթուղիկոսը նայեց գյուղացուն, խաշակնքեց կուռիկի վրա և ասաց.

— Այս երեկո դժվար թե գնաք, ոես Մլո, խոսելու շատ բան ունինք: Ռեսը՝ մի ալեզարդ և պղնձագուն հուժկու ծերունի, բարձրացավ շքած տեղից:

— Աջիդ դուրբան, հոգևոր տեր,— գոչեց նա աղաչավոր ձայնով,— մեր տունուտեղ մնացել է անտեր-անտիրական. 5—6 օր է, ով գիտես, ինչե՞ր են պատահել գյուղում. արձակիր մեզ, այս գիշեր գնանք. լավ գիշեր է, բավական ճանապարհ կկտրենք:

Վեհափառը դեմքը կնճռեց:

— է, ես ի՞նչ ընեմ,— ասաց նա քիչ նեղացած ձայնով,— տերություն գործն է, նրա հրամանն է. մի թեթև գործ էլ չէ, որ շուտով պրծնենք, մըտածով է հարկավոր. մի քանի լիրայի բան խոչե՞, հարյուրներ են պետք...

— Դու գիտես, հոգևոր տեր,— շարունակեց ոեսը ավելի աղաչավոր,— վճռիր ինչ որ խղճմտանքդ տա, ի՞նչ արած, զուլումը պիտի տանենք. ո՞ր մեկին բան ենք ասել, որ սրան ասենք... Հրամանքդ մի բան ասա, որոշիր և արձակիր մեզ՝ մեր տունուտեղ գնանք, մեր ցավերին նայինք...

— Գիտե՞ս ինչ, Մլո,— ասաց վերջապես կաթուղիկոսը ոեսին,— թե որ այդպես է, լավ, այս էրեկո վերջացնենք ու գնացք...

— Աստված կարգիդ հաստատ պահե...

— Բանը այն է,— շարունակեց կաթուղիկոսը,— որ այդ կլլանի համար 500 ոսկուց ավելի ծախս է գնալու. դեռ չեմ ասում գերան, քար, ձրի գործավորներ...

— Եաման, հոգևոր տեր,— բացականչեց ոեսը,— ասա, որ մեր ճժեռու շապիկը հանենք տանք ու մենք էլ նրանց անոթի թողնելով՝ գանք կըլլան շինենք... Եաման, էդ ինչ զուլում է. 500 լիրա, որ քամես 10 գյուղից չի դուրս գալ:

— Ի՞նչ արած,— խոսեց կաթուղիկոսը,— ապա թողնենք, որ գինվորները գյուղերը ցրվեն ու ամեն ինչ քարուքանդ անե՞ն, ձեր կնիկներին անպատվե՞ն, ձեր եկեղեցիներն ախո՞ռ դարձնեն... Չէ, ինչ որ էլ լինի, պիտի կըլլան շինել...

Այդ միջոցին գյուղացիներից մեկը, որ մոտեցել էր ոես Մլոյին, խառնեքվեց խոսակցության...

— Վա՞նքը ինչ է տալիս իր կողմից,— հարցրեց նա վախվխտ ձայնով:

Կաթուղիկոսը դգալը փլավի վրա դրեց, հետո կոացավ և խոսողին նայեց:

— Մեկ այս կողմը նայիր, այդ ո՞վ էր խոսողը,— գոչեց նա,— այդ դո՞ւ ես, ոես Ռկո... չե՞ս ամաշում. վանքը ի՞նչ ունի, որ ձեզ հավար տա:

Փոխանակ դուք վանքին տալու, նրանի՞ց եք բան ուզում... Չէ, ինչպես երևում է բոշ-բողազներ են մտել էլի ձեր մեջ... Կարգս վկա, որ այդ սրբկաններին ձեռք եմ տալու... էլ ոչ հավատ թողին և ոչ էլ խոնարհություն...

Գյուղացիները սարսափից կծկվեցին. բայց ոես Մլին իսկույն մէլ մտավ:

— Մեղա աստծու, հոգևոր տեր,— ասաց նա,— մի նեղանար, ափդ դուրբան: Ռես Ռկոն ջահիլ է, համբերություն չգիտե... Իհարկե մենք պիտի վանքին տանք և ոչ թե վանքը մեզ... Մեննիմ վանքի գորությունը... բայց ջո ոտքն ենք ընկել, 500 ոսկին մի բարձիր մեր գյուղի վրա. Կարճկանը 9 գյուղ ունի, խիզանում էլ շատ գյուղեր կան. չէ որ կըշտանք նրանց էլ կազատի զինվորներ պատսպարելուց... Ես ջո ծառան եմ, մենք ջո զավակներն ենք, հոգևոր տեր, այնպես արա, որ գոնե 10-ական ոսկիով ազատվինք...

— Ի՞նչ, տա՞սր... չէ, ոես, դա շատ քիչ է. մնացածը էս որի՞ց առնէմ:

— Ախ, հոգևոր տեր,— հառաչեց ոեսը,— որ տեսնես մեր հայր, մեր տառապանքը, այդ տասը ոսկին մեր սաղ գյուղի գինը կհամարես: էլ ոչինչ չի մնացել, եղածը տանում են, նյություն¹, թաշիք² քուրդի, պտղու, հասնող-հասնողի... որ մեկն ասեմ, աջիդ դուրբան. դու չէ՞ որ շատ լավ գիտես: էլ բան չմնաց, մեր կնիկները մերկ են, մեր մանուկները ցուրտի դեմ ոչինչ չունին, մեր կերածը բանջար է մնացել, էն էլ եթե չլինե, եթե գտնվի. տավարի մեջ էլ հալ չի մնացել. տավա՞ր որտեղից մնաց. լավերը տարան, վատերն էլ այս ձմեռ կկոտորվին, խոտ չունինք. ինչ որ ամբարում ենք, խլում են, վառում. գանգատում ենք՝ վանդում... հոգևոր տեր, չէ՞ որ հրամանքդ էլ զզվեցիր մեր գանգատներից, մեր արտասուքից...

Ու ծերունին կոացրեց վշտերով ծանրացած գլուխը, և աչքերը լճվեցին:

Կաթուղիկոսը ուտում էր: Հուզված՝ դադարել էի և դալուսի հացը ծեծում, իսկ Կարապետը գունատ՝ մեկ սրան էր նայում, մեկ նրան:

— է, աղեկ, աղեկ, կարճ կապիր,— արեց կաթուղիկոսը.— գյուղացի եք, որքան լավ դրություն ունենաք, էլի լաց եք լինում, գանգատում, չունինք՝ ասում, մերկ ենք՝ գոտում՝ որ ինչ է՞ շտաք... եղած գուլումների էլ մեկը տասն եք շինում... այնպես չէ՞, վարդապետ:

— Հրամանք ես, վեհափառ,— ասաց հայր սուրբը,— անցյալ տարի էլ երբ ես էի պտղի ժողովուրդ, էլի այդպես սղբում էին, գանգատում,

բայց ով ավելի շատ էր լաց լինում, նա ավելի շատ էր ունենում... Ստում են, վեհափառ, ստում, որ չպահանջեն:

Եվ անշուշտ մտադիր էր այդպես շարունակել, եթե ընկերս չընդհատեր նրան: Կնճոտ, բւսման ու խիստ Կարապետը դարձավ վարդապետին ու ասաց.

— Դուք սաստիկ սխալվում եք, հայր սուրբ, մինչև իսկ... այո... մինչև իսկ ստում եք, որովհետև ինչ որ նա տեսա, դուք էլ գիտեք: Գիտեք, որ հայ գյուղացին այլևս ոչինչ չունի այս երկրում, որ խլում են նրա ձեռք բերած ետին՝ խիլը, որ նրա ընտանիքը մերկ է, անթի, և որ նա ինքը հալածված է, հափշտակության զոհ դարձած... գիտեք այդ և սակայն էլի ծանրություն եք բարձում նրա շարժված ու կքված ուսերի վրա... Օճ, որպիսի սիրտ ունիք...

Հուզմունքից լռեց: Կաթուղիկոսը ապշել էր:

Ղազար վարդապետը շփոթված՝ դալուց ցած դրեց:

— Ես աչքովս տեսա,— շարունակեց Կարապետը քիչ լռելուց հետո,— ահա մի քանի ամիս է, որ ման եմ գալիս այս թշվառների երկրում. աչքովս տեսա սոսկումներ. տեսա, որ այս աշխատող, ազնիվ և մաքուր ժողովուրդը, որին հարստահարում են ու հալածում՝ իր աջի արցունքն իսկ կուլ է տալիս, իրավունք իսկ չունի լալու, հառաչելու... Ես տեսա, որ նա սոսկալի ճանկերի մեջ առնված՝ ծխում է, սայտովում, իր արնովը լվացվում, և որ չեն թողնում անհպելի նրա ոչ մի իրը, ոչ կինը, ոչ սրբությունը, ոչ կայքը... Դուք էլ եք տեսել այդ, գիտեք, շատ լավ գիտեք, բայց... ուրանում եք, ծածկում... Եվ դա է ամենից սարսափելին...

Ու ելավ: Կաթուղիկոսը հուզմամբ խաշակնքեց, ընթրիքը վերջացրեց, ապա Ղազար վարդապետին մի բան փսփսաց: Գյուղացիներից շատերը դուրս ելան, մենք էլ գնացինք դեպի բլուրը և այնտեղ լռելյայն նստեցինք մի ապառաժի վրա:

— Այո, ուրանում են, ծածկում են...— շարունակեց Կարապետը հուզմամբ,— և դա ամենասոսկալին է, որովհետև, եթե հաստատեն, իրենց գրպանն էլ ոչինչ չի մտնիլ...

Ապա կոացավ, նայեց լուսախառն մշուշով լիքը հովտին և գոչեց.

— Որքան թշվառ ես դու, անբախտ ժողովուրդ, և որքան խոր են վերքերդ...

1 Չինվորական տուրք:

2 Արդյունաբերության տուրք:

Գիշերով հեռացանք վանքից. մեկնեցին նաև գյուղապետները: Մի գինվորանոց շինելու համար յուրաքանչյուր գյուղի վրա 15-ական ոսկի նոր տուրք բարձած՝ գնում էին նրանք, և պետք էր տեսնել փոշոտ ճանապարհով, տխրությամբ ու լռելյայն հեռացող ծերունիների կքված մեջքերը, կնճոտ վշտալից դեմքերը, որոնք երկնքից հույսը կտրած՝ դեպի գետին էին խոնարհվել... նրանց ոտքերի հանած փոշին թանձր ամպերով բարձրանում էր ու լողում դեպի հեռավոր ծովը, իսկ իրանք գնում էին, գնում, տանելով դեպի իրենց գյուղը մի նոր զուլում, մի նոր տառապանք...

1897

ՈՉՆԱՐՆԵՐ

Մի քանի ժամ ևս, և կհասնեինք քաղաք:

Բայց ընկերս շատ հոգնել էր, գիշերն էլ թաց էր և ցուրտ:

Ստիպվեցինք կանգ առնել մի գյուղի կայարանում և գիշերել այնտեղ: Մեզ տվին բարձրագիր օդա, հնոցի մեջ խարույկ վառեցին, հետո կերակուր մատուցին և խոստացան առավոտը կանուխ զարթեցնել:

Կերակրից հետո ընկերս իսկույն քնեց, իսկ ես պահ մի պատշգամբ ելա, կռթնեցի փայտե սյունին և սկսեցի շրջակայքը դիտել:

Առջև տարածված կար մի ընդարձակ մշուշալից դաշտ, որ փովում էր մինչև լեռները: Մի կատար կոնաձև դուրս էր ցցում իր ձյունապատ գլուխը այդ լեռնակույտի միջից, իսկ լուսնկայի լույսի տակ կապտած ծառագարդ գյուղերը նրանց ստորոտում, կարծես լղրճվել էին թացությունից: Ավելի մոտ՝ մի քանի խրճիթներ թաց ու ճղփուն տանիքներով, միմյանց էին կպել մի բարձր շենքի շուրջը:

Պատշգամբիցս անմիջապես ցած՝ տարածվում էր մի ընդարձակ աղտոտ ու ցեխոտ բակ, իսկ նրա վերջին ծայրի գմբեթածածկ գավթից լավում էին ուղտերի մելամաղձոտ ձայներ՝ խառն բոժոժների հնչյունների: Երբեմն ականջիս էին հասնում ջորեպանների խուլ աղաղակներ ախոռների ներսերից... սրճատան բացուխուփ լինող դռնից ընդհատ կերպով լավում էին գիշերային խոպոտ խոսակցություններ, ապա դաշտի կողմից հեռավոր ոռոցներ գալիս էին միանալու դրանց, և այդ բոլորի միջից՝ որոճացող

ուղտերի վզից ճոճվող զանգակներն էին, որոնք իրենց անընդհատ ու պարբերական ղողանջյունով թմբիր էին ազդում...

Կարծեմ երկար այդպես կռթնած մնացել էի, երբ աչքս ընկավ մեծ ճանապարհի վրա, ուր մշուշի միջից մի առ մի դուրս գալով՝ երևում էին շարժուն սովերներ և ծանրությամբ մոտենում կայարանին: Հետոտուն ճանապարհորդներ էին: Իջա մի ցած տանիքի վրա ավելի մոտիկից դիտելու համար:

Մի խումբ գյուղացիներ էին: Կին, մանուկ, ծեր ու պառավ, գրեթե մերկ մարմինը պված խոնավության ու կծու ցրտին, ատամները կափկափելով ու ոտաբորիկ՝ գնում էին ցեխի ու ջրակույտերի միջով: Առջևից քայլում էին մի քանի մանուկներ. մեկը աղջիկ էր, հետո, երկու կին՝ մեկը պառավ, ապա, մի քանի հասակավոր աղջիկներ, ու երկու երեք ցուպավոր տղամարդիկ:

Սրճատան դուռը չբացվեց նրանց առաջ, ախոռների մեջ էլ չթողեցին: Վախենում էին, որ բան չգողանան:

Ու մնացին նրանք փողոցի ցեխի մեջ կծկված, դողդոջուն: Էլ առաջ գնալ չէին կարողանում, կանայք կկզեցին գետին՝ սրճատան պատի տակ, մանուկները նստեցին ցեխերի մեջ, իսկ մի ծերունի տեղնուտեղը կքվեց ճանապարհի վրա: -

Ցած իջա և դիմեցի կայարանապետին, պահանջելով, որ նրանց տեղ տար գիշերելու: Զարմացած ինձ նայեցին, չէին հասկանում, թե ինչպես կարելի էր հուզվել մի այդպիսի «սովորական» տեսարանի առաջ:

— Է՞ֆենդիները դեռ նոր են մտնում այս երկիրը, — արդարացրեց ինձ մեզ ուղեկցող զափթիկներ: — Բայց քաղաք որ մտնեն, էլ չեն զարմանալ:

— Դրանք գող էլ են լինում, — ավելացրեց մի ուրիշը, — ո՞վ տեղ կտա դրանց:

Թշվառները լսում էին, բայց ոչ մի բառ չարտասանեցին, տնքում էին միայն ու հառաչում, այլև նայում էին մեզ հուսահատ, նախատինքներից բթացած ու վիրավորվող ստրուկների համբերատարությամբ:

— Ո՞ր գյուղից եք, — հարցրեց նրանց կայարանապետը: Մի գյուղի անուն տվին, չեմ հիշում: Թուրքերից մեկը ձեռքը դեպի աջ պարզեց ու ասաց.

- Այն լեռների մեջն է: Ամենքը ցրվում են...
- Դուք էլ եք գանգատի գնո՞ւմ, — հարցրեց մի զափթիկ:
- Այո՛, — պատասխանեց ծերունին:
- Եվ թուրքերը միմյանց նայելով ծիծաղեցին:

— Շատ կշահեք, այ,— հեզնեց հյուրընկալս:

— Այդ ի՞նչ գանգատ է,— հետաքրքրվեցի:

Նորից դարմանքով ինձ նայեցին. մի՞թե չգիտեի. մի՞թե այդքան տգետ էի այդ երկրի թշվառությունների վերաբերմամբ:

— Ի՞նչ պիտի լինի,— ծիծաղեց կայարանապետը:— Քամում են սրանց, ահա թե ինչ. էլ ոչինչ չեն թողնում. տուրքերի տակ խեղդում են, սպանում բոլորին... աստված է վկա, որ ոչ մի ինսպիով մարդ չի կարող առանց զայրույթի տեսնել այդ բոլորը:

— Էլ ուտելու բան չմնաց,— ավելացրեց մի թշվառ կին,— որ կծկվել էր պատի տակ և աջ թևովը պարուրել էր իր մերկ ու ցեխաթաթախ զավակին:

— Շոր էլ չմնաց, տավարները տարան...

— Սպանում են, տանջում... բանտ տանում:

Մի րոպե ոչ ոք չխոսեց:

— Էհ,— արեց կայարանապետը,— խելք ունիք՝ քաղաք մի գնաք, Հյուսեյն աղայից գանգատել չէ կարելի. իսկ գանգատելով էլ տուրքերը չեք թեթևացնիլ... ձեզանից առաջ շատերը գնացին, ո՞ւր է, այլևս տեսել եք նրանց...

Թշվառները դողդոջուն, ավելի սարսափահար այդ ճշմարիտ խոսքերից, հուսահատ հայացքով մեզ էին նայում:

— Բայց այս ցրտում խո կսառեն դրանք,— գոչեցի ես,— չէ՞ որ կմեռնեն, եթե դուրսը մնան:

Ու երբ սպասում էի, որ կայարանապետը մի ճար աներ, լսեցի, որ մեկը ասում էր ետևիցս.

— Ավելի լավ իրենց համար, որ ապրում են, հա՞մ են առնում կյանքից:

Չիմացա ով էր ասողը. թո՞ւրք էր, քո՞ւրդ, թե՞ հայ: Ով որ էր, մի մարդ էր այդ խոսողը:

— Մի տեղ տուր վերջապես,— ասացի բարկությամբ,— ես վկասրեմ դրա համար:

Գտան տեղ: Փայտանոցն էր, մի կողմը դատարկ: Այնտեղ լցրին նրանց, ու կայարանապետը գլուխը կասկածանքով շարժելով հեռացավ: Լսեցի, որ ասում էր ծառաներին.

— Լավ հսկեցեք, դրանք անշուշտ մի բան կգողանան...

* * *

— Վեր կացեք, աղա, մեկնելու ժամանակ է, ձիերը պատրաստ են: Ելանք, հագնվեցինք և կես ժամից հետո ձի էինք նստում: Աղոթաբանը բացվել էր:

Կայարանապետը մոտեցավ մեզ. վճարեցի եղած ծախսը և սենյակի համար:

— Տասը դրուշ էլ ավելի պիտի տաք,— ասաց նա:

— Ինչո՞ւ:

— Այն աղքատները, որոնց դուք պատճառ եղաք ներս առնելու, փայտանոցում մոռացված մի հին կարպետ են առել և անհետացել...

Վճարեցի ուզածը:

— Ես գիտեի, ախր,— ավելացրեց նա,— մոտում են և ծածկոց չունենի, Հետո բարևեց և, երբ շարժվում էինք, գոչեց.

— Եթե ճանապարհին նրանց հանդիպեք, ես ասել եմ զափթիաներին, թող ձեռներիցը խլեն կարպետը ու մի լավ էլ ծեծեն...

— Բայց չէ՞ որ նրանք շատվոր են, կընդդիմադրեն:

— Ընդդիմադրե՞լ... այդ ոչխարեն՞րը...

Այդ միջոցին էր, որ կայարանի մի ծառան մոտ վազեց ու կանչեց իր տիրոջը:

— Օսման աղա,— գոչում էր նա,— կարպետը գտնվեց:

— Գտնվե՞ց:

— Այո... մի քիչ տեղ տարել են և երեք վախեցել են ու թողել են պատի տակ...

Կայարանապետը նայեց ցույց տված կողմը, տեսավ կարպետը ու մի մեծ քրքիչ արձակեց:

— Ոչխարեն՞րը... — բացականչեց նա:

Մտրակեցինք ձիերնիս: Այդ բացականչումը ու քրքիչն էր լսածս վերջին ձայնը:

ՄԵՐԿ ԴԵՐՎԻՇԸ

Ինչպես շները, այնպես և մուրացիկները Թեհրանում, ունենի իրենց քաղաքամասը, որից այն կողմն անցնելու և մուրալու իրավունք չունեն միառժամանակ: Այդ բաժանումը մի քանի ամսից, ըստ երևույթին, փոփոխության է ենթարկվում: Մի քաղաքամասի մուրացիկը, որ ամիսներից ի վեր անդադար անցորդներին ձանձրացնում էր, հանկարծ մի օր էլ լկար, և մի քանի օրից հետո պատահմամբ հանդիպում էի նրան բոլորովին ուրիշ թաղում:

Բայց ինչ-որ շատ երկար էր նստում այնտեղ այն մերկ դերվիշը, որին միշտ տեսնում էի Լալազարի փողոցի ծայրին, ձիաբարչի վերջանալու կետի մոտ պալած:

Նստել է պատի տակ, ավստրիական դեսպանատան կողքին՝ եթե փողոցը քիչ չոր է: Եթե շատ մեխ է լինում, բարձրանում է Լալազարի այգու պատից դուրս ցցված մի պատվանդանի վրա և նրա երկու ոտնաշափ լայնութունում կուշ է գալիս՝ մնում:

Փաթաթված է մի միակ վերարկվի մեջ: Ուրիշ հագուստ չունի: Առանց չափազանցության՝ այդ վերարկուն բաղկացած է հարյուր տեսակ ամեն ձևի, ամեն գույնի և ամեն մեծության կարկատաններից, որոնք միմյանց են կցած հաստ թելերով: Դերվիշական վերարկու է և իրենք գերվիշներն են շինում: «Հզարմիխ» են կոչում նրան:

Երբեմն, երբ տեղավորվելու համար բաց է անում վերարկուն, երկվում են նրա բոլորովին մերկ անդամները սևացած ու կապտած՝ ջրոտից ու կեղտից:

Գլխին ունի թասաձև սևացած գլխարկ, որի տակից դեպի նեղ ճակատն ու բունքերն են իջնում ալեխառն ու միմյանց կպած մազեր:

Դեմքը փոքր է ու կարճ, աչքերը խոր և երազող. կարծես նայում է, բայց չի տեսնում: Խիստ դժգույն է, ձեռքերն ու ոտները նիհարացել, ուկոր են կտրել, մումիայի նման եղել. իսկ մորուքն ու բեզերը միմյանց խառնվել՝ անհետացրել են շրթունքներն իրենց մեջ:

Միշտ պալած է. տեղիցը չի շարժվում: Եվ որովհետև ցուրտ է, ունի ծնկների վրա, երկու ձեռքով բռնած, հողն մի փոքրիկ կրակարան, որի մեջ, մոտակա հացթուխից առած մի բուռ կրակը, նա աշխատում է միշտ անշեջ պահել՝ տաքություն ունենալու համար:

Երբ մի օր էլ անցնում էի կողքից, կանգ առա քիչ և ուզեցի տեսնել, թե ինչ էր անում այդ այլանդակ դերվիշը:

Չէր աղոթում. ոչ էլ երգում էր: Անցորդներ շատ կային, բայց ողորմություն իսկ չէր հայցում: Զզված ու խամրած հայացքով դիտում էր և չէր տեսնում: Եվ անցորդները հաճախ նրան էին նետում մի-մի սև փող: Դրամն ընկնում էր կողքին կամ գոգը: Չէր շարժվում. թողնում էր, որ հավաքվի:

Երբ մոտեցա, զգաց հայացքս, ծանրությամբ գլուխը բարձրացրեց: Հազիվ նշմարվող հեղնականի նման մի ժպիտ սահեց դեմքի վրա, աչքերի անկյուններում:

— Դու դերվիշ ես, — հարցրի:

Գլխով բացասական նշան արավ և վերարկուն լայն բաց արավ. լիովին մերկ էր: Կրակարանն աշխատեց դնել ոտների արանքում, կկզկ

էր: Հաշողվեց վերջապես, տեղավորվեց, ծածկեց ներսում կրակարանը քղանցքներով և կիսախուփ աչքերը նորից ինձ վրա սևեռեց:

— Աֆիոն ես ծխում կարծեմ, — հարցրի ես:

Գլխով այս անգամ դրական նշան արավ: Եվ զննում էր ինձ. ոչինչ չէր խնդրում:

Մի քանի բույս լուռ նայելուց հետո հանկարծ ասաց խուլ, անդրնդային ձայնով.

— Ձեր երկրումն էլ աֆիոն ծխում են:

— Ո՛չ... դա թույն է. մեզանում մարդիկ չեն սիրում իրենք իրենց թունավորել:

Ժպտաց և ասաց.

— Ուրեմն ձեր երկրում մարդիկ ցավեր չունին:

— Ինչու՞ չէ: Բայց մի՞թե հարկավոր է աֆիոն ծխել, երբ մարդ ցավեր ունի:

— Դու սկի ծխե՞լ ես աֆիոն:

— Օ՛, ո՛չ...

— Ուրեմն չես կարող հասկանալ: Բայց գուցե լսել ես, որ ծխողը փոխադրվում է երազի մի երջանիկ աշխարհ, ուր ցնդում են նրա բոլոր վշտերը, ուր նա ազա՛ն է թշվառությունից, տանջանքից... Այդ շփտե՞ս դու...

— Այդպիսով ուրեմն դուք ձեզ մխիթարում եք:

— Այ թե մխիթարում ենք, այլ աշխատում ենք մոռանալ... Մոռանա՛լ... Քի՞չ բան կա մոռանալու...

Այդ միջոցին մի աղմուկ բարձրացավ փողոցում: Հեռվից նախ երևացին դեպի մեզ արշավող վեց պարսիկ ձիավորներ՝ երկու կարգ շարված. նրանց ետևից սլանում էր շորս ձի լծած մի բաց կառք, որի մեջ փքված բազմել էր մի պարսիկ ազնվական, հագած թիրմայի թանկագին շալից շքեղ մուշտակ:

Մի խումբ աղքատներ ցնցոտիներով, կանայք կիսամերկ, մանուկներ՝ ցեխաթաթախ, սրթսրթալով, ատամները կափ-կափելով, վազում էին կառքի երկու կողմից՝ ձեռքերը պարզած, աղաչավոր ձայներով.

— Աղա՛ ջան, մի դրամ...

— Տե՛ր իշխան, մի սև փող...

Ժողովուրդը ճանապարհ էր տվել. կառքը սրանում էր. ցնցոտիներով տասնավոր մուրացիկները ճղփացնելով ցեխն ու շուրը, վազում էին, և ազնվականը փքված՝ դիտում էր անհոգությամբ այդ բոլորը:

Մերկ դերվիշն ինձ նայեց, հետո ազնվականին և ասաց.

— Հարկ չէ՞՞ մոռանալ այդ... կարելի՞ է առանց աֆիոնի...

Մի քիչ լռեց. հետո հանկարծ աչքերը փայլեցին:

— Մեր նահանգապետն է,— շարունակեց նա,— երկիրը հարյուր հազարով գնել է, որ երկու հարյուր հազար շահի... և ահա թե՛ ո՛րպես է շահում... Հարկավոր չէ՞ ծխել: Ինձ երբեմն թվում է, որ այս բոլոր երազ է և որ երբ աֆիոն եմ ծխում, այն ժամանակ միայն մտնում եմ իրական կյանքի մեջ, այն ժամանակ միայն զարթնում եմ քնից... Օ՛խ, ծխի՛ր աֆիոն, տե՛ր, և այիտի տեսնես, թե որպե՛ս կ'մոռանաս այդ բոլորը, այդ ցավերն ու անիրավությունը... Փողոցի մեջ, պատերի տակ, ցեխի անկողնի վրա է, որ պառկում ենք մենք, իսկ մեզնով հարստացողը թիրմալի շալի մուշտակով է զբոսնում...

Հետո մի դանդաղ ակնարկ էլ ձգեց քիչ-քիչ ետ մնացող մուրացիկների վրա, սրացող կառքին և երբ կծկվում էր վերաբերուով, ասաց.

— Կյանքը, երջանկությունը միմիայն քնելու մեջն է. իսկ այս բոլորն երազ է, վատ կոշմար... Անցի՛ր, տե՛ր, մի՛ խանգարի քնելու...

Ու ամփոփված, գլուխը խոնարհած՝ անշարժացավ:

Երբ վերադառնում էի, դերվիշը միշտ նույն տեղն էր, մի՛շտ անշարժ, գլուխը կրճքի վրա, ինքնամոռացության մեջ...

1897

ՄԵՌՆՈՂՆԵՐԸ ԲԱՐԵՎՈՒՄ ԵՆ ՁԵԶ

1

Ապահովության մեջ ապրող բարեկամ:

... Չի անցնի մի քանի օր, և այստեղ էլ, ինչպես մեր սիրուն երկրի մասն մի անկյուն, կողողվի մեր արյունով: Մեր դիակները սփռոց կլինեն փողոցների, մեր շքեղ հայրենիքի երկինքը կսևանա ազաւանների բազմությունից, և օդը կլցվի նրանց կոկոսողով...

Ո՛ր կողմը դառնաս՝ ավերակ ես տեսնելու, ո՛ր տունը մտնես՝ բռնաբարված ու ձգված աղջիկ, գետնատարած մայրեր, գլուխները սյուների վրա ջախջախված մանուկներ ես տեսնելու և գերեզմաններ, գերեզմաններ...:

Ես էլ, բոլոր ազգականներդ, ծանոթներդ,— մինչև ետինը՝ մեռնելու ենք սահմանված և քեզ բարև ունենք, պանդուխտ եղբայր, որ գուցե գեաշատ ապրես, շուտով գաս մեր գերեզմաններին այցելելու և նրանց վրա կանգնած՝ հայրենիքիդ ողբը երգես:

Հույս չունենք ապրելու, ո՛չ: Քաղաքի մեջ տնցած-դարձածն իսկ ապացուցում է, որ բոլորիս կոտորելու են:

Որքա՛ն սառնութիւնք եմ գրում այս բոլորը, և դու արդո՞ք սասնութիւնք չէ՞, որ այս կրկնված, երեքնած նկարագրություններից էլի՛ մեկը պիտի կարդաս:

Չորս օր տաջ սկսվեց: Ե՛րբ պիտի պայթի՝ չգիտեմ: Այսօ՛ր, մի ժամի՞ց: Գուցե հենց այս բուպեիս:

Մի քանի օր է արդեն, որ մոտակա քաղաքից հասած կոտորածների լուրերը գրգռել են բոլորի շղերը և լարել: Մի թեթև աղմուկ բավական է՝ ամենքին զարհուրեցնելու համար:

Պիտի տեսնեիր սոսկումը, երբ շուկայի մեջ լուր տարածվեց, թե վաճառական Վահանին մի թուրք՝ դաշույնի հինգ հարվածով փռել էր գետին:

Շուկայի մի ծայրից դեպի մյուսը կարծես մի ուրագան սահեց: Աղմուկ, շփոթ, փախչողներ...:

Որտուտով փակվել էին խանութների տախտակյա փողկերը: Շատերը, խելքը կորցրածի պես, թողնում էին ամեն ինչ—խանութ, գլխարկ, կոշիկ՝ և վազո՛ւմ էին դեպի տուն:

Պահ մի ևս, և շուկան դատարկ էր, ամայի, բաց, իսկ փողոցներում՝ վազող-վազողի:

Եվ լուրերը հետզհետե դառնում էին մեծացող, երբեմն՝ ալլանդակ: Որպես թե սպանել էին ոչ միայն Վահանին, այլև շատ անցորդ հայերի, որպես թե թուրքերը, խումբ առ խումբ, փողոցների ծայրերում կանգնած, դաշունում էին կամ գնդակահար անում բոլորին:

Հավաքվել ենք եկեղեցու բակը: Ամենաապահով տեղն է: Ահա լրցվում է մատուռը, խուց և դպրոցի սենյակները: Կին, տղա, ծեր՝ ճշում են, լախս, ողբում: Որն իր ամուսինն է փնտրում, մեկը՝ իր որդին, մյուսն իր եղբայրը որոնում:

Մի նշանած աղջիկ էլ բնկել է սենյակից սենյակ, բակից բակ ու մի կողմ թողած ամոթխածութունը, խելակորույս՝ իր սիրելուն է որոնում:

— Վահա՛ն, Վահա՛ն,— ձայնում է նա սրտաճմլիկ, աղիողորմ: Սիրտս սեղմվում է: Ի՞նչ Վահան է այդ:

Մեկը, որ սոսկումից կծկվել էր մի տեղ, կանչում է.

— Ի՞նչ ես ողբում, աղջիկ, Վահանին սպանեցին:

— Սպանեցի՞ն...:

Անվան զուգադիպություն էր թերևս. բայց մի սոսկալի ճիշ դուրս թափ ազդկա կրծքից, և նա փռվեց գետին:

Սակայն ո՞վ էր ուշք դարձնողը: Միևնույնը չէ՞ր: Ավելի լավ էր նախօրոք մեռնել, քան հետո ընկնել թուրք զինվորների ձեռքը...

Մի ուրիշ տեղ կուշ են եկել ահա կին ու մանուկներ, միմյանց են կպել ու լալիս են:

Ինչպիսի՞ լաց...

Եվ պառավներ, որոնք կուրծք են ծեծում, աղոթում...

Լուր է պատում, որ կոտորածն սկսվել է: Երբեմն ականջիս են հասնում խուլ, բայց հաճախ կրկնվող հրացանաձգության ձայներ:

Զգիտեմ ե՞րբ էր—այլևս ժամանակը գոյություն չունի մեզ համար— եկեղեցի մտավ մի երիտասարդ: Նա էր, որ պատմեց, թե պահակ զինվորները սպանել են Վահանին: Սպանող թուրքին տարել են պալատ և այնտեղ հայտնել, թե սպանված մահմեդականին խել են ապաստամբ գյավուրների ձեռքից: Մահմեդականները այդ ժամանակ ամեն կողմից սկսել են գոռալ:

— Մահ գյավուրներին...

Եվ շուկայի վրա էին հարձակվել: Մենք, որ գիշերն ամբողջ անցկացրինք եկեղեցու մեջ—մոտ երեք-չորս հարյուր հոգի, անոթի, անծածկոց, վախից կիսամեռ, գրեթե անզին—առավոտյան միայն իմացանք, որ շուկան կատարելապես թալանել էին:

Գրեթե ոչ ոք չաղաղակեց: Մեռելային գունատություն պատեց բոլորին: Կթոսեցին ոտքեր և շատերն սկսեցին ծնկները ծեծելով լալ:

Լսվում էին հառաչներ միայն: Տեսնվում էին կույտ առ կույտ, փոթորկից շարժված հոտի պես միմյանց կռթնած, գետնի վրա փռված, անկյուններում կծկված, աննպատակ թափառող, անմիտ հայացքով նայող ծերեր, մանուկներ, կանայք:

2

Կեսօրն անցել է:

Մեզնից շատերին հաջողվեց տուն գնալ, պաշար ու ծածկոց բերել: Քաղաքում տիրում է մի մեռելային ծանր, ճնշող լուռություն: Անցուգարձ գրեթե չկա: Շատերը դեռ մնում են իրենց տների մատաններում թաքնված, մութ խորշերում պահված:

Մի քանիսը հույս են տածում, որ վտանգն անցել է, որ փոթորիկը վերջացել է:

Բայց խորին լուռությունը ավելի սարսափ է ազդում:

Այդ լուռությունը փշրող փոթորիկի նախընթացն էր:

Այդպես է լինում մի րոպե, երբ հետևում է կործանիչ հեղեղը, ավե-

րի ուրազանք: Այդպես է լինում այն րոպեին, որից հետո ամպերը որոտ-ընդոտ գոռում են, և կայծակը հրային գծերով պատառում է օդը, ոսկե-զուլն սվիններ ցրում եթերին մեջ...

Այդպես է լինում այն րոպեին, որից հետո ճրագը բոցափայլում է ու հանգում, մեռնողն աղաղակում է և հավիտյան ննջում...

Եվ արդարև, մի խուլ դղրդոց կոհակաձև ցնցեց օդն ու խուժեց դեպի մեզ: Մի աղմուկ, որ դուրս գալով հաղարավոր ոռնացողների կոկորդից, անցնում էր փողոցներ, դողացնում ամեն ինչ, շարժում ծառեր, ցնցում դռներ... Մի հարատև գայլային ոռնոց՝ միշտ մեծացող, հետզհետե մոտեցող:

Լսվում էին նաև թմբուկների ձայներ: Կարծես քաղաքից դուրս բանակած զնչուններ իրենց թմբուկներով պար էին սարքել հրապարակներում:

Եվ դրան հետևում էին փշրվող, շարժվող դռների ձայներ, կացինների թնդյուն, տների մեջ մորթվողների սուր, աղեխարշ ու կծկված մարդու լուրջ ճիչեր, թալանողների հաղթական, խուպուտ կանչեր...

Կալի՛ս էին:

Մի րոպե ոչ ոք մեզանից չկարողացավ մի բան արտասանել: Դա՞դարեց ամեն հառաչ, ամեն ողբ:

Ոտքի թռան բոլորը՝ զսպանակավոր գործիքի պես ոստնելով, լաբ-վեցին շղեր, ականապիշ՝ քարացան հայացքներ...

Չետո, ա՛հ, հետո... Մի՛ խառնաշփոթ, մի՛ ժխոր...

— Տղե՛րք, գալի՛ս են,— լսվեց հանկարծ մի երիտասարդի ուժգին ձայն,— մի՞թե թողնելու ենք, որ ոչխարի պես մորթին մեզ:

— Մեռնենք քաջերի նման,— ձայնեց մի ուրիշը:

— Զե՛նք, գե՛նք...

— Դուրս, հարձակվենք...

էլ ոչինչ չէր որոշվում:

Առաջին ձայն տվողը բակ դուրս եկավ. րոպեապես բոլորս կիտվեցինք նրա շուրջը, մեր զենքերը զննեցինք, հետո խմբերի բաժանվելը և դուրս թռանք բակից:

Ամեն կողմից հասնում էին նոր փախստականներ և բարեբախտարար փնված:

— Մինչև վերջին շունչը, տղերք...— գոչեց գլխավորը:

— Անձնատուր շիհներ,— ասաց մի ուրիշը.— միևնույնն է, մեզ ողջ չեն թողնի ո՛չ մի հանգամանքում:

Ահա և խուժանի, հարձակվող գայլերի ծայրը:

Ի՛նչ խուժան:

Առջևից ու մեջտեղից երևում էին զինվորներ, բայց տնկանոն կանգնած, քուրդ ու թուրք ամբողջ զինված էր ամեն տեսակ զենքով:

Աղաղակում էին՝ որքան ձայն ունեին, և կանայք, թմբուկներ ձեռքերին, պար էին բռնել, ոստոստում ու գրգռում իրենց վայրենի ամուսիններին...

Զարհուրելի էր. երբեք այդպիսի կատաղի, գազանային ամբոխ չես կարող երևակայել:

Քայլում էին միշտ ոռնալով, հանդիպածին տապալում, մորթում, եթե տուն էր— դուռը շարժում կացնի հարվածներով, ներս էին խուժում, մի բոպեի մեջ տունը մերկացնում, քանդում, ավերակ դարձնում ու անցնում...

Կարծես մորեխներ լինեին, որ մի անգամ իջնելով՝ ամբողջ արտեր են ոչնչացնում:

Սակայն մեր գնդակները կանգնեցրին նրանց:

Բոլորս միասին կրակ տեղացիներ նրանց վրա:

Զինվորները փորձեցին խմբվել, պատասխանել մեզ, բայց խառնրվեցին: Կատաղի խուժանի հաղթական ոռնոցը փոխվեց ճիչերի, թմբուկները ընկան, կանայք ետ փախան, հրեցին, հրմշտկեցին ու մի խառնիճաղանջ, զզվելի խառնուրդով ցրվեցին:

Այո՛, բարեկամ, ցրեցինք տասը հազարից ավելի մի խուժանի, որ մեր արյունն էր ուզում, մեր ինչքը, մեր պատիվը: Ցրեցինք մեր շնյի զենքերով:

Ա՛հ, եթե ավելին ունենայինք...

Քա՛ջ ընկերներս... Պետք էր տեսնել, թե ինչպես սիրտ առած՝ մտանների մեջ, լուսամուտներից կրակ ու ամեն ինչ սկսեցին տեղալ գայլերի վրա, շարժել ու փշրել, հալածել ու ցրել... Ես էլ էի կրակում, անզազար հրացանում. և ոչ մեկը չէր վրիպում, ոչ մեկը:

Բայց ի՞նչ կարող ենք անել մեր այս խղճալի զենքերով, գնդակներով ու վառոդի շնյին պաշարով, եթե ոչ՝ միայն ավելացնել արյունաբերունների հատաղությունը:

Եվ չի անցնի մի օր, գուցե մի քանի ժամ, ու կգան նրանք՝ զինված շղատության տված զենքերով, կգա զինվորական ուժ՝ թնդանոթներով, ու մեզ կսպանեն, մեզնից մինչև ետինը կմորթեն...

Զգիտեմ ալլևս, թե քանի ժամ կյանք ունեմ...

Դեռ ապրում եմ:

Ապրե՛լ ես դու այսպես, բարեկամ, կանգնած՝ ծխացող, արյունաշագախ ավերակների կույտի, հառաչող, վերքերի մեջ տառապող-տապրող ազգականներիդ, ծնողներիդ, բարեկամներիդ դիակների, փուղ տների, սարսափից ապշած, վախից՝ քրքիչ արձակող կանանց, իրենց կորցրած՝ երեխայի պես լացող, հեկեկող տղամարդերի մեջտեղ...

Ապրե՛լ ես դու երբեք այսպես՝ կանգնած մի քանի խումբ գունաթափ, բայց անհողողող երիտասարդների հետ, ոգի ի բռին, գիտակից ու պատրաստ մեռնելու, զոհելու իրենց կյանքը...

Եվ սուլում են ահա գլխիս շորս կողմից թշնամիների արձակած զնդակները, ականջս խլացնում են շրջապատիս շփոթն ու լացը, թըշնամու ոռնոցն ու հայհոյանքը:

Առաջին ժամին կորցրել էի ինձ: Հրացանս պարպվում էր անօգուտ կամ՝ առանց նպատակի. նայում էի՝ առանց տեսնելու, լսում էի՝ առանց ականջ գնելու:

Ոչինչ չէի հասկանում: Տեսնում էի, որ շրջապատում ընկնում էին ծանոթներս ու բարեկամներս և գալարվում, տանջվում: Դիմացից նույնպես:

Մի վայրկյան, ձայների դադարման և տիրող կարճատև լուռության մեջ ականջիս հասան վիրավորվածների հառաչներ... ապա՝ հեռավոր, անթիվ ամբոխի ոռնոցները և գետի տխուր, միատեսակ խշշոցը...

Առաջին ժամից հետո, սակայն, մի տեսակ սթափման մեջ գտա ինձ: Եվ ականջ դրի:

— Տղե՛րք, քա՛ջ եղեք... — հասկացա մեր գլխավորի՝ որոտացող ձայնը. — կրակեցե՛ք, ողջ-ողջ անձնատուր շլինենք:

Եվ պայթում են հրացանները, կրակ ժայթքում: Տաք ծուխը ծածկում է մի բոպե ամեն ինչ, հետո ցրվում և հետզհետե նորից երևցնում մօտեցող զինվորների սվինների շարքը...

Զինվորներ են, այո՛, շարքով կանգնած, լցնում են հրացանները, միասին բարձրացնում... Թնդում է ապա մի ահեղ ձայն, և մեր դռների ու լուսամուտների վրա ցնցումներ են տեղի ունենում, փշրվածքներ, ահագին ճեղքվածքներ. լսվում են ճիչեր, աղաղակ...

Որքան տևեց այդ— չգիտեմ...

Հանկարծ եկող զինվորների շարքը կանգ է առնում, իր ետևից լրսվում են էլի ոռնոցներ, երևան է գալիս թուրք ամբոխը, կատաղի, դուրս եկած թալանած տներից, քարշ է տալիս իր հետ ուտելիք, հագնելիք, զորգ, վերմակ... աղչիկներ, ծերունիներ, մայրեր...

Ահա, մշուշի պես աչքիս առջև են գալիս ուշաթափ, մազերը ցր-
ված՝ մատաղահաս աղջիկ ու կանայք՝ վայրագ քրդերի բազուկների մեկ,
ծերունիների ալեզարդ գլուխներ, որոնք խեղդված գազան թուրքերի
թևերով՝ քարշ են տալիս իրենց մարմինը փողոցի փողու մեջ, և մա-
նուկներ, որոնք ճշում են, իրենց թաթիկները պարզում:

— Մայրի՛կ, մայրի՛կ...

էլ ոչինչ չեմ տեսնում:

Հրացանաձգությունը դադարել է, ընդհանուր քարուցում է տիրել,
թշնամին հառաչանում է դեպի մեզ:

Մեր ծնողները, մեր կանայք ու մանուկները նրանց առջևից քշվում
են և մեր՝ ինքնապաշտպանության համար արձակվող հրացանների
առաջը բերվում:

Ա՛հ, վատերը... Ստիպում են մեզ մեր ձեռքով սպանել մեր քույ-
րերին, մեր մայրերին ու զավակներին:

Ձենքերնիս ցած են իջնում, բազուկնիս թուլանում:

Բայց ահա գլխավորը, որ հանկարծ ցցում է իր երկար, խրոխտ
հասակը և գունաթափ՝ ձայնում:

— Տղերք, այդ ի՞նչ է, վարանո՞ւմ եք. չէ՞ որ եթե կենդանի մնան
դրանք, միևնույն է, զոհ են գնալու այդ գազանների կրթերին և սրերին...
Հառա՛ջ, կրակեցեք, թող մեռնեն գոնե պատվավոր մահով...

Ու բարձրացրեց հրացանը, նշան առավ, կրակեց...

Մի ծեր կին էր, որ գնդակն առավ, բարձրացրեց ձեռքերը, նայեց
զարկողին և մեռավ...

Մայրն էր...

Գաղանները սարսափահար՝ կանգ առան, բնազդամբ իմացան,
որ որդին մորը սպանեց:

Այդ հսկայական սպանության առաջ՝ ապշեցին նրանք. վախեցան,
սկզբին ետ քաշվել...

Բայց երկար շտեկեց այդ:

Անշուշտ շատ չէին կարող լինել այդպիսի անսիրտներ,— մտածում
էին նրանք:

Եվ սխալվում էին:

Բոլորս բարձրացրինք հրացանները: Մերունի կինը, ընկած փողու
մեջ, մեր դրոշն էր դարձել...

— Կրա՛կ... — որոտաց գլխավորը խոպոտ ձայնով,— մայրս էր, որ
սպանեցի... կրա՛կ, թող մեռնեն բոլորն էլ...

Ու զունաթափ էր որպես մահ:

Ահա՛ այդ ընկած էր, որ աչքս հանկարծ ընկավ մի թուրդի բա-
զուկների վրա քարշ եկող կնոջ դեմքին:

Կինս էր:

Բարձրացրել էի հրացանս, ետ շփաշփեցի. աչքերս միայն փակեցի և...
կրակեցի...

Ու երբ բացի, կինս ընկած էր, և թուրդը թավալում էր նրա կող-
քին:

Շատ հեռու չէին. ինքնամոռացության մի ընկալի մեջ դուրս նետ-
վեցի, երկու ուստյունով հասա, խլեցի կնոջս դիակը, բարձրացրի և ետ
եկա:

Ոչ ոք չդիպավ ինձ:

Մեռել էր. գնդակս ծակել էր գլուխը, և աչքերը սոսկումով ինձ էին
եայում:

Ցած դրի պառավ մորս կողքին.

— Հարսդ է, մայրիկ... ես սպանեցի...

Ու միացա խմբին:

Հրացանում ենք. շուտով սրերի կղիմենք...

Ո՞վ մեզնից արդյոք կենդանի պիտի մնա...

Մնաք բարև, ապահովության մեջ ապրող բարեկամներ, մեռնող-
ները բարևում են ձեզ...

1899

ՉՈՉՈ—ՔԱՐ

Իջել էինք սայլից, թողնելով որ հեկհեկ գար նա միանալու մեզ:
Մազեցել էինք վերջին քարածայրը և այժմ նրա մյուս կողմն անցած՝
եստել էինք անմոռուկների մի շքեղ մարդի վրա և դիտում հեռանկարը,
որ փռվում էր մեր ոտքերի տակ:

Ամառնամուտի այդ սքանչելի պահուն, գիշերային առատ ցողի տակ
ձգվացող անտառը բացվում էր ներքևում, ազատվելով հետզհետե ցր-
վող մշուշից:

Սեպաձև, հսկա ապառաժներով անտառոտ լեռները, մազերը գլուխ-
ների վրա դիզացած վիթխարիների նման, գազաթնին ամպերի մեջ, կո-
ղերն ի վար հոսանուտ ժայռեր թավալազլոր, այս-այն կողմ անհաստա-
կան խորխորատներ, մթին անդունդներ ու կանաչ հագած ծործորներ՝
հաջորդում էին իրար:

Մշուշն իջել էր մինչև հովիտների խորքը և այժմ դանդաղ, արևը ծագելու հետ, իր ընդարձակ ծավալով ոլորտվում էր ծայրերից, բրդի խոշոր քուլայի նման օրորվում էր ծառերի ծայրերին և վարանելով կարծես՝ մաքրում էր բռնած տարածությունը, սահելով լեռներն ի վեր:

Լուռ և անշարժ մնացել էինք: Ոչ իսկ կարողանում էինք հաղորդել իրար մեր սքանչացումը:

Ահա ուրեմն, թե որպիսի՞ բնության մեջ էինք գնում ապրելու.— այդ ներքևի շքեղ հովիտներում, անտառոտ բլուրների կողերին...

Ու բացվում էր հորիզոնը մեր աչքի առաջ մանիշակագույն և փռշելից: Հեռուներն սկսում էին շեշտվել շրջակա գյուղերը, գալարուն, կապույտ՝ օձերի պես դեպի վեր սողոսկող ծխի անոսր սյունակները երեվան էին գալիս բլուրների ստորոտներում: Բայց դեռ խորին, անշրջակ լուսթյունն էր թագավորողը: Կարծես ոչինչ դեռ չէր զարթնել, ո՛չ մի թռչուն, ո՛չ մի բույս: Անլսելի էին նույնիսկ հեղեղատների և ջրվեժների կարկաշները:

Այդ խորին լուսթյան մեջ էր ահա, որ հանկարծ մի սուր, երերուն զոռանջ թրթռաց, ելևէջներով բախվեց ծայրերին, թնդաց, ապա մեզմացավ և իջավ հավելու անտառի գրկում:

— Քարկող գյուղի զանգն է,— ասաց ընկերս:

Ներքև, թերակղզու նմանող ահավոր ծայրերի մի տափարակ պատվանդանի վրա գտնվող գյուղի զանգն էր:

Մի բուպեի մեջ կարծես ամեն ինչ զարթնեց: Թռչունների ճլվղոց, հեռավոր աղաղակներ, նույնիսկ շների հաշոց, ապա՝ բույս ու թուփ փայլեցին մեր շուրջը, ծայր ու մարզ պսպղացին զվարթագին՝ նոր ծագող նարնջագույն արևաշողքի տակ:

Եվ զանգը խորքերում՝ հնչում էր անընդհատ: Քա՛նի արագ, ա՛յնքան կենդանություն ավելանում էր ամեն կողմ, ա՛յնքան թռչունները շատացնում էին երգերը և ա՛յնքան ջրվեժների ձայնը լսելի, ազատված մշուշի բողոց, ելնում էր ձորերն ի վեր և գալիս էր հասնելու մեզ:

Որքա՛ն գեղատիպ էր այդ միջոցին դաշտի հեռանկարը: Այնտեղ, ընդարձակ տարածության մեջ, տեղ-տեղ ցցված էին կանաչ, կարմիր տանիքներով գյուղեր, մեջուռեջ՝ արևի պուրթի տակ գալարվող ջրեր էին հոսում, իսկ առավոտյան ցողի ականակիտ կաթիլները շողշողում էին մեն-մի ծաղկի—մանուշակի, անմոռուկների և զանգակիկների շուրթերին:

Եվ հեռուն, շա՛տ հեռուն, սպիտակ շերտերով շարժվում էին հոտերը, սևին էին տալիս նախիրներ. թացությունն էլ այդ ամենը շե՛-

տում էր՝ տալով հողին, ժայռին թարմ, գորշ գույն՝ վաղած լինելով թփի և բույսի փոշին:

— Այնտեղ է ահա՛ գյուղը,— մատը պարզեց դեպի հեռավոր հորիզոնը՝ ընկերս:

Եվ մեր հայացքներն ուղղվեցին դեպի մշուշալից բլրակները:

Մի քանի ժամ ևս ու պիտի գնայինք այդ կանաչ, երանավետ վայրերում հանգչելու, թողած քաղաքի սեղմ օդը, ծխարն ու աղմուկը:

Մինչ այդ մեր սայլը, բազմաշարժար այդ փայտե արկղը, ցնցվելով, ճոճալով, ամեն քայլին փշուր-փշուր լինելու սպառնալով՝ գալիս հասնում էր մեզ:

Ձառիվերը վերջացել էր. պիտի իջնեինք այնուհետև. քիչ հետո անտառն էլ ցանցառանում էր, և դաշտի բաց հորիզոնն իր կանաչ տաշածությունով՝ մի նո՛ր հրճվանք էր պատճառում:

Մի քանի ոստյուններից հետո սայլը կանգ առավ և նստեցինք: Իննում էինք արագ, իրավ է, սակայն դեռ էլի քսան բուպե անհնար եղավ բա՛ն իսկ արտասանել: Կառչում էինք սայլի կողերին, սրտերնիս զոռ էր ելնում, երբ անտանելի արկղը ծռվում էր դեպի անդունդը՝ սուսկալի ցնցումներ գործելով քարակույտների վրա: Ականջ խլացնող նրա զղոյունը գրավել էր մեր՝ամբողջ լսողությունը:

— Քի՛չ տեղ է,— հաջողեց ասել մեզ ընկերս, որ տեղացի մի երիտասարդ էր և քաղաքում բնակվող.— երբ այդ Չուռ-քարն անցնենք, այնուհետև հարթ է:

Չուռ-քար կոչվածը մի ժայռոտ և անտառապատ լե՛ս էր, որ ցցվում էր կնճոտ ձորակի ծայրին: Տեսնում էինք նրա կրծքի վրա ապառաժները ճեղքած և դեպի անդունդը խոնարհված կաղնիների տակ, մթին, խոշոր քարայրներ, դեպի որոնց հասնելը մեզ թվում էր ուղղակի անհնարին:

Երբ քիչ ավելի հարթ տեղ էինք հասել, հարցրի նրանց մասին:

— Այնտեղ մեղվի փեթակներ էին պահում գյուղացիք. երևի առաջ փարախներ են եղել և կամ, ո՛վ գիտե, ինչ: Սակայն այդ այրերը նշանավոր են նրանով, որ այնտեղ են սպանված եղել Հասար գյուղացի շորթ հայտնի եղբայրները... Անշուշտ, լսած պիտի լինեիք նրանց մասին:

— Ո՛չ,— ասացի ես,— ի՞նչ եղբայրներ են դրանք:

Ընկերս գլխով համբերության հրավիրեց, մինչև որ մեր աղիքները հանգիստ գտնեին քարերի վրա ոստնող սայլից: Եվ երբ վերջին վայրենի տանձնուց հետո հարթ տեղ ընկանք, այնտեղ, մինչ ձիերին շունչ էին առնել տալիս, պատմեց մեզ Չուռ-քարի մասին:

— Հասարցի շորս եղբայրներ էին, իրենց գյուղի ամենակարիճ-

տունդ տանում»... Եվ ժողովում էր, և ճզմում սարդից ավելի անգութ, վամպիրից ավելի՝ խիստ...

Օրերից մեկ օր էլ... բայց սպասեք, կարծես մեր «ղութին» (սայլին էր անանարկում) ուզում է էլի պար գալ...

Հիրավի, զառիվայրից դեպի մի հեղեղատ էինք սլանում արագությամբ: Զանացիք շունչներս բռնել, աղիքներնիս ձգել և սայլի կողքերին լառել, որպեսզի բարերի ցնցումներից չպարտվեինք դուրս:

Երեք-չորս ընկերս տեկց. բայց որպիսի՛ ընկերներ... Անցանք սակայն. ազատ շունչ առանք ու վազում էինք կիսախարխուլ երկու-երեք խրճիթների առջևից, ուր դիմավորեցին մեզ 5—6 կատաղի գամփուններ:

— Փարսխեն՛ր են...

— Օրերից մեկ օր էլ... — շարունակեց ընկերս. — պատմում եմ, լսեցե՛ք... Այդպիսի փարսխեններ շատ կտեսնեք... Հաբեթ աղան լուր է ուղարկում Հասար, Սողոմոնին թե՛ «Դե շո՛ւտ, երկու օր կա մուրհակիդ լրանալուն, փողն ու տոկոսը բեր, թե չէ էսա՛ գալիս եմ տավարդ առաջ անեմ, քշեմ ու ծախեմ»...

Բանն այն է, որ խեղճ Սողոմոնն ու իր եղբայրները վաղուց պարտք ունեին աղային: Մի տարի տավարների հիվանդությունը կոտորել էր գոմեշներին, եզներն էլ սովածությունից ընկել-սատկել էին, տուրք պիտի տային, ի՞նչ անեին. մի քանի, կարծես հենց երկու հարյուր ոտքի՛ տոկոսով առել էին... 40 տոկոսով. պարտքն էլ, գիտես խո, ձնագնդի նման գլորվել էր, գլորվել, սա՛ր էր դարձել և դեռ էլի գլորվում, Զուրբարի շափ էր լինում...

— Երեկ երկու հարյուրը՝ չորս էր դարձել, — դիտեց փեսաս:

— Առանց տոկոսների... Գե՛հ, խեղճ Սողոմոն և եղբայրներ, չորս հարյուրը մի անգամով ինչպե՛ս տային. այդ տարին էլ, հակառակի պես անձրևային էր. կալերը ծլել էին, գետնախնձորը փչացել... Անիծվի այս երկիրը, ամեն տարի խո այդպես է... Հաբեթ աղան, ո՛վ գիտե ինչու — երեկ Սողոմոնը շատ խոնարհ ողջույններով չէր հանդիպել նրան — թշնամացել էր, այժմ իր բուրբ առնելիքն էր ուզում... Մի կողմից էլ երեկ տեսնում էր, որ պարտքն աճում է, իսկ վճարող աղբյուրը՝ ցամաքում. մտածում էր՝ քանի շուտ էր, եղածը սաղացներ... Պահանջում էր, կաթո՞ղ ես գոռալ, վիճե՛լ — ձեռք ես քաշել — պիտի վճարես... Սողոմոնն է, շատ դեսուզեն է անում, լուր է ուղարկում, աղաչում, բայց տեսնում է, որ աղաս անդրդվելի է, մի օր էլ շարունակները հագնում, ոտքով Գուգան է գալիս, որ ինչ է՝ անձամբ աղաչի, պաղատի, գուցե մուրհակը կարողանա նորոգել տալ... — Մի 20—30 մանեթ էլ, ոնց որ լինի, ճարում է, որ տոկոսները վճարի, գուցե խղճան և ժամանակ տան...

Գալիս հասնում է գյուղ, Հաբեթ աղան նստել Սերովբենց դուքանումը, գլխին է հավաքել գեղացոց ու դալմադալի մեջ է, տոկոսներն է հավաքում, նեղարտվել է, գոռգոռում է, հայհոյում...

— Բարև, աստծու բարին...

— Հա՛, եկա՞ր... եկ տեսնենք, գոնե դո՛ւ պարտքդ բեր, թե չէ էս անիծածները ինձ սոված են թողնելու այս ձմեռ...

— Աղա, ես...

— Հը՞, ի՞նչ կա... քե՞զ հետ էլ կովենք... Տո, էս ի՞նչ անամոթ, լիր խալիս եք... փող եք ստացել՝ դե բե՛րեք տվեք, էլի՛... էլ ո՛ր եք նեղացնում, էս կիրակի օրով հայհոյանքներ հանում բերնիցս... Զի՛ լինի, չէ՛, ամբողջը պիտի տաս, հե՛րիք է համբերածս...

Սողոմոնի լեզուն ասես կապվել է... Անձայն հանում է 30 մանեթը դնում աղայի առաջ և աղաչում թե՛ էս է եղածը, աղա՛, որ քամես մեզ. ավելին չունենք... մուրհակը նորոգիր, գուցե գարնան...

— Ո՞նց թե գարնան... Տո իժի՛ մորուք, ես քո խաղա՞լիքն եմ, յա թե չէ՛ փողը դաշտի՛ցն եմ գտել... բաս իմ տղերքը հաց չե՞ն ուզիլ, դու գարնան կարո՞ղ ես չորս-հինգ հարյուր մանեթ մի անգամով տալ... էլ ի՞նչ է լինում, ինչ չի լինում — մի թունդ կոփվ ու հայհոյանք հետևում է դրան... խո գիտե՞ք, մեր գյուղացիք ինչ որ չգիտեսան, կիտևում է դրան... խո գիտե՞ք, հայհոյելը շա՛տ լավ գիտեն. մեկ էլ որ, բակի օրով կովեն ու միմյանց է՛լ հայր, է՛լ պապերի գերեզման... մի թեթև պատճառ՝ և ահա միմյանց է՛լ հայր, է՛լ պապերի գերեզման...

Մանրամասն չի՛ հասել մեզ, թե ի՞նչպես է լինում, որ Հաբեթ աղան մի թունդ, լկտի հայհոյանք է բաց թողնում բերնից, ետևից էլ մոռնում է, մոռանում է աղա, պարտք, անճարություն, արյունը գլխին է խփում, տանում է բերում և այնպիսի՛ հարված հասցնում աղային, որ սա ետ-ետ է գնում ու խանութի գետինը շափելու պառկում...

Մի՛ խանաշփոթ, մի՛ աղաղակ... Ո՞նց, Հաբեթ աղան ծե՛ծ ուտի, խանութի փոշի՛ն ավելի...

Բայց դե՛հ, թափվում են գյուղացիք, մեջ են ընկնում, աղային բարձրացնում, շորերի փոշին թափ տալիս, ճգնում են հաշտեցնել, Սողոմոնին են համոզում, աղային՝ ներել աղաչում... բայց ո՛չ կտրիճ և զոմոնին են համոզում, աղային՝ ներել աղաչում... արտի խորքից վիրավորված լեռնցին է ուզում աղաչելով հաշտվել և ոչ էլ լիր ու երես առած բռնավորը՝ զիջել և ներել:

— Գնա՛, — կանչում է նա կատաղած, — գնա՛, ես մարդ չեմ լինի, եթե՛ դու և բուրբ ցեղդ այս ձմեռ չկոտորվեք քաղցածությունից, շա՛ն որդիներ, ավազակներ...

Ու կատարում է սպառնալիքը: Ծճմարիտ է, կերած ծեծը ոչինչ:

բայց մեկ մտածե՞ք... Հաբեթ աղան, գավառի գլխին կակալ կոտորը, ամենքի վրա անպատիժ գոռացողը, ամենքին վախուղող ազգողը... և Հանկարծ՝ ծեծված մի ինչ-որ լեռնցուց, փոված գետին, ոտքի տակ, այն էլ ողջ գյուղի առաջ... Վաղը չէ՞ որ լուրը կտարածվեր, ամբողջ նահանգի խոսելիքը կդառնար... Ո՛չ, պետք է ցույց տալ, և լավ ցույց տալ, որ անպատիժ կերպով չէր կարելի նույնիսկ բարձրաձայն խոսել նրա նման «իշխանի», նրա նման գավառի մեծի, աղայի հետ...

Այդ ձմեռ Սողոմոնն ու ընտանիքը, բոլոր եղբայրները, հիրավի, մնում են համարյա՝ անոթի: Աղան ամեն կերպ աշխատում է և փողի ուժով հաջողվում է հասցնել նրանց այդ դրուժյան: Խլում է տավար, խոտը, կալի արդյունքը... Սողոմոնի կինը կրած տանջանքներից մեռնում է, թողնելով որբ տասնամյա մանուկին...

Գարունը երբ բացվում է, այլևս չկան ո՛չ ե՛զ, ո՛չ գոմեշ, ո՛չ սերմացու, ո՛չ փող... Չորս եղբայրները դառնում են օրվա հացի կարոտ մարդիկ...

Եվ մի խորունկ զայրույթ, վառվող կատաղություն բռնկում է մի ժամանակ մեծ, առատ տան գավառի սրտի մեջ: Ավելացրեք դրանց վրա Հաբեթ աղայի ծաղրը, շարախնդաց ակնարկները, ամեն տեղ, ամեն քանում նրանց վնասելը...

Ո՛չ, տանել չէր կարելի այլևս: Հարկավոր էր քանդված օջախի վրեժն առնել, գավառն ամբողջ ազատել կլանող հրեշի ձեռքից, վիշապի ակառները խլել...

Այս և ուրիշ այդ տեսակ մտքեր ներշնչում են եղբայրներին՝ թողնելու ամեն ինչ և ընկնելու լեռները: Մի գիշեր էլ, զինված՝ իջնում են Գուգան, գտնում գյուղի գիշերապահներից մեկին, ստիպում, որ նա մի պատրվակով բաց անել տար Հաբեթ աղայի տան դուռը, ներս են նետվում և բռնում աղայի կոկորդից: Մեկը գտնում է բոլոր մուրհակները, գիզում, վառում է, իսկ Սողոմոնը վար է բերում տանտիրոջ արծաթապատ հրացանը, կամենալով զրկել նրան պաշտպանվելու միջոցից: Սպառնում է սպանելու, եթե նա ցույց չէր տա փողերի տեղը: Այդպիսով մտածում է իրենց քանդած տունը վերանորոգող գումար ձեռք բերելուց հետո՝ թողնել հեռանալ:

Հաբեթ աղային և ո՛չ իսկ ճշալ է հաջողվում. կինն ու որդիները սարսափահար՝ կծկվում են անկյունում. օգնություն կանչել անհնար է. գիշերապահի վրա՝ իսկ հսկում է եղբայրներից մեկը:

— Ուրեմն մտադիր չե՞ն եղել սպանել աղային, — հարցնում են նա ընդհատելով:

— Ո՛չ, արյուն թափել ո՛չ որ չի կամենում. Սողոմոնը մինչև իր

կյանքի վերջը երգվում էր, որ նա չէր կամեցել Հաբեթ աղայի մի մազն իսկ շարժել տեղից, այլ միմիայն դիզած մուրհակները ոչնչացնել և մի քանի հարյուր ուրբի ձեռք բերել — գնալ ուրիշ երկրում տեղավորվելու համար... Բայց փող քիչ են գտնում. հազիվ երկու հարյուր. աղան, ըստ երևույթին, զգույշ մարդ է եղել... Ինչ որ էլ լիներ, գլխավոր խընդիրը կատարված էր, ամբողջ գավառի շղթաները՝ մուրհակները ոչնչացած էին... Եղբայրները գոհ, պատրաստվում են հեռանալու: Սողոմոնը կամենում է հետը վերցնել նաև աղայի լի հրացանը, վախենալով, որ հետևիցը չիսփեն իրենց... Խելոք էր մտածում. Հաբեթ աղային ճանաչողը պիտի իրավունք տար Սողոմոնի կասկածներին...

Բայց, գրված էր, մուրհակներից հետո նրանց տերը ապրել չէր կարող... Հիմարություն է գալիս Հաբեթ աղայի վրա այդ միջոցին, թե՞ հիրավի, նա կամենում է եղել եղբայրներին ետևից զարնել — փաստն այն է, որ նա անմիջապես բռնում է հրացանի փողից և չի թողնում, որ տանեն:

— Ինչ որ տարար, վնաս չունի, — գոչում է նա, — բայց հրացան թող, պապենական հիշատակ է...

— Թո՛ղ տուր, շո՛ւն, — ճգնում է նրա ձեռքիցը քաշել Սողոմոնը, — թողնեմ՝ որ ետևիցս զարնե՞ս մեզներից մեկին...

— Ո՛չ, երգվում եմ...

— Երգվո՞ւմ... քեզ նման շո՛ւնը... Թո՛ղ տուր...

Եվ պինդ, գետնի երեսին քարշ գալով կառչում է աղան իր հրացանի փողից...

Մինչ այդ, աղայի կինը սթափվում է, դուրս է սպրդում և ճիշ ու աղմուկ բարձրացնում: Լսվում են աղմուկներ, շների հաչոց: Պե՛տք էր փախչել, բայց աղան ձյութի պես կպել է հրացանից. ո՛չ աքացիները, ո՛չ գլխին տված բռունցքները, ոչինչ չեն հաջողում պոկել նրան... Եղբայրները հասկանում են, որ զգվելի վաշխառուն դիտմամբ է սարքում այս տեսարանը, մինչև օգնության հասնեն, բռնեն նրանց, և կամ, եթե հրացանը թողնեին, գնդակահար աներ ետևից մեկնումեկին...

— Շո՛ւտ, եղբայր, — ձայնում է Սողոմոնին կրտսերը, — գալիս են, վե՛րջ տուր՝ գնանք, գյուղը ոտքի է ելնում...

— Ի՞նչ անեմ, թողնե՞մ հրացանը...

— Տո ի՞նչ ես շվարել, — գոչում է Ղուկասը, բլթակը քաշիր և մեկ շահին ետ տուր...

Փամփուշտին էր ակնարկում. չէ՞ որ հատը 5 կոպեկ արժի: Ուզում էր ասել թե՛ գնդակահարի...

Եվ իրավ, ուրիշ ճար չկար... Սողոմոնը քաշում է բլթակը... Լըս-

վում է մի խուլ թնդունչ հետո բարձրանում են ճիշեր, աղմուկ, և շուր եղբայրները հազիվ կարողանում են իրենց գուրս նեաեւ գլուզից, մըւնել անտառները և ազատվել հետապնդումից...

Այլևս նրանք «ղաշաղ»-ներ են... Ղաշաղներ՝ ազատ, բայց տխուր, որ մարդ են սպանել և այժմ հալածական, անտուն, մի մանուկ էլ հետերին՝ առտանդական, ո՛չ մի տեղ հանգիստ չեն գտնում... Սողոմոնի Լրեսից ժպիտն անհետացել էր... Իրավ է, գլուղացիք օգնում էին նրանց, Եղբայրներից գլուղ իջնողին տալիս էին պաշար, ոչխար, հագուստ, սակայն մյուս կողմից հալածանքը ստիպում էր միշտ շարժուն, միշտ թաքնված, քարայրների, խիտ անտառների մեջ ապաստանել, ո՛չ ազգականի կարողանալ երևալ, ո՛չ ժամերգություն լսել, հայրենի գլուղը մտնել...

Այսպես նրանք փախստական՝ ապրում են ամբողջ ամառը: Քանիցս ձիավորների զինված խմբեր, նրանց ետևից ընկած՝ որսնում-գտնում են, բայց միշտ փախստականներին հաջողվում է ազատվել, մինչև մի օր էլ, այդ գժբախտ Չըռ-չըռ-քարի լեռը եղած ժամանակ, մատնության շնորհիվ, թե՛ պատահմամբ, պաշարվում են հանկարծ, անհույս՝ այս անգամ էլ ազատվելու...

Ու կոպում են, որքան հնարավոր է շորս հոգուն, մի մանուկ էլ հետերին՝ հարյուրի գիմաց...

Եղբայրներից կրտսերը զարնվում է մի թփի տակ և մեռնում տեղ-նուտեղ. երկրորդը վիրավոր՝ ժալուրից գլորվում է ձորը և փշրվում քարերի վրա, երրորդին՝ գտնում են ւտքը կոտրած՝ մի քարայրի մոտ, և նա էլ բանտումն է մեռնում, իսկ Սողոմոնն արյունաքամ, մի քանի գնդակ մարմնի մեջ, տասնամյա որդուն գրկած՝ նետում է իրեն, ահա, նայեցե՛ք, այն միջին մեծ «քարայրը»...

Սայլն այդ միջոցին կանգ առավ. ձիերից մեկի սանձը կտրվել էր. կառապանը իջավ, բայց երևի նա էլ էր լսում պատմողին, որովհետև ներքևում կանգ առավ և փոկը ձեռքին՝ սպասեց:

— Եվ այնտեղ, — շարունակեց ընկերս հուզված, — թշվառ ծերունին, թեև չի՛ գտնվում, բայց երկու օր պաշարված, արյունաքամ, անխնամ և անոթի, որդին սեղմած կրծքի վրա, մեռնում է... անիծելով լեռն ու ձորը, կյանքն ու նրա դառնությունները, աղայի ամբողջ սերունդն ու հայրենի հողը... անիծելով բոլոր նրանց, որոնք սրտի փոխարեն քա՛ր են կրում կրծքերի մեջ...

Երկու օրից հետո պաշարողները քայլ առ քայլ խուզարկելով՝ հասնում են քարայրին և սառած կանգ են առնում արյունալի տեսարանի

առաջ... Մերունի հայրը արյունատապալ մեռած, իսկ մանուկը անոթու-թյունից և հուզմունքներից նվաղած՝ նրա կրծքի վրա...

Աստիճանավորը հրամայում է ձեռք շտալ դիակին, ետ քաշվել՝ լուռ՝ գրկում է մանուկին և հեռանում արյունոտ լեռներից...

* * *

Պատմեց ընկերս և լռեց:

Գուզանը երևում էր դաշտի ծայրում, իր կարմիր տանիքներով, գետ-եզրի ծառաստաններով: Մեր կառքը, ընկած հարթ հողի վրա, գլորվում էր արագությամբ:

— Եվ ի՞նչ եղավ պատանին, — հարցրեց փեսաս:

— Ուսումի տվին նրան... Այժմ, տեսնողներն ասում են, որ հեռու մի քաղաքում «լավ մարդ» է դարձել նա... Իսկ թե այդ «լավ» մարդը երբևիցե պիտի գա՞ արդյոք գո՛նե իր թշվառ հոր արյունոտ գերեզմանին մի համբույր տալու... Չգիտեմ...

Ոչ ոք չխոսեց այլևս: Կառապանը նստեց, սանձերը ժողովեց ու մտրակեց ձիերին...

1904

ԿՈՒՅՐԸ

1

Չնայելով որ ձոթեղենի երկու խանութ միայն կար գլուղական հրապարակում, բայց Կիրակոսենց Գալոյինն անհամեմատ ավելի լավն էր նախ, որ Սարոյենց Թորոսի խանութի նման «ջհուդի բազար» չէր այսինքն, ամեն ինչ միմյանց կողքի և իրար վրա լցրած՝ մի նեղ ու ցածրիկ ծակ. — մաստակը շի կողքին, պապիրոսը ապակու մոտ և ձեթի տակաոի առաջ. նեֆտի ու մազութի ամաններն էլ, ներս մտնելուն պես, քթիդ տակը:

Ո՛չ, Գալոյի տղան ծառայել էր քաղաքում, մարդ էր տեսել, խանութ կառավարել գիտեր: Ծոթեղենը կարգով, մաքուր դարսած խանութի մի մասում, առանձին, ապակեպատ դռնով բաժանմունքի մեջ. իսկ այս մյուսը ծառայում էր միմիայն մանրուքի՝ ապակեղեն, երկաթեղեն, ուտելիք, ծխելիք. մազութը, ձեթն ու նեֆտն էլ ծածկված գուան ետևը:

Բացի դրանից, խանութի առջև գտնվող հովանոցածև պատշգամբն ավելի լայն էր, գետինը ավագ փռած, սյունները հարթ գունավորված, իսկ դռան կողքին Գալույի տղան խնամքով շինել էր մի երկար նստարան՝ վրան խոտով ու կտավով օթոց կապած:

Այդտեղ էր, որ գյուղի մեջ մի պտույտից հետո վարժապետը հրավիրեց մեզ նստելու:

Իսկապես, տեսարանն էլ այդտեղից վատ չէր: Ծիշտ մեր դիմացը ցցվում էր շաքարի գլխին նմանող Ծաղկասուրը՝ ամենաբարձր այդ բլուրը լեռնադաշտի մեջ, որի կրծքից դեպի վտակն էր խոնարհվել գյուղը՝ իր տների կղմինդրյա տանիքներով և գլխին, իբր աննման ծոպավոր զարդ, ուներ կարմիր, դեղին և կապույտ շերտերից խառն մի ստվեր, որ վայելչորեն նոսրանալով ծայրերից, գույնզգույն երկվներ էին դնում պտուրակի կողերին, հասնում-զգվում էր ամենաբարձր կետին կոթնած ժայռերը և երկնքի պարզ-կապույտ խորքի վրա նկարում գեղատեսիլ գունազանուկներ:

Ծաղկավետ զառիվայրի վրա էր կանգնած գյուղը: Պարտեզների շարքը հասնում էր մինչև դաշտը կտրող վտակին. այնուհետև, ոչ ավելի քան երեք վերստ լայնություն ունեցող արտերի ծայրից ցցվում էին անտառոտ լեռների կույտերը:

Եվ ծաղիկ, ծաղիկ. բլուրավոր, անհաշիվ, անուշահոտ ու կենսապարար: Առավոտյան թարմ օդի մեջ բուրում էին նրանք արբեցնելու չափ...

Այնտեղ, ուր նստել էինք, գրեթե գյուղի կենտրոնն էր, ցեխոտ ու աղտոտ մի փոքրիկ տարածություն, բացված երեք գլխավոր փողոցների միացման կետի վրա: Հի՛նգ, թե վեց էին խանութները. երևում էին՝ գերձակ, կոշկակար, այլև մի պայտար, որ կրված մի անկյունում, պայտեր էր շինում:

Գյուղացիներ այդ պահուն շատ չկային կանգ առած՝ հրապարակի վրա. եղածներն էլ ցանուցրիվ կանգնել խոսում էին այս-այն խանութի առաջ, մինչ սայլեր ճռճալով, կովեր բառաչելով՝ ծանրորեն անցնում էին մեր առջևից:

— Ինչպե՞ս է, հավանո՞ւմ եք մեր գյուղը:

Առաջնորդի էր մեզ, ցույց էր տվել գեղեցիկ շրջակայքը, գյուղական սիրուն եկեղեցին, հրավիրել էր ճաշակելու սառնորակ ու անուշահամ աղբյուրների ջրերը և այժմ ուզում էր մեր տպավորությունն իմանալ:

— Օ՛, այո՛, դրախտ է այստեղ, — գոչեց ոգևորությամբ ծերունի քնկերս, — երևի այստեղ ապրողը չի՛ մեռնի:

Սյունին կոթնած և մեզ ականջ դնող Գալույի որդին և վարժապետը ժեղացիին:

— Չի՛ մեռնիլ, — ասաց վերջինս, — ինչպե՛ս չէ, դուք խո տեսա՞ք մեր գերեզմանատունը:

— Այո, բայց շատ գերեզմաններ չկային...

— Նորն է. հինը լցվել է արդեն... Հիվանդություններ շա՛տ կան գյուղում, միամիտ եղեք, այստեղ էլ մարդիկ մեռնում են... գուցե ավելի շատ, քան քաղաքում:

— Ինչպե՞ս, հիվանդություններ՞ այսպիսի շքեղ բնության մեջ... վարժապետը ժպտաց, հետո պահ մի մելամաղձոտ մնաց և ծերունի քնկերոջս դառնալով, ասաց.

— Ինչպես երևում է, դուք վաղուց է, որ քաղաքից դուրս չեք եկել... Այս բոլորը նոր և շահագանց սուր հակադիր է քաղաքի սեղմ օդին, փոշուն ու ժխորին... Այո՛, բայց մե՞նք... չէ՞ որ մենք ծնվել ենք սրա՛ մեջ, սովոր ենք տեսնելու այս ամենը:

— Բնական է, — դիտեցի ես:

— Այո, բայց... — շարունակեց նա, — բայց այս բոլորն արդեն ձանձրացրել, վաղո՞ւց ձանձրացրել է մեզ, եթե կուզեք՝ նույնիսկ անտանելի դարձել... Ձեզ նման եկվորները միայն, երբ սքանչացում են տանելի դարձել... Ձեզ նման եկվորները միայն, երբ սքանչացում են արտահայտում, մի քանի բոպեով հաջողվում են հրապույրի նշույլներ զարթնեցնել մեր մեջ՝ դեպի հայրենիքի հողն ու անտառը... Անշա՛րժ, կարթնեցնել մեր մեջ՝ դեպի հայրենիքի հողն ու անտառը... ամեն անկյանք գեղեցկություն, միշտ միևնույն բանը՝ միևնույն տեղում, ամեն բոպե... Եվ վերջապես ի՞նչ կա զմայլելու... Ճշմարիտ է, վարդ ու ծաղիկով լի է երկիրը, բայց չէ՞ որ փշեր կան, որբա՛ն փշեր... Ո՛չ, մարդկանց կողմից՝ իրա կարգին — դա անհաշիվ է, անավոր. սակայն հենց բնությունն ինքն էլ փշեր է արտադրում. արյունոտող, հոշոտող փշեր...

— Դուք հոռետես եք. երևի մշտապես անփոփոխ, այլև միակերպ կյանքը զզվեցրել է ձեզ...

— Այո՛... մշտապե՛ս միակերպ... Սկսում է մարդ նույնիսկ ատելություն զգալ դեպի այդ ամենը... Մեր պարտեզն օրինակ. մտնել չեմ կարող. ծնված օրիցս նա ամեն օր աչքիս առջևն է իր սիրտ խառնող միաձևությունը... Գոնե հնար լիներ փոփոխելու, ուրիշ ձև տալու նրան...

— Բարեզարդեցեք, նոր ծառեր տնկեք, մշակեք... Ի՞նչն է խանգարում ձեզ:

վարժապետը գլուխը երերցրեց, հետո դառն ժպիտով ձեռքը պարզեց դեպի դաշտ ու լեռ և ասաց.

— Ի՞նչ եք տեսնում այդտեղ... Անտա՛ն, եղևինների պտուրակ, հե՛տո՛ ծաղիկ, ոչ թե մի քանի, այլ մի քանի հարյուր տեսակ, բուրմունքով

օգր լի. Քուռնների ճովողուն, վտակների կարկաչ... Այնպես չէ՞, որ այդ բոլորը բանաստեղծական է, դրախտային... Ա՛հ, բայց, մնացե՛ք էլ մի քանի օր և կտեսնեք, թե ի՛նչն է խանգարում մեզ բարեզարդելու մեր սիրտ խառնող միաձև բնությունը... Հանկարծ մեկ էլ տեսար միջեց ամեն կողմ, հալված կապարի նման ամպերը եկան ծածկելու արև, երկնակամար, ապա մի խոնավ, զզվելի անձրև, այդ անիծյալ հյուսիսից գալով, տեղաց ու տեղաց... Ո՛չ թե մի ժամ կամ գոնե մի օր... Ո՛չ, այլ երբեմն մի ամբողջ շաբաթ՝ օր ու գիշեր, նույնիսկ երկու շաբաթ... Մշո՛ւշ, խոնավ, ցե՛խ, ճահիճ՝ շուրջդ, տանդ առաջ, նույնիսկ տանդ մեջ... Եվ ամեն հրապույր կորսվում է, ամեն զվարթ դեմք մթադնում, ծաղիկներն էլ, կարծես, անհետանում են ճղիփացող թացության մեջ, մարդիկ շղային են դառնում, ատում բնությունը, ատում իրար... և խմում են, խմո՛ւմ... Ի՛նչ արած, պետք է վերջապես մի բան անել մոռանալու համար, որովհետև դա մեկ, երկու անգամ չէ, այլ ամբողջ տարին, ամեն տարի...

Ու լռեց՝ ծնոտը ձեռնափայտի կոթին կոթնեցնելով:

— Իզուր ես այդքան տխուր գույներ փոռում մեր լեռնադաշտի վրա, վարժապետ,— խոսեց Գալոյի որդին սառը, անտարբեր շեշտով,— լավ օրեր էլ ունենք... ամեն տարի խո այսպես չէ՞...

— Մի՛շտ,— շեշտեց վարժապետը,— մեր աշըղ Մարտիրոսն իրավունք ունի, երբ երգել է թե՛ «Տարին 40 օր արևի երես չի տեսնում մեր երկիրը»...

Ինքը, իհարկե, չի տեսնի, որովհետև կույր է,— ժպտաց Գալոյի որդին,— բայց դեհ, որ 40 օր չլինի, այս բոլորը—պտուղ, ցորեն, գարի... ինչպե՞ս կաճի... Դուք դրան մի՛ լսեք,— դարձավ նա մեզ,— այսօր, ինչպես երևում է, քեֆը տեղը չի:

Այս բոլորը մի այնպիսի տարօրինակ հեզնախառն ձևով ասաց նա, որ նոր միայն սկսեցի ուշադրությամբ զննել այդ երիտասարդին: Անհասկանալի էր՝ ծաղրո՞ւմ էր, թե, հիրավի, դեմ խոսում վարժապետին:

Կոթնել էր սյունին և կեցվածքի ու ժպիտների մեջ մի ինչ-որ, գլուղի համար՝ անսովոր, բան ուներ:

Գյուղացու նման էլ չէր: Հագել էր մաքուր և լավ. նույնիսկ օսլայած շապիկ, թեև առանց վզկապի:

Չնայելով, որ ակնարկը վարժապետին էր՝ աչքերի անկյուններում հագիվ նշմարվող հեզնական ժպիտի ծալքերով, սակայն հաճախ դառնում էր դեպի այս-այն կողմ հավաքվող կամ այս-այն կողմից անցնող գյուղացիների, և սուր, հետախուզող, նրանց շարժումներին միտք

ըմբռնել կամեցողի ուշադրությամբ՝ հետևում էր հրապարակի վրա եղածներին:

Ուզեցի խոսեցնել նրան՝ ըմբռնելու համար այդ տիպերը:

— Լավ խանութ ունեք,— ասացի,— իսկ առևտո՞ւրը ինչպես: — Ի՛հ,— արեց նա արհամարհությամբ,— եթե այս գյուղացոց նայինք, մեր օրը օր չէր լինի:

Ու խուսափեց ինձ նայելուց:

— Պարոն Արշակը,— նկատեց վարժապետը,— առևտուր ունի շատ գյուղերի հետ. գալիս են ճոթ են տանում և փոխարենը իր ժամանակին յուր, պանիր, ցորեն... Բացի դրանից, հայրը կարողության տեր է. ունի հողեր, զանազան եկամուտներ...

«Եկամուտ» բառը նա շեշտեց: Զգացի, բայց ձայն չհանեցի. իսկ Արշակն ուսերը թոթվեց և առանց առարկություն անելու՝ ակնարկը դարձրեց մի կողմը:

Մինչ այդ ծերունի ընկերս, որ անշարժ նստել և մանավանդ տխուր խոսքեր լսել երբեք չէր սիրում, ելավ, մոտ գնաց գյուղացիներին և նրանց հետ խոսակցության բռնվեց:

Ահա այդ միջոցին էր, որ մի ձիավոր, դուրս գալով եկեղեցու կողքի փողոցից, կանգ առավ հրապարակի վրա:

Նրա երևույթն անմիջապես շարժում առաջացրեց ամեն կողմ: — Վա՛յ, Ալեքսեյն է... — ձայնեց իսկույն Արշակը և մի քանի քայլ դուրս գնաց դեպի ձիավորը:

Վարժապետն էլ ելավ ու դիմավորեց:

Եկողն անտառապահն էր՝ հրացանն ուսին և փամփշտակալը կրծքի վրա:

2

Յուրաքանչյուր պաշտոնյա, լինի նույնիսկ անտառի հասարակ պահպան—և եթե կուզեք՝ այս վերջին տեսակի ստորին պաշտոնյաները մանավանդ—կարևոր անձնավորություն է գյուղում: Պիտի գյուղացի լինել և կամ գյուղում ապրելով թափանցել գյուղացոց ներքին կյանքի մեջ, ըմբռնելու, թե ի՛նչ մեծ նշանակություն ունի մի այդպիսի պաշտոնյայի տխուր կամ ուրախ տրամադրությունը՝ գյուղացոց կյանքի համար:

Եվ գյուղացիք ամեն ջանք ի գործ են դնում մի՛շտ ուրախ տրամադրության մեջ պահելու նրանց:

Այդ էր պատճառն ահա, որ հրապարակի վրա կանգնած գյուղացիների մեջ իսկույն մի շարժումն ընկավ: Դիմացի Սարոյենց Թորոսի փա-

նութից կաղնիկաղ դուրս նետվեց նախ մի կլորիկ-հաստիկ մարդ և վազեց դեպի ձիավորը: Այս կողմից էլ Գրիշոյենց Մկրտիչը ժպտը դնելով՝ ցցվեց իր խանութի շեմքին, իսկ վարժապետը ժպտուն, ձեռքը պարզած գնաց մինչև ձիավորի ասպանդակի առաջ:

Ձիուց իջնելուն պես անտառապահը շրջապատվեց. Սարոյենց Ջավադը լայն ծիծաղով պարզեց նրան իր ձեռքը և հնչեղ ձայնով կանչեց ուսերեն.

— Ա՛յ բարև քեզ, Ալեքսե՛յ, ի՞նչպես եղավ, որ մեզ էլ հիշեցիր...

Մտերմական և սիրալիր դեմքեր ստացան ամենքը, օգնեցին իջնելու, մեկն անմիջապես ձին տարավ կապելու, և բոլորն ուղղվեցին դեպի Գրիշոյենց Մկրտիչի խանութը:

— Է՛հ, գործ կա,— ասաց պահապանը,— պրատակով (արձանագրութուն) պիտի գրեմ:

— Ա՛յ, ա՛յ,— ծիծաղեց վարժապետը,— ի՞նչ է եղել, փա՛յտ են գողացել էլի...

— Տո, թո՛ղ է՛, մե՛կ,— ձայնեց Ջավադը,— հլա մեկ գնանք մեզ մոտ գակուսկի՛ անենք... Հը՞, Ալեքսե՛յ, գնա՛նք. նոր արաղ ունեմ:

— Միևնույն է,— ժպտաց պահապանը,— Մկրտիչն էլ կունենա:

— Ունեմ, իհարկե,— կանչեց Մկրտիչը,— նոր գինի էլ ստացել եմ: Հետո բոլորն էլ, վարժապետն ու անտառապահն ամենից առաջ՝ մտան խանութ, մինչ կաղիկը պահ մի հեռացավ՝ խանութն իր եղբոր որդուն պահ տալու:

— Ադա՛,— ասաց նա իր խանութի առաջ կանգնող գյուղացոց,— Բախշիենց Մուրադի համար եկած կլինի. վազեք ասեք գերանները պարտկի, մինչև մենք սրա գլուխը քիչ տաքացնենք...

Մնացի մենակ՝ նստած խանութի առաջ և զարմացած դիտում էի այդ ամենը: Բայց երկար շմնացի այդպես, որովհետև քիչ հետո վարժապետը դուրս թռավ խանութից, եկավ դեպի ինձ և ասաց.

— Համեցե՛ք դուք էլ, մի քիչ կխոսենք այնտեղ. եկողը մեր անտառապահն է:

Խանութի ետևում մի փոքրիկ սենյակ կար, ուր իսկույն բոլորս էլ տեղ բռնեցինք մեծ, աղտոտ սեղանի առաջ: Վարժապետը մոտ գնաց Մկրտիչն ու մի բան ասաց նրան, և ահա քիչ հետո սեղանի վրա երևաց նախ օղի, հաց ու պանիր, հետո խոշոր շշերով գինի:

Ինձ ծանոթացրին անտառապահի հետ:

— Գյուղի փայտ տվողն է,— կամացուկ բացատրեց վարժապետը:

Եթե նրան շոյեին, ով գիտե, ամբողջ ձմեռը կարող էր առանց փայտի թողնել գյուղացոց: Այսինքն, իհարկե, տոմսակ ունեցողներին նշանակած չափով թույլ կտար կտրելու, բայց ախր բոլորը խո տոմսակ չունեին, և վերջապես որտեղի՞ց գյուղացին կարողանար վճարելով ունենալ տախտակացու, գերան... ծախելու փայտ... Ապրե՛լ էր հարկավոր, ուստի և պետք էր շոյել, ուտեցնել-խմեցնել, երբեմն էլ ափը շոյափել, խողեցնել...

Թեև գյուղացիների հետ անտառապահը համարձակ, գրեթե իշխանաբար էր վարվում, բայց ինձ հետ նա համեստաբար սկսեց: Ատամների միջով մի քանի ուսերեն բառեր դուրս թողեց և ձեռքը տարով օղիի բաժակին:

Օս էր. արտասանությունը և սոսկալի ուսերենն էլ այդ ցույց տվավ:

— Գիտե՞ք,— դարձավ ինձ այդ ժամանակ վարժապետը՝ նախապես պահանջելով լուութուն սենյակի մեջ եղողներից,— մեր Ալեքսեյը, պարո՛ն Երվանդ, մի շա՛տ լավ, ընկեր տղա է. թող ձեզ ծանոթացնեմ նրա հետ... վաղո՛ւց նա մեր անտառների գլխավոր պահապանն է (объездчик), բայց դեռ ո՛չ մի վատություն չենք տեսել և հույս ունենք, որ այս անգամ էլ չենք տեսնի նրանից...

Պահապանը ժպտաց և գլուխը ցնցեց: Թեև հայերեն էր խոսում վարժապետը, բայց նա հասկանում էր շատ լավ:

— Ո՛չ, ներեցե՛ք...— շարունակեց վարժապետը,— ինչո՞ւ ես ծիծաղում, Ալեքսեյ, սո՛ւտ եմ ասում... մինչև օրս դեռ ոչ ոքի ո՛չ կացինն ես խելի, ոչ ցեպը (շղթան) և ոչ էլ մի էնպես վնաս տվող պրատակով (արձանագրութուն) կազմել... Դուք ասե՛ք, ա՛ խալխը, քի՛չ լավութուն եք տեսել այս մարդուց... ո՞ր մեկը իր ուզածի չափ փայտ չի ունեցել, ո՞ր մեկիդ մերժել է՝ է՛լ գերան, է՛լ խվորոստ՛... Այդպե՛ս է, պարո՛ն Երվանդ, ես չեմ ստում, Ալեքսեյը մեր բարեկամն է, խմենք առաջ մեկ նրա կենացը...

Ասաց և ձեռքի մեծ բաժակով օղին մի ումպով դատարկեց, ու երբ նստում էր՝ ավելացրեց ժպտալով.

— Անտառի մեջ, պարո՛ն, այն եղևնիների կողքին մի սքանչելի տեղ խրճիթ ունի՛, որ քեֆդ գա... Մի օր կգնանք քեֆի, մի լավ գառը կտանենք... Այնպես չէ՞, Ալեքսեյ:

— Համեցե՛ք,— ասաց պահապանը և նույն կերպով պարպեց մեծ բաժակով օղին:

Սոսկացի, երբ տեսա, թե ինչպիսի՞ դյուրությամբ ամենքը դատար-

կեցին թեյի բաժակների մեջ կեսից ավելի տեղ բռնող օղին: Այն էլ ինչ օղի: Երբ բերանս առա մի կում—կարծեցի թե կրակ էր, սպիրտ էր ամբողջովին:

Բանից դուրս եկավ, որ ցորենի օղի էր այդ, գյուղացոց պատրաստածը: «Գիժ հացի» օղի: Լեռնադաշտը բուսցնում էր ցորենի հետ խան, ցորենանման ինչ-որ կանաչ հատիկ: Նեղ տարին այդ հացից ուտում էին անգամ: Մի գյուղացի պատմեց ինձ, որ այդպիսի հացը «գժվեցնում է»: Բայց իսկապես՝ նա արբեցնում էր ավելի վատ, քան ոգելից ըմպելիները: Ահա այդ իսկ հացից շինած օղին էր, որ այժմ այնքան առատությամբ խմում էին գյուղացիները:

Գյուղում գինետուն չկար, ո՛չ: Առաջ եղել էր, բայց ինչպես վարժապետը բացատրեց, որովհետև շատ անկարգությունների, կոիվ և աղմուկի պատճառ էր դառնում, իր և քահանայի միջնորդությամբ ու ջանքերով՝ փակվեց:

— Իբր թե շա՛տ լավ արիք,— մեջ մտավ մի գյուղացի,— հիմ պակա՞ս ենք խմում, պակա՞ս ամեն կիրակի կովում, ծեծկվում, միմյանց հայհոյում:

Հիբավի, ավելի վատ էր եղել: Ամենքն էլ խոստովանեցին: Առաջ գոնե մաքրած և թույլ օղի էին խմում. իսկ ա՛յժմ... բայց գինետան փակելն իր երկար պատմությունն ուներ:

— Մի՛ հարցնի, թե ինչու է փակվել կամ ինչպես, պարո՛ն,— հորդորեց ինձ մի գյուղացի,— փակելն իր աստառն ուներ. օրինե՛ր եղավ որ...

Վարժապետը, որ լսում էր, ոստնեց տեղից:

— Ինչո՞ւ, ինչո՞ւ ամեն բան չես պատմում— գռչեց նա,— ինչո՞ւ եք թողնում, որ այս մարդիկ սխալ հասկանան... Ա՛յ, թողք ես պատմեմ ճիշտը, ուսումնական մարդիկ են՝ թող դատեն...

Եվ վերարկուն ու գլխարկը միշտ հագին, խմած երկու խոշոր բաժակ օղիից գլուխը տաքացած՝ ոտքի ելավ մի ձեռքին հաց ու պանիր, մյուսում օղի և թեթևակի կակազելով ասաց.

— Ա՛ խալխը, դո՛ւք էլ լսեցեք...

Սենյակի մեջ դարձյալ տիրեց լուռություն. կարծում էին, թե վարժապետը մի նոր կենաց է առաջարկելու:

— Ըստեղ,— խոսեց նա,— էլի կրկնում են, թե մեր միկիտանի (գինետուն) փակվելը աստառ ունի, որ օրիններ եղան... էս քանի՞ մեկ, ա՛խպեր. դուք ու ձեր աստվածք, դուք չէի՞ք որ, ձեզնից շատերը չէի՞ն, որ գիշերով եկան ինձ մոտ, խնդրեցին, ստիպեցին, պրիստավին խըն-

գիրը գրել տվին, թե միկիտանը կոիվ ա բցում, դալմադալ... չը՞, սո՛ւտ եմ ասում...

— Չէ՛, ճիշտ ա, ինչի՞ սուտ,— ասաց մի գյուղացի,— դե էնա՛, տեսաք, որ Սարոյենց ձեռքն էր մնալու միկիտանը, ձեր ցեղը մեջ ընկավ, խնդիր գրեցիք, դու էլ ուսումնարանը մեջտեղ բցեցիր...

— Հլա՛ տե՛ս. հլա՛ տես...,— բարկությունից կարմրեց և ընդհատեց նրան վարժապետը,— ըտենց մի խոսալ, ա՛՛ Կարապետ... ինչի՞, ես վարժապե՛տ եմ, թե՞ միկիտանչի... Իմ ինչի՞ս էր պետքը միկիտանը, յա ինձի՞ ինչ...

Փոքրիկ սենյակը հետզհետե լցվում էր գյուղացիներով: Մեծ մասը երիտասարդ, նոր սերունդ էր և բուլորն էլ, առանց բացառության, «կարտուկներով», այլև հագուստը փոքրիշատե եվրոպական հագուստի նմանեցնելու հավակնությամբ: Ով տեղ էր գտնում՝ նստում էր, ով չէ՛ նեցնելու հավակնությամբ: Ով տեղ էր գտնում՝ նստում էր, ով չէ՛ կոթնում էր պատին կամ պպզում մի անկյունում: Մի ինչ-որ կարճահասակ ծերունի էլ, որ իր սպիտակ մեծ մորուքովը շատ նման էր հնամյա սակ ծերունի էլ, որ իր սպիտակ մեծ մորուքովը շատ նման էր հնամյա նահապետի, զվարթ ծիծաղը դեմքին և նրա խցկվեց, որոնեց տեղ, հետո մազլեցեց լուսամուտի քիվի վրա և խոշոր վափախը ծոած, երկար փայտը ճնտտին դեմ տված՝ սկսեց լսել:

Չնայելով, որ լսում էի վարժապետի խոսքերը, բայց և զննում էի ներս մտնողներին: Այլազան էր ամբոխը: Կային նույնիսկ շեկեր. կարմիր, հրաշեկ կարմիր մազերով երիտասարդն էլ իր գլուխը դուրս էր ցցել երկարահասակ ու խոշոր քթով Գրիշոյենց Մկրտչի ետևից և ինձ է՛ր նայում:

Եվ այդ բուլորը տգեղ էր, խիստ տգեղ. դեմքերը գրեթե թոռմած ու դեղնած, շոր, վաղաժամ կնճիռներով լի, մեծ, այլանդակ քթեր, կոպիտ և հանդուգն գծեր: Ավելացրեք դրա վրա և այն, որ շատ-շատերի հայացքներն արտահայտում էին քծնախառն աներեսություն: Միմյանց ակնարկներ անել, աչքով-ունքով շարժումները, անասելի հայհոյանքները, իբր շատ սովորական բառեր, շարտել միմյանց, խոսքերը «համեմել» լկտի համեմատություններով, այլև ձգնել անպատճառ, թեկու՛ղ տափակ, սրախոսություններ անելու...

Հին սերնդի մեջ, սակայն, նկատեցի քիչուշատ համակրելի դեմքեր: Եվ երբ ծերունի ընկերս էլ ներս մտնելով՝ բերավ իր հետ գյուղացիների նոր մի խումբ—բերան եկան 5—6 ծերունիներ՝ հին հագուստով, բուլորն էլ խոշոր փափախներ գլխներին: Ահա օրինակ, այդ վաթսունամյա անձը, որ մոտեցավ, ձեռքը պարզեց ինձ և դեմքի վրա անկեղծ ակնախորհրդյալ ժպիտ՝ բարի դալուստ մաղթեց: Համակրելի էր նաև այն

մյուս ծերունին, որ իր խոշոր թաթերի մեջ սեղմեց պարզած ձեռքս ու ասաց.

— Բարի լինի գալուստդ, պարո՛ն:

— Շնորհակալություն:

— Մենք շատ ուրախացանք, երբ լսեցինք, որ ձեզ պես կրթված մարդիկ ուզում են մեր գյուղում ապրել: Եթե ոչինչ էլ չանեք, ձեր այստեղ լինելն էլ մեզ օգուտ է. ասած է՝ որ հոտավետ մի հատ խնձորը թեկուզ դնես կոշտ քարերի մեջ, հոտիցը նրանց էլ կկաշի...

Պահ մի վարժապետը ստիպվեց ընդհատել իր խոսքը, ներս մտնողների բարենների վերջին սպասելով: Բայց երբ տեսավ, որ նոր եկողները խոսակցության նոր նյութ մեղտեղ բերին, ձեռքի օղին մի ումպով և զայրացած կուլ տվավ, հացը բերանն առավ, մի բան մոմոաց քթի տակին, նստեց և բաժակը դարձյալ լցրեց:

Այնքան անկեղծ ձևով ինձ հետ խոսող ծերունուն պատասխանել չհաջողվեց ինձ, որովհետև դարձյալ մի նոր խումբ ներս լցվեց:

— Պա՛, պա՛... էս ինչբա՛ն լցվել եք ըստեղ... — լավեց դուան միդից մի խոշոր ձայն, և երևան եկավ Սարոյենց Թորոսի կաղլիկ ու հաստիկ եղբայրը, համարձակ ճղեց բազմությունը, ձեռքն ինձ պարզեց ու ասաց.

— Խնդրեմ ծանոթանանք... Սարոյան Ջավադ:

Եվ հպարտութամբ վիզը ցցեց ու գյուղացիներին նայեց: Կարծես ուզում էր ասել թե՛ «հը՛, ո՞նց է, կարծում եք չգիտե՞մ քաղաքացոց ձեռը»:

— Լավ ձայն ունի, — քմծիծաղով դիտեց վարժապետը:

— Ինչո՞ չէ, — ասաց կոկոզավիզ կաղլիկը, — երգեր էլ գիտենք...

Ու ճգնեց նստել: Տեղ չկար, բայց սրա՛ն հրեց, նրա՛ն հրմշտեց և ճիշտ դիմացս, անտառապահի կողքին, խցկվեց-տեղավորվեց:

Գեր, լայն դեմքով և հանդուգն հայացքով մի երիտասարդ էր այդ, որ միշտ բարձրաձայն, գրեթե գոռալով էր խոսում, ճգնում էր ցույց տալ, որ քաղաքում շատ է ապրել, քաղաքացիների դեմքը նրան անսովոր չէ, որ ինքը կոպիտ և սնտաշ գյուղացիներից շատ է բարձր, անփորձ ու վախկոտ չէ, այլ, որ ոչ ոքից վախ չունենալով, կարող է միշտ բարձր էլ խոսել:

Հագել էր մեզ նման, մեջքի և վարտիքի վրա այլազան կարկատաններով, ինչ-որ տափակ և աղտոտ «կարտուզ» կոխած մինչև ականջները, մորուքը խնամքով ածիլած, ընչացքի ծայրերը գոռոզաբար դեպի վեր ուղրած... Որի՞ց վախ ուներ. օրե՛նք չգիտեր, ի՞նչ է, մարդ չէ՞ր տեսել, քաղաքացոց հետ չէ՞ր նստել-կանգնել: Եվ այդ՝ նա շեշտում էր միշտ. և որպեսզի գյուղացի անտաշները չմոռանային երբեք, կրկնում

էր գոռալով ու ձեռքին կարճ փայտը ուժգնորեն իջեցնում սեղանի վրա...

Բայց, մտնելուն պես, սկսեց անտառապահի հետ խոսել:

— Նո՛ւ, մոյե պոշտենիե՛, Ալեքսի: Խմենք, քե՛ֆ տնենք... Ճշմարիտ է, հերթը եղբորս է քեֆը սկսելու և հարբելու, բայց դե՛, ո՞նց կլինի, որ դու մեզ մոտ գաս, և ես մի լավ չհարբեմ... Նայեյ, տո՛, պալնի նայեյ՝... տաշները ներս լցվեն... Քաշվե՛ք, քաշվե՛ք. ի՞նչ կա, մարդ չե՞ք տեսել... քաղաքումը շաբաթներով ապրեք, մարդ տեսեք, որ ըդենց բեզ զապրոսա՞ ներս լսցկվեք... յա թե չէ՛ ադա՛, վեր կացեք մեր տունը գնանք, ստեղ սկի վազդուխ՝ էլ չկա...

— Դե լա՛վ, ձե... ձենդ կտրիր քիչ... կտրի՛ր... — կակազեց վարժապետը՝ կիսովին ելնելով և դատարկեց օղին, — թող ուրիշներն էլ խոսան...

Ու բոլորովին ելավ: Գինետան հարցը վերավորել էր իրեն: Ուզեց նորից նույն նյութին դառնալ:

— Մոյե պոշտենիե՛... ինչո՞ւ չէ, — ճշաց Ջավադը, — բայց ո՞ր ես էդպես շուտ կակղել, վարժապետ. ա՛յ, թող մեկն էլ մենք կոնծենք... ըսենց... էս բուֆրիկան՝ լցրու, տո՛... ի՛մ հաշվին. Ալեքսեյը ողջ կենա... էսօր էլ միս չեն մորթել, որ մի խորոված էլ անենք...

— Էն էի ասում, — ուշք չդարձրեց նրան և սկսեց վարժապետը, — չէ՛, ա՛ խախը... սպասեցե՛ք... Կարապետն ասում էր, որ միկիտանը կո... կողպել ենք, որովհետև...

— Դե լավ, ետ աստավ՛... — ընդհատեց նրան անտառապահը, — լավ եք արել կողպել եք. ի՞նչ է, էս պակա՞ միկիտան ա...

— Չէ՛, չէ՛, Ալեքսե՛յ, պաստոյ՞... — գոչեց վարժապետը և թևով մեծ շարժում գործեց, — ինչո՞ւ... թո... թող պարզվի, շա՛տ են խո... խոսում:

— Ադա, — կանչեց այն կողմից Հայր Աբրահամին նմանող ծերունին կանացի սուր ձայնով, — էս ինչ ջհուղի ժամ շինեցիք ըստեղ, ձեր տունը շինվի... կացեք, մեկ մեր ղոնաղները խոսեն, քաղաքից են եկել, թազա խաբարներ կիմանան...

1 Հարգանքներս:

2 Լեցուր, լիքը լեցուր:

3 Առանց հարցնելու:

4 Օգո:

5 Շիշ:

6 Քոզ:

7 Սպասիր — բոլորը ուտեբեն բառեր են՝ ազավազված:

— Հա՞... նո՞... — զիջավ վարժապետը, որ արդեն հարբել էր, — լավ, թող պարոնները խոսան... Հը՛մ, ինչո՞ւ չէ, թաղա խա... խաբար-նե՛ր... Համեցե՛ք...

Ու ձեռքի բաժակը զարնելով անտառապահի բաժակին, երկուսն էլ միմյանց ժպտալով խմեցին:

Առհասարակ անտառապահը քիչ էր խոսում: Ըստ երևույթին՝ քաշ-վում էր մեզինք: Շուտով սակայն Ջավադը դարձավ դեպի նա և սկսեց ցած ձայնով մի բան պատմել. վարժապետն ընկերիս հետ խոսակցու-թյան բռնվեց և այսպես, խոսակցությունն ընդհանուրից մասնավորի դարձավ:

— Դե՛հ, պատմիր տեսնենք, պարո՞ն, — դարձավ ինձ ծերունի երեց-փոխը, — պատմիր նոր բաներ... ականջ մի՛ անիլ շատ էդ մեր ջահելների ափեղ-ցփեղ խոսքերին. մի քիչ շատ են քաղաքի երեսը տեսել...

3

Այդպես էր, որ սկսվեց մեր ծանոթությունը գյուղացոց հետ, գի-նետան մեջ, օդիի և գինու շիշերի առաջ: Պաշտոնապես միայն Սարո-յենց Ջավադն իր, որ ձեռքը պարզելով, քաղաքացու նման, իր անունն ու ազգանունն էր տվել: Մյուսները բոլորն էլ խոսակցության բռնվեցին, և ահա ամենքի հետ էլ ծանոթացանք:

Սկզբում ո՛չ ոքի անունը չգիտեի: Եվ ի՞նչ հարկ իմանալ: Կնձոտ, շոր դեմքեր էին, որ միմյանցից սակավ էին զանազանվում: Ամենքն էլ մեզ նայելիս՝ նախ մեր շորերն էին զննում, ապա, խորին ուշադրու-թյամբ լսում մեզ, դիտում մեր դեմքի գծերը, կարծես կամենալով իմա-նալ, թե ի՞նչ տեսակ մարդիկ էինք մենք: Իսկ երբ բավական լուռ քննել էին, կամաց-կամաց, խորամանկ, պտուտավոր հարցուփորձերով տե-ղեկանում էին, թե ո՞րտեղացիներ էինք, քաղաքում ի՞նչ գործերի տեր, այնտեղ սեփական տնե՞ր ունեինք, թե՞ վարձվորներ էինք, ամուսնա-ցա՞ծ, ընտանիքի տե՞ր... և թե ի՞նչ նպատակով էինք գյուղ գալ ուզում — ամառանո՞ց, քեֆի՞ համար, թե՞ որևէ գործի ձեռնարկելու, շահ սպա-սելու... Եվ եթե գործի ձեռնարկելու՝ ի՞նչ էինք մտադիր անելու. օրի-նակ, մեղունե՞ր ունենալ, կաղամբ ցանել, ծա՞ռ տնկել... բայց դրանք խո բոլորն էլ գիտեն... Իսկ նո՞ր. նոր բա՞ն... ուրիշ ոչի՞նչ առաջով: Բայց չէ՞ որ այդ բոլորը ոչ մի եկամուտ չէր բերի, մարդ դրանով մի՞թե կա-րող էր փող աշխատել... Մտադիր չէինք հարստանալ, փող շահե՞լ... Զար-մանք... Ուրեմն ինչո՞ւ էինք եկել: Գյուղի կյանքն ուսումնասիրելու, գյուղացոց օգտակար լինելու... ճի՛շտ էինք ասում, թե՞ ծիծաղում էինք

իրենց վրա... Երևի քեֆի համար էինք եկել... Իսկ եթե ծառեր էինք ուզում տնկել, ուրեմն ի՞նչ հողի վրա: Ընկերությամբ... Ինչո՞ւ չէ. որ-բա՞ն պիտի տնկեինք: Հինգ-վեց հարյուր, իսկ հետո ծառերը հողատի-րո՞շը կմնար... Ո՞վ ասես, որ իր հողը, պարտեզը շտար...

Եվ այսպես, զգուշավոր, մանվածապատ հարցուփորձով իմացան ամեն ինչ: Իսկ մեր տված միամիտ, պարզ և անկեղծ ճշտությամբ պա-տասխանների ժամանակ՝ դուք պիտի տեսնեիք, թե գյուղացոց մեջ ինչ-տասխանների ժամանակ՝ դուք պիտի տեսնեիք, թե գյուղացոց մեջ ինչ-պիսի մնջկատակություն էր տեղի ունենում: Ակնարկներ միմյանց, ժպիտներ, այլև միամիտների իրենց ճանկերի մեջ ձգողների սարդային արտահայտություններ:

Ու ինչ որ, մեր մտադրությունները գիտենալուց առաջ, վատ էին ասել օդի, հողի մասին, վարպետորեն սկսեցին ետ առնել. այժմ գովում էին սև, բարեբեր հողը, սքանչելի օդը, երկրի բեղմնավորությունը...

Երկար շտեկ մասնավոր խոսակցությունը: Միմյանց սեղմելով՝ մեր գլխի վրա շրջան կազմող հետաքրքիրները մի առ մի ցրվեցին: Դիտեցել էին՝ ինչ որ պետք էր. մնում էր այժմ տեսնել, թե որպիսի ձևերով կա-րելի էր ուստայնն ընկած ճանճերից օգտվել: Պարզ է, երևի մտածում բելի էր ուստայնն ընկած ճանճերից օգտվել: Պարզ է, երևի մտածում էին նրանք, անշուշտ, քաղաքից ձանձրացած՝ փող ունեն և եկել են ինչ-որ երազներ իրականացնելու... գուցե, ո՞վ գիտե, նոր ձեռնար-ինչ-որ երազներ իրականացնելու... գուցե, ո՞վ գիտե, նոր ձեռնար-կություններ պիտի անեն և առայժմ ծածկում են... Համենայն դեպս կոթություններ պիտի անեն և առայժմ ծածկում են... Համենայն դեպս կոթություններ պիտի անեն և առայժմ ծածկում են... Այն իրենց պետք էր զգուշ, աշախույժ մնալ և որսը ձեռքից չփախցնել... Այն մեկը—ծերունին, միամիտ մարդ էր երևում. նրան խաղացնելն ու խա-բելը դժվար չէր. իսկ այս մյուսը դեռ լուռ էր, քիչ էր խոսում, բայց շար մարդ էր նկատվում...

Եվ այս բոլորը ես ոչ միայն մի առ մի կարդում էի նրանց դեմքերի վրա, հասկանում էի վարմունքներից, այլև մեկ-մեկ էլ ականջիս էին հասնում հատուկորդ գատողություններ, նկատողություններ, որոնց դժվար չէր կցել իրար և որոշ եզրակացության հասնել:

Երևունի ընկերոջս անունը իսկույն «պապաշա» դրին: Անողը Զա-վադն էր: Համարձակորեն շատ շուտով մտերմացավ նրա հետ. միասին խմեցին, իրար ծիծաղելի պատմություններ արին:

Ու խմում էին: Հարբել էին շատերը. իսկ մի ինչ-որ գլուխը կախ և քիթը միշտ կարմիր պարոն էլ, — պարոն ասացի, որովհետև ճգնում էր նա այդպես ցույց տալ իրեն — անընդհատ գինի էր խմում, շշեր գատարկում:

Երեցփոխը միայն նստած մնաց ինձ մոտ. մյուսները հեռացան և խմբեր կազմեցին:

— Այդպե՛ս... — արեց ծերունին, մի վայրկյան լուռ խորհելուց հետո, — ուզում եք դո՛ւք էլ մեզ նման՝ մեր հողը մշակել... եթե իմանամ, որ քեֆի համար է, ամառը հենց անցկացնելու — խոսք չունեմ. բայց, եթե ուզում եք շահվել... Սահակենց Մանուկը ձեզ, օրինակ, չի՞ խոսել մեր հողի, մեր մարդկանց կամ օդի մասին...

— Խոսել է, — ասացի ես, — մարդիկ վատ չեն երևում, հողն էլ լավ է թվում, իսկ օդը, ասում են, որ անձրևային է:

— Անձրևայինն իրա կարգին. բայց ասե՛լ է, որ մեր հողը առանց լա՛վ, շա՛տ լավ աղբելու՝ բան չի բուսցնի, որ անձրևը, կարճատև ամառը...

Բայց Ջավադը, որ երևի աննկատելի լսում էր մեզ, ականջը մեր կողմն էր, հանկարծ ընդհատեց ծերունուն և գռչեց.

— Ինչի՞ ես էդպես խոսում, ա՛մի. ինչի՞, մեր հողի ի՞նչն ա... պակաս բան ա բուսցնում, որ բեշարես՝... բաս էսքան ծաղիկները, ատառը, ջուրը... ճիշտ չե՞մ ասում, պապաշա՛ւ:

Ընկերս ծիծաղեց և ասաց.

— Դե իհարկե. մենք էլ խո տեսնում ենք... Եվ վերջապես ի՞նչ կա, աղբ քի՛չ ունեք. ամբողջ գյուղը — ինքը մի՞թե հենց աղբի մեջ չի նըստած...

Շատերը ծիծաղեցին՝ սրախոսություն համարելով: Ջավադն անեկից բարձր քրքշաց, մինչ մի գյուղացի մոտեցավ ծերունի խրատյին և ասաց.

— Ամի՛, քաղաքացոց սիրտն ի՞նչի ես կոտրում... իրենք խո մեզանից լավ գիտեն, թող տեսնեն, էլի՛:

— Բան չեմ ասում, ի՞նչ եմ ասում, — շփոթվեց ծերունին, — յանի ասում էի, որ առաջուց իմանան...

— Էդ քո ի՞նչ բանն ա... — կանչեց նրա վրա Ջավադը, — քո հողը լավը չի, իմը շա՛տ լավն ա, ի՛մը կտամ:

— Հա՛, բա՛ս. մեկը քո հողն ա լավ, մեկն էլ իմը:

— Դե՛, դե՛, անասա՞ տեղդ նստի՛, — ձայնեց Ջավադը բարկությունով, — մեր հողին վատ ասելը բերնիդ չի ընկել... լավն էն ա, ամի՛, որ դու շխոսաս... իմ պապաշան, — դարձավ նա ընկերիս, — քեզնից էլ ու մեզնից էլ լավ գիտի... Աղբ էլ որ ուզենա, այ, մեր տան առաջը մի սարի շպի կա հինը. է՛նքան տամ, որ սաղ դաշտը ծածկի... Հը՛, սրա՞ն ի՞նչ կասես, պապաշա՛ւ...

Երեցփոխը լռեց, նայեց իրեն ուղղված զայրադին ակնարկներին, պուկը ցնցեց, հետո կամացուկ ելավ և դուրս գնաց:

Թեև լսում էի և կիսովին դեմքս անտառապահին էի դարձրել, բայց լավ նկատեցի, թե ինչե՛ր կատարվեցին այնուհետև լուռությամբ:

Ծերունուն գյուղացիները մոմոտցով ճանապարհ բացին. Ջավադը մի թունդ հայհոյանք շարտեց նրա ետևից կիսաձայն, հետո մի քանի երիտասարդներ դուրս գնացին նրա ետևից, դուռը խնամքով փակեցին, և լսեցի, թե ինչպես գոռոռում էին խանութի մեջ:

Ելա և ուզեցի դուրս գնալ. սենյակի օդը ծանրացել էր, և արբած-նրի տեսքը զգվելի էր դառնում: Բացի դրանից, հետաքրքիր էր, թե ի՞նչ էին ասում այնտեղ ծերունի երեցփոխին: Բայց Ջավադը երևի ըմբռնեց մտադրությունս, որովհետև մեկեն պարզեց դեպի ինձ մի բաժակ գինի ձեռքին և գռչեց.

— Ո՛ւր ես գնում, պարո՞ն, հլա մեկ էս բաժակով խմիր պապաշայի կենացը... Չե՞ս խմում, շահվանեցի՞ր մեր գինուն... Դե՛, ինչ անենք, մեր սարերում խաղող չի բուսնում... Հլա մեկ սպասի՛ր, քեզ ասելիքներ ունեմ...

— Ասա՛, — կանգ առա ես:

— Դու էդ ախմախի խոսքերին մի՛ լսի. դու ջահել մարդ ես, գիտես, որ մարդ երբ ծերանում ա, խելքը քիչ պակասում ա... համ էլ դա մի քիչ, ընենց, էլի՛...

Առանց ուշք դարձնելու խոսքերին, դիմեցի դեպի դուռը: Ճշմարիտ է, այնտեղ կանգնածները ճանապարհ տվին, բայց ջանացին խոսակցու-թյան բռնել. մեկն էլ ինձնից առաջ դուրս նետվեց, և երբ խանութ ելա, այնտեղ կատարյալ լուռություն էր տիրում, երեցփոխն էլ հանցանք գործածի ժպիտ դեմքին՝ ինձ նայեց:

Չգացի, որ ավելորդ էր որևէ բառ արտասանել և դուրս գնացի խանութից, անցա հրապարակն ու սկսեցի դեպի եկեղեցին ելնել մենակ:

Կամաց էի քայլում: Բացի այն, որ տեսածներիցս ու լսածներիցս առաջացած անախորժ տպավորության տակ՝ խորհում էի, այլև գննում էի շուրջս:

Եկեղեցուց վեր, խճուղին ելնելու կետում, դիմացս դուրս եկավ մի ինչ-որ կույր և նիհար ծերունի, որ շոշափելով ճանապարհը, զգուշու-թյամբ քայլեր դնելով՝ դեպի գյուղն էր իջնում:

Երբ ոտնաձայնս լսեց, պահ մի կանգ առավ:

— Բարև, ծերունի՛, — ասացի ես:

Երեսիս նայեց իր բիբերից զուրկ աչքերով, ձեռքի գավազանը դեպի իրեն քաշեց և ասաց.

1 Որ մշակես
2 Անձայն

— Աստծու բարին... դու ո՞վ ես... Հա՛, չի՛նի՞ դու ես այն բա-
ղաբից եկած մարդը:

— Ես եմ. իսկ դու աշըղ Մարտիրոսը խո չե՞ս:

— Է, ի՞նչ աշըղ, քեզ մատաղ, երգ ասող ենք... ասած ունեմ—գրո՞ւ
Մարտիրոսն էլ իրան աշըղ է կարծում, երգ է հորինում, ձայնին լսե-
ցեք»...

— Դա խո Ջիվանիի խոսքերն են, բարեկա՛մ:

— Այո՛, նա «խելքի աշեցեք» է ասել, ես էլ «ձայնին լսեցեք»...
Ո՞ւր ես գնում էսպես հրամանքդ:

— Ոչինչ, ման եմ գալիս. իսկ դու այդ կույր տեղովդ որտեղի՞ց ես
գալիս:

— Էս վերևումը մի արտ ունենք, էնտեղ էի: Ասի, տեսնեմ ի՞նչպես
ա բուսել:

— Տեսա՞ր,— ժպտացի ես:

— Կուցա ձեռք տվի. է՛հ, փառք Իրեն, մի թզաչափ բարձրացել
ա... ամա գիժ ցորեն շատ ա լինելու:

— Ի՞նչպես իմացար:

— Իմացվում ա. գիժի տերևը փայլուն, ընենց փափուկ ա ըլում...
Հստեղ կանգնելը լավ չի, պարո՛ն, թե կուզես՝ իջնենք ժամի մոտ. ընտեղ
գերեզմանաքարեր կան, նստենք քիչ խոսանք. յա թե չէ՝ համեցեք մեր
տուն գնանք, միասին ճաշենք... Ես ուզում էի մեկ քեզ հետ խոսալ...

— Չէ՛, տուն գնալը թող մնա, բայց իջնենք եկեղեցու մոտ:

Կույրը փայտը պարզեց և սկսեց քայլել:

— Թո՛ղ թևդ բռնեմ և տանեմ քեզ,— մոտեցա նրան:

— Հա... շնորհակալ եմ. բռնի՛ր...

Եվ երբ թևիցը բռնել քայլում էինք, ձեռքովը բռնեց մի ձեռքս ու
ասաց.

— Թո՛ղ մեկ հլա ձեռքդ շոշափեմ... ես մարդու ճանաչում եմ իբր
ձեռքիցը... տեսնե՛մ... Հա՛, երևում ա, որ պլխե՛ր՝ ես եղել...

— Ինչպե՞ս իմացար:

— Իմացա է՛լի... Ա՛յ, աչ ձեռքիդ միջամատը, գրիչը խո նրանով ես
բռնում, ծայրի վրա կաշին կոշտացել ա... ամա շար բնությա՛ն տեր
մարդ էլ ես երևում... ընենց էլի՛, հեշտ բարկացող...

— Դա՞ ինչպես իմացար...

— Ինչի՞... ես խո միշտ կույր չե՛մ եղել... է՛հ, ասաված բալթի
սլատեց ինձ, ո՞վ ա իմանում. առաջ ե՛ս էլ աչքեր սունի, սևը սպիտա-

կից ըսկում էի, գրում էի, կարգում... Ա՛յ, նրանից իմացա, որ գրելիս
գրիչը պինդ, շատ պինդ ես հուպ տալիս, ընտուր էլ կաշին քար ա
կորել...

— Հետո՞, հուպ տալը մի՞թե, միայն շար մարդը կարող է:

— Չէ՛, բայց ընենց, թունդ ես գրելու ժամանակը, էլի՛... Հը՞, աստ-
վածդ սիրես, դու քաղաքումն ի՞նչ գործի էիր:

— Վարժապետի նման բան:

— Հա՛, լավ, բաս, ամառս եկել էս մեր գյուղը անցկացնես, էլի՛...
Չհասա՞նք հալա... Հա՛, համա հրես ժամի կողքի մեծ քարը... Ա՛յ,
գնանք դենը, էն մյուս կողքին...

— Հաբեթ աղայի գերեզմանի մո՞տ...

— Հա՛, նրանից քիչ հեռու... Գիտե՞ս, էդ Հաբեթ աղան իմ ախպերն
էր... ողորմի հոգուն...

Հիշեցի Սահակյանի պատմածը և լուռ մնացի: Ապա, երբ տեղա-
վորել էի ծերունուն ապառաժի մի կտորի վրա, որ երևի իբր գերեզմա-
նաքար նետված էր այդտեղ, ինքս էլ նստեցի կողքին:

— Թե ծխում ես՝ ծխի՛ր,— ասաց կույրը,— ես բռնոթի՛ եմ քաշում:

Ասաց, երկար մուշտակի քղանցքը ետ տվեց ու արխալուղի գրպա-
նից հանեց քթախոտի փոքրիկ տուփը, մի քանի արծաթե կտորներով
պատած, գոտիի միջի կարծիր թաշկինակովը նախ քիթը մաքրեց, հետո
փողին լցրեց քթածակերի մեջ, աչքերը սևեռեց հեռուն ու ասաց.

— Հե՛յ գիտի հա՛յ, աշխարհ... Որ աչքերս սաղ լինեի, ես կթո-
ղայի՞ մենակ ման գաս գեղումը, գեղի շների հետ կոխվ տաս... յա թե
չէ՛ քստե՞ղ կնստեիր և ոչ թե էն մեր սիրուն ձորագլուխներումը, շոշան
չէ՛ քստե՞ղ կնստեիր տակ, էն լավ-լավ ծաղիկների մեջ... Ա՛խ, ա՛խ, պա-
շրի, հով ծառերի տակ, էն լավ-լավ ծաղիկների մեջ... Ա՛խ, ա՛խ, պա-
րոն վարժապետ, շա՛տ, շա՛տ կարոտել եմ մեր սարերին, մեր անտա-
րին ու ձորերին. մե՛կ էլ տեսնեի, մի կո՛ւշտ, աչքով վայելիի ու հետո
մեռնեի...

Պահ մի երկուսս էլ լուռ մնացինք: Ծերունու անձկությունը հուզեց
ինձ: Նայեցի դեմքին: Բիբերից զուրկ աչքերը լցվել էին արցունքով և
զեմքը կնճոռտվել:

Մատեներով հուպ տված քթախոտի կեսը նա դարձյալ ներս կոխեց
քթածակերի մեջ, լցված արցունքը որբեց թաշկինակով, հետո, երեի

1 Գրագիր:

1 Քթախոտ:

ավելի սովորութունից, քան ցրտից, ծածկեց մուշտակի քղանցքով ծրնկները և ասաց.

— Ես միշտ խո այսպես չէի... Ե՛ս էլ մի ժամանակ ղոշաղ տղա-մարդ՝ շափշփում էի մեր անտառները. գործը վախենում էր ինձնից... իսկ այժմ, ի՞նչ եմ ես... մի ուրվական, որ պտտում եմ գյուղում և սըրտիս նեղութունից, բարկութունից՝ երգեր երգում.

է՛հ, կո՛ւյր երգիչ, տխուր սովեր անցյալի,
Գու մեզ երբե՞ք զվարթ երգեր չես տալի.
Օրը խավար քե՞զ համար, արևն անփայլ քե՞զ համար.
Շա՛տ ապրեցիր—այս աշխարհ թող, հալվի...

— Քո՞ գրածն է,— հարցրի ես:

— Ի՛մ... Այսպես շատերն ունեմ. ասում եմ՝ գրում են... է՛հ, ի՞նչ անեմ, տգետ մարդ եմ, երգերս էլ տգետ, անտաշ՝ ինձ նման... է՛հ, քիչ-միչ կարդացել եմ, լույս դառնա Սարգիս վարդապետի հոգին, նա՛ է ինձ դաս տվել:

— Վաղո՞ւց է, որ կույր ես:

— Տասը տարուց ավելի... Զիուց ընկա, հետո երկար հիվանդ պառկեցի և երբ ոտքի ելա—կույր էի... է՛հ, փառք Իրեն, նրա կամքը հալբաթ այդպես էր... Դե՛հ, բայց, հերիք է իմ մասին, մի քիչ էլ դո՛ւ ասա. Եկել եք գյուղը, լսել եմ, ուզում եք ըստեղ ապրել... Վարժապետը պատմեց... Գիտե՞ս, եղբորս որդին է:

— Այդ ի՞նչ շատ ազգականներ ունես:

— Գյուղի կեսից ավելին... Յոթը եղբայր ենք: Գալոն էլ իմ եղբայրն է, անիծվի նա:

— Այն հարուստ խանութատե՞րը:

— Այո՛... էդ ջաղացի առուն խո գիտե՞ս, դուքաններիցը ցած, ընտեղից դենը համարյա կիրակոսենց ցեղն է, դեսը՝ Սարոյենց ցեղը:

— Այդ Զավադի ցե՞ղը:

— Հա՛. ծանոթացա՞ր... խմող, լիրբ տղա է, քաղաքի միկիտանների զավակ... Ասենք, մեծ եղբայրն էլ մի բան չի. այ, նրանց հերն էր լավ մարդ. աղքատասեր, բարի... էդ ինչի՞ց ա, վարժապետ, դու կգիտենաս, որ լավ հոր տղան էլ է փիս դուրս գալիս...

— Ժառանգության օրենքը դեռ լավ չի ուսումնասիրված. ո՞վ գիտե. շրջանը, գոյության կովի միջավայրը...

— Հը՛մ,— արեց ծերունին, որ արձանացած լսում էր ինձ,— շնեզանաս, վարժապետ, բայց ասածներդ զխուսա շմտան. մեկ էլ ասե՞ս...

Նոր ուշքի եկա, որ հիրավի, ծերունին ոչինչ չպիտի հասկացած լի- ներ ասածներեցս: Միծաղս եկավ:

— Ոչինչ, ոչինչ...— ասացի,— ներիր, որ մի քիչ խրթին խոսեցի... ուզում էի ասել, թե մարդս ո՞նց կրթվի, ինչ մարդկանց հետ որ նստի-կանգնի, նրանց բնությունն էլ կստանա:

— էդ մեկը ճիշտ ասացիր... Զավաղը մեր ապականված գյուղա-քաղաքումն է մեծացել, մեծ եղբայրն էլ այնքան խման-հարբանների հետ ունեցածը ծախսեց, որ ըստնց խարաբ էլավ, գնաց... Հմի էլ, հրե՛ն, քոխվի օգնական ա. աչքովդ պիտի տեսնես, թե ոնց ա պլոկում գյուղացոց, ոնց ա զազանի պես փետը քաշում սրա-նրա վրա...

— Իսկ ձե՞ր ցեղը:

— Մեր մեջ էլ կան փսերը, ես խո մեր ցեղը չեմ գովում... Ա՛յ, մեկը հենց էդ Գալոն... Եղբայրս ա, բայց շնից փիսն ա... էսա տաս տարուց ավելի, մեզ հետ խոռով ա, թե ի՞նչ,— նրան շնք օգուտ տալիս... Ախր ո՞նց տամ. մի անգամ հիմարացա՝ փող պարտք արի, հինգ տարի քերթեց կաշիս... Բայց էլի մեր ցեղի մեջ մարդիկ կան. Սարոյենց ցեղը...

— Հա՛,— միջահատեցի ես,— լսել եմ. գյուղն երկու ցեղի է բաժանված և երկուսն էլ իրար վնասում են... Լավ չէ այդ, հայկական այդ աղտոտ հատկությունը զզվեցրեց: Ախր ի՞նչ ունեք իրար հետ, մի՞թև չեք կարող հաշտ, գոնե առանց իրար վնասելու ապրել:

— Հը՛մ...— արեց նորից ծերունին,— երևում ա, որ նրանք արդեն իրանց կողմն են քաշել քեզ... բայց, տե՛ս, վարժապետ, կփորձես՝ կուս-նաս նրանց հետ գործ որ բռնես՝ կփոշմանես... թե՛ նրանց հողը հող չի, թե՛ մարդիկը՝ մարդիկ չեն:

— Լավ, լավ, թող բամբասանքը... հավատացած կացիր, որ մեզ խաբել կամեցողը կզղջա: Ես լավի հետ լավ եմ, վատի հետ կրկնապատիկ վատ:

— Ապրե՛ս, կարգն էլ հե՛նց էդ ա... բայց, քեզ համար եմ ասում, լավ կլինի, որ առվի է՛ն դրադի հողերն էլ մեկ տեսնես:

— Այդ թո՛ղ. ինձ այն ասա, թե ինչո՞ւ ձեր գյուղացիք այդքան խմում են և բողոքն էլ կարծես խոսքը մեկ են արել, որ մեզ միշտ խաբված պահեն... Մենք խո իրենց վնաս տալու չենք եկել... Քիչ առաջ, դուքա-նում երեցփոխն ուզեց գյուղի մասին մի քիչ ճիշտ բաներ ասի մեզ, քիչ մնաց կտրտեին խեղճին:

Ծերունին գլուխը կախ մնաց մի րոպե, հետո նորից ինձ նայեց իր անբիթ աչքերով, բռնեց ձեռքս, սեղմեց ու ասաց.

— Ա՛խ, քեզ մատաղ, պարոն եղբայր, ինչո՞ւ ես իզուր եկել՝ շքա-

ված գլուխդ ավետարանի տակ դնում... Մեր ջահիլների հետ, աստված ազատի, գործդ լավ բռնիր հա՛... էլ առաջվան սերունդը չի՛ մնացել, ո՛չ... դալբութուն՝, սո՛ւտ, ինչ ասես՝ քաղաքիցը լցվել ա մեր կողմը... Ա՛խ, երկաթուղին, այդ անիծված մաշի՛նը բերեց բոլորը... Մեր ջահիլները քաղաք շա՛տ տեսան, շա՛տ... Լսիր քեզ ինչ կտեսնե՛ս... Ես կույր եմ, չէ՛. լավ, որ ծարավ չինեմ և ուզենամ բուն աղբյուրը գտնել, թե ցույց տվող շի՛նի՛ կգտնե՛մ... Ո՛չ, ստիպված՝ պիտի կեղտոտ ջրիցը խմեմ... չեմ էլ տեսնում ախր, որ նա կեղտոտ ա... հմում եմ, խմում՝ մինչև ծարավս կտրի... Դե՛, խմածս էլ ամենից շատ՝ կեղտ կլինի, որովհետև կեղտը միշտ ջրի երեսին ա կանգնում, միշտ ավելի շուտ ա մարդուս բերնին մոտենում... Ըտենց էլ մեր հիմիկվան սերունդը. հենց որ քաղաք են ընկնում, ճանապարհը, աղբյուրի ճանապարհը ցույց տվող չկա—նրանք էլ ծարավ, ինչ կեղտոտ ջուր ասե՛ս խմում են... Ա՛յ, հենց վրաները որ նայես, կհասկանաս: Խո տե՛սել ես ինչպես են հագնվում. իրանց հայրերը հլա փափախով, արխալուղով են, իրանք մեկ էլ տեսար բինչակ, կարտուզ, ճոճուկ կոշիկ, ձեռքին փե՛տ, մատանի՛... Ըտենց էլ ամեն բանը. ինչ որ հայրերն են տալիս՝ չեն վերցնում. ծարավ են՝ քաղաքի կեղտոտ ջրերիցն են խմում. էն անիծված տեղումը մեկ մարդ էլա չկա, որ մեր տղերանցը բռնի, տանի բուն աղբյուրի մաքուր ջրին...

— Այդ ձե՛ր, հայրերիդ պարտքն է, ինչո՛ւ չեք կրթում, նրանց լավ կողմը ուղղում:

— Հը՛մ... ուղղե՛լ, սովորեցնե՛լ... Տո՛ հիմիկվան աշխարհն այլ է, այլ. հիմիկվան որդիքը ոչ իրանց հորն են մարդատեղ դնում, ոչ էլ թողնում, որ նրանք մի խոսք ասեն: Հրե՛ն, երեկ երեկո չէ՛ր, որ լսում էի, թե ինչպես եղբորս որդին իր հոր վրա գոռում էր թե՛ «ի՞նչ ես հաշում քյաֆթառ շան պես, դարաչի կտրել գլխիս»...

Ի՛նչ առարկեի, չէ՞ որ ինքս էլ հաճախ տեսել էի, թե ինչպես որդին գոռում է հոր վրա, և հայրը խեղճ ու կրակ՝ արտասուքի էր դիմում, իրեն մխիթարելու համար:

— Բա՛ս... — շարունակեց ծերունին,— էդպես են, է՛դպես... բայց ա՛յ, բան չեմ ասիլ, եթե որդիս արժանիք, ինձնից ավելի կատարելություն ունենա և ինձ հրամայի սուս կենալ... Ուրախ էլ կլինեմ: Գլուխս նրա ոտի տակին կդնեմ. բայց մեկ իմանամ է՛, որ նա ինձնից լավն ա, խելո՛ք, կատարյալ... Աշխարհս էլ հենց առաջ չի երթալ, թե որդին՝ հոր վրա կատարյալ չլի... Ըտենց չի՛:

— Այդպես է:

— Շա՛տ ապրե՛ս... Ես մի՛շտ մտածել եմ, որ կատարյալ ուսումը ծաղուս լավացնում ա, համա կիսատը՝ լրբացնում:

— Ճիշտ է:
— Ա՛յ, մի երգ էլ ունեմ ասած դրա վրա.

Լավ կարգալը, որդակ սիրուն,
Կլինի տանդ մեծ սյուն,
Կտա քեզ համեստություն:
Կիսատ կարգալը, որդյա՛կ անպետք,
Չի՛ թողնիլ ո՛չ մի լավ հետք,
Կդարձնի քեզ լիրբ, անտուն...

— Լավ չե՛մ ասել... Հետո ավելացնում եմ թե՛

Ավելի լավ է մնալ տգետ,
Քան ուսանիլ կիսատ, անպետք:

— Դու երևի շատ այդպիսի գրվածքներ կունենաս:
— Ունեմ: Բոլորը գրել եմ տվել մի տեսակում... Հիմի ճաշի ժամանակ ա. թե արժան կհամարես, վեր կաց գնանք մեր տուն, համ կճաշենք, համ էլ կասեմ քեզ բոլորը:

Ու ոտքի ելավ: Լուռությամբ թևը բռնեցի, և սկսեցինք իջնել դեպի հրապարակը, որից հետո էլ ջրաղացի առուն:

Կույրի խոսակցությունը հաճույք էր պատճառում ինձ: Երևում էր, որ մարդն աշխարհ էր տեսել, այլև իր 10 տարվա կուրության ընթացքում, ինքնամփոփ խորհրդածություններով, հասել էր այն ամենին, ինչ որ ժողովրդի իմաստությունն է արտադրում:

Ճանապարհահին նա քիչ խոսեց: Հրապարակից անցնելիս, նկատեցի, թե ինչպես գյուղացիք հետաքրքրությամբ մեզ էին դիտում՝ ակնարկներ անում միմյանց և ժպտում:

Երբ անցնում էինք Գալոյի խանութի առջևից, որդին, որ նստել էր նստարանի վրա, հեզնող ժպիտով մեզ նայեց:

— Ընկերս դեռ այնտե՛ղ է,— հարց տվի նրան՝ գինետանը ակնարկելով:

— Ո՛չ,— ասաց նա,— նոր դուրս եկան խմբովին և վարժապետի մոտ այդ կողմը գնացին:

Կույրը, քիչ անցնելուց հետո, թեքվեց դեպի ինձ և ցած ձայնով ասաց.

— Հիմի մինչև երեկո կլակեն, հետո կսկսեն կռիվ, դալմաղալ... ափսո՛ս ընկերդ:

1 Խարբրայություն:

— Կուղարկենք, կկանչենք նրան:

— Հա՛, թող գա. ի՞նչ նրանց ընկերն է: Մենք էլ օղի, գինի ունենք ճաշին, բայց դե՛հ, քանի ես ողջ եմ, իմ տունը հարբեցողի երես չի տեսնի...

Հարբեցողը ոնց որ մի խոզ աղտոտ,
Ցեխի մեջ թաթախում է ձեռք ու ոտք.
Գնչովը լկատում ա ցեխը,
Գլխի տեղակ՝ գլուխն ա դառնում տրեխը:

— Այդ է՞լ քոնն է:

— Իմն է. ես ուրիշի գրածները չեմ ասում: Լսիր մնացածը... Առուն հասա՞նք... Դե լավ, շաղացի տակն ա կարմունջը, բայց նեղ ա, գու ա նցիր. հիմիկանց դենը ես մենակ էլ կարամ գնալ. սովոր եմ... Դու լսիր մնացածը.

Թե ուզենա մի խոսք ասել,
Կասես իշի ձեն ես լսել.
Վայ թե քեֆին ես կպել...
Բերնի ցեխը վրազ շուռ կտա:

— Այդ տողը շեղավ, բարեկամ,— ժպտացի ես:

— Հա, գիտեմ...— Արտիցը գալիս ուրիշն էի մտածում գտնել, բայց գու ուստ եկար... Վնաս չունի, գիշերս պառկելիս կգտնեմ... Հիմի լսիր վերջին կտորն էլ.

Հարբեցողը ո՛չ տուն ունի, ո՛չ ընտանիք.
Որտեղ գինի— ընտեղ նրան հարսանիք:
Մարտիրոսը ճիշտ է, գինի խմել էլ գիտե,
Բայց չի՛ կորցնում մարդկային իսկ արժանիք...

Հազիվ անցել էինք առվից և պտույտ էինք գործում ինչ-որ քարակուտերի առջևից, որ ո՛չ շատ հեռու լավող մի աղմուկ՝ կանգ առնել տվավ կույրին:

— Բո՛...— կանչեց նա վախեցած,— կոհիվ ա. կասես մեր տան կողմերումն ըլի, մեր տղերանց ձենն ա...

— Չեր տունն այդքան մո՞տ է:

— Հա՛. էս երևցողը եղբորս՝ Հաբեթինն ա, հետո մերը... Հլա մեկ շուտ-շուտ գնանք:

Մտատանջ ու վախեցած ծերունին թեև խփվում էր պատերին, գայթուռ էր հաճախ, բայց շտապով առաջ քայլեց:

Քիչ հետո կանգ էինք առնում մի երկհարկ շինություն առաջ, որի մտքից դեպի վտակն էր փոխվում ընդարձակ, ծառազարդ և սիրուն պարտեզների մի շարք: Հիրավի, ծերունին իրավունք ուներ, ասվի այս կողմերի հողերը շատ ավելի լավ ու բեղմնավոր էին երևում:

Այդպես էլ էր: Սարոյենց ցեղի բռնած կողմը, հրապարակից սկսած դեպի վեր՝ տարօրինակ կերպով տները զուրկ էին պարտեզներից, մինչ այս կողմը լիքն էր ծառաստաններով ու ջրերով:

Բայց երկար չկարողացա շուրջս գննելով զբաղվել, որովհետև կույրի տան առաջ տեղի էր ունենում մի այլանդակ տեսարան:

Խանութի հետևում խմող-արբեցողների խումբն էր ամբողջովին այնտեղ և դեռ մի նոր դեմք էլ ավելի: 10—15 հոգի, բոլորն էլ արբած, երբում, աղմկալից ձայնով խոսող, միմյանց շհասկացող—ժողովվել էին ինչ-որ գերանների կույտի առաջ և աղմկում, կանչվոտում էին:

Անտառապահը, վարժապետը, նոր դեմքը, որ, ինչպես տեղեկացա, Ջավադի եղբայր տանուտերն էր, խառնվել էին իրար: Անտառապահի դեմը կտրել էր վարժապետը և ճգնում էր համոզել նրան, իսկ Ջավադի եղբայրը կանչում էր.

— Ինչի՞, ախպե՛ր, փետ են գողացել, թող պրատակոլ շինվի... ո՞ւր եք ողջ գյուղը ձեր կրակովը էրում...

— Աստավ, Ալեքսե՛յ, նո՞ւ...— համոզում էր ուսուցիչը:

— Ինչո՞ւ գողացած,— գոռում էր մի երիտասարդ, որ կույրի որդին էր,— էս փետերը ես առե՛լ եմ, առե՛լ...

— Աստված գլխիդ քա՛ր գցի, Թորո՞ս,— ձայնում էր մի պառավ էլ հեռվից,— տո՛ւնդ գլխիդ ընկնի, բաս մինակ մե՞զ տեսաք...

Մյուս գյուղացիք շրջապատել էին, իսկ Ջավադը, շարամիտ քրքիշ բերնին, ընկերիս մի կողմն էր քաշել և ինչ-որ բան էր բացատրում տաբույժամբ:

Շրջակա տանիքներից, փողոցի անկյուններից, Գալույի պատշգամբի լուսամուտից՝ դուրս էին ցցվել գլուխներ. կին, մանուկ, տղամարդ՝ կիտվել էին ամեն կողմ:

Եվ ամբողջ այդ աղմկող խումբն այնքան հարբած էր, որ իրար վրա էր ընկնում, առանց միմյանց լսելու գոռոռում, վիճում:

— Սա՞ ինչ ա, տո՛...— առաջ քայլեց կույրը բարձրաձայն կանչելով,— Հակո՛բ, ա՛յ տղա, Արա՛մ, դա՞ ինչ ա, ի՞նչ ա եղել...

Ամուսնուն տեսնելով, ճշացող պառավը մոտ վազեց, բռնեց թևիցն ու ասաց.

— Ի՛նչ պիտի լինի, տնա՛շենի մարդ. հրե՛ն, Սարոյենք մատնել են, պահապանն էլ եկել՝ պրատակոլ ա գրում...

— Ո՞նց թե պրատակոլ, ինչի՞...

— Փետերի համար... էն նոր բերած տախտակացունների... ասում ա՛ գողացել եք, ծածուկ բերել, յա 10 մանեթ կտաք, յա թե չէ՛ փետերն էլ տանում եմ ու ձեզ էլ դատաստանի քաշ տալիս...

— Բո՞ւ... բա ըտենց բա՞ն կըլի,— արեց կույրը,— ինչի, մենակ մե՞րը տեսավ... Ծն էր օձ Թորոսի հորը... տո մեկ դենը կացեք տենա՞մ... Ո՞ւր ա արեշչիկը, վարժապե՞տն ուր ա...

Ասաց, հրեց իր դեմը կեցողներին ու քայլեց դեպի գերանների կողմը, որի տեղը նա լավ գիտեր և գուշակում էր, թե նրա շուրջը պիտի կենտրոնացած լինեին աղմկողները:

— Հա՛, հրես եկավ Մարտիրոսը ինքը,— նկատեց տանուտիրոջ օգնականը,— հլա մեկ արի, Մարտիրո՛ս, էս ո՞ւր ա քո սղեն մեշի՞ցը ծառեր գողացել բերել:

— Ադա, ի՞նչ ես հաշում,— ճշաց նրա վրա կույրը,— ո՞նց թե գողացել... մեկ գնանք քո տունը, տեսնենք դո՞ւ ես մեշեն (անտառը) դարտակել-բերել, թե՞ մենք... ո՞ւր ա արեշչիկը...

— Ըստեղ եմ,— հառաջացավ դեպի նա երերվելով անտառապահը,— դու... էս փետը պրատակոլ, տասը մանեթ...

— Ո՞նց, տասը մանեթ... տո՛ ես քեզ նման հարբանին տասը սիլլա (ապտակ) կտամ, որ քիչ խմես... ինչի՞, բիլե՞թ շունեմ, փետ բերելու ինձ իրավունք չկա՞...

— Ունես... էս փետը... գողացած ա. ե՛ս... ես կտրել էի Մարտինց համա... ը՛րմ... յանի ինձ համար...

— Տո ի՞նչ ես դուս տալի. լավ տեսե՞լ ես փետը, թե էս խլեզ քոխվին ես ականջ դնում. յա թե չէ փո՞ղդ ա պակասել ու մարդ չգտա՞ր գեզումը...

— Ադա բոռ, քո՞ն... — մեջ ընկավ տանուտերի օգնականը, մի լիրբ ծիծաղ դեմքին,— դու որ չես տեսնում գերանները, մենք չե՞նք տեսնում... էլ ո՞ւր ես ուշուցի (հայհոյանք) տանում բանը... էն ա ասա, որ գողացել-բերել եք, հանիր մի ոսկի կոխիր ձեռքը, փետն էլ յա տուր տանենք՝ պրծնի գնա էլի՞... ո՞ւր ես կրակը մեծացնում...

— Տո շոռ ու ցավ կտամ, կտա՞մ... որ տանեք...

Վարժապետը, որի աչքերը փոքրացել էին, բայց ճգնում էր զսպել իրեն և տեղնուտեղը կանգնած՝ օրորվում էր, շրթունքները պրկում, ձեռքի փայտն ամուր կոխում գետնին, ճակատը կնճռում և աշխատում էր խիստ կերպարանք ստանալ— փորձեց միջամտել:

Ծվ էր կույրը, տանուտերի օգնականն ու անտառապահը՝ գրեթե երես-երեսի մոտեցրած, ոտների վրա լարված, երեք աքաղաղների պես

էլում էին, նա ձեռքը 3—4 անգամ թափահարեց, գահավիժմամբ առաջ նետվեց, երկու թևերով լայն շարժում գործելով ետ մղեց շրջապատողներին, մտավ աքաղաղների մեջտեղ, ուժգին հրումով հեռացրեց նրանց միմյանցից ու գողեց.

— Ցավա՛շ... յավաշ ասում եմ է՛է՛... յավաշ ե՛ս էլ ասեմ... Դո՛ւ, Ալեքսեյ, պաշո՛ղ (կորիթ)... հեռու գնա... Ըտենց... Դու էլ, քոխվա, անխոք քեզ քաշիր ու յալլա՛, դենը... Ըտենց... Հիմի դո՛ւ, ամի՛, ինձ լսիր...

— Ինչի՞ «յալլա, դենը»,— ձայնեց՝ ոտների վրա ցցվելով, քոխվան,— յանի ուզում եք, որ ցեպս՝ կախե՞մ... յա... յա թե չէ... Ադա, ո՞ւր ա գալիր... Շան որդի Սահակ, էդ ո՞ւր ես կորել...

— Տո սուս է՛է՛... սուս մեկ,— կանչեց նրա վրա վարժապետն ու ոտները լայն-լայն դնելով՝ ճգնեց հավասարակշռություն ստանալ՝ լօրորվելու համար: Հետո կուրծքը ցցեց, գլխարկը պինդ կոխեց գլխին, գեմքը կնճռեց ու ասաց.

— Ո՞ւր ա Զավաղը... Հա՛, ըստե՞ղ ես... Լավ, ա՛յ ամի, խո տեսնո՞ւմ ես էդ շան որդի կաղին... խո տեսնո՞ւմ ես... Լավ նայիր... շե՛ս տեսնում. ի՞նչ ա, աչք շունե՞ս... Թյո՛ւ ես դրա... էս ամենը դրա բանն ա... էս խեղճ արեշչիկը սկի էլ չէր իմանում, որ ձեռ Արամը փետ ա բերել, գեղն էր եկել, որ Բախշիենց Մուրադի գողացած փետերը բռնի: Դե՛, Զավաղի բարեկամն ա ախր, խո գիտե՞ս... Հը՛մ, ինչ ա, որ նրանը մոռանա, սրան շուռ տվավ դե՛սը... Ամա, բայց որ...

— Հա՞... — միջահատեց նրան կատաղությամբ կույրը,— ո՞ւր ա էդ շան որդին, էդ, էդ...

Ու փայտը բարձրացրեց:

— Փիե՛, փիե՛... — կանչեց հեռվից Զավաղը վախեցած,— տո, էգպես շա՞ն կլինի... շե՛ս ամաշում, վա՛րժապետ...

Հետո մեկեն, վախը փոխելով հանդգնության, կամ ավելի ճիշտն ասած, վախն ավելի սաստկանալուց, մի քայլ առաջ նետվեց ու ահավոր ճիշով կանչեց.

— Տեսնո՞ւմ եք էս շան ցեղը... էս շան... այ ես ձեր... այ ես ձեր...

Ու միմյանց հետևից, կարճ փայտը ցցած, կաղ ոտքի վրա լարված, կոկորդը պատռելու շափ ճշալով՝ սկսեց նա այնպիսի հայհոյանքներ, կոկորդը կտտելու կտտի բառեր, որ լսողները խառնվեցին իրար, վարժապետը երկու ձեռքերով ականջները փակեց, անտառապահը ապշած՝ ետ քաշվեց, իսկ ընկերս բերանբաց մնաց:

1 Գյուղապետական նշանը, շղթան:

Շարունակելով կաղիկը ամենի վրա իշխող աղաղակներն ու հայ-հոյանքները, վախից գունատ, սոսկումով լի աչքերը, նա կամաց-կամաց ետ քաշվեց, ապա թքեց և սկսեց հեռանալ դեպի առուն: Այնտեղ, փոխանակ կամուրջից անցնելու, երկար կոշիկներով մտավ ուղղակի ջրի մեջ, այնտեղից էլ դարձավ, էլի ճշաց մի ըոպե, առվյ՛ մյուս կողմն էլ մի վայրկյան մեզ նայելով հայհոյեց և անհետացավ...

Մի ըոպե ամենքը լուռ էին, հետո հանկարծ մեկը քրքջաց, ապա ծիծաղ երևաց բոլոր դեմքերի վրա, իսկ կույրը, փայտը ցած թողնելով սասց.

— Ը՛մ, ես քո վախկոտ հոգուդ...

Այնուհետև մեկեն աղմուկն իջավ, մարդիկ սկսեցին ցրվել, մնացողները հանդարտ, համոզիչ կերպով շրջապատեցին անտառապահին, և չէր անցել հինգ ըոպե, որ տանուտերի օգնականն անհետացել էր, իսկ վարժապետն անտառապահի թևը մտած, կույրի առաջնորդութամբ, հետևներինցը մենք էլ, մտանք մի ընդարձակ սենյակ, ուր շուտով սփռոց փռվեց, և երևաց շիշերով օղին և գինին...

— Ըտենց, հա՛... — ձայնեց վարժապետը, — ա՛յ, հիմի լավ էլավ... Տո, ի՛նչ գողացած փայտ, ի՛նչ տանուտեր... ողջ գեղը, բոլոր գեղերը գողանում են... Դու գինի՛ ասա, գինի՛... խմենք, Ալեքսեյ, կը շոտու՛ պրատակուլ-մրատակուլ... ինչի՞, զու չե՞ս իմանում, որ մեկը հենց ինքը տանուտերը ողջ անտառը թալանում ա ու տարեկան ինչքան տախտակ ա ծախում... Ես, վազմի՛, պե՛յ (ա՛ն խմի)... Քո կենացը, Մարտիրոս ամի...

Եվ երբ սկսել էինք ուտել, կույրը, որ լուռ և գունատ, պատառներ էր շինում, երկար շխոսելուց հետո՝ մեկեն ինձ դարձավ և խուլ ձայնով ասաց.

— Մարդիկ կան, պարո՛ն եղբայր, որ ծնվելու օրիցը հենց՝ իրանց տեղումը չեն ծնում, ուրիշ տեղի վայել են, բայց բախտը նրանց ցելի մեջ ա բերել-քցել... Մարդիկ էլ կան, որ ծնած օրիցը շան կաթ ծծածի պես շուն են ըլում, բայց բախտը նրանց մարդկանց մեջ ա բերում-քցում... Ո՛ւր ես եկել մեր գեղը, ափսոս չե՞ս... Ա՛ն, ա՛ն մի-մի բաժակ էլ մենք խմենք, բալբի թե մի քիչ անասունի նման մենք էլ կարողանանք մտածել, թե չէ՛ մարդու պես ապրելը մեր բանը չի... ու տեղը չի... Ըտենց չի՞, վարժապե՛տ...

1 Սատանային թող գնա, թող գրողը տանի:

— Թո՛ղ, թո՛ղ, ամի՛. — խմեց վարժապետը տխուր, խիստ տխուր գեմքով, — խմե՛նք, խմենք, որ մոռանանք. թե չէ՛ մարդու պես չի՛ ապրվում, չէ՛...

1904

ՔՅՈՒՍԱ

1

Սարսափելի էր տեսնել տանուտեր Թորոսի բարկությունն այդ երեկո:

Չուխի ծայրերը գոտկի մեջ, կարտուզը պինդ կոխած գլխին, աչքերն արյունով լի, ձեռքին մի խոշոր մտրակ շառաչեցնելով, գզիրին էլ՝ այն խեղճ ու կրակ Սահակին, ետևը ձգած, հայհոյելով ու գոռոգոռով էր, որ հայտնվեց գյուղի հրապարակի վրա:

Եվ ձա՛յնը, ձա՛յնը... Նման պատռած մեծ թմբուկի ձայնի, խըպոտ, խմած օղիից դեմքն էլ կապտած, քունքերն ուռած գոռում էր, կանչում. իսկ բառերը միմյանց գլխի վրայից, իրար կոխտտելով ու անկապ՝ դոգս էին նետվում բերնից:

Օ՛հ, ինչպիսի՛ բառեր...

Գյուղում պիտի լինել կիրակի օրերը այն էլ այդ լեռնային գյուղերում, լսելու համար, թե որպիսի՛ հայհոյանքներ ու լպիրշ բառեր կարող են գոյություն ունենալ հայերեն լեզվի մեջ:

Հայր, մայր, գերեզման, պապեր, հավատք... ոչի՛նչ, ոչինչ չէ խնայվում: Ու բանաստեղծական պատկերացումնե՛ր, ինքնատիպ կազմությամբ հայհոյանքնե՛ր, որ մարդ ապշած է մնում գյուղական մտքի այդքա՛ն բեղուն ստեղծագործության, այնքա՛ն հնարագե՛տ, աղտեղի նրբասացության առաջ:

Անշուշտ, Թորոսը հարբած էր և լա՛վ հարբած: Հերթը իրենն էր երեկի այդ օրը և ո՛վ գիտե, ո՛րտեղ էր «լակել»: Սակայն իզուր խո չէր, որ կատաղել էր, մտրակն էր շառաչեցնում և կամ պատռած ձայնով գյուղը օտքի հանում, այն թշվառ գզիրին էլ ետևիցը քարշ էր տալիս-բերում:

Հրապարակի վրա էին գյուղացիները. եթե ո՛չ բոլորը, գրեթե մեծ մասը: Երեկոյան ժամերգությունից հետո կիրակի էր և անելու ոչինչ չկար, հավաքվել էին խոսելու, զվարճանալու, է՛հ, եթե հասարակության գործ էլ պատահեր՝ գոռոգոռու, վիճելու:

Կիրառական Գալուսի «մեղադրանքն առաջ և մուտք դրված նստարանի վրա այդ երեկո քաղաքական մարտիկ կային: Նախ «Նոտերան»: Ցամբած, երկտակ եղած դժգույն մի ծերունի, որ շնայելով տաքին, մուտակը վրան էր, ահագին փափախը մինչև ականջների արմատը խրած, տակից կապած սև թաշկինակի ծայրերն էլ նապաստակի ականջների նման դուրս հանած:

Կային նաև կարմրամազ Սմբատը՝ ձեռքերը միշտ գրպանում, Գալոն, որ ամեն խոսելիս գոռում էր ինչպես կաշաղակ, որդին՝ Արշակը, բստ սովորության լուռ, արհամարհուտ, կանգնած խանութի շեմքին: Այդտեղ էր և մշտապես ալյուրոտ Զաքեն, մրսողի դեմքով երեցփոխ Մուշեղը, երկարավիղ հյուան Գևոն, ծոծրակն ածիլած պայտար խելոն, մինչև իսկ զուռնաչի և որմնադիր վարպետ Համբոն:

Գրիշոյենց Մկրտի խանութի առաջ, ճամբարիտ է, ոչ ոք չէր երևում, բայց թե՛ ներսում և թե՛ ետևի սենյակում խմբեր կային օղու շիշերի առաջ:

Սարոյենց խանութի մոտ բազմությունն ավելի էր: Բացի այն, որ ամբողջ ծածկոցի տակ նստոտել կամ խումբ առ խումբ կիտված կային գյուղացիներ, այլև նստարանի վրա «տամա» էին խաղաղ մարտապահան ու ծերունի մանրապաճառ հրեա Սիմոնը՝ անբաժանելի սպիտակ շախան (կարծեմ, պիտի որ կտավից լիներ) հագին և ալյուրոտ, երգարավուն մեծ ակնոցն աչքին:

Խաղացողների մոտ էր երիտասարդությունը: «Տաճան» գրողունը էր. հրեան լավ խաղացող էր, երեկվանից ի վեր գյուղունն էր, և ողջ օրը գյուղի տղայք միմյանց էին հաջորդում խաղի նստարանի վրա:

Ու դիտող, միմյանց սեղմած այծմ, սրտատրոփ տեսնում էին, որ վարժապետն էլ հաղթվում էր վարպետ հրեայից:

Այստեղ էր նաև, շմոռաններ, գլուխը միշտ կախ ձգած կարմրաքիթ «պարոնը», վերարկուն, քաղաքացու նման ուսերին, կարմիր ատլաս արխալուղով, ոսկեջրած արծաթապատ գոտի, մինչև իսկ, այո՛, օսկյա մեծ մատանի, այն էլ փրորուզով... Քաղաքացի էր գրեթե մարդը. ի՞նչ անենք, որ այդտեղից էր աղջիկ առել, Սարոյենց փեսան էր, նրանց խանութի կիսարարը և կամ առանց կարմիր քիթ երբեք տեսնել չէր կարելի նրան:

Իսկ ի՞նչ էր անում Զավարը՝ հասարակ ու կաղիլիկ այդ ճշացողը՝ մեղքի վրա մեծ կարկառանով:

Թշվա՛ռ կաղիլիկ: Սկի քեֆը տեսք չէր այդ օր: Թաքայրն առաջադրու-

եց ի վեր կորավել էր՝ խանութն իր վրա թողնելով. ողջ օրն էլ «բոն, անտաշ» գյուղացիների հետ ճղճղացել-աղճկել էր՝ մի քանի արշին չիթ ծախելու համար. և ի դժբախտություն ամենի, հարբիլու, խմելու ո՛չ մի առիթ չէր ներկայացել:

Մարդը գինի էր խմում, իսկ այդ շաբաթ, թարսի նման, ո՛չ մի կաթիլ գինի չկար ո՛չ իրենց տանը, ո՛չ էլ խանութներում: Զոռ պետք էր առ «գիծ» օղիին:

Ու նստել էր նա «տամա» խաղացողների կողքին, մեջքը դեմ տվել պատին, կարճ փայտը ոտների մեջ, երազուն, հագիվ խառնվում էր խոտակցությունների: Ուշքն էլ—կատաղեցնողը հենց դա՛ էր—դեպի գետեղն էր, որտեղից նրա ականջին էին հասնում զուռնի և երգերի զվաթթ ձայներ...

Իսկ եղանակը, որքա՛ն լավ էր այդ օրերը. գետինը շոր, երկինքը պարզ, այգիները պճնված կանաչով, ծաղիկներով, դաշտերը ժպտուն... ամեն ինչ քեֆի հարմար. մարդու երգելը, պարելն ու վազվղիլն էր գալիս:

Բանն այն էր, որ շաբաթից ի վեր, օգտվելով լավ եղանակներից, հայտնվել էին ցածի գյուղերից 5—6 երիտասարդներ, այն անիծալ կիրակոսենց ազգականները, ու ամեն երեկո, նույնիսկ ցերեկը, զուռնաչի Համոյի աշակերտ Ղազարին հետներն առած, մարդ չի իմանում որտեղից բոլ գինի գտած, նախ մի լավ կոնծում էին գետեղրի կանաչների մեջ, հետո զուռնան առանցներն արած, թափորով, երգերով անցնում էին փողոցներից և մինչև կեսգիշեր թնդացնում գյուղը:

Եվ ահա ա՛յդ իսկ «շան որդիները», առանց Զավարի, առանց նրա մասնակցության, այդ օրը շա՛տ ավելի աղմկարար էին դարձել այնտեղ՝ Սուրբասենց այգիների տակը, գետեղրին նստած: Կույր Մարտիրոսենց Արամի գիլ ու բաղցր ձայնն էլ խո՛... կատաղությունից տրաքեցնում էր կաղիլիկին:

— Էդ ո՞րտեղ են քեֆ անում դրանք,— հարցրել էր նա գյուղացիներին:

— Գետի դրաղումը, Սուրբասենց բաղի տակը...

Չե՛մ, տա՛. բաս համբերիլու բա՛ն էր: Ինքն այնտեղ նստած, իսկ ուրիշները Սուրբասենց սիրուն հարսի առաջ բայաթիներ կլկլացնեն, և Զավարն իր ձայնը լսեցնելու առիթ չգտնի «հրեղեն» Մարանին:

Զկարծեք, թե Զավարը կին չունի: Ի՛նչու ու՛ր Մինչև իսկ երեք որդի, կինն էլ դաշտի գյուղերի մի լավ օջախից: Բայց, դե՛հ, Սուրբասենց հարսին ո՛վ տեսներ, որ ջանը կրակ լրեկներ. այն էլ Զավարի պես

բաղաճին սովոր, սիրուն «մաթուշկաների» հետ նստած-կանգնած, ճաշակը «զարգացրած» մարդը...

Սուքիասենց հարսն էլ, մեղա՛ աստծու, մի բանի անգամ արտը գնալիս ժպտել էր Զավադին, խոսքերին պատասխանել։ Մինչև իսկ, դռա՛ղ Զավադ, աչքով անելուն ժպիտովը քաշալերել։

Սակայն այդ օր բանը թարսվել էր։ «Շան տղերքը» առանց իրեն՝ քեֆը շաղացրել էին հենց ճիշտ սիրուն Մարանի տան պարտեզի տակը, և Զավադի փոխարեն Արամն էր ձենը գլուխը քցել։

Սատանեն ասում էր մեկ վե՛ր կաց, գնա նրանց մոտ, բոլորին դե՛նը տուր, զուռնեն քոքիր, ձենդ զլիր ու ողջ գյուղի հարսներին էլ տներից զուրս թափիր...

Հենց ա՛յդ մտածության մեջ՝ դողն ընկել էր ջանը. մի բույս ևս և գուցե ոտքի ելներ, որ հանկարծ եղբայրը՝ տանուտերի օգնական թորոսը, կատաղած ու գոռոռալով՝ հրապարակ էր նետվել գզիրի հետ։

Արդյոք ի՞նչ էր եղել, ի՞նչ կար։ Հարբելո՛ւց էր, թե՛ մեկը բոխվի քեֆին կպել էր։

Ամենքը թողին իրենց զբաղմունքը։ Խմբակները լուծվեցին, Խոլե՛րան ուղղվեց և ոտքի ելավ, Գալոն առաջ գնաց, հրեան այլանդակակնոցների վերևովը դարձավ նայեց, վարժապետը, կարմիր քարերը բռան մեջ՝ առաջ քայլեց, իսկ Զավադը երկու ոստյունով դեպի եղբայրը վազեց։

— Էդ ի՞նչ ա ըլել, բոխվա,— ճշաց Գալոն,— ի՞նչ ես գազազել։

— Տո ե՛ս նրանց հոր... տո ե՛ս նրանց պապերի օխտը ջինսը... բա ըտենց բա՛ն եք տեսել, խալխը...

— Ի՞նչ կա,— մոտեցավ Գալոն շարամիտ ժպիտով,— ո՞վ ա նե՛զացրել բոխվին, ա Սահակ...

Հետզհետե շրջապատեցին բոխվին, որ քայլեց դեպի Գալոնի պատըշգամբը և այնտեղ նստեց նստարանի վրա։

— Աղա՛ բաս... — շարունակեց նա մտրակը գետնին խփելով,— բաս ևս բոխվա չե՛մ... տո բաս դո՛ւք չեք ընտրել ինձ, բաս բոխվության ցեպը (շղթան) հրես ջրո՛ւմա չի... Ա՛յ ես նրանց...

— Հլա մեկ ասա՛, թորո՛ս,— հորդորեց Գալոն,— ըտենց ինչի՞ ես բարկացել... ի՞նչ ա ըլել... Տո ջհա՛ննամը, թե մի բան էլ պակասություն ես տեսել, ի՞նչ ես իզուր քեզ կտրատում...

Գյուղացիք խմբվեցին խանութի առաջ, և շրջանը սեղմվեց։ Զավադը դարձյալ ճարպիկ գտնվելով, հաջողվեց նստարանի ծայրը բռնել՝ թողնելով ոտքի վրա թե՛ Խոլեբային և թե մյուս ծերունիներին, իսկ

վարժապետը, կարմիր քարերը դեռ բռան մեջ կանգնած մնաց Գալոնի կողքին, շարունակ հայհոյող բոխվի առաջ։

— Դե ասա տեսնենք, թորո՛ս,— ճշաց Գալոն, էդ ի՞նչ ա ըլել, ո՞ր կրակ ես դարձել...

— Սաղը, հեգնություն, ամեն ինչ կար նրա ձայնի մեջ, աչքերն էլ թարթում էր ու ակնարկներ անում սրան-նրան, բայց բոխվեն և ոչ իսկ ուշադրություն դարձրեց։

— Տո՛ ի՞նչ անեմ,— ճշաց նա,— ասելու բա՛ն ա, որ ասեմ... ըսենց բան սկի իմ օրումը չէի տեսել ու լսել... Տո բաս էլ ինչացո՛ւ բոխվա եմ, որ իմ գզիրին քացով խփեն, փափախին բամբալեն, հլա մի ստաբան էլ կարմիր գինով դունչն ու մոռոթը լվանան... Հը՛, ա՛ խալխը, տեսվա՞ծ բան ա սա...

— Հա՛, հա՛,— արեց գզիրը խեղճ-խեղճ,— շա՛տ ասի, թե մի անեք, լավ չի... գի՛նին էլա, ասի, տվեք ես խմեմ, ամա չէլավ... Ա՛յ, ըսե՛նց սա՛ղ փափախս լվացին, շորերս գինոտեցին...

— Փիե՛... — կանչեց Զավադը,— բա գինին էլ կթափե՛ն... շան տղերքը ջրի տե՛ղ ես դրել...

— Աղա էդ ինչե՛ր եք ասում է՛է՛... — գոռաց բոխվեն,— ի՞նչ գի՛նի, ի՞նչ փստան... խոսքը գինի՞ն ա, թե՛ իմ հրամանը ոտնատակ տալը, գզիրիս թակելը...

Ապա հանկարծ դարձավ դեպի գզիրը և ձայնեց.

— Տո շա՛ն տղա, դու գզիր չե՛ս, հասարակությունը քեզ իշխանություն չի՞ տվել... ո՛ւր ես բաս էդ երկար շոմբաղը ձեռքիդ ման ածում, չէ՛ր կարալ նրանց կողքերը մի լավ շարդի...

— Դե էլավ ոչ, բոխվա, ի՞նչ անեմ... Շատ էին, համ էլ հա՛րբած...

— Տո հրես ես խմա՞ծ չեմ... կուզե՛ս, էս դամչին ընենց մեկ վրա բերեմ փափախիդ...

Վարժապետը, որ լուռ լսում էր, համբերությունից զուրս գալով, բռան քարերը դեռ շպրտեց ու ջղայնությամբ ասաց.

— Ի՞նչ ես ծամում, թորո՛ս, քեզ բան են հարցնում, ասա, ինչի՞ ևս ձենդ գլուխդ քցել։

Բոխվեն զգաց բարկությամբ ասված և հրամայական շեշտ կրող այդ խոսքերը և խեթ-խեթ ուսուցչին նայեց։

— Հը՛մ... — արեց նա,— ինչ ա ըլել... ինչի՞, բա դու խուլ խո չե՛ս. չես տեսում, որ էդ սալախանները (սրիկաներ) էս ա մեկ շաբաթ՝ սաղ

օրը, պիշերը, զուռնան առաջները բցած, քինին չքի պես խմելով, ոտը
ասելով՝ հոգիներս հանեցին...

— Յակի գա քե՞զ ինչ,— ավելի բարկացավ վարժապետը,— կա-
բա՞ս, դո՞ւ էլ արա, ո՞վ ա ձեռքդ բռնել... է՞դ էր, դրա՞ համար էիր փր-
փրբել... Տեսնո՞ւմ եք, ա խա՛լիսը, հիմիկանց դենն առանց բոխվի իրա-
վունքի քե՞ք անեն արգելված ա... վե՛ր, վեր կաց, գնա քե՛ի... շա՛շ...

Ասաց, արհամարհաբար թևերը շարժեց, ճղեց բազմությունը և գնաց
գարձյալ իր «տաման» շարունակելու:

2

Մութն սկսում էր կոխել այդ միջոցին: Երեք խանութներում էլ
ճրագները վառել էին, իսկ բազմությունն ավելանում էր հրապարակի
վրա: Երևում էին օտար գյուղացիներ էլ, որոնք հյուր էին այդտեղ:

Ավելի շատ, բնականաբար, Գալուչի «մազագիներ» առաջն էին գալիս
կիտվում: Որովհետև, չնայելով, որ վարժապետի կտրուկ վարմունքն ու
խիստ շեշտերով ծաղրը հանկարծակիի էր բերել քյոխվին, սակայն նա
բուն կատաղությունից մի րոպե կարկամած մնալուց հետո մեկն
ստանեց, նախ մի քայլ արավ դեպի վարժապետի կողմը, ապա դար-
ձավ, իրանը ետ ծռեց, ոտների վրա լարվեց, բռունցքով մի հարված
տվավ կարտուզին և ճչաց.

— Ո՞նց թե «շաշ»... ո՞նց թե «գնա քե՛ի»... բա ես մարդ չեմ, թե
պրատակով... ցեպս, ցեպս ո՞րդի ա...

— Հա՛-հա՛-հա՛...— բրբջաց Գալուն,— ա՛յ թե զլեցին քեզ հա՛,
բոխվա... Արի, արի նստիր... Տո դու ո՞ւր ես նեղանում, որ շահեկերը
քե՞քի են ու քեզ չեն կանչել...

— Ախր էդ չի է՛է՛, Գալո՞ւ ամի,— համարձակվեց միջամտել զգի-
րը, — էդ չի՛... Ո՞վ ա նրանց բան ասում...

— Ձենդ կտրի, լպստա՞ծ... քո ինչ բանն ա.— կանչեց բոխվին,—
թող հլա մի տեսնանք էն ո՞ր հարամզադեն էր ինձ «շաշ» ասողը... Վար-
ժապետ ես, ի՞նչ գահրտմար ես, հլա մեկ գետն արի...

— Դե՛ ձե՛նդ, ձե՛նդ...— կանչեց կանացի ձախժով, սյունի մոտ
կանգնած մի կարճահասակ ծերունի,— տեղդ վեր բնկի, քո բերնին չի
բնկել տերության վարժապետին...

— Էդ ո՞վ ա, էդ ո՞ր...

— Ես եմ... վարժապետի հեթն ա... տեսնում ես էս շո՞քազը... բան

տես՝ ասա... բաս որ դու շաշ չլինես, քո ի՞նչ բանն ա, թե մեր շա-
փները, մեր դռնադռները քե՞ք են անում զուռնա ածում, յա գինի խմում...

— Փի՛ե, փի՛ե...— ոտքի ելավ Զավադը,— սահայն կիրակոսենց
փեք ուզում եք վրա՞ տալ մեզ:

— Ա՛ խալիսը,— ձայնը բարձրացրեց վերջապես զգիրը,— մեկ թո-
գեք ե՛ս պատմեմ է՛է՛... ախր քե՞քի բան չի... գիշերվան դարտուլի հա-
մար ա՛, դարտուլի՛...

— Ո՞նց... դարտուլի՛... ի՞նչի... ի՞նչ կա...

Ամեն կողմից հարցեր տնդացին, ամենքը խանութներն իրար: Զա-
վադը վեճի բռնվեց Կիրակոսենց ցեղից Հաբետ աղի տղայի հետ և այն
էլ թունդ վեճի, որովհետև երկուսն էլ կողորդ պատուելու շափ գոռում
էին. Խոլերան փափախը երբեցնելով՝ ճգնում էր խոսք հասկացնել խանը-
վող և շքածը քանդող գյուղացիներին, այլուրտ Չաքեն, մարդ չէո
հասկանում, թե ինչո՞ւ էր աղաղակում՝ կարմրամազ Սմբատի ականցե
ի վեր. երկարավիզ Գեոն էլ, վիզն ածիլած պայտար Խեչոյի դեմքի մոտ
լարված՝ համառ կերպով ճշում էր ինչ-որ անհասկանալի բաներ...

Մի խոսքով, մի այնպիսի խառնուրդ աղաղակների, ձայնի զանա-
զան էլեկտրերի, որ շներն անգամ սկսեցին հաշել ամեն կողմից: Վար-
ժապետն ու հրեան միայն անդրդվելի, թեև դադարել էին խաղալուց,
բայց նստած մեռացին. այլև Երշակը, որ իր ո՛չ կանգնած դիրքը փոխեց,
ո՛չ էլ դեմքի անտարբեր հայացքը:

Եվ այդ տևեց երկար: Միմյանց չհասկանալը կարծես պայման
էր դրված, իսկ աղաղակելը՝ միակ խոսակցության և վեճի ձև: Սահայն
քիչ-քիչ ճշացողների թիվը նվազեց, և նրանց միջից դարձյալ դուրս
նետվեց բոխվի ձայնը, որ գոռում էր.

— Տո խեղդելո՞ւ եք... բաս դարտուլ չլինի՞, բաս գեղն առանց դա-
րտուլի՞ մնա...

— Ինչի՞,— նրա դեմը կտրեց մեկը,— բա ուրիշի շտեսա՞ր, որ
երկու անգամ իրար վրա նրան ես զրկում...

— Հա՛ տո...— կանչեց մի երկրորդը,— հարուստներին թողնում ա
ու աղքատների շա՛նին ընկնում...

— Դե ո՞նց անենք, բոխվին ի՞նչ անի,— պաշտպանեց բոխվին
Գեոն՝ շարախնդաց,— ոչ ոք չի գնում... համ էլ ի՞նչի՛ զուռնա ած
լուպոր...

— Պաի գնա, բա՞ս,— պնդում էր Զաքեն,— հերթն իրա՞ն ա ըն-
կել էլ ինչացո՞ւ ա բոխվին... հրամա՛յում ա, պի՛տի կուտարես...

— Ըստեղ մտիկ տո, ըստե՞զ, բոխվա,— ծեծվեց դեպի Թորոսը
պայտար Խեչոն և երկար վզով գլուխը քիչ մնաց կոխեր տանուտերի

բաց բերանը,— յանի քի՛շ ա պատահել, որ հենց ընտենց չեն գնացել...
յա թե չէ՞ գնացել էլ են, մթնելու պես փախել են ու տները մտել, հը՛...
— Դրո՛ւստ ա ասում տեղոն,— վրա բերեց Սմբատը,— էլ դրա հա-
մար ո՛ւր եք էսքան դալմադալ բցել... ուրիշը դրեք ու՛ պրծավ գնաց...
— Ո՞նց կրի,— գոռաց այն կողմից Ջավադը,— հերթը նրանն ա,
նա էլ պիտի գնա... կարա՞ զուռենն քյոքի ու գեղի հարսներին դուրս
թափի... շա՛ն տղերքը... սալախանանե՛ր... կատաղե՛լ են, գինին չոխ
պես են վեր ածում...
Այդ միջոցին գգիրը, որ մի կողմ քաշվել՝ երկար փայտը ձեռքին,
սրան-նրան էր հորդորում հանդարտելու հեռվից, հանկարծ ուստենց դե-
պի մի երիտասարդ, բունց նրա թևից ու ձայնեց.

— Հրե՛ս ա, քյոխվա, բունել եմ մեկին... հենց սա՛ էր, որ հյուլաթ
էր անում, թե Ղազարին չեն թողալ, թե հերթը նրանը չի... հենց
սա՛ ա...
— Հա՞...— թուավ դեպի նա քյոխվեն,— էս շան տղան... Հլա մեկ
դենը կացեք, տեսնենք էդ ո՛վ ա, որ քյոխվի հրամանին դեմ ա կանդ-
նում... Դու ո՛վ ես, ա՛ շան տղա...
Երիտասարդն օտարական էր։ Ապշած այդ հարձակումից, մի բո-
պե շվարած՝ լուռ մնաց, հետո ասաց գրգռված զայրույթով.

— Ի՞նչ ես ռեխդ ցրիվ տալիս. չի՞ րլի, որ քիչ քաղաքավարի խո-
սաս... Հա՛, հենց ես էի ասողը...
— Ինչի՞, սո՛ շա՛ն թուլա... Դու ո՛վ ես, ի՞նչ մարդ ես ըստեղ
տենա՞մ մեկ պասպորտդ...
— Քարկոզցի եմ. հետո՞...
— Տո բա դուք մեր գեղն եք եկել, որ լոթություն անեք... սո բա
ես մեռա՞ծ եմ ըստեղ, որ թողամ սաղ շաբաթ զուռենն առաջներդ
բցեք...
— Ասելիքդ ասա՛...— միջահատեց խստությամբ երիտասարդը։
— Չոռ ու ցա՛վ ասեմ, ի՛շի տղա...— ձայնը բարձրացրեց քյոխ-
վեն,— դու ի՞նչ ես, ի՞նչ հորս ցավն ես, որ համարձակվում ես գգիրիս
երեսին գինի շպրտել, փափախին դմփացնել...
— Չէ՛, քյոխվա,— միջամտեց գգիրը,— սա չէր թափողը... սա հենց
ընենց, խոսքո՛վ...
— Դու սո՛ւս, հարամզադա՛,— մտրակը բարձրացրեց նրա վրա
քյոխվեն,— երբ քյոխվեդ խոսում ա, դու ձենդ կտրի... Հը՞, աղա՛,—
դարձավ նա երիտասարդին,— ասա տեսնա՞նք, դու ո՛ւմ շունն ես, որ
սաղ շաբաթ դալմադալը բցել ես գեղը, հլա քյոխվի հրամանին էլ դեմ ես
գնում...
— Քյոխվա,— կանչեց այն կողմից մի երկարահասակ ծերունի,—
ա՛յ տղա, ըտենց բիաբուռ խոսքերո՞վ կխոսան զոնադի հետ... Ի՞նչի
քաղաքավարի, մարդավարի չես խոսում, ո՛րդի...
Քյոխվեն բարկացավ, բուռն շարժմամբ դարձավ դեպի ձայնի կող-
մը և կանչեց զայրագին.
— Տո ձե՞զ ինչ, դուք ի՞նչ գործ ունեք իմ դատաստանի մեջը...
Ղոնա՞դս որն ա... Ղոնադը եկել ա, որ մարդավա՛րի պահի իրան, թե՞
զուռենա՛ն առաջը բցած, գինու բութիլիկեն խտտած՝ գեղի բուլեքովը պտուտ
առ ու մեր ջահելներին էլ գծվացնի, իմ հրամաններին դեմ դնի, գղիթին
թակի... հը՞, ա՛ շան թուլա, խոսա տեսնա՞նք, դու ինչա՞ցու ես որ...
— Քյոխվա,— մեջ մտավ Գալոն,— յանի հերթը դրո՛ւստ Ղազա-
րինն ա, թե չէ հենց ընենց, ուզում ես ջահելների քեֆը խափանես՝ ըն-
տուր նրանց զուռնաշուն խլում ես... արի՛ դրուստ ասա, դու քո աստ-
վածը...
Գալոն հարուստ, հետևապես ազգեցիկ մարդ էր։ Թորոսը շատ էլ
ուզում էր մի լավ հայհոյի նրան, ուզում էր մի լավ «շլպուկ» նրա հա-
գին լուսաբանող այդ կաշաղակային ծերունուն, բայց մտածելով հետե-
վանքի մասին, կուտակվող կատաղությունը զսպեց և ասաց բարկու-
թյամբ.
— Տո բաս էլ ինչա՞ցու քյոխվա եք դուի ինձ, որ իմ ձեռքումս շլի
դարտուլ նշանակելը։
— Դրո՛ւստ ա, քո ձեռքումն ա,— առաքկեց Գալոն ժպիտը դեմ-
քին,— բայց հերթը Ղազարի՞նն ա, է։ Արի դրուստը խոսա, ախպե՛ր...
Ասենք բարկացել ես, որ էս ա մի շաբաթ քեֆ են անում ու սկի քեզ
մարդատեղ էլ ա չեն դնում—կանչեն մի ստաբան գինի խմացնեն...
իհարկե, դա լավ չի, ամոթ ա նրանց համար, բայց դե՛, ջահի՛լ են,
բախշի՛ր...
— Ինչե՛ր եք ասում, ինչե՛ր...— աղաղակեց քյոխվեն, կեղծ վիրա-
վորված ցույց տալով իրեն,— ես նրանց գինո՛ւն եմ հասրաթ. գինի որ
ուզենամ, չեմ կարալ ձի հեծացնել ու վլադիմիրովկից բերել տալ...
Ասում եմ՝ հերթը հենց նրանն ա որ կա, նրա՛նն ա...
— էդ բա ինչի՞ հենց ուժդ աղքատներին ա պատում,— մեջ մտավ
երիտասարդ հյուրը,— Ղազարն ասում էր, որ հերթն իրանը չի ու ձեք,
հենց Սարոյենց Մուրադինն ա...
Քյոխվեն այլևս զսպել չկարողացավ իրան և ամբողջ զայրույթը
դուրս թափեց հյուրի վրա, մանավանդ որ երևան էր հանվում իր կողմ-
նապահությունը։

Մի քայլ առաջ նետվեց և առանց այլևայլության մտրակը շառաչեց-
նելով՝ ուժգնությամբ իջեցրեց երիտասարդի մեջքին:

— Շան տղա, քե՞զ ա մնացել խոսա՛լը... ը՛հը՛ քեզ...

Իսկույն դրան հետևեցին աղաղակներ, հյուրը նետվեց դեպի քյո-
վեն՝ բռունցքները բարձրացրած, մարդիկ խառնվեցին իրար, ու մի քանի
բուռյե ճիչ, աղմուկ, շարժում, հայհոյանք խլացրին ամեն այլ ձայն:

Այս անգամ վարժապետն ու հրեան վազեցին դեպի խառնուրդը,
մինչև իսկ Արշակը թողեց խանութի շեմքը և մտավ կոմոդների մեջ:
Երիտասարդ քարկողցին սաստիկ կատաղած՝ ճգնում էր իրեն բռ-
նագններին և հորդորողներին ղեն հրել և հասնել քյոխվին: Իսկ սա, մե-
կեն կարծես սթափված՝ ետ էր քաշվել և թույլ էր տալիս, որ եղբայրն
ու այլ գյուղացիք նախ խլեին ձեռքից մտրակը, ապա հորդորանքով
ու համոզելով տանեին մինչև իրենց խանութը, որովհետև Կիրակոսնեց
ցեղի մարդիկ վրդովված՝ ձայները բարձրացնում էին:

Քարկողցին կույր Մարտիրոսի ազգականներից էր. հետևապես բո-
լոր ներկա եղող Կիրակոսյանները պաշտպանության ելան: Վարժապետի
հայրը իր կանացի ձայնով սկսեց ճշալ, Գալսն կաշաղակային աղմու-
կը մեծացրեց, Հաբեթ աղայի որդին ջանաց կտրել Ջավադի դեմը, իսկ
սա, թշվառ կաղիկը, լրջորեն վախեցած՝ գոռում էր ու հայհոյում ան-
խտիր, առանց հասցեի...

Մինչ այդ, Խոլերան դուրս սպրդեց և տուն գնաց. այլուրտ Ջաբն,
կարմրամազ Սմբատը և զուռնաչի Համոն միմյանց դեմ եկած՝ բարձ-
րաձայն գոռում էին, որ քյոխվան անիրավ էր, որ նա իրավունք չու-
ներ խփելու, իսկ մի երկարահասակ ծերունի՝ Ոսկանեցը Հարությունը,
իր խրոխտ ձայնով կանչում էր, թե այդպես էլ պետք էր և թե չպետք էր
թողնել, որ զանազան «լոթի-փոթիներ» գալին գյուղի մեջ աղմուկ հա-
նելու, հնազանդությունը վերացնելու օրինակը տալու...

Վարժապետն էլ խոսում էր, բայց նրա ձայնը չէր լսվում ժողովի
և աղմուկի մեջ: Հրեան լուռ էր, ըստ երևույթին սովոր աղապիտի տե-
աարտնների:

Արբած տանուտերին հաջողել էին վերջապես իր խանութի առաջ
հասցնել, ուր նա, նստարանի վրա ընկած, դեռ կտորվել չէր կամենում,
ջարունակում էր հայհոյել, պնդել, որ քիչ էր տված ծեծը և որ դեռ մտա-
գիր էր բուրբին էլ իր աղամուտ համը ցույց տալը...

— Շան թուլանե՛ր... — ասում էր նա, — մազամ անտե՛ր ա էս
գեղը, որ գե՛ւք գաք ու լոթության տաք ձեզ... մազամ ես մեռե՛լ եմ...
իչի լակոտե՛ն՛ք, բաե՛նց հա... հմի գնացեք ու տեսնանք ո՞նց եք քե՛զ
անում...

Քարկողցի ծեծ ուտողին իսկույն շրջապատեցին և գրեթե դուռով,
բաշեքաշ հանեցին հրապարակից, համոզելով լինե՛ր կամ աղաչանքով՝
անցկացրին աովից և հասցրին ու ներս ձգեցին կույր Մարտիրոսի տունը:

Այնտեղ էր նա հյուր: Սաստիկ զայրացած, չկարողանալով կատա-
ղությունը թափել մեկի վրա, անզոր՝ իրեն համոզողների և դեմը փա-
կողների հորդորներից, խոպոտության հասած ձայնով աղաղակում էր
անընգհատ...

— Աստված սիրողը բաց թողնի ինձ... թողեք գնամ ես նրա ջան-
քակը փռեմ մեկ... ինձ ծեծե՛լ... տո թողե՛ք է, ես կտրաքեմ հիմի... բա
քոք աստված չունե՛ք, բա ինձ սպանե՛լ եք ուզում... թողեք ասում եմ
է՛է'...

Ու ամեն ճիգ, ամեն ուժ գործ էր դնում իրեն բռնողներից ազատ-
վելու և ետ դառնալու դեպի հրապարակը: Կռանում, քար էր վերցնում,
սպառնում էր շան պես սատկացնել քյոխվին, աղաչում էր բաց թող-
նե՛ր... մինչև իսկ կատաղությունից արտասվել սկսեց... բայց նրան հոր-
զորող գյուղացիք շա՛տ լավ զգալով, թե ինչ պիտի լինե՛ր հետևանքը,
եթե արգելք չլինեին, ավելի ուժով հրեցին, հրմշտկեցին նրան, ներս
նկեցին և զուները փակեցին:

Լուրը հասել էր գետեզրում եղած նրա ընկերներին, և այժմ թե՛
զուռնաչին և թե՛ քեֆ անողները հուզված ու դաշրացած մի առ մի հառ-
նում էին ու ներս լցվում:

— Սարգիս, քեզ մատազ... — գրեթե գրկել՝ հանդարտեցնում էր
երիտասարդին կույրի կինը. — դա՛ղեղ առնեմ, հանդարտի՛ր, հլա մեկ
նստի, թո՛ղ... փո՛րձանք կհանես...

— Տո թողեք է՛է'... — կանչում էր անդադար Սարգիսը, — ի՛նչի, նա
ս՛ում շունն ա, որ ինձ խփի... թողեք գնամ փորը թափեմ. բա ես քարկող-
ցի ըզեմ, Շուշանեց կարապետի տղան ու գամ Դուզան ծե՛ծ ուտեմ Սա-
րոյնեց շան ձեռքիցը...

— Սարգի՛ս, ա՛ Սարգիս... — կանչեց իր թախտի վրայից կույր
Մարտիրոսը, որին շտապել էին պատմել եղածը, — հլա մեկ դե՛տե
տրի... ազա, մեկ ձեններդ կտրեք տենամ է՛է'... մեկ գեսը բերեք դրան...
Ք՛յ աղա, դու չէ՛ որ խելոք տղա էիր, ես ի՛նչ ա ըլել քեզ... հլա մեկ
բռնեղ արի՛ կողքիս նստի...

Բայց ո՞վ էր լսողը: Սարգիսը քանի գնում կատաղում էր. անձնա-
սիրությունը խորապես վիրավորված էր. ոչի՛նչ չէր լռեցնում նրան. գո-
ալուց ձայնը կտրվում էր, իրեն բռնողների ձեռքից ազատվելու ջանքը

հուսահատ կովի հասցրած դեմ էր շարտում տանտիկնոջ, հարսին, աղբիւն...

— Պտի սպանե՛մ, ո՛ւր ա դամես... ես քարկողցի ըլեմ ու մեկ բռտտ թորոսից ծե՛ծ ուտեմ...

— Սարգի՛ս,— ճգնում էր հանդարտեցնել նրան տանտիրոջ աղբիւնը, բռնած երիտասարդի ձեռքը,— Սարգի՛ս, քեզ մատաղ... բաս դու սկի մեզ շե՛ս սիրում... հանդարտի՛ր:

Ճշմարիտ է, այդ սիրալիր աղաչանքներն ազդում էին երիտասարդին, բայց ծեծ կերա՛ծ, խայտառակվա՛ծ և այն էլ անպատասխան թողա՛ծ...

— Տո գոնե մի հատ էլ ե՛ս խփեի, նա՛մարդներ...— կանչում էր նա,— բա ես պատի՛վ չունեմ... Ասա՛, Մարգարի՛տ, որ ասում ես թե հանդարտեմ, բա դու կմարսե՛ս, որ Սարգսին դամշիով ծեծեն շան նման ու նա սուս կենա...

— Ա՛յ տղա Սարգի՛ս...— ձայնում էր կույրը,— փիե՛... տո էդ ի՞նչ էլավ քեզ, խո չգովեցի՞ր... դետը բերեք դրան... տո գինի բերեք... ո՛ւր ա զուռնան, Ղազարին կանչեք ստեղ... աղջի, Մարգարի՛տ, գնա Արամին ձեն տուր ըստեղ...

— Հստեղ եմ, հայրի՛կ, Ղազարն էլ ա ըստեղ...

— Ա՛յ տղա, մի դուռնեն անք շուտ է՛է՛... փի՛ե, ի՞նչ եք թողնում խեղճ տղան ինքն իրան սպանի...

Նախագավթից, ուր կատարվում էր այդ ճնշող տեսարանը, վերջապես հաշողվեց ներս բերել երիտասարդին և կույրի նստած մեծ թախտի ծայրին նստեցնել: Եվ այդ հաշողվեց Մարգարիտին, որ վճռականորեն, իր ուժեղ բազուկներով գրկեց երիտասարդին, քաշեց ներս և երբ նրատեցրել էր, ձեռքն իր ձեռքի մեջն առավ ու շթողեց, որ շարժվեր:

Առյուծը մեղմանում էր, թեև կուրծքն էլնում-իջնում էր, կոկորդից խապտ մունչուններ էր արձակում և երբեմն ճգնում էր ձեռքը նույնիսկ Մարգարիտի ձեռքիցն ազատել և գնալ ջախջախելու «քոսոտ շանը»:

— Ա՛յ տղա,— խոսեց մեղմությամբ կույրը,— բա ըտենց բա՛ն կըլի. դու խո երեսա շե՛ս, ի՞նչ ես գովել ու կատաղել.. տո չհա՛նամք թե մի հարբած շուն կծել ա քեզ... դու նրա հախիցը գալն ի՛նձ թող. ես էգուց մեկ քոխով շինեմ նրան, որ էլ չմոտանա... Զուռնան ի՞նչի շեք փչում, տղե՛րք... Գինի բերեք, ո՛ւր եք քեֆներդ խարաբ անում... հե՛րն անիծեմ քյաշալ թորոսի, մի ընե՛նց քեֆը զլեցեք, որ սաղ Մարոյենց թաղը ժած գա... Աղջի Մարգարիտ, ո՛րտեղ ես...

— Հստի եմ, հայրի՛կ...

— Դե՛ ասա սեղանը քցեն, պանիր-բան բերեք ու ստե՛ղ հիմի քե՛ս ֆը սկսենք:

— Զէ՛, ամի՛,— խոսեց երիտասարդը հեալով,— չէ՛, ես մինչև նրան մի լավ լչարդեմ՝ չեմ հանգստանա... Հերս ի՞նչ կասի, թե լսեց, որ Սարոյենց թորոսը, էն քնձոտո թորոսն ինձ դամշիով ծեծեց, ու ես սկի մեկ մատովս էլա շկպա նրան...

— Տո սուս է՛ մեկ,— ասաց կույրը,— հորդ ես բանի էությունը կպատմեմ... ախր ո՞նց կըլեր, քոխով ա մարդը, մեկ էլ տեսար պրիստավ-զաղ... Հլա մեկ կաց լուսանա ու տենանք թե ինչի՞ ա խփել, ի՞նչ իրավունքով... Գու քու քեֆդ տես, ես էս ա մեկ կերթամ գուբանները ու կիմանամ, թե էն շունն էլ ընդի էլավ՝ հախիցը կգամ... Այ տղա, Արամ, Ղազարն ո՛ւր ա, ինչի՞ շեք զուռնան փչում... փչե՛ք, որդի, փշեք ու քեֆներդ շարունակեք...

Ղազարը՝ զուռնաչին, որ պատի սակ զուռնատ՝ կանգնած մնացել էր զուռնան ձեռքին, գլուխը թափահարեց ու ասաց.

— Զէ՛, դարսուլի են կանչել, պիտի գնամ, թե չէ քոխվեն հոգիս կհանի թակելով... առանց էն էլ հլա տենանք քանի՞ դամշի եմ ուտելու:

— Ո՞նց...— ոստենց տեղիցը Սարգիսը,— ես շա՛ն ծիծ կերած ըլեմ, թե քեզ թողամ գնաս... բա հերթը քո՞նն ա, տո՞, բա աշկարա չի՞, որ նա մեր քեֆը խառնելու համա՛ր ա քեզ դարսուլ կանչում...

— Սարգի՛ս,— սեղմեց ձեռքը և ստիպեց նստելու Մարգարիտը,— հանդարտվի՛ր, հերիք ա...

— Փիե՛...— ձայնեց կույրը,— էդ ո՞նց բան ա, հլա կացե՛ք... մեկ դե՛սն արի, Ղազա՛ր, ինչի՞, հերթը քո՞նը չի...

— Զէ՛, ամի՛, ես անցած շաբթու գնացի. հերթն էսօր Մարոյենց Մուրադինն ա, Սուրենինն ու Փիլոսինը... էլ չե՛մ իմանում, թե ինչի՞ ա քոխվեն ինձ նշանակել... կարելի ա Մուրադը գեղումը չի... ըտենց մեկ բան կըլի... գպիրին զրկեց, թե հալթա՛թ պիտի գաս... քոխով ա, ի՞նչ ասեի, ես ուզում ի գնալ, ամա տղերքը շթողին...

— Ադա էդ ի՞նչ եք ասում,— ճշաց կույրը,— վա՛յ ես նրանց հոր... ըտենց էլ անիրավություն կըլի... անպտճառ նախանձում ա ու կամենում ա ձեր քեֆը խարաբ անի... Զգնաս, ու համ էլ զուռնեդ քոքի՛ր շուտ, մեկ լա՛վ քեֆ արեք, ես դրանց անիրավ հոգին... ինչի՞, ալան-թալա՞ն ա, մենակ քյասիբներին ա տեսել... զուռնեդ քոքի՛ր, ջուղաբը ես կտամ...

Ղազարը պահ մի շվարած մնաց, հետո վճռականորեն գլուխը ցրեցեց, զուռնեն բերնին տարավ ու ասաց.

— Զհաննա՛մը, ինչ ուզում ա, թող ըլի...

Ժպտաց, և հիրավի զուռնեն այնպե՛ս զլեց, որ իսկույն տունը դարձաց, ամեն դեմքի վրա ժպիտ հրեաց, և ձայնը մինչև հրապարակ հասավ:

Իսկույն գինին էլ եկավ մեջտեղ, աշխուժութիւնը տիրեց ամենքին, հարսները սեղան շինեցին, Կիրակոսենց շահելները մի առ մի ներս լրջ-վեցին, և քիչ հետո խումբն ամբողջ վերակազմված՝ սկսեց մի աշխուժ պար սենյակում, մինչ դրսումը, տանիքների, քարակույտերի և գերան-ների վրա հավաքվում էին մոտակա բոլոր տներից կանաչք և մանուկ-ներ՝ հանդիսատես լինելու զվարճութիւն:

Հինգ բոլորից հետո, չգիտեմ որի նախածնունդով, մի սեղան գուրս բերվեց դռան առաջ, ապա մի լապտեր վառվեց բաղաբացիների պատշգամբում, և հուսկ ուրեմն, հանդիսատեսները մոտեցան մի մեծ շքան կազմելու, որի կենտրոնը մտան միմյանց ձեռքերից բռնած երի-տասարդները և սկսեցին շուրջապար:

Լապտերի լույսն աղոտ լուսավորում էր այդ բոլորը: Պարոզները տատոսում էին, գլուղի աղչիկները մոտ էին գալիս, հետո, բաղաբացի էլ աթոռներ իջեցնելով՝ նստան, ավելացավ և մի թմբկահար, բազմու-թյունը շատացավ, գլուղի հրապարակը սկսեց այստեղ դատարկվել և գիշերվա խոր լուսթյան մեջ երաժշտութիւնն ու զվարթ կանչերի ձայնը սփռվում էր գլուղի մինչև ամենավերջին ծայրը:

Իսկ Զավաղը, որ մնացել էր խանութի առաջ, ավելի կատաղած կարտուղը պինդ կոփեց գլխին ու մոմոաց:

— Շա՛ն տղերքը... Մարանի սան կողքին են սարքել հիմի քեֆը... Եվ հիրավի, Սուբխասենց տունը հեռու չէր. թարսի պես էլ հենց ին-քը «հրեղեն» Մարանը, կտուրից կտուր անցնելով՝ մի բանի հարսնեթ հիտ եկել էր միանալու հանդիսատեսներին և քիչ հետո էլ՝ պարողներին...

2

Վարժապետը և ո՛չ իսկ շարժում գործեց, երբ քյոխվային հրելով հրժուտելով՝ ստիպեցին նստել նրա բռնած նստարանի վրա, ճիշտ կող-քին:

Ո՛չ միայն շխտեց, այլև ճգնեց օտոր կերպարանք օտանալու և պապիրոսը բծրեին՝ մեջքը դեմ տվա՞վ պատին ու անշարժ մնաց: Զգաց, որ քյոխվեն ի՛ր հետն էր սկսելու այժմ, բայց զսպեց իրեն և սպասեց տեսնելու, թե ի՞նչ կընեն:

Գալոյի խանութի առջևից գլուղացիք անցան քյոխվի առաջը շքան կազմելու Հրեան անհետացել էր. Զավաղը բռնեց նրա տեղը, և վար-

ժողկառը, արձանի նման անշարժ, գունվեց երկու եզրայրների մեջ-տեղը:

Քյոխվան նախ մի քանի բոլոր շարունակեց էլի՛ մտրակվողի և դուրը եկած «սալախանաների» հասցեին աղոտոտ հայհոյանքներ ուղ-ղել, հետո հետզհետե ձայնն իջեցրեց, լսելով հորդորները՝ հանդարտվեց և նոր միայն նկատեց, որ նստել էր վարժապետի կողքին:

Գարձավ և մի բոլոր նրան նայեց լուռ: Վարժապետը սառնադեմ, անշարժ, ծուխի մի սյունակ միայն դուրս թողեց բերնից դեպի նա: Քյոխ-վեն կատաղեց, շուտ եկավ և գրգռված ձայնով ասաց.

— Հիմի գանք քեզ, վարժապե՛տ... էդ յանի ինչի՞՞ դու մեջ ընկար, ինձ էլ ուշունցի կապեցիր. էլ «շա՛շ», էլ «գնա քեի»... Ըն՞, ես քեզ ի՞նչ էի արել...

— Ոչինչ, — ասաց ուսուցիչը և ծուխի մի ուրիշ քուլա էլ արձակեց գեպի նա:

— Փիե՛... — բացականչեց քյոխվան, — ծուխի ճանապարհ չկա, որ երեսիս ես շարտում...

— Արեւոյ որ շնտեցնես՝ նա դենը կերթա:

— Հազրո գու գլուխդ շուտ տա՛ս...

— Հսենց էլ լավ ա. թե ուզում ես ծուխը դրա քեզ չգա՛ քիչ պենը նստի:

— Թարսվել ես, խաշը... քեֆդ տեղը չի...

— Յա՛տ քո քեֆը լա՛վ տեղն ա:

— Չի՛ խմել էսօր, ընդո՛ւր ըտենց ա վարժապետը, — նկատեց ծաղ-րորեն Զավաղը:

— Ես ամեն վախտ լսեմ չգիտեմ, — ջանաց զսպել իրան վարժա-պետը և շարունակեց անընդհատ ծուխ ժայթքել բերնիցը, — ըլի՛ կխմեմ, չլավ՝ գեղը ոտքի չե՛մ հանի, թե ի՞նչ ա՛ խմելու զագ շունեմ...

— Ընչի՞, — տաքացավ քյոխվեն, — ես խմելու՞ համար էր, որ բար-կացել էի:

— Հա՛, խմելու համար: Քեզ չէին կանչել՝ ընդուր էլ դալմաղալը բջի էիր, հլա դամչի էլ շարժեցիր... Տենանք էգուց ի՞նչ պատասխան կառ ժեծվողին:

Քյոխվեն բորբոքվեց:

— Տո շա՛տ լավ եմ արել, — բացականչեց նա, — հլա կն քիչ էր. հրեա գնալու եմ դիփոռնանց կաշին պլոկեմ դամչա՞մ, գեղիցը դուրս բռն... Քո բերնին չի՛ ընկել ինձ շթողալը...

— Կթողամ, ինչի՛ չէ... Գնա՛, որ մի լա՛վ դնքոնք քեզ ընտեղ ա նամուր քցեն:

— Ի՞նձ, ի՞նձ դնքսեն... տենանք էն ո՞ր շունը կհամարձակվի... հրեն գնում եմ. ո՞ւր ա դամչիս...

Ու ոտքի ելավ:

— Դե լավ, թորո՞ւս,— համոզեց նրան մի գլուղացի,— դու էլ, վարժապետ, ո՞ւր ես թաղադան գլում դրան:

— Փիե՛,— շարունակեց քյոխվան, ըստո՞ւր մտիկ տվեք է՛է՛... ասում ա՛ կղմփեն... Տո էն ո՞ր շունն ա, որ ջուռոսթ կանի... Դո՛ւ, բո չի՛նսը...

— Ջնսիս հանգիստ թող,— ասաց վարժապետը,— ձեռքերդ կվառվեն...

— Ձեռքերս վառողը տե՛ս,— գոռաց տանուտերը, դեն կացիք տե՛նա՛նք, ա՛ խալխը... սա՞ ինչ ա ուզում ինձնից... Դու հլա մեկ տես քե՛զ օնց եմ քաշ տալիս պրիւտավի մոտ, որ ինձ ուշունց տվիր...

— Ադա՛,— կանչեց վարժապետը ծիծաղող,— բերնիցդ մինչև ականջներդ քանի՞ գլազ ա... բաս դու բո ուշունցները սկի չլսեցիր...

— Ես քյոխվա եմ, դո՞ւ ինչ ես...

Այստեղ այլևս չկարողացավ զսպել իրեն վարժապետը, շարժվեց, մեկն՛ն պապիրոսը նետեց, ոստնեց նստարանից ցած, դարձավ, գլուխը մոտեցրեց քյոխվին ու գոչեց նրա երեսն ի՛ վեր.

— Ա՛ շան տղա, յանի շա՛տ ես խոսալու, յանի հլա շա՛տ ես գեղի գլխին օջիններ սարքելու...

Հետո, չթողնելով քյոխվին խոսելու, դարձավ գլուղացիներին և աղաչակեց.

— Ըստեղ մտիկ տվեք, ա՛ խալխը. էս շաշը կարծում ա՛ թե ինքը որ քյոխվա էլավ՝ իրավունք ունի բերանը ցրիվ տալու, ում ասես՝ դամչի ուտացնելու. մենք էլ է՛ն ա, պտի մեջքներս դեմ տանք անսա՛ս, բերաններս փակենք, հլա մեկ ձեռն էլ պաչենք... Ո՞նց չէ... Տո ախմա՛խ, որ էգուց էդ քարկոզցին գնա պրիստավին դանգաւովի՛ թե դու անիրավ տեղը ծեծել ես իրան ու ես էլ վկա դառնամ, ի՞նչ ջուղաբ կտաս. կասես քյոխվա ես, ընդո՞ւր ծեծեցիր... Հլա կոց մեկ... Համ էլ դու ընչացո՞ւ ես, քյոխվին եղած տեղը դու ո՞վ ես, որ կրակում ես գեղը... Ա՛ խալխը, ինչի՞ չենք էս շան տղի ձեռիցը ցիպը առնում ու խսկական քյոխվի ձեռքը տալիս, որ սա ըսենց լրբանա՞, մարդ թակի՞...

Այնքա՛ն արագ, այնքա՛ն միմյանց վրա և հետզհետե ձայնը բարձրացնելով այս բոլորն ասաց վարժապետը, որ քյոխվին կատաղութլուհից դողում. շա՛տ էլ ուզում էր պատասխանել, բայց միմիայն կակազեց, խռպոտ մոնչլուններ արձակեց և միջոց չգտավ առարկելու:

Վարժապետն էլ խո՞... Գիտեր որ, ինչպես պետական պաշտոնյա-

ք (պետական դպրոցի ուսուցիչ էր ախր), քյոխվին իր վրա ձեռքը բարձրացնել չէր կարող: Այդ էր պատճառը հենց, որ նա ավելի քայլում էր դեպի ետ-ետ գնացող տանուտերը և խոսքերով կարկտահարում նրան: Գալուն, որդին, մյուս գլուղացիք դարձյա՛լ խոնվեցին. Զավապը շտապեց քաշվել դեպի խանութի դուռը:

— Տո՛... փիե՛... տո՛... — կմկմում էր քյոխվին,— տո հլա կաց մեկ է՛է՛... ո՞նց թե քյոխվա չեմ... ո՞նց թե՛ ես ո՞վ եմ... ո՞նց թե՛ շան տղա... ցեպս առնեն ձեռքիցս...

— Հա՛ հենց,— ավելի բարձր գոռաց վարժապետը,— դու պամոչնիկ ես, դու քյոխվա չե՛ս. քյոխվին հրեն կարապետն ա. նա չի ետ կացել, դու ժամանակավո՞ր ես... Մենք քեզ էլ չենք ուզում, հերի՛ք ա, ցեպը ետ տուր ու ու՛ր ելի գլխներիցս...

— Ո՞նց, ո՞նց, տո... դու ո՞վ ես, պրի՞ստավ ես... փիե՛... ադա Սհա՛կ, Զավա՛դ, մեկ ձիս թամբեք գնամ պրիստավին՝ տենանք սա ո՞նց ա ինձ պաշտոնիցս դուրս քցում, յա ո՞վ ա, որ ինձ ուշունցակոխ ա տնում ըսենց...

— Ղորթ,— կանչեց Զավադը դռան մոտից,— դու ինչացո՞ւ ես, վարժապե՛տ, որ մեջտեղ ես ընկել:

— Ձե՛նդ, հարա՛մզադա... — կանչեց նրա վրա վարժապետը՝ ավելի և ավելի բարձրացնելով ձայնը,— ո՞նց եք՝ էս սհաթիս մի թուղթ գրեմ պրիստավին, որ քյոխվին սաղ օրը հարբում ա ու դամչին առած՝ սրան-նրան ծեծում, ղալմաղալը քցում, էլ դոնա՛ղ ասես, էլ վարժապետ ասես...

Քյոխվին, հիրավի, սկսեց վախ զգալ այդ սպառնալիքից: Նա լավ գիտեր, որ վարժապետը գրել կարող էր, և որ պրիստավն, առհասարակ բարեկամ լինելով ուսուցչի հետ, կարող էր հավատալ, քննութլուն բանալ, իրեն պատասխանատվութլան տակ ձգել...

Սակայն դարձյա՛լ զայրույթը շատանում էր, զգալով, որ հարկավոր էր հաղթել, ճգմել գլուղի այդ ըմբոստին և չթողնել, որ գործը մեծանա:

— Վարժապե՛տ,— մեջ մտավ մի ծերունի,— դե հերի՛ք ա, ձեռք քաշի... ղալա՛թ արավ, էլ ինչի՞՝ ես կատաղեցնում, քեզ խո չիպնե՞ց մարդը...

— Կարա՞ որ... Նա ի՞նչ իրավունք ունի ծեծելու անմեղ մարդկանց, հարբի ու գեղը ոտքի հանի, սրան-նրան ուշունց տա...

— Փիե՛... — կատաղութլունից իրեն կտրատում էր քյոխվին,— տո տրաքեցի է՛է՛... տո ձիս տվեք է՛է՛... բա ես էս բեղերս կթրա-

չեմ, վարժապետ, թե հենց հմի չգնամ պրիստավի մոտ ու դազախ, իս-
սավուլ չղրկեմ հետևիցդ...

Ասաց, բազմութունը ճգեց ու երբ մի քանի քայլ գնացել էր, դար-
ձավ ու շարունակեց.

— Ըսենց բա՞ն եք տեսել... Ասում ա՛լ քոխվա շես, ինձ «ախմախ»
ա ասում... վկա՛ ըլեք, ա՛ խախը... Ի՞նչ ա, ինձ ուտե՛լ եք ուղում սող
չնստով, բա ըստեղ իշխանութուն չկա... Զիս բե՛ր. Զավա՛դ, Սահա՛կ,
շա՛ն տղերք...

— Քյոխվա՛, քյոխվա՛...— հորդորում էին մի քանի գյուղացիք,—
հերիք ա՛...

— Զէ՛, է՛ս սհաթիս գնում եմ... Ես զրանց ցույց կտամ քյոխվին
անպատվելը, քյոխվի կարգադրությունների մեջ խառնվելը...

Ու մեծ քայլերով, սպառնալից, գնաց դեպի վեր: Վարժապետը թո-
ղեց նրան գոռոռալու, իսկ ինքը դարձավ գյուղացոց: Սկսվեց ժխորային
աղմուկ, վեճ: Հարց ծագեց, թե որքա՞ն իրավունք ունեն տանուտերի օգ-
նակա՞նը հրապարակորեն մտրակելու անմեղներին: Ուսուցիչը պնդում էր,
որ նա շատ էր երես առել, որ նրան հարկավոր էր պաշտոնից դուրս
ձգել, հաշիվները պահանջել, և որ այդ հաշիվները, ինքը ստույգ տե-
ղից գիտեր, մաքուր չէին: Նրա ցեղակիցները՝ կիրակոսներ միացան
նրան, Սարոյենց կողմի մաթդիկ հակառակություն ելան...

Սուր կերպարանք ստացած վիճաբանությունը, որ տարվում էր
ժխորային աղաղակներով, մեծացավ, գրավեց ամենքին, սակայն վերջի-
վերջո կազմվեց մեծամասնություն և վճռվեց, որ հարկավոր է իսկա-
կան տանուտերին խնդրել պաշտոնը ստանձնելու և թորոսին «ռադ
անելու»:

Եվ երբ մթնել էր, խանութները սկսում էին կողպել, վարժապետին
հաջողվել էր շատ կուսակիցներ շահել, որոնք որոշեցին մյուս օրն ևեթ
կարապետին ստիպել կամ հանձն առնելու քյոխվությունը, և կամ գնալ
նոր քյոխվի ընտրություն պահանջելու իշխանությունից:

Այս բոլորից հետո երիտասարդները վարժապետի հետ գնացին
կույր Սարտիրոսի բակը, ուր դեռ զուտնան փշվում էր, և շրջապատը
երկտես զարձած՝ մեծացել էր:

Մյուս օրը, հիրավի, մի եսաուլ մտավ գյուղը, հրաման բերավ պրիս-
տավից գյուղաքաղաք ուղարկելու վարժապետին և կարմրամազ Սըմ-
բատին: Պարզ էր. թորոսն անշուշտ գիշերով գնացել էր վարժապետին
իբր խոզվարար, մինչև իսկ իբր ֆիզան՝ ամբաստանելու:

1 Հեղափոխական, անձնագրո՛ւ:

Համենայն դեպս, կարմրամազ Սմբատը շատ վախեցավ: Ոչ որ
վարողացավ ենթադրություն անել, թե նա՞ ինչ գործ ունենր այդ խընդ-
րում և թե նրա՞ն ինչու պրիստավը կանչել էր:

Մյուս օրն առավոտյան մի կառք լծեցին, Գալոյի որդի Արշակն էլ,
որ ապրանք ունենր առնելու, ելավ իբր կառավար, և երեքն էլ գյուղաքա-
ղաք գնացին:

Գյուղացիք այդ ամբողջ օրը մինչև երեկո հուզված էին և տենդային
անհամբերությամբ սպասում էին գնացողների վերադարձին:

Նրեկոյան դեմ հանկարծ գյուղի վերևից լավեցին երգերի և զվարթ
կանչերի ձայներ, հետո մի կառք դղրդյունով իջավ և հրապարակ մտավ:
Ի՞նչ մուտք: Բոլորը հարբել էին: Բոլորն եմ ասում, որովհետև գյու-
ղաքաղաքում որքան դուզանցիներ կային, նախ մի գինետուն մտել,
լավ կոնծել էին, լցվել կառքը, ճանապարհին կանչվրոտել և այժմ ահա
ահագին աղմուկներով գյուղ էին մտնում:

Պետք էր ենթադրել, որ հաղթական էր նրանց մուտքը: Հիրավի,
ամենից առաջ վար ցատկողներն էին Սմբատն ու վարժապետը: Սա
այնքա՛ն լավ կոնծել էր, որ հազիվ կարողացավ հավասարակշռությունը
պահպանելով՝ հասնել Գալոյի խանութի առաջ և ընկնել նստարանի
վրա:

— Կը շորտու...— գոչում էր նա,— պրծա՛վ... Թորոսի բանը պըր-
ծավ... պա՛շու վոն, մերզավեց...՝ պրիստավն ասաց, հլա քիչ մնաց,
որ մի լա՛վ դնքսեր...

Սպասող գյուղացիք խոնվեցին շուրջը:

— Հը՛մ...— դեմքը կնճռեց Զավադը:

— Հը՞...— հարցրին վարժապետին գյուղացիք,— պատմի՛ր, ո՞նց
էլավ... ինչի՞ էր կանչել...

— Ֆիզա՞ն... ո՞նց, տո՛...— թոթովեց վարժապետը,— մեզ ֆիզան
էր ասել... ըտե՛նց հա... Թորոսը պրծա՛վ. պրիստավը նրան «պաշո՛ւ
վոն» արեց...

— Հլա, մեկ պատմիր,— ստիպեց նրան Գալոն:

— Քյոխվությունից բցեց...— շարունակեց վարժապետը,— հրա-
մայեց ցեպը տիրոջը տալ, կարապետին... ըտենց հա՛...

— Տո դրո՛ւստ...— կանչեցին գյուղացիք,— բաս քյոխվությունից
ընկա՛վ թորոսը... ա՛յ արել ա հա՛...

— Ընկա՛վ, ընկա՛վ,— ժպտաց վարժապետը,— Գինին դես բերե՛ք,
ողերք... Պրիստավը՝ թե «Դո՛ւ, վարժապետ, խոզվություն ես բցում»...

1 Կորիբ դուրս, անպիտան:

«Ո՛չ, ձերդ ազնվութիւն, ասում եմ, սո՛ւտ ա, Թորոսն էր հարբել ու հասնողին ծեծում էր»... Քրիստոսն թե՛ «Սո՛ւտ ա, ես հարբած չեմ»:

«Ձերդ ազնվութիւն,— ասում եմ,— հրեա հենց հիմի էլ հարբած ա եկել ձեզ մոտ»... Պրիստավը աչքերը ոլորեց, մոտ գնաց բոխվին: արաղի հոտը որ շառաւ՛վ... «Պա՛շու վն, մե՛րգավեց» արավ ու հրամայեց, որ ցեպը Կարապետին տա... Դուրս եկանք, Խղոյի դուքանումը մի լավ բեֆ էլ արինք ու... տո գինին դեսը բերեք է՛է՛...

1904

ՍՏԱՐԾԻՆԱ՛

1

Ընդոտ վեր թռա:

Ա՛խ, այդ կաշաղակ տանտերս: Դարձյա՛լ նա էր: Ամեն առավոտ այդպէս զարթնեցնում էր ինձ, հանգի՛ստ չէր տալիս: Ծնում էր թոքերի ամբողջ ուժով, գոռում էր ծառայի, գոռում հարսի, գոռում նո՛ւյնիսկ անցորդների վրա:

Անշուշտ, ժամը հինգն էր:

— Ադա Մուկո՛ւշ, թաղե՛մ գլուխդ, էդ ո՛ւր ես բաղչի դուը բաց թողել. էժերը պատրուսնին կերան է՛է՛... փի՛ն, տո դո՛ւս քշի, հարած կերած... էդ ո՛ւր ես առտեհան՝ բողկերը դուս տալի, Վարդան. գնա՛ կորի տուն, հլա մեկ շայդ խմի... Հա՛րսի, Սաթենի՛կ, եկեք էս լակոտին տարեք է՛է՛...

Եվ այսպէս, աչքիցը ո՛չ ոքի չէր վրիպեցնում: Մե՛կ իր թոռան, որ մտել էր անշուշտ պարտեզ և բողկ էր խժոռւմ. մե՛կ իր ծառային, մե՛կ հարսին. նո՛ւյնիսկ բակի շների վրա էլ ճշում էր, հավերի վրա զայրանում:

Հազա՛ր ասա դու. սովորութիւն էր. առանց դրան չէր կարող: Ո՛չ առանց գոռոտալու, ո՛չ էլ առանց առավոտ շուտով իր բաժին երեք «բլումկա» արաղը կոնծելու:

Անկողիս մեջ շուռումուռ գալով՝ ստիպված էի լսել այդ բոլորը և դիմանալ:

Արդյոք ի՞նչպիսի եղանակ էր դրսում: Նո՛ւյնը՝ մի շաբաթից ի վեր

տերեզհատ մաղող անձրե, թացութիւն, մշո՛ւշ... երկինքն էլ կապա՛ր, նշո՛ղ...

— Վա՛յ ես քո հաց տվողին, Մուկո՛ւշ, կանգնել ես էշի պես, որ ի՛նչ... կորի ձիանոնքը տար ջրի... էն խոտն էլ շուռումուռ տուր, բալթի արևը շորացնի...:

Արե՛, իրա՛վ էր այդ:

Երկու բոպեի մեջ վեր թռա, լուսամուտների փեղկերը բացի, հետո հաքովեցի և դուրս նետովեցի սենյակից:

Դժվա՛ր էր պատահում պայծառ արևով ողողված օր, անամպ երկինք տեսնել Դուզանում: Բայց հագիվ պատշգամբ ելա, որ սքանչաջ-ման աղաղակ դուրս թռավ բերնիցս:

Արե էր. զվարթ, ժպտուն արև, որ ջերմ ճառագայթներով ողողել էր ամեն ինչ:

Պարտեզ, դաշտ ու անտառ փողփողում էին. ո՛չ մի ամպի կտոր. մշուշն իսկ, որ անբաժան ճնշում էր միշտ դիմացի մայրի անտառը, այժմ գլորվում, մազլցում էր դեպի կատարներն ու այնտեղից հալվում-անհետանում:

Որբա՛ն շքեղ էր: Դիմացո՛ւ պարտեզների շարքը, ապա՛ գետակն ու դեպի վեր պարզվող ծաղկալից դաշտը, ուր յուրաքանչյուր բույս ցո-ղաթաթախ սարսուռում էր, ուր սիզավետ մարդերը պսպղում էին հա-ճուլքով, և նրանց մեջ կայտում էին այժեք, արածում՝ կովէր ու ոչխար-ներ:

Հեռո՛ւն, մշուշի տակից պարզվում, երևան էին գալիս դալարագեղ լեռներն ու անտառը. երկնքի պարզ խորքի վրա շեշտվում էին ծառա-խմբերով պատած գագաթներ...

Իսկ թռչունները... Որբան բա՛րձր, որբան գեղգե՛ղ երգում էին ամեն կողմից, ոստոստում բարդիների կատարներին, խմբային խաղեր սարքում, համերգներ կազմում և ճիշ ու դայլայլով սավառնում դեպի կանաչ բլուրները...

Մեղուններն էլ դուրս նետված փեթակներից, զվարթ բզզոցով կուլտ առ կուլտ սլանում էին ամեն ուղղութիւնով: Գլխավոր բերքի այդ օրերին նրանք ամբողջ մի շաբաթ ստիպված էին փակված մնալ և ահա այժմ աճապարում էին խորիսխները լցնել: Այլևս ծաղկեփուշի չէին բերում, այլ միմիայն մեղր՝ այն բազմազան ծաղիկներից, որոնք ամեն կողմից պուխ էին դուրս պարզել՝ ժպտալու արևին, հրճվելու նրա տված ջեր-մութիւնով:

Գլուշն. ամբողջ կենդանացել էր. նա մեռած, գերեզմանի էր նման անձրևալից օրերում: Հողը արագ շորանում էր այժմ, շոգի արձակում

ճոնչող սայլերը գաշտն էին ելնում. երևում էին ձիավորներ... Սազերի երամներն էլ, օրորուն, վզերնին ցցած՝ շարժվում էին դեպի գետափը

— Բարի լույս, բարի լույս,— կանչեց զվարթությամբ տանտերս,— ա՛յ լավ արև... հիմիկանց դեմը էլ գրախտը կըլի ըստեղ...

— Այո՛:

— Հսե՛նց ա մեր տեղը, անիծվի՛ նա... դժոխք ա անձրև օրերին, գրախտ՝ երբ արև ա անում... Դու էլ չե՛ս գնա սար, մերոնք հրեա կիրթան:

— Ո՛չ, պետք է փեթակները նայել, մաքրել...

— Հա՛, թացությունը հաշա չթողեց... կըլի որ կաթած էլ ունենա...

Մտա պարտեզ: Որքան շուտ ցեխ էր կտրում հողը, այնքան էլ արագ ցամաքում էր: Մառախիս հետ երկար գբազվեցինք փեթակներով. հետո, կեսօրվա մոտ, մտածեցի հանգչել քիչ ճոճի (գամակ) մեջ, պ կապված էր երկու ծառերի ստվերի տակ:

Երկար, սակայն, մենակ շմնացի: Նախ, աջ կողմիս դրացու կինը, որ իրենց պարտեզի մեջ ինչ-որ բանով էր զբաղված, դիմեց ինձ «աղա- ախպեր» տիտղոսով և ամանը պարզած պատի վրայով, ջուր խնդրեց կողքիս գտնվող աղբյուրից: Հետո երկու մեծ թուռններ գլխիս վրայի ծառի ճյուղերի մեջ մի լավ գզգզեցին իրար և տերևների անձրև հոսեց- րին. հուսկ ուրեմն, նկատեցի, թե ինչպես պարտեզի գոնից մի առ մի ներս մտան և դեպի իմ կողմը դիմեցին մի խումբ գզուղացիներ:

Ամենից առաջ քայլողը նիհար ու երկարահասակ անձ էր: «Չե- քեզկա», երկար կոշիկ, կլոր-կարճիկ փափախ, ձեռքին էլ մտրակ: Չմո- ռանամ սուրն ու արծաթապատ գոտին:

Ցավագար աչքերը ճպճպուն, շուրթերը պրկած, քիթը ցցած՝ զննում էր նա պարտեզը և մեկ-մեկ էլ, ճիշտ պարսիկ մեծավորի նման, առանց դառնալու, երևի իր նկատողություններն էր, որ հազարդում էր հեռե- վողներին:

Այդ մարդու հետ թեև դեռ գործ չէի ունեցել, բայց ծանոթ էի: Երբ ջանախան 5—6 գյուղերի շահապն էր «Ստարշինա», «գողովա». այդ պես էին տիտղոսում նրան գյուղացիք:

Անմիջապես ետևից քայլողը՝ գրագիրն էր: Ազում էր հիշեցնում այդ երկար ու կոր, գլուխը միշտ կախ, գունդ քիթը կապույտ ու ստրկական շարժումներով երիտասարդը: Մի քանի անգամ հանդիպել էի նրան. հա- ղիվ մի քանի բառ էի լսել բերնից, սակայն միշտ զուտ հոտը զգացել:

Ինչպես ամեն «ուշիմ» գրագիր, ճարտար քերթող էր Սրապիտի: Ձեռքն ընկնողը էժան չէր պոծնի: Պրատակոչներ (արձանագրություն) կազմեցն էր: Նայելով թե ո՞վ և ի՞նչքան կկոխեր ձեռքը, նրա համեմատ

կարձանագրության մեջ այն և այն եզրակացությունը կգայացներ: «Ստար- շինան» կարողալ-գրել չգիտեր: Իր անունը, այն հրաշալի հնգատառ Գիգու- անունը, ստորագրել սովորել էր, բայց ա՛յդ իսկ ճզմզելու համար թըը- վառ ստիպված էր առնվազն տասն անգամ աչքերը ճպճպացնել, գուն- երեք անգամ քիթը վեր քաշել և երեք անգամ էլ գրիչը կոտրելու ուժգ- նությամբ՝ թանաքամանի մեջ թաթախել:

Եվ ի՞նչ հարկ, խնդրե՛մ, որ ծանրակշիռ պաշտոնյան ավելի գրել գիտենար: Ձեռնտու էլ չէր: Կնիթը գրպանում. հանել, կոխել, միշտ մի- երկու մանեթ այդ նեղության համար ստանալը շա՛տ ավելի նպաստա- վոր էր:

Ահա այդ զույգն էր, որ գալիս էր դեպի ինձ՝ բավական հանդիսա- վոր, պաշտոնական քայլերով, ետևից տեղական քոխված, մոռթը ցցած զգիր Սահակը, այլև ուստա Համոն, կարմրամազ Մմբատը, երեցփոխը, եղբորան...

Հասկացա այդ խմբային այցելության պատճառը: Պարտեզիս մեջ կար մի աղբյուր: Նրա ջրի կեսը, անցնելով մեր հողի վրա կենտրոնացող ստորերկրյա ավազանից, խողովակներով գնում էր գյուղի ներքին թա- զերի աղբյուրին ևս: Մի ամսից ի վեր ավազանը փչացել էր, ջուրը գուր- ք էր գալիս, և շուրջը ճահիճ գոյացնում, իսկ դրանով ներքին թաղի աղ- բյուրի ջուրը լիովին կտրվում:

Հայտնել էի գյուղացուց: Նրանք առաջարկել էին, որ ավազանը շի- նել տամ իմ ծախսով. մերժել էի և առարկել, որ դա իրենց պարտքն էր: Գանգատվել էին: Այժմ երևի ստարշինայով, քոխվայով և գրագը- րով միասին եկել էին, որ արձանագրություն կազմեն:

— Բարի լույս, պ. Երվանդ,— կանչեց հեռվից ստարշինան,— հը, էդ ի՞նչ ա, շըլի՛ երեխությունդ միտդ ա ընկել, որ ճոճի մեջ ես պառ- կել...

Եվ մոտեցած՝ նստեց գետնի մեջ հաստատված նստարանին, մըտ- բակը դրեց սեղանի վրա, նայեց շուրջն ու ասաց.

— Չէ՛, լա՛վ ես շինել... Բաս տնկած ծառե՛րդ ուր են... Է՛դ են յաշիկներդ...! Քիչ ա, ես մեր բազումը 200 հատ անեմ...

Ելա և նստեցի դիմացը:

— Աղբյուրն էլ սա՛ ա,— շարունակեց նա լուրջ,— բա ըն՛ի՛ ըտենց քիչ ա ջուրը:

— Ավազանը փչացել է, տակից ջուրը գարս է տալիս և ահա այդ-

բան հողը ճահիճ է շինել... Ստիպված պիտի լինեմ բուրձրովին բանդել, առվակ գոյացնել, եթե գյուղացիք չշինեն:

— Հա՛, իհարկե, հողը խարաբ ա անում... Դե շինել տուր էլի՛, գեղացիք էլ շնորհակալ կըլեն:

— Գյուղացիք պիտի շինեն և ո՛չ թե ես:

Գյուղացիներից ոչ մեկը դեռ չէր խոսում: Ուստա Համոն քոխվի հետ մոտեցել աղբյուրին՝ կկզել էին ու զննում:

— Ասենք, դու մի քիչ դրուստ ես, գեղացիք էլ պիտի շինեն. ամա չէ՞ որ սա քե՛զ էլ վնաս ա տալիս...

— Համ էլ,— մեջ մտավ Խուրան,— թե մենակ գեղացիք շինեն, էն ա էլ քեզ ջուր չեն տալ ըստիանց:

— Որ կուանտը (ծորակ) ըստեղից փակվի,— ձայնեց ուստան աղբյուրի մոտից,— ցածի աղբյուրին կերթա էս ջուրը:

— Սխալվում ես, ո՛ւստա,— մոտ գնացի ես,— փորձիր փակիր և կտեսնես, որ չի գնա. ա՛յ, նայի՛ր, ավազանի տակից է ջուր դուրս գնում և ծծվում հողի մեջ:

— Հա՛,— արեց քոխվեն,— ըտենց կըլի... Պիտի հովուզը՝ շինվի... էլի մեկ 50—60 մանեթ ծախս ունի:

— Բա՛ս,— գռչեց ուստան,— ծախս կուզի. ցեմե՛նտ, ուստի հախ, քյարփիչ... կուզեք, ինչի՞ չէ, շինեմ...

Ասաց, ավազանը ծածկող բարը գեն շարտեց, և բոլորը կուացան նայելու, բացի ստարշինայից և գրագրից:

Առհասարակ Սրապիոնը լուռ, բավական հեռու կանգած, ձեռքին էր սեղմել աղտոտ թղթի մի կտոր և անընդհատ մատիտի ծայրն էր թքոտում:

Սակայն, երբ ամենքը կուացել էին աղբյուրի վրա, իսկ ստարշինան քիթը ցցած՝ ծառերի բարձունքներին էր նայում, գրագիրը մի բալլետ գնաց ու մատովն ինձ նշան արավ իրեն մոտենալու:

Ջարմացա՛ նկատելով նրա հանդուգն ժպիտը և այդ ձևով ինձ կանչելը: Զգվանքս էր շարժում առհասարակ այդ ազգավը. բայց, մի րոպե զայրանալուց հետո, հետաքրքրություն հաղթեց, ելա ու մոտ գնացի:

Տեսնենք ի՞նչ ուներ ասելու այդպես խորհրդավոր կերպով:

Ջանաց սիրալի ժպիտ ստանալ, ոտք վերցրեց դեպի փեթակների կողմն ու ասաց կիսաձայն.

— Հլա մեկ խնդրեմ գնանք էն կողմը... ձեզ ասելիք ունեմ... փեթակներն էլ մեկ ցույց տվեք ինձ:

Ավազանը:

Գնացի: Լուռ քայլեցինք մինչև առաջին ծառը: Այնտեղ նա կանգ առավ, դարձավ ու ասաց.

— Խո տեսնո՞ւմ եք, պարո՛ն, պրատակոլ են կազմել տալիս... գեղացիք են, անկի՛րթ... գանգատվել են, թե դուք նրանց աղբյուրի ջուրը կտրում եք... Հլա կա՛ց մեկ ամենը ասեմ... Հա՛, գյուղացոց դատաստանն էլ, գիտեք, նրանց կողմը կվճռի... է՛ս սուր՝, է՛ս պրիսավ... գլխացավ՛նք, ջուրը կտրել անկարելի ա... հովուզը չեն շինիլ, կուանտը կկապեն ու է՛լի ջուրը տակից հողդ կփշացնի...

— Այն ժամանակ ես կբանդեմ ավազանը, աղբյուրը. ես թույլ չե՛մ տալիս աղբյուրը հողովս անցկացնել, ավազանը հողիս մեջ շինել...

— Անկարելի ա... աթաղան-բաբաղան շինածը չի բանդվի ու ըտենց հողիդ մեծ մասը կդառնա բալոտ²...

— Կստիպեմ դատաստանով, որ շինեն ավազանը...

— Ամիսներ, տարիներ կքաշի... գանգա՛տ, էլի պրատակոլ, պրիսավ... Դո՛ւք գիտեք. բայց որ ինձ լսեք, ես ձեզ մի լավ, կտրուկ բան կառաջարկեմ, որ մի անգամով ամեն բան վերջանա, աղբյուրն էլ շինվի, ձե՛զ էլ ջուր գա, նրա՛նց էլ, հողն էլ չփշանա...

— Առաջարկեք տեսնենք:

— Ա՛յ, ասեմ... Մի քիչ դենը գնանք... էս ի՞նչ լավ բունել են էս ծառերը... խնձո՞րի են... փա՛հ-փա՛հ, ինչ էլ լավերն են... Հա՛, էն էի ասում... խո լսեցի՞ք շինելու համար է՛ն քիչը հիսուն մանեթ կնստի... որ լավ վճռեն, ծախսի կեսը ձեր վզին կդնեն... Շը՛... ո՛չ, ըտենց էլ կանեն. ես լավ գիտեմ մեր դատավորներին... թե չէ, կուանտը կփակեն, հովուզը չեն շինիլ ու բալոտ կդառնա ողջ հողդ:

Բարկացած մի շարժում գործեցի:

— Հա՛, հենց ըտենց կըլի, ես լավ գիտեմ. գեղամիջումն էլ խոսել են ու ըտենց են վճռել... յա 25 մանեթ պիտի ծախս քաշես, յա թե չէ հողը ըսենց ջուր կկտրի, կուանտը էլ կփակեն...

— Վերջացրե՛ք. հետո՞...

— Հետո էլ էն, որ օրենքներից դուրս կա մի ուրիշ ավելի մեծ օրենք. խո գիտե՞ք... էն ո՞ր բանն ա, որ ազամամութի մեջ դնես՝ լուս կտա... ըստեղ ամեն բան ստարշինի ու իմ ձեռին ա... ոնց ուզենանք՝ ընենց շուռ կտանք... Հլա դուք էդ «լուս տվող» զադի ծերը ցույց տվեք ու կտեսնեք... ընենց անենք, որ ամեն բան էսօր ևեթ դրստվի... Թանկ էլ չի նստի քեզ... մի կարմիր ա ու մի կապույտ...

¹ Դատարան:

² Ճահիճ, ուտերեն բառ է:

Մի վայրկյան ապշեցի այգրան հանդգնորեն արված կաշառքի առաջարկի վրա: Հետո զզվանք նայեցի ազուավին, մեղքս դարձրի և լուս՝ գնացի դեպի նախկին տեղս, առանց իսկ ետ նայելու նորից:

Անշուշտ, գրագիրը սառած-մնացած պիտի լիներ և կամ ուսերը թոթված ու մի լավ հայհոյանք արձակած իմ հասցեին:

Համենայն դեպս ուղի՞ղ դեպի ստարշինան գնացի և անվրդով, նրանցի ճոճի մեջ:

Ստարշինան նայեց ինձ, աչքերը կկոցեց, ապա դարձավ եկող գրագրին և կանչեց.

— Հը՞, Սրապիտ՛ն, պարոնի ծառերը տեսա՞ր, շա՛տ են...

— Ձէ՛, ստարշինա՛, պարոնը սկի շուզաց էլ ծառերը ցույց տալ... վախենում աս, որ աչք դիպչի...

Ստարշինան դարձյալ նայեց ինձ: Ժպտում էի: Կատարելապես ըմբռնել էի թե նրա տված հարցի և թե՛ գրագրի պատասխանի իմաստը:

— Շատ խոստացա՞՞վ, — ուզում էր հարցրած լինել պաշտոնյան:

— Զուգեց ոչինչ տալ, մերժեց, — հասկացրել էր գրագիրը:

2

Եվ այնուհետև որոշված էր ստարշինայի բռնելը գիրքն ու վերադարձնելը:

Անմիջապես առաջ նա դիմքը կնճռեց, արագ շարժումով գլխի փափուկը հեռեցից զարնելով՝ իջեցրեց դեպի ճակատը, ապա կուրծքը ցցեց և երրորդ շարժումով նստեց նստարանի վրա ու ոտները պարզեց գեպի ինձ:

Մտնում էր ստարշինական դերի մեջ: Սկզբում էր կոմեդիան: Հագնի փոփոխությունը ապագա՝ սպասում էի եղածին:

Երբ այդ բոլորն արել էր Գիզուլը, մտրակի կոթը ուսազլիսց ետ պարզելով՝ կանչեց մոտ գրագրին, հազաց և խիստ ձայնով ասաց.

— Դե հիմի գրի՛, պի՛սե...! Ձեր հրամանոց անուր, պարոն Երվանդ:

— Սմբատ, — ասացի ծաղրելով:

— Ո՞նց Սմբատ. ձեր անունը խո Երվանդ աս...

— Բայց որ դիտե՞ք, էլ ո՞ւր էր հարցնում:

— Հանարները թողե՞ք, — ասաց նա հոխորտաձայն, — ստի վախճանայ ստարշինան² աս խոսում:

1 Գրագիր:

2 Շրջանական տանուտեր, շահապ:

Ասացի անունս և ազգանունս:

— Հմի հրամանոցդ պաշպո՞րտը... Ամսիս 5-իցն ուսիլենիսեն¹ — անգղը...² ընտենց չի՞, պիսե՛ր...

— Հրամանք ես, ստարշինա՛, — շտապեց ասել գրագիրը, — անցյալ ամսի 5-իցն ուսիլեննայա արտանա ա գուրեհին³ ողջ... առանց պաշպորտի մարդ չպիտի երեք օրից ավելի մնա... շունեցողին էտապով կըրկեն ուեզղնի նաշալնիկի⁴ մոտ...

— Որ ասո՞ւմ եմ... նեղություն կրի պաշպորտդ ցույց տալ...

— Բայց չէ՞ որ, — ասացի, — երրորդ ամիսն է այստեղ եմ. ինչո՞ւ մինչև այժմ չէիք հետաքրքրվել:

— Մենք մեր բանը լավ գիտենք, պարո՞ն, — պատասխանեց հպարտաբայամբ ստարշինան, — պարտավոր էլ չենք ամեն հարցմունքի շուղաբ տալ... Մերն էն աս, երբ ուզենանք՝ հրամայենք ու պիտի կատարվի...

— Համ էլ էդ բյո՛խվի պարտքն էր, — մեջ մտավ գրագիրը:

Գյուղացիք այժմ թողել էին աղբյուրը և լրջադեմ, զգուլով, որ «պաշտոնական գործողություններ» էին սկսում, մոտեցել ու շրջապատել էին մեզ:

— Հա բա՞ս... — արեց ստարշինան՝ բյոխվին դառնալով, — բեզ պրեզպիսանին⁵ եկել աս խո, էլ ո՞ւր ես առանց պաշտպորտի մարդ թողնում գյուղումը... դու մագամ գիտե՞ս ոչ, որ հմի ուսնի-խրեն աս...

— Ուսիլեննայա արտանա... — ուղղեց գրագիրը:

Գզիրը մի բան մոթմոթաց բթի տակից, հետո, կամենալով պատժել իր այդ հանդգնությունը՝ իսկույն բերանը ծածկեց նրկար ցուպովը: Բյոխվեն շփոթվեց, ժպտաց ու ասաց.

— Դե էս մարդը խո փախստական չի՞, տնով-տնով ըստեղ աս...

— Միևնույն աս, — արեց խստությամբ ստարշինան, — ուսիլենի-խրենը ֆիզանների համար էլ աս... Մենք չենք ուզում, որ մեք վոլուստի մեջ ըստենց մարգիկ ըլին...

Ապա դարձավ ինձ ու կրկնեց...

— Հրամանքդ նեղություն կրիր պաշտպորտդ...

1 Աղճատած усиленная охрана — զորեղացրած դրություն:

2 Գաղատ:

3 Նահանք:

4 Ուրով և գինեգործարար ինչպես բանտարկյալ:

5 Գավառապետ:

6 Հրաման:

— Լավ,— ասացի ես,— տանն է. եթե կուզեք՝ գնանք քիչ նախա-
ճաշ անենք, և ցույց կտամ:

— Զակուկի!...— փայլեց ստարշինի դեմքը,— հա տո՛, անիծվի՛
մեր էս պաշտոնն էլ. էնքան գործ կա, որ մարդ մոռանում ա, թե բազ-
ցած ա... ընչի չէ՛, գնանք... թե գինի կունենաս ո՛ւ...
— Ունեմ:

— Ունեմ:

— Բաս լավ... Ասում ես պաշտպորտ էլ ունես էլի... Հը՞...

— Կա:

— Էդ լավ... Որ ըտե՞նց ա, պարո՞ն, շուտ գանգատդ ասա, թող գրի
պիսերն ու գնանք փորներս պնդացնենք քիչ:

— Ես գանգատ չունեմ... եթե գյուղացիք մինչև 15 օր ես չեն շինի ավա-
զանք, այն ժամանակ աղբյուրը կբանդեն, ջուրն էլ լուովակ կշինեմ-
կերթա:

— Հլա կա՛ց մեկ,— ճշաց խոլերան,— էդ ո՞նց թի կբանդես, բաս
մեկ առանց ջուրի՞ կթողաս:

— Եթե մաքուր ջուր եք ուզում, ավազանը շինեք:

— Կացե՛ք հլա...— մեջ մտավ ստարշինան: Հետո ոտքի ելավ, ինձ
դարձավ ու ավելացրեց...

— Էս սպորը գակուսկու վրա լավ կդրստվի... Կնա՛նք, տղե՛րք...
ի՞նչ ա, բոլորի՞ն ես ղոնաղ անում, պ. Երվանդ:

— Ինչո՞ւ չէ. համեցեք բոլորդ էլ:

— Զոմարդ մարդ ա, ես ու իմ աստոծը,— ասաց ստարշինան քայ-
լեկիս՝ գյուղացոց:— Հը՞, ի՞նչ ա, խամ քաղաքացի՞ եք գտել, որ վրա
եք տալիս... Սա մեզանից լավ ա հասկանում զակոնը... Զակոնով պի-
տի վարվե՞նք թե ոչ... Թողե՛ք, ճաշի վրա կվերջացնենք... Մարդը պաշ-
պորտ, ունի, ֆիդա՛ն չի, քաղաքավարի ինսան ա... Գնա՛նք, պ. Երվանդ,
չու բեֆոք բոք պահի, մենք չենք թողալ, որ գեղացիք գլխիդ նստեն...

Քայլեցինք դեպի դուր: Անմիջապես, զակուկի անունից կակ-
ւչացած ստարշինան թողեց ինձ առաջ անցնելու, հետո, մինչև պար-
ւելդից դուրս գնալը՝ գովեց ծառերը, գյուղացոց դարձած՝ շեշտեց, որ
նրանք շնորհակալ պիտի լինեն ինձ պես մարդ իրենց մեջ գտնվելու
համար, որ ես ջոմարդ մարդ եմ երևում և, որ, վերջապես գիտեմ
«պատիվս պատվավորաց և հարգս հարգավորաց» տալը...

Այս բոլոր միտումնավոր ակնարկներով լի գովեստները նա անում
էր հանդիսավոր, աչքերը անընդհատ կկոցելով. իսկ գրագիրը, որ թուղ-
Քը գրպանն էր կոխել, այժմ գլուխը կախ՝ գալիս էր նրա հետևից:

Գնացքը փակում էր զգիր Սահակը՝ իրենից կրկնակի մեծությամբ
յուր միշտ ուսին դրած:

Երբ տուն էինք մտնում, տանտերս, որ լուսամուտից նայում էր,
կանչեց.

— Բա՛հ-բա՛հ, էդ ի՞նչ խաբար ա. էդքան մարդիկը ո՞րդիանց որ-
ացիր, պարոն Երվանդ... Սաղ ուեզդի մեծանոնքը թոփ ես արել-բե-
րում:

— Եկել եմ պրատակոլ կազմելու:

— Դու քո աստվածը... ի՞նչի, տո՞, էն ո՞ր շան որդին ա գան-
գատել բեզնից:

— Գյուղացիք:

— Ա՛յ կասես... Համա լըլի՞ էն անտեր աղբյուրի համար... Հլա
կացեք գամ տեսնամ էդ ո՞նց բան ա...

— Համեցե՛ք, — հրավիրեցի ես, — համ էլ ասեք ձեր գինուցը մի-
երկու շիշ ուղարկեն մեզ:

— Երկո՛ւ, — ծիծաղեց ստարշինան, — ուղտերին ուզում ես գղա-
լո՞վ ջրի:

— Տո ջաննե՛րդ սաղ ըլի...— կանչեց տանտերս մոտենալով մեզ, —
հրեն կարասը ընդի՞ լի... պարոն Երվանդին վախեցնել չես կարա-
ողջիդ էլ գինու մեջ կխեղդի:

— Տո, ուր ա բաս մեկ օր էլ մեզ չխեղդեց, — ասաց բյոխվեն ծի-
ծաղելով:

— Դո՞ւ ինչացու ես, դո՛ւ, — ծաղրեց նրան տանտերս, — ընչի՞,
մութթա գինի ա՞ գտել պարոնը... Դե՛հ, հլա մեկ համեցեք օթախը...

Ասաց և առանց սպասելու, որ ես կարգադրություն անեմ տանս
մեջ, մտավ սրահս առաջ և հետո ինձ ներս թողեց:

Կանչեցի ծառային: Սեղան դրին, բերին ինչ որ կար, և քիչ հետո
բաժակները լցվեցին:

Ահա հենց ա՛յդ ժամանակ էր, որ մեկե՛ն աղբյուրը անցավ երկրորդ
պլանի վրա, որովհետև մի նոր խնդիր եկավ զբաղեցնելու ստարշինա-
յին:

Մեզ ծառայում էր սեղանի վրա մեր Սիսակ անունով ծառան, որ
միևնույն ժամանակ և վարպետ այգեգործ էր, ճարպիկ մշակող:

Մշտապես խոովկանի դեմքով այդ երիտասարդը շրթունքները կախ,
հավիտենապես դժգոհի շարժվածքներով գնում-գալիս էր առանց ուշադ-
րություն գրավելու իր վրա:

Սակայն, երբ մի անգամ, երեկ կամենալով իր խոնարհությունն

արտահայտել՝ գինի լցրեց ստաբլինայի բաժակում, Գիգուրը հանկարծ
գարձավ, աչքերը ճպճպացնելով նայեց նրան ու գոչեց.

— Փիճ... էս Սիսակը չի... ձեզ մո՞տ ա ծառայում:

— Հրամանք ես, ստա՛րշինա, ե՛ս եմ... Դե էլ ի՞նչ անեմ, ո՞վ ի՞նչ
հաց կտա կպահի. Գրիգորն էլ որ ընենց գուլում արավ ինձ...

— Կաց հլա... Քեզ հետ գործ անեմ... Ադա Սրապիո՞ն, սրա անունն
էն թղթումը չկա՞ր...

— Կար, ստարշինա՛:

— Բառ լա՛վ...

Ապա փափախն իջեցրեց ճակատին, խիստ կերպարանք օտարացով,
պարզեց ձեռքը դեպի Սիսակն ու ասաց.

— Պաշտոն... հմի սլինի-խրեն ա:

— Ուսիլեննայա-ախրանա, ա՛յ ստարշինա, — ուղղեց հորից գրա-
փորը:

— Դու ձենդ քե՛զ քաշի հմի, — բարկացավ այս անգամ պաշտոն-
յան, — չեզուն իմն ա՛ սլանի-խրեն եմ ասում... Շո՛ւտ, Սիսակ՛, պաշ-
տոնդ բի տեճանք...

— Յա՛... — գունատ ետ քաշվեց ծառաս, — ի՞նչ պաշտոն...

Ալեքսանդրապոլի գյուղերից բերված որր տղա էր Սիսակը: Միայն
մի եղբայր ուներ, որ անտառապահի օգնական էր: Մանկությունից մե-
ծացած Դուրանում, տեղացիի նման էր դարձել: Խնամել էին նրան տան-
աւերա, ջրադացի քարերով առևտուր անող Մելիքը և մի քիչ է՛լ ուրիշները:

Այժմ, մոտ 25 տարեկան, մտադիր էր ամուսնանալ և տնտեսա լի-
նել Դուրանում. ասում էին, որ միևնույն իսկ նշանվել էր, բայց մի քանի
ամսից ի վեր, թնշ-ինչ գժտուցություններ նրա և անհրաժեշտ մեջ՝ Սիսակին
թողել էր շվարած, դուն գուռ ընկած: Գովել էին ինձ որպե՞ս լավ այգի-
պարծի. վարձե՛ք էի նրան, պարտեղիս մի անհյանում հենց թնշը մի խր-
ենի՞ք էր կառուցե՛ք ցցերով և նրա մեջն էր ապրում:

Իսկ թե նոր ի՞նչ էր պատահել, ինչո՞ւ հանկարծ նրանից անձե-
զիք էին ուզում (ինչ որ չէին ուզել 20 տարուց ի վեր), դա զարմացրեց
թե՛ ինձ և թե՛ իրեն՝ Սիսակին:

Հստ կրեալիին մյուս գյուղացիք բուռն էլ գիտեին պատճառը՝
Ոմանք ժպտում էին, մյուսներն անտարբեր՝ սպասում էին լինելիքին:

— Պաշտոն... — կրկնեց նորից Սիսակը հախաղեղով, — ի՞նչի,
բա ես լա՛վ եմ... Դու ինձ չե՛ս անտառում, ստարշինա՛:

— Գուս մի՛ տալ, ա՛յ շաշ... — կանչեց նրա վրա պաշտոնյան, —
ե՛ս, հա դու մեկ մատ լակոտ էիր, որ գյուղումը ականչներդ քոքել եմ...
Ամա հմի սլինի-խրեն ա, ասացի, ու առանց պաշտոնի չի՛ ըլի...

— Յա՛... ո՞նց թե խրեն ա... բա ինձի՞ ինչ... — կանչեց վրազված
Սիսակը, — բա դու չե՛ս իմանում, որ ես պաշտոն սկի չեմ էլ ունեցել:

— Է՛ք ա է՛է... Դու հլա ըստեղի վրան գրված չես, բա ո՞ւր ես
բտեղ վեր ընկել առանց բիլեթի, հը՛... փախա-մալաող հավաքի դե,
ու գնա չա բիլեթ հանի, յա թե չէ՛ է՛լ էս գեղի դրաղովը անց չկենես...
Սա մեք հրամա՛նն ա...

Հարկ համարեցի միջամտել: Թշվառ Սիսակը երերուն՝ կարկամել էր
ու քիչ էր մնում լաց լինելու գայրուցից:

— Լսեցե՛ք, պարո՞ն Գիգուր, — ասացի, — էլի գուր տարօրինակ բա-
նեք եք անում. այս մարդը վազուց այստեղ է, հասայակության անգամ
է, ինչո՞ւ եք վռնգել ուզում:

— Հան՛նց ա զակոնը, — առաց գրագիրը, — առանց պաշտոն չի
կարելի. պաշտոն չունի՞ թող գնա իր տեղիցը հանի:

— Համ էլ է՛ք սլինի-խրեն ա, ի՞նչ զարմումար ա, — ավելացրեց
ստարշինան, — փի՛ս բան ա ըլել, որ մեջտեղ ընկավ. ասում են՝ առանց
պաշտոնի մարդու բռնելն ու քշելը մեկ ա ըլում...

— Կա՛ց հլա, գուլովա՛, — խոսեց տանտերս, — չի՛ ըլի, որ մի կերպ
անենք էս խեղճ տղի համար... մնա ըստեղ ու գիր գրի. որ դրե՛ն:

— Չէ՛, չէ՛, ո՞նց կրի... թող գնա գելիցը. մեկ էլ տեսար պրիս-
տավն իմացավ... Լսեցի՞ր, Սիսա՛կ, էզուցվանից էլ առանց բիլեթի ես
գեղումը, իմ վոլոտումը՝ սկի չերեաս, թե չէ էտապով քեզ քշել կտամ:

— Խմի՛ր, առ, — բաժակը նրան պարզեց տանտերս, — լա՛վ ա, մի՛
բարկանալ, հասկացանք... Կերթա էլի՛, ի՞նչ կա. կերթա պաշտոն
կանի ու էլի կգա... յանի դրանով խո Սիսակից չազատվեցի՞ն...

Ու աչքով արեց Սիսակին, որ սենյակից հեռանար: Դեռ մտքն էր
ինձ համար. տանտիրոջս ակնարկություններից էրեւում էր, որ մի ինչ-
որ ինտրիգ կա ինձորում...

— Ի՞մ գործերը կձման, — խոսեցի Լեօ, — քյալասի՛ բուկը տալու՛
օտմանակն է... Եթե՛ մի քանի օր ժամանակ տաք, ես ինքս կգրեմ և
կաշխատեմ, որ անձնագիրը ուղարկեն:

— Չէ՛, ո՞նց կլիի... Հը՛, Սրապիո՞ն, ըստնց չի՞, չի՛ ըլի... էն
գա՛րումար պրեդպիտանիան ո՞նց ա ասում, դո՛ւ ես կարդացել:

1 Համայնք:
2 Հող ցանկ բույսի տակը. окучивать.

— Ասում ա,— խոսեց ծանրակշիռ՝ գրագիրը,— տոանց պասպորտի չի՞ կարելի. ո՞ր գեղումն էլ որ էլավ՝ բոլորովին պողոտա՞ կտան, կգատտեն...

— Փիե՛...— ուտենց բոլորվեն,— թող գնա ու՛ր ըլի գլխիցս է՛է, ինչի՞, ես գի՛ծ եմ, որ նրա պատիժը քաշեմ... Աղա՛, Սիսա՛կ, ուսկո՞րնքը խորդ ու խաշ կանեմ, թե էդուց առավոտ քեզ ըստեղ տեսել եմ...

— Տո գնա՛ է, Սիսա՛կ... գնա՛, որդի, գործի՛դ գնա ու թող տեսնենք ընչի՞ են կատղել մեր մեծանոնքը... Գնա՛, որդի՛, մեր խանութին էլ ասա, թե իշխան ձկնիցը կա, մի քիչ մազապու զրկի... էս գինիներն էլ պրծան:

Սիսակը լուռ՝ շշերը հավաքեց ու գլուխը երերցնելով դուրս գնաց: Ոչ ոք չխոսեց մի րոպե: Ստարշինան կոացել էր շաքարով շինած սուլաթի վրա, մյուս գլուղացիները սենյակս էին զննում, իսկ ուստա Համոն փառակազմ գրքերին պլշած իր կապույտ աշքերը, ակներև կերպով զարմանում էր, թե արդյո՞ք ես համբերություն էի ունեցել ծայր-ծայր կարգալու այն հաստափոր հատորները:

— Հը՛մ...— արեց վերջապես ստարշինան,— էս սուլաթը լա՛վ բան ա ըլել... Կասես սկի գինի խմած չլեմ... Թրի՛ պես կտրեց...

— Յանի դու սրանք ողջ կարդացե՞լ ես...— չկարողացավ իրեն զուգել ուստա Համոն և դարձավ դեպի ինձ:

— Ձէ հա՛...— արեց խոլերան,— մարդ հարյուր տարի ապրի, էս-բանը կարող չի կարդալ...

— Բալքի Աստվածաշունչնի են,— դիտեց երեցփոխը:

— Ձակոնի գրքեր կըլեն,— պնդեց գրագիրը:

— Բառարաններ են,— ժպտացի ես,— ինչ խոսք ուզենամ՝ միշտ կգտնեմ... Ա՛յ, կուզե՞ք հենց գտնեմ էդ ուսիլեննայա-ախրանա բառը և սասեմ, թե ոնց են նրա օրենքները:

— Հլա՛...— գոչեց տանտերս,— դո՛ւ քո աստվածը, մեկ նայի տես թե ստարշինան իրավունք ունի՞ Սիսակին գեղիցը բռնել:

— Տո ի՛նչ իրավունք,— ձայնեց ստարշինան,— իրա՛վունքը որն ա, զակոնն ըստնց ա՛ պրծավ գնաց. էլ ըստեղ իրավունքի բան չկա:

— Դե զակոնն էլ իրավունքն ա է՛լի,— ասաց երեցփոխը:

— Ձէ հա՛...— ծիծաղեց բոլորվեն,— տո մարդ էլ իրավունքիցը կգողա՞ շան պես, ամա արի տես, որ զակոնի անունը չե՛ն տալիս, գողը ջանդ ա ընկնում, կասես խոլեր բռնած ըլի քեզ:

— Դե հա՛լբաթ,— ավելացրեց խոլերան,— զակոնն ո՛ւրիշ ա, իրա-կունքն՝ ուրիշ...
— Յանի ա՛յ Գիգու,— ասաց տանտերս,— արի ու դրուստն ասա... էջ պի՛ն-խոսե՞նն ա քեզ ստիպում, թե՞ նրանից ավելի... ընենց էլի՛... չէ՞, դո՛ւ ըլես էն ս. Գևորգը...

— Ուրիշ ի՛նչ պիտի ըլի...— ասաց խստությամբ ստարշինան,— ասի քեզ, որ զակոնն ըստնց ա հմի... իզուր խո չի՞, որ ինձ ստարշինան արել, վոլուտեի ստարշինա՛... ես պիտի զակոնը պահեմ...

— Ձէ՛, չէ՛, դու էն ապա, յանի՛ ըստի խո Գրիգորի, էն չուլխ քաֆ-թառի մատը խառը չի՞... Հը՛... ընենց, ուզում ա Սիսակին ուղ գնի, նրա աշխատանքն ուրանա, իր խոստմունքը մոռանա... կըլի որ ուրիշ փե-սացու էլ գտած ըլի...

Ստարշինան մի ումպով դատարկեց բաժակը, երևի վայրկենական շփոթությունը ծածկելու համար. հետո աշքերը ճպճպացրեց ու ասաց.
— Ձէ՛, Գրիգորը ըստի գործ չունի... ինձի՛ ինչ, որ աղջիկը էլ Սի-սակին չի ուզում տա... աղջիկն իմը խո չի՞...

— Այո, բայց մի ամբողջ տարի, որ Սիսակին բանեցրել է խաբե-լով՝ թե աղջիկը նրան կտա, տնփեսա կշինի...

— է՛հ դու էլ, պ. Երվանդ,— ասաց բոլորվեն,— ի՛նչ ես Սիսակին ականջ դնում:

— Լավ ա՛, հերիք ա...— վեր կացավ սեղանից ստարշինան և ինձ դարձավ.

— Շնորհակա՛լ ենք, ախպեր... Ա՛յ ադա, դուք էս ի՛նչ տեսակ մար-դիկ եք. եկանք, որ աղբյուրի գործը դրստենք ու շթողեցիք էլ... մարդու հացը կերանք...

— Ոչի՛նչ,— միջամտեց բոլորվեն,— պարոնը մե՛րն ա, յո՛ւա կտա-նենք:

— Ձէ՛, էդ իմ գործն ա,— ասաց ստարշինան,— ես ու պ. Երվան-դը հմի քիչ բաղը կերթանք. ծառերը, յաշիկները կտեսնանք ու ընտեղ էլ բանը կվերջացնենք... Հը՛, պարոն, ըստնց չի՞...

Լավ,— ասացի ես ժպտալով:

— Դե՛, խա՛լիսը, դուք գեղամեջ գնացեք. ես էլ վերջացնեմ ու մեկ կես սհաթից կգամ... Ադա Սրապիո՛ն, դու էլ գնա Մաթոյին ասա, որ շան որդին դուքանների առաջը գա իմ հրամանին, թի չէ կերթամ զամ-

1 Դատի տակ:

1 Շրջանական տանտեր:

շիովս գլուխը կշարդեմ... Գնա՛նք, պ. Երվա՛նդ, գնանք մեկ ծառերդ տեսնենք. ասում են՝ լավն են...

Բուրբուս դուրս ելանք, իսկ ստարշինան հուսալից, որ գրագրի լաւածը ինքը կհաշուգեցներ, ինձ հետ պարտեզ իջավ:

4

Վիճակված էր. այդ օրը ստարշինան կաշառք չպիտի ուտեր: Որովհետև հագիվ մտել էինք պարտեզ, որ Սիսակը վազելով կկամ հայտնելու, թե քաղաքից երկու հյուր էին եկել ինձ մոտ:

Երկու ծանոթներ, որոնք, օգտվելով մի քանի օրվա տոներից, եկել էին գյուղ՝ ջղերը հանգստացնելու, գուցե և իմ նոր կյանքը տեսնելու: Ստարշինան ստիպվեց գործը մի ուրիշ օրվա թողնել և հեռանալ:

Հյուրերս իջան և երբ հանգստացել էին, երեկուսու դեմ պարտեզ տարա նրանց: Մեղվի փեթակներ մոտից երբե՛ք չէին տեսել: Սիսակի հետ միասին բացինք մեկը, ցույց տվի ամեն ինչ:

Հետո, երբ պարտեզի ներքևում կանգ առած, մայրի անտառն էինք դիտում, և ծառան մի քանի քայլ հեռու սպասում էր, հանկարծ նա մոտ եկավ, կպավ թևիս ու ասաց երկչոտ.

- Աղա-ախպե՛ր...
- Ի՞նչ կա, Սիսա՛կ:
- Մեկ գետի դրազը դուրս գնա՛նք...
- Ինչո՞ւ, ի՞նչ կա:
- Ընենց... Մեկ բան պիտի ցույց տամ ձեզ:

Այնքա՛ն աղաչանք էր գրված այդ խղճուկ դեմքի վրա, որ բուրբուս էլ հետևեցինք նրան և գետափն ելանք:

Այդտեղ նա մեզ տարավ դեպի աջ, և երբ հասել էինք գետակի մեջ հոսող առվակին, ցույց տվավ նրա մյուս կողմը գտնվող մի այգի և ասաց հուզված, լացի ձայնով.

— Դուք ու ձեր աստվածը, աղա-ախպերներ, մեկ գնացեք մտեք էդ բազը, մեկ լավ մտիկ արեք, թե ինչքան աշխատանք էր պետք, էն էլ մի հոգու՝ մինակ մարդու աշխատանք, որ շուրից ըտենց բալ շինվեր:

— Ո՞ւմ պարտեզն է այդ,— հարցրեց հյուրերիցս մեկը:

— Գնացեք՝ թե խիղճ ունեք,— շարունակեց Սիսակը ավելի ու ավելի հուզված,— առաջ մեկ տեսեք ու երբ գաք՝ ամե՛նը կպատմեմ:

Ես հասկացել էի: Իրավ է, երբեք առիթ չէի ունեցել տեսնելու այդչին, բայց լսել էի, որ այդտեղ էր նրա աներոջ այն հողը, որ շնորհիվ Սիսակի հսկայական և անդուլ ջանքերի, ճահիճից փոխվել էր պարտեզի:

— Բայց չէ՞ որ կարող են մեզ ներս չթողնել,— առարկեցի ես նրան:

— Կթողան... հրե՛ն, տերն էլ մեջն ա... Մեկ գնացեք հենց էդ պառավիցը հարցրեք, թե ո՞վ ա էդ ծառերը տնկել, մեշիցը շալակով ցախ բերել ու շափառը քաշել, բաղի դովրը փոսը փորել... հարցրեք, թե ի՞նչ էր առաջ էդ բաղատեղը, ո՞վ ա շորացրել, ո՞վ ա պատրուսնին արել, էդ կարտֆելը, էդ մարգերը... Հարցրեք, թե ո՞վ ա, որ գիշեր-ցերեկ, ողջ մեկ տարի փորել ա, շորացրել, տնկել, մաքրել ու հենց որ շուրիցը բաղ ա դարձրել, վզակոթին տվել են ու շան պես դուս քցել... հմի էլ ուզում են ըտենց, նամարդի պես քշել գեղիցը ու աշխատանքը վայելել...

Հուզմունքը շատանում էր, սկսել էր լալ գրեթե. ձայնը դողում էր շրթունքների հետ:

— Գնացե՛ք,— շարունակեց նա,— ես ըստեղ կուշ կգամ էս քարերի մեջ... ձեր դատաստանին կթողամ. թե կասեք՝ «Սիսա՛կ, ձենդ կտրի. իրավունքը բոնը չի», գլուխս դեմ կտամ, որ խփեն... Սկի աջալա՛ լա-նեք, աղա՛-ախպերներ, մեկ լավ տեսեք, մեկ լավ հարցրե՛ք...

Հյուրերս զարմացած էին և ինձ էին նայում հարցական դեմքով: Ակնարկեցի սպասելու, հետո, երբ հիրավի, Սիսակը կկզեց քարերի մեջ ու նստեց, հրավիրեցի նրանց հետևելու ինձ:

Սաստիկ խղճում էի հարստահարված երիտասարդին, և, քանի որ իր դատը նա մեզ էր հանձնում, մտածեցի շմբոթել: Բացի դրանից, իմ մեջ ևս կուտակվում էր զայրույթ ա՛յն մարդու դեմ, որ մի ամբողջ տարի խաբելով, տնփեսա շինելու հույսեր տալով՝ շահագործել էր որբին և այժմ, երբ ճահիճը մի շքեղ, արդյունաշահ պարտեզ էր դարձել, այժմ վոնդում էր նրան, և մինչև իսկ կաշառքի ուժով դրդում ստարշինային՝ գյուղից էլ քշելու:

— Գնա՛նք,— ասացի հյուրերիս,— հետաքրքիր բան է:

Եվ առավակը շանցած, բավական մանրամասն պատմեցի նրանց եղելությունը:

— Տո գնանք է՛ մեկ,— գուցե Գևորգը (հյուրերիցս մեկը),— գնանք այդ անպիտան ծերուկի մորուքը թափ տանք քիչ:

— Արժեք դրան մի լավ դնքսել,— ավելացրեց Հակոբը (մյուս հյուրս).— չէի կարող երևակայել ա՛յդ աստիճանի հարստահարությունը գյուղում:

— Սա դեռ մեկ երևույթ է. գյուղում տեղի ունեցող հարստահարությունն այնպիսի մեծ չափերով է լինում, որ գյուղացին ցանցի մեջ բռնեղված՝ ծծվում է ու շորանում...

Ոստեղծիքն արժի վրայից և մոտեցանք պարտեզին: Հիրավի, լինա-
զաշտի ո՛չ մի գյուղում չէի տեսել այդքա՛ն խնամքով և ճաշակով շին-
ված պարտեզ: Զարմացած կանգ առանք մեծ, բաց դարպասի առաջ:
— Օհո՛,— գոչեց Հակոբը,— սա ի՛նչ սիրուն պարտեզ է, կարծես
մասնագետի ձեռքի գործ լինի:

Վանդակաձև մեծ դռան կողքից ձգվում էր ավազածածկ մի լայն
ծառուղի դեպի ներս: Պարտեզն ամբողջ նախ շրջապատված էր փշա-
խյ խիտ ցանկորմով, իսկ հետո՝ առած ուռիների շրջանակի մեջ: Ապա անա-
սունների մուտքը լիովին արգելելու համար՝ պարփակված էր լայն խրա-
մով: Յուրաքանչյուր թիզ հողը ներսում մշակված էր ու մաքրված: Ան-
տառից բերած վայրի խնձորենիների կոճղերի վրա պատվաստած ըն-
տիր ճյուղերն այժմ լավ բունել էին և ծաղկել: Մի կողմը—կեռասենիք,
սալորենիք, մի ուրիշ գծով՝ արքայամորու բազմաթիվ թփեր, վարդե-
նիններ. ավելի ցած՝ լոբիի ցցերը դինվորների պես կանոնավոր շարքե-
րով՝ կանաչ էին կապել, իսկ նրա առջևում, գետնախնձորի մաքուր ու
լավ ակոսներ, ցուլց էին տալիս ամենալավ տեսակի տունկեր:

Ինչե՛ր ասես չկար. ընդեղեն, կաղամբ... Ու այդ բոլորը շատ կա-
նոնավոր տեղավորված մաքուր մարգերով. ո՛չ մի փուշ կամ քար:

Գինձի մարզի մեջ կուշ եկած քաղհանք էր անում Գրիգորը: Կուղ
ու կարճ մի ծերունի, որ մեր ձայնը լսելով՝ դարձավ նայեց, հետո ոտքի
ելավ քաղհանը ձեռքին:

— Բարև՛, ծերունի՛:

— Աստու բարին... էս ո՞նց էլավ, պ. Երվանդ, որ եկաք բազս
տեսնելու... Համեցե՛ք:

— Դրացի ենք գրեթե,— ասացի ես,— չգիտեի, որ այսքան մոտիկ,
այսպիսի գեղեցիկ պարտեզ կա. իմ պարտեզը սրա մոտ անապատ է...

— Ըտենց ա,— ժպտաց ծերունին,— ուրիշի ձեռքով արած բանը
բա ի՛նչ պիտի ըլի. մարդ իրա՛, իրա՛ ձեռքով պիտի շինի, իրա՛ զըր-
տինքը պիտի թափի հողի վրեն...

— Բայց մի՞թե այս բոլորը քո՞ իսկ ձեռքով, քո՞ քրտինքով ես շի-
նել ու մշակել. հը՞, ծերունի,— հարցրեց տաքությամբ Հակոբը:

— Հա՛...— արեց ծերունին բավական համարձակությամբ,— բաս
ուրիշ էլ ո՞վ ունեմ:

— Ա՛յնչու ես եղել,— դիտեց Գևորգը ծաղրով,— լա՛վ էլ այգե-
պան:

— Կանես՝ կսովորես... Ծճմարի՛տ ա, էս բոլորը, ասած կլինի պա-

րոնը, իմ ձեռքովս չեմ տնկել, շինել, ամա ե՛ս էլ շատ քրտինք եմ թա-
փել ըստեղ:

— Այսինքն ի՞նչ,— գոչեց Հակոբը,— գուցե այս ծառե՞րն ես դու
պատվաստել:

— Չէ՛:

— Կամ այս պա՛տը դու քաշել... Ղինի՞ խրամը քո փորածն է...

— Մարգերը դո՞ւ ես կազմել, գետնախնձորը դո՞ւ մշակել...— ալե-
լացրեց Գևորգը:

— Կամ այս մորիների թփերը դո՞ւ բերել անտառից...

— Գուցե այդ ուռիները դու տնկել, այդ ծառուղինե՞րը...

— Չէ՛, աղանե՛ր,— հաջողվեց ասել ծերունին խոսքերի այդ կար-
կուտի տակից,— չէ, էդո՛նք իմ շինածները չի... իմ մշակն ա, իմ նոք-
յա՛րն ա շինել:

— Ի՛նչ նոքյար,— զարմացավ Գևորգն ինձ դառնալով,— ուրեմն
վարձատրե՛լ է:

— Սպասի՛ր, ծերո՛ւնի,— միջամտեցի ես,— խոսքդ Սիսակի հա-
մա՞ր է. լա՛վ, թող նոքյարդ եղած լինի. իսկ որքա՛ն վարձ ես տվել
նրան. տվե՛լ ես, օրինակ, այնքան, որքան ես տալիս եմ. ինչո՞ւ ուրեմն
ամսական 10 ու առնելով ինձնից, նույն ջանքով չի մշակում պարտեզս:

— Ո՞նց,— գոչեց ծերունին,— տարեկան 120 մանե՛թ ես տալիս...
փիե՛... հա՞ցն էլ, տո՞ւնն էլ...

— Այո... կոշիկ, մի ձեռք էլ հագուստ:

— Ասում էին՝ չէի հավատում... բա էդ ո՞նց ա, որ քո բաղը սրա-
նից լավ չի շինել... Ի՛նչ դալբն՝ ա ըլի, տո՛...
— Ախ՛ր, ծերո՛ւնի,— միջամտեց Հակոբը,— դու է՛ն ասա, թե դու
ինչքա՛ն վարձ ես տվել նրան, դո՞ւ...

Ծերունին շփոթվեց, փորձեց ժպտալ, խոսքը կտուրը ձգել, բայց
Հակոբն ամուր էր բռնել նրան, իսկ ես ու Գևորգը ծիծաղում էինք...

— Փիե՛...— արեց վերջապես ծերունին,— քո ի՛նչ բանն ա էդ,
ախպե՛ր, դու նրա վեքի՞նն ես... ես գիտեմք ու նա... էդ մե՛ր գործն ա...

Ու Հակոբը սկսեց «Թափահարել» նրան մի ֆիլիպիականով, ուր
խառն կային և ծա՛ղր, և կծու հարձակում, և՛ բարոյախոսություն: Օ՛րի-
նակ.

— ...Քանի՞ տարեկան ես, ծերունի... վաթսո՞ւն... Տե՛ս, էլ սև մազ
չկա գլխիդ. մեջքդ էլ կամուրջի նման ծռվել է. մեկ էլ տեսար՝ մի օր
ընկար ու ոտքերդ պարզեցիր... հը՞, ի՛նչ է, կարծում ես է՛ն աշխարհում

քեզ հարցնող չի՞ լինելու թե՛ «ա Գրիգոր, ա՛յ ձերուկ, ինչի՞ Սիսակին խաբեցիր, ողջ տարին բանացրիր, ճահիճդ այգի՛ շինել տվիր, աղջկադ խոստացա՛ր. նա էլ կարծեց, թե՛ իր աշխատանքի պտուղն ի՛նքն է վայելելու, ողջ ջահելության ուժը դրեց հողիդ վրա, բայց դու վունդեցիր նրան ու աշխատանքը խաչտեցիր»... Հը՞, ի՞նչ է, չի՞ գտնվի մեկ սատանա, որ էդ մորուքիցդ մի բռնի, էն կպրե կարասը կոխի ու հանի, յա քեզ բարեբար խփի, երկնքից գետին շարտի...

— Փիե՛, փիե՛... — անում էր ետ-ետ քաշվելով ձերուկին, տո եկել էք ինձ խեղդելու՞... տո՛ դուք պրի՞ստավ եք, ստարշինա՞՛ եք...

— Հը, չէ՛, դու այն ասա՛,— մոտենում էր նրան Հակոբը սպանակից,— կարծում ես էն թարս ոտներով, պողեբով ու պոչերով սատանաները քեզ բա՞ց կթողեն. յա թե չէ, հենց էս կյանքում, դու չե՞ս մտածում, որ եթե Թիֆլիզում ձեռքս ընկնես, քեզ ծեծելով թան կշինեմ, էդ մազերդ կսևացնեմ մուրով... Յա թե չէ, Սիսակն է, կատաղեց ու մի օր էլ բռնեց քեզ հենց այստեղ խեղդեց, էս բաղն էլ քարուքանդ արեց, տորեց ու ինքն էլ կորավ, գնա՞ց...

— Տո ձեռք քաշի է՛... մեղա՛ աստծո... տո՛ ես ի՞նչ եմ ասում... հչա թող գնա պաշպորտ բերի...

— Պաշպո՞րտ... քայլեց դեպի նա Հակոբը,— տո դու անաստված ես, միթո՞նի ես. քսան տարի գյուղում մեծացած մարդուց պաշպո՞րտ կուզեն... տո՛ դու չե՞ս կարդացել Ավետարանում, որ կաշառք տվողին դժոխքում քսան անգամ հալած արճիճի մեջ են թափախելու, հարյուր շորս շամշա՛ կրակ են լցնելու բերանը, ամեն օր երեք անգամ ձեռքերը գաղելու են, կաշառք տվող ձեռքն էլ շների առաջ են քցելու... տո բաս դու Ավետարանի՞ն էլ չես հավատում...

Մենք, ես ու Գևորգը ծիծաղից շփտեինք ինչ անել՝ տեսնելով ձերունու լրջորեն վախենալն ու ետ-ետ քաշվելը, իսկ Հակոբի՞ ծաղրով և սպանակիքները:

— Հա՛մ էլ որ,— վերջացրեց սուր խազով Հակոբն իր խոսքերի կարկուտը,— էս է, ես քաղաք գնալիս՝ գուբերնատորին ասելու եմ, որ քեզ բռնեն, հոգիդ հանեն... ի՞նչ է, դու ի՞նչ ես կարծում ինձ. կարծում ես, որ քի՛չ փող ունեմ կաշառելու բոլորին ու քեզ բռնել տալու գյուղից... Բայց ամենից առաջ ես քեզ մի լավ կծեծեմ էգուց. հենց ըստեղ կգամ բռթակ կտամ, թե աղջիկդ չես տվել Սիսակին...

Կատարյալ մոլիերական բռնի ամուսնություն կերպարանք էր ստա-

նում հարցը: Մերունին կարկամել էր. վերցրեց գետնից բահը, մի ոստյուն գործելով դուրս թռավ ծառուղուց և ծածկվեց ծառերի ետևը: Իսկ մենք մի մեծ քրքիչ բարձրացրինք և այգպես էր, որ դուրս գնացինք պարտեզից:

Այդ ամենն անշուշտ բավական զվարճալի կլիներ, զվարճացրած իմ հյուրերին, եթե միայն քարերի մեջ սպասելիս լինեիր թշվառ Սիսակը, որ գուցե հույս ուներ մեր միջամտության վրա, գուցե կարծում էր, որ երեք «աղա» քաղաքացիները պիտի կարողանային ջարդել ձերունու համառությունը, պիտի հաջողվեին վերականգնելու իր իրավունքները և վերջ տալու տանջանքներին...

Այդ մտածությունը երևի բոլորիս իսկույն համակեց ասվից անցնելուն պես, որոհեա՞ն անմիջապես լրջացանք և լուռ քայլեցինք դեպի գետակը:

— Շնձե՛րը... — բացականչեց Հակոբը,— աստված է վկա, որ վաղը գնալու եմ նրան դնքսեմ. թող ինչ ուզում է լինի:

Ոչ մեկս շխտեցինք: Քարերի վրա կուչ եկած՝ անշարժ նստել էր Սիսակը՝ դեմքը ձեռքերի մեջ: Չլսեց մեր մոտենալը, դետի խոխոջը չէր թողնում:

Ի՞նչ ասել այժմ նրան, ի՞նչպես մխիթարել:

— Սիսա՛կ...

Գարձավ ու ոտքի ելավ:

Հուզմունքը ծածկել անհնար եղավ: Լացել էր. լաց էր լինում, և հուսառ ղեմքը թրջված էր աղի արցունքով:

Հիրավի... ո՛րք, վաճառված, հարստահարված և անտուն. անցյալում հույսերով լի՞, երիտասարդության ամբողջ ուժը դրած մի հողի վրա, որը իրենն էր կարծել և ահա այժմ կողոպտված ու նետված...

Գուցե և ա՛ղջկան սիրում էր նա, երազներո՞վ ու հույզերով լի ապրել էր տարիներ ամբողջ և այժմ հանկարծ ամեն ինչ խաբխրված, ամեն ինչ կորցրած՝ արտասուքն էր միայն մնացել մխիթարիչ...

— Սիսա՛կ, — գոչեցի հուզված, — ամո՞թ է...

— Ինչո՞ւ ամոթ, աղա-ախպեր, ինչի՞,— ասաց արոտավալից,— էլ ի՞նչ ունեմ, էլ ո՞րտեղ գնամ, ո՞ր քարին գլուխս դնեմ... Գիտեմ, դո՛ւք էլ չկարացիք բան անել... փող ունի՞՞ զոոբա ա, տալիս ա, իրավունքի ձեռք խլացնում... աստված էլ խո շա՛տ հեռու ա... բա էլ ի՞նչ անեմ, որ լաց չըլեմ...

— Կա՛ց, տո՛, — ձեռքդ դրեց նրա ուսին Գևորգը նույնպես հուզված, — կա՛ց, ի՞նչ ես կնկա պես լալիս. տղամարդ ես, մի բան մտածի՛ր...

— Յա թե չէ գնա բռնի խեղդի... — կանչեց կատաղությամբ Հակոբը:
— Թե ի՞նչ... — գլուխը շարժեց Սիսակը, — դրանով աղջիկը կտա՞ն,
հողս կտա՞ն... Չէ՛, աղա-ախպերներ, ես կորած մարդ եմ, ես սկի մարդ
էլ չեմ... ոչ ոք չունեմ, ամենքը զուլում են անում ինձ, ամենքը նրա՛
կողմն են, հարուստ մարդ ա, իրանց գեղացին ա... Ստարշինա՛ն էլ
քյո՛խվան էլ, պրիստա՛վն էլ... Աղջի՛կն էլ. աղջիկը հոր կողմն ա...
առանց հոր իրավունքի՛ երեսիս նայել չի ուզում... Ախր ես ո՞վ եմ,
տո՞ւն ունեմ, ծնո՞ղք, ազգակա՞ն ունեմ, թե՞ փող, որ սրան-նրան խընդ-
րեմ, որին ուզեմ՝ քշել տամ, պատժել տամ... Իմը լւացն ա. ամա հմի
լացի վրա՛ էլ են ծիծաղում...

Ասաց, նստեց դարձյալ քարերի վրա և ձեռքերով գլուխը ծածկեց:
Մթնշաղի, վերահաս գիշերվա մեջ, երկա՛ր նրա սև կույտը հեռվից
երևում էր խոխոջող գետափին՝ անշարժ ու հուզիչ...

1905

ՍԵՐՄԱՑԱՆԸ

1

Այդ առավոտ շո՛ւտ էի զարթնել:

Արևը նոր էր ծագել. սահուն և կտոր-կտոր ամպերը հաճախ ստվե-
րում էին նրա ճառագայթները. շրջակա անտառոտ լեռներն ամբողջովին
դեռ պատած էր թանձր մշուշով. աշնանային խոնավ, անձրևոտ այդ
օրերը ցեխ էին շինել, թացության մեջ ծածկել շրջակայքը...

Երբ դուրս ելա, դռան առաջ տանտերս հանդիպեց: Սայլի վրա եր-
կու շուժ քարձել, որդու հետ մոտակա արտն էր ուզում գնալ՝ աշնա-
նացան անելու:

Առաջարկեց ընկերանալ: Սայլը ելա, սերմացուի տոպրակը նստա-
րան շինեցի և մի այլ երիտասարդի հետ, որ գալիս էր օգնելու, գյուղից
դուրս գնացինք:

Մոտ էր արտը. թաց էր, բայց շատ ցեխ չէր. հարմար էր շթիլու և
ցանելու: Հարմար էլ շինեք՝ ժամանակն էր:

Եվ երբ հասել էինք, իսկույն գործի ձեռնարկեցին:

Թեցին արտի կիսից. տանտերս ցած գլուրեց ցորենի տոպրակը, մի
մեծ սպիտակ գոգնոց կապեց ուսից, խնդրեց իմ օգնությունը և մի
փթաշափ սերմ հավաքելուց հետո ոտքի ելավ:

Բայց, նախքան սկսելը, ծանրացավ մի ոտքի վրա, դեմքը դեպի
արևելք դարձրեց, խաշակնքեց ու աղթեց.

— Ո՛վ Մարիամ աստվածածին, դո՛ւ բարեխոս լինես Միածնիդ...
մեկին հազար անես...

Ասաց, բուռը լիքը սերմ հանեց գոգնոցից ու շարտեց դեպի հողը:
Մինչ այդ՝ եզներն էլ քայլեցին: Արտի երկու ափերից գործիքների
ծայրերը մղվեցին փուխը հողի մեջ:

— Հո՛, հո՛...

— Բո՛ղու, Բո՛ղու...

Եվ գորշ հողը պատովելով՝ դիզվում էր ակոսների՝ հողերին:

Նստել էի թմբածև մի հողակույտի վրա ու նայում:

Սկսել էր փշել թարմ, գրեթե ցուրտ քամին: Արևը հաճախ ծածկ-
վում էր վազող ամպերի մուժ կտորներով: Առջև՝ ցածում փոփոխ էք
պուղը՝ իր կարմիր-կղմիկոյրյա տանիքներով, սիրուն ծառաստանների
մեջ թաքնված. ապա, ավելի հեռուն՝ դաշտը, դեղին և սև քառակուսի-
ներով ակոսված մինչև լեռների ծայրերը, երբեմն միայն բծավորվում
էր կանաչ փոքրիկ տարածություններով: Հորիզոնում, հնձված և
նուրբ մշուշով խառն հեռանկարը ծածկվել էր մոտակա թաց հողերից
եկող գոլորշիների քողածև վարագույրով...

Այնքա՛ն անոսր էր օդը, այնքա՛ն մաքուր, որ գյուղից պարզ հաս-
նում էին մեզ սագերի, շների և մանուկների խառն ձայներ. աքա-
ղան էլ իր ժանգոտ կանչովն էր պատում օդը:

Կողքում, քիչ ցած, գետնախնձոր էին հանում: Կին, մանուկ կոա-
ցած, փորում էին, կողքին փոքրիկ կրակ էին կազմել՝ թարմ գետնա-
խնձոր խորովելու, և ծուխը թանձրացել էր նրանց շուրջը: Ավելի ցած՝
բլուրների վրա էլ վարում էին. այնտեղից լսվում էր «հորովելի» մեղա-
մաղձիկ ձայնը:

Եվ սերմնացանը կաղնիկաղ, պարբերաբար, բոով ցորեն էր սփռում
արտի վրա. լսվում էր նրա ընկնելու ձայնը՝ անձրևի նման:

— Մա՛նր, ծա՛նր քշի շլիս... — կանչում էր շթվորներից մեկը:

— Հե՛յ ես բո տիրոջը... — նեղանում էր մյուսը եզների վրա:

2

Քայլում էր ու ցանում: Բայց և խոսում էր նա: Ինչ՞ մի բանի բառ,
շթվորների՝ նկատողութուն... Այդ բոլորը նա անում էր առանց կանգ
առնելու, միապաղաղ ձայնով:

— Ոտդ ո՛ւր ես հուպ տալիս:

— Գնում չեն...

Ու անցնում էր, մուշտուկով պապիրոսը բերնին: Անցնում էր մուտովս. ցորենը շղշղալով ընկնում էր ոտներին առաջ:

— Փե՛շքեշ... — ասում էր ինձ:

— Հազարով լինի, — բարեմաղթեցի ես:

— Ալյոշկա՛, արի՛... — գոչում էր շթվորը, — Ալյոշկա՛, ա՛րի, ա՛րգյալ, Ալյոշկա՛... Տո ինչի՞ ես սատկում, ա՛րգյալ արի է՛է՛... —

— Ի՞նչ բան է «արգյալը», — հարցնում եմ:

— Անվարել հող, — բացատրում է սերմնացանը:

Իսկ երբ քիչ հեռանում են, տանտիրոջ որդին, կարծես մի կիսաթողած խոսակցություն վերանորոգելով, ճնշում է ոտքը շութի կոթի վրա և ասում հորը.

— Մելիքին ե՞րբ ենք փող տալու, որ ասում ես Յ մանեթ էլ կա... Քարը որ տարար, փողն առա՛ր... —

Հայրը քիչ լռում է, մի երկու բուռ ևս նետում, հետո, հեռացած, նույն միապաղաղ ձայնով պատասխանում.

— Քեզա՛նից բխաբար... բաս Յ մանեթը դա, իսկ մյուս երե՛քը Միմյանցից հեռանում էին ավելի, ուստի և ձայները քիչ բարձրացնում, որ լսելի դառնան:

— Բաս որ մի օր եզնիքը տարանք քարհա՛նք... — առարկում է որդին:

Ու լռում են: Հայրը ոչինչ չի պատասխանում:

— Հո՛, հո՛, — դարձյալ լսվում է մյուս շթվորի ձայնը, — Բողո՛ւ հո՛, հո՛... Ա՛յ տղա, կասես ականջները կալած ըլի. երեսուն հետ Բոգու եմ ասում, մի հետ ականջ չի անում... —

— Դե՛նը գնա, դե՛նը... — ձայնում է մյուսը:

Քիչ հետ սերմնացանը հասնում էր արտի ծայրին: Մտածեցի, որ մի կողմը վերջացրել էր և պիտի կեսիցը դառնար ետ: Բայց նա նորից անբամ լցրեց և նորից նույն կեսի վրա՞ սկսեց:

— Երկու անգամ ես ցանում նույն տեղը, — հարցրի ես:

— Որ խիտ լինի, հավասար, — ասաց նա:

Ապա, երբ հասել էր ինձ, նետեց պապիրոսը և ավելացրեց.

— Առանց էն էլ մի բան չի դուրս գալիս... խո տեսա՞ր գարնանա՛ցանը:

— Տեսա:

— Մեծ մասը գիժ ցորեն է, մնացածն էլ անձրևներից կալի մեկ ծլել է:

— Այո: Ավելի լավ չի՞ լինի, եթե երբե՛ք ցորեն չցանեք. ամեն տա՛րի այդպես է:

— Ապա ի՞նչ անենք:

— Չե՛ր հողերը ցորենի հող չէ. անձրևները, հողը վա՛տ... —

— Հա՛. լավ խոտի, վարսակի հող է:

— Եվ կաղամբի, գետնախնձորի:

— Ճիշտ է:

— Դուք էլ ուրեմն միայն վարսակ, կաղամբ ու գետնախնձոր ցանեք:

Երեսիս նայեց ժպտուն ու ցանելով անցավ: Երբ քիչ հեռացել էր և առանց դառնալու՝ ասաց.

— Լավ ես ասում. բաս դա՛րման:

— Դա՛րման. ուրեմն միայն դրա համա՛ր ցանել:

— Ապա ի՞նչպես, — ասաց նա:

Չթվորներից մեկը, որ մոտեցել էր և շութը շուռ տված՝ երկաթի ցեխն էր մաքրում, միջամտեց.

— Որ դարման չլինի, — ասաց նա, — տավարը խոտով չի ապրի:

Այլևս ոչ ոք չխոսեց:

Արևին այդ միջոցին հաջողվել էր քիչ ցանուցրիվ տալ մշուշը: Այժմ էլ վարվող հողիցն էր գոլորշի ելնում և գետնի երեսը բարձր գալով գնում: Գլուղից լսվում էին ավելի և ավելի ձայներ. երևում են սալլավորներ, տավարներ: Մի ինչ-որ, գոմեշներ լծած սալլ էլ, լեռներից էր իջնում:

— Ունանենց քոչն է, — դիտեց տանտիրոջս որդին, — սարից են իջնում:

— Պիտի գան, բա՛ս, — ասաց երկրորդ շթվորը հանդեպից անցնելով, — անձրևները օ՛ր են տալիս որ:

— Ադա ո՛ւր եք կանգնել, քշեք է՛, — ձայնեց հեռվից սերմնացանը, — ես էս ա պրծնում եմ մեկ կողմը:

Ու կաղնիկաղ մոտենում էր: Գոգնոցի սերմը պրծել էր, բայց նախքան նորից լցնելը, նստեց ինձ մոտ՝ քիչ հանգստանալու, մի պապիրոս շինեց, վառեց ու ասաց.

— է՛հ, հի՛մար բան է, մարդ ափսոսում էլ է այսքան աշխատանքը:

— Ինչո՛ւ, — մխիթարեցի ես, — ասում են, որ աշնանացանը գիժ ցորեն չի տալիս:

— Ճշմարիտ է. բայց տված ցորենն էլ մի բան չի... է՛հ, ապրուստ խո չի մերը, դժոխք է, դժոխք... Ցանում ես, տանջվում և՛ ոչինչ: Տո՛թ, մկե՛ր... գետնախնձորն էլ, հրե՛ն, կեսից ավելին փշացել է:

— Հա՛, այս տարի ամեն ինչ վատ է եղել... բայց ամենքը քեզ պե՛տ չեն գանգատվում... Ա՛յ, Մաթոսը, օրինակ. երեկ ասում էր որ՝ «փառք ըլի աստծուն, ի՞նչ կա, ամեն տարվա պես տարի է, է՛լի»... —

— Կասի բաս, ինչո՞ւ չասի,— ժպտաց դառնութեամբ սերմնացանը,— նրա շատ մեկ վեջն ա, որ արտը ոչինչ չտա: Ուրիշների հոգին թող դուրս գա. նրա՞ն ինչ. ինքն ու տղեն խո սովորել են ուրիշների տունը քանդելով հարստանալ...

— Հա՛, ասում են վաշխառու է, տոկոսով...

— Հըմ, տոկոսը որն ա... տոկոսն էլի բան ա. ուղղակի խաբեությունով... Անցյալ օրերը չէ՞ր, որ բողբոջաց բունեց ու 20 մանեթի տեղ 10 սալ խոտը խլեց ձեռքիցս... է՛հ, ուժն էլ նրա կողմն է, իրավունքն էլ...

— Էդ նրանից է,— ասացի ես,— որ դուք ձեր իրավունքները պաշտպանել չգիտեք. ոչխա՛ր եք, ոչխա՛ր... խուզում են ձեզ լավ...

— Չեն խուզում, ո՛ւտում են գայլերի պես... Աշխարհումս մարդիկ երկու են լինում՝ գայլ ու ոչխար. դե՛հ, իհարկե գայլը ոչխարին կուտի:

— Դուք էլ ոչխար մի՛ լինիք. մարդու իրան ձեռքն է այդ...

— Հա՛...— արեց նա մտախո՛հ,— իրա՛վ է, մարդու իրան ձեռքն է՛ ինչ անասունի ասես՝ նմանվելը... մարդ կա, որ օձ է, մարդ՝ որ խոզ, մարդ էլ կա՝ ոչխար է...

— Ոչխարը ուրեմն որ ուզենա, գա՞յլ էլ կդառնա:

— Կդառնա, ինչո՞ւ չէ:

Հետո ոտքի ելավ ու քայլեց դեպի ցորենի տոպրակը: Հետը գնացի ուզում էի տուն վերադառնալ:

Եվ երբ շոքել՝ լցնում էր, ասաց.

— Սպասի՛ր, քեզ մի բան պատմեմ, պարո՞ն... Ուզում ես գնա՞ր

— Չէ, պատմի՛ր:

— Մեկ պապիրոս էլ ծխի՛ր, մինչև ես պատմեմ .. Հա՛, էն էի ասում... Մեր գյուղումը, սրանից տարիներ առաջ, մի խեղճ մարդ կար, Հարութ էր անունը: Մեկ պես ցանում էր, հնձում, գիժ ցորեն ուտում— հիվանդանում. և քա՛նի ընտանիքը մի կողմից ավելանում էր, այնքա՛ն նրա արդյունքը պակասում էր, անձրևը կալը փչացնում, հիվանդությունը և խոտի պակասությունը տավարը ոչնչացնում... քիչ էր մնում ամեն բան թողնի ու գլուխն առնի կորչի... Մի օր էլ, երբ այսպես, դառն մտածություններով լի, և կել էր աշնանացանի, հազա, անգամ օրն ու հողը, անձրևն ու իր ցանքն անիծելով՝ կոպեղ սերմուցովի տոպրակի վրա՝ ցորեն էր լցնում գոգնոցը, ի՞նչ տևանի լավ է... հանկարծ տեսավ որ տոպրակիցը մի սատանա դուրս թռավ ու առաջը նստեց...

Ի՞նչ ասել կուզի, որ Հարութը խիստ վախեցավ, գոգնոցի միջինը վեր ածեց և ուզեց փախչել:

— Ո՞ւր ես փախչում, տո՛,— ասաց նրան սատանան,— ես խո քեզ չե՛մ ուտելու. կա՛ց հալա...

Հարութս էր. դողը ջանն ընկած՝ կանգնեց:

— Մո՛տ արի, ախմա՛խ,— ձենեց սատանան,— ինձ խո ճանաչեցի՛ր:

— Հրամանք ես:

— Ծա խղճացի քեզ, նրա համար էլ եկա: Շատ էլ լավ չի օրդ, հը՞... Ցանում ես՝ գիժ է ստացվում, ծնում ես՝ մյուս կողմից ապրուստդ է քշանում... Կուզե՞ս, արի քեզ հարստացնեմ:

— Բաս չե՞մ ուզի:

— Դե լավ, որ ըտենց ա, առաջ մեկ էդ սերմացու ցորենի վրա ոտքդ դիր ու մի լա՛վ տրորիր...

— Ո՞նց, բա մեղքը չի՞...

— Հիմա՛ր... բա դու մեղք չե՞ս... Տրորի՛ր, ասում եմ:

Հարութի սիրտը խփում էր, բայց դե, սիրտ արավ ու աչքերը: Տրորելուն պես ոտքը ծովեց ու կաղ դարձավ:

— Վա՛յ, վա՛յ,— կանչեց նա,— ոտքս ծովեց:

— Ոչինչ,— ծիծաղեց սատանան,— կաղ ոտքը չի խանգարի հարուստ լինելու... ըտենց, դե հիմի մոտ արի ու սերմացուիդ տոպրակի մեջն էլ մի լավ թփի՛ր...

— Բո՛ւ... չէ՛, էդ կարող չեմ... ընտանիքս կերակրող տո՛պրակը...

— Տո թփիր է՛, քեզ ասում եմ. ողջ ընտանիքդ է՛նպես հարստացնեմ, որ սաղ գյուղը ոտներդ լզի...

Հարութը կոպացավ ու թքեց: Բայց հենց որ թուրք ցորենին կպավ, մի ցորեն թռավ մտավ աչքը և ու իսկույն քոռացրեց:

— Վա՛յ, վա՛յ,— կանչեց նա,— աչքիս մեկը քոռացավ:

— Ո՛չինչ,— քրքրաց սատանան,— էն մեկ աչքովն էլ կտեսնես ոսկիները... Դե՛հ, հիմի մնաց մեկ բան էլ անելու, պիտի ապականես հողը...

— Չէ՛, ես էդ բանը չե՛մ անի... հողը բաս կապականե՞ն, կպղծե՞ն...

— Տո արա՛, ախմախի ճուտ, էլ հողի հետ ի՞նչ գործ ունես. էնքան ոսկի տամ քեզ, որ մեռնելիս էլ նրա մեջ թաղվես:

Դե՛, Հարութն էր, ապականեց: Բայց հազիվ արել էր, մարմնի վրա իսկույն այնպիսի վերքեր գոյացան, որ թե ինքը չազատվեց նրանից և թե ցեղից ցեղ նրա սերունդն օր շտեսավ այդ վերքերից...

— Ոչինչ,— ասաց սատանան,— լավ-լավ շորեր կհագնես, վերքերդ չեն երևա...

Ասաց, իր շանգերով կնքեց Հարութի սիրտն ու ճակատը և խրատեց:

— Դե հիմի՛,— ասաց նա,— զնա տուն. դրացուդ՝ Գալոյենց տան պատերի մեջ ոսկի կա, քանդիր տունն ու ոսկի՛ն առ... Բայց տես, մինչև որ սաղ տունը քարուքանդ շանես, ոսկին չես գտնելու... Եթե Գալոյենց ոսկին քեզ չհերիքի, մյուս դրացիներինդ, սաղ քո թաղի, գեղի և աշխարհի տները ոսկիներով լիքն է, քանդիր ու վերցրու...

Հետո մի լավ, կուշտ ծիծաղեց ու անհետացավ:

Հարութն էլ զնաց: Մյուս օրն ևեթ Գալոյենց տունը քանդեց, հետո դրացիների և մինչև այժմ էլ ինչ տուն տեսնի՝ կքանդի, որ ոսկի դիդի...

Պատմեց սերմնացանը և ոտքի ելավ՝ գոգնոցը ցորենով լի:

— Հետո՞,— հարցրի ես,— ինչո՞ւ այդ բոլորը պատմեցիր: Երեսիս նայեց ժպտալով ու ասաց.

— Հարութը ոչխար էր, գայլ դարձավ, է՛լի...

— Իմ ասածն այդ չէր:

— Գիտեմ... բայց ինձ լսիր: Ասենք՝ ես ուզում եմ ճանապարհ գնալ. փուշ է՝ ջարդում եմ, քար է՝ շին եմ շարտում, բաս որ սարը գա, ո՞նց անեմ. կարա՞մ քանդել...

— Ոչ մենակ, բայց միասին և համառ աշխատանքով կարող եք նրա տակը փորել...

— Միասին... համա՞ռ...

Երեսիս նայեց դարձյալ, մի վայրկյան լուռ մտածեց, հետո բուռ կոխեց, հանեց սերմը և ցանելով հեռացավ...

Լուռ՝ ես էլ հեռացա:

Մշուշն իջնում էր դարձյալ, արևը թաքնվել էր և ցուրտ քամին սաստրկանում: Զթվորները ճնշում էին գործիքների կոթերը և ակոսելով անցնում:

— Բողո՛ւ, Բողո՛ւ, ա՛րգյալ արի...

— Հա՛յ ես քու տիրոջ...

Վերևում լսվում էին կոռնկների ձայներ: Մի զույգ էր այն, որ կոկոռալով սավառնում էր դեպի անտառոտ լեռները:

Անտառ մտնելուն պես երկինքը պարզվեց:

Ամպերը շքրվեցին, ու կապարի նման ծանրությունը միայն փարտվեց բարձրում, փոթորիկ գուշակող մռայլ կերպարանքից ազատվեց երկնակամարը:

Գետից հետո, վայրի խնձորենիների, տանձենու և կաղնիների մի խառնուրդ՝ եզերում էր անտառի կուրծքը մխրձվող շավիղին:

Այնքա՛ն գրավիչ էր ցածում փովող հեռանկարը, որ մի քանի ըոպե կանգ առանք բարձրության վրա և զննելու մնացինք հորիզոնի կանաչ կապած դաշտը:

Մեզ հետ կային մի քանի գյուղացիներ: Մելիքն էր՝ իր ճակատի տակի հայացքով և յափունջու մեջ պարուրված. հետո՞ մեր տանտիրոջ որդին՝ Գրիշոն, այլև այն երկարահասակ ու նիհար Թևոսը, որին գյուղում «ուզուն ախմախ» (երկարահասակ տխմար) էին կոչում:

Թևոսն այդ օրն իր ամբողջ եռանդն էր ցույց տալիս մեզ օգնելու և առաջնորդելու մեջ: Հիմար ժպիտը դեմքին, ինքնակոչ կերպով առաջնորդության դերը ստանձնած՝ քայլում էր առջևից, գետի հունը ցույց տալիս. շալակեց ինձ ու ջրիցն անցկացրեց, երեսաներին ամբողջ ժամանակ գրկած տարավ, իսկ երբ գետն էինք անցնում, ավելի գործույա՛ գոռում էր այդ ու ահյակ:

— Ադա՛, ո՛ւր ես կանգնել, քո՛ն Գրիշո, շե՛ս կարում երեսաներին դես բերի... Կա՛ց, պ. Երվանդ, կոշիկդ մի՛ հանի... ա՛յ, արի մեջքիս վրա ընկի՛ տանեմ քեզ... Կացե՛ք, կացե՛ք, խանումներ, հրեն դոմշի սելա գալիս. վրեն կնստացնեմ ու ջուրը անց կկենաք...

Ու երբ անտառն էինք մտնում այդ բոլորից հետո, կանգ առավ մի խնձորի ծառի տակ, ձեռքը տարածելով մեծ շրջան գծեց օդում ու ասաց ինձ.

— Հրես այ, սա ա Մելիքի զավթած հողը...

— Ադա, ո՛ւզուն ախմախ,— կանչեց նրա վրա Մելիքը բարկացած,— զա՛վթածս որն ա... էն ա իմ հողն ա, էլի՛. իրեք տարի ա, համ լութով վարում եմ, ակոսները քցում մեջը, հողը շուռ տալիս, համ դիփ էդ վերի (վայրի) խնձորտեքանց վրեն պատրուսնի եմ արել, համ էլ ա՛յ, էն ձորումն ընենց կաղնիքի եմ կտրտել—ցած քցել, որ ամեն մեկը 10—15 մանեթի տախտակ կհանի... Հողն իմն ա, բր կա. հասկա-

նում եք... Ինչուք հմի, էն ա շտրափ ա (տուզանք) որ տալիս եմ. Հրես մի քանի օրից հետո էլ կհաստատվի ինձ վրա կպրծնի...

Այդ բոլորն ասաց Մելիքը ձեռքի լայն շարժումներով, յափուռնին ետ քաշած ու իր հողի մեջտեղը կանգ առած:

Ապա, երբ պրծել էր, մոտ եկավ ինձ, յափուռնին հանեց, ծալեց, ուսի վրա նետեց ու ավելացրեց.

— Գնանք, պ. Երվանդ, տես թե ո՞նց հող ա... քեֆդ կգա... Կուզես տամ քեզ, մեջը ծառ քցի, վարի, ցանի... Մենակ 290 հատ խնձորի կա մեջը, ընե՞նց կաղնքի ցույց տամ, որ բերանդ բաց մնա... Դիփ կտրատելու եմ, որ ջառմաները տամ... Բա ո՞նց, ինձ շառմայով կվախացնե՞ն... Ընչի պտի ջբիցս տամ. էն ա, կտամ մի երկու կաղնքի վեր կբցեմ, կբշտեմ, կծախեմ ու ջառման էլ կհանեմ, մեկ բան էլ ավել...

— Իսկ եթե վրա հասնեն ու կտրատած ծառերը տեսնե՞ն...

— Ո՞վ, արեչչիկը!... Տո հրեն է՞. մեկել օրն ըստեղ մենք խորոված էինք ուտում ու գինի խմում, կողքներին էլ մեկ կաղնի ծառ խփում էին ցած քցում... յանի արեչչիկը որ կա, իմ նոթյա՞րը չի, քի՞չ ա ինձանից խեր տեսնում... հա՛մ կաշառք, հա՛մ քեֆ...

— Բայց եթե ինքը՝ անտառապա՞հը տեսնի:

— Լեսնիչի՞ն...² նա սկի գալի՞ս ա որ էս կողմը... Տեսնա էլ, ի՞նչ կանի... Ես ի՞նչ գիտեմ ով ա կտրել. արեչչիկը չի տեսել, չի իմանում... գողացել են...

Պարզ էր այժմ: Մելիքը կատարելապես իր կողմն էր քաշել անտառի պահապանին և այս ու այն ձևով՝ հաջողվել էր պետական անտառի եզերող հողերից մոտ 4 դեսյատին գրավել: Նախ, շուրթով ակոս էր գծել նրա շուրջը, հետո՝ ցախով կարճ շրջափակ դրել, հետո՛հետե, հեռավոր, խուլ կողմերից սկսած՝ ծառերն էր կտրտել, խնձորենիները պատվաստել... Մի խոսքով՝ հողին տիրացել էր ու դատաստանական վճիռներից խուսափել էր տուգանքներով, ավելի շատ՝ կաշառքներով...

Մնում էր մի բան: Դատի պիտի կանչեին, քննություն բանային: Եվ ի՞նչ պիտի երևան գար: Որ Մելիքը 3 տարի ամբողջ այդ հողը մշակել էր, ծառերը կտրտել, նոր ծառեր տնկել, հողին գործնականապես տիրացել: Մի լավ տուգանք—և հողը պիտի մնար Մելիքին... անշո՛ւշտ, կաշառքների ուժով:

Մենակ խո Մելիքը չէ՞ր: Ամբողջ Դուզանը այդպես էր ընդարձակում իր հողերը: Ծար չկար: Գյուղը մեծանում էր, բազմամարդ դառ-

նում, իսկ 50 տարի առաջ տրված հողից ավելի չէին ուզում տալ նրան: Մնում էր գողանալ: Եվ գյուղացիք արդեն մոտ 60 դեսյատին հող խլած, այժմ մտնում էին անտառի կուրծքը, գրավում էին բացվածքները:

— Դա գողութունն է,— բարոյախոսեցի ես: Մելիքը ժպտաց, հրավիրեց մեզ նստել մի ծառի ընկած կոճղի վրա, հրամայեց Գրիշոյին, որ խանումների նստելու համար յափուռնին գետին փոխ, հետո պահ մի պապիրոս շինեց ու ասաց.

— Հստի մտիկ տու՛ ինչ կասեմ, պ. Երվանդ... Դու գիտնական, կարդացող մարդ ես... Դու քո աստվածը՝ դրուստն առա. էդ երկինքը, կաթնաքաղցր մարդ ես... Դու չի էլ ըրելում հմի), յա էդ օդն ու ջուրը, հենց էդ յա էդ արեգակը (որ չի էլ ըրելում հմի), յա էդ օդն ու ջուրը, հենց էդ փշերն էլ հետը՝ որի՞նն ա...

— Ամենքինը:

— Շատ ապրես... դուրս ա գալիս, որ օդն ու արևը ոչ ոքինը չի... համ էլ՝ ամենքինն ա... աստծունն ա, աստված էլ ամենքի համար ա, նրա տվածն էլ ամենքի համար... ըտենց չի՞:

— Այդպես է:

— Աստված էլ տվել ա մարդկանց, որ վայելեն... Բաս որ հանկարծ դու վեր կենաս ու զոռով էդ ամենը խլես ինձանից, առես, որ քոնն ա, դիփ էլ զափթես, որդոց-որդի սկի մեկին շթողաս որ մոտ գա... էն վախտը ես ի՞նչ պիտի անեմ...

— Այդ ի՞նչպես կարելի է. ո՛չ արևը կարելի է զափթել և ո՛չ էլ օդը:

— Ինչի՞ չի կարելի,— ծիծաղեց Մելիքը.— ա՛յ, ըտենց շորս պատ կբաշեմ, յա փոս կփորեմ, քեզ մեջը կդնեմ... ու ո՛չ արև կտեսնաս, ոչ էլ օդ կծծես... էլա՞վ...

— Եղավ, ճիշտ ես ասում... Հետո՞...

— Հետո էլ ի՞նչ... յանի որ դորթանց քեզ ըտենց անեմ, դու ի՞նչ կանես:

— Բայց դա անիրավութուն կլինի. օդից ու արևից չի կարելի զրկել ոչ ոքի...

— Կարելի ա... Զոռի բան չի... գլխիդ խփելն ու փոսի մեջ պցելը մեկ կլինի... հա՛ դու լաց ըլի, յա գանգատ արա... զոռն իմն ա՛ ինչ ուզեմ կանեմ: Ամա ասելիքս էն ա որ, թե էդ փոսում եղած վախտդ, բան ա, մեկ ծակ բաց արիր, որ օդ ու արև ստանաս մի քիչ, դու կըլես գո՞ղ...

— Խելոք չես խոսում, Մելիք:

— Շատ էլ խելոք եմ խոսում... Դու ջուղա՛ք տու, ընչի՞դ ա... Հլա մեկ ջուղար տու... Հը՞, որ ծածուկ, իմ քնած վախտը, յա մեկ

¹ Անտառի պահապան:

² Անտառապահ:

ընենց ֆանդով բանտիդ պատը ծակես, օդ ու արև զափթես, որ շմե-
նես— դու կըլես գո՞ղ...

— Ո՛ր իհարկե՛ս. ամեն մարդու իրավունքն է ապրելը, հետևապես
իրավունք՝ օդից ու արևից վայելելը:

Մեկիքը, շնայելով որ ես ակնարկս դեմքին ուղղած՝ սպասում էի,
ոչինչ չասաց. միայն մի քմծիծաղ տվավ և սկսեց պապիրոս ծխել:

Հետո, երբ մի րոպե լուսթյուն էր տիրում, դարձավ կողքին ցցված
Թևոսին ու ասաց.

— Ադա, Թևո՛ս, քա՛նի ջան օղլուշաղ ունես:

— Հինգ, Մեկիք, հինգ ջան:

— Քանի՞ օրավար հող ունես:

— Սկի՛, քանի՞. երկու օրավար, մեկ էլ մի պստիկ, բռանս շափ բաղ,
մեջը մի երկու բալի ծառ:

— Քա՛նի կոտ ցորեն ես կալսում:

— Գի՞ժ ցորեն:

— Հա՛, հենց գիժը...

— Տարին գիտա... շա՛տ քիչ...

— Բա ո՞նց ես ապրում, օղլուշաղդ կերակրում:

— Լոբի ենք ուտում, խոտ, բանջար... գիժ հացն էլ՝ էն ա մեզ
սպանում ա... թե բանելու գործ էլավ, մի կերպ յուրա ենք գնում, քաղ-
ցած, սոված...

— Հիմա՛ր ես, ընդուր...— վերջացրեց խոստովյամբ Մեկիքը և դար-
ձավ ինձ նայեց:

Ահա այդ իսկ միջոցին էր, որ ցածից լսվեց անիվների դղրդյուն, և
մի երկար կառք, մեջը լիք պաշտոնյաներ, սուս կանայք, երեխաներ՝
եկավ ու սլանալով անցավ մեր կողքից: Կանանց ու երեխաների քրքիջը,
տղամարդկանց ուրախ ծիծաղներն ու երգերը սփռվեցին կառքի անցած
ճանապարհի վրա և անլսելի դարձան միմիայն 5—10 րոպե հետո, երբ
այդ բոլորը ծածկվեց-անհետացավ եղևինների ետևում:

Մեկիքը, որ կառքը տեսնելուն պես վեր էր թռել և գլխարկը հա-
նել—պխաբաց մնաց մինչև անհետանալը: Հետո դարձավ ինձ, ծածկեց
գլուխը, նստեց ու ասաց.

— Լեսնիշին էր... Քեֆի են եկել... Լավ ա, որ երեկ խաբար էին տվել:
մեկ ոչխար դրկել էի արեշիկին...

Զգիտեմ ինչո՞ւ, Թևոսն այնուհետև նկատելի կերպով փոխվեց:
Ո՛ր միայն դադարեցրեց եռանդը՝ մեզ օգնելու, այլև սկսեց քիչ խո-
սել, բոլորովին շժպտալ: Սրախոսելու կամ կատակելու փորձերն իսկ
մոռացավ:

Գլուխը կախ, կապույտ աչքերը երազուն՝ եթե չէր լսում մեզ, գնում
էր այս-այն ծառը գննելու, այս-այն եղևնու տակ կծկվել-նստելու:

Գրիշոյի հետ մորթեցին գառը, քերթեցին, խորոված շինեցին:
Իսկ երբ կերել էր իր բաժինը, մի ումպով դատարկել մեծ բաժակով
գինին, երբ ամենքս ուրախ խոսակցություն էինք սկսել, հանկարծ նկա-
տեցի, որ Թևոսն անհետացել էր:

Չորն իջանք, լեռնադաշտի բացվածքում թեյի նստեցինք, բայց Թե-
վոսը երևան չեկավ:

— Էս ո՞ւր կորավ ուզուն-ախմախը,— նկատեց նաև Գրիշոն:
Երեկոյան դեմ հանկարծ ծառերի միջից երևաց «ուզուն-ախմախ»

դեմքը:
Լուս մոտ եկավ, օգնեց հավաքվելու, գրկեց երեխաներից մեկին և
այդպես անխոս՝ հետևեց մեզ մինչև գյուղը:

Պահ մի մտքովս անցավ, թե գուցե մեկն ու մեկն իր կծու վար-
մունքով վիրավորել էր նրա ինքնասիրությունը:

Բայց կարծես մտածում էր: Ո՛ր խոսակցության էր խառնվում, ո՛ր
էլ մոտ գալիս:

Ասենք, Մեկիքը սկի ո՛ր քի ժամանկ չէր տալիս խոսելու:

Պատմել էր սկսել նախ գյուղի մասին: Գետից անց՝ ձեռնարկեց
այս ու այն գյուղացուն բամբասել: Ծաղրեց տանուտերին (քյոխվա),
հայհոյեց ստարշինային (գյուղապետ):

Իսկ երբ Քանդաված-ժամի մոտով իջնում էինք, պրիստավի անիրա-
վություններից այնքան՝ դեպքեր պատմեց, որ մինչև տեղ Սարգսի այ-
գին հասնելներս՝ չէր պրծնում:

— Ախր դու չե՛ս իմանում ինչ անիծածն ա է՛է՛...— վերջացրեց
նա կամուրջի մոտ:— Գեղերը ողջ՝ ձեռքն եսիր ա շինել: Աջ խփում ա,
ձախ՝ խփում... վա՛յ ա, թե օրենքի անուն ես տվել: Ո՞նց, օրե՞նք...
Ա՛ռ քեզ օրենք... Մեկ, երկու, տո՛ւր՝ որ կտաս... Ղա՛մշին էլ ա մաշ-
վել... Հրեն ստարշինան ընդրանից ա սարվել, որ ում հասնում ա՝ զամ-
շով քյա՛լին ա տալիս...

— Յանի Մեկի՛ք,— միջամտեց հանկարծ Գրիշոն,— էդ ընչի՞ ես
ասում: Էն ա որ դու էլ ստարշինա ըլեիր. դո՛ւ էլ կծեծեիր, էլի... Քի՛շ

ես զամշիդ մաշել բոխիվա վախտդ... Մոռացած կլես դու, ամա դե ես չեմ մոռացել, որ քամակիցս վազելեն՝ շուր ժամի դուռը, անասոծ կապտացրիր ջանս... Չուր հմի հրեն հլա ջանումս ա մրմուռը:

— Կա՛ց հլա,— կանգ առավ Մելիքը,— ո՞նց թե մոռացել եմ: Սկի էլ չեմ մոռացել: Բա թողեի, որ խեղոնեց բաժնիցը կես արշին հողը խլեի՞ր... բա ըստնց գողութունը զամշու արժանի՞ չէր:

— Դե տե՛ս, տե՛ս... — տաքացավ Գրիշոն ու նույնպես կանգ առավ,— հազիր որ ասես թե խեղոնիցը ոսկոռ էիր կերել ու նրա թարաֆն էին բռնո՞մ... էն կես արշինը որ կա, մերն ա ըլել, խեղոն էր մեզնից զափթել... Հրեն ա՛յ, ընչու հմի համ սեմիշկա՛ եմ տնկոտել ընտեղ, համ էլ լոբու ակոսնին տարել վրեն...

— Ադա է՛յ,— կանչեց նրա վրա Մելիքը և գլուխը դեմ տվավ,— յանի որ արիր, արածդ պակաս գողութուն գառավ... Ախմախ բոխիվա ես գտել, ընդուր էլ արել ես, թե ե՛ս կըլեի բոխիվան...

— Բոխիվա իր է՛լի, ի՞նչ արիր... — ճշաց Գրիշոն,— զամշուդ էլ զոռ տվիր, ո՛ւշունց էլ տվիր... է՛լ հետ խո հողը մերը մնա՞ց:

Ա՛յնքան նման էին այդ բոխիվան իրար դեմ կովի ելած և միմյանց վրա նետվելու պատրաստ աքաղաղների, որ մերոնք բուրդն էլ չկարողացան ծիծաղները զսպել: Մելիքը՝ յափուռն ռուսերին, գլուխը դեմ տված ու բարկացկոտ աչքերով. Գրիշոն՝ բուրդովին մոտ, պայուսակը ոտքերի տակ, ցցված, երկար վիզը առաջ տարած...

Ինձ թվում էր, որ եթե կոխվ սկսեին, ամենից առաջ գլուխներո՞վն էին միմյանց զարնելու:

Սակայն այդպես չեղավ: Չայները ամենասուր խաղերի հասցնելուց հետո հանկարծ Մելիքը ցնցեց յափուռնին և ասաց.

— Գնա՛, գնա՛, շա՛շ... գնա փառք տու, որ ե՛ս չեմ բոխիվան... Ու ետ քաշվեց:

— Որ ըլեիր՝ շատ բան կանեիր ա՛յ... — ճշաց Գրիշոն: Ու պայուսակն ուսին առավ:

Սկսել էինք կամուրջն անցնել. երեք գերաններից կազմած այդ մազե կամուրջը Մելիքն ու Գրիշոն միմյանց ետևից ոտ կոխեցին նրա վրա: Մելիքն ըստ երևույթին կամենում էր անշո՛ւշտ վերջին խոսքն ի՛ր վրա պահել. տաքացած էր:

Այդ էր պատճառը, որ կամուրջի մեջտեղում կանգ առավ նորից, դարձավ ետևից եկող Գրիշոնին և ձայնեց.

— Գող եք է՛, գո՛ղ... Տո դուք որ մարդ ըլեիք, քո հերը որ մարդ ըլեր, Մուկուշի արտիցը էն ա հինգ-վեց արշին կվարեի՞ք...

— Հստի՛, ըստի հլա... — բարկացավ Գրիշոն,— ադա, Մուկուշի աղվա՞կատն ես դու, թե՞՞ բոխիվա... Յա թե չէ՞ էդ հինգ-վեց արշինը որ վարել ենք, մեր հողի հետը խառնել, վրեն պակաս ենք աշխատանք դրել... Հը՞... դո՞ւ էիր քարերը մեկ-մեկ հավաքել, աղբել, դվել, հոջը շուռ տվել, գութանել, չթել... Հը՞... ասա՛ է՛...

— Տո ընչի՞ եք հավաքում, աղբում, յա վարում ուրիշի հողը: Ձեզ ի՞նչ, թե էն մարդն իրա հողի կշտին հինգ-վեց արշին տեղ թողնում ա անվար ու ավարա... իրա՞նը չի, ինչ կուզի կանի, էլի՞...

— Բա դու ինչի՞ կազմենի՞ հողը զավթել, չութով ակոսնի ես տվել, մի երկո՛ւ խնձորքի պատրուսել՝ ու հմի ասում ես թե էդ հողը բռնն ա, վրեն քրտինք ես թափել... Տերության հողը չի՞, բե՞զ ինչ թե նա՛ իրա հողը անվար, ավարա ա թողնում: Իրա՞նը չի, ինչ կուզի՞ կանի էլի՞...

Լավ էր բռնել օծիքից: Կամուրջի մյուս կողմը կանգնած սպասում էինք, թե Մելիքն ի՞նչ կպատասխաներ:

— Որ ասում եմ շա՛շ ես... — գոռաց նա,— բեզ տսո՞ւմ եմ հողը նրա՞նն ա, ով վարում ա, ցանում, ով վրեն քրտինք ա թափում... հասկացա՞ր...

Բայց երևի զգալով, որ ինքն իրեն հակասում էր, Մելիքը լռեց մեկն՝, ձեռքը թափ տվավ ու անցավ կամուրջը:

Թևուքը, որ կանգնել՝ ուշադրությամբ հետևում էր վեճին, երբ Մելիքը մոտեցավ իրեն, խզեց լուրջունը և խուլ ձայնով ասաց.

— Յանի էդ ո՞նց, Մելի՛ք... Ում հողն ուզում ա ըլի, թե ցանես, վարես, յա թամզես, ակոսնի տաս... մի խոսքով քրտինք թափես վրեն՝ էն ա դառավ քո՛ւնը...

— Ո՞նց թե ումը ուզում ա ըլի... — շփոթվեց Մելիքը:

Ապա, գլուխը ցնցեց ու վճռականորեն ասաց.

— Հա՛ հենց... Հողը որ կա, աշխատավորինն ա, նրա վրեն քրտինք թափողինը... Ասենք ես ավելորդ հող ունեմ ու ո՛չ վարում եմ, ոչ բանեցնում, ա՛յ, ոնց որ կազմենի էնքան հողերը, յա թե չէ՞՝ հանաղենց անցնում, ա՛յ, ոնց որ կազմենի էնքան հողերը, յա թե չէ՞՝ հանաղենց անցնում... ընդի տենում ես կազմենի հողերը խոտանոց են շինել, հլա խոտն էլ ա շեն հնձում, թե ի՞նչ ա լեսնիշին իրա օղլուշաղովը գա՛՝ բե՛ժ:

անի վրեն... Յա թե չէ՝ Խանաղովը... ըտե՛նց ա. հողը պիտի աշխատավորի՛նը ըլի, գյուղացո՛ւնը, վարող-ցա՛նողինը...

— Բա լա՛վ,— ընդհատեց ոգևորված Մելիքին Թևոսը,— որ բան ա, դու ըլի՛ր Խանաղովը, ես էլ գայի ու բու ավարտ հողիցդ վարեի, վրեն քրտինքը թափեի. դու չէի՞ր գա գլխիս խփի ու ցանածս էլ ձեռքիցս խլի...

— Կարամ՝ պտի շնորհամ, որ վարես-ցանես... Որ վարեցիր, ցանեցիր, շատ-շատ՝ պտի գամ փայս ուզեմ. էդ չի՞... Բա ո՞նց, հողն ընդ մնա ավարա, դու քաղցած, գնաս աշխատես, հլա գան ձեռքիցդ էլ առնե՞ն...

— Բա հո՞ղը,— համառեց Թևոսը,— ընդունց գենը յանի հողը ի՞մը կըլի, իմ սեփականութ՞յունը...

Երևի Մելիքը, բոլոր ասելիքներն արտահայտելիս, անշուշտ միտքն իր գրաված պետական հողի կողմն էր։ Թևոսի հարցերը համարում էր ա՛յդ հողին վերաբերյալ։ Մի վայրկյան լուռ մնաց, հետո մի քայլ արավ և վճռականորեն ասաց.

— Հա՛, ի՛մը կըլի... ըտե՛նց ա. ա՛յ, ոնց որ էն մեշի հողը հմի իմն ա...

— Թե թողան,— ասաց Գրիշոն շարախնդաց,— հլա կաց մեկ արեշ-չիկը, յա լեսնիչին փոխվի՞:

— Ո՞վ,— զայրացավ Մելիքը,— պլա՛ն եմ շինել տվել, պլա՛ն... Հրեն էգուց-մեկել օրը կհաստատեն ու պրծավ գնաց:

— Թե հաստատեն:

— Զանները չի՞ դուրս գա...

Մյուս օրը գյուղական հրապարակ գնալով, Թևոսին շտեսա յոգ սովորական տեղում։ Խեղոյնց խանութի դռան մոտ էր կանգնում միշտ

— Էս ո՞ւր է Թևոսը,— հարցրեցի Խեղոյին:

— Ով է իմանում. հալբաթ բա՛նի ա:

Երկրորդ օրն էլ չերևաց Թևոսը։ Իսկ երբ կիրակին եկավ, հատկապես ուշադրությունս գրավեց ուզուն-ախմախի կատարյալ և արտասովոր բացակայությունը:

Գյուղացիների ուշադրությունն էլ հրավիրեց այդ։ Կիրակի և տոն օրերի զվարճության առարկաներից մեկն էր Թևոսը։ Չեռք էին առնում ու զվարճանում:

— Էս ո՞ւր ա մեր ուզուն-ախմախը, տո՛...— կանչեց Խոլերան՝ զարմացած,— հիվանդ խո չի՞:

— Չէ՛,— ասաց ալյուրոտ Զաքարը,— ես տեսա. էս ա իրեք-չորս

որ ա բահը ուսին, մեշի կողմն ա գնում. երեկ էլ սելն էր լծել՝ գնում. հարցրի, ասավ խվարոստ՝ ա բերելու:

— Փի՛ե...— արեց երեցփոխը,— կիրակի օրո՞վ .. բալթի Շորագալ՝ ա գնացել...

Այստեղ խոսակցությունը փոխվեց, և Թևոսը մոռացվեց։ Գործերի տաք ժամանակներն էին. աշնանացանը մոտենում էր, ամեն ոք իր ցավն ուներ:

Իսկ Թևոսը ո՛չ այդ օրը և ոչ էլ հետևյալ շաբաթ ամբողջ՝ գյուղում չերկաց:

Ոմանք ասում էին, թե անտառում փայտ է կտրում. շատերը՝ ինչ Շորագալ գնացած կլինի կամ ցորեն և կամ պտուղներ բերելու, որ ծախի՝ մի բան աշխատի:

Մեկն էլ պատմեց ինձ, որ հենց ե՛րեկ գյուղն էր հկել Թևոսը, լուրջ լծել եզներին ու գնացել էր դեպի անտառը:

Իսկ թե ինչո՞ւ— ոչ ոք չգիտեր։ Ոչ ոք էլ չէր հետաքրքրվում։ Աշնանացան էր. ո՞վ իմանա. գուցե Թևոսն իր հողը վառելու էր գնացել:

3

Հոփարցի կոչվող փոքրիկ գյուղի մոտ, Գուգանի հողերին կից չորս-հինգ օրավարի շափ քարոտ մի տարծություն կար, որ ցանցառ թփիկներով միանում էր անտառին:

Արքունի սեփականություն էր այդ, սակայն գյուղացիք, որ մի առանձին հաճույք են զգում այդպիսի հողերից որևէ կերպ օգտվել, արծան իսկ չէին համարում այդ կտորին ձեռք տալ, որովհետև ծայրից ծայր քարերի մի հոսանք ծածկել էր նրան։ Տավաշներն անգամ չէին մտնում այնտեղ։ Փուշ, տատասկ՝ որբան կուզեք:

Մի քանի օրից ի վեր, սակայն, հոփարցիներն ապշելով նկատում էին, որ մի ինչ-որ գյուղացի, սալը լծած, անտառից ելնելով, գալիս կանգ էր առնում այդ հողի ծայրին, եզները բաց թողնում, իսկ ինքը, հողի վերին ծայրիցն սկսած, ձեռնարկում էր մի առ մի ժողովել քարերը, դեզ առ դեզ կիտել, փուշ ու տատասկ էլ պոկել ու եզերքներին շարել:

Սոսկալի, «անմիտ» աշխատանք էր սկսել «խենթ» գյուղացին:

1 Երկար ճյուղեր՝ ցանկապատ շինելու:
2 Երրակ:

— Աղա՛, խո չի՞ գծվել էդ ուզուն-ախմախը, — ասում էին հեռվից անցնողները միմյանց, — էն ո՛ւր ա քարերը կիտում ըտենց:

Մտքերովն անգամ չէր անցնում, որ Թևոսը մտածում էր հողը մշակելի դարձնել, հերկել ու վարել: Շատերն ենթադրում էին, թե անշուշտ ուզուն-ախմախը պետք ուներ քարի կամ փշերի:

Մի քանիսները սակայն կոահեցին ու ծիծաղում էին: Նախ որ, պետական հող էր, երկրորդ՝ երբե՛ք չհերկած, խոպան, անբերրի: Եվ հետո, մի՞թե հիրավի, Թևոսն ընդունակ պիտի լիներ հողը շուտ տալ գութանով, աղբել, ա՛յդքան փուշ ու տատասկը արմատախիլ անել, ճի գարձած շերտերը քրքրել և որևէ բանի գործածել:

Ու այլևս անուշադիր՝ անցնում էին:

Ծիշտն այն էր, որ Թևոսը վճռել էր մշակել այդ հողը: Հո՛ղ էր հարկավոր նրան: Գիտեր, որ համառ աշխատանքով կարող էր ամեն հողից օգտվել: Եվ վերջապես ամեն տարի էլ խո չպե՛տք էր մուրացկանի նման, գիժ հացով թունավորել իրեն, ընտանիքին. սրա-նրա դուռն ընկնել, ձմեռը՝ սովել, գարնան՝ շնչին գնով այս-այն հարստահարողի մշակը դառնալ...

Ո՛չ, հարկ էր աշխատել, հող ունենալ: Ի՞նչ է, Մելիքի շա՛փ էլ չկար: Նրա նման հարուստ չէր, որ հաջողվեր անտառի կուրծքից կորզել, աբեշչիկին կաշառել, խլած հողի ծառերովը տուգանքները վճարել, պետության դեմ դատի ելնել...

Բայց ահա, գտել էր մի հող, որ լիովին անպետք, խոպան, ոչ իսկ հարոցի համար գործածելի, ո՛չ ոքի ուշադրությանը չէր արժանացել:

Համոզված էր, որ տերությունն անգամ չէր փորձի արգելք լինելու Ինչի՞ն է պետք. ո՛չ անտառ կար վրան, ո՛չ խոտ կարելի էր հնձել, ինքն էլ քարո՛տ, հավիտյանս-հավիտենից խոպան մնացած:

Եվ, վերջապես, մի՞թե իր քրտինքն ու աշխատանքը բավական չէ՞ր հողին տեր դառնալու համար: Հող, որ իբր անպետք՝ դեն էր ձգված և որը, իր աշխատանքով, նա պիտի դարձնի պետքական, արժեք ունեցող և հողի աշխատավորին կերակրող:

Այդպիսի մտածումներով էր, որ Թևոսը ձեռնարկել էր գործի:

Ծրագիրն այսպես էր. մաքրել հողը քարերից, դիզել կույտ-կույտ, ապա շուրջ դուրս տանել և ապագա պարսպի համար հավաքել. փշերն ու տատասկներն արմատախիլ՝ ցախի տեղ բանացնել, պարսպի վրա դնել տավարների դեմն առնելու համար. հետո՝ գութանով շուտ տալ հողը ծայրից ծայր, կտրտել-հաշմել հողի միջի արմատները. ապա թողնել, որ ձյունը գար վրան, մի լավ փխրեր, իսկ գարնանը՝ գետնախնձոր տնկել:

Գետնախնձոր, այո՛: Ահա միակ միջոց՝ հողը փափկացնելու: Եվ երբ

անպետք տարածությունը այդ բուրբից հետո դառնար վարելահող՝ պետք էր աղբել նախ, ապա մեկ ցանել վարսակ, մյուս տարին՝ գարի և հուսկ ուրեմն, մի քանի տարուց հետո Թևոսը հույս ուներ տեր դառնալ ցորենի համար բավականաչափ լավ, մեծ և իր ընտանիքը կերակրող արտի:

Այդ ծրագիրը գտնում էր իրագործելի, մտածելով, որ ո՛չ տերությունը պիտի որևէ արգելք լիներ, և ո՛չ էլ ինքը պիտի աշխատանք խնայեր:

...Երբ լսեցի, թե ուզուն-ախմախը, հիրավի, ձեռնարկել է այդ անսովոր աշխատության, սաստիկ հետաքրքրվեցի տեսնել հողը, տեսնել հողի աշխատավորին — և պիտի ասել՝ հսկա աշխատավորին, որովհետև հիտեի, թե որպիսի՞ տաժանելի, տոկուն և մեծ աշխատանք էր հարկավոր՝ ցորեն ունենալու համար մի այդպիսի խոպան տարածությունից:

Աշունը գրեթե սկսել էր Գուգանում. ամպամած օրեր, անձրև մաղող շաբաթներ, խոնավ, մշուշոտ, ցեխ և ճնշող եղանակներ:

Այնուամենայնիվ հաջողվեց ինձ հասնել Թևոսի հողին:

Ուզուն-ախմախն արդեն կեսից ավելին մաքրել էր քարերից ու տատասկներից և ձեռնարկել՝ այժմ այդ կեսի հողը շուտ տալ գութանով:

— Բարև՛, Թևո՛ս:

— Այ աստծու բարին, պ. Երվանդ:

— Ա՛յ տղա, — կանչեցի նրան, — ինչո՞ւ չթողիր գարնանը հերկելու:

հողը գոնե քիչ կկակղեր:

— Վնաս չունի, պ. Երվանդ, — գոչեց Թևոսը՝ առանց մաճը ձեռքից թողնելու, — անձրևները կակղացրել են. գարնանն էլ կհերկեմ, կթամզեմ, հլա կփոցխեմ էլ ու կարտոֆիլ կցանեմ... աստծով լավ կըլի. փիս հող չի. կասես մեշի հող ըլի:

Ու շարունակեց հերկել: Որդուն նստեցրել էր մի լծի վրա. վարձել էր շորս գույգ գոմեշներ, և գութանի տակ հողը արագությամբ շուտ գալով՝ խոր կկոսներ էր կազմում:

Հիրավի, անտառային հող էր երևում տակի շերտերում: Ըստ երևույթին շատ առաջ այստեղ անտառ եղած պիտի լիներ: Թևոսը չէր սխալվել և եթե շարունակեր այդպիսի անդուլ գործունեությունը, մյուս տարվա վերջերին իսկ կարող էր մի աշնանացան փորձել նրա վրա:

Մնում էր տեսնել այժմ, թե տերությունը՝ անտառապահն ու պահպանը ի՞նչպես կվերաբերվեին Թևոսի «հափշտակությունը»:

— Թևո՛ս, — ասացի ես, — բաս ի՞նչ կանես, եթե գան ու հողը ձեռքիցդ խլեն:

— Ո՞նց,— ասաց նա և մաճը ձեռքիցը բաց թողեց,— յանի ինչի պիտի խլեն. պակաս աշխատանք եմ դնում վրեն... չու էր, բարո՞ւս, փշո՞տ, դեն քցած հող... քրտինքովս կակղացրել եմ, էս ձեռներովս բարերը մեկ-մեկ հավաքել, փշերը դուրս տվել... բա ընչի՞, մազամ Թալան ա էս աշխարհքը, որ գան ու աշխատանքս խլեն ձեռքիցս...

— Տերության հող է, քեզ խո իրավունք չե՞ն տվել մշակելու. մեկ էլ տեսար եկան, վզակոթիդ խփեցին ու...

— Ո՞վ, արեչչի՞կը... — կանչեց Թևոսը, — չի՞ կարալ... էդքան զակոնը գիտենք...

Ապա ժպտաց, սրբեց քրտինքն ու եկավ մոտս: Նստել էի բարակույտերից մեկի վրա:

— Չի՞ կարալ, — ավելացրեց նա անվստահորեն, — շատ-շատ՝ գանգատ կտա, պրատակող կշինի, կկանչեն՝ հրե՛ն այ, էն կեսը ցույց կտամ... իրա՛նք էլ կտենան, որ անպետք, դեն քցած հող էր, կծծաղեն արեչ-չիկի վրա ու... բան չեն ասի:

Գլուխս երեքցրի: Միամի՛տ Թևոս: Ըստ երևույթին երբե՛ք գործ չի ունեցել այն անհամար շինովնիկների հետ, որոնք ծիծաղել գիտեն միմիայն իրենց զոհերի ճիշերի վրա, որոնք ո՛չ մի առիթ չեն փախցնում Թևոսներին անգամ տանջելու, ձգմելու...

4

Ապահով էի, որ Թևոսի արածը գաղտնիք մնալ չէր կարող: Անշուշտ, անտառի թե՛ պահապանը և թե օգնական հսկողները լսած պիտի լինեին: Մի օր գյուղում, իմ ներկայությամբ իսկ, երբ նիկոլը հարցրեց արեչչիկին, թե գիտե՞ր նա արդյոք «ուզուն-ախմախի» արածը—պահակը ժպտաց ու ասաց. — գի՛տեմ: Թող ա՛նի, ի՛նչ կա: Տերությունը ուրախ կըլի, որ իրա՛ հողերը ըտենց մաքրեն ու պետքական դարձնեն:

Գյուղացիք միմյանց նայեցին, հասկացան ու քրքրացին:

Բայց, երևի, այդքան էլ անխիղճ չէր արեչչիկի՝ օգնական Ավագը: Որ մի օր հրացանն ուսին՝ տնկվեց հանկարծ Թևոսի առաջ ու գռչեց.

— Ադա, էդ ի՛նչ բանի ես, ա՛յ ուզուն-ախմախ:

Թևոսը մաճի վրա ընկած, գոմեշները քողոնների «հորովելին» էր ձայնակցում: Թեև տեսավ Ավագին, բայց չլսեց ասածը:

— Բո, քեզ հետ չե՞մ... էդ ինչ բանի ես է՛է՛...

— Հո՛, հո՛... — կանգնեցրեց գութանը Թևոսը և դարձավ դեպի ետ:

— Ի՛նչ կա, Ավա՛գ, խե՛ր ըլի:

— Ադա՛, — ձայնեց օգնականը, — բա դու խո չե՛ս գժվել: էդ ո՞վ ես կազյունի հողը վարում, կասես քոնը ըլի:

— Յանի՛ ո՞նց... — ժպտաց շփոթված Թևոսը, — էս խո անպետք, դեն քցած հող ա:

— Ո՞նց թե դեն քցած, — ձայնն ավելի բարձրացրեց Ավագը, — տո քե՛զ ինչ, տերությանը չի՞, կուզի անպետք կթողա, կուզի՛ կվարի:

— Դե ես էլ վարում եմ է՛լի...

— Փիե՛... — բացականչեց Ավագը զարմացած, — էն խա՛շը, որ գժվել ես, ա՛դա: Ընչի՞, բա չե՛ս իմանում, որ կազյունի հողը թողալ չեն, որ վարես:

— Հլա կա՛ց, Ավագ, — ասաց Թևոսը, թողեց մաճը և պահապանի օգնականին մի կողմը կանչեց, — դու քո աստվածը, յանի էս հողը քարոտ, փշոտ, անպետք ու ավարա հող չէ՞ր:

— Հա՛, դրուստ ա, հետո՛:

— Հետո էլ էն՝ որ ես թամզել եմ, հողը շուռ եմ տալիս, գարնանն էլ կաղբեմ...

— Յա՛... — արեց Ավագը, — տո ո՞նց թե...

— Կա՛ց, կաց, — ընդհատեց Թևոսը, — դեն քցած հող էր. հարցի անպետք, ծառ՝ սկի՛ չկա վրեն. տերությանը ո՛չ մի խեր չկար սրանից: Դե՛, ես էլ ա՛նհող, քաղցա՛ծ... Ես վարում եմ, քրտինք թափում վրեն, որ բալքի մի քիչ հաց հանեմ... Բա դուք ինսա՛ֆ շունե՛ք, օղլուշաղի տեր չե՞ք... Թե մե՛շիցը, Մելիքի պես գափթեմ, ի՛ վզիս տվեք առեք. ամա դե, ըհը ա՛յ, խո տեսնո՞ւմ ես, էս ձեռքե՛րովս եմ տակոթը մեկ-մեկ հանել, բարերը իստակել, ճլոտ հողը քրքրել...

Տո փիե՛... — գռչեց տաքացած Ավագը, — ո՞վ քեզ կանչեց, որ անես. ո՞ւր էիր հողի վրեն քրտինք թափում:

— Արի ու դորթն ասա, Ավա՛գ, հողը ո՞ւմն ա:

— Տերությանը:

— Էտ ա, որ չես իմացել է՛... Հողը ուր կա՛ աշխատավորինն ա, վրեն քրտինք թափողինը: Հրեն ա՛յ, տերությունը աշխարհի շափ հող ունի անպետք՝ վեր քցած, ամա դե ես սկի՛ հող շունեմ. համ էլ ուզածս ի՛նչ ա որ, մեկ ըսենց քարոտ, անպետք կտոր...

Ավագը, իրավ է, հուզվեց, տեսնելով, թե որպիսի՛ հսկայական աշխատանք էր գործ դնում միամիտ «ուզուն-ախմախը»՝ մի կտոր հող ձեռք բերելու համար, սակայն գրեթե համոզված էր, որ «կազյունի հողը» — լինե՛ր իսկ ամբողջ աշխարհը միասին վերցրած — կազյունի էր, հետևապես՝ անմատչելի:

— Գժվել ես, է՛ն խա՛շը, — ասաց նա քիչ մեղմ ձայնով, — քանի շո՛ւտ ա, Թևոս, գոմեշները քաշի ու գնա տեղդ. իզուր կշարշարվես, հե-

տո գլխիդ կտան ու էդ թափած քրտինքդ էլ վրա կերթա... Հրեն ա՛յ, արեշշիկն ուզում ա էգուց պրատակոյ սարքի վրեդ...

Ասաց ու գլուխը երերցնելով գնաց:

Թևոսը մպտաց: Մեկիքի վրա էլ տարեներ մի քանի անգամ պրատակոյ էին սարքում, բայց ամեն անգամ այդ «թունդ» գրվածքները մնում էին առանց հետևանքի, և Մեկիքը շարունակում էր ձեռքին պահել, ծառերն ուզածին չափ կտրտել:

«Պրատակոյ սարքելը», անշուշտ, արեշշիկի, լեանիչու պաշտոնն էր. պիտի անեին: Ո՛վ չի իմանում, թե քանի՛-քանի՛ դեզ թղթեր են գրվում ու գարսվում պաշտոնատներում: Բայց ո՛վ է նրանց բանի տեղ դնողը: Գրվեց ու պրծավ. շատ-շատ՝ մի քիչ տուգանք, մի երկու հայհոյանք, մի քանի մանեթ է՛լ կաշառք— և ամեն ինչ կանցներ:

Մյուս կողմից՝ չէ՞ որ նրան հաջողվել էր արդեն այնքա՛ն քրտինք թափել հողի վրա, այնքա՛ն աշխատանք: Ուրեմն բնական էլ էր, որ հողի տերն ինքն էր: Ուրիշ ի՞նչ կերպ. չէ՞ որ հողը աշխատավորինն է և միմիայն աշխատավորինը: Պապենական այդպես էր լսել, Մե՛կիքն էլ հաստատեց այդ, ու ամեն գյուղացի էլ նույնը կպնդեր:

Ու երբ Ավագը գնաց, Թևոսը միայն մի քանի րոպե մնաց խոհոն ու տխուր: Հետո թոթվեց իրեն, մաճը ձեռքն առավ և վերսկսեց «հորոզվելը»...

Այնուհետև մի ամբողջ շաբաթ Թևոսն այլևս ոչ Ավագի երեսը տեսավ, ո՛չ էլ արեշշիկի: Ենթադրում էր, որ ազատվել էր:

— Վախա՛ցրին,— մտածեց նա,— էնքան էլ խո քարասիրտ չեն. հալրաթ լեանիչուն տակ են, եկել-տեսել, որ վարածս հողը անպետք, դեն քցած, վատ էր ու ասել են. «Թող մնա Թևոսին, մեղք ա, օղլուշաղի տեր, հողը քիչ... Համ էլ մարդը գետի շափ, ախր, քրտինք ա թափել վրեն... Թող վայելի, խե՛ղճ ա»...

Եվ ձեռնարկել էր հողի մյուս մասն էլ մաքրելու, թեև արդեն ցուրտըն սկսել էր, և ձմեռը վրա էր հասնում: Մտածում էր գոնե փշերից ու տատասկներից ազատել հողը այդ տարի, իսկ գարնանը մի անգամ ևս շուտ կտար փխրացած հողը, գետնախնձոր կցաներ, ապա կաղբեր, է՛լի կվարեր... մի խոսքով, մի լավ արտ կշիներ:

Բավական օրեր անցան դրանից հետո: Թևոսին այլևս չէի տեսնում: Պատրաստվում էի գյուղից հեռանալ և մոռացել էի նրան:

Գնալուցս երկու օր առաջ, մի երեկո, երբ տուն էի մտնում, պատըլ՝ գամբի մոտ կծկված տեսա մի փոքրիկ աղջիկ, որ երեկ ներս էր մտնել ուզում, բայց չէր վստահանում:

— Ի՞նչ կա, ախչի,— հարցրի ես,— ո՞ւմն ես ուզում:

— Քու խանումին. հի՛վանդ կա:

— Ո՞վ է հիվանդը:

— Հերս... դողա՛ցնում ա:

— Հերդ ո՞վ է:

— Թևոսը:

Հիվա՛նդ: Ի՞նչ էր եղել արդյոք այդ երկաթե մարդուն, որ մի ամսի՛ց ի վեր, տաժանելի աշխատքով՝ ուզում էր հողի տեր դառնալ:

Կինս՝ մանկաբարձուհի, գիտե նաև օգնել թեթև հիվանդներին. գիտե գոնե քիչ ամոթել նրանց ցավերը:

Դեղատուն էլ ունեինք: Շտապով, անհրաժեշտ դեղեր վեցրինք և հետևեցինք փոքրիկ աղջկան:

Երբե՛ք չեմ մոռանա այն հուզիչ պատկերը, որին ներկա գտնվեցի փոքրիկ, ցած, խոնավ և մութ խրճիթի մեջ:

Անկողնի վրա մեկնվել էր գունատ և նիհարած Թևոսը՝ խամրած ալբերով: Կինը արտասովալի՝ կծկվել-նստել էր կողքին. երեխաները վերահաս ցրտից, մերկությունից և վշտից քար կտրած՝ մեղ էին նայում անկյուններից:

Ու երբ խնամում էինք թշվառին, պատմե՛ց մեզ նա իր մարտերու-տության ահավոր պատմությունը:

Խլել էին ձեռքից հողը: Թողել էին, որ մաքրեր, հերկեր, թողել, որ անպետք հողը իր քրտինքով փափկեցնեն, համառ կամքով՝ բերրության հասցնեն և ապա հանկարծ մի օր վճիռը տվել, անտառի պահապանները ուղարկել, ծեծել էին նրան, հողիցը դուրս շարտել և թողել, որ չարզված, ընկճված՝ նստեր արտի կողքին ու լար. և լա՛ր կսկծալից, աղիոզորմ ու հուսահատ...

Ի՞նչ կարող էինք անել այժմ վշտից և հուսաբեկությունից անկողին ընկած թշվառին, եթե՛ ոչ՝ միմիայն վշտանալ նրա հետ, հուզվել և զայրանալ թե՛ Թևոսի միամտության և թե՛ այս աշխարհի խիստ անի-րավ, չափազա՛նց անարդար անհավասարության և ընկերական զզվելի՞ օրենքների վրա...

Հողի աշխատավորը կարծել էր, թե քրտինքն ու աշխատությունը նո՛ւյնքան արժեք ունեին հողի տեր դառնալու համար, որքան բռնի ուժը կամ լրբությունը: Սակայն նրան շա՛տ ազդու կերպով հասկացրել էին, որ զեռ չեն եկել այդ օրերը և որ հողի տերը նա է, ով ուժ ունի, ունի՞ զարնո՞ղ ձեռք, կաշառելու, քծնելու վարպետություն, ունի մանավանդ բռունցք, կոպի՛տ, վայրենի՛, գազանային բռունցք...

Գլուղաքաղաքի մեջ խճուղին, ինչպես միշտ, այդ օր էլ քարուքանդ էր ու ցեխոտ: Սակայն, երբ մտնում էր նա դաշտերի կուրծքը, որպես սպիտակ լայն ժապավեն, ձգվում էր մինչև հորիզոնը և այնտեղից ուրապտույտ մազլցում՝ հասնելու համար լեռնաշղթայի ամենաբարձր գագաթին:

Խոխոջուն վտակի կողքին բանակած պահակազունը երաժշտությամբ էր զբաղված. շեփորների անախորժ ու խառնիխուռն ձայնը՝ միացած սրնգի սուր ելևէջներին, ստիպեց մեզ արագացնելու սայլի գնացքը: Իսկ երբ անցել էինք ավելի հեռու, Գևորգը կպավ սայլապանի թևին ու ասաց.

— Հանդարտ բշիբ...

Հրճվում էին հյուրերս մեր առջև պարզվող շքեղ տեսարանով: Չէինք խոսում, այլ լի թոքերով շնչում էինք թարմ օդը և անհամար ծաղիկներից բուրմուռը:

Այ կողմից արտերն իրենց ծայրերով հասնում էին մինչև լեռների ստորոտը, ձախ կողմից՝ գնում էին նրանք ուստեելու Քարկողի անդրն-գախոր ձորի վրայով և գոգաձև շարունակում կանաչ սփռել մինչև հեռավոր լեռկ ու ձյունազագաթ շղթաները:

Սրփներանգ, անհամար ծաղիկներ բծավորում էին հարթավայրը. կապույտ զանգակիկների խոնարհած գլուխներ շերտեր էին գծում, մանր-դեղին փնջավոր ծաղիկներ խառնված մարգի կանաչին՝ կապույտ ստվեր տարածում, իսկ հեռուն՝ կարմրին էին տալիս խիտ պսակներով վիշապուկները, պսպղում արյան մեծ բծերի նման:

Դաշտն ամբողջ ծփում-օրորվում էր մեղմ քամու տակ՝ նազելի և գողարիկ: Կարծես կանաչ կոհակներ լինեին, որ պարբերաբար ելնում-իջնում էին՝ մե՛կ տերևների փայլուն, մե՛կ անփայլ երեսներն ի ցույց հանելով:

Անցնում էինք այդ բուրբի միջով. սայլապանը գլխարկը ծռել՝ երգ էր մոմոում քթի տակից: Հակոբը շնչում էր, շառաչունով շնչում, Գևորգը գլխարկը հանել՝ ժպտում էր բնությանը, ժպտում գեփուռին...

Արև չկար. երեսն ամպերով ծածկված, ձյունոտ լեռներից սահող հեզիկ քամուն էր թողել լեռնադաշտը: Արտերի դուրալի շշուկը, թռչունների հեռավոր ճովողունը, ջրերի մե՛կ-մե՛կ լավող կարկաչը միմյանց ձայնառու, միմյանց լրացնելով՝ ներդաշնակվում էին այնքան հաճույս-

լից, որքան և սիրուն էր շրջապատող լեռն ու դաշտը, ձորն ու բլուրները:

Բայց հազիվ գորշ խորքի վրա սկսել էր գծվել հայկական մի հին ամրոցի տխուր ավերակների կույտը, հազիվ ամեն աղմուկից հեռու՝ միայն բնության ձայնն էր մեր ականջին հասնում, որ հանկարծ մեր ետևից լավեց նախ խուլ, ապա բարձր շառաչ, որ գնալով մեծանում էր ու գալիս-մոտենում:

Սայլ էր, ահագին դղրդոցով թավալող մի մեծ սայլ (դրոզ), որ լորս կատաղի ձիերով սրարշավ գալիս էր՝ ավազի, խճի և քարերի շառըրվան ցայտեցնելով շուրջը:

Լցված էր նա բերնեբերան՝ գլուղացիներով, որոնք կոկորդ պատռելու շափ գոռում էին, աղմկում, ձևաքեր ու ոտներ ցնցում օդի մեջ, ելնում-նստում էին, միմյանց վրա բնկնում...

— Ի՞նչ է այն,— գոչեց Հակոբը զարմացած:

— Մեր գլուղացիք են,— բացատրեց սայլապանը, որ կանգնել էտ էր նայում,— բաս է՛ն ա, պրծած կրլեն, որ բտենց ուրախությունով են տուն գնում:

— Գուզանցի՞ք են:

— Հրամանք ես. ծաղկասարեցոց հետ սպոր՝ կար... կգիտենաք. է՛սօր էր բազրոբը...² լավ կոնծել են. բաս հա՛ղթած կրլեն...

Մինչ այդ, մոտեցող սայլի մեջ սկսել էի նկատել հիբավի մեր գլուղից ծանոթ դեմքեր: Նախ երկարավիզ Գևորգին տեսա, հետո Գրիշոյենց Մուկուչին. ապա Խուլերայի դեմքը երևան եկավ, կամաց-կամաց՝ նոր-ընտիր բոխվեն, երեցփոխը: Հաբեթ աղայի որդին՝ «կշկշան Նիկոլն» էլ կար մինչև իսկ:

Սայլը վարում էր կաղիկ Ջավադը, որ անխնա մտրակում էր ձիերին, ոտները ցցում, գոռում էր և քիչ էր մնում գետին զլորեր կողքին նստած ալլուրոտ Ջաբեին:

Ձիերը սրբնթաց, կատաղի վազքով ցնցում էին մեծ, խարխուլ, արկղի նմանող սայլը, որ ուստնում էր, այս-այն կողմ թեքվում և բարի մանր խիճերով, սլաքների նման, շամփրում աչ ու ձախ:

Նկատեցին մեզ և ճանաչեցին երևի: Կարմրամազ Սմբատը, բանից երևաց, որ մեզն էր, կառքի խորքում կուշ եկած և վիզը փորը ձգած: Ահա և վիզն ածիլած պայտար Խեչոն. նստել էր սայլի կողի վրա և ձեռքով ինչ-որ շարժումներ էր գծում օդի մեջ:

¹ 466.
² Դատավարություն:

Գոռում էին, բայց կառքի զորդոցը չէր թողնում մի բառ իսկ հասկանալու:

— Հա՛յ-հա՛յ... — լսվում էր միայն:

— Գծվե՞լ են, տո՛ւ, — գոչեց Հակոբը, — ադա՛, մեր դուժին քիչ դենը տար, թե չէ շուտ կտան:

— Հա՛յ-հա՛յ, եկանք հա՛... —

Ու Ջավադը, երբ մոտենում էին, բոլորովին ետ պառկելով՝ քաշեց սանձերը, ճգնեց կառքը կանգնեցնել:

— էդ ո՞ւր բարին... — լսվեց հեռուի ձայնը:

— Տպո՛ւ... ա՛յ ես ձեր... տպոու տո է՛է... փիե՛, էս շան ապրանքները կտա՞ղել են... տպո՛ւ տ... —

Կանգնեցրին կառքը ճիշտ մերինի կողքին:

— Բարո՞վ, բարո՞վ... — ձայնեցին ամեն կողմից զվարթությամբ, — համեցեք մե՛զ հետ... նստեք մեզ հետ... —

Արբած էին գրեթե բոլորը, բացի Խուրախից և Երեցփոխից: Ու լա՛վ հարբած:

— Տեսնո՞ւմ եք, — հրճվեց Գևորգը, — կոնծել են ամենքը:

— էդ ի՞նչ խաբար է խմբով, — հարցրի ես, — ի՞նչ կա, որ բազմությամբ, այսպես գործի օր գյուղաքաղաք էիք եկել:

— Գործ ունեինք, գո՛րծ... բազրո՛ւր, միբավոյ պատրեղնի՛կ!... — լսվեցին խառնիխառն ձայներ:

Ամենքն էին խոսում: Եվ խոսքերի հետ խառն՝ ծիծաղներ, աղաղակներ:

— Նստե՛ք, եկեք մե՛զ հետ նստեք... —

— Ադա՛ դե տեղ ո՞րդիան ա, որ կանչում եք... —

— Տո իրանք հրեն պակա՞ս սայլ ունեն, գիժ խո չե՞ն, որ ըստեղ գան... —

— Ընչի՞, թող մե՛զ հետ նստեն... —

Բայց մենք տեղներինցս չշարժվեցինք:

— Ձեզ հետ կզանք, դուք քշեք... —

— Հը՛, ըստենց լավ ա, պարոններ, — խորհուրդ տվավ երեցփոխը, — հրեն ձորագլխին ցած կիջնենք, ընտեղ կխոսանք... —

— Քշի՛ր տո, Ջավադ, — ճչաց Խուրախ:

Ու երբ կաղլիկը մտրակում էր, աչքս ընկավ սայլի խորքին: Չար-

մացած նկատեցի մի ինչ-որ սև երկար բան, որ անշարժ փոված էր այնտեղ. քիչ էր մնում գյուղացիք իրենց ոտները նրան կոթնեցնեին:

— Դա՞ ինչ է, — հարց տվի և գլխով ակնարկեցի:

— Սո՛ւղիա՞ն ա, սուղիա՞ն!... — ոռնաց հեռու:

Կառքը շարժվել էր տեղից:

— Դա ի՞նչ է եղել, — հաջողվեց ինձ հարցնել նշաններով, երբ սայլը դրդյունով սլանում էր:

Այս անգամ Ջավադն էր, որ քրքիչը բերնին, իր գիլ ձայնով հասկացրեց ինձ.

— Հա՛րբած ա, հարբա՛ծ:

Ու անցան: Գինու շոգիների ազդեցության տակ՝ Ջավադն ավելի կատաղորեն մտրակեց ձիերին. ահագին ցնցումներով և խճային շարժումներով մեջ՝ կառքը սլացավ առաջ:

Ստիպված էինք բավական հեռու բռնել մեզ այդ սանձարձակ արշավներից: Ետ մնացած՝ ամեն ընկալ սպասում էինք, թե ահա սայլի միջից դուրս պիտի ոստնեին շախախտվելու՝ վիզն ածիլած հեռու և կիչան նիկոլը, որոնք թե՛ միմյանց և թե՛ կողերին էին կառչել:

Բայց Ջավադը վարպետ քշող է. չնայելով իր իսկ ցնցումներին, սուր աղաղակներին, նրան հաջողվեց գնալ մինչև ձորաբերանը, ուր նա դուրս ելավ խճուղուց, կատարելապես մեջքի վրա պառկելու շփ կտ կուցած քաշեց սանձերը. ճչաց, կանչեց և, մի կիսաշրջան գործել տալուց հետո, ձիերին կանգնեցրեց ձորի ամենամոտ ափի կանաչ հարթության վրա:

Մինչև մեր հասնելը, բոլորը դուրս էին եկել սայլից, նստել նրա կողքին, գինու մի փոքրիկ տիկ, օղու մի մեծ շիշ դրել կողքերին, հացն ու պանիրը պարզել՝ սկսել էին քեֆը:

Սուղիային թողել էին սայլի մեջ՝ երեսի վրա փոված ու խոկալով:

Հրավիրեցին մեզ: Հետաքրքիր էր իմանալ, թե ի՞նչ անելու էին գնացել իրենց քյոխվայի, քեհյանների և սուղիայի հետ, թե ինչո՞ւ այդքան լավ տրամադրված՝ այդտեղ էլ նստում էին քեֆը շարունակելու:

2

Ասենք, ձորաբերանի այդ հարթության վրա անհնար էր ընստել, նո՛ւյնիսկ եթե խմելու և քեֆի համար շիներ:

Լեռնադաշտի ամենասքանչելի մի անկյունն էր՝ իր վայրենի տեսարանների հեռանկարով:

1 Հաշտարար դատավորի փոխանորդ գյուղաքաղաքում. վարում է դատական գործերը:

1 Գյուղական դատավոր, որ լինում է ընտրությամբ:

Ամեն գյուղաքաղաք գնալիս անշուշտ իջնում էի այդտեղ և ծամ-
բով կանգ առնում հսկա ձորի կատարին, լիզված ապառաժների, հո-
սանուտ ժայռերի բարձրության այդ կետին՝ դիտելու համար ոտքերիս
տակ բացվող կրքոտ պատկերը:

Գեպի անդունդը պարզվող ապառաժի տակից, ուղիղ ոտքերիդ
առաջ՝ իջնում են կնճռոտ ու դաժան լեռների շարքեր, որոնք կոթնած
միապաղաղ ժայռերի, գոգավոր կողերով գնում են ու գնում դեպի
խորքը, սեղմելու համար փրփուրը բերնին արշավող գետակի կողե-
րը: Յուրաքանչյուր ճեղք, յուրաքանչյուր կնճիռ, անդունդի եզրից սկսած՝
խոլով մազերի նման դուրս է ցցում իր խորշերից բազմատեսակ ծաղիկ-
ներ ու թփեր: Նուրբ, աննման փափկությամբ, գիշության մեջ ուռճա-
ցած բույսերը գեղ առ դեղ կախվել են կամար կապած ժայռերից դեպի
վար. դեղնագույն ծաղիկների փնջերը ոլորտուն, բաղեղածև գրկախա-
նըված սպիտակ վարդենիներին՝ սահում-շրջանակավորում են լպրծուն
ապառաժները: Ավելի՛ վար, ստվերի մեջ գտնվող ճախնուտը գրավված
է մեծահասակ շուշաններով. հոսանուտ խճի երեսին փետրային նրբու-
թյամբ և թավշային փայլով՝ կանաչ սավան են կապել սպիտակ բծերով
զարդարուն մանրիկ ծաղիկներ: Եվ հուսկ ուրեմն, այնտեղ՝ վարը, շատ
խոր, ջրի հետ անմիջապես խաղացող ափերի երկարությամբ, որպես
լայն երիզ՝ միապաղաղ հավասարությամբ մանրէական մամուռներ
թափոր են կազմել՝ բաշը թոթվելով արշավող գետակի երկու կողերին...

Եվ դիմացը, գետափից վեր, միմյանց վրա գլորված ապառաժների
թիկն տվել՝ վիթխարի զանգվածով ցցվում է լեզվակաձև, միաձուլյ,
խորշովալից լեռը, որ գլուխ պտտեցնող գահավանդներ է կազմում երեք
կողմերից և գագաթին ունի հնամյա մամոտտ ավերակների մի տխուր
կույտ...

Այդտեղ էր, որ դուզանցիք նստեցին բեֆի:

Մեղմ եղանակը, մի բանի բայլ հեռվից դեպի անդունդն իջնող
ջրվեժի կարկաչը, դալար կանաչությունն ու բավական քանակությամբ
խմած գինին տրամագրել էր Զավաղին երգելու:

Լա՛վ ձայն ուներ անպիտանը. զորեղ, կրծքային հուժկու տներ, որ
թնդացնում էր շրջակայքը:

Վայրենի բնության նման նրա ձայնն էլ վայրենի, անմշակ թեն,
բայց ուներ բաղցր շեշտ և հազող ճկունություն:

Ու երգում էր նա կանգնած՝ գեմքը ձորակին.

Նպատակիս հասնեմ միայն,
Թող դիս հանեն կախազան...

— Գինի լցրե՛ք տո՛... — ձայնեց նա՝ երբ վերջացրել էր և կարմը-
բած՝ մեր կողմը դարձել, — դունադների համար գի՛նի լցրե՛ք...

— Ա՛յ ձայնդ անսպառ, ա՛յ դու շատ ապրես, շա՛ն տղա, — լո-
վից նրան խոլերան, — լավ ձեն ունես, ես ու իմ աստվածը, ամա փո՛ւշ
աղա ես, փո՛ւշ...

— Լա՛վ, ամի՛, ձենդ կտրի, թե աստվածդ կսիրես. ի՞նչ վախտե աս
Զավաղին գովալը...

— Մուդիային ինչո՞ւ այնտեղ թողիք, — հարցրեց Գևորգը:

— Բա ի՞նչ անեինք, — ծիծաղեց երեցփոխը, — տնաշենն էնքան
կոնծել ա, որ թոփ էլ տրաքացնես ալահնջի մոտը՝ չի զարթնի...

— Թոփից չի՞ զարթնի, — սրախոսեց խեչոն, — ամա, որ մեկ բյում-
կա արող մոտեցնես թթին՝ վեր կթոնի...

— Դորթ, տո՛ տղե՛րք, — մեջ մտավ քյոխվեն, — սա սկի՛ լավ բան
չի, որ անում ենք մենք: Եկեք սուղյին հանենք սելիցը, գլուխը մեկ ցա-
ծի սառը ջրով լվանք... Թե չէ՛ ախր էս հալովը մենք ո՞նց գեղը տա-
նենք նրան. բա ամո՞թ չի, հը՛...

— Տո ընչի՛ս ամոթն ա, — քրքջաց կարմրամազ Սմբատը, — յանի
առաջին անգա՞մն ա...

— Զէ՛, քյոխվեն դո՞ւստ ա ասում, տղե՛րք, — խոսեց խոլերան, —
մեր սուղիէն ա, ամո՞թ ա... Հանե՛ք, մի քիչ երես-մերեսը լվացե՛ք.
բաթի ուշքի գա:

— Հա՛, դրուստ ա, — ավելացրին մի բանիսը և ոտքի ելան, — Թող
տանենք ցած՝ քիչ ջրի տակին լվանանք գլուխը:

— Աղա, տեղներդ վե՛ր ընկեք է՛է՛... — ճշաց նիկոլը, — բնչի՞,
գի՛ծ չա արող շա՞տ ունենք, որ նա էլ օյաղվի՛ ու գա մեր կողքին նստի:
Սակայն ոտքի ելնող գյուղացիք չսեցին նրան: Մոտ գնացին սայ-
լին, երկու հոգի ելան, սուղիային քաշքշելով իջեցրին, ալյուրոտ Զա-
բարը բռնեց խոտերի վրա դրավ և երեսը դարձրեց:

— Տարե՛ք, տարե՛ք, ջրի մոտ տարեք, — կանչեց խոլերան, — ա՛
Մուկուշ, բա էդքան խմե՛լ կըլի, որ դու ես խմում... հլա վոլուտանի
ստախա՞ էլ ես...

— Սո՛ւղիա, սո՛ւղիա... — ցնցեց դատավորին Զաբարը, ջանաց ուշ-
քի բերել և կիսովին բարձրացնելով, գլուխն իր ծնկների կոթնեցրեց:

— Հը՛ր՛մ... — լաղեց դատավորի բերնից:

— Ուշքի՛ եկ, քո՛ տունը շինվի, հերիք չի՞ քնես...

1 Ուշքի գա:

2 Գյուղերի մի որոշ շրջանի դատավոր:

— Աղա ո՛ւր եք կանգնել, վեր կալեք ցած տարեք է՛է՛... —

— Հը՛րմ... ղզ՛զ՛զ՛... փս՛ս՛ս՛, — անում է սուրբիան:

Մի գյուղացի վճռական կերպով պպզեց նրա առաջ, շալակեց, բարձրացավ և ընդհանուր ծիծաղների մեջ՝ սկսեց ձորն իջեցնել արբածին:

— Մուղայիք¹ կացեք տո՛... — ձայնեց նիկոլը: — սուրբին քոլ շտաք ձորը, թե չէ էլ կաշի քերթող շենք ունենալ... —

Գևորգն ու Հակոբը զարմացած՝ նիկոլին նայեցին:

— Հա բա՛ս... — ժպտաց սա, — գեղացին սկի կարա՞ յուլա գնալ առանց կաշի քերթողի... մորթված ոչխարին էլ վարպետ կաշի քերթող պտի՞, յա չէ... —

— Ե՛ս էլ գնամ, — ոտքի ելավ հեղոն այդ միջոցին, — բալքի արյուն աննելու բան ըլի... Քյո՛խվա, էդ դանակդ մի դեսը քցի... —

Եվ այսպես էր ահա, որ երեք-չորս գյուղացիներ, դանակը ձեռքին բռնած հեղոյի հետ սուղիային ձորն իջեցրին և շուտով մեր աչքերիցն անհետացան:

Քիչ ժամանակ էլ նրանց ծիծաղների և աղմուկների ձայնը հասնում էր մեր ականջին՝ խորքից, հետո ամեն ինչ լռեց:

— Ամա՛ ջրի կկապեն սուրբի գլուխը հա՛... — արեց Զավաղը:

— Տեսնո՞ւմ եք, — դարձավ մեզ երեցփոխը, — է՛ս էլ մեր սուրբի՛ան... —

— Ղո՛րթ ա, — խոսեց Խուլերան, — խմող ա, ամա լավ սուղիա ա... խելո՞ք, վարվո՞ղ... —

Ու սկսեցին խմել այնուհետև: Սպասում էի, որ նիկոլը որևէ բան ասեր, բայց նա լուռ՝ օղի էր լցնում և չէր նայում մեզ:

— Խելո՞ք... — արեց երեցփոխը, — դրուստ ա. որ խելոք չըլի, ոսկոռների ծերերը ո՞նց կարա պահի... —

— Ի՞նչ ոսկոռներ, — հարցրի ես:

— Ընենց, էլի՛... — մոմաց Զավաղը, — ոսկոռներ... —

— Լավ դե՛, — կանչեց Սմբատը, — էդ գինուցը դես տվեք պարոնների համար... էն ո՞վ ա, որ ոսկոռը չի սիրում... թե խելոք ա՛ ջոնդերը² կծածկի, որ մի՛շտ էլ ունենա... Աղա Զավա՛ղ, ձենդ էլի մեկ գլուխդ քցի, բալքի թե քեֆը նորից շաղանա... —

Զավաղը հիրավի «ձենը գլուխը քցեց», և երբ քիչ հետո ձորն իջնող գյուղացիներից երեքն էլ եկան մեզ միանալու, բաժակները երբեք դատարկ չէին մնում:

¹ Զգույշ կացեք, հոգ տարեք:

² Մայրերը:

կեսօրը բավական անցել էր. գյուղացոց տրամադրությունը հետըզհետև լավանում էր. մոռանում էին սուղիային, իսկ խմած օղին ու գիտնի ա՛յն աստիճան ազդել էր, որ երգում էին, կանչում, գոռոռալով վիճում:

Խոսակցությունը դառնում էր ինչ-որ հողաբաժինների վրա, որոնց մասին նրանք վեճի մեջ էին ծաղկասարեցոց հետ և որի համար էլ խրմբովին գյուղաքաղաք էին գնացել:

Բանից դուրս էր գալիս, որ դուզանցիք վաղուց ի վեր մտածում էին անտառների վերևում ընկած ընդարձակ արոտատեղիները ազատել ծաղկասարեցոց ոտնձգություններից. անդադար, ամեն տարի կոխվ էին տալիս նրանց հետ, ծեծում էին, ծեծ էին ուտում, աղմկում և վերջ ի վերջո, այս տարի վեճը դատաստանի էին ձգել:

— Շա՛ն որդիներ... — կանչում էր Խուլերան, — էս ու 30 տարի, քանի միտս ա, էդ շիմանլըղը՛ մե՛րն ա ըլել, մե՛ր տավարն ա ընտեղ արածել. հմի կանգնել էին, թե բա՛ «մե՛րն ա, դուք գո՞ղ եք, ավազակներ եք»... —

— Տո գո՛ղն էլ իրանք են ու ավազակներն էլ, — հչաց քյոխվեն, — բա ինչի՞, ես մեռե՞լ եմ, որ ծաղկասարցիք մեր շիմանլըղը խլեն ո՛հչա մեր շոբաններին էլ ծեծեն... Ա՛յ, ըտենց կանեմ հա՛... Տեսա՞ք, ա՛ խախը, խո տեսաք, թե ո՞նց պրիստավի մոտ նրանց բերանը փակեցի... —

— Աղա՛, — ձայնեց Զաքարը, — բա էն մածուն ուտող վարդոն էն ի՞նչ էր ասում... Ո՞նց թե յանի մեր պլանը² սո՛ւտ ա, հետո ա շինած, թե լեսնիչի³ օգնականը կաշառք ա կերել... —

— Տո կարա՞ն, թող իրա՛նք էլ ուտացնեն... Ընչի՞, կաշառք յանի փի՛ս բան ա... Հրե՛ն, հմի թող գան ու տենանք ո՞նց են զավթում հողերը... —

— Տո լավ ենք արել, լա՛վ... — գոռաց Զավաղը, — հոգիներն էլ հանել ենք. հչա մեկ տես՛ ես ո՞նց եմ մի քեֆ սարքելու լեսնիչի օգնականի համար... —

Շատ հետաքրքրվում էին հյուրերս՝ իմանալու այդ բոլոր քառսի միջից ճշմարտությունը:

Շատ էլ մաքուր չէր երևում գործը: Ըստ երևույթին մեր գյուղացիք լավ միջոցների չէին դիմել, թեև այժմ ցնծում էին իրենց տարած հաղթանակով:

¹ Արոտատեղի:

² Հատակագիծ, մակարդակ:

³ Անտառապահ:

— Ինչպե՞ս է գործը,— հարցրի ես,— պատմեցե՛ք, պարոններն էլ իմանան:

— Քող ես պատմեմ,— բռնեց թևիցս Խուրան:

— Քող քո՛խման պատմի,— մեջ մտավ Սմբատը:

Քոխման նախ մի բաժակ գինի կոնծեց, բեղերը սրբեց, մի մեծ բրդուճ հաց ու պանիր կոխելով բերանը՝ թշերն ուսեցրեց և ուտելով՝ ասաց.

— Հըմ... հա՛, պա՛տմեմ, ընչի՛ չէ... հա՛մ հա՛մ...

— Տո մեկ բերանինդ կուզ տուր հլա է՛,— ծիծաղեց նրա վրա Զաքարը,— խո աջալա՛ չի՞... էն ա ես ասեմ, էլի...

— Չէ՛... ես...

Արեց քոխման, մարմնի մեծ ցնցումով կուզ տվավ բերնի եղածը և ասաց.

— Ըսե՛նց... Հմի պատմեմ... Հա՛, ի՞նչ էի ասում... Ամա՛ր դրուստ, հլա սկի բան էլ չեմ ասել... Տո՛, կասես հարբել եմ, հը՛... խմածս ինչ էր որ. հարբելն ընենց կրլի ա՛յ, ոնց որ սուգիեն ա... Հա՛, տղաներիս ասեմ որ, էդ շան տղերքը՝ ծաղկասարեցիք, մեր կողբին չիմանլըղ ունեն. միբամ քե՛ քի՛չ ա գալիս: կամաց-կամաց վրա են տալիս մինչի Կաթնաղբյուրը. մեկ էլ էն տենանք, որ մեր շոբաններին ծեծում են թե՛ մինչի Կաթնաղբյուրը իրա՛նցն ա, ի՞նչ իրավունքով մեր տավարները գենն ենք արածացնում...

— Ադա՛, դրուստ որ հարբած ես,— միջահատեց Խուրան,— բա բտե՛նց կպատմեն... ի՞նչի բաս շես ասում, թե 30 տարի ա էդ 17 դես-յատիներ մե՛զ ա տված, հլա մեկ վախտ էլ մեր բռն՝ Լո ընդի...

— Դա կասեմ էլի՛... Հա՛, ըտենց ա, ղորթ ա. մեր քոչն ընդի ա ըլել 30 տարի առաջ...

— Տո չէ՛, չէ՛,— գայրացավ Խուրան,— երկու տարի առաջ չէ՛ր, որ քոչն ընդի էր... տո մո՛ռացել ես, քո տունն էլ ընդի չէ՛ր... բա բտե՛նց ես վկայություն տալու...

— Հա՛, տո՛, ղորթ որ մոռացել էի... թամամ երկու տարի առաջ... ողորմած հոգի մերս էլ հլա սաղ էր, էն տարին բո՛լ լոս՝ շինեց ու կիրանք ձմեռը... Հա՛, բա՛ս, թամամ հինգ տարի առաջ... Հի՛նգ թե երկու, ա՛մի...

1 Շտապողական:

2 Իբր թե:

3 Ամառը լին գնացող գյուղացիք:

4 Սոթալի նման մի պանիր, որ շինում են թանից:

— Ը՛մ, ես քո հարբած գլխիդ,— արեց ուժգնությամբ Խուրան,— լավ ա, ձենդ կտրի մեկ, թե աստվածդ սիրես... ընե՛նց կոնծել ա, որ մի՛տն էլ չի, թե քոչը ե՛րբ էր Կաթնաղբյուրի մոտ...

— Դե լա՛վ, ա՛մի,— արեց Զավաղը շարախնդաց,— քոխմա ա, գործ շատ ունի, ո՛ր մեկը միտը պահի... Դե ձեք քոխման էլ էս ա էլի. ախպորս չհավանեցիք, հմի սրա՛ լազաթն առեք... Ոնց է՛ր, քոխմա՛վ,— դարձավ նա հեզնությամբ քոխմին,— ոնց է՛ր... Հինգ տարի առաջ, ողորմած հոգի մերդ բո՛լ լոս շինեց... Ա՛յ, գտար հա՛, մալա-դեց՛, քոխմա... Ա՛ո, առ մեկ է՛ս էլ կոնծի, բալբի հինգ տարին է՛ս հետ տասը շինես...

— Փո՛ւշ, փո՛ւշ...— կանչեց նրա վրա քոխման,— ըստեղ էլ խո գեղը չի՛, մեկ էլ տեսար պլետը՝ եկավ հա՛ա՛...

— Լա՛վ ա, լա՛վ...— բրբջաց Զավաղը,— հրեն պլետդ Մարտոյի միկիտանումը՝ վեր ընկած. դու գի՛նիդ խմիր, ա՛ո...

3

Մինչ այդ՝ խճուղու վրա անցուղարձն ավելանում էր: Անշուշտ ժամը 4-ը պիտի լիներ, որովհետև միմյանց ետևից, դղրդոցով անցան գյուղաքաղաքից երկաթուղու կայարանը գնացող ամենօրյա «պաղվողեն-ըր՛» անցորդներով լեցուն:

Նրանցից հետո երևացին ու անցան օրորուն՝ մեր ետևում գտնվող «խախտլների»⁵ Ալեքսանդրովկա գյուղի խոտաբարձ սայլերը, գյուղաքաղաքից զանազան գյուղեր վերադարձող ձիավորներ՝ բեռներով, եզան սայլեր՝ ճոճալով, այլև հետևակներ: Իսկ դեպի մեր կողմը, խճուղուց իջնելով, երևացին երկու նո՛ր գյուղացիներ:

— Փի՛ե...— բացականչեց Զավաղը, նկատելով նրանց,— հլա՛ մտիկ տվեք մեկ... Տո է՛ն ծաղկասարցի Վա՛րգոն չի՛ մեր Հարութանց Ոսկանի հետը...

— Ի՛նչ վարդո, աո՛,— ասաց Նիկոլը,— հասարացի Մաթոն ա

— Չէ հա՛, խմածդ գլխիդ ա խփել... Վա՛րգոն ա որ կա. էն էլ, հրե՛ն, Ոսկանն ա իր մեծ փափախովը:

1 Ռուսերեն բառ՝ «կեցցե»:

2 Մտրակ:

3 Գրեհտուն:

4 Մեծ սայլ ձիերով լծած:

5 Մալուտաներ, որոնցից կովկասում մի քանի գաղութներ կան:

— Վարդոն ա,— հաստատեց Սմբատը,— էն էլ Ոսկանն ա որ
կա... է՛ս ո՞նց ա ըլել, որ իրար հետ են...

— Այդ ի՞նչ Վարդոն է,— միջամտեցի ես,— այն, որ ասել է, թե
ձեր պլանը կեղծ է, և դուք լեսնիչի օգնականին կաշա՞ոք եք կերցրել:

— Հա՛, հենց էն ա,— ասաց Ջաքարը,— մածուն ուտող Վարդոն...

— Թող գա մեկ է՛... — ոտքի ելավ քյոխվեն,— միտվոյ պատեր-
հիկի առաջը շուգեցի նրան մեկ լավ ուշունց տամ... ըստեղ էլ խո պրի-
ցուովենի՛ տեղի չի՞...

— Ադա՛, ամո՞թ ա,— մեջ մտավ երեցփոխը,— տե՛ղդ նստի, ո՞րդի,
զոնաղը որ թշնամիդ էլ ըլի, պտի պատվես՝ երբ սուփրիդ վրա ա գալիս:

— Տո ի՞նչ պատվել, ի՞նչ գադ,— բարկացավ Ջաքարը,— նա ո՞ւմ
շունն ա, որ ասի թե մեր պլանը սուտ ա...

— Յա թե չէ՛ մենք լեսնիչին կաշառք ենք տվել... — ավելացրեց
Նիկոլը,— որ ուսում առած, կարդացվոր ըլի, մեր գլխին նստի՞...

— Ադա՛, կարդա՞ցվորս որն ա,— ճշաց Ջավաղը,— քի՞չ ենք կար-
դացվորներ տեսել... յա թե չէ հենց մենք, պակա՞ս կարդալ-գրել գի-
տենք...

— Տո փո՛ւշ,— կանչեց երեցփոխը նեղացած,— քո դուշմանն ա,
քեզ հետ հմի նա դա՛վի՞² ունի, դու ավե՛լի պտի նրա հետ քաղաքավար
ըլես... Լսողը ի՞նչ կասի. տասը հոգով նամարդի պես վրա եք տալիս...

— Ղո՞րթ ա ասում ամին,— պնդեց Գրիշոյենց Մուկուշը,— մի՛
անպատվեք ղոնաղին...

— Նստի՛, քյոխվա՛,— ձայնեց երկարավիզ Գևոն,— նստի՛, ա-
մոթ ա. թող գալիս ա՛ գա. թե ինքը ձեն չի տա՛ դու էլ բան մի՛ ասի...

Քյոխվան, որ ելել և մի քայլ առաջ էր գնացել, շարողանալով
զսպել իրեն, թեև շսկսեց հայհոյել, սակայն կանչեց հեռվից.

— էս յանի ո՞նց էլավ, Վարդո՞, որ սուտ պլան ունեցողների սուփրի
վրեն ես գալիս...

Ու երկու ոտքի վրա լարված. արաղաղի նման կովի հրավերը կարծես
նետած, ձեռքերը մեջքին կանթեց և սպասեց, որ եկողները մոտենալին:

Վարդոն անշուշտ լսեց, հասկացավ գրգռիչ հրավիճը, բայց լու՛ն՝
շարունակեց մոտենալ և երկու քայլ հեռու կանգ առավ:

Ոսկանը մոտ եկավ, քայլելիս կանչելով հեռվից:

— Փո՛ւհ ձեզ ի՞նչ ասեմ... Ադա՛, բաս ընդեղ հե՞րիք չէր ձեզ, որ
ըստեղ էլ սուփրա եք սարքել:

— Այ համեցե՛ք, Ոսկան ամի,— ձայնեց նրան Ջավաղը,— կիսատ
խո պտի շթողայինք քեֆը:

— Բարև ձեզ,— արեց Վարդոն՝ մի քայլ ևս մոտեցած:

— Աստժու բարին,— պատասխանեցին նրան մի բանիսները:

— Համեցի՛ր, Վարդո,— դարձավ նրան երեցփոխը,— համեցի՛ր
կողքիս եկ, մեկ ստաքան գինի՛ անուշ արա...

— Չէ՛, շնորհակալ եմ,— ասաց Վարդոն՝ տեղից շարժվելով և
կարմրած,— Ոսկանի հետ էինք... Ասաց մեկ գնանք... թե դու մնալու
ես, ես մենակ գնամ, Ո՛սկան.

— Ո՛ւր ես շտապում, ա՛յ տղա,— կանչեց Ոսկանը,— կաց մեկ
ստաքան գինի խմենք ու միասին պաղվողով քեզ էլ կտանենք:

— Մթնով կմնամ...

Մյուս գյուղացիների սառը վերաբերմունքը, Ջավաղի լիրբ ծիծաղն
ու ակնարկները սրան-նրան՝ բարկացրին ինձ: Ճանաչում էլ էի Վար-
դոյին. իսկույն մոտ գնացի, բարևեցի և սկսեցի հետը խոսել:

— Մանթացե՛ք,— ներկայացրի նրան հյուրերիս:

— Ադա՛,— կանչեց այդ միջոցին Ոսկանը իր խոխտ ձայնով,—
զո՞րթ որ դուզանցի եք հա՛... Կեսօրից առաջ գործներդ պրծել, հրես
իրիկուն ա դառնում, հլա գե՛ղն էլ չեք հասել:

— Յանի դի՛փ մե՞կ չի,— արեց Ջաքարը,— օրը կորսվա՞ծ ա...

— Բաս սուղիեն ո՞ւր ա, տո՛:

— Հարբած էր, քարափի տակը տա՛րան, որ հով տեղում մի լավ
քի... — ծաղրեց Ջավաղը,— համ էլ մի քիչ շա՛տ պինդ էր խոմփաց-
նում...

— Փո՛ւ ես ձեր... — ծիծաղեց Ոսկանը,— սկի տեսա ոչ, որ էդ շան
ողեն օյաղ հալով գեղ մտնի...

Վարդոն, կիսովին ականջը մեզ, աշխատում էր լսել նաև դուզան-
ցիներին: Կցկտուր պատասխաններ էր տալիս, զգալի կերպով նեղվում էր:
Հյուրերիցս՝ Հակոբը թողել էր քեֆ անողներին և անդունդի ծայ-
րից կուացած հիացմունքով նայում էր դեպի խորքը, իսկ Գևորգը զըն-
նում էր նոր դեմքերը, մանավանդ Վարդոյին:

Ձննելու էլ դեմք էր այդ: Միջահասակ հիսնամյա գյուղացի, թեև
նո՛ւյն կոշտ դիմազածերը, արևակեզ դեմք ուներ, բայց բավական զա-
նազանվում էր մյուսներից:

Հագել էր քաղաքացու նման. ամեն ինչ հնամաշ էր նրա վրա. սկսած
գլխի «կարտուզից», որ գունազուրկ էր և տրորված—մինչև կարկատան-
ներով լի եվրոպական կոշիկները:

1 Պետական պաշտոնատուն, աղավաղված պրիստոսովեննի բառից:
2 վեճ:

Անընդհատ ծխում էր, մուշտուկով պապիրոսը միշտ երկու դեպքում մտաների մեջ, ծուխը միշտ հաստ բեղերի կարմրած ծայրերին, ձեռք էլ տարօրինակ կերպով դողդողալիս:

Փարձես քնից նոր էր վեր կացել. մի տեսակ ուռած կոպերով ու խամրած հայացքով աչքեր ուներ: Ուրիշ կերպ չէի տեսել նրան: Ժպտալիս տխուր ծալքեր էին կազմվում աչքերի անկյուններում և այտերի մազոտ ցցվածքներն ավելի շեշտվում:

Քվում էր, որ սաստիկ խմող պետք է լիներ, եթե ո՛չ արդեն ալ: կհոշիկ: Նշանները պարզ էին. ձայնը խոպոտ, ձեռքերը դողդողուն, դեղնաթյան նշմարներ, մրսկանության երևույթ և կաշվի մի տեսակ հասկանշական յուղոտ փայլ:

Ակնարկը մեզնից՝ դուզանցոց, նրանցից դեպի մեզ, անընդհատ ծխում էր, շատ կարճ, ակամա պատասխաններ տալիս և փոքրիկ, անցողակի ժպիտներ կազմում դեմքի վրա:

— Դո՛ւք էլ սրանց հետ եք,— հարցրեց նա մեզ՝ քիչ հետո:
— Ո՛չ, մենք ճանապարհին պատահեցինք և եկել ենք ձեր իջնելու
— Այո՛...— աչքերը փայլեցին,— իսկ ինչո՞ւ չեք իջնում. չե՞ որ հետո ուշ կմնար:

— Իհարկե,— արեց Գևորգը,— զնանք իջնենք. ի՞նչ ենք այս մարդկանցը կպել. Հակոբն էլ ահա անհամբերությունից կարծես ուզում է իրան ձորը շարտել:

— Գնա՛նք,— ասաց Վարդոն,— ե՛ս էլ կգամ ձեզ հետ:
— Համեցե՛ք, և եթե կուզեք՝ մեր կառքով ձեզ մինչև Մազկասաղ էլ կտանենք... այնպես չե՛, — դարձա ես Գևորգին:

— Կա՛մ,— ասաց Գևորգը,— երեք հոգի ենք, թող շորս լինենք:
— Շնորհակալ եմ...— արեց Վարդոն,— զնա՛նք ուրեմն:
Շարժվեցինք տեղներիցս:

— Է՞դ ուր բարով, պ. Նրվա՛նդ,— ձայնեց Խուրան:
— Չորբ:
— Հա՛... զնացե՛ք, ընչի՞ չե՛...
— Դու էլ ես գնո՞ւմ, Վարդո՞ն,— հարցրեց Բսկանը:

— Այո՛,— պատասխանեցի ես նրա փոխարեն,— մենք միասին իջնենք, հետո մեր կառքով նրան իրա գյուղը կտանենք...
— Հը՛մ... լա՛վ...
— Ենչ որ ա...— արեց քյոխվան, որ նստել էր,— երթաք բարով... ամա լա՛վ պրծար, Վարդո՞ն... զնա՛, զնա՛, քեզ հետ ուրիշ վախա՛ կտեսնվենք:

Վարդոն նայեց նրան, մեղավորի նման ժպտաց ու հետևեց մեզ Իսկ Զավաղը մի մեծ քրքիչ արձակեց և ձայնեց.

— Կարդացվորները զնացի՛ն...
Առանց պատասխան տալու՝ քայլեցինք դեպի ձորաբերանը և ձայնովինք Հակոբին:

Ու երբ ուզում էինք իջնել, լսեցի դարձյալ կազլիկի ձայնը, որ կանչում էր մեզ.

— Չատեղ մտիկ տվե՛ք, պ. Նրվա՛նդ, թե սուղչին ուստ գաք, ասեք թող գա, էս ա զնալու ենք...
Փարձա և նայեցի նրան բարկությունով, բայց զսպեցի ինձ, և շորս էլ նեղ արահետով իջանք դեպի ձորը:

Գուզանցիք անհետացան այլևս մեր աչքերից:
4

Քանի իջնում էինք, գետի կարկաշն ավելի՛ հնչուն, ժայռերն ավելի՛ բարձուն, կանաչն ավելի՛ առատ ու թարմ և արահետն ավելի՛ դժվարած: ցանկի էր դառնում: Դիմացի կնճռոտ, կարծես արհեստական կերպով կերտված լեռը ճնշող, հսկա մեծություն էր ստանում՝ կռացած անդունդի վրա:

Մշտապես սովերալից անկյուններում, ժայռերի ճեղքերից անընդհատ կաթկթող ջրերի տակ, մազերի նման փոված ու կախված՝ աճել էին գիշությունով ուռճացող բույսերի թփեր. խոշոր ապառաժներ չզված ջրերից՝ սահել-հասնել էին ուզում գետակին և աչ ու ձախ, անվերջ ու անախոր խորությունով՝ ձգվում էին գալիս պատեցնող անդունդներ...
Շա՛տ շնչին, շա՛տ փոքրիկ էինք երևում մենք բնության այդ վայրենի հսկայությունից առաջ: Մե՛ն-մի քարն այգտեղ մեծ էր մեզնից, ամեն մի թուփը ավելի խոշոր:

Յվ այդ բաշորը՝ խիճ, քար, ապառաժ ու թուփ միտհամուտ ձգտում էին իջնել-հոսելու դեպի խորքը, ներքևում արշավող փոփոխալից գետակին, որ գալարվում էր քարոտ անկողնի վրա, ոստումներ գործում...
Գուցե տասներորդ անգամը լիներ իջնելս այդտեղ, բայց ինչպես միշտ, այս անգամ էլ փոփոխություններ էի նկատում շորքը: Բուսականությունը ավելի՛ առատ էր դարձել և ճոխացել. վայրի շուշանները ծաղկել էին իրենց լայն ու լեզվաձև տերևների մեջ. վարդենին սպրտակ ծաղկում էր պնակել, դեղին ծաղիկների փնջերը երկարացել՝ դեպի մեզ վարդերով պնակել, դեղին ծաղիկների փնջերը երկարացել՝ դեպի մեզ

էին կռանում, երիցուկները անհամար քանակութեամբ, խոշոր և պարարտ՝ գրավել էին խորշեր ու ծերպեր, իսկ երեք-չորս նոր ջրվեժներ ուսույուններով գահավիժում էին ժայռերն ի վար, պայթում քարերի վրա, ջրի փռչի ցանում ամեն ուղղութեամբ:

— Բայց սա հրաշալի՞ք է... — ձայնում էր Հակոբը:

— Վայրենի՞, կրթոտ և արբեցուցիչ է՝ ինչպես գնչուհի, — ավելացնում էր Գևորգը:

Իսկ Վարդոն գլխարկը ձեռքին, գլուխը կախ և քիչ կթոտելով՝ իջնում էր լոռի վրայ:

Արահետը ոլորապտուլտ էր՝ երբեմն ժայռերի միջով, նեղ, հազիվ մի ոտնաշափ, իսկ հաճախ այնքա՛ն մոտ քերում էր անդունդի փքը, որ ստիպված էինք կառչել քարերի և թփերի: Ուստիում էինք ջրերից, մազլցում կամ սահում և երբ քրտնաթոր՝ հասել էինք հոսանուտ խիճերի դաշտին, կանգ առանք գետից հիսուն քայլ վեր՝ համեմատաբար տափարակ մի տեղ ու նստեցինք հանգչելու:

Վարդոն մի՛շտ լու՛ն՝ նստարան շինեց մի մեծ քար, Հակոբը ցցվեց սուր ապառաժի գլխին, Գևորգը փովեց խիճերի վրա, իսկ ես մնացի կանգնած:

— Դուք չհոգնեցի՞ք, — ասացի գյուղացուն դառնալով:

— Ո՛չ, — խոսեց նա, — իջնելը չի հոգնեցնում... բարձրանալը հոգիս է հանում...

— Այդպես է, փիլիսոփայեց Հակոբը, — իջնելը մի՛շտ հեշտ է բարձրանալն է դժվար...

— Հը՛մ... — արեց Վարդոն և ծխախոտի տուփը հանեց, — իջնելը, այո, հեշտ է, բայց մեկ էլ տեսար տեղնուտեղը մնացիր... և այն մնալի է որ կմնաս...

Ու սկսեց պապիրոս շինել՝ կոացած տուփի վրա:

— Ձեզ համար գուցե, — առարկեց Գևորգը, — շատ էլ առողջ մարդ չեք երևում, թեև գյուղացի եք:

— Հիվանդ չեմ, — խոսեց Վարդոն, — շո՛ւնչս չի բավականանում:

— Եվ ձեռքերդ ու գուցե ոտքերդ էլ դողում են:

— Ոտքերս քիչ, իսկ ձեռքերս՝ միշտ... նմելուց է:

— Կասկածում էի... ուրեմն խմո՞ղ եք դուք:

— Այո՛ — արավ Վարդոն պապիրոսը վառելով, — օդի շա՛տ եմ խմում:

— Լա՛վ չէ, — բարոյախոսեց Հակոբը:

— Գիտեմ, — ժպտաց գյուղացին, բայց ճա՛րն ինչ... խմում եմ:

— Ինչո՞ւ ուրեմն մերժեցիք, երբ վերևում գյուղացիք առաջարկեցին՝ ձեզ օդի, — հարցրի ես:

— Չկամեցա: Նրանց հետ խմելը շարժե... Միշտ մենակ եմ խմում. ո՛չ ոքի հետ...

— Եվ շա՛տ:

— Շա՛տ... Ուրիշների հետ, եթե պատահի, զոռեն՝ միայն մի բյուրեղ... Գյուղացոց հետ՝ երբեք. ընկեր չեն. օդիդ են միայն խմում և հարբելուդ վրա ծիծաղում... Առհասարակ վա՛տ են. եթե շահ շունենան քեզնից — կամ կծաղրեն կամ կվնասեն... Մի բաժակ օդիի համար քրժնում են...

Կցկտուր, խոպո՛տ ձայնով խոսում էր նա՝ պապիրոսը երբեմն բերնին, երբեմն մատների մեջ: Չէր նայում մեզ, այլ միշտ դիմացի գետին և լեռներին:

— Ձեր անունը Վարդո՞ն է, — դարձավ նրան հանկարծ Գևորգը, որ սկսել էր ավելի հետաքրքրվել:

— Ո՛չ, Վարդան է... «մածուն ուտող» Վարդան:

— Մածուն ուտո՞ղ, — ծիծաղեց Հակոբը, — և ինչո՞ւ այդ տիտղոսը. երևի մածուն շա՛տ եք սիրում:

— Այո. միս սակա՛վ եմ ուտում:

— Դուք երևի ուտում առած էլ եք, — ժպտաց Գևորգը, — գյուղացիք ձեզ «կարդացվոր» կոչեցին:

— Ծաղրում էին... բայց ուսել եմ մի ժամանակ... Ներսիսյան դըպրոցում եմ եղել... Գյուղացիք չե՛ն սիրում ուսածների:

— Այդ վա՛տ է, որ ուսածներին սկսել են ծաղրել, — նկատեցի ես, — երևի շատ եք խմում և ձեր պատիվը իջեցնում...

— Ո՛չ, այդ չէ, — ասաց Վարդոն, — ուրիշների մոտ ես չե՛մ հարում... տանս միայն. խմում եմ և չեմ դուրս գալիս... խմում եմ առկարող, քնում... Այդ չէ: Ծաղրում են, որովհետև իրենց գործերը տեսնում եմ և... ավելի հասկանում եմ իրանց ախտերը... Տանե՛լ չեն կարող, որ իրենց գյուղացին ավելի դարգացած լինի և մաքուր, որ իրանցից շա՛տ ավելի աղքատ, գրեթե անկուտի Վարդանը համարձակվում է ավելի բան հասկանալ ու դատել, որ նա էլ մյուսների նման չի՛ քծնում, քրոխվի վրա գոռում է և մասնակից չէ գծուժ գործերի...

— Այդպե՛ս է, — ասաց Գևորգը, — քանի մարդ տգետ է, այնքան հաճույք է զգում իրենից հասկացողին ծաղրելու առիթ գտնել:

— Այո՛... Քրոխվան բարկանում է, որ չի կարող ինձ էլ մտրակել, ծեծել... և դիմում է ծաղրի. զգիրը ծաղրում է... որովհետև ինձ հետո

եմ պահում նրանց կեղտոտ արարքներից և կամ ճշմարտությունն եմ ասում... Պրի՛ստավն էլ. երբ տեսնում է, որ առանց օրենքի ինձ հեռ վարվել չի կարող, ծաղրի է դիմում, ճգնում է ստորացնել ինձ, գյուղացոց առաջ պատկացնել...

— Եվ իհարկե, ատում են ձեզ ամենքը:

— Ատում են... Մաղրով, նույնիսկ տնտեսապես ճգնում են «տրորել» ինձ... Եվ երբ խմում եմ—նրանց քեֆն է գալիս. սիրում են տեսնել «ուսումնականին» անասունի հալում, թուլացած, հարբած... Կուզենային գտնել ինձ փողոցի ցեխո՛ւմ տապալակելիս...

— Էլ ինչո՞ւ եք մեղադրում գյուղացոց,— առարկեց Հակոբը,— քանի որ ինքներդ եք ձեզ անասնացնում և ծաղրելի դարձնում... Հի՛րավի՛, ուսում առած հարբեցողից զզվելի բան չի կարող լինել:

Վարդոն ժպտալով նրան նայեց մի րոպե, թանձր ծուխով պատեց բեղերն ու ասաց.

— Չե՛մ մեղադրում... Բայց ասեմ ձեզ, որ նույն արբեցողն էի նաև շորս տարի առաջ, երբ մեր վեց գյուղերի ստարշիեան էի, տերության պաշտոնյա... մտրակը ձեռքիս, շղթան վզիս և միշտ հարբած, այն էլ փողոցներում, հրապարակում, դատ տեսնելիս... ու չէին ծաղրում. բռնում էին, գտնում, որ «ուսումնական հարբեցողը» սկի՛ կլ ծաղրելու չէր, այլ շա՛տ պատկառելի, հարգանքի արժանի... Մի շուն անեի՛ մինչև իսկ նրան էլ զգվում էին, հարգում... Ստրկական հատկության արդյունք է. սերնդից սերունդ մտրակի տակ ծնած՝ պիտի բծեն զորեղի առաջ, պիտի շողոթորթեն, լզեն... Դուք տեսե՛լ եք սարդի ուտայն...

— Շա՛տ...

— Ուստայնը սարբած, թաքնված մի անկյունում՝ ուպասում է. տե՛մեղ ճանձը բռնվում է հանկարծ, շա՛տ գեսուղե՛ն խփվում, ճգնո՛ւմ է ազատվել... գուցե և գոռում է, օգնության կանչում... Եվ եթե բան է, մի ուրիշ ազատ ճանձ լսի նրան և մտածի օգնության գալ՝ բռնվում է ինքն էլ, և նրա բախտը ոչնչո՛վ չի զանազանվում առաջինից... մի բիլ ավելի ուշ է ուտվում, ծծվում...

— Այո՛, — խոսեց Գևորգը, — գյուղն է այդ... ցանցը և գյուղի ըմբոստը:

— Գյուղն է, — պնդեց Վարդոն, — ո՛չ միայն գյուղը, այլ ամբողջ երկիրը... Ցանց է, ուստայն... և սարդերը տոգած, սարդերը գիշատի՛չ, ո՛չ մի անկյուն ազատ չէ... Ի՞նչ կարող է անել թեկուզ «ուսած, հասկացող» ճանձը... Ավելի շուտ կբռնվի, ավելի շուտ կոչնչանա, և նրա կտրած շնչին թե՛ր նորից կնորոգի, և ճանձերը կբռնվեն, կծծվեն...

— Հասկանալի է, — ասաց Հակոբը:

— Իսկ ուր ուստայն կա, — շարունակեց Վարդոն, — այնտեղ կա միմիայն ուտվող ճանձ... ծնվելուն պես գիտե նա, որ ցանց կա... Մնում է մի հնարք. լինել բծնող, խորամանկ, խարբբա և գծու՛ծ՝ սպրդել կարողանալու թելերից և գոնե քիչ ավելի ուշ ուտվելու համար... Անցյալ դարից մի գիրք էր ընկել ձեռքս, կարդում էի... Շա՛տ լավ գիրք էր: Թիֆլիս էի գնացել՝ մի ծանոթս տվավ... Կարդում էի ու մտածում, որ շա՛տ լավ կլինեք, եթե դարվիներդով բացատրվեք մեր գյուղացու ներկա հատկությունները...

— «Դարվիներդ» գի՛րքն եք կարդացել:

— Այո՛... լավ, պա՛րզ դրած գիրք է... և ճիշտ: Ինքս դիտել եմ շատ բան... Որոշ միջատներ իրենց միջավայրի գույնն են ունենում, որովհետև այդ գույնն ունեցողները միայն կարողանում են ազատվել սարդից... Ներեցեք, առհասարակ ուտողներից—ուզեցի ասել... — և առաջացնել իրենց նման սերունդ...

— Որոշ միջատներ էլ, — ավելացրեց Գևորգը, — տերևների մեջ ապրելով, ստանում են տերևների նմանություն այնքա՛ն, որ զանազանել չի կարելի...

— Այո՛... — շարունակեց Վարդոն, — ապրում են և բազմանում միայն նրանք, որոնք նմանվում են իրենց շրջապատող տերևներին. այդ պիտի ընտրականություն մի քանի սերունդներից հետո առաջացնում է տերևածև միջատների մի տեսակ, և այդ նոր տեսակի միջատը կզարմանա, եթե պատմես իրեն, որ տերևների ձևից ավելի լավ ձև կա...

— Մեր երկրի գյուղացիներն էլ նույն օրենքին են ենթարկվել ուրեմն ձեր կարծիքով, — հարցրեց Հակոբը:

— Նո՛ւյն... Ըմբոստները թշվառ են, ապերջանիկ... նրանք այլանդակություններ են շո՛ւտ են ուտվում... Ավելի ուշ ուտվելը դառնում է իգեալ... Մտածե՛լ էի այդ բոլորի մասին, բայց բացատրել չէի կարողանում, գիրքը հասկացրեց:

— Բայց, — ասացի ես, — պատեցե՛ք ցանցը...

— Պատե՛նք... — ժպտաց Վարդոն, — ինչո՞ւ չէ... Բայց նախ հարկավոր է, որ ամենքը զգան, թե ցանցը նեղիչ է և թե նրանից դո՛ւրս էլ կա կյանք ու ավելի՛ լավ կյանք... Հետո, շատ էլ հեշտ չէ պատելը, առաջին զգացողին սարդն իսկո՛ւյն կլանում է... Մի ճանձը ոչինչ անել չի կարող. մի ըմբոստը, եթե չփշրվի էլ, ինձ նման՝ օգրի կգրի՛մի կամ ծագրելի կգառնա... օգետը է ամենքը... Իսկ այդ «առնե՛քը» ունենալ գյուղին չէ...

Ասաց, ուժգին կերպով փշեց մուշտուկի մեջ, պապիրոսի մնացորդը գուրս շարտեց ու ոտքի ելավ:

— Զգնա՞նք...

— Գնա՞նք...

5

Շատերը, եթե մտաբերեն, գուցե հիշեն իրենց պատահած այսպիսի մի երևույթ:

Վիճում ես մեկի հետ. դիմացինդ պարզում է քեզ իր հայացքը որոշ խնդրի մասին և հաշտվում է համոզելու շափ փաստեր տալ: Զգում ես, որ ճիշտ են ասածները, այնուամենայնիվ դեռ կասկածի մեջ ես, որովհետև ես լինում նրա ասածը հաստատող ապացույցին:

Եվ ահա, չի անցնում մի քանի օր, երբեմն իսկ մի քանի ժամ, որ գլխավածով, ներկայությամբ հենց քեզ հետ վիճող պարոնի՝ ականատես ես լինում նրա ասածը հաստատող ապացույցին:

Այդպես օտարոտի մի պատահար էր ահա, որ հաստատելու համար Վարդոյի խոսքերը, դեմառդեմ տեղի ունեցավ ձորագլխում, երբ այնտեղ վերադարձանք:

Պետք է որ ժամը 6-ը լիներ, եթե ոչ ավելի ուշ, երբ ձորիցն ելանք ու մտածեցինք գյուղ գնալ:

Դուզանցիները շկային. գնացել էին: Հարթության վրա մնացել էր միայն մեր սայլը: Սայլապանը պարզված նրա մեջ քնել էր՝ գլուխը դրած մի երկար փայտի վրա:

Զարթնեցրի նրան:

— Վե՛ր կաց, գնում ենք:

Ելավ, աչքերը տրորեց ու իջավ սայլից:

— Հա, եկա՞ք,— արեց նա,— բա ընչի՞ էսքան ուշացաք... հրես կմթնի:

— Ոչինչ, լուսնկա գիշերներ են, սանձերը կարգի դիր ու նստենք:

— Ղորթ ա,— առարկեց նա՝ մոտենալով ձիերին, ամա դե շատ ուշ մնացինք է՛... Ողջ օրը կորավ. ասի քիչ շուտ ետ դառնանք, բալբիթն մի երկու սել խոտ էլ ա տուն տանեմ:

— Վնաս չունի,— խոսեց Վարդոն,— ուրիշ սել էլ ունես. ախպերդ հմի նրանով տարած կլինի:

— Դո՞ւ էլ ես գալու Դուզան,— ասաց սայլապանը՝ խեթ-խեթ նրան նայելով:

— Զէ,— ասացի ես,— առաջ մեկ Մաղկասար կիշնենք, հետո Դուզան կրարձրանանք:

— Էդ ո՞նց կլի,— փոկերից մեկը ձեռքին՝ ինձ նայեց սայլապանը,— էդ խո ջի՛ս մթանը կմնանք... Զէ՛, էդ մեկը սկի չի ըլիլ. ես Մաղկասար չեմ գնալ:

— Տո, պրծիր է՛,— ձայնեցի ես,— մի բան էլ ավելի կտանք, հը՛... Մի մանե՞թ չի հախդ, Մաղկասար գնա ու երկու մանեթ ստացիր:

— Ո՞նց թե մի մանեթ...— գուշեց նա,— ընչի՞, բաս մի մանեթ եք տալու:

— Ի՞նչ է,— զարմացա ես,— մեր Սիսակ ծառան քեզ հետ չի՞ խոսել այդ մասին. չէ՞ որ սովորաբար հենց մի մանեթ է և ո՛չ ավելի:

— Ղորթ ա, խոսել ա...— կմկմաց գյուղացին,— ամա դե մի մանեթ...

— Զէիր ուզում՝ թող չլծեիր... պրծի՛ր, պրծի՛ր, խոսելու ժամանակ չկա...

Գյուղացին պահ մի լուռ, առանց մեզ նայելու սանձերը կարգի դրավ, հետո հանկարծ գուրս եկավ ձիերի միջից, անցավ սայլի մյուս կողմը, վճռականորեն ինձ նայեց ու ասաց.

— Զէ՛, պարո՞ն Երվանդ, էդ ըլելու բան չի, ես Մաղկասար գնացողը չեմ՝ էս մեկ, համ էլ երեք մանեթից պակաս չեմ առնի՛ էս քեզ վրա երկու...

Ես և հյուրերս միմյանց նայեցինք զարմացած.

— Ա՛յ տղա, դու խո չե՞ս գժվել, յա հարբած խո չե՞ս,— զայրացավ Հակոբը,— հենց մեզ մո՛տ էր, որ Սիսակը եկավ ու ասաց, թե մի մանեթով է խոսել հետդ...

— Ղո՞րթ ա... բան չե՛մ ասում, մի մանեթ խոսեց... ամա դե ես էլ ասի, որ երեք կառնեմ...

— Է՛, որ ասիր, ինչո՞ւ եկար կամ ինչո՞ւ գնի մասին մեզ հետ նախ չվերջացրիր ու հետո բերեիր. հը՛...

— Դե ո՞նց անեմ ես... ասի աղա մարդիկ են...

— Հիմար մի՛ լինի,— միջամտեցի ես,— միշտ գնացել եկել եմ, երբեմն 4—5 հոգով, մինչև մութը մնացել ենք ու միշտ էլ միայն մի ոտքի եմ տվել... Որոշված գինն էլ դա՛ է...

— Այդպես է,— հաստատեց Վարդոն,— տախան՝ մի մանեթ ա:

— Ի՞նչն ա մեկ մանեթ,— բացականչեց գյուղացին՝ զայրացած:

1 Որոշված գինը:

գեպի նա դառնալով,— յանի ձեր ծաղկասարեցին կտաներ հա՞... Քրնենց՝ փչում ես...

Ապա համառ ու խիստ ինձ նայեց ու ասաց.

— Երեք մանեթից պակաս չի ըլի, պ. Երվանդ, թե Մաղկասար է գնալու ըլեք՝ շորս մանեթ... կուզեք կտանեմ, չեք ուզի, հրե՛ն ձեր լեյերը՝ սելիցը վեր դրեք՝ ես գնամ...

Այլևս համբերել անհնար էր. շափազանց հանդուգն էր դառնով գյուղացին: Անմիջապես կորզեցի վար դրի մեր պայուսակն ու գորգը՝ ասացի.

— Լավ. դե հիմի գնա՛, մինչև գյուղը շորս վերստ է մնացել. ինչպես լինի կգանք, բայց դու այլևս կո՛պեկ չես ստանա ինձնից:

Սայլապանը ելավ սայլի վրա, խարազանը ձեռքն սուսավ, սանձերը ժողովեց ու մի տեսակ համարձակ ժպիտ դեմքին՝ կանչեց.

— Կստանամ... արխեի² կաց...

— Գնա տեսնենք ինչպե՞ս կստանաս... Դատի դիմիր, եթե կուզես

— Ինչի՞ դատաստան,— ասաց նա,— իմ դատաստանը հրեա ա՛յ իմ պլետն³ ա...

— Ինչպե՞ս...

— Ընենց... իմ դատաստանը ես իմ ձեռքովս կտեսնամ... հրեա ա՛յ, պլետս սաղ կենա:

Արյունը գլխիս խփեց. վայրկենական զարմանքից հետո, չգիտեմ ինչպե՞ս եղավ, ուստնեցի դեպի նա, բռնեցի ցույց տված «պլետի» ծայրից, բաշ տվի, խլեցի և նրանով ուժգնությամբ սկսեցի հարվածներ տալ գլխին:

Սոսկման ու զարմանքի մի ճիշ դուրս թռավ գյուղացու բերիկ ճգնեց սանձերը ժողովել, բայց շփոթվեց. և որովհետև ես շարունակում էի հարվածել՝ ցած թռավ սայլից:

Կարծեցի պիտի պաշտպանության դիմեր, սայլի մեջ դրած ցուլ վերցնեմ, վրաս հարձակվեմ...

Այնուամենայնիվ ետ շքաշվեցի:

Այստեղ սակայն Գևորգը, որ ապշած կեցել էր, վարակվեց ինձնից. անմիջապես կորզեց ձեռքիցս խարազանը, ընկավ գյուղացու վրա՝ և տո՛ւր թե կտաս...

1 Իրեղենները:

2 Միամիտ:

3 Խարազան:

— Շա՛ն որդի,— սկսեց նա հարվածների հետ,— դու համարձակում ես պլետով սպառնալ, հա՞... սպասիր մեկ քեզ սատկացնեմ...

— Յա՛, յա՛...— սկսեց ետ-ետ քաշվել գյուղացին,— յա՛ սպանե՛լը՛ եք ինձ...

— Պիտի սպանեմ... ահա՛ քեզ... ահա՛ էլի՛...

Եվ ո՛չ իսկ մտածեց մի րոպե ձեռքը ցուպին տանել գյուղացին, այլ մեկն մեջքը դարձրեց ու ճշալով սկսեց փախչել դեպի խճուղին, Գևորգը նրա ետևից՝ խարազանը ճոճելով օդի մեջ...

Ոչ միայն փախչում էր սայլապանը, այլև կանչում էր.

— Փիե՛... տո սպանելո՛ւ եք... ախր ես ի՞նչ արի է՛... տո ես դա՛ւ լաթ արի, որ մի բան ասի...

Գևորգը հասել էր ետևից, հայհոյում էր ու զարնում:

— Վա՛յ, վա՛յ...— սկսեց աղաչել գյուղացին:

Կանգ էր առել ու կծկվելով, գալարվելով ուտում էր հարվածները, առանց ձեռք իսկ շարժելու զարնողի դեմ:

— Վա՛յ, վա՛յ...— գոռում էր նա,— ե՛ս մեղա աստծո, աղա՛... ախպե՛ր, ինչ կուզեք տվեք... տանե՛մ..., տանեմ, էլ ո՛ւր ես խփում... կա՛ց հալա...

— Դո՛ւ անպի՛տան, դո՛ւ սողուն...— կանչում էր Գևորգը զարնելով,— է՛ս րոպեիս մեր պայուսակը մեջը դիր ու մեզ գյուղ տար, թե չէ...

— Տո տանեմ, տանեմ էլի՛... յա՛...

Հետո հանկարծ վարմունքը փոխեց, կծկվեց, աղաչավոր, ստրկական ժպիտ կազմեց դեմքի վրա ու ասաց.

— Դե որ ուզում ես սպանել, ըհա՛, խփի՛ր... դո՛ւ բո ինսա՛ֆը...

Այստեղ մենք միջամտեցինք: Գևորգն էլ իջեցրեց խարազանը

— Թող, Գևորգ,— ասացի ես,— թո՛ղ, շա՛տ զզվելի է:

— Եվ ինչպե՞ս զզվելի...— կանչեց նա խարազանը հեռու նետե՛լով,— քիչ է մնում խեղդեմ, սատկացնեմ այս սողունին... փոխանակ՝

հանկերով լինի, ատամներով լինի՝ ինձ բզկտելու, դողում է այս բարակ, թելի նմանող բոսոտ խարազանի առաջ. փախչում է, կծկվում,

ազերսում, քիչ է մնում ուտներս լզի... Ո՛ւ ես բու կերած հացին ու ծածկած փափախին... Մո՛տ արի, շան որդի, լաշակ ծածկեմ գլխիդ, լաշակ...

— Ընչի՞, ա՛ղա,— կանչեց գյուղացին հեռվից,— մոտ չեմ գա, էլի՛ կծե՞ես...

— Արի ասում եմ է՛... արի՛ սայլը բարձրացի, թե չէ ողջ մարմինդ կշարժեմ...

Գյուղացին մի քայլ առաջ եկավ թծնող ժպիտը դեմքին, կռճ առավ խոնարհ և ասաց.

— Յանի ի՞նչ էի արել, աղա, որ էդքան ծեծեցիր:

— Հալա էլի կծեծեմ, սողո՞ւն,— կանչեց նրա վրա Գևորգը:— Տո, գու մարդ ես, չիգար ունե՞ս... տո դու սկի ամոթ յա սիրտ չունե՞ս... Հը անիծած, համ պլետ ես ցույց տալիս, համ էլ էդքան վախկոտ ես...

— Դե բա ի՞նչ անեմ, աղա, ես կարո՞ղ եմ ձեզ պես աղաների հա-
խիցը գալ... Կերթաք ստարշիների, պրիստավի ու... էլ ողջ տարին ջառմա՛
քաշելուց չեմ պրծնի...

Հետո մոտ գնաց սայլին, արագութեամբ մեր իրեղենները դարսեց տեղը, խոնարհաբար հրավիրեց մեզ նստելու և երբ սանձերն էր ժող-
վում բշելու համար, թծնող ժպիտը դեմքին ինձ դարձավ ու ասաց.

— Դե աղա, էն որ ծեծեցիք էլ, երկու մանեթը կտաք, չէ՞... թե Սաղկասար կուզեք՝ իրեքը...

— Լա՛վ, Լա՛վ, բշի՛ր...

— Քշի՛ր ու ձենդ կտրի՛ր, շա՛ն տղա,— բարկացավ Գևորգը,— հի-
մա ավելի փիս կծեծեմ, թե խոսել ես:

— Յա,— արեց գյուղացին,— դե քշում եմ էլի, էլ ինչի՞ ես ու-
շունց տալիս, յա թե չէ՞ ծեծել ուզում:

— Քեզ նման սողունի ոսկորներն էլ որ փշրես դեռ քիչ է:

Գյուղացին Վարդոյին նայեց զարմացած ու հարցական. կարծես
կամենում էր հարցնել նրան, թե՛ «ի՞նչու է բարկանում այլևս այդ
քաղաքացին»:

Վարդոն, որ մինչև այդ լուռ, իսկ կտրե նստելուց հետո գլուխը քա՛լ
պապիրոս շինել-վառում էր, նայեց Գևորգին ու ասաց.

— Չի հասկանա ձեզ, պարո՞ն, իզուր եք փորձում ստրկային զգաց-
մունքները զգվելի հանդիսացնել իր առաջ... Քանի բարկանում եք՝ նա
ա՛յնքան ավելի չի հասկանում ձեզ...

— Իսկ բնա՞զդ, ինքնապաշտպանութեան կամ անձնասիրութեան
բնա՞զդ անգամ չունի,— գոչեց Հակոբը,— չէ՞ որ ամեն անասուն ունի
զբանից:

Եվ մինչև կառքը սլանում էր ու խճուղին ելնում, Վարդոն առանց
ժպտալու, ծուխը բեղերի մեջ՝ պատասխանեց.

— Այո՛, ունի... Բայց ինքնապաշտպանութեան բնազդները տե-
սակ-տեսակ են լինում: Փախչել, կծկվել, թաքնվել՝ հարվածից խուսա-
փելու համար, աղաչել, լալ... Դրանք էլ ինքնապաշտպանութեան բնազդ-

ներ են: Ստրկական ինքնապաշտպանութեան բնազդներն են մեր մեջ
զարգանում միայն. իսկ անձնասիրութունը անհա՛յտ գաղափար է այժ
կողմերում... Ամեն ինչ միաբանած՝ ժողովրդին կրթում են այդպես...

— Անասունը գոնե կծում է,— մոմոաց Գևորգը,— ինչքան էլ ու-
ծեղի պատահի, նախ կծում է, հետո մեռնում... Մեղուն իր մահվան
փնով պաշտպանում է իր հասարակութեանը...

— Ճի՛շտ է,— շարունակեց Վարդոն,— մե՛նք էլ կծել գիտենք...
մեզնից թույլերին, մեկմեկու՛ կծել... Մարդը կարծում էր, թե հոխորտա-
լով կհաջողվի կողոպտել ձեզ. այժմ քծնում է, որովհետև զգաց, որ
այդ ձևն ավելի նպաստավոր է... Ու հաջողվեց. հավաստի եմ, որ կտաք
նրան ուզածին շափ. ծեծեցիք և դա ճնշում է այժմ ձեզ. խղճահարու-
թյունից՝ ուզածը պիտի տաք...

— Իսկ որ ծե՞ծ կերավ...

— Ոչի՛նչ, սովոր է մեր մեջքը,— ժպտաց դառնութեամբ Վար-
դոն,— կոշտեր են գոյացել մեր մեջքերի վրա այնպես, ինչպես ոտ-
քերի մատներին՝ նեղ կոշիկների մեջ ճնշված... Որպեսզի ծեծը բար-
կութուն գրգռի, նախ հարկավոր է, որ կաշին նուրբ, զգայուն լինի և
կոշտերից ազատ: Իսկ կոշտերից ազատվելու համար...

— Ազատվելու համա՞ր...

— Միայն մի հնարք կա... լայն կոշիկներ հագնել, նեղ կոշիկն
ընդմիշտ դեն շարտել... Այո՛, Լա՛յն, շա՛տ լայն...

1905

ԽԱՂ

1

Գյուղի այդ ծայրում, վերջին տներից և ծառաստաններից հետո,
խճուղու եզրից սկսած, գոգաձև բարձրանում է մի ծործոր՝, որ օրվա
մեծ մասը գրեթե ստվերի մեջ է՝ թե՛ ետևի և թե՛ երկու կողերի բլուր-
ների շնորհիվ:

Ստվեր ձգող այդ շրթունքների առապարներից ցած, ամբողջ տա-
րածութունը բռնել է մի ծաղկալից մարգագետին, որ մշտապես օրոր-
վում է փշող սյուրբից և գնալով ավելի դալարագեղ դառնում վտակների
ափերին:

1 ձորակ:

Բժավորված սպիտակ վարդենիների և հեռվից խոշոր, մենավորիկ ծայրերի նմանող մամուխի թուփերով հասնում է նա մինչև փրփրոս գետակը, ուստնում վրայից և մխրճվելու գնում հորիզոնի վրա ճապաղված անտառի կուրծքը:

Այդ տեսակ ծործորներով է շերտավորած գյուղի ամբողջ թիկունքը՝ Սարշենից սկսած մինչև գյուղաքաղաք:

Ամենալավ արոտատեղիներ լինելով, լեռնալանջի այդ կողերի վրա միշտ կարելի է տեսնել արածող ցանուցրիվ նախիրներ, այլ խոտերի մեջ վազվզող կամ միացած ու թիկն տված խոսակցելիս՝ գյուղացի մանուկներ, որոնք տավարը հսկելու են գալիս և ստվերալից կողերի վրա հավաքվում:

Հուլիսի այդ օրերին Դուզանի լեռնադաշտի նման ծաղկալից անկյուն դժվար է երևակայել:

Հարյուրավոր գույնզգույն շերտեր բժավորում են անծայր հարթավայրը: Այստեղ՝ պուտն է մի ամբողջ տարածություն արյան պես ներկել, այնտեղ՝ նուրբ ու քնքուջ սպիտակ խնձորածաղիկն արշալույսի կարմրորակ լույսով կարծես ողողել բլուրների կուրծքը, քիչ հեռու ինչոր ծաղիկների խումբ, լուրջ գույնով երկնքի մի կտոր հանգչեցրել արտի վրա, նրա մոտ, մանուշակագույն քմահաճ ոլորտուն երիզներ գծել խիարուկը, գաղջ փոսիկներին ու կանաչ ակոսների նմանող խորություններին թավշյա օձի՞ք են կազմել բուղածաղիկները, և գաճաճ վիշապուկների միջից գլուխ դուրս պարզել՝ ցնցվում են դեղնորակ, խոշոր ծաղիկներով շուշանները, այլև թասածև և խոշոր պսակներով բոխածաղիկներ...

Միրում էի ամեն առավոտ լուսածագին գնալ այդ կողմերը, մտնել նախ Սարշեն, որ միայն մի վերստ հեռու էր մեր գյուղից, հետո գրասանքի քայլերով վերադառնում էի և հաճախ, լեռնալանջի կողերից մեկի վրա ընկողմանած կամ նրանց փոսությամբ դալարների մեջ մեկնրված՝ մնում էի՝ երազկոտ ժամեր անցկացնելու, ակնարկս դիմացի ցցուն գագաթներին և լույս մանուշակագույն մշուշի մեջ թաղված անտառներին:

Այդ օրը սակայն, մի արեալից և լավ օր, շատ հեռու շգնացի՝ եճուղուց վեր ելա, մինչև ծնկներս խոտերի մեջ՝ սուռք քայլեցի և մտածեցի դիմացս երևող առաջին թփիկի տակ նստել:

Մամուխի մացառ էր այդ, բավական խոշոր, տարածված և ծաղկած: Շրջապատում խոտերը կոխտոված, շարված էին. աչ կողմում նույնիսկ լարծուն էր դարձել դեպի կշկացող, երկու թզաչափ վտակի իջնող գառիվայրը:

Թփին չհասած, նկատեցի սագերի երամներ, որոնք օրորուն, սպիտակ ամպերի շարժուն քուլաների նման սահում էին խոտերի մեջ:

Հետո աչքիս խփեցին մի քանի սև, թավոտ գլուխներ և բանից դուրս եկավ, որ տավարածների մի փոքրիկ խումբ, ինձնից առաջ գրավել էր թե՛ թուփը և թե՛ նրա շրջապատը:

Կարմիր ու դեղին հագուստներով, փոքրիկ աղջիկներ էլ երևացին. միմյանց մոտ շարքին կանգնած՝ երկար ճիպոտներ ձեռքերին:

Մոտենալով, համբեցի. յոթ—ութ տղա էին, չորս—հինգ աղջիկ: Ըստ երևույթին, ամբողջ լեռնալանջի վրա գտնվողներն էին, որ տավարներին թողել հասնելու մինչև բլուրների ծայրերը, իրենք միմյանց ձայն էին տվել և մամուխի թփի մոտ սագարած աղջիկների շուրջը ժողովվել:

Այդպես էլ էր. աղջիկներն ինձ տեսնելիս՝ կանգնել էին, իսկ տղաներից մեկը երեսի վրա փովել, մյուսը՝ կկզած, մի քանիսն էլ մամուխ ետևը կանգնած՝ դիտում էին գնալս: Երկուսն էլ քարակույտեր կազմել, աթոռ էին դարձրել ու վրան հեծել:

— Բարև, տղա՛յք,— կանչեցի հեռվից:

Մեկը, որ ամենից առաջ էր նստել, դարձավ մյուսներին ու ձայնեց.

— Պ. Երվանդն ա էլել, տո՛... ես էլ ասի, թե էս քաղքցին ո՞վ ա, որ գալիս ա դեսը...

— Եկել ես մա՞ն գալու,— հարցրեց քարակույտի վրա նստողներից մեկը:

— Համեցե՛ք,— արեց մի երրորդը,— ըսենց լավ տեղ սկի շես գանի..

— Իսկ դո՞ւք ինչու եք հավաքվել այստեղ,— հարցրի ես՝ մոտ դնալով:

— Հրեն ա՛...— արեց մեկը և ձեռքի փայտը դեպի վեր պարզեց,— էն տավարները մերն ա... արածացնում ենք:

— Հազրո՛ ասես սիճճ ենք ուտում,— ծիծաղեց պառկողը և առաջը կիտված խոտերի փնջերից պոկեց ու սկսեց ծամել:

Մոտեցել էի բուրրովին: Ամենքը ժպտուն ինձ նայեցին և «տեղ տվին»:

Ծիծաղելի տեսք ունեին բուրն էլ: Հագել էին պատառոտուն, տասը տեղեց կարկատաններով լեցուն, ամեն կողմից ծվեններ կախված տրխալուղ. վարտիքի փոխարեն՝ ինչ-որ աղտոտ կարճ կտավ՝ մինչև ծընկերները, ոտերնին՝ տղմուտ՝, բորիկ. գլխին կարտուղ՝ էր կամ փափախ,

¹ Գեղտու:

² Հովարով գլխարկ:

սակայն որպիսի՝ կարտուզ և ի՞նչ օրի ընկած փափախ. յուզոտ, ճմրթ-կըված, ճաթրտած ու կոտրտած, կեսն ընկած, մյուս կեսը ցնցոտի դարձած կարտուզ, բուրդը գզգզված, կեսիցը կարծես տապարած և աղտի մեջ թաթախած փափախ, որոնք, ով գիտե, ինչ աղբանոցից էին գտել-հանել...

Չնայելով հագուստներին, ձեռք-երեսի, ոտների և բաց կուրծքերի աղտին, ամենքն է՛լ ժպտուն ու զվարթ՝ իսկույն զանազան դիրքեր բռնեցին շուրջս:

Մեկը կկզեց և մոռթը դրավ ծնկներին, երկրորդը փովեց երեսի վրա՝ դեմքը դեպի ինձ, երրորդը մամխի թփի մեջ մտավ և սմբվեց այնտեղ, չորրորդը կողի վրա ընկողմանեց... ու ամենքն էլ շարունակեցին ծամել ու ծամծմոտել սինձը, որոնցից փունջ-փունջ ունեին ձեռքերին կամ թևերի տակ կոխած:

Ատամները սևացել բույսից, շրթունքները սպիտակել, դեմքերն արևակեզ, մազերնին թափթփած, առատ ու թավ, աչքերնին պսպղուն, սնդիկի պես շարժուն շարաճհները, երբ ես էլ նստել էի, միմյանց նայեցին, բթթեցին, լուռ ծիծաղեցին, հետո թփի մեջ կծկվածը կանչեց հանկարծ.

— Աղա՛, բա ամո՞թ չի. ընչի՞ պ. Երվանդին էլ սինձ չեք թավազա՛նում... Համեցե՛ք, սի՛նձ կեր...

— Համեցե՛ք... — արին ամենքը և առջևս նետեցին մի-մի փունջ

— էս որտեղի՞ց եք բաղել, շա՛տ կա այս կողմերում:

— Շա՛տ... — արեց քարակույտի վրա նստողը, — հրեն ողջը սինձ չի... ամա ծաղկել ա հմի... գլխի կողմիցը որ ուտես, հլա դալա՛ր ա...

— էս աղջիկնե՞րն ինչ գործ ունեն ըստեղ, — հարցրի ես նստելով, — սրա՞նք էլ են տավար արածացնում:

— Չէ, — խոսեց նորից նույն մանուկը, — սրանք դազեր² են բե-րել... դե՛, մենք էլ ասինք՝ գանք քիչ հետները խոսանք... ըսենց լի՛ ա՛ խալխը...

Ու այնպես ծաղրածու կերպարանք ստացավ և աչքը բթթեց, որ բոլորն էլ ծիծաղեցին:

— Հա՛մ էլ, — վրա տվավ նա՝ հեզմական ակնարկներ անելով սրան-նրան, — մեր նշանածնին են սրանք... Ա՛յ, էն Թագուշն իմ նշա-նածն ա...

— Վո՛ւյ, սատկես դու, հա՛... շանչեց՝ դեպի նա աղջիկներից մե-կը, — սուտ ընչի՞ ես ասում...

Այնքա՛ն տարօրինակ մանուկ էր խոսող տղան, որ առանձնապես զննեցի նրան, մինչ խոսում էր և ծամածուծություններ սնում:

Գրեթե կիսամերկ էր. կարմիր կտավե հին ու կտրտված շապիկ, նո՛ւնքան կտրտված ու մինչև ծնկները հասնող վարտիքի հետ: Գլխին մի կարտուզ ունեք, որ կասես շան բերանը տված ու ծամած լինեք. ծուռ կոխել մինչև ականջները, սնձից սևացած ատամները բուց, դեմքն արև-վից կիզված ու թեփոտած, մազերն էլ շեկ:

Խոսելիս մեկ ինձ էր դառնում, մե՛կ էլ ծաղրածու կերպով սրան-նրան ակնարկներ անում և բրբիջների առիթ տվող ծամածուծություններ կազմում այլանդակ դեմքի վրա:

— Անունդ ի՞նչ է, — հարցրի՛ միջահատելով նրան:

— Տելո ա:

— Դա ի՞նչ տեսակ անուն է որ...

— Տելամաք ա, — մեջ մտավ երեսի վրա փովածը, — մենք Տելո ենք ասում:

— Աղա, ո՛ւր ես մեջ ընկնում, լպստա՛ծ, — կանչեց նրա վրա Տե-լոն, — բե՞զ ա խոսացնում, թե՞ ինձ... ընչի՞, ես գիդա՛մ ոչ, որ տեբ-տերը ինձ Տելամաք ա կնքել:

— Տելեմա՞ք, — ասացի ես, — ո՞րտեղից է գտել հայրդ այդ անու-նը:

— Հե՞րս ընչի, — լայն ծիծաղեց Տելոն և ատամները ցցեց, — տե՛րտերն ա գտել. մեկ դաֆթար ունի, ընդի կարդում ա ու երեխեքան-ցը անուն դնում... Ա՛յ, էս գորտի անունը (ցույց տվավ առջևս փովա-ծին) Արտաշես ա դրել, մենք Արտո ենք կանչում:

— Նրա անունն էլ Ասքանազ ա, — մեջ մտավ մի երրորդ մանուկ և թփի մեջ սմբվածին ցույց տվավ, — ամա մենք Քանուզ ենք ասում:

— Աղա, էլի՞ մեջ մտաք, — ճշաց նրա վրա Տելոն, — տո սա ձե՞զ ա խոստացնում, յա՞ ինձ... Ուզում ես վեր կենամ ու ջնջխե՛մ... ի՞նչ բեհայա՞ խալխ եք, տո՞... Հա (դարձավ նա դեպի ինձ), ա՛յ, է՛ն մեկե-լի անունը Արտազ ա դրել, մենք Տազի ենք կանչում... Աղա, Տազի՛, ընեխդ ցույց տու մեկ, ո՛ւր ես տավարի պես գլուխդ խոտերի միջին խրել:

1 Մատուցել:

2 Սագոր:

1 Ձեռքը տափակ՝ դեպի ուրիշը ցցել էր նախատինքը:

2 Անամոթ:

Մինչ այդ, աղջիկները նստեցին և իրար կպած ու լուռ՝ ինձ էին զննում, միմյանց հետ երբեմն էլ փսփսում, ամաչելով ծիծաղում:

Չորս էին, թե հինգ. տասից-տասներկու տարեկան կլինեին. սև, ազոտոտ, ոտաբոբիկ և տգեղ: Մեկն էր միայն քիչ սիրուն, կապույտ, գզվող աչքերով և անմեղ մանկական ժպիտ միշտ դեմքին: Նա էլ այնքան սինձ էր ծամել, որ ամբողջ բերանը սևացել էր, ինքն էլ ձեռք ու ոտքով ցեխաթաթախ ու մրոտ դարձել:

Պարզ և հնամաշ կտավե շրջազգեստներ ունեին. գլուխներն ինչ-որ լթի նմանող թաշկինակի մեջ էր փաթաթած, սակայն բոլորի մազերը փաշտուց թե ցեխից՝ բրդի նման կոշտացել, միմյանց էին կպել: Ամենքի ձեռքը մի-մի ճիպոտ կար, թևերի տակն էլ ուտելու բանջարեղեն՝ սինձ, շուշան, թրթնջուկ կամ Բեղ:

Տազին, որին Տելոն այնքան կոշտությամբ հրավիրել էր մոռփն ինձ ցույց տալու, կամաց բարձրացրեց գլուխը, նայեց մեր կողմը, հետո փոթկացրեց և նորից մտավ խոտերի մեջ:

— Սա խո մեր Բաղրամի որդի՞ն է,— ճանաչեցի նրան:

— Հա՛, բյուրդ-Բաղրամի տղան ա,— ասաց Տելոն ծաղրալից շեշտով,— հենց հոր պես էլ ընենց ճշում ա, որ կասես աքլար ըլի... կուկու-կու-րիկո՛ւ... Ի՞նչ ա ըլի, ա՛յ Տազի... Սկի՛, յա կանչում ա թի՛ նկեք, սնձի տեղ եմ գտել, յա թե չէ՛ մի հատ շուշան ա քաղել. ա՛յ ուր փուշ ըլես դու, Տազի՛, հլա մեկ խոսա...

— Ադա, դե հերիք ա է՛է՛... — ճշաց Տազին գլուխը բարձրացնելով,— դո՛ւ ինչ ես, դո՛ւ... խոզի պես՝ խրմ-խրմ-խրմ... թե ի՞նչ ա քի՛թն ա վեր քաշում ստարշինի պես... փո՛ւհ...

— Չասի՛, չասի՛, ա՛ խախը,— բարձր ու հնչելի բրբռաց Տելոն, — տեսա՛ք, տեսա՛ք ոնց հոր նման աքլարի պես ճշում ա...

Ապա վիզը ցցեց դեպի գայրացած Տազին, ձեռքի սինձը ցած թռչեց, թևերը թափահարեց, ազդրերին խփեց ու աքաղաղի ձայնով ճչաց:

— կու-կու-լի-կո՛ւ ո՛ւ...

Բոլորը բրբռացին. հիրավի շատ ծիծաղելի էր այդ միջոցին Տելոնի գեմքը, որ երկարացել, ծաղրաշարժ գծեր էր կազմել:

— Խլնքո՛ւտ, խլնքո՛ւտ... — աղաղակեց դեպի նա Տազին:

— Փո՛ւ... — արեց Արտոն,— բա ամո՞թ չի, տո ի՞նչ եք փխ շնեթ պես իրար զզգզում:

— Ի՞նչ ինչ ես, դո՛ւ,— դարձավ դեպի նա Տելոն,— ոգնի՛, բոլի՛ ոգնի՛...

— Ոգնի էլ ես, հլա խոզ էլ հետը...

Մտածեցի միջամտել, սակայն Քանազը դարձավ դեպի աղջիկներն ու կանչեց.

— Ադա Թագո՛ւշ, ախշի բա չե՞ք տեսնում, դազերը ձորն են թափվում է՛է՛...

Աղջիկները ցնցվեցին, ոտքի թռան ու փայտերը բարձրացրած՝ վազեցին դեպի սագերը, որոնք կշկշկում ու խմբովին, գլուխները ցցած՝ զիմում էին ձորակը:

— Ա դազը, էդ ո՛ւր եք գնում,— ճշում էր մի աղջիկ,— տո ձե՞զ չեմ ասում... ա՛ դազը, դա՛զը...

— Մարավ են հալբաթ,— դիտեց Տելոն: Եվ բոլոր մանուկները դարձան դեպի վազող աղջիկներն ու լուռ՝ հետևում էին նրանց հետապնդումներին:

Մի քանի րոպե սարալանջի վրա միայն սագերի կշկոցն ու թևերի թափահարումներ լսվեցին, հետո՝ աղջիկների կանչեր, որոնք ինչում էին դեպի ձորը՝ փախչող թռչունների հետ...

Այդ միջոցին էր, որ խճուղու վրա երևաց փոշու մի թեթև պտույտ, մղված Սարշեի կողմի քամուց: Հետո, միմյանց հստից հայտնվեցին շորս—հինգ արագավազ ձիավորներ:

Առաջին արշավողն աչ ձեռքով փայտը ծնկների վրա ցցած, շերքեզկալով երկարահասակ անձ էր: Մանոթ դեմք էր թվում, բայց հետո լինելով՝ ճանաչել չկարողացա: Կողքից քայլում էր սև շերքեզկա հագած, կիսափափախով մի նիհար ձիավոր, որ մտալան էր շարժում անընդհատ և խոսակցում առաջինի հետ: Նրանց ետևից գնում էր կուզ, կարտուզով ու լիքը դեմքով անձ, իսկ ամենից հետո էլ երկու ուրիշները, որոնցից մեկը շրջանական ոստիկան զինվոր էր երևում՝ հրացանը մեջքին, նշանազգեստով և երկար սուրբ կողքից:

— Հլա՛, հլա՛... — կանչեց Տելոն,— բնդի՛ մտիկ տվեք, տղե՛րք, ստարշե՛նա՛ն, սուղիա Մուկուլլք, է՛ն մեկն էլ պիսե՛ն ա... հլա ստրածնիկե՛ էլ հետները... է՛ն ո՛ւր են գնում ըսենց քշելեն:

— Ստրածնիկի հե՛տինն ով ա, տո... — ասաց Քանազը շոքած,— կասես քշքշան նիկոլն ըլի՛:

1 Շրջանական գյուղապետ
2 Պահակ զինվոր

— Նա ա, որ կա,— պնդեց Արտոն ու թփի միջից գլուխը դուրս պարզեց,— այ տղա, տենաս էդ ի՞նչ ա ըլել:

— Ի՞նչ պիտի ըլի,— ձայնեց պառկած մանուկներից մեկը,— գնում են գեղը վառեն...

— Էրեկ իրիկուն Մելիքենց տան առաջ քոխվեն, գզիրը, Մելիքն ու Ռաբելը կովշտորում էին... բալթի ընդի են գնում:

— Չէ՛,— արեց Տելոն,— ընդի չի ըլի. էն կոխվը շաղացի քարի վրա էր. համ էլ բարըշեցին՝ պրծան:

— Բալթի քըջան Նիկոլն ա տանում դրանց... էն օրը քաղթցիս ու Նիկոլը քիչ մնաց իրար ծեծեին,— խոսեց Տազին,— ես տեսա. քաղթցու կնիկը շուր էր շուռ տվել Նիկոլի օջախի մեջն ու կրակը հանգցրել. Նիկոլի ճղճղան կնիկն էլ մե՛կ ուշունց էր տալիս, մե՛կ ուշունց... քաղթցին էլ՝ սաս՝ որ կասես. շիլ Գայուշին ցեխը կոխեց ու հանեց...

Տազիի պատմածն իմ ծերունի ընկերոջ կոխվն էր, որ տեղի էր ունեցել երկու օր առաջ, մեծ շափեր էր ընդունել և քըջան Նիկոլի գնչուական ճիչերն ամբողջ օրը զվարճացրել էր գյուղին:

— Կըլի որ էդ ըլի,— նկատեց Արտոն,— քըջան Նիկոլը կովի ա հենց բանդ. կնի՛կն էլ, ո՛ւյ, ո՛ւյ, ո՛ւյ... մե՛կ զարաչին ա, մե՛կ ուշունցի հասարթ՝... Որ աչքը, էն շիլ աչքը չի՞ ծոում ու բերանը փրփրոտացնում, կասես ջաղու ըլի:

— Դուք սկի՛ բան չեք հասկանում, տո,— ձայնեց Տելոն,— ըհը, կտենաք. էդ աստծու պատիժները գեղն են գնում ուրիշ բանի համար Տենաս էլի ի՞նչ զուլում են մտածել գեղը կրակ տալու... Յասաո՞ւր՝ ուր են տանում բաս... Հլա պիսերը, սուղիան... փո՛ւ ես քու կաշի կտրած արեխ երեսիդ ինչ ասեմ, սուղիա Մուկուլը, էս դիփ քո՛ բաները կըլի... Կտենա՛ք. նա՛ ա, որ օձի պես ըստի-ընդի բան ա սարքում, որ ինչ ա՛ ոսկոր հանի միջիցը... Տղերք, հլա մեկ իմ տավարին աչքն ածեք՝ ես գնամ գեղը, տենամ ի՞նչ կա...

— Տո մի՛ գնա, մի՛...— արեց Տազին,— հերդ մեկ ընե՛նց գլխիդ կտա, որ կարտուզն էսհետ մինչև բերանդ կմտնի...

Տելոն, որ պատրաստվում էր գյուղն իջնելու, կանգ առավ և սկսեց ծոծրակը քորել: Ըստ երևույթին, Չազիի խոսքերի դառն ճշմարտությունը կասեցրեց նրան:

Քանազը ժպտալով նրան նայեց ու հանկարծ ձայնեց.

— Յանի էլ ո՞ւր ես գնում, չե՞ս իմանում թե արան-թալանը ոնց ա ըլում. ինքդ յանի քի՞չ ես քոխվա ըլել:

— Հա՛, տո՛,— արեց Արտոն,— եկեք խաղանք էլի...

Մանուկները զվարթ ծիծաղով միմյանց նայեցին: Վառկողները էլան նստեցին, Արտոն մամուխի թփից դուրս եկավ և մինչ աղջիկները սագերին ետ դարձրած՝ մոտենում էին, սարալանջի վրա սկսեց կազմվել մանկական մի հետաքրքիր խաղ:

Անմիջապես Տելոն մոռացավ գյուղը, ուղղվեց ու կանչեց.

— Ես՝ ստարշիեա...

— Ընչի՞, տո՛,— գոչեց Քանազը,— հենց ամեն վախտ դո՞ւ ես ստարշիեա ըլելու... Չե՛նք ուզում, դու փիս ես ծեծում... ընենց չի՞, տղերք...

— Հա՛. էսհետ թող ե՛ս ըլեմ ստարշիեա,— ասաց Տազին:

— Ադա, դե ձեններդ կտրեք, է՛է՛...— ճշաց Տելոն,— ես ձեր քոխվան չե՛մ ըլել մինչի օրս, հը՞...—

— Հա՛, հետո՞:

— Հետո էլ էն, որ էսօր էլ քոխվությունից ստարշիեա եմ ըլում... կուզենամ, հլա պրիստավ էլ կըլեմ. իմ ձեռքին չի՞:

— Փիե՛...— արեց Արտոն,— ստարշիեան յանի քի՞չ ա ծեծում, որ հմի էլ ուզում ես պրիստավ կտրես գլխներիս... չէ, ախպեր, որ ըտենց ա՛ ես չեմ խաղում:

— Ա՛ խախը,— ձայնեց հանկարծ Տելոն ու սպառնալից՝ ոստենցականգնեց, խլեց գետնի վրայից իր ճիպտը, կարտուզը պինդ կոխեց գլխին ու սրան-նրան նայեց,— ինձ պրիստավ չե՞ք ուզում, ա խախը..

Միանգամայն սարսափելի էր փոքրիկ բռնավորն իր դուրս ցցած կրծքով, կքտաղի հայացքով ու բերնի երկու շարք սևուցած, գազանալին ակռաներով:

Երևի բոլորն էլ վախեցան: Աղջիկները, որ մոտեցել էին, միմյանց կպան:

— Վո՛ւյ...— արեց մեկը,— կասես գել ըլի:

— Տո գել եմ ու արջ էլ,— գոռաց Տելոն,— բա ընչացո՞ւ քոխվա եմ, ստարշիեա, յա պրիստավ... Չեր հե՛րը կանիծեմ, թե ինձ նաչալեիկ՝ չեք արել... ընենց օյին դնեմ գլխներիդ, ո՞ր... կթողա՞մ սկի որ խաղաք..

Քանազն ու Տազին ինձ նայեցին՝ կարծես օգնություն խնդրելով:

— Դա ինչ է, Տելո, — միջամտեցի ես, — դու բռնավոր խո չե՞ս թող ընտրեն, էլի՛. թե քեզ ընտրեցին՝ կուզես թագավոր եղիր:

— Ընչի՞ թագավոր,— ճշաց Տելոն,— ես ամեն վախտ եմ ա քոխա...

1 Կարոտ:

2 Ոստիկանական ստորին պաշտոնյա

վա յա ստարշինա եմ ըլել, ծնծոտել եմ, ո՛ւշուց տվել, ոսկոր կերել, սրան պատժել, նրան հուպ տվել... ուզում ես, որ հմի մեկ ուրի՞շն ինձ բտենց անի... Չէ՛, թե պրիստավ ա՛ ես եմ, թե նաշալնիկ՝ էլի ես եմ... ուրիշի թողալ չեմ... ա՛րյուն կհանեն...

— Հանդարտվիր, — հորդորեցի ես, — արի՛, արի նստիր կողքիս, գուցե էլի քե՛զ ընտրեն:

— Չե՛ն ընտրի. շա՛տ եմ ես դաղել դրանց... Ա՛յ, տեսնո՞ւմ ես, էդ արլար Տազին, էդ քյուրդի տղա Տազին, համ էլ էդ գորտ Քանազը... Իրա՛նք են ուզում համ քյոխվա, համ ստարշինո... Իրա՛նք են ուզում համ քյոխվա, համ ստարշինո...

Տեսա, որ խաղը պիտի խանգարվեր, դարձյալ միջամտեցի, հորդորեցի և վերջ ի վերջո համոզեցի, որ վերջին անգամն էլ Տելոն ստարշինա դառնար, Քանազը՝ քյոխվա, իսկ Տազին՝ գիր:

Սակայն հազիվ համոզել էի ամենքին և Տելոն հաղթական՝ ատամներն էր ցցում դեպի աղջիկները, որ սրանք ապստամբվեցին:

— Մենք չե՛նք խաղում, — ասաց Քագուշը, — մենք կգնանք:

— Ընչի՞, ա՛յ ախչի, — ասաց Տելոն, որ մեծանամ, յանի քո ստարշինան ես չե՛մ ըլելու... Ամա, ջհաննամի գյոռը, որ շեա խաղում... պաշոյ՛, գնա՛:

— Ո՛ւ, հողե՛մ գլուխդ, գի՛ծ Տելո, — շանչեց դեպի նա մի աղջիկ, — գել ես, գե՛լ...

— Գել եմ, բա՛ս... — ծիծաղեց տղան, — ստարշինան որ կա, պո՛ր գել ըլի... չե՛ս հավանում ինձ, հրեն ա՛յ շոսեն. պաշո՛ւ դու էլ...

— Կա՛ց, — բռնեցի ես նրա թևից, — ուշուց մի տա աղջիկներին... Եկե՛ք, աղջիկներ, մոտս նստեք, ես չեմ թողնի, որ ձեզ նեղացնի:

Աղջիկներն անշո՛ւշտ շատ էին ուզում խաղին մասնակցել, կամ գոնե՛ ներկա լինել: Իսկույն ևկան մոտս և ուրախ՝ պաշտպանության տակ մտան:

— Ընչի՞, — դարձավ ինձ Տելոն քիչ վախեցած, որ իր իշխանությունը սահմանափակվում էք, — մազամ՞ դու նաշալնիկ ե՛ս...

— Ո՛ւ, — կատակեցի ես, — նաշալնիկից էլ մեծ, գուրբեհատար՞...

— Փիե՛... — արե՛ց Քանազը. — յանի նաշալնիկից է՛լ մեծը կա:

— Կա. գուրբեհատորը:

— Ընդրանից մե՞ծը:

— Լավ, թողեք այդ, — ասացի ես, — ձեր խաղն սկսեք: Ես միայն կնայեմ, ոչինչ չեմ լինի:

— Հա՛, էդ լավ ա, — արեց Տելոն միամտված, — բաս որ ըտենց ա, ըստի մեծը խո ե՛ս եմ...

Հետո մեկեն դարձավ դեպի Տազին ու կանչեց.

— Ադա Տազի՛, մեր հրամանն ա, որ էս սհաթիս վեր կենաս ու վազես սարի էն կողի վրիցը ձեն տաս, հրեն ա՛յ, չիմանլըմը՛ նստած Սրապին ու մեկել տղերանցը... Թող շատ ըլեն, որ խաղը լազաթ տա... ըտենց չի՞, պ. Երվա՛նդ:

— Դե էսքանս էլ հերիք ենք, — առարկեց Տազին, — էլ ո՛ւր ես սող գեղը գլխիդ թափում:

Տելոն ամբողջ մարմնով շուռ եկավ դեպի նա, աչքերը ոլորեց ու փայտն աչնպե՛ս սպառնալից բարձրացրեց, որ Տազին վախից ետ ոտսնեց:

— Ա՛ շան տղա, — գոռաց նրա վրա Տելոն, — դու ընչացո՞ւ ես, որ հրամաններիս ջուղաբ տաս՞, դու գգի՞ր ես, թե՞ պրիստավ... ուզո՞ւմ ես, էս սհաթիս կաշիդ քերթեմ... ըստի քեզ գգիր են դրել, որ ստարշինա դեմ դողաս, հալվես...

— Ո՛ւյ... արջն ա, խա՛շը, մեշի՞ արջը... — մոմուաց աղջիկներից մեկը՝ կծկվելով ու կպնելով ընկերուհուն:

— Էն ո՛վ ա, որ ստարշինին արջ ա ասում, — որոտաց Տելոն, — կնջխե՛մ...

— Այդ շեղավ, Տելո, — դարձյալ մեջ մտա ես, — շատ վատ սկսեցիր. որ այդքան գոռաս, էլ ձեն չի մնա վրադ... Համ էլ աղջիկներին հանգիստ թող:

Տելոն նայեց ինձ, ժպտաց, հետո նորից գալլային դեմք ստանալով՝ քայլեց դեպի Տազին ու կանչեց.

— Հլա կանգնե՛լ ես...

— Ո՛ւ, ո՛ւ, ես բու... — արեց Տազին ու գնաց դեպի բլուրը:

— Որ շատ ըլենք, դորթ ա, լավ կլի, — ասաց Քանազը, — թող ես էլ գնամ կանչեմ...

Ապա ելավ մի բարակույտի վրա, դեմքը դարձրեց դեպի մյուս ոտս: Բալանջին ու սկսեց ձայնել խուլ, կարծես փորից դուրս եկող ձայնով:

1 Կորի:

2 Միթե:

3 Նահանգապետ:

1 Մարզագետին:

2 Առարկել:

3 Անտառ:

— է՛ է՛յ... է՛յ Սրապիոն. Սրա՛պիոն, Սրապիոն, է՛է՛է՛յ... Գրիգոր, ա՛յ Գրիգոր, է՛յ, Գրիգոր ո՛ր... —

Լեոնային կոշի այդ ձևը, որ լավ յուրացրել էր Քանազը, մոտից թեև հեշեղ չէր, բայց այնքան հաջող ելևէջներ ուներ, որ դնալով աճում էր, ալիքների մղման նման զորեղ ցնցումներ գոյացնում, թրթռում էր օդի մեջ ու միմյանց բախելով՝ մեծանում էր հեռուններում:

Անշուշտ լսեցին այնտեղ. մանավանդ որ Տազին էլ մազլեցել էր ամենաբարձր կետի վրա և ելևէջների ուրիշ տեսակ կոշ էր իջեցնում դեպի սարալանջը: Այդ կոշը ևս իր ինքնատիպ ձևն ուներ: Սկսում էր խորին բամբուկ, խազերը հատ-հատ՝ մղում էին միմյանց, գոգաձև մասում բախվում և զորեղ ալիքներով հասնում նպատակակետին:

Մինչ այդ, Տելոն թողել էր գահը, գլխարկի տակից ինչ-որ խոշոր դանակ էր հանել և նրանով մամուխի թփից կտրում էր բավական խոշոր ճյուղ:

Ձեռքերի ուժն էր ավելի կտրողը: Ուտրեց ու կեղևը պոկ տալով՝ հաջողվեց ունենալ դալար ճիպոտ: Մաքրեց փշերից, կոշտերից, մի քանի անգամ նրանով օդը ծեծեց ու ասաց.

— Լա՛վ ա... —

— Ի՞նչ պիտի անես, — հարցրի ես:

— Ղամշի՛ ա: Ստաշիման առանց ղամշու՝ ո՛նց որ էշն առանց փալանի... —

— է՛յ, — կանչեց մանուկներից մեկը, — տե՛ս, որ պինդ ես խփել, կզնքսենք քեզ, հա՛ա... էլ հերիք ա. ընենց վրա ես տալի, կասես զորթանց հենց ստարշինա ըլես:

Տելոն բարկացած նրա կողմը դարձավ:

— Ադա սա՛տկած կարո, — ձայնեց նա, — որ շխտաս, չի՞ ըլիլ. շես ուզում խաղալ՝ հիմիկանց պաշտոլ... հրեն էնքան տղորք գան, որ սկի լայեղ էլ շեմ անի ղամշուս ծերը քեզ կպցնի... —

Ստվերն սկսում էր կարճանալ. ամենքս քիչ ավելի վեր քաշվեցինք ու տեղավորվեցինք խոտերի մեջ:

Մանուկները կանգնել՝ սպասում էին մյուսներին: Տազին ու Քանազը վերադառնալու հին:

Բոկոտն ու կիսամերկ, աղտոտ, այրված, սնդիկի պես շարժուն և աշխույժ՝ միմյանց ետևից, գրեթե զորովելով էր, որ հինգ—տասը բուսից հետո, ամեն կողմից, ժողովվեցին մեր նստած տեղը:

Անպատճառ մի-մի ճիպոտ ձեռքներին, շատերը քեզ՝ ծամելիս, մի քանիսն էլ մաստակ՝ փովեցին խոտերի վրա: Տելոն նրանց մեջտեղում կանգնած՝ սպասում էր, որ սարալանջերից դեպի մեզ վազողներն էլ հասնեին:

— Դե՛հա, դե՛հա... — անում էր նա, — ադա վազեք է՛է՛... —

Ու գալիս էին: Քիչ հետո, համրեցի մինչև քսան մանուկ՝ զանազան հասակի՝ տասից մինչև տասնհինգ տարեկան:

Ամենքը նախ զարմացած՝ ինձ էին նայում, հետո իրար մոտենում փսփսալով: Անշուշտ իմ ներկայությունը տարօրինակ էր իրենց. ի՞նչ կար, ինչո՞ւ էի եկել և ե՞ս էի արդյոք ձայն տվողը:

Տելոն կցկտուր ու բարձր հայտնում էր եկողներին, որ «պ. Երվանդը հենց ընենց, եկել ա տենա, թե մենք ո՞նց ենք տավարը պահում». կամ՝ «Ադա՛, դե ի՛նչ կա, եկել ա՛ եկել, խո մեզ չի՞ ուտելու». և կամ՝ «Դե լավ ա, դոնադ ա եկել, մենք էլ մեկ օր նրա բաղը կերթանք, մեզ սեմիշկա², յա քյալամի կոթ կուտացնի... ընենց չի՞, պ. Երվանդ»:

Ու այսպես, ամենքին ժողովում էր շուրջը, բացատրում, որ խաղ կազմեն:

Քիչ հետո, երբ բավական վիճել ու գոռոռացել էին, խաղն սկսեցին:

Տելոն ու Քանազը եկան մոտս նստեցին, մանուկները ցանուցրիվ եկան, նստոտեցին, կանգնած մնացին, ու Տա՛զին, որ գզիրն էր, փայտը ձեռքին ման էր գալիս ամենքի մեջ:

— Ադա է՛յ, քո՛ւրդ Տազի, — ձայնեց մեկը, — ինձ չբռնես, թե չէ, աստված ա վիհա, գեղամիջում կբռնեմ, ընենց մեկ կտամ, որ սաղ օրը վնգստաս... —

— Փիե՛... — արեց Տազին, — էդ յանի խա՛ղ էլավ... Որին ասին՝ բռնելու եմ:

— Որ բռնես ու գզիր հալովդ լավ ծեծ ուտես, ո՞նց քեֆիդ կգա, — ծիծաղեց մեկը:

— Գզիր ա, — նկատեց մի ուրիշը, — գլխին էլ կբանփաշեն, ձեռքն էլ կկոտրեն... Պիտի դիմա՛նա... —

¹ Բուսատեակ:

² Արևածաղկի սերմ:

— Չէ՛, ախպե՛ր, — արեց Տազին, — թե թափվելու եք ծեծեք, էն ա՛, շխաղամ:

— Ադա բա՛նիդ կաց, բանի՛դ... — կանչեց նրան Տելոն, — մազամ ստարշինան մեռե՛լ ա, որ գզրին ծեծեն...

Նետո աչք ածեց բոլորին, շտկեց իրեն, նայեց ինձ և երբ գտավ, որ ամեն ինչ տեղին էր, ճշաց:

— Մի քիչ դժառ քաշվեք, ա՛յ աղա... Ով ուզում ա գանգատավոր ըլի՛ թող մեյդան գա:

Արևը հետզհետե բարձրանում էր բլրի ետևից, ստվերը քաշվում-կարճանում: Տեղներիցս սակայն չշարժվեցինք: Նովանոց ունեի. բացի, թիկն տվի խոտերի վրա, գլխիս կողմից արևի ճառագայթների դեմն առա և այնուհետև լուռ՝ միմիայն հանդիսատես մնացի մանուկների խաղին:

Երեք-չորս հոգի մինչ այդ, միմյանց մոտ եկած, ըստ երևույթին պատրաստում էին գանգատի նյութը. իսկ Տելոն և Քանազը պաշտոնա-կան դիրք ստացել՝ նայում էին հպարտ, մտնում իրենց դերի մեջ: Նույ-նիսկ, կատարյալ լինելու համար, մանուկը սկսեց իսկական ստար-շինայի ձևերն ստանալ՝ կկոցել աչքերը, քիթը վեր քաշել, ձեռքի ճիպո-տով, իբր մտրակ, ոտը ծեծել:

— Բո՛ւ, ա՛յ տղա, — գոչեց հանկարծ Տելոն, պահ մի տեղից դուրս գալով, — բա պիսե՛րը!... ըտենց էլ բա՞ն եք տեճել, մոռացել ենք պի-սերը:

— Էս մեկ անգամն էլ թող պիսեր չըլի, — նկատեց Քանազը:

— Ո՞նց... չէ՛, ստարշինան առանց պիսերի, ոնց որ ավազակը՝ ա-ռանց թվանքի... Ա՛յ, Պետի՛ն թող ըլի պիսերը...

— Հա՛, հա՛, Պետին թող ըլի... — ձայնեցին ամենքը ծիծաղելով և զարձան եկվոր մանուկներից մեկին, որի վրա մինչ այդ՝ ուշադրություն չէին դարձրել:

Տասնամյա, գուցե քիչ ավելի տարիքով, մի ճուտիկ էր այդ, որ շատ հիշեցնում էր շարժուն միմիկա² ունեցող լուրջ կոմիկի: Կարծես ահա բերնից մի սրախոսություն պիտի դուրս թոններ, ինքը՝ ասողը չպիտի ծիծաղեր և լսողները պիտի թուլանային:

Հագածից մինչև կեցվածքը ծիծաղաշարժ էր: Մի կարճ, կտրտված արխալուզ, վրայից՝ խոշոր ծակերով երկար, մինչև գետին հասնող լայն շուխա (անշուշտ հոր դեմ ձգածն էր), գլխին ահագին գզգզված, հո-

ղոտ ու աղտոտ փափախ, որ նա ցցել էր ծոծրակի վրա և հաշողվում էր պահել այնտեղ: Կոշիկ չուներ. մի ինչ-որ կասկածելի գույնով շորի կտոր, վարի կողմից ատամնաձև ցնցոտիացած՝ վարտիքի տեղ էր ծառայում նրան:

Արտակենտրոնը դեմքն էր. այնքան խորամանկ հայացք կար աչ-քերի մեջ, որ երբ նրան հայտնեցին, թե պիսեր էր դառնալու, մոռա-ցավ մանուկ լինելը: Հոգին ամբողջ գծված էր ակնարկի ու բերանի շուրջը:

Երբ ամենքի ուշադրությունն իր կողմը դարձավ, նախ շրթունքնե-րը երկարացան, հետո դեմքը, և կանացի դիլ ձայնով կանչեց.

— Հլա՛... քաշալ Տելոն ստարշինա, գիժ Պետին էլ պիսե՛ր... էդ խո հոգի՛ շենք թողալ. սաղ գեղը կվառենք...

— Ղո՛րթ, տո, — ասաց մեկը, — էս երկուսը որ իրար եկան՝ մեղ կզաղեն...

Բայց «գիժ Պետին» ընդունել էր առաջարկը. թևի տակ կոխած ցու-պը հանեց ուսին դրավ, գնաց դեպի Տելոն ու ասաց.

— Ղա՛բուլ, ես՝ պի՛սեր. ի՞նչ ես տալու ամսական:

— Երկու սիլլա՛ հարյուր դամիչ², տասը քացի... էլա՛վ:

— Էլավ...

Ու նստեց, փայտը կողքին դրեց, մի լայն տերև կտրեց խոտերից, քաղեց, երկար փայտի կտորն էլ գրիչ շինեց և որպես թե գրում էր, կանչեց.

— Հազը՛ր, գոլովա՞՞... Ո՞վ ա գանգատավորը:

Երեք մանուկներ, որոնք քիչ առաջ միմյանց հետ խորհրդակցում էին, առաջ եկան, ժպտացին, ծիծաղեցին և վերջիվերջո նրանցից մեկն ասաց.

— Ո՞ղջ կենա գոլովա աղան, եկել ենք խնդիրը ունենք...

Տելոն ավելի ծանրակշիռ դեմք ընդունեց, ուռեց, փքվեց, նրանց նա-յից խստությունը, աչքերը կկոցեց ու ասաց.

— Հը՞, ի՞նչ կա... ո՞ւր ա խնդիրքներդ, տե՛նանք...

— Խնդիրք չենք գրել. տերտերը հարբած էր, տիրացուն էլ այբը տեսնելիս՝ ոնց որ գիժ հաց կերած...

Գիժ Պետին, որ փայտի-գրչի ծայրն էր թքոտում անընդհատ, նման

1 Ապտակ:

2 Մտրակի հարված:

3 Գլխավոր, ստարշինային այդպես էլ են կոչում հաճախ:

1 Գրագիր:
2 Դիմախաղ:

խկական պիսերին, մեջ մտավ, ձեռքը պարզեց դեպի նրանց ու խորամանկ ժպիտով ասաց.

— Դեռ տվեք խնդիրը գրելու փողը՝ առանց խնդիրքի էլ յուր տանենք... ըտենց գալի՞ն կա:

— Ըտենց գալի՞ն կա... — քիթը վեր քաշեց Տելոն, — բաս հանեք մեկ-երկու մանեթ տվեք ու ասեք խնդիրքներդ:

Գանգատավորները, որ սկզբից գիտեին, թե ստարշինայի մոտ առանց փողի գնալ չէր կարելի, մի բուռը տերևներ էին ժողովել ձեռքերում. երկու հատը հանեցին և պիսերի պարզած ափը դրին:

— Երկուսը քի՛չ ա, — ասաց Պետին, — վոլոստնի՛ պիսեր եմ ես, ձեր հարբան տերտերը յա բոռ տիրացուն չեմ... երկուսն էլ տվեք...

— Վա՛, չորս մանեթ՞, — կանչեց գանգատավորներից մեկը, — էդ խո ջլիս թա՛լան ա...

— Ձենդ... — կանչեց նրա վրա ստարշինան, — գալոնի դեմ ջուռաք շանես² խոսալ... Ձակոնը որ կա (քիթը վեր քաշեց), գալոն ա... (աչքը կկոցեց) ու էլ հետ, որ գալոնը գալոն ա (քիթը վեր քաշեց), պիտի պահենք ու կատարենք... իմացա՞ք, ա՛ շան տղերք... կդա՛ղնի, թե չեք իմացել...

— Իմացանք, ո՞նց շիմացանք, գոլովա... Ձակոնը որ կա՛ գալոն ա...

— Ձակոնն էլ՝ է՛լ հետ գալոն ա...

— Հրա՛մանք ես...

— Սրանց խնդիրքը գրի՛ր, պիսե՛ր:

— Էս սհաթիս... Որի՞ցն ա ձեր գանգատը:

— Չորս հոգուց:

— Փիե՛... — արեց Քանազը, — ի՞նչ խաբար ա, տո՛... — Դու ըստեղ հլա ձեն շունես, բոխվա՛, — ասաց նրան Տելոն, — հլա գործը քեզ չի հասել:

— Ի՞նչն ա շատ, — նեղացավ պիսերը, — պտի է՛լ շատ հոգի ըլեր: որ դալամս եղա՛լեն գրեր... Ասենք, որի՞ց եք գանգատավոր:

— Շուն-ուտողենց Սաբոյից... Գորտ-ծեծողենց խոզ Կարապետից...

Ընդհանուր ծիծաղը բարձրաձայն քրքիջի փոխվեց:

— Կա՛ց, կա՛ց... — ընդհատեց պիսերը, որ փայտն արագությամբ, ծայրը միշտ թքոտելով՝ շարժում էր ծնկան դրած լայն տերևի վրա:

— Էն մեկալոնքը շասե՛նք, — հարցրեց գանգատավորը:

¹ Երջանային:

² Զհամարձակվես:

— Ո՞նց չէ... Կարաս՝ հլա մեկ-երկուսն էլ ավելի ասա... Ամա կամաց ասա, որ գրեմ... խոզ Կարապետը... Դե հիմի ասա, հետո՞... — Սկսում էր զվարճալի դառնալ: Այնքա՛ն ճիշտ էին պատկերացնում իրականությունը, այնքան նման շարժվածքներ, ձայն ու միմիկա էին ընդունել փոքրիկ դերասանները, որ քրքիջներին վերջ չկար:

Գանգատավորները ծոծրակնին էին բորում, գլխարկները մե՛կ թևի տակ, մե՛կ գագաթի վրա դնում, մե՛կ վախեցած ձևացնում իրենց, երբեմն ապուշի դեմք ընդունում և ապշության դիմակի տակ՝ կողմնակի աչք թարթում, խորամանկ ժպիտներ ցույց տալիս հանդիսականներին...

— Գրի՛, — արեց մեկը, — գանգատավոր ենք Աման-լպստողանց բոռ Արշակիցը, Տրեխի-կաշի գոմեշանց Արամիցը, Արաղի-բուզկենց Ստեփանիցը...

— Էդ խո հինգն էլավ... — նկատեց հանդիսականներից մեկը: — Քու ի՞նչ բանն ա, — բարկացավ նրա վրա ստարշինան, — կուզի՞ թող տասը ըլի:

Իսկ պիսերը մի խեթ հայացքով շանթահարեց խոսող մանուկին և ասաց գանգատավորին.

— Էլի՞ կա... Դե հերի՛ք ա, միտս չի մնալ: — Յանի մտքումդ ո՞ւր ես պահում, — խոսեց կծու հեգնությամբ գանգատավորներից մեկը, — էն ա գրել ես էլի՛... — Կըլի որ կաբանդաշը՛ կոտրվել ա՛ չի գրում, — ծաղրեց մի ուրիշը:

— Ձեր հո՛րն ողորմի, — ասաց պիսերը, — հրես կարդամ՝ տես ո՞նց ա գրում... Շուն-ուտողանց Սաբոն... էս վրա մեկը... Ստարշինա, մեկ մատդ ծալի՛... ծալեցի՛ր... Հը՞, ո՞նց ա... կարանդաշս կո՞տրած ա... Արաղ-կոնծողանց Ստեփանը... է՛ս վրա երկուսը...

— Հա՛, հա՛, հա՛... — քրքչացին ամեն կողմից, — կարանդաշը կոտրած ա, Պե՛տի... ըտենց մարդ չկա... — Բաս որ ասո՞ւմ ի, — արեց գանգատավորը ծաղրալից և խոնարհ, — կարանդաշը որ մի քիչ թքոտեիր՝ ըտենց չէր ըլիլ: Արաղի-բուզկենց Ստեփանն ա. հա՛մ էլ, էդ վրա հի՛նգն ա, երկուսը չի... — Կա՛ց, կա՛ց, — շփոթվելուց բարկացավ պիսերը, — ո՞նց թե... թող մեկ տեսնե՛մ... Ահա հա՛, տո՛... մթնել ա՛, աչքս չի տեսնում. վրա երկուսը՝ Գորտ-ծեծողանց խոզ Կարապետն ա... էլա՞վ... — Էլավ:

— Ստարշինա, բաս մեկ մատդ էլ ծալի... Հմի, աղիս ասեմ, վրա երեք՝ Աման-լպստողանց բոռ Արշակը... Մատդ ծալո՞ւմ ես, գոլովա:

— Էլավ:

— Ստարշինա, բաս մեկ մատդ էլ ծալի... Հմի, աղիս ասեմ, վրա երեք՝ Աման-լպստողանց բոռ Արշակը... Մատդ ծալո՞ւմ ես, գոլովա:

1 Մատիտ:

Վրա չորսը՝ Տրեխի-կաշի գոմեշանց Արամը. էս մեր ոչ-փուշ Արամն ա... վրա հինգն էլ Արադի-բուզկենց Տեփանը... Ո՞նց ա, կարանդաշս կո՞տրած ա...

Ու փքված ծիծաղեց:

— Է՞դ ա, կարանդաշը լավ ա գրել:

— Գանգատներդ քանի՞ մանեթի ա,— հարցրեց ստարշինան:

— Մանեթի բան չի, գոլովա...

— Փիե՞,— արեց ստարշինան,— էդ ի՞նչ գանգատ ա, որ փող չկա մեջը... Մենք ըտենց գանգատ չենք ընդունում. ընենց չի՞, պի՛սեք, առանց փողի գակոնը չի բանի...

— Ըտենց ա,— դիտեց պիսերը,— ամա կաց տեսնենք, կըլի որ մանեթի ճոնտը՝ երևա...

— Հլա ասեք տեսանք,— աչքը կկոցեց ստարշինան:

Գանգատավորներից մեկն ավելի մոտ եկավ, գլխարկը թևի տակն առավ, պահ մի ծոծրակը բորեց, հիմարի պես ժպտալով նայեց սրաներան, հետո խղճալի դեմք ընդունեց հանկարծ ու աղիողորմ ձայնով սկսեց.

— Երեկ իրիկուն չուումը մեր տավարն էինք արածացնում, մե՛կ էլ տեսանք էդ շան տղերքը հարբած՝ Քարկողից են գալիս... «Բարիկուն»—«Աստու բարին»... «Ա՛ շան տղե՛րք, էս ո՞ւր եք տավարը վե՞ր թողել մեր հարոցները?»... «Փիե՛, ինչի պիտի սա ձեր հարոցը ըլի, սա Կուլտովո՞ղանց հարոցն ա»...—«Ա՛ շան տղերք, դուք չե՞ք իմանում, որ Կուլտովող աղեն մեզ դոռուղի՞³ ա դրել...»: Ու տո՛ւր որ կտաս, փետները քաշեցի՛ն, մեզ մի լավ դնքսեցին... Իրանք էլ ծիծաղում էին... էլ կնի՛կ, է՛լ հոր գլուխը... մի լավ ջարդ ու խուշ արին ու ծիծաղելեն գնացին... Բա աստված վեր կառնի՞, որ էդ հարբան շները մեզ ծեծեն...

— Կա՛ց, կաց, տո՛...— աչքը բարկութունից կկոցեց ստարշինան,— ո՞ւր էիք բաս ձեր տավարը Կուլտովող աղի հարոցները վեր թողել, աղա՛...

— Դե ի՞նչ անեինք, տավարը քաղցած, խոտ չկար... համ է՛լ արք նրանց ի՞նչ բանն էր... սո՛ւտ էին ասում, թե դոռուղի են... հարբել էին, լակել Քարկողումը. Մեղրոտ Գիգուլի հետ շան նման լակել...

Բարձրացավ ընդհանուր բրբիջ: Մեղրոտ Գիգուլ ասելով՝ գանգատավորը ստարշինային էր ակնարկում: Ամենքը կռահեցին:

1 Սայրը:

2 Խոտանոց, դաշտ, որ խոտ են անցնում և կամ հատուկ պահպանում են, ձմեռվա խոտի պաշար հավաքելու համար:

3 Գաշտերի պահպան:

— Ո՞ւմ, ում հե՞տ...— դեմքը կնճուկեց ստարշինան:

— Մեղրոտ Գիգուլ շան տղու հետը...

— Աղա, էդ ո՞վ ա, որ ես չեմ ճանաչում...— ճշաց ստարշինան,— դու գիտե՞ս, պի՛սե՛ր...

— Ո՞նց չէ, գոլովա՛, էդ մի շունն ա, որ սկի օյաղ՝ չի ըլում. ողջ օրը հա՛րբած, խոզի նման թավալ-թավալ. ընենց հարբում ա, որ կնի՛կն ա շորերը հանում ու մի շուլի տակ քցում, որ մրափի...

— Փիե՛...— արեց ստարշինան,— էդ ի՞նչ խոզն ա, տո՛... Ամա դե՛, էդ թող մնա հլա... Հա՛ (դարձավ նա դեպի գանգատավորը) բաս ասում ես էն շան տղերքը...

— Մեզ լա՛վ գխկեցին, ուշունց տվին...

— Էդ հե՛շ... ծեծել են՝ թող ծեծեն, հմի քա՛նի մանեթի ջառմա եք ուզում, որ կապենք:

— Չա՛սի,— ծիծաղեց պիսերը,— հրեդ ա՛յ, մանեթների ճոնտը երևաց...

— Հա՛ շատ...— խոսեց գանգատավորը, —ընե՛նց գխկեցին, որ հա՛րյուրն էլ թիշ ա...

— Ամեն մե՛կիցը...

— Թող ըտենց ըլի, մեզնից ի՞նչ ա գնում որ...

— Գրի՛, պի՛սեք... հինգ հարյուր մանեթ...

— Բա իրանց չե՞ք բռնոտել տալու:

— Ո՞նց չէ... մի լա՛վ էլ կդնքսենք... Ամա խո գիտե՞ք գակոնը...

Պաի դուք էլ հիսուն մանեթ տաք:

— Ո՞նց, տո՛... մե՞նք ընչի պիտի տանք:

— Չակոնն ընենց ա, հինգ հարյուր մանեթի ծախսը հիսուն մանեթ ա... էդ փողին ո՞նց են ասում, պիսեր:

— Ո՛սկոր...— արեց պիսերը, միշտ գրելով իբր թե,— ոսկոր են ասում, գոլովա՛...

— Տո չէ, չէ՞, էդ հայերենն ա, բաց զա՛կոնը ոնց ա՛ ասում. ո՞նց պիսեր ես, որ միտդ չի:

— Բու...— ձայնեց Պետին,— ընչի՞ միտս չի. օխտը հազար գակոնի գրքերը հրեն փորումս, բա է՞դ էլ չիմանամ... գակոնը էդ ոսկորին ասում ա «արուն»...

— Էդ խո հայերենն ա,— նկատեց Քանազը,— լանի թե արուն. որ կտրեն՝ արուն ա գալիս...

— Ա՛յ թե գիտես, հա՛...— ծիծաղեց պիսերը,— Կն որ կտրում են,

էն անձնն ա, ես՝ արունն ա... անունն ուրիշ ա, արունն ուրիշ... Ձեր խելքի բանը չի գալունի խոսքերն իմանալը...

— Ինչ որ ա... — միջամտեց ստարշինան, — հիսուն մանեթ պտի տաք... տաս մանեթ էլ մյո՛հրի՛ փող, մի-երկու մանեթ էլ փրավլենո՛ ծախար... տվեք տենանք...

Գանգատավորները սարսափահարների դեմքեր ընդունեցին և միմյանց նայեցին:

— Փիե՛... — ձայնեց մեկը, — համ ծեծը ուտենք...

— Նրանք էլ ծեծ կուտեն, — վրա տվավ Տելոն:

— Համ էլ փող տանք...

— Նրանք էլ կտան:

— Մե՞զ կտան:

— Ո՞նց չէ, — ծիծաղեց պիսերը, — չառման որ կա՛ խաղնի՞ն՞՞՞, ա, ձեզ նրանից մի կոպեկ էլա չի հասնի:

— Բաս մեր հիսուն մանեթը...

— Է՛ն էլ խաղնին կերթա... թե գնաց...

— Բա ըտենց բա՞ն եք տե՛հել, ա՛ խալխը... — ճչաց գանգատավորներից մեկը, — չե՛նք ուզում, էլ գանգատավոր չենք...

— Ոնց թե չեք ուզում, — գոռաց Տելոն, — տո գալունի՞ն ձե՛ռք եք առել. գալունի ձեռքը որ ընկաք, էլ ազատում ունեք. պիսերը որ գրեց՝ պրծա՛վ... էլ հմի ուզեք-չուզեք՝ դուք էլ եք գալունի ճանկն ընկել, նրանք էլ... փողը պիտի տաք... իմացա՞ք...

— Տո իմացա՞նք, իմացա՞նք... ամա դե չե՛նք ուզում էդ գալունը...

— Ձե՛նդ, հարամգա՛ղա, ո՞նց ես ջուռոտք անում... հանեք շուտ հիսուն մանեթն ու ու՛ղ ըլեք... հանաք-մասխարութեն ա... Պիսե՛ր...

Սոսկալի էր այդ միջոցին «օրենքի հսկողը». աչքերը ոլորում էր, քիթն ավելի շուտ-շուտ վեր քաշում, ձեռքի ճիպոտով ոտն ուժգնությամբ ծեծում:

— Հրամայի՛ր, ստարշինա՛...

— Պրեդպիսանի՛ գրի բյոխվին, որ առաջ է՛ս շան տղերանցիցը բռնի հարյուր մանեթ առնի, հետո էլ է՛ն հարբածներին բռնտի, ձեռքն ու ոտքը կապի ու մեր հրամանոց դիվանխանեն ղրկի...

Ամենքը լուռ էին. գանգատավորները կծկված՝ մի կողմ էին քաշ-

1 Կնիքի:

2 Վարչություն:

3 Պետական գանձարան:

4 Հրաման:

վել, իսկ Քանազն ուրախ ժպտը դեմքին՝ շարժվեց տեղիցն ու սրաներան նայեց: Հերթն իրեն էր գալիս այժմ: Տազին իսկ սուաջ եկավ. բեմ դուրս գալու ժամանակն էր:

Պետին իր փայտի ծայրով մի բանի բան խաղխղեց տերևի վրա ու տվավ Քանազին:

Սա դեմքը կնճռեց իսկույն, գլխարկը ետևից առաջ բերավ, ուշադրությամբ նայեց տերևին, մի «հը՛մ» արձակեց, ոտքի ելավ, շուխի ծախքը ժողովեց ու խիստ դեմքով կանչեց.

— Է՛յ, գզի՛ր...

— Հրամայի՛ր, բյոխվա:

Ճի՛շտ Գուզանի գզիբի նման՝ երկար փայտ ձեռքին, կծկված, ամենատխմար դեմք ընդունելով և ժպտուն՝ առաջ եկավ:

— Էս սհաթիս, — կանչեց նրա վրա Քանազը, — գեղամեջ կերթաս, մեկ-մեկ ձեն կտաս էդ հարբաններին, որ էս նմուտիս՝ մեր հրամանոց դեմը դուրս գան... Գանգատավորներ, աղա, հարյուր մանեթը մինչև էգուց կբերեք՝ կբերեք, չեք բերի՛ էլ տավար չեմ թողալ գոմերումդ... Գնա՛, գզի՛ր...

— Հինգ հոգուն էլ կանչե՛մ, բյոխվա՛:

— Հինգին էլ:

— Բա որ ինձ դնքսե՛ցին:

— Թող հլա մեկ դնքսե՛ն... ընե՛նց չառմա անեմ, որ սաղ տարին բաղցած զկուտան:

— Բա իմ ջի՛բը ինչ կմտնի:

— Գնա՛, շա՛ն տղա, կարաս, ջիբդ լցրու. Թե բոթակ էլ տան՝ գզի՛ր, ես, պիտի գալունի հրամանը կատարես:

— Բա որ չգա՞ն, բյոխվա...

— Տո ես էլ հենց էն եմ ուզում որ չգան է՛է՛...

Տազին ծոծրակը բորեց քիչ ու մտավ մանուկների մեջ: Իրարանջումն ընկավ: Խաղը կենդանանում էր:

Ասպարեզը դեռ գզիբինն էր: Նրա խղճից ու ճարպկությունից էր կախված գործունեության ձևը: Պիտի ասել, որ Տազին պատվակա՞ն, «ամենալավ տեսակի» գզիբ հանդիսացավ. ոչի՛նչ չխնայեց, ո՛չ ոքի չխնայեց:

1 Բույի:

Համարձակ գնաց ամենավերջին մանուկներին, կանգնեց նրանց առաջ ու գոչեց.

— Աղա՛, էյ, Աման-լպստողանց բոռ Արշակ, բոխվենք քեզ կանչում ա, վեր կաց... Դո՛ւ էլ, տրեխի կաշի Արամ. քեզ էլ ա ուզում, Արաղի-Բոչկենց Տեփան...

— Վա՛յ,— ձայն տվավ առաջինը,— հենց մե՛զ տեսար, ա՛ շան տղա...

— Ուշունց մի՛ տալ զակոնի հրամանը կատարողին,— ճշաց ներշնչաբար Տազին,— վե՛ր կաց գնանք:

— Զի՞ ըլի, Տազի,— ասաց երկրորդը,— շի՞ ըլի, որ գնաս ասես, թե գեղումը չեն, չգտար...

— Ո՞նց կըլի, աղա, բոխվեն կաշիս կպլոկի:

— Տո գնա ասա քաղաք են գնացել, է՛լի...

— Զի՛ ըլի, չէ՛, վեր կացեք... Դո՛ւ էլ, Շուն-ուտուղանց Սաբո... Դո՛ւ էլ, Գորտ-ծեծող Կարապետ:

Հինգ մանուկների մի առ մի մատնանիշ արավ, և նրանք, ըստ երևույթին, ընդունեցին խաղը: Ամենքը ծիծաղում էին:

— Ես չեմ ուզում, կո՛րի գնա,— ասաց մեկը:

— Յանի էդ խա՞ղ էլավ,— ասաց Տազին՝ դերից դուրս գալով:

— Տո ես չեմ Սաբոն, հրեն այ, նրա անունն ա Սաբո:

— Աղա՛, յանի ես քո՞ն եմ. հենց դո՛ւ ես, որ կաս Շունուտուղանց Սաբոն... վեր կացեք ասում եմ է՛է՛, թե չէ, էն աստվածը, կերթամ կասեմ, թե չեն գալիս...

— Փիե՛,— արեց մեկը,— գալիս ենք, գալիս, հը՛... ա՛յ ես բոքուրդ Տազի ասողին հա՛...

— Աղա՛, եկեք առաջ սրան մի լավ դնքսենք,— առաջարկեց մեկը:

— Ի՞նձ,— ետ քաշվեց գզիրը բավական վախեցած,— զակոնի հրամանը կատարողին:

— Տո զա՛կոնս որն ա, յանի չե՞նք իմանում, որ հոգիներս հանելու եք... ինչի՞ ա կանչում բոխվեն:

— Մեծել եք Սրապին, Մուկուչին, Գաբոյին...

— Սուտ են ասում, մենք սկի նրանց երեսը չենք տեսել:

— Էդ իմ բանը չի,— արեց Տազին,— ստարշինան թուղթ ա գրել որ բոխվեն ձեր ձեռքն ու ոտը կապի՛ ղրկի դիվանխանեն, Քարկոդ:

Իմ մինչ բացատրում էր, հանցավոր համարվողներից մեկը ոտի ելավ, մի կողմ քաշեց գզիրին ու ժպտալով ասաց.

— Զի՞ ըլի, Տազի, որ մի-մի բան տանք քեզ ու ռազ ըլես գլխներե՛ցըս... Ը՛հը, մի մանեթն ինձնից:

— Փիե՛, ո՞նց կըլի,— ասաց գզիրը խորամանկությամբ,— բա գնամ ի՞նչ ասեմ բոխվին... համ էլ, ա՛րժի մի մանեթի համար...

— Տո ը՛հը՛, երկուսը տամ:

— Զէ՛, Կարապետ, ինձ փորձանքի մեջ մի քցիլ:

— Տո ասա հիվա՛նդ ա, մեռնում ա, յա թե չէ Կարապետը հրեն չոլումը... մի բան գտի է՛լի... ե՛րեք մանեթ կտամ:

— Զէ՛, չէ՛,— արեց գզիրը քիչ կակղացած, սակայն գլուխն երերցնելով,— որ գեղումը չըլեիր, յա Սարչեն, Հասար գնայիք... երեք մանեթն ի՞նչ գատ ա, որ իզուր բոխվի ուշունցներն ուտեմ...

— Աղա՛, ի՞նչ գելն ես... բա ուզածդ ի՞նչ ա, որ պոկ գաս յախիցս:

— Դե ես ի՞նչ եմ ասում, Կարապետ, վեր կաց գնանք ու սկի՛ մի կոպեկ էլ մի տա... Հինգ մանեթն էլ հլա քիչ ա էն ուշունցների համար, որ պիտի լսեմ... Մեկ էլ տեսար զամշին հենց վրա բերեց ո՛ր...

— Փո՛ւ ես բու... տո բաս հինգ մա՛նեթ ա ուզածդ:

— Զէ՛, մեղա՛ աստժու, ես սկի կա՛պեկ չեմ ուզում, որ գաս գնանք հազըր հինգ մանեթը շիրուճ կմնա:

— Տո գի՛տում եմ, գիտում, բոլորդի լակոտ... Ը՛հը հինգ մանեթը, յախես՛ բաց թող...

Գզիրը երեսը շուռ տվավ ու ձեռքը պարզեց: Կարապետը նրա բռան մեջ իբր փող՝ մի տերեկ կոխեց: Տազին ծուռ հայացքով ստուգեց, որ ափի մեջ եղածը հինգանոց էր, գրպանը կոխեց, ծոծրակը քորեց ու ասաց.

— Յանի Կարապետ, գնամ բոխվին ի՞նչ ասեմ հմի:

— Տո ինչ կուզես՝ ասա... Ես գյուղում չեմ, գնացել եմ Հասար՝ բանելու, ամիսներով չեմ գալու... Գնացել եմ Լալի գեղը եղ ու պանրի...

— Լա՛վ ա, ըտհենց կասեմ: Ամա տես, իմ տրեխացուն դո՛ւ պիտի տաս հա՛... Հրեն ա՛յ, դռանդ առաջ մի ջուխտ կաշին իմն ա:

— Փո՛ւ ես բու... Ը՛հը, էն էլ քեզ առ...

— Այ սաղ ըլես... Գնամ, գնամ ասեմ գյուղումը չես:

Ասաց Տազին, երեսը շուռ տվավ գնալու, սակայն խսկույն դարձավ և ժպտը դեմքին՝ ավելացրեց.

— Բա Կարապետ, էն տարին դու խոստացար երկու կոտ ցորեն... էն էլ չե՞ս տա. կալը խո պրծել ես:

— Տո ե՛րբ էի խոստացել, ա՛յ բոլորդ... Թալանելո՛ւ ես ինձ:

— Ինչի՞, մագամ ես զա՛շաղ եմ... Կուզես մի՛ տա... ամա որ բոխվին ինձ զամշիեց ու էլ հետ ետ ղրկեց, էն վախտը ո՞նց անեմ...

— Վա՛յ ես քու... ադա բաս էլ ո՛ւր առար մանեթները, տրխացու կաշին:

— Կուզես ետ տամ, խապե՛ր... քեզ խո լավություն չի ըլում անելը, երկու կոտ ցորնի համար հորս էլ գյոռիցը կհանես:

— Ա՛ հարամզադա, ցորենը չոլի՞ցն եմ գտել. բա դու խի՞ղճ չունես, որ էլի բան ես ուզում...

— Ինչի՞ ուզեմ, շեմ ուզում: Քյոխվեն ինձ դրկել ա, որ քեզ կանչեմ՝ անում եմ. շես ուզում գալ՝ գնամ ասեմ թե չի գալիս, համ էլ ինձ ուշունց ա տալիս:

— Տո ա՛ն, արի, արի ցորենը տար, արի թալանի, պրծի՛ր, տունս սաղ դարդկի... ձեր քոքը կտրվի, քո՛նն էլ, քյոխվինն էլ, ստառչինինն էլ...

— Փի՛ե, փիե... էդ խո ընե՛նց ուշունցներ տվիր, որ թագա ծնած գառներից մեկն էլ որ տաս՝ էլի դո՛ւ պարտք կմնաս... Ամա՛, հանաքը գենը, Կարո՛, էն օրը գառներդ տեսա... լավն են հա... քե՛ֆս եկավ. ի՞նչ կըլի որ մեկը բախշես աղջկանս, հետը խաղա:

— Տո կորի է՛. կորի, բանի կողքերդ շեմ շարդոտել. քիչ ա մնում կնիկս էլ քաշ տաս, տանես:

— Կնիկ ի՞նչ եմ անում, մեկը շա՛տ եմ կարում պահի... Ուզածս մի գառ ա, ի՞նչ մաթահ գատ ա՛), որ ըտենց կատաղում ես... Հրես, ս. Գեորգի օրն ա գալիս, կտանենք մատաղ կանենք... Ես էլ քյոխվին կասեմ, ընենց կանեմ, որ աշքին էլ երևա՛ս՝ մոռացած ըլի... Դու էդ գառը տուր, մի քիչ էլ, շատ շեմ ուզում, երկու բլուլ՝ խոտ էլ հարոցիցը, որ ուտացնեմ գառան, շողանա ու լավ մատաղացու ըլի... Հը՞, սրան ի՞նչ կասես, Կա՛րապետ... աստված գիտի, ընե՛նց անեմ, որ քյոխվեն հետդ նստի-կանգնի ու մոռանա, թե քեզ սուղ են կանչել, յա թե դու հարբել ու մարդ ես ծեծել:

Հանկարծ Կարապետը խեղկատակ դեմքով դեմքը ծոմոկեց, գըլ-խարկը ուժգնությամբ գետին խփեց, ու վտանգի մեջ եղած մարդու նման՝ սկսեց գոռալ...

— Հասե՛ք, ա՛ խալխը, աստված սիրողը հասնի, գզիրն ինձ թալանե՛ց, տունս դարդկե՛ց...

— Հա՛, հա՛, հա՛... — քրքջաց Տազին, — ամա՛ հանաքչի ես ըլել հա՛, Կարո՛... Տո էլ ո՛ւր ես գողոտում, սաղ գեղը գլխիդ հավթում: Ցանի ի՞նչ ա ըլել, քեզ թալանեցի՞. տարածս մե՞ծ բան ա՛ հինգ մանեթ:

մի շուխտ տրխացու, երկու կոտ ցորեն, մի գառը, երկու բլուլ խոտ... հը՞... հլա ուզի՞ շես, որ սյունից կախած էն չուխեդ էլ շեմ ուզում... իմը քրքրվել ա... բա որ քյոխվից, ստառչինից, պիսեբից, պրխատավից ու նաչալնիկից աղատվելու՞ ես... էդ քի՞չ բան ա... ի՞նչ ա, յանի չուխիդ մի փափախ էլ շե՞ս տա, որ գլխիս ծածկեմ...

Ու այնքա՛ն բնական էր Տազին այդ միջոցին, այնպե՛ս լավ իրեն վիրավորված էր ձևացնում և դիմացինին հանդիմանական շեշտով ճընշում, որ ամենքն անխտիր երկար ծիծաղեցին:

— Ադա՛, — կանչեց մանուկներից մեկը, — ըսենց դորթ գզիր սկի՛ տեսել չէի, մեր Սահակին կծալի ու ջիբը կղնի:

— Կասես ըլի՛ս Քարկոդի գզիրն ըլի, տո՛, — նկատեց մի ուրիշը, — տեսել եմ. էդ նա՛ ա, որ ըտենց՝ համ եղ ա քսում գլխին, համ էլ մաւզերը մեկ-մեկ պոկոտում...

Պա՛հ մի խաղը դադարեց՝ տեղի տալով Տազինն ուղղված ընդհանուր հիացմունքին:

Սակայն, դեռ ամեն ինչ չէր վերջացել: Իրա՛վ է, Տազին մյուս հանցավոր համարվածներին թողեց առայժմ, բայց նա այդ բացատրեց, երբ հեռանում էր:

— Հլա կաց էս մեկի համար քյոխվին իմաց տամ, հետո կգամ մնացածներին:

Առաց ու քայլեց դեպի քյոխվեն: Ճանապարհին նա տրեխների կաշին (երևակայական՝ անշուշտ) պահեց խոտերի մեջ, ցորենի տուպակը տարավ իրենց տուն (այդ բոլորը ձևացրեց նա), փողը թաշկինակի ծայրին պինդ կապեց ու գլխարկի տակը դրեց, հետո մտտխո՛հ՝ մոտ գնաց քյոխվին ու լո՛ւտ կանգնեց նրա առաջ:

Քանազը պաշտոնական կերպարանք ստացավ անմիջապես և հարցրեց.

— Հը՞, գզի՛ր, բերի՞ր: Տազին նախ հիմարի պես ասամենբը ցույց տվավ քիչ, հետո դըժգո՛հ դեմք ստանալով՝ ասաց.

— Չբերի, քյո՛խվա... Առաջ Գորտ-ծեծողանց Կարապետի տունը գնացի... Շորագալից² տասը մեշոկ³ լավ ցորեն էր բերել՝ դարսում էք. կնիկն էլ ուշիարի պանիր էր աղում... Տան առաջը սաղ բռնել էին գառներով...

1 Ի՞նչ մի գանձ է:

2 Կազմված գուցե քրուրք բառից. նշանակում է դեզ:

1 Համաձայն:

2 Շիրակ գավառ:

3 Պարկ:

— Ադա, քեզ բան եմ հարցնում,— բարկացավ էջոխվեն,— ընչի՞ շեկավ:

— Բա ես ո՞նց անեմ, քոխվա՛ւ,— դեմքը երկարացրեց զո՛ւր...— ցորենը բուռս առի, ընենց լավ ցորեն ա ո՞ր... մարդը գործ ունի... հլա թազա չուխա էլ ա առել բաղաքիցը...

Քանազը մեկեն փոխեց պաշտոնական խիստ կերպարանքը, շո՛ւրը նայեց, ապա կոացավ դեպի Տազին ու ավելի ցած ձայնով հարցրեց.

— Ադա, ղո՞րթ ես ասում... յանի տե՛սար՝ Շորագյա՛լու ցորենն էր...

— Էն ասովածը... ընչի՞, քո՞ն եմ... համ էլ տա՛սը մեշոկ, լիթ տողա՛լեն...

— Փի՛հ... հլա գնանք տեսնանք մեկ...

— Վա՛յ, չէ, քոխվա, չգնաս. գազազած ա:

Եվ կոանալով դեպի նա, խորամանկ ժպիտով ավելացրեց.

— Ինձ երկու մանեթ տվավ... ուզում ա մի կերպ պրծնի, գործի տեր ա խեղճը, ի՞նչ անի:

— Ադա, էդ ի՞նչ ես ասում... էդ ո՞րդիան ա գտել էդքան փողը... բաս գնա, սարքի տեսնա՛նք: Այ, քսան մանեթից պակաս չլի հա՛... հինգ կոտ էլ ցորեն... որ մի կես փութ էլ պանիր առնես՝ մի-երկու կտորը քեզ:

— Էդ շա՛տ ա, քոխվա: Զի՛ տալ. մեկ էլ տեսար ասավ թե՛ «կերթամ դիվանխանա»... ու գնաց, հետո՞, ձե՛րք ինչ կընկնի... Հլա ստարչինան էլ ա պոկելու:

— Տո ի՞նձ ինչ. ես իմը կառնեմ, ստարչինան ուզում ա, թող կաշի ուղկի:

— Բա պրիստա՞վը, սուղե՞ք, պի՛սեր...

— Ադա, նրանց ցավը մե՞զ են տվել... ինչ ուզում են թող անեն. քանի հլա շեն սկսել, թող լավ պատահերը հազր մեզ հասնի՛... էդ ա, քսան մանեթ, հինգ կոտ ցորեն ու կես փութ պանիր. կաքաս՝ մի հատ էլ գառը պոկ տու՛ տանենք մեշեն, քեֆ անենք:

— Դժա՛ր թե ըլի, քոխվա,— ծոծրակը քորեց Տազին,— արի տաս մանեթի ու երկու կոտի կապենք... հլամ մեկալոնք էլ կան, նրանցից էլ մեկ էդքան կառնենք՝ ու մի լավ, եղալի գործ կդառնա:

Քոխվեն ժպտուն՝ քիչ մտածելուց հետո, ասաց.

— Ադա, քյուրդ Տազի, յանի դրո՛ւտ, հենց երկու մանե՞թ առիր...

— Ասովա՛ծ, երկինք...

— Յորե՛ն, պանի՛ր...

— Մեղա՛՛ աստծո... որ ուզեմ էլ՝ կտա՞:

Քանազը ոտքի ելավ:

— Հլա գնանք մեկ ինքս տեսնամ ի՞նչ կանեմ,— ասաց նա:

— Վա՛յ, չէ՛, քոխվա,— դեմք փակեց Տազին,— որ գնացել ես՝ կհատաղի. մեկ էլ էն տեսար՝ թարսվեց ու դուզ-դբա ստարչինան գնաց. էն վախտն էլ զադ շի ընկնի ձեռքդ. դիփ ստարչինան կուտի:

— Ադա, ղորթ ես ասում... Բաս դու գնա, տեսանք ո՞նց կսարքես... ինչքան կարաս՝ պոկի հա՛...

Եվ ո՞վ գիտե, հետո ի՞նչ պիտի լիներ, քոխվեն, ստարչինան և այդպես փոքրից մինչև մեծը ինչպե՛ս պիտի թալանխին, մերկացնեին գյուղացիներին, եթե մի միջադեպ վրա չգար և քարուքանդ աներ խազը, ոչնչացներ ամեն ինչ:

Հանկարծ լեռնալանջի մյուս մասից մի խոպոտ, մի այլանդակ աղաղակ ումբի նման եկավ ընկնելու մասնուկների մեջ:

— Ա՛ շան տղերք, ա բ՛նհայանե՛ր, ա՛յ ես ձեր...

Գարձանք սարսափահար: Մի ինչ-որ մարդ, ահագին փայտը ճոճելով, կարտուզը պինդ կոխած զլխին, շուփի ծայրերը գոտկի մեջ՝ կատաղարար վազում էր դեպի մեր կողմը և հայհոյո՛ւմ, հայհոյո՛ւմ...

Մասնուկներն ահաբեկ ոստնեցին, վայրկենապես ամենքը լեղապատո՛ն՝ նետվեցին ամեն ուղղութ՛յամբ, իսկ Տազին սոսկումով ճշաց.

— Ադա քոխվեն ա, տավարնին հարոցներն են մտել, վազե՛ք: Հիրավի, երբ վեր նայեցի, ի՞նչ տեսնեմ... Տավարները բլուրնե-րից, կարծես խոսք մեկ արած, խմբովին իջել-մտել էին գյուղացոց խոտանոցներն ու ախորժակով հնձում էին պարարտ խոտերը:

Քոխվան, որ երևի գյուղից անցնելիս տեսել էր այդ, կատաղած, փրփրած, ցուպը սպառնալից երեքցնելով՝ վազում էր ջարդելու փոքրիկ նախապաններին, որոնք գունդուզլոր՝ սլանում-փախչում էին ամեն ուղղութ՛յամբ:

Սրա-նրա ետևից ջանաց հասնել ահարկու իշխանը, փայտը գլխի վրա պտտեցնելով քանիցս նետեց այս ու այն փախչողի ետևից, հայհոյեց խոզային ճիչերով... սակայն ոչ որի հասնել չկարողացավ:

Քիչ հետո մնացինք ես ու աղջիկները:

Սրանք էլ ոտքի էին ելել: Նայեցին ինձ, ծիծաղեցին և ճիպտները վերցրած՝ գնացին դեպի սազերը:

Եվ երբ իջել խճուղու վրա՝ դեպի ետ էի նայում, տեսա գեռես խուսափող ոտներ, կատաղութունից փայտը այս-այն կողմ նետող քոխվեն, որ փորձում էր գոնե մեկին ծեծած լինել. բարձրանում էր բլուրների ի վեր, իջնում ծործորները... նրա առջևից, գնդակների նման արագ

զլորվում, անհետանում էին մանուկները, իսկ սագերը սարսափահար ճիչերով ու թևերի թափահարումներով՝ սահում էին դեպի վտակը:

Սարալանջերն ամայացան. բյուխվի շոր, այլանդակ ստվերն էր միայն, որ երբեմն երևում էր այս-այն կողմ՝ նման հոտի մեջ ավեր սփռող կատաղած գայլի...

1905

ԾՈՎԱՓԻՆ

1

Որոշեցի Գելենջիք գնալ այդ ամառ: Բժիշկները ծովային բաղնիք էին պատվիրել, այլև ծովային օդ և ափի ավազուտների վրա փոփելու անգործություն: Քայքայված ջրերս այդ կերպով միմիայն կարելի էր հանգստացնել:

Լավ էր, գոնե երեք ամիս կարող էի ազատ մնալ այն ճնշիչ մթնոլորտից, ուր ամեն ինչ գնալով՝ գարշելի կեղծություններից և նվաստացնող համակերպություններից էր հյուսվում. ուր չէի՝ն բավականանում միայն լուռ մնալովս, այլ պահանջում էին գործակցություն՝ նոր սերունդին մղելու համար դեպի գծուծ և ստրկամիտ բթություն, այլև ամեն լավ բանից, նույնիսկ գիտությունից խորշելու ապականությունը:

Ուսուցիչ էի.— ահա բացատրող բառը: Ուսուցիչ՝ 1905 թվից մի քանի տարի հետո, այն ետադարձ մտայլ ժամանակներում, երբ պայծառ ու ոգևորիչ օրերին հաջորդում էին թանձրացող խավարն ու լուծությունը՝ ընդունակ մեղկացնելու ամենքին, ջլատելու ամեն կյանք...

Երբ գնացք նստեցի, սկսեցի զգալի կերպով հանգստանալ: Զանացի մոռանալ դպրոցը, վատասերվող աշակերտությունը և մանավանդ՝ իմ ընկերներին—ուսուցիչներին, զգվելի այդ խմբին, որ, կ'արժես, ընտրած ու կազմած լինե՞ր հատկապես ետադարձ շարժման ասպետներից, մոալ օբերի գարշ որչերից ծնած մարդագայլերից:

Ու մի անգամ ևս սարսուռով մտաբերեցի ամեն ինչ: Հիշեցի բարձրաձայն, հանդուգն կերպով «կրթող» բթամտությունները, ընկերներիս քծնող դիրքը «իշխանության» առաջ, նրանց «ուղղիչ» ստրկական դասերը աշակերտներին...

Պատկերացավ ապա թշվառ, գալարվող, ապականիչ բուռնցքի տակ մանրացող նոր սերունդը, որ հետզհետե կորցնում էր ամե-

նայն անվեհերություն, ոտքերի տակի կայանն էր դուրս սահում և գնում էր նա զլորվելու դեպի աննպատակության անդունդը:

Վերանորոգվեցին մտքումս թե ի՞մ կրած տանջանքները այդ սուկումների մեջ և թե՛ այն մի քանի ընկերակիցներիս ու դեռ չփչացած աշակերտների դրությունը, որոնք ամեն ճիգ ի գործ էին դնում ազատ մնալու մշուշից, ազատ՝ սմբեցնող խավարից...

Բայց, այլևս բավական էր, չէի ուզում այդ ամենը. այժմ պետք էր մտովի՛ն ևս հեռանալ, գնալ այնտեղ՝ այն հեռավոր անծանոթ ափերը, մաքուր օդի մեջ ապրել փոքր-ինչ, պայծառ ալևի տակ շնչել և կյանք վարել առանց կեղծությունների, առանց սրտմաշուկ ձևականությունների:

Ա՛հ, այո՛, լավ էր, շա՛տ լավ: Սիրո՛ւմ էի ծովը: Վաղուց էր, որ չէի տեսել: Անտառից ու բաց դաշտերից ավելի՛ ծովն էի սիրում:

Հրճվանքով սկսեցի մտածել, որ պիտի ամբողջ ժամերով նստեի ջրի անհուն այն կապուտակ տարածության առաջ, ակնարկս հորիզոնին, ականջս մշտակա, օրորող շշուկին և հոգիս լի խաղաղ անէությունով, թեթևացնող զգացումներով:

Երրորդ օրն առավոտյան տեղ հասա: Սիրուն էր Գելենջիքի տեսքը: Սև ծովի խորշերից մեկի շուրթին էր պռակած՝ մացառուտ պուրակների և ցանցառ ծառատունկերի խառնուրդի մեջ:

Մոցը նման էր խոշոր ափսեի. ավելի ճիշտ՝ ասիական սափրիչների կոնքին: Գյուղը բռնել է նրա վերին մասը: Մի քանի երկար, կանոնավոր, բայց փոշոտ փողոցներ էին. ճերմակ ու պարտիզալից տները, ցանուցրիվ ամեն ուղղությամբ, տաքանում էին պայծառ, ջերմ արևի տակ:

Մի կողքը սահմանավորված էր թավոտ լեռների շղթայով, իսկ հյուսիսային մասը հրվանդանաձև պարզված դեպի ծովը, ետևի կողմից գահավանդներ էր կազմում նրա բաց տարածության վրա:

Հեռվում երևում էին խիտ անտառներ. մոտի եղածները մեծ մասամբ փոշոտ ու փլուտ պուրակներ էին՝ տոթագին և անսովեր խորքերով: Արևալից, ծիծաղախիտ այդ վայրը շատ դուր եկավ ինձ, մանավանդ, երբ շոգենավից նավամատույց իջա և պահ մի կանգ առա դիտելու հրվանդանի տարածուն եզերքները:

Խաղաղ էին ծոցի ջրերը՝ միապաղաղ հայելու հարթությունով. տեղտեղ միայն հազիվ նշմարելի կնճիռներ էին գոյանում, այլև արևի գգվող ճառագայթների տակ ուստոստում էին բյուրավոր սպիտակ կայծեր:

Ափերի մոտ ջրերի պարբերական շարժումը խլրտոցով լվանում էր

ավազը: Այդ իսկ շփումն էր, որ այնքան հանկուցիչ և ախորժալոր հնչեց ականջիս:

Քաշում էր ինձ այդ ամենը. քաշում էին մանավանդ այն հեռավոր անկյունները, ուր ժայռերի կույտերը հովանի էին սփռում ծովափին, և ուր կարելի էր պարզել ծովի առաջ, ջրի երթուղարձի ողողումները ոտքերիս մոտ ունենալ և շառաշումների ամանակի տակ հրազել անվերջ...

2

Սենյակ շո՛ւտ գտա: Ընդհանուր լողարաններից հնուու, անմիջապես ծովափին, կային լավ ամարաստաններ: Ծաղկավետ պարտեզներով շրջապատված մի տան մեջ տվին ինձ բնակարան և խոստացան ամեն հարմարություն: Թանկ չէր. վերնահարկ էր, ծովը դիմացս, անտառոտ լեռները դեպի աջ, լողարանի հատկացրած փայտյա խղի՛կ ծոցի մեջ և, որն առավելն էր, խաղաղ ու լուռ տեղ լինելով, կարելի էր անշուկ հանգստանալ, գիշերները անվրդով քնել:

Երբ տեղավորվել էի, հագուստս փոխել ու լվացվել, իջա ծովափ և գնացի դեպի հեռուները:

Բնակությունները վերջանում էին մի քանի հարյուր քայլ դեպի ձախ: Այնուհետև կանաչագեղ մարգերն էին և վերջապես փոքրիկ փարոսը, որի աշտարակն ու տնակը կառուցված էին հրվանդանի վերջին ծայրին:

Հասնելով դաշտը, գնացի ծովափին մոտ ու ժայռերի միջով իջա դեպի եզերքը: Միապաղաղ շերտավորումներով բնական քարաթմբեր էին այդտեղ: Ժամանակի ընթացքում կտորներ էին կորզվել նրանցից և գլորվելով դեպի ջուրը՝ խուժեր գոյացրել: Նման լերկ գանգերի, ժայռերից մի քանիսն ունեին իրենց շուրջը ծովային ճապաղ բույսեր, որոնք ծփում էին ջրերի հետ և անընդհատ հրերումներով՝ նուրբ փրփուր մղում դեպի ավազները:

Այդտեղ նստեցի ես մի խոշոր սալի վրա և մտադրեցի ոչի՛նչ չմտածել, ոչի՛նչ չհոգալ, ոչի՛նչ չզգալ ու, եթե ջրի պարբերական շառաշը նինջ ազդեր՝ քնել ծովի օդը թոքերիս մեջ լիաբերան, դեմքս պայծառ երկընթին և վերևում ճախրող թռչունների ճովողությունների տակ:

Ննչե՛լ... Ահ, այո՛, եթե կարողանա՛յի մի անգամ գոնե քնել կուշտ, անհագորեն. եթե մի միակ օր հաջողվեր ինձ լիովին անէանալ՝ քնի մեջ, չվրդովվել հրեշային անբջանքներով, մղձավանջների զոհ չդառնալ, քնել առանց որևէ երազի, առանց ջղային տքնումների...

Թիկն սրված մի ժայռի, խոհերս ցանուցրիվ և ոստոստուն, ակնարկա ծփացող ջրի զանգվածին, լիովին անշարժ, և անփութության նվիրած

մարմնով ամեն բոլակ պատրաստվում էի քնելու, երբ հանկարծ մի խշրրտոց լսեցի գլխիս վերևում, և մեղմությամբ վրաս իջնող թմրութունը անհետացավ վայրկենապես:

Սաստիկ զայրացած ու ջղայնացած շտկվեցի՝ տեսնելու համար, թե ի՛նչն էր այն գարշելի պատճառը, որ մի անգամ ևս վրդովում էր հանգիստս և, ինչպես միշտ, քնելու մոտ եղած ետին բոլակին գալիս էր տքնության մեջ նետելու ինձ:

Մի աղջիկ էր այն: Մոխրագույն պարզ շրջազգեստ և բաց վարգագույն բաճկոն հագած մի կին, որ ձեռքին հաստ գիրք ուներ, իսկ գլխի վրա ծածանում էր երկու ծայրերը բաց թողած մետաքսյա նուրբ շալը:

Իջնում էր արահետով: Արահետ, որ հեռվից էր պարզվում դեպի այդ կողմը:

Ուղղվելուն պես՝ երկուսիս ակնարկները հանդիպեցին միմյանց: Աղջիկը կանգ առավ վարանած: Չէր կարծում պատահել այդտեղ մեկին: Երևի կարդալու էր գալիս. իր մենավոր անկյունն էր, որ պատահամբ բռնել էի ես:

Սիրուն աղջիկ էր: Շեկ, կապուտաշյա և ոսկեգույն մազերի գողտրիկ սանրվածքով: Կամ ոուս պիտի լիներ և կամ ավելի շուտով՝ գերմանուհի: Չնայելով սիրունությանը, դեմքի վրա կար ինչ-որ տխուր, մոռյլ սովեր: Ժպիտի ո՛չ մի նշույլ, ոչ էլ ծիծաղկոտություն բնորոշ խորշումներ: Ընդհակառակն, ճակատի տակ, հոնքերի միջոցը ակոսված էր երկու ուղղահայաց խոր գծերով, որոնք դեմքին տալիս էին խորհողի և դեհողի կերպարանք:

Շատ մոտ չէր, և այդքանը հազիվ կարողացա տեսնել մի ակնարկով. մանավանդ որ աղջիկը երբ տեսավ ինձ, պահ մի վարանած կանգ առավ, հետո դարձավ և հանդարտ ու վես քայլերով, առանց ետ նայելու՝ գնաց:

Գնաց, հասավ վեր, քայլեց նույն ծանր շարժումներով ավելի հեռու, և քիչ հետո շրջազգեստի վերջին ծայրն էլ ջնջվեց բարձրության վրայից:

Քունս փախել էր այլևս: Ծշմարիտ է, բուռն զայրույթս և քնել չկարողանալու սովորական ջղայնությունս շա՛տ ավելի մեղմացել էին, որովհետև, որքան չիներ՝ պատճառը մի օրիորդ էր, մի սիրուն կին, սակայն այլևս չկարողացա վայելել dolce far niente¹, որին այնքան անձև: կությամբ ձգտել էի:

1 Կյանքի հոգսերից մեկուսանալու (բուռն) ուրիշ շանելու հանույթը (իտալ.):

Փորձեցի փոքր-ինչ էլ մնալ անշարժ, աչքերս փակել, նորից ծով շուկին ականջ դնել, նրանով օրորվել, մոռացութեան մեջ ընկղմվել... բայց անկարելի եղավ: Աչքերս ակամա բաց արի և դեպի վեր, տարօրինակ աղջկա անհետացած բարձրութեանը ուղղեցի: Միտքս էլ այն կողմն էր գնում: Ու պատկերացնում էի երևույթը:

Հիրավի, ի՞նչ էր այն, ո՞վ էր: Ինչո՞ւ արդյոք այնքան տարորեն թվաց ինձ նրա երևույթը. հանկարծականութիւնն էր պատճառը, թե՛ արդարև, աղջկա դեմքի ու շարժվածքների վրա կա՛ր նորանշան բան:

Վայելուչ ու շքեղ հասակով, վես քայլվածքով կին էր, ամեն ինչ համաշափ՝ դեմքի վրա, հագուստը անպաճույճ, բայց գրեթե օդային, թևերը բաց, ճերմակ ու գիրգ... Դե՛մքն էր, աչքերն ու ճակատն էին տպավորիչ. տմույն ճակատ՝ երկու խոր պիսուների վրա հենած կարծես, իսկ կապույտ աչքերը ծովի նման անծայրածիր և խո՛ր...

Արդյոք մոտակա ամառանոցի բնակի՞չ էր, թե՞ գուցե մի զլախտա՞վոր ինձ նման, որ մենութուն ու հանգստութուն էր որոնում ժայռերի խոռոչների տակ...

Չնայե՞լ արդյոք, թե որտեղ գնաց:

Իչա ժայռից ավազների վրա, մինչև իսկ մի քայլ արի վեր ելնելու համար: Բայց այդտեղ կանգ առա և ամոթ զգացի: Ուրեմն ահա, հետապնդելու էի գնում մի անծանոթ կնոջ. ճիշտ ինչպես սովորական կնախնդիր. նրանցից, որոնք ո՛չ մի շրջազգեստ բաց չեն թողնում առանց հետապնդման:

Ո՛չ, փոքր ի շատե լուրջ մարդը այդպես չէր անի: Պետք էր սպասել: Ամառանոցը մեծ չէր, հանդիպել միշտ կարելի էր նրան ծովափնյա զբոսավայրերում, լողարանների առաջ, փողոցների մեջ և կամ մանավանդ նավամատուցի վրա, ուր խոնվում են ամառանոց եկողները՝ ամեն շոգենավ գալու ժամանակ:

Չբարձրացա: Մինչև իսկ մտածեցի այնպես անել, որ չհանդիպի նրան գոնե մինչև մի քանի ժամ:

Այդ էր պատճառը, որ երբ կամեցա տեղս փոխել, ուղղակի վեր շրարձրացա այդ կողմից, այլ շանացի եզերքներով անցնել շատ հեռու:

Սեղմված ժայռերին, քսքրովելով կավոտ շերտերին, ուստնելով իութնիխութ, գնացի հեռու և առաջին դեմ ելած արահետից ելա՝ վեր հասնելու համար:

Հաշվովս՝ փարոսին մոտ պիտի լինեի: Պահապանի շավիղը կարծեցի. բավական դժվար, տեղ-տեղ մագլցելով ելնելու շավիղ, որ շորերս ազտոտեց, ճակատս քրտինքով ծածկեց:

վերջապես, հասա վերջին ապառաժին, պտույտ գործեցի նրա շուրջը և մի վայրկյան նստեցի հանգստանալու:

Բայց հազիվ ոտքս դրել տափարակի վրա, ուղղվում էի և շունչ առնում, որ դեմառդեմ եկա դարձյալ նույն աղջկան և շփոթված կանգ առա:

— Ա՛,— թեթև շարժում գործեց աղջիկը:

— Ներեցեք... — կմկմացի ես:

Երկուսս էլ նայեցինք միմյանց ու անցանք:

Ակնարկս խոնարհեցրել էի աղջկա հայացքի առաջ և զգացել, որ զայրույթից գունատվում էի:

Ձայրանում էի այդպիսի հիմար զուգադիպության վրա: Հիմա ի՞նչ պիտի մտածեր աղջիկը. չէ՞ որ կարող էր կարծել, թե հետապնդում են իրեն և այն էլ ոչ թե համարձակ, այլ գաղտագողի կերպով:

Վատ զգացմունքով լցված շտապեցի. հեռանալ այդտեղից և գնալ դեպի տուն: Ո՛չ, այլևս հրվանդանի այդ կողմերում շարժեր մենավոր անկյուն ունենալու մասին մտածել: Հարկավոր էր մյուս ափը անցնել, դեպի բաց ծովը: Գոնե չէի հանդիպի միառժամանակ այդ աղջկան: Փողոցում կամ մի տեղ էլ եթե հանդիպեի, վճռում էի խուսափել նրանից, վրան չնայել, ապացուցել, որ ամենևին էլ չէի հետապնդում, չէի հետաքրքրվում նրանով, և որ եղածը հիմար զուգադիպության խաղեր էին միայն...

Բայց ո՛ր աստիճան գունատ էր այդ աղջիկը մոտից: Գունատ: Ո՛չ, ավելի շուտ: Ղ դեղնագույն էր, ինչպես նորահաս ծիրան՝ կարմիր շերտերի ցայտումներով այտերի վրա: Աչքերը, ապա այն խոր, երազուն աչքե՞րը, որոնք կարծես անզրաշխարհային բաներ էին որոնում տաճութեան մեջ և որոնք այլանդակորեն հակասում էին իրենց շրջանակավորող տխուր, օ՛հ, խի՛ստ տխուր կնճիռներին...

Ո՛չ, այդպես չէր, լավ չէի տեսել դեռ. այն դեմքերից չէր, որ մի հայացքով կարելի լիներ ըմբռնել, բայց այն դեմքերից էր, որոնց կամենում ես դարձյալ հանդիպել, դարձյալ տեսնել, զննել, հասկանալ... և սակայն միշտ դեռ չե՛ս հասկանում, կատարելապես չես զննել...

Երբ տուն հասա, կեսօրվա մոտ էր: Տանտիկինը պարտեզում մի ծառի հովանու տակ թիկնաթոռի մեջ ընկղմված՝ կարդում էր: Սուրճի պատրաստութուն կար առչելի մեծ սեղանի վրա:

Տեսնելով ինձ, մոտ հրավիրեց, աթոռ հրամցրեց և սուրճ առաջարկեց:

— Ճաշը ուշ կլինի,— ասաց նա,— եթե անոթի եք, կերեք նաև կարագ և պանիր:

Կերա իհարկե՛ս: Խոսեցնել սկսեց: Հարցրեց ամեն ինչ: Շատ ցավեց՝ լսելով հիվանդութանս մասին: Խոստացավ ամեն հնարք գործ դնել, որ խաղաղ կյանք ունենալի և գիշերները անվրդով քնելու հարմարություն:

— Ձեզ վերևում դրացի չունեք,— ավելացրեց սուրճ լցնելով,— ներքևից միայն կարող եք աղմուկ ունենալ, այն էլ երբե՛ք գիշերները: Սենյակներից մեկը որդիս է զբաղեցրել, մյուսը իմն է ու աղչկանս, երրորդը տվել ենք երկու ուսանողներին: Դրանք ամենքն էլ, աղջիկս թեև ո՛չ այնքան, զվարթ երիտասարդներ են. սիրում են երգել, պարել, կանչել, շատ աղմկել և... անհամութան շափ էլ սիրաբանել զրացի աղջիկների հետ... չահելություն է. անխուսափելի պահանջներ են զրանք... Գուցե մի՞թե չեք սիրում այդ ամենը:

— Որո՞նք,— հարցրի ես ժպիտով...— սիրաբանե՞լն ու աղմկե՞լը:

— Երկուսն է՛լ. երգե՛լ էլ, պարել էլ:

— Ո՛չ մեկն էլ դժբախտաբար չգիտեմ: Կուզեի սովորել. գուցե հենց կազդուրվելու ամենալավ միջոցները լինեն դրանք:

— Շատ կարելի է. շղերը հանգստացնելու ամենալավ միջոցն է՛ լինել անհոգ, վարժվել անհոգության:

Սի՛վ այնուհետև ես սկսեցի հետաքրքրվել, թե ո՞վ էր այդ սոսկալի կերպով նիհար, կմախքի նմանվող տիկինը, որ կարծես էովկասցի լիներ և ո՛չ ուս:

Երևաց, որ նովոռուսիյակ բնակվող, իսկական մալոռուս էր, բավական մեծ կարողության տեր. ժառանգել էր ամուսնուց: Ամեն տարի այդ տեղ էին գալիս: Իրենցն էր տունը: Որդին շուտով պիտի իրավաբանական ուսումը ավարտեր, իսկ աղջիկը սեպտեմբերին մտնելու էր բժշկականության բարձրագույն դպրոցը՝ Պետերբուրգ: Ունեին կալվածներ, որոնց կառավարում էր ինքը՝ տիկինը:

Ուսանողները Մոսկվայից էին. մեկը իսկական ուս էր, մյուսը՝ էստոնացի: Մի՞թե էստոնացու երբեք չէի հանդիպել: Հետաքրքիր մարդիկ են. շատ հայրենասեր—նեղ հայրենասեր մինչև իսկ. բայց լուրջ և երազող մարդիկ: Լուրջ և երազող, այո՛: Դժվար է այդ երկու հատկությունները միացած տեսնել, բայց այդ էստոնացին այդպես էր:

Այդ բոլորը տանտիկինս պատմեց շնչաբեկ ընդմիջումներով. տկար էր խեղճը: Հետո, երբ վերջացրեց իր մասին, սկսեց ինձ հարցուփորձել:

— Իսկ դուք,— հարցրեց նա,— ինչպե՞ս եք գտնում Գելենշիբը, որք է գալիս ձեզ... Ասացիք, որ ուսուցիչ եք... Ներեցե՛ք, ինչպե՞ս է ձեր անունը... Երվա՞նդ... Հենց այդպե՞ս՝ պարոն Երվանդ. մի՞թե ձեզ նույն միայն անունն են տալիս... Այո, պարոն Երվանդ, հասկանալի է ինձ շատ լավ, թե ինչն է դուք ջղային հիվանդություն եք ստացել... Մ՛հ. ուսուցիչ լինել այսպես օրերով... մեկ օր չէի կամենա...

Ու դարձյալ ինքը սկսեց խոսել: Պատմեց, թե իր մի ծանոթը, վաղուցվա մի ծանոթ, որ ջահել ժամանակ նրա ձեռքն էր խնդրել, բայց ծնողներից մեծովել էր, այդ մարդը ուսուցիչ էր Թիֆլիսի մի գիմնազիայում: Սոսկալի բան էր լինել ուսուցիչ գիմնազիայում, այո, այն էլ տեղացի տղաներով լի գիմնազիա:

— Ուսուցիչ եմ հենց այդպիսի մի գիմնազիայում,— ասացի ես գեմքս կնճռելով,— ծանոթ եմ եղածների հետ:

Տանտիկինս ավելի ուրախացավ կարծես և սկսեց պատմել տեղացի աշակերտների մասին:— Հարբած գալ դասի, խորոված շինել դասարանում, օղի՛ խմել... Մ՛հ, ո՛չ դաս սովորել էր մնացել այլևս, ո՛չ պատկառանք, ո՛չ վախ և ո՛չ էլ իշխանության առաջ «գողալ»... Սրիկանե՛ր, ուղղակի սրիկաներ էին դարձել նրանք. մտրակել էր հարկավոր, բանտ նստեցնել... բայց ինչ արած, ժամանակները այդպես էին. ջղային տարիներ էին, տակնուվրայության, անիշխանության շրջան էր...

Ձգացի, որ արյունը գլխիս էր խփում, որ ջղային դրության մեջ էի ընկնում դարձյալ, որովհետև նորից հիշեցնում էին ինձ այն ամենը, ինչից ես փախել էի այնքան հրճվանքով և ինչի մասին այդտեղ լսելն անգամ չէի ցանկանա:

Բայց Աննա Վասիլենան—այդպես էր տանտիկնոջ անունը—մտադիր էր դեռ շատ բան ասել. ցաված տեղ ուներ, շատ բաներ էր տեսել աչքովը, շատ նեղություններ էր քաշել «անիշխանական» դրությունից, նյութական վնասներ էր կրել...

Բարեբախտություն էր ինձ համար, որ այդ միջոցին պարտեզի զրույցից ներս խուժող քրքիչն ու աղմուկը եկան վերջ դնելու տանտիկնոջ ողբերին:

— Ահա՛, ահա. ահա վերջապես մեր շարձձինները,— ընդհատեց իր գանգատները Աննա Վասիլենան և նայեց այն կողմը,— կծանոթացնեմ, և պիտի տեսնեք, որ ձեզ ևս պիտի վարակեն իրենց զվարթությունով:

Դո՛ւնից պարտեզ մտնողները երեք օրիորդներ էին և երկու պարոն: Պակասում էր մի պարոն, ավելացել էին երկու օրիորդներ:

Աղմկալից մուտքը շարունակություն չունեցավ սակայն:

— Իսկ դուք,— հարցրեց նա,— ինչպե՞ս եք գտնում Գելենշիբը, որք է գալիս ձեզ... Ասացիք, որ ուսուցիչ եք... Ներեցե՛ք, ինչպե՞ս է ձեր անունը... Երվա՞նդ... Հենց այդպե՞ս՝ պարոն Երվանդ. մի՞թե ձեզ նույն միայն անունն են տալիս... Այո, պարոն Երվանդ, հասկանալի է ինձ շատ լավ, թե ինչն է դուք ջղային հիվանդություն եք ստացել... Մ՛հ. ուսուցիչ լինել այսպես օրերով... մեկ օր չէի կամենա...

Ու դարձյալ ինքը սկսեց խոսել: Պատմեց, թե իր մի ծանոթը, վաղուցվա մի ծանոթ, որ ջահել ժամանակ նրա ձեռքն էր խնդրել, բայց ծնողներից մեծովել էր, այդ մարդը ուսուցիչ էր Թիֆլիսի մի գիմնազիայում: Սոսկալի բան էր լինել ուսուցիչ գիմնազիայում, այո, այն էլ տեղացի տղաներով լի գիմնազիա:

— Ուսուցիչ եմ հենց այդպիսի մի գիմնազիայում,— ասացի ես գեմքս կնճռելով,— ծանոթ եմ եղածների հետ:

Տանտիկինս ավելի ուրախացավ կարծես և սկսեց պատմել տեղացի աշակերտների մասին:— Հարբած գալ դասի, խորոված շինել դասարանում, օղի՛ խմել... Մ՛հ, ո՛չ դաս սովորել էր մնացել այլևս, ո՛չ պատկառանք, ո՛չ վախ և ո՛չ էլ իշխանության առաջ «գողալ»... Սրիկանե՛ր, ուղղակի սրիկաներ էին դարձել նրանք. մտրակել էր հարկավոր, բանտ նստեցնել... բայց ինչ արած, ժամանակները այդպես էին. ջղային տարիներ էին, տակնուվրայության, անիշխանության շրջան էր...

Ձգացի, որ արյունը գլխիս էր խփում, որ ջղային դրության մեջ էի ընկնում դարձյալ, որովհետև նորից հիշեցնում էին ինձ այն ամենը, ինչից ես փախել էի այնքան հրճվանքով և ինչի մասին այդտեղ լսելն անգամ չէի ցանկանա:

Բայց Աննա Վասիլենան—այդպես էր տանտիկնոջ անունը—մտադիր էր դեռ շատ բան ասել. ցաված տեղ ուներ, շատ բաներ էր տեսել աչքովը, շատ նեղություններ էր քաշել «անիշխանական» դրությունից, նյութական վնասներ էր կրել...

Բարեբախտություն էր ինձ համար, որ այդ միջոցին պարտեզի զրույցից ներս խուժող քրքիչն ու աղմուկը եկան վերջ դնելու տանտիկնոջ ողբերին:

— Ահա՛, ահա. ահա վերջապես մեր շարձձինները,— ընդհատեց իր գանգատները Աննա Վասիլենան և նայեց այն կողմը,— կծանոթացնեմ, և պիտի տեսնեք, որ ձեզ ևս պիտի վարակեն իրենց զվարթությունով:

Դո՛ւնից պարտեզ մտնողները երեք օրիորդներ էին և երկու պարոն: Պակասում էր մի պարոն, ավելացել էին երկու օրիորդներ:

Աղմկալից մուտքը շարունակություն չունեցավ սակայն:

—503—

Դեպի մեզ պարզվող ծառուղու սկզբում դադարեցին ծիծաղները՝ Օրիորդները, որ առջևից վազում էին, կանգ առան քրտինքները սրբելու. երկու պարոնները ծղոտե գլխարկները հանկեցին և ժպտուն նրանցով հովհարել սկսեցին թե՛ իրենց և թե՛ աղջիկների կարմրած դեմքերը:

Եվ այդպես լուռ՝ քիչ հետո գնացին դեպի սուրճի սեղանը: Ուսուցիչը ոտքի ելավ: Աննա Վասիլենան ծանոթացրեց ամենքիս: Օրիորդներից մեծը— սևահեր մի աղջիկ, տանտիկնոջն էր. մյուս երկուսը՝ մանկահասակ և թխլիկ շեկեր, դրացի ամառանոցից էին:

Պարոններն ուսանողներն էին: Հստոնացին և ռուսը: Տանտիկնոջ որդին չկար հետները:

— Իսկ ո՞ւր է Սերյոժան,— հարցրեց մայրը:

— Թողինք ծովափի վրա,— խոսեց շեկերից մեկը,— Ադելաիդա Իվանովնան տանը չէր. ասացին, որ գնացել է ծովափ. մենք Սերյոժային հրամայեցինք, որ մինչև Ադդային չգտնի, իրավունք չունենա մեր աչքին երևալ:

Ու ծիծաղեցին՝ աչքերը քթթելով:

— Օ՛խ իմ խելոք աղջիկներ,— զուլխն օրորեց տանտիկինը,— կարծել եք պատճել Սերյոժային, բայց հենց իր ուզած գործին եք դրել:

— Է՛հ, մայրիկ,— ասաց աղջիկը,— ո՞վ չգիտե այդ. Սերյոժան չի էլ ծածկում. մանավանդ այստեղ:

— Միա՞յն այստեղ,— խոսեց մայրը.— դուք՝ հիմիկվան ջահելներդ նույնն եք ամեն տեղ, ամեն ժամանակ. այլևս ոչ մի պատկառանք, ոչ մի շրջահայացություն...

Հետո, երբ օրիորդները ուսանողների՝ ներսից բերած աթոռների և իրենք՝ ուսանողներն էլ գետնի վրա տեղ էին բռնել, Աննա Վասիլենան զարձավ ինձ և ավելացրեց.

— Կնախնդրությունը այժմ ամենանորելուկ բանն է. եթե չգիտեք, դուք էլ իմացեք այդ, պարոն ուսուցիչ... ջահելների պլրանքն ու պարծանքն է այն. ամոթ է կնախնդիր լինել, ասպետություն չգիտենալ, չունենալ մի քանի հատ «համակրություն»-ներ, որոնց բարձրաձայն նվիրում են այնպիսի սիրալիր խոսքեր, որ եթե մենք լսեինք մեր ժամանակներում, ամոթից գետնին կմտնեինք, այո՞... Չէ, չափազանց ազատամիտ է մեր այժմյան ոսկի երիտասարդությունը...

Եվ ելավ մեկնելու: Երբ աթոռը հեռու էր դրել ու պատրաստվում էր գնալու, ցույց տալով ինձ, ասաց.

— Խնդրեմ պատվել ու սիրել մեր նոր հյուրին, պարոններ. կով-

կացի հայ է, ուսուցիչ... Ճաշը, տղայք, ժամը ճիշտ 2-ին. հետո ով յանկա՛ պտույտ դեպի Կանաչ հրվանդանը՝ Մարթայի կառքով:

— Այն տղեղ կին կառապանը,— ասաց ռուս ուսանողը:

— Որ անգլիացու է նման իր՝ տղամարդու հագուստով և ժոկեյի գլխարկով,— ավելացրեց էստոնացին:

— Այո՛,— ասաց տանտիկինը, հետո ողջունեց և հեռացավ:

Նրա գնալուց հետո պահ մի խոսակցությունը դարձավ կին-կառապանի վրա: Ապա տանտիկնոջ աղջիկը, որ ուշագրուծյամբ զննում էր ինձ, հարցրեց իմ որտեղացի լինելը, հիվանդությունս մասին տեղեկացավ և այլն:

Այնուհետև պահ մի ամենքն էլ հետաքրքրվեցին Կովկասի այն հեռավոր մասով: Հստոնացին ուզեց իմանալ հայերի մեջ տիրող ոգու մասին. թե արդյոք ետադարձ շարժումը զո՞րեղ հետևանքներ էր արտահայտում, իշխանությունները ավելի՞ խիստ էին, իսկ սպանություններ, թալաններ ու հալչուսակություններ... Ըշմարի՛տ էր, օրինակ, որ Քիֆլիսի մեջն անգամ օր չէր անցնի առանց մի քանի հափշտակությունների կամ սպանությունների:

— Ասում են, որ մարդ մորթելը կամ հավ մորթելը միևնույնն է Կովկասում,— ասաց շեկ օրիորդներից մեկը,— օ՛հ, ի՞նչ սոսկալի կյանք է ձեր կյանքը:

Ռուս ուսանողը ավելի խո՛րը մտավ և տեղեկություն ուզեց ունենալ ինտելիգենցիայի մասին: Արդյոք իմ հայրենիքում էլ մարդիկ, մանավանդ մտավորականները, հուսաբեկված ու հոգով տկարացած՝ կամ լնչիություններով բավականանալու չափ ընկել են և կամ ոտի տակի հողը կորցրած՝ իրենց քայլերը դեպի ճահիճներն են ուղղում և տիղմը իբր կայան ընդունելու վարժվում... Արդյոք այնտե՞ղ էլ, ինչպես երկրի ամեն կողմերը, դպրոցները, ապագա սերունդը կաղապարող այդ հիմնարկությունները, սկսում են խավարի և իմաստակության իշխանությունը վերականգնել. ուսուցիչներն էլ ժամանակի ետադիմությունը հյուս հպատակ, իսկույն հարմարվելով՝ որպես կամակատար դոնապանը իբր աղային, դարձել են զարհուրելի արարածներ, «ավելի թունդ կաթոլիկներ, քան նույն ինքը պապը»...

Օրիորդները թեև խմում էին այդ խոսակցության լնթացքում, բայց և երբեմն դեպի իրար ականջը կոացած՝ որևէ խոսք էին ասում և լուռ ծիծաղում: Տանտիրոջ աղջիկը, կանգնած սեղանի մոտ, լրջությամբ ականջ էր դնում՝ հեզնող ժպիտը դեմքին: Բայց երբ ուսանողը իր խոսքերով հիացած ու ինքն իրեն մտրակելով սկսեց ավելի հեռու արշա-

վել—դպրոցներից էլ հեռու, օրիորդը նայեց և ասաց նրան ձանձրացող շեշտով.

— Դադար առեք, Վալերիան Գրիգորեիչ, դադար առեք, ի սեր ասածո: Մի՛ մոռանաք, որ 1905 թվականը մնաց շորս տարով ետ, որ ձեզ լսողները, ավա՜ղ, այդ ամենը շատ լավ գիտեն արդեն և զղվել են, մեծապե՛ս զղվել ամեն հիշատակութունից՝ ախտի, գծուծութունների, խավարի և խուլիգանութունների մասին... Մեկ ձեր շուրջը նայե՛ք... ծագի՛կ, արև՛, ծո՛վ. արտույտները ահա վերևում ճախրում են և երգում, անտառում հանկուցիչ ստվերներն են մեզ կանչում, մեր շորս կողմը լի է դալայներով, ձեզ մոտ նստել է խաղ, ծիծաղ, երգ և միմիայն սեր, միմիայն սեր որոնող երիտասարդութուն, և դուք հնադարյան մղձավանդներ՝ եք պատկերացնում մեր առաջ... Թողե՛ք, թողե՛ք այդ ամենը. ետ մի՛ նայեք, այլ միշտ առաջ: Մի՛ տխրեք, այլ ծիծաղեք միայն. ապա թե ո՛չ՝ աշխարհը կծիծաղի ձեզ վրա: Ապրենք, մի՛ միայն ապրենք ու կյանքը վայելենք. ուրիշ ոչի՛նչ, ո՛չինչ...

Ու ջղայնորեն ծիծաղեց. ծիծաղ, որ ծաղրի էր նման, քան խնդրության և ուրախության:

Զգացի այդ, զգացի նաև աղջկա ձայնի դառն շեշտը և առանձնապես սկսեցի զննել նրան:

— Օ՛հ, այո՛, — հաստատեց իր ընկերուհու ասածը շեղ օրիորդներից մեկը, — կյանքը շատ կարճ է՝ տխրելու համար: Զարժե տխրել, հոգալ, մտածել... Ապրենք, խնդանք, երգենք ու վազվզենք. ա՛յդ է լավը...

Ուսուսանողը, որ իր ոգևորության ճեպընթացութունից ետ մղված՝ հանկարծակիի էր եկել, քիչ շվարած սրան-նրան նայեց խղճալի դեմքով, հետո ժպտաց, ձեռքը թափահարեց և գուցե.

— Եվ իսկապե՛ս... Գրողի՛ն թող երթա այդ ամենը. խաղանք, պարենք ու սիրենք... Կեցցե՛ կյանքը...

— Ահա այդպես, — քրքշայ տանտիկնոջ աղջիկը. — դա ավելի է սազում ձեզ ամենքիդ, այժմյան երիտասարդության... Թողե՛ք ռսակութունը. այժմյան վարդերը (և նա ցույց տվավ երկու օրիորդների) նոր ձևի դալայներ ու երգեր են ուզում... ուրախ, կենսաբո՛ւյր մտովներ և ո՛չ թե ողբեր ու վայնասուններ...

— Ա՛յ թե սոխակ... նման է, ինչպե՛ս չէ, — ծիծաղեց օրիորդներից մեկը, — ավելի հնդկահավի էր նման Վալերիան Գրիգորեիչը, երբ խոսում էր... Գրողի՛ն թող երթան ճառախոս հնդկահավերը...

Եվ սկսեցին կատակներ. տափակ, երբեմն էլ համով սրախոսութունները ծայր առան. քրքիչ, կանչ, ուրախ աղաղակ՝ գնալով անցիկ հետո, երբ նախաճաշը վերջացրել էին, օրիորդներից մեկը վազեց դե-

պի պարտեզի խորքը, ուսուսանողը հետապնդեց նրան. էստոնացին էլ երկրորդի հետ իջան դեպի հափրուկների ածուկ, և էս ու տանտիկնոջ աղջիկը դիպվածաբար այդպես մնացինք մենակ, նստած սեղանի մոտ:

Լիզա էին կոչել աղջկան. չէի մոռացել այդ: Բայց միայն «օրիորդ Լիզա» ասելը քաղաքավարի չէր լինի ուսանողի տեսակետով. հոր անուկը պետք էր իմանալ:

Ահա ա՛յդ միտքս եկավ առաջին ըրպեին, երբ մենակ մնացինք: Հետո շփոթութուն եկավ վրաս. սովոր չէի՝ այդպիսի դիպվածական ու հանկարծական միայնություն՝ սիրուն օրիորդների հետ. մանավանդ որ Լիզան չէր խոսում, ի՛մ էլ խոսելիքս չէր գալիս. ուղղակի՛ բերանս չէր բացվում, թեև դարձյալ մտածեցի հարցնել նրա հոր անունը: Հարցնե՛լ արդյոք. այդպե՛ս սկսել խոսակցութունը: Գոհճի՛կ բան. ո՛չ միայն գոհճիկ, այլև տափակ, անհամ: Նստել էի այդքան ժամանակ և շնորհք էլ չունեի մի բան խոսելու...

Զարմանալի՛ գրավիչ աղջիկ էր, այո՛. նոր էի միայն նկատում և ետ, ավելի մանրամասնորեն զննում: Գրավիչ և հմայող նույնիսկ թեև մարմնով նիհար էր երևում, դեմքն ու ձեռքերը գիրգ էին, ճերմակ. խնամքով սանրվածք մազերի, ճոխ մազերի. սևահեր էր, խոշոր, տըրփալից և քաշող աչքերով: Հոնքերը խիտ. գրեթե արմատներով միմյանց էին կաշում: Մրահոն էր. մի գեղեցկուհի, որ ավելի կնո՛ջ էր նման, քան օրիորդի. թե՛ մարմինն էր զարգացած և թե՛ կուրծքը. ապա շրթունքները. — ուղղակի զարմանալի էին այդ ըրպեին. բու՛ր, որպես նո՛ջ բացվող վարդ, այլև լիքը, դողողուն՝ կարծես համբույրներ էին պահանջում...

Այլևս մոռացած, որ պետք էր խոսել, որ անհամ բան էր լուս մնալը — ամբողջովին կլանված մնացի իմ զննողութունով. կլանված ու այնքան հմայված, որ հուզմունքից ու ցանկությունից սկսեցի դողալ:

Բայց այդ բոլորը մի ըրպե տեսցուց: Ուսուսուկի ինձ, ամփոփեցի ինքզինքս, վայրկենական ինքնամոռացութունից հաջողվեց ազատվել և շտապեցի խզել լուսությունը:

— Ներեցեք, օրիորդ, — խոսեցի քիչ դողողոջ ձայնով, — կարելի՞ է իմանալ ձեր հոր անունը:

Լիզան ցնցվեց և ինձ նայեց հարցական զարմանքով: Զրմբունեց հարցմունքիս պատճառը:

— Հարցնում եմ, — շարունակեցի ես՝ արդեն ինքս ինձ գտած և ավելի հանդարտ ձայնով, — որովհետև չգիտեմ ինչպես կոչել ձեզ. մեզ մտա անունն են տալիս:

Լիզան վերստացավ իր հայացքը և գրավիչ մի ժպիտ դեմքին ասաց.

— Միևնույնն է. կոշեք այնպես, ինչպես ձեզ մոտ ընդունված է: Սակայն հորս անունը նիկոլայ է:

— Այդպես ավելի լավ է: Ներեցեք, Ելիզավետա Նիկոլաննա, բայց ինձ թվում է, որ դո՛ւք էլ պիտի վազեիք այդ մյուս օրիորդի նման և կամ էադիկներին մոտ իջնեիք՝ այս երկրորդի պես:

— Այդպե՞ս... ինչո՞ւ անպատճառ:

— Որովհետև ինքներդ խրատում եք ուրիշի, ուրեմն և ամենից առաջ դո՛ւք պիտի գործադրեք. մինչ դուք, ահա, մնացել եք մենակ և նստած այստեղ:

— Է՛հ, ի՞նչ արած,— շարաճճի ժպիտով ինձ նայեց Լիզան,— միշտ լի՛ հաշոդվում զույգ կազմելը. ես «կենտ» եմ այստեղ: Բայց եթե ախորժակ ունեք վազելու համար իմ զույգը դառնալու...

— Օ՛հ, ո՛չ վազելու համար առայժմ... բայց ուրախությամբ ձեզ ասպետություն կանեմ, եթե արդեն շունեք ուրիշը:

— Երևում է, որ Կովկասից եք գալիս,— ծիծաղեց աղջիկը,— մեզ մոտ բազմասպետությունը պարծենալու նորություն է. որքան շատ ասպետ, այնքան մեծ պարծանք:

Ու դարձյա՛լ քրքջաց իր այն ծիծաղով, որ ծաղրի էր նման, և դառնություն շեշտ էլ կար մեջը:

— Բայց,— ավելացրեց նա,— նորությունների սիրահար չե՛մ ես. չե՛մ էլ սիրում, որ իմ ասպետը շատ տիրուհի ունենա... գոնե ինձ հայտնի:

— Խանդոտ եք:

— Այո՛, խանդոտ: Չե՞ք տեսնում հոնքերի: Այո,— ծիծաղեց Լիզան.— ինձ ասել են, որ խանդոտները ա՛յդպես հոնքեր են ունենում:

— Եվ որովհետև ձեր հոնքերը այդպես է,— կատակեցի ես,— ուրեմն և դուք պարտք եք համարում խանդոտ լինել:

Ծիծաղեց՝ գզվող ակնարկը վրաս, ոտքի ելավ և ասաց.

— Կատակում եք. այդ լավ է. կարծեցի թե մտալլ ու տխուր մարդ եք. ճի՛շտ ուսուցիչ՝ անշնորհք և անճաշակ... բայց ո՛չ... երբ ասպետի պետք ունենամ...

— Ամե՛ն րոպե,— ասացի ես:

— Ո՛չ այժմ,— ժպտաց նա: Հետո հավաքեց բաժակները, գլխով նշան արավ, որ պիտի տուն տանի ու վերադառնա և հեռացավ վաճառքի թաղի քայլվածքով:

Բայց զարմանալի բան. հենց որ մի բանի քայլ գնացել էր, չգի՛

տեմ ինչո՞ւ, մտապատկերների որպիսի՛ անըմբռնելի հաշորդումների շնորհիվ, թվաց, թե նա տանտիրուհուս աղջիկը չէր, այլ առավոտվան, ծովափում տեսած օրիորդը:

Զգայախաբության ենթակա չե՛մ եղել ես, բայց այդ րոպեին, երբ նայում էի հեռացող Լիզայի ետևից, մի ամբողջ վայրկյան կատարելապես այն աղջիկը երևաց ինձ. նույն գորշ շրջագգեստ՝ ու բաց վարդագույն բաճկոնը: Նույն վես քայլվածքը և ուղղաձիգ բռնվածքը:

Համոզվածի պես էի նույնիսկ, որ եթե դառնար դեպի իմ կողմը, անշուշտ պիտի վրաս հառեր իր խորունկ, կապույտ աչքերը, սառեցնող, ակնարկ խոնարհեցնող հայացքը:

Ու անախորժ զգացմունքով համակված, զգայախաբության պատրանքից ազատվելու դիտումով ուժ տվի ինձ և ակնարկս դարձրի դեպի հափրուկի ածուն: Էստոնացին և շեկ աղջիկը այժմ ավելի կոացած դեպի միմյանց, նստել էին թումբի վրա և քփշում: Ռուս ուսանողն էլ երկրորդ օրիորդի հետ հասել էին պարտեզի հեռավոր կողմերը, ուր թփուտներն էին և ունեին անցողակի համբույրներ քաղելու հարմար խորշեր:

Գիտեի՛ն այդ երիտասարդները վայելել կյանքը լիաբուռն, ամեն քայլում: Գիտեի՛ն առնել բնությունից՝ ինչ կարելի էր՝ ծաղկի բուրմունքը, օդի անուշությունը, արևի ժպիտը, այլև ապրելու այն մե՛ծ, վսե՛մ հրճվանքը, որ սիրո համբույրների տակ է փթթում, բացվում և գիտե արհամարհոտ վեսությամբ քայլել փշերի վրայով, եթե նո՛ւյնիսկ արյունոտվի...

Օգտվում էին վայրկյանով: Հիրավի՛ զվարճանում էին ու ծիծաղում աշխարհի վրա, ապա թե ոչ՝ աշխարհը կծիծաղեր նրանց վրա...

Ելա նստածս տեղից, շուրջս նայեցի և ափսոսացի, որ չէի կարողացել գրավել Լիզային ու մոտս պահել, մի երրորդ զույգ էլ ե՛ս կազմել առանց ժամանակ-րոպեն կորցնելու, քնա՛լ դեպի ծովախորշերի ափերին գտնվող ժայռերի հովանիները, պարտեզների խորքերում կոացած խնձորենիների մթության մեջ և կամ թփուտների թաքստոցների ետևում՝ քաղե՛լ կյանքից հնար եղածին շափ շատ և շուտ ամե՛ն հաճույք, ունենալ կարելի եղածին շափ ավելի՛ քաղցր րոպեներ և կենսապարար մոռացումներ...

Այդ իսկ միջոցին էր—զույգերին աչքիս առջև տեսնելու նախանձի և նրանց նման անելու տենչանքի աճման րոպեին, որ պարտեզի դռան կողմից լվացե տղամարդու մի հնչել ձայն, ծառուղու ծայրին նախ երևան եկավ մի ուսանող և նրա կողքին հայտնվեց վարդագույն բաճկոնով մի աղջիկ...

Նա՛ էր: Երրորդ անգամը լինելով՝ նա՛ էր, ծովափում տեսած աղջիկն

իսկ, որ դարձյալ դիպվածով դեպի ինձ էր գալիս, իր վեա քայլերով, ծովանման ակնարկը կարծես անհունության մեջ մոլորուն:

Աղդան էր:

4.

Բնազգաբար ոտքի ելա և մնացի կարկամած: Ակնթարթորեն սթափված, մոռացա զույգերն ու իմ խանդը, մոռացա նույնիսկ տենչանքովայնելու կյանքը, զույգերի նման օգտվելու երիտասարդությունից և ծիծաղելու աշխարհի վրա...

Այս ամենը ցրվեցին այնպե՛ս, ինչպես առաջին անգամ Աղդայի երևույթը ցրել էր ծովափում վրաս իջնող հրջանիկ թմրությունն ու անէությունը ունենալու հաճույքը:

Մոտենում էին: Ինձ դեռ չէին տեսել: Ուսանողը բարձրաձայն պատմում էր ինչ-որ մարդու մասին. լսում էի, բայց ոչինչ չէի հասկանում: Աղդան, գիրքը միշտ թևի տակ՝ քայլում էր ուղղաձիգ շարժումով. դեմքի վրա գոյացել էր անորոշ մի ժպիտ: Երբեմն էլ ինձ անլսելի ձայնով մի-մի բառ էր արտասանում. շրթունքներն էին շարժվում մի վայրկյան:

Քանի մոտ էին գալիս, այնքան ավելի լավ էր հաշողվում վերջապես զննել այդ տարօրինակ աղջկան: Առաջին շփոթությունս ու կարկամությունս անցած՝ նստեցի և սկսեցի նայել:

Այնքան մոմեղեն ու անշարժ չէր երևում այլևս նրա կերպարանքն այժմ, ոչ էլ մեռելատիպ: Խոշոր, կապույտ աչքերին հովանավորում էին բավական թավ հոնքեր, հետո մի սովորական ճակատ էր, որը երկու կողմից հավաքված վարագույրների էր նման, սանրվածքը իջել գնում ծածկում էր գրեթե ամբողջ ակնաչնները:

Սակայն այդքան գողտրիկ, այդքան դրավիչ դեմքը և ուշադրության արժանի վայելուչ շարժվածքների վրա, նույնիսկ սիրուն ժպիտի մեջ՝ սավառնում էր ինչ-որ տխուր, հոսաբե՛կ ու սրտմաշուկ սավեր, ոչ անպայման կերպով գերակշռում էր բոլոր մյուս տպավորություններին: Մարդ չէր կարող չհամակվել այդ թախիծով, այդ գրեթե անհույս արտահայտությունով, որ ընդունակ էր ամեն ծիծաղ սառեցնել շրթունքների վրա:

Բայց կողքից գնացող երիտասարդը կամ այդ չէր նկատում և կամ, սովոր նրան, մինչև իսկ մի տեսակ նորօրինակ հրապույթ էր համարում սիրուն կնոջ վրա. այնպե՛ս, ինչպես սուգի հագուստը՝ գեղեցիկ ու վայելչակազմ այբիի համար:

Եվ ուսանողը լիաբերան քրքիչների հետ կատակներ էր ցրում ամեն ուղղությամբ, պատմում էր, կոտորվում, սիրալիրություններ շուսյում...

Նրա ձայնն ու խնդումը իրենց հեշտօրոր երազանքներից դուրս կորզեցին պարտեզի մեջ ցրված խմբերին: Թփուտներից դուրս եկավ առաջին զույգը և երկրորդն էլ հափրուկի ածուից ելնելով՝ տնկվեցին եկողների առաջ:

— Ահա և Աղդան, — ձայնից հետվից օրիորդներից մեկը և սկսեց վազել: Ռուս ուսանողն էլ ետևից:

— Այդ ո՞րտեղից գտաք նրան, — ձայնից մյուս շեկը:

Եվ ամենքն էլ հավաքվեցին ածուների կողքին: Ես մնացի բավական հեռու, սուրճի սեղանի մոտ:

Ըստ երևույթին Աղդան նկատել էր ինձ, որովհետև իմ կո՛ղմը նախից կարճատեսի շոշափող հայացքով և մի բան հարցրեց աղջիկներից մեկին:

Այն ժամանակ էստոնացին եկավ դեպի ինձ և ասաց.

— Գնանք մեզ հետ, պարո՛ն. ծանոթացնեմ ձեզ մի ուսանողուհու, որ շատ ինքնուրույն տիպ է:

Ու երբ գնում էինք դեպի խումբը, ավելացրեց.

— Բժշկականության ուսանողուհի է: Շատ լավ աղջիկ է, բայց օ՛հ, շատ հոռատես և հիասթափված. ամեն բանի մեջ միայն վատն է տեսնում... արևի վրա անգամ սև բծեր է որոնում, այո՛...

Մոտեցել էինք: Ինձ ներկայացրին: Մեր ակնարկները հանդիպեցին, և Աղդան նոր նկատեց (կամ նկատել ձևացրեց), որ իր տեսած մարդն էի ես:

Հոնքերը թեթևակի պոստեց, բայց իսկույն հետո վերստացավ իր ժպտուն ակնարկը և ասաց.

— Երրորդ անգամն է, որ հանդիպում եմք այսօր, պարո՛ն:

— Ահա՛ թե ինչ, — ձայնից օրիորդներից մեկը, — այդ որտե՞ղ:

— Մովափին:

— Փոքրիկ տեղ է, — միջամտեց էստոնացին, չե՛մ զարմանա, եթե մի ամսից հետո ամենքն այստեղ իրար այնքան հանդիպեն, որ առել սկսեն միմյանց:

— Երևի երկրորդ հանդիպումին ենթադրեցիք, որ հետապնդում էի ձեզ, — ասացի ես Աղդային:

— Մի բույն՝ այո՛, — ասաց նա, — բայց հետո դու, թե գուցե ընդհակառակն ինձնից խուսափելու համար էր, որ նորից դեմառդեմ եկանք... փարոսի մոտ եղած ժայռի վրա կանգ առա և նայում էի ձեռնակից. մի անգամ իսկ ետ չնայեցիք:

Խոսում էր թեև դուրեկան ձայնով, բայց միապաղաղ, առանց այն աշխույժ ելևէջների, որ կյանք է ներշնչում ամեն խուսակցության: Ժպիտը պաշտոնական էր, քաղաքավարական, իսկ խոսելու ձևը՝ սառը, լոբ:

Բայց Սերյոժան նորից սկսեց և զվարթությամբ ասաց՝ դառնալով օրիորդներին.

— Ահա հենց այդ ժայռի վրա էր, որ տեսա ես Աղելաիդա Իվանովնային... Ասենք դժվար էլ չէր իմանալ, թե որտեղ է նա. առաջին, ու օրիորդը սիրում է միշտ ջրի եզերքներին նստել ու երազել, երկրորդ, որ ձկնորսը անգամ գիտե օրիորդին, երրորդ՝ ասպետական իմ բնագրը...

— Լավ, այլևս հերիք է,— ընդհատեց նրան քույրը, որ այդ միջոցին վրա էր հասնում:

Երբ Լիզային տեսավ Աղդան, էտ քաշվեց, ավելի՛ սառը կերպարանք ստացավ և թեթև, գլխով բարևեց: Նույնը՝ Լիզան: Ձեռք շափին իրար, ոչ էլ ժպտացին:

Իսկույն նկատեցի, որ առհասարակ այդ երկու աղջիկները բարեկամ չէին միմյանց. ինչ-որ խուլ ատելություն էր տածում յուրաքանչյուրը դեպի մյուսը, բայց երկուսն էլ ճգնում էին ծածկել օտարներից: Ասենք, նրանք բնավորությունով էլ միմյանց հակառակ էին: Որքան Լիզան քաշող, հմայող ու գրեթե խելքից հանող ժպիտ, քաղցրախոսություն և բավական վայելուչ ձևեր ունեւր աչքերի անդիմադրելի հրապույրի հետ, նույնքան, ընդհակառակն, Աղդան վանող, սառը շարժումներ ունեւր և սարսուցնող հայացք:

Տանտիկնոջս որդին սակայն, ըստ երևույթին, շատ էր պտույտ գալիս Աղդայի շուրջը: Կամ, հիրավի, գրավված էր նրա խորհրդավոր գեղեցկությունով և կամ գոնե ժամանցի համար այդ ամառանոցում, իրեն աիրուհի էր ընտրել ինքնատիպ աղջկան ու նրանով շքամուրթյուն էր անում, պարծենում էր:

— Ո՛չ, ո՛չ,— բողոքեց Սերյոժան, երբ քույրը դադարեցրեց նրան,— ո՛չ, ես դեռ չորրորդն էլ ունեմ ասելու... պնդո՞ւմ եմ, որ լսեք ինձ, բողոքում եմ...

— Դե՛ լավ, գրողը քեզ հետ, բարբառի՛ր ուրեմն,— ասաց ռուսանոցը,— ով գիտե ի՞նչ խոզություն պիտի ասես:

— Եվ կամ նոր տեսակի մի շողմարարություն,— ավելացրեց էստոնացին:

— Բայց, պարոններ, օրիորդներ,— ձեռքերը բարձրացրեց Աերյոժան, իբր թե պաշտպանվելով հարվածներից,— ի՞նչ արի ես ձեզ, որ

արկոծում եք ինձ... Միթե ես հայտարարեցի՞, օրինակ, հենց ձեր մասին, էդվարդ Գուստավովիչ և օրիորդ Սուսաննա Պավլովնա, որ մեր ինդճ ածուի թումբերն եք տրորել և ծաղիկները շարդելով սիրաբանել, լմտածելով, թե մայրիկը ինչպե՛ս պիտի բարկանա...

— Ա՛յ դու խո՛ղ... — կանչեց էստոնացին:

— Շնորհակալություն... Իսկ ձեր մասին մի՞թե աֆիշաներ կպցրի, վասիլի՛ և օրիորդ Զինաիդա Պավլովնա, թե թփուտների տակ մորթ որնելու էիք գնացել, և թե այնտեղից շփոթոցների ձայներ էին լսվում...

— Անպիտան, անպիտան,— վազեց դեպի նա Զինաիդան կարմրելով,— ստո՛ւմ եք, ո՛չ մի շփոթոցի ձայն չեք լսել դուրբ...

— Դե՛հ, այլևս հերիք է, պարոններ,— նորից միջամտեց Լիզան և կանգնեց եղբոր ու Զինաիդայի միջև,— բավական է այս ամենը. դոնե՛ք զբաղման, ժամանցի ուրիշ նյութ...

Ապա դարձավ դեպի Աղդան և պաշտոնական դեմք ստացած, ավելացրեց.

— Եղբայրս և այս պարոնները խնդրեցին ձեզ, Աղելաիդա Իվանովնա, որ մեզ հետ ճաշեք այսօր և պտույտի գնանք Կանաչ հրվանդանի վրա:

— Քանի որ եկել եմ,— ժպտաց Աղդան ավելի զգալի կերպով,— ուրեմն համաձայն եմ. Սերյոժան հայտնեց ինձ այդ:

Նկատելի կերպով Լիզան հոնքերը կիտեց և եղբորը նայեց: Ինձ թվում էր, թե նա նեղացավ, որ Աղդան պարզապես «Սերյոժա» մտերմական ձևով էր կոչել երիտասարդին:

— Կուզե՞ք, պարոններ,— առաջարկեց Լիզան իսկույն ինքն իրեն զսպելով,— կուզե՞ք գնանք իմ լուսամուտի առաջ, այն մեծ վարդենու մոտ: Այժմ հովն ընկել է այնտեղ. ձեզ աթոռներ կտամ դուրսը նստելու. իսկ ես ներսում կնվագեմ:

— Գնանք,— ասաց ռուս ուսանողը, — ես միշտ ախորժով է որ լսում եմ ձեզ, կարող եք հավատացած լինել:

— Իսկ ես,— խոսեց էստոնացին,— ուղղակի սիրահարվում եմ ձեզ վրա, երբ նվագում եք:

— Իսկ դո՛ւրբ, օրիորդներ,— ասաց հմայիչ ծիծաղով Լիզան՝ դարձած դեպի օրիորդները,— դուրբ էլ երևի սիրահարվում եք ինձ վրա, երբ այս պարոնները հմայվում են...

Ապա քրքրաց և առաջ ընկավ: Կատակներն ու ծաղրաբանությունները նորից սկսեցին. հետո, որովհետև ծառուղին շատ լայն չէր, կազմովեցին ինքնըստինքյան զույգեր, և ես գտնվեցի ամենից վերջը, Աղդայի հետ:

Ո՛չ ես խոսեցի և ո՛չ նա: Իրար կողքի ընթացանք, առանց միմյանց նայելու: Սերտո՞ւմ էր երբեմն, որ իր կողքի ընկերուհուն թողած, գառնում էր դեպի Ազգան և սրախսուսթյուններ անում:

Աղդան լուռ էր՝ մշտական ժպիտը դեմքին. աչքերը այլևս չէին նայում ոչ ոքի. ուղղված հեռուները, թվում էր, թե ինչ-որ ստովերներ էին որոնում տարածություն մեջ:

5

Ծրվար շտեկեց Գելենջիքի հետ ծանոթանալու: Տալը օր բավական եղավ տեսնելու ամեն բան: Հարավային ափը ինձ ավելի դուր եկավ: Ուներ սիրուն պարտեզներ ու ամառանոցներ, ավելի ստվերամած էր՝ շնորհիվ թիկունքը պատնեշող լեռներին, իսկ լողարանները այդտեղ ավելի շքեղ՝ հարմարեցրած էին շրջապատում հանգչող հարուստ և ազնվական դասակարգի ճաշակներին:

Գյուղում շուկա էլ կար. նույնիսկ մի քանի խոշոր մագազիններ, Փողոցների մեջ բավական աշխույժ անցուղարձ էր երևում: Տեղացիները, մեծ մասամբ հույներ, վարում էին կես տաճկական կյանք: Լցվում էին երեկոները սրճարանների առաջ, տաճկական սուրճ էին խմում, ներգրվեծխում, ֆես ունեին գլխներին և մայթերի վրա, սեղանների շուրջը բուրձրած՝ դուրս էին խաղում:

Մի երևույթ առանձնապես ուշադրությունս գրավեց, և այնուհետև, ստուգելով էլ իրավացի գտա—այն էր, որ Գելենջիքում, իհարկե ո՛չ տեղացիների մեջ, այլ եկվորների—շատ հազիվ կարելի էր հանդիպել սիրունատես կնոջ: Գեղեցկուհի՝ բոլորովին: Տգեղությունը շեշտվում էր նաև նրանով, որ արևի մեջ շրջակայելով և ծովի ջրից առնված՝ ամեն գեմք շուտով սևանում էր, կորցնում փափկությունը. հետո ամեն կիսհագնում էր շթե պարզ պարեգոտ և առանց գլխարկի, միայն մի բարակ թաշկինակ գլխին կամ մի հովանոց, նույնիսկ մուճակներով, անցուղարձ էր անում և երևում ամեն տեղ:

Մարդ հաճախ տրամադիր էր ենթադրելու, թե Գելենջիքը հատկապես տգեղ ու անշնորհք, մանավանդ նիհար կանանց ժողովատեղի էր:

Երբ ի՞մ այդ դիտողությունը մի անգամ հայտնեցի օրիորդ Լիզային, ժպտաց խորհրդավոր կերպով և առաց.

— Այստեղ չե՛նք եկել մեզ հավանեցնելու. եկել ենք բուժվելու և կազդուրվելու. ոչ ոք հոգ չի անում հագվել-սքվելը...

— Ներկե՛ն ու քսմովե՛լը...— ավելացրեց մայրը, որ լսում էր մեզ: Սակայն Լիզան ոչ քսվում էր, ոչ ներկվում: Բայց երբ մօր խոս-

թերք վրա ես նրա նրբախն նայեցի. աչքերը հիսախուփ՝ պաշտելի մի ժպիտ ուղղեց ինձ և ասաց.

— Օ՛, ո՛չ, պարոն, ես միայն փողի եմ գործածում, այն էլ երբ քրոնած եմ:

— Աղջի՞կս,— միջամտեց մայրը,— ո՛չ, չի քսվում. կարող եմ այդ վկայել. իսկ Զինաիդան և Սուսաննան՝ դրանք ուրիշ բան...

— Մայրիկ...— լռեցրեց նրան աղջիկը՝ հանդիմանախառն ծիծաղով:

Օրիորդ Լիզայի հետ բավակա՛ն հաճախ հանդիպում էր ես մենակ պարտեզում և կամ ծովափին: Զրոսնում էինք, խոսակցում: Սկսում էր անդիմադրելի կերպով գրավել ինձ այս աղջիկը: Ամեն անգամ, երբ մոտս էր լինում, աչքերս չէի կարողանում բաժանել նրա բոսորագույն շրթունքներից, գողտրիկ դեմքից և, մանավանդ, թովիչ, կիսափակ աչքերից: Ցանկությունը երբեմն գծվեցնում էր ինձ. հուզվում էից ու գրգռումից դողում էր ձայնս. շորանում էին շրթունքներս:

Հասկանում էր Լիզան այդ ամենը և հետզհետե աշխատում էր ավելի ու ավելի թովել ինձ, իր ճերանների մեջն անելու: Խորագետ, խեղճ աղջիկ էր ու փորձված: Իմ հուզումն ու գրգռումը ո՛չ իսկ վրդովում էր նրան: Ըստ երևույթին ինձ նման շատերի թթիցք արդեն բռնած՝ իբր օտարի տակ էր բերել նա, տրորել ու նետել: Սովոր էր պաշտամունքի սովոր, որ կենտրոն դառնար ամեն ուշադրության, ամեն հիացմունքի:

Բայց ինձնից դեռ բաշվում էր կարծես: Օրինակ հենց, չէք համարձակվում այնպես կատակներ անել, ինչպես անում էր էստոնացու և ուս ուսանողի հետ.— հովհարով երեսներին էր խփում, հովանոցով խթում էր մեջքները, ճաշի վրա հացի միջուկից շինած գնդակներով որմբակոծում էր և կամ հրամայում, որ ընկած թաշկինակը վերցնեն, գնան ներսից շալը բերեն, վազեն մի բաժակ ջրի և այլն:

Ինձնից կամ պատկառում էր և կամ նրանց հետ վաղվա ծանոթ, վաղուց էլ նրանց ճգմել ու տրորել էր ոտքերի առաջ:

Այսպես կամ այնպես, Լիզան օրեցօր թովում էր ինձ և ամբողջ կրթերն իմ մեջ վերահանգնում:

Սիրահարվել նրան՝ թվում էր, թե չէի կարող: Երբ հայացքը վրաս էր և շրթունքները դողդոջ դեպի ինձ, երբ թավշի նման զգվող ժպիտով շրջափակում էր հոգիս—բիշ էր մնում կորզեի նրան, տանեի ծովափի խորշրթեց մեկը՝ ձօճելու համար նրա շրթունքներից այն մորկող տրիփը, որ անուշահոտ ու ոգելից գինու նման արբեցնում էր ուղեղս... Բայց երբ չէի տեսնում նրա գեմքը, երբ նիհար մարմինն էր միայն երևում աչ-

քերիս, ինչ-որ խուլ, սրտիս խորքերում թաքնված անորոշ հակակրանք գուրս էր պոռթկում՝ գերակշռելու համար բոլոր մյուս զգացմունքներին։ Վա՛տ, վա՛տ բաներ էի մտածում նրա մասին. թվում էր, թե փշա-ցած կին է, հղփացած, շրթունքները վաղո՛ւց վարժ կրթոտ հպումների, մարմինը մաշված՝ վայելումների մեջ...

Շարժվածքները, գրավելու ձևերն ու ժպիտները նույնիսկ՝ մեկ-մեկ զզվանքի նման վայրկյան էին սուաշացնում իմ մեջ։ Կիսաշխարհային կնոջ էր նման. քաղքենի և ազնվական այն կանանցից, որոնք իրենց ճիգն ու ջանքը գործադրում են մի՛միայն տրիփ ու տենչանք գրգռելու համար տղամարդկանց մեջ...

Ու երբեմն մտալլ, ո՛չ միայն դադարում էի հաճույակատար դառնալուց կիզայի համար, այլև կոպիտ էի լինում և խիստ։

Չէր զարմանում այդպես ժամանակ։ Երևի համոզված էր, որ ներքնապես պայքարում եմ ես նրա հմայքի ազդեցության դեմ և անհաջող լինելուս համար անձնասիրությունս վիրավորված՝ տխրում եմ ու կոպտանում։

Այդ իսկ պատճառով հանգի՛ստ էլ չէր թողնում ինձ։ Միշտ հետաքրքրվում էր, թե որտե՞ղ էի գնում, որտեղի՞ց գալիս, ո՞ւմ հետ էր խոսածս և ո՞վ էր, օրինակ, այն կինը, որի կողքին նստած էի գտնվել պատահամբ ընդհանուր լողարանի առաջը գտնվող նստարանների վրա։

Առաջ հարցնում էր— «կարելի՞ է իմանալ». հետո— «հետաքրքիր է իմանալ» և վերջապես մի օր էլ ուղղակի կտրեց առաջս, երբ սենյակս էի գնում և հարցրեց.

— Ահա թե ինչ, պարո՞ն, դուք արդեն սկսել եք ուրի՞շ տիրուհիների որոնել... Այն ո՞վ էր, որի հետ ծովափի գերանների վրա բազմել էիք ու լուռ երազո՞ւմ...

— Բայց, օրիորդ,— կմկմացի ես,— այդ խեղճ կինը գերանի մի ծայրին էր, իսկ ես՝ այս մյուս. իսկ ես ի՞նչ գիտեմ ով էր։

— Ստո՞ւմ եք, պարո՞ն,— ասաց կես կատակի շեշտով,— ուրի՞շ տիրուհի եք գտել... Մոռացել եք, որ դուք միմիայն ի՛մ ասպետն եք... և որ ես խանդոտ եմ...

Ասաց. կոկետությունը ժպտաց, մատը վրաս թափ տվավ ու հեռացավ։

Մնացի կանգնած և կատարելապես հմայված։

Շո՛ւտ սթափվեցի սակայն, անփորձ մի երիտասարդ անշուշտ խելահեղ կլիններ այդ թովիչ վարմունքից։ Հասկացա, որ աղջիկը մի՛միայն ընկճել էր ուզում ինձ. ընկճելու հաճույք ունենալ։ Եվ եթե գտնեմ, որ մինչև ականջներս իր գերին եմ, արհամարհաբար պիտի ծաղրեր ու ոտ...

բով դեմ շարտեր իբր այլևս դատարկ, անպետք անոթ, իբր շա՛տ ընչի՛ն բան և մի այլ կողմ պիտի գնար՝ որոնելու նորանոր հաղթանակներ...

Այդպե՛ս էի համարում ես կիզային և զգույշ էի միշտ, խելթս չկորցնելու շափ ժամանակին ինքս ինձ զսպող։

Ինչ վերաբերում է Աղդային, պիտի ասեմ, որ տա՛նհինգ-քսան օրվա ընթացքում հազիվ երկու-երեք անգամ հանդիպեցի նրան։

Կանաչ հրվանդանը պտույտի գնալու օրվանից հետո նա այլևս չեկավ մեր ամառանոցը։ Կիզան այնքա՛ն սառը, մայրն էլ այնպե՛ս անուշադիր վարվեցին հետը այն օրը, որ ըստ երևույթին այլևս միամիտ չգտնվեց ընդունելու Սերյոժայի հրավերները։

Հանդիպածս ժամանակ առիթը չէի փախցնում մի երկու խոսք փոխանակելու հետը։ Թեև սառն էր, բայց չէր խուսափում։ Մի անգամ էլ մինչև իսկ թույլ տվավ ինձ ընկերանալ իրեն մինչև Ֆոտիադիի մագազինը, զնեց այնտեղից մի քանի բան և հետո եկավ զբոսնելու հարավային ափի զբոսարանում։

Մոտ մի ժամ տևող այդ ընկերակցության ժամանակ նա խոսեցրեց ինձ, հարցրեց իմ մասին շատ բան, առողջությանս մասին տեղեկացավ և այլն։ Այդօր ձայնը ավելի զուրեկան էր, վարմունքը ընկերական և պարզ։ Շատ լավ էի զգում ինձ նրա հետ. ձայնը ջերմացնում էր սիրտս, և կապույտ աչքերի թիչ ավելի կենդանի հայացքը հոգուս մեջ էր ներածում ինչ-որ մաքրող զգացմունք, որ մոռացնել էր տալիս, թե Աղդան կին էր, շա՛տ սիրուն մի կին և թե ես տղամարդ էի։

Թվում էր, թե կողքից քայլողը սրտիս շատ մոտ, սիրելի մի անձնավորություն էր, միաժամանակ և դյուրաբեկ մի անաբատություն, որի մասին ամենաշնչին վատ մտածությունն անգամ սրբապղծություն կլիներ և զարշանք։

Եվ այնուհետև ամեն անգամ, երբ առաջս էր գալիս Աղդայի դեմքն ու քայլվածքը, մտաբերում էի Մոսկվա տեսածս մի հայտնի հայ նկարչի Նոփիսիմե կույսը՝ շեկ մագերով ու կապուտաշյա, որ սպիտակ պատմունճանով, ձեռքին ճերմակ շուշան, անդրաշխարհային խանդավառության երազով տոգորված հայացքը վերամբարձ՝ քայլում է կարծես դեպի մի աներևույթ նպատակ, ուշք չդարձնելով շրջապատող աշխարհին և ոտի տակի տատասկ ու փուշին...

... Այդպես էր ահա, որ այդ ամառ գտնվեցի ես երկու միմյանց հակասող, եթե արտառոց չի՛ լինի ասել, նաև միմյանց լրացնող, զգացմունքների շրջանում։

Մի կողմից այդ կիրք հուրացնող կինն էր, որ իր գրգռիչ ժպիտներով հրավիրում էր, քաշում, որպեսզի տեսներ գետնաբարձ գալարում-

ներս և բրբջար անկմանս վրա, իսկ մյուս կողմից՝ կենսատու բազր և անարատ մի զգացմունք, որ չէր զարթնեցնում ո՛չ մի անասնային ցանկութուն, այլ ընդհակառակը, ազնվացնում էր խոհերս և ուռեցնում սիրտս՝ սիրելու, սիրային երազանքով հրճվելու փափազներով:

Լիզային ես որոնում էի, բայց իսկույն հետո Աղղային էի ուզում հանդիպել, նրա հայացքի տակ ապրել:

Եվ գնում էի ծովափ, փնտրում ամեն կողմ, որ տեսնեմ նրան մի ժայռի վրա անշարժ, ակնարկը ծովի խորքերին ուղղած՝ ինչպես սովոր էր նստել ու ժամերով մնալ:

Բայց միայն երկու անգամ տեսա այդպես ու չհամարձակվեցի մոտ գնալ: Զիմացավ իսկ, որ տեսնում էի նրան: Լիզայի նման չէ՛ր քաշում նա ինձ իր ոտքերի մոտ... Հեռու նստած, մի փոսի մեջ պառկած՝ ակնարկս չէի բաժանում նրանից, մինչև որ նա ելնում էր ու կամաց-կամաց գնալով, անհետանում ծառերի ետևում:

Ամեն օր գնում էի նույն տեսարանը վայելելու մտածությամբ, բայց Աղղան այլևս չերևաց: Ըստ երևույթին չէր գալիս այս կողմերը. գտել էր մի այլ ծովախորշ՝ թաքնվելու համար միայնություն մեջ:

Ու զվեցրին ինձ այնուհետև այդ փոքրը. ես էլ մտածեցի հեռանալ դեպի ուրիշ կողմեր: Գահավանդի կողմը, դեպի բաց ծովը դեռ չէի եղել: Վճռեցի գնալ այնտեղ, հնար եղածին շափ հեռու լինել ամեն բնակությունից:

Հարցնելով գտա ճանապարհը. շուգեցի զարտուղի և մոլորեցնող շավիղներ բռնել: Անցա մի քանի մարզագետիներ և ինձ գտա մի պուրակի, գրեթե անտառի սկիզբը:

Հաճոյալից էր այդտեղ. կային և կանաչագեղ, ծաղկալից բացատներ, հովանավորող բարձր ծառեր, առատ բուսականություն՝ աջ կրտրածի շափ տարածությունով և բազմատեսակ անուշաբույր ծաղիկներ:

Մաղկեփունջ անգամ կազմել սկսեցի. շուրջս լի էր կապույտ համասփյուռ, երիցուկ և շահորբամ. արտերի միջից ցցվում էին նունուֆարն ու դաշտային եղնացողեր, իսկ բացատների դալարների մեջ՝ դեղին շերտեր էին կազմել մահդանակն ու մանրիկ, վայրենի տուղտու:

Այդ բազմահարպույր տարածությունը սուր հակապատկերն էր մեր ամառանոցի ետևից փոփոզ փշոտ անտառին: Եվ զարմանալիս այն էր, որ ոչ ոք չկար այստեղ. ո՛չ մարդերի վրա, ո՛չ անտառի մեջ և ոչ էլ արտերում:

Միայնակ էի կատարելիպես. գնում էի հանդարտ քայլերով, ճըշմարիտ վայելքով լիաբերան ծծում էի օդը, ախորժով ականջ դնում թռչունների դայլայլին և նույնիսկ ծղրիղների ճռնչող ձայներին:

Մինչև ծնկներս երբեմն՝ խոտերի ու ծաղիկների մեջ, գնացի ետ ալդպես՝ կտրելով արտերը, մխրճվելով խիտ ծառաստանների մեջ, մինչև որ շավիղը հանեց ինձ բլուրների առաջ, ուր մեկե՛ն բուսականությունը կանգ առավ և սկսեց գաջային ճերմակ ու շոր գետին՝ մանրիկ թփիկներով ու կարճ ծառերով պատած:

Մի քանի քայլ. մի երկու թուփ էլ անցա, ետ տվի թզուկ ծառերի՝ ճյուղերը և հանկարծ ոտերիս տակ՝ խորքում երևաց բաց ծովը՝ իբր անոթա տարածությունով:

Գտնվում էի ահավոր բարձրության վրա, պատի նման ուղղածիք գահավանդների գլխին:

Անմիջապես ոտքերիս տակ՝ խորքում, մինչև անհուն հորիզոնը տարածվելով օրորվում էր լեղիագույն վիթխարի մի գանգված, որ դեպի փերն էր ծփացնում շառաշող փրփուրների և ուստնող ճերմակ բաշերի շարքեր: Անզույ համերգը բերնին, վետ-վետ կոհակների կայտառ ուստումները միմյանց վրա հանած, անհոգ ծալքերի ու շերտավորումների պըշրանքները քմահաճորեն զունավորած՝ ընկողմանել էր նա որպես վաստակաբեկ մի հսկա, որ ահավոր պատերազմից հոգնած՝ հանգչում է հեքոտ շնչառությունով, խոշոր կրճքի մեծ ելեկցներով:

Ու մնացի տեղն ու տեղը գամված, կծկված մի թփի տակ, հմայված վեր ելնող միալար մոնչլունից, շլացած միօրինակ փողփողուն ծփումներից:

Գահավանդը նույնպես վետ-վետ, կարծես ահագին ճերմակ կոհակներ կազմելով. զոգածն գնում էր դեպի ձախ ու սլտույտների մեջ անհետանում: Ո՛չ մի բավիղ դեպի ծովը. ճերմակ, գաջային ուղղորդածն կողեր էին՝ գլուխ պտտեցնող բարձրությամբ, գիսախոփ կատարներով: Աջից միայն ափը հետզհետե իջնում էր պուրակների խառնուրդով և գնում հասնելու ջրի մեջ մխրճված լեզվակին:

Արևը չէր այրում այլևս, որովհետև ամպոտում էր երկինքը հետզհետե. ծովի կողմից փշում էր զովացնող մեղմ քամի. նստելու տեղս շատ հարմար, ընկողմանեցի մանրիկ խոտերի վրա, թփի ստորոտում, և գոհ եղա, որ կարող էի երկաթ դիտելու մնալ մի ա՛յդքան շքեղ տեսարան:

Ո՛չ մի ձայն շրջապատում. ծովի մոնչլունը բացարձակորեն խլացնում էր ամեն ուրիշ աղմուկ: Տաս-տասնհինգ րոպեից հետո տեսողությունս էլ կենարոնացավ միմիայն ջրերի վրա, և նրանց վեհափառ ծավալը նսեմացրեց ուրիշ որե՛կ առարկայի տեսքը:

Մոպն էի միայն տեսնում, ծովին՝ միայն լսում. ուշադրությունս էլ նա էր գրավում ամբողջովին և մտածություններս ուստոստում էին նրա ծածանումների վրա, նրա ելևէջների կատարներին ու խորշերին, նրա ծալքերի և կնճիղների անվերջ փոփոխումների ետևից:

Ահա՛ այնտեղ, ելնում են ու իջնում անհամար թմբիկներ, սողսկում են արծաթյա փուլեր... մյուս կողմում լերթ կապտագույն կույտերը միմյանց են քախում նախ, հետո կուտակված սահում են, ժողովում են այս-այն կողմից հապճեպով եկող յուրաքանչյուր շարժում, իրար են միացնում, իրար հրմշտկում ու բերանները բաց, սև պատ են կազմում ճերմակ քիվերով, շարժուն պատնեշների նման գալիս են սպառնալից... բայց ափերի մոտ փլում են մեղմ ժպիտով, ցրվում, ծիծաղում ավազուտների վրա, ճերմակում, կապտում և ջինջ ու պայծառ կաթիլներով կամ սուզվում են, կամ ետ քաշվում...

Եվ եզերքների ծփուն ջրերը օրորում են ծովային կարմրավուն բույսեր, որոնց մոտ ամեն ուղղությամբ տարածվող շեկ մազանման խոտերը երերում են՝ որպես կույսի ցրված գիսակներ...

Ու հայացքս դարձյալ դեպի ետ-հորիզոնն էր ուստնում, ուր երկինքը արդեն մթազնում էր և որտեղից դարձյալ՝ զինվում էին նոր արշավանքներ դեպի ափը, ջրերը միմյանց էին գնում արտորալով, իրար առաջ մղում, զանազան կողմերից վերահաս ընկերներին ձեռք էին տալիս, որպեսզի նորից գնան, անվերջ գնան իրենց շրջանակները փշրելու, կաշկանդող շղթաները ցնցել-շարդելու...

Եվ այդպես, հայացքս հորիզոնից ափերին և ափերից դեպի տարածություն—անզգալիորեն, չեմ հիշում պատկերների որպիսի՝ զուգորդության շնորհիվ, միտքս գնաց դեպի Ադդան:

Երևի պատճառն այն էր, որ մեկե՛ն հիշեցի, թե Ադդան այդ կողմերը կարող էր լինել, գուցե ինձ նման կծկված մի ծառի տակ, մի թփի մոտ՝ ծովը գիտելիս:

Դրա համար էր, որ մի բույս ելա, շուրջս ակնարկ նետեցի և ջանացի նշմարել, թե չէ՞ր հրեում աչքոյք վարդագույն բաճկոն որևէ ծառի տակ:

Հետո նորից նստեցի և շարունակեցի մտածել այդ աղջկա մասին: Պատկերացրի դեմքը, ակնարկը, հիշեցի մի քանի օր առաջվա մեր երկար խոսակցությունը և վերջապես մի առ մի ամփոփեցի ա՛յն ամենը, ինչ որ գիտեի և լսել էի նրա վերաբերությամբ:

Պատմել էին նրա անցյալից՝ մի քիչ ամենքը: Լիզային ևս չէի հավատում շատ. ի՛նքն էլ չէր պատմում. չէ՞ր փրում խոսել Ադդայի մա-

սին, ոչ էլ լսել: Լիզայի մայրն էր գլխավոր աղբյուրը. նա էր պատմել շատ բան: Ուսանողներից լրացրել էի պակասածը:

Մալոուս էր Ադդան. այն երազող և համառ կամքի տեր, ոգևորվող աղջիկներից, որ իրե՛նք են սիրում բանալ իրենց կյանքի ուղին, սիրում են անկախությունը, սովորելն ու երաժշտությունը և երբ սիրում են մեկին, սերը հասցնում են պաշտումի և անձնագոհության: Այդպիսի տիպարները գիտեն նաև նվիրվել գաղափարական գործերի, ետ չկասել, պատվարներից չեն վախենում և կարող են ժպիտը դեմքին տանջվել ու մեռնել իսկ:

Հարուստ էին Ադդայի ծնողները, ապրում էր միայն մայրը. մեռել էին հայրը և մի եղբայրը, վերջինս հանկարծ... անհետացել էր, 4—5 տարի էր չկար, կամ փախել էր արտասահման և կամ Մոսկվայի հայտնի ապստամբության օրերին զարնված էր ու թաղված ընդհանուր, եղբայրական գուբերում:

Չնայելով հարստությանը, Ադդան լավ սովորել էր, քննություն տվել, համալսարան մտել ու հայտնի էր որպես շատ ընդունակ, եռանդուն պարապող: Պարզ կյանք վարել, շատ պարզ հագնվելը նրա պըշրանքն էր, այնպես որ մայրը միշտ զանգատվում էր, թե իր աղջիկը հպարտ էր, չէր ուզում ընդունել ավելորդ փող, չէր ուզում վայելել հոթ հարստությունը:

Լիզայի մոր, այլև ուսանողների պատմածներին նայելով, այդ տարի հունվարին հանկարծ Ադդան սաստիկ հիվանդացել էր Պետերբուրգում, և քեռին ստիպված էր եղել ընկերանալ մորը ու գնալ մայրաքաղաք: Հետո աղջկան բերել էին հայրենիք և այժմ էլ Գելենջիք էին իջեցրել, որ կազդուրվի և բուժվի:

Ո՛չ ոք չգիտեր հիվանդության պատճառները. մեկամաղձոտ ու տխուր էր դարձել այն աղջիկը, որ մի քանի տարի առաջ իր զվարթությունով ու հրապույրով կյանք էր սփռում շուրջը, որ ծիծաղը միշտ շրթունքներին, լուրջ խնդիրների մեջ պատկառելի էր, որպես մի գիտնական, որ սիրում էր խոսել, ոգևորել ու ցնցել ամենքին...

Իսկ այժմ դժվարությամբ էր նա մի երկու բառ արտասանում, հագիվ էր ծիծաղում և երբե՛ք չէր սիրում որևէ շրջանի մեջ վիճել, ճանել կամ նույնիսկ վեճն ու ճառը լսել:

Եվ մանավանդ, ամեն ինչ մի քանի տարի առաջ վարդագույն տեսնող աղջիկը, այժմ դարձել էր սաստիկ հոռետես և ո՛չ մի լավ բանի չէր հավատում:

Թե ինչո՞ւ էր նա այդպես դարձել՝ գաղտնիք էր: Գաղտնիք, որ ամենքը կարծում էին, թե գիտեն, բայց ցույց տալով հանդերձ, որ կա՛-

գաղտնիք—մերժում էին պատմել ինձ: «Չ'րժեա», «Քո'ղեք», «օ՛հ, օ՛հ չեմ կարող պատմել», «խա՛ն գրեք վրան»,— ահա իմ հետաքրքրութեան պատասխանները:

Հիրավի, ի՞նչ կար, ինչո՞ւ էր այդ աղջիկը հուսաբեկ, ջարդված, սաքեբի կայանը կորցրած և կյանքից այլևս ոչինչ չսպասող: Արդո՞ք անհույս սե՛ր, խաբվա՞ծ, արդո՞ք անպատվել էին և թողե՞լ, թե ինքը օխբել էր մեկին և հանկարծ տեսել, որ իր սիրածը մի գարշելի արարած էր... օ՛վ գիտե, գուցե անհասանելի մի սեր էր այն, որ հուսահատեցրել էր:

Բայց մի՞թե խելքը գլխին մի աղջիկ, որ ունի իղեալներ ու նպատակներ, որ զարգացած է և գիտութունից ճաշակել է—կարող է այդպե՛ս ջախջախված զգալ իրեն, որովհետև կամ իր սիրածն է իրեն խաբել, կամ իրեն «անպատվել» են ու «թողել» և կամ գուցե «սիրում է մեկին ու չի սիրվում»...

Ո՛չ, Աղգան ա՛յդքան արդեն ողորմելի չէր և ոչ էլ կրթի (թող լինի՝ որտի) գերի: Կային ուրիշ գաղտնիքներ՝ նրա հուսահատութեանը պատճառ դարձած: Գաղտնիքներ, որոնք հայտնի չէին և ո՛չ մեկին. ոչ ոքի: Չէ՞ որ երբեմն մարդու սրտի խորքերումը գոյանում են այնպիսի դա՛ռն, սրտմաշուկ ջլատումներ, որ մարդ բերանով արտահայտե՛լ անգամ չի ուզում, որովհետև բուժվելու հույս չկա, որովհետև միևնույնն է, արտահայտելով ոչինչ չի՛ փոխվի...

Եվ կամ, գուցե դրանք այնպիսի՛ գաղտնիքներ էին, որոնց հայտնելու համար նա չէ՛ր գտել դեռ մի մտերիմ սիրտ, անմիջապա՛ս ըմբռնող և լուրջայն վշտակցող մի հոգի, որ ցավակցական զոհճիկ բռնեք շատեր ու պատկացնեք տանջանքի խորութունը, այլ օր անձայն համակրութունով թափանցեր անհուսոյան անավորութունը...

Այդպե՛ս խորասուզվել էի ես Աղգայի հոգեկան ներքին աշխարհը, երբ մի ըրուպի սթափման մեջ նկատեցի, որ այլևս արև չկար, երկինքը ծածկվել էր միաձուլյ ամպերով, և սևաթուլը խավարը կարծես իջնում էր ճզմելու, կլանելու կապուտակ ծովին:

Ջրերը հուզվել էին ալսել և հուսահատական թափով պատրաստվում էին կուրծքը դեմ տալ ծանրութեան. ուռում էին, կնճռում մեծ ճակատը, խոշոր եղբայնեքը բաց արած մռնչալու էին ելնում ու հարող բազեի սպասում, որ նետվեն իջնող հրեշի գեմ:

Պահ մի անխելի դարձավ ասիերի շոփնը. արձանացման մի շունը իջավ կարծես ու սառեցրեց ամեն շարժում. օդի մեջ զգացվող ամպախօջուրը վաբանման մի վալսկյան ունեցած, հետո հանկարծ սև զանդ-

վածը համր երերումով սկսեց իջնել, և ջրերը ոստենցին կատաղի շարժումներով:

Այնուհետև մեկե՛ն պայթեց ամեն ինչ. սև կույտերը թավալեցին վիթխարի տատանումներով, որտես ու մռնչունը դրդացրին շրջակայքը, երախներից դուրս ժայթքող փրփրադեզ ցայտումները խառնվեցին իրար:

Համայնատարած աճեցուն կովի դաշտ էր դառնում խորութունը, ուր շղթայագերծ ջրերը խոյացումի մեծ թափով ողողե՛լ էին հանդգնում նույնիսկ բարձր ապառաժների կատարները:

Ցնցվում էր ամեն ինչ. ասիերը կծկվում էին կարծես. սարսուռ էին նո՛ւյնիսկ թուփ և խոտ. ծաղիկները սմբել էին, մռայլ ստվերը ծանրանում էր դաշտ ու անտառի վրա...

Շունչս բռնած, սոսկումով լի հիացման մեջ քարացած՝ ելել ծառի բունն էի գրկել և դեպի անդունդը կոացած՝ դիտում էի տեղի ունեցող այն մեծափառ պատերազմը, որ շարժուն, կենդանի տարրի կռիվն էր՝ մռայլ ու խավար կաշկանդումի դեմ...

Չգիտեմ որքա՛ն տևեց այդ. ժամե՛ր, թե՞ րոպեներ, միայն հանկարծ թվաց ինձ, թե խավարը հաղթահարվել էր, լուծվում էր ու ծալվում ինքն իր վրա, որ նա ամոթալից ետ էր քաշվում, և հորիզոնի լայնություն մեջ տեղի էին ունենում պատվածքներ: Սև ամպեր էին գայտնում վերևում, խաթվել էր միաձուլյ մղձավանջը, իրար մղելով՝ միմյանց վրա էին նետվում խավարի կույտերը և զլորվում էին խուսափելու համար:

Հետո, այդ խուճապի մեջ լույսի մի լայն շտապիղ ճեղքում էր թուխ զանգվածը և շեշտակի կտրելով տարածությունը՝ իջնում էր պարզապես ելու ծովի մի ընդարձակ դաշտ:

Ու ջրերը այնտեղ սկսում էին հեք առնել, հաղթութունը տարած՝ ժպիտներ կազմել դեմքի վրա, օրորվել՝ հանդելու համար անավոր պատերազմից հետո:

Անսովոր չէ՛ր այդ ամենը: Եղանակն էր փոխվում, փոթորիկը եկել էր, փշրվել ու փախուստ տվել: Այժմ նո՛ւյնիսկ ամպերը բացվում էին, գորշ գույն ստանում, իսկ նրանց եզերքները արծաթագոծվում էին լույսի աննման երիզներով:

Ահա այդ իսկ ըրուպին էր, որ զգայախաբույան մի երկրորդ պատանք գրավում էր ինձ:

Ենդակի իջնող լույսի լայն շտապիղի մեջ, վերևից դեպի ջրեր՝ պատկերանում էր ալքերիս առաջ մի տաքորինակ կրասավեր:

Զկարողացա որոշել սկզբում, թե ի՞նչ էր այն. արդո՞ք լույսի և

սովերի հակապատկեր էր, թե ամպերից սլացող անձրևային գծերի մի փունջ: Սակայն ահա լույսը պարզվում էր հետզհետե, և ապշությամբ տեսնում էի, որ ծփումներն իբր պատվանդան ունենալով՝ ջրերի վրա հայտնվում էր մի վայելչակազմ կնոջ սովեր...

Այո՛, կին էր այն. հրաշալի մարմնով մի կույս, որ շքեղ և արե-
ծուփ գիսակները փռած թիկունքին, բաց թևերը գլխի ետևը տարել, դրել էր ծոծրակին և անմասն դեմքը լույսի ցնցուղներին պարզած՝ օրորվում էր կոհակների վրա:

Մերկ շէր ամբողջովին: Բաց էին միայն վիզն ու թևերը. Ստինք-
ներից մինչև ոտքերը պարուրված էր նա ջրափրփուրի նուրբ շերտով, որ ճերմակ պատմուճանի նման ոլորտվում էր մարմնի շուրջը և երկար ջղանցքը մարող փոթեքով տանում էր տարածելու ջրերի երեսին...

Արձանացած մնացել էի: Չէի գորում շարժում գործել: Աչքերս լայն բաց արած՝ հետևում էի երևույթին, որ ալիքների ծփումների հետ մո-
տենում էր ափին, գալի՛ս էր իմ կողմը:

Տեսնում էի ակնարկը՝ լուսաշող դեմքի վրա. ակնարկ, որ ահավոր թախիծով լի, սևաթույր ամպերի աշտարակաձև կուտակման վրայից երկինքն էր կարծես որոնում՝ դեպի նրան նետելու իր բոցակեզ վարա-
նումներն ու մրրկող բողոքները:

Բայց որտեղ էի տեսել ես նմա՛ն մի երևույթ. հար և նման մի պատկեր... Ինչո՞ւ այդ պատրանքը ծանոթ էր թվում ինձ, ծանոթ և ո՛չ զգայախաբական:

Ու երբ միտքս պրպտում էի, հանկարծ օրորվող կինը ծփման մի շարժումի մեջ դեմքը իմ կողմը դարձրեց, և ես ճանաչեցի նրան:

Աղդան էր...

Այդ իսկ վայրկյանին երևույթը անհետացավ, հալվեց լույսի մեջ, խորասուզվեց կարծես ջրի տակ, և նրա տեղը մնաց հոսանուտ ծալ-
քերի մի մեծ տարածություն, որ երբում էր դողահար:

Եվ երբ սթափված շուրջս էի նայում, զգացի, որ սիրտս սեղմվում էր, անհասկանալի մի տիրություն համակում անձս:

Մի քայլ ետ գնացի ու խոտերի վրա նստեցի:

7

Որ դեռ հիվանդ էի և ջլախտային դրությունից չէի բուժվել—գա
փաստ էր: Զգայախաբության դեպքը՝ ապացույց: Տեսիլքը, սակայն, մտացածին չէր: Համոզված էի, որ տեսել էի նման պատկեր, կամ կար-
գացիլ էի, կամ գուցե պատմել էին: Չէի հիշում՝ որտե՞ղ, ե՞րբ:

Իսկ թե ինչո՞ւ տեսիլքի առարկան Աղդան էր՝ այդ էլ երևի այն պատճառով, որ մի վայրկյան առաջ միտքս ամբողջովին նրանով էր զբաղված:

Այսպես կամ այնպես, ոտքի ելա և պատրաստվեցի տուն վերա-
դառնալ: Լիովին սթափվել էի: Մի ետին ակնարկ էլ ձգեցի ծովին, ուր ջրերը հանդարտել էին, հորիզոնի ամպերի կույտերը անորսացել, և երեխ-
շողքերը պսպղացնում էին կապուտակ տարածությունը:

Դեպի այդտեղ գալու ժամանակ բռնել էի ես մի շավիղ, որ անց-
նում էր արտերի միջով. մինչդեռ, ինչպես հետո իմացա, ուրիշ ավելի մեծ մի արահետ, մտնելով անտառը՝ հանում էր ավելի լավ տեղի, գա-
հավանդի ամենաբարձր կետին, ուր, փլումների շնորհիվ, մնացել էին դեպի անդունդը կռացած մի քանի խոշոր կաղնիներ:

Սովորաբար մարդիկ այդ ծառերի բուններն էին ընտրում որպես դիտանոց և նրանց հովանու տակ էին գալիս նստելու: Ավելի անվախ-
ները մինչև իսկ ելնում էին նրանցից մեկի բունի ծայրին, որ հորիզո-
նաձև պարզվում էր դեպի անդունդը. նստում էին՝ ոտները դեպի խո-
խորատը կախած, ճյուղերից ամուր գրկած և եթե գլխի պտույտ չէին ունենում, վայելում էին անդունդի խորքը աներկյուղ կերպով գննելու քաջությունը: Քաջություն՝ գոնե իմ տեսակետով, որովհետև ես երբեք չեմ կարողացել բարձրություններից դեպի ցած նայել՝ առանց գլխի կո-
րբստաբեր պտույտների:

Ահա հենց այդ առկախ ծառի բունի վրա էր, որ դառնալուս միջո-
ցին աչքս հանկարծ ընկավ և այնտեղ նստած տեսա մի կին:

Բավական հեռու էր, դեմքը պարզ չէր որոշվում: Երևում էին սև շրջազգեստը՝ կախված անդունդի գլխին, այլև գորշ կոշկավոր երկու ոտներ. իսկ ծառաբնից ելնող ճյուղերի մեջ նշմարվում էր, երկնագույն բաճկոնակով և գլխաբաց, երիտասարդ մի դեմք:

Անմիջապես մտքիս մեջ ծագեց, որ Աղդան պիտի լիներ: Իսկույն հետո սակայն, ի նկատի ունենալով կնոջ հագուստը, մտածեցի, որ նա չէր, այլ մի ուրիշը: Իսկ եթե իրզան էր: Այո՛, տեսել էի նրան այդպե-
շորերով. կարծեմ տեսել էի: Եվ հետո կարծես սևահեր էր: Ինչո՞ւ ոչ Գուցե գիտեմ, որ ես այս կողմերն էի եկել: Եվ կամ, ինքն էլ, անկախ կերպով, դիպվածաբար, եկել էր բաց ծովի տեսքով զվարճանալու:

Ձննելը անօգուտ էր. չէր ճանաչվում: Եթե իրզան էր... ավելի՛ լավ Այդ աղջիկը կարո՞ղ էր իսկակա՛ն հաճույք ազդել ինձ բնության այ հրաշալի անկյունում: Անտարբեր լինել նրա կողքին—չպիտի կարողա նայի. և ի՞նչ գիտեմ, գուցե նրա տրամադրությունն էլ իմինիս պատաս-
խանն էր. գուցե նա՛ էլ ցանկանում էր ինձ. միթե իզո՞ւր էին այնքա

հաճոյանալու ձևերն ու ձգտումները... Օ՛հ, նրա համբուլըն ունենալ, ինչպէ՛՞ղ լինել նրա կրթութեան շրթունքների հպումներից...

Քայլերս իրենք-իրենց շուտ եկան չէպի այն կողմը, և ես հուզմամբ, գրեթէ զողալով ցանկութունից, արագ գնացի դեպի ծառերը:

Ջանացի հանկարծակիի բերել: Խուլ կերպով զգում էի, որ պիտի փախչեմ և կամ, պիտի նստած մնար այն սոսկալի ծառաբնի վրա ու պահանջեր, որ հեռանայի: Այդպե՛ս էր շարաճճին, քանի ցս փորձել էի, և մտով իսկ իրեն դիպչելը արգելել էր լրջութեամբ:

Մտերի ստորոտներով, թփուտների տակից սահեցի և երբ ինձ թվում էր, որ մոտեցել էի, հանկարծ երևան եկա:

Գտնվում էի տասը քայլ հեռու. զարմացած կանգ առա՛ ճանաչելով Աղդային:

Հագուստը, մազերը, դեմքն իսկ փոխված էին: Նա՛ էր: Ոտները գեպի անդունդ, թևով գրկած և գլուխը մի մեծ ճյուղի կոթնեցրած, հայացքը անբաժան՝ իր աչքերին նմանող անծայր ծովից, լիովին անշարժ, որպէս արձանացած դիցուհի,— ո՛չ իսկ իմացավ ներկայութունս:

Միայն բոլորովին երբ մոտ գնացի, գլուխը իմ կողմը դարձրեց, ելավ, ժպտաց ինձ ու ասաց.

— Կշտացա՞ք նայելով: Տեսնում էի ձեզ... Ետ կացեք, որ իջնեմ: Հետո համարձակ դուրս սողոսկեց և ելավ հաստատուն գետնի վրա:

— Կուզե՞ք միասին վերադառնանք տուն:

Բարեցի: Եվ տեսիլը հիշելով՝ նայեցի մազերին ու հասակին: Գեմքն ու թևերը նման էին. նույնիսկ վիզը, որ բավական բաց էր: Մազերը միայն սարքված էին այդօր ուրիշ տեսակ: Գնդել էր ծոծրակի վրա:

Գունատ էր, ժպիտը տխուր, ձեռքը սառը և շոր, քայլվածքը դանդաղ: Ավելի՛ հիվանդ էր երևում, այլև հոգնած:

Մտանք անտառ, հետո բացատը հասած՝ նստեցինք իրար կողքի մի կոճղի վրա և երբ բավական լուռ էինք, հարցրեց.

— Առաջի՞ն անգամ էր այսօր... բաց ծովի առաջ:

— Այո՛: Գուք երևի հաճախ եք գալիս: Ձեզ այլևս չեմ հանդիպում այն կողմերը:

— Ամե՛ն օր այստեղ եմ:

— Միրո՛ւմ եք ծովը:

— Մո՛վը... — ասաց նա, — ի՞նչպէս ասել ձեզ: Գուցե և չե՛մ սիրում. նույնիսկ երբեմն ատո՛ւմ եմ... բայց սովոր եմ... Մի տեսակ ապշութեան մեջ է ձգում ինձ այդ լիզի տարածութունը: Կարծես հիպոնոսացնում է, թովում... Այսպէս է: Անընդհատ և ժամանակավոր ծփում-

ներ, նույն տեսակ՝ շառաչ... Ուրիշներին քնեցնում է: Անքուն մարդիկ գիտեմ, որոնք լավ քնել են ծովի կողքին: Ինձ— ո՛չ, իս անէացնում է, նյութականութունից աղատում. անմարմին է դարձնում... Ձեզ հասկանալի՞ է այդ:

— Հասկանալի է:

— Ավելի լավ: Հետո, երբեմն էլ ոգևորում է. այդ՝ ծովը: Տարածութունը, մեծութունն ու գունագեղութունն է ոգևորողը. ինչ վերաբերում է նրա զայրանալուն ու մոնշալուն, այժմ այլևս դառն ծիծաղ է առաջացնում իմ մեջ:— Միևնույնն է, մտածում եմ ես, քիչ հետո դարձյալ պիտի գալարվես, կծկվես և քեզ շրջանակալորող ժայռերի ոտները լզես...

— Այո՛, բայց շատ լզելով՝ ժայռերին տապալում է ծովը:

— Շա՛տ... մինչև ե՞րբ սակայն... Օ՛հ, համբերութուն չկա, ո՛չ համբերութուն և ո՛չ էլ այդպէս օձանման հաղթութեան գծուծութունն...

Ուզում եմ ասել, որ ամեն ոք չի՛ կարող օձի նման սողոսկել ժայռերի ոտների մոտ, լզել նրան անընդհատ և այդպիսի ստորաքարշուռութեան միջոցով տանել հաղթանակը...

Ա՛հ, կուզեի որ ըմբռնեիր այն, ինչ որ դժվարանում եմ ավելի նուրբ կերպով բացատրելու... Գուք հասկանո՞ւմ եք արդյոք... Ժայռերը դաժան ու անողորմ, և ոչ իսկ մի թիղ լայնացնել են ուզում ջրերի վանդակը. բրբջալիք՝ պաշարել են նրանք ծովին և ստիպում են, որ նա լզե իրենց տղմոտ ոտները...

Ու ծովը լզում է. մոնշում է, բայց լզում է. իսկ լզելը իբր կովի զենք համարել, շնայելով որ նա հիրավի ժայռեր է տապալում ու մաշում— լզելով ոչնչացնելը իբր հաղթութուն հռչակել, պանծա՛լ նրանով... ո՛չ, այդ ես գտնում եմ շափազանց գարշելի... Եվ գերադասում եմ բոլորովին չկովել:

— Ապա ինչպե՛ս...

— Ոչինչ. լուռ, առանց տրտնջալու, առանց դեմքն իսկ կնճռելու՝ վերարկուով ծածկել գլուխը և մեռնել...

— Վերարկուով ծածկե՛լ գլուխը:

— Այո՛... Մածկել գլուխը՝ շտեմնելու համար որե՛կ շարախնդաց դեմք...

— Ծավակցո՛ղ դեմք՝ ասացեք:

— Նույնի՛սկ այդ... ինչո՞ւ ցավակցութուն, ի՞նչ բուժումն դրանից. կարո՞ղ է մեռնողին շունչ տալ այդ... Ո՛չ. երբ պիտի մեռնել՝ ուրեմն առանց ցավակցութունների. մեռնել կտրո՛ւկ, առանց հիշելու, որ կարող էր ապրել, կուզենա՛ր ապրել...

— Արատաց բաներ եք ասում: Բայց խորապե՛ս դառնացած, նույն-

իսկ տանջանքներից խելահեղ եղած մարդ եք երևում... խելահեղ եղած, այո՛...:

Հետո, երբ պահ մի լուել էի վճռական կերպով նայեցի նրան և ավելացրի.

— Ասացե՛ք ինձ ձեր վշտերը... Չե՞ք ասի:

Ցնցվեց, դարձավ ուժգնությամբ դեպի ինձ, լուռ գննեց ականարկս մի րոպե, հետո ոտքի ելավ և ասաց.

— Գնա՛նք:

Ապա երկա՛ր այլևս չխոսեց: Ընթանում էր կողքիցս, առանց շուրջը նայելու, ականարկը սևեռած դիմացը երեցող լեռների ստվերագծերին: Կամ մտածում էր խորունկ վրդովումներով և կամ սաստիկ հուզվել վերաբացված վերքերովը, որի պատճառը ես եղա. խոսելու ուժ չէր զրտնում:

Այդ լուռությունը նեղում էր ինձ: Ուզում էի խոսեր, բա՛ց աներ սիրտը իմ առաջ: Շա՛տ բան ունեի ասելու նրան. հազիվ դիպվածը ներկայացել էր առանձին և երկար խոսելու. առիթը կար, եթե միայն պատասխաներ ինձ: Պետք էր վերջապես սիրտ տալ, կյանքի՛ բերել այդ հուսաբեկ աղջկան, կյանքի վայելքը ներշնչել, հասկացնել ու համոզել, որ հուսահատությունը փոքրագույն է՝ ինչ որ էլ պատահած լիներ իր կյանքում, ի՛նչ տանջանք ու վիշտ էլ որ կրած լիներ...

Հիրավի, մի՞թե չէր կարելի անել այդ. փրկել մի դժբախտ, բայց լա՛վ մարդու, որ ընկզմում էր աննպատակության սոսկալի դատարկի մեջ, խավար էր զգում շուրջը և զարհուրում էր ապրելուց: Չէ՞ր կարելի միթե նորից զարթնեցնել նրա մեջ նո՛ր ձգտումներ, ոգևորող նո՛ր նպատակներ, և կամ, գոնե կյանքի հաճույթները լիաբուռն վայելելու, էլի՛ և անվերջ սպասվելու՝ շափ վայելելու մարմաջը:

Համոզված էի, զգում էի, որ աղջիկը մեռնե՛լ էր վճռել, զգվել էր կյանքից, գուցե և նրա բոլո՛ր հաճույթներից, մանավանդ՝ հոգնել էր տանջվելուց, մարտնչելուց. հույս չունեի ապագայից, ոտքի կայա՛ն լուռներ, բարոյական նեցուկի հասկացողությունը կորցրած՝ ոչ կովան էր մնացել նրա համար և ոչ կառչելու շյուղ: Զարգվել էր ժայռերի դեմ, ջարդվել էր նրա մեջ ամեն բան՝ հավատք դեպի գաղափարը, սերը դեպի մարդիկ և կամ որևէ հույս՝ դեպի արշալույսը...

Այդպես էր երևում ինձ Աղդան. մի քանի խոսք, և պատկերանում էր նրա տանջված հոգին, հանգստանալ-անէանալու ձգտող սիրտը:

Մ՛շ, պետք էր փրկե՛լ նրան. կորզել ու հեռացնել անդունդի եզրից, ամուր հողի վրա կանգնեցնել, հույսեր ներշնչել, հավատքը վերականգնե՛լ և այդպիսով միջոց տալ սիրո վայելքները տենչալու, ապրելու...

Այդ իսկ մտածությամբ, որոշեցի իջեցնել նրա հոռետես տրամադրության վրա իմ սառը փիլիսոփայությունների կռանը, ներշնչել նրան ա՛յն միտքը, որ չպետք էր շափազանց ոգևորվել—հուսահատ հիասթափումի չհասնելու համար, չպետք էր շատ երազել՝ զարթնումի դառն իրակասությունից շտանջվելու համար... ներշնչել, որ այդպիսի մահը փոքրագույն է, և որ միմիայն թուլամորթ հոգինե՛րն են, որոնք առատացնում են արտասուքը և փութացնում մահը՝ անզգայանալու, կովից խուսափելու համար...

Համենայն դեպս՝ Աղդան երևի վճռել էր խոսել, սիրտը բանալ մեկին: Գուցե հենց նրա համար, որ ունենար իր անէացման փիլիսոփայությանը համամիտ մարդ: Համամտությո՛ւն էր պետք նրան՝ երևի ջնջելու համար այն ետին վարանումը, որ ըստ երևույթին դեռ կասեցնել էր տալիս վճռական բայլը:

Երբ հասել էինք խիտ ծառերով եզրված մի ծառուղու, կռթնեց նա խոշոր մի տանձենու և ասաց խուլ ձայնով.

— Կանգնեցե՛ք. ես ձեզ կպատմեմ իմ մտածությունները:

— Եվ ձեր վշտե՛րը:

— Նստե՛նք մի տեղ:

Ընտրեցինք կանաչ մի թումբ: Նա նստեց բարձր, իսկ ես քիչ հեռու ակոսի մեջ:

Ու սկսեց պատմել: Կցկտուր, ցանուցրիվ, երբեմն դողողուն, մարող ձայնով, երբեմն սառն ու դառն ժպիտով, մեկ-մեկ՝ խանդալից շեշտով...

Պատմեց կարճ, կտրուկ և խիստ բառերով, առանց ոչինչ ծածկելու: Զաղկո՛ւմ էր կարծես ինքն իրեն և ախորժ էր զգում այդ գանահարությունից:

Ոչինչ չհարցրի, ո՛չ մի բառով չընդհատեցի:

Պատմությունը, իրավ է, սրտառուլ էր, սոսկալի, բայց ո՛չ տարօրինակ: Միջավայրը և ժամանակը ջնջում էին ամեն արտասովորություն՝ եղածի մեջ:

Ուսանողուհի՛ կարողացել էր վերջապես ազատ վայելել այն մեծ, անձնազոհ սերը, որ ուներ նա դեպի իր մանկության ընկեր երիտասարդը: Անունը պետք չէր տալ: Ուժեղ բնավորության տեր, աշխույժ և խելոք մի տղա էր դա, որին Աղդան պաշտում էր որպես աստծո և հավատում էր: Նրա հետ միասին էր, որ մտել էր գաղափարական գործունեության մեջ, տեսել էր գյուղացու զրկանքը, բանվորի հարստահարվելը, կանանց պոռնկությունը և մանուկների տգիտությունը... Տեսե՛լ էր և

նվիրվել այդ թշվառներին սփոփելու, այլև գիտակցութեան ու բողոքի տանելու գործին...

Ի՞նչ հարկ երկարել: Պարզ էր: Եկել էին փայլուն, կրակե՛ր օրեր, հրդեհը ծաշր առած բոցեր էր տարտղնում ամեն ուղղութեամբ: Զահե ձեռքին և բրտնաթոր՝ վազել էին նրանք՝ կրակը տանելու բաղաբից բազաբ... Եվ ընկել էին նման շա՛տ շատերի... Երիտասարդին դեմ էին տվել մի լապտերի սյունի և գնդակահար՝ փռել սալահատակի վրա, իսկ իրեն՝ Աղդային, բանտից բանտ, որջից որջ լկել էին ու տանջել խոնավ գետնի, մութ խորշերի մեջ անոթի, ենթակա կոպիտ վարմունքներով: Լետո մի գինարբու մարդ, որ իշխանություն ուներ գաղափարները հալածելու, ուժով բռնաբարել էր նրան... ձեռքերը կապել տվել ու բռնաբարել...

Հիվանդացել էր, տարել էին հիվանդանոց, կանչել մորը: Լետո, կամենալով անշուշտ գինարբու մեծի վարմունքը ծածկել մի կերպ, Աղդային ազատել էին, ծնողներին հանձնել և հրամայել, որ իսկույն հեռացնեն զեպի հարավ: Ու տարել էին զեպի հարավ, բայց ո՛չ զեպի հայրենիք: Բռնաբարությունը ունեցել էր հետևանք: Մենք էր գավակի Ո՛չ, տեսնել չէ՛ր ուզում նրան: Զգիտեր ի՞նչ եղածը և ո՛րտեղ եղածը: Երեկ մայրը թողել էր անբախտին մի հեռու տեղ:

Այդ չէր ամենը, սակայն: Հայրենիք գալով, Աղդան երևան էր հանել և մի ուրիշ սոսկում, մի ուրիշ գարշանք:

Երիտասարդը, որին նա պաշտել էր և որի մեռնելուց հետո ապրել չէր կամեցել—այդ իրենալիստը, ո՛չ միայն հարաբերություն էր ունեցել կրթչի հետ, այլև Աղգաչի հետ եղած ժամանակ, պահպանելիս էր եղել սիրաչին ջերմ նամակագրություն այդ գարհուրելի աղջկա հետ: Զորհուրելի, որովհետև երիտասարդը նրա շորրո՛րդ, թե՛ հինգերորդ սերկանն է եղել... միաժամանակ...

Օ՛հ, բազմայրութուն, շա՛տ ամուսին ունենալ... Ինչո՞ւ ոչ, երբ տղամարդը կարող է լինել բազմակին, ունենալ միաժամանակ երկու, երեք կին, երեք սիրուհի, այլև հանդիպած կինը...

Այդպես էր: Իր կուտքը գրում էր տոփոտ, էրոտիկական այնպիսի նամակներ կրգային և ստանում է եղել այնպե՛ս կրքոտ, այնքան պողշոտ և երբեմն էլ խենեշ արտահայտություններով լի երեսներ, որ ես, Աղգան, երբ սկսել է կարգալ նրանց—զգացել էր իրեն որպես ենթակա անօրինակ մի մղձավանջի... Եվ այդ նամակները գրվել են ու ստացվել այն ժամանակ, երբ ինքը—Աղգան, երջանիկ զգալով իր սիրեկանի զբոկում, համոզված է եղել, թե դեռ քի՛չ է սիրում իր կուտքին, իր աստ

ան և թե հարկավոր էր մեռնել նրա համար, ապացուցելու, որ արժանի չէ՛ր նրան, որ գոհվե՛լ էր ուզում նրան...

Ա՛հ, միամիտ հիմարություններ և մարդկային անհատակ կեղծություն, որ մի անգամով փշրել է նրա մեջ և՛ հավատք, և՛ սեր, որ մի հարվածով խտտացրել է նրա կրած տանջանքները, շեշտել է նրանց այրվածքները: Ռոմվհետև, երբ մարդ կորցնում է իր ետին ապավենը՝ անցյալից մնացած երջանկության հիշատակը, երբ մարդ ապացույցն ունի, որ այդ հիշատակն անգամ գարշելի է և նողկալի, այն ժամանակ անէություն է ցանկալին, որովհետև կրած բոլոր տանջանքները վերանորոգում են իրենց մրկող, իրենց խարանող այրվածքները...

Սիրել այդպե՛ս ու խարված լինել վատաբա՛ր, կորցնել զեպի կյանքը ունեցած հաճույքները, գարշանք ու ստորացումն զգալ անընդհատ իր մարմնի վրա և այն հրեշավոր հպումների հիշողության տակ երազների՛ մեջ անգամ ցնցվել... Օ՛հ, շափազանց շատ են դրանք՝ մի բանի կյանք իսկ ջնջելու համար...

Կար և մի ուրիշ բան. դա այն հուսախաբ հիասթափությունն էր, որ լքացնում էր պակասը, ջնջում էր նրա մեջ՝ կյանքից որևէ հույս ունենալու ետին հաճույքը:

Այստեղ Աղդան լռեց և ոտքի ելավ:

— Ո՛րն է այդ,— հարցրեցի ես,— հիասթափություն ինչի՞ց: Նայեց ինձ, կարծես տարօրինակ գտնելով, որ չհասկացա: Լետո նշան արավ բայելու և ասաց.

— Հիասթափություն միշտվայրից... Անդրադարձե՛ք մեկ մեր շրջագատի վրա... Լուռ է՝ ինչպես անապատ, անշարժ՝ որպես ճահիճ. ո՛չ միայն անշարժ, այլ հետզհետե գառջահոտ և լի գեռուններով. երեկվա մեք սովառնող բազենքը այսօր ճախնուտների մեջ են իրենց փորք կրշտացնելու իջել... Մեծանում է անապատը մի՛ կողմից, ճահիճը՝ մյուս: Ամեն մեծություն փշրվել է և թխլիկ քաղքենիներ գոյացել. նույնիսկ մտադրականության մեջ կազմվել է մի գարշելի՛ բարձուկանություն, որ իր ճանկերի մեջ լզպորում է ամեն միտք, ամեն թոխը... Ամեն որ բայում է մենակ. կամ ինքն իր մեջ ամփոփված՝ որպես ջրակույտների կողքին մի ոտքի վրա կանգնած երկարակտուց արագիլ, և կամ, բողոքի ամեն մասդրություն բանադրանքի տված, լիբերալիզմի բազմաներկ գրշն է բռնահարում ու նրանով բարոյախոսում...

— Դուք խի՛ստ եք:
— Բայց ճշմարիտ եմ... Զկա՛ մեծ շնչով առկցուն այն շքե՛ղ երիտասարդությունը, որ պատմություն մեջ գիտե՛ նոր էջեր բանալ. չկա՛ն

փորձառու հասակավորների այն երկաթե լուրջ ցնցումները, որոնք հասարակական կյանքը գիտեն մաքրել ամեն աղտեղությունից և ոչաբային մտավախությունից... Չկա ո՛չ մեկը. այժմ ամեն ոք ճգնում է ապացուցել, որ ինքը եղել է և կա բարեհույս ավելի՞ քան ամեն բարեհուսություն. ամեն ոք կերպի ձեզ, որ խոնավ չէ՞ օդը, խավար չէ՞ շրջապատը, մոռյլ չէ՞ երկինքը... Կզանեք նույնիսկ հայհուղներ լուսին, գովաձայնողներ՝ ամեն գարշանքի...

— Մի՞թե այդ բոլորը ձեզ հետաքրքրում է,— ասացի ես։ Լեռն զգալով, որ կարող եմ վիրավորած լինել այդ հարցումով, ավելացրի.— Ներեցեք, սակայն ինձ թվում է, որ ձեր սեփական տանջանքները շատ ավելի մեծ են։

— Այո՞... սակայն ահա իմ մտածությունը։ Մարմինս ու սիրտ զգվեցնում են ինձ. փորձեցի ստուգել, թե արդյոք չէ՞ր կարելի փալ մեռնելու հանուն մի լավ գաղափարի. գնալ գլխովին նվիրվելու մի լավ լուսարար, փրկարար գործի, մոռանալ անձս, տանջանքներս, համառու կունությունս և անձանձիր զոհողություններով նետվել հոսանքը բերող աշխատություններին... Այդ էր մնում միայն ոգևորող, այդ էր մնում իբր նպատակ. ուսումս շարունակել չէի՞ ուզում և սիրտ չկար... Ինչո՞ւ, ավելորդ չէ՞ր... Ի՞նչ փուլթ իմ լլկված անձը այլևս... Որոշեցի վերանորոգել հարաբերությունս հին, գաղափարակից գործիչների, բնկերներիս հետ... Ճանաչում եք դուք Սերյոժային։

— Կիզայի եղբորը։

— Այո։ Զին, աշխույժ գործիչներից է։

— Չի երևում այդ։

— Անշուշտ... Այդպես չէր այն օրերում։ Այժմ նա, մայրաքաղաքում եղած ժամանակ, ոռճիկ է ստանում զանազան մթին տեղերից... Մայրը շատ դրամ չունի։ Տղան սիրում է թղթախաղ և կանայք։ Մի քանի սիրուհիներ ունի։

— Այդ դուք հաստատ գիտեք։

— Գրել է ինձ իմ ընկերուհիներից մեկը և զգուշացրել։ Հայտնի է ամենքին այնտեղ... Բայց կան և ուրիշներն էլ այդ «հին հերոսներից» Ով չի՞ կարողանում այդպես հեշտությունս ծիծաղել մեր քթին—նա ընտրում է ուրիշ տեսակ անկումն։ Նրանցից մեկը, օրինակ, գինետների սեղանների տակն է որոնում իր կորցրած գաղափարները. երկրորդը մոտենացել է, գործարանատեր դարձել և տրամագծորեն գործում է այն մտքերի հակառակ, որոնց համար նա կոկորդն էր պատում և պատենչներ էր կառուցում... Բայց ի՞նչ հարկ երկարել։ Ինձ ծաղրեցին, երբ ես գիմեցի մի քանիսին՝ հայտնելով ցանկություններս։ Խո չէի՞ գժվել. պետ

էր զգույշ լինել այդպիսի նամակներ անգամ գրելուց։ Է՛հ, խելքս ո՞րտեղ էր, չէի՞ տեսնում մի՞թե, որ մարդիկ ապրել են ուզում, բույներից օգտվել, կյանքը լիաբուռն վայելել և այլևս «հիմարություններ» չանել... վայելի՞ր դու էլ կյանքը, սիրի՞ր, ապրի՞ր, կոխի՞ր ամեն բարոյականություն. ի՞նչ բարոյականություն, հիմար խո չէի՞, կինը եղել է հանձնվելու և տղամարդը՝ առնելու համար. ահա կյանքի ամբողջ միտքը, էությունը. դրանից դուրս՝ ոչինչ։ Վայելք սիրո, միմիայն վայելք՝ իբր ամենաբուռն տեսակներով... առա՛նց քաշվելու նույնիսկ պարծենալով, քնարագո՛չ...

Եվ Ադդան լուց։ Հասել էինք անտառի վերջին. այժմ մարգագետիններն էին սկսում։ Ճանապարհնիս անցնում էր նրանց միջով։

Սկսեցի խոսել ե՛ս։ Զանազի Ադդային մխիթարել, հույսե՛ր տալ, հորդորել՝ որ մոռանա անցյալը, թողնի՞ երազները, հաշտվի այն մըտքերի հետ, թե կյանքի մեջ և՛ ճահիճներ կան, և՛ ջինջ աղբյուրներ, և՛ անապատ կա, բայց և անուշաբույր ծաղկալից բարձրություններ։ Ծրգանցի ապացուցել նաև, թե ամենքը խաբեբա չեն ու տոփամոլ՝ ամեն ազնվություն ծաղրելու շափ։

Մի խոսքով ամեն ջանք ու պերճախոսություն գործ դրի ապացուցելու, որ խավարը մշտատև չի՞ կարող լինել և որ արշալույսը վաղ թե ուշ՝ անշուշտ պիտի ծագեր։ Իսկ ինչ վերաբերում է այդ «հերոսներին», նրանք այժմ էր, որ իրենց սեփական գույնն էին ցույց տալիս. եղել են նրանք կե՛ղծ։ Ուրախ պիտի լինել, որ ետագարձ շարժումները դիմակազերծ են անում այդպիսիների՝ նոր փորձանքներից ազատ պամակազերծ են անում այդպիսիների՝ նոր փորձանքներից ազատ պահելու համար ապագա գործունեությունը... Չպե՛տք էր երբեք հույսը կտրել։ Չէ՞ որ կային բարձրություններ. մարդիկ կարող են ցրվել, մանրանալ, բայց գաղափարը խո չի՞ մեռնում... Եթե կան բարձրություններ, ուրեմն և նրանցից ելնող ջրերը անշուշտ պիտի հոսանք կազմեն... Հոսանքը նոր ուժեր կծնեցնի. ահա այդ հոսանքին և այդ նոր ուժերին պետք է սպասել ակնդետ...

Լսում էր ինձ Ադդան, առանց առարկելու, առանց նայելու։ Վերջացնելուցս հետո՞ էլ ոչինչ չխոսեց, բայց նկատեցի, որ դեմքի ո՛չ մի գիծը չխաղաց։

Չէր հավատում. չէի կարողացել համոզել։ Անշուշտ, նոր չէին և ոչ էլ ազդու՝ իմ մխիթարությունները. ես ինքս գտա նրանց բավական ծամծամ մտքեր, որոնք միալար կրկնված՝ այժմ այլևս ձանձրացնում են և երբե՛ք համոզում։

Հասել էինք իրենց տան առաջ։ Սեղմեցի պարզած ձեռքը։

— Չտեսնվե՞նք այլևս,— հարցրի։

— Ին՞չ ոչ,— ասաց նա:— Շնորհակալ եմ, որ ցանկացաք հայր ներշնչել ինձ:

Բաժանվեցինք: Սրբ մի բայլ էինք արել, հանկարծ ծովի վրայի տեսիլը միտս եկավ: Չգիտեմ ինչո՞ւ՝ մեքենաբար կանգ առա: Կարծես մի բան էի ուզում հարցնել Աղգայից:

Նա էլ տեսավ կամ զգաց կանգ առնելու: Սզատեց դռան մոտ և հարցրեց.

— Ուրիշ ասելիքներ՞ք ունեք:

— Ասելիքներ... Ո՛չ... բայց այո՞... Ասացե՛ք, խնդրեմ, դուք չե՞ք պատժել ինձ և կամ չգիտե՞ք արդյոք մի այդպիսի պատկեր. ծով, ծովի վրա մի կին՝ հերարձակ, ձեռքերը գլխի ետևը դրած...

— Ինչպե՞ս չե՞,— ընդհատեց նա,— բայց ո՛չ թե ծովի վրա, այլ ծովի ափին... Ստինքներից մինչև ոտները մի ձերմակ երկար պատճառան, դեմքը՝ բարձր, կուտակ ամպերին, որտեղից հշնում է լույսի մի լայն շառավիղ... Ե՛ս էլ երկար նայեցի նրան... Կգտնե՞ք դուք կիզաթ օճենյակի պատին, ճիշտ այն լուսամուտի դիմաց, ուր մի օր նստեցինք՝ օրիորդի նվազը լսելու համար...

— Ահա՛, իրավ՛ որ... Շնորհակալ եմ... Բայց մի՞թե այդ կինը նման է ձեզ...

Նայեց ինձ ժպտուն և ասաց.

— Ի՞նձ... Չգիտեմ, ճշմարիտ... Գուցե՛... Ստուգեցեք մի անգամ ևս...

Հետո գլխով բարևեց, նորից ժպտաց ու գնաց:

8

Այնուհետև զարձայ՛լ երկար ժամանակ շհանդիպեցի ես Ազգային: Յովափին կամ լողարանների առաջ նա չէր երևում: Ո՛չ իսկ գահավանդների վրա, թեև այնտեղ գնացածս ժամանակ քանի՛ցս ես պրպտեցի յուրաքանչյուր մատչելի բարձրություն, յուրաքանչյուր ծառախումբ: Վարպետության հարցրի Սերյոժային, նույնիսկ կիզային: Աղգան Գեյնչիք էր. երբեմն երևում էր այս-այն տեղ, բայց ընդհանրապես տից սկսել էր սակավ՛ գուրս ելնել:

Մի քանի անգամ մտածեցի՛ր գնալ տեսություն, բայց համարձակություն չունեցա. չկա՛ր առիթ. հրեմբեր չէի ստացել:

Ինչ վերաբերում է կիզային, կամաց-կամաց մեր նախկին կառուցած մտերմությունն էլ սառեց: Այլևս քի՛չ էր ուշադրություն զարձնում ինձ վրա: Պատճառ կար: Դրացի ամառանոցն էր նկել մի սիրունա-

ան և հարուստ երիտասարդ: Երևի կիզան նրա գլուխը դարձրել էր: Մարդը գրեթե ամեն օր զբոսանքների էր հրավիրում ամբողջ ընտանիքին, մեկ-մեկ էլ երկու ուսանողներին: Մի օր կառքով էին գնում Քանխոտ, մյուս օր՝ շոգեմալով, երբորդ օրը նախկներով պտույտի էին ելնում և այդպես անվերջ: Նախնացել էի ես: Ասեմք ի՛նքս էր գեմ չէի դրան: Այդ երիտասարդների ընկերակցությունը չէր գրավում ինձ:

Այնպես որ, երկրորդ ամիսը արդեն մնացել էի բոլորովին մենակ, թափառում էի ծովի եզերքները ամեն ուղղությամբ, անտառ ու պուրակ չէի թողել, որ ոտնատակ տված շիճերի: Մինչև իսկ դիմացի լեռան կեսը բարձրացա մի օր և վերադարձա, այլև այցելեցի Ֆրանսիական հեռավոր ծովափնյա գործարանը, ուր կրաղյուս էին պատրաստում և խոշոր շոգեմալերով արտահանում:

Այլևս տեսնելու բան չէր մնացել: Միևնույն տեղերը գնալուց զզվել էի լողանալուց էլ ձանձրացել, կարդալուց էլ:

Վերջերում սակայն, գտա փարոսի մոտերքը կառուցված մի կես գետնափոր հյուղ, ուր ապրում էր մի ձերուսի տաճիկ ձկնորս:

Ինքնատիպ, կյանքի դառնություններից լավ կրթված ու փորձառու զարձած այդ արևելցին հետաքրքրեց ինձ: Հաճույք էր պատճառում նրստել նրա կողքին՝ հյուղի հովանու տակ և լսել:

Երկու հոգի էին՝ հայր և օրդի: Ամեն տարի այդ ամիսներում գալիս էին՝ հյուղը նորոգում, ձուկ էին բանում և տեղն ու տեղը վաճառում, այդպիսով քիչ գումար էին ունենում և տուն վերադառնում:

Գրեթե ամեն օր այցելում էի նրանց, մանավանդ երեկոյանները: Հաջնում էի վերաբերու ծովից փչող հովից պատասպարվելու համար, իջնում էի ծովափը և ժամերով նստած մի ժայռի վրա, դիտում էի, թե ի՛նչպես հայր ու օրդի ցցեր էին տնկում ջրի մեջ շեղակի ուղղությանը: Տեսա մե՞ծ թուռք տանում դեպի ծովի խորքը, լարում ծովաբերանի առաջ և լվանը բերում՝ խրճիթի մոտ խփած ցցին կապում:

Այդ գործողությունը տեսնում էր մի բանի օր: Հետո սկսվում էր ձրկնորությունը, որ տեղի էր ունենում առավոտը լուսաբացին: Հրճվանքով ներկա էի լինում, երբ թոռից ափի վրա էին շուտ տալիս և կամ նավակի մեջ՝ բազմաթիվ փոքրիկ, ոստոստուն, արծաթափայլ ձկներ: Երբեմն նստում էի ձերուսու և օրդու հետ նրանց նավակը և գիշերով սահում-գնում էինք մինչև ծովի բացը, ուր որսորդներն իրենց ուսկանն էին հարդարում, ամեն կողմից գննում և կամ կամաց-կամաց հավաքելով՝ պատրաստվում էին դուրս բաշել:

Ուսկանի ժողովելը տեղի էր ունենում առավոտը չա՛տ շուտ՝ լուսա-

գեմին, երբ արշալույսը գունավորում էր ծովի հորիզոնը և լեռների գագաթները:

Մովի բացը, հեռուն, հետզհետե շառագույն ու մշուշոտ, ջրերը գողտքիկ նազանքներով և ծփանքներով համընթաց գալիս էին հավելու ծովի մեջ, հետո նորից, վետ-վետ ծավալումներով աջ ու ձախ էին սփռվում և գնում էին նետվելու դեպի ակերը:

Եվ մեր նավակը երերուն այդ ծալքերի մեջ ընկած, մեծածուխ շարժումներով ետ ու առաջ էր սահում՝ դեկավարված ծերունու ձեռքով:

Սկզբներում ո՛չ մի անգամ բաց չէի թողնում, իսկ հետո շաբաթ գոնե մի օր անշուշտ, շուտ զարթնելով, հասնում էի՝ ձկնորսներին ընկերանալու նրանց նավակի մեջ, ուր սակայն անգործ ու անշարժ նրատաժ՝ միմիայն հորիզոնն էի դիտում և կամ ծերունու շարժումներին հետևում:

Այդպիսի մի թարմ առավոտ էր ահա, որ երբ ծոցի մեջ կանգնեցրած վերջին ցցիցն սկսելով՝ ժողովում էին ուռկանի շուրթերը, հանկարծ որդին թողեց գործը, ուղղվեց մակույկի մեջ, մի ինչ-որ բառ աղաղակեց, և հայր ու որդի մեկե՛ն թողած ամեն ինչ, անշարժեցրին նավակն ու ակնարկները սևեռեցին դեպի ծովը:

Ե՛ս էլ նայեցի: Բավական հեռուն, ջրի երեսին ծփում էր ինչ-որ խոշոր սև բան: Կարծես կոճղ լիներ և կամ նման առարկա:

Մոտենում էր համր ու մեծ շարժումներով: Ձկնորսների երկարատև սևեռուն հայացքը սկսեց վրդովել ինձ:

— Ի՞նչ է այն... — հարցրի վախեցած:

— Խեղդված մարդ է, — ասաց որդին:

Խեղդված մա՞րդ... Այդ ջրերի տատանումների վրա օրորվող առարկան ուրեմն մի մա՞րդ էր, մի թշվառ, որ գուցե լողանալիս խեղդվել էր կամ ո՛վ գիտե ուրիշ ինչպիսի արկածի զո՞հ էր եղել...

Սոսկումը կրճբումս, ջղային դողի ձեռքն ընկած նորից, թոթովեցի

— Մա՞րդ... բայց ո՞վ է, ճանաչո՞ւմ եք:

— Զի՛ ճանաչվում, — ասաց որդին, — բայց կարծես մեզնից մեկը լինի. ձկնորս...

— Ուրիշ ո՞վ կլինի, — խոսեց դառնությամբ հայրը, — մեր բոլորիս վերջը այդ չէ՞:

Դառնությամբ ասված այդ խոսքը բոլորովին չհանգստացրեց ինձ: Ակնարկս լարված՝ ճգնում էի որոշել առարկայի գծերը: Ինչ-որ ուռուցիկ բան էր երևում ջրի վրա, բայց դեմք չկար դեռևս:

Անձկությամբ սպասեցի: Լույսը սկսել էր լավ բացվել, մշուշը ցրվում էր: Հանկարծ որդին հորը դարձավ ու ասաց տաճկերեն.

Նայի՛ր, հա՛յր, կարծես կին լինի:

— Կի՞ն... — ճշացի ես ջղայնորեն և սարսափով, — ասացիք կի՞ն:

— Այո՛, — հաստատեց ծերունին, — կին է, երիտասարդ կին:

Նույնիսկ երիտասա՛րդ... Արդեն լավ տեսնում էին այդ ձկնորսները, իսկ իմ աչքերը մթագնում էին:

Եվ, սոսկալի՛ բան՝ կայծակի նման կիզիչ ու արագ՝ մի այնպիսի ցնցում անցավ մարմնովս, որ սրտիս բաբախումը մի վայրկյան կանգ առավ կարծես: Խեղդիչ անձկություն, աննկարագրելի ճմլումն կսկծեցրեց հոգիս...

Արդյոք հիմա՞ր էի, ո՞վ ներշնչեց ինձ այդ միտքը, ինչո՞ւ, ո՞րտեղից...

— Մո՛տ գնանք, մո՛տ գնանք, — կանչեցի ես անավոր ձայնով ու խելահեղ, — մղե՛ք այն կողմը նավակը, ազատե՛նք թշվառին. գուցե դեռ շնչում է՝ կենդանի է...

Ծերունին ինձ նայեց զգայուն դրությունս հասկացողի արգասատանքով, զլուխը ցնցեց և ասաց տխուր.

— Ավա՛ղ, ուշ է արդեն. երեկ գիշերվանից սկսած՝ ջրի մեջն է նայի՛ր...

* * *

... Ու պառկած էր նա, այդ դժբա՛խտ կինը, ընկա՛ծ մեջքի վրա, կապույտ բողի նմանող ջրի նուրբ շերտի տակ. մազերը ծովային կանաչավուն ճապաղ խոտերի խառնուրդի հետ փովել էին պլիսի շուրջը և դեմքը գունատ ու արձանացած, կապույտ աչքերը գրեթե փակած՝ ուղղված անորոշ անհունության, թողել էր այլևս ամեն վիշտ և հիշողություն, հավիտենապես ազատվե՛լ իր մեծ տանջանքների հոգեմաշ անդրադարձումներից, ու չէ՛ր կամեցել զոհե՛րկ կերպով ապրել՝ վայելելու համար անասնային, բուսական այն կյանքը, որի զոհն էր եղել ինքը...

Աղդան էր: Կյանքը լսճճել էր նրան իր ուստայնի մեջ, ծծե՛լ էր կենսական բոլոր նյութերը և այժմ դուրս էր նետում անողոք պաղարյունությամբ:

Կյանքը, միջավայրն ու ժամանակը...

Բասենի բարձրավանդակ բլուրների վրա դեռ գարնանային եղանակ էր, շնայելով որ հունիսյան շոգերն սկսել էին դաշտի մեջ:

Դեռ հեռավոր գագաթների և ստվերամած խորշերի հատակում սպիտակին էին տալիս ձյունի շերտեր, բաց տեղերում, գորշ թացության մեջ դալար կանաչությունը թավշանման քնքշությամբ գորգ էր կազմում՝ բծավորված և կտոր-կտոր եղած բազմաթիվ վճիտ առվակներով ու ջրակույտերով: Մանիշակագույն ծաղիկներ՝ գանգակաձև լալան, շեփորածև կանաչն ու փոքրիկ, գոլտրիկ գինեբրուկը խմբերով պշտակ էին կազմել վտակների շուրջը: Այս-այն կողմ գարնանային դեղին ծաղիկները գլուխ էին դուրս պարզում բարոտ վայրերի և փոքրիկ խորշերի միջից: Հեռու, բավական բարձրացած ցորենի և գարու կանաչ արտերի մեջ բարձրագույն՝ կապույտ շերտեր էին դնում խիստուկները, և կապույտ շուշանը ճախնուտ կողմերում բացվել, իր մեծ նուրբ թերթերը ցնցում էր մեղմիկ զեփյուռի տակ:

Այնչափ կանաչ բլրակներ՝ հետզհետե բարձր, գույնզգույն ծաղիկներով ու փողփողուն ջրերով շերտավորված, սարահարթեր՝ միմյանցից գեղածիծաղ, միմյանցից կենսապարար, շրջապատում էին այն մենավոր անկյունը, ուր գարնան սկզբից ի վեր իջել, բանակեղ-իջել էր հայ բոշաների մի ցեղ, գորշ վրանների տակ, մեղմիկ ցած սահող ջրվեժի կողքին, փոքրիկ, բայց շքեղ հարթության վրա:

Ելուղերը հեռու չէին. մի քանի բլուրներ, և ահա տարածվում էր Հասան-Ղալայի դաշտը՝ կտրված մեծ, պղտոր Երասխով. ամեն կողմ գլուղեր, հեռվում՝ հնացած խարխուլ բազաքն ու իր ապառաժուտ կողերով բերդը, դեպի ձախ՝ ոլորապատույտ՝ Տեև-Պոյունուի կիրճը, դեպի աջ՝ Բասենի շքեղ դաշտը. ապա, հօթիզոնը մշուշի մեջ՝ լեռներ ու լեռներ, բարձր, դաժան շղթաներ..

Բոշաների բանակած տեղը թե՛ գեղեցիկ էր և թե՛ ապահով: Մի քանի քայլից հետո մի արահետ, քսան րոպեի վազքով, կհասնի Հերթև, ձիով երկու ժամ՝ դեպի բերդաքաղաք: Թոշա կինն ուրեմն կարող էր առավոտ շուտով ելնել մտնել դաշտը, հինգ-վեց գյուղ թափառել և երեկոյան—վերջալույսին վրանները վերադառնալ:

Ցերեկները վրանների առաջ քիչ բազմություն կար և քիչ էր կենդանությունը: Ահագին գամփոները քնում էին արևի տակ. էջերը, եթե կաշտ չէին իջել, արածում էին բոշա մանուկների հսկողություն տակ:

մանուկները խտտերի մեջ, մեջքի վրա տարածված, երազում էին բաց երկնքի տակ կամ քնում, իսկ տղամարդիկ, վրանների հովանու ներքե, մաղ էին գործում կամ փսիաթ: Մի քանի կանաչք, դեռ ջահել հարսները, վրանի առաջ օջախ շինած, փշերից ու գյուղերից բերված փայտներից կրակ կազմել՝ կամ կերակուր էին եփում, կամ լվացք անում և կամ, խումբ առ խումբ, քիչ հեռու, ծաղիկների և ջրվեժի կողքին, գուլպաները ձեռքերին գործում էին և խոսակցում:

Գիշերն էր, որ սկսում էր մի եռուն, զվարթ կյանք վրանների առաջ: Ամենքը տուն մտած վերջալույսին՝ տեղավորում էին իրենց բերածը, ապա ճաշում, հետո, աթոռակալի՝ իրենց ցեղապետի վրանի առաջ մի մեծ խարույկ վառում, և երբ մութն իջնում էր բլուրների վրա, երբ լուսինը կաթնագույն լույսով ողողում էր այդ սքանչելի բարձրությունը, պլուլացող խարույկի շուրջն էին կիտվում բոշաները, գալիս էր հովվական տիկը կամ ջութակը, և օրվա անցքերի մասին խոսելուց հետո, գիշերային լուսության մեջ, շների ընդհատ ունոցների, մանուկների զվարթ ճիչերի մեջ սկսում էր երաժշտությունը. բոշայական տխուր, մեղամաղձոտ նվագը, որ արձագանք սփռելով՝ թրթռում էր ու իջնում ծործորների մեջ, կամ երերուն ու մեղմիկ՝ գնում մեռնելու դեպի բարձրություններ:

Նվագում էր տիկը միաձայն, մի տխուր խազի երկար տևողության միջից, մեղմաձայն արտահայտելով երգի թախժոտ ելևէջները, որոնք ելնում էին, ելնում ոլորուն ու ճնշող, ապա հանդարտ ու գեղզեղ՝ իջնում, կորսվում էին միաձայն խազի գրկում...

Եվ տխուր խազը մի վայրկյան հանդարտ օրորվելով, նորից բաժանում էր իրենից երգի ելևէջը և նորից նստում նրան դեպի տարածությունը:

Այդպես ժամանակ շներն իսկ դադարում էին հաշիւուց և խարույկի սփռած լույսի հեռավոր ազատություն մեջ, գլուխները թաթերի վրա առած, անշարժ, ուշագիր, աչքերը երաժշտի վրա, դեմքերը կծկած՝ լսում էին: Մանուկները՝ ծնկները բարձր, գլուխները ծնկների վրա, կուշ եկած կամ թափալած խոտի մեջ, ակնարկները հորիզոնին, աշխատում էին ոչ մի խազ չկորցնել մեղամաղձոտ երաժշտությունից:

Ամեն բոշա սիրում է երաժշտությունը. այնքան է սիրում, որքան իր ազատությունը, որքան իր բաց երկինքը: Ամեն բոշա մանուկ բանաստեղծ է, սիրահար՝ երգի, սիրահար՝ լուսնկա պայծառ երկնքի, պսպղուն կապույտ երկնակամարի, դալար-ջրաշատ բարձրությունների և մեղամաղձոտ, երազել տվող երաժշտության:

Եվ ահա նստել են բոշա տղամարդիկ շիբուխները ձեռքերին, վառվող խարույկի լույսի մեջ ու գլուխները կախ՝ լսում. բոշա կանաչք

անհաղար գուլպա գործելով կամ բուրդ մանկելով խումբ առ խումբ տեղ են բռնել քիչ հեռու, և նվագողի դեմքն է միայն, որ ուռած թշերով և մեծ տիկը բերնին դեմ տված, ոգևորված ու կարմրատակած, աչքերը դեպի բարձր՝ լուսավորվում է կատարելապես:

Հետո հանկարծ, միաձայն խաղի մի ընթացի տևողությունից հետո, նվագողը շարժվում է և սկսում մի պարերգ. մի կաթավոր, թուշկոտուն, զվարթ պարերգ, որ շարժում է ձգում մանուկների մեջ, շարժում է շնորհի իսկ: Կանայք միմյանց երեսի են նայում, տղամարդիկ կանանց աչքերով պարի հրավիրում, մանուկները՝ սողալով ավելի մոտ գալիս. հետո մեկեն մի երիտասարդ ցատկում է մեջտեղ, ձեռքերը տարածում, մարմինը կտրատում, նազանքներով սահում գետնի վրա և իր վրա պտույտներ գործելով՝ շրջաններ է գծում խարույկի շուրջը:

Ու բոշաները սկսում են մեղմիկ ծափահարել. մի քանիսը բթամատով և երրորդ մատով շրփացնում են, ուրիշները խուլ ձայնով շվրջացնում, իսկ ցեղապետը սիրալիր ժպտում է և գոչում.

— Գե՛հ, աղջիկնե՛ր, ձե՛զ տեսնեմ...

Բայց կանայք դեռ չեն շարժվում, դեռ նազ են անում, միմյանց առաջ մղում, միմյանց հրավիրում:

Ու մեկեն մի հարս, մի համարձակ կին ոտքի է ելնում ու առաջ նետվում: Երիտասարդը ետ է քաշվում ու նստում: Այժմ կինն է պարողը:

Սրանում է կինը ձեռքերը շրփացնելով, մեջքն ու իրանը կտրտելով: Երբեմն այնպես կռանում է և շնորհալի՝ դեպի գետին հասնում, որ կարծես մտադիր է պառկել. այդպես կռացած՝ նա սրանում է և հանկարծ զսպանակի պես վեր նետվում և նորից մեկ այս, մեկ այն կողմ ծովելով, ձեռքերն օրորելով, կոները պտտեցնելով՝ ժպտող դեմքին՝ սահում է, կարծես ոտքը գետնին չի կպչում...

Նրան քիչ հետո դեմ առ դեմ է գալիս մի ուրիշ կին, և ահա սկսում է գուլպա պարը: Երկու հանդիպակացները միևնույն շարժումներով խաշաճ նախ կտրում են իրար, միշտ խաչեր կազմում, կանոնավոր խաչեր՝ կենտրոնը խարույկը, և ոչ մեկի շարժումը մյուսից չի զանազանվում. ծովում են միասին, նույն նազանքներն անում, նույն ամանակով մատերը շրփացնում և նույն ընթացին խաշաճ գծերի ծայրերը հասած՝ միաժամանակ դառնում, դեպի կենտրոն են սրանում ու կենտրոնից դեպի խաչի թևերը սահում...

Այդ բոլորը կատարվում է այնքան արագ, այնքան ճշտությամբ, որ սքանչելի մի տեսարան է պատկերանում՝ միաժամանակ միմյանց մեջք դարձնող կամ դեպի կենտրոնը եկող և ապա լայնություն թևի երկու ճյուղերը գնացող գուլպից:

Տասնհինգ ընթացակարգի երկու կանայք պարելուց հետո երկարության թևի ծայրերից դեպի կենտրոնն են գալիս, միմյանց կպցնում գլուխները, և պարն այդպիսով վերջանում է:

Այնուհետև երաժշտությունը լուռ է, և սկսում է մի խոսակցություն: Ամեն ոք պատմում է իր տեսածն ու լսածը, դաշտից, գյուղերից բերած համբավները: Մանուկները հեռվում խաղում են, և աթոռակալը մյուս կողմում՝ դատում է և խորհուրդներ տալիս. բոլորը պատկառանքով լսում են ծերունուն՝ այդ փորձված բոշային, որ գիտե բոլորի ցավերը, բոլորի ուրախությունները:

Հետո նվագողը նորից տիկը ձեռքն է առնում, և ահա կանանց ու տղամարդկանց խումբը սկսում է երգել նախ մեղմ, ապա ուժգին, և սարահարթը լցվում է մի անուշ երաժշտությամբ. մանուկներն իսկ ընկերանում են, խարույկը պլպլում է, բոցեր արձակում, ճարճատում, շողում...

Ահա այսպես էր կյանք վարում Բասենի այն թափառական հայ բոշաների մի խումբը, որոնց մեջ էր նաև Մարգոն:

Այդ խումբը Փոքր Ասիայից, Պոյապատի կողմերից էր եկել, փախչելով հալածանքներից, թափառելով մտել էր էրզրումի նահանգը և ձմեռը քաղաքներում, իսկ այս ամառ, գարնանից ի վեր եկել էր Բասենի դաշտը՝ մտադրելով մինչև ձյունների իջնելը մնալ այնտեղ:

Մարգոյին ամենքը ճանաչում էին և ամենքը հարգում այդտեղ: Նա իր օջախը, իր վրանը չունեց. հյուր էր ազգակիցներից մեկի մոտ, բայց իր աշխատանքովն էր ապրում: Ո՛չ ոք նրա պես ճարպիկ, շատ հավաքող և մեծ պաշար բերող շկար ամբողջ վրաններում: Ո՛չ ոք նրա պես երկիրներ տեսած, ամեն անկյուն, ամեն ճանապարհ ճանաչող չէր, և՛ ոչ ոք սակայն՝ նրա պես մուսյլ ու տխուր, լուրի ու մտախոհ չէր ամբողջ ցեղի մեջ:

Բոլորը գիտեին Մարգոյի պատմությունը: Գիտեին, թե նա վաղուց թափառում էր՝ պղծված օջախի պատիվը վերականգնելու համար:

Իր ծերունի հայրը չէր կարողացել սպասել. մի սուրուց հետո մեռել էր: Մարգոն ստիպված էր եղել միառժամանակ ընդհատել հետախուզությունը, գալ՝ որդիներին առնել և տանել էրզրում, իր քրոջ մոտ:

Այդ օրից Պոյապատի բոշաներն այլևս չէին տեսել նրան, բայց գիտեին, որ կենդանի է և վրեժխնդրության ոգու պես բայլում է պաշտոնյաների մեջ՝ որոնելով իրեն անպատվողին ամեն տեղ:

Եվ ահա հանկարծ, երբ ընդհանուր ավերածություններից ստիպ-

1 Տես «Սանթո» պատմվածքը:

ված, բողոքների այդ ցեղը էրզրում էր գաղթել և մի ամառ լեռներում վրաններ էր խփել, մի գիշեր հայտնվել էր Մարզոն մոայլ և տխուր: Ոչ ոք նրան բան չէր հարցրել, ամենքը նրան ընդունել էին մի առանձին խոնարհ հարգանքով և թողել, որ նա իր ուզածն աներ:

Ու Մարզոն այժմ ա՛հա, երբ երեկոյան այդ լուսնկային պարում էին իր ցեղակից հարսները, նստած էր կանանց մեջ լուռ և խոնարհ, զլուխը ծնկան և աչքերը կրակին:

Եվ անցնում էր նա իր հին հիշողություններին: Հիշում էր, թե ինչպես ինքն էլ մի ժամանակ պարում էր զվարթությամբ այդ պարը, և ոչ ոք չէր կարողանում նրա նման հիացում ազդել: Հիշում էր, որ տղամարդկանց խելքերը գնում էին, երբ նա կարմրած ու բոցափայլ աչքերով, իր վայելուչ, երկար ու ճկուն հասակը ոլորտելով, սեթևեթ և զրզրիչ շարժումներով սահում էր գետնի վրայով, նազանքներով աչքերը սլորում, դյուրի ժպիտով շուրջը կախարդում և ապա հպարտ՝ իր սփռած հիացումով, գնում էր նստելու կանանց մեջ՝ տղամարդկանց աչքը միշտ իր վրա: Հիշում էր, թե ինչպես բոլորը նախանձում էին Աթթենին, որ այդպես քաջ, գեղեցիկ և համեստ կին ունի...

Իսկ ա՛յժմ. ի՞նչ էր նա: Գեղեցկությունից միայն աչքերն էին մնացել, որ այլևս չէին բոցավառվում, այլ լի էին մոայլ և տխրություն սփռող խոհերով: Հասակը նույնն էր, բայց այլևս ո՛չ գողտրիկ, ո՛չ ախճառն վայելուչ, և դեմքի վրա, կիզացած, այրված կաշին խորշումել էր, կնճիռներ կազմել, այտերը փոս ընկել, շրթունքները դառն արտահայտություն ստացել և սիրտը՝ մի ժամանակ այնքան զվարճություն, այնքան հրապույր սփռող սիրտը, այժմ ճնշված, դառնությամբ լի էր և վերալից...

Օ՛հ, նա կկենդանանար նորից, կվերստանար իր գեղեցկությունը, իր հրապույրը: Հասակը անշուշտ կուղղվեր, դեմքը կփափկանաք, աչքերը կբոցավառվեին նորից, եթե միայն գտներ իբեն այդ դուրսյան մեջ ձողիկն և վաղուցվանից պատրաստած սուր դաշույնը մխեր նրա կուրծքը, տեսներ նրա արյունի հոսելը, տեսներ նրա տանջվելը իր ութերի տակ և այդ բոլորով սրբեր իր հոր օջախը, իր զավակների անվան վրա ծանրացող անպատվությունը: Ոչ ոք, իհարկե, նրան անպատիվ, արատավորված չէր համարում. ամենքը գիտեին, որ նա բռնության զո՛հ էր:

Բայց ի՞նքը—ինքը՝ ոչ: Ինքն իրեն անպատված էր զգում և անպատվողի արյունը միայն կարող էր սրբել արատը, մաքրել, նաքից կյանք տալ զոհին...

... Եվ երբ սկսեցին երգել, Մարզոն հիշեց, որ ինքն էլ երգում էր այդ, մասնակցում նրան, որ ինքն էլ իր քաղցրիկ ձայնով հրապուրում

էր բոլորին, և վաղուց, շատ վաղուց էր, որ մի խազ չէր հանել կոկորդից: Մոռացել էր իսկ երգի խոսքերը... Ու դառնացած՝ սկսեց լսել:

Քիչ հետո խմբական երգը կանգ առավ: Այժմ մի տղամարդ, ձայնը բարձրացրեց և սկսեց մի հնամյա երգ.

Թեև մութն իջավ, երկինքը պատեց,
Թեև սառ ելավ, երկիր պաղեցրեց,
Բայց մթան միջից լո՛ւմ աղջիկն ելավ
Ու սառի միջից՝ ջերմություն սփռեց...
Լո՛ւմ աղջի՛կ սիրուն, աչքերդ լույս տվին,
Լո՛ւմ աղջի՛կ սիրուն, սիրտդ ջերմ սփռեց...

Դրան որպես լյառաօխան, կանանց խմբից լսվեց մի սիրուն ձայն, որ երգում էր.

Թեև մութն ընկավ, երկինքը պատեց,
Թեև սառ ելավ, երկիր պաղեցրեց,
Բայց մթան միջից ե՛ս քեզ լույս կբռամ,
Եթե դու լինես իմ տանը հսկան:
Եվ սառի միջից ես քեզ սիրտ կբռամ,
Եթե դու փնձս առյուծի նման:
Լո՛ւմ տղա կար՛նձ, աչքերս քեզ կբռամ,
Լո՛ւմ տղա կարի՛ճ, սիրտս քեզ կբռամ...

Այս ընդգրկմախոսական երգը պարբերաբար շարունակվեց, և ամեն անգամ երգում են առարեր նյանաչք: Եղանակը գողտրիկ ու կայտառ, բայց միատեսակ էր և նմանում էր վիճաբանության: Մանուկները թողնում են ամեն բան և մոտենում. աթոռակալը ժպիտն երեսին դիտում է վեճը, տղամարդիկ տաքանալով՝ միմյանց են քաջալերում և կանայք միմյանց հորդորում՝ ավելի սուր պատասխաններ շարադրելու:

Եվ հովվական տիկն իր միաձայն խազով ձայն է բռնում երգելիս, իսկ ընդմիջումներին՝ մի թևթև նախերգանք հնչեցնում: Ըստ երևույթին երգը մի հին, վաղածանոթ երգ էր. բայց վարպետությունը նրանում էր կայանում, որ երգողը պարտավոր էր նույն հանգերով և նույն եղանակի տակ ինքնուրույն, նոր քան արտադրել: Ռթթան սրամիտ էին առաջարկները կամ պատասխանները, այնքան գովասանք և հրճվանք էին ստանում:

Ահա շարժվեց մեկը, ձայնը բարձրացրեց և հանպատրաստից սկսեց.

Թեև մութն ընկավ, երկինքը պատեց,
Թեև սառն ելավ, երկիրը պաղեց,
Բայց խիստ խավարում համբուրը լո՛ւմ աղջկա
Շրթունքիս դիպած՝ խոշոր լույս կտա.

Եվ սառած երկիր՝ լո՞ւմ աղչկա սիրով,
Նորից շունչ կառնի, կանաչ կդառնա:
Լո՞ւմ աղչի՛կ սիրուն, համբույրդ հույս կոտ...
Լո՞ւմ աղչի՛կ սիրուն, սերդ կյանք կոտ...

— Է՛հե՛, է՛հե՛, վատ չէր... — գոչեց աթոռակալը, — ապա՞ տես-
նե՞նք, կանանց կողմից ի՞նչ պատասխան կգա:
Եվ մինչ տիկը նախերգանքն է անում, կանայք իրար մեջ փսփսա-
ցին, հետո մեկը ժողովեց իրեն, ձայնը բարձրացրեց և պատասխանեց.

Է՛յ մթան միջից կանչող լո՞ւմ լախուզ,
էյ սառի միջից աղաչող մանուս,
Լո՞ւմ աղչիկն երբե՛ք քեզ համբույր չի տա,
Լո՞ւմ աղչկա սիրտը քեզի չի՞ դառնա,
Եթե քո ձեռքը երկաթ չի՛ղբի,
Եթե քո սրտից սառը չհալվի:
Լո՞ւմ տղա քնած, լո՞ւմ աղչիկն երբե՛ք
Ոչխար չի դառնա, որ գա ու քեզ հետ՝
Միշտ խոտ արածա...

— Բա՛, բա՛, բա՛... — կանչեց աթոռակալը, — կերա՞ր, Գիյո՛ր, այս
էլ քեզ պատասխան. մարսեցի՞ր...

Ու բոշաները բոլորն էլ զվարթ ծիծաղ արձակեցին: Բայց հովվա-
կան տիկը շարունակում էր. կանայք սկսեցին տղամարդկանց ծաղրե-
լով գրգռել. սրանք էլ ամաչած, դրդում էին իրենց միջի երիտասարդ-
ներին ամոթով շմնալ:

— Տո ի՞նչ եք մնջել, մարդի՛կ, — կանչեց մի ծերունի, — ո՞ւր է
լեզուներդ... վա՛յ ես ձեզ ինչ ասեմ հա՛յ...

— Կնկա խոսքի տակը մնա՞լ... ծո՛, շխոսե՞ք...

Ե՛ս մթան միջից կանչող լո՞ւմ լախուզ,
Ես սառի միջից աղաչող մանուս,
Ձեռքս երկաթ փշրի՛ քեզ կոշիկ շինի,
Սիրտս աշխարհ դյութի, ոտքիդ տակ բերի...
Լո՞ւմ աղչիկ սիրուն, ասա՛, ի՞նչ կուզես,
Որ ինձ համբույրիդ արժանի տեսնես...

Կանայք իրար անցան. այժմ ամենքն էին ուզում պատասխանել
ամենքը բորբոքվեցին:

1 Բոշա տղամարդ:

2 Մարդ:

Բայց հանկարծ Մարգոն, որ լուռ լսում էր, շարժվեց, բուռն շարժ-
մամբ դեն հրեց կանանց, և ի զարմանս բոլորի, խոպոտ ու խուլ ձայ-
նով երգեց.

Է՛յ դու մթան մեջ կուչ եկած լախուզ,
Սառույցների մեջ շորացած մանուս
Ելի՛ր, մեյդա՛ն եկ, աղչիկս քեզ կտամ,
Աշխարհում մուրամ՝ բերեմ քեզ պահեմ,
Թե դաշույն ձեռքիդ օջախս սրբես,
Եթե թշնամուս ոտիս տակ բերես...

Ասաց և հրաբորբոք աչքերով ոտքի ելավ:

Բոլորն ապշել էին. տիկը լռեց և մի րուպի խոր, անշշուկ լռության
մեջ լավեց նորից Մարգոյի խրոխտ, դողողուն ձայնը, որ այս անգամ
առանց երգելու՝ գոչում էր.

— Տեսնե՛նք, ո՞վ է այն կտրիճ տղամարդը, որ աղչկանս ու օջա-
խիս արատը մաքրելու համար ցուպը ձեռք կառնի և կգա ետևիցս...

...Ու ճարձատում էր խարույկը, լուռ էին բոշաները: Եվ բնության
անորոշ, գիշերային տխուր շշուկն էր, որ սահելով լեռների կողից՝ գա-
լիս խառնվում էր ջրվեժի մեղմիկ շառաչներին: Լուսնկա տարածությու-
նը մշուշի քողով աղոտացել էր շրջակայքում և խարույկի արնագույն
կիսալույսի մեջ տեսնվում էին արևակեզ, կնճռալից, բայց հրաբորբոք
դեմքեր...

1897—1909

ՍԱՆԹՈ՛՛

(Հայ բոշաների կյանքից)

«Զորին ճոճ-հեր կուշարե...»²
Հայ բոշայական առած:

1

Ի՞նչ փոշի...

Շարժուն, հետզհետե թանձրացող մշուշի պես բարձրանում է ահա
գետնի զանազան կողմերից, պտույտների գործելով ու թավալելով սյու-

1 Բոշաների լեզվով նշանակում է «օջախ»:

2 «Սրին ապավինի, ես կպահպանեմ»:

նակներ կազմում, միմյանց վրա նետվում և ապա ցրվելով՝ տարածվում է ճանապարհի վրա և ամեն ինչ ծածկում յուր մեջ: Իսկ ամօթը, մոծակներն ու մոզուկներն, ճանձերն ու բզեզներն,— որոնք միմյանց խառնելիս կիտվում են ծառերի տակ և, հենց որ փոշին լուծվում է, խուժում են դեպի ճանապարհորդները...

Այդ ժամանակ էր ահա, որ հայ բողոքների մի խումբ արագությամբ քայլում էր դեպի Պոլսապատ ավանը, մտած փոշու և մոզուկների մեջ:

Խումբը բաղկացած էր նախ երեք էջերից, որոնք գլխիկոր, երկայնամիտ ականջները միայն շարժելով մոծակների դեմ, կրում էին իրենց վրա հասակավոր կանայք՝ գավակներին մի-մի կիսամերկ երեխա, իսկ կողքերից, պայուսակի աչքերի մեջ՝ երկուական մանուկներ, որոնք իրանց մազոտ ու փոշոտ գլուխները շարժում էին՝ քաշ ընկած մազերի տակից:

էջերի ետևից խմբովին գնում էին ուրիշ երկու մանկահասակ կանայք և շորս տղամարդ: Բոլորն էլ բեռնավորված տոպրակներով, մաղբորով ու զինված մեծ ցուպերով. բոլորն էլ փոշոտ, հոգնած և արևակեզ:

Լուռ էին. երբեմն միայն մեկը մի խոսք էր նետում մյուսին կամ մի ուրիշը քաջալերում էր էջերին՝ առանց զարնելու, փաղաքշական ձայնով. երբեմն էլ մանուկներից մեկն ու մեկը գլուխը հանկարծ դուրս էր ցցում պայուսակից և գոչում.

— Պանի... (չուր):

— Համբերիր, — խփում էր նրա գլխին էջի վրա նստած տատը կամ մայրը, — ջուր չկա դեռ:

Շրջակայքում ծառերը կորել էին փոշու տակ. ջրի ոչ մի նշույլ չէր երևում: Եվ փոշին պահ մի սկսում էր թանձրանալ այնքան, որ շարժվել անհնար էր լինում:

— Կանգ առնենք, Սրգո, — ձայնեց էջերից մեկի վրա նստած պառավը, — էլ գնալ չի կարելի:

— Զուր չփա, դեղ (մայր), — խոսեց ետևից գնացող տղամարդից երկարահասակը, որտե՞ղ կանգ առնենք:

— Այ, այն հեռավոր ծառերի տակ, — մեջ մտավ մի երկրորդ կին:

— Քշեք, քշեք, — ասաց մի տղամարդ, — քիչ հետո ձորն ենք հասնելու, այնտեղ ծառ էլ կա, ջուր էլ:

Եվ իրավ, երբ փոշին իջավ, հեռվում երևաց լեռնոտ ձորաբերանը: Փոշին այժմ ետ էր գնում. անցել էին նրա սահմանը. քամին ուղղություներ փոխեց. կանայք թոթափվեցին և մի թեթև զով քամի պարզեց բոլորի փոքրացած աչքերը:

Այն ժամանակ վերջին խոսող տղամարդը ցուպը դրեց վզի վրա, ձեռքերով բռնեց նրան ու սկսեց հրգել: Նրան միացավ մի ուրիշը, ապա մի կին, և քիչ-քիչ աճող խումբը: Կանանցից մեկը սուր ձայնով մի քանի մինոր խաղեր հանեց կոկորդից և կին ու տղամարդ միաձայն՝ հնչեցրին մի նորանշան, տխուր ու կծու եղանակ, որ սկսում էր կիսաձայնից, վերջանում կիսաձայնով և որ՝ նման դեպի օդը նետված զպանակի՝ վժժում էր նախ սուր, հետո հաստ, ապա մեղմանում էր, մարում և կարծես դոփշունով ընկնում-վերջանում:

— Լեվա՛լ-Լեվա՛լ... (աստված-աստված):

Կանչում էր սկսող կինը, հետո, մի արկնաթաթ խորին լուսթյունից հետո, կին, տղա, տղամարդ—շարունակում էին.

Այս սարերը, այս ձորերը մերն են,

Բռնողները ուրիշներն են,

Լեվա՛լ, Լեվա՛լ:

Այս դաշտերը, այս հողերը մերն են,

Հնձողները ուրիշներն են...

Անուշ քամին, լեռան ծաղիկ մերն են.

Շնչողները ուրիշներն են,

Լեվա՛լ, Լեվա՛լ...

Իսկ երբ փոշին բոլորովին իջել էր, ձորաբերանը լավ երևում էր, և հույսով լցված խումբը շտապեցնում էր քայլերը՝ զով տեղերում հանգչելու համար—էջի վրա կուչ եկած պառավներից մեկը գլուխը բարձրացրեց և դողդոջուն ու զայրալից ձայնով երգը վերջացրեց.

Փլե՛ք, սարեր, լեցվե՛ք ձորեր,

Ողողվե՛ք դուք, դաշտե՛ք, հողեր,

Լո՛ւ աղբիկներ, դուք մի՛ ծնեք,

Որ չվաթլեն ուրիշներ,

Լեվա՛լ, Լեվա՛լ...

Ու այդ խորունկ գանգատը հնչեց դաշտի մեջ, գնաց դեպի ձորը և անհետացավ նրա խորքերում:

Խոր լուսթյուն հաջորդեց երգին. արևը քիչ ծովում էր. թափառական ճանապարհորդները փոշեթաթախ, լեռլայն ու հոգնած, մտան ձորակի մեջ, անցան ուտիների և այլ ծառերի տակից և կանգ առին մի լայն առվակի մոտ:

— Այստեղ լավ է,— ընտրեց խմբի գլխավորը մի մեծ ուռնու ստորոտ,— ջուր կա, կանաչ խոտ էլ կա... իջե՛ք:

Կանայք ցած իջան. լակոտները սահեցին վար, մանուկներին հանեցին պայուսակներից, էշերին մերկացրին, ջրով զովացրին և բաց թողին արածելու. իրանք էլ մի քանի րոպե մաքրվելուց հետո փռվեցին խոտերի վրա հանգչելու:

Կանանցից ամենաջահելը, մի վայրենի և աշխույժ գեղեցկությամբ հարս, սկսեց խռիվ ժողովել, տղամարդերից մեկը հեռացավ շոր ճյուղեր գտնելու, իսկ խմբի գլխավորը, մի քանի րոպե հանգչելուց հետո, մահակը ուսին՝ մի պտույտ գործեց իրանց իջած տեղը ուսումնասիրելու համար:

Մեծ ճանապարհը ծառից հարյուր քայլ հեռավորությամբ անցնում էր, բերելով ժայռերի ստորոտը. փոշի չկար ձորակում. երբեմն միայն բերաններից և բարձունքներից ներս էին մտնում փոշու տկարած սյունակներ և տարածվում սարերի կատարների վրա, բայց շոգը այնքան էր, որ թռչուններն իսկ դադարել՝ հանգչում էին տերևների տակ. ոչ մի ճանապարհորդ չէր երևում:

— Չորը երկար պիտի լինի,— ասաց Սերգոն հեռվից,— դու կփտենաս, ուստա Հարություն, երկա՞ր է:

— Բավական երկար է, կես ժամվա Հանապարհ:

— Իսկ այդ շավի՞ղը,— հարցրեց նորից գլխավորը,— սա՞ որտեղ է տանում:

— Դեպի գյուղերը. լավ գյուղեր կան այդ կողմերում:

— Չգնա՞նք այդ կողմերը:

— Չգիտեմ:

— Ես նայեմ մեկ. գուցե նշաններ լինեին,— ասաց գլխավորը և գնաց դեպի մի մեծ շավիղ, որ ճանասլարհից զատվելով՝ անցնում էր առվակից ու դեպի աջ՝ ձորն ի վեր գնում:

Բոշաները—թե կին, թե տղա—կեսը երեսի վրա փռված, մյուսները պպզած, կանգնած՝ նայում էին գլխավորի ետևից:

Սերգոն մի ուստյունով անցավ առուն և սկսեց խիստ ուշադրությամբ զննել շավիղի սկզբում եղած ծառերի բները, պտտվելով նրանց շուրջը:

Ոչ ոք չէր խոսում, ամենքը սպասում էին: Երկու րոպե հետախույզությունից հետո Սերգոն կանգ առավ մի կետի առաջ, լավ բնեց և մատը դրավ մի քանի այլանդակ նշանների վրա, որոնք գծված էին

սուր գործիքներով: Այդպիսի և այլ գծեր շատ կային, բայց բոլորը ավերված, միայն երկուսն էին ողջ և այսպիսի ձևեր ունեին.

— Փակված է ճանապարհը...— գուցե գլխավորը գլուխը դարձնելով,— այս կողմով գնալն անօգուտ է և գուցե վտանգավոր:

Հետո արագությամբ ետ դարձավ խմբի մեջ:

— Գիտե՞ք ինչ,— շարունակեց նա,— շատ նոր անցել են երկու խմբեր՝ գաղով գյուղերից, որտեղ կամ վատ են ընդունել նրանց և կամ նեղացրել են: Երկու նշանները թարմ են դեռ. մեկը հայտնում է, որ փակ է այդ կողմերը, ուրեմն և ավելորդ է գնալ. իսկ մյուսը...

— Ախոսս,— միջահատեց մի պառավ,— մեր մաղերը մնացին:

— Ի՞նչ արած,— խոսեց մյուսը,— գոհ լինենք ինչ որ ծախեցինք. մնացածները քաղաք կտանենք:

Բայց գլխավորը չէր խոսում և գրեթե չէր լսում նրանց, այլ մտախոհ նայում էր ձորի երկու ծայրերին:

— Ի՞նչ կա, Սերգո,— նկատեց կանանցից մեկը,— ի՞նչ է եղել:

— Ոչինչ...— ասաց Սերգոն,— մի երկրորդ նշան էլ կար, որ չհասկացա:

— Ի՞նչ նշան,— մեջ մտավ Հարությունը,— ես բոլոր նշանների միտքը գիտեմ:

— Դժվար,— ժպտաց Սերգոն,— սա երկդիմի բան է. չգիտեմ նշան է նոր գծված, թե՞ եղածը ջնջված է:

Պառավներից մեկը ոտքի ելավ:

— Գնանք ցույց տուր ինձ,— ասաց նա,— ես բոլորը ճանաչում եմ:

— Ահա,— ասաց Սերգոն և կկզեց գետնի վրա,— ես գծեմ, դուք տեսեք:

Բոլորը գլուխին միմյանց մոտեցրին և կոացան: Սերգոն ետ տվավ խոտերը, հողը հավասարեցրեց և վրան գծեց երկրորդ նշանը—մի հաստ ուղղահայաց գիծ, որ վրայից ուներ նրան կտրող բարակ, ծուռ և անհանգիստ գծեր:

Ոչ ոք պահ մի շխոսեց: Սերգոն այդ գծելուց հետո նայեց Հարությունին և պառավին:

— Ջնջված նշան է,— ասաց Հարությունը,— ուղղահայաց գիծը ուրիշ խումբ է գծել, որ ուզել է ասել, թե ճանապարհը բաց է. իսկ երկ-

1 Այդպիսի նշաններ ունեին թե՛ հայ բոշաները և թե՛ եվրոպական ցիգանները: Մի խումբ, անցած տեղում, նայելով, թե ինչպիսի ընդունելություն է գտնում, դեպի նրան տանող ճանապարհի սկզբում մի բարի կամ ծառի վրա թողնում է նշաններ՝ հետագա խմբին ազդարարելու համար:

բորդ խումբը շնչել է նրան, հասկացնելու համար, որ այդ նշանը սխալ է
— Իսկ դու ի՞նչ կասես, դեղ,— դարձավ գլխավորը պառավին:
Սա մի քիչ մտածեց, հետո գլուխը բարձրացրեց ու ելավ ոտքի:
— Ամենից առաջ,— ասաց նա,— ինձ պետք է նշանը յուր տեղում
տեսնել:

— Ցուր տեղում,— ասաց Սերգոն,— ի՞նչ պետք է, իմ գծածը ճիշտ
նման է:

— Լավ, բայց դու ասա, թե ո՞ր գիծն է թարմը, ուղղահայացը, թե՞
կարողները:

— Ինչպե՞ս, թա՞րմը:

— Այո, չե՞ որ կեղևի վրա է գծված, ո՞ր գծերն են ավելի սևացել,
ո՞րը սպիտակ մնացել:

— Իրավ է...— մոմոաց գլխավորը,— այս բոլորիս ասեմ...

Եվ վազնիվազ գնաց դեպի նշանը, կոացավ նայեց, հետո դարձավ
ու ասաց.

— Ուղղահայաց գիծը նույնքան թարմ է, որքան և նրան կտրող
գծերը. բոլորն էլ մեկ ձեռքով և մի ժամանակ են գծված:

— Կասկածում էի.— ասաց պառավը Հարությունին դառնալով,—
տեսա՞ր... այդ գիծը շնչված չէ. դա մի նշան է և մի վատ նշան է, և
մի վատ նշան... դա ղուլումի նշան է. լոմերին* սկսել էն ղուլում անել...
Լեվալը մեզ օգնական:

Այդ միջոցին ձորի ծայրում. դեպի Մինոպ իշնող ուղղությամբ երե-
վացին մի բանի ձիավորներ: Վեց զինվորականներ էին՝ երկուսը մեծ
պաշտոնյաներ, որոնք ֆեսերի վրա ունեին սպիտակ ծածկոցներ՝ արևից
պաշտպանվելու համար: Նրանց ետևից գալիս էին շորս ձիավոր զսի-
թիներ, ոտից գլուխ զինված, ծխում էին և խոսակցում՝ բավական
ետ մնացած, իսկ պաշտոնյաները լուռ էին և կիսափակ աչքերով շորս
էին դիտում:

Բոշաները մի քիչ նրանց նայեցին. պառավներից մեկը կամենալով
օգտվել հանգամանքից, ըստ սովորականի վազեց դեպի ճանապարհը
և սպասեց եկողներին, որ մի բան խնդրե:

— Զինգեններ են, Արիֆ էֆենդի,— ասում էր հասակավոր պաշ-
տոնյան երիտասարդին,— նայեցեք:

— Այո, բեյ, Մտամբոլում շատ եմ տեսել:

— Ձեր տեսածներից շին սրանք,— ժպտաց բեյը,— սրանք հայ
բոշաներ են, քրիստոնյաներ:

* Հայ բոշաները իրանք իրանց անվանում են լոմ:

— Քրիստոնյա...— ծփծաղեց Արիֆը,— մի՞թե կարծում էիր, որ
գնչուները կրոն ունեն... ո՛ւ՜՛ֆ, ինչ տգեղն է այս պառավը:

Մտոեցել էին պառավին, որ ձեռքը պարզել. աղերսավոր ձայնով
չուլում էր.

— Մի բան տվեք, էֆենդիներ, աստված ձեզ օրհնե. մի բան տվեք
խեղճերիս:

— Այո, տգեղ է,— պնդեց բեյը,— բայց մեջները շատ գեղեցիկներ
էլ կան. մանավանդ կրակոտ, աշխույժ... կրակ են անիծածները, իսկա-
կան կրավ...

— Դու գուշակել գիտե՞ս, պառավ,— հարցրեց Արիֆը և ձիու սան-
նը բաշելով կոացավ դեպի կիճը:

— Գիտեմ, էֆենդի, լավ գիտեմ:

— Ստում է, Արիֆ էֆենդի,— ասաց բեյը,— սրանք լավ շգիտեն,
սրանք շինգեններ շեն:

— Բա՛հ...— արևց պուսեցի աստիճանավորը,— բոլորն էլ շին-
գեններ են... իսկ այն ի՞նչ կանայք են ցածում, պառավ, հարսնե՞րդ
են, թե՞ աղջիկներդ:

— Քույրերս են... էֆենդի, բույրերս. մի բան տվեք խեղճերիս:

— Լավ, տամ, բայց գուշակիք ինձ համար:

Հետո, երբ մի անգամ էլ նայում էր ծառի տակ կիտված բոշանե-
րին, նկատեց երիտասարդ գնչուհուն, որ կանգնած դիտում էր իրան:
Հեռվից այնքան գրավիչ թվաց բոշա կիճը, որ երիտասարդի մեջ մի
բուռն ցանկություն ծնավ՝ մոտից տեսնելու նրան:

— Գիտե՞ս ինչ,— ասաց նա պառավին,— այստեղ շոգ է և արև...
գնանք այնտեղ ձեզ մոտ, և կրք գուշակես ինձ համար, քեզ մի մեջիդիս
կտամ:

— Մեզ մո՞տ...— շփոթվեց պառավը,— մեզ մոտ .. այնտեղ տեղ
չկա. այնտեղ էլ շոգ է... մենք գուշակել չգիտեմք:

Ու պառավին տիրեց սաստիկ անհանգստություն: Նա դարձավ,
մտքով անիճեց մուրալ ցանկանալու վայրկյանը. մի շարագուշակ նա-
խազգացում ճեղք սփռոր:

— Բեյ էֆենդի,— ասում էր այդ ժամանակ պուսեցին յուր ընկե-
րոջը,— մի քիչ շահնգստանա՞մք այդ ծառերի տակ:

Հափթիները մոտեցել էին:

— Իջեք այդ ծառերի տակ,— հրամայեց նրանց բեյը և ցած թռավ
ծիուց:

Մինչ այդ, պառավը նկատելով, որ թուրքերին իջնել արգելելու հնար
չկար, վազեց ետ դարձավ ու հեռավ գաղթեց յուրայիններին:

— Շուտ, հավաքվեցեք գնանք... ահա զուլումները...

Բոշաները բնագործամբ վեր թռան, վազեցին դեպի էշերը, մոտ բերին, ուզեցին բառնալ, բայց ուշ էր. պաշտոնյաները ձիերը տված զափթիեներին, երկար սրեր աչ ձեռքով բռնած, առաջ էին գալիս:

— Հը՞, — ծիծաղեց պուլսեցի աստիճանավորը, — այդ ի՞նչ է, վախեցա՞ք. ինչո՞ւ, մենք բո՞ւրդ ենք. խո ձեզ շե՞նք ուտելու նստեք, նստեք, հանգիստ եղեք, մենք էլ ձեզ մոտ քիչ կնստենք, քիչ կխոսենք՝ կերթանք...

Եվ այդ ասելով նա՝ ժպիտը երեսին մի առ մի մտ էր գնում բլորին ու գննում: Երբ հասավ մատաղահաս կնոջը, երկար կանգ առավ նրա առաջ: Գնչուհու ցանկալի, կրակոտ գեղեցկությունը լիովին գրավեց նրան: Նայեց մյուսներին էլ, բայց եկավ նորից կանգ առավ գնչուհու մոտ:

— Սա որի՞ աղջիկն է, — ասաց:

— Իմ կինն է, — առաջ եկավ ուստա Հարությունը:

— Քո կի՞նը... — գուշեց արհամարհությամբ աստիճանավորը, հետո սիրալիր ժպիտը երեսին դարձավ գնչուհուն և հարցրեց.

— Դու էլ գուշակել գիտե՞ս, սիրուն գնչուհի:

— Ո՛չ, — ասաց գնչուհին խստությամբ և դեմքը դարձրեց:

— Ինչո՞ւ ես բարկանում, որ գուշակես ինձ համար, քեզ մի ոսկի կտամ... ապա, արի այստեղ, մեզ մոտ:

Եվ բայեց բեյի ընտրած տեղը, որ քիչ հեռու էր բոշաներից:

Գնչուհին շարժվեց, նայեց ամուսնուն, մյուսներին ու գլխավորին, որոնք բլորն էլ գունաթափ՝ գուշակում էին, թե ինչ էր լինելու

— Հը՞, — լսեցի՞ր էֆենդու հրամանը, — ձայնեց բեյը, հասկանալով ընկերի մտադրությունը, — շուտ մոտ արի, շինգենն, արի մեզ համար գուշակիր:

— Ես գուշակել չգիտեմ:

— Գիտես կամ ոչ, — գոռաց բեյը բարկությամբ, — ես վեզիր-բյոփրուի կայմակամն եմ և չեմ սիրում, որ իմ հրամաններս չկատարվին, իսկ սա սուլթանի ազգականներից է... դեհ, արի մոտ, տեսներ:

Զափթիեները, որոնք ձիերը կապել էին մի ծառի, ժպիտը դեմքերին՝ հեռվից դիտում էին իրենց գլխավորների արածները և հասկացել նրանց մտադրությունը:

Երիտասարդ գնչուհին վախեցած՝ նորից նայեց յուր ամուսնուն, որ կծկվել էր մի կողմ և գլուխը խոնարհեցրել, նայեց գլխավորին, որ այլայլված ու շվարած՝ դողում էր: Հետո, երբ տեսավ, որ ոչ մի պաշտպանություն չէր լինելու նրանցից, դարձավ թուրքերին և ասաց.

— Գամ ի՞նչ անեմ:

Բայց կայմակամը կոացել էր դեպի Արիֆը և ուրախ, որ կարող է սուլթանի ազգականի հետ մտերմական մի խնդիր ունենալ, ասաց.

— Հը՞, աչքդ բռնե՞ց դրան:

— Այո, 5 ոսկի կտայի, եթե...

— Օ՞... շատ է. դուք այդ 5 ոսկին տվեք ինձ, ես կսարքեմ... այժմ ոչ, հետո կտաք... ես կհիշեցնեմ ձեզ:

Հետո դարձավ դեպի գնչուհին և ձայնեց.

— Հը՞, այդ ի՞նչ է, դեռ չե՞ս եկել... եկ գուշակիր տեսնեմ:

— Գնա գուշակիր, — հրեց մի պառավ, — գնա, գուշեց դրանով ազատվես:

Երիտասարդ կինը քիչ էլ վարանեց, մի արհամարհոտ հայացք ձգեց ամուսնու, գլխավորի վրա, ապա վճռական կերպով դեպի աստիճանավորները առաջացավ և ասաց.

— Որի՞ համար գուշակեմ:

— Առաջ ինձ համար, — ասաց կայմակամը:

— Զեռքդ տո՛ւր:

Բեյը պարզեց նրան յուր ձեռքը: Գնչուհին մատների ծայրով բռնեց, դարձրեց, ուշադրությամբ փի գծերը զննեց, հետո արհամարհությամբ բարձրացրեց հայացքը և ասաց.

— Դու կմեռնես հանգիստ՝ անկողնիդ մեջ, բայց ոչ թե զինվորի մահով:

— Հա՛, հա՛, հա՛, — ծիծաղեց բեյը, — շնորհակալ եմ. զինվորի մահվան շատ էլ նախանձող չեմ... հետո՞:

— Հետո ոչինչ նոր բան... ավելի կբարձրանաս, միայն կբարձրանաս շնորհիվ նրա, որ շատ արյուն կթափես և շատ դիակներ կշինես:

Ու սոսկումով բաց թողեց ձեռքը:

— Արյո՞ւն, — գունատվեց բեյը, — ի՞նչ արյուն, պատերազմի՞ պիտի գնամ:

— Ոչ, — թոթվեց գլուխը գնչուհին, — ոչ... չգիտեմ. անշուշտ անմեղ արյուն կթափես...

— Այժմ ինձ համար գուշակիր, սիրուն կին, — ժպտաց Արիֆը և պարզեց ձեռքը:

— Եթե ես սիրուն եմ, — պատասխանեց գնչուհին, — այդ քո գործը չէ... դու կին չունի՞ս:

— Ունիմ:

— Եթե կինդ էլ տղամարդի տեսներ և նրան ասեր այդպիսի խոսքեր, ի՞նչ կանեիր նրան:

— Այ, այ,— մեզ մտալ կայմակամը ծիծաղելով,— վարպետ զըն-
չուհի, ուզում ես էֆենդուն կարմբացնել խոսքերովդ, բայց մոռանում
ես, որ մենք— մահմեդականներս, մորթում ենք անհավատարիմ կնոջ և
արդարացնում բազմաթիվ կին առնող տղամարդիք:

Գնչուհին ոչինչ շատաց. բռնեց Արիֆի պարզած ձեռքը, խորին
ուշադրությամբ կռացավ նրա վրա ու երկար, լուռ գննեց ափի գծերը:

Ոչ ոք չէր խոսում. դափթիկները հեռու կանգնած, հետաքրքրու-
թյամբ վզերը պարզել, աշխատում էին լսել. իսկ բռնաները դիտում
էին տեսարանը անհանգստությամբ:

Վերջապես գնչուհին բարձրացրեց զլուխը և ասաց.

— Մենք գուշակել շատ չենք սիրում. բայց իմ հայրս հայտնի գու-
շակող է և ինձ տվել է յուր արհեստից... Ահա առե՞մ եմ քեզ, որ շա-
շի անցնիլ, և դու կսպանվիս մի կնոջ ձեռքով. զգուշ կաց...

Արիֆը ժպտաց. դափթիկները միմյանց նայեցին:

— Որքան որ մեծ օջախից լինիս,— շարունակեց գնչուհին,— այ-
նուամենայնիվ չես ազատվիրու էտդ կնոջ ձեռքից. զգուշ կաց...

Հետո ուժգնությամբ թողեց ձեռքն ու հեռացավ դեպի բռնաները:
Երկու թուրք աստիճանավորները պահ մի լուռ մտացին:

— Գնանք աշտեղից, էֆենդի,— խոսեց կայմակամը,— ադդ կինը
մեր գիտցածներից չէ, տխուր բաներ է առու՞մ:

— Մի՞թե հավատացիր ասածներին, բեյ,— ծիծաղեց ստամբու-
ցին— շտեսա՞ք, որ գուշակեց միտքս և յուր արած գուշակութուններով
ուզեց ինձ վախեցնել... տեսնե՞ք. շատ կցանկանայի սպանվել դրա
ձեռքով... ինչ որ լինի, քսան ոսկի էլ ծախսե՞մ, այդ կինը պետք է ձեռք
ձգեմ:

— Բայց դուք չգիտեք, էֆենդի,— ասաց բեյը քիչ վախեցած,— այդ
կանայք կատաղի են լինում և մեծ բարոյականության տեր. զգուշ կա-
ցեք. եթե նույնիսկ հանձնվի, յուր գրկի մեջ կխեղդի ձեզ...

— Հա՛, հա՛...— ծիծաղեց էֆենդին,— դրա միջոցն էլ կա, այ,
կտեսներ:

Ասաց և ձեռքով մտա կանչեց դափթիկներին:

Բռնաներն այդ միջոցին նկատելով աստիճանավորների շարժում-
ները, խորհրդի ժողովվեցան:

— Ես չեմ անպատվի օջախս,— գոչեց գնչուհին,— եկողին կսպա-
նեմ փայտովս:

— Իսկ հետո՞ք— ասաց ամուսինը,— չէ՞ որ նրանք քրեք ունին,
հրացան ունին:

— Թող սպանեն ինձ, կմեռնեմ... վախկոտը դու ես, որ չես հա-
մարձակվում կնոջդ պաշտպանելու համար մի քալ անել:

— Դու խենթ ես, Մարգո,— մեջ մտալ գլխավորը,— նրանք, եթե
տեսան մեր ընդդիմությունը, հրացանի տակ կառնեն Եւ բուրդիս մեկ-
մեկ կսպանեն...

Արեն սկսում էր խոնարհվել. մի գեղեցիկ զովություն էր տարածված
ձորակի մեջ, երբ շորս զափթիկները սրերը հանեցին ու մոտեցան բո-
շաներին: Նրանցից մեկը հեռվից հրամայեց բուրդին ցրվել, բայց զըն-
չուհուց: Սա էլ ուզեց խուսափել, բայց պաշարեցին և մոտեցան:

Եվ ահա այնուհետև էր, որ Մինուպից քիչ ցած, մեծ ճանապարհի
կողքին, տեղի ունեցավ մի քստմնելի տեսարան: Չորս զափթիկներ հար-
ձակվեցին կնոջ վրա: Գնչուհին հափշտակեց մահակը և նրանով մտա
10—15 րոպե քաշությամբ այնպես պաշտպանվեց, որ մի զափթիկի
թևը փշրեց: Բայց երկար շտեպ այդ. պուսեցին էլ մեջտեղ ընկավ և քիչ
հեռու հտեկից հասնելով՝ կաշկանդեցին գնչուհու ձեռքերը ու այդպես
բարդ տվին մի հեռավոր ծառի ստորոտ:

Հեռվից, ծառերի տակ կանգնած բռնաները նայում էին կատաղի
աչքերով. մանուկները ճշում էին, իսկ գեղեցիկ գնչուհին այնպես էր գո-
ռում, որ ձորն էր թնդում:

Քիչ հետո նորից լավեց պուսեցու և կնոջ մեջ կովի աղաղակ, ապա
մի ճիլ և այլևս ամեն ինչ հանդարտեց: Խոր լուությունը խզվում էր
միայն վիրավոր զափթիկի հեծածանքով և հեռվից եկող բռնա մանուկ-
ների լացով:

Այդպես մի կես ժամ սոսկալի հանդարտությունից հետո երեւոյ
ստամբուլցի պաշտոնյան՝ անկարգ ու գունաթափ, ձի նստեց և զինվա-
րականները արշավանոք մեկնելով՝ անհետացան ձորաբերանից դուրս...

Այն ժամանակ բռնաները նորից հավաքվեցին, վազեցին դեպի թըշ-
վառ Մարգոն, գտան նրան ուշաթափ և կիսամեռ վիճակի մեջ: Բարձ-
րացրին, լվացին, ուշքի բերին, դրին էջերից մեկի վրա ու տխուր
լաջվ, նկուն, քայլեցին դեպի հարավ, պառավ դեպի գայրալից ու ճշա-
ցող սղրի տակ, որ հնչում էր.

Փլե՛ք, սարեր, լցվե՛ք, ձորեր.
Լո՞ւ աղջիկներ, դուք մի ձենք,
Որ չվախիլն ուրիշներ.

Ախ, Լե՛զ, Լե՛զ...

Վեզիր-բյուրու ավանդից մինչև Գասթեմունի քաղաքը գտնվող գյուղերի և գլխավորապես Պոյապատ (Բայվատ) գյուղաքաղաքումն է, որ տասնյակ հազարներով հայ բոշաներ կենտրոն են ընտրել. ամառը թափառում են երկրի ամեն կողմերը, մտնում ամեն քաղաք, ամեն գյուղ, ծախում իրենց ձմեռվա պատրաստած կամ տանը նստող ամուսինների շինած մաղերը, մազեղեն այլ գործվածքները և քթոցներ, սալաներ, խոզանակներ և այլն, հետո, մինչև ձմեռվա սկսվելը, նորից հավաքվում, լցվում են խրճիթները, բերելով ցորեն, ալյուր, դրամ և ամեն տեսակ պաշարեղեն, բերելով նոր անդամներ—ծծկեր սուսնուկներ, որոնց նրանք այնքան հեշտությամբ ծնում են ճանապարհին, իսկույն մեջքին կապում և թափառականությունը շարունակում:

Գլխավորապես կանայք են լինում առևտուր անողները. սկզբից բաժանում են իրենց մեջ գյուղերն ու քաղաքները, մահակը ձեռքերին, ամեն դրան առաջ, ծախում են, ուզում, մուրում, գուշակում, աներեսությամբ զղվեցնում, բարոյական մաքրությամբ հիպոստոսը ազդում և տղամարդից ավելի սրտոտությամբ ցրվում, հալածում են նրանց, որոնք կհամարձակվեն վատ մտադրությամբ մոտենալ իրենց:

Եվ երբ ձմեռ դարձավ, Պոյապատ են մտնում ամեն կողմից գլխիկոր, բարձված էշեր, արևակեզ գնչուհիներ, փոշոտ տղամարդիկ ու սկսում են ձմեռային աշխույժ, կրակոտ մի կյանք. պատրաստում են առևտրի պաշար՝ գարնան համար. մաքրքների շրխկոցներ է, որ լսվում է խրճիթների միջից. հետո զվարճանում են, նվագում, հարսանիք անում, շատ օղի խմում և գյուղաքաղաքին մեծ կենդանություն տալիս:

Բայց այդ ձմեռ, երբ բոշաների առաջին խումբը, ժամանակից առաջ ներս մտնելով, Մարգոյին ավան բերեց, վերադարձողները ոչ միայն առատ պաշար չէին բերում, այլև պակաս էին վերադառնում: Լսվում էր ամեն տնից լացուկոծ, երևում էին տխուր դեմքեր, մարդիկ հուզմամբ կիտվում էին այս-այն տան մեջ, այս-այն փողոցի անկյունում և լսում մեկի պատմությունը, որ դողդոջուն ձայնով բոշայերեն՝ պատմում էր իրենց մի ընկերի սպանվելը. մյուսին, որ նկարագրում էր իրենց խմբի կրած հալածանքը. և ջղերն այնքան լարվել էին, որ ամեն անգամ մեծ իրարանցում էր տիրում բոշաների մեջ, եթե նրանց թաղերում զինվորներ էին երևում կամ որևէ թուրք պաշտոնյա:

Մանր տարիներ էին սկսվել բոլոր քրիստոնյաների համար. մի տեսակ հալածանք էր սկսվել գյուղերում թափառող բոշաների խմբերի դեմ, և քրդերի ու շերքեզների ասպատակները անպատիժ կերպով սպա-

նում էին, կողոպտում ու հալածում բոշաներին: Մի քանի պաշտոնյաներ, ինչպես պատմում էին, ստիպել էին բոշաների մի խմբի՝ երկու ամբողջ օր քարը տալ իրենց ետևից բերվող կողոպտած իրեղենները, հետո ծեծել էին նրանց, կողոպտել և ծիծաղելով ճանապարհ դրել: Մի ուրիշ տեղ էլ շերքեզները հարձակվել էին մի խմբի վրա, եղածը կողոպտել, էշերին սպանել,— և դա ամեն մի բոշայի արտասուքն էր հոսեցնում—հետո կանանց էլ ծեծել էին՝ ասելով, որ ինչու՞ են տգեղ... ու անցել:

Սակայն ամենից սոսկալին առայժմ ուստա Հարությունի կնոջ՝ Մարգոյի դեպքն էր, որ դեռ շարունակում էր հուզել մտքերը Աթոռակալի ջանքերը կայմակամի մոտ՝ ծիծաղ էին շարժել. մի՞թե կարելի էր գանգատ տալ մի կայմակամի և մանավանդ սուլթանի ազգականի վրա: Ամեն բոշա, սակայն, ատամ էր կրճտեցնում թուրքերի դեմ և ամեն անգամ, երբ ուստա Հարությունի դրան առջև էին անցնում, պարտք էին համարում մի հայհոյանք արձակել «պսու»-ների (թուրքերի) հասցեին:

Ուստա Հարությունը յուր կնոջ հետ պատահած դժբախտությունից հետո Պոյապատ էր հաստատվել: Թշվառ Մարգո: Նրան կիսամեռ բերել ձգել էին ավանը: Ամբողջ աշունը հիվանդ, քիչ էր մնացել մեռնել. միշտ աղաղակում էր, հայհոյում, անիծում, մեռնել էր ուզում. բայց երբ քիչ հանդարտում էր, կաշում էր ամուսնու օձիբից և աղաչում, որ Ստամբուլ գնային, ուր նա մտադիր էր գտնել իրեն անպատվողին և վրեժ առնել: Այժմ Մարգոն միայն վրեժ էր մտածում, միայն նրա համար ապրում:

— Խելառ,— ասում էր նրան ամուսինը և միշտ ուսերը թոթվելով դուրս գնում:

Մարդ չէր իմանում, թե ուստա Հարությունը այժմ ինչու՞ էր զբաղվում. չէ՞ որ այլևս ոչ մաղ էր գործում և ոչ էլ կաշի մաքրում, այլ անզաղար շուկայում ման էր գալիս, պաշտոնյաների շուրջը պտտում, կայմակամի տան պատերի տակ քարը գալիս, հետո հանկարծ մի քանի օր էլ չէր երևում: Երբ Պոյապատ էր հաստատվել, աթոռակալը նրան տեղ էր տվել, բայց, ի գարմանս բոլորի, մի քանի ամիս հետո Հարությունը փող էր երևան բերել և մի տուն գնել: Սկզբում բոշաները նրա հետ լավ էին, նրա թշվառ կնոջը խղճում էին, բայց հետո Հարությունի ընթացքը սկսեց բոլորին կասկած ազդել, և ամեն անգամ, երբ նա թուրքերի հետ էր, խեթ-խեթ էին նայում, մի անգամ էլ, մի քանի հոգի լրտեսելով, լսեցին, թե նա ինչպես յուր ազգի վրա ծիծաղող թուրքերի համամիտ էր լինում, լուրերի սովորությունները ծիծաղելի կերպով

ւլատմելով նրանց, զվարճացնում էր և հանդուրժում, որ մահմեդականները լրբենի կերպով խոսում են լոմ կանանց մասին:

Այդ լուրը իսկույն տարածվեց բոշանների մեջ, և Հարությունը բուրովին ատելի դարձավ, բայց որովհետև խղճում էին հիվանդ ու թըշվառ կնոջը, ուստի գեռ Հարությունին ոչինչ չէին ասում:

Աթոռակալ Մովսեսը, որ շատոնց ընտրված էր իբրև ներկայացուցիչ և պետ Պոյապատի բոշանների, աչքի առաջ ունենալով Մարգոյի վիճակը, խստիվ պատվիրեց բուրին, որ Հարությունին չհալածեն: Ինքն էլ յուր կողմից խիստ սիրալիր էր վարվում դժբախտ կնոջ հետ:

Ձմեռվա սկզբներում Մարգոն քիչ կազդուրվեց, ոտքի ելավ և փողոց էր դուրս գալիս: Որքան փոխվել էր, թարշամել, նիհարեցել: Հուսահատութունն ու ներքին կատաղությունը մաշում էին նրան: Գուրս էր գալիս փողոց, նստում արեգգեմ՝ շեմքի վրա, յուր երեխաները կողքին և լուռ ու մտախոհ՝ նայում էր հեռուները: Անցնող բոշանները տեսնում էին նրան այդպես, հուզվում, բուռները սեղմում և գլուխին շարժում: Բռնաբարություն կենդանի գոհ էր Մարգոն լոմ հասարակության մեջ, որ կարծես վրեժ էր կանչում. վրեժ՝ անպատված օջախի:

Բայց զուլումը այդ միջոցին այնքան մեծանում էր, հետզհետե գոհերն այնքան շատանում էին, որ Մարգոն մոռացվում էր: Այժմ դիակներ էին բերվում, բռնաբարված աղջիկներ հրապարակ ձգվում. շրջակայքից ահավոր լուրեր էին հասնում, և գլուղներից լոմերը խուժում էին ավանը՝ ապաստան գտնելու համար շերքեզների հարձակումների դեմ:

Այդպիսի մի օր էր, որ աթոռակալ Մովսեսը, փողոցից անցնելիս, տեսավ Մարգոյին ու կանգ առավ նրա մոտ, նստեց նրա կողքին:

— Աստված առողջություն տա, Մարգո,— ասաց նա,— հերիք չեղա՞վ տխրելը, մխիթարվիր. այժմ զուլումը մեծ է, դու ի՞նչ անես, մեղավոր խո չե՞ս եղել, որ այգքան տանջվում ես ու քեզ մաշում:

— Չէ, Մովսես աղա,— պատասխանեց Մարգոն,— ես չեմ մխիթարվիլ, մինչև վրեժս չառնեմ:

Ու գնչուհու աչքերը փայլեցին բարկությունից, և այտերը կարմրեցին:

— Միամիտ աղջիկս,— ժպտաց տխրությամբ աթոռակալը,— միշտ նույնն ես ասում, բայց ումից վրեժ կառնես, չէ՞ որ նրանք քեզանից զորեղ են, խիտտ զորեղ... նայի՛ր ժեկ, ամեն օր մի զուլումի լուր է հասնում. կայմակամն էլ ներս չի թողնում ինձ, հայերին հարյուրներով է մորթոտում... էլ լոմերի համար անհնար է ման գալ. ճանապարհների վրա մարդկանց հավի պես մորթում են... քանի՞-քանի հայ ու լոմ կին բռնաբարեցին, խայտառակեցին, հարցնող-փնտրողն ո՞վ է, որի՞ց ես վրեժ առնելու:

— Ես՝ ինձ անպատվողից վրեժ կառնեմ,— ասաց Մարգոն:

— Է՛հ-է՛հ,— գլուխը թափահարեց աթոռակալը,— խելոք չես խոսում, Մարգո, քեզ անպատվողը այժմ ո՞վ գիտե Ստամբուլում ինչ քեֆեր է անում պալատի մեջ, մեծ-մեծ փաշանների հետ...

Մարգոն ոչինչ չպատասխանեց, խոնարհեց գլուխը և մնաց այնպես:

Աթոռակալը ոտքի ելավ:

— Ինչ որ է,— ասաց նա,— մխիթարվիր, Մարգո, ափսոս ես. դու էլ ափսոս ես, երեխաներդ էլ մեղք են:

Եվ երբ կամենում էր հեռանալ, Մարգոն հանկարծ գլուխը բարձրացրեց և ասաց.

— Գետին մտնի Արթենը... այնքան ասում եմ, որ Ստամբուլ գնանք, ինձ չի լսում:

— Ի՞նչ,— զարմացած կանգ առավ աթոռակալը,— Ստամբուլ՝ գնաք, ինչո՞ւ, կնիկ:

— Որ վրեժ առնեմ...— ասաց համառությամբ և վճռականորեն Մարգոն:

Աթոռակալը ոչինչ չկարողացավ ասել. երբեք չէր կարծում, թե գնչուհին այդքան հեռու կտաներ վրեժխնդրության ծարավը:

— Գետինն անցնի Արթենը,— շարունակեց Մարգոն,— փոխանակ ինքն էլ վրեժխնդրություն ցանկալու, ծիծաղում է ինձ վրա. ասում է, թե «ինչ եղավ, եղավ, մոռացիր...» Կարելի՞ է մոռանալ. հոգուս հետ էլ չի դուրս գա այդ անպատվությունը. օջախս մուռտառվեց, գետինն անցնի Արթենը, լոմ խո չի, պսու է, պսու...

— Հա, ի՞նչ ծածկեմ քեզնից, Մարգո,— ասաց աթոռակալը տրվաբությամբ,— մարդդ վերջերս ինչ-որ շատ է ծովել, լոմությունը մոռացել է, պսուի նման է եղել. լոմ ինչուց անգամ կարծես ամաշում է. պսու մեծերի մոտ է քարը գալիս, ու մարդ զգվում է, երբ տեսնում է այդ. չի էլ հասկացվում, թե ինչպե՞ս է կայմակամի մոտ մտել. դու չգնտե՞ս, Մարգո...

Մարգոն առաջին վայրկյանին շփոթվեց, հետո դեմքը մի կողմ գարձրեց ու ասաց.

— Չգիտեմ, Արթենը ճարպիկ մարդ է:

— Ասա բժնող է, ոտք լիզող, սիրելի դառնալու համար ամեն բան հանձն առնող,— գոչեց աթոռակալը խստությամբ,— Արթենն ո՞վ է, որ ճարպկություն ունենա և կամ կայմակամը լոմի ե՞րբ կսիրե, եթե նրանից շահ չունենա. մանավանդ այդ շուն քյաթիբը... Այդտեղից մի ինչ-որ վատ հոտ է գալիս, Մարգո... մարդդ լոմերի համար կասկածե-

լի է եղել, ասեմ քեզ համարձակ. լումերը բարկացած են. խուզ գանգատ կա նրա ընթացքի դեմ...

— Հարությունը գիտե՛ս այդ:

— Գիտե՞մ և ի՞նչ է ասում:

— Արհամարհում է, ծիծաղում...

Աթոռակալը դեմքը կնճռեց մտախոհ:

— Ա՛,— ասաց նա,— մի լում շատ մեծ քաջություն ու թիկունք պիտի ունենա, որ անպատիժ կերպով կարողանա ազգակիցներին արհամարհել... Այստեղ մի բան կա. երևի կայմակամը նրան թիկունք է տվել, երևի Հարությունը լումերին մատնում է...

— Վարպետ...— գոչեց Մարգոն գունատ և զայրացած:

— Մի նեղանալ, Մարգո, աստված գիտե, որ Արթենը քո մի եղունգը շարժե, բայց ինքդ տեսնում ես, թե ինչ դիրք է բռնել նա դեպի յուր ազգակիցները...

— Նա իմ ամուսինն է,— ասաց Մարգոն:

— Գիտեմ, գիտեմ... է՛հ, եթե այդպես շլիներ... Ինչ որ է, մնաս բարև, մի քիչ խրատիր Հարությունին. թող պսուների ձեռքին գործիք չգտնա, թե չէ իրա համար վատ կլինի...

Ասաց աթոռակալը և ծանր քայլերով հեռացավ:

Մարգոն պահ մի նայեց նրա ետևից, հետո երկար, տխուր ու խորհուրդով գլուխը խոնարհած մնաց և, երբ ծովի կողմից եկող ցուրտը սաստկանում էր, ելավ ու տուն մտավ:

Փոքրիկ օջախը վառվում էր, և նրա առաջ մանուկները թավալելով գետնի վրա՝ խաղում էին և զվարթագին ձիչեր արձակում: Մարգոն նստավ յուր գործիքի վրա և սկսեց գործել: Այդ միջոցին էլ Արթենը ներս մտավ:

Կարճահասակ, արևակեզ, գրեթե սև դեմքով ու խորշոմուտ ճակատով անձ էր ուստա Հարությունը: Փայլուն, շարժուն ու անհանգիստ աչքերը անընդհատ թափառում էին, վայրկենապես արտահայտությունը փոխում և ամեն բան կասկածանք զննում: Հագել էր լայն շալվար, կարճ բաճկոն, մեջքին՝ շալ և գլխին՝ յաղմաներով ֆես: Վրան առել էր մի պարսկական հնամաշ արբա, որի մեջ նա խնամքով փաթաթվում էր, երբ դուրս էր գնում:

Երբ ներս մտավ, զննող հայացքով դիտեց կնոջը: Մարգոն և ոչ իսկ դարձավ:

— Անոթի իմ,— ասաց Արթենը գնալով դեպի յուր մազերի անկյունը,— բան չկա՞ ուտելու:

— Հաց, պանիր կա,— ասաց Մարգոն:

— Կերակուր չե՞ս եփել:

— Չկա:

— է՛հ,— մրթմրթաց Արթենը,— դու միշտ քո հիմար մտքերի հետևնա, կերակուր եփել ի՞նչ հարկավոր է:

Եվ նստեց մաղերի կողքին, մոռանալով, որ անոթի էր: Հետո նորից ելավ, նորից մի քանի քայլ արավ սենյակում ու հանկարծ կանգ առնելով կնոջ կողքին՝ հարցրեց.

— էլի ի՞նչ ասելու էր եկել աթոռակալը... որ բոլոր լումերը գանգատվում են ինձնից, որ ինձ պսու՞ են համարում:

— Հախը է,— ասաց Մարգոն,— քեզ ո՞վ է ասում պսուների ոտքը լիզես ու լումերի համար վատություն անես:

— Տեսնենք, ի՞նչ վատություն եմ արել «բոշա»-ներին. որի՞ն բանտ դրի, որի՞ն կողոպտել տվի... թքել եմ ես քո աթոռակալի էլ ու լումերիդ էլ վրան... թող մի քիչ էլ սպասի այդ ծեր շունը և կտեսնի, թե ո՞վ է Արթենը: Անցյալ օրն էլ մի թուրքի ասել է, որ ես կեղտոտ մարդ եմ, որ իբր թե իմ մեջ ազնվություն չկա:

— Որ դու մարդ չես, այդ ես էլ եմ ասում,— ասաց Մարգոն վրձնականորեն,— դու ի՞նչ մարդ ես... կինդ խլեցին, աչքիդ առջև անպատվեցին, և դու ոչ միայն ոչինչ չարիր, այլ հորդորում ես, որ մոռացվի... ի՞նչ մարդ ես դու...

— էլի՞ այդ խոսքերը, այ կնիկ... քանի անգամ ասեմ քեզ, որ նրանք զինված էին, շատվոր էին...

— Թող մեռնեիք, դու էլ, Սերգոն էլ...

— է՛հ, հին դարմանը էլի քամուն տվինք. ինչ որ էր՝ եղավ անցավ. էլ ի՞նչ անենք հիմա, ելնենք վզներս կտրենք... Քիչ մսից բանից չկա՞ ուտելու:

— Պահարանումը կա... Ելնենք ի՞նչ անենք: Այ թե ինչ. կելնենք ամեն ինչ կտողովենք և Ստամբուլ կերթանք...

— Լավ, լավ,— հեգնեց Արթենը,— հարյուր անգամ լսեցինք այդ. այժմ էլ ուրիշ տեղ գնանք:

— Որ մարդ չես,— գոչեց արհամարհանքով Մարգոն,— ուրեմն էլ մի մեղադրիլ աթոռակալին կամ լումերին, որ ատում են քեզ, պսու են կոչում... Մինչև անգամ անցյալ օրը, երբ գնում էիր, լսեցի, թե ինչպես մեկը գոռաց ետևիցդ—«սուլավ պսու» (շուն թուրք):

Հարությունը ձեռքից բաց թողեց հացն ու միսը, ուժգնությամբ դարձավ և մոտեցավ կնոջը, բարկությամբ ասաց.

— Ես էլ լսեցի, բայց շիմացա ո՞վ էր. դու տեսա՞ր, ասա, ո՞վ էր:

— Հը,— ժպտաց Մարգոն՝ նայելով ամուսնուն հեզնությամբ,—
ասեմ, որ խեղճին պսունների ձե՞ռքը տաս... չեմ ասիլ:

— Չե՞ս ասիլ...— ասաց Արթենը և վազեց դեպի մահակը,— չե՞ս
ասիլ:

— Ապա մեկ դպիր փայտին,— սպառնաց Մարգոն,— դպիր մեկ և
տես գլուխդ ինչպես կշարդեմ այս սանդերքով... մի՛ վախենալ, ո՛չ մի
լոմ ինձ չի հայհոյիլ դրա համար. ամենքն էլ աֆֆերիմ կասեն...

— Բոլորդ էլ սուլավներ եք,— բացականչեց Արթենը իրեն կորց-
րած,— բոլորդ էլ, դու էլ, աթոռակալն էլ ու բոլոր այդ շները... ես ձեզ
բոլորիդ էլ ցույց կտամ, թե Արթենն ով է:

— Արթենը պսու է, պսու,— ասաց Մարգոն,— բլրած (ուրացող)
է— ահա թե ով է Արթենը:

Հանկարծ մանուկներից մեկը, որ ելել կանգնել էր և դիտում էր այդ
տեսարանը, ասաց.

— Դեղ, բարբ սոլավ պսու՞ է (մայրի՛կ, հայրիկը շո՞ւն թուրք է):

— Չայնդ, լակոտ,— գոռաց նրա վրա հայրը:

— Իհարկե պսու է,— գոչեց Մարգոն,— որ պսու չլինի, յուր կինը
նրանց թողնելուց հետո այժմ էլ նրանց ո՞տը կլիզի, յուր ազգական-
ներին նրա՞նց կմատնի...

Արթենը կատաղությունից կապտել էր: Մի ոստյունով գնաց դեպի
անկյունը և մահակը ձեռքն առավ, բայց, երբ տեսավ Մարգոյի բարձ-
րացրած ծանր սանդերքը, մի ստոր, լկտի հայհոյանք օրծակեց և գնաց
դեպի դուռը:

— Լավ, կնիկ,— ասաց նա այնտեղից,— քեզ ցույց կտամ հետո.
քեզ էլ ու բոլոր էլ պրածողներին էլ...

— Գնա, գնա,— ձայնեց նրա ետևից Մարգոն,— էլը քեզից շատ
լավ է. գնա շիմանաս նրա զոզուցը...

Եվ երբ Արթենը դուրս էր գնացել, ցած դրեց սանդերքը, հուզված
կկզեց պատի տակ, գիրկն առավ մանուկներին ու սկսեց դառնությամբ
հեկեկալ՝ լցված վշտով, բարկությամբ և ամոթով:

Այդպես ամուսին ունենալ:

4.

— Մտախիզ հրաման տվեք, բեյ էֆենդի, և ես բացատրեմ, թե
ինչու բռնաները սև են լինում և միշտ թափառում են:

— Ուրիշ պատճառ՞ կա միթե,— ձիծաղեց մի պաշտոնյա,— ինձ
թվում է, որ սև են, որովհետև շատ են թափառում:

— Ոչ, էֆենդի, ուրիշ պատճառ էլ կա. նրանք բնականից սևացել
են. հրաման տվեք. պատմեմ:

— Պատմի՛ր, Արթեն, պատմի՛ր, քիչ ծիծաղենք...

Այս խոսակցությունը տեղի էր ունենում կայմակամի շքեղ սեղա-
նատան մեջ, ճաշի սեղանի վրա, որի շուրջը բազմել էին 6—7 թուրք
պաշտոնյաներ: Կայմակամը, մի հաստափոր, կարմիր թշերով, զվար-
ճասեր և հանգստություն սիրող անձ, բազմել էր վերի գլուխը: Նրա
կողքին բլաթիրն էր, Պոյապատի շատ ազդեցիկ կառավարչական բար-
տուղարը. հետո մի քանի հյուրեր Գասթեմունից եկած: Դուսն մոտ, մի
զափթիկի և ծառայի շարքում, ձեռքերը սրտի վրա դրված՝ երևում էր
կարճահասակ բոշա Արթենը, որ խիստ խոնարհ դիրք բռնած, աչքերը
սպասողական և ուշադրական արտահայտությամբ լարած՝ նայում էր
կայմակամին և հենց որ նրա ակնարկը ստանում էր, խսկույն կծկվում
էր, թծնող գծեր կազմում դեմքի վրա:

խոսակցությունը սկսել էր Ստամբուլից, հասել էր Սինոպ. Գասթե-
մունի: Մի պաշտոնյա գանգատել էր իրենց պաշտոնից, ժողովրդից. մի
ուրիշը դիտել էր տվել, որ շատ դժվար է գործ ունենալ բռնաների պես
թափառական, աներես ու գող ժողովրդի հետ, և երրորդն էլ սկսել էր
պատմել բռնաների մասին լսած տարօրինակությունները և ծիծաղեցնել:
Կայմակամն էլ գիտեր այդ մասին և մի քանի ծիծաղելի անեկզոտներ
էլ ինքն էր պատմել:

Կուշտ ծիծաղել էին այն սովորության վրա, որ բռնան յուր ավա-
նակին ավելի է սիրում, քան զավակին: Սուրեյա էֆենդին (ձախ կողմի
հյուրը) պատմել էր, որ տեսել է, ինչպես մի բռնա սիրուն կին լվանա-
լիս է եղել էշի մոութը և համբուրել...

— Ջենեքեթլեր...— գոչել էր կայմակամը:

— Նրանք էլ գլավուր են,— ասել էր բլաթիրը,— իսկ գլավուրները
ոչ մի «հարամ» չգիտեն:

Դրանից հետո էր, որ մի պաշտոնյա հարց էր դրել, թե ինչու՞ այդ
ժողովուրդը այդքան սիրում էր թափառել և միշտ արևակեզ էր ու սև:

— Սև լինելը հասկանալի է,— ասել էր Սուրեյա էֆենդին,— թա-
փառելուց է. արևն ու քամին են արել:

Եվ այդ ժամանակ Արթենը, որ առիթ էր փնտրում յուր վրա ուշադ-
րություն հրավիրելու, համարձակվել էր մի քայլ առաջ գնալ և խնդրել,
որ իրեն թույլ տան բացատրելու այդ կետը:

— Ո՞վ է դա,— հարցրեց Սուրեյան՝ ակնոցները ցցելով քթի վրա:

— Մեր Արթենն է,— ժպտաց կայմակամը. թեև բոշա է, բայց լավ
մարդ է:

— Հըմ,— արեց մի հյուր,— ի՞նչ է նշանակում «թեև բոշա է, բայց լավ մարդ է»։ Եթե բոշա է, ուրեմն բոշա է։

— Ներողութուն,— առարկեց քյաթիրը.— բոշաները նախ և առաջ գյավուր են, հետո՞ գող, աներես և սաստիկ հպարտ։

— Իսկ սա՞։

— Արթենը... ինչ որ ուզես՝ կանի. խոնարհ է ոչխարի պես. մոտ օրերս մահադական էլ կդարձնենք նրան. աներես չէ և կարծեմ գող էլ չէ... ճիշտ չե՞մ ասում, Արթեն։

— Բոլորովին ճիշտ, էֆենտի,— խոնարհվեց Արթենը։

— Դեհ լավ,— ասաց կայմակամը,— պատմիր այժմ պատմութունդ, ծիծաղելի՞ է։

— Բավական ծիծաղելի, բեյ էֆենդի։

— Լավ... սուրճ բերեք. մեկ կողմից խմենք, մյուս կողմից կլսենք, այնպես չէ՞, Սուրեյա էֆենդի։

— Այո, բեյ. հետաքրքիր է պատմությունը։

— Սկսիր, Արթեն,— հրամայեց կայմակամը,— և լավ պատմիր, հա՛...

Արթենը խոնարհվեց, ձեռքերը կրծքի վրա դրավ ու սկսեց.

— Սրանից շատ տարիներ առաջ...

— Հեթիա՞թ ես պատմում,— գռչեց քյաթիրը։

— Ոչ, էֆենդի, պատմում եմ, թե ինչո՞ւ բոշաների երեսնիցը սևացան, իրենք թափառական եղան և ինչո՞ւ նրանք այնքան սիրում են էշին։

— Ի՞նչ ես ասում, էշի մասի՞ն էլ պատմություն կա։

— Այո, էֆենդըմ։

— Լավ, լավ, շարունակիր տեսնենք,— ձայնեց կայմակամը, տեղավորվելով թիկնաթոռի մեջ։

— Սրանից շատ տարիներ առաջ,— սկսեց Արթենը,— բոշաները քրիստոնյա նստակյաց ժողովրդի մի մասն էին։ Այն ժամանակ կար մի սուրբ եպիսկոպոս, որի հռչակի վրա նախանձեցին նրա 12 թշնամիները, Սափրոս քահանան և Կիլիսկինտոս սարկավազը...

— Ի՞նչ, ի՞նչ,— միջամտեց կայմակամը,— ինչպես ասացի՞ր... Կիլիս...

— Կիլիսկինտոս։

— Հա՛, հա՛, հա՛... քրքջացին բոլորը։

— Այս գյավուրները ինչ խայտառակ անուններ էլ ունին,— գռչեց քյաթիրը,— Կիլիս... Պինտոս... Թյո՞ւ, ջենեբ՞թ...

— Շարունակիր,— գոռաց կայմակամը ծիծաղի միջից,— հետո՞

— Հետո,— շարունակեց Արթենը,— այդ թշնամիները, քահանան և յուր սարկավազը...

— Կիլիս-Կիլի՞սը...

— Այո, Կիլիսկինտոսը... խորհուրդ արին եպիսկոպոսին խայտառակել։ Մի վատ կնոջ կաշառեցին. բերին նրա մահճակալի տակ թաքցրին, իսկ մյուս առավոտ բազմությամբ մտան եպիսկոպոսի սենյակը և դուրս հանեցին կինը...

— Վա՛հ... այ թե գյավուրներ,— ծիծաղեց կայմակամը։ Հետո, որպես թե կամենալով բացատրություն տալ մյուսներին, ասաց—գիտե՞ք, էֆենդիներ, գյավուրների խալիֆները (վարդապետ և եպիսկոպոս) օրենքով կին ունենալ չեն կարող, բայց առանց օրենքի մեզ նման են, քանիսը որ կամենան...

— Գիտեմ,— ասաց Սուրեյա էֆենդին,— Փաթրիկ էֆենդին (պատրիարքը) էլ կին չունի։

— Շարունակիր,— հրամայեց կայմակամը Արթենին,— հետո՞։

— Հետո, բեյ էֆենդի,— երբ եպիսկոպոսը ապշել էր այդ բանից, աստծո շնորհիվ հասկացավ, որ դավադրությունը կազմել էին քահանան և մյուսները, ուստի իսկույն անիծեց նրանց ու ասաց. «Գնացեք, հանգիստ չնստեք, և երեսներդ սևանա»¹։ Կնոջ բերանը ծովեց, որթնոտեց. 12 մարդկանց երեսների կեսը սևացավ. նրանք բաղաբից դուրս փախան և անտառի մեջ ապրեցին՝ կողով և այլն շինելով։ Իրանք ամոթից մարդկանց մեջ չէին կարողանում մտնել, իրենց կնիկներին էին ուղարկում առևտուր անելու։ Այդ օրվանից է, որ նրանց ցեղը, որ բոշաներ են, թափառում են, սև են, տղամարդիկ տանն են նստում, մաղ գործում, կողով հյուսում, իսկ կնիկները տնից տուն ընկած՝ առևտուր անում։

— Հա՛, հա՛,— արեց կայմակամը ոչ շատ սրտով,— ճիշտ պատմություն է երևում։ Իսկ ինչո՞ւ էշին ամեն կենդանուց ավելի են սիրում և զզվում։

— Որովհետև, բեյ էֆենդի, երբ անիծվածները անտառ էին մտնում, բոլոր անասուններն իսկ խուսափում էին նրանցից. միայն էշն էր, որ յուր հիմարության շնորհիվ անեծքից բան չէր հասկանում և գնաց

¹ Այս գրույցը պատմված կա «Հայսմավուրք»-ի մեջ (գլուխ տրե ամսի, ժծ) ավելի ընդարձակ և քիչ զանազանությամբ ու յայտարի եղրակացությամբ. «Նշանն որ եղև ի դեմս շարախոսացն. յազգե նոցա ոչ ջնջեցավ այլ է մինչև ցայսօր»։ Բոշաներն էլ իրանց ծագման մասին այդ գրույցն են պատմում։ «Հայսմավուրք»-ի մեջ քահանայի անունը՝ Սաբինոս է և սարկավազինը՝ Կրեսկինդոս։

նրանց հետ: Այդ օրվանից էլը նրանց ամենասիրելի կենդանին գար-
ձավ:

— Շատ իրավ է,— խոսեց Սուրեյա էֆենդին,— ես ինքս տեսել եմ,
թե որքան են նրանք սիրում էշին, որքան խնամում են նրան. ուրիշ
անասուն չեն պահում, բացի էշից:

— Եթե հրաման կտաք,— շարունակեց Արթենը,— այդ մասին էլ
մի ծիծաղելի պատմություն անեմ:

— Ապա՞, նայե՛նք,— գոչեց կայմակամը:

— Մի օր,— սկսեց Արթենը,— լեւն, այսինքն որձ էլը, հիվանդա-
նում է: Մենք՝ բոշաներս, շատ հավատացող, բարեպաշտ մարդիկ ենք:
Մտածում են՝ ինչպե՞ս լավացնել և վճռում են քահանա կանչել, որ
ավետարան կարդա գլխին:

— Հա, հա-հա,— ...ծիծաղեցին ամենքը, էշի վրա «ինչիլ» կար-
դալ...

— Այո,— շարունակեց Արթենը,— վճռեցին, բայց ի՞նչ անեին, որ
քահանան շիմանար, թե էշի վրա է կարդում. մտածեցին մի մեծ շորով
այնպես ծածկել անասունին, որ քահանան նրան հիվանդ մարդ կար-
ծեր: Այդպես էլ եղավ: Քահանան գալիս է, հանդիսավորապես ավետա-
րանը բաց անում և սկսում... Մի քիչ տեղ բանը լավ է գնում, մեկ էլ
հանկարծ, չգիտեմ ինչի՞ց, երևի տերտերի ձայնը դուր է գալիս անա-
սունին, էլը գլուխը թափ է տալիս, երկար ականջները գուրս է հանում
և զո՛ւ՛ն՛...:

Կայմակամը ու հյուրերը սկսեցին սաստիկ խնդալ: Արթենը ուրախ
էր, որ կարողացավ հաճելի դառնալ:

— Աֆֆերիմ, Արթեն,— գոչեց կայմակամը,— աֆֆերիմ պատ-
մությունդ համար... երևակայում եմ, թե «բեշիշը» ինչ դեմք պիտի ստա-
նար, երբ տեսավ էշի երկար ականջներն ու լսեց սիրուն ձայնը... հա՛,
հա՛, հա՛...

— Իսկ ասա տեսներք,— հարցրեց մի քիչ հետո Սուրեյա էֆեն-
դին,— ճի՞շտ է, որ երբ աղջկան ամուսնացնում են, հարսանիքից հետո
փեսան մտնում է թոնիրը, հարսը պտտում է թոնրի շուրջը, խոստա-
նում, որ կմուրա, կբերե և ամուսնուն կկերակրե. այն ժամանակ միայն,
ասում են, ամուսինը դուրս է գալիս թոնրից*:

* Այս թեև խոսվում է հայերի մեջ, բայց երկար ստուգելով՝ գտա, որ ոչ մի ճշ-
մարտություն չունի. ճշմարտությունն այն է, որ հարսանիքից հետո, հարսին ու փեսային
մտեցնում են օջախին և երգվեցնում հավատարիմ մնալ նրան և մաքուր պահել նրա
պատիվը: Այս սովորությունը շատ տեղ հայերի մեջ նա կա, ինչպես նաև թուրքերի:

— Վա՛հ,— գոչեց կայմակամը,— փեսան թոնր՞քն է մտնում. ա՛յդ
ինչ մասնաբաժնուն է:

— Ոչ, բեյ էֆենդի,— ասաց Արթենը,— դա սուտ է. ճիշտն այն է,
որ եղած պսակից հետո զույգին մտեցնում են տան օջախին և երգվել
տալիս, որ իրենց կյանքն անգամ չխնայեն՝ նրա պատիվը անաղարտ
պահելու համար:

— Այ, դա լավ բան է.— ասաց քյաթիրը,— ես չէի կարծում, որ
այդ գրավորներն այդքան լավ բան ունենան...

— Դե՛հ, աֆֆերիմ, Արթեն,— գոչեց կայմակամը,— այժմ բավա-
կան է ծիծաղենք. հերիք է պատմածներդ:

— Տեսնո՞ւմ եք, բեյ,— իսկույն մեջ մտավ քյաթիրը,— Արթենը
շատ սրամիտն է և լավ էլ ծառա է. դուք ինքներդ գիտեք, որ նա յուր
անձը չի խնայիլ տերություն և ձեզ համար:

— Գիտեմ, գիտեմ,— ժպտաց կայմակամը,— Արթենը լավ հպա-
տակ է, և մեր շահերին լավ ծառայող...

— Մտառ ենք, բեյ էֆենդի,— խոնարհեց Արթենը,— ես միշտ պատ-
քաստ եմ ձեր հրամաններին:

— Ինձ թվում է, բեյ,— շարունակեց քյաթիրը,— որ սրանից էլ
լավ մյուղիք չէ կարող լինել բոշաների համար. սովորությունները գի-
տե՛ս մեզ հավատարիմ է...

— Ի՞նչ,— ասաց կայմակամը,— բոշաները նոր մյուղի՞ր են ու-
զում, եղածից երևի զզվել են:

— Այսինքն,— ասաց քյաթիրը,— այդ քյաթատուր մի շատ էլ լավ
մարդ չէ. հպարտ է, համառ և թուրաչինների շահերին ավելի պաշտ-
պան: Բացի դրանից, Արթենն էլ ասում է, որ բոշաները դժգոհ են նրա-
նից. այնպես չէ՞, Արթեն:

— Այո, էֆենդի, բոշաները դժգոհ են նրանից. Մուվեսս մյուղիրը
խային (ապերախտ) մարդ է, տերություն շահերը չի մտածում...

— Լավ, լավ,— հորանջեց կայմակամը,— դրա մասին վաղը, իսկ
այժմ հարկավոր է հյուրերին զվարճացնել... է՛, Օսման,— դարձավ նա
ծառային,— շալղինները (երածիշտները) եկե՛ւր են:

— Այո, բեյ, դրսումը օպատում են:

— Կանչի՞ր, կանչի՞ր, սա օղիից էլ բեր:

Նվ երբ ծառան: դուրս էր վազում. կայմակամը մի բան փոփսաց
քյաթիրի ականջին, ապա կռացավ դեպի Սուրեյա էֆենդին: Մա ժող-
պաց ու հավանությունն նշան առավ, իսկ քյաթիրը ոտքի ելավ և ժող
գնաց Արթենին:

— Տես, Արթեն,— ձայնեց կայմակամը,— շահելները լինեն և մանավանդ սիրունները...

Արթենը քիչ գունատվեց, բայց զսպեց իրեն և խոնարհվեց: Քյաթիրը բռնեց նրա թևից, և երկուսը միասին դուրս գնացին:

— Հյուսնի էֆենդի,— կանչեց նրա ետևից կայմակամը,— անպատճառ բռնաներ լինեն. նրանք ավելի կրակոտ են... զափթիկներ շատ վերցրեք, որ անցյալ անգամվա պես շթողներ ձայն հանեն:

— էվեթ, էֆենդըմ (այո, էֆենդի),— ասաց դրսից քյաթիրը,— Արթենը տեղը ցույց տվավ, մնացածը հեշտ է...

Հետո լավեց, թե ինչպես թուրքը բաշակերում էր բոշային՝ ասելով.

— Գնանք, օղլում, մյուզիք եմ դարձնելու քեզ...

5

Եվ Հարությունը «մյուզիք»—աթոռակալ դարձավ: Բոշան փաշա եղավ:

Դժվար չէր այդ կայմակամի համար: Այնպիսի օրեր էին, որ ոչ մի բոշա ընդդիմադրելով բան չշահեց: Ո՞վ էր նրանց գանգատը լսող: Եկողի վիզը տաքացնում էին և շէին թողնում, որ մի բառ իսկ արտասանի:

Մի գեղեցիկ օր աթոռակալ Մովսեսին կանչեցին «Սարայ», կայմակամի դեմն անգամ չհանեցին: Քյաթիր էֆենդին ընդունեց նրան, խստությամբ շափեց ոտից մինչև գլուխ և ասաց.

— Ազգդ գանգատվում է քեզանից, ծերունի. մեզ ուղարկել են 500 ստորագրությամբ մի հանրագիր, որի մեջ ասված է, որ դու անիրավ ես, կաշառակեր ես...

— Ե՞ս, էֆենդի...

— Ձա՛յնդ, լինգենե, մի համարձակվիր խոսքս ընդհատելու, որ դու խիստ ես և... կարծեմ գող...

— Տեր աստված,— բացականչեց ծերունին այլայլված:

— Գնա այժմ,— շարունակեց քյաթիրը,— այլևս մյուզիք չես. կայմակամ էֆենդին քեզ հանում է այդ պաշտոնից և շնորհակալ եղիր, որ խնայելով հասակիդ, քեզ դատի չի ենթարկում... գնա և սուլթանի կյանքի համար աղոթող եղիր...

Ծերունին գունատ, գրեթե կիսամեռ՝ դուրս ելավ: Նրան չվիրավորեց այնքան յուր պաշտոնից զրկվելը, որքան այն, որ եղել են յուր ազգականների մեջ 500 վատեր, որոնք այդքա՛ն անխիղճ ամբաստանություններ են բարդել նրա վրա:

Երբ տուն հասավ՝ հիվանդ էր. անկողին մտավ: Որդիները շրջապատեցին ծերունուն, և պետք էր տեսնել նրանց բարկությունը, երբ իմացան, որ ոչ միայն իրենց հորը անպատիվ կերպով պաշտոնից զրկել էին, այլև 500 բոշաներ ամբաստանել էին նրան անիրավությամբ՝ կաշառակերության և գողության մեջ:

Երեք որդի ուներ ծերունի աթոռակալը: Երեքն էլ իսկույն դուրս թռան, թաղե թաղ, տնե տուն ընկան և ինչ որ էլ լինէր, ուզեցին իմանալ, թե ովքեր էին այդ անամոթ անբաստանագիրը ստորագրողները:

Իզուր փնտրեցին. մի հատ էլ չգտան: Եվ ինչպե՞ս գտնեին, չէ՞ որ ոչ մի բոշա գրել-կարդալ չգիտեր: Ամենքը, բացի դրանից, երզվում էին, որ իրենց կողմից այդպիսի ստորագրություն դնելու ոչ մի համաձայնություն չեն տվել, առաջարկություն իսկ չեն ստացել: Եվ երբ լսում էին եղածը, սաստիկ զայրանում էին և հուզվում:

Երեկոյան դեմ Պոյապատի բոլոր բոշաների մեծերը հավաքվեցին աթոռակալի տան դռան առջև և խնդրեցին տեսնել ծերունուն:

Անցնող բոշան, տեսնելով իշխաններին, կանգ էր առնում, և այդպիսով մի մեծ բազմություն գոյացավ աթոռակալի տան առաջ: Արթենին էլ երբ պատմեցին եղածը, զարմանք կեղծեց, ցավ հայտնեց և գնաց բազմության հետ ծերունու տան առաջ:

Աթոռակալը, կոթնած յուր մեծ որդուն, դուրս եկավ և նստեց. ժողովուրդը շրջան կազմեց և լուռ՝ սպասում էր լսել նրա բացատրությունը:

— Ասա մեզ, վարպետ,— խոսեց «ահիլ»-ներից (ծեր) մեկը,— այս ինչե՛ր լսեցինք քո մասին, ճի՞շտ են բոլորը:

— Ճիշտ է, որդիք,— խոսեց ծերունին,— ահա քսան տարի է լորս անգամ մյուզիք եմ եղել ձեզ, բայց երբեք այսրան վիրավորանք չեմ կրել: Ինձ հեռացնում են իմ պաշտոնից. կայմակամի հրամանն է դա...

— Բայց ոչ մեր ցանկությունը,— միջահատեցին մի քանիսը:

— Մենք միայն իրավունք ունեինք հեռացնել մեր աթոռակալը կամ պահել,— գոչեցին ետևում կանգնածներից շատերը:

— Կայմակամը անիրավությամբ է վարվում,— ասաց մեկը:

— Մենք կգանգատենք փաշային...

— Ինձ թողեք խոսեմ դեռ, որդիք,— ասաց ծերունին,— թողեք բոլորը ասեմ:

Բոլորը լռեցին:

— Օրենք... իրավունք...— ասաց ծերունին,— այդպիսի բառեր արտասանեցիք: Դրանք այժմ ո՞վ գիտե ո՞ր փոշելից անկյունում ննչում:

են. հետո, շատ հետո, գուցե հենց միմիայն այնտեղ, վերևում կան, ուր նստած կա ինքը օրհնքն ու իրավունքը... բայց այստե՞ղ: Օրհնք է, որ մեզ կոտորում են, հարստահարում, թալանում, մեր աղջիկները խլում: Օրհնք է, որ առանց աթոռակալի՝ տուրքերը կրկնապատկում են, տնետուն մտնում, քարշ տալիս ինչ որ ունինք. ամեն անցնող պաշտոնյա համարձակ ոտ է ներս կոխում օջախների մեջ, պղծում նրանց, թքում մեզ վրա. ծաղրում մեր սրբութունները, խլում մեր ունեցածը... Իրավունք էր, օրինակ, որ անցյալ օրը, գիշերով խզեցին տարան կայմակամի և յուր հյուրերի համար երկու աղջիկ և մի հարս, տանջեցին գազանաբար և մյուս առավոտ բերին ձգեցին այս դռան առաջ. օրհնք է այս բոլորը... է՛հ, շխտեսնք օրհնքի մասին... Փաստն այն է, որ ինձ իմ պաշտոնից հենց դրա համար հանեցին: Ես արգելք էի նրանց ազատ գործունեության. ես բողոքում էի, գանգատվում էի, ընդդիմադրում. մի խոսքով, նրանց անհանգիստ էի անում... Բայց ինչ որ է, ես այլևս մյուս գիր չեմ. երկար վարեցի այս պաշտոնը, թող քիչ էլ ուրիշները վարեն. ընտրեցեք մեկին, որ նորից մտածի ձեր մասին, ձեր ցավերին ցավակից լինի, ձեզ թիկունք լինի ու ձեզ համար պետք եղած ժամանակ զոհվի... Ասում եմ, ինձ այնքան ցավ չի տալիս իմ պաշտոնաթողությունը, որքան այն, որ ձեզանից 500 հոգու մի ստորագրություն է գնացել, որով ես ամբաստանված եմ իրրև անիրավի, կաշառակեր, գող... է՛հ, անսիրտներ, ծերունի գլխիս անգամ չխնայեցիք...

Որի՞ն անիրավություն արի, որի՞ց կաշառք կերա, որի՞ց բան գողացա—թող ելնձ ասի այստեղ. և եթե մի բանով զրկել եմ նրան, թող ամբողջ ունեցածս առնե, թող գա թթե երեսիս, մրե, մաղեքս ցեխոտե...

— Վարպետ,— ասաց ծերունիներից մեկը հուզված,— մի հավատալ այդ ստորագրության, մենք ստուգել տվինք. սուտ է. ո՞ր բոշան գրել գիտե. դա քյաթիբի հնարած պատրվակն է, որ քեզ հանի պաշտոնից և ո՞վ գիտե յուր ո՞ր ուզածին քո տեղը նշանակի:

— Բայց չէ՞ որ էլի մեզ են դիմելու նոր մյուզիբ ընտրել տալու համար,— խոսեց մեկը,— էլի մենք պիտի ընտրենք. ընտրենք նորից Մովսես աղային... ո՞վ է դեմ ասածիս...

— Համաձայն ենք...— գուչեցին ամեն կողմից:

— Ծնորհակալ եմ, որդիք,— ասաց ծերունիին,— բայց ես չեմ ընդունում, հերիք է, ծերացել եմ. այլևս լուռությամբ չեմ կարող գիմանալ, եղած անիրավությունները տեսնել և չկարողանալ ոչինչ անել ձեզ համար. ընտրեցեք մի երիտասարդի...

— Ոչ ոքի չենք ուզում...— ձայնեցին ամեն կողմից:

Սլ բոշաները սկսեցին ամեն կողմից այնպես բարձրաձայն վիճել:

որ բազմաթյունը հետզհետե ստվարանում էր: Աթոռակալը տեսավ, որ կարող էր ժողովը վատ հետևանք ունենալ, ելավ կանգնեց, խնդրեց լուկ և ասաց.

— Ցրվեցեք, որդիք, տներդ գնացեք, մինչև տեսնենք ինչ կլինի, այստեղ ժողովվիլը լավ չէ. կարող է մի փորձանք հառաջացնել:

Եվ երբ տուն էր ուզում մտնել, մի բան հիշեց, կանգ առավ, դարձավ և հարցրեց.

— Մըր է ուստա Արթենը, այստե՞ղ էր:

— Այստեղ էր,— ասաց մեկը,— բայց մի քիչ առաջ անհետացավ:

— է, պրծավ...— ժպտաց դառնությամբ ծերունին,— քիչ հետո կայմակամը, քյաթիբը ամեն ինչ կիմանան. այն պտուն հիմա այնտեղ է և պատմում է...

Եվ իրավ, Արթենը, որ սկզբից եկել և ուշադրությամբ լսում էր ամեն ինչ, երբ տեսավ ժողովրդի տրամադրությունը վերջնորելու Մովսեսին՝ վազնիվազ գնաց քյաթիբի մոտ և պատմեց բոլորը:

Քյաթիբը այլապիկեց բարկությունից. բռունցքով զլխի ֆեսը խփեց ու ճակատի վրա բերեց, հետո վեր թռավ տեղից ու ոռնաց.

— Ի՛նչ, այդ «չինգենները» համարձակվում են ժողովնե՞ր կազմել, ապատմե՞նք... ես Հյուսնի շլինեմ, եթե վաղն ևեթ այդ քյաթիբառին բանտ չնստեցնեն:

Արթենը յոթերորդ երկնքում էր. ուրախ վերադարձավ տուն:

Բոշաների թաղերում գեռ հուզումը շարունակվում էր: Խումբ առ խումբ երիտասարդները հավաքվել էին փողոցների մեջտեղ. կանաչք գոնների առաջ վիճում էին օրվա դեպքերի վրա, և երբ Արթենը անցնում էր, բոլորը մեկեն լուծում էին, կատաղի ակնարկներ նետում դեպի նա և նտեից մոմռում.

— Մուլավ պտու...

Ամենքը կարծես զգում էին, որ Արթենի գործն է եղածը և կամ նրա մատը խառն է դրանում:

Մի փողոցից էլ երբ անցնում էր, լսեց, որ մի կին ասում էր յոթ ամուսնուն.

— Այդ շանը տեսնո՞ւմ ես. բոլորը դրա գործն է. Ի՞նչ տղամարդ էք, որ չեք կարողանում սատկացնել դրան...

Արթենը դողաց և սաստիկ վախեցած՝ շտապեց փախչել: Ծանաչում էր յուր ազգի վրեժխնդրական ոգին, որ թեև ուշ է գարթնում, բայց երբ գարթնում է, սաստիկ սոսկալի է լինում. զրգում է կնոջը նույնիսկ՝ դավաճան ամուսնու, որդուն՝ մատնիչ հոր դեմ...

Փախավ տուն մտավ: Մարզոն դռան առաջն էր, և մի քանի դրացի

կանանց հետ խոսում էին: Երբ Արթենը ներս մտավ, կանայք ելան, միմյանց երեսի նայեցին ու կամեցան հեռանալ:

— Ո՞ւր եք գնում, աղջի,— ասաց Մարգոն,— խոսում ենք, մարդս ի՞նչ է խանգարում:

— Չէ, Մարգո,— դժվարացավ մեկը,— գնանք, ուշ է:

— Ո՞ւշ, ի՞նչ եք ասում, դեռ արևը նոր է մայր մտնում. կացեք քիչ էլ խոսենք:

Հետո հանկարծ նկատեց կանանց կասկածավոր հայացքները, որ ուղղվում էին դեպի տան դուռը: Գունատվեց:

— Ի՞նչ,— գոչեց նա դողողուն,— վախենում եք, որ...

— Գիտե՞ս ինչ, Մարգո,— ասաց ցած ձայնով մի կին,— կասկածում ենք, որ մարդդ բոլոր մեր մեջ եղածներն ու խոսացածները իմաց է տալիս պսուններին...

Ասում են, որ անցյալ օրվա Մարտոյի հարսի տեղն էլ նա է ցույց տվել զափթիներին...

Հազիվ թե այդ ասել էր, որ Մարգոն ցատկեց դեպի նա բուռները սեղմած և գոչեց.

— Ինչ ասացի՞ր, սեավոր, համարձակվում ես մարդու հայհոյե՞լ...

— Յամա՛ն,— աղաչեց մյուս կինը,— ձայն մի հանիլ, ի սեր աստ՝ ծո, մարդդ որ լսի, մեր տունը կթանդվի. ասում են այժմ կանանց բանտ էլ են շինել...

— Բայց դուք հիմար եք, աղջի,— ծիծաղեց ակամա ծիծաղով Մարգոն,— իմ մարդս այդքան չէ ընկել. ոչ... այ, սպասեցեք, ես այս բոպեիս կկանչեմ իրան. այստեղ և էտեսներ, որ ձեր կասկածները լիովին սուտ են: Կանայք շարժվեցին հեռանալու:

— Չգնաք,— սպասնաց Մարգոն խիստ բարկությունք,— ի՞նչ, ամբաստանել դիտե՞ք. սպասեցեք, որ բոլորիդ երեսին թքեմ... ի՞նչ, իմ մարդս թուրքերի՞ն տանի մեր կանանց, մատնիչ լինի...

Եվ սաստիկ հուզված՝ դարձավ դեպի դուռն ու անբնական խոպոտ ձայնով կանչեց ամուսնուն:

Մի վայրկյան խոր, սոսկալի լուռություն տիրեց, հնար դուռն միջից երևաց Արթենի մեռելային դեմքը:

— Ի՞նչ է եղել, կնիկ,— ասաց նա նեղացած,— ինչո՞ւ ինձ հանգիստ չես թողնում:

Դրացի կանայք սարսափահար լինելիքից՝ ետ էին քաշվել: Մարգոն մի ոստյունով թռավ դեպի ամուսինը, ուժգնությունք բռնեց նրա թևից և բուռն շարժմամբ թրև տալով նրան դեպի դուրս, ասաց.

— Խոսիր, մարդ, արդարացիր. գիտե՞ս ինչեր են ասում սրանք,

բոլոր լուծերը, ամբողջ աշխարհը... Ասում են, որ դու պսունների լրտես ես, որ դու այդ բոլորից հետո, անցյալ երեկո էլ Մարտոյի հարսին քարշ ես տվել պսունների համար... Խոսիր, արդարացիր, թէ՛ր դրանց երեսին...

Արթենը շփոթվեց, կարկամեց և պահ մի ոչինչ չկարողացավ ասել: — Ես... ես... — թոթովեց նա: Հետո հանկարծ, գահավիժմամբ ու ծայրահեղ բարկությունք, գրեթե կատաղաբար ասաց.

— Սուտ են այդ բոլորը, և դուք բոլորդ շաբ՛ի եք (վատ կանայք), որ ստում եք:

— Չաբ՛ի դու ես, սուլավ,— գոռաց նրա վրա մի կին և առաջ եկավ,— դեռ հայհոյո՞ւմ ես, քլբամ (ուրացող), չէ՞ որ Մարտոյի հարսը տեսել է քեզ՝ իրան քարշ տվող զափթիների հետ և դեռ երեսիդ էլ թքել է... Ա՛յ, գնացեք իրան հարցրեք...

Մարգոն երերաց, արյունալից աչքերով և վագրի արագությունք ցատկեց դեպի ամուսինը, բռնեց նրա երկու ուսազլիսից, նայեց աչքերի մեջ մի վայրկյան, հետո մի բոպե շվարած՝ շուրջը նայեց.

— Լեվա՛լ, լեվա՛լ,— մոմոաց կատաղությունք: Եվ երբ կանայք սարսափած հեռանում էին, նա էլ գրեթե վազելով հեռացավ և կտրեց փողոցը:

Բոլոր անցորդները ապշած կանգ առան, նկատելով այդ ոտաբորիկ, ցեխի միջից արշավող, արյունալից աչքերով և հերարձակ կնոջը, որ վազում էր առանց ոչ ոքի նայելու, վազում էր և գոչում...

— Սուլա՛վ, սուլա՛վ... պսու սուլավ...

Այդպես վազնիվազ, հեալով, Մարգոն անցավ մի քանի փողոց և ներս մտավ Մարտոյի հիվանդ ընկած հարսի տունը: Միայն երկու վայրկյան մնաց այնտեղ, 5—6 բառ հարցրեց, հետո, նույն արագությամբ ետ դարձավ, անցավ փողոցներից և հասավ տուն:

Երբ ներս էր մտնում, կատաղությունք խլեց նախագավթում դրված կացիներ և ոստնեց դեպի սենյակը:

Բայց սենյակի հատակի վրա միայն երկու մանուկներն էին, որոնք խաղում էին և ծիծաղում: Արթենը չկար:

Մի բոպե մնաց անշարժ՝ շվարած: Հետո ամբողջ թափը կոտրվեց, կացիներ ձեռքից ընկավ և նա, թևերը կախ, գլխիկոր, կարծես շարժված՝ նստեց գետնի վրա ու գլուխը ձեռքերի մեջ առավ:

Բայց երկար շտեկեց այդ: Բոշա կինը շատ լալ չգիտե. մի բոպե է տևում նրա թուլությունը. նա վճռական է, հանդուգն և դիմացկուն:

Մարգոն վեր թռավ, իսկույն ծրարեց մի կապոց, հետո երկու դար-

մտցած մանուկների ձեռքերը բռնեց և, շնայած մթան, փողոց դուրս եկավ:

Դրացիներից շատերը հեռու կանգնած՝ հետաքրքրությամբ ու կարեկցությամբ նայում էին և երբ տեսան Մարգոյի ելքը՝ ցավալից ձայներ հաննցին:

— Ահ, գնում է, հեռանում է...

— Շատ լավ է անում... անիծյալ օջախ է այդ տունը... շան օջախ եղավ...

— Կեցցե Մարգոն...

— Ո՛ւր է գնում, արդյոք:

Ինքն էլ չգիտեր, Մարգոն, թե ուր է գնում: Վճռել էր հեռանալ այդ տնից, յուր մատնիչ, ստորացած ամուսնուց. գնալ-թափառել այրի կնոջ պես, աշխարհին հռչակել, որ յուր «Լախուզը» (ամուսին) մեռել էր պսուի պես, որ ամուսին չէ ունեցել և որ չէ ուզում ոչ ոքի երեսը տեսնել, այո, ոչ ոքի...

Պահ մի կանգ առավ փողոցի մեջտեղ, այս-այն կողմ նայեց, ու շաղրություն չգարձրեց փոքրիկի լացին, բարկությամբ ցնցեց նրան, ապա ուղղվեց դեպի աջ:

Այդ միջոցին փողոցի մի կողմից երևաց բոշաների հայ քահանան*, որ գնում էր մի մեռնողի հաղորդելու: Տեսնելով փողոցի միջից քայլող Մարգոյին և նրան դիտողներին, հարցրեց, թե ի՞նչ էր եղել:

— Արթնի կինն է, տեր հայր, — ասացին նրան, — մարդը պսու է դարձել, և ինքը հեռանում է:

Քահանան գլուխը երեքրեց և կամենում էր հեռանալ, բայց մի բողբոջ կին խնդրեց նրան, որ մոտ քնար և համոզեր թշվառ կնոջը՝ գիշերով գուրջ չգալ ավանից:

Քահանան քիչ վարանեց, հետո գնաց:

— Մարգո, — ձայնեց նա:

Գնչուհին դարձավ:

— Մարգո, ո՛ւր ես գնում այսպես գիշերով, մեղք ես, դարձիր տուն:

— Տո՛ւն... — ասաց Մարգոն, — էլ տուն չունիմ, օջախս պղծվեց, մոխիրս ապակախվեց... էլ տուն չունիմ...

* Բոշաների միջև երբեք քահանա կամ եկեղեցու պաշտոնյա չեն ընտրվում, ըստ «Ճայտավորք»-ի անձրի, նրանք համարվում են աստիճայ ջեղ: Նրանց քահանան հայ է, և բոլոր ձեռքերը կատարվում են հայոց եկեղեցում, իսկ թափառելու միջոցին տանց ծեսի է փնտռում ամեն ինչ:

— Իսկ մա՞րդդ:

— Մարդ չունիմ... մարդս սուլավ էր, շարտեցի... մարդ չունիմ, տներ եմ, անտեր...

Բոշաները մոտեցել էին:

— Մի գնալ գիշերով, Մարգո, — մեջ ընկավ մի կին, — երեսայքը մեղք եմ և հեռո, գիտես, դաշտում շատ էլ ապահով չէ...

Մարգոն ոչինչ չասաց, գլխով միայն բացասական նշան արավ և առանց ետ նայելու հեռացավ: Հուզիչ էր տեսարանը. բոլորը կանգնել նայում էին նրա ետևից. մի բանիսները վալրացած՝ անեծք ու հայհոյանք էին թափում Արթնի հասցեին:

Եվ Մարգոն հեռացավ այդպես՝ քարշ տալով յուր հետ երկու կիսամերկ որբերին:

Նվաճ նա ավանից, առանց ետ նայելու կտրեց դաշտը և կեսգիշերից շատ անց, գրեթե հոգնած ու ջարդված, ցեխաթաթախ, մտավ Զիլե գյուղը և ընկավ հոր դռան առաջ.

Մերունի հայրն էր դուռը բացողը: Ծրագր ձեռքին մոտեցավ նրանց:

— Բարի երեկո, բաբ... (հայր):

— Մարգո՞... — գոշեց ծերունին:

— Այդ ես եմ, բաբ... բայց չեմ եկել մնալու, այլ քեզ պահ եմ տալու իմ երկու որդիներին... մարդս պսու դարձավ, յուր ազգակիցներին մատնեց, նրանց աղջիկներին ու հարսներին քարշ տվեց պսուների համար, շան պես բծնում է նրանց ոտների տակ... թողի նրան, բաբ, լավ չարի՞...

— Լավ արիր, աղջիկս, եկ օրհնեմ քեզ:

— Սպասիր, հայր, ես տունդ — այս օրհնած օջախը չեմ մտնիլ. ես անպատվված կին եմ. օջախդ արատավորեցին և միշտ չսրբեմ նրա քիծը, չեմ ներս մտնելու այնտեղ... ես գնում եմ. կամ կմեռնեմ և կամ օջախը կմաքրեմ... լավ չե՞մ անում, բաբ...

— Լավ ես անում, աղջիկս, գնա, աստված քեզ հետ:

Հետո ծերունին դողդողուն բազուկներով գրկեց աղջկան, համբուրեց, արտասովալից աչքերով բռնեց երկու որբուկի ձեռքը և ներս մտավ:

Մարգոն մի բուրբակ նայեց նրանց ետևից՝ աչքերը լի արտասուքով. մի քայլ արավ վաղելու դեպի զավակները, պարզեց ձեռքերը, բայց հանկարծ կանգ առավ, կնճռոտեց ճակատը, բուռնով սրբեց աչքերը, թոթափեց իրան և ամուր ու անհողողող քայլերով հեռացավ, մտնելով գիշերային մթության մեջ...

Դրանից հետո Արթենին «մյուզիք» շինեցին, և սկսվեցին բոշաների համար սոսկալի օրեր: Մի թեթև ընդդիմադրութիւն՝ Արթենի կողմից ներկայացվում էր որպէս ըմբոստութիւն իշխանութեան դեմ, և ընդդիմադրող բոշան կամ կորսվում էր, կամ փտում բանտերի մեջ:

Արթենը շատ սիրելի էր դարձել, նախ կայմակամին, հետո բոլոր պաշտոնյաներին: Ասում էին մինչև իսկ, որ մահմեդականացել էր, միշտ մզկիթ էր գնում: Այն ճիշտ էր, որ կնոջ անհետանալուց հետո մի թուրք կին էր բերել և պահում էր. մուլան հաճախ էր մտնում նրա տունը, թուրք կին էր բերել և պահում էր. մուլան հաճախ էր մտնում նրա տունը, թուրք պաշտոնյաները և մանավանդ քյաթիբը ուղղակի իրանց տունն էին շինել Արթենի խրճիթը. ամեն ուրբաթ օր գալիս էին և աղմկալից բեֆեր սարքում, բեֆեր, որոնք միշտ վերջանում էին խայտառակութիւններով:

Բոշաները դիմացան միայն մի քանի ամիս. բայց երբ եկավ գարունը, և բոշայական կրակոտ, շարժուն և անհամբեր կանայք պատրաստվեցին դուրս ելնելու, ոչ մի կին չկամեցավ տեղից շարժվել, քանի Արթենը մյուզիք կմնար Պոյապատում: Ասենք Արթենը ուրախացավ, բայց յուր եկամուտը մտածելով, մոռացավ, որ անշարժութիւնը նեղսրտացնել սկսեց բոլորին:

Կանայք, այդ անսովոր դրութիւնից նեղվելով, սկսեցին գրգռել ամուսիններին՝ եղած դրութեան դեմ: Էլի կույտ-կույտ ժողովներ, այս անգամ գիշերով և գաղտնի:

Կանայք էին գրեթե այդ ժողովներ կազմակերպողները, գրգողները: Հավաքվում էին մեկի մոտ, կանչում էին ամուսիններին, նախատում նրանց և ստիպում, որ խորհեն այդ դրութիւնից ազատվելու համար:

Երկար խորհելու պետք չեղավ: Խնդիրը պարզ էր: Վճուճաց միաձայն, որ բոլորի պատճառը ուստա Արթենն էր, ուստի և նրան հարկավոր էր տապալել:

Եվ մյուս օր առավոտյան էր ահա, Պոյապատի բոշաները առաջներն ունենալով իրանց կանանց, դուրս խուճեցին թաղերից և հավաքվեցին կայմակամի դռան առաջ:

Մեծ հուզում տիրեց ավանում, մոտ 2—3000 հոգի վիճելով, խուսելով հասան կայմակամի պատշգամբի տակ և պահանջում էին խոսել բեյի հետ: Զինվորների մի փոքրիկ խումբ, քյաթիբի պահանջով, մոտ եկավ ամբոխը ցրվելու, բայց ոչինչ չկարողացավ անել:

Քյաթիբը բարկութիւնից կորցրել էր իրեն. դեռ կայմակամին չէին իմաց տվել. քնել էր նա:

— Մեզ կտոր-կտոր կանեն, քյաթիբ էֆենդի,— արդարանում էր զինվորների գլխավորը,— բացի դրանից ինչպե՞ս հարձակվեմ ես կանանց վրա, ի՞նչ կասեն ինձ:

— Վախկոտ եք, յուզբաշի, վախկոտ եք,— ոռնում էր քյաթիբը:

— Իսկ դուք բոշա կանանց կատաղութեանը հանդիպե՞լ եք,— արդարանում էր աստիճանավորը,— ո՛չ, ուրեմն չեմ ցանկանում, որ հանդիպեք... վագրեր են, գիտե՞ք, մի-մի վագրեր... և հետո, չէ՞ որ կանայք են. ե՞րբ է տեսնված, որ կանանց վրա զենքով հարձակվեն...

— Բայց կայմակամի հրամանն է այդ...

— Թող կայմակամը ինքը հրամայե... Մարդիկ հանդարտութեամբ եկել ուզում են բեյի հետ խոսել. ինչո՞ւ չեք թողնում. դեմ չեն գնում. զենք չունին. նրանց պահանջը միայն այն է, որ իրենց կեղտոտ մյուզիքին պաշտոնից հանեք...

— Դուք ինչո՞ւ եք խառնվում այդպիսի գործերի մեջ...

— Աստված ոչ անի. ես ե՞րբ եմ խառնվում... միայն այսքան կասեմ ձեզ, որ ես զինվորներիս չեմ հրամայիլ հարձակում գործելու. հրամայեցեք ինքներդ, հրամայեցեք և հետևանքի համար էլ պատասխանատու եղեք:

Կայմակամն այդ միջոցին զարթնեց աղմուկից և սաստիկ վախեցավ, երբ իմացավ, որ 2—3000 բոշաներ, այն էլ կեսը կանայք, հավաքվել են դռան առաջ և ուզում են իրեն տեսնել:

— Ի՞նչ են ուզում ինձնից, ո՞ւր է քյաթիբը. շուտ քյաթիբին կանչեցեք:

— Ուղարկվեց կանչելու, բեյ,— ասաց ծառան,— բոշաներն էլ եկել են խնդրելու, որ իրենց մյուզիքին, այդ Արթենին հանեք պաշտոնից...

— Ա՛յդ է բոլորը. դուրս ձգեցեք ուրեմն այդ շանը, բանտարկեք, կախեք դրան...

Բայց քյաթիբը վրա հասավ և կայմակամի հրամանների դեմ անավ:

— Բեյ էֆենդի,— մոտեցավ նա,— եթե այդ գլխավորների ասածը անեք այսօր, վաղն էլ ուրիշ բան կուզեն: Ինձ իմաց տվին, որ եկել են հաշիվ պահանջելու, թե ով է իրանց աղջիկներն ու հարսները հափըրտակել տվողը, իմացել են, որ դուք եք և...

Կայմակամը գունատվեց և վախից կարկամեց:

— Զինված են, քյաթիբ,— հարցրեց նա քիչ հետո,— զինված են, շա՛տ են:

— Ոչ, բեյ, վախենալու ոչինչ չկա. բայց հարկավոր է մի կերպ

այժմ ցրվել նրանց, իսկ հետո դժվար չէ գրգռողներին մեկ-մեկ բռնել և այդ բոլորը խեղդել, սշնչացնել:

Այդ միջոցին լավեց խառնիճաղանջ աղաղակ: Գնչուհիներն էին, որ դրսում գոռում, կայմակամին էին պահանջում տեսնել:

— Չեզ տեսնել են ուզում, բեյ, ներս վազեց մի պաշտոնյա, շտապեցեք, առաջանում են և սպառնական դիրք ստանում:

Եվ իրավ, գրսում անհամբերությունից բողաները սկսեցին նախ քրթմնջալ, հետո բարձրաձայն բողոքել և հուսկ ուրեմն սպառնալ: Ետե՛վից հրում էին և առաջանալու հրավիրում: Երևան եկան մահակներ, բռունցքներ...

Կայմակամը լուսամուտի վարագույրի ետևից դուրս նայեց և երբ այդ բոլորը տեսավ. ծնկները կթռտեցին:

— Ի՞նչ անել, քյաթիր, — հարցրեց նա վախից թոթովելով:

— Պետք է երեւալ նրանց, բեյ, — խորհուրդ տվեալ քյաթիրը, — երեւալ և հանգարածքներ, խոստանալ նրանց ուզածը կատարել, ցրվելու հորդորել...

— Իսկ եթե հարվածե՞ն, եթե հարձակվե՞ն...

— Չեն անիլ, բեյ, չեն համարձակվիլ... Շուտ դուրս գնացեք:

Աղաղակը նորից կրկնվեց և այս անգամ այնպես ուժգին ու սպառնալից, որ գլորեցրեց ամբողջ շենքը:

Կայմակամը մեռելի պես գունատված պատշգամբն ելաւ: Բոշաները երբ տեսան նրան, մի ոտնոց բարձրացրին: Ամեն սք խոսում էր, խառն, անհասկանալի. ձեռքերը երկինք էին բարձրացնում, տեսնվում էին մազալից գլուխներ, արևակեզ դեմքեր, բաց բերաններ...

— Խոսեք, բեյ, խոսեք շուտ, — քաջալերեց քյաթիրը դուռն միջից:

Եվ կայմակամը մի քանի անգամ բերան բաց արավ, հետո վախից դողացող ձայնով ասաց.

— Հանդարտեցեք, որդիք... Ի՞նչ եք ուզում, ինչո՞ւ եք աղմուկ հանում... Ահա ես եմ, ձեր կայմակամը. չէ՞ որ միշտ բարի եմ եղել դեպի ձեզ, սիրելիներս... չէ՞ որ ես ձեզ համարել եմ հանդարտ, լավ ժողովուրդ. ես ինքս էլ անձամբ երբեք ձեզ չեմ նեղացրել. եթե ձեզ զուլում է եղել, մեղավորն էլ ես չեմ, հավատացե՛ք, իմ պաշտոնյաներն են...

— Չենք ուզում մյուզիքին... — ոտնաց ամբոխը, — ի՞ բաց քյաթիրը...

— Անիրավություն են անում...

Չայներն ու խոսքերը նորից այնքան խառնվեցին միմյանց, որ կայմակամը ոչինչ չհասկացավ:

— Լավ, լավ, — ասաց նա, նորից ձեռքը բարձրացնելով. — ես գիտեմ ձեր ուզածը... բոլորը, բոլորը կկատարեմ, իսկ առայժմ, քույրերս,

ցրվեցեք և խրատեցեք ձեր ամուսիններին՝ խելոք մնալ... Ես միշտ բարի, բարի եմ եղել դեպի ձեզ. էլի կլինեմ. ինչ որ կամենում եք, կկատարվի, իմ կայմակամական խոսքս թող վկա լինի...

— Կեցցե մեր կայմակամը, — գոռացին շատերը ամբոխից:

Կայմակամը սիրտ առավ, ճակատի քրտինքը սրբեց և դառնալով դեպի դուռը՝ նայեց պահված քյաթիրին:

— Կարծեմ լավ խոսեցի. չէ՞, քյաթիր:

— Այո՞... բայց դեռ չեն գնում... հորդորեցեք, բեյ, հորդորեցեք, որ ցրվին:

— Հը՞, այո, դեռ չեն գնում, — նորից վախեցած՝ ամբոխին նայեց կայմակամը, — և ինչ-որ փափսում են... քյաթիր. հանկարծ մի գնդակ լուղարկե՞ն ինձ...

Ու ետ քաշվեց դեպի դուռը:

— Ո՛ւր եք գնում, — գոչեց քյաթիրը, — ի սեր աստժո, տեղներեցրդ մի շարժվեք, խոսեցեք, ժամանակ շահեք, մինչև հանդարտեն... հորդորեցեք...

Բայց բողաները սկսում էին հանդարտել. կայմակամի խոստումը մեղմացրեց նրանց, և այժմ խորհուրդ էին անում ցրվելու:

— Հա, — խոսեց կայմակամը նորից առաջանալով, — քույրիկներս, ասեք տեսներ, ի՞նչ է ձեր ուզածը...

— Այդ չէ, այդ մի հարցնեք, — թելադրեց դուռն միջից քյաթիրը խրուպոտ ձայնով:

— Այսինքն, — շփոթվեց կայմակամը, — այսօր լավ կանեք դեռ ցրվեք, հետո մի քանի մարդ կուղարկեք ինձ մոտ և ձեր ուզածը կհայտնեք... այդպես լավ է. այո, դե՛հ երթաք բարով, քույրերս, ցրվեցեք և թողեք, որ գնամ առավոտյան աղոթքս անեմ...

Այն ժամանակ կանանցից զատվեց մի երկարահասակ, շահել և սիրուն դեմքով կին ու առաջ եկավ: Նրան հետևեցին երկու ուրիշ մատաղահաս կանայք էլ և այդպես՝ երեքը միասին, ետևից ունենալով մի տղամարդ՝ կանգ առին ճիշտ պատշգամբի տակ:

— Բեյ էֆենդի, — խոսեց երկարահասակ գնչուհին, — մեր ուզածը շատ բան չէ: Մեր կամքի հակառակ պաշտոնանկ արիք մեր մյուզիքին և փոխարենը դիրք մի անպիտանի, մի շան, որի անիրավություններն այնքան շատ են, որ սյուն դառան՝ երկնքին հասան... Մեզ տանջում է, մեր տունը քանդում, մեր կանանց, աղջիկներին անպատվում... էլ կյանք չունինք մենք... բողոքում ենք և խնդրում, որ դուրս ձգեք այդ մյուզիքին և իրավունք տաք, որ ուրիշին ընտրենք և որին որ մենք ընտրենք — հաստատեք իսկույն:

Կայմակամը ապշեց. չէր սպասում այդքան էփանով պրծնել:

— Ի՞նչ,— գռչեց նա ուրախությամբ,— միայն ա՛յդ է ձեր ուզածը. ուրախությամբ, բուշերս, ամենայն ուրախությամբ... Ձեր մյուզիքը պաշտոնանկ է այս րոպեիս... դե՛հ, ցրվեցեք և գնացեք ընտրեք մեկին, որ վավերացնեմ, դե՛հ, խելոք զավակներս, ցրվեցեք...

— Մենք արդեն ընտրել ենք մեր նոր մյուզիքին, բայ,— վանչեց գնչուհին,— Սարոյենց Խելոյին կուզենք...

— Այո, այո,— ձայնեց ամբոխը:

Բայց հանկարծ, երբ մի ականթարթ լռություն էր տիրում, ետևի կողմից մի ձայն բարձրացավ, որ ասում էր.

— Ոչ, ոչ, Կարապետին, Մարկոսենց Կարապետին կուզենք:

— Այո, այո,— արձագանք տվին մի քանի տասնյակ ձայներ,— Կարապետին կուզենք:

Գնչուհիներն ու առաջ կանգնած բոշաները ապշած՝ դարձան և զարմացան, թե որտեղի՞ց է գոյացել այդ կուսակցությունը, որ կամենում էր Կարապետի պես մի թույլ, գրեթե հիվանդ անձի մյուզիք ընտրել:

— Ի՞նչ եք ասում, ծո,— ոռնաց մի բոշա այդ նոր կուսակցության,— խեցա՞ք...

— Խեղ դուք եք,— ձայնեց ետևից մեկը,— մենք Կարապետին կուզենք:

— Ա՛յ չոռ ու ցա՛վ ուզեք, ախմախներ...

— Չոռ ու ցավը դուք ուզեք...

Եվ կռիվ ու վեճ սկսեց. մի խառն, զզվելի աղմուկ լցվեց հրապարակը: Բոշաները սկսեցին խմբերի բաժանվել, վիճել, մինչև անգամ իրարու ծեծել և հուսկ ուրեմն բոլորովին ցրվել:

Կայմակամն էլ էր ապշել և պատշգամբի վրա կանգնած դիտում էր այդ տեսարանը: Քյաթիբը ըմբռնեց բանը ինչու՞մ լինելը և ուրախությունից սկսեց ձեռքերը շփել ու դուրս եկավ թաքստոցից:

— Այժմ վտանգն անցավ բոլորովին,— ասաց նա.— այդ գյավուրները մեր ձեռքն են:

— Մյուզիքը ո՞վ է սակայն,— հարցրեց կայմակամը,— որի՞ն ընտրեցին:

— Ոչ ոքի, Արթենը նույն պաշտոնի մեջ կմնա, իսկ դրանց ուժը այժմ մեր ձեռքումն է...

Կայմակամը հոգնած՝ ներս քաշվեց, և երբ քյաթիբը մենակ մնաց. կանչեց զափթիկներին սպային պատշգամբը. ձեռքով ցույց տվավ հեռացող բոշաներին և ասաց.

— Դու տե՛սար, թե ովքեր էին խոսող կանանց զլխվորները. երեք կին, մի տղամարդ:

— Այո, էֆենդի:

— Գիշեր շեղած, կուզեմ, որ կանայք իմ հարեմը մտնեն ձեռքներն ու ստները կապած. իսկ տղամարդիկ՝ բանտ:

Սպան հավաքեց մի քանի զափթիկներ և գնաց բոշաների ետևից: Բոշաները վիճելով, կովելով՝ հասան իրանց թաղերը: Այնտեղ միայն գլխի ընկան, որ այդ երկպառակությունը Արթենի պատրաստածն էր. իսկ երբ մի քանի ժամ հետո լուր տարածվեց, որ երեք կանանց տարել են, հուզումը ավելի սաստկացավ բոշաների թաղերում:

Այս անգամ ժողովները վճռեցին Արթենին սպանել և նրա տունը տակնուվրա անել. բայց Արթենը զգույշ էր, կեսօր շեղած, մի խումբ զինվորներ բերեց և բանակել տվավ լուր դուռն առաջ. ինքն էլ միշտ երկու զինված զափթիկների հետ էր ման գալիս:

Բոշաներն սկսեցին հուսահատվել:

Գործերն ահա այդպիսի դրության մեջ էին, երբ էրեկոյան բոշաների թաղը մտավ մի սևադեմ, ցեխաթաթավ կին և բախեց աթոռակալ Մովսեսի դուռը:

Մեծ որդին բաց արավ:

— Որի՞ն ես ուզում, կին:

— Աթոռակալ Մովսեսին:

— Հայրս է և հիվանդ... մտիր. դու ո՞վ ես:

— Ծանապարհ տուր մտնեմ և կտեսնես:

Ու կինը համարձակ ներս մտավ, անցավ սենյակը և երբ ճրագի մոտ էր հասել, ասաց.

— Չճանաչեցի՞ր:

— Մարգո...— ձայնեցին բոլորը:

Չարմանքն ընդհանուր էր: Ամիսներից ի վեր կորսված, մեռած համարվածը այժմ հայտնվում էր և կանգնած էր յուրայինների մեջ. այժմ ոչ առաջվա պես թարմ ու գեղեցիկ, այլ հոգնած, պառաված, կնճիռներով լի և սևացած, թախծալից դեմքով:

Որքան էլ որ զինվորներ էին պահպանում տունը, այնուամենայնիվ, Արթենը խիստ անհանգիստ էր՝ թե՛ դրսում և թե՛ մանավանդ ներսում—գիշերը: Մի փոքրիկ ձայն նրան կարծել էր տալիս, թե տանիքի

վրա մարդ կա, թե պատն են ծակում և կամ թե խմբովին հարձակվել են լուսամուտների կողմից:

Գրեթե չէր բնում, առավոտ շուտով ելնում էր և պահապան զինվորների մոտ գնում: Բարկանում էր մանավանդ, երբ տեսնում էր, որ յուր թուրք կիներ կամ զինվորները հանգիստ բնած էին:

Մի բանի դառն, անբուն օրեր անցնելուց հետո, բիշ հանգստացել էր, բայց զգուշավոր լինելով, հսկողութունն ավելի շատացրեց, առատ նվերներ տվավ զինվորներին և պատվեր տվավ ոչ ոքի յուր մոտ շնորհել:

Բայց մի երեկո, երբ փողոց էլնելով, տեսավ, որ երկու զինվորներ փակել էին մի կնոջ դիմաց, չէին թողնում առաջանալու. իսկ նա գոռում էր.

— Բաց թողեք, ես մյուզիկի կիներն եմ:

Այդ ձայնը և խոսքերը սարսափեցրեցին Արթենին: Մարգոն էր. կորսված և մեռած կարծված Մարգոն:

Մարգոն տեսավ նրան:

— Մարգո, այդ դո՞ւ ես, — կանչեց Արթենը:

— Ես եմ, Արթեն. ասա, որ թողնեն:

Արթենը հրամայեց զինվորներին կնոջը յուր մոտ թողնել, և Մարգոն մոտեցավ ամուսնուն:

— Բարև, Արթեն, — ասաց նա ծիծաղելով, — տունդ այնքան անպահույն է, որ պտուներով ես պահպանում...

Ու այր և կին դրանից հետո լուելյայն քայլեցին մինչև տուն:

— Հսել եմ, — շարունակեց Մարգոն, — որ մի պսու կին ես ներս բերել, ու անպատվեցիր հորս օջախը և իմ օջախը: Պետք է մաքրել այդ այր, երկուսն էլ պետք է մաքրել... ներս մտիր:

— Ինչպե՞ս, Մարգո, — զարմացավ Արթենը, — ուզում ես մտնե՞լ:

— Այո... բայց առաջ դու մտիր և այդ պսու կնոջը դուրս շարտիր... առաջ գնա. շո՛ւտ:

Եվ այնպես հրամայական ու սպառնալից էր ձայնը, որ Արթենը ակամայից հնազանդվեց, տուն մտավ և կնոջը հոր տուն ուղարկեց:

Մարգոն արհամարհանքով ու զզվանքով նայեց շեմքից գուրս եկող թուրք կնոջը, հետո հաղթական՝ ներս մտավ և մոտեցավ թոնրին:

Այնտեղ արդեն խիստ կրակ էր վառված, և բոցը բարձրանում էր մինչև բերանը:

— Պղծված է, — ասաց Արթենին դառնալով, — ես պիտի մաքրեմ:

Հետո հանկարծ անկյունը դրեց մահակը, մոտ գնաց ամուսնուն, բանեց նրա ուսերից, թոթվեց և ասաց.

— Այժմ ճիշտ ասա ինձ, Արթեն, էլ թաքցնել մի մտածիլ և ոչ էլ ստել, ասա, պտ՞ու ես դարձել:

— Միտլ է այդ, Մարգո, — ասաց Արթենը:

— Ապա ինչո՞ւ ես մյուզիկ եղել հակառակ լուսնի ցանկության. ինչո՞ւ է թուրք կիներ մեր օջախի մեջ, ինչո՞ւ բոլոր լուսնի կատաղել ենք դեմ:

— Թշնամութուն է բոլորը. դու գիտես, որ ես թշնամիներ շատ ունիմ... Դրանք թող, Մարգո, ուրախ եմ, որ եկել ես. ասա, որտե՞ղ էիր մինչև այժմ:

Մարգոն չպատասխանեց, թողեց ամուսնուն, պտտեց սննյակի շուրջը, ոտքով դեսուղեն շարտեց հանդիպած կարասիքը, հետո նոր բերած իրեղենները գնեց արհամարհությամբ և ասաց.

— Ուրեմն այստե՞ղ է, հա՞, այս օջախի շո՞ւրջը՝ որ պտուները բերում են լուսնի կանանց անպատվելու. այստե՞ղ, ուր դուք բոլորդ լիրբ բեֆեր եք անում և լուսնին նեղացնելու հնարքներ մտածում... Վայ քեզ, Արթեն, երկու օջախ է քո դեմ վրեժ գոռում. վայ քեզ...

Հետո դարձավ թոնրի շուրջը և մոտեցավ ամուսնուն:

— Հա՛, — ասաց նա, — ուզում էիր իմանալ, թե որտե՞ղ էի մինչև այժմ... լավ, կասեմ:

— Ասա:

— Ստամբոլ էի... Չե՞ս հավատում, զարմանո՞ւմ էս, ի՞նչ կա զարմանալու: Ստամբոլ էի. փնտրեցի այդ Արիֆ կոչվող պսուին, բայց չգտա, նրան ուղարկել են Երզնկա... Եկել եմ որդիներին տեսնեմ և ապա գնամ Երզնկա... Դու գիտես, որ ուխտել եմ նրա արյունը թափել և հորս անպատված օջախը սրբել... Այո, անպատված օջախը արյունով միայն կարելի է մաքրել. այդպես է մտածում լուսն, այդպես մտածում եմ և ես... Դու ի՞նչ կասես դրան:

— Այդպես է... — կմկմաց Արթենը անհանգստությամբ, — բայց ինչ-որ հիմար բաներ ես խոսում... Ես գործ ունիմ, ուզում եմ դուրս գնալ. ասա, մտադի՞ր ես մնալ, թե ոչ...

— Ասացի, որ գնալու եմ. բայց այսօր դեռ հյուր եմ քեզ:

— Եթե այդպես է, ինչո՞ւ եկար. կարոտացե՞ղ էիր ինձ. չէ որ դու ինձ երբեք չես սիրել:

— Ճիշտ է այդ, դու սիրելու մարդ չես եղել երբեք: Դու պսու ես. եղբայրներիդ մատնող... Ես գյուղերումն էի, լսեցի, որ լուսնի քեզ չեն ուզում, որ քեզ դեմ են. որ դու համառում ես մնալու մյուզիկության մեջ և ուժ ես բանեցնում եղբայրներիդ դեմ... Մտածեցի, որ Արթենը յուր կնոջ աղաչանքը կլսե և խելքի կգա...

— Շատ իզուր ես եկել,— ծիծաղեց Արթենը հեզնորեն,— ե՞ս մյուս գիրությունս թողնեմ. այսքան թանկ գնով ձեռք բերված պաշտոնը թողնել...

— Այո, այդքան ցածություններով ձեռք բերած պաշտոնդ... Լսիր, Արթեն, մի՞թե իսկապես չզզվեցիր արածներիցդ, մի՞թե չձանձրացար այդ ստոր, լիզող դիրքիցդ... Թող, եկ գնանք ինձ հետ... ես քեզ կնեքեմ, կմուրամ, կթափառեմ՝ քեզ կպահեմ, քեզ կսիրեմ. որդիներդ մոտենես կառնենք, կերթանք հեռու մի տեղ ապրելու, և այնտեղ արածներդ կքավես... Լսիր, Արթեն. ես դեռ չեմ պառավել բոլորովին. դեռ իմ մեջ կյանք կա, թուրք կնոջից ավելի կյանք. այդ բոլորը քեզ կնվիրեմ, քեզ համար կգործեմ, միայն քեզ համար կմտածեմ. գնանք, Արթեն, գնանք, զավակներդ առնենք և ձեռք-ձեռքի տված հեռանանք այս երկրից հեռու, սարեր ու ծովեր հեռու...

Եվ Մարգոն, այդ ասելով, հուզված մոտ էր գնացել ամուսնուն և մի ձեռքով գրկել էր վիզը:

Արթենը դեմքը կնճռեց, լսեց մինչև վերջ, հետո ցնցվեց, ազատվեց կնոջ գրկից և գոչեց.

— Գնա բանիդ, տխմար, եկել ես ինձ խաբելու. իմ փառավոր կյանքը թողնեմ և գնամ բոշայի կյանք վարեմ... Գնա, գնա որտեղից եկել ես, ես լում չեմ այլևս...

— Լում չե՞ս,— գոչեց Մարգոն—լում չե՞ս. ուրեմն պսո՞ւ եղար բոլորովին և արածներիդ վրա էլ չես զղջում...

Հետո մի ակնթարթ կծկված, կատաղի աչքերով նայեց ամուսնուն, և երբ սա վախեցած ուզում էր ետ քաշվել, վագրի պես ոստնեց նրա վրա, փռեց գետնին, շոքեց կրծքին և հագուստի տակից հանկարծ դաշույնը խրեց կուրծքը...

Լավեց մի խոխոտց, մի աղաղակ: Արթենը բուռն ճիզով ուզեց շարժվել, բայց գնչուհին, որ կատաղի էր դարձել, մի մեծ ճիզով հրեց նրան և նետեց թոնրի բոցերի մեջ: Հետո վեր թռավ և դուրս սլացավ տնից...

Ձինվորները ապշած նայեցին այդ հերարձակ, արյունոտ, ու փոշոտ կնոջը, որ գոռալով անցավ նրանց առջևից և վազնիվազ անհետացավ:

— Մյուզդիրի կինն է, երևի մի լավ ծծ է կերել ամուսնուց...— ծիծաղեցին նրանք:

Բայց քիչ հետո քթին հասնող կծու հոտը ստիպեց նրանց տուն մտնել և տեսնել թոնրի բոցերի մեջ այրվող մյուզդիրի մարմինը...

Իսկ Մարգոն վազում էր, վազում փողոցներով առանց կանգ առնելու և գոռում էր անընդհատ ու խուպոտ.

— Մաքրվեց, մաքրվեց...

Կեսգիշերին նորից բախվեց Ջիլե ավանի բոշա Թորոսի տան դուռը Մերունին ճրագը ձեռին՝ դուրս եկավ: Դուռն փակ կանգնած էր Մարգոն:

— Այդ դո՞ւ ես, Մարգո:

— Ես եմ, հայր. իմ օջախը, որդիներիս օջախը մաքրվեց. պսոթաբորձած, իր եղբայրներին դավող ու մատնող ամուսնուս սպանեցի... Լավ լարի՞, բաբ...

Մերունին ցնցվեց և հուզված ձայնով ասաց.

— Աստված թող ներե քեզ, աղջիկս... լավ արիր...

Ու նստեց:

— Սպասիր, հայր, ես դեռ ներս չեմ մտնի. քո օջախը պղծողը գեռ կենդանի է. ես գնում եմ դեպի նա, լավ չե՞մ անում, բաբ...

Մերունին գլուխը բարձրացրեց և ասաց.

— Լավ ես անում, աղջիկս, աստված քեզ հետ, գնա...

Հետո ելավ, գրկեց աղջկան, համբուրեց ու հարցրեց.

— Չե՞ս ուզում որդիներդ տեսնել:

— Դեռ ոչ, բաբ,— ցնցեց գլուխը Մարգոն,— երբ այս տան օջախի գատիվը վերականգնեմ, այն ժամանակ կգամ, կմտնեմ այստեղ և որդիներս մոտ կմեռնեմ հանգիստ:

— Քեզ կսպասեմ, որ օրհնեմ,— ասաց հայրը և ձեռքերը դրավ աղջկա գլխին:

Այն ժամանակ գնչուհին շոքեց պահ մի, համբուրեց հոր ոտները— կավ, առավ հոր ցուպը, մի անգամ էլ ներսում վառվող ճրագի լույսով տան օջախին, նրա կողքին քնող որդիներին նայեց և արագությամբ մտնելով մթության մեջ՝ անհետացավ...

* * *

Այդ դուրսագնեցությունը մի առանձին հիացումով է, որ պատմելովում է լումերի մեջ: Մարգոն երգում է, դրվատվում. իոկ թե ի՞նչ եղավ ևս—ավանդությունը ոչինչ չէր ասում:

Նման շատ այլ հերոսների, Մարգոյի վերջն էլ ծածկված էր մի տեսակ պատկառելի, բարձր խորհրդավորության մեջ:

— Նա չէ մեռել,— կասի քեզ երգիչը:

— Նա անմահ է,— կպնդե ժողովուրդը:

Չանգաղ գյուղից մի քանի ժամ հեռավորութեամբ, Զիվինի լեռների մեջ, գտնվում է մի հրաշալի սարահարթ, որին կտրելով գալարվում է Չանգաղի վտակը, ցատկոտում լերկ ժայռերի վրայից, սողում է ապուռածների բացվածքների միջից, փրփուրովը ծածկում լեռնադաշտը պատող գինեբրուկների շերտը և գնում գահավիժում Զանգաղի հովիտը, ուր նա ոռոգում է պարարտ, ծաղկալից դաշտեր:

Այնտեղ-բարձրում սարահարթը մի ծայրով միանում է բլրակների, որոնք ծածկված են երփներանգ ծաղիկներով և որոնք թիկն են տվել ավելի բարձր, լերկ ժայռերով, հարուստ և խոր ծործորներով ակոսված լեռների: Նրանց ետևից, Զիվինի լեռնաշղթան, տեղ-տեղ դուրս է պարզում իր ձյունապատ բարձր կատարները:

Սարահարթի մյուս ծայրը գալիս հանգում է գեպի ձորակը և այդտեղ կազմում մի ահեղ գահավանդ, որտեղից տեսնվում է դեպի ցած նետվող վտակի փրփուրը, իսկ հեռու, ցածում, արծաթափայլ օձապուշտ գետակներ, որոնք միմյանց կտրում սահում են կույտ-կույտ վրանների և բլրակների միջով:

Սարահարթը մեծ չէ, բայց բնությունը իր բոլոր գեղեցկություններով զարդարել է նրան:

Այդտեղ կարելի է տեսնել ապուռածների վայրենի շեղչեր, միմյանց վրա կարծես կռթնեցրած հսկայական ժայռեր... մի կողմում ամպի պես փռված են զանազան բարձրությամբ բլրակներ, որոնք ալեձե գնում են դեպի խորը, բարձրանում դեպի լեռները, հետո նորից դեպի մի կողմ ծովում և հետզհետե մանրանալով՝ հավասարվում դաշտի հետ:

Մի այլ կողմում երկու ջրվեժներ են, որոնք միացած՝ գոյացնում են ցատկոտող ու շառաչող մի առվակ ու ոռոգելու գնում ծաղկալից դաշտեր:

Սարահարթը կոչվում է «Զիվինի տյուզ» հարթավայր:

Շատ քիչ անգամ շրջակա գյուղի կանայք համարձակվում էին, սակայն, մտնել այդ սիրուն լեռնադաշտը՝ առատորեն բուսնող բանջարը ժողովելու: Հովիվն իսկ դժվարությամբ էր համաձայնում նախիրն այն կողմը բաշել:

Զիվինի հարթավայրը բնակութենե բավական հեռու էր և շատ մասունքի ավազակ ըյուրտերին:

Չնայելով դրան, ամառնամուտի մի գեղեցիկ երեկո գաջախից կա-

րիկ է տեսնել սարահարթում բարձրացող ծխի սյունակներ և փայլափրկող լույսեր:

Այդ օր, հեռու տեղից գալով, մի թափառիկ խումբ իջևանել էր սարահարթի վրա, կանգնեցրել քսանի շափ վրան և ավելի քան հիսուն զանազան տավարներ բաց թողել արածելու բլրակների կանաչներին:

Վրանները կառուցված էին միմյանց մոտ: Նրանց առջև, խոտերի մեջ թավալում էին աղտոտ կիսամերկ մանուկներ: Մի այլ կողմում սև է տգեղադեմ կանայք կրակ վառել՝ կերակուր էին պատրաստում, իսկ նորածագ լուսնի աղոտ լույսի տակ, վտակի եզերքին թիկն տվել, մեջքի վրա մեկնվել և կամ նստոտել էին 10—15 զանազան հասակի տղամարդիկ:

Ամենքն էլ հագնված էին շատ աղքատ, գրեթե ցնցոտիներով: Դեմքերը սև, ոտերը գրեթե բոբիկ: Ոչ մեկը առանց կարկատանի վերարկու, կանոնավոր կոշիկ կամ գլխարկ չունեին: Մազերնին էլ խոլով՝ տեղացած գիւնների վրա, մորուքները թանձր ու կոշտ և խանձված մազի նման: Նույնիսկ կանայք հեռվում՝ բոբիկ էին, անվա, երկար մազերով և կիսամերկ:

Բոշանների մի խումբ էր այդ, որ թորթումից ելած, ճանապարհորդության տասներորդ գիշերը անցկացնելու էր եկել Զիվինի հարթավայրի վրա ու մի քանի օր էլ հանգիստ առնելու այնտեղ:

Պարբերաբար տղամարդիկ չկային այդ օր: Կեսի շափ ետ էին մնացել զանազան կողմերում և կամ պահպանության ելել շրջակայքերում:

Այն լանջը, ուր հավաքվել էին տղամարդիկ, նայում էր դեպի գաջախ: Վտակը գալիս շոշափում էր նրա կողմ ու լուսնի տակ փայլվում՝ ստանում էր դեպի խորքերը:

Մի քանի քայլ հեռու, մի տղամարդ, հերթապահ հսկողը, հենվել էր հրացանին և լուռ՝ լսում: Ոտների մոտ, թաթերի վրա մոռթը դրել, սկանջները սրած ու պլշած, աչքերով շուրջը դիտող—նստել էր մի ահագին զամփո:

Մյուս տղամարդիկ էլ ականջ էին դնում հաղթանդամ ու կոշտ գծացրությամբ հասակավոր պատմողին:

Ու պատմիչը ոգևորված, ցուպովը օղն էր բախում, ջուրը ճղփացնում և երբեմն էլ դեպի օդը թոցնում արմատախիլ արած խոտերի փրնչեր:

Մի զով քամի շարժում էր խոտերի և ծաղիկների ծայրերը, օրոքում էր պատմողի թանձր մազերն ու գնում էր սփռվում դեպի լեռները:

Բողան պատմում էր:

— Հեռու, Արարների երկրում.—ասում էր նա—այնտեղ, ուր արևի մեջ հավկիթն իսկույն եկվում է, ուր մի ընդարձակ ավազի անապատ բռնել է երկրի կեսը, ուր մարդիկ արևից սևացել են և ուր բուսումն է արմավն ու ձիթենին—այնտեղ կա մի քաղաք, որից շատ մոտ է անապատը:

Այդ քաղաքում ապրում էր Շեյխ Սատոն, որին ամենքը ճանաչում էին: Նրա պալատը ոսկու մեջ փայլփլում էր, հյուրիներն ավելի շատ և ավելի գեղեցիկ էին նրա հարեմում, քան իրեն՝ արքայի մոտ. նրա պալատը բռնում էր քաղաքի կեսը, պարտեզների նմանը ոչ մի պարտեզ չկար, և Շեյխը վայելում էր այս աշխարհում այն բոլորը, ինչ խոստացել է մարգարեն միայն մյուս աշխարհում:

Փող ուներ Շեյխը: Եվ նրա գործընկերները կարողանում էր անել ցանկացածը, վայելել հաճույքներ, որոնցից աստված զրկել էր մեզ և շատ շատերին:

Օրվա ամեն ժամերին լսվում էին Շեյխի շքեղ պալատի աշտարակներից նվագի ձայնը: Երգում էին ամենից լավ երգիչները. նրա դռանն էր մոտենում ամենից առաջ դերվիշը, նրա մոտ գնում իրենց գիտցածը ցույց տալու բանաստեղծներն ու նվագողները:

Շեյխին էին պատկանում նաև անապատի զավակների գեղեցիկները, բոլոր մուլաների և սևիղների օրհնությունները և երջանիկ կողմերի լավ արտադրությունները:

Ու վայելում էր Շեյխը անհոգ և զվարթ ամեն ինչ. չգիտեր անգամ, թե իր ծառաները ինչպես քերթում էին խեղճ մարդկանց, կողոպտում նրանց, ծանր հարկերի տակ ճնշում և բերում լցնում գանձարանը:

Թող աշխարհ քանդվեր—միայն թե Շեյխի գանձարանից ոսկին չպակսեր, հարեմից՝ կինը, մառանից՝ գինին, այլև ճաշը զվարճալի դարձնող երաժիշտները...

Շեյխի եկամուտների աղբյուրը քաղաքից թիչ հեռու գտնվող հինգ վեց գյուղերն էին:

Այդ գյուղերը լիքն էին բազմաթիվ մերկ, կեղտոտ և գժերի պես գյուղացիներով, որոնք օրը մինչև երեկո՝ աշխատում էին: Նրանց արտերը տալիս էին առատ ցորեն. գետը ողողում էր հողերը ու արմարիթ մեկին 100 էր բերում, սակայն գյուղացիք ուտում էին միայն բանջարեղեն:

Շեյխի մարդիկը խլում էին արմարիթը նրանց ձեռքից և թողնում էին կերակրվելու միայն խոտով:

խում եք, լումեր, երջանիկ այդ երկրում կային գյուղեր, ուր մարդիկ միմիայն խոտ էին ուտում...

Եվ լցվում էր Շեյխի գանձարանը ոսկիով, հարեմը՝ գեղեցիկներով: Եվ ճնշում էր երաժշտությունը պալատի սրահների մեջ ու հոսում էր գինին, զվարճանում Շեյխը իր շքեղության մեջ:

Բայց բավական է Շեյխի մասին: Լումը այդպես շեյխեր շատ է տեսել: Նա ինքն էլ խոտ է կերել և իր քրտինքը տվել է աղաների: Նա ինքն էլ ծնել է գեղեցիկներ ու հանձնել շեյխերի: Նրան այդ ամենը զարմացնել չի կարող...

Եվ նստած էր մի օր Շեյխը իր պալատի աշտարակներից մեկում, ծխում էր նարգիլեն, իր սիրելի կանանցից մեկի նվագածությունը լսում ու զմայլման մեջ նայում էր հեռու անապատին...

Իսկ անապատում այդօր, ծառախմբի տակ, իջևանել էր մի խումբ բարեկամներ էր խումբը ամբողջ երկիրը, իր անդամներից թողել էր բավական մեռած ավազների վրա, կոտորվել էր ծարավից, ջարդվել՝ բեղուններից և վերջապես եկել մի կերպ հասել էր Բեն-էլ-Մաար օազիսն ու հանգչում, շունչ էր առնում նրա արմավենիների տակ:

Բայց այլևս չէր մնացել ոչ ոքի մոտ մի բուռ ալյուր, մի հատիկ ցորեն կամ մի կտոր հաց:

Պետք էր հաց գտնել: Սոված էին ամենքը:

Եվ հրամայեց խմբապետը խմբի երգեցող կանանց՝ քաղաք իջնել, դռների առաջ հնչեցնել գնչուական երգեր, բաց կուրծքով պարել տաք երկրի մյուսուլմանների պազուտ աշքերի առջև և անել ամեն ինչ, միայն հաց բերել խմբին, որին անթի մահ էր սպառնում:

Եվ ահա օազիսից ելան շորս կանայք—Նազին, Գյուլին, Բահարն ու Օդիշուն: Հագնվեցին, լուրջ իրենց փոքրիկ, բոժոժավոր թմբուկները, մատերեն անցկացրին ծնծղաները և մտան քաղաք:

Նազին ու Գյուլին երգում էին, Օդիշուն պարում, իսկ Բահարը թմբկահարում էր և հավաքում բնակիչների տված հացն ու փողը:

Անտառի եղնիկը, սուլթանի կաքավողը, շեյխի պարողները շունեին ոտքերի այն սլացող ոստումները, մարմնի այն հրապուրիչ նազանքը, աշքերի այն հալեցնող պլրանքը և ձեռքերի այնքան գողտրիկ ծածանումներն, ինչ Օդիշուն ուներ:

Երբ պարում էր, սավառնող հրեշտակի էր նման: Երբ ժպտում էր, մարում էր ամեն ինչ և երբ խոսում էր, անապատի տապից հետո հանդիպած ջուրը շունեի նրա ձայնի հմայքը...

Գեղեցիկ էր լուսինը իր ամբողջ փայլով, երբ լողում էր երկնակամարի վրա: Հիանալի են աստղերը, պայծառ շլացուցիչ է արևը, բայց

Օգիշուի աշբերը, դեմքն ու բնքուշ իրանը, վայելուչ հասակն ու գողտրիկ բերանը ավելի հիանալի էին, ավելի պայծառ, ավելի այրող և ավելի հմայող...

Երգեցին, պարեցին և հավաքեցին ամբողջ օրը:

Երեկոյան դեմ կանգ առին նրանք Շեյխ Սատոյի պալատի առաջ:

— Օգիշու,— խոսեց նազին,— այս տան տերը մեծահարուստ մարդ է երևում: Գործադիր բոլոր ճարպկությունը և արհեստը: Այնտեղ մեքոնք հացի են սպասում:

Եվ երգեցին:

Օգիշուն մատերին անցկացրեց ծնծղաները. Բահարը ցնցեց թրմբուկը:

Լոեց այնուհետև Շեյխի կնոջ թասը: Շեյխն ինքը շարժվեց, գլուխը շուտամուտից դուրս հանեց և երկար ականջ դրեց:

Լսում էին ամենքը, ամբողջ թաղը: Օգիշուն կարմրել էր նոր բացված շքեղ վարդի պես: Կոտրտվում էր նա դյուրիշ նազանքներով, սաճում գետնի վրա, սավառնում՝ թևերը գալարելով, և նազին ու Գյուլին նրբում էին մեծ ոգևորությամբ:

Նրանք երգում էին լումերի սիրած երգը.—

Անցի՛ր, գարուն, անցի՛ր, լուսին.
Օգուտ շունիք խեղճ լումին
Լուսին լինի և կամ մթին,
Լո՛ւր Ե՞րբ է կյանք տեսել
Անցի՛ր, գարուն, անցի՛ր, լուսին.
Դաշտը՝ իր տուն, լեռը՝ իր բուն,
Տանջվում է լումն զրհիբուն.
Փոքրիկ կարպիտն է իր անկողին,
Մի կուց էլ չուր շնչին բաժին...
Անցի՛ր, գարուն, ծածկվի՛ր, լումին,
Ինչ օգուտ գուց Կեղճ լումին...

Շեյխը մի ոսկի նետեց իր աշտարակից և բարեհաճեց հարցնել պարող գնչուհու անունը:

Հետո երկու ծառա մոտեցան նրանց և հայտնեցին, թե «մեծանուն Շեյխը» կամենում էր, որ գնչուները պալատ մտնեին և ավելի մոտ ցուց տային իրենց վարպետությունը:

Օգիշուն, նազին ու Գյուլին խնդրեցին Բահարին, դր հավաքածները տաներ օազիսում սպասող խմբին, իսկ իրենք, ավելի մեծ վարձատրության հույսով՝ մտան պալատ:

Մյուս օրը միայն օազիս վերադարձան նազին ու Գյուլին:

Օգիշուն չկար:

Շեյխը իր հարեմն էր դրել անապատի գեղեցիկ գնչուհուն:
Բոշաների խումբը հուզվեց, հրդվեց չհեռանալ օազիսից: Օգիշուի հայրը գտավ մի ատրճանակ, հապուստի մեջ թաքցրեց մի թունավոր դաշույն և քաղաք գնաց:

Անցան օրեր: Ոչ Օգիշուի մասին լուրեր եկան և ոչ էլ նրա հոր Վերջապես մի գիշեր օազիս հասան երկուսն էլ: Օգիշուն հղի և տանջված, իսկ հայրը՝ արյունոտ:

Շեյխը սպանված էր:

Մյուսույմանները շուտով գտան սպանողին. բռնեցին Օգիշուի հորը և կախեցին քաղաքի դռան մոտ:

Բոշաների խումբը ժողովեց. ունեցածը, նորից կտրեց անապատը և քնաց մի նոր կայան որոնելու:

Եվ երբ հասել էին Իրանի երկիրը, Օգիշուն ծնեց մի արու զավակ, որի անունը դրեց Հասան:

3

Այդ միջոցին Սպահանում ապրում էր մի արաբ իշխան: Էլ-Մուին էր նրա անունը: Նրան պատվում ու սիրում էին ամենքը: Վաթսուն տարեկան էր նա, երեք կին ուներ, բայց ոչ մի որդի: Եղածները մեռել էին:

Ուներ ահագին հարստություն, շատ կալված, հողեր ու պարտեզներ. բայց ապրում էր մենակ և տխուր:

Եվ երբ բոշաները հոգնած, տանջված ու կես եղած՝ Սպահանում կանգ առան հանգստանալու, մի օր Էլ-Մուինը պատահամբ տեսավ Օգիշուի փոքրիկ զավակ Հասանին, գրավվեց նրանով և նրա մոր հետ առավ իր մոտ:

Իսկ բոշաների խմբին նա հրամայեց պատսպարել, կիրակրեց, վարձատրեց և թողեց, որ գնան:

Օգիշուն մնաց Էլ-Մուինի մոտ և արաբ իշխանից հայրական սեր միայն տեսավ: Հասանին էլ Էլ-Մուինը մեծացրեց իր թոռան պես:

Մեծացավ Հասանը, ուսավ, կարգաց ամբողջ Ղուրանը. տեղեկացավ իմաստունների գիտությունը, կոնիվների մեջ էլ մտավ ու թագավորից բարձր աստիճաններ ստացավ:

Եվ երբ Օգիշուն էլ մեռավ, Հասանը ոչ միայն իշան պարսիկ էր կարծում, այլև մտքիցը շեր անցկացնում, թե ինքը լում է և լումի զավակ:

Այդ տարին շատ վատ տարի եղավ Իրանի լումերի համար: Ամենքը նրանց նեղացնում էին, անպատիժ հալածում և նույնիսկ սպանում:

Պատճառը այն էր, որ լոմերից մեկը սիրել էր մի մեծավոր պարսիկի աղջկա, փախցրել էր նրան, իհարկե, աղջկա համաձայնությունով, և ահա այնուհետև ամեն իրանցի իրավունք էր համարում վրեժ հանել ամեն հանդիպած լոմից:

Լոմերը երկար դիմացան, բայց, վերջապես, երբ տեսան, որ հալածանքն ավելի սաստկանում է, ժողովվեցին, մի քանի մեծ խմբեր կազմեցին և վճռեցին գաղթել օսմանցոց երկիրը:

Գաղթելուց առաջ, սակայն, ուղարկեցին նրանք իրենց ծերերից երկուսին՝ Հասանի մոտ:

Հասանը լուպեց ընդունել նրանց. բայց իմաստուն էլ-Մուսինը հոր-գորից երիտասարդին՝ լսել բոշա ծերունիներին:

Երկու իշխան-բոշաները սենյակ մտան և շոքեցին դուռն մոտ: Վերի կողմը նստել էր ալևոր էլ-Մուսինը և նրանից քիչ ցած՝ Հասանը, որ զարմացած նայում էր հյուրերին և սպասում:

Բոշաները փոքր-ինչ լոնեցին: Հետո նրանցից մեկը շփեց մորուքը և խուլ ձայնով ասաց երիտասարդին.

— Լոմ-Հասան, քո ցեղիդ ծերունիները քեզ մոտ են եկել ամբողջ ցեղիդ կողմից: Ուզո՞ւմ ես ականջ դնել նրանց:

Հասանը ոչինչ չէր հասկանում:

— Ես Լոմ-Հասան չեմ կոչվում, — ասաց նա, — այլ Հասան էլ-Մուսինի: Ինչի՞ մասին եք խոսում դուք ինձ:

— Մենք, — խոսեց երկրորդ ծերունին, — բոշաների, այսինքն՝ լոմերի երկու ամենածեր իշխաններն ենք և եկել ենք լոմ Օդիշուի որդի լոմ Հասանի մոտ: Արդյոք Հասանը հիրավի չգիտե, որ նա լոմի գավազ է... Լոմերն իրանում այլևս օր չունեն, նրանց հանգիստ չեն թողնում: Այլևս հաց չկա նրանց այս երկրում: Պիտի գաղթեն նրանք. այդպես է ցեղի միահամուռ վճիռը... Մեզ ցեղը ուղարկել է լոմ Հասանի մոտ ասելու, որ նա թող գա և առաջնորդե նրանց: Հասանը երիտասարդ է, քաջ կրավոր, գիտուն և իմաստուն: Լոմերը ցանկանում են, որ Հասանը օգնե իր ցեղին իր գիտցածներով և, դառնալով նրանց զխավորը, սովորեցնե մեալ ազատ և երջանիկ... Լոմ-Կադիրը ասաց՝ ինչ որ պատվիրել էր նրան իր ժողովուրդը:

Ու Լոմ-Կադիրը լոնց:

Հասանը խոսել չկարողացավ: Մեկ բոշաներին էր նայում և մեկ գունատ պապին:

Վերջապես էլ-Մուսինը շարժվեց և խոսեց այսպես.

— Լսիր, իմ Հասան, թե ինչ կասե քո պապը՝ էլ-Մուսինը: Ոչ մի անգամ նրա բերանը չէ ստել, և, փառք ալլահին, նրա գլուխը գիտե դե

լավ մտածել: Թող իմանա Հասանը, որ էլ-Մուսինը իր կյանքը նվիրել է նրան, ինչպես և ունեցածը: Բայց նա չի կարող ծածկել և շասել քեզ ճշմարտությունը: Իրավունք ունին այս ծերունիները: Քո մայրը՝ Օդիշուն, բոշայի աղջիկ էր, և դու բոշա ես, իմ որդեգիր թողը... Այս ծերունիները քո ցեղիդ իշխաններն են:

Հասանը ամեն ինչ երբ հասկացավ, գլուխը կախեց և սկսեց երկար մտածել:

Ամենքը լուռ էին: Ամենքն էլ մտածում էին:

Եվ ահա հանկարծ իմաստությունը խոսեց Հասանի մեջ:

Նա ոտքի ելավ, մոտեցավ ծերունիներին և ասաց.

— Իմ ազգը ինձ պետք ունի երևի: Գնանք, ծերունիներ, ես պատրաստ եմ:

Ապա մոտ գնաց ծերունի էլ-Մուսինին և համբուրեց նրա ձեռքը:

էլ-Մուսինը հուզմամբ գրկեց երիտասարդին, օրհնեց և ասաց.

— Գնա, որդյակ, էլ-Մուսինը հանուն աստուծո օրհնում է քեզ, իր իմաստուն որդուն, և բաց է անում իր գանձը նրա առջև...

Այնուհետև Լոմ-Հասանը եկավ իր ցեղակիցների մոտ, և երկու օրից հետո բոշաները նրա առաջնորդությամբ անցնում էին օսմանցոց երկիրը...

Ու հրամայեց Հասանը, որ այնուհետև իրեն լոմ-Հասան միայն կոչեն:

Լոմ-Հասանը իմաստուն էր բոլոր իմաստունների շափ, քաջ էր, որպես Ռուստեմզալը. ազնիվ, բարի և անվախ:

Օսմանցու հողի մեջ բոշաները հանդիպեցին իրենց ցեղակիցներին: Լոմ-Հասանը բարեկամացավ մի զորեղ ցեղապետի և ամուսնացավ նրա Սաբա աղջկա հետ:

Սաբան նույնքան քաջ էր, որքան իր ամուսինը. նույնքան անվախ ու համարձակ, կրակոտ և վառվռուն:

Սաբան իր ամուսնու նեցուկն էր, նրա ընկերն ու օգնականը...

Լոմ Հասանը սիրեց նրան, տվավ նրան իր իմաստությունը և ուզեց, որ իր մահվանից հետո նա լիներ ցեղապետը:

Ու Սաբային ցեղը սկսեց կաթ-Սաբա (տիկին Սաբա) կոչել, լոմ-Հասանից հետո...

... Այստեղ հանկարծ պատմիչը կանգ առավ, որովհետև խոստերը բուռն կերպով խշխշացին, գամփոռ ոստնեց, և լսվեց մի խապոտ, ահեղ ձայն, որ ասում էր.

— Այդ ո՞վ է նորից, որ մարդուս անունը իր բերանն է առել...

— Այդ ո՞վ է նորից, որ մարդուս անունը իր բերանն է առել...

Քոշաները բոլորը վեր թռան. պատմությունը կիւտ մնաց, իսկ խոտերի միջից ելնելով՝ նրանց առաջ հայտնվեց մի երկարահասակ խոշոր կին, ձեռքին ահագին ցուպ, մեջքին կապած գոտու մեջ էլ ատրճանակներ ու դաշույն:

Պառավ, բայց խիստ առույգ կազմվածքով և միականի կին էր այն: Գեղեցիկ եղել էր և այժմ տգեղ չէր, միայն շատ արևակեզ, խորշոմուտ ճակատով և կոշտացած գծագրությունով:

Միակ մեծ աչքը այնպես փայլում էր, որ նայողին գող էր ազդում: Երկար հասակը քիչ ծովել էր: Ձայնը խոպոտ էր և առնական. սոթած բազուկները ջլապինդ, ձեռքերը կոշտ ու սեղմ, լայն կուրծքը խոշոր, թիկունքը ջղուտ և ամրապինդ:

Մի բայլ առաջ եկավ նա, զննեց բոշաներին, մեծ ցուպը ուսի վրա դրավ, ոտովը դեմ շարտեց բծնող գամփոխն և ասաց.

— Երևի Մուրատն էր նորից: Սիրում է նա հին վերքերը փորփրել, հին առյուծների պատկերները կենդանացնել: Լավ է այդ, շատ լավ է, բայց ամեն ինչ իր ժամանակն ունի:

Ասաց, նայեց պահ մի դեպի վրանները և քիչ լռելուց հետո շարունակեց.

- Դաշտիցն եմ գալիս: Նոր լուր եմ բերում:
- Ձգուշացիր այս կողմերում, հաթ-Սաբա, խոսեց մի ծերունի. Ձիվինի շուրջը լիքն է ավազակ քյուրդերով:
- Թող խրատդ, ծերունի, — նեղացավ պառավը և նստեց մի քարի վրա. — հաթ-Սաբային ոչ ոք չի դիպչել: Ցնցոտի են նրա հագուստները, գրպան շունի, իսկ ինքն էլ շափազանց ծեր է և տգեղ:
- Ի՞նչ լուրեր են բերածներդ, — հարցրեց մեկը:

հաթ-Սաբայի դեմքը մթազնեց: Անհանգստությամբ շուրջը նայեց և խուլ ձայնով ասաց.

— Դաշտը լիքն է գինվորներով: Ձանգաղի մեջ վրան խփել նստել են հարկահաններ: Հասան-Ղալայի բեզը փողի պետք ունի և ավարի է ուղարկել մի մեծ խումբ գիշատիչների... Օ՛հ, հավաքում են նրանք հարկ և պիտի տեսնել, թե ինչպես սուգն ու շիվանը բռնել է ամեն տեղ: Գյուղացիները գյուղը թողնել՝ սարերն են փախում... Ձինվորները ձեռք ընկած յուրացնում են կամ ավերում... Ձանգաղցի երեք իշխաններին բռնել, գյուղից 7—800 ոսկի դրամ են պահանջում...

— Յոթ-ութ հարյուր... — գոչեցին ամենքը սոսկումով:

— Այո՛: Ողջ Բասենը ծախու հանես այժմ, դրա կեսը տվաղ չի լի-
նի... Մերոնցից էլ Սերգոյին բռնել են ու տարել:

- Ահ... — լավեց ամեն բերնից:
- Ի՞նչ են ուզում մեզնից, — կանչեց մի ծերունի՝ մոռյլ դեմքով. բոշան ի՞նչ ունի, որ ի՞նչ տա: Ոչ հող ունի նա, ոչ տուն և ոչ կայք...

հաթ-Սաբան ցուպը ոտքերի մեջ առավ, պահ մի սրա-նրա երեսին նայեց, շոյեց իր կողքը բռնող գամփոխն և դառն ժպիտը դեմքին՝ ասաց.

- Երևի մեր ցնցոտիներն էլ մի բան արծեն... Գուցե մեր տավար-ներին են աչք դրել... Հող չունինք, բայց ուտելու մի կտոր հաց կա... Սերգոյին բռնել են, ոտներն ու ձեռները կապել, մի խրճիթ են գտել ու զանգաղցոց հետ փակել այնտեղ... Մենք հեռանալ այնտեղից չենք կարող, մինչև Սերգոյին շաղատենք... Մեր մնացող ընկերներն էլ չեն երևում: Վախենում եմ, որ նրանց էլ դաշտում բռնած չինեն: Ես դաշտից եմ գալիս: Որոնեցի և չգտա... Ըստ երևույթին, լոմերը ստիպված պիտի չինեն իրավի լոմ-Հասանի կոիվները պատմել միմյանց ու նման կոիվների պատրաստվել... հաթ-Սաբան մտադիր չէ որևէ տավար կամ նույնիսկ ցնցոտի տալ բեզին... Լոմ-Հասանը սովորեցրել է լոմերին, որ հողը աստծունն է, նրա արդյունքը՝ արդյունաբերողին միայն. աշխատողի արդյունքը նրա ձեռքից խլելու ոչ ոք իրավունք չունի... Այս օրենքը աստվածային է... և եթե լոմը այժմ թափառական է, պատճառն այն է, որ նրան ստիպում են լինել այդպես: Վոմ-Հասանը սովորեցրել է մեզ երազել հող, հող ունենալ, վարել, ցանել ու հնձել և ոչ թե մուրալ... Լոմը դեռ ոչ տեղ ունի և ոչ հող: Վա՛յ մեզ, վա՛յ: Բայց և վա՛յ նրան, ով լոմի աշխատանքը կխլի: հաթ-Սաբան դեռ չի մեռել...

- Մենք միակ չենք թողնի բեզ, հաթ, — ասացին մի քանիսը:
- Գիտեմ, տղերք. ո՞ր լոմը այնքան ստոր կլինի, որ մեջքը իր ընկերոջ մեջքին չտա և ջօգնի նրան թշնամու դեմ...

Նետո ոտքի ելավ, ցուպը աւսին գրեց ու ավելացրեց.

— Իսկ առայժմ, տղերք, դաշտից մեր վառած կրակները երևում են. արդեն գիտեն, որ այստեղ մարդիկ կան: Բեզի հարկահանները մարդ են փնտրում, որ տուրք առնեն... Անշուշտ կզան այստեղ էլ... Թող ուրեմն մի քանի հողի առնեն մեր տավարներն ու լեռների խորքը տանեն... Առանց տավարի եթե մնացինք, գուցե կարողանանք առանց կրավի, խաղաղ կերպով համազել այդ գալիքին, դր մեզնից առնելու ոչինչ չկա...

Մի քանիսները կասկածանքով թափահարեցին իրենց գլուխները:
— Իհարկե, — ասաց մի ծերունի. — թող տավարները հեռացնեն. գա խելոք բան է:

— Այո,— կրկնեց Խաթ-Սաբան.— մի լավ հեռավոր ձոր գտեք և բաշեք այնտեղ: Երեք-չորս հոգի հերիք է տավարների հետ: Մեկը թող գնա ու գա, որ տեղը իմանա և մեզնից լուրեր տանի:

Ասաց, ոտքի ելավ, հանկարծ նայեց ամենքին և կանչեց անձկությամբ:

— Ո՞ւր է Հասանս. նա՞ էլ դաշտումն է...

— Ոչ,— ասաց պատմիչը.— դաշտի կողմում պահպանություն է անում:

— Հրացան ունի՞ հետը:

— Ունի:

Պառավը լայն շունչ առավ: Դաշտ մնացողների վիճակը գիտեր, պահ մի վախեցել էր, որ իր մոտը մնացած միակ և սիրելի որդին էլ բռնվել էր:

Միայն այդ, կրտսեր տղան էր, որ մնացել էր մոր մոտ: Անդրանիկը մեռել էր և թողել էր աղջիկ-զավակ սիրուն Օղիշուին, իսկ պառավի միջնակը՝ Մարտոսը, վաղուց հեռացել էր մոտից, հաստատվել էր Երզրումում, ամուսնացել էր այնտեղ ու քարհատությամբ էր զբաղվում:

Խաթ-Սաբային, իր փառավոր ամուսնու մահվանից հետո, մնացել էր Հասան որդին, որ անզավակ էր և Օղիշու թողը, որ անհայր էր:

Լոմ-Հասանը վաղուց էր, որ սպանվել էր մի փառավոր կովի մեջ՝ քյուրդերի դեմ: Ցեղակիցների մեջ հրաշքներ էր պատմվում նրա մահվան մասին անգամ: Նա, մինչ մեռնելը, շատ քյուրդի դիակներ էր փռել շուրջը:

Ինքը Խաթ-Սաբան ոչինչ չէր պատմում ամուսնու մահվան մասին: Մինչև իսկ այնպես էր խոսում, որ կարծես կենդանի էր նա:

Այդ էր պատճառը, որ շատ բոշաներ հավատում էին, թե Լոմ-Հասանը կենդանի է ու պիտի հանկարծ հայտնվի իր ցեղի ամենավատ րուպիին՝ նրան օգնելու համար:

Խաթ-Սաբան էր ժառանգել իր ամուսնու ցեղապետական իրավունքները:

Լոմ-Հասանի կամքն էր այդ, որ սիրով հաստատու էր ցեղի վճիռն ու ցանկությունը ևս: Սաբան ընտրվել էր ցեղապետուհի: Եվ բոշաները հպարտանում էին իրենց քաջ, անվախ ու լավ ցեղապետուհիով:

Խաթ-Սաբան թեև խիստ էր, պահանջող, բայց իր ցեղի պահպանության, նրա յուրաքանչյուր անդամի կյանքի համար պատրաստ էր մինչև վերջին շունչը կովելու: Վտանգավոր րուպներին նա ամեն տեղ էր, ամենքին հասնում էր, ամենքին սիրտ տալիս ու օգնում:

Ու սիրում էին Խաթ-Սաբային ամենքը. սիրում և պատկառում նրանից:

Ոչ ոք չիմացավ, թե ինչպես էր կորել նրա մի աչքը: Մի օր պառավը ցուպը ուսին՝ անհետացել էր, և երկու օր ոչ մի լուր չէր եղել նրանից: Երկու օրից հետո վերադարձել էր նա՝ ձախ աչքը կապած մի շորով: Մի ամսից հետո շորը բացվել էր, և նրա տակ երևան եկել կույր աչք՝ մի սև փոս...

Երբ հարցրել էին, պառավը սպառնալից նայել էր հարցնողին և գոռացել.

— Ձեզ ի՞նչ: Միայն Լոմ-Հասանը կարող էր Սաբայից հաշիվ պահանջել, և Լոմ-Հասանը այժմ չկա...

Ու ամենքը ստիպվել էին լռել:

5

Երզրումի Ղավազի դուռ կոչվող թաղում, Հայոց Մայր եկեղեցուց քիչ ցած, գտնվում են մի շարք տներ, որոնցից միայն մեկն էր երկհարկանի՝ սրանից տարիներ առաջ:

Երկհարկ այդ տունն իսկ այլանդակ բան էր:

Առաջին հարկի արտաքին պատերի վրա գունդ-գունդ ծեփված կային աթարի կտորներ. իսկ երկրորդ հարկի ոչ լուսամուտը փեղկ ունեք և ոչ էլ փողոցի վրա նայող դուռը:

Երևում էր, որ տերը կիսատ էր թողել: Ունեցել էր միայն քար: Փայտյա մասը պակասում էր լիովին:

Բնակություն կար, հետևապես, միայն ներքին հարկի մի միակ ընդարձակ սենյակում:

Միանգամայն ամեն ինչ էր այդ սենյակը.— մառան, թոնրատուն, ննջարան, ճաշարան և փայտանոց: Մինչև իսկ մի անկյունը ախոռ էր դարձրած և այնտեղից մեկ-մեկ հնչում էր էջի զիլ զոռցը:

Սենյակի մեջտեղ թոնիրն էր. քիչ հեռու՝ բարձր թախտ, ապա՝ ալյուրի մեծ դարանը, ավելի հեռու՝ կարասիներ, դիզած ցախ, միմյանց վրա կիտած լավաշ հաց:

Գետնի վրա՝ մերկ մանուկներ, ջրաման, ավել: Բոլորը խառնվել էին միմյանց:

Թոնիրը վառում էր կարմիր շալի գոգնոց կապած մի կին, որ գոգնոցով հովհարում էր դեպի թոնիրը, ապա անցուզարձ անում կահ-կարասիքի միջով, ձեռքերով ծխալից աչքերի արցունքը սրբում, կիցերով

մանուկների ճիշերը լռեցնել մտածում ու բողաչեքեն հարուստ հայհոյանքներով արտահայտում էր շղայնութունը:

Մինչ այդ, թախտի վրա մեկնելած տղամարդը սկի էլ չէր շարժվում:

Չիբուխը բերնին, փատացնում էր ու երազում: Իսկ երբ մանուկները ճիշերը մեծացրին—նա էլ բուռն հայհոյանքների դիմեց և հրամայեց կնոջը՝ ազմուկը պակասեցնել:

— Ի՞նչ անեմ,— կանչեց կինը,— էս անիծած թոնիրն էլ չի վաճվում. գոնե քիչ փուշ բերեիր սարերից:

— Ժամանակ չկա, կին.— խոսեց տղամարդը,— և շուտ արա, մի բան տուր ուտելու. և պիտի այսօր շատ քար կտրել. Գեորգ աղան պիտի գա և գնի:

Հետո, երբ տեսավ, որ թոնրի ծուխը սաստկանում էր, շիբուխը բերնին իջավ և բայլեց դեպի դուռը:

— Դուանը կնստեմ,— ասաց նա կնոջը,— երբ կերակուրը կլինի, կանչիր: Շուտ արա:

Ու դուրս եկավ, մտադրելով նստիլ իր շինած տան առջև դրված մեծ քարի վրա:

Ելավ, նորից կանգ առավ՝ տունը դիտեց և պատրաստվեց նստելու, երբ հանկարծ սառած ու ապշած նայեց դեպի քարակույտը, որ հեռու չէր տան դռնից:

Այնտեղ, մեջքը քարերին տված, նստել-կծկվել էր մի պառավ կին, ոտքերի մեջ առած երկար ցուպ, կողքին մի մեծ գամփու:

Խոշոր մարմնով, բայց ցնցոտի հագած կինը աչքերը փակել՝ կարծես ննջում էր: Փոշոտ էր, գունատ և հոգնած:

Երբ լսեց ոտնաձայն, ցնցվեց, մի միակ աչքը բաց արավ ու նայեց:

Երկուսի ականարկները հանդիպեցին միմյանց: Տղամարդը սոսկումով ետ քաշվեց, իսկ պառավը ոտքի ելավ:

— Խաթ-Սաբա...— գոչեց տղամարդը:

Խաթ-Սաբան մի քայլ արավ դեպի նա և ասաց.

— Երեկ «մայր» բառը մոռացել ես... Ա՞յս է տունդ:

Ու քայլեց դեպի դուռը:

Տանտերը ջանաց աննկատելի կերպով նրա դեմը կտրել ու ասաց.

— Այստե՞ղ... ոչ, այստեղ մի մտնիլ...

— Այդպե՞ս,— կանգնեց Խաթ-Սաբան,— ո՞րտեղ ուրեմն կընդունես մորդ, որ հոգնել է և մի բաժակ ջուր խմելու պետք ունի: Այնուհետև կափ քեզ նա իր ասելիքը, որի համար կտրել է երկու օրվա ճանապարհ և եկել է այստեղ:

Որդին շփոթվել էր: Զգիտեր ինչ անել:

Այդ միջոցին տան դռան վրա երևացած կինը տեսավ, որ ամուսինը խոսում էր մի պառավի հետ, նայեց քիչ ու գոչեց.

— Կարող ես ներս գալ, Մարտոս. թոնիրը կպավ և կերակուրը տաքացել է:

— Ահ,— դարձավ Խաթ-Սաբան իր որդուն.— դու ինձ խարում ես ուրեմն. սա է տունդ... Առաջ անցիր և մի վախենա, մայրդ երկար չի մնա քեզ մոտ. կտեսնի հարսին և թոռներին՝ եթե կան, մի բաժակ ջուր կխմի... և ահա բոլորը:

Այդ ասելով՝ նա ուղղակի ներս մտավ, գամփոն մոտ կանչեց, նստեց թոնրի եզերքում փոված փսիաթի վրա, ցուպը ձեռքերին առավ ու տանտիկնոջ դառնալով՝ ասաց.

— Հարս, թե թան ունիս՝ քիչ թան տուր. թե չունիս՝ ջուր մի աման: Մանուկները, որոնք Խաթ-Սաբայի խոսելու ժամանակ գիտում էին նրան, հանկարծ ձեռքերը իրար խփեցին և մոտենալով՝ կանչեցին.

— Վա՛յ, բոշա է եղել:

— Մեկ աչք ունի,— ժիժաղեց երկրորդը:

Մարտոսը երկու ուժգին հարվածներով՝ հրեց նրանց հեռու և լռեցրեց:

Սակայն Խաթ-Սաբան լսել էր և մի կատաղի ականարկ ձգեց որդու վրա:

— Որդինե՞րդ են:

Ապա ժպտաց ու ավելացրեց.

— Սովորցրու նրանց, որ իրենք էլ բոշա են և որ մի աչք ունենալը ամոթ չէ բոլորովին:

— Իրա՞վ,— հարցրեց այդ միջոցին տանտիկինը, որ պառավին էր մոտենում և պարզում նրան պղնձե թասով թանը. իրա՞վ, դու բոշա՞ ես:

— Խաթ-Սաբան առավ թասը, զննեց հարսին ու հարցրեց խոսու-թյամբ.

— Իսկ դո՞ւ, մարդդ ու որդիներդ, բոշաներ չե՞ք:

— Մենք բոշա չենք,— պատասխանեց հարսը.— շատ էլ իմ ծնող-նեքս բոշաներ են եղել, բայց ես բոշա չեմ:

Հետո ձեռքը պարզեց թասը ետ առնելու և ավելացրեց.

— Թասը ետ տուր. չգնես տոպրակիդ մեջ:

— Կնիկ...— կանչեց նրա վրա Մարտոսը:

Խաթ-Սաբան նախ ապշած՝ նայեց հարսին: Պահ մի չհասկացավ

վիրավորանքը: Հետո զայրույթից կարմրեց և բուռն ուժով թասը նետեց հեռուն ու ինքն էլ ոտքի ելավ:

Այնքան սաստիկ էր նրա բարկութունը և շարժումները, որ գամփառ սկսեց մոմռալ, իսկ հարսը վախեցած մի ճիչ արձակեց ու ետ քաշվեց:

— Մարդ,— ասաց նա ամունուն,— ինչո՞ւ ներս թողիր սրան. հիմա տղաներիս մեկը կտանի կամ մի բան կզոզանա:

— Կնիկ...— որոտաց Մարտոսը սուսկումով,— կտրիր ձայնդ:

— Ոչ, ինչո՞ւ,— ասաց Խաթ-Սաբան, որ արդեն զսպել էր իրեն և ցուպին կոթնած՝ դառն ժպիտ դեմքին ու գունատ՝ նայում էր հարսին.— Ոչ, թող որ բոլորը ասի... Ասա, սիրուն հարսս, էլ ի՞նչ կարող ես ասել բոշաների մասին:

— Դուրս գնա,— ճշաց հեռվից հարսը,— մարդու խելքին ասա, որ բեզ ներս թողեց:

— Այդ ոչինչ, հարս,— ժպտաց Խաթ-Սաբան.— եթե մեղքս միայն այն է, որ բոշա եմ, ուրեմն բոլորս էլ մեղավոր ենք, որովհետև, ինչքան կամենաս շլինել, բայց դու էլ բոշա ես, այս մարդդ էլ, որդիներդ էլ: Ուրեմն, եթե ես տղա փախցնող ու գող եմ, դուք էլ նույնն եք...

Հետո, լիովին հանդարտված՝ նստեց դարձյալ և դարձավ որդուն.

— Բայց,— ասաց նա շափելով նրան ոտքից մինչև գլուխը,— ասա տեսնենք, տղաս, գուցե դու էլ շես կամենում բոշա լինել, հը՞... դո՞ւ էլ այնպես ատում ես ցեղակիցներիդ, ինչպես կինդ ու որդիներդ...

— Ե՛ս...— թոթովեց Մարտոսը,— ինձ համար բոլորն էլ մեկ են. բոլորն էլ մարդիկ են...

Խաթ-Սաբան հեզնությամբ նայեց որդուն, ծիծաղեց նրա շփոթության վրա, հետո մեկեն դարձավ հարսին և ժպտուն՝ ասաց.

— Իրավ, հարս, մոռացա բեզ ասելու, որ ամուսինդ իմ որդին է, իմ հարազատ որդին. դու իմ հարսն ես և որդիներդ էլ՝ թոռներս... Ամենքդ էլ բոշաներ ու շատ մաքուր բոշաներ...

Իբր պատասխան դրան, թոռներից մեկը, որ պահվել էր մոր ետեվը, հանկարծ գլուխը դուրս հանեց նրա թևի տակից, միջահատեց տատի խոսքը և գոռաց.

— Շո՞ւն բոշա...

Խաթ-Սաբան ցնցվեց և կծկվեց: Կարծես մի մեծ քար էր գլխին ընկնողը:

Շշմելու վայրկյանը սոսկալի էր: Հետո, երբ ընդհանուր քարացումն էր, ծանր, կքված՝ ոտքի ելավ նա, կնճռալից ու թախժոտ՝ առավ ցուպը, մոտ գնաց որդուն ու ասաց խստությամբ.

— Այդ դու ես դրանց սովորեցրել այդպես, չէ՞... դու և կինդ...

— Փողոցից, փողոցից...— կմկմաց որդին:

— Հայրիկ,— գուցե այն կողմից երկրորդ որդին,— ես էլ ասե՞մ զուն բոշա»...

Խաթ-Սաբան ավելի կքվեց կարծես ու դեպի մանուկը գնացող որդու վեր բռնեց:

— Ոչ, մի խփիր. ի՞նչ օգուտ ունի,— ասաց նա.— ոչինչ. ամենքը հայհոյում են մեզ, այժմ թող և մեր զավակները կրկնեն այդ հայհոյանքները...

Ապա շունչ առավ քիչ և ավելացրեց հանդարտ:

— Լսիր, որ ասեմ թե ինչու եկա... Մեր ցեղից, քո ազգականներից, կառավարութունը իզուր տեղ բռնել է տասը մարդ և բանտ դրել: Հասան-Ղալալի բեզն է տնօրինողը: Ասացին, որ դու մտերիմ ես նրան: Զգիտեմ ինչպե՞ս, ինչո՞ւ, բայց մտերիմ ես մի այդպիսի գազանի... Ասա, չե՞ս կարող ազատել մերոնց... Քեզ խոսք եմ տալիս, որ այնուհետև այլևս երբեք շես լսի իմ կամ մերոնց մասին: Մենք ուսի հողը կգնանք... Արա, եթե կարող ես...

Մարտոսը պահ մի շպատասխանեց ու մտածեց: Խաթ-Սաբան անձկությամբ նայում էր նրան և սպասում:

— Բարեկամ եմ բեզի հետ,— ասաց վերջապես որդին, բայց չեմ կարող... փող պետք է գործի մեջ մտցնել. ուրիշ կեղապ անկարելի է... չի անի:

— Ուրիշ կեղապ չի՞ լինի... Ասացին, որ կարող ես դու. բեզը բեզ շատ բանով է պարտական... եկամուտի աղբյուրներ ես տալիս նրան...

— Սո՞ւտ է... ես ոչինչ չեմ կարող և փող էլ չունիմ:

Խաթ-Սաբան գլուխը կրծքին խոնարհեցրեց պահ մի ու մնաց լուռ: Քիչ հետո նա նայեց խստությամբ որդուն և առաջ բարկությամբ.

— Զգում էի, որ պիտի մերժեիր... Մնաս բարև ուրեմն. կա և մի ուրիշ միջոց, և դա գուցե ամենալավն է. լուծեր կդիմեն այդ միջոցին... բայց, սկսած քո մորից մինչև ետին լուծը անիծում է բեզ՝ լինի նա ազատ թե գերի: Վախեցիր այդ անեծքից, որովհետև մորդ անեծքն էլ կա նրանց հետ խառն...

Ասաց, գլուխը խոնարհեցրեց և արագ քայլերով դուրս գնաց:

Գամփուր նայեց Մարտոսին, ատամները ցույց տվեց, մոմռաց և հետևեց տիրուհուն:

Ու Խաթ-Սաբան գնաց առանց ետ նայելու և անհետացավ փողոցների մեջ...

Գաշտում ետ մնացող բոշաներին հարկահանների խուզարկու գին- վորները: յանել էին և բանտարկել Զանգաղ: Պատճառը հայտնի չէր: Լքամայված էր բանտարկել թափառիկ և կասկածելի անձերի և նրանց բանտարկել էին:

Մյուս կողմում լեռներից դաշտ իջնել փորձող բոշաներին նույնպես բռնում էին:

Բոշաները ստիպված էին բանջարներով կերակրվել, կրակ չվառել և դողիդող, ամեն րոպե սպասել փորձանքի:

Հեռանալ չէին ուզում. ընկերներին պետք էր նախ ազատել:

Եվ երբ եղած պաշարը մեկտեղ բերին ու հասարակաց դարձրին, ծերունիները մի գիշեր ժողով կազմեցին և Խաթ-Սաբայի վրանը մտան: Խորհուրդը վերջացավ նրանով, որ Խաթ-Սաբան ցուպը ձեռքն առավ, գամփոխն սուլեց և ամենակարճ ճանապարհով գնաց Երզրում:

Գիտեր, որ մեծ որդին մտերիմ էր Հասան-Ղալայի բեգին: Մտածեց յուրայիններին մի կերպ ազատել:

Խորհուրդը վճռել էր յուրայիններին բանտից մի կերպ հանել և Խուկայն, մի գիշերվա մեջ՝ անցնել ուսաց հողը:

Ուրիշ նարք չկա:

Եվ երբ Խաթ-Սաբան որդուն խնդրելու անօգուտ փորձի համար Երզրում էր գնացել— Զիվինի մեջ լցված զինվորներից մի խումբ, պատահմամբ Զիվինի-տյուզը ելնելով՝ բոշաների տեղը երևան հանեց:

Խումբը շրջապատեց բոշաներին և իրենցից մեկին ուղարկեց դաշտ, Զանգաղում նստած բեգին իմացնելու, որ տուրքի նոր աղբյուրներ էին գտնված:

Մյուս առավոտյան Հասան-Ղալայի բեգը քսան զինված ձիավորներով Զիվինի հարթավայրը եկավ և իջավ ամենալավ վրանի տակ:

Բոշաները դողդողալով սպասում էին: Կանայք չէին երևում, իսկ ձանուկները խումբ առ խումբ թաքնված խոտերի մեջ և թփերի ետևը զբաղում էին լինելիքը:

Բեգը հրամայեց, որ ցեղի ծերունիները իր մոտ գան:

— Ո՞վ է ձեր ցեղապետը, — հարցրեց նա:

— Այստեղ չէ, — խոսեց մեկը. — նա Երզրում է գնացել:

— Ի՞նչ է անունը:

— Խաթ-Սաբա:

Բեգը նախ զարմացավ, հետո մի մեծ քրքիչ արձակեց: Գրագիրն ահա հետը եկած հարկահավաքն էլ պարտք համարեցին ծիծաղել:

— Այդ ի՞նչ այլանդակ անուն է, — գոչեց բեգը:
— Զարմանալի անուն, — վրա տվավ գրագիրը:
— Անասունի անուն է, — ավելացրեց հարկահավաքը. դրանց ցե-
փապետը կամ մի շուն կլինի և կամ էլ... Սրանք հայ-բոշաներ են:
Ու բոշաները կանգնած խմբովին՝ խոնարհաբար լսում էին այդ
ամենը:

— Ապա՞... — ծիծաղեց բեգը և ճաշակեց կարագը, որ մի զափթիծ, մտրակի հարվածների շնորհիվ, գտել էր մի վրանից. — ապա՞, ասեք տեսնե՞ք, ձեր ցեղապետը ի՞նչ տեսակ զանավար է:

— Կին է, — ասաց ծերունին:

— Կի՞ն, — գոչեց բեգը վարմացած:

— Կի՞ն, առանց բեղերի՞, շրջազգեստով կի՞ն, — խոսեց գրագիրը և բերանը բաց մնաց:

— Հետաքրքիր է, — գիտեց հարկահավաքը:

Ու լռեցին, որովհետև բեգն էլ լռել՝ կարագ էր ուտում ու մի կող-
մից զննում բոշաներին:

Զինվորներն այդ միջոցին ձիերիցը իջել, ոտները կապել ու արա-
ծելու էին թողել վրանների առաջ: Իրենք վրանից վրան մտնում և ուտե-
լու բան էին որոնում:

Եվ երբ չգտան, ստիպված եղան իրենց պայուսակից հանել հաց ու պանիր և անոթի բոշաների առաջ նստել-ուտել:

Այդ միջոցին բեգը ամբողջովին զբաղված էր կարագով: Ուտում էր և ասում.

— Համով կարագ է... Սրանց տավարները երևի շատ լավ կաթ են
ունենում:

— Մաղիկ է կերածնին, էֆենդըմ, — նկատեց հարկահավաքը:

— Երևի բավական տավար կունենան, — մեջ մտավ գրագիրը...
Նախ կովեր ու ոչխարներ: Սա ոչխարի կարագ է: Հետո՞ կունենան ձի,
էլ կամ ջորի, վրաններ ունին և անշուշտ իրենք շեն այգքան բեռը տեղից-
տեղ փոխադրողը...

Բեգը, կարծես զմայլմամբ, նայում էր իր գրագրին:

— Աֆֆերիմ, սիրելիս. — գոչեց նա. — հետո՞, հետո՞:

— Հետո, էֆենդըմ, կունենան նաև եղներ. ես այնտեղ, ցածում 2—3
ապլ տեսա:

— Ապա՞, ի՞նչ կասեք սրան, բոշաներ. — դարձավ բեգը կանգնած
ծերունիներին. — ավելի լավ է ճիշտը խոստովանեցեք, թե չէ՝ գրագիրս
մեկ-մեկ կհաշվի ձեր բոլոր ունեցածը:

— Ըշմարիտ է, էֆենդի, — ասաց մի բոշա, — ունեիք մոտ 20 աշ-

խար, 5—6 կով, 6—7 ձի, հետո՝ էշեր, եզներ... բայց մեր ամբողջ նախիրը երեկ քշեցին տարան քյուրդերը...

Բեգի աչքերը փայլեցին: Նա հարկահավաքին դարձավ ու ասաց.

— Սա քեզ վերաբերյալ բան չէ կարծեմ. կառավարության հաշվի մեջ չեն մտնում բռշաները...

Հետո գրագրին նայեց ու ժպտաց.— Իսկ դու, սիրելիս, սա մեր անձնական հաշվի հարցը դարձավ...— Գրիր այդ ամենը... Ուրեմն, 20 ռուբլի, 6 կով...

— Բայց բեգ,— գոչեց բռշաներից մեկը.— այժմ ոչինչ չունինք բռշորը տարան...

— Աստծու բանն է այդ...— խոսեց բեգը.— բայց ունեցել եք մինչև երեկ և նրանք կառավարության հողի վրա են արածել, ձեզ կերակրել են... Հաշվիր, գրագիր, 8 եզ...

— Ութ հատ շէին, բեգ,— ասաց նորից մի ծերունի բռշա,— և հետո, երկրագործության անասուններից հարկ չեն վերցնում...

— Դու լուռ կաց, քավթառ, և սպասիր որ քեզ խոսեցնեն... Մենք հիմար չենք և գիտենք, որ բռշաները չեն զբաղվում երկրագործությունով... Գրեցի՞ր, գրագիր...

— Լավ,— սկսեց քիչ-քիչ ոգևորվել բեգը և դարձավ բռշաներին.— ասացեք ճիշտը, անպիտաններ, քանի՞ անձ կա վրաններում, կին, երեխա և տղամարդ... ճիշտը ասեք, եթե չեք ուզում, որ զինվորներին ձեր վրանների վրա բաց թողնեմ...

— Տասնևութ տղամարդ ենք, բեգ,— պատասխանեց ծերունին. բայց 30-ից ավելի էին. մեզնից տասը հոգու ձեր հրամանով բռնել են զաշտում, իսկ երկուսին քյուրդերը սպանեցին:

— Ուրեմն 35 տղամարդ. իսկ կանա՞յք:

— Մոտ 20:

— Սուտ է, անիծյալ. 35 տղամարդ ունեցող խումբը 40-ից ավելի կանայք կունենա...

Ասաց և ոտքի ելավ: Դեմքի վրա խաղում էր ինչ-որ շար ժպիտ: Բեգը, երևի, նոր բան էր մտածել:

— Ահմեդ էֆենդի,— դարձավ նա գրագրին.— մենք հրամայում ենք ձեզ՝ առնել ձեզ հետ 5—6 զինվոր և այս ծայրիցն սկսած՝ մտնել բոլոր վրաններն ու ցուցակագրել բոլոր անձերին, կանանց, աղջիկներին... իսկ առայժմ,— դարձավ նա բռշաներին,— կորեք աչքիցս, և ամեն մարդ թող իր ընտանիքի մոտ գնա...

Բռշաները վրանի առջևից հեռացան: Բեգը հրամայեց կանչել զինվորների հիսնապետին և մանրամասն պատվերներ սովավ նրան:

Հիսնապետը ծիծաղը դեմքին դուրս ելավ վրանից, և քիչ հետո զինվորները հրացան ի բռին՝ շղթայի նման շրջապատեցին վրաններն ու սկսեցին կամաց-կամաց շղթան սեղմել:

Եվ ահա ամեն ինչ խառնվեց միմյանց: Այլևս հիսնապետը չկարողացավ իր ճիշերովը կարգուկանոն պահպանել: Թալանի տենչը զինվորներին մղեց դեպի վրանները:

Ու սկսեցին տակն ու վրա անել նրանք ինչ որ գտան: Ուղղակի մեք-կացնում էին տղամարդկանց, կանանց հագուստների մեջ էին սպրդեցնում իրենց կեղտոտ ձեռքերը և գարշելի ժպիտով ժպտում նրանց արձակած ճիշերի վրա...

Հարկատուն էլ իր գործն էր տեսնում: Արձանագրում էր, որ հետո կեսը պահանջի գոնե:

Բռշաները սոսկումը կրծքերում փախում էին այս-այն կողմ, զինվորների հրացանների կոթերից մղված, նորից ետ գալիս, մանուկներին վայնասունը կանանց ճիշերի հետ՝ սարահարթ էր բռնել, իսկ բեգը կանգնել վրանի առաջ՝ ծիծաղում էր:

Գրագիրը ոչ միայն արձանագրում էր անձերին, այլև հրամայում էր դատարկել վրանները:

Սկսեցին դեզեր կազմել կաթսաներ, կապերտներ, բարձեր... Զինվորները կոպտաբար բռնում էին աղջիկներին, պոկոտում նրանց վրա ից որևէ զարդ, որևէ լավ շոր, կոշիկ, թաշկինակ...

Մի զզվելի խառնուրդ, մի սոսկալի ու վայրենի խառնուրդ էր այն: Մինչ այդ, գրագիրը, որ ուշադրությամբ գննում էր ամեն կնոջ դեմք, հանկարծ մոտ կանչեց երկու զինվորի, ցույց տվավ վրաններից մեկից դուրս ելնող մի աղջկա և ասաց.

— Բռնեք դրան և բեգի վրանը տարեք...

Ու զինվորները վազեցին դեպի աղջիկը:

Բայց երևի նրանք բռշա կնոջ ինչ լինելը չգիտեին դեռ: Ենթացրում էին, որ հեշտ էր բռնել աղջկան:

Հանկարծ աղջիկը գլխի վրա պտտեցրեց ձեռքի ցուպը, ապա իջեցրեց երկու անգամ, և զինվորները օգնության աղաղակը բերաններին՝ փովեցին գետնին:

Այդ անակնկալը այնպես հանկարծակիի բերավ ամենքին, որ մի րոպե կանգ առին թալանն ու հետապնդումները: Բոլոր զինվորները սառած մնացին, գրագիրը գունատվեց և քնազղաբար ետ-ետ քաշվեց:

Մինչ այդ, աղջիկը, որ մի գեղեցիկ մատղաշ արարած էր, ժողովեց փեշերը, գունդ արավ մեջքի շուրջը, թևերը սոթտեց և գոչեց վրանների առաջ կիտված բռշաներին.

— էյ, լումեր, կոտորվեք դուք ու անիծվեք ձեր ամբողջ սերունդով, որ ոչխարների նման թույլ եք տալիս մորթեն ձեզ այս անիրավները... Ի՞նչ պապ լում-Հասանը վկա, եթե տատս այստեղ լիներ, առաջ ձեր գլուխները կչարդեր, այդ խոնարհ գլուխները...

Խոսում էր նա բողոքներով: Ո՛ր գրագիրը, ո՛ր բեգը և ո՛ր զինվորներն էին հասկանում, բայց ամենքն էլ լուռ ու համայված էին կարծես աղչկա բոցափայլ աչքերից:

Բեգը ուղղակի բերանը բաց՝ հիացած մնացել էր: Եվ երբ հիսնապետը շարժում գործեց առաջ գնալու, բռնեց նրա թևն ու ասաց.

— Ոչ, սպասիր, թող ոչ ոք չդիպչի դրան: Դա իմն է. սարի այդ մարալը իմ որսն է և ուզում եմ դեռ որ խոսի...

— Կտրիր ձայնդ, լիրբ քաֆտառ,— դարձավ նրան աղջիկը միշտ բռնալեզուն.— եթե մերոնք մարդ լինեին, դու այժմ մեր կոխած տեղը պիտի համբուրեիր:

Բեգը մոտենում էր:

— Ո՛վ ես դու, սիրուն աղջիկ,— ասաց նա բաղդուրովյամբ. մի բարկանա, քեզ ոչ ոք վնաս չի հասցնի:

— Մեր ցեղապետի թոռն է,— ասաց նրան ավելի մոտ կանգնած մի բռնալ.— նա թուրքերեն չգիտե:

— Ասա նրան, բռնալ, որ, եթե համաձայնվի ինձ մոտ գալ, ես նրան թագուհու պես կպահեմ...

Եվ երբ բռնան թարգմանել էր այդ, աղջիկը մի քայլ մոտեցավ դեպի բեգը և հանկարծ թքեց դեպի նա:

Բեգը ցնցվեց ու ձեռքով արավ հիսնապետին:

Չինվորները մոտ գնացին: Աղջիկը բարձրացրեց ցուպն ու ետևաբաշխվեց...

Սկսեց հետապնդում: Աղջիկը մեջքը դարձրեց ու սկսեց փախչել: Չինվորները ետևից ընկան:

Ու բռնաները, որոնք ակնատես էին այդ ամենին, խմբված սկսեցին հուզմամբ խոսել միմյանց հետ:

Հանկարծ սարահարթի վերի կողմից լսվեց մի երկար աղաղակ և ժայռի մոտ հայտնվեց մի երկար հասակ:

Ամենքը դեպի այն կողմը դարձան:

— Խաթ-Սաբան...— գոռացին բռնաները:

Կանայք անմիջապես կորզեցին իրենց ցուպերը, տղամարդիկ վարկենապես զինվեցին ինչով որ կարողացան...

Եվ վերջապես այդ պահուհու, սարահարթի վրա իջնող մթության մեջ, հրացաններով զինված, բայց իսկապես իրենց կյանքի համար դո-

զացող զինվորների դեմ, կարծես կախարդովյամբ, Էրևան Եկավ մի տարօրինակ կովող խումբ:

Խումբի առջևը նախ կանգնած էր մի երկարահասակ միակնյա պառավ կին, կողքին հրաշալի գեղեցկությունով աղջիկ:

Երկուսի ձեռքին էլ սպառնալից ճոճում էին երկար, ամուր ցուպեր: Նրանց Ետևում շարված էին կատաղի դեմքերով, էգ առյուծներու նման պատրաստ ոստնելու՝ 30—40 կանայք, նույնպես զինված մեծ, խոշոր, յուրաքանչյուր հարվածը մահաուրիթ դարձնող մահակներով:

Եվ վերջապես, որպես վերջապահներ երևում էին տղամարդիկ՝ որոնց ձեռքին փայլում էր և բահ, և լծակ և նույնիսկ տապարներ:

Ու երբ մուծը կոխում էր լեռներից, սև մշուշն իջնում էր սարահարթի կողքից ու ծածկում շրջակայքը, լսվեց Խաթ-Սաբայի խոսքը, որ ասում էր յուրախներին.

— Միևնույնն է, լումեր. այլևս ոչ մի տեղից օգնության հույս չկա: Թող մեկը գնա մեր տավարները պահողների մոտ և պատվիրի անցկացնելու նախիրը. դեպի ռուսի հողը... Իսկ մենք, ժողովներ մեր վերջին ճիգը, թողնեք այս հողի վրա մեր վրանները և աղատենք մեզ անպատվությունից, խայտառակությունից... Ով սիրում է իր պատիվը, թող մեռնի գիտունա...

* * *

...Սրանից տարիներ առաջ մի ճանապարհորդ, որ շրջում էր սահմանագլխի կողմերում, մի գիշեր հյուրընկալվեց մի բլրակի գլխին գտնվող հայ բռնաների վրաններում:

Որովհետև ամառ էր և ցածում խոտը պակասել էր տավարներին, հայ բռնաները ելել էին գյուղից և 30-ի շուրջ վրաններ թողել սարի գլխին:

Ու այնտեղ ճանապարհորդին կերցրին, հետո, երբ մթնեց, հրավիրեցին գյուղապետի վրանի առաջ, ուր սովորություն ունեին բռնաները ամեն երեկո հավաքվել, նվազել, պատմություն ու հեքիաթ պատմել և զվարճանալ:

Այնտեղ շրջան էին կազմել արդեն ամենքը և լսել էին պատրաստվում պատմիչին:

Փշում էր մի զով քամի: Երկինքը պարզ էր, և լուսինը պայծառ լուսավորում էր: Հեռվում, տավարների պահապանները շվշվացնում էին երբեմն, և շները մեկ-մեկ հաշոցներով խանգարում էին լեռնային շքեղ լուսությունը:

Պատմիչը հազաց, ծխեց վերջին անգամ շիրուխն ու սկսել կամեցաւ, բայց գլուղապետը ասաց.

— Մեկիք, ի՞նչ ես պատմելու այսօր:

— «Փիր»-ի պատմութիւնը:

— Հա՞... լավ էլ կանես: Մարդ որքան լսում է. շի կշտանում:

Ու բոշան պատմում էր:

«— Այնտեղ, մեր ետեւի լեռներից հեռու, Զիվինի լեռնաշղթայի վերջին գագաթի լանջին, կա մի վայրենի վարդենու մեծ թուփ, որ տարին մի անգամ տալիս է բազմաթիվ սպիտակ անուշահոտ վարդեր, բայց ճշուդերը ավելի թանկագին և ավելի լավ վարդերով են զարդարված...

Յուրաքանչյուր լոմ թփի մոտով անցնելիս՝ պահ մի նստում է նրա հովանու տակ, ապա, կտրում է իր հագուստից, իր սրտից ու զգացմունքներից մի կտոր, կապում թփի ճյուղերին, աղոթում է և հեռանում:

«Փիր»-ի գերեզմանն է այդ. լոմերի սուրբի շիրիմը:

Այնտեղ է, որ թաղվել է մի կին, մի քաջ կին: Եվ յուրաքանչյուր լոմ, երբ պատահում է նրա վրա դիզած քարակույտին և կամ հեռվից տեսնում է գերեզմանի վրա բուսած թուփը—անշուշտ հիշում է լոմերի քաջ ցեղապետուն, անմահ Խաթ-Սաբային:

... Հեռու, Իրանի հողից էր եկել Լոմ-Հասանը: Եկել ու իր կյանքը մխայրել էր քաջ Խաթ-Սաբային: Ու երբ մեռել էր, կնոջն էր հանձնել լոմերի կառավարութիւնը:

Եվ Խաթ-Սաբան քսան անգամ ազատել էր իր ցեղը կորստից, քսան անգամ աշխատել էր հանել նրանց թափառականութիւնից ու քսան անգամ առյուծի նման՝ պաշտպանել էր իր կորյուններին...

Ու ճակատագիրը հանգիստ չթողեց լոմերին ոչ մի տարի և ոչ մի օր:

Խաթ-Սաբան կորցրեց որդիներին, կորցրեց ամեն ինչ, բայց չկամեցավ թողնել ոչնչացնելու իր ցեղին, չկամեցավ արատավորելու թույլ տալ լոմերի նամուսը:

... Մի վերջին անգամ նա գլուխ անցավ մի բուռ քաջերի, կովիով աշխատեց հեռանալ դժբախտ երկրից, լեռների այն կողմից և անցնել ու անցկացնել յուրայիններին այս կողմը:

Զորքը, կողոպտող ու վատ բեզը ընկան նրա ետեւից:

Խաթ-Սաբան կովելով բարձրացավ լեռները:

Եվ երբ Զիվինի գլուխը, վերջին գագաթին էր հասել, ճանապարհին թողել էր նա իր խումբից շատերին, սակայն և ջնջել էր հետապնդող զորքի մեծ մասին:

Ու խումբը գիշերել էր Զիվինի գլխին:

Խաթ-Սաբան տխուր էր, տխուր. զգում էր, որ դուշտն այլևս չպիտի տեսնի: Գիշերը երազ էր տեսել. որ Լոմ-Հասանը կանչում էր նրան: Եվ զգաց, որ մեռնելու էր: Կանչեց թոռանը, բռնեց նրա ձեռքը, օրհնեց ու ասաց.

— Հող ունենանք, որդիներս...

Կանչեց լոմերին, խրատեց նրանց ու ասաց.

— Հող ունեցեք, զավակներս. ձեր փրկութեան միակ միջոցը հողն է...

Գիշերը հանկարծ զորքերը պաշարեցին հոգնած ու անթի լոմերի խմբին:

Խաթ-Սաբան առավ իր ցուպը և մի վերջին անգամն ևս իր շուրջը դիակներ փռեց:

Ու երբ զորքը փախչում էր. լոմերը անցնում էին ւահամանը, Խաթ-Սաբան վերք ստացած կրծքից մեռնում էր:

Կես-գիշերին Խաթ-Սաբան նորից մոտ կանչեց բուռը լոմերին, բարձրացավ, օրհնեց ու ասաց կրկին.

— Հող ունեցեք...

Եվ մեռավ:

Լոմերը թաղեցին նրան այդտեղ ու վարդենու մի թուփ տնկեցին նրա քարակույտի մոտ:

Ապա իրենց հագուստներից կտրեցին, կապեցին լոմերը վարդենու թփին, լացին հերոսուհու վրա և գնացին...

Անցան տարիներ: Խաթ-Սաբայի յուրաքանչյուր քաշութիւնը մի-մի հեքիաթ է լոմերի համար:

Կպատմի ձեզ նրանցից իմ որդին էլ, կպատմի և թոռը. կպատմի յուրաքանչյուր լոմ:

Նրա գովեստը կերպիմ ես ձեզ, կերպի լոմ մանուկը, կերպեն և քարերը:

Իսկ այժմ կերպի նրան Մարգոն, կլսեն լոմերը և կպարծենան: Կլսեմ և ես, ձեր ծերունի պատմիչը. կլսեմ և կուրախանամ...»:

... Ու երբ պատմիչը լռեց, Մարգոն, որ մի լավ ձայն ուներ, կորողը մաքրեց:

Փշում էր զով քամին, փայլում էր լուսինը, հովիվը պլպլացնում էր իր շիրուխի կրակը, հեռվում՝ խոխոջում էր գետակը:

Եվ երգում էր Մարգոն, երգում քաղցրաձայն.

Զիվինի թուփ, զուրբան վարդիք,
Ո՞վ կհասնի քո փառքիդ...

Ապա դեմքը դարձնում էր դեպի Զիվինի հեռավոր գագաթներն ու ավելացնում ոգևորությունը.

Զիվինի թուփ, դուրբան վարդիդ,
Ղուրբան Փիրին ծածկող հողիգ...

ԸՄՔՈՍ ԵՐԳԵՐ

Ո՞վ է այնտեղ—այդ զորեղ ոգին, որ մերկ ու միայնակ, մրկում է լեռների գագաթների վրա: Գլխով մշուշն է հալածում, բրբռում բուռի ձայներ խլացնում և բարձրաբերձ՝ ճահճոտ անտառների գիջություն մեջ կառուցած արվեստականության դեմ՝ ջրեր է հայուցանում:

Ո՞վ է այնտեղ—այդ նոր հսկան, որ մերկ է անամոթության շափ և անգիմակ՝ ցինիկի հանդգնությամբ:

Որ անկաշկանդ՝ անտառի շարժումը պրկող բազեղներից, ոչ մի գարշապարի առաջ չի խոնարհեցնում իր թռիչքն ու իմաստությունը:

Միայնակ ու մերկ է նա, որպես ազատ իմաստությունն իր խոհերով: Հանգում է բարձրությունների մեջ և բրբռում ճահճների խորքում սնվող կանաչ աղտոտությունների վրա:

Նրա զբոսանքն է՝ ծաղր կարկտել փշերի գլխին, հեզություն տեղալ վայելչության աստծո վրա և իմաստության խանդով մերկացնել ամեն հագնվածի:

Նրա խոսքերը լծակի պես դարձնում են դարևոր ժայռեր և տակի խոնավ գիջությունը արևին պարզում: Նրա իմաստությունը անգութ է և խիստ, որպես անխնա ավերիչ դարևոր հնությունների:

Նվիրականության հոտը նրան չի՝ բորբոսեցնում. ավանդականության օձը նրա ոտների տակն է, և հնամյա բարոյական վիշապը սողունի պես զալարվում է նրա առաջ:

Սավաննում է նա տիեզերքի տարածության մեջ անսահման առաջ. նրա շրթունքներից հոսող ջերմությունը հալեցնում է անշարժ ժայռեր:

Փոքր է նա, որպես հեռվից երևցող աստղ. կիզիչ է՝ որպես էլեկտրական հոսանք: Նրա խոհերը շանթի նման իջնում են դաշտերի վրա, մոխիր դարձնում ճահճներ, ընթացք տալիս ծովերի:

Ոլորապտույտ մրրիկի պես շարժում է նա անապատի ավազը. նոր բլուրներ ու բարձրություններ կազմում, նոր հասկացողություններով

չարզում է հների գլուխը և նոր կշիռներ դնում հրապարակների վրա: Լեռների անոսր բարձունքների, երկնքին ձգտող ըմբոստ ոգու երգերը լսեցիք...

* * *

... Երբ թափառում էի անտառի մեջ, ոտներս ճահճների տիղմից ծանրացել էին և հոգիս գարշ օդից բթացել—ըմբոստ ոգին, միայնությանս ու դառնությունների խոհերից ծնած, թափանցից սրտիս մեջ, խլե՛ց ուղեղս պրկող պատուտակները, և ես գնացի նրա ետևից:

Եվ մարդիկ ասացին. «հենթացա՛վ»...

Խելոք էի ես ճահճի մեջ, երբ ճախիրային և քառակուսի էր ուղեղս և տիղմով կաղապարած: Խելո՛ք էի ոչխարի պես, հնազանդ՝ որպես կոճ և համեստ՝ որպես գրաստ:

Բեռնաբարձ սայլ էին դարձրել ուղեղս և ծանրացրել պարաավորությունների ժանգոտ շղթաներով:

Ըմբոստ ոգին՝ բարձրությունների մերկ հսկան, խլեց ինձ և «խենթացրեց» խոհերս:

Եվ ես աշակերտ եղա ըմբոստ ոգուն:

— Խոսի՛ր, վարպետ: Մարավի՛ եմ վճիտ և բնական ջրերի, որ դեռ ո՛չ մի ավազանի մեջ չի սեղմած ու պղտորած և խողովակներում չի կաղապարած:

Խոսի՛ր, ըմբոստ ոգի:

Ու ոգին տարավ ինձ բարձր՝ ամեն ճահճից, ամեն անտառից, և երբ տարտղնած նախիրն էի դիտում, նստեցրեց մի բարձր կատարի վրա և խոսեց այսպես.

— Ե՛ս եմ ձեզ հետ խոսողը— լեռների վրա սավաննող, ամպերի բարձրությանը և գիտակցության կրակը գողանալու ձգտող՝ ըմբոստ ոգին:

Եվ ձե՛զ հետ եմ խոսում, գծո՛ւծ որսորդներ, որ վար իջեցրիք ժայռի կատարի վրա ելած արծվին իր ձագերով և նրանցից խրտվիլակներ շինեցիք ձեր աղտոտ պալատների գարդարանքի համար:

Ձե՛զ հետ եմ խոսում, փոքրագույն մասի վրա ցիխ շպրտող որսորդներ, որ արծվային խոհերը գողանալով՝ ձեր խոհանոցը իջեցրիք և նրանով միայն ձեր ստաժոքսը պարարող կրակն եք արծարծում:

Ձե՛զ հետ եմ խոսում, գույների՝ սիրաճարներ, որ ժողովրդյան մեծ ձգտումները ներկի փոխեցիք և շպարած ձեր աղտոտ դեմքերը, իջեցրիք ձգտումների նժարն ու հաստատեցիք ձեր կազմած ճահճների տիղմի մեջ:

Դուք կարողացաք, այո՛, արծվին վար տանել, նաև իր ձագերին. բայց այստեղ՝ բարձրում, ըմբոստ ոգին թաքցրել է մի ձագն ևս, որ մեծացած՝ փորձե՛ պիտի ձեր ուղեղը, կրճե՛ ձեր աչքերը և խարանձե՛ր դեմքը:

Դուք կարողացաք, այո՛, ժողովրդյան խոհերի նժարը գծուծ դարձնելով՝ տիղմի մե հաստատել իրեն՝ ժողովրդին՝ նախիրի փոխել. բայց ըմբոստ ոգին պահել է նրա խոհերից կոած երկժանին, որ շիկացնելով՝ մղե՛ պիտի ձեր բորբոսնած սիրտը և ձեր շահամուլ ձեռքերը գամե՛ ձեր խաբեբա լեզվին:

Դուք կարողացաք, այո՛, վսեմ թուշքները խաբեություն մեր խոհանոցը իջեցնել և ցայտած կայծերով ձեր կերակուրը միայն պատրաստել. բայց ըմբոստ ոգին խնամել է այդ կայծերից մեկը, որ բոցավառված, մրկե՛ պիտի ձեր բուրբ խոհանոցները և շների կերակուրը դարձնե՛ ձեր ճարպացած ստամոքսը:

Բերո՛ւմ եմ ահա արծվի ձագը, որ մեծացել է արդեն՝ տառապողների արցունքն ուտելով:

Բերո՛ւմ եմ վսեմ խոհերից կոած երկժանին, որ շիկացել է արդեն նահատակների տանջանքներով:

Բերո՛ւմ եմ նաև ազատ մնացող ա՛յն կայծը, որ բոցավառվել է արդեն՝ ձեր խաբեության ու գծուծության պատճառած վշտերով:

Գալի՛ս է նա՝ արծվի ձագը, շիկացած երկժանին, ազատ մնացող կայծը՝ մղված ըմբոստ ոգուց:

Ճանապարհ նրան: Անցնելու է նա ձե՛զ վրա կոխելով, ձեր խոհանոցները փլեցնելով, ձեր կաղապարած բարոյականությունը ոտնակոխ անելով և ձեզ անխնա՛ ոչնչացնելով:

* * *

Իսկ այժմ, ուզում եմ և թե՛զ ապտակել, արածո՛ղ նախիր: Մի հսկա, կրակ հանող ապտակով ուզում եմ խարան դնել թո՛ գետնին քսվող դեմքի վրա:

Ուզում եմ, որ այդ ապտակը ջարդի՛ կամ փոխի՛ թո ստորաբարշդ դեմքը, որ այլևս կարմրել չգիտե, արածո՛ղ նախիր:

Ուզում եմ շանթ լինել և թո սիրտը բովել, այդ ցեխի կույտ դարձրած սիրտը, որ միայն ազատություն է մղում դեպի թո երակները, արածո՛ղ նախիր:

Եվ այդ բուրբ անելուց հետո՝ ուզում եմ լալ և արտասվել թո անկման վրա, արածո՛ղ նախիր:

Ավերա՛կ ես եղել, ճահի՛ճ ես դարձել: Ավերակիդ և գարշիդ մեջ լողում ես սողունի նման և հանգիստ զգում թեզ:

Իմ ապտակը թող կարմրեցնի՛ թեզ, գա՛ղջ մթնոլորտով սնանվող նախիր: Իմ ապտակը թող կարմրեցնի՛ թեզ, անամոթության սովոր գունատ դեղնություն:

Որպեսզի արտո ունենաս՝ ստրկության մեջ հանգչում ես, որպես փափուկ անկողնի վրա, արածո՛ղ նախիր: Քո խոհերը նույնքան գարշելի են, որպես ոտներիդ կայան՝ հողը: Զգտումներդ նույնքան բարձր են, որքան ջրի տակ իջնող աղտոտ տիղմը:

Եվ դու գոհ ես, արածո՛ղ նախիր: Գոհ՝ թո մղումներով, գոհ՝ թո երկար աղիբով և գոհ՝ թո շորս ոտներով:

Դու գլուխդ երբե՛ք չես բարձրացնում: Ու ինչ որ բարձրում. զբլխիդ վրա պիտի որոնել, ցած ես բերում ու ցեխոտ սմբակներիդ հարմարեցնում: Ծահճիդ մեջ ես տեսնում աստղերդ, տիղմիդ մեջ՝ թո տարածությունը:

Պարտականություններ ես սահմանել թեզ՝ շրջապատող եղեգների ձայներից, եղջյուրներիդ միմյանց դեմ ես դարձրել, միմյանցով արնոտել:

Ուզում եմ թեզ ապտակել, արածո՛ղ նախիր. խարան դնել թո ստորաբարշդ դեմքի վրա:

Ահա՛ իմ շանթերը. թող խրվեն նոքա սրտիդ մեջ և թող ըմբոստ ոգին շարժե թո ճահիճը, խանձե թո արոտը և ոչինչ չթողնե թեզ՝ թո անցյալ սնունդից:

* * *

Բարձրացրու դեմքդ, արածո՛ղ նախիր, և երբեք ինքդ թեզ մի ասի՛ «Ես պարտավոր եմ», այլ միմիայն՝ «Ես ուզում եմ»:

Պարտականությունը մի ախոռ է, ուր էշեր են կասյում կամ արածո՛ղ և մորթելու սահմանած նախիր կուտակում: Ո՛չ առյուծը կարող է ապրել այդ ախոռում և ո՛չ արծիվը:

Ցանկացիր անապատ, բայց երբեք այդ ախոռը:

Պարտականությունը այն գերեզմանն է, ուր հոտում է ազատություն, սեր և այլ բարձր հատկություններ... Ըմբռնո՛ւմ ես դու, արածո՛ղ նախիր, թե՛ գուցե ճահճային հասկացողությամբ պիտի մեկնես իմ ապտակը:

Պարտականությունը մի ջրաղաց է, խոնարհած գլուխ, ուր փոշի են դառնում ձեռներեցության և անկախության ոգին... Ըմբռնո՛ւմ ես դու, տափակա՛ծ ուղեղ:

Պարտականութիւնը այն ստորացուցիչ նշավակի թնն է, որ առաքինութիւնն է կոչվել և որին գամում ու նշավակում են ինչ որ մեծ է, ինչ որ վսեմ է:

Իմ ապտակը արքան թող լինի և կորզի բեզ նշավակութեան անիվի վրայից: Իմ ապտակը թող մերկացնի այն խեղկատակ դիմակը, որովք չոհմիվները ծածկել են Մեղուզայի զգվելի գլուխը:

Ահա՛ իմ ապտակը:

* * *

Ահա՛ իմ հսկա ապտակը, իմ արքանը, իմ ջնշոցը...

Ի՞նչն է, որ կոչվել է առաքինութիւն:

— «Եղիբ խոնարհ, համեստ, բարի, համբերող: Եղիբ սիրալիր, երկայնամիտ՝ և դու առաքինի ես» — Այդպես են խրատում բեզ. և ո՛չ որ լի եղել, որ ապտակելով բեզ՝ այդ բառերի բուն գործադրութիւնը պարզ բո առաջ:

Իսկ ես ասում եմ. «Կտրեցեք այդ առաքինութեան հրեշավոր գլուխը, շատ հաստացել է նա. կտրեցեք ոտները — շատ երկարացել է ու ծովով... Կտրեցեք անխնայ:

Եղբք հպարտ, հանդուգն, եղբք նույնիսկ շար, բարկացող, խիստ և կովարար...»:

Հմբռնում ես գու, արածո՞ղ նախիր, թե՞ ճահճային հասկացութեամբ պիտի մեկնես ապտակս:

* * *

— «Եղիբ համեստ», — ասում են բեզ: Եվ համեստութիւնը խոնարհութիւնն է հասկացել ու ստրուկ դարձել: Քեզ ոչինչ վստահել չի՛ կարելի, ստրուկ-խոնարհ: Եվ դու գլուխդ բարձր, արածում ես միայն և աստղերդ ճահճի մեջ երազում:

— «Եղիբ խոնարհ», — ասում են բեզ: Եվ խոնարհութիւնը անճարակութիւնն է հասկացել. և եղել ես անշնորհ, անճարակ և ապուշ: Քեզ խղճացել են միայն, թշվառական անմիտ: Եվ գու գլուխդ բարձր կրել ես ամեն նախատինք, ամենի իշու բեռ և յուրաքանչյուր քայլդ վարանել ես դնելու:

— «Եղիբ բարի», — ասում են բեզ: Եվ մեղքիդ բարձել են ամեն աղտոտութիւն, սրտիդ դրոշմել ամեն գծուծութիւն: Տվել ես ամեն ունեցածդ և ինքդ մնացել ձեռնունայն. այժմ մուրում ես:

— «Եղիբ համբերող», — ասում են բեզ: Եվ համբերատարութիւնը

հասցրել ես համակերպութեան: Բարձել են սրտիդ, ուղնդիդ վրա ճգմող, փոշիացնող առաքինութիւններ: Եղել ես արշուճու մտրակ քո իսկ մեղքի վրա. մտրակում ես թմբեցնելու շափ քո իսկ մկանունքը, փոխում բեզ տնկ ցեխի, և ամեն անցորդ իր սմբակներով ոտնակոխ է անում քեզ:

— «Եղիբ երկայնամիտ», — ասում են բեզ: Եվ քո միտքը այնքա՛ն երկարացրել ես, որ թույլ սողունի նման՝ հողի և փոշու մեջ է ծածկվում. երկար մտքովդ կաշկանդել ես սիրտդ և գոհ ես անշարժութիւնովդ:

Եղել եմ ահա: Կրակաշա պիտի մրկեմ-կարճացնեմ երկայնամտութիւնդ, խոհերովս տրորեմ խոնարհած ճակատդ, թքեմ պիտի կորացած սրտիդ վրա, ըմբոստ ոգովս դարբենեմ-ուղղեմ համբերատար ու ծոված ողնասյունդ, արածո՞ղ նախիր:

Եթե ընդունակ չես ազատվել քեզ ճգմող առաքինութիւններից, եթե չես կարող կտրել ականջներդ, փորել արտասուքի աղբյուրներդ — ոչոնչացիր իմ կրակով, և մոխրիդ միջից կծնի այն նոր սերունդը, որ կսրող պիտի լինի ծաղրել ամեն կաղապարային առաքինութիւն:

* * *

Սիրում եմ ես կոխվել: Սիրում եմ կովարարին, սիրում երկար և ամուր եղջյուրները դեմ տվող խոյին, ծվատող, պատառոտող հովազին, նույնի՛սկ ճանկուտող, ճշացող կապիկին, բայց երբեք լուռումունջ արածող ուխարին:

Սիրում եմ նրան, ով անգոհ է, անվարվեցող, ով ըմբոստ է և հոխորտ, ով խայթող է և բռունցքն երկաթի:

Սիրում եմ ես նրան, ով հոսանքի դեմ է լողում, հոսանքն ի վեր գնում՝ ջարդվելով ալիքների դեմ:

Եվ այդ պատճառով՝ սիրում եմ կնճոտ դեմքեր, սիրում խայթիչ լեզուն, սիրում ճիրաններ և լարված նետեր:

Եվ այդ պատճառով՝ թքում եմ ես ձեր երանավետ դեմքին, ձեր խաղաղ բարբի, հեզ բնավորութեան և համակերպող բարութեան վրա:

Եվ այդ պատճառով՝ գարշում եմ, երբ լալիս ես՝ փոխանակ կատաղելու, կծկվում ես՝ փոխանակ լարվելու, ծալվում ես՝ փոխանակ ծալելու, և միշտ, զգվացնելու շափ միշտ հառաչում՝ փոխանակ փրփրալու...

Ցույց եմ տալիս քեզ ահա՛ այդ գետակը, որ փոքրում է ամեն բան և ճանապարհ կորզում, որ փրփուրներով մաշում է կոշտ ժայռեր, ուտում է նրանց կուրծքը, պաթում նրանց զլխի վրա, ոտնատակ տաքիս մաջառ ու քար և չի՛ կամենում լճանալ-հոտել, իջնել-արտասվել:

Յուլյց եմ տալիս նույնպես ահա՛ այն քծնող շանը, որ անոթի շմնալու համար՝ շարժում է պոչը, տիրող նշանի վրա՝ ազատ ընկերին խածնում, կաղկանձում է ամեն կիցի տակ, մեջքի վրա պառկած՝ դողում է ամեն սպառնալիքի առաջ և գնում սատկելու ամենից մոռացված՝ որջի մութ անկյունում:

* * *

Եղի՛ր լարված նետ, արածո՛ղ նախիր. արտասուքդ թույն շինիր, օիրտդ նետ և սլացիր ամեն ուղղությամբ:

Եղի՛ր խոյ, արածո՛ղ նախիր. եղջյուրներդ սրբի ոտներովդ, կրնձ֊ափր դեմքդ. կնճոփր, բայց մի հուսահատվիր:

Այդպե՛ս միայն կարող ես խցել արտասուքիդ աղբյուրը, բունցք շինել մուրացող ձեռքդ, սրել տափակ ատամներդ:

Այդպե՛ս միայն կարող ես ճահիճդ լեռ դարձնել, աստղերդ իր տեղը հանել և չորս ոտքդ՝ երկուսի փոխել:

Այդպե՛ս միայն կարող ես կարճացնել ականջներդ, կտրել առաքինության հաստացած գլուխը և փակել պարտականության ախոռի դուռը...

* * *

Երգեց ըմբոստ ոգին իր այդ երգերը, դարձավ ապա դեպի ինձ և ասաց այսպես.

— Այս երգերը չեն ճահճային հասկացողությունների կամ ժողովրդյան ձգտումների նժարն իջեցնող՝ գծուծ որսորդների համար:

Եթե վատ հնչեցին նրանք քո ականջին—վար իջիր ուրեմն դարձյալ դեպի արտը—ահա՛ նախիրը և ահա՛ որսորդների աղտոտ խոհանոցները: Իջիր, մտիր ուրեմն այդ փոքրագույն մասի վրա ցեխ շպրտող որսորդների շարքը:

Ըմբոստ ոգին կանգ չի առնում և ոչ էլ կլուի. նա երբեք չի կասում Վաղ թե ուշ այդ բոլորին նա կամուրջ կդարձնի իր խոհերի համար և նրա վրայից ձեռք կտա այն փոքրագույն մասին, որ հառաջընթացն է լինելու բարձունքների և մաքուր օդի ձգտող սերնդյան:

Եթե խորթ հնչեցին երգերը քո ականջին, խլացիր ուրեմն կաղապարային առաքինությունների փքուն աղաղակներով, մտի՛ր պարտականությունների ախոռը և համբուրիր մտրակի կոթը:

Ըմբոստ ոգին կանգ չի առնում և ոչ էլ լռում. նա երբեք չի վարանում: Վաղ թե ուշ՝ կլայնացնի նա բոլոր նեղ դռները և նրա միջով կանցկացնի իր պատրաստ սերնդյան հսկա որդիները...

* * *

Ժողովրդական նախապաշարմունքներին և ամբոխային անարգ քնադդներին ծառայող դուք տխմար հովիվներ, ես եմ դարձյալ խոսողը ձեզ հետ,— լեռների վրա սավառնող, ամպերի բարձրության և գիտակցության կրակը գողանալու ձգտող—ըմբոստ ոգին:

Ես ձեզ հետ եմ խոսում, գծուծ նախորդներ, որ «ժողովրդյան շաներին ծառայողների» բարեպաշտ ժպիտներ հագած՝ խուսափում եք մերկ ճշմարտությունից, որպես բուն՝ շլացնող լույսից:

Կուրացրին ձեզ իմ նետած ճառագայթները: Ժայթքածս կրակը մըրկեց ու այրեց բոլոր ձեր կշիռները, որոնց մեջ աղտոտվում էին մարդկային ոգու ըմբոստացումները:

Ասո՛ւմ եմ ձեզ ահա. «նա՛ է միայն ծառայում ճշմարտության, ով ատելի է ամբոխին»:

Ասում եմ ձեզ ահա. «նա է միայն ճշմարիտ առաքինին, ով անխնա կտրտում է ձեր կաղապարային առաքինությունների գլուխը և խլում ձեր կոշտ ձեռքերից՝ ժողովրդյան խոհերի կշիռը, չարդում բոլոր ձեր փտած տախտակները»:

Եվ ահա այդ պատճառով, բերում եմ ձեզ դարձյալ արժվի ձագը, չիկացած երկժանին, ազատ մնացող կայծը, որ անցնեն նրանք սուրալով, կոխտոեն ձեր բորբոսնած բարոյականությունը, ձաղկեն ձեր քարոզած պարտականությունները:

Եվ ահա այդ պատճառով, գալիս եմ դարձյալ խաբանելու ձեր ճակատը և խլացնելու ձեր սողունային պաղատանքները:

* * *

Մամածոցիք ասածներս. «ժողովրդի մեծ բարկամներ» կոչելով ձեզ՝ գլխավայր հնչեցրիք երգերս ամեն կողմ. հասկացաք ասածներս, բայց չկամեցաք հասկացնել ամբոխին և ծաղրի տվիք ըմբոստ ոգու սեղ կոչերը:

Բայց ոգին, որին ծաղրեցիք, խոհերը արյունով ներկեց, տանջանքի ու վշտի խանդով տոգորեց և այժմ ահա ժայթքում է նրանց, կրակ դնում ձեր ծամածոող դեմքերի վրա և արյունոտելու գալիս ձեր աղոթք մրմընչող շրթունքները:

Երբ միտքը վճռում է անցնել պատվարներ—նա չի՛ խորհում վախենալու որևէ սահմանապահ պաշտոնյայից:

Անցնում է նա ամեն պատվար, անցնում համարձակ: Մտքի ազատությունը հաշտ չի՛ ապրում պատվարի և ստամոքսի հետ:

Սրբ միտքը առյուծ դառնալ է երազում—նա չի՛ մտածում, թե ի՞նչ կկարծեն ուխար լսողները: Ազատ ու լայն բացվող թևերը հաշտ չեն ապրում խոհանոցային շրջափակների հետ: Զի՛ կարելի չորս գծից հետո քայլ դնել, եթե գլուխը ստամոքսի մեջ է ապավեն որոնում:

Հանել է պետք խոհերը աղտոտ ճահիճներից և հնչեցրել է հարկավոր նրանց այնքան բարձր, որ լեռը թևե փլչի վրա: Բայց ըմբոստ ոգիդ քեզ ավելի վեր հանի, քան ամեն լեռ:

Եվ քեզ, արածո՞ղ նախիր, դարձյալ ապտակելու եմ եկել ես: Իմ ապտակը թող խանձե կեղտի տառք կապած դեմքդ և ուղեկ կորացած ողնասյունդ:

Այդպես եմ խոսում ես քեզ հետ, արածող-ստրուկ նախիր: Եթե դու ինձ չես ըմբռնում, գնա դարձյալ անարգ բնագրներից ծառայող հովիվներիդ մոտ, և թող նոքա ծամածոնն խոսքերս՝ քեզ գայլերի ոճմակ դարձնելով ըմբոստ ոգու դեմ:

Գնա՛, եթե տաք է «պարտականություններիդ» այսողը քեզ համար և եթե քաղցր են քո ուղեղին՝ խոնարհական առաքինություններիդ շարքը:

Ծաղրեցի «երկայնամտությունդ և խոնարհությունդ», թրեցի «առաքինություններիդ» վրա, «համեստությունդ ու բարությունդ» գլխին բարեր գլորեցի, և դու զայրացար ու հովիվներիդ ինձ վրա արձակեցիր: Ուղում եմ այժմ ավելի զայրացնել քեզ, ծոված ողնաշար: Ուղում եմ մի առ մի կտրել բոլոր «բարեմասնություններիդ» հաստ գլուխները և նրանց պատվանդանի վրա կանգնեցնել քո նոր աշխարհը:

Պիտի կարողանա՞ս արդյոք շնչել այս նոր ազատ օդի մեջ: Այդ միայն կարող է ուղղել կորացած վիշտդ: Եթե մաքուր և ազատ օդը ապանում է քեզ, մեռիր ուրեմն, գարշ գեոունների կույտ, որովհետև առաքինություններդ—ահա դարեր են անցնում—միմիայն ստրուկ սերբընդով լցրին դրախտ երկիրդ:

Հայրենիքդ պղծեցիր ծառայական գծուծ հատկություններով, մեծ ապագայի լույսերը ծաղրի առարկա դարձրիր, շքեղ գաղափարները փոշիացրիր տափակած ուղեղիդ կնիքով և այժմ ահա լզում ես զարնող ձևաքերը և մուրում այն, ինչ պիտի կորզեիր:

Իմ ապտակը թող կուս լինի, փշրե մուրացող ձեռքդ և պայթեցնե՞ս արտասվող աչքդ:

Իմ ապտակը թող բոց լինի և վառն հովիվներիդ խոնարհություն քորոզող անարգ լեզուները:

Այսպես եմ խոսում ես քեզ հետ, արածող նախիր:

Գա՞յլ եմ ես, գայլայի՞ն են երգերս:
Թ՞քն է քեզ փրկողը—գլուխդ կուսնի տա՛կ, թե՛ կուսնը ձեռքիդ մեջ:
Ո՞րն է քեզ բարձրացնողը—գայլային վարդապետությունը, թե՛ վարդապետներիդ գայլությունը և ուխարային պարտավորությունների մասին քեզ ավանդած թմրեցնող խրատները:
Ճշա՛, կատաղի՛ր նուչինսկ այս երգերիս դեմ, բաց սովորիք գոնե նչալն ու կատաղելը:

Այդպես դու կարող ես չորս ոտքդ երկուսի փոխել, «առաքինություններիդ» հաստ գլուխները ջախջախել և ծոված ողնասյունդ ուղղել-կանգնեցնել:

Այդպես դու կարող ես սրբել բորբոսեցնող արժեքներիդ բոլոր հին տախտակները և նրանց վրա նորերը գրած՝ ամպերի՛ հասնել:
Այդպես դու կարող ես մտրակի ծայրն ուրիշին և կոթը ձեռքդ առնել, նրանով ջախջախել հովիվներիդ խոնարհ քարոզները, քարոզվող խոնարհությունները:

Սիրո՞ւմ եմ ես աղմկողների, սիրո՞ւմ շարերի և կովարարների, բայց երբեք՝ վզերին օղ կրող ստրուկների և ձեռքի ափը միշտ պարզած մուրացիկների:

Սիրո՞ւմ եմ զգացմունքների ներշնամաբ ամեն բան խեղդող հոխորտ առյուծների, բայց երբեք՝ պարտավորությունների համար զգացմունքները խեղդող անարգ գեոունների:

Եվ այդ պատճառով գարշում եմ, երբ ճնշում ես սիրտդ, մտքերդ կաշկանդում, ուղեղդ շրջանակավորում:

Եվ այդ պատճառով՝ ատո՞ւմ եմ քեզ, երբ ամբոխային կարծիքների տակ թևերդ ես ծալում-գոցում և սիրտդ, արյան տեղ՝ երկյուղի ջրով միայն լցնում:

Եղի՛ր համարձակ, արածո՞ղ նախիր, խլիր, բայց մի՛ մուրա, գոռա, բայց մի՛ աղերսի, զարկ, բայց մի՛ խոնարհվի և ջարդիր, փոշի դարձուր կապեր, պատվարներ, սահման ու շղթա:

Այդպես դու կարող ես լեռները մազլցել, ազատ օդով թոքերդ մեծացնել և զգացմունքներիդ շնչով ամեն կապ փշրել:

Այդպես դու կարող ես մարդ լինել, կարծիքների բեռան ծանրությունը մի շնչով փոշիացնել և փտեցնող առաքինություններիդ ծաղրով ու բրբեջներով ցրել-ոչնչացնել:

* * *

Ըմբոստ ոգին ահա դարձյալ խոսեց այն, ինչ որ հովիվներդ «գալ-
լային վարդապետութուն» անունով կնքեցին: Բայց նա՛ խոսեց ճշ-
մարտութունը: Եվ վայ քեզ, արածո՛ղ նախիր, եթե նրա արձակած ճա-
ռագայթների լույսը կուրացնում է աշքերդ:

Ըմբոստ ոգին չի՛ լռում: Վաղ թե ուշ՝ նրա խոսքերը կամուրջ պի-
տի լինեն, պատվանդան՝ որի վրա պիտի կանգնի ապագա ազատ հայ-
րենիքդ և վսեմացած մարդկության առաջին հիմնաքարը:

1900—1909

ԺԱՅՈՒ

Դրամա չորս գործողությամբ

ԳՈՐԾՈՂ ԱՆՁԻՆՔ

ՍԱՀԱԿ ԱՂԱ ՄԱՆՈՒԿՅԱՆ— Ժամանակով հարուստ, այժմ աղքատացած կալվածատեր:
Սեր և երհար: Հագնում է միշտ հնամաշ սյուրտուկ. տխուր, մեղամաղձոտ: 60
տարեկան:

ՀՈՌՈՄՍԻՄ ՄԱՆՈՒԿՅԱՆ— Նրա կինը. պարզ հագուստ. թիֆլիսեցու զվեսով. մաշված կին,
60 տարեկան:

ԱԼԵՔՍԱՆԴՐ— Նրանց որդին. նորավարտ իրավաբան. պարզ հագուստ. 25—28 տա-
րեկան:

ՄԱՂԱՐԻՏ— Նրա քույրը. գյուղական պարզ աղջիկ. 20 տարեկան:

ՄԱՏՎԵՑ ԵԳՈՐԻՉ— Գյուղաբաղաբի հաշտարար դատավոր. գեր, առույզ և զվարճախոս.
45 տարեկան:

ԳՐԻԳՈՐ ԱՂԱ ՎԱՐԱԿՅԱՆ— Գյուղաբաղաբի ամենահարուստ կալվածատեր. վաշխառու
Հագնում է արխալուղ՝ սև մետաքսյա և վրան պիչակ. կարտուզ. ոսկյա գոտի, 55
տարեկան:

ՏԻԿԻՆ ՎԱՐԱԿՅԱՆ— Նրա կինը. շլյապայով. ցլուն հագուստ, վարդեր. կոտրատվող կին.
40 տարեկան:

ԹԵՐԵՉԱ— Նրանց աղջիկը, կրթված Թիֆլիս՝ պանսիոնի մեջ. հագնում է պարզ. բայց
թանկ հագուստ. 20 տարեկան:

ԱՐԵԱԿ ԽԱՉԱՏՐՅԱՆ— Գյուղաբաղաբի տանուտեր. կրթված երիտասարդ. 30 տարեկան:

ԲԱՂՎԱՍԱՐ ԱՄԻ— Գյուղացի. 60 տ., մտամոլոր, խեղճ. մեծ փափախ, արխալուղ,
չուխա, ձեռքին գավազան:

ՋԱՔԱՐ— 30 տարեկան. գյուղացի. նույն հագուստ. կարտուզով:

ԳԱՌԻՍ— 25 տարեկան. գյուղացի. նույն հագուստ:

ՄԱՂԳԱՐ— 50 տարեկան. գյուղացի. Բաղդասարի հագուստ:

ՄԱՐԿՈՍ— 50 տարեկան. գյուղացի. նույն հագուստ:

ՍԵՐՈՐ— 25 տարեկան. Ջաքարի նման հագնված:

ՀԱՅՐԱՊԵՏ— 30 տարեկան. նույն հագուստը
ՔԱԶԱԼ ՄԱՐՏԻՐՈՍ— Գյուղական արվակատ. բաշալ. 30 տարեկան
ԿԻՐԱԿՈՍ— Մանուկյանների ծառան. գյուղացի
ՍԻՐԳՈ— Վարակյանների ծառան, գյուղացի
ՄԻ ՆՍԱՈՒԼ— Պաշտոնական հագուստով
Մի բանի եսաուլներ՝ անխոս

Անցքը կատարվում է մեր օրերում, Կովկասի զավառական գյուղաբաղաբներից
մեկում:

Բեմի աջ ու ձախը՝ հանդիսականների կողմից:

ԱՌԱՋԻՆ ԱՌԱՐՎԱԾ

Սահակ աղա Մանուկյանի տանը: Հեամաշ, ծանր կանավորություն: Մեծ
սրան, որի մեջտեղի ապակեպատ դուռը բաց է դեպի մի փոքրիկ պատշգամբ:
Տեսնվում են ծառեր, հեռվում՝ լեռներ: Զախ կողմից երկու լուսամուտ: Այ կող-
մից մի դուռ՝ դուր մուտքն է. խոբի աչ անկյունից երկուդդ դուռը՝ տանում է
հերձիկ սենյակները:

1) Տիկին Մանուկյան, հետո՝ Սահակ աղա

ՏԻԿ. ՄԱՆՈՒԿՅԱՆ.— (Վարագույրը բացվելիս տեսյին հագուստով կանգ-
նած է պատշգամբի վրա, կուսցել է դեպի ցած և խոսում է աղախ-
նի հետ): Հինչ ա՞... (Լուռ): Բա ինչի՞, չե՞մ ասել քեզ, որ սահաթը
հինգին պատրաստ ըլի... (Լուռ): Հի՞նչ... Դե, քիչ քյոմուրը շատ զցիբ,
էլի՛... Այ բոռանա՛ս դու, հա՛... Դե, փչի՛, փչի՛... Հի՞նչ...
(Լուռ): Բա՛, աղջի՛, ես քեզ շասի՞ երեկ...

ՍԱՀԱԿ.— (Ներսի դռնից դուրս է գալիս, սյուրտուկի մի քեր հագած է,
մյուսը հագնում է): Էլի՞ սկսեցիր գողգողոցը... (Գնում է դեպի նա):

ՏԻԿ. ՄԱՆՈՒԿՅԱՆ.— (Զննկատում նրան. միշտ աղախնի հետ): Հի՞նչ...
Դե մի քիչ բարձր խոսա, էլի՛... Շաքարը քի՞չ ա... Քու ի՞նչ բանն
ա դա...

ՍԱՀԱԿ.— (Ավելի մոտենում է): Աղջի՛... Քիչ կամաց խոսե՛ս... Չե՛ս
թողնելու, որ տղան քնի...

ՏԻԿ. ՄԱՆՈՒԿՅԱՆ.— (Շարունակում է նույնը): Հի՞նչ... Բո՛... դո՞ւր...
Սո՛ւղիան...

ՍԱՀԱԿ.— (Թևն է բռնում): Բո՛, աղջի՛... Բա քե՞զ հետ չեմ...

ՏԻԿ. ՄԱՆՈՒԿՅԱՆ.— (Շտապ՝ դառնում է): Սո՛ւղիա ա գալիս:

ՍԱՀԱԿ.— Դե ի՞նչ անենք, որ գալիս է... Ի՞նչ ես գողգողում:

ՏԻԿ. ՄԱՆՈՒԿՅԱՆ.— Բա որ ես հազնված չե՞մ... էս ի՞նչ ա իմ հալը:

ՍԱՀԱԿ.— Լավ դե՛... Գնա հագնվիր... Մեկ էլ, որ ցած խոսաս ու թողնես Սաշային քնի՛ լավ կանես:

ՏԻԿ. **ՄԱՆՈՒԿՅԱՆ.**— (Գնալով): Լա՛վ, լա՛վ, էդ խոսքերը դու սուղյին ասա, որ առանց գոռոռալու չի խոսում: (Գնում է):

ՍԱՀԱԿ.— (Հագել է վրան-գլուխն է շտկում. պատշգամբից նայում է մեկ, հետո գնում է դեպի մուտքի դուռը):

2) Նույն, Մատվեյ եգորիչ, հետո՝ տիկ. Մանուկյան

ՄԱՏՎԵՅ ԵԳՈՐԻՉ.— (Ամառվա հագուստ, կոկարդով գլխարկ: Ներս է մտնում ծանր և դուռն միջից): Դե՛հ աչքներդ լույս, Սահա՛կ... Ուզեցի ավելի շուտ գալ, բայց ասացի՝ քնած կլինի... (Չեոֆ է տալիս): Ո՞նց է մեր Ալեքսանդրը... բա ո՞ւր է... (Գլխարկը հանում է, ֆրեակեֆը սրբում): Է՛... տղեդ էլ եկավ... Յո՛ւրիստ, հը՞... Հա՛յ-գիդի-հա՛, յո՛ւրիստ... Խո ավարտե՞լ է...

ՍԱՀԱԿ.— (Ժպտուն): Համեցե՛ք... Շնորհակալ եմ... Իհարկե ավարտել է. դեռ էլի՞ չավարտեր...

ՄԱՏՎԵՅ ԵԳՈՐԻՉ.— Դիպումով, հը՞... Ա՛յ կուռես, հա՛... (Լուրջ): Է՛հ, փա՛ռք աստուծո՛... (Նստում է)... Լա՛վ ժամանակին հասավ. էլ նեղություն չես քաշի... բա ո՞ւր է, մեկ զար տեսնեիր՞նք էդ յուրիստին. ախր պաշտոնակից դարձանք հիմա...

ՍԱՀԱԿ.— Քնել է. հոգնած էր:

ՄԱՏՎԵՅ ԵԳՈՐԻՉ.— (Միծաղով): Ո՛չ հավատամ սուտ-Քրիստոսի... էն է Թիֆլիս մտած, օգնական գրվելիս լավ հանգստացած կլինի, է՛լի՛

ՍԱՀԱԿ.— Չէ՛, Մատվե՛յ եգորիչ, Թիֆլիս դեռ չի մտել. հետո՛ է գնալու... Ասում է, որ փափագում էր առաջ ծնողներին գրկել, հայրենիքը տեսնել, նրա լեռները... Չորս տարի էր, ախր, որ մեզ չէր տեսել...

ՄԱՏՎԵՅ ԵԳՈՐԻՉ.— Բաս ասա, որ էլի ֆանտազյոր է մնացել, էլի՞... Տո՛, «հայրենի լեռներս» որն է... Չե՞ս լսել, որ ասում են, թե՛ «Հիմա՛րք զհայրենիս խնդրին, իսկ իմաստունք՝ հանգիստ յուրյանց»... (Լուս): Հոռոմսի՛մը բաս ուր է. զար մեկ նրա՛ն էլ աչքալուսանք անեիրք... խեղճը շա՛տ ուրախացած կլինի...

ՍԱՀԱԿ.— (Նստում է): Դե իհարկե... Հագնվում է, կգա... Մարգարիտա Օսիպովնան չի՞ գալու:

ՄԱՏՎԵՅ ԵԳՈՐԻՉ.— Կգա, եղբա՛յր, նա՛ էլ կգա... Կանանց բանը չգիտե՞ս... Մինչև հագնվեն, մինչև... Շատ ասաց, որ սպասեմ իրեն, բայց չհամբերեցի. ուզում էի մեկ ձեր ուրախությունը տեսնեմ... Բաս ասում ես ավարտել է, էլի՞... Առաջ, իհարկե, պամոշնիկ

կգրվի մի քանի տարի. հետո, մեկ էլ տեսար, պորտֆելը թե՛ր տակ, մի շաղ գործ պորտֆելի մեջ, մեզ նմանների առաջ կկանգնի ո՛ւ... Հարուրանոցները կգա՛ն ու կգան... (Միծաղ): Հը՞, զո՞րդ չեմ ասում... Ի՞նչպես է մտադիր—Թիֆլի՛ս, թե՞ Բաբու:

ՍԱՀԱԿ.— Չգիտեմ... Ասում է, որ ամառս հանգստանալ է ուզում. հետո... գյուղական գործերով է ուզում զբաղված լինել, գյո՛ւղումը մնալ...

ՄԱՏՎԵՅ ԵԳՈՐԻՉ.— (Ձառմացած): Ինչպե՛ս... Խո բամիներ չկա՞ն զբոսումը... Տո՛, գյուղումն էլ եղալի գո՞րծ կլինի... Լավ չե՛ս լսած լինի... Ա՛յ, թող մեկ զարթնի, տես ո՞նց ես նրան հնարքը ցույց տամ... Մենք փորձված ենք... Ըհը՛, էս ա Հոռոմսի՛մն էլ եկավ... (Ելնում է դիմավորելու):

ՏԻԿ. **ՄԱՆՈՒԿՅԱՆ.**— (Մտնում է հագնված. ժպտուն):

ՄԱՏՎԵՅ ԵԳՈՐԻՉ.— (Գնում է դեպի նա): Է՛հ, աչքդ լույս, Հոռոմսի՛մ. հրեն Սաշա՛ն էլ եկավ... էլ քո բեֆին բեֆ չի հասնի... (Չեոֆն է բորվում):

ՏԻԿ. **ՄԱՆՈՒԿՅԱՆ.**— Աչքդ լուսով մնա... Հա՛, բա՛ս... էսքան տարի աչքս չուր կտրեց սպասելով:

ՄԱՏՎԵՅ ԵԳՈՐԻՉ.— Հիմի խո՞ ամեն ցավ կմոռանաս... Հանաք բան չիմանաս, հա՛... Հարուրանոցներն էնպե՛ս գան, որ ի՛նքդ էլ զարմանաս... Չզարթնե՞ց...

ՏԻԿ. **ՄԱՆՈՒԿՅԱՆ.**— Չարթնեց. հիմի կգա... (Ամուսնուն): Սամավարը չբերի՞ն... Ասում ես՝ մի գոռա. բա չգոռա՛մ... Մեկ սհաթ ա՛ ասել եմ գցիր...

ՄԱՏՎԵՅ ԵԳՈՐԻՉ.— Շո՛ւտ է դեռ, ի՞նչ է եղել որ. սկի զանգերն էլ չեն խփել... Առաջի եկողն էլ խո ես եմ, հը՞...

ՏԻԿ. **ՄԱՆՈՒԿՅԱՆ.**— Շնորհակալ ենք... բա Մարգարիտան ինչի չեկավ. չի՞ էլ գալու:

ՄԱՏՎԵՅ ԵԳՈՐԻՉ.— Ինչպե՛ս չէ. բա չե՛ս թողնի, որ մեկ զարդարվի...

3) Նույն և կիրակոս (ծառան)

ԿԻՐԱԿՈՍ.— (Ներս է բերում ինֆեաեռը, դուռն մոտ): Խանո՛ւմ, ըստե՞ղ դնեմ, թե՞ ներսը:

ՏԻԿ. **ՄԱՆՈՒԿՅԱՆ.**— Ըը՛, հողե՛մ գլխներդ. լավ ա, որ բերիր... Ըստե՛ղ դիր. Մարգոյին էլ ասա՛ թող գա շալը շինի:

ՄԱՏՎԵՅ ԵԳՈՐԻՉ.— Նոր եկած եղբոր գլխովը պտտելիս կլինի ա՛յ... **ՏԻԿ.** **ՄԱՆՈՒԿՅԱՆ.**— Հա... Ձահլեն տանում ա. կասես շաշանակ ըլի.

խոսում ա, հա՛ խոսում:

40— Վրթ. Փափազյան, Երկեր

— 625 —

ՍԱՀԱԿ.— Թող խոսա. խեղճը սկի մի շնորհքով շահելի երես տեսնում է որ...

ՄԱՏՎԵՅ ԵԳՈՐԻԶ.— Բա ինչի՞, մենք պատավե՞լ ենք... (Միծաղ): Ապա՛, մեկ Սաշադ գա՛ տեսնենք ե՞ս եմ շահել, թե՛ նա: Ո՛վ գիտի, Մոսկովի օդը ոնց դեղէնացրած ըլի նրան:

ՏԻԿ. ՄԱՆՈՒԿՅԱՆ.— (Ցավելով): Հա... բայց դե առո՛ղջ ա երևում... Ասում ա, թե մեր գեղի օդն ու ջուրը կշաղացնի իրան մեկ ամսվա մեջ:

ԿԻՐԱԿՈՍ.— (Որ սեղանը լուսամտի մոտ էր քաշել և ինքնատեղ էր դնում): Գրիգոր աղան ա գալիս...

ՍԱՀԱԿ.— (Վեր է կենում): Ի՞նչ... (Ջարմացած է):

ՏԻԿ. ՄԱՆՈՒԿՅԱՆ.— Բո՛... Գրիգոր աղա՞ն...

ԿԻՐԱԿՈՍ.— (Միշտ նույն տեղից): Խանութի ու բարիչնի հետ...

ՏԻԿ. ՄԱՆՈՒԿՅԱՆ.— (Վազելով դեպի լուսամուտը): Ղո՞րդ... (Մտառյին): էլ ո՞վք ես կանգնեմ... Վազիր ստաքանները բեր... Ամա, կա՛ց, ե՛ս կզնամ... Արի՛ ինձ հետ... (Շտապ՝ դուրս է գնում):

ՄԱՏՎԵՅ ԵԳՈՐԻԶ.— (Սահակին): էս լա՛վ նշան է, Սահա՛կ, Գրիգոր աղան էլ է գալիս աշքալուսանքի. էն էլ կնոջ ու աղջկա՛ հետ... Կարծեմ շատ էլ մեկ չէր գալիս ձեր տուն:

ՍԱՀԱԿ.— Սկի՛ չէր եկել այդպես... ընտանիքով...

ՄԱՏՎԵՅ ԵԳՈՐԻԶ.— Տեսնո՞ւմ ես՝ ինչ է նշանակում յուրիստ որդի ունենալ...

4) Նույնք, Ալեքսանդր, Մարգարիտ, հետո՛ Գրիգոր աղա, տիկ. Վարակյան և Թերեզա

ԱԼԵՔՍԱՆԴՐ.— (Չվարք և ժպտուն՝ մտնում է Մարգարիտի հետ. դռն ստից): Մատվեյ Եգորիչին իմ մե՛ծ բարևներս...

ՄԱՏՎԵՅ ԵԳՈՐԻԶ.— (Գնում է դեպի նա): Բո՛, էդ դո՛ւ ես, ա՛յ տղա... (Համբուրվում են): Ա՛յ թե մեծացել ես, հա՛... (Ձեռները դնում է ասեղին): Յուրիստ, հը՞... Դիպլոմո՞վ, հարուստացնե՛ր... Ա՛յ, սիրում եմ, երբ մարդիկ գիտեն լավ կարիերա ընտրել... Դե՛հ, ապա՛ մեկ արի այս կողմը... (Մարգարիտին): Բարև, Մա՛րգո, ո՞նց ես... Ամա էլ ի՞նչ խոսք... Տեսնում եմ, տեսնում, որ ուրախ ես... (Ալեքսանին): Ապա մեկ այս կողմն արի, եղբա՛յր, պատմի՛ր մեկ Մոսկովայից մեր alma mater-ից...

ՍԱՀԱԿ.— (Որ մուտքի դուռն էր բացել, խոսում է դեպի դուրս): Համեցե՛ք, համեցե՛ք, Գրիգո՛ր աղա... էս ո՞ր խաչիցը... Համեցե՛ք, տիկի՛ն...

ԳՐԻԳՈՐ.— (Դրում, բայց լավ լսելի): Դե՛հ, ասացի՛նք Սաշա՛ն եկել է, աշքալուսանքի գնանք... Աղջիկս էլ ուղեց...

ԱԼԵՔՍԱՆԴՐ.— (Քոչըր): Թերեզան է, չէ՞...

ՄԱՏՎԵՅ ԵԳՈՐԻԶ.— Նո՛ւ, եղբա՛յր, այժմ մի շիկ աղջիկ կտեսնես, որ... էն քո տեսած Թերեզան չէ. մե՛կ գեղեցկուհի է դարձել...

ՍԱՀԱԿ.— (Դեպի դուրս, ապա ներս գալով): Շնորհակա՛լ ենք, համեցե՛ք... (Ներս են մտնում՝ Գրիգոր աղան, կինը՝ ցլուն հագուստով, Թերեզան՝ պարզ, ծղոտե գլխարկ, ձեռնոցներ):

ՄԱՐԳԱՐԻՏ.— (Վազում է դեպի Թերեզան, համբուրվում են): Բարև... Այս ի՞նչ լավ արիք, որ եկար... Ա՛յ, Սաշան...

ԱԼԵՔՍԱՆԴՐ.— (Լուս մտնելում է և բարևում):

ԳՐԻԳՈՐ.— Բարև ձեզ... Այ. դու բարի՛ ես եկել, Ալեքսա՛ն բեկ... Մեր աշքի-գլխի վրան եկել... (Թոթվում է ձեռքը):

ԱԼԵՔՍԱՆԴՐ.— (Ընդունում է բարևը, ապա մտնելում է Թերեզային): Թերեզա.— (Ալեքսանին, ժպտուն և համարձակ): Բարև եք եկել... (Պարզում է ձեռքը): Ինձ ճանաչեցի՞ք...

ԱԼԵՔՍԱՆԴՐ.— Ինչպե՞ս չէ, օրիո՞րդ... Բայց մի րոպե ապշել էի, թե որքա՛ն փոխված եմ գտնում ձեզ... (Լուս խոսակցում են):

ԳՐԻԳՈՐ.— (Սահակին): Աչքդ լույս, Սահա՛կ բեկ... էս է տղեդ էլ եկավ ավարտած, դիպլոմո՞վ... Բաս Հոռոմսի՛մն ուր է:

ՍԱՀԱԿ.— Կզա. դուք համեցե՛ք-նստեք:

ՏԻԿ. ՎԱՐԱԿՅԱՆ.— (Լուս բոթվում է Սահակի ձեռքը, լուս աչքալուսանքներ ու բարեմաղթություններ՝ խոնարհությամբ):

ԳՐԻԳՈՐ.— (Մտնելում է Մատվեյ Եգորիչին): Դուք արդեն այստե՛ղ եք, Մատվե՛յ Եգորիչ... Այսօր երկրորդ անգամն ենք պատահում միմյանց: (Խոսակցում են միասին):

ՄԱՏՎԵՅ ԵԳՈՐԻԶ.— Ի՞նչ արած, եղբայր, մենք դեռ էլի շա՛տ կպատահենք... (Խոսակցում են միասին):

ԹԵՐԵԶԱ.— (Ալեքսանին): Չորս տարի է... Երևի արդեն պատավել եմ, չէ՞...

ՄԱՐԳՐ.— Դե, լա՛վ, լա՛վ. քեզանից սիրունն ու շահելը ո՞վ կա մեր գյուղումը:

ԱԼԵՔՍԱՆԴՐ.— Քույրս իրավացի է... Գեղեցկացել եք շատ:

ԹԵՐԵԶԱ.— (Ժպտուն): Շնորհակալ եմ կոմպլիմենտի համար... Բայց երեկ մոռացել եք, որ 5—6 տարի առաջ ինձ տղեդ էլ եք կոչել, անճոռնի էլ...

ԱԼԵՔՍԱՆԴՐ.— (Բողոքով): Եթե արել եմ՝ հանցավոր եմ... (Շարունակում են լուս խոսակցել):

ՍԱՀԱԿ.— (Տիկինն վարակյանին): Ինչպե՞ս չէ, իհարկե կսկսի: (Շարունակում են լուռ խոսակցությունը):

ՄԱՏՎԵՅ ԵԳՈՐԻԶ.— (Գրիգորին): Նո՛ւ, եղբա՛յր... Դա արդեն օրենքի գործ է... Եթե թուղթ ունե՛ս... Կանոնավոր մուրհակ... (Շարունակում են լուռ խոսակցությունը):

ՏԻԿ. **ՎԱՐԱԿՅԱՆ.**— (Սահակին): Բա Հոռոմսի՞մն ինչու չի երևում... Չլինի՞ ներսում պատրաստություն է տեսնում... Ի՛հ, նա էլ.. Մենք խո չե՞նք եկել ուտել-խմելու:

ՍԱՀԱԿ.— Ա՛յդ ինչ խոսք է... Այս րոպեիս ասեմ գա... (Գնում է դեպի դուռ):

ՄԱՏՎԵՅ ԵԳՈՐԻԶ.— (Դիմում է Սահակին): Գիտե՛ս ինչ, Սահա՛կ... է՛ջ լավ տանձերիցը... Մի-մի բյուրեղ արաղ... Ընենց մեկ...

ՍԱՀԱԿ.— Իսկույն, անպատճառ... Մի քանի հատ էլ խիար...

ԳՐԻԳՈՐ.— Մատվեյ Եգորիչի ճաշակը խո գիտե՛ս:

ՍԱՀԱԿ.— (Ժպտալով եղան է անում և դուրս գնում):

ԱԼԵՔՍԱՆԴՐ.— (Որ Թերեզայի, բռն ու տիկին վարակյանի հետ մտեցել են պատշգամբի բաց դռանը): Այնքա՛ն կարոտել էի մեր հայրենի լեռներին, դաշտերին ու շրերին... (Յույց է տալիս) նայեցե՛ք մեկ... Ի՞նչ կա ավելի շքեղ ու գեղեցիկ, քան մեր այս անտառը, այդ լեռն ու ապառաժները, այդ կարկաշտն գե՛տը...

ՄԱՏՎԵՅ ԵԳՈՐԻԶ.— (Նստած տեղից՝ ծաղրով): Էլի՞ ինչ... Երևում է, որ Մոսկվայի շրջակայքը գնալու միջոց չես ունեցել... Տո՛, ես Պետրովսկի-Ռազումովսկի լիճը հենց սաղ հայրենիքիդ հե՛տ չեմ փոխիլ...

ԱԼԵՔՍԱՆԴՐ.— (Նրան): Դուք սխալվո՛ւմ եք, Մատվեյ Եգորիչ... Ի՞նչ կա այնտեղ, որ համեմատվի մեր երկրի այս բաթձր ու շքեղ լեռներին, այս զվարթ, արևի տակ փայլփլող, վազուն ջրերին, այդ կանաչ-ժպտուն մարգագետիններին... Ա՛յ, նայեցե՛ք, օրի՞որդ: Նայեցե՛ք հեռվի այդ սիրո՛ւն արտերին, հանդվորների այդ խմբին...

ԹԵՐԵԶԱ.— Դուք բանաստեղծ եք եղել, Ալեքսանդր Սահակի՛չ... Երեվանի գրո՛ւմ եք, մինչև իսկ...

ՄԱՏՎԵՅ ԵԳՈՐԻԶ.— Նո՛ւ... Պրիսյաժնի՛— և բանաստեղծ... Լա՛վ, Սաշա՛, թե աստված կսիրես... Չզվեցրե՛լ են մեզ այդ քո դաշտերը, լեռները, մշակներն ու հանդը...

ԱԼԵՔՍԱՆԴՐ.— Երբե՛ք... Երբեք ես չեմ զզվի... Ուրախությամբ կերթամ այդ լեռներն ի վեր մագլցելու. այդ արտի, այդ նախիրների մոտ. և հետո՛ տեսնելու մեր թշվա՛ռ ու ճնշված գյուղացիների աշխատանքը:

ԳՐԻԳՈՐ.— Շը՛մ... Լա՛վ թշվառներ ես գտել: Մե՛կ հուպ տան քեզ, որ իմանաս, թե ճնշողն ո՞վ է:

ՄԱՏՎԵՅ ԵԳՈՐԻԶ.— Ասենք՝ Սաշան ճիշտ է ասում— խե՛ղճ են մեր գյուղացիք. բայց էլի... Այս գյուղաքաղաքը ամենից հարուստն է. բա՛ղ, գինի՛... և հետո՛ գավառի կենտրո՛ն, միրավոյ սուղիա՛...

ԱԼԵՔՍԱՆԴՐ.— (Թերեզային): Չե՞զ մի՞թե չեն գրավում այս երկրի շքեղ անկյուններն ու այդ ծաղկավետ լեռները: Երևի դուք էլ զզվել եք արդեն:

ԹԵՐԵԶԱ.— Դե իհարկե: Թեև մենք ձմեռը մեծ մասամբ Թիֆլիս ենք մնում, բայց երբ գալիս ենք գյուղ, միշտ միևնու՛յն տեսարանները, միևնույն դեմքերն ու մարդիկ... Եվ հետո, եթե գիտենաք, թե որքա՛ն կոպիտ, կեղտոտ են մեր գյուղացիք:

ԱԼԵՔՍԱՆԴՐ.— Դուք մոռանում եք, օրիորդ, որ նրանք ամբողջ օրը գործում են. իրենց հանգամանքները չեն ներում մեզ պես հազնվել, լա՛վ ապրել:

ՄԱՏՎԵՅ ԵԳՈՐԻԶ.— Նո՛ւ, ֆանտազյո՛ր կասեմ... Տո՛, մեկ հլա ինքդ էլ քննիր և տես, թե այդպե՛ս է: Հազարների տեղ գիտեմ, որ է՛լի ախոռի պես տան մեջ է ապրում, կեղտոտ հազնվում...

5) Նույնք, Տիկ. Մանուկյան, Սահակ և Կիրակոս

(Մրանք ներս են մտնում, Սահակը՝ օղի, վարունգ և տանձ ձեռփին, տիկ. Մանուկյանը՝ մուրաբաներ, Կիրակոսը՝ մատուցարան բաժակներով և այլն):

ԳՐԻԳՈՐ.— (Նկնում է և դիմավորում տանտիկնոջ): Ա՛յ բարի տեսանք, տիկի՛ն, աչքներդ լու՛յս, որդիդ էլ եկավ վերջապես..

ՏԻԿ. **ՄԱՆՈՒԿՅԱՆ.**— (Շփոթված, մուրաբաները դնում է սեղանի վրա, ձեռք է տալիս, համբուրվում են տիկ. վարակյանի և Թերեզայի հետ): Շնորհակալ եմ... Բարով ձե՛զ էլ աչքալուսանք անենք... (Թերեզային): Դո՛ւ էլ մի լավ բախտի արժանանաս... (Բաղորին): Համեցե՛ք, համեցե՛ք, թեյը այս րոպեին... (Մարգային): Աղջի, հլա շայր չե՛ս շինել... (Մառային): Գնա սուխարին էլ բեր... (Հյուրերին): Համեցե՛ք նստեք... (Տղամարդկանց): Մի-մի արաղ... (Ամուսնուն): Բաս հաց ու պանի՛րն ուր ա... (Վազում է դեպի դուռ): Կիրակոս, հաց ու պանիրն էլ բեր հետդ...

ՄԱՏՎԵՅ ԵԳՈՐԻԶ.— Ա՛յ լավ տանտիկին... Սկի 10 րոպե շքաշեց— համ մուրաբա, համ խիար, արա՛ղ... (Տիկին Մանուկյանին): Տղիդ տեսնելուցը թեև ես առել-թողում ես, հա՛, Հոռոմսի՛մ:

ՏԻԿ. ՄԱՆՈՒԿՅԱՆ.— Դե բա ի՞նչ անեմ, ա՛ ձեզ մատաղ... Մեկ մինու-
ճար տղա ունեմ, նրա գալո՞ւն էլ չուրախանամ... բա ո՞ւր ա ձեր
տիկինը, Մատվե՛յ...

ՄԱՏՎԵՅ ԵԳՈՐԻԶ.— Դե ես ի՞նչ անեմ... Հալբաթ ուր որ է՝ կգա...

ԿԻՐԱԿՈՍ.— (Վերադառնում է՝ բերելով մյուս բաները):

ՍԱՀԱԿ.— (Լցնում է օղի, կիներ թեյ է պատրաստում: Գրեգորը ժպիտը
դեմքին՝ դիտում է Ալեքսանին և Թերեզային, որոնք Մարգարիտի
ընկերակցությամբ՝ խոսում են և ծիծաղում):

ՄԱՏՎԵՅ ԵԳՈՐԻԶ.— (Վերցնում է օղու բաժակը և հեռվից՝ Ալեքսանին):
Թե աստվածդ կսիրես, Սա՛շա, շա՛տ ժամանակ ունես դեռ՝ ջահել
աղջիկների հետ սխիբրիի անելու. առաջ մեկ պառազների՛ս պատվիր,
մեկ նրա՛նց հետ խոսիր... Թերեզան շի փախշի, մի՛ վախենա... Եր-
կուտդ էլ կրթված մարդիկ եք, իհարկե, շա՛տ կհանդիպեք դեռ,
կխոսեք... Հալբաթ, Թերեզան գյուղի մեջ ո՞ւմ պիտի գտնի, որ
հետը գրուցի. դու էլ գյուղի խնքոտ աղջիկների հետ խո գլուխ չե՛ս
դնի... Բայց առաջ մեկ դե՛սն արի... Այ, էս շյուժկան վերցրու...
(Տալիս է): Մոտկվա սովորա՛ծ կլինես կոնծե՛լը... Ապա՛, քեզ հետ մեկ
խմենք, շնորհավորե՛նք... Կուլեգ եներ, ախր... Ես բո՛ ճանկը կընկ-
նեմ, դու՛ ի՛մը... միմյանց լա՛վ կզգզենք...

ԱԼԵՔՍԱՆԻՐ.— (Լուռ ու ժպտուն՝ վերցնում է բաժակը):

ՄԱՏՎԵՅ ԵԳՈՐԻԶ.— Ա՛յ, ըտե՛նց... Դե՛հ, շնորհավո՛ր լինի... բարով
լավ գործ ունենաս, շաղ պրակտիկա. սուղիաների դեմ լա՛վ խոսես,
հարուրանոցներով ջիբդ տողացնես, հորդ ու մորդ երախտիքը հա-
տուցանես, նրա՛նց էլ, այս ծերության օրերում միջո՛ց տաս հանգիստ
ապրելու... Մի լավ, հարուստ, հազարներով աղջիկ էլ ճանկես՝ ու...
мое почтенне¹...

ԱԼԵՔՍԱՆԻՐ.— Շնորհակա՛լ եմ... բայց երևի ձեր ասածներից միայն
մե՛կը կլինի. այն է՝ ծնողացս հանգիստ ապրելու մասին հոգալի
Իսկ շաղ պրակտիկա, հարյուրանոցներ, հազարներով աղջի՛կ...
Ո՛չ, չեմ կարծում, որ ընդունակ լինեմ ա՛յդ աստիճան փշանալու...

ՄԱՏՎԵՅ ԵԳՈՐԻԶ.— (Որ ուզում էր խմել, իջեցնում է բաժակը և զար-
մացել է): Ո՞նց... Փշանալո՞ւ... Բա էլ ո՞ւր ես պրիսյաժնի² դար-
ձել, իրավաբանություն սովորել, օրենքների գրքերի վրա մաշվել...
Փաստաբանը որ կա՝ երեք երազ է ունենում.— շաղ պրակտիկա,

հազարներով օժիտ ունեցող աղջիկ և շքեղ նիստուկաց... Հա՛մ էլ,
ուղես-չուղես, պիտի լինի այդ... Քեզ պես խոսողների շա՛տ ենք տե-
սել... Որ հարուրանոցները գան—հազարների կձգտես, հազարները
գան...

ԱԼԵՔՍԱՆԻՐ.— Խելոք բաներ չեք խոսում, Մատվե՛յ Եգորիչ: Ինչո՞ւ փա-
տաբանը պիտի ստեղծված լինի դրա համար: Նա, ընդհակառակն,
եղել է, որ պաշտպանի անմեղների, թիկունք դառնա հարստահարված-
ների...

ՄԱՏՎԵՅ ԵԳՈՐԻԶ.— Տա՛-տա՛տա՛... Լսե՛լ ենք, լսե՛լ... Քո կենացը. հլա
մեկ խմի՛ր... (Խմում է. մյուսներն էլ):

ԱԼԵՔՍԱՆԻՐ.— Գուցե և լսել եք, հուսախաբվել... Բայց եթե մի սուղիա՛
անպիտան է կամ կաշառակեր—դա չի՛ նշանակում, որ բոլոր սու-
ղիաներն էլ անպատճառ պիտի կաշառակեր լինեն ու անպիտան...

ԳՐԻԳՈՐ.— Ա՛յ թե բռնեցիր... (Միծաղում է): Հիմի եկեք թամաշա անենք,
թե երկու յուրիստները ո՞նց են իրար յախիցը բաշ տալիս... (Սա-
հակին): Չէ՛, Սաշան զոռբա է եղել...

ՄԱՏՎԵՅ ԵԳՈՐԻԶ.— (Տախանում է): ПостоЙ, постоЙ²... Մե՛նք էլ ենք
փաստաբանություն արել, ճառ խոսել... (Ալեքսանին): Չէ՛, մեկ
դու է՛ն ասա, Սա՛շա. բաս որ շաղ պրակտիկան գա— կմերժե՞ս... Որ
հազարներով աղջիկ սիրես— չե՞ս ամուսնանա, կամ փողը չե՞ս վերց-
նի... Հը՞... (Հաղթական): Ասա՛, է՛... Ե՛տ կտաս, կասես՝ չե՞մ
ուզում...

ԱԼԵՔՍԱՆԻՐ.— (Հանդարտ): Ես անիրավության կողմը չե՛մ լինի, զրկողին
չե՛մ պաշտպանի—թեկուզ հազարներ տան: Եվ աղջիկն էլ չե՛մ
առնի, որովհետև նա հարուստ օժիտ ունի...

ԹԵՐԵԶԱ.— Բրա՛վո... Մատվեյ Եգորիչը հաղթվում է:

ԳՐԻԳՈՐ.— Այդպե՛ս, հա՛... Ապա՛, Սա՛շա, մեկ լա՛վ դրան...

ՄԱՏՎԵՅ ԵԳՈՐԻԶ.— ПостоЙ, ասում եմ, է՛է՛... Սահա՛կ, էդ ըյումկա-
ները մեկ լցրո՛ւ. բողազս չորացավ... (Կարմրած՝ Ալեքսանին): Ո՞նց
թե հազարներ տան՝ անիրավի կողմը չես բռնի... Տո՛, որ ասենք,
մի մարդասպան գա քեզ մոտ, որ դու էլ հաստատ գիտենաս, թե
նա անիրավ է... Մի քանի հազար խոստանա, որ իրեն արդարաց-
նես, պաշտպանես դատարանում—չե՞ս անի, կմերժե՞ս... էլ ինչա-
ցո՞ւ պրիսյաժնի ես, հը՞... կմերժե՞ս:

ԱԼԵՔՍԱՆԻՐ.— Կմերժեմ:

¹ Թուսերեն ոճ. «Հարգանքներս»:

² Փաստաբան, երգվյալ հավատարմատար:

¹ Գատավոր:

² Նշանակում է «կաց, կաց»:

ԱՍՏՎԵՑ ԵԳՈՐԻԶ.— Բո՛ւյ... Բա դու քո թշնամին ե՛ս... Ե՛րբ է տեսնված, որ փաստաբանը փող շահի իրավացի կողմից. լավ վարձատրութիւն տալիս են միշտ անիրավները:

ԱԼԵՔՍԱՆԴՐ. Մաստի՛կ սխալվում եք... Անիրավների ձեռքով մեղադրվածներն ավելի շատ են, քան անիրավները, ավագակները... զբո՛ղվածներին պաշտպանելն էլ փող է բերում: Բայց— որը գլխավորն է— հոգեկան մեծ բավականութիւն է զգում մարդ, երբ հաջողվում է կորզել ավագակի, հարստահարողի ձեռքից մի անմեղ զոհ, մի ազնիվ աշխատավորի... Ա՛յ, երբ ինձ գործի մեջ տեսնեք հենց այստեղ, գուցե և ձե՛ր դատարանում...

ՄԱՏՎԵՑ ԵԳՈՐԻԶ.— (Վախեցած): Ի՛նչ... չլինի՞ մեր գյուղումն ես ուզում փորձել դալլաբութիւնը...

ԱԼԵՔՍԱՆԴՐ.— Այո՛. ես վճռել եմ այստե՛ղ իսկ մնալ և գործել... Այսպիսի խուլ անկյուններում ավելի շատ են անիրավութիւններն ու հարստահարութիւններ. որոնց դեմ կռվել է պետք... Եվ ես, որ սովորե՛լ եմ և զինվել այդպիսի կռվի համար— պարտականութիւն եմ զգում նախ և առաջ ծառայել ի՛մ հայրենիքին, ի՛մ թշու՛վառ եղբայրներին...

ԳՐԻԳՈՐ.— (Կեցողութիւն): Ահա՛ թե ի՛նչ... Նոր բանե՛ր ենք լսում...

ԹԵՐԵԶԱ.— (Ալեխաճիկ): Դուք կատակ չե՞ք անում, ուզում եք գյո՛ղը մնալ... Չմե՛ռն էլ... և ո՛չ թե Թիֆլիս:

ԱԼԵՔՍԱՆԴՐ.— Կատակ չեմ անում: Թիֆլիսում շա՛տ կան փաստաբաններ, իսկ գյուղերում ո՛չ ոք չկա. և զանազան խաբերաւ արկակատներ, հաճախ միացած վաշխառուների հետ, քամում են գյուղացոց, քանդում նրանց, թշու՛ղացնում... Վճռել եմ իմ գիտութիւնով օգնել հայրենակիցներին, հասկացնել օրենքն ու նրանից օգտվելու միջոցները... Ա՛յդ եմ հրազել ես, երբ ուսանում էի, այդպե՛ս երազով էլ եկել եմ ու պիտի մնամ գյուղում գործելու:

ՏԻԿ. ՎԱՆՈՒԿՅԱՆ.— Տի՛հ... գյուղի փաստաբան... Մարդ երեք-չորս տարի Մոսկվա սովորի, դիպում ունենա ծոցը— և գյո՛ղ...

ԳՐԻԳՈՐ.— (Չեզոք): Եվ դեռ ուզում է գյուղի պրակտիկայով ի՛նքն էլ ապրել, ծնողներին էլ օգնել... Կտեսնե՛նք... (Ալեխաճիկ): Դեռ դու աղ բերելո՛ւ ես գնում, որդի՛...

ԱԼԵՔՍԱՆԴՐ.— Ես դրամի հարստութեան պետք չունեմ. մի կտոր հաց ունենք մեր այգուց— և դա մեզ բավական է... Այնպես չէ՞, հա՛յր, այնպե՛ս չէ՞, մայր... (Գնում է դեպի Թերեզան):

ՏԻԿ. ՄԱՆՈՒԿՅԱՆ.— Ասենք, իհարկե, աստծով՝ քաղցած չենք մնա... բայց դի քաղաքումը փող կաշխատեիր, մեր...

ՍԱՀԱԿ.— (Արագ՝ միջահատում է): Լա՛վ, լա՛վ... Թո՛ղ, Սաշա, թո՛ղ այդ բոլորը: Ի՛նչ ես շտապում... Քիչ հանգստացիր, ամառս մնա՛, կազդուրվի՛ր... Դեռ օր շա՛տ կա:

ՄԱՏՎԵՑ ԵԳՈՐԻԶ.— Նո՛ւ, իհարկե, իհարկե, եղբա՛յր: Խո այս վերջին անգամը չէ՞, որ տեսնվում ենք: էլի՛ կհանդիպենք, էլի՛ կխոսենք... Ինքզ էլ մեկ աչքովդ կտեսնես, մեր գործերի ու մարդկանց հետ կծանոթանաս... (Վերցնում է տանտիկնոջ առաջարկած թելը և նստում):

ԱԼԵՔՍԱՆԴՐ.— (Լուռ ժպտում է, հետո Թերեզայի և Մարգոյի հետ անցնում է դեպի լուսամուտը):

ԳՐԻԳՈՐ.— (Թեյ խմելով): Գյո՛ղ, գյո՛ղ... Որ չե՛ն ասում. Ի՛նչ կա գյուղումը... (Սահակին): Եվ ո՛վ է դրա գլխի մեջ լցրել, թե գյուղում հարստահարում են, գյուղում օրենքը հասկացող չկա... Բաս Մատվեյ Եգորիչը օրե՛նք չգիտե. բաս մենք, որ կյանքներս դատարաններումն ենք անցկացրել... Հենց ամե՛ն մի գյուղացի... Օրե՛նք չգիտեն... Ապա՛, թե կարող ես, խաբի՛ր մեկ մի գյուղացու...

ՍԱՀԱԿ.— Դե իհարկե... (Քիչ կամաց): Զահել է... Նո՛ր է ավարտել:

ՄԱՏՎԵՑ ԵԳՈՐԻԶ.— Հա՛, իհարկե. դեռ բամբակներ կան... Գրքեր, լրագիրներ է կարդացել... Հա՛յ-հարա՛յ, գյուղերումը թալանո՛ւմ են, հարստահարո՛ւմ, փաստաբա՛ն չկա, սուղիեն կաշառակե՛ր է. չգիտեմ՞ օրենքը չե՛ն գործադրում, վաշխառուներ կան... Թո՛ղ մեկ գա՛ն հենց մեր արխիվը քննեն, թե մի հատ վեքսիլ գտնեն՝ 40 տոկոսով գրա՛ծ... Բաս ես օրե՛նք չգիտեմ, թո՛ւյլ կտամ...

6) Նույն և Արշակ (գյուղական տանուտերը)

ԱՐՇԱԿ.— (Երևում է դռան մեջ): Բարև ձեզ...

ՍԱՀԱԿ.— (Ելնում է, գնում դեպի նա): Ա՛յ, համեցեք, տանուտե՛ր... աչքներիս-գլխներիս վրա:

ԱՐՇԱԿ.— (Սեղմում է նրա ձեռքը և լուռ շնորհավորում):

ՄԱՏՎԵՑ ԵԳՈՐԻԶ.— Ուռա՛, տանուտե՛րն էլ եկավ...

ԱՐՇԱԿ.— (Մոտեցող Ալեխաճիկ): Բարի եք եկել, պ. Ալեքսանդր:

ՄԱՏՎԵՑ ԵԳՈՐԻԶ.— Սաշա՛, մեր տանուտերն է, հա՛. էդպես ջահել... Դե՛հ, էլ ի՛նչ արած. աշխարհս հիմի ջահելներինն է... Ուսում առա՛ծ է, հաա՛... Ներսիսյանո՛ւմն է սովորել. մի քիչ էլ փիլիսոփա է... (Միծաղ):

ԱԼԵՔՍԱՆԳԻՐ.— Իրա՞վ, այժմ դո՞ւք եք մեր տանուտերը: Շատ ուրախ եմ: Մենք անցյալում քիչ ենք հանդիպել, բայց այսուհետև հույս ունեմ, որ հաճախ տեսնվենք:

ԱՐՇԱԿ.— Ուրախ կլինեմ: (Դառնում է մտաեցող տանտիկնոջ, և, ձեռքը սեղմելով, լուռ շնորհավորում):

ՏԻԿ. ՄԱՆՈՒԿՅԱՆ.— (Փոխադարձ լուռ շնորհակալություններ):

ՄԱՏՎԵՅ ԵԳՈՐԻԶ.— (Օղու բաժակներով մոտենում է): Ապա՞, տանուտե՛ր, առ մեկ այս. շնորհավորիր, աչքալուսանք արա...

ԱՐՇԱԿ.— (Ժպտուն): Շնորհակալ եմ. հացս նո՛ր կերա:

ՄԱՏՎԵՅ ԵԳՈՐԻԶ.— Ոչի՛նչ, սա կմարսեցնի:

ԱՐՇԱԿ. Չէ՛, շնորհակալ եմ... (Ալեքսանդր): Երևի երկար չեք մնա մեզ մոտ:

ԱԼԵՔՍԱՆԳԻՐ.— Ընդհակառակն, երկար կմնամ:

ԱՐՇԱԿ.— Ամա՛ռն, իհարկե. բաղաբույր շատ շոգ է լինում. մեզ մոտ լավ է:

ԱԼԵՔՍԱՆԳԻՐ.— Այո՛. բայց ես ձմեռն էլ կմնամ: Դեռ շատ կձանձրացնեմ բոլորիդ, մանավանդ ձեզ:

ՄԱՏՎԵՅ ԵԳՈՐԻԶ.— Լսո՞ւմ ես, տանուտե՛ր. Սաշան ուզում է մեր գյուղումն սկսել իր պրակտիկան... Ասում է՝ գյուղում թալանում են, պետք է օրենք հասկացնող... էլ բան ու գործ չունենք, էլի՛...

ԱՐՇԱԿ.— (Ձարմացած և հետաքրքրված): Իրա՞վ... Մեր գյուղո՞ւմն եք ուզում գործել... (Ուրախ): Հիանալի՛ բան կլինի: Որ գիտե՞նք, թե որքա՛ն պետք ունենք մի փաստաբանի, որ հասկանար, օգներ տանրվողներին: (Խոսելով գնում է դեպի պատշգամբը):

ՄԱՏՎԵՅ ԵԳՈՐԻԶ.— (Գրեզորին): Պրծա՛նք... Գտա՞վ իրեն պես ֆանտազյորը... Հմի երազներ կտեսնեն, պլաններ կարթեն, որ էլ ասել չի լինի...

ԳՐԵԶՈՐ.— (Մտալ): Հիմարություն... Մի ամիս չի քաշի, կփախչի գյուղից: Ախր գյուղն ինչ, փաստաբանն ինչ... (Կտանում է դեպի ետև և ավելի ցած): Մեկ էլ, գիտե՞ք, որ բա՛ն է, էդ պտուղացիները գործեր տան դրան, էլ դժվա՛ր կլինի ձեզ շուտ-շուտ վճռել ու կարճ կապել: էնքա՛ն կխոսի, կձգձգի, էնքա՛ն օրենքների հողվածներ...

ՄԱՏՎԵՅ ԵԳՈՐԻԶ.— (Կճեռոտ): Չէ՛, տեսնում եմ, որ զլխիս խաթաբալա է լինելու սա... Հազր մեզ-մեզ գործերը վերջացնում էինք:

ԳՐԵԶՈՐ.— Իհարկե... (Ավելի է կտանում և փափուցով խոսում):

ՔՐԵԶՈՐ.— (Մարգոյին): Լա՞վ, գնանք տեսնե՞նք... Սաշային էլ ասենք... (Հեռվից՝ Ալեքսանդր): Ալեքսանդր Սահակիչ...

ԱԼԵՔՍԱՆԳԻՐ.— (Պատշգամբից քիչ ներս գալով): Ինձ հե՛տ եք, օրի՛նք:

ՔՐԵԶՈՐ.— Ուզում ենք պարտեզ իջնել... Գնա՛նք, մեզ հետ պ. տանուտե՛րն էլ թող գա. այնտե՛ղ կխոսակցենք:

ԱԼԵՔՍԱՆԳԻՐ.— Ինչո՞ւ չէ... (Արշակին): Կգա՞ք մեզ հետ, պ. Արշակ:

ԱՐՇԱԿ.— Ուրախությամբ. միայն մի բանի ըրպե՛ղ. հետո ես այնտեղից կգնամ... քիչ գործեր ունեմ:

ԱԼԵՔՍԱՆԳԻՐ.— (Նրա հետ ներս է գալիս): Գնա՛նք ուրեմն... Մինչև իսկ մեր խոսակցությունը կարող ենք թողնել ուրիշ օրվան: Ես կգամ ձեզ մոտ գուցե վա՛ղն իսկ: Դեռ շատ տեղեկություններ կուզեի ունենալ:

ԱՐՇԱԿ.— (Խոնարհվելով): Որքան ուզե՛ք՝ պատրաստ եմ. միայն թե դուք մեզ մոտ մնացե՛ք...

ԱԼԵՔՍԱՆԳԻՐ.— Անշո՛ւշտ... (Քրեզային): Գնա՛նք, օրի՛նք:

ՔՐԵԶՈՐ.— (Հորը): Հայրի՛կ, մենք պարտեզ ենք իջնում... Եթե դուք ուզում եք գնալ՝ ինձ մի՛ սպասեք, ես հետո կգամ... (Ալեքսան, Քրեզա, Մարգո և Արշակ՝ գնում են):

ԳՐԵԶՈՐ.— Հա՛... Գնացե՛ք... (Մեացողներին): Թող գնան, ջահել են, թող քիչ շանա խփեն...

(Գրսից լսվում են հեռավոր եկեղեցու զանգակների ձայներ):

ՏԻԿ. ՄԱՆՈՒԿՅԱՆ.— Ըհ՛բ, զանգերը խփեցին... (Խաշակե՛ում են ամեն-բը):

ՏԻԿ. ՎԱՐԱԿՅԱՆ.— (Ոտքի է ելնում): Չգնա՛նք, Գրեզո՛ր. Թերեզան երեվի դեռ շատ կմնա այստեղ:

ԳՐԵԶՈՐ.— (Ելնում է): Հա՛... Լա՛վ, գնանք: (Սահակին): Դե՛հ, մեզ մոտ կգաք դուք էլ, իհարկե: Բարեկամություն անենք: Սաշային ես շատ սիրեցի... Դե իհարկե, էն որ ասում է, թե գյուղումը կմնա—շատ էլ հավատալու բա՛ն չի. դուք մի՛ տխրեք. գրքեր կարդացած կլինի, բանե՛ր լսած... Նրանց բամի՛ն է: էդ նոր ավարտածները բոլո՛րը սկզբում բռթբռթացնում են այդպես... Թող մի քիչ դեռ մնա, զգվի ամեն բանից... (Տանում է Սահակին մի կողմ և առաջ-տա՛խ խոսում նետը):

ՏԻԿ. ՄԱՆՈՒԿՅԱՆ.— (Տիկ. Վարակյանին): Ինչո՞ւ եք շտապում, մնացե՛ք, երկոյան մի լավ քեֆ կանենք... (Մատվեյ Եգորչին) Տիկինդ էլ խոչեկավ...

ՄԱՏՎԵՅ ԵԳՈՐԻԶ.— Հա՛... Տեսնես էլի ինչ է պատահել... (Ելնում է): Մեկ գնամ տեսնեմ ինչո՞ւ չեկավ:

ՏԻԿ. ՄԱՆՈՒԿՅԱՆ.— Վո՛ւյ, չէ՛, չէ՛, նստիր, ո՛ւր ես գնում... Մառային կզրկենք:

ՄԱՏՎԵՅ ԵԳՈՐԻԶ.— Չէ՛, ես կերթամ... Համ էլ մի-քիչ ման գամ, շոգ է

այստեղ... Հետո էլի կգամ. միասին կգանք... (Կերցնում է զբլխարկը): Թող Սաշան էլ մի քիչ մասլահաթ անի Թերեզի հետ... Զահել են... (Գրիգորին՝ նշանակալից ակնարկով): Որ ճրագով փնտրեիր, է՛, այսպես փեսացու...

ԳՐԻԳՈՐ.— (Միծաղելով և իբրև թե նեղացած): Ի՞նչ եք հրամայում...

Թողնե՛նք այդ խոսքերը...

ՏԻԿ. ՎԱՐԱԿՅԱՆ.— Ի՛հ, Մատվե՛յ Եգորիչ, գյուղի արևակա՛տ...

ՄԱՏՎԵՅ ԵԳՈՐԻՉ.— Գյուղի արևակա՛տս որն է... Մարդը պրիսյաժնի է, հասկանո՞ւմ ես: Հազար արևակատի մի ձեռքով հուպ կտա, չեք կղնի... (Սահակին): Դե՛հ, ցտեսություն. կգանք... Բաս մեկ լավ քեֆ ենք անում այս երեկո, հա՛, Հոռոմսի՛մ:

ՏԻԿ. ՄԱՆՈՒԿՅԱՆ.— Անպատճառ: Ասել եմ, որ մի շաղ գառ մորթեն:

ՄԱՏՎԵՅ ԵԳՈՐԻՉ.— Ա՛յ, շատ ապրես... Մե՛կ քեֆ անենք, որ սա՛ղ գեղը հավաքվի գլխներս... (Կնում է ծիծաղելով):

7) Մնացածները, վերջում՝ Կիրակոս: (Քիչ լուռ է բեմի վրա: Գրիգորն ու կիներ՝ կանգնած: Տիկին Մանուկյանը սեղանն է ժողովում, Սահակը՝ օղին):

ԳՐԻԳՈՐ.— Էդպե՛ս... Տղա՛դ էլ եկավ... Հիմի էլ խո շե՛ս գանգատվի, որ դժվարության մեջ ես, Սահա՛կ բեկ: Աստուծով լավ փող կաշխատի, պարտքդ էլ կտաս... (Մտտեցող Սահակին քիչ մի կողմ է տանում): Բայց գիտե՛ս, աշխատիր գլխիցը հանել գյուղում մնալու հիմար միտքը... Ախր գյուղը ի՞նչ եկամուտ կտա նրան: Որ սող տարին աշխատի, սկի մի քանի հարյուր էլ չի ունենա: Հետո՞, գրանով պարտքիցդ կարծենե՛ս...

ՍԱՂԱԿ.— Իհարկե... Տեսնենք... Խենթություն է ասածը...

ԳՐԻԳՈՐ.— (Զայնը ավելի է բարձրացնում): Իհարկե՛ խենթություն է... Ի՞նչ գործ պիտի ունենա գյուղումը: Մեկը հենց ես, մի՞թե պետք ունեմ փաստաբանի... Սկի՛ էլ չէ: Ողջ կենա Քաշալ Մարտիրոսը. համ էժան, համ էլ օրենքը իմացող... Չէ՛, հիմարություն թող լանի. թող գնա Թիֆլիս. փող չունի՛ տամ. մի լավ կանտոր բաց անի... Ես խոսք եմ տալիս, որ մենակ հենց ինքս տարևական նրան 2-3 հազարի գործ տամ... Այնքա՛ն կապեր ունեմ. բուրբին էլ կծանոթացնեմ. տղայիս պե՛ս նայեմ... Հը՞, սրա՛ն ինչ կասես, Հոռոմսի՛մ:

ՏԻԿ. ՄԱՆՈՒԿՅԱՆ.— Իհարկե, քե՛զ մատաղ, Գրիգոր՝ աղա... Դե՛հ, հի

նոր ա եկել, ջահե՛լ ա... Ես գիտեմ, կերթա Թիֆլիս... Քաղաքի սովորը՝ գեղից շուտ կզզվի: Թող հլա մեկ ամառս հանգստանա: **ԳՐԻԳՈՐ.**— Թող հանգստանա, քե՛ֆ անի: Իմ տո՛ւնս էլ առաջը բաց, իմ բաղերն էլ... Շուտ-շուտ զրկեք մեզ մոտ. Թերեզան էլ հազր մի կրթված մարդու երես կտեսնի...

ՍԱՂԱԿ.— (Աղաշավոր): Մնացեք մեզ մոտ... Ընթրե՛նք...

ԳՐԻԳՈՐ.— Չէ, գործե՛ր կան... Մարդի՛կ են գալու մոտս... Հա՛... (Էլի մի կողմ է տանում Սահակին): Մուրհակիդ ժամանակը մի-երկու ամիս է մնում, գիտե՛ս... Դե լավ, հոգս մի՛ անի, ես քեզ նեղություն տվողը չեմ... Չես կարող՝ ջա՛նդ սաղ ըլի... Հլա կուզես՝ պատռեմ-գցեմ: Սաշա՛յին ղուրբան անեմ, նա էլ .. Մի քանի հազարը ի՞նչ բան է, որ քեֆդ կտրեմ... Ոչի՛նչ, թող մնա. երբ կարողանաս, Սաշան աշխատի...

ՍԱՂԱԿ.— (Ուրախ թոքվելով): Շնորհակալ եմ... Թաղացնենք բաս մուրհակը:

ԳՐԻԳՈՐ.— Չէ՛, ի՞նչ հարկավոր է... քեզնից ուզո՞ղը չկա: Երբ Սաշան աշխատի՝ կամաց-կամաց կտաք:

ՍԱՂԱԿ.— Ո՛ղջ մնաս... Թեթևացրիր ինձ. թե չէ՛ ի՞նչ պիտի անեի: Մի մե՛ծ բեռից ազատեցիր ինձ...

ԳՐԻԳՈՐ.— Քեֆդ քո՛ք պահիր... Հա՛, Սաշային էգուց մեր տո՛ւն բեր. դուք էլ եկեք մեզ մոտ ճաշենք, մի քիչ խոսենք... բարեկամանա՛նք... (Մտտենում է տիկիններին): Դեհ, գնա՛նք, Սաթենի՛կ... (Զեռֆ է տալիս տանտիկնոջը): Մնա՛ք բարև...

(Իբրև ձեռք են թոքվում. հայկական ձևերով բարևներ. ճանապարհ են դնում հյուրերին. դռան միջից՝ բարևներ):

ՍԱՂԱԿ.— (Ներս է գալիս, ձեռքերն ուրախ շփում է, հետո՝ դեպի սեղանը գնացող կնոջը): Լսեցի՞ր, ա՛յ կնիկ... Սկի՛ չէի հավատա: Գիտե՛ս, մուրհակն ուզում էր պատռի, պարտքս ոչնչացնի:

ՏԻԿ. ՄԱՆՈՒԿՅԱՆ.— (Ապշած): Բո՛ւյ... Հրա՛ջք ես պատմում:

ՍԱՂԱԿ.— Բա՛ս... Ասում է՝ թող Սաշային ղուրբան լինի... Ասում է՝ չե՛մ ուզում, թող մնա, երբ Սաշան աշխատի... (Խորհրդավոր): Չէ՛, ինչպես տեսնում եմ, Սաշան կպավ աչքին:

ՏԻԿ. ՄԱՆՈՒԿՅԱՆ.— (Սեղանին է մոտենում և սկսում հավաքել): Հա՛, ի՞նչ լավ կլիներ: Թե՛ պարտքիցը կազատվեիք, մեր տունն ու բաղը կարծացնե՛նք, թե՛ փող էլ կտար վրան... (Դառնում է դեպի ներքին դուռը և ձայնում): Կիրակո՛ս... (Ամուսնուն): Հը՞, ճիշտ չե՛մ ասում:

ԿԻՐԱԿՈՍ.— (Լուս՝ մտնում է):

ՏԻԿ. ՄԱՆՈՒՅԱՆ.— (Նրան): Հավաքի՛ր... Գառը մորթեցի՞ր:

ԿԻՐԱԿՈՍ.— Հրամանք ես. քերթում եմ:

ՏԻԿ. ՄԱՆՈՒՅԱՆ.— Լավ, գնանք պատրաստություն տեսնենք... Սամա-
վարը վերցրու... (Ինքն էլ բաժակներն է վերցնում): Հետո կգաս
մնացածներն էլ կբերես... (Կնալիս՝ ամուսնուն): Հը՞, քեֆդ լավա-
ցավ, չէ՞... Ինչ ուզում են՝ ասեն. Գրիգոր աղան լավ մարդ է
(Դուան միջից): Սաշան էլ, ինչպես տեսնում եմ, Թերեզի...

ՍԱՀԱԿ.— (Միշահատում է): Լավ, լավ, հերի՛ք է: Ի՞նչ ես էլի ամենքին
ասում: Ձենդ փորդ քաշի՛ տեսնենք ի՞նչ կանենք: (Տիկին Մանուկ-
յանը գնում է):

ՍԱՀԱԿ.— (Ձեռները շփելով՝ մի բանի բայլ է անում. հետո գնում դե-
պի պատշգամբ: Փողոցից լսվում են հեռավոր երգի և երաժշտա-
կան զործիքի խուլ ձայներ: Սահակը մի բան է հիշում, շտապով
գնալ է ուզում, բայց դրսից լսվում են ֆրիջներ ծայներ: Կանգ է
առնում):

8) Նույն, Թերեզա, Ալեխանդր և Մարգո (ծիժադելով ու
ֆրիջներով ներս են խուժում):

ԱԼԵՔՍԱՆԴՐ.— (Կիսովին դեպի դուրս): Այդ շեղավ՞, օրի՛որդ. դուք խոսք
տվիր ասելու... (Ներս է գալիս):

ԹԵՐԵԶԱ.— (Ներս է մտնում, կոկետուրյամբ): Չե՛մ ասի... Դա ի՛մ
գաղտնիքն է:

ՄԱՐԳՈ.— Թող շասի. ե՛ս կասեմ: Քե՛զ համար էր, Սա՛շա, քե՛զ համար:

ԹԵՐԵԶԱ.— (Բողոքելով): Չհավատաք, սո՛ւտ է, դիտմամբ է ասում,
որ ինձ կարմրացնի... (Մաքաբիտին, իբր թե բարկացած): Չա՛ր,
չա՛ր... (Կարմրում է, հետո հաբձակվում Մարգոյի վրա, բայց պինդ
գրկում է և համբուրում):

ՍԱՀԱԿ.— (Լրջացած): Վա՛, վա՛... Ի՞նչ է եղել, ինչո՞ւ եք կոպում...
(Նրբ տեսնում է վերջը՝ ծիժադելով): Հա՛, համբուրվո՞ւմ եք... Գա
ուրիշ բան:

ՄԱՐԳՈ.— (Պոկ է գալիս Թերեզայի գրկից և հորը): Գիտե՛ս, հայրի՛կ...

ԹԵՐԵԶԱ.— (Արգելում է): Չասես, Մարգո՛, չասես, ամոթ է:

ՄԱՐԳՈ.— Ինչո՞ւ է ամոթ, կասեմ:

ԹԵՐԵԶԱ.— Չասե՛ս, չասե՛ս...

ՄԱՐԳՈ.— (Վազում է հոր մոտ): Կասեմ... գիտե՛ս, հայրի՛կ, էն որ մի
խոտ կա, երեք թերթ ունի... Թերեզան քաղեց... (Թերեզային՝ որ

ուզում է արգելել): Թո՛ղ, Թերե՛զա... Հա՛... Քաղեց, ամեն մի տերևի
մի-մի տղամարդի անուն հիշեց մտքումը... Իհարկե, Սաշայինն էլ
կար. հետո ասաց.— «Սիրո՞ւմ է ինձ»... և քաղեց: Խոստացել էր
եղածը ասելու, բայց շասաց:

ՍԱՀԱԿ.— (Փպտալով): Բաս որ շի ասել, ուրեմն Սաշա՛ն կլինի:

ԹԵՐԵԶԱ.— Ո՛ւ, ո՛ւ, նա՛ չէ, նա՛ չէ... ուրի՛շն է:

ՍԱՀԱԿ.— (Շոյելով նրան): Դե լավ, ի՞նչ կա ամաշելու: Ինչի՞, որ Սա-
շան լինի՛ չե՞ս ուզի... Ի՞նչ է, չե՞ս հավանում:

ԱԼԵՔՍԱՆԴՐ.— Հայրի՛կ, թո՛ղ...

(Երաժշտության ձայնը ավելի է մոտենում):

ՍԱՀԱԿ.— (Լրջանում է): Դե՛, հանա՛ք եմ անում...

ԹԵՐԵԶԱ.— Ինչ հանաքի՞ն եք, Սահա՛կ Պետրովիչ... (Մոտենում է լու-
սամուտին): Սա՞ ինչ մուզիկա է: (Նայում է): Նայեցի՛ք, Ալեքսա՛նդր
Սահակիչ, կույր աշուղներ են:

(Ամենքը մոտենում են լուսամուտներին: Թերեզան ու Ալեխանդր՝
մեկի առաջ, Սահակն ու իր աղջիկը՝ մյուսի):

ՍԱՀԱԿ.— Բո՛ռ Եղիկն է... Կուզես՝ ասեմ այս երեկո մեզ մոտ գա,
Սա՛շա. լավ-լավ երգեր գիտի ասել:

ԱԼԵՔՍԱՆԴՐ.— Հայերե՛ն:

ՍԱՀԱԿ.— Այո՛. նոր-նոր խաղեր. լավ էլ ձայն ունի. ամբողջ գիշեր կեր-
գի, հյուրերին կզվարձացնի:

ԱԼԵՔՍԱՆԴՐ.— (Դառնալով հորը): Ի՞նչ է, հյուրե՛ր կլինեն այս երեկո:

ՍԱՀԱԿ.— Մի ողջ գառն ենք մորթել. Մատվելը կլինի, ուրիշներն էլ...

ԱԼԵՔՍԱՆԴՐ.— Իսկ Գրիգոր աղան ու տիկի՛նը:

ՍԱՀԱԿ.— Նրանք շուգեցին... Գրիգոր աղան ասաց, որ գործեր ունի:

ԹԵՐԵԶԱ.— Ուրեմն ե՛ս էլ գնամ:

ԱԼԵՔՍԱՆԴՐ.— Ինչո՞ւ, դուք մեզ մոտ մնացե՛ք:

ՄԱՐԳՈ.— Այո՛, մնա՛ Թերե՛զ. հետո ծառան քեզ կտանի:

ԱԼԵՔՍԱՆԴՐ.— Ինչո՞ւ, ես ի՛նքս կտանեմ... Ուրեմն մնո՞ւմ եք...

ԹԵՐԵԶԱ.— (Փպտալով նրան): է՛լ ի՞նչ արած, որ այդպես եք ուզո՞ւմ...

ԱԼԵՔՍԱՆԴՐ.— Շնորհակալ եմ... (Հորը): Հայր, իմաց տուր երգչին, թող
մեզ մոտ լինի այս երեկո: (Թերեզային). Դուք է՛լ սիրում եք այդ
երգերը: Ես շա՛տ եմ սիրում և շա՛տ էլ կարոտել եմ... նրանց մեջ
խոր զգացմունք կա...

ԹԵՐԵԶԱ.— Ե՛ս էլ սիրում եմ. մի քանիսնե՛րն էլ ինքս երգում եմ... Բայց
լսենք՝ տեսնենք ի՞նչ է երգում...

(Նրբ մոտենում է: Նրում հե Շ. Հովհաննիսյանի «Արագն Եկավ
լավի՛ն տալով» երգը: Բոլոր լու՛ լսում են: Ալեխանդրը համար-

յա սիրալիր՝ կպել է թերեզային, և սա ետ շի քաշվում: Մահալը մեկ-մեկ նայում է և ժպտում: Մարգոն էլ նայում է, հետո բոբում հորը, որ նայի և լուռ ծիծաղում է: Երգը շարունակվում է երաժշտության հետ, և վարագույրը կամաց-կամաց իջնում է):

ՎԱՐԱԳՈՒՅՐ

ԵՐԿՐՈՐԴ ԱՐՍՈՎԱԾ

Մանուկաների այգին. ամառվա վերջերն է: Բեմի աջ կողմից մի քանի աստիճաններ և մի դուռ՝ տանում է դեպի ներք: Գոռն երկու կողմից՝ ծառեր: Սանդուղի մյուս կողմից՝ ծաղկանոց, դեպի խորք: Բեմի առաջ՝ նստարան. էիջ հեռու. ձախ. մի սեղան, որի վրա կա ուտելիք, բաժակ: Սեղանի մոտ՝ արոններ: Խորում մի կարճ ցանկապատ՝ մեջտեղը մեծ դարբաս: Ցանկապատի մյուս կողմը փողոցն է: Հորիզոնում երևում են անտառ ու լեռների սովերագծեր: Կես-օր է:

1) Բաղդասար-ամի, Չափար, Մարգար, Սերոբ, հետո՝ Կիրակոս

ԲԱՂԳԱՍԱՐ.— (Հրում է այգու դուռը և գզույշ՝ ներս մտնում: Ետևից երևում են մյուսները: Չորս կողմն են նայում ամենեք, հետո ներս են գալիս): Ըստեղ շի... Նե՞րս գնանք...

ՉԱՔԱՐ.— (Առաջ է գալիս): Ինչի՞ չէ. խնդիրք ունենք. փո՞ղ ենք տալու... (Համարձակ գնում է դեպի տան դուռը):

ՄԱՐԳԱՐ.— Կա՛ց, տո՛, Կիրակոսի՛ն ձեն տու... էշ խո չե՞նք, որ բիրդան ներս ընկնենք:

ՍԵՐՈՐ.— (Քայլում է դեպի տան դուռը): Կացեք ես ձեն տամ...

ԿԻՐԱԿՈՍ.— (Տան դռնից երևում է սրճամանը ձեռքին: Երբ տեսնում է գյուղացոց՝ խստությամբ): Հը՞, ի՞նչ ա. ի՞նչ եք ուզում:

ՉԱՔԱՐ.— Աղին մեկ ձեն տա՛ս, քե՛զ մատաղ:

ԿԻՐԱԿՈՍ.— Ո՞ր աղին:

ԲԱՂԳԱՍԱՐ.— Ալեքսան բեկին... Գործ ունենք:

ԿԻՐԱԿՈՍ.— Հրե՛ն ինքը կգա հիմի... Սուղո՛ւմը գործ ունիք:

ՄԱՐԳԱՐ.— Հա՛, իմը սո՛ւղի գործ ա:

ԲԱՂԳԱՍԱՐ.— Ես էլ եկա, հա՛նց որ... Ասում են, յանի, Ալեքսան բեկը... հանց որ... զակո՛ն ա գտել՝ ասում են... որ բա՛ն ա, վե՛ք սիլով պարտքը կարանք շտանք:

ԿԻՐԱԿՈՍ.— (Տած է դնում սրճամանը և ծիծաղում): Ո՞նց... Բա որ ըտենց ըլեր, առաջ հազր էդ զակոնովը ի՛մ վեքսի՛լը կոչնչացներ... Լա՛վ են էշացրել քեզ, ամի՛...

ՉԱՔԱՐ.— Դե ամին մեղավոր շի... Քյաշալ Մարտիրո՛սն ա ասել... Հալբաթ ծիծաղած կըլի:

ԲԱՂԳԱՍԱՐ.— Բա ինչպե՞ս անենք, քե՛զ մատաղ... Բա թողամ հանց որ... բա՞ղս էլ խլի... էս տարի խո բերքիս կե՛սն էլ կտանի:

ԿԻՐԱԿՈՍ.— Ո՞վ, Գրիգոր աղա՞ն... (Մոտենում է խորհրդավոր): Թե խելք ունես, ամի՛, անսա՛ս տեղդ գնա. Գրիգոր աղան ուզում է Ալեքսան բեկին իրան փեսա շինի... իմացա՞ր...

ԲՈՒՈՐԸ.— Բո՛... Դո՞րթ...

ՉԱՔԱՐ.— Լսել եմ: Սրանց ասում էի՛ շէին հավատում... Տեսա՞ր, Բաղդասար ամի. դե հմի բա՞ղդ էլ գնաց, դու էլ հետը:

ԲԱՂԳԱՍԱՐ.— (Գլուխն է երեցնում): Բա ասում էին՝ Ալեքսան բեկը ուսում առա՛ծ մարդ ա, գեղացու ցավը գիտի՛, արդարության կողմը կընի...

ՄԱՐԳԱՐ.— Դե արդարությունն էլ է՛ն ա, որ մարդ իր աներոջը դատաստանի շի՞ քաշի, է՛լի... Բա չե՞ս իմանում, որ երկու տեսակ արդարություն կա:

ԲԱՂԳԱՍԱՐ.— Էդ խո արլակատ Մարտիրոսը դառավ... Փող շունեցողի համար, ասում ա, ուրի՛շ արդարություն, հարուստի համար՝ ուրի՛շ: (Գլուխն է երեցնում): Բա ինձ ասել են, թե օրենքը ամենքի համար մե՛կ ա...

ԿԻՐԱԿՈՍ.— Մեկ լինելը՝ մեկ ա, ամա արի տես, որ ինձ ու քեզ համար օրենքով շարժվողները մեկ չեն... Ամա դո՛ւ գիտես. կուզես՝ սպասիր. հմի աղեն կգա:

ՍԵՐՈՐ.— Ե՛ս էլ խնդիրք ունեմ...

Կիրակոս.— Քոնը իմանում եմ... (Գնում է դեպի դուռը): Մի քիչ ըտեղ կացեք, էն ա՛ կգա...

2) Նույնք և Ալեքսանդր

ԱԼԵՔՍԱՆԴՐ.— (Ամառվա հագուստով, գլուխը քաջ, մտնում է տան դուռնից): Հա՛... Գյուղացի՞ք են... (Մոտենում է): Բարև ձեզ, Երևի ինձ հետ գործ ունեք:

ԲԱՂԳԱՍԱՐ.— Հրամա՛նք ես, Ալեքսան բեկ... Սո՛ւղի գործ...

ԱԼԵՔՍԱՆԴՐ.— Լա՛վ... Համեցեք նստեք... (Կիրակոսին): Ո՞ւր ես գնում. ինձ համար կոֆե բերի՞ր:

41— Վրթ. Փափազյան, Երկեր

ԿԻՐԱԿՈՍ.— Է՛ն ա բերել ե՛մ... Մարգարիտը կգա՛ կլցնի (Գնում է):
ԱԼԵՔՍԱՆԻՐ.— (Նստում է նստարանի վրա): Համեցե՛ք, նստե՛ք:

ԶԱՔՍ.— Վնա՛ս շունի, աղա՛. սենց էլ լավ ա:
ԱԼԵՔՍԱՆԻՐ.— Չէ՛, ինչո՛ւ... Ա՛յ, էն աթոռները առեք... Եվ կամ մեկը
հենց այստեղ, կողքիս նստեք... Ի՞նչ է, քաշվո՞ւմ եք... Ձեր գյու-

ՍԵՐՈՐ.— Ինչի՞ յադ, քեզ դուրբան. մեր Սահակ բեկի տղան չե՞ս. մեր
բուշեթումը, մեր տներումը քի՞չ ես խաղացել...

ԱԼԵՔՍԱՆԻՐ.— Հա՛... Ավելի՛ լավ... Մենք բոլո՞րս էլ մի երկրի զավակ-
ներ ենք և եղբայրներ: Ի՞նչ անենք, որ ես Մոսկով եմ գնացել...
ես էլ ըստեղացի՞ եմ, գյուղացի և ձեր ընկերը... Նստի՛ր, Բաղդա-
սա՛ր ամի, դու խո յադ չե՞ս. հորս հասակի մարդ ես... Ա՛յ, այս-
տեղ, կողքիս նստիր... Ի՞նչ էլ գործ ունես սուղումը...

ԲԱՂԴԱՍԱՐ.— (Նստում է կողքին և սկսում է համարձակությամբ ստա-
նալ): Դե ի՞նչ անենք, Ալեքսան բեկ, քեզ մատաղ... Դինչ թողնո՞ւմ
են, որ... Ես սուղումը գործ չունեմ, չէ... Իմը ուրիշ բան ա...
(Մյուս գյուղացիի, մեկը արթոթի, մյուսներն ուղիղի գեանի վրա
նստոտում են):

ԱԼԵՔՍԱՆԻՐ.— (Բաղդասարին): Վնաս շունի, առաջ դու ասա... Ի՞նչ է,
չի՞նք՝ առնելիք ունես սրանից-նրանից և ուզում ես հավարել, որ
հոգեբաժին շինես... (Միծաղ: Մյուս գյուղացիի էլ ծիծաղում են:
Առհասարակ ամենեք սկսում են բացվել հետզհետե):

ԶԱՔՍ.— Ա՛ր քեզ մատաղ, Ալեքսան բեկ, ի՞նչ լավ արիր, որ եկար...
էն անիրավ Քյաշալ Մարտիրոսից մեզ կազատես... Դաղո՞ւմ է,
դաղո՞ւմ... Զակոնը, դե՛, իրա ձեռքումը, հասկացողն էլ՝ ինքը...
Դե՛, մենք էլ միամիտ, անգիտ... Պոկո՞ւմ ա ու պոկում, ու դեռ
մեզ էլ անիրավ դուրս բերում... Աստված քեզ օրհնի, որ եկար. որ
իմանա՛ս, սաղ գեղը քեզ օրհնում ա...

ԱԼԵՔՍԱՆԻՐ.— Լա՛վ, լավ. շնորհակալ եմ... Ես էլ ձեր գյուղացին եմ,
չե՞. իմ պարտքն է ձեզ օգնել, ձեր ցավերի մասին աշխատել, չթող-
նել, որ ձեզ խաբեն... Հա՛մ էլ, օրենքը որ կա—ամենքի՛ համար
է: Բանն այն է, որ էդ օրենքները ձեզ ծանոթ չեն... Ի՞նչ որ է. դո-
ւա՛ղ կացեք. բանի ես կամ—ոչ ոք չի կարող առանց օրենքի բան
բռնել ձեր դեմ:

ԲՈՒՈՐԸ.— Ա՛յ, աստված քեզ օրհնի... Ա՛յ դու ողջ կենաս... Աստված
երկար կյանք տա...

ԱԼԵՔՍԱՆԻՐ.— Շնորհակալ եմ... (Բաղդասարին): Դե՛, ամի՛, ասա տես-
ի՞նք. գործդ ի՞նչ է. առնելիք ունես, չէ՞...

ԲԱՂԴԱՍԱՐ.— Չէ՛-հա, քե՛զ մատաղ, որ ասե՛ս՝ պատանքի փող էլ չու՛-
նեմ... հլա պարտքն էլ վզիս... Լսել եմ յանի որ... հրամանքդ գա-
կոն ես գտել... հանց որ... վերսիլով պարտք ըլեմ մեկին... մեկ
ընենց մարդու, է՛լի... Որ յանի էդ վերսիլով 100 մանեթ առած
ըլեմ ու 150 գրած ըլի... որ էս երկու տարի էլ բաղդիցս տամ, ցո-
րենիցը տամ, եղիցը տամ... ու է՛լ հետ 200 մանեթ պարտք ըլեմ...
Լսել եմ յանի որ... էդ զակոնովը, հրամանքդ էնպես կանես, որ
կազատես ինձ էդ աստծու պատժիցը...

ԱԼԵՔՍԱՆԻՐ.— (Ժպտուն): Սպասի՛ր... Ուրեմն դու պարտք ես առել միայն
100 ուրլի՞...

ԲԱՂԴԱՍԱՐ.— Հա՛, քեզ մատաղ. աստված էլ գիտի (գյուղացոց ցույց
տալով). սրանք էլ գիտեն... Մեկ տարի բաղս բերք չտվավ, տո՛ւրք
պիտի տայի...

ԶԱՔՍ.— Ա՛յ Բաղդասար ամի, յանի զո՞ւր չես խոսում. էդ խո ըլելու
բա՛ն չի. առել ես՝ պիտի տաս...

ԱԼԵՔՍԱՆԻՐ.— Իհարկե, իհարկե, առել ես՝ պիտի տաս... Բայց դու տա-
սում էիր, թե 200 մանեթ է դարձել պարտքդ. հա՛:

ԲԱՂԴԱՍԱՐ.— Տոկոս եմ տվել, տոկո՞ւս... 100 մանեթը երբ առա, չէր
տալիս՝ մինչև 150-ի տակ ձեռք չբաշեցի... բաղդից-բանից էլ՝ հար-
յուրից ավելի տված կըլեմ... էս տարի վերսիլը թաղացրեց—չկա-
րացի տալ—150-ը 200 շինեց... (Գյուղացոց): Բսենց չի՞, ա՛ խալ-
խը. դուք ու ձեր աստված. սո՞ւտ եմ ասում...

ԲՈՒՈՐԸ.— Ղորթ ա, ըտե՛նց ա...

ԱԼԵՔՍԱՆԻՐ.— (Գյուլսե է երեցնում): Հը՛մ... վերսիլի մեջ խո չի՞ գրած,
որ հարյուրը տոկոսն է:

ԶԱՔՍ.— Բա գրած կըլի. գիժ խո չի՞: Ինչի՞, մենք չե՞նք իմանում, որ
զակոնով էդքան տոկոս չի ըլի... ամա որ նեղն ա լծո՞ւմ. դու էլ
որ պե՛տք ես ունենում...

ԲԱՂԴԱՍԱՐ.— Հա՛, քե՛զ մատաղ, նե՛ղն ա լծում... Ասում ա՛ է՛ս ա-
կուղես-տամ... Որ վերսիլն էլ չես ուզում թաղացնի—զալիս բո-
ղազիդ ա չոքում, ուզում ա սուղը տա, տունդ ու տեղդ խլի...

ԱԼԵՔՍԱՆԻՐ.— Սպասիր... Դու ասացիր, որ 150 ուրլու էր առաչին վեք-
սիլդ, երբ թաղացրիր... Իսկ հինը հետ տվա՞վ քեզ, երբ երկրորդը
առավ:

ԲԱՂԴԱՍԱՐ.— Չէ՛... ընչի՞ որ... Կըլի որ ճշած ըլեմ... հա՛ ամա. մի՛տս
ա, ի՛նքը հենց ինձ մոտ ճղեց ու գցեց...

ԱԼԵՔՍԱՆԻՐ.— (Դառն ժպտով): Խամություն ես արել, ամի՛... Բայց
տեսնե՛նք, առաջ մեկ ասա, որի՞ն ես պարտ...

ԲԱՂԳԱՍԱՐ.— (Շփոթված և լուռ փիշ, մյուսներին է նայում): Սկի... չե՛ս ճանաչի...

ԱԼԵՔՍԱՆԳԻ.— (Որ նկատում է գյուղացոց շփոթվելը): Հը՞, էդ ո՞վ է, որ դժվարանում եք անվանել... Պիտի ասեք, որ գործ սկսե՞մ, թե՞ չէ... (Հանկարծ մի բան հիշելով, ոտքի է ելնում, ուշադրությամբ նայում է գյուղացոց, դեմքը մոայլվում է. խիստ): Զլինի՞ էլի...

ԲԱՂԳԱՍԱՐ.— (Ոտքի է ելնում, վախեցած): Մի նեղանա՛, քե՛զ մատաղ... Ես հիմարացա... Որ իմացա, մտածեցի, թե ուսում առա՞ծ մարդ ես, կըլի՞ որ արդարություն կողմը պահես...

ԱԼԵՔՍԱՆԳԻ.— (Ավելի խիստ): Ուրեմն նա՛ է՛ Գրիգոր աղան...

ԲՈՂՈՐԸ.— (Որ կանգնած են, լուռ՝ զլուխները խոնարհեցնում են: Քիչ լուռ):

ԱԼԵՔՍԱՆԳԻ.— Շատ լա՛վ ես մտածել, Բաղդասա՛ր ամի, որ եկել ես ինձ մոտ... Այդ գործը թեև դժվար է, թղթե՛ր շունես, փաստ չկա, բայց ես վերցնում եմ ինձ վրա... Գյուղացիք վկա կկանգնե՛ն:

ԶԱՔԱՐ.— Ով ասես... Ո՛ղջ գեղը վկա:

ՍԵՐՈՐ.— Բոլորս վկա ենք... Դաղեց մեզ ախր էդ մարդը. ամենիս տունն էլ քանդեց:

ԲԱՂԳԱՍԱՐ.— Օրհնվե՛ս դուն, Ալեքսա՛ն բեկ, թե էդ մարդին մեկ ընե՛նց, է՛լի, ոլորես, սուղի տակ գցես—սաղ գեղը կազատես, մեր փրկի՛ր կդառնաս...

3) Նույնի և Մարգարիս

ՄԱՐԳՈ.— (Վազելով ներս է գալիս): Ուշացա, չէ՞, Սա՛շա... (Տեսնելով գյուղացոց՝ կանգ է առնում): Մրա՞նք ինչ են ուզում:

ԱԼԵՔՍԱՆԳԻ.— Գործ ունեն ինձ հետ... Կոֆեն շինիր ու գնա՛:

ՄԱՐԳՈ.— Իսկ թերե՞զր... Շլյապան էր հանում, որ այստեղ գա:

ԱԼԵՔՍԱՆԳԻ.— Թերե՞զր... Շո՛ւտ, ներս գնա և մի կերպ պահիր՝ մինչև սրանք գնան... Շուտ կվերջացնեմ... Այստեղ մի՛ գաք. գնա՛...

ՄԱՐԳՈ.— (Զարմացած նայում է նրան, հետո կամաց-կամաց՝ ներս գնում):

ԳՅՈՒՂԱՑԻՔ.— (Թերեզի անունը լսելիս՝ իրար են նայում, հետո փսփոսալ սկսում):

ԶԱՔԱՐ.— (Մարգարի գնալուց հետո): Քե՛զ մատաղ, Ալեքսա՛ն բեկ, չնեղանաս: Դե՛, մենք է՛լ գիտենք, որ Գրիգոր աղային՝ դժվա՛ր ա կաշելը... էլի ինչքան չըլի՞ գողբա ա, փող շա՛տ ունի:

ՄԱՐԳՈ.— Համ էլ մեր նեղ օրերին էլի նա ա հասնում...

ԱԼԵՔՍԱՆԳԻ.— (Բարկացած): Լոեցե՛ք, այդ ինչե՛ր եք ասում: Ինչպե՛ս թե գողբա է, փող շատ ունի... Թող ունենա: Արդարությունը՝ ուժ, հարստություն չի՛ ճանաչում. նա մե՛կ է ամենքի համար: Ասացի՛ ձեզ. երկու ամսից ավելի է՛ այստեղ եմ, և օր շնչավ, որ նրա անիրավությունների մասին նոր բաներ չպատմեն ինձ... (Բաղդասարին): Գործդ ես կվերցնեմ, ամի՛: Ո՛չ մի կոպեկ էլ չեմ առնի քեզնից... Ժամանա՛կն է գյուղն ազատելու այդ հրեշի ձեռքից... (Զաֆարին): Իսկ դո՛ւ ինչ գործ ունես, քո՞նն էլ պարտքի, տալիքի գործ է:

ԶԱՔԱՐ.— Բաղս խլում են, Ալեքսա՛ն բեկ. գործը հին սուզումը. որդիքս կկոտորվեն քաղցածությունից:

ԱԼԵՔՍԱՆԳԻ.— Ո՞վ է, դարձյա՛լ Գրիգոր աղան:

ԶԱՔԱՐ.— Չէ՛, քե՛զ մատաղ, Ավետիսանց Գաբրելն ա...

ԲԱՂԳԱՍԱՐ.— Սո՛ւտ ա, ա՛ խալխը, սո՛ւտ ա... Ես ձեզ ասել եմ ու կասեմ, որ Գաբրելը սկի կո՛պեկ շունի, ո՛րտեղից քեզ 500 մանեթ տվավ... է՛լի Գրիգոր աղան ա... Ա՛յ կտեսնեք. բաղիդ վրա աչք ա տնկել ու Գաբրելի՛ն ա մեջ գցել...

ԱԼԵՔՍԱՆԳԻ.— (Մարգարին և Սերոբին): Իսկ դո՛ւք ինչ գործ ունեք... (Հիշելով): Հա՛... ձեր խնդիրը պատրաստել եմ... Ուզածս թղթիրք բերի՛ք:

ՄԱՐԳՈ.— (Հանում է ծոցից քղթեր և տալիս է): Հրե՛ս, բերել ենք...

ԱԼԵՔՍԱՆԳԻ.— (Առնում է): Լա՛վ... Երբ գործը կնշանակվի, ձե՛զ էլ իմաց կտամ... Ապահո՛վ եղեք. իրավունքը ձե՛ր կողմն է:

ՍԵՐՈՐ.— Այ, աստվա՛ծ քեզ օրհնի... Բաս մենք կպրծնենք, է՛լի...

ԱԼԵՔՍԱՆԳԻ.— Անպա՛տճառ:

ԶԱՔԱՐ.— Բաս ի՛մ գործը ոնց անենք, Ալեքսա՛ն բեկ:

ԱԼԵՔՍԱՆԳԻ.— Քո՛ գործն էլ ես կվերցնեմ: Իհարկե, դու էլ վկաներ կու՛նենաս... Մի քանի օրից է՛լի եկեք. ես մեկ տանուտերի հետ կխոսեմ, հետո ձեզ կանչել կտամ:

ԲԱՂԳԱՍԱՐ.— Բաս գնա՛նք, ա՛ խալխ: Աստված մեր Ալեքսան բեկին մեզ համար սա՛ղ պահի:

ԱԼԵՔՍԱՆԳԻ.— Մի՛շտ եկեք ինձ մոտ առանց քաշվելու՝ երբ գործ ունենաք: Մեկ էլ՝ այսուհետև առանց ինձ հարցնելու սկի՛ ձեռք չբաշեք վերսիլի կամ ուրիշ թղթի... էդ քյաշալից էլ զգույշ կացեք. ասում են, որ Գրիգոր աղայի մարդն է... (Բաղդասարին): Ա՛մի... (Զաֆարին): Գո՛ւք էլ. էս երեկո եկեք ինձ մոտ՝ խնդիրներդ գրեմ և մտածենք, թե ի՞նչ պիտի անենք... Մեկ 5—10 վկաների անուններ էլ

բերեք... Գրիգոր աղան չի նի՛ ո՛վ ուզում է լինի—եթե անիրավ է, ձեռքիցս չի՛ պրծնի. միայն թե՛ վկաներ...

ԲՅՆՈՐԸ.— Ամենքս, ո՛րչ գյուղը...

ԱԼԵՔՍԱՆԳԻ.— Շատ լավ ուրեմն... Զփախչեք, ա՛յ... իմացե՛ք, որ արջին թե բռնեցինք, էն ա բռնել ենք: Թե ձեռքից բաց թողնենք, վայն եկել ու ձեզ տարել է հետո:

ԲՅՆՈՐԸ.— (Ուրախ): Բաց չենք թողնի աստուծով... Աստված քեզ օրհնի... Թե բաղս ու տունս ազատեցիր՝ քնտանիքով օրհնող կըլենք:

ԱԼԵՔՍԱՆԳԻ.— (Նրա ուսը ձեծելով): Լա՛վ, լա՛վ, ա՛մի: Օրհնի՛ր դու, որ հաջո՛ղ տանենք գործը: Թե չէ՛ շատ էլ հեշտ չի այդ արջին թալակ գցելը... (Սպառնալից): Բայց որ գցեցինք, է՛է՛...

ԲՅՆՈՐԸ.— Այ դու շա՛տ ապրես... էն սուրբ խա՛չը քեզ օգնական... (Բարեմտորարարունենեով և ուրախ խոսակցելով՝ բոլոր գյուղացիք դուրս են գնում):

4) Ալեկաանդր (մեռակ), հետո՝ Սանակ

ԱԼԵՔՍԱՆԳԻ.— (Մի բույե լուռ և խոնուն՝ նայում է գյուղացիների ետև-վից, հետո կամաց-կամաց գնում և սուրճ է լցնում):

ՍԱՀԱԿ.— (Տան դռնից հանդարտ ներս է գալիս. պահ մի զննում է հետ-վից որդուն, ապա սանդուղից իջնում է): Մենա՞կ ես, Սա՛շա:

ԱԼԵՔՍԱՆԳԻ.— (Դառնում է դեպի նա): Մենակ եմ... Բա՛ն ունես ասելու:

ՍԱՀԱԿ.— Մարգոն ասում էր, որ գյուղացիներ կան, և դու նրանց արգելեցիր գալ քեզ խանգարելու:

ԱԼԵՔՍԱՆԳԻ.— Գնացին... Եկել էին զանգատի... վաշխառուների մասի՛ն էր դարձյալ... (Խիստ): Դարձյա՛լ նա է, հա՛յր, մի՛շտ այդ մարդը...

ՍԱՀԱԿ.— Ա՛ս... Թերեզան ներսումն է... Գրիգոր աղայի մասի՛ն է խոսքը, չէ՛... Տեսա, Բաղդասար ամի՛ն կար եկողների մեջ... (Տխուր): Թշվա՛ռ ծերունի...

ԱԼԵՔՍԱՆԳԻ.— Ուրեմն դո՛ւ էլ գիտես, թե նա ինչ է արել ծերունուն: Եվ ինձ չէի՛ր ասում... Ո՛չ, հա՛յր, վճռել եմ ձեռքումս եղած բոլոր փառտերի հիման վրա՛ կռվի՛ հլնել նրա դեմ, գյուղը միանգամո՛վ ազատել, վերջ տալ նրա արածներին...

ՍԱՀԱԿ.— Կամա՛ց խոսիր, ո՛րդի... Նստի՛ր, նստի՛ր մեկ այստեղ (Նստում է):

ԱԼԵՔՍԱՆԳԻ.— Այսպե՛ս էլ լավ է: Սաստիկ վրդոված եմ... Հարյուր ուրբ-լի տալ, երկու տարի մեծ տոկոսներ առնել, հետո էլ երկու հար-

յուր ուրբու պահանջ դնել, ծերունու և նրա ընտանիքի ապավեն այգի՛ն խելու ելնել... Ինչի՞ նման է սա: Մե՛կ չէ, երկու՛ չէ... Ամբողջ մի ամիս է, ինչ հարստահարության պատմություն եմ լսում— միայն և մի՛շտ այդ մարդն է երևում մեջտեղ, իր սարգային արյունո՛տ ճիրաններով: Ո՛չ ոքի չի խնայել, ո՛չ ոքի...

ՍԱՀԱԿ.— (Լուռ և գլուխը խոնարհած): Այո՛...

ԱԼԵՔՍԱՆԳԻ.— (Ավելի բորբոքված): Մեզ բարեկամություն է ցույց տալիս, զգո՛ւմ է, որ պիտի բացվե՛ր ինձ համար նրա աղտոտ դեմքը, գյուղացի՛ք պիտի դիմեին... Եվ կամենում է իր խոստումներով հորդորել ինձ՝ հեռանալու գյուղից, արգե՛լք չի նկատում իր խայտառակություններին... Բայց օ՛, նա ինձ լա՛վ կտեսնի և լա՛վ կզգա... Զպիտի հեռանամ ես. պիտի մնամ և նրան քննել տամ այս կողմերից...

ՍԱՀԱԿ.— Սա՛շա, ի սեր աստծո, ինչե՛ր ես ասում. մտածի՛ր մեկ:

ԱԼԵՔՍԱՆԳԻ.— (Միշտ բորբոքված): Մտածելու պե՛տք չկա: Երգվե՛լ եմ ես արգարության կողմը լինել: Ես դրա՛ համար եմ ուսել... Ինքզ էլ տեսնում ես. թշվառների դառն բրտիներով է հարստանում այդ մարդը. ճզմո՛ւմ է ամենքին. կրակ դրել՝ գյո՛ղն է վառում... էլ ո՛ր օրվա համար ուսում առա. ինչո՞ւ բերնիցդ զրկեցիր և փող ուղարկեցիր ինձ. որ արգարությունը պաշտպանելու համար զինվեմ ու զինավարժվեմ...

ՍԱՀԱԿ.— (Միջահատում է): Սպասի՛ր, Սա՛շա, մի տաքանա... Ախր որ ամեն բան չգիտե՛ս... Գուցե սո՛ւտ են ասում, թշնամություն անում... (Տխուր և ինքը իր համոզմանը դեմ): Ա՛խ, գուցե՛, գուցե... Բայց ի՛նչ ասեմ... Հոգուս ինչո՞ւ մեղք բառնամ... Ծի՛շտ են, ճի՛շտ բոլորը...

ԱԼԵՔՍԱՆԳԻ.— Ահա՛, տեսա՞ր... Դո՛ւ էլ ճշտում ես ուրեմն: Ես չեմ հասկանում դրանից հետո, թե ինչո՞ւ երկու շաբաթից ի վեր դու արգելում ես ինձ նրա դիմակը պատռելու, նրան դատարան քարշ տալու, ճզմելու և ոչնչացնելու...

ՍԱՀԱԿ.— (Հուսահատ): Սպասի՛ր... (Հուզված ելնում է, տրոհում նակատը: Հետո հանկարծ շուրջն է նայում, վառանում է և հուսկ, ուրեմն վճռակաճորեն մտանում է որդուն, բռնում նրա քեից և խոպոտ շշուկով): Լսի՛ր, Սա՛շա... Ո՛չ, այլևս չե՛մ կարող ծածկել... Լսիր, ի՛նչ կասեմ... Ե՛տ կաց այդ գործից, հանգիստ թող Գրիգոր աղային... (Ավելի հուզված): Եվ կամ, որն ավելի՛ լավ է, գեա՛ քազաբ. թո՛ղ գյուղը, թո՛ղ. խնդրում եմ քեզ, աղաչո՛ւմ եմ՝ թո՛ղ...

ԱԼԵՔՍԱՆԻՐ.— (Ետ է քաշվում զարմացած): Ինչպե՞ս, թողնե՞մ գյուղը... Գնա՞մ... Ձանձրացրի՞ր ձեզ արդեն. ինձ վնդո՞ւմ ես...

ՍԱՀԱԿ.— (Նեղացած): Ախ, չէ՛, որդի՛ս, չէ՛, աստված գիտի՛, որ չէ՛... Ի՛նձ էլ, մե՛զ էլ հետո տար: Գնա գործերդ կարգի գիր՝ մե՛նք էլ գանք... Հերի՛ք է այստեղ... է՛լ չեմ կարող...

ԱԼԵՔՍԱՆԻՐ.— Բայց ինչո՞ւ, ի՞նչ է եղել... Ինչո՞ւ ես թաքցնում որդուցը, ի՞նչ կա... (Բռնում է հոր քեից և քիչ լուռ՝ սպասում, հետո՝ խիստ): Խոսի՛ր, հա՛յր, ուզո՞ւմ եմ իմանալ, վերջապես... (Քիչ լուռ, հետո՝ ծիծաղելով): Կամ գուցե վախենում ես... որ հաղթվե՞մ, նա արդա՞ր դուրս գա և ինձ անպատվի՞ր... (Քրքիչ): Ինչ վախկո՞տն ես եղել, հա՛յր... (Քաջ): Մի՛ վախենա, ի՛մ կողմն է արդարությունը՝ թեկուզև հաղթվեմ ես, լուեցնե՛ն ինձ... Բայց ես կխոսեմ ամեն կերպ, կգոռա՞մ... Եվ վերջապես՝ խամ չեմ ես, գիտե՛մ օրենքները, փաստե՛ր ունեմ...

ՍԱՀԱԿ.— (Ավելի հուզված): Չէ՛, չէ՛... ա՛յդ չէ՛... (Նստում է և գլուխը ձեռքերի մեջ առնում: Մի վայրկյան լուռություն է):

ԱԼԵՔՍԱՆԻՐ.— Հա՛յր...

ՍԱՀԱԿ.— (Գլուխը բարձրացնում է և պղտոր հայացքով նայում):

ԱԼԵՔՍԱՆԻՐ.— (Մանրակշիռ): Խոսի՛ր, հա՛յր... Ի՞նչն է քեզ ստիպում պաշտպանել նրան... Չլինի՞ր դու էլ, գյուղացոց նման, մտածում ես, թե... Խոսի՛ր, վերջապես, հա՛յր... (Մտտենում է և կողքին նստում): Ուրեմն այդ չէ՞ր պաշտպանության պատճառը, չէ՞...

ՍԱՀԱԿ.— (Վեռակալորեն): Ո՛չ, ա՛յդ չէ... Եվ ո՞րտեղից հանեցիր, որ ես նրան պաշտպանում եմ... Աստված էլ գիտե, մարդի՛կ էլ գիտեն, որ նրա ո՛չ մի գործի մեջ չկա՛ արդարություն, որ այդ հարստությանը դիզված է՝ խեղճերին կողոպտելով... Ես չե՛մ պաշտպանում, ո՛չ. բայց ես ի՛նքս, մենք, դո՛ւ, մայրդ և բույրդ... բոլո՞րս էլ նրա ձեռքի մեջ ենք...

ԱԼԵՔՍԱՆԻՐ.— (Վեր է բռնում տեղից): Ինչպե՞ս... Մե՞նք, նրա ձեռքի մե՞ջ... (Հանկարծ հասկանում է): Ուրեմն դո՛ւ... դու պա՛րտք ունես նրան... Պարտքե՞ր ունես դու... և այն էլ՝ նրա՞ն... (Հուզմամբ): Ո՞րքան է. և ինչո՞ւ... (Ավելի հուզված և հուսահատ): Նրա ձեռքի մե՞ջ... ե՛ս, բոլո՞րս... (Հոր): Իսկ դու փող չունե՞ս, չունե՞ս նրան տալու... Եվ շա՞տ է այդ պարտքը...

ՍԱՀԱԿ.— Հինգ հազար:

ԱԼԵՔՍԱՆԻՐ.— (Մոսկունով): Հի՛նգ հազար... Բայց ինչո՞ւ, ի՞նչը ստիպեց քեզ պարտք անելու... Եվ ինչո՞ւ ինձ չէիր գրում այդ ամենը...

(Հուսահատ): Ախ, հա՛յր, հա՛յր, այս ի՞նչ դրուժյանի մեջ ես ձգում, դու ինձ...

ՍԱՀԱԿ.— (Մեղմ, հանդիմանակալ): Սա՛շա: (Ոտքի է ելնում): Կսի՛ր ինձ, (Մտտենում է): Իսկ դու ինչո՞վ ուսար, Պակասե՞ց երբեք բոփողը այս շորս տարվա ընթացքում: Երբեք դու մերժումն ստացա՞ր, երբ փող ուզեցիր... Իսկ այդ գումարների մեծ տոկոսները, տոկոսների տոկոսները...

ԱԼԵՔՍԱՆԻՐ.— (Ընկեցված՝ գլուխը խոնարհեցնում է): Իրավո՞ւնք ունես, հա՛յր... Ների՛ր ինձ. ես չէի մտածել. կարծում էի՝ փող ունես, եկամո՞ւտ ունես այդուց...

ՍԱՀԱԿ.— Այգին հենց առաջին տարվանից գրավ է նրա մոտ. արդյունքի կե՛սը գրեթե՛ տոկոսի է գնում... Տոան էլ անցյալ տարի գրավ առավ...

ԱԼԵՔՍԱՆԻՐ. (Լիովին ընկեցված): Ամեն ինչ կորսված է այլևս... (Կորնում է ծառին հուսահատ: Երկուսն էլ լուռ են):

5) Նույն և Գրիգոր աղա

ԳՐԻԳՈՐ.— (Այգու փողոցի դուր մեղմությամբ բաց է անում, ներս մտնում և ետևից վրա քաշում):

ԱԼԵՔՍԱՆԻՐ.— (Որ տեսնում է նրան, ցնցվում, ուշքի գալիս, զսպում է իրեն և սառը՝ մնում է անշարժ):

ՍԱՀԱԿ.— (Նույնպես նկատում է նրան: Ժողովում է իրեն և մնում է տեղում անշարժ):

ԳՐԻԳՈՐ.— (Մի վայրկյան փոխնիփոխ գնում է երկուսին էլ, հետո կեղծ ժպիտ դեմքին, սիրալիր): Բարև ձեզ... Խանգարեցի՞ր... Ասի աղջիկս այստեղ է... Այս կողմերիցն էի անց կենում... (Մտտենում է): Հը՞... Ի՞նչ է եղել. տխո՞ր եք... Չլինի՞ր կովել եք, (Սահակին): Երևի մի քիչ խի՛ստ ես խոսել հետը, հը՞... Ձահելի հետ խոսելը դեռ չես սովորել... (Ալեքսանին): Մի՛ նեղանա, ո՞րդի, հա՛յր է. միշտ որդոց լավն են ուզում հայրերը... Համ էլ Սահակ բեկը խելոք մարդ է... (Նստում է): Նրա՛ն դու լսիր, դուր բաներ չի՛ ասի...

ԱԼԵՔՍԱՆԻՐ.— (Շարժվում է տեղից և չոր): Սխալվում եք, մենք չե՛նք կովել:

ՍԱՀԱԿ.— (Տխուր ժպտում է): Է՛հ, ինչո՞ւ պիտի կովեինք. խոսո՞ւմ էինք էնպես... Հրամանոց չէի՛նք սպասում...

ԳՐԻԳՈՐ.— Հա՛, տեսնո՞ւմ եմ... Ասի՛ մեկ մտնեմ, Սաշի քե՛քը հարցնեմ...

Բաս ս'տ է, մեր աղջիկը ձեզ մոտ էր եկել. ախր... Ախպե՛ր, էլ թերեզին պահել չի լինում: Չգիտեմ, ինչ-որ շատ է սիրել ձեր... Մարգարիտին: Գիշեր-ցերեկ նրա վրա՛ է խոսում: «Տեղիցը վեր է կենում թե չէ՝ «Գնամ Մարգարիտի մոտ»: Յա թե չէ՝ «Սե՛րգո, գնա Մարգարիտին ասա՛ ինձ մոտ գա»... Որ բան է, ըստեղ ընկավ, է՛լ տուն վերադառնալ չկա...

6) Նայնֆ և Թերեզա

Թերեզա.— (Տան դուր բաց է անում, կիսովին երևում և շուրջն է նայում, առանց գլխարկի): Գնացե՛լ են գյուղացիք... (Ներս է գալիս սանդուղհների գլխից): Յո՛ւ՛, Ալեքսանդր Սահակիչ, ինչ վա՛տ մարդ եք եղել, ճշմարիտ... Մի ժամ է, որ մեզ ներսը փակել եք... (Մտտենում է և ձեռք է պարզում Ալեքսանին): Բա՛րե ձեզ... (Հորդ): Դու է՛լ այստեղ ես, հայրի՛կ:

Գրիգոր.— Բո՛ւ, ա՛յ աղջի, մեկ ժամ է այստեղ ես և նո՛ր ես տեսնում Սաշային... Չլինի՞ դու էլ նոր ես գալիս:

Ալեքսանդր.— Ներսն էին. ես այստեղ զբաղված էի:

Թերեզա.— (Հորդ): Երևակայի՛ր, հայրի՛կ, մի ժամ է, որ այս անտանելի՛ մարդը մեզ ներսում փակել է և արգելել պարտեզ իջնելու— թե ի՛նչ է՛ մի քանի գյուղացիների հետ գործ ունի:

Գրիգոր.— Ը՛մ, դա՛... Փաստաբան մարդ է, աղջի՛կս. իհարկե, շպիտի՛ խանգարել... Երևի գյուղացիները գործե՛ր ունեին հանձնելու... (ժպտալով): Ե՛ս էլ տեսա նրանց ճանապարհին՝ այստեղից գնալիս... (Ալեքսանին): Բայց գիտե՛ս ինչ կասեմ ընդ, Ալեքսան՝ բեկ. (տեսալիս): Ինձանից ընդ խրատ չի՛ համար, բայց, գե՛հ, որքան չլինի, փորձված, հորդ հասակի մարդ եմ... Գյուղացիներին, որդի՛ս, շատ էլ վստահել չի՛ կարելի... Նախ որ՝ սկի ուղիղ բան նրանցից լսել չես կարող. էս՝ մեկ... Վրա երկրորդ՝ որ նրանք ամեն բան մեծացնում են... (Ուռփ է ելնում): Լուն՝ ո՛ւղտ են շինում: (Սահակին): Հը՞, Սահակ՛ բեկ... Սաշան ջահել է, դո՛ւ ասա. դու լա՛վ կձանաչես գյուղացոց. ասածս ճիշտ չէ՛:

Ալեքս.— (հուսափողակա): Ի՛նչպես ասեմ... Ասենք՝ իհարկե...

Գրիգոր.— (տեսելով՝ հետզհետե մտտենում է Սահակին): Մեկ էլ որ... Ա՛յ դու էդ լա՛վ կգիտենաս... էդ գյուղացիք զահլա՛ են տանում: Կխոսան, կխոսան՝ բան չե՛ս հասկանա... Վա՛յ է՛ թե ուրիշի կովը մի քիչ խոտ կրծեց իրենց այգու ծայրիցը: Իսկո՛ւյն գանգա՛տ, դալ՝ ճաղա՛լ... (ժպտուն): Հիմի էլ խո՛... փաստաբան կա գյուղումը,

Ալեքսան բեկը գյուղացիների պաշտպանն է... (Նուրբ ծաղր): Էնպես է անում, որ մարդ կարո՞ղ է իր պարտքը շտալ— թեկուզ մուրհակ տված լինի, փող էլ առած... Ես ի՛նչ գիտեմ... Եր լսես նրանց— կասես, թե Ալեքսան բեկը հրաշքնե՛ր գործելիս լինի... (Ալեքսանին): Չէ՛, որդի՛, դու մե՛ղ լսիր— շատ երես մի՛ տալ դրանց. թե չէ՛ ժամանակդ էլ կխլեն ու ոչինչ էլ օգուտ չես ստանա... (Սահակին): Հը՞, լավ չե՛մ ասում, Սահակ՛ բեկ...

Ալեքս.— (Մեղմ): Դե, իհարկե, ձեր ասածն էլ ճիշտ է... Բանը շա՛տ են մեծացնում, շնչին բանը բան շինում:

Գրիգոր.— Դու դրան է՛դ հասկացրու, է՛դ... Որ էդպես, ամենքի առջ դուրբ բաց անի, ամենքին ականջ տա— ողջ օրը պիտի շնչին գործեռո՞վ զբաղվի... (Մտնում է Սահակի թևը և խօսելով սկսում է հեռու տանել):

Թերեզա.— Դե՛հ, այժմ հույս ունեմ, որ ազատ եք այլևս... Կարո՞ղ եմ մնալ այստեղ:

Ալեքսանդր.— Ազատ եմ... Դուր գուցե սո՛ւրձ կկամենայիք... (Գնում է դեպի սեղանը):

Թերեզա.— Ո՛չ, թողեք. ես արդեն խմել եմ:

(Այդ միջոցին Սահակն ու Գրիգորը մտել են պարտեզի խորքը և այլևս չեն երևում):

Բեմի վրա քիչ լուռ է: Ալեքսանը կոթնել է մի ծառի, մոայլ է, ակնարկը գետնին: Թերեզան, նստաբանի վրա, երկար նայում է նրան):

Թերեզա.— Խոսեցե՛ք... Բայց երևի դուք մտքով դեռես գյուղացիների հետ եք...

Ալեքսանդր.— (Նայում է նրան և քիչ մտտենում): Դուր նեղանո՞ւմ եք...

Այդ մարդիկ իրենց ցավե՛րն էին եկել պատմելու ինձ... Եվ որպիսի՛ ցավեր... Մի՞թե ձեզ չեն հետաքրքրում երբեք նրանց վշտերը:

Թերեզա.— (Թերևամտությամբ): Է՛հ, Ալեքսանդր Սահակիչ, ինձ թվում է, որ դուք երբեմն ամեն ինչ շա՛տ եք մեծացնում և սրտի մոտիկ վերցնում... (ժպտալով): Հայրս դրան ասում է «պրբերի քամիներ»... Չեմ գտնում, օրինակ, որ գյուղացիք, հիրավի, այնպիսի մեծ ցավեր ունենան, որ պետք լիներ ձեր ամբողջ ուշադրությունը և ոգևորությունը... (նկատելով Ալեքսանի դժգոհ շարժումը): Դուր նեղանո՞ւմ եք ասածներիցս... (Քիչ լուռ): Լա՛վ ուրեմն. այո՛, գուցե ես սխալ եմ... Ո՞վ գիտե... Բացատրեցեք գոնե... Ես գրեթե ոչինչ կամ սխալ գիտեմ այդ բոլորի մասին... (Լուռ): Ինձ միշտ կրկնել են, որ գյուղացիք լուն ո՛ւղտ են շինում, լալկա՛ն են՝ թեկուզ հարուստ էլ լի-

նեն... կեղծում են. դիտմամբ աղքատ ձևանում, գանգատվում են և դժգոհություն հայտնում անտեղի կերպով... Չգիտեմ, ճշմարիտ, թե որքան իրավացի են այդպես ասողները...

ԱԼԵՔՍԱՆԴՐ.— Ձեզ խաբե՛լ են, օրհորդ... Եվ այդ նրա համար են խաբել, որովհետև տեսել են, որ լավ սիրտ ունեք, կաթո՞ղ եք հուզվել անիրավությունից... գուցե մինչև իսկ բողոքել, աղմուկ հանել... Դուք էլ անձամբ չեք կարողացել և կամ չե՞ք շանացել իմանալու... (Քիչ լուռ): Բայց, եթե կուզեք, ես, իբր նմ... շ, մի քանի խոսքով նրանց ցավերից մի ամենածանրը պատկերացնեմ ձեր առաջ...

ԹԵՐԵՉԱ.— Խնդրեմ. շնորհակալ կլինեմ... Հիրավի, այժմ մտածում եմ, որ ես չափազանց տգետ եմ մնացել և շուրջս կատարված իրողությունների խորքը թափանցելու չեմ ճգնել... Եվ դուք այնքան լավ եք խոսում, որ... ինձ հաճո՞ւյք է ձեզ լսել... Դե՛հ, խոսեցեք... (Թեթևամտաբար՝ ծիծաղելով): Երևի սոսկալի բաներ եք պատմելու, չե՞... (Կոկետաբար): Ա՛խ, դուք ֆանտազյոր...

ԱԼԵՔՍԱՆԴՐ.— (Դեմքը կենդանելով): Ֆանտազյոր... Այդպե՛ս եք համարում դուք ինձ:

ԹԵՐԵՉԱ.— (Միծաղելով): Այն հաստափոր Մատվեյ Եգորիչն է ձեր մասին այդպես խոսում:

ԱԼԵՔՍԱՆԴՐ.— Իսկ դո՞ւք...

ԹԵՐԵՉԱ.— (Լրջանում է): Ե՛ս... ես միայն գտնում եմ որ դուք... այն չափազանց լուրջ եք և զգայուն... այնպե՛ս, է՛լի... շատ խորն եք մտածում... մի՞թե այդ լավ է... (Լուռ): Ա՛յ, հենց այս բոպեխս էլ այնպե՛ս տխուր դեմք ունեք, որ կարծես մի ծանր բան է պատահել... (Տխուր): Ու ինձ էլ չեք ուզում մասնակից անել ձեր ցավերին... Ե՛վ դեռ ասում եք, որ բարեկամ լինենք...

ԱԼԵՔՍԱՆԴՐ.— Ըճմարիտ է... Այո՛, այս բոպեխս սրտիցս արյուն է հոսում...

ԹԵՐԵՉԱ.— (Վախեցած և բոլորովին լրջացած՝ գնում է դեպի նա): Ուրեմն իրավ է, մի դժբախտություն է պատահել ձեզ հետ... Ասացեք, ասացե՞ք ինձ ձեր վիշտը...

ԱԼԵՔՍԱՆԴՐ.— (Տխուր, գլուխն է ցնցում): Ո՛չ... Դա ձեզ գուցե չհետաքրքրի... մասնավոր բան է...

ԹԵՐԵՉԱ.— Թո՛ղ լինի, պատմեցեք ի՛նձ ևս, ի՛նձ էլ տխրեցրեք, ե՛ս էլ եմ ուզում տխրել ձեզ հետ, ուրախանալ ձե՛զ հետ... (Հուզված իր ասածներից՝ դարձնում է գլուխը):

ԱԼԵՔՍԱՆԴՐ.— (Թոնում է նրա ձեռքը): Թերե՛զ... Ախ, որքան լավն եք դուք... մի՛միայն դուք...

ԹԵՐԵՉԱ.— (Սեղմում է ձեռքը): Ավելի՛ լավացրեք ինձ... խոսեցե՛ք, ամբողջ սրտովս լսում եմ ձեզ: (Ձեռքը մեղմությամբ հանում է և փչել ետ փաշվում):

ԱԼԵՔՍԱՆԴՐ.— (Սթափվում է, զսպում իրեն. փչ՝ լուռ է): Խոստացած ձեզ մի նմուշ պատմել գյուղացու անհուն վշտերից, մի նմուշ՝ նրա կրած տանջանքներից. լավ ուրեմն, լսեցեք... (Լուռ): Ձեզ հավատացրել են, օրինակ, որ նրանք աղքատ չեն ու ավելի՛ հարուստ են, բան դուք... և ես... որ նրանք անընդհատ գանգատվում են, սովորությունն են դարձրել լալկանությունը... Բայց, ո՛չ, օրհորդ, սո՛ւտ, սո՛ւտ են այդ բոլորը: Եթե անձամբ մտնեք նրանց խրճիթները, տեսնեք նրանց կերածը, զգա՛ք նրանց կրած նեղությունները... Երբ տեսնեք, օրինակ, թե ինչպե՛ս վաշխառուն խլո՛ւմ է նրանց բոլոր ունեցածը իր պարտք տված մի շնչին, բայց տոկոսներով խոշորացած գումարի փոխարեն... Մի խոսքով, եթե տեսնեք նրանց այլևայլ անհաշի՛վ տանջանքները—կզարմանաք, թե մարդիկ ինչպե՛ս կարող են այդքան տանջվել և քաջություն ունենալ ապրելու... (Քիչ լուռ): Կուզեի՞ք արդյոք իմանալ, նույնպես իբր նմուշ, թե ի՞նչ էին եկել ինձ պատմելու այդ գյուղացիները...

ԹԵՐԵՉԱ.— Ասացեք...

ԱԼԵՔՍԱՆԴՐ.— (Հուզված, բայց վճռական): Նրանցից մեկը, օրինակ, Բաղդասար ամին...

ԹԵՐԵՉԱ.— Ծանաչում եմ այդ ծերունուն: Հաճախ է նա մեր տուն գալիս. յուզ, մածուն, հա՛վ է ընծա բերում միշտ... Շատ բարի գյուղացի է...

ԱԼԵՔՍԱՆԴՐ.— (Մոռյլ): Ահա այդ լավ ծերունին, որ ընծաներ է բերում ձեզ, իր տանը, իր երեխաներին ուտեցնելու հա՛ց լունի... Այգին շուտով ձեռքից կխլեն, կո՛վն էլ... որովհետև ինչ որ բերք է ունենում, ցորեն հնձում, մի մասը, մի մեծ մասը տալիս է ուրիշի...

ԹԵՐԵՉԱ.— Սպասեցեք... Ես ձեզ չեմ հասկանում... Իսկ ինչո՞ւ է տալիս. հարկի փոխարեն, կամ գուցե պարտքե՞ր ունի...

ԱԼԵՔՍԱՆԴՐ.— Այո՛, պարտք ունի... (Լուռ): Մեկից, մի ժամանակ, երբ նեղ օրումն է եղել, պարտք է վերցրել 100 ուրլի, իսկ ստորագրություն է տվել 150 ուրլու...

ԹԵՐԵՉԱ.— Բայց ինչո՞ւ. եթե 100 ուրլի է վերցրել, ինչո՞ւ է 150 ուրլու ստորագրություն տվել:

բենք... Թող դրանք ըստեղ խոսան, շահել են... Մեկ էլ՝ որ դրանց լեզուն մենք չենք հասկանա... Գնանք:

ԱՆՉԱԿ.— Համեցեք... (Առաջ է ընկնում և տան դուռը բաց անում):

ԳՐԻԳՈՐ.— (Քայլելով այն կողմը և աստիճանների վրայից): Երբ գնալու լինես, Թերե՛զ, ինձ իմաց տուր:

ԹԵՐԵԶԱ.— Լա՛վ, հայրի՛կ, մենք այս րոպեիս ներս կգանք...

ԳՐԻԳՈՐ.— (Կանգ առնելով): Ես խո չասի էդ... Ինչքան քեֆներդ կուզի—չանա խփեք... Ձերը խո է՛դ է— խո՛սա, հա խո՛սա... էս թա՛տրոն է, էս բա՛լ է... Ես ի՞նչ գիտեմ... (Միծաղում է): Դրուստ չե՛մ ասում, Ալեքսան բեկ... (Սահակին): Դե՛հ, գնանք, Սահա՛կ բեկ... (Ժպտում է և Սահակի ետևից ներս մտնում):

8) Թերեզա և Ալեքսանդր

ԱԼԵՔՍԱՆԴՐ.— (Սպասում է, որ դուռը փակվի, հետո վազում է դեպի Թերեզը ու ձեռքերը բռնում): Խոսի՛ր, Թերե՛զ... Ասա, մի՞թե դու ինձ չես սիրում, մի՞թե ես սխալվել եմ:

ԹԵՐԵԶԱ.— (Քննչաբայամբ կաշում է նրան): Կամա՛ց խոսիր, Սա՛շա... Դու լավ տեսնում ես...

ԱԼԵՔՍԱՆԴՐ.— (Գրկում է և զգվում): Ի՛մ հրեշտակ... (Հանկարծ թողնում է նրան գրկից և դեմքը կնճռած՝ ֆիչ հեռանում): Բայց սպասեցեք... Ես դեռ ամեն ինչ չեմ ասել... Եվ դա՛ իմ կողմից վա՛տ բան է...

ԹԵՐԵԶԱ.— (Ձարմացած և վախեցած): Ի՞նչ եղավ քեզ... Ա՛հ, գուցե դու ուրիշի...

ԱԼԵՔՍԱՆԴՐ.— (Արագ միջահատում է): Ո՛չ, ո՛չ, ա՛յդ չէ՛ (Քիչ լուռ): Լսեցե՛ք, օրիո՛րդ... Դուք իմացա՛ք իմ վճիռը... Ես պիտի մնամ գյուղում, լինեմ գյուղացիների պաշտպան, վարե՛մ նրանց արդար դատը... Ինձ հե՛տ եք դուք...

ԹԵՐԵԶԱ.— Միայն ա՛յդ... (Ապահովված և ժպտուն՝ մոտենում է): Ես ինքս ուրախությամբ կօգնեմ քեզ այդ ավազակներին կախելու... Եվ ամենից առաջ՝ այդ խեղճ ծերունու դահճին... Դու կարող ես, չէ՛, կարո՞ղ ես...

ԱԼԵՔՍԱՆԴՐ.— Հո՛ւյս ունեմ... (Ավելի լուրջ): Մի խոսք ևս... (Դժվարությամբ): Ի՞նչ կասեիր, օրինակ, եթե այդ վաշխառուն... հայրս լինեիր...

ԹԵՐԵԶԱ.— (Սարսափած ետ է փախում): Հա՛յրդ... Դու կատակո՛ւմ ես, Սա՛շա... Սահա՛կ աղա՛ն, այդ բարի ծերունի՛ն...

ԱԼԵՔՍԱՆԴՐ.— Այո՛... օրինակ հենց... հայրս... Մարդու արտաքինը խաբուսիկ է: Գուցե հայրս մի կեղծավոր է, մի ավազակ, որ գիտե մեզ նմանների մոտ իրեն բարի ձևացնել...

ԹԵՐԵԶԱ.— (Միջահատելով): Բայց՝ լսի՛ր, ի սեղ աստժո, այդ ինչե՛ր ես ասում... Դու հայհո՛յում ես, այդպես բան չի՛ կարող լինել, ո՛չ...

ԱԼԵՔՍԱՆԴՐ.— Իսկ եթե այդպե՛ս է, եթե փաստե՛ր կան... (Փորձիչ): Եթե նույնիսկ գյուղացիները պնդեն ու հաստատեն... Եվ եթե դու լինեիր ազնի՛վ մարդ, սիրելի ինձ, նույնիսկ շա՛տ սիրելի—ի՞նչ կանեիր, կխնայեիր՞ հորս, չէի՞ր ջարդի նրան, չէի՞ր ազատի գյուղացիներին նրա ճիրաններից... (Մոտենում է հետզհետե): Խոսի՛ր, Թերե՛զ, քո խոսքերիցդ, ասելիքիցդ է կախված իմ երջանկությունը...

ԹԵՐԵԶԱ.— (Լուռ, դժգույն՝ նստում է, շատ մեղմ): Չգիտեմ... Անհավատալի բանե՛ր եք ասում... Չի՛ կարող լինել... Մխալվո՛ւմ եք անշուշտ...

ԱԼԵՔՍԱՆԴՐ.— Իսկ եթե չեմ սխալվում, եթե զորեղ փաստե՛ր ունեմ...

ԹԵՐԵԶԱ.— Դուք ինձ տանջո՛ւմ եք... Փորձո՛ւմ եք դուք ինձ... (Քիչ լուռ քյունից հետո՝ հանկարծ ոտքի է ելնում, խիստ գնեղո՞ւ նայում է Ալեքսանին, ապա՝ շեշտելով և ծանր): Ի՞նչ եք ուզում ասել... (Դողդողուն): Պարզ, ուղղակի խոսեցեք... Ձեր հայրը չէ՛ այդ վաշխառուն... Դուք ա՛յդ չէիք ասելու...

ԱԼԵՔՍԱՆԴՐ.— Թերե՛զ, դուք ինձ չե՛ք պատասխանում:

ԹԵՐԵԶԱ.— Պատասխա՛ն... Ահա՛... եթե ճշմարիտ են ձեր ասածները... ավազակը ավազակ է, թեկուզ...

ԱԼԵՔՍԱՆԴՐ.— Թեկուզ նա ձե՛ր հայրն իսկ լինեիր...

ԹԵՐԵԶԱ.— (Ցնցվում է և գուճա՛տ կոթնում ծարճն): Ա՛հ... զգում էի, զգում էի... (Գլուխը ձեռքերի մեջ առնում, հանկարծ հեկեկում է և ընկնում նստարանի վրա):

9) Նույն և Մարգարիտ

ՄԱՐԳՈ.— (Ներս է վազում): Թերե՛զ, հայրդ գնում է... (Տեսնելով Թերեզայի դուռը բաց՝ սառած մնում է): Վա՛յ, Թերե՛զ... (Վազում է դեպի նա):

ԹԵՐԵԶԱ.— (Թույլ՝ ելնում է): Ոչինչ չկա... Այնպե՛ս... Գնանք... (Ալեքսանին): Կատարեցե՛ք այնպես, ինչպես զգում եք... Սակայն հասկանո՛ւմ եք. նա իմ հայրն է... և այդպիսի դեպքում... մեր մեջ չի կարող լինել ոչինչ... (Գնում է դեպի տան դուռը. այնտեղ մի վայրկյա-

յան շվարած կանգնում, հետո մեկեն զլուխը դեմ է տալիս դռան):
Աստված իմ, աստված իմ...

ԱԼԵՔՍԱՆԳԻ. — (Վազում է դեպի նա): Թերե՛զ, ների՛ր ինձ...

ԹԵՐԵԶԱ. — (Հեռացնում է նրան): Ո՛չ... Վաղ թե ուշ՝ պիտի իմանայի...
Օ՛, ես այժմ սկսում եմ շատ բան հասկանալ... Հորս ստիպում-
նե՛րը... Ամե՛ն, ամե՛ն ինչ... Բայց սիրեցի... Որքա՛ն, որքա՛ն
ամոթալի բան... Ո՛չ, հեռու կացե՛ք... (Ծռ է փաշվում): Թողե՛ք ինձ,
մոռացե՛ք և... և եթե կարող եք՝ ներեցե՛ք ինձ...

ԱԼԵՔՍԱՆԳԻ. — Թերե՛զ, մի բռնե՛, մի բա՛ն մտածե՛նք...

ԹԵՐԵԶԱ. — Ոչի՛նչ... Դուք ասացիք, որ փաստե՛ր ունեք, գյուղացիք բո-
լո՛րը... Իսկ դուք, դո՛ւք ինչ ունեք նրա դեմ. չե՛՞ որ նա ձեզ սի-
րո՛ւմ է...

ԱԼԵՔՍԱՆԳԻ. — Նա մեր պարտատե՛րն էլ է, իմ խեղճ Թերեզ... և մեր
այս տո՛ւնը, այգի՛ն... Բոլո՛րը գրավ է հորդ մոտ...

ՄԱՐԳՈ. — Սա՛շա...

ԹԵՐԵԶԱ. — (Ավելի գունատ): Այդպե՛ս... Եվ դո՛ւք, և ձեր հա՛յրը... Այժմ
ավելի հասկանում եմ հորս վարմունքը... Աստված իմ, որպիսի՛
ստորություն...

10) Նույնի, Գրիգոր և Սահակ

(Դուրս բացվում է, և դռան վրա երևում են՝ նախ Գրիգորը, ետևից՝
Սահակը):

ԹԵՐԵԶԱ. — (Որ տեսնում է հորը, ուղղվում է և երեհուն): Հա՛յր... Սա-
շան իմ ձեռքն է խնդրում քեզանից...

ԳՐԻԳՈՐ. — (Ուրախ): Իրավ... Վա՛հ, այդպես հանկա՛րծ...

ԹԵՐԵԶԱ. — Եվ ես մերժեցի՛...

ԳՐԻԳՈՐ. — (Դեմքը կենդանու): Մերժեցի՛ր... Բայց ինչո՞ւ... Չե՛՞ որ դու
ինքդ ասացիր, թե սիրում ես նրան և թե իմ ցանկությունը կկա-
տարես...

ԹԵՐԵԶԱ. — (Բարկուրյամբ): Մածկի՛ր, ծածկի՛ր այդ բոլոր կեղտը...
Մերժեցի, որովհետև, չե՛մ ուզում քեզ ազատելու գործիք դառնալ.
Իբր վարձ՝ քեզ փրկելու... Ես սիրո՛ւմ եմ Սաշային. բայց եթե մեռ-
նե՛ի իսկ սիրուց, և եթե իմանայի, թե դու ի՞նչ բանի գործիք ես
գարձրել ինձ... (Հեկեկալով ընկնում է Մարգարիտի գիւղը, որ նրան
ենթա է տանում):

(Մի բռնե՛ր ամենք լուս՝ նայում են միմյանց):

ԳՐԻԳՈՐ. — (Բարկուրյամբ): Այդպե՛ս ուրեմն, պարո՛ն. դու վճռել ես ինձ

հետ կովի՞ բռնվել... Փորձի՛ր... (Զարամիտ ծիծաղով՝ հանում է ձա-
ցից մի մուրհակ): Տե՛ս... Ո՛չ ուշ քան մի ամիս—և այս տունը ի՛մն
է... (Միծաղ): Չգիտեիր այս, հա՛...)

ԱԼԵՔՍԱՆԳԻ. — Գիտեի: Գիտեի նաև, որ դուք մի գծուծ վաշխառու եք և
ամբողջ գավառի հարստահարողը... Արե՛ք. վաղն իսկ արե՛ք...

ՄԱՀԱԿ. — Այնքա՛ն... Սաշա՛... Ի սե՛ր աստժո... (Գրիգորին): Գրի-
գո՛ր աղա...

ԳՐԻԳՈՐ. — (Կատաղի): Է՛լ սուս, է՛լ հերիք է... Այս լածիրա՛կը շատ է
առաջ գնում... Պրիսյաժնի՛ր, իմ դե՛մ կովել... Տեսնե՛նք՝ ի՞նչ կանես
հորդ ու մորդ, ի՞նչ կուտեցնես... Գյուղը մնա, գյուղացիներին
պաշտպանի՛ր... Պրիսյաժնի՛ր...

ԱԼԵՔՍԱՆԳԻ. — (Բարկուրյամբ): Դուք անմիջական հրաման ունե՛ք արդեն՝
այս տանը տեր դառնալու...

ԳՐԻԳՈՐ. — (Ավելի կատաղած): Անմիջական հրամա՛ն... Տո՛, ո՛ւմ հետն
ես խոսում, դժվա՛ր է քեզ դուրս գցել տալ, օրե՛նք չգիտենք, ի՞նչ է...

ԱԼԵՔՍԱՆԳԻ. — Լա՛վ, ուրեմն, քանի այդ հրամանը չունեք, այս տան տե-
րը դեռ ես եմ... (Այգու դուռն է ցույց տալիս): Համեցե՛ք...

ԳՐԻԳՈՐ. — (Կատաղի): Այդպե՛ս, ինձ դուրս էլ ես անում... Լա՛վ, ես քեզ
ցո՛ւյց կտամ, թե ո՛վ է Գրիգոր աղան, որ հազար քեզ պես փաս-
տաբանների է մատների վրա խաղացրել... (Քայլում է դեպի այ-
գու դուռը և այնտեղից՝ Սահակին): Մինչև մեկ տմիս կա՛մ 5000
ռուբլին իր տոկոսներով և կա՛մ կտեսնենք...

ԱԼԵՔՍԱՆԳԻ. — Իսկ առայժմ—համեցե՛ք... (Քայլում է դեպի նա): Ափսո՛ս,
որ Թերեզան ձեր աղջիկն է...

ԳՐԻԳՈՐ. — Բայց ո՛չ քեզ նման լածիրակի պատառը... (Քրֆիչ): Հա՛-
հա՛-հա՛... Բաս ուզում էիր կո՛ւ տալ, է՛լի, աղչկա՛ս՝ հորդ պարտքն
էլ վրան... Չե՛, բարեկա՛մ, Գրիգոր աղան այդքա՛ն էլ էլ չէ... Լա-
ծիրա՛կ... (Սպառնալից դուրս է գնում):

11) Ալեխանդր և Սահակ

ՄԱՀԱԿ. — (Քիչ լուրջունից հետո՝ հուսահատ): Սա՛շա, մեր տո՛ւնը քան-
դեցիր...

ԱԼԵՔՍԱՆԳԻ. — (Խոստ): Նա այլևս մերը չէ՛, հա՛յր...

ՎԱՐՍՏԱՆԵՐ

ԵՐՐՈՐԴ ԱՐԱՐՎԱԾ

Գրեգոր աղա վարակյանի տանը մի հյուրասենյակ՝ հարուստ և նախ կանա- վորույթյամբ: Փռփրկ գրադարան, Երկար վարագույրները լուսամուտներին: Ասա- վառյան ժամը 10-ի մոտերն է. բաց լուսամտից արևի հառազայրները ներս են ընկել: Աչ կողմից մի դուռ՝ ասեղում է դեպի Քերեգայի էնջարանը: Խոհանո- մաստն է: Քերեգան մի օտարձղ արտի մեջ հասած՝ զիրք է կարգում: Բեմի վրա մի քանի տղի լուրջուն է: Դրսից լսվում են խառնիխառն ձայներ:

1) Քերեգա, տիկին վարակյան (մայրը)

ՏԻԿ. ՎԱՐԱԿՅԱՆ.— (Տնային հագուստով և փոշոտ՝ մտնում է և ձեռ- ֆերն իրար ֆսելով թափ է տալիս այլուրուս ձեռքը): Վերջացավ... (Աղջկան): Բաս մենա՛կ ես կարդում, ա՛ղջի... (Նստում է մի բազ- կաթոռի մեջ): Շա՛տ ես անցկացել:

ՔԵՐԵԳԱ.— (Տխուր և մոռյալ): Չէի կարդում... Դեռ չվերջացրի՛ն...

ՏԻԿ. ՎԱՐԱԿՅԱՆ.— Ի՞նչը. ցորեն դատարկե՛րը... Չէ՛, մի՛շտ բերում են... բայց դե՛հ, տեղը արել եմ. ծառանները կհսկեն:

ՔԵՐԵԳԱ.— (Քիչ լուռ): Ասա, մայրի՛կ. հայրս գնե՛ր է այդքան ցորենը: Ի՞նչ պետք է մեզ այդքանը:

ՏԻԿ. ՎԱՐԱԿՅԱՆ.— Ի՛հ, ա՛ղջի... Դե ես ի՞նչ գիտեմ: Հա՛լբաթ ծախելու համար է:

ՔԵՐԵԳԱ.— Գուցի իր պարտքով տված փողների տոկոսներն են, չէ՞:

ՏԻԿ. ՎԱՐԱԿՅԱՆ.— Ի՞նչ մեր բանն է այդ. ինչ ուզում է լինի... Հորդ գործերի մեջ ես ո՛չ խառնվել եմ, ո՛չ էլ ուզում եմ խառնվել... Դե՛հ, կարգա տեսնե՛նք... Որտե՞ղ մնացինք:

ՔԵՐԵԳԱ.— (Գրքի վրա է նայում և մտազբաղ): «Տղան հասնում է վի- շապի տան առաջ»... (Հանկարծ մտքը): Ասա՛ խնդրեմ, մա՛յրիկ- յուղ, մածուն, ձու... այդ բոլորը որ այնքան բերում եմ մեզ— դրա՛նք էլ տոկոսներ են:

ՏԻԿ. ՎԱՐԱԿՅԱՆ.— Չա՛հլես տարար... Մե՛զ ինչ. կուզեն՝ թող տոկոս- ներ լինեն... Հա՛լբաթ, փող որ պարտք է տվել— խո ձրի չի՞ տվել... Առևտուրը ա՛յդպես է լինում... Կա՛րգա. հետաքրքիր է, թե վիշապը ի՞նչպես ընդունեց տղային:

ՔԵՐԵԳԱ.— Ի՞նչպես պիտի ընդուներ... Անշուշտ կտոր-կտոր արած կլի- ներ:

ՏԻԿ. ՎԱՐԱԿՅԱՆ.— (Ժպտուն): Հենց է՛դ ա, է՛է՛... Հեքիաթների մեջ մի՛շտ ամենապատիկ տղան սպանում է վիշապին: Ես շա՛տ եմ սի- րում այդպես հեքիաթները:

ՔԵՐԵԳԱ.— Ժա՛ հեքիա՛թ չէ. այլաբանական գրույց է:

ՏԻԿ. ՎԱՐԱԿՅԱՆ.— Կուզի՛ յալլիբան էլ լինի մեջը. սի՛րում եմ... Դե՛հ, կա՛րգա...

ՔԵՐԵԳԱ.— (Քիչ լուռ և մտախոհ մնալուց հետո՝ կարգում է): «Եվ եր- րորդ որդին, կտրիճ Միլլեթը, եկավ կանգնեց երկաթի դռան մոտ, վիշապի պալատի առաջ»... (Վեղհատում է, մեկնե՛ց դառնում է մո- րը): Կուզեի իմանալ, սրբաշենցիք էլ կա՞ն դրանց մեջ:

ՏԻԿ. ՎԱՐԱԿՅԱՆ.— Բա սրբաշենցիք ի՞նչ գործ ունեն ըտեղ:

ՔԵՐԵԳԱ.— Չէ... Ցորեն բերողների՛...

2) Նույն և Սերգո (ծառան)

ՍԵՐԳՈ.— (Փոշոտ՝ երևում է դռան մեջ): Խա՛նում...

ՏԻԿ. ՎԱՐԱԿՅԱՆ.— Ի՞նչ կա... Թողոտ ո՞ւր ես զալը մտնում:

ՍԵՐԳՈ.— Բա աղեն ո՞րտեղ ա. գեղացիք սպասում են ախր:

ՏԻԿ. ՎԱՐԱԿՅԱՆ.— Էլ ինչի՞ են սպասում. թող գնան է՛լի...

ՍԵՐԳՈ.— Չե՛ն գնում. ասում են՝ աղի հետ գործ ունենք:

ՏԻԿ. ՎԱՐԱԿՅԱՆ.— Իրա օթա՞խում չի:

ՍԵՐԳՈ.— Չէ, մտի՛կ տվի... Խաշատո՞ւրն ա ընտեղ:

ՏԻԿ. ՎԱՐԱԿՅԱՆ.— Դե ուր որ ա՛ կգա... Թող սպասե՛ն... Անց կենալիս Հերիքնաղին ասա մսի քյափը քաշի՛ էս ա գա՛լիս եմ... (Մտաւն գնում է):

ՔԵՐԵԳԱ.— Ինչո՞ւ են սպասում գյուղացիք, մայրի՛կ:

ՏԻԿ. ՎԱՐԱԿՅԱՆ.— Ի՛հ... աղջի... մեկ հալալ չե՛ս թողնում հեքիաթը լսեմ... Դե ես ի՞նչ գիտեմ. հալբաթ գործ ունեն:

ՔԵՐԵԳԱ.— Այո՛... Երևի վեքսիլները նորոգելու... (Ելնում է և գնում դե- պի լուսամուտը. այնտեղից): Մայրի՛կ. Բաղդասար ամին շա՛տ խեղճ է:

ՏԻԿ. ՎԱՐԱԿՅԱՆ.— Ասում են՝ շա՛տ խեղճ է... ինչո՞ւ ես հարցնում... վեց-յոթ ջան ընտանի՛ք ունի:

ՔԵՐԵԳԱ.— Եվ շա՛տ էլ պարտք... բաս ո՞րտեղից է այդքան ընծա բե- րում մեզ... (Քիչ լուռ): Տոկոսների տե՞ղ է... Դու չգիտե՛ս, մա՛յ- րիկ, թե նա ո՞րքան է պարտ հորս:

ՏԻԿ. ՎԱՐԱԿՅԱՆ.— Հո՞րդ... (Չարմացած): Բա նա ինչի՞ պիտի հորդ պարտք ունենա:

ՔԵՐԵԳԱ.— Ո՛ւնի... 100 ոտքի է պարտքը, բայց 200 պիտի տա... Հարյուրը՝ մի տարվա տոկոս... Մեկին-մեկ... Մածունը, գաղը— դրանք էլ ավելի...

ՏԻԿ. ՎԱՐԱԿՅԱՆ.— (Շփոթված): Ես էդ չէի իմանում... (Ակամա նեղացած): Դե տե՛ղն ա նրան. ինչի՞ ա պարտք անում. թող յորդանի գլորա՛՛՛ր ոտները պարզի... (Ելնում է և ֆայլում դեպի դուռ):

ՔԵՐԵՉԱ.— Չլսեցի՛նք, թե վիշապը ինչպես ընդունեց տղային:
ՏԻԿ. ՎԱՐԱԿՅԱՆ.— Դե կարող՞եմ ես, որ... Գնամ տեսնեմ կուխնումը ի՞նչ են անում. Մատվեյ Եգորիչը էսօր ճաշին մե՛զ մոտ է գալու:

ՔԵՐԵՉԱ.— Դատավո՞րը... Իսկ հա՞յրս երբ կերթա նրա մոտ:
ՏԻԿ. ՎԱՐԱԿՅԱՆ.— (Չարմացած՝ կանգ է առնում): Ընչի՞ որ... Երբ կանչի:

ՔԵՐԵՉԱ.— Երևի շուտո՞վ... (Մտախոհ՝ նայում է դուրս լուսամուտից):
ՏԻԿ. ՎԱՐԱԿՅԱՆ.— (Քիչ նայում է նրան, նետո գլուխն է շարժում և դուրս գնում):

Դրում խառն աղմուկը մեծանում է. լսվում է Գրիգոր աղայի բարձր ձայնը: Հետո աղմուկը հանկարծ դադարում է, և Գրիգոր աղան է խոսողը՝ դսից:

ԳՐԻԳՈՐ.— (Դրսից): Լա՛վ, կտեսնե՛նք... Մի քիչ սպասե՛ք...
ՔԵՐԵՉԱ.— (Ցնցվում է, դառնում և գնում է ննջարանը):

3) Գրիգոր, ֆաչալ Մառափուս

ԳՐԻԳՈՐ.— (Մտնում է խորհի դռից, նայում է շուրջը): Էս ո՞ւր են մերոնք... (Գնում է դեպի ննջարանի դուռը և քիչ բաց է անում): Դու այստե՛ղ ես, Քերե՛զ... Հա՛, կարող՞եմ ես: Լա՛վ, քեզ անհանգիստ չենք անի: (Փակում է դուռը և Մառափուսին): Դեհ, տեսնե՛նք... Նստի՛ր... Ասածներս արի՛ր...

ՄԱՐՏԻՐՈՍ.— Բա չէի՞ անի: Կանչեցի ամենքին: Կգան: Էնպե՛ս ուրախ էին որ...

ԳՐԻԳՈՐ.— (Չար ժպտով): Հիմար լինելուցն է... Նստի՛ր: Ապա՛, ցույց տուր վերսիլները... Շա՛տ է:

ՄԱՐՏԻՐՈՍ.— Հինգ հարյուր մանեթի... Հենց որ փողերը տաս՝ ձեռք կբաշեն:

ԳՐԻԳՈՐ.— Իսկ գրա՞ծն ինչքան է:

ՄԱՐՏԻՐՈՍ.— Ճիշտ 703 մանեթ... Բոլորը մեկ տարով կամ վեց ամսով... (Հանում է ծոցից մի կապոց և վերցնում է մեկ-մեկ մուրհակները): Ա՛յ, էս մեկը Կարմիր-բարերից Սարուխանինը: 150 կտանք՝ մեկ տարով... Տոկոսն էլ վրան խփած—21? մանեթի:

ԳՐԻԳՈՐ.— Էլ ինչի՞ յոթը... (Ժպտալով): Ամա հասկանում եմ... Մատանա՛ն ես եղել, հա՛...

ՄԱՐՏԻՐՈՍ.— Քո դուլուղումը՝ ո՞վ չի ըլի... Հսենց պակաս թվե՛րն են լավ: (Շարունակում է): Էս մեկը քիչ զո՛ւն էր: Մեր գեղացի առ Շատ գրել չեղավ. կարդա՛լ էր ուզում տա... 200 ուղեց, ու մեկ սահաթ շանա խփելուց հետո՛՛ հազիվ թողաց, որ 250 գրեմ:

ԳՐԻԳՈՐ.— (Բարկացած): 25 տոկո՞ս... Ինչի՞, փողը շո՛ւումն եմ գտել, թե՛ նրա հորն եմ պարտական... Էդ ո՞ր շան որդին էր:

ՄԱՐՏԻՐՈՍ.— Սարիկենց Սմբատը:
ԳՐԻԳՈՐ.— (Ոստնում է տեղից): Ինչ ես ասո՞ւմ... (Ուռախ): Գրավ-բա՛ն. խո գրե՛լ ես:

ՄԱՐՏԻՐՈՍ.— (Ժպտուն): Չէ՛, էլ ի՞նչ գրավ... Վեց ամսով...
ԳՐԻԳՈՐ.— (Ընդհատում է զայրացած): Աղա, քյա՛լալ, քեզ չե՞մ ասել, որ մեր գեղացոց հետ գործ բռնելիս՝ առաջ ինձ հետ խոսես... Է՛ջն ես եղել, է՛լը... Բա դու չե՞ս իմանում, որ նրանց տունը մեր տանը կպած ա...

ՄԱՐՏԻՐՈՍ.— Գիտեմ, ո՞նց շիմանամ... Ամա դե որ չեղա՞վ...
ԳՐԻԳՈՐ.— Պա՛տռի դեն քցի: Չե՛մ աալիս. ո՛չ մի կոպեկ... Թե իր տունը գրավ կդնի՛ր...

ՄԱՐՏԻՐՈՍ.— (Նորամակ): Բա որ գրավ դնի. ինձ ի՞նչ խեր կա դրանից:

ԳՐԻԳՈՐ.— Հա՛յ շունն ես, հա՛... Դե՛, քեզ ես պակաս եմ գոհացրել... Հիսուն մանեթ կտամ, թե Սարիկենց Սմբատը մեկ ճանկա ընկնի:

ՄԱՐՏԻՐՈՍ.— (Ոտքի է ելնում): Բաս տուր... (Մի ձեռքով մուրհակն է ցույց տալիս և մյուս ձեռքը պարզում): Հրես, ա՛յ. ձեռք քաշած, տունն էլ գրավ դրած. փողն էլ ես տվի, որ դու ինձ տաս...

ԳՐԻԳՈՐ.— (Ուռախ): Հարամզադենն ես եղել, հա՛... Ամա հա՛լալ ըլի քեզ—տամ... (Հանում է և տալիս): Տո՛ւր վերսիլը... Տես թե եկող տարի ո՞նց եմ մեր բաղը լենացնում էդ կողմից...

4) Նույեմ, Սերգո, Քերեզա

ՍԵՐԳՈ.— (Երևում է դռան մեջ): Աղա՛, գեղացիք...

ԳՐԻԳՈՐ.— (Հախտուն): Ի՞նչ... Թող սպասեն:

ՄԱՐՏԻՐՈՍ.— Աղա՛, լա՛վ չի, մի սպասեցնի. կեսօր կզառնա. մարդիկ խեղճ են, գործեր ունեն:

ԳՐԻԳՈՐ.— Բաս լավ. գնա օթախս տար՝ գալիս եմ:

ՍԵՐԳՈ.— Ընտեղ ախր հաշատո՛ւրն ա խաչքարեցոց հետ հաշիվ տեսնում:

ԳՐԻԳՈՐ.— Ըտե՛նց... (Քիչ քալ): Բաս կաց... (Գնում է դեպի Քերեզի)

ննջարանը, դուր քիչ բաց է անում և աղչկան): Քերե՛զ... (Քիչ լուռ): Որ դուրս գնաս՝ պարտեզում կարողաս, լավ չի՞ լինի... Հիմի այստեղ գյուղացիներ կլցվեն. նրանց զոռզոռոցը քեզ կխանգարի: **Քերեզ**.— (Ներսից): Լավ... Գնամ...:

Գրիգոր.— (Աչքով է անում ծառային և ինքը սպասում): **Քերեզ**.— (Քիչ հետո դուրս է գալիս և անցնում. Մարտիրոսի խոնարհ բարեկին: Մյուս դռան մոտ հասնելիս՝ դռանում է հորը): Հա՛յր, այդ եկող գյուղացիների մեջ սրբաշենցիք էլ կա՞ն...:

Գրիգոր.— (Չարմացած): Ի՞նչ... Սրբաշենցիք... Չէ, ինչի՞ որ... **Քերեզ**.— Ոչի՞նչ... (Գնում է):

Գրիգոր.— (Նրա գնալուց հետո կենդանի մտախոհ դառնում է Մարտիրոսին): Դու բան հասկացա՞ր...:

ՄԱՐՏԻՐՈՍ.— (Ուտերն է բռնում): Բարիչենն հիվանդ ա երևում...:

Գրիգոր.— (Ծառային): Ասա թող գան հիմի... Խանութին էլ ասա՝ թող մեկ գնա Քերեզի մոտ... (Խիստ): Շա՛ն օրը կզցնեմ ձեզ, թե բարիչենի քեֆին կպել եք... Գնա՛... (Ծառայի գնալուց հետո): Հիվանդ ա երևում... (Կենտոտ և կատաղի): Է՛ն-է՛ն-է՛ն... արլակատի՛ն... (Սքափվում է և Մարտիրոսին): Պրծի՛ր. էլի՞ կա:

ՄԱՐՏԻՐՈՍ.— (Խոնարհ): Մեկը մնաց... Շա՛տ չի. 150—մեկ տարով տված՝ 236 մանեթ... Սպիտակ-շենից:

Գրիգոր.— Լա՛վ, թող ձեռք բաշեն, երեկոյան բեր ու փողերն ստացիր... Դե՛հ, հիմի դու գնա: Բաղդասար ամին, բանը թե գան՝ խոսիր հետները, մինչև ես ըստեղ պրծնեմ:

ՄԱՐՏԻՐՈՍ.— (Գնում է դեպի դուրը):

Գրիգոր.— Ամա բաղչեն շմտնեք... Ղալմաղա՛լ էլ չհանեք:

ՄԱՐՏԻՐՈՍ.— Չէ. քուչումը կսպասենք, մինչև մյուսները գնան, (Գնում է):

5) Գրիգոր, Մարկոս, Գալուստ և Հայրապետ (պյուղացիներ)

Գրիգոր.— (Մեռակ. դեմքը կենդանի և մոռյալ): Ամեն բան ասած կլինի... Սրբաշեն... հը՛մ... Չլինի՞ դա էլ է պատմել... (Սպառնալից): Սպասի՛ր, ես քեզ էնպես թոցնեմ որ...:

ԳՅՈՒՂԱՅԻՔ.— (Նրանում են դռան մեջ, ներս են գալիս և կողքին խոնարհ կանգնում):

Գրիգոր.— (Նրանց): Նե՛րս եկեք... Հը՞, ուզում եք թագացնի՞... (Նեղացած): Չէ՛, էլ չե՛մ կարող... Փողերս բերեք ու պրծնի-գնա... Գործերս հավաքում եմ-գնում ըստեղից, հավիտյա՛ն գնում... է՛ն ա ձեզ նոր ատվա՛կատ ա եկել. նրա՛ն գնացեք, թող նա՛ պարտ

տա ձեզ... Քանի նա կա—էլ ես ի՞նչացու եմ... Ես ձեզ կողո՛ւպտում եմ—զրկում. ես փիս մարդ եմ... Հրե՛ն, լավ մարդը եկել ա. առանց տոկո՛սի թող տա... Չէ՛, էլ չի՛ կարելի, փողերս տա՛լեք... Գործերս հավաքում եմ:

ԳԱՌՈՒՍ.— Դե էլ ինչո՞ւ ես նեղանում, աղա, մենք սկի ե՞րբ ենք տեսել նրա երեսը... Կամ նա ի՞նչ փող ունի, որ մեզ պարտք տա... Մենք քեզ չե՛նք թողալ... դու մեզ մի՛շտ լավություն ես օրելի... էս անգա՛մ էլ արա, քեզ դուրբան... Չունենք, բան չմնաց. քյասադ տարի էր... Չմեռս կկոտորվեն՝ թե եղածն էլ ծախենք ու պարտքներս տանք:

ԳՐԻԳՈՐ.— Դե բա ես ո՞նց անեմ. խո պարտավո՞ր չեմ ձեզ... Թե լավություն էր—է՛ս էլ հերիք էր: Հայ-քրիստոնի պես՝ էս երկու տարի փողս ձեզ մոտ՝ արբարո՛տ չի անում... Խո ես խաղնատար չեմ, յա միլիոնատեր... Չի՛մ կարա, չէ. փողս պիտի տաք... (Խիստ՝ նրստում է):

ՀԱՅՐԱՊԵՏ.— Մեզ վրա իզո՞ւր ես նեղանում, աղա՛... Չունենք, ո՞ր տեղից տանք. խո վերջին ունեցածներս էլ չե՛նք ծախելու: Մի քիչ մա՛շալ տուր, տոկոսը վրա՛ն եկ՝ մինչև եկող ամառ...:

Գրիգոր.— (Բարկոյթյամբ): Փիե՛... էդ ի՞նչ տեսակ ես խոսում. տո՛. կասես ե՛ս ըլեմ քեզ պարտական... Բա դու խիղճ չունե՞ս... Ես ի՞նչ ասեմ՝ որ ունեցածս էլ ձեզ մոտ քնացնեմ... Հալա գնացել եք է՛ն... է՛ն լա՛ծիրակին էլ գանգատվել, թե ես ձեզ կողո՛ւպտում եմ, զրկում եմ...:

ԳԱՌՈՒՍ.— Բո՛ւյ, մեղա՛ ասածու... Ո՞վ ա ըտենց բան արել... Աստված, ե՛րկինք... Ընչի՞, բա մենք երախտիք չե՞նք իմանում...:

ՄԱՐԿՈՍ.— Ա՛յ Գրիգոր աղա, յանի որ ուշք չդարձնես էդ երեխին— չի՞ ըլի... Թող իրա համար հա՛ խոսա, ասի. քեզ ի՞նչ կարա անի որ...:

Գրիգոր.— (Ուռփի է ելնում, հպարտ): Բո՛, իհա՛րկե... Ես ո՞ւմ շունն ա որ... Ամա ես ձե՛զ համար եմ ասում. ձե՛զ եմ խղճում... որ ըտենց մարդկանց ձեր մեջը թողաք է՛է՛— էլ ինձ պես մարդիկ ձեզ չե՛ն օգնի... Ընչի՞, գծվե՛լ են, որ հա՛մ օգնեն, հա՛մ էլ խոսք լսեն...:

ԳԱՌՈՒՍ.— Դե ի՞նչ անենք, ա՛՛ քեզ մատաղ. դուրս խո չենք անելու գեղիցը:

Գրիգոր.— Դո՛ւրս կանենք, բա՛ս... Ընչի՞, որ հասարակությունը կամենա, չի՞ կարող թուղթ շինի, նաշախիկին, գուբերնատորին... Թե էս մարդը մեր հասարակության մեջ չե՛նք ուզում... Հը՞, Մարկո՛ս, սա լավ չի՞...:

ՄԱՐԿՈՍ.— Բա ի՞նչ անենք. Ախր մի պատճառ պիտի ըլի՞, թե՛ չէ... է՛ն մարդը որի՞ն ա վնաս տվել... Յա թե չէ...:

ՀԱՅՐԱՊԵՏ.— (Ընդհատում է): Մեր քոյսվան էլ ասում են, հետը բարեկամ ա, միշտ ընտե՛ղ ա, միա՛սին են:

ԳՐԻԳՈՐ.— (Մարկոսին): Պատճա՞ռ՝ ասում ես... Տո սրանից լավ պատճա՞ռ—որ պատվական մարդկանց անո՛ւնն ա կոտորում, զրպա՛րտում ա... Յա թե չէ՛ խոսվություն ա գցում գեղումը...

ԳԱՆՈՒՍ.— Ո՞նց կըլի, աղա՛: Բա ընչի՞, քննություն չե՞ն անի... հենց ընենց մեր ասա՞ծին կլսեն: Չե՞ն ասի, թե սուղումը գանգատ տվեք ու քննենք... Յա թե չէ՛ որ թուղթ էլ հենց շինենք—ողջ հասարակությունը ձեռք կքաշի՞, քոյսվան կթո՞ղա. չե՞ն հարցնի, թե մարդը ի՞նչ ա արել. որ ուզում եք գեղեցը դուրս բշի...

ՄԱՐԿՈՍ.— Չէ՛, աղա՛, էտ ըլելու բան չի... չե՛նք կարա... բան չի՛ գուրս գա:

ԳՐԻԳՈՐ.— (Քիչ նրանց է զենում, հետո հանկարծ ժպտում է և ավելի կակուղ): Ա՛յ թե միամիտ խալխ եք ըլել, հա՛... Հավատացիք, է՛լ, որ իմ շա՛տ վեջնա, թե նա գե՞ղումն ա, յա չէ... (Խրոխտ): Տո՛, ըստի մտիկ տվեք մեկ, է՛... (Գլխարկը վեր է քաշում և ձեռքը ճակատին խփում): Ա՛յ, ճակատս բա՛ց ա, ո՛չ ոքից վախ չունեմ: Ո՛չ գողություն եմ անում, ո՛չ ավազակություն... Ընչի՞ց պիտի վախենամ... Հա՛նաք արի, հա՛նաք... Ա՛մա միամիտ խալխ եք... (Բրունգրոսիկ քրքիչ, հետո լրջանում է): Հա՛, դե վնա՛ս չունի. էն որ էդքան խնդրում եք, է՛լի ձեզ լավություն կանեմ. հայ-քրիստոնյա ենք, քանի ձեռքերիցս լավություն գա՛ պիտի անենք... Գնացեք քյաշալին թաղա վեքսիլներ գրել տվեք... Աչքի՛ս վրա. թող փողերըս մե՛կ տարի էլ ձեր մոտը պառկի. կորած տեղ չի:

ԳԱՆՈՒՍ.— Աստված քեզ անպակաս անի: Աստծով... եկող տարի...

ԳՐԻԳՈՐ.— Աստծո՞վ, աստծո՞վ... Քյաշալը ցածումն ա. վեքսիլներ էլ կա մոտը (Գալուստին): Քոնը ի՞նչքան ա, Գալուստ... Հա՛, 125 մանեթ ա, չէ՞... Գրել կտաս 200. Դու էս տարի, գիտե՞ս, բոլորովի՛ն մոռացել ես մեզ: Ո՛չ բազիցդ ես մեզ պտուղ, յա գինի... ոչ զատկին մի գառը... Բա մեր փողը հենց ընենց, մոռա՛ցա պառկի մոտը... 200 գրել կտաս:

ԳԱՆՈՒՍ.— Վա՛յ, աղա՛, էդ ի՞նչ կրակի մեջ ես գցում ինձ... Բա ես կա՛րամ էդքան տոկոս տալ... Բա ինձ ընտանիք չո՞ւնեմ... Մարկոսի՛ց էլ ավելի տոկոս:

ԳՐԻԳՈՐ.— (Բարկություն): էդ գու ո՞րտեղից իմացար, թե Մարկոսից պակաս տոկոս եմ առնելու... Համ էլ՝ Մարկոսը մա՛րդ ա, դո՛ւ ինչ ես: Նոր տարուն, ծնունդին՝ էլ խոզի ճուտը, է՛լ կարագ, գառը... Ո՛չ մի բանիցը չի մոռանում. մարդը գի՛տի լավություն, երա՛խ-

տիք... (Մարկոսին): Քոնը 75 մանեթ ա—գրել կտաս 125... 25 մանեթ պակաս... էլ մի՛ ասի, թե մենք երախտիքը բանի՛ տեղ չենք դնում...

ՀԱՅՐԱՊԵՏ.— (Գրգռված): Ի՛մը ի՞նչքան գրել տամ, աղա՛...

ԳՐԻԳՈՐ.— (Դառնալով դեպի նա, զսպված բարկությամբ): Հը՛մ, քո՞նք. 200 չի՞, գրել կտաս 300. է՛դ ա, կուզես՝ գրել տուր, չես ուզի՞ փողս բեր... Ի՞նչ ա, քեֆիդ չեկա՞վ... Բա կարծում ես մոռա՞ցել եմ... Միտդ չի՞, կանչեցի արտոս հնձես—չեկար. այգիս փորես՝ փախար... Քեզից հլա մինչի օրս մի խի՛լ էլա չեմ տեսել...

ՀԱՅՐԱՊԵՏ.— (Բարկությունից դողալով): Բաս էտ ա, է՛լի... Հա՛մ էնքան տոկոս տամ, հա՛մ էլ մոռա՛ցա գամ բա՛նեմ քեզ համար...

ԳՐԻԳՈՐ.— (Կատաղի): Մո՛ռֆտա... Տո բա ես քո հո՞րն եմ պարտական, յա՞ քեզ. տո. բաս քեզ տված փողը իմ կնճա, աղջկա բերնիցը կրտրա՞ծ չի, քրտինքովս աշխատա՞ծը չի... Հը, հա՛րամազաղա, ասա տեսնե՞նք... Ո՞նց ես էգուց եթ սուղը տամ վեքսիլդ, տուն ու տեղդ վեր գրեմ, տավարդ ծախեմ. քեզ շոխըր պցնիմ... Ա՛յ ես ձեզ մարդ ասողին, հա՛... է՛դ ա իմ լավությունը... Գնա՛ կորի, գնա փողս բեր՝ ու ռադ ըլի աչքիցս... Ձեզպեսները պիտի բաղցած սատկեն, որ խելքի գան... հարա՛մազաղա...

6) Նույն և Թերեզա

ԹԵՐԵԶԱ.— (Որ դռնից անշշուկ ներս էր մտել, զուճառ՝ կոթնում է դռան և ականջ է դնում):

ԳՐԻԳՈՐ.— (Չի նկատում նրան, երեսը Հայրապետին է և շարունակում է, հետզհետե ավելի զայրացած): Հա՛յդե, էլ ո՛ւր ես ցցվել ըստեղ... Գնա փողս բեր. որտեղան կուզես՝ 200 մանեթս իր տոկոսովը գտի ու բեր... Թե էսօր չես բերել, աստվա՛ծ է վկա, փալասոդ տակիցդ քաշել կտամ...

ՀԱՅՐԱՊԵՏ.— (Խեղճացած և մեղմ): Աղա՛, դե ես ի՞նչ ասի որ... Ախր առածս ըսկի հարիր մանեթ չի ըլի, մեկ տարվա մեջ երկու հարյուր դարձրիր. հիմի էլ վրես բարկանում ես, թե ինչ ա մոռա՛ցա չեմ եկել ու բանել քեզ համար. յա թե չէ գառը, գինի ընծա չեմ բերել... ու 300 ես շինում... (Լացի ծայնով): Բա ես մե՞ղք չեմ, ուզում ես, որ երեխքս կոտո՞րվեն, հիվա՛նդ, սովա՛ծ...

ԳՐԻԳՈՐ.— (Կատաղի): Տո ի՞նձ ինչ, ա՛խմախ, որ թեկուզ ամենքդ էլ սատկեք... բա որ ըտենց ա, էլ ո՛ւր ես գոռոգոռում, ո՛ւր ես մեծ-մեծ խոսում: Չէ՛, գնա՛, գնա՛ փողս բեր ու ռա՛դ ըլի... Չունես—

էզուց և եթ տակիր դռա՛կն էլ քաշել կտամ... հարա՛մզագա...
(Շարժում գործելու ժամանակ հանկարծ նկատում է Քերեզային և լուում):

ՀԱՅՐԱՊԵՏ.— Աղա...

ԳԱՌԻՍՏ.— (Որ նույնպես նկատում է Քերեզային, բոթում է Հայրապետին): Սո՛ւս, տո՛...

ԳՐԻԳՈՐ.— (Ճիգ է գործում, քաղցր ժպիտ ստանում և գնում դեպի աղջիկը): Հը՛, օթա՛խդ ես ուզում գնալ... Բա էդ բնչի՞ հս գույնդ գցել... Հիվա՛նդ ևս... (Գյուղացոց՝ խիստ դեմով և բուռն շարժմամբ): Կո՛րեք...

ԳՏՈՒՂԱՑԻՔ.— (Կծկված՝ անցնում են Քերեզայի մոտով):

ԹԵՐԵԶԱ.— (Լուռ՝ հանապարհ է տալիս և կծկում դիմագծերով, լաց լինելու պես՝ նայում է նրանց ետևից և հուզված՝ կոթբռնում դռան):

ԳՐԻԳՈՐ.— (Ուզում է բռնել նրան): Բո՛ւ... ա՛ղջի, էդ ի՞նչ էլավ. քեզ, է՛է՛... Ո՛ւր է մայրդ... (Կանչում է գոնից): Ա՛յ կնիկ, Սաթե՛նիկ... Թե՛րեզ, գլուխս պտտեց... Թո՛ղ ինձ, ես սենյակս կերթամ... (Քայլում է դեպի սենյակը, բայց կես ճանապարհին կանգ է առնում և հանկարծ դառնում դեպի հայրը): Հա՛յր... ուրեմն... իրա՛վ է այդ բոլորը...

ԳՐԻԳՈՐ.— Ի՞նչը, աղջի՛կս... (Խիստ): Դու մեզ լսո՛ւմ էիր... Ի՞նչ ես խոսնվում իմ առևտրական գործերի մեջ... Սա առևտո՛ւր է, դիմացինդ՝ կոպիտ, անտաշ գյուղացիներ... նստի՛ր, նստիր՝ գնամ մորդ կանչեմ... (Ուզում է գնալ):

ԹԵՐԵԶԱ.— (Ում տալով իրեն): Ո՛ւ... մնա՛, հա՛յր... խոսե՛լ եմ ուզում քեզ հետ... Այդ դուռն էլ փակիր... (Նստում է):

ԳՐԻԳՈՐ.— (Ուտերը քրթվելով՝ դուռն է փակում, լուրջ կերպար է ստանում և մտախնամ է: Մի բույս երկուսն էլ լուռ են: Քերեզը գլուխը խոնարհած, իսկ հայրը ուշադրությամբ զննում է նրան):

ԳՐԻԳՈՐ.— Ապա՛, ի՞նչ է ասելիքդ... Գործ ունեմ, ասա՛... (Կատարելապես գսպել է իրեն, խիստ դեմ է ընդունում և նստում): Խոսի՛ր... Թե հիվանդ ևս, քաղաք գնա մորդ հետ... Այդ ասե՛լ եմ քեզ, դու չե՛ս ուզում: Կո՛ւզես՝ հենց ա՛յսօր գնա. երևի կարոտել ես քաղաքին...

ԹԵՐԵԶԱ.— (Ձարմացած և լուռ՝ նայում է նրան):

ԳՐԻԳՈՐ.— Դե ասա տեսնե՛նք... Թե ցավ ունես և քաղաք չե՛ս ուզում գնալ՝ այստեղի բժիշկը կանչենք... Բայց (ժպտալով): Չլինի՛ փող

է ուզածդ, հը՛... Գիտես, որ չեմ խնայում ոչինչ... Ի՞նչքան ես ուզում—տամ: (Ձեռքը ծոցն է տանում):

ԹԵՐԵԶԱ.— (Ցնցվելով ոտքի է ելնում, դեմադրեմ մի բույս նայում է հորը, հետո խիստ): Հա՛յր, դու ինձ մի՛շտ երեսայի տեղ ես դնում... Ամեն բանի վե՛րջը կա, հա՛յր...

ԳՐԻԳՈՐ.— Ուրեմն ի՞նչ է ուզածդ, ի՞նչ է ասելիքդ... Չլինի՛ էլի այն անպիտանի մասին է... Միրո՛ւմ ես նրան—ինչո՞ւ մերժեցիր... (Հեղճորեն): Չուզեցիր իբր վա՛րձ դառնալ իմ փրկության... փրկություն... ինչի՞ց, օրի՛որդ, ումնի՞ց... Նրանի՞ց, այդ լակոտի՞ց... ավելի շուտ մտածիր նրա՛ն փրկել իմ ձեռքից. հասկանո՞ւմ ես. նրան, որի թողը երկինք կբարձրանա շուտով... (Լրջանում է): Թա՛ղ երեսայություններդ, Թերեզ. կարդացածդ ուսմաների միջից վերջրած խոսքերն էլ թող... Միրո՛ւմ ես նրան—գնա՛, ես խո չե՛մ արգելում: Ընդհակառակն... Տես ես որքա՛ն բարի եմ և ներողամիտ նախատե՛ց ինձ, ավազա՛կ կոչեց—բայց եթե դու կամենաս նրա կինը լինել—ամենը կմոռանամ և հոժարությունս կո՛ւամ... էլ բան ուզո՞ւմ ես: Սրանից ավելի՞ն...

ԹԵՐԵԶԱ.— (Քիչ լուրջունից հետո՝ վճռակա՛ն): Հա՛յր, ես ուզում եմ, որ դու զղջաս և շարունակես այլևս այդ կեղտոտ արհեստը, այգ... գյուղացիներին կեղեքելդ... (Խիստ): Ամաչո՛ւմ եմ, որ քո աղջիկն եմ, հա՛յր...

ԳՐԻԳՈՐ.— (Ուտնում է տեղից և բարկությամբ): Ահա՛ թե ինչ... ամաչում ես, որ իմ աղջի՛կն ես... Այդպե՛ս ես խոսում դու հո՛րդ, հորդ հետ, որ քեզ համար ոչինչ չի խնայել... Ա՛յդ է քեզ ուսման տալուս հետևանքը... Այդպե՛ս ուրեմն... Լա՛վ, դու այսուհետև՝ կտեսնես. կտեսնես, թե ի՞նչ է նշանակում հորդ դեմ զինվել, նրա գործերի մեջը խոսնվել...

ԹԵՐԵԶԱ.— Հա՛յր...

ԳՐԻԳՈՐ.— (Խիստ բարկացած): Լո՛իր: Անզգամություն չեմ ուզում... Ահա՛ ուսմանդ, քեզ ազատ մեծացնելու, երես տալուս հետևանքը... (Քայլում է դեպի դուռը): Չհամարձակվե՛ս հորդ հետ այդպես Անզգամ... (Դուռն է գնում և դուռը շրխկոցով փակում ետևից):

7) Քերեզա, տիկին Վարակյան

ԹԵՐԵԶԱ.— (Դեմքը ձեռքերի մեջ՝ մնում է, հետո, հուսահատ ցնցումներով հեկեկում է բազկաթոռի մեջ: Այդ տևում է մի բույս. բեմի վրա լուրջուն է):

ՏԻԿ. ՎԱՐԱԿՅԱՆ.— (Ներս է վագում վախեցած): Քերե՛զ, քե՛զ դուրբան, էդ ի՞նչ ա եղել քեզ... Հերդ դրկեց, թե հիվանդ ես... (Գրկում է նրան): Ասա՛, ո՞րտեղդ ա ցավում... Բժի՛շկ կանչենք...

ՔԵՐԵՉԱ.— (Բարձր հեկեկալով՝ ընկնում է մտ գիրկը): Ա՛խ, մա՛յր, մա՛յր, որքա՛ն թշվառ եմ ես...

ՏԻԿ. ՎԱՐԱԿՅԱՆ.— Բո՛ւյ... ա՛յ աղջի, ի՞նչի, ի՞նչ էլավ քեզ... Գնա՛նք, գնանք պառկիր... (Տանում է ննջարանը, որի բաց դռնից լսվում է Քերեզայի հեկեկալու ձայնը):

ՏԻԿ. ՎԱՐԱԿՅԱՆ.— (Ննջարանից): Բո՛ւյ, ա՛ղջի, դե հերիք ա, է՛է՛... Պա՛ռկի, պա՛ռկի... էս շուրն էլ մեկ խմի՛... Ըտե՛նց... (Գուրս է գալիս ննջարանից, դուր փակում, ականջ է դնում, հետո գլուխը երեցնելով և զգույշ փայլերով՝ խորհի դռնից դուրս է գնում): Բեմի վրա մի բոպե լուռ է:

8) Գրիգոր, Մարտիրոս, Բաղդասար, Մարգար և Զաֆար

ԳՐԻԳՈՐ.— (Ներս է մտնում: Ետևից՝ Բաղդասար, Զաֆար, Մարգար և Քաշալ Մարտիրոս): էդպես, հա՛, Բաղդասար ամի... (Նստում է): Ազա՛, բաս էդբան էլ նամբըյո՞ն կըլեն... Ինձ վրա գա՛նգատ եք ուզում անի, ինձ սո՛ւզն եք ուզում քաշ տա. էս ծեր հալո՞վս... Հա՛յ-գիտի աշխարհ, հա՛յ. տե՛ս, թե ինչ օրերի ենք հասել: Սրանց ես լա՛վություն անեմ, փող տամ, խեղճությունից ազատեմ, որդկերանցը սովածությունից քաշեմ-հանեմ... (Մարգարին): Ազա՛, բաս դու մոռացա՛ր, որ ոտներս ընկել՝ աղաչում էիր... Թյո՛ւ ձեռք նամուսին, հա՛... (Զաֆարին): Բաս դո՛ւ, բեհայա՛, դո՛ւ չէիր, որ հլա կնգանդ էլ ուղարկել էիր, լա՛ց, արտասո՛ւր... Հմի ինձնից, գանգատ եք անում, է՛լի, ինձ սուզն եք քաշում, հա՞... Տո՛, բաս ուզում եք փողս ո՛ւտի, ո՛ւրանա... Բա ըտենց բա՞ն եք լսել, հը՞...

ԲԱՂԴԱՍԱՐ.— (Շփոթված): Յանի որ... հանց որ... տո՛կոսը...

ԶԱՔԱՐ.— էլ ինչի՞ ես նեղանում, ա՛ղա. էն ա սուղը կվճռի, է՛լի, թե մենք քեզ էնբա՛ն ենք պարտական, ինչքան գրած ա վեքսիլումը...

ԳՐԻԳՈՐ.— Փիե՛... Տո բաս դո՛ւ չես ձեռք քաշել տակին... Հրես, ա՛յ... (Հանում է վեքսիլների ծրարը և միջից մեկը դուրս բերում՝ խոսելով միաժամանակ): Թուր ու թվա՞նքով վախացրի, բուկիցդ հո՛ւպ տվի... Չէիր ուզում, ո՛ւր էիր ձեռք քաշում: Հը՞, ըտե՛նց չի, Մարտիրո՛ս...

ՄԱՐՏԻՐՈՍ.— Դե հմի ազա՛, սխալվել են, դալաթ են արել, բաշխի... հեղճ մարդիկ են, փող չունեն, որ տան...

ԳՐԻԳՈՐ.— Տո՛, որ փող չունեն տան, էլ ո՛ւր են գանգատի դնում: Ընչի՞ մեկ չեկան ինձ մոտ, խնդրե՛ին. «Գրիգոր աղա՛,— ասեին,— դո՛ւրբան, չունենք, չե՛նք կարող պարտքներս տալ. խղճա մեզ»... Ես էլ խո մա՛րդ եմ, կնիկ-զա՛վակ ունեմ, խո ջանալար չե՛մ... Հա՛լթաթ մի բան կանեի. յա թե, ո՛վ ա իմանում... քրիստոնյա չե՛մ, սիրտ չունե՛մ... Քաղցր լեզուն, աղաչանքը՝ ի՞նչ քար սիրտ ասես՝ որ չշարժի... հը՞, Բաղդասար ամի, սրա՛ն ինչ կասես, սո՛ւտ եմ ասում... Ես անզգա՛մ մարդ եմ, քեզ քի՛չ լավություն եմ արել...

ԲԱՂԴԱՍԱՐ.— Հանց ո՛ր... ի՛հարկե, աստված կյանք տա... Ամա գե ասում են՝ թագա զա՛կոն... Յանի որ մենք էլ, դե՛, ուտելու հաց չունենք, սո՛ված...

ԳՐԻԳՈՐ.— Տո ընչի՞ ինձ մոտ չեկար առաջ: Մեկ գայիր, ըտոնք դե՛ք ասեիր... Թե քեզ հետ կովեի, ուշունց տայի, յա մերժեի—է՛լի գնայիր էն լակոտի մոտ... Հը՞, հենց հմի, որ էդ ասում ես, յանի ես շա՛տ գիտեի, որ հալդ փի՛ս ա, շե կարողանում պարտքդ տա... (Լուտ՝ նայում է գլուղացոց և մյուս կողմից հանում է ձեռքի ծրարից երեք մուրհակներ: Փյուղացիի թեև գլխիկուր են, երբ չի նայում, սրտատուրի հետևում են թղթերի շարժմանը): Տո՛, հա՛յ-վաններ, ե՛ս եմ էլի ձեռք հին բարեկամը, թե՛ էն թագա եկած լակոտը... էլ ո՛ւր եք հայ-հարա՛յ—նրան վազել... Ըստի մտիկ տվե՛ք... Ես որ ուզենամ շար լինել է՛, որ վեքսիլներդ տանեմ սուղը, ունեցած չունեցածներդ գրել տամ—էն լակո՛տը ձեզ կազատի... (Քրեֆիչ): Ախմախնե՛ր... Ամա տեսե՛ք, ես է՛ն մարդը չեմ... (Հանկարծ Բաղդասարին): Հլա մեկ մոտ արի, ամի՛... Մո՛լի տո՛ւ... էս չի՞ վեքսիլը:

ԲԱՂԴԱՍԱՐ.— (Մտտեցում է և նայում): Հա՛, է՛դ ա...

ԳՐԻԳՈՐ.— Բաս, դո՛ւ, Մարգա՛ր, էս էլ քոնը չի՛:

ՄԱՐԳԱՐ.— Ազա՛, բաս գործը սուզն էիր տվել ախր...

ԳՐԻԳՈՐ.— (Քրեֆիչով): Տո ե՛ս չեմ գործը սուղ տվել... Հլա չե՞ք հասկացել, որ սու՛ղիան էլ է ձեռքումս, նաչա՛լիսիկն էլ, դուք էլ... (Լուրջ): Գործդ ե՛ա եմ վերցրել... (Զաֆարին): էս էլ քոնը, Զաֆար... (Ցույց է տալիս):

ԶԱՔԱՐ.— (Ուզում է մոտ գալ և վերցնել):

ԳՐԻԳՈՐ.— Կա՛մաց... Հլա կա՛ց... Ո՞նց ես սուղը տամ ու բաղդ ձեռքից թոցնեմ, հը՞... Ալեքսան բեկը կարա՞ ազատել քեզ... (Բալուրին): Խո հմի երեքդ էլ ձեռքո՞ւմս եք: Թպրտացե՛ք՝ ինչքան կուզեք, ամա ա՛, սրանց դեմ խոսալ չի ըլի, չէ. ձե՛ռք եք քաշել—պտի տաք:

ՔԱՉԱԼ ՄԱՐՏԻՐՈՍ.— Դե բրձի, աղա՛, մի՛ տանջի, խեղճ են, էլ հո՛գի շմնաց վրաները:

ԳՐԻԳՈՐ.— Լա՛վ. է՛դ էլ ա իմ ձեռքին... (Գյուղացոց): Ա՛յ, երեքիդ վեբ-սիլներն էլ... Տեսնո՞ւմ եք... Նայեցե՛ք (Պատուում է): Ըսենց... էլ տալիք շունեք ինձ... Աղա՛տ հմի... Դե գնացե՛ք, ըստունց դենը ինձ ո՛ւշունց տվեք, սո՛ւղ քաշ տվեք...

ԲՅՂԴԱՍԱՐ.— Ա՛յ, աստված քեզ օր ու արև... Ա՛յ դու ող... Վա՛յ ես քու հոգուն... Յանի որ... (Լուում է հուզված):

ՄԱՐԳԱՐ.— (Վրա է վազում և ուզում է Գրիգորի ձեռքը համբուրել): Բա ես շո՞ւն եմ, մարդ չե՞մ... քո ա՛մագդ...

ԳՐԻԳՈՐ.— (Ձեռքը ետ է կաշում): Լա՛վ, լա՛վ, պե՛տքը չի...

ՋԱՔԱՐ.— Յանի էդ ի՞մ վեբսիլն էր... (Վերցնում է գետնից պատառած և գնում): Պրծա՛, ա՛ խալխը... դրո՛ւստ... (Բնկնում է Գրիգորի ոտները): Բախշի՛ աղա, որ ոտովդ էլ զուլխս տրորես...

ՅՐԻԳՈՐ.— (Ուռնով հրում է նրան): Վե՛ր, վե՛ր ու՛ղ ըլի. գնա ժա՛մումը երկրպագություն տուր...

ՄԱՐՏԻՐՈՍ.— (Այդ միջոցին հանել է ծոցից մի քույթ, մի կողմի սեղանի վրա է դրել, գրիչ քարախել): Դե՛, ամի՛, Մա՛րգար ու Ջա-քար, հմի դեսն եկեք... էս թղթին ձեռք քաշեք...

ՋԱՔԱՐ.— (Վախեցած): Ձե՛ռք քաշենք...

ՄԱՐԳԱՐ.— էդ ի՞նչ թուղթ ա, որ...

ՄԱՐՏԻՐՈՍ.— Պտի ձեռք քաշեք, որ էլ աղիցը պահանջ լա գանգատ չու-նեք, որ շնորհակալ եք, որ աղեն ձեզ լա՛վություն ա արել...

ՄԱՐԳԱՐ.— Յանի էդ հարկավո՞ր ա... Որ ձեռք չքաշենք՝ չի՛ ըլի...

ԳՐԻԳՈՐ.— (Սաղ): Թո՛ղ, Մա՛րտիրոս, իրանց կամքն ա. կուզեն՝ ձեռք կքաշեն, չեն ուզի՝ թող գնան, աստված իրանց հետ... Ամա՛ թե շնորհակալ են, թե իմանում են իմ արած լավությունը...

ՄԱՐՏԻՐՈՍ.— Հա՛լբաթ... Բա ըտենց բա՛ն կըլի: էլ ի՞նչ են ուզում: Հա՛մ պարտքներիցը պրծնեն, հա՛մ էլ օրհնող ըլե՛ն, ոտքերդ էլ չպա՛-չեն... (Բաղդասարին): Ե՛կ, ե՛կ, ամի՛, ձեռք դիր ըստեղ, որ ո՛վ ա իմանում—բալթի ըստեղ-ընտեղ խոսաք աղի վրեն...

ԲԱՂԴԱՍԱՐ.— Յանի որ... ի՞նչ կա, ձեռք դնեմ... (Մտախոհում է և նա-յում է քղթին, հետո՛ հանկարծ): Դո՛ւ քո աստվածը, քյաշա՛լ, սա խո թազա վեբսիլ չի՞...

ՄԱՐՏԻՐՈՍ.— (Ծիծաղում է): Տո քո՞ն ես, վեբսիլը հասարակ թղթից չոկել չե՞ս կարում... Հրե՛ն, Ջաքարը կարգալ գիտի, թող կարգա՛ հետո՞ ձեռք քաշեք... (Թուլքը տալիս է Ջաքարին): Կարդա՛, Ջա-քա՛ր:

ՋԱՔԱՐ.— (Լուռ կարդում է, հետո դնում սեղանի վրա): Վեբսիլ չի, շնորհակալություն թուղթ ա:

ԲԱՂԴԱՍԱՐ.— Բա սո քո ըտենց ա, մյոհոս դնեմ... (Հանում է գրպանից կնիք, նկույթով քանաֆ քսում, քղթի վրա շունչ փչում և կրն-բում է):

ՄԱՐԳԱՐ.— Տուր ե՛ս էլ ձեռք քաշեմ... Աստված աղին կյանք տա, քն-չի՞ չեմ քաշի:

ՋԱՔԱՐ.— (Լուռ առնում է գրիչը և ստորագրում):

ԲԱՂԴԱՍԱՐ.— (Հուզված՝ Գրիգորին): Յանի որ... աղա՛... բա ինչպե՛ս դուրս գանք էս քո լավությունիցը:

ԳՐԻԳՈՐ.— (Ելնում է): Սկի—հինչ... Դնացեք մեկ-մեկ արաղ էլ անուշ արեք, որ աստված ձեզ հետ... Ձեր տվածովը ո՛չ էս կհարստա՛ստ, ո՛չ էլ չտվածովը՝ կաղբատանամ... Քեֆա ուզեց՝ արի:

ՋԱՔԱՐ.— Դե գնանք, ա՛ խալխը... Ըսենց լավություն սկի՛ մարդ չէր արել մեզ...

ԳՐԻԳՈՐ.— (Կեղծ համեստությամբ): Քրիստոնյա ենք... Ավետարանն ա՛ ասում, թե՛ «թող մեզ զպարտիս մեր»... (Մարտիրոսին): Դրանց մեկ լավ պա՛տվիր, Մարտիրոս:

ԳՅՈՒՂԱՑԻՔ.— (Թարեմադրություններով՝ խառնիխառն և խոհարհ ու-չույններով դուրս են գնում):

ՄԱՐՏԻՐՈՍ.— (Ամենից վերջն է ելնում, դուրս կիսափակ՝ դառնում է և ատամները բաց՝ լուռ ծիծաղում է Գրիգորին):

ԳՐԻԳՈՐ.— (Քրեջում է): Հա՛-հա՛-հա՛... ա՛յ թե արմախներ... Ըտե՛նց ձեռ հոգին կհանեն հա՛... Վնաս չունի, հայրա՛թ էլի մեկ ձեռք կընկ-նեք դուք... (Երբ Մարտիրոսը բուրովին գնում է, սպառնալից և բուր սեղմած): Դե հմի, պարո՛ն Ալեքսան, մնացինք էս ու դու...

ՎԱՐԱԳՈՒՅՐ

ՉՈՐՐՈՐԴ ԱՐԱՐՎԱԾ

Ալեքսանդրի սեյակը, բավական մեծ: Աջ կողմում, լուսամտի առաջ՝ գրասեղան՝ քրքրեով և գրեթե: Բազմաթուղի, մի փոքրիկ գրադարան: Ձախ կողմից մի դուռ տանում է դեպի սրահը: Խաբամ՝ պարտեզից, մտափ դուռ է: Ժամը ցերեկվա 11-ն է:

1) Ալեքսանդր (մենակ)

(Գրում է ֆիշ, հետո գրիչը ցած դնում և մտախոհ է ու երազում): Ո՛րիչ բան է, երբ կովի ես գնում՝ հայրենիքի ազատության համար կովի ելնող ոգևորված զինվորի պես՝ զվարթ և ուրախ, գրեթե պարելով... և ուրիշ՝ երբ սիրտդ սեղմված, ճակատդ կնճիտներով ակոսած, տխուր քայլում ես դեպի կով՝ կախաղանի գնացող հանցավորի նման... (Ելնում է և նեմում, հետո նստում է բազկաթոռի մեջ): Վայրենին, լինի՛ նույնիսկ լավ ավարի հույսով, գնում է նիզակը ճոճեցնելով, ուրախ աղաղակներով... Իսկ ե՞ս... Ե՛ս նույնպես գնում եմ կովի, հանուն արդարության ոտնատա՛կ եմ տալիս ամեն՝ արգելք... սակայն ես նիզակս ամենա՛յն զգուշությանմբ եմ շարժում, որ սրտի՛ս չզարնեմ... (Քիչ լուռ): Փոքրագություն է այս, զգո՛ւմ եմ. նման է սա պարտավորության արդյունքի, բայց ո՛չ երբեք բուն համոզման և մե՛ծ զգացմունքի... (Քայլում է): Կուզեի մտած չլինել այս կովի մեջ... և կա՛ր՝ ճանաչա՛ծ չլինեի... (Ընկնված՝ մոտենում է լուսամտին և կտրեում նրան):

2) Նույն և Կիրակոս (ծառան)

ԿԻՐԱԿՈՍ.— (Բերում է մի բաժակ սուրճ): Մատվեյ Եզորի՛չն ա եկել...

(Բաժակը դնում է սեղանի վրա): Աղի հետ զալու՛մը խոսում են...

ԱԼԵՔՍԱՆԴՐ.— Լավ... Տանուտերին գնացի՛ր:

ԿԻՐԱԿՈՍ.— Շատո՛նց... Հմի կգա: (Գնում է):

3) Ալեքսանդր (մենակ)

(Քիչ լուռ): Հասարակության համար գործողը չպիտի կապվի ուրքի հետ, ո՛չ... Իրավունք ունեի թերեզան... Խայտառակված վաշխառուի աղջի՛կ—և խայտառակողի կինը... (Նայում է լուսամտից լուռ): Որքա՛ն էլ ձանձրալի է այս գյուղը... Մի՛շտ միևնույն դեմ-

քեր... Ո՛չ մի շրջան, ո՛չ մի կո՛ւտորական կյա՛նք... Մարդ ակամա ենթարկվում է տիրող դանդաղ ոգուն... Ախորժակ էլ չի մնում պարապելու... (Վերադառնում է դեպի գրասեղանը): Եվ, սակայն, որքա՛ն վշտեր ու ցավեր, որքա՛ն անարդարություններ...

4) Նույն և Արշակ

ԱՐՇԱԿ.— (Շտապով ներս է գալիս սրահի կողմից, մի կապոց թուղթ ձեռքին): Ներեցե՛ք, սպասեցնել տվի ձեզ... Ահա՛ ձեր ուզած թղթերը: (Ձեռք է տալիս և կապոցը հանձնում):

ԱԼԵՔՍԱՆԴՐ.— Ոչի՛նչ... Շնորհակալ եմ... Այստե՛ղ են բոլորը:

ԱՐՇԱԿ.— Բոլորը... (Նստում է): Տխուր եք երևում:

ԱԼԵՔՍԱՆԴՐ.— Մատվեյ Եզորիչը տեսա՞վ ձեզ... սրահում:

ԱՐՇԱԿ.— Այո՛, ասացի, որ քիչ գործեր ունենք առանձին... Գիտե՞ք, ամբողջ գյուղը գրեթե ոտքի վրա է: Բոլորը հետաքրքրվում են, թե ի՞նչ կլինի վերջը: Երեք-չորս հոգի բռնել ճանապարհին՝ խընդրում էին, որ տեղեկություններ տամ: Իհարկե, ասացի, որ դուր դեռ բողբոջ չեք ներկայացրել: Բոլորը, սակայն, սպասում են դատի սկսելուն... Որ գիտենաք, թե քանիսներին է թշվառացրել այդ մարդը, քանիսներ՝ շունչ կառնեն նրա ընկնելովը...

ԱԼԵՔՍԱՆԴՐ.— Իսկ ի՞մ, ի՛մ դրությունը... Գիտե՞ն նրանք այդ Գիտե՞ն, որ հրեջը ընկնելով՝ կփշրի ամենից առաջ ի՛մ սիրտը, ի՛մ ծնողների ու ի՛մ կյանքը...

ԱՐՇԱԿ.— (Լուրջ): Լսեցեք ինչ կասեմ ձեզ պ. Ալեքսան՛... Երբ սրանից մի քանի ամիս առաջ գյուղ եկաք և առաջին օրն իսկ այնքա՛ն ոգևորությամբ խոսում էիք ձեր անելիքների մասին, էս ուրախացա, որ մեր զարգացածներից մե՛կը, վերջապես, մտածեց իր գործունեությունը լիովին նվիրել գյուղացուն, բուսականանա՛լ շորհացով, միայն թե գործել այնտեղ, ուր թանձր խավարը լույսի շառավիղին է կարոտ՝ ինչպես թոռմոռ բույսը՝ անձրևին... Նս ուրախացա, երբ դուք վճռեցիք այդ նշանավոր վաշխառուին ոչնչացնելու համար կովի ելնել... Ձեր այդ քայլը արդար և մեծ գործի համար՝ ոգևորեց ի՛նձ ևս... Իսկ այժմ, ա՛յն բոպին, երբ կտրական մեծ հարվածը պիտի իջեցնեք, զարմանալի է ձեր վհատությունը... Այդպես շե՛ն ընկճվում նրանք, որ կովի են ելնում հանուն արդարության. այդպես շե՛ն ողբում...

ԱԼԵՔՍԱՆԴՐ.— Հե՛շտ է ասել այդ բոլորը, շա՛տ հեշտ է... Ինչո՞ւ կեղծել սակայն, երբ սրտիդ խորքում այդպե՛ս չէ. երբ զգում ես, որ

այդ կովի մեջ ի՛նքդ էլ կորցնելու ես շա՛տ բան... գուցեև ամեն բան...

ԱՐՇԱԿ.— (Քիչ լուրջունից հետո): Տեսնում եմ իսկապես, որ բավական ծանր է այդ առաջին քայլը... Դժբախտաբար, առաջին քայլը մի՛շտ ծանր է լինում... Բայց ենթադրել, որ դուք ն՛տ կկանգնե՛ք, որ պենքը ցա՛ծ կդնեք... որովհետև ձեր անձնական վնասնե՛րը...

ԱԼԵՔՍԱՆԻՐ.— (Վեր է կենում խիստ): Ո՛չ... ես կանգնել չեմ ուզում... (Յույց է տալիս մի մեծ թուղթ): Ա՛հա բողոքը...

ԱՐՇԱԿ.— Հաշտարար դատավորին, անշուշտ...

ԱԼԵՔՍԱՆԻՐ.— Ինչո՞ւ այդպես... Ո՛չ, ես ձեր բերած թղթերին էի սպասում: Գրիգոր աղան արհեստով վաշխառու է, նրանով հարստացած և բազմաթիվ թշվառություններ գոյացրած... Շրջանային դատարանն է նրա տեղը...

5) Նույն և Մատվեյ Եգորիչ, Սահակ

ՄԱՏՎԵՅ ԵԳՈՐԻՉ.— (Մտնում է Սահակի հետ: Ալեքսանին՝ դուռ մտնելից): Ա՛յ տղա, հերի՛ք, է՛է՛... Մի ժամ է սրահում սպասում եմ, որ դուրս գաս... Տանուտերն էլ, խո՛. երևի է՛լի փիլիսոփայական ճառեր է կարդում գլխիդ...

ԱԼԵՔՍԱՆԻՐ.— (Ձեռք է տալիս): Ո՛չ, գործերո՞վ էինք զբաղված:

ՄԱՏՎԵՅ ԵԳՈՐԻՉ.— Գիտե՛մ, գիտեմ. Սահակ բեկն ասում էր, որ գանգատ ես պատրաստում... постои, եղբայր... մի քիչ լուրջ խոսենք բեզ հետ... (Նստում է): Ա՛յ, տանուտերն էլ հազր այստեղ է, հա՛յրդ էլ... Ասա՛ խնդրեմ, ախր ինչո՞ւ ես ուզում չցաված գլուխդ ավետարանի տակ դնել, հը՞... Ախր քո ի՛նչ գործն է վնասվում... Գե՛, մեկ կողմաների պես խոսենք... Եղբա՛յր, հազր մեզ համար հանգիստ նստել էինք... Գրիգոր աղան էլ ո՛չ այնքան անիրավ է, որքան դու ես ենթադրում...

ԱԼԵՔՍԱՆԻՐ.— (Ընդհատում է նեղացած): Զի՛ կարելի արդյոք, Մատվեյ Եգորիչ, որ թողնե՛նք այդ խոսակցությունը:

ՄԱՏՎԵՅ ԵԳՈՐԻՉ.— Ինչո՞ւ, ինչո՞ւ, եղբա՛յր: Քի՛չ ազու՛հաց ենք կերել հորդ հետ, որ նրա փորձանքի օրերում անտարբեր մնում ես... էս է տասը տարի՛ միմյանց ջան ենք ասել, ջան՛ լսել... Հիմի դու ուզում ես, որ ես լիսառնվե՛մ... էդպես չի՞, Սահակ, դու զա՞բուկ կանես, որ ես ձենս կտրեմ:

ՍԱՀԱԿ.— Ի՛նչ ես ասում, Մատվե՛յ. բաս դու որ շխոսես, էլ ո՞վ պիտի խոսի. օրենք հասկացո՞ղ, փորձված բարեկա՛մ...

ՄԱՏՎԵՅ ԵԳՈՐԻՉ.— Տո՛տո՛, եղբա՛յր, մենք խո փորձվա՞ծ ենք օրենքի

մեջ... (Ալեքսանին): Լավ, հիմի արի հենց օրե՛նքիցը խոսենք... Դու որ գանգատ տաս, ասենք՝ փաստեր էլ գտնես, սուղը քննի—դրանով խո հորդ պարտքը չի՛ բախշվի. խո գյուղացիները չեն՛ ազատվի տալիքներիցը, հը՞... Ասե՛նք կարողացար հաստատել, որ մեծ տոկոսներ է վերցրել. հետո՞, խո՞ հետևանքն ա՛յն կլինի, որ գործը կրնկնի էս սուղիցը՝ է՛ն սուղ, ապելա՛ցիա, սենա՛տ... Ի՛նչ է, չլինի՞ կարծում ես, թե Գրիգոր աղան, էն ա, սուղի վճռովը գոհ կլինի, հա՞... Իսկ մյուս կողմից՝ հայրդ խո՞ մի քանի օրից հետո կա՛մ պիտի ցնծա, կա՛մ բաղիցն ու տնիցը ձեռք պիտի քաշեք... Հը՞, եղբա՛յր, թե սխալ եմ ասում, ասա՛:

ԱԼԵՔՍԱՆԻՐ.— Ինձ միայն զարմացնում է այն, թե ինչպե՞ս դուք, որ հորս բարեկամն եք կոչում ձեզ, թույլ եք տալիս, որ 3500 ոտբուլ փոխարեն՝ 5000 վճարվի և կամ տունն ու այգին խլվի:

ՍԱՀԱԿ.— Սա՛շա, լսիր ինձ, ախր, է՛է՛... բեզ խո ասացի մի քանի անգամ: էն մարդը ձեռք է քաշում տոկոսիցը, չոլորովի՛ն... Հլա մեկ 500 մանեթն էլ պարտքի գլխիցն է բաշխում...

ԱՐՇԱԿ.— Հազա՛ր էլ, ե՛րկու հազար էլ կբաշխի... Որ ոչինչ էլ չտաս— մուրհակդ ետ կտա, միայն թե որդիդ նրան դատարան չբաշխի, լիսայտառակի:

ՍԱՀԱԿ.— Հա՛, հենց այդ է: Ախր, նա՛ էլ խեղճ է, չէ՞: Թեև արդար եմ,— ասում է,— խիղճս մաքուր է, բայց չե՛մ ուզում, որ ինձ դատարան բաշ տան. ամոթ է էս ծեր հալովս՝ ասում է...

ՄԱՏՎԵՅ ԵԳՈՐԻՉ.— Ի՛հարկե, բա՛ս... Հե՛շտ բան է՝ իբր հանցավոր նստել այնտեղ... Վաշխառո՛ւ... այն ծեր, պատկառելի մարդը, կրե՛զա-աղջկա, այնքա՛ն մեծ գործերի տեր մարդը... Թեկուզ ա՛րդար էլ դուրս գա, բայց է՛լի... (Ալեքսանին): Լսի՛ր, Սա՛շա, ա՛րի քաղցր տեղը կապենք ու վերջացնենք-գնա... է՛նպես, է՛լի... Տեսնենք պահա՛նջդ ինչ է... Քանի դեռ գործը սուղ չի ընկել՝ մե՛ր մեջ, է՛նպես...

ԱՐՇԱԿ.— (Ալեքսանին): Առաջարկում են արդարությունը ծախել: Սակարկում են...

ՄԱՏՎԵՅ ԵԳՈՐԻՉ.— (Նրան): Զարմանալի՛ մարդ ես դու էլ, Արշա՛կ... Ի՛նչ սակարկության բան կա այստեղ. հաշտո՞ւթյան գործ է. ես առաջարկում եմ հաշտվել, մի կերպ գործը կարգադրել մե՛ր մեջ:

ԱԼԵՔՍԱՆԻՐ.— Իսկ դուք պաշտոն ունե՞ք նրա կողմից՝ այդ անելու:

ՄԱՏՎԵՅ ԵԳՈՐԻՉ.— էդ ո՛չինչ... Դու քո՞ պայմանները ասա, տեսնենք. հետո իմ պարտքը լինի գնալ նրան համոզել... էլ ինչացո՞ւ հաշտարար դատավոր եմ... Քեզ համար միևնույնը չէ, եղբա՛յր—այստեղ

գործը վերջացնել կամ դատարանում, զերծալի առաջ. գործը չէ՞ որ
ի՛նձ մոտ է գալու:

ԱԼԵՔՍԱՆԴՐ.— (Փայտուն): Այդ դեռ հարց է... Կան գործեր, որ հաշտա-
բար ատյանին չեն ենթարկվում և ամենից առաջ՝ քննիչի մոտ են
գնում:

ՄԱՏՎԵՅ ԵԳՈՐԻՉ.— (Զարմացած և վախեցած ոտքի է ելնում): Ինչպե՛ս...
Դու... դու ուզում ես... Քննի՛չ... Ա՛յ թե ինչ... Постои, եղբա՛յր,
ինչի՞ պետք է քննիչ, մարդասպանությունն է, քրեական գո՞րծ է,
ի՞նչ է...

ԱԼԵՔՍԱՆԴՐ.— Գրիգոր աղան արհեստով վաշխատու է և հարստացել է
գյուղացոց կողոպտելով ու կեղեքելով... Գործը, ըստ օրինի, կեր-
թա նախ քննիչի մոտ, հետո՝ շրջանային դատարանը...

ՄԱՏՎԵՅ ԵԳՈՐԻՉ.— (Բարկուրյունից կարմրելով): Вот тебе раз!...
Սյո՛ւրպրիզ... Ուզում ես ուրեմն մարդուն Սի՛բիր քշել տաս. կորց-
նե՛ս... Եվ փաստեր ունե՛ս, փաստե՛ր. թե՛ է՛նպես, զուլամա ասում
ես... Խոսք չկա, սյո՛ւրպրիզ... Ակրուժնոյ սո՛ւր...

ԱՐՇԱԿ.— Փաստեր շա՛տ կան:

ՄԱՏՎԵՅ ԵԳՈՐԻՉ.— (Նրան՝ բարկուրյամբ): Երևի դո՛ւ ես տվել, չէ՞...
Հը՛մ... լա՛վ է, լա՛վ է... Գյուղացոց էլ երևի արդեն պատրաստել ես...
Նո՛ւ, եղբա՛յր, այդ ձեզնից չէի սպասում. ծեղ մա՛րդ. ընտանիքի
տե՛ր, ակրուժնո՛յ, Սիբի՛ր...

ԱԼԵՔՍԱՆԴՐ.— Այժմ Սիբիր չկա այդպիսիների համար արեստանսու-
կայա ըոտա...

ՄԱՏՎԵՅ ԵԳՈՐԻՉ.— (Ճշալով): Տո խո չե՛ս գժվել... էն ծեղ մարդո՞ն,
Թերեզի հո՞րը... Տո՛ւ, черт побери! (Բարկուրյամբ նեմում է):

ԱԼԵՔՍԱՆԴՐ.— Քիչ հանդարտեցե՛ք, Մատվե՛յ Եգորիչ. ինչո՞ւ եք տաքա-
նում, երբ ինքներդ էլ գիտեք, որ այդ մարդու հարստությունը վաշ-
խատությունով է դիզված...

ՄԱՏՎԵՅ ԵԳՈՐԻՉ.— Առևտու՛ր է անում մարդը, խոսք ունե՛ս... Ուրեմն
քո կարծիքով՝ պետք է բոլո՛ր վաճառականներին էլ արեստանսակի
րո՞տ ուղարկել... Հենց մեկը Մակարով Գալուստը, ձեր ազգակա-
նը... Տո՛, անցյալ օրը, իմ աչքիս առաջ, մանեթանոց շալը՝ երեք
մանեթով կապե՛ց մի թարաքամի գլխին, ետևից էլ մի լա՛վ ուշունց
տվավ... Արեստանսակի րո՞տ ուրեմն, հա՞... (Քիչ հանդարտ՝ մո-
տենում է): Չէ՛, եղբա՛յր, այդպես խո չի՞ կարելի... Դու կասես՝ թող

Թարաքաման խելքը գլխին պահեր ու շխաբվեր. ես էլ կասեմ՝ թող
գյուղացիք խելքները գլխին պահեն ու այնքան տոկոսով մուրհակ
չստորագրեն...

ԱՐՇԱԿ.— Ուրեմն Սահակ քե՞զն էլ...

ՄԱՏՎԵՅ ԵԳՈՐԻՉ.— Հա՛, իհարկե, թող չանե՛ր... Արել է— ո՞վ է մեղա-
վորը... Նրան խո սրով ու հրացանով չսպառնացի՞ն, որ ստորագ-
րեց... Առևտու՛ր է սա. ապրանքս ա՛յսբանով եմ տալիս. կուզե՛ս—
առ, չես ուզի—բարո՛վ եկար. դե որ առել ես՝ վճարի՛ր... (Քիչ
լուռ): Եվ կամ, եղբա՛յր, մարդը վատու՞թյուն է արել քեզ, որ
փո՛ղ է տվել ուսմանդ համար... Գոնե անձն մտածելով՝ դու պիտի
խնայես նրան... Նստի՛ր մեկ...

ԱԼԵՔՍԱՆԴՐ.— Այսպես էլ լավ է... Միայն դուք մի՛շտ մոռանում եք,
որ օրենքով որոշ տոկոսից ավելի առնողը...

ՄԱՏՎԵՅ ԵԳՈՐԻՉ.— (Ընդհատում է): Կա՛ց մեկ... Առաջ այդ արեստանսու-
կի ըոտ, ակրուժնոյ սուղ-բան գլխիցդ հանի՛ր... Ամո՞թ է. հորդ հա-
սակի մարդ է, ընտանիքի տե՛ր... Հետո, ինչի՞ց գիտես, որ այն
մարդը, ասենք հենց, չի՞ զղջում իր արածներ վրա, հը՞... օրինակ
հենց. այդքանը բավական չէ՞, որ հորդ տալիքի համար ո՛չ տոկոսն է
առնում, ո՛չ էլ գրավը...

ԱՐՇԱԿ.— Ո՛չ էլ երևի տվածը ետ կուզենա:

ՄԱՏՎԵՅ ԵԳՈՐԻՉ.— Ну да! Հենց այդպես... Ավելի՛ լավ. էդ խո ցույց
է տալիս, որ խղճո՞վ մարդ է, տեսնո՞ւմ է հորդ դրուժյունը, ցա՛-
վում է, բա՛խշում է պարտքը... էլ ուրիշ ի՞նչ է ուղածդ, եղբա՛յր...

ԱԼԵՔՍԱՆԴՐ.— Իսկ գյուղացիներին, նրանց դեմ արածները...

ՄԱՏՎԵՅ ԵԳՈՐԻՉ.— Տո քե՞զ ինչ. նրանք ի՞նչ են տվել քեզ, որ քո ցավդ
թողելի՛ նրանց ցավն ես քաշում. որ քո բարերարիդ... (Նկատելով
Ալեքսանի զայրացկոտ շարժումը): Постои, իհարկե, բարերարիդ,
բանի որ ետ չի ուզում տված փողը... Նրան թողելի՛ գյուղացոց ծրո-
տի-պոտի խոսքերին ես լսում... Ի՞նչ է, մե՞ծ գոնորար են տալիս
քեզ: Տո, կուզե՛ս, Գրիգոր աղին համոզեմ, որ նրանց ո՛ղջի տվածի
կրկնապատիկը հենց էգուց ևեթ դրկի քեզ, հը՞: սրա՛ն ինչ կասես...

ԱԼԵՔՍԱՆԴՐ.— (Բարկացած): Դուք նրա կողմից ուղարկվել եք այդ առա-
ջա՞րկն էլ անելու ինձ...

ՄԱՏՎԵՅ ԵԳՈՐԻՉ.— Հա՛, հենց. հետո՞, ասելի՞քդ ինչ է...

ԱԼԵՔՍԱՆԴՐ.— Իսկ ձե՛զ... ձե՛զ որքան է խոստացել նա այդ միջնորդու-
թյան, այդ ցա՛ծ առևտրի համար...

ՄԱՏՎԵՅ ԵԳՈՐԻՉ.— (Գուճատ և սուկումով ետ է փաշվում): Ի՞նչ... Սա-
շա՛, և դու այդ մտածո՞ւմ ես... Թյո՛ւ... (Մեկե՛ն գլխարկը դնում է
գլխին): Պլեվա՛տ այսուհետև. ավելի լավ է՛ չցաված գուլաս ավե-
տարանի տակ շղենեմ... Ի՞նչ... կաշա՛ոք... Նո՛ւ, մեաք բարե...

(Գնում է դեպի դուռը, այնտեղ կանգնում է և դառնում): Բայց տե՛ս, էլի՛ եմ ասում, Սա՛շա, խնայի՛ր գոնե ծնողներինդ և... հետո Թերեզային... Ինչո՞վ է մեղավոր խեղճը, որ ամբողջ օրը լաց լինի, ողբա... (Ուզում է գնալ):

ԱԼԵՔՍԱՆԴՐ.— (Հուզված՝ վազում է դեպի նա): Թերեզա՛ն... Դուք նրան տեսա՞ք... Ասացե՛ք...

ՄԱՏՎԵՑ ԵՎՈՐԻՉ.— (Կանգ է առնում): Երե՛կ տեսա՛ւ Խե՛ղճ աղջիկ... Այնքան լաց է լինում, այնպե՛ս նիհարել է... Անխի՛ղճ պիտի լինել նրան այդպես տանջելու համար... Բայց, այլևս ես գործ չունեմ, եղբայր... մնա՛ք բարև... (Գնում է):

ՍԱՀԱԿ.— (Ալեքսանի՛ն մեղմ, հանդիմանակա՛ն): Արածո՞ ինչի՞՞ նմանեց, Սա՛շա. Մատվեյ Եգորիչին էլ նեղացրի՛ր... Լսեցի՞ր Թերեզայի հալը... Ախր մարդը խո քեզ վատություն չի՞ անում, քեզ խո չի՞ նեղացնում...

ԱԼԵՔՍԱՆԴՐ.— (Խիստ հուզված): Լո՛ի՛ր, հա՛յր... Թա՛նկ է նստում ինձ իմ ուսումը, իմ սովորածները...

6) Նույն և Թերեզա

ԹԵՐԵԶԱ.— (Որ սրանի դուռը բաց է արել մեղմությամբ. առաջ է գալիս. երևա՛ր է և գունատ): Թույլ կտա՞ք ինձ... (Ընկնում է դռան կողքի արոտի վրա):

ԱԼԵՔՍԱՆԴՐ.— (Վազում է դեպի նա): Թերե՛զ...

ԱՐՇԱԿ.— (Միաժամանակ): Հը՛մ... տարօրինա՛կ է այս...

ՍԱՀԱԿ.— (Միաժամանակ): Վա՛հ...

ԹԵՐԵԶԱ.— Ոչի՛նչ. հոգնած եմ միայն... Վազե՛ցի... Քեզ հետ առանձին խոսել եմ ուզում, Սա՛շա...

ԱԼԵՔՍԱՆԴՐ.— (Հորը): Հա՛յր... (Արշակին): Մի քանի րոպե... Սպասեցե՛ք ինձ սրահում:

ԱՐՇԱԿ.— Ես կգնամ. հետո կգամ:

ԹԵՐԵԶԱ.— Ո՛չ, ինչո՞ւ... երկար չի լինի...

ԱԼԵՔՍԱՆԴՐ.— (Արշակին): Խնդրե՛մ... սպասեցե՛ք ինձ հորս հետ... Կկանչեմ ես ձեզ... (Կիսովին գրեթե գրկել է Թերեզային):

ԱՐՇԱԿ.— (Մի նշանակալից ակնարկ է ձգում Ալեքսանի վրա, և Սահակի հետ դուրս են գնում):

7) Ալեքսանդր և Թերեզա

ԱԼԵՔՍԱՆԴՐ.— Թերե՛զ...

ԹԵՐԵԶԱ.— Խնդրե՛մ, մի բաժակ շուր տուր ինձ այնտեղից:

ԱԼԵՔՍԱՆԴՐ.— (Լցնում է և տալիս. սաստիկ հուզված է): Հանգստացիր, ի սեր աստծո...

ԹԵՐԵԶԱ.— (Խմում է, հետո բիշ շունչ առնում, Էլնում է տեղից և գնում դեպի գրասեղանը): Խոսե՛նք քիչ, Սա՛շա... Երկա՛ր ժամանակ է, որ չենք տեսնվել... (Նստում է): Նստիր ինձ մոտ... (Քիչ լուռ): Ինչո՞ւ ես այդպես նայում: (Տխուր ժպիտով): Փոխված ես գտնում ինձ, չէ՞:

ԱԼԵՔՍԱՆԴՐ.— Ծա՛տ ես նիհարել... Հիվա՛նդ էիր գուցե...

ԹԵՐԵԶԱ.— Ո՛չ... Բայց այս վերջին օրերս գրեթե չեմ ապրել... Մո՛տ նրստիր... Բայց գուցե արդեն սառել ես. այլևս քո Թերեզը չե՛մ գուցե...

ԱԼԵՔՍԱՆԴՐ.— (Հուզված բռնում է ձեռքը): Թերե՛զ... Եվ դու այդ կարողանո՞ւմ ես ասել: Մի՞թե ես ապրել եմ՝ այն օրվանից հետո. մի՞թե ես մի րոպե երջանիկ եմ զգացել ինձ... (Քիկնարողի՛ն է կոթնում): Առաջին օրերը կարծում էի, թե պիտի խենթանամ... մտքերը շփոթվում էին գլխումս: Մի ընդհանուր թուլություն զրկում էր ինձ գործելու, պարապելու ամեն փափագից. թվում էր, թե ուղեղս ճմլում են... Հետո վարժվեցի: Երևի մարդ կարող է թշվառության, մեծ տանջանքների՛ էլ վարժվել ա՛յնքան, որ այլևս անզգա դառնա...

ԹԵՐԵԶԱ.— Ծի՛շտ ինձ նման... Բայց ես դեռ չե՛մ վարժվել: Երևի թույլ բնավորության տեր եմ. երևի իմ մեջ զգացմունքները կլանում են ամբողջ էությունս... Հաճա՛խ դատապարտեցի ինքնիրենս, անվանեցի ինձ թուլամորթ, փոքրոգի... Սակայն, չե՛մ կարողանում... Զափազա՛նց սիրում եմ քեզ... (Կուռնում է դեպի նա):

ԱԼԵՔՍԱՆԴՐ.— (Գզվում է նրան): Ի՛մ Թերեզ...

ԹԵՐԵԶԱ.— (Մեղմությամբ ետ է մղում նրան): Ինձ թվում է, թե այդ նրանի՛ց է, որ արգելքներ են ծնում մեր երջանկության դեմ... Սակայն այլևս չե՛մ կարող, հնարք չեղավ զսպելու, ոչնչացնելու... Եվ ահա եկել եմ ասելու քեզ, Սա՛շա, որ այս երկար տեղ չի կարողոր... որ... որ առանց քեզ այլևս ո՛ւժ չկա ապրելու...

ԱԼԵՔՍԱՆԴՐ.— (Գզվում է): Ի՛մ հրեշտակ, ներ՛իր ինձ խնդրե՛մ... Ա՛խ, ես ինքս էլ չգիտեմ ինչ ասել քեզ...

ԹԵՐԵԶԱ.— (Ընդունում է զգվանքը): Ներելու ո՛չինչ չկա... Դու ինձ սիրում ես. այդ ես եթե չե՛մ տեսնում, գոնե զգում եմ, համոզված եմ... Գիտեմ, թե որքա՞ն ահավոր տանջանք է քեզ համար՝ քայլեր անել ո՛չ դեպի ինձ, այլ դեպի ետ, հետո ինձնից... Բայց առանց

քեզ չե՛մ կարող... Ո՛ւ՛՛ չկա... (Քուլացած՝ գլուխը դնում է նրա կրծքին: Քիչ հետո հանկարծ, բուռն կերպով գրկում է Սաշային և գրեթե շո՛ղում նրա առաջ): Սա՛շա, հոգի՛ս... Ի՛մ էությունն ամբողջ, ի՛մ հոգին, ի՛մ սիրտը լիովին՝ ոտքերիդ առաջն է. կոխի՛ր, կոխի՛ր նրանց, միայն թե մի՛ հեռանա ինձնից... չե՛մ կաշող...

ԱԼԵՔՍԱՆԴՐ.— (Հուզված կուռնում է դեպի նա): Թերե՛զ, վե՛ր կաց... Բայց ես չե՛մ հեռանում. ես կուզեի մի՛շտ, մի՛շտ քեզ մոտ, երբե՛ք քեզնից հեռու...

ԹԵՐԵԶԱ.— (Տանջվելով): Ո՛չ, ո՛չ այդպես... Դու գնու՞մ ես, այդ ես զգո՞ւմ եմ... Գնում ես ավելի, մի՛շտ ավելի հեռու. օրե՛ցօր հեռանում ես... Եվ գուցե այսօր, գուցե վաղն իսկ՝ երկու՞թև դուռն արդեն, սպառնագին, կանգնի երկուսիս միջև... Եվ այն ժամանակ... այն ժամանակ ու՛՛ չե՛մ ունենա այլևս ապրելու... (Հեկեկում է):

ԱԼԵՔՍԱՆԴՐ.— (Ձանալով բարձրացնել նրան): Հանգստացիր, Թերեզ, ի՛ սեր աստժո. այդ ինչե՛ր ես ասում... Քո ձեռքը չե՛՞ անցնելն՝ այդ պատվարը կոխելով...

ԹԵՐԵԶԱ.— (Ցնցվելով ելնում է, քիչ հեռու կանգնում և խիստ): Այդ պատվարը՝ մեր ընտանեկան պատի՛վն է, հորս մարմինը, հասկանո՞ւմ ես... (Վնակահան): Ո՛չ, դա ի՛մ ձեռքը չէ, այլ քո, միմիայն քո... (Քիչ լուռ): Լսի՛ր, Սա՛շա...

ԱԼԵՔՍԱՆԴՐ.— (Նստում է տխուր և ընկնված): Խոսի՛ր...

ԹԵՐԵԶԱ.— (Մոտենում է և ձեռքը դնում ուսին): Դու արդեն սկսե՛լ ես այդ գործը:

ԱԼԵՔՍԱՆԴՐ.— (Մեղմ): Դեռ ոչ. բայց... (Ցույց է տալիս սեղանի վրա): Ահա՛ թուղթը, որով պիտի սկսի...

ԹԵՐԵԶԱ.— (Վազելով դեպի սեղանը): Ա՛հ... (Վերցնում է թուղթը): Դեռ ու՛՛ չե՛՞ ուրեմն... Պատռե՛նք այս թուղթը, Սա՛շա, ես քեզ խնդրում եմ, աղաչում եմ ուղղակի...

ԱԼԵՔՍԱՆԴՐ.— (Գնում է դեպի նա և արգելում): Ի՞նչ ես անում... Թո՛ղ, մի՛ պատռի... (Առնում է թուղթը և մի կողմ դնում):

ԹԵՐԵԶԱ.— Սա՛շա... Եթե՛ դու ինձ սիրում ես, եթե՛ շես ուզում իմ մահը— թո՛ղ, պատռի... Թո՛ղ ուրիշին՝ մտնելու նրա դեմ դատի. դու մի՛ անի... Թող ի՛մ սիրածը չկոխտոխի հորս կյանքը, մեր ընտանեկան պատիվը...

ԱԼԵՔՍԱՆԴՐ.— Թերե՛զ... դու ուզում ես ստորություն, վատություն մղել ինձ...

ԹԵՐԵԶԱ.— Բայց ո՛չ, Սա՛շա, ինչո՞ւ... (Ժպտուն, սիրալիք համազդայական): Ուրիշ փաստաբան չկա՞... Ես խո չե՛մ գրգում քեզ՝ պաշտ-

պանել հորս... Ո՛չ... միայն թող դո՛ւ չլինես նրան տրորողը: Եթե՛ ինձ սիրում ես... եթե՛ ուզում ես, որ ես քոնը լինեմ... (Գզվաճճե՛րով և փայփայելով՝ փառվում է Ալեքսանին): Սա՛շա...

ԱԼԵՔՍԱՆԴՐ.— Դու գիտե՞ս ինչ ես առաջարկում ինձ, Թերե՛զ... Կովի մեջ, թշնամու առաջ գնե՛քը նետող և փախչողի վա՛տ, ստո՛ր դերն ես առաջարկում կատարելու... Եվ այսուհետև, չե՛՞ որ էս ինքս հենց առաջի՛նը կթքեմ ինձ վրա... Դո՛ւ էլ, դո՛ւ էլ, եթե՛ լավ մտածես— չպի՛տի կարողանաս սիրել այդպես ընկա՛ծ մարդու... (Վնակահանորեն, բայց մեղմությամբ ելնում է նրա գրկից): Ո՛չ, Թերե՛զ... Ես քեզ սիրում եմ, գիտե՛՞ աստված, որ առանց քեզ ինձ համար երջանկություն չի լինի կյանքումս... բայց ուրիշների թշվառության գնով ես չե՛մ ուզում իմ կյանքը քաղցրացնել... (Քիչ լուռ): Բայց չե՛՞ որ ասում էիր, թե հայրդ քեզ շա՛տ է սիրում, ոչինչ չի մերժի... Թո՛ղ ուրեմն բերի բոլոր մուրհակները, որոնց ես կթվեմ մի առ մի, բերի ի՛մ առաջ պատռի, թուղթ տա, որ ոչինչ պահանջ չունի գյուղացիներից և կամ... թողնի նրանց իսկական պարտքը՝ օրենքի որոշած տոկոսով... Թող կ'տա տա խլածները...

ԹԵՐԵԶԱ.— (Նստում է հուսահատ և ընդհատում է նրան՝ գլուխը ցնցելով): Անկարելի՛ն ես ուզում... Չի՛ անի... Անհնար է... Թշվառության ճիշերը չե՛ն շարժում նրան... Ա՛խ, եթե՛ իմ հայրը չլիներ նա...

ԱԼԵՔՍԱՆԴՐ.— (Բարկությամբ): Թո՛ղ ուրեմն այդպիսի հորը, գնա՛նք իմ ետեկից... Ի՞նչ է նշանակում հայր, երբ դու նրան անարժան, վա՛տ ես համարում... Այդ ի՛նչ պարտականության ստրկություն է...

ԹԵՐԵԶԱ.— (Սուսկումով), Սա՛շա, մտածի՛ր մեկ ասածիդ վրա... Որդին իր հորը ոչնչացնողի հե՛տ... հայ աղջի՛կ՝ գնալ իր հոր ձեռքի գլուխը տրորողի ետեկից... (Ելնում է): Ո՛չ, դա արդեն չափազա՛նց կլինի... Մնում է ի՛նձ մեռնել, քանի որ դու էլ, ասելով, որ ինձ սիրում ես, չես կամենում զոհել անձնասիրությունդ...

ԱԼԵՔՍԱՆԴՐ.— (Քույլ, հուզմունքից հոգնած): Թերե՛զ, խնդրում եմ մի ստիպի ինձ վա՛տ, ստոր դառնալու...

ԹԵՐԵԶԱ.— (Մոտենում է գզվաճճով): Բայց ինչո՞ւ վատ, ի՞նչ եմ ես ընդունից խնդրում... Գյո՛ւղ ես ուզում մնալ, գործել գյուղում, գե՛անք, թողնենք ամեն ինչ, հեռանանք մի ուրիշ գյուղ, և այնտեղ ցույց տուր, որ կովել գիտես... Բայց այստե՛ղ, հորս... (Քիչ լուռ): Սա՛շա... (Թողնում է և հուսահատ ետ փառվում): Ուրեմն՝ դու մերժում ես, դու այդ չես կամենում...

ԱԼԵՔՍԱՆԴՐ.— Թերե՛զ...

ԹԵՐԵՉԱ.— (Հուսահատ և ջղային): Դու ինձ չե՛ս սիրում, ո՛չ, դու իմ մահն ես ուզում... Թող լինի... (Սկսում է հեկեկալ):

ԱԼԵՔՍԱՆԴՐ.— (Վախեցած հետևում է): Ի՞նչ ես ուզում ասել... դու վախեցնում ես ինձ... Խոսի՛ր...

ԹԵՐԵՉԱ.— (Նույն և ավելի ջղային նիշերով): Այո՛, ես կմեռնեմ... Այլևս ուժ չմնաց իմ մեջ, ո՛չ... ես ուղղակի կսպանեմ ինձ, չեմ կարող, չեմ կարող... (Ջղային դուրքյուն, հեկեկում է շատ բարձր և ընկնում արձողի վրա):

ԱԼԵՔՍԱՆԴՐ.— (Սաստիկ վախեցած և շփոթված, վազում է դեպի ջուր, հետո թողնում, բռունցքով բաց անում սրահի դռնը և ձայնում): Հա՛յր, մա՛յր, շո՛ւտ...

8) Նույն, Սահակ, տիկ. Մանուկյան, Մարգարիտ, Արշակ (Թուրք վախեցած ներս են բափվում)

ՍԱՀԱԿ.— (Տեսնելով Թերեզին): Սա՛շա... Սրա՞ն էլ... Ուրեմն թեզ համար նվիրական ոչինչ չի մնացել...

ՏԻԿ. ՄԱՆՈՒԿՅԱՆ.— Քե՛զ մատաղ, Թերե՛զ, էդ ի՞նչ եղավ թեզ... հանգըստացի՛ր... (Բարձրացնում է նրան):

ՄԱՐԳՈ.— (Միաժամանակ): Թերե՛զ... (Գրկում է նրան): Օ՛, ինչ վա՛տն ես, Սա՛շա...

ԹԵՐԵՉԱ.— (Կանանց): Թողե՛ք ինձ, ես չե՛մ ուզում: Կմեռնե՛մ ես. կմեռնեմ, որ ազատվեմ...

ՍԱՀԱԿ.— Տե՛ր աստված... Ի՞նչ ես խոսում մեռնելու մասին... Հանգըստացի, խո չե՛ս գժվել... Ի՞նչ եղավ, ախր, է՛է՛... (Շփոթված՝ շփտե ինչ անել և գնում է ջուր ամում):

ՏԻԿ. ՄԱՆՈՒԿՅԱՆ.— Ի՛հ, աղջի դու էլ... հիմար-հիմար մի՛ դուստա՛ թե աստվածդ կսիրես... Վե՛ր կաց... (Ամուսնուց ջուր է անում և խմեցնում): էս ջուրը մեկ խմի՛: Ըտե՛նց... Դե հիմի վեր կա՛ց մեկ...

ԹԵՐԵՉԱ.— (Խմում է, շփում ճակատը, ելնում է և ֆայլում դեպի Ալեքսանդր): Սա՛շա...

ԱԼԵՔՍԱՆԴՐ.— (Ստոր և փչ խիստ): Ի՞նչ ես ուզում այլևս:

ԹԵՐԵՉԱ.— Դու մերժում ես ուրեմն, մա՞հս ես ցանկանում... Շա՛տ լավ: Ահա ծնողներդ մոտ ասում եմ... Թող տանուտե՛րն էլ լսի ինձ... Եթե դու հորս կղիպչես՝ իմ մահը կպատրաստես... Վիշապը կընկնի, ճշմարիտ է, բայց ես... Վշտից... օդի պակասությունից:

ԱԼԵՔՍԱՆԴՐ.— Հիմար բաներ ես ասում, Թերե՛զ:

ԹԵՐԵՉԱ.— Պնդո՛ւմ եմ, այգպես կլինի... Չե՛ս ուզում թողնել, որ ուրի-

շը կոխի հորս թշվառ գլուխը և մեր ընտանեկան պատիվը... դո՛ւ ես ուզում, դու՛ որին ես սիրում եմ...

ՍԱՀԱԿ.— Իմ ասածն էլ դա չի՞... Մարդը մեզ գոհացնում է, աղջիկը թեզ սիրում է— իսկ դու նրան, այդ ծերունուն, որ գրեթե իր փոքրիկն է ուսումի տված լինում թեզ, ուզում ես քաշել ակրուծնոյ սո՛ւղ, արեստանտակի բո՛տ դրկել...

ԹԵՐԵՉԱ.— (Ցնցվում է սուսկումից): Ա՛յդ է պատիժը... պատիժը՝ վաշխառուների համար... Արեստանտակի բո՛տ... հո՛րս... (Լուռ եմ ամենքը): Այդպե՛ս... Իմ ծերունի հայրը. իր սպիտակ մազերո՞վ, արեստանտի հագուստո՞վ... (Քուլացած նստում է): Սա՛շա... Ախ որքա՛ն կուզեի այս բոպեիս վերջանար, չգզայի, չլսեի՛...

ՏԻԿ. ՄԱՆՈՒԿՅԱՆ.— Սա՛շա, բաս դու քա՛ր ես, բա կթողա՛ն, որ խեղճ աղջիկը տա՛նջվի... էդպես էլ հանաքնե՛ր կանեն... (Գզվելով Թերեզային): Չէ՛, Թերե՛զ, հանա՛ք են անում... Մարդ սկի իր սիրած աղջկա հորը ըտենց բա՛ն կանի... Հանդարտիր, ծիծաղում են վրեղ... Ի՞նչ սուղ, ի՞նչ բան... Գրիգոր աղեն, խո՛ աստված գիտի— ոչ ոք նրա արած լավությունը մեզ չի արել... Ասել է, թե էլ կո՛պեկ չի անի, տո՛ւնն էլ մեզ կթողնի, բա՛ղն էլ...

ԱԼԵՔՍԱՆԴՐ.— Լո՛ի՛ր, մա՛յր, այդ ողորմությունը մենք չե՛նք ընդունել...

ՏԻԿ. ՄԱՆՈՒԿՅԱՆ.— Ինչի՞ ողորմություն, ա՛յ բալամ... Դե մա՛րդ ա, բար խո չի՞... Հալբաթ տեսնո՛ւմ ա մեր հալը...

ՍԱՀԱԿ.— (Կնոջը): Ի՞նչ ես արամախ-արամախ դուրս տալիս, ա՛յ կնիկ... (Մի կողմը): Ֆո՛ւհ, ասած է, է՛, կնգա բերանը լո՛քի թրջել չի լինի...

ԱԼԵՔՍԱՆԴՐ.— (Հորը): Ուրե՛մն ճի՛շտ է, հայր. նա իրա՞վ խոստանում է մուրհակ ոչնչացնել: Ոչինչ չի պահանջում պարտքիցդ, այո՞... (Պառնուրյամբ): Ուզում է անպատճա՛ռ ցույց տալ, որ իր փոքրիկ ուսում առածն է ոչնչացնելու ելել իրեն... Ուզում է պարտավորեցնե՛լ ինձ, ազնի՛վ ցույց տալ իրեն՝ ուրիշների առաջ...

ՍԱՀԱԿ.— (Շփոթված): Թո՛ղ, Սա՛շա... հետո՛...

ԹԵՐԵՉԱ.— (Որ բուրովիմ ուշի է եկել, ելնում է քույլ): Այժմ թողեք ինձ... Ես ասացի... ուզում է ինձ սպանել... և կուցե, ա՛յդ ավելի լավ է... մեա՛ք բարև... (Քայլում է դեպի դուռ):

ԱԼԵՔՍԱՆԴՐ.— (Տանգվելով և փչ լուրջությունից հետո): Թերե՛զ, մի բոպե... Ուրեմն ա՛յդ է քո վերջին խոսքը. դու չե՛ս կամենում ազնիվ մարդու կինը լինել... թեզ հարկավոր է ուրեմն գժո՛ւմ, ստո՛ր տեսնել ինձ...

ՔերեզԱ.— (Ուզում է վերադառնալ, խոսել):

ԱԼԵՔՍԱՆԴՐ.— (Ձի բողոքում ու վրա է տալիս): *Ո՛ր... գնացե՛ք այժմ...*

Այդ հարվածն էլ թող ավելանա... (Արշակին): Պարո՛ն Արշակ, ի՞նչ է լինում այն կովոզի դրուձյունը, երբ նրա գլխին կարկուտի պես հարվածներ են իջնում, երբ ծեծում են նրան ամեն կողմից...

ԱՐՇԱԿ.— *Այդ ես չգիտեմ, բայց գիտեմ այն, որ սուր շինելու երկաթը որքան լավ և արագ են ծեծում, նա այնքան ավելի կուռ է դառնում, կտրո՛ղ և դիմացկուն...*

ԱԼԵՔՍԱՆԴՐ.— (Մտախոհ): *Այդ ճիշտ է...*

ԱՐՇԱԿ.— (Շարունակում է): *Իսկ եթե երկաթը վա՛տն է, նա փշրա՛նք առ փշրանք կոտորվում է և երկաթն այլևս անպետք է գառնում սուր կռելու համար...*

ԱԼԵՔՍԱՆԴՐ.— (Ուղղվելով): *Ձեր ձե՛րք... (Սեղմում է, հետո Քերեզին՝ հպարտ): Գնացե՛ք այժմ... Ես ձեզ սիրում եմ, բայց չեմ կամե- նում ստորանալ՝ սիրվելու համար... Սերը մուրալ ես չե՛մ ուզում, այլ վերցնել, եթե տալիս են... Ինձ հետ կկողջ պիտի ուրանա և մայր, և՛ ընտանեկան շինծու պատիվ, և հա՛յր... մանավանդ երբ այդ հայրը մի ամբողջ հասարակության դահիճն է...*

ՔերեզԱ.— (Հեկեկալով, ձեռքերի մեջ առած երեսը՝ գրեթե փախչում է դուրս: Մի վայրկյան խոր լուռություն է բեմի վրա):

ԱԼԵՔՍԱՆԴՐ.— (Մեկե՛ն քուլանալով՝ նստում է): *Վերջացա՛վ...*

ՍԱՀԱԿ.— (Նրան): *Բա Սա՛շա, էդպե՛ս կանեն... Մե՛զ, սաներ, չես խղճում. էդ խեղճ աղջկա՞ն ինչու ես սպանում. բա դու գո՞ւթ չու- նես. գյուղացոց ցավերը խաթաբալա՞ դարձան մեր գլխին... խո մենակ դու չե՛ս, ուրիշ մա՞րդ չկար...*

ԱԼԵՔՍԱՆԴՐ.— *Թո՛ղ, հա՛յր... Դուք քաղցած չեք մնա, ո՛չ էլ անտուն... (Ավելի մեղմ): Վա՛ղն ևեթ պետք է դուրս գալ այս տնից... (Հորը՝ խիստ և կտրուկ): Հա՛յր, եթե այդ մուրհակը դու ե՛տ վերցնես, եթե այդ ողորմությունը դու ընդունես... (Ուտի է ելնում): Իմա- ցի՛ր, դու... այլևս իմ հա՛յրը չես... Ես չե՛մ ուզում, որ մի ավա- գա՛կ վճարած լինի իմ ուսման ծախսը...*

ՍԱՀԱԿ.— (Հուսահատ, գլուխը կախ՝ ետ է փախվում):

Ծ) *Նույնի և Կիրակոս, հետո՝ Բաղդասար, Զաֆար, Սերոբ և Մարգար*

ԿԻՐԱԿՈՍ.— (Երևո՛յ է դուռն վրա): *Բաղդասար ամին-բա՛նը եկել են... Հրեն զալումը...*

ՍԱՀԱԿ.— (Թափուրջամբ): *Ի՞նչ... դո՛ւրս արա, շո՛ւտ...*

ՏԻԿ. ՄԱՆՈՒԿՅԱՆ.— *Բա ես հո՛ղիմ զլո՛ւխդ, ինչի՞ նե՛րս թողիր... (Գնում է դեպի դուռ):*

ԱԼԵՔՍԱՆԴՐ.— (Նրան): *Մա՛յր... Սպասի՛ր, հ՛ս եմ խնդրել, որ գան: (Մտալին): Կանչի՛ր բոլորին:*

ԿԻՐԱԿՈՍ.— (Դառնում է դեպի դուրս և կանչում): *Նե՛րս եկեք, աղեն կանչում ա... (Գնում է):*

(Մտնում են գյուղացիք և լուռ՝ կանգնում դուռն մոտ):

ԱՐՇԱԿ.— (Նրանց): *Առա՛ջ եկեք, ինչո՞ւ եք դուռն մոտ մնացել:*

ԱԼԵՔՍԱՆԴՐ.— (Գյուղացոց): *Ա՛յսպես եկեք... Բարև, Բաղդասար ամի... (Մյուսներին): Բա՛րև ձեզ:*

ՍԱՀԱԿ.— (Արշակին՝ մի կողմ): *Յանի, տանուտե՛ր, էս ի՞նչ ա բո արա- ծը. Գրիգոր աղի հետ ոխ ունես՝ Սաշայի՞ն ինչի էս մեջ գցում...*

ԱՐՇԱԿ.— (Սառը): *Սխալվում ես, Սահակ բեկ, ես ոչ մի ոխ չունեմ Գրիգոր աղայի դեմ:*

ԱԼԵՔՍԱՆԴՐ.— (Որ լսել էր այդ խոսակցությունը): *Հա՛յր, բավական է, վերջապես, թողե՛ք ինձ մարդ մնալ և ո՛չ անասուն... Թողե՛ք մեզ մենակ...*

ՏԻԿ. ՄԱՆՈՒԿՅԱՆ.— (Ամուսնուն և աղջկան): *Գնա՛նք, գնա՛նք, գնա՛նք... (Անցնելիս՝ գյուղացոց): Հր՛մ, հողե՛մ ես ձեք զլուխը, հա՛... (Գնում են):*

10) Ալեխան, Արշակ և գյուղացիներ

ԲԱՂԴԱՍԱՐ.— *Բա՛խշի, Ալեքսան բեկ. կրի, որ անժամանակ... Բայց դե որ կանչել էիր՝ եկանք...*

ԱԼԵՔՍԱՆԴՐ.— *Լավ եք արել, որ եկել եք... Ձեզ կանչեցի, որ Գրիգոր աղայի դեմ գրած գանդատին ձեռք բաշեք, քանի որ դուք էլ գան- գատ ունեք նրանից. նա ձե՛զ էլ է կեղեքել:*

ԲԱՂԴԱՍԱՐ.— (Շփոթված և փշ լուռ): *Յանի որ... հանց որ... Դե էլ մեր ձեռք բաշելը ի՞նչ պետք ա... Գիր էլ խո չգիտե՛նք...*

ԱՐՇԱԿ.— *Ես ձեք փոխարեն կստորագրեմ, դուք մյոհ՛ր կոխեք...*

ԶԱՔԱՐ.— *Ես խո էլ գործ չունեմ նրա հետ... Իմ բանը պրծավ սուղու- ժը...*

ԱԼԵՔՍԱՆԴՐ.— *Այո՛, բայց նա բեզ նեղացրե՛լ է, դու խո կվկայե՛ս...*

ԶԱՔԱՐ.— *Վկան խո ձեռք չի բաշի... Մեկ էլ որ, դե ես էլ ի՞նչ վկա... (Շփոթված՝ լուռ է):*

ՄԱՐԳԱՐ.— *Դե, քյոխվա՛, մեր ձեռքը ինչա՞ցու ա... Մենք խո գանդատ չունենք նրանից...*

ԲԱՂԴԱՍԱՐ.— Ե՛ս է... Գրիգոր աղան, շնորհակա՛լ ենք, մեզ գոհացրեց...

ԱՐՇԱԿ.— (Դեմքը կնկնած): Ի՞նչպես թե գոհացրեց:

ԱԼԵՔՍԱՆԴՐ.— Ի՞նչ են ասում դրանք... չե՛մ հասկանում:

ԲԱՂԴԱՍԱՐ.— Յանի որ, Ալեքսան բեկ... Ճշմարի՛տ ա, եկանք քեզ գանգատի... տա՛լիք ունեհինք... դե տվինք— պրծավ գնաց, Վեքսիլն էլ պատռեց. էս աշքերիս առա՛ջ պատռեց...

ՍԵՐՈՐ.— (Առաջ է գալիս): Քյոխվա՛, թողեք ես դուստ ասեմ ձեզ... Սրանց իզուր եք կանչել տվել... էն օր Քյաշալ Մարտիրոսը եկավ, սրանց տարավ աղի մոտ... Ինչ արին-չարին, հալբաթ մի քիչ էլ խմացրին... Տենանք՝ եկան, թե աղեն մեզ գոհացրեց, վեքսիլներս ճղեց... Ճշմարտությունը սա ա: Պարտքները բախշել ա, որ էլ գա՛նգատ շանեն... (Գլուղացոց): Դե ըսենց դյուզ-բադյուզ ասեք, է՛լի էլ ի՞նչ եք դեսուդեն շուռ տալիս...

ԱԼԵՔՍԱՆԴՐ.— (Հուզված): Ահա՛ թե ինչ... Ուրեմն մնում եմ միայն ե՛ս գանգատավոր. ուրեմն ձեզ կաշառե՞լ է. դուք է գալիս, որ ես... Ո՛չ, այս արդեն չափազանց ավազակություն է... (Առջակին): Դուք հասկանո՞ւմ եք, հասկանո՞ւմ եք այս խաղը:

ԱՐՇԱԿ.— (Տխուր): Սպասում էի... Հիմար չէ՛ այդ մարդը:

ԱԼԵՔՍԱՆԴՐ.— Ո՛չ, ո՛չ, այդ չէ... մնում եմ ե՛ս միայն գանգատավոր... Եվ ահա նա ինչ կասի ինձ քննիչի առաջ. «Ի՞նչ գանգատ ունեք,— կասի,— ապերա՛խտ երիտասարդ, չէ՞ որ իմ փողո՛վս եմ ձեզ ուսում տվել... Ձեր հայրը, կասի,— ո՛չ մի կոպեկ պարտ չունի ինձ, ո՛չ մուրհակ ունի, ո՛չ գրավ... Այդ փողը,— կավելացնի նա,— ձս ընծայել եմ նրան... Դիտմամբ էի մուրհակ վերցրել, չե՛մ կամեցել ամաչեցնել նրան, չե՛մ կամեցել բարեգործությունս ցույց տալ... Մուրհակը առել եմ՝ միայն հորդ անձնասիրությունը չվիրավորելու համար... Թողել եմ, որ հավատա, թե ի՛նքն է քեզ ուսում տվել... ոչ մի՛ պարտք, ոչ մի՛ գրավ... քեզ ուսման է՛ս եմ տվել, ե՛ս, ապերա՛խտ... Օ՛ խայտառակություն... (Դեմքը ծածկում է ամոքից):

ԱՐՇԱԿ.— (Գլուղացոց): Քյո՛ւ, ի՞նչ մուրտառ խալիս եք եղել, տո՛... Մի-երկու կոպեկով ձեր հոգին կծախեք... Ամո՞թ, ամո՞թ սպիտակ մորուքիդ, Բաղդասա՛ր սմի, ամաչի՛ր տարիքիցդ, ա՛յ Մարգար... (Ալեքսանին): Հանգստացեք, իզուր եք հուսահատվում. դեռ ամեն բան կորսված չէ:

ԱԼԵՔՍԱՆԴՐ.— Գի՛տեմ, գիտեմ... բայց այս վերջին հարվածը... Սա ավելի՛ խիստ է, պատի՛վս է արատավորում... (Մեկն է գլուղացոց

դառնալով և սպառնալից): Ա՛, դուք կարծում եք, որ եթե չգանգատվեք՝ կազատվե՞ք ձեռքիցս: Դուք գիտե՞ք, թե կաշառք ուտելով սուտ վկայությունը, հանցանք ծածկելը՝ ուր կտանի ձեզ... Ես ձեզ բուրդի դ թշել կտամ... Դո՛ւք չե՛ք գանգատվում, հա՛... Մի բաժակ օդին, ձեր մուրհակների պատեկը կազատի՞ ձեզ... Հիմարնե՛ր եք դուք, հիմարնե՛ր... Նա ձեր բերանը փակեց, որ այսուհետև ձեր կաշին ավելի՛ լավ քերթի... Ի՞նչ է, այլևս փողի պետք չե՞ք ունենալու. այլևս ձեր այգին, ձեր հողը միշտ բերրի՞ կլինի... Եվ ահա նա դա՛րձյալ կքերթի ձեզ, խմցրած մի բաժակ օդու, պատռած մուրհակների փոխարեն՝ տասնապատիկ կհանի ձեզնից... Հիմարնե՛ր...

ՄԱՐԳԱՐ.— Դե էլ ի՞նչ ես նեղանում, Ալեքսան բեկ. Գրիգոր աղեն խոքե՛զ էլ վատություն չի արել... Իր բերնո՛վն ասեց, որ հորդ պարտքը բա՛խշել ա, որ իր փողո՛վն ա քեզ ուսում տվել, որ իր աղջի՛կը քեզ կտար, թե դու ըտենց...

ԱՐՇԱԿ.— Ձայնդ կտրի՛ր, ախմա՛խ մորուք... Հիմի Գրիգոր աղի ասածներին հավատում ես, հա՛... Բայց մոռացե՛լ ես, որ անե՛ծք, էլ ո՛ւշուց չէիր թողնում, որ շասեիր նրան... Տո՛, անցյալ տարի չէ՛ր, որ կթան կովդ ծախեց-տարավ... Քյո՛ւ...

ԲԱՂԴԱՍԱՐ.— (Դառնում է դեպի դուր): Գնա՛նք, ա՛ խալիս, մենք էլ ըստեղ գործ չունենք... (Ալեքսանին): էլ մեզ խո ասելիք չու՛նե՞ս, Ալեքսա՛ն բեկ...

ԱԼԵՔՍԱՆԴՐ.— (Մոտենում է երան): Այո՛, ասելի՛ք ունեմ... Լսի՛ր ինձ, ա՛մի, և լա՛վ լսիր... Ես քեզ կխնայեմ, պատճել չե՛մ տա, ծեք մարդ ես... Բայց քեզ վկա եմ կանչել տալու. ձեռքդ ավետարանի ու խաչի վրա պիտի դնես և ճշմարիտը ասես... Տեսնենք, կարո՞ղ ես այնտեղ էլ շխտել:

ԲԱՂԴԱՍԱՐ.— (Վախեցած): Բա ինչի՞... յանի որ... երգո՞ւմ ինչի պիտի տամ... Ձե՛մ տա. երգում չե՛մ տա...

ԱՐՇԱԿ.— Քեզ կստիպեն...

ԲԱՂԴԱՍԱՐ.— Փիե՛...

ՄՅՈՒՍ ԳՅՈՒՂԱՑԻՔ.— (Միաժամանակ): Չոռո՞վ...

ԱԼԵՔՍԱՆԴՐ.— Վկա որ կանչվեք, ես կպահանջեմ, որ ձեզ երդվեցնեն...
ԳՅՈՒՂԱՑԻՔ.— (Շփոթված միմյանց երեսին են նայում):

ՋԱՔԱՐ.— Ա՛ քեզ մատաղ, Ալե՛քսան բեկ, մենք ի՞նչ փիսուքություն ենք արել քեզ, որ առձեռ տեղը մեզ խա՛թի մեջ ես գցում... Բա մենք կարա՞նք երգում տանք՝ ու սուտը ասենք, բա աստված մեզ չի՞ էրիլ...

ԱԼԵՔՍԱՆԻՐ.— Աստված էլ կէրի, հետո, որ դուրս եկավ՝ սուտ երգիլի էք, վա՛յ ձեզ. սիբիրա՛կան կղառնաք... Դե՛, գնացե՛ք այժմ. ձեզ բոլորիդ վկա եմ գրում...

ՄԱՐԳԱՐ.— Ալեքսան բեկ, մե՛ղք ենք, մի՛ անի:

ԱՐՇԱԿ.— (Մտաբեկում է նրանց): Դուք ի՞նչ մարդիկ էք, որ ձեզ մեղքանան. դուք ախճախներ էք... Մարդը ըստեղ իրան զրկե՛մ ա, իր կյանքն ա փշրում, որ ձեզ լավություն անի...

ԲԱՂԳԱՍԱՐ.— Դե թող շա՛նի էդ լավությունը. չե՛նք ուզում...

ԱՐՇԱԿ.— Թյո՛ւ ես ձեր (Հրելով գյուղացոց): Գնացե՛ք, գնացե՛ք, հե՛տո ինքներդ կտեսներ, թե ի՞նչ ախճախներ էք եղել...

ՍԵՐՈՒՐ.— (Առաջ է գալիս): Ինձ վկա՛ գրի, Ալեքսան բեկ. ես չե՛մ ծախի հոգիս. ես հասկանում եմ, որ դու մեր լավն ես ուզում, որ ուզում ես գեղը Գրիգոր աղի ձեռքիցը ազատել... (Գյուղացոց): Ադա, բաս ծախի խե՛ղք էլ չունեք... Ասե՛նք հիմի Գրիգոր աղին ձեր պարտքը բարխեց... Կբարխի, բա ի՞նչ կանի. վախն ընկիլ ա ջանը. սուղից վախենում ա. ընենց ա անում, որ անիրավությունների ճոնդերը ծածկի... Բա հիմի արավ, ինքն էլ պրծավ, է՛լի գեղումը մնաց... տո՛, էլ պարտք չե՛նք անելու, էլ մեր բազը չի՞ խարաբ ըլի, յա քյասաղ տարի չի՞ գա... Յա թե՛ Գրիգոր աղեն է՛ջ կըլի, որ այսուհետև գործը փիս բռնի... Հը՞, ա՛ խալխը, դրուստ չե՛մ ասում... (Ավելի մտաբեկարով և համոզողական): Տո՛, ասե՛նք թե ածղահան եկել ա՛՞ գեղիցը մա՛րդ ա ուզում, որ գեղը կուլ շտա... Սա մի հեքիա՛թ ա... Որ էսօր տվիր՝ կշտացավ, ա՛, բաս էլ չի՞ քաղցածանալու. էլ ետ չի՞ գալու ուզի, ու ըստենց սաղ գեղը ուտի՞... Դե՛, Գրիգոր աղան ածղահա ա, է՛լի... էսօր վախությունից ձենը կտրեց, եղ քսեց մեր գլխին, լավամարդ դարձավ... տո՛, բաս հենց ըստենց չե՛ն խաբում մեզ... Բա չե՛ք տեսել՝ տղերքը ո՞նց են խաղում... փիսո՛, փիսո՛... ու բամփաչեն գլխովը տալի՞ս... (Արշակին): Հը՞, քյոխվա՛, փի՞ս եմ ասում, ըստե՛նց չի...

ԱԼԵՔՍԱՆԻՐ.— (Որ զարմացած և հիացմունքով լսել էր): Ա՛յ քեզ ճարտարախոս...

ԱՐՇԱԿ.— (Սերոբին): Այ դու շա՛տ ապրես, Սերո՛ր, մարդ մարդ ես եղել... Ըստենց ա, բա ը՛տենց չի:

ՍԵՐՈՒՐ.— (Գյուղացոց): Մեկ էլ որ, ա՛ խալխը, կուզեք ձեռք քաշեք, կուզեք՝ չե՛մեկ վկա են կանչելու, երդո՛ւմ են տալու... Բա ինչի՞, մենք մլթո՞նի ենք, հայ քրիստոնյա չե՛նք, որ համ երդում տանք, համ էլ սուտ խոսանք... Տո՛, յանի որ սուտ էլ խոսանք, սլեսչին հիմա՛ր ա, չի՞ կարա մեզ խոսացնելուց՝ մեր սուտը բռնի... էի

վախտն էլ խո սիբիրակա՞ն կըլենք... Չէ՛, ախպի՛ր... (Ալեքսանին): Գրի՛ր, Ալեքսան բեկ... Ես չե՛մ կարա ձեռքս ավետարանի վրա դնեմ ու սուտ խոսեմ...

ԲԱՂԳԱՍԱՐ.— (Մեղմ): Թե երդում տալ տվին— յանի որ... ես էլ չե՛մ կարա սուտ խոսալ...

ՉԱՔԱՐ.— Ալեքսան բեկ, չի՞ ըլի, որ ինձ ազատես... Խե՛ղճ մարդ եմ, մի՛ գցիլ ինձ խաթի մեջ...

ԱԼԵՔՍԱՆԻՐ.— (Միծաղելով): Տո՛, որ դրուստը խոսես՝ խաթի մե՛ջ կընկնես... (Գյուղացոց): Բաս է՞դ էր ձեր արջի որս գնալը... էլ ի՞նչ էիք մեծ-մեծ բրդում... Դո՛ւ, Բաղդասա՛ր ամի, ասում էիր, թե կխսե՛նք արջը, հա՛յ կքերթենք... Գնացե՛ք, գնացե՛ք. ձեզ բոլորիդ վկա կգրեմ... Չուզեցի՞նք ձեր բողոքը, թի՛ղ ես ապերախտ լինեմ, թող ամեն ծանրություն ինձ վրա միայն ընկնի...

11) Նույն և եսույնը

(Հանկարծ դուր բացվում է, սենյակն են մտնում, նախ մի եսույ՛ն՝ ձեռքին մեծ ծրար. ետևից երևում են երկու-երեք ուրիշ եսույ՛ններ, հետո՝ Սահակի, տիկ. Մանուկյանի, Մարգարի և Կիրակոսի վախեցած դեմքերը):

Մի եսույն.— (Քայլում է դեպի Արշակը և պարզում է նրան ծրարը): Նաչալնիկից հրաման... Շտապողական է...

ԱՐՇԱԿ.— (Չարմացած և վախեցած՝ վերցնում է ծրարը և բաց է անում. միաժամանակ): Հրամա՞ն... Շտապողական... (Սկսում է կարդալ: Ամենքը սրտատրոփ և վախեցած դեմքերով հետևում են կարդալուն):

ԱՐՇԱԿ.— (Կարդալիս ցնցվում է, գունաթափվում: Երբ վերջացնում է, ձեռքերը թուլանում են և իջնում: Ալեքսանին): Հրամանը ձե՛զ է վերաբերում... Նահանգապետը հրամայել է անմիջապես ձերբակալել ձեզ, հանձնել եսույնների ձեռքը և քաղաք ուղարկել...

ԱԼԵՔՍԱՆԻՐ.— (Ապշած): Ի՞նձ... ձերբակալե՛լ...

ԱՐՇԱԿ.— Ամբաստանված եք իբր հեղափոխական...

ԱԼԵՔՍԱՆԻՐ.— Իբր... իբր ի՞նչ... հեղափոխական:

ԱՐՇԱԿ.— Նա՛ է. այն հրեջը... այդպիսի գեներալ է կոչում այժմ...

ԱԼԵՔՍԱՆԻՐ.— Այդպե՛ս... (Մի րոպե լուռ մնում է, հետո հանկարծ վրձնականորեն բարձրացնում է գլուխը, դառն կերով ծպտում, մտաբեկում է սեղանին, շղայնությամբ մի քանի տոկ բան է գրում բողոքի տակ, շորացնում և պարզում է Արշակին): Եվ այնուամենայնիվ

ալարո՞ն տանուտեր, ահա բողոքը... Ընթացք տվեք գործին... (Ապա դառնում է դեպի եսաուլը, քայլում դեպի նրանց և վեհորեն): Պատ-
րա՛ստ եմ...

(Շքապատվա՛ծ գնում է դեպի դուռը: Ամենքը սոսկումով նանա-
պարհ են տալիս: Պատկեր):

ՎԵՐՋ

1904

ԲՈՎԱՆԴԱԿՈՒԹՅՈՒՆ

ԶՐՈՒՑՑՆԵՐ

Մարդագալլ	21
Զգայնաշափ	41
Մեծ փականք	43
Լուր-դա-լուր	46
Այիշա	51
Ծրկու թռչուն	55
Առյուծի մահը	60
Անհագը	64
Ինչո՞ւմն էր ուժը	95
Կլոր աստվածներ	68
Ըմբոստի մահը	103
Արձանը	106
Կորսված արդարութուն	112
Առվակը	115
Վիշապ	118
Ստամոքսի համար	125
Անտառը շարժվում է...	127
Ջարթնեկ է առյուծը	133
Ջո՛ւակ	141
Մոլ	150
Խելոջ արաղաղներ	153
Պայտարի հոգին	160

ՊԱՏՄՎԱԾՔՆԵՐ

Ենիշերի	166
Շահա	183

1 Այն տեղերը, ուր գրված են երեք կետեր (...), զերականաբար պետք է փոքրիկ թիվերներ (պատուգ) տալ:

«Մշակ-աղա»	195
Գրիր, արյունով գրիր...	199
Անապատի մեջ	211
Ճգնավոր ճղո	221
Արդար դատաստան	246
Երկրի ձայնը	264
Աննա	273
Զի՛ստի	289
Քար շարդողներ	293
Գիշերային ժամերգություն	299
Արտը	308
Զվարճացանք...	310
Մովի վրա	315
Արյան բծեր	320
Կըշան	327
Ոչխարներ	336
Մերկ դերվիշը	339
Մենոողները բարևում են ձեզ	342
Զուռ-քար	349
Կույրը	359
Քյոխվա	385
Ստարշինա	404
Սերմնացանը	424
Հողի աշխատավորը	431
Զորագլխին	446
Խաղ	469
Մովափին	496
Մի պատկեր	538
Սանթո	545
Խաթ-Սաբա	586
Ըմբոստ երգեր	610
ԺԱՅՌ. (Դրամա շոք գործողությամբ)	621

«ՀԱՅ ԴԱՍԱԿԱՆՆԵՐԻ ԳՐԱԴԱՐԱՆ»

Վերանես Փափազյան
ԵՐԿԵՐ

(Զրույցներ, պատմվածքներ, դրամա)

Вртанес Папазян
СОЧИНЕНИЯ

(Беседы, рассказы, драма)

(На армянском языке)

Издательство «Советакан грох»

Ереван, 1987

Խմբագիր՝ Ռ. Գ. Սարգսյան

Նկարիչ՝ Մ. Ռ. Սոսոյան

Գեղ. խմբագիր՝ Հ. Ս. Մալխասյան

Տեխ. խմբագիր՝ Վ. Գ. Ավագյան

Վերստուգող սրբագրիչ՝ Հ. Ն. Զոյան

ИБ 5898

Հանձնված է շարվածքի 25. 05. 1987 թ.: Ստրագրված է տպագրության 14. 09. 1987 թ.:

Տորմատ՝ $60 \times 84 \frac{1}{16}$: Քուղթ՝ տպագր. № 1: Տառատեսակ՝ «Գրքի սովոր.»: Տպագրության՝ բարձր, 40,4 պայմ. տպ. մամ., 38,1 հրատ. մամ.: Տպարանակ՝ 51000: (1 թողարկում 1—38000): Պատվեր՝ 1611: Գինը՝ 3 ռ. 50 կոպ.:

«Սովետական գրող» հրատարակչություն, Երևան—9, Տերյան 91:

Издательство «Советакан грох», Ереван—9, ул. Теряна, 91.

ՀՍՍՀ հրատարակչությունների, պոլիգրաֆիայի և գրքի առևտրի գործերի պետական կոմիտեի № 1 տպարան, Երևան—10, Ալավերդյան փող. 65:

Типография № 1 Госкомитета по делам издательств, полиграфии и книжной торговли, Арм. ССР. Ереван-10, ул. Алавердяна, 65.